





19.2.1

---

Ex Bibliotheca  
majori Coll. Rom.  
Societ. Jesu

13-21.d.37

18.3.10.

19  
D  
21











DIVINVM AC IMMOBILE  
**S. PÈTRI**

APOSTOLORVM PRINCIPIS,

*Circà omnium sub cælo Fidelium ad Romanam ejus Cathedram*

**APPELLATIONES**

*Adversùm profanas hodie vocum novitates*

**ASSERTUM PRIVILEGIUM,**

P E R

Fr. CHRISTIANUM LUPUM, Iprensem,

*In Alma Lovaniensi Universitate Sacræ Theologiæ Doctorem, ac  
Professorem Primarium & Regium, Eremitarum S. AUGUSTINI  
nuper Priorem Provinciale.*



*M O G V N T I Æ,*

Typis LVDOVICI BOVRGEAT 1681.

Sanctus Gelasius Pontifex Epist. 4.

**N**obis opponunt Canones, dum nesciunt quid loquantur: Contra quos hoc ipso venire se produnt, quod Primæ Sedi, sana rectaq; suadenti, parere fugiunt. Ipsi sunt Canones, qui Appellationes totius Ecclesiæ ad hujus Sedis examen voluere deferri. Ab ipsa verò nusquam prorsus appellari debere sanxerunt. Ac per hoc illam de tota Ecclesia judicare, ipsam ad nullius commeare judicium, nec de ejus unquam præceperunt judicio judicari. Sententiamq; illius constituerunt non oportere dissolvi, cujus potius Decreta sequenda mandarunt.



SANCTISSIMO DOMINO,  
A C  
BEATISSIMO PATRI,  
D O M I N O  
INNOCENTIO XI.  
CATHOLICÆ ECCLESIAE  
PONTIFICI  
OPTIMO MAXIMO.

BEATISSIME PATER,



Anctum Petrum Apostolum, ejusque  
in Romana Cathedra Successorem, post  
Dominum Deum esse primum totius  
Mundi Patrem ac Doctorem, rectè apud  
Bonifacii secundi Pontificis Consistorium  
solemniter professus fuit Stephanus Laris-  
sæ Episcopus, Metropolita Thessaliæ. Hinc dubias & mo-

## E P I S T O L A

rum, & Dogmatum quæstiones ad ipsum referre, atque ab ejus Sacro-sancto & supremo Oraculo, infallibili ac semper immaculato Evangelici Depositi Custode, atque Interprete, Orthodoxam veritatem & Catholicam pacem supplicare atque accipere, est Apostolica institutio, perpetua consuetudo omnium Ecclesiarum. Et hac in pietate semper cunctis antecelluit Gallicana Ecclesia. Etenim ad Viennensis Provinciæ Episcopos scripsit olim Magnus Leo: *Nobiscum vestra Fraternitas recognoscat Apostolicam Sedem pro sui reverentia à vestra etiam Provinciæ Sacerdotibus, innumeris relationibus esse consultam. Unicæ istius Provinciæ relationes affirmat esse innumeras. Quod S. Victricius Rothomagensis Episcopus, secundæ Lugdunensis Provinciæ Metropolitæ, licentiosos Moralis Theologi Articulos ad sanctum Innocentium primum retulerit damnandos, docemur ab hujus ad illum Rescripto: Exstiterunt nonnulli, qui Statuta Majorum non tenentes, castitatem Ecclesiæ suâ præsumptione violarent, Populi favorem sequentes, & Dei Iudicium non timentes. Hominibus placendi amor, est consuetus fons istiusmodi libertatum. Plurima sunt istiusmodi exempla Gallicanæ Ecclesiæ: Et vetusta, & recentia. Nec mirum. Etenim ad Alexandrum tertium Pontificem verè scripsit Guilielmus Electus Carnutenis Ecclesiæ: *Inter omnia Regna Mundi non est ex animi mei sententia Regnum, quod fidem sinceriolem, charitatem ferventiolem, devotionem uberiolem Apostolicæ Sedi semper exhibuerit, quàm Francorum. Non est inter Reges & Principes, qui benignius exaudiat preces.**



## D E D I C A T O R I A.

preces vestras, qui Mandatis obediatur humiliter, qui Ecclesiam & Viros Ecclesiasticos devotius honoret, & studiosius tueatur, Christianissimo Rege nostro. Non est Ecclesia, quæ Romanæ Ecclesiæ fuerit utilior in omnibus angustiis suis, quàm Gallicana. Exstat epistola in Regeſto S. Thomæ Archi-Episcopi Cantuariensis. Quàm promptâ mente, non soli cunctarum Gentium Christiani Reges, sed & ipsi Romanæ Monarchiæ Augusti Principes, consueverint has Romanorum Pontificum Decisiones amplecti, docet nos Imperator Justinianus, tunc Domesticorum Comes, de Articulis per Schytiæ Monachos ad Apostolicam Sedem relatis scribens ac supplicans Hormisdæ Pontifici: *Quid suscipiendum sit, quid sequi, quid super hoc evitare debeamus, Paternâ provisione Reverentia vestra cautissimo suo Rescripto nos certiorare dignetur. Imponite igitur vobis semel susceptum laborem, Sancte & venerabilis Pater, & de hac intentione liberos nos properetis reddere, & securos. Hoc enim credimus esse Catholicum, quod vestro Religioso Responso nobis fuerit intimatum. Hujus obedientiæ plenitudinem singulariter emicuisse in Gallicana olim Ecclesia, demonstrat sanctissimus destructæ apud nos Christianitatis Restaurator Apostolus Bonifacius: Tantâ reverentiâ Apicem Apostolicæ Sedis omnes suscipiunt, ut sanctorum Canonum disciplinam, & antiquam Christianæ Religionis institutionem, magis ab ore Præcessoris ejus, quàm à sacris Paginis & Paternis Traditionibus expetant. Illius velle, illius nolle tantum explorant, ut ad ejus arbitrium suam conversationem & ipsi remittant aut intendunt.*

## E P I S T O L A

Pari pietate Clementissimus Dominus noster, & Rex Catholicus Carolus secundus ad Venerabiles vestrae Sanctitatis Pedes transmisit nos, supplicaturos variis Christianae vitae Capitibus Apostolicum Judicium, laxatae Disciplinae medelam, Ecclesiasticam quietem suis Populis ac Ditionibus. Et vestrae Beatitudinis Divinus pro Catholica Regula zelus est imitatus sanctum suum Antecessorem Innocentium, rescribentem laudato Victorio: *Ergo ne silentio nostro existimemur his praebere consensum, dicente Domino, Videbas furem, & currebas cum eo, haec sunt quae deinceps intuitu Divini Iudicii omnem Catholicum expedit custodire.* Proscripsit & damnavit sexaginta quinque Christianis moribus scandalosos ac perniciosos Articulos: Evangelico Apostolicae auctoritatis Ventilabro multam novarum ac pravarum vocum paleam e quibusdam Scholasticorum Doctorum Aereis sanctissime eventilavit. Venerabile opus summo cum gaudio excepit omnis Ecclesia. Veri namque Fideles nihil explorant, nisi vestrum velle, aut vestrum nolle. Quisquis ei non acquiescit, se adjungit numero illorum, de quibus ad Possessorem nescio cujus in Africa Sedis Episcopum vester Antecessor Hormisdas: *Quando virus, quod viscera penetravit, evellitur? Quando corda male sibi credula veritatis obtemperant Institutis? Quando induit obedientiae humilitatem opinionibus suis vallata superbia? Quando acquiescunt paci contentionum studiis adsueta, sola certamina de Religione amantes captare, & Mandata negligere? Nunquam apud eos charitas novo commendata Praecepto, nunquam pax Dominico relicta discessu: Vna pertinacis cura*  
*Propositi*

## DEDICATORIA.

*Propositi, rationi velle imperare, non cedere. Contemptores authoritatum veterum, novarum cupidi questionum, solam putantes scientiæ rectam viam qualibet conceptam facilitate sententiam: Eò usq̃ tumoris elati, ut ad arbitrium suum utriusque Orbis putent inclinandum esse Iudicium, nec in numero Fidelium deputantes Sequaces Traditionis Paternæ, si suæ viderint cedere nolle sententiæ.*

At ecce dum ex hujus vestri saluberrimi examinis atque Judicii causa moras duco in alma Urbe, & ob literariorum instrumentorum absentiam cogor inchoatis Synodorum Scholiis largiri ferias, incido in Magni Papæ Leonis opera, novis typis & Commentariis donata per Paschasium Quæsnellum, apud Parisienses Presbyterum Congregationis Oratorii Domini Jesu. Commentariis eruditis. Dignis carere nævo & rugâ. Verùm ad eò rugosa sunt, ut etiam ipsum, cujus Encomiasten agunt, invadant Magnum Leonem, adseverantia eum, dum suæ Cathedræ Phylacteria studet ampliare, excessisse in Canones, in Provincialium Synodorum jura, in privilegia & libertatem Ecclesiarum. Quin & ipsum impetit Apostolorum Principem, ejusque Divinam Potestatem, quâ à Christo Domino accepit solvere omnia, & suos in iniquæ damnationis salo fluctuantes aut naufragantes Fratres confirmare. Romanas totius Mundi appellationes contendit esse non à Divina Majestate impartitam Romanæ Cathedræ authoritatem, sed nescio quod Hosii Cordubensis Episcopi, & Sardicensis non-Oecumenicæ Synodi fragile Indultum. Quin immò prorumpit ulterius. Etenim  
scribit:

## EPISTOLA

Scribit: *Certissimè evincitur Orientales ab Occidentalium ore tunc temporis non pependisse.* Est diserta ac lucida professio Eusebiani Schismatis: Philippo-Politani Conventiculi. Longè aliud nos docet Stephanus, laudatus Larissæ Episcopus, adversus sibi inflictam ab Epiphanio Patriarcha Constantinopolitano degradationem clamans ad vestrum Antecessorem Bonifacium: *Si enim & alia peccata dimittere potestatem à Verbo Dei percepistis, Divinâ dicente Scripturâ, quia quod in terra solveritis, hoc & in cœlis esse solutum, quanto magis habebitis potestatem in his, quæ adversus me acta sunt atq; decreta?* Profitetur, non solum Metropolitaram, sed & Patriarcharum, nec duntaxat circa fidei dogmata, sed etiam circa Canonicas causas Synodalia judicia posse retractari & exufflari per Romanorum Episcopos, & hanc potestatem esse non modicam portionem cœlestium Clavium, quas Magister-Deus dedit S. Petro.

Nec in solum Apostolici Collegii Coryphæum, ac ejus Romanam Sedem sistit istorum Commentariorum injuria. Invadit omnes Episcopos, omnes Christianos. Etenim ad Sylvanectensis, quæ Rothaldum Sueffionensem Episcopum exauthorârat, Synodi Antistites rectè scripsit. Sanctus & Magnus Pontifex Nicolaus: *Privilegiâ Sedis nostræ usq; ad mortem, Divinâ annuente gratiâ, vestigia Patrum nostrorum sequentes, defendemus.* Sed et vos illa, quatenus illibata, utpote totius Ecclesiæ Domini remedia, custodiantur, toto conamine & omnibus votis operari ac desudare debetis. Quoniam Apostolica Sedis Privilegia sunt tegmina, ut ita dicamus, totius Ecclesiæ Catholica

## DEDICATORIA.

*tholica. Privilegia, inquam, hujus Ecclesiæ sunt munimina circa omnes impetus pravitatum. Nam quod Rothaldo hodie contigit, unde scitis, quod cras cuilibet non eveniat vestrum? Quod ipsum, uti caput magni ponderis, repetit in literis ad Francorum Regem Carolum Calvum, ac in literis ad Rudolphum Archi-Episcopum Bituricensem. Agit in Hincmarum Metropolitam Rhemensium Rothaldi Degradatorem, Romanas appellationes ordientem rodere, & musitantem ipsas adversari Juribus Provincialium Synodorum: Rosionem in plenum morsum, musitationem in altum clamorem perficiunt hæc Commentaria. Clamant Sardicensis Synodi commentum non transisse in mores, Provincialium Synodorum Judicia mansisse olim suprema & inconcussa, nulli subesse nisi Oecumenicæ Synodo totius Ecclesiæ, damnatos olim Episcopos ad hanc solam, non ad Romanam Sedem provocasse. Omnibus Christianis claudunt Divinum illum ac Beatissimum portum, in quò tot omni sæculo magni quarumcumque Gentium Episcopi, itemque Clerici ac Laici, inflicta sibi aut intentata à suis Metropolitæ aut Patriarchis Synodalia naufragia gloriose evaserunt. Innovant & firmant Eusebianæ Factionis Philippo-Politanam Aristocratiam. Improbant Matrem Ecclesiam, quæ cum Photianæ Rebellionis Sæctatoribus Græcis nunquam sustinuit redire in communionem, nisi S. Petro reparatis ac ex integro redditis omnium gentium appellationibus. Scio illa Commentaria multis verborum phaleris profiteri*

## E P I S T O L A

Primatum Romanæ Ecclesiæ. At sibi-ipsi non cohærere fabulam demonstrat in literis ad Thessaliæ Episcopos. Sanctus Pontifex Bonifacius primus: *Tenet Sedes Apostolica Principatum, ut querelas omnium licenter acceptet.* Porro Commentaria habent non paucos Symmystas. Omnium Princeps est Petrus de Marca, Archi-Episcopus Parisiensis Ecclesiæ. Et malum non desinit serpere. Haud leve malum. Verè enim ad Orientalis Illyrici Episcopos scripsit laudatus Bonifacius: *In S. Petri contumeliam quisquis insurgit, habitator cælestium non poterit esse Regnorum, in quæ nullus sine gratia Ianitoris intrabit.*

Quis hæc Christiano pectore considerans, in anima sua non sentiat aliquam scintillam istius Sacro-sancti Ignis, cujus plenam flammam sensit Jeremias Propheta: *Factus est in corde meo quasi ignis ex æstuans, claususq; in ossibus meis. Et defeci, ferre non sustinens.* Cum Magno Leone novi Apostolicam Cathedram esse Sacratissimæ firmitatis Petram, cui nec Inferorum portæ, longè minùs humana possit prævalere temeritas. Nihilominus ad vindicandam ejus dignitatem optabam saltem duo pauperculæ Viduæ minuta conferre. Verùm deerat sanitas, deerat libraria suppellex. Animavit me Facundus Hermianensis Episcopus: *Mocianus cõgît me non consideratis viribus valetudinis meæ, & quomodocumque inceptis ejus Assertionibus respondere. Nam & Codices ad necessaria Testimonia requirenda mihi nunc desunt.* Etiam de suis eruditissimis duodecim libris præfatur: *Hoc opus suadentibus fratribus ad Imperatorem Constantinopoli scripsi.*  
Facun-

## DEDICATORIA.

Facundum semper aestimavi, & fui veneratus. Ex animo dolui tantum Virum pro iniqua & frivola causa expendisse tempus, & quasi pro schismate gloriosam famam decoxisse. Hinc ex ipso deduxi exemplum: Si pro suis infelicibus Capitulis Facundus, non solum sine sanitate & libris, sed & sine Divini luminis subsidio tantum valuit, cur pro Divina Apostolicæ Sedis causa tantumdem quis non audeat, S. Petri meritis & celesti radio ducendus omnino, atque adjuvandus? A Spiritu Sancto, quem vestræ Beatitudini adesse cuncti videmus manifestis indiciis, præsumpsi omnia mihi suggerenda.

Sanctissima vestra opera altè clamant ad omnem Ecclesiam: *Spiritus Dei est hic.* Etenim quid sanctius sub Cœlo, quod Romano Pontifice magis dignum opus, quàm Apostolicam sanctimoniam revocare in Clerum, atque ita cum S. Joanne Baptista corda Patrum reducere in filios? Exstat Magni Cardinalis Juliani Cæsarini, adhuc legitimo Basileensi Concilio præsidentis, ad Eugenium quartum Pontificem gravissima epistola, quâ nervosè docet necessitatem istius operis, nec aliam superesse viam aut spem, quâ in Christianum Populum tunc restitueretur benedictio Divinæ Clementiæ. Quantæ plagæ ex lapsa & neglecta Cleri Disciplina in Ecclesiam irruant, & vario tempore irruerint, malim legi in Regesto sancti Gregorii septimi Pontificis, & literis sancti Cardinalis Petri Damiani, quàm scribere. Ab ista Præaltorum somnolentia Ecclesiam quasi in afflictionis sepulchro

## E P I S T O L A

pulchro concludi constanter asserit ille Gregorius. Per istam portam Saraceni, Turci, Nortmanni, Barbari omnes, Hussitæ, Lutherani, aliæque humani generis pestilentia intraverunt in mundum. Quin & Gentilium olim Persecutiones intrasse per istam portam testatur gloriosus Martyr Cyprianus in Sermone de lapsis. Inchoatum à vestra sanctitate opus, quàm sit acceptum Divinæ Majestati, olim in Germaniæ Monasteriis demonstrârunt Sanctorum Reliquiæ: In restauratæ Disciplinæ Ecclesiis cœperunt intra suas thecas exultare, & frequentibus cocuscare miraculis. Ita habemus in Chronico Augustensis Ecclesiæ. Et hanc esse propriam Apostolicæ Sedis functionem, licet res ipsa clamet, insigniter tamen ob quorundam contra Benedictum duodecimum Pontificem obloquia, demonstrârunt Magnum Belgii Chronicon, & Henricus Monachus Rebdoiffensis.

Sanctissima vestra Providentia juxta sancti Petri Damiani consilium rectissimè exordium ducit à supremo Clero Romanæ Ecclesiæ. Nempè Spiritus Sanctus Te docet Christianæ Sanctimonix unguentum debere fundi in caput Aaron, quod inde per barbam diffluat usque ad oras totius vestimenti. Et certè Apostolici Patrimonii non recta dispensatio quantum percutiat & lædat infirmas simplicis fidei conscientias, docet concepta in Symmachum Pontificem suspicio. Erat temeraria & falsa. Nihilominus tantum valuit, ut Ro-

mana



## DEDICATORIA.

mana plebs ipsum lapidârit. Quod quisque Episcopus Ecclesiæ suæ substantiam, non per filios aut Nepotes, sed per Presbyteros aut Diaconos administrare debeat, & quod ipsis, nisi forsitan Pauperibus, ut minusegeant, nihil possit elargiri, est altissimus clamor Sacrorum Canonum. Nec sine gravi vindicta dantium atque accipientium. Episcopos, qui Nepotibus Dignitates, licet non ex Ecclesiæ facultatibus, sed à Principis gratia ambirent, gravissimè culpavit sanctus Gregorius Nazianzenus. Ex eodem opere Theophilum Alexandria Patriarcham malè apud omnes oluisse affirmat Palladii Helenopolitani Episcopi Dialogus cum Theodoro Diacono Romanæ Ecclesiæ. Quid sancti Cyrilli Nepotibus ex isto fonte manaverit, ostendunt Acta Chalcedonensis Concilii. Crimen istud adeò averfatus est Impèrator Justinianus, ut eos qui Nepotes haberent aut filios, ad Episcopatum reddiderit inidoneos. Et istas olim leges adeò venerata est Romana Ecclesia, ut propter ipsas Pelagius primus Pontifex Syracusanæ Ecclesiæ Electum, quod filios haberet superstites, nec ad Cethegi Patritii preces fuerit ausus confirmare. Et sanè vestra Sanctitas novit plenam Sacrorum Canonum custodiam ad nullam arctiùs spectare Sedem, quàm ad primam. Novit illos esse Spiritu Dei conditos, idèdque etiam Apostolicæ Sedis Reverentiâ consecrandos.

Qua in re æmulatur Eugenium III. Papam, qui Nepotem

## E P I S T O L A

suum Gratianum Romanæ Ecclesiæ sub-Diaconum, virum omni virtutum splendore illustrem, nunquam voluit, vel in Diaconum suum sublimare. Vnde utriusque tanta crevit autoritas, ut etiam post Pontificis mortem Henricus secundus Angliæ Rex in suis contra Ecclesiasticam libertatem insultibus, magis timuerit istum unicum sub-Diaconum, quàm omnes Eminentissimos Dominos Cardinales. Ex eadem radice Sanctitati vestræ apud omnes hujus Mundi potestates non minor est autoritas, quàm Beato Pio quinto Pontifici Elizabetham Angliæ Reginam excommunicanti fuisse scribit in Anglicani schismatis historia Venerabilis Nicolaus Sanderus. \* *Quod Iudicium Hæreticos in primis malè habuit, quod non ab alio Pontifice profectum sit, quàm ab eo, qui omnium bonorum calculis sanctissimus, & ipsorum Protestantium opinione, in optimis multorum sæculorum Pontificibus habebatur.*

\* Libro 3.

Ceterùm, qui Vestram Sanctitatem tam gloriosis & necessariis citra quietem laboribus videt distendi, quomodò possit feriari? Hæc enim sunt opera, quæ omninò consequetur magnus ille fructus, quem similibus ab Antecessore vestro Joanne secundo postulatis ac præstitis operibus promisit Imperator Justinianus: *Plus ita & circa vos omnium amor, & vestræ Sedis crescet autoritas.* Hinc & ipse apprehendi instrumenta literaria, & pro Apostolica Sede feci, non quod debui aut volui, sed quod potui. *Vt desint vires, tamen est laudanda voluntas.* Hanc spero placituras Benignissimæ Sanctitati vestræ, quam ad suæ Ecclesiæ solatium

Divina

DEDICATORIA.

Divina Clementia dignetur in multa tempora custodire.

*Dabam Romæ, ad Divi Augustini, in Festo  
Sanctorum Apostolorum Petri ac Pauli, 1679.*

Sanctitatis Vestræ

Minimus Famulus

ac Filius,

FR. CHRISTIANVS LVPVS.

# APPROBATIO.

ADMODUM R. D. CENSORIS.



Eximii Patris ac Magistri CHRISTIANI LUPI, Sacræ Theologiæ Doctoris & in Facultate Theologica Lovanienſi Regentis, nec non Theologiæ Scholaſticæ Regii, ac Primarii Profeſſoris Liber, cui Titulus, DIVINUM AC IMMOBILE APOSTOLICÆ SEDIS &c, Maxima antiquitatis eruditione plenus, meritiò luci publicæ dabitur. Ita cenſeo Lovanii die ſecunda Aprilis anno M. DG. LXXXI.

NICOLAVS DV BOIS.

*Sacrarum Litterarum ibidem*

*Primarius Profeſſor &c.*

---

Ego inſcriptus Ord. Erem. S. P.  
N. Auguſtini Provinciæ Belgicæ  
Prior Provincialis,



Acultatem facio Reverendo Admodum ac Eximio Patri Magiſtro CHRISTIANO LUPO, ejuſdem Provinciæ Ex-Provinciali, ut Liber, cui Titulus (DIVINUM AC IMMOBILE S. PETRI APOSTOLORUM PRINCIPIS PRIVILEGIUM) à Theologiſ ad hoc deputatis approbatus, typis mandetur. Datum Lovanii 27, Februarii 1681.

Fr. JOANNES SMIDTS.

DIVINUM AC IMMOBILE  
APOSTOLICÆ SEDIS

Quoad Romanas Appellationes Privilegium,  
ADSSERTUM AC DEMONSTRATUM

*Adversus quosdam nostrorum*

TEMPORUM NOVATORES.



Ost laudatas suas parabolas Sapiens Ecclesia-  
stes adjunxit: *His amplius, fili mi, nē requiras.*  
*Faciendū plures libros nullus est finis: Frequensque me-*  
*ditatio, carnis afflictio est.* Alii legunt: *Fili mi cave ne*  
*multos libros conscribas. Non est finis.* Quem tex-  
tum olim Origeni, plurimorum librorum scri-  
ptori, quidam objecerunt. Hinc se in Philocalia  
purgaturus demonstrat omnes veritatis adser-  
tores libros non esse nisi unicum, & solum

Cap. 12.

errorem dividi in plures, atque concludit: "Quare si hæc fidem fa-  
cere apud vos possunt, quid sit unus liber, & quid multi, nunc  
magis sum sollicitus, non quidem propter multitudinem Scripto-  
rum, sed propter vim intellectuum, nē forsan eò prolabar ut  
Mandatum transliam, si quid præter veritatem tamquam verita-  
tem exponam, vel in uno meorum Commentariorum. Tū enim  
fuero Scriptor multorum librorum. Et cum nunc specie ac prætex-  
tu cognitionis aliarum opinionum Asseclæ in Sanctam Christi Ec-  
clesiam insurgant, & multorum librorum compositionem divul-  
gent, quibus Evangelicarum & Apostolicarum constitutionum  
expositionem pollicentur, si jam sileamus, nec illis salutaria &  
vera documenta opponamus, avidas & jejunas animas cibi inopia  
expugnabunt, ad veritas, & omnino impuras, atque abominandas  
escas festinantes. Quare necesse mihi videtur esse, cum, qui sine  
fraude ac prævaricatione potest se pro Ecclesiastico sermone Orato-  
rem interponere, & confutare eos, qui falsam sibi cognitionem af-  
sumunt, stare adversum hæretica commenta, & excelsum Evan-  
gelici præconii illis opponere, in quo est plenissima consensus com-  
munis doctrinæ: Veteris cum novo Testamento". Hinc omnia utri-

Cap. 13.

A

usque

usque Testamenti à pluribus conscripta volumina non sunt nisi liber unus. Proindè soli Errones sunt plurium librorum scriptores. Quos inter omnino sunt, qui Catholicæ Ecclesiæ Monarchiam lace- rant aut turbant, ac in Christianum Orbem reducere satagunt schisma Eusebianum. Petulanti errori est obviandum, & contra ipsos am- pliandus unus liber avitæ veritatis. Hoc, fides Divino auxilio, ag- gredior, idq; "sine fraude & prævaricatione". Etenim constanter pro- fiteor regulam, quam Imperatori Constantio, Eusebiani Schismatis Coryphæo, Papalis authoritatis protendendæ ambitum & studium impropèranti, reposuit Liberius Pontifex: "Secutus sum morem, or- dinemq; Majorum. Nihil addi Episcopatu urbis Romæ, nihil minui passus sum.

Epist. 3.

## DISSERTATIO PRIMA.

### De antiquis Gallicanæ Ecclesiæ ad Apostolicam Sedem Appellationibus.

#### CAPUT PRIMUM.

*Exponuntur Paschasii Quesnelli Sensa circa has  
Appellationes.*



Mota inter Sanctum Leonem Pontificem, & Sanctum Hilarium Arclatensem Archi-Episcopum quæstio est Eruditè explorata. Originem duxit ex Chelidonii Episcopi, per Hilarium Synodaliter degradati, ac Romam appellantis, facta per Sanctum Leonem reparatione. Dicebatur ille inter- nuptam suo adhibuisse conjugio, & sæculi ad- ministracione perfunctus capitali aliquos condemnasse sententia". Ita scribit in præfati Hilarii vitâ incognitus Auctor, quem prætendunt esse S. Honoratum Massiliensem Episcopum, atq; adjungit: "Accu- satio testimoniis confirmatur". Et prosequitur: Chelidonius Ur- bem credidit expetendam. Quod ubi comperit vir B. Hilarius, in- concussa fidei radice constanter animatus, intrepidus Urbem Romanâ festinus intravit. Apostolorum ac Martyrû occursum peracto, B. Leoni Papæ

Cap. 16.

„Papæ illicò se præsentat, cum reverentia impendens obsequium, &  
 „cum humilitate deposcens, ut Ecclesiarū statum more solito ordinaret,  
 „adstruens aliquos apud Gallias publicam meritò excepsisse sententiā,  
 „& in Urbe Sacris Altaribus interesse. Rogat atque constringit, ut si  
 „suggestionem suam libenter acceperit, secretò jubeat emendari. Et  
 „se ad officia, non ad causam venisse, Protestandi ordine, non accu-  
 „sandi, quæ sunt acta suggerere. Porro autem si aliud velit, se non  
 „futurum esse molestum. Et quod tantorum virorum, præsertim  
 „jam ad supernam gratiam vocatorum, nec in narratione audeo ju-  
 „dicia ventilare, hoc breviter tetigisse sufficiat: Quod solus tantos  
 „sustinuit, quod nequaquam minantes expavit, quod inquirentes  
 „edocuit, quod altercantes vicit, quod potentibus non cessit, quod  
 „in discrimine vitæ positus, communioni suæ, quem cum tantis  
 „viris damnaverat, conjungi nullatenus acquievit, quod custodibus  
 „appositis, hyemis rigore læviente, quos ratione non flexerat, cre-  
 „didit relinquendos”.

Encomiastes affirmat plura. Primò, quod Chelidonii Appellatio-  
 nem ac Romanum accessum Hilarius indignissimè tulcrit, ideoque  
 fit ipsum mox secutus. Et quidem per saxæas alpes, pedes, sine  
 equo aut asino. Emphaticè hæc disertè addit. Secundò affirmat,  
 quod Hilarius primùm Sanctos Apostolos & Martyres, deinde  
 statim Pontificem salutaverit, cum reverentia impendens obsequi-  
 um. Haud dubiè tunc etiam consueta oscula pedum. Tertiò, quod  
 cum humilitate depoposcerit Ecclesiarum statum more solito per  
 Pontificem ordinari. Questus est vetustum administrandæ Ecclesiæ  
 modum à Pontifice alterari ac innovari. Et expressit inducæ novitatis  
 speciem: “Adstruens aliquos apud Gallias publicam merito excepsisse  
 sententiam, & in Urbe Sacris Altaribus interesse”. Notat Chelidonium,  
 quem in Gallia degradatū, Pontifex ante visum ac auditum Hilarium,  
 antè discussam causam reconstituerat in Episcopum, & uti talem per-  
 miserat secum in Sacris procedere. Et hoc in puncto censuit Pontifi-  
 cem excessisse. Hinc ipsum rogavit atque constringit, ut suum factum  
 secretò emendaret. Addidit se ad officia, ad explendum Metropolitici  
 muneris debitū venisse, non ad istam causam judicialiter retractandā.  
 Hinc se uti protestandi ordine, non accusandi. In Romano, aut quo-  
 vis alio appellatarum causarum judicio prior judex demutatur in Re-  
 um, aut certè in Accusatorem: Eò descendere Hilarius noluit, ideo-  
 que edixit se simpliciter protestari. Et nostri Leonis clementiam

audiamus ex ejus litteris ad Episcopos Viennensis Provinciae: "Hilarius nobiscum residens". Honoravit Hilarium, non detruxit ad Reos aut Accusatores; sed uti conjudicem in appellationis retractatu gratiose admisit ad Synodalem confessum & suffragium. Quæ fuit gratia admodum singularis.

Præfatus Encomiastes pergit: "Solutos tantos sustinuit, minantes nequaquam expavit, inquirentes edocuit, altercantes vicit, potentibus non cessit, in discrimine vitæ positus, communioni suæ, quem damnaverat, conjungi nullatenus acquievit". Hæc omnia egit, qui dixerat se venisse ad simpliciter protestandum. Verum longè alia scribit in præfatis litteris magnus Leo: "Quæ apud nos in causa Chelidonii Episcopi Gesta confecta sint, & quæ Hilarius dixerit, dum cum eodem præsentem Episcopo audiretur, inditus chartis rerum ordo demonstrat. Ubi postquam Hilarius rationabile, quod in sanctorum concilio Sacerdotum posset respondere, non habuit, ad ea se occulta cordis ipsius transtulerunt, quæ nullus Laicorum dicere, nullus Sacerdotum posset audire. Doluimus, Fratres, & hunc ejus mentis tumorem medelis patientiæ nostræ curare tentavimus. Nolebamus etenim ea illi exacerbare vulnera, quæ suæ animæ insolentibus subindè sermonibus infligebat: Et quem suscepimus ut fratrem, delenire magis ipsum, quamvis ipse se suis repositionibus innotaret, quàm contristare nostris interlocutionibus, nitebamur. Absolutus est Chelidonium Episcopus, quoniam se injustè Sacerdotio fuisse dejectum, manifestà testium responsione, ipso etiam præsentem monstraverat, ita ut quod Hilarius nobiscum residens posset opponere non haberet". Paternum contrà viduarum maritos Canonem demonstrat plenissimè observari à Romana Ecclesia, addit Chelidonium ab isto vitio probatum immunem, atque concludit: "Mansisset namque in illum prolata sententia, si obceptorum veritas exstitisset. Redditus itaque est Ecclesiæ suæ, & huic, quam amittere non debuit, dignitatì Co-Episcopus noster Chelidonium, sicut Gestorum series, & post decursam cognitionem sententia, quæ à nobis prolata est, testatur".

Aliud ille Encomiastes, longè aliud scribit magnus Leo. Ille Hilarium in Romana Synodo vicisse ac triumphasse, hic affirmat fuisse convictum atque confusum, utpotè qui pro suo in Chelidonium judicio nihil rationabile potuerit adducere. Hinc in iram abreptus prorupit in mentis tumorem, in suorum arcanorum propala-

tionem



tionem, in insolentes sermones, quos Laicorum nemo dicere, nemo Sacerdotum posset audire. Et adjuuavit contumaciam, de qua Scrip- tor iste: "In discrimine vitæ positus", utique apud Urbem Romanam, communioni ejus, videlicet Chelidonii, quem cum tantis viris, inter quos S. Germanus, Antifiodori Episcopus, damnaverat, conjungi nullatenus acquieuit". Papale pro Chelidonio judicium probare & admittere contumaciter noluit: Noluit Chelidonio ut Episcopo communicare. Hinc custodibus appositis, hyemis rigore sæviante, „quos ratione non flexerat, credidit relinquendos". Pontifice insalu- tato aufugit. Verba, "Custodibus appositis", innuunt durum Hila- rium fuisse Papali jussione, ne fugeret, arctè custoditum.

Notanda sunt hæc Laudatoris verba: "Tantorū virorū, præsertim „jam ad supernam gratiam vocatorum, nec in narratione audeo judicia „ventilare. Paschasius Quesnellus non probat hanc modestiam: Reve- „latà fronte asseverat S. Leonem graviter & multipliciter excessisse. Hinc demonstrare cogor excessisse Hilarium. Antè Sardicensē Syno- dum aliqui hinc indè Metropolitæ degradatis à se Episcopis mox con- fecrabant successorem, & Romanæ appellationi solum dabant devolu- tivum effectum, non suspensivum. Adversabatur Apostolico Canoni. Hinc quartus laudatæ Synodi Canon de appellante Romano Episcopo edixit: "Non prius in Cathedram alius substituitur, quam Romanus Episcopus causâ cognita, sententiam tulerit". Edixit per appellationem suspendi Metropolitæ, aut etiam Patriarchæ judicium, appellantem permanere Episcopum, spoliari non posse, spoliatum plene restitu- endum, ne nudus ac inermis teneatur cum armato Metropolita, ac ejus Synodo præliari. Hinc pro Maximo Cynico, qui à Constantinopoli- tana Synodo degradatus Romam appellaverat, & in cujus appellantis locum illa consecraverat Neſtarium, ad Imperatorem Theodosium scripserunt S. Ambrosius & cæteri Italiæ Episcopi: Prius quam at- tentaretur ista Consecratio, "constare oportuit, utrū huic abrogan- „dum, quàm alii conferendum Sacerdotium videretur. Itaque cum „Maximum Episcopum receperunt in communionem nostra Confor- „tia, quoniam eum à Catholicis constitit Episcopis ordinatum, nec „ab Episcopatus Constantinopolitani petitione putavimus remo- vendum". Exstat epistola apud Jacobum Sirmondum post Ap- pendicem Theodosiani Codicis. Affirmat appellantem à sibi pe- tantam Synodum inflicta degradatione Maximum fuisse à S. Damaso Pontifice ac ejus Synodo agnitum pro Episcopo, atquè ita admis- sum

sum ad iudicium retractatorium. Plurima sunt huiusmodi exempla Eandem regulam in degradato ac appellante Chelidonio secutus fuit magnus Leo Pontifex: Hinc vana fuit Hilarij querimonia. Et hic fuit primus illius excessus.

Secundus fuit, quod Papale de Chelidonio iudicium protervus spreverit, illum noluerit agnoscere ut Episcopum, nec ipsi ut tali communicare. Tertius est, quod Romā aufugerit insalutato Pontifice. Utique post absolutum ac reparatum Chelidonium. Ex nimia impatientia. Paschasius Quesnellus scribit egressum ante pronuntiatam sententiam. Verū plura S. Leonis verba palam innuunt oppositum. Quartum ejus excessum edicit S. Leo in litteris ad Episcopos Vienneſis Provinciae: "Non nobis Ordinationes vestrarum Provinciarum defendimus, quod potest forsitan ad depravandos Sanctitatis vestrae animos Hilarius pro suo more mentiri". Quintus excessus est, quod non dumtaxat in Galliam redux, sed & in alma urbe, ac in ipsa Papali Synodo effutiverit insolentes ex iracundia sermones, quos "nullus Laicorum dicere, nullus Sacerdotum posset audire".

Quia ab Hilario Romanas Appellationes censent tentatas excuti, sunt in ipsum graviter injurii. Omnis lis fuit non de substantia, sed de forma sardicensi. In Chelidonii reparatione damnavit duo. Primò reparationis modum. Revestitionem ante omne iudicium. Clamavit illum non ex Canone, ideoque non ex S. Petri Privilegio reparatū, sed violenter per potentiam, ideoque ipsi noluit uti Episcopo communicare. At inania clamasse evincunt hæc verba Pontificis: "Abso-  
lutus est Chelidonium Episcopus, quoniam se injustè Sacerdotio,  
fuisse dejectum manifestā testium responsione, ipso etiam præſente  
monstraverat, ita ut quod Hilarius nobiscum residens posset oppo-  
nere, non haberet. Remotum est iudicium, quod ab Hilario pro-  
latum in hac sententia legebatur". Chelidonium, licet ob invocatum Sancti Petri auxilium statim reindutus, tamen non nisi post plenum examen fuit purgatus, ac in Episcopali gradu stabilitus.

Alter Hilarii clamor fuit longè audacior. Audiamus rem ab ipso Pontifice. Divinum, qui etiam in Successores traducitur, S. Petri Apostoli Primatum exponit eleganti ac sublimi compendio, atque prosequitur: "Verū hanc Petrae istius Sacratissimam firmitatem,  
Deo ædificante constructam, nimis impiā vult præſumptione vio-  
lare, quisquis ejus potestatem tentat infringere favendo cupidita-  
tibus suis, & id quod accepit à Veteribus, non sequendo. Cū nulli

„nulli se subditum legi, nullis institutionis Dominicæ credat regu-  
 „lis contineri, à vestro nostroque per usurpationis ambitum more  
 „desciscens præsumendo illicita, & quæ custodire debuit negligendo.  
 „Verùm hæc nos, servatâ circa vos nostræ charitatis gratiâ, quam  
 „Sanctitati vestræ Apostolica semper Sedes impendit, nitimur con-  
 „silio maturiore corrigere, & vestrarum Ecclesiarum statum,  
 „communicato vobiscum labore, componere, non nova instituen-  
 „tes, sed vetera renovantes, ut in status consuetudine, quæ nobis à  
 „nostris Patribus est tradita, perduremus, & Deo nostro per boni  
 „operis ministerium, remotis perturbationum scandalis, placea-  
 „mus. Nobiscum itaque vestra Fraternitas recognoscat Apostoli-  
 „cam Sedem, pro sui reverentia, à vestræ etiam Provinciæ Sacerdo-  
 „tibus, innumeris relationibus esse consultam, & per diversarum,  
 „quemadmodum vetus consuetudo poscebat, appellationem causa-  
 „rum aut retractata, aut confirmata fuisse judicia, adeò ut servatâ  
 „unitate Spiritus in vinculo pacis, commeantibus hinc inde litteris,  
 „quod sanctè agebatur perpetuæ proficeret charitati: Quoniam sol-  
 „licitudo nostra, non sua quærens, sed quæ sunt Christi, dignitatem  
 „Divinitus datam nec Ecclesiis, nec Ecclesiarum Sacerdotibus abro-  
 „gabat. Sed hunc tramitem, semper inter Majores nostros & benè  
 „tentum & salubriter custoditum, Hilarius Ecclesiarum statum &  
 „concordiam Sacerdotum novis præsumptionibus turbaturus exces-  
 „sit, ita suæ vos cupiens subdere potestati, ut se B. Apostolo Petro  
 „non patiatum esse subiectum, Ordinationes sibi omnium per Galliam  
 „Ecclesiarum vindicans, & debitam Metropolitanis Sacerdotibus in  
 „suam transferens dignitatem, ipsius quoque Beatissimi Petri reve-  
 „rentiam verbis atrogantioribus minuendo, cui cùm præ cæteris  
 „solvendi & ligandi tradita sit potestas, pascendarum tamen ovium  
 „cura specialiùs mandata est: Cui quisquis Principatum æstimat de-  
 „negandum, illius quidem nullo modo potest minuere dignitatem, sed  
 „inflatus Spiritu superbiæ suæ semet ipsum in inferna demergit”.

Hinc discimus plura. Primò, quod mota inter magnum Leonem  
 & S. Hilarium quæstio fuerit de Gallicanæ Ecclesiæ, Episcoporum  
 præsertim, ad Apostolicam Sedem ac ejus Pontificem appellationi-  
 bus. Secundò, quod hæ appellationes sint antiqua Gallicanæ Eccle-  
 siæ consuetudo: Non novum Institutum, sed vetusta traditio. Ter-  
 tiò, quod exstent diversa illius antiqua exempla. Quartò, quod  
 Apostolica Sedes Gallicanæ Ecclesiæ judicia, ad se per appellationem de-

de-

devoluta, quandoque confirmaverit, quandoquē cassarit & reformarit, ideòque super ipsa habuerit ac exercuerit plenissimam auctoritatem. Quintò, quod propter has appellationes nulla unquam fuerit contentio inter Ecclesias, sed constans spiritus in pacis vinculo unitas, perpetua ac inconcussa charitas. Sextò, quod hic sit vetustus trames, inter Majores nostros bene tentus, ac salubriter custoditus. Septimò, quod hæc sit Dominica seu Evangelica regula. Octavò, quod Romana Ecclesia non sua, sed quæ Christi sunt quærat, adeoque alijs Ecclesijs aut Episcopis datas Divinitus dignitates nunquam tentarit invadere: Quod istæ appellationes sint Divina dignitas Romanæ Ecclesiæ. Nonò, quod quisquis hanc ejus dignitatem tentat infringere, non sequatur traditionem veterem, sed serviat suis novellis cupiditatibus: Quod sequatur novæ usurpationis ambitum, quod desciscat à veteribus Ecclesiæ moribus, quod præsumat illicita, quod velit esse exlex, etiam extra regulas Dominicæ institutionis. Decimò, quod hæc omnia facinora patret Metropolitæ Hilarius. Quod Ecclesiarum statum & Episcoporum concordiam turbet novis præsumptionibus. Quod totius Narbonensis Galliæ Episcopos cupiat ita suæ subdere potestati, ut se B. Petro non patiatut esse subjectum. Quod nempe ipsos à se synodalter damnatos clamaret non posse accedere Romam; sua judicia non posse istic retractari per Pontificem, longè minus reformari. "Quin & ipsius quoque Beatissimi Petri reverentiam minuebat verbis arrogantioribus, cui cum præ cæteris solvendi & ligandi tradita sit potestas, passendarum tamen ovium cura specialiùs mandata est. Ut Romanas appellationes trunecaret, quibusdam videtur ipsum quoque S. Petri Primatum arictasse. Hæc verba, "Cui cum præ cæteris, &c. Videntur mendosa. Videtur legendum: Cui licet cum cæteris, &c. Magni & multi sunt hi excessus S. Hilarii.

Ad laudata Pontificis verba scribit in quinta Dissertatione Paschasius Quesnellus: "Controversiæ cardo in eo positus est, utrùm recepti tunc in Gallia Canones, & Gallicanæ Ecclesiæ mores ac consuetudo id ab Hilario exigerent, ut sententiam ritè & Canonicè in Gallicana synodo prolatam ab Episcopo Romano ad examen revocari, & vi appellationis aut confirmari, aut retractari sineret. Quid posterioribus sæculis actum fuerit, vel fieri debuerit, quid novo, ut aiunt, jure, nostrâ vel Majorum ætate, quid etiam per illa tempora in alijs Provinciis fuerit usu inductum, non est animus inquirere: Quippe quod

„quod ad Hilarii causam non facit. Satis enim superque sanctissima  
 „ejus memoria ab omni improbæ cupiditatis nota vel violati Pontifi-  
 „cii juris suspicione vindicabitur, si nihil ab ipso præsumptum esse  
 „ostenderimus, quod Gallicanæ Ecclesiæ consuetudini consonum  
 „non esset, nec ullam unquam appellationem à Gallicanis partibus  
 „ad Romani Episcopi tribunal esse delatam ab ipsis fidei incunabulis  
 „usque ad Hilarii Arelatenlis tempora. Totum igitur opus, totus  
 „labor noster in examine erit Facti, non in discussione Juris, quæ ab  
 „Instituto nostro aliena est.”

Quin immò, optimè Quæsnelle, te misces quæstioni juris: Affirmas  
 à Gallicanà olim Ecclesia ad Apostolicam Sedem non potuisse provo-  
 cari. Etenim prosequeris: ” Porro jam à primordiis seminati intrà  
 „Regiones nostras Evangelii hoc Antistitum Gallicanorum mentibus  
 „insedit, quod Africanis semper fuit persuasum totis his quadringen-  
 „tis quinquaginta & amplius annis, nempe Episcopatum unum esse  
 „arque indivisum, cujus à singulis in solidum pars tenetur, ac pro-  
 „inde si quem ex portione gregis Christi adscripta, quam regit Pa-  
 „stor unusquisque ac gubernat, in aliquod crimen prolabi continge-  
 „ret, apud eundem agere causam suam compelli debere, servato ap-  
 „pellanti ad Provinciale vel etiam majorem synodum jure. Si quis  
 „secùs fecisset, & ad extraneos iudices vellet per appellationis li-  
 „bellum confugere, is Episcoporum concordiam cohærentem colli-  
 „dere, unitatemque scindere meritò putabatur. Autoritas autem,  
 „quæ Episcopis quibusque in suos Presbyteros, cæterosque gregis  
 „sui alumnos competeat, hæc eadem Metropolitanis unà cum Pro-  
 „vinciæ Concilio in Comprovinciales Episcopos deferrebat jure quo-  
 „dam naturali, & consuetudine ab omnibus receptà, quam sacro-  
 „sancta postmodum Conciliorum firmavit autoritas”. Palam dog-  
 matizat & in Gallicanà & in Africana olim Ecclesia nec Presbyteros  
 aut alios Clericos, immò nec ipsos Episcopos potuisse à suæ Synodi  
 judicio Romam accedere aut appellare. Omnium Provincialium aut  
 sanè Diocesinarum Synodorum judicia fuisse olim inconcussa atque  
 inappellabilia. Eusebiana Arianorum factio in suo olim Philippo-Po-  
 litano Conventiculo sanxit Patriarchalium Synodorum judicia esse  
 istiusmodi; de Provincialibus nemo unquam Orthodoxus, nisi no-  
 stris nuperrimè diebus, istud somniavit: Somniarunt id in Opere de  
 Sacerdotii ac Imperii concordia Petrus de Marca, & in Præfatio-  
 ne ad Gratiani Monachi Decretum Stephanus Baluzius. Has sordes

reforbet Paschasius Quesnellus. Inconcussam Provincialium synodorum autoritatem censet esse *jus quoddam naturale*.

## CAPUT II.

*An Gallicani Episcopi à suis synodis damnati olim appellaverint ad Sedem Apostolicam?*

**N**am audivimus magnum Leonem in momentosissima ad Viennensis Provinciae Antistites epistola id constantissimè affirmantem: Asseverantem innumera Relationum, diversa esse Appellationum exempla. Verum Paschasius Quænellus hæc omnia evadit insigni compendio: "quod ut ritè ac secundùm juris ipsius leges inquiretur, non ex Leonis Epistola, alijsque Scriptis discutendum est, nemo enim in propria causa testis est idoneus; sed ex publicis, quæ supersunt, Ecclesiae monumentis, quæ quid in occurrentibus Episcoporum causis gestum sit, sincerè exhibent". Et infra scribit: "Qui attentè, nec occupato animo ea omnia perspexerit, quæ hætenus disservimus, haud dubio, quin conceptam adversus Hilarium perviciæ, cupiditatis, ambitionisquæ opinionem facillè ex animo deponat, hocquæ potius sibi persuadebit, Majorum suorum vestigia pressisse Hilarium, cum sententiam in Synodo latam à Sanctissimis Episcopis tantà constantiâ & fortitudine tutatus est: Sed mirabitur econtra, quod S. Leo consuetudinem disciplinamquæ tam continuâ serie custoditam sit prætergressus, Sedis suæ amplitudini, quæ Sanctorum etiam virorum infirmitas est, plus æquo studens". Pergit in tertia istius Dissertationis parte: "Nihil contrà Canones actum est ab Hilario, immò verò nihil nisi pro custodia Canonum, vel contrà Chelidonium decretum in Synodo, vel Romæ coram Pontifice prolatum est ab Hilario. Quamobrem quod Leoni sententiam æquitate plenam rescindere volenti strenuè obstiterit, non proterviæ in eo indicium, sed invicti animi, disciplinæquæ tenacissimi argumentum fuit". Affirmat Hilarium per omnia benè, S. Leonem per omnia malè egisse: Excessisse suæ potestatis limites, esse prævaricatum Canones, Gallicanas appellationes esse per ipsum intrusas, ideoquæ in suis momentosis litteris imposuisse varia, immò esse mentitum: Ad protendendam suæ Sedis amplitudi-

ncm

netm. Eodem pede graditur in Dissertatione de causa & Romana appellatione Hæresiarchæ Eutychetis : " Non Leoni ipsi, Sanctissimo Num. 22  
s, licet viro, aurem accommodamus, Sedis videlicet suæ splendorem  
s, ac jura prosequenti".

Est lepida evasio, Hausta ex purissimis Fontibus : Ex Marco Antonio de Dominis, Archi-Apostata Spalatenſi, qui Sancti Petri supra alios Apostolos Primatum impugnans, tentans destruere, S. Leonis sibi ipsi opponens testimonia, respondet & scribit : " Fateor, s, si præcedentia & subsequētia hujus eloquentissimi Pontificis verba considerentur, eum plurimum in Petri Primatum inclinare. s, Ex quo Primatu cum Romani Pontificis Primatus deducatur, quid- s, ni Leo Romanus Episcopus in propriæ dignitatis & Sedis authori- Lib. 1. Cap. 8  
tatem inclinet, ubi liberum videatur esse opinari? Propterea om- s, nium Romanorum Pontificum in hoc genere Dicta meritiò suspen- s, ta possint haberi". Demonstrare nititur nemini credendum in causa propria, & concludit : " Verum hoc non tam Leonis, aut aliorum veterum Pontificum elationi aut ambitioni, ut nunc, quam s, bono cuidam pioque ipsorum Zelo tribuendum, dum Cathedram s, suam exaltarent, quo nimirum syncerâ tunc fide, additâ Sedis s, autoritate, tot undique pullulantes hæreses possent facilius comprimere". Calva excusatio.

Marcus Antonius hæc didicit à Joanne Calvino. Hic in quarto Institutionum libro affirmat prætenſum Romanæ Ecclesiæ Primatum consistere in quatuor capitibus : " Ordinatione Episcoporum, s, Conciliorum Indictione, audiendis appellationibus, aut jurisdi- Cap. 7.  
ctione, Monitionibus castigatorijs aut Censuris". Demonstrare nititur quantum ac duo priora nunquam competisse Romano Episcopatu, atque prosequitur : " Superest quarta species Potestatis, s, quæ appellationibus constat. Summum imperium penes eum esse s, constat, ad cujus tribunal provocatur. Multi sæpè Romanum Pontificem appellarunt : Ipse quoque causarum cognitionem ad se trahere conatus est, sed semper fuit derisus, quoties suos fines excessit. Nihil dicam de Oriente aut Græcia, sed constat Galliæ Episcopos fortiter resistisse, cum sibi imperium in eos sumere videretur. s, In Africa diù fuit ea de re dissertatum".

Etiam ipse Galliam Africa æquiparat, & affirmat neutra in Diæcesi Romanas olim appellationes fuisse admittas. An S. Hilarii cum Magno Leone, an verò Hincmari Remensis cum Nicolao primo &

Adriano secundo, an potius ambas quæstiones respiciat, non possum affirmare. Quidquid sit, blaterat Pontificem semper fuisse derisum; ideoque nec creditum ipsi, nec esse credendum. Calv nus hæc didicit ab Eusebiana Arianorum factione, quæ in præfato Philippo-Politano Conventu S. Julium Pontificem arguit, quod suæ Papalis auctoritatis limites excessisset, & tentasset transfigere. Ex quo spiritu etiam Imperator Constantius istud ipsum improperavit S. Liberio. Et erat quæstio de appellationibus.

Mum, 14.

Sequentia Paschalis Quesnellii verba sunt nonnihil molliora: Talis „fuit Ecclesiæ Gallicanæ status usque ad S. Leonis tempora, qui „proinde cum dixit per diversarum appellationem causarum, sicut „vetus consuetudo poscebat, aut retractata, aut confirmata fuisse „judicia, vel memoria lapsus est, vel à Chelidonio palpante & im- „ponente delusus, vel denique alia penes se rerum in Galliis gesta- „rum monumenta habuit, quæ ad nos usque non pervenerunt. Hoc „tertium est omnino verum. S. namque Leo ex authenticis suæ Ec- „clesiæ Scriniis scripsit, idedque à nemine est arguendus falsi, longè „minùs imposturæ aut mendacii. Scripsit ex sui Prædecessoris Inno- „centii ad S. Victricium Rothomensem Metropolitam litteris: Si „quæ causæ vel contentiones inter Clericos, tam superioris ordinis „quam etiam inferioris, fuerint exortæ, ut secundum Nicenam Sy- „nodum congregatis ejusdem Provinciæ Sacerdotibus jurgium ter- „minetur. Nec alicui liceat, sine præjudicio tamen Romanæ Ec- „clesiæ, cui in omnibus causis debet reverentia custodiri, relictis „his Sacerdotibus, qui in eadem Provincia Dei Ecclesiam nutu Di- „vinogubernant, ad alias convolare Provincias. Quod si quis fortè „præsumperit, ab officio Clericatus submotus, velut injuriarum „reus judicetur.

Agit de interjectis post terminatum à Provinciæ Synodo jurgium appellationibus. De appellationibus etiam infimi Cleri. Affirmat ipsas fieri non posse ad vicinam, quamvis in Gallia, vel alibi Provinciam, sed dumtaxat ad Sedem Romanam. Huic enim in omnibus causis debet custodiri reverentia: Utique non solius Relationis reverentia, sed & Appellationis. Et quod ita sanxiverint non soli Sardicenses, sed etiam Nicæni Canones, suo loco demonstrabitur. Proinde non soli Episcopi, sed & infimus Galliæ Clerus semper Romam provocavit.

Paschasius Quesnellus reponit hæc verba, "Cui in omnibus causis debet



„debet reverentia custodiri“, non reperiri apud Abbatem Dionysium Exiguum, ideòque esse spurium additamentum: Et margine irrep-  
fisse in textum. Respondeo ista verba reperiri in pluribus exempla-  
ribus Dionysio antiquioribus, ideòque locum esse his ipsius Pas-  
chasii Que snelli de quodam Africano, etiam non reperto apud Dio-  
nysium, Canone verbis: Responderi potest Dionysium incidisse  
„in truncatos mendososque Codices, nec Africanam collectionem  
„habuisse ex Romano Codice, in quem Africanorum ad Bonifacium  
„Epistola numquam relata esset“. Et certè clausulam istam esse le-  
gitimam agnoscunt non solummodò Jacobus Sirmondus ac Philip-  
pus Labbæus, sed etiam Petrus de Marca, ac Hincmarus Remen-  
sis. Ex quo lucet ipsam apud Gallicanæ Ecclesiæ Bibliothecas esse  
antiquissimam, ac universalissimam. Addo tamen forsitan esse  
spuriam & adjectitiam. Etenim deest etiam in antiquo Codice Ro-  
manæ Ecclesiæ. Quidquid sit, ipsius intermissio nobis non nocet.  
Ejus quippe substantia plenè continetur in verbis prioribus: „Sine  
præjudicio tamen Romanæ Ecclesiæ“.

Hæc omnia affirmât in Novella ad Ætiû Patriciû ac utriusq; militiæ  
Magistrum lege Imperatores Theodosius II. ac Valentinianus III. „His  
„talibus & contra Imperii Majestatem, & contra reverentiam Apo-  
„stolicæ Sedis admissis per ordinem Religiosi viri Urbis Papæ cog-  
„nitione discussis, certa in Hilarium ex his, quos malè ordinaverat,  
lata sententia est“. Agit de Apostolica in Hilarium ac perperam ab ip-  
so consecratos Episcopos lata sententia. Et prosequitur: „Et erat qui-  
„dem ipsa sententia per Gallias etiam sine Imperiali sanctione valitura.  
„Quid enim tanti Pontificis authoritati in Ecclesias non liceat“? Uri-  
que sententia, quæ damnatos per Hilarium Episcopos repararat, &  
per ipsum consecratos degradarat. Et post quædam denuò pergit: „Ne  
„levis saltem in Ecclesias turba nascatur, vel in aliquo minui Religio-  
„nis disciplina videatur, hoc perenni sanctione decernimus, ne quid  
„tam Episcopis Gallicanis, quàm aliarum Provinciarum contra con-  
„suetudinem veterem liceat sine viri venerabilis Papæ Urbis æternæ  
„auctoritate tentare, sed illis, omnibusq; pro lege sit, quidquid sanxit  
„vel sanxerit Apostolicæ Sedis authoritas, ita ut quisquis Episcopo-  
„rum ad iudicium Romani Antistitis vocatus venire neglexerit, per  
„Moderatorem ejusdem Provinciæ adesse cogatur, per omnia ser-  
„vatis, quæ Divi Parentes nostri Romanæ Ecclesiæ detulerunt“.

Principes palàm agunt de Romanis appellationibus. Palàm asserunt

iplas esse antiquam consuetudinem: Non donatam, sed Romanæ Ecclesiæ delatam à suis etiam Majoribus. Utique secundum Nicænos ac Apostolicos Canones. Hoc enim Imperator Valentinianus profiteretur in varijs quoque literis, scriptis adversum Acta Ephesini Latrocinij.

Epist. 49.

Harum Appellationum ac Evocationum antiquitas laudatur etiam à S. Avito, Viennensi Archi-Episcopo, in litteris ad Romanæ Urbis Senatores Faustinum & Symmachum: "Fuerat talis status rerum desiderandus, ut ipsi per nos Urbem Orbi Venerabilem pro deprecandis Divinis humanisque officijs expeteremus". Hoc est, antiquus Galliæ sub Romano Imperio status, antè ipsam laceratam à Barbaris. Et inter ista Divina ac humana Episcoporum apud aliam Urbem officia omnino erant & appellationes. Lucet hoc ex alijs ejusdem S. Episcopi litteris ad illustrem virum Ansemundum. Nescio quis petulus juvenis Sacram Virginem maculaverat, & pro ipso ad solemnem pœnitentiam damnato Ansemundus intercedebat, hinc ad ipsum Avitus: "Licet diversas in me flammæ evomat, & ad Romanæ forsân Ecclesiæ audientiam vocet, nec minas adsentatione placabo, nec fatigationes itinerum verebor". Hinc discimus varia. Primò, quod isto etiam, dùm Barbari Reges omnem Romanum sine sua venia accessum vetabant, tempore non soli Gallicani Episcopi aut Clerici, sed etiam Laici consueverint Romam appellare. Secundò, quod appellarint etiam à publicis pœnitentijs. Tertiò, quod appellatio impositorem pœnitentiæ Episcopum evocaret, & cogeret ad Romanum accessum. Quartò, quod Barbari Reges istas appellationes ac evocationes nec sisterent, nec impedirent. Nec ista fuit nova apud Gallias disciplina. Quod antiqua fuerit, laudata per præfatam S. Leonis Epistolam, rectè advertit, ac disertè affirmat in suis ad S. Aviti Epistolas Notis Jacobus Sirmondus.

Cap. 15.

Eandem sententiam constanter tenuerunt Imperator Ludovicus Pius, & cuncti tunc per Galliam ac Germaniam Episcopi. Etenim ille sanxit in quarto Additamento suorum Capitularium: "Ut omnes Episcopi, qui in quibusdam gravioribus pulsantur vel criminantur causis, quoties necesse fuerit, liberè appellent Apostolicam Sedem, atque ad eam quasi ad matrem confugiant, ut ab ea, si cut semper fuit, profulciantur, defendantur & liberentur, cujus dispositioni omnes majores Ecclesiasticas causas, & Episcoporum judicia, antiqua Apostolorum, eorumque Successorum, atque Cano-

„Canonum autoritas reservavit. Quoniam culpantur Episcopi, qui  
 „aliter erga fratres egerint, quam ejusdem Sedis Papæ fieri placuerit.  
 „Canonibus quippe jubentibus in talibus absque Romano nil decerni  
 „Pontifice, nec ad Synodum Episcopum convocari debere: Et quid-  
 „quid ex his eo inconsulto præsumptum fuerit, viribus carere”.  
 Romanas Appellationes affirmat esse antiquam SS. Apostolorum,  
 Successorum Episcoporum, & Sacrorum Canonum autoritatem.  
 Et firmat ex Synodo Sardicensi, ex S. Leonis ad Cæsareensis Maurita-  
 niæ Episcopos litteris, ac ex laudata lege Theodosii ac Valentini-  
 ani. Hanc omninò respiciunt hæc verba: „Culpantur Episcopi, qui  
 „aliter erga fratres egerint, quam ejusdem Sedis Papæ fieri placue-  
 rit”. Quæ omnia in suis Capitularibus firmavit & Carolus magnus.  
 Quin immò hæ appellationes sunt Evangelicum jus, S. Petro ac ejus  
 Successoribus datum per Domini verba: *Confirma fratres tuos.* Ita tra-  
 dunt antiquissimi atque gravissimi Patres.

Eadem omnia firmat S. Hilarij pænitentia ac palinodia, de quo in  
 Gallias regresso scribit ejus Encomiastes: „in civitatem regressus,  
 „licet corporali infirmitate fractus, tamen perfectione sanctus, &  
 „pietate promptissimus, totum se ad placandum tunc animum S.  
 „Leonis inclinatâ humilitate convertit. Misit primitus Ravennium Cap. 17.  
 „rùm Presbyterum, postmodò proprium Successorem; deindè  
 „Sanctum Nectarium, Sanctumque Constantium, præcipuos Sa-  
 „cerdotes”. Fecit hæc omnia non spontaneo motu, sed compulsus  
 novâ evocatione Pontificis, & Divali jussione Valentiniani Im-  
 peratoris. Hæc ipsi extorserunt humilitatem, & voluntatem pla-  
 candi Pontificis: A personali accessu se excusavit ob infirmitatem,  
 atque ita misit suorum Presbyterorum Primatem Ravennium. Ve-  
 rùm hæc Legatio non satisfacit Apostolicæ Sedi: Hinc successit alia  
 per duos digniores provinciæ Episcopos, Nectarium Dinientem,  
 & Constantium Ucetientem. Pergit Encomiastes: „Quanta in  
 hac causa dictaverit, huic operi nulla possum ratione connectere”.  
 Suorum Actorum plures scripsit Apologias, haud dubiè partim ex-  
 purgatorias, partim pænitentiales. Hoc palàm asserunt verba”. In-  
 clinata humilitate”. Sua contra Chelidonium judicia & Acta studuit,  
 licet non firmare, tamen purgare. Huc respicit Encomiastes:  
 „Tantium virorum nec in narratione audeo ventilare judicia.

Etenim Hilarius, licet erraverit, possit fuisse non prævarica-  
 tus; Quod tamen de suis in Apostolicæ Scdis autoritatem Atten-  
 tatis

tatis omninò egerit pœnitentiam, & pœnitentiales scripserit Apologias, non est dubitandum. Alias nunquam admisisset Romana Ecclesia: Item sinè alijs Hilarium nunquam inscripssisset suis Sancto-  
rum tabulis. Hæc purgatrices ac pœnitentiales literas haud dubiò detulerunt Legati Episcopi. Et nihilominus Leonem Pontificem ad eò timuerunt, ut primò accesserint ac imploraverint Auxiliarem Præfectum, & ad illum non præsumpserint accedere, nisi priùs ab hoc dispositum atque placatum. Encomiastes adducit fragmentum ex Auxiliaris Præfecti ad S. Hilarium Rescripto:  
„Sanctos Nectarium & Constantium Sacerdotes, de Beatitudinis  
„tuæ parte venientes, digna admiratione suscepi. Cum his sæpius  
„sum locutus de virtute animi atque constantia, contemptuque re-  
„rum humanarum, quo inter fragilitates nostras semper beatus es.  
„Nam quid potest in hac corporea vita esse securum, quæ cum sit  
„misera, tamen non potest esse perpetua? Locutus sum etiam cum  
„S. Papa Leone. Hoc loco, credo, aliquantum animo perhorres-  
„cis, sed cum Propositi tui tenax sis, & semper æqualis, nulloque  
„commotionis felle rapiaris, sicut nullis extolleris illecebris gaudio-  
„rum, ego nec minimum quidem factum Beatitudinis tuæ arrogantiae  
„memini contagione fuscari. Sed impatientur ferunt homines, si  
„sic loquamur, quomodo nobis conscii sumus. Aures præterea Ro-  
„manorum quadam teneritudine plus trahuntur: In quam si Sancti-  
„tas sua se dimittat, plurimum, nihil perditurus, acquiris. Da  
„mihi hoc, & exiguas nubes parvæ mutationis serenitate compesce”.  
Pascasius Quesnellus affirmat omnia Hilarii apud Urbem Acta ab  
Auxiliari, teste oculato, laudari & probari, & adjungit: “Hilarius  
„sui Propositi tenax, semper æqualis, jura suæ Ecclesiæ & usque ad  
„extremum spiritum obtinuit, & qua pollebat eloquentia, strenuè  
defendit”.

Respondeo Auxiliaris verba esse afflicti, senis, infirmi, ac magni  
Episcopi consolatoria, ideoque non per fallacem adulationem,  
scripta tamen per dispensatoriam commiserationem: Et omnia vi-  
dentur agere de sola reparatione Chelidonii. Absit ut tantus Romani  
Imperii Minister contra suorum Principum Avitam fidem, & per-  
petuam in novissima etiam contra Hilarium lege professionem lau-  
darit aut probarit impugnari ac everti Romanas appellati ones. Fuisse  
crimen læsæ, etiam humanæ, Majestatis. Absit ut vel cogitaverit  
Magno Leonitalia proponere. Singula ejus verba sunt introspectiendæ.

Pri-

Primo scribit se cum Nectario & Constantio Episcopis disservisse de virtute animi, de constantia, de rerum terrenarum contemptu, quo Hilarius erat beatus. Scribit ipsum solo isto contemptu, non etiam animi virtute & constantia fuisse beatum. Nempe disputavit, an Hilarii Acta essent vera constantiae virtus, & cum tam eximio rerum mundanarum contemptu rectè cohærent? Quis non videat notari Hilarium? Auxiliarius egit cum ejus Legatis, uti magnus Gregorius egit cum Joanne Jejunatore, Constantinopolitano Episcopo, Monasticae humilitatis tenacissimo, rogans an hæc cum ejus circa "Universalis Episcopi" titulum Gestis conveniret? Etiam reliqua Præfetti ad Hilarium verba, licet nobilis humanitatis vario melle condiantur, omnino arguunt & admonent. Tantus, & variè afflictus, Episcopus non erat sale perfricandus.

## CAPUT III.

*Quæstiones aliquos circa Lapsum S. Hilarii.*

Uæstio prima est, Quis fuerit Sancti Hilarii scopus, quis circa Romanas appellationes error, quæ audacia? Quidam censent impigisse in Romanæ Ecclesiæ Primatum, & ex hac radice Romanis Appellationibus, quæ istius Primatus sunt palmaris character, pertinaciter ivisse obviam. Adhæsisse Philippo-Politano sensui Eusebianæ fa-

ctionis. Et huic opinioni favere videntur magni Leonis ad Viennensis Provinciæ Episcopos adversus Hilarium verba: "Cui". B. Petro Apostolo, ac ejus Romanæ Cathedræ "quisquis Principatum, æstimat denegandum, illius quidem nullo modo potest diminueredignitatem, sed inflatus spiritu superbiæ suæ, semetipsum in inferna demergit". Respondeo tamen Sanctum Hilarium ab ista non dumtaxat schismatica, sed & hæretica impietate fuisse per omnia longè alienissimum. In ejus Actis & Scriptis nullum est illius vestigium. Quod Papalem Primatum usque tunc Occidentalium nullus, nisi forsitan Ursacius & Valens, errando aut rebellando tetigerit, est cunctis exploratissimum. Et Hilarii scopo non solummodo non proderat ista impietas, sed etiam capitaliter adversabatur. Etenim Philippo-Politana factio non qualvis, sed solas Patriarchales, ac

C

alias

alias Autocephalas Synodos voluit esse supremas, inconcussas, inappellabiles: Quod cunctæ Provinciales ad Patriarchæ, aut Autocephali Primatis Cathedrali poslent appellari, nunquam dubitavit. Istam Patriarchalem ac Primatiam dignitatem defendit constantissimè. Eandem constantissimè defendit omnis Factio Photy, ac Michaëlis Cerularii. Quare hodierna Petri de Marca, Stephani Baluzii, Paschali Quesnelli, ac Symmystarum doctrina est profana vocum novitas, longè remotius transiliens limites veritatis. Cuncta sancti Hilarii quæstio fuit circa auctoritatem suæ Provincialis Synodi: Quare ejus error & lapsus fuit alterius ordinis.

Quibusdam videtur fuisse idem ipse error, qui postmodò invasit S. Marinianum, Metropolitam Ravennatis Ecclesiæ. Etenim nescio cujus Abbatis Claudii appellationem excussit, & deserti noluit ad magnum Gregorium. Errorem revellit optimus Pontifex, & adjungit: "Vos autem ibi stultorum verba non moveant, nec per nos credatis aliquod dispendium Ecclesiæ vestræ fieri". Nempe per Imperialis Exarchi Sedem axaltata erat tunc Ravenna, atque ita quidam spargebant prima Autocephaliæ semina: Circumscripserunt S. Marinianum, & cum tanto Pontifice commiserunt. Eadem vanitas possit ob nuper in Arelatenſi civitate positam Gallicani Prætorij ac Præfecti Sedem illuisse S. Hilario. Possit censuisse non minùs suas Episcopales, quam ipsius Præfecti sententias esse inappellabiles. Ex ista suæ civitatis dignitate Sedi suæ accessisse Autocephalam.

¶ Hilarius omninò videtur ab ista vanitate fuisse circūscriptus. Ejus namque Encomiaſtes scribit: "Hilarius Beato Leoni Papæ illicò se præſentat, cum humilitate depoſcens, ut Ecclesiarum statum more solito ordinaret, adſtruens aliquos apud Gallias publicam meritò excepisse sententiam, & in Urbe Sacris Altaribus interesse". Affirmat Hilario adversùs Pontificem fuisse duplicem querimoniam. Primò, quod Gallicanis Ecclesiis novas leges imponeret, novam formam Hierarchiæ. Quod solidam Narbonensis Galliæ Provinciam divideret in plures, atq; ita Arelatenſi Cathedræ non modicam irrogaret injuriam. Secundò, quod à sua Synodo degradatos, ac Romanam provocantes Episcopos permetteret Urbem accedere, quod provocationi suspensivum effectum adſcriberet, quod Romanum provocantis accessum probaret, & in suo Apostolico tribunali causam retractaret. Quod ipsam ad priores Judices non remitteret. Hinc pergit Encomiaſtes: "Hilarius rogat atque constringit, ut

Leo

Lib. 5.  
Epist. 24.

Cap. 17.

„Leo secretè jubeat emendari. Se ad officia, non ad causam venisse : „Protestandi ordine, non accusandi, quæ sunt acta suggerere“. Se venisse ad explendum tuendæ suæ Dignitatis & Cathedræ officium, non ad causam retractandam. Se nolle demutari in accusatorem, sed merè protestari. Hinc Pontificem non solummodò rogavit, sed in super constringere præsumpsit ad secretam saltem palinodiam.

Utramq; querimoniam insigniter elucidat in sua Novella adversùs Hilarium lege Imperator Valentinianus tertius: "Verùm ne levis „saltem inter Ecclesias turba nascatur, vel in aliquo minui Religionis disciplina videatur, hac perenni Sanctione decernimus, ne „quid tam Episcopis Gallicanis, quàm aliarum Provinciarum, contra consuetudinem veterem liceat sine viri Venerabilis Papæ Urbis „æternæ autoritate tentare, sed illis, omnibusq; pro lege sit, „quidquid sanxit, vel sanxerit Apostolicæ Sedis Autoritas. Ita „ut quisquis Episcoporum ad Judicium Romani Antistitis conventus venire neglexerit, per Moderatorem ejusdem Provinciæ adesse cogatur, per omnia servatis, quæ Divi Parentes nostri Romanæ „Ecclesiæ detulerunt". Prior respicit Hierarchiam ac Ordinationem Narbonensis Provinciæ; posterior legis pars frænât Hilarii in Romanas Appellationes, aut potius in Romanas Appellantium Evocationes impetum. Hilarius namq; Romanas appellationes nullatenùs prætendebat auferre aut circumducere. Quo enim colore, quo fucò? Proindè circa prosequendæ appellationis modum prætendebat sola duo. Ne Appellationi suspensivus tribueretur effectus, & ne retractatorium Judicium Romæ fieret in tribunali Apostolico. Huic enim audaciæ frænnum palàm injiciunt hæc Legis verba: "Quisquis Episcoporum ad Judicium Romani Antistitis conventus venire neglexerit, &c".

Verùm quis huic prætensioni color, quis fuit fucus? Etenim Sardinenses, quin immò & Apostolici Canones utramq; istam formam omnino deferunt Romanis Appellationibus. Et ipsos Hilarius ignorare non potuit. Etenim Sanctus Maximinus Treverensis, Euphratas Colonienfis, sanctus Servatius Tongrenfis, alijque plures Gallicani Episcopi Sardicensi Concilio adfuerant, aut certè illi subscripserant, atq; ita ejus Canones deportarant, aut traduxerant in Galliam. Et quidem gloriosus ille Maximinus sancto Pontifici Julio fuerat author, ut in sanctum Athanasium, aliosq; Orientales ad ipsum appellantes Episcopos faceret quæcumq; fecit: Ut

plenâ, per Apostolicos, immò & per Evangelicos Canones donatâ, suæ Sedis autoritate in ipsos uteretur. Quare etiam Author fuit, ut hanc Divinam Romanæ Cathedræ autoritatem Hosius & Gaudentius per Sardicenses Canones innovarent ac stabilirent. Hæc sunt ejus prætenfa crimina, ob quæ ad suos Gregales scripsit Eusebiana ac scelerata Philippo-Politani Conventiculi Factio: "Julium Urbis, Romæ, Hosium, & Protogenem, & Gaudentium, & Maximinum à Treveris damnavit omne Concilium secundum antiquissimam Legem, ut Authores communionis Marcelli, & Athanasij, & cæterorum sceleratorum". Horum omnium Gallicana Ecclesia semper fuit, uti callentissima, ita & observantissima. Proindè aliud æquavit Hilarium in istos errores circumscribere, quàm fucus novæ Autocephaliæ. Ex ipso censuit suæ Sedi accrevisse nova jura, nova Privilegia. Suis Synodalibus Judicijs accessisse dignitatem illam, quæ Prætorialium Præfectorum sententias non per Appellationem suspendi ac retractari, sed dumtaxat ob humiles preces permittit devolui ac revideri: Quæ Præfectum non permittit humiliari in Reum aut Accusatorem, sed mandat ipsum revisoriæ cognitioni adesse, immò & præsidere. Et hæc est vera causa, ex qua magnus Leo offensum Hilarium in retractatorio Chelidonij Judicio non jussit stare ut Reum, sed gratiosè permisit ut Judicem confidere & suffragari. Hoc dispensatorio beneficio speravit ejus animum liberandum ab ulcere.

Ex eadem radice adversus pertinacem, & ab Urbe fugitivum Sanctus Pontifex scripsit ad Antistites Viennensis Provinciæ. Exponit Sancti Petri ac Apostolicæ Sedis Divina Privilegia, ac pergit: "Verùm hanc Petræ istius Sacratissimam firmitatem, Deo ædificante, constructam, nimis impiâ vult præsumptione violare, quisquis ejus potestatem tentat infringere favendo cupiditatibus suis, & id quod accepit à veteribus non sequendo, cum nulli se subditum legi, nullis Dominicæ Institutionis credit regulis contineri, à vestro nostroque per novæ usurpationis ambitum more desciscens, præsumendo illicita, & quæ custodire debuit negligendo". Hilarium arguit, non quod hæretica vel schismatica sapiendo, sed quod suis cupiditatibus favendo tentaret Apostolicæ Sedis potestatem infringere: non quod ab orthodoxâ fide, aut unitate, sed quod ab avitis Romanæ ac Gallicanæ Ecclesiæ moribus per novæ usurpationis ambitum descisceret, Quod veteres Patrum traditiones excuteret, quod nullis



nullis subditi legibus, nullis vellet contineri Canonibus, quod illi-  
cita præsumeret, quod negligeret observanda. Certum est Pontifi-  
cem in his omnibus respicere ac laudare Sardicenses Canones, & ab  
ipsis stabilitos favores Romanis Appellationibus. Eos queritur ex-  
cuti & sperni ab Hilario. Idq; contra perpetuam pietatem ac obser-  
vantiam Gallicanæ Ecclesiæ.

Hinc prosequitur: "Verum hæc nos nitimur consilio maturiore  
, corrigere, & vestrarum Ecclesiarum statum communicato vobiscum  
, labore componere, non nova instituentes, sed vetera renovantes,  
, ut in status consuetudine, quæ nobis à nostris Patribus est tradita,  
, perduremus, & Deo nostro per boni operis ministerium, remo-  
tis perturbationum scandalis, placeamus". Nequaquam agit de  
stabililandæ Narbonensis Provinciæ divisione, ac varijs in ipsa ma-  
nu-tenendis Metropolitibus. Hæc enim omnia nequaquam erant vetu-  
stissima, sed omninò noviora. Agit igitur de instaurando Romana-  
rum Appellationum antiquo statu & formà. Hinc enim subjungit: "  
, Nobiscum itaq; Fraternitas vestra recognoscat Apostolicam Sedem;  
, pro sui reverentia, à vestræ etiam Provinciæ Sacerdotibus, innu-  
,meris Relationibus esse consultam, & per diversarum, quemadmo-  
, dum vetus consuetudo poscebat, Appellationem causarum aut re-  
,tractata aut confirmata fuisse Judicia, adèd ut servatà unitate Spi-  
,ritus in vinculo pacis, commeantibus hinc indè litteris, quod san-  
,ctè agebatur, perpetuè proficeret charitati. Quoniam sollicitudo  
, nostra, non sua quærens, sed quæ sunt Christi ydignitatem Divini-  
,tatis datam nec Ecclesiis, nec Ecclesiarum Sacerdotibus abrogabat".  
Constanter affirmat in Chelidonij causa se non novo modo, sed  
juxta avitam consuetudinem ac regulam processisse.

Notanda sunt verba: "A vestræ etiam Provinciæ Sacerdotibus".  
Affirmant avitam consuetudinem ac regulam æquis semper passibus  
ambulasse per omnem Galliam: Etiam per Provinciam Narbonen-  
sem. Istum tramitem à nullo unquam fuisse derelictum, longè mi-  
nùs redargutum, nisi nunc ab unico Hilario. Quod Pontifex po-  
tentissimis verbis exprimit: "Sed hunc tramitem, semper inter  
, Majores nostros & bene-tentum, & salubriter custoditum, Hila-  
,rius, Ecclesiarum statum & concordiam Sacerdotum novis præsum-  
,ptionibus turbaturus, excessit, ita suæ vos cupiens subdere po-  
,testati, ut se Beato Apostolo Petro non patiatur esse subiectum".  
Revera enim quisquis Romanam Appellationem, licet non ex-



eutere, tamen studet suis Juribus truncare, omnino ambit in subditos sibi Episcopos dominatum ac tyrannidem exercere. Et S. Petro, quemadmodum oportet, non esse subjectus.

Notanda sunt & hæc verba: "Sollicitudo nostra dignitatem Divinam datam nec Ecclesijs, nec Ecclesiarum Sacerdotibus abrogabat". Affirmant quod antiqua prosequendæ appellationis forma nullius Ecclesiæ, nullius Episcopi privilegium aut dignitatem circumscripserit: Quod per ipsam Romana Sedes non sua quesierit, sed quæ Jesu Christi. Quod ipsa sit Divinum, ab ipso Christo Domino impartitum, Apostolicæ Cathedræ Privilegium. Hinc item discimus, quod Hilarius etiam clamarit suæ Ecclesiæ dignitatem ab ista forma mutilari. Notanda denique sunt & hæc verba: "Quemadmodum vetus consuetudo poscebat". Edicunt istam exequendæ appellationis formam non esse à Sardicensi Synodo, sed à perpetua omnium Ecclesiarum consuetudine: Ab Apostolico, immò ab Evangelico Canone, per istam Synodum declarato dumtaxat ac innovato. Hinc etiam in sua lege Imperator Valentinianus, postquam dixerat evocatum à Romano Pontifice Episcopum esse à Rectore Provinciæ compellendum ad obedientiam, statim subjunxit: "Per omnia servatis, quæ Divi Parentes nostri Romanæ Ecclesiæ detulerunt". Affirmat hæc Romanæ Sedis Privilegia esse longè antiquissima, à Christianis Imperatoribus semper agnita, honorata, atque defensa. Ex quibus omnibus lucet Paschasium Quæsnellum non solummodò in magnum Leonem, sed etiam in Sanctum Hilarium esse iniquum. Huic enim, qui solum prosequendæ Appellationis modum invalit, imponit quod destruere tentarit omnem ejus substantiam. Quod fieri non possit citra manifestam Hæresim.

Cap. 71. Secunda Quæstio est, an Sanctus Hilarius in his suis præsumptionibus victor adversus Pontificem evaserit ac permanerit? Paschasius Quæsnellus affirmat: "Hilarius sui Propositi tenax, semper æqualis, Jura suæ Ecclesiæ & usque ad extremum spiritum obtinuit, & quâ pollebat eloquentiâ, strenuè defendit". Respondeo oppositum disertè asseri ab ipso etiam Hilarij Encomiaste: "Hilarius in civitatem regressus, licet corporali infirmitate fractus, tamen perfectione sanctus, & pietate promptissimus, totum se ad placandum tunc animum sancti Leonis inclinatâ humilitate convertit. Misit primum sanctum Ravennium, tunc Presbyterum, postmodò proprium Successorem: Deindè sanctum Nectarium, sanctum

„Etumq; Constantium, præcipuos Sacerdotes“. Quod etiam hi potentes ac validi intercessores, nec quoad Narbonensis Provinciæ integritatem, nec quoad proseguendæ Appellationis modum, nec item quoad Chelidonij causam obtinuerint ullam victoriam, est per omnia exploratissimum. Etenim & Narbonensis Gallia fuit secta in plures Provincias, & Sardicensis appellandi disciplina per omnem Galliam mansit constantissima. Etiam Chelidonius permansit Episcopus. Licet hoc non valeam ad oculum ostendere, nullum tamen possit adduci dubitandi indicium. Graves Authores ex Authenticis Ecclesiarum monumentis affirmant Chelidonium fuisse Vefontionensem Episcopum, & à Sancto Leone restitutum, esse in sua Sede defunctum. Addunt Importunum, quem Hilarius dejecto Chelidonio mox superordinaverat, fuisse ab eodem Pontifice turpiter ejectum. Nempe in magno Leone fervebat ille animi vigor, ex quo ad Sabinianum, suum Diaconum, ac in Regia civitate Apostatarium, postmodò scripsit magnus Gregorius: „Ante paratior sum mori, quàm Beati Petri Apostoli Ecclesiam in meis diebus degenerare“, Et ista Importuni Superordinatio etiam persuadet Hilarium recalcitrasse adversus solum Chelidonianæ Appellationis suspensivum effectum, adversus solam formam Sardicensem.

Lib. 7.  
Epist. 1.

Tertia Quæstio est, An sanctus Hilarius ob istos excessus fuerit à Sancto Leone degradatus? Quidam affirmant. Et ipsis suffragari videntur hæc præfatæ Novellæ verba: „His talibus & contra Imperii Majestatem, & contra reverentiam Apostolicæ Sedis admissis, per ordinem Religiosi viri Urbis Papæ cognitione discussis, certa in Hilarium ex his, quæ malè ordinaverat, lata sententia est“. Alii legunt: „Quos malè ordinaverat“. Et omnino videtur ita legendum. Verba affirmant, quod Magnus Leo non solas Hilarii Ordinationes, sed etiam Ordinatorum personas synodaliter discussit, ac non in solum Hilarium, sed etiam in istorum quosdam tulerit sententiam. Uique degradationis. Respondeo tamen ita non esse. Etenim Novella statim subdit: „Hilarium adhuc Episcopum nuncupari sola mansueti Præfulis Leonis permittit humanitas“. Affirmat Hilarium fuisse degradatione dignissimum, gratiose tamen ac dispensatorie non degradatum. Interim fuit insigniter mulctatus: Per divisionem non solius solidæ Narbonensis, sed etiam ipsius Arelatensis Provinciæ. Hujus non modica portio fuit transcripta in Viennensem Metropolim, Novella

rectè

rectè affirmat ipsum diliquisse non solummodo in Apostolicę Sedis reverentiam, sed insuper in Majestatem Imperij: Quia nempe civitatibus, quas non sola Apostolica Sedes, sed & Imperium in singulares Provincias crexerat, pertinaciter nolebat cedere. Per armatam violentiam tentabat perseverare solidus omnium Metropolitae.

Quarta Quæstio est, An Hilarius post suam ex almâ Urbe fugam fuerit à Sancto Leone revocatus ad Judicium? Respondeo fuisse. Lucet ex laudata lege, nec non ex ipso Hilarij Encomiaste. Hec enim evocatio est omninò sententia illa, quam in Hilarium à Leone latam Novella asserit, ac adjungit: "Et  
 „erat quidem ipsa sententia per Gallias etiam sine nostra Sanctio-  
 „ne valitura. Quid enim tanti Pontificis Authoritati in Ecclesiis  
 „non liceret? Sed nostram quoque Præceptionem hæc ratio pro-  
 „vocavit, ne ulterius vel Hilario, nec cuiquam alteri liceat Præ-  
 „ceptis Romani Antistitis obviare". Hanc sententiam lucidius ex-  
 „ponit ipse Pontifex in datis statim post Hilarij fugam litteris ad  
 „cunctos Gallię, Viennensis præsertim Provincię, Episcopos:  
 „Quali pertinaciâ Hilarius Judicium nostrum effugerit, sancta  
 „vestra Fraternitas non ignorat. Unde & justum esse videmus,  
 „ut quia Principis Apostolorum magnam in judicijs moderatio-  
 „nem, quam in potestate per Vicarios suos semper exhibet, Are-  
 „latensis Episcopus non expectavit, à Privilegio lux civitatis  
 „submotus humili loco discat, quod in magno, gratis munere  
 „nostrorum Prædecessorum concessio, tenere noluit. Sitq; re-  
 „dintegratum Viennensi Archi-Episcopo Privilegium, & jus an-  
 „tiquum, quod Apostolica Benignitas ad Arelatensem ex parte  
 „transtulit civitatem, ut tali severitate Hilarius coercitus dis-  
 „cat non temerè transgredi terminos antiquos, Canonicâ prola-  
 „tione fundatos". Affirmat varia. Primò, quod Hilarius in re-  
 „tractario Chelidonij judicio tamquam Conjux noluisset asside-  
 „re Pontifici, ideoq; Româ aufergit. Nempe pertinaciter vo-  
 „lebat ipsum fieri in suo Tribunali. Secundò Pontifex affirmat,  
 „quod istam retractandarum Appellationum formam Apostolica  
 „Sedes semper servaverit: Etiam ante Sardicensem Synodum. Ter-  
 „tiò, quod hoc vetustum Privilegium Canonica Prolatio funda-  
 „rit seu confirmarit: Utique Sardicensis. Quartò, quod hæc Hi-  
 „larij prævaricatio non sit modica, ideoq; propter ipsam jure  
 „meritò

merito sit mutilatus amplo suæ Cathedræ Privilegio, gratis donata per Romanam Ecclesiam. Nihilominus inauditum Leo damnare noluit, ideoque & Romam revocavit. Tunc igitur reductus est ad mentem Hilarius, & uti ejus Encomiastes scribit, Romam legavit primò Ravenniam Presbyterum, deinde duos Primates Episcopos, ad placandum Pontificis animum, & se à Romani tribunalis accessu excusandum. Et tandè conversus ac illuminatus est ad seriam adedò pœnitentiam, ut quidam affirmant ipsum sponte ex Episcopali Throno descendisse, ac rediisse à silentium Lerinensis Monasterii. Quidquid sit, certum est fuisse ex pleno corde contritum. Alioquin ipsum in suas Sanctorum tabulas nunquam admisisset Romana Ecclesia. Et hinc patet illos, qui hodie ad Divinum Romanæ Sedis circa Apellationes Privilegium circumducendum, aut certè circumscribendum utuntur illius autoritate & exemplo, esse similes istis, qui olim ad firmandas suas de Rebaptismo nugas invocabant autoritatem & exemplum sancti Cypriani.

Quinta quæstio est, An memoratus sancti Hilarii Encomiastes sit reverà sanctus Honoratus Massiliensis Episcopus? Et quidem quod Honoratus Hilarii vitam scripserit, videtur non dubitandum. Etenim in ejus elogio Gennadius Massiliensis, aut certè quis ejus Prosecutor hæc habet: "Honoratus sanctorum Patrum vitas ad ædificationem Posterorum coaptat legendas, præcipuè nutritoris sui Hilarii Arelatensis Episcopi. Dico, "Vel quis ejus prosecutor. Etenim in Gennadii Scholiis ad Sancti Eugenii Carthaginensis Episcopi elogium scribit Aubertus Miræus: "In vulgatis Gennadii exemplaribus post Eugenium Pomerius Maurus, & Honoratus Massiliensis subnectuntur, quos tamen duos Honorius Augustodunensis in suo catalogo non habet, ideoque videntur ad Gennadii catalogum non pertinere. At vero Isidorus Hispalensis ac Sigibertus Gemblacensis Pomerium memorant, Honorati neuter meminit. Manuscripta Gennadii exemplaria vetustiora inter se variant: In quibusdam solus Honoratus, in aliis præterea Pomerius, Cæsarius, Sidonius, & Gelasius Papa omittuntur. Ne quid tamen à curioso Lectore desiderari possit, plenam Scriptorum centuriam dabo; ut eam Gennadii titulo Suffridus Petrus Colonis Agrippinæ publicavit. Cujuscumque verò sit istud caput, quæstio est, an hæc præsens sancti Hilarii vita sit genuinum opus sancti Honorati? Paschasius Quesnellus constanter affirmat: Quo

per ejus auctoritatem firmet omnia Hilarii Acta, & illorum, quæ sanctus Leo ad Viennensis Provinciae Episcopos scripsit, fidem exsufflet. Respondeo tamen esse rem penitus incertam. Rectè enim in primo Gallicanarum Synodorum tomo scribit Jacobus Sirmondus: "Honoratus, seu quis alius vitæ Hilarii author". Et Aubertus Miræus affirmat se à Joanne Jacobo Chiffletio, Societatis Jesu Presbytero, habere litteras sequentis tenoris: "Gennadii Massiliensis de Scriptoribus Ecclesiasticis habeo exemplar unum, per vetustum, edito non plenius, immò contractius à fine. Po-merium enim nonagesimo quinto, eoque ultimo loco recenset, Honoratum Massiliensem præterit. Sanè vitam sancti Hilarii Arelatenfis, quam author Chronologiæ Lerinensis huic Honorato inscribit, solo vulgati Gennadii fretus testimonio, Petrus Saccius, in Pontificio Arelatenfi, ex manu-scripto Codice, vendicat Reverentio, seu Ravennio Arelatenfi Episcopo, Hilarii Successori. Et sunt alia, quæ mihi suspectam faciant illam apud Gennadium Honorati Massiliensis mentionem". Lerinense Chronicon habet hanc Epigraphen: "Sancti Hilarii vita ex membrano perantiquo, manu-scripto Monasterii Lerinensis, autore Anonymo". Proinde vetustus ille codex caret authoris nomine. Etiam Fratres Sammarthani in Gallia Christiana censent illud Honorati elogium non esse à Gennadio, sed adjectum post ejus mortem. Quidquid sit, nec Ravennius, nec Honoratus, nec Angelus de cælo possit evacuare fidem Magni Leonis.

## CAPUT IV.

*Disputantur quæ circa hanc Romanam Chelidonii Episcopi  
appellationem nuperrimè scripsit Ioannes Gerbais,  
Doctor Parisiensis, Socius Sorbonicus, Regius  
Eloquentia Professor.*



Apientissimus hic ac Eloquentissimus Magister noster in sua de Majoribus causis Dissertatione hæc scribit: "Anno quadringentesimo quadragésimo, Chelidonius Episcopus in Concilio Arelatenfi dejectus est, quia, ut ferebatur, Viduam uxorem acceperat, præfueratque aliquando iudiciis capitalibus. Quia verò inique secum putavit actum, ad Leonem Papam se contulit, iudicii reformatio-

ncm.

„nem juxta Concilii Sardicenis Placita petiturum“. Errat in duobus. Primò, quod dicat istam Synodum ab Hilario fuisse actam anno illius sæculi quadragesimo. Etenim Chelidonius statim à suâ damnatione abiit Romam, Hilarius est ipsum statim secutus, paucis diebus hæsit Romæ, ac refugit in Galliam, & Magnus Leo est fugientem statim secutus suis litteris: At vero prima hujus contra illum ad omnes Gallicanæ Ecclesiæ Antistites Epistola est data octavo Idus Januariæ anni quadragesimi quinti, ideoque Synodus ista omnino fuit habita anno quadragesimo quarto. Et quidem sub finem: forsitan mense Octobri. Tunc enim est tempus Episcopaliū Synodorum. Hinc famosus Encomiastes scribit Hilarium sæviente hiemis rigore rediisse Romam: Nempe in exordio Januarii, aut in fine Decembris. Secundus error est, quod scribat istam Synodum fuisse actam in Arelatenſi civitate. Jacobus Sirmondus ad Gallicanas Synodos rectius scribit esse incerti loci. Et Fratres Sammarthani in Galliâ Christianâ scribunt: „Vetus author vitæ sancti Romani Abbatis Jurensis docet circa annum quadragesimum quadragesimum quartum habitum Concilium haud procul ab urbe Vesontionensi“. Revincunt utrumque errorem. Eloquentissimo tamen viro gratulamur, quod non parum veritatis agnoscat: Quod profiteatur Chelidonium ivisse Romam ad postulandam Hilariani Judicii reformationem juxta Placita Sardicenis Concilii. Profitetur hoc in Gallia tunc solemniter viguisse.

Sensa sua lucidè aperit in alio loco: „Insuper contendo præter Canones primorum Conciliorum Orientalium, qui continebantur in antiquo Ecclesiæ codice, alios etiam in Galliis ante Carolum Magnum usitatos fuisse, qui deinceps à Dionysio Exiguo priscis illis adjecti sunt, puta tam Africanos, quam Sardicenses“. Hos demonstrat quoad varia morum capita laudari ac firmari à primâ Turonensi, ac à primâ Synodo Aurelianensi, & adjungit: „Quod si Sardicenis disciplina quoad aliqua capita valuit apud Gallos ante Carolum Magnum, quidni & quoad appellationes valuisse ibidem asseramus? Maximè verò cum Episcopi Romani occasionem nullam omiserint ejus, ut cæteris Ecclesiis, ita & Gallicanis, intimidandæ“. Demonstrat hæc ex Decretalibus sancti Innocentii primi ad S. Victricium Rothomagensis Metropolitam litteris. Adducit totum caput de Ecclesiasticis Judiciis: Et quidem cum famosa circa Romanam Ecclesiam clausula: „Cui in omnibus causis debet

„reverentia custodiri”. Et exponit : “In priori Responsionis  
 „hujus parte Pontifex causas quidem Clericorum, tam superioris  
 „quam inferioris ordinis, terminari vult in Synodis Provinciarum,  
 „juxta Nicæni Concilii Placitum, quod & ab ipso ibi laudatur; sed  
 „neque in posteriori parte Sardicenses Canones de liberis ad Aposto-  
 „licam Sedem Appellationibus prætermisit. Synodus enim, quæ  
 „commemoratur ab Innocentio, alia non est à Sardicensi”.

Denuò pergit : “Jam verò cum Ecclesia Gallicana obsequentissi-  
 „ma fuerit semper Apostolicæ Sedi, quorsum, quæso, Sardicen-  
 „sem de Appellationibus disciplinam rejecisset? Quæ cum Aposto-  
 „licæ Sedi grata esset & honorifica, leges tamen à sanctis Patribus,  
 „Nicænis præsertim, de Judicijs Ecclesiasticis latas non evertibat”.  
 Hæc omnia non recedunt à Regno Dei. Quod enim ista sancti Inno-  
 centij epistola partim Nicænos, partim Sardicenses Canones laudet,  
 advertit etiam Remensis Hincmarus. Et est longè certissimum.  
 Eadem epistola est quasi primus Canonum codex Gallicanæ Ec-  
 clesiæ. Et apud ipsam semper fuit in summa autoritate ac reve-  
 rentia. Secunda Turonensis Synodus ex ipsa restaurat lapsam dis-  
 ciplinam, & adjungit : “Quis Sacerdotum contra Decreta talia,  
 „quæ à Sede Apostolicâ processerunt, agere præsumat? Et quo-  
 „rum authorum valere possit prædicatio, nisi quos Apostolica Se-  
 „des semper aut intromisit, aut Apocryphos fecit? Et Patres no-  
 „stri hoc semper custodierunt, quod eorum præcepit autoritas”.  
 Affirmant laudatam Decretalem, adeoq; & Sardicenses Canones  
 semper in Gallia floruisse. Hi sanè floruerunt etiam ante istum Pon-  
 tificem. Nec enim ipse primus, sed dudum antea per Galliam pro-  
 mulgarunt sanctus Maximinus Treverensis, Euphratas Colonien-  
 sis, sanctus Servatius Tongrensis, alijq; nostri Parentes Episcopi,  
 qui Sardicæ fuerunt, aut ejus Acta in suis Sedibus subscripserunt.  
 Eisdem in Apologia ad Constantium Imperatorem laudat mag-  
 nus Pictaviensium Episcopus Hilarius.

Eloquentissimus Magister pergit de Appellatione Chelidonii :  
 “Hunc tamen agendi modum, appellandi nempe à Provinciæ Sy-  
 „nodo ad Romanum Pontificem, ægerrimè tulit Hilarius Aro-  
 „latensis, qui Chelidonii damnationi præfuerat. Quia nempe inso-  
 „lentior paulò visus est, neq; hæc talem consuetudinem  
 „habuerant”. Suadet hæc per superius adducta Hilariani Encomia-  
 stæ verba, & prosequitur : “Leo magnus non sic faciliè acquievit  
 Hilarii



„Hilarii suggestioni, sed Chelidonii causam retractari apud se voluit. Ex quo quidem incensus Hilarius durioribus paulò verbis Leonem insequutus est, ipsèq; inter hæc, neq; expectato fine Judicii, neq; salutato Leone, ex Urbe excessit". Et statim post: „Quod ad Chelidonium attinet, quia injustè accusatus fuerat, re ipsaq; innocuus visus est, Ecclesiæ suæ est redditus. Fuitq; pariter restitutus Projectus, cui ægotanti alterum substituisse Hilarius pethibebatur".

Eloquentissimus vir retrocedit à veritate, quam fuerat professus. Professus namq; fuit Sardicenses Canones, & ab ipsis sanctam Romanæ Appellationis disciplinam semper viguisse in Gallia; at verò nunc scribit istum appellandi modum fuisse insolentiorẽ, & usque tunc apud Gallos non fuisse illius consuetudinem. Hinc Hilarium fuisse offensum. Agit non de quavis Appellatione, sed de illa, quæ in Romanâ Synodo per ipsum Pontificem retractari debeat, ac in qua prior Judex, in Reum aut Accusatorem demutatus, possit Romam evocari, cogendus reddere rationes sui Judicii. Et graviter labitur. Etenim sanctus Leo ad Viennensis Provinciæ Episcopos disertè & constanter scribit: " Nobiscum Fraternitas vestra recognoscat Apostolicam Sedem, pro sui reverentia, à vestra etiam Provinciæ Sacerdotibus, innumeris relationibus esse consultam, & per diversarum, quemadmodum vetus consuetudo postcebat, Appellationem causarum aut retractata, aut confirmata fuisse Judicia. Et hunc tramitem, semper inter Majores nostros & benè tentum, & salubriter custoditum, Hilarius Ecclesiarum statum, & concordiam Sacerdotum novis præsumptionibus turbaturus excessit: Ipsius quoque beatissimi Petri reverentiam, verbis arrogantioribus minuendo, cui pascendarum ovium cura specialitè mandata est". Affirmat plura. Primò quod adduci possint innumera Relationum ac Appellationum exempla. Secundò, quod istas Appellationes Apostolica Sedes non quovis modo, sed apud semetipsam discussit: Et priora Judicia confirmaverit quandoq; quandoq; etiam reformat. Quod eodem modo processerit, quojam procedebatur in causa Chelidonii. Tertiò, quod hæc sit perpetua consuetudo Gallicanæ Ecclesiæ: Perpetuus trames, semper benè tentus à Majoribus, ac salubriter custoditus. Quartò, quod eirca hæc omnia semper fuerit firma concordia Ecclesiarum ac Sacerdotum. Quintò, quod istam consuetudinem, istamq; concordiam

diam primus rumpere tentavit Hilarius, atque ita insigniter turbavit Ecclesias. Sextò, quod ista Appellationis prosequendæ forma sit non à Sardicensi, vel quâvis aliâ Synodo, sed ab ipso Christo Domino, qui Apostolicæ Cathedræ tradidit Pasturam omnium suarum Ovium, plenam auctoritatem solvendi atque ligandi. Proinde penitus devium est, quod Hilarius se fundarit in priori consuetudine Gallicanæ Ecclesiæ. Ista tamen adeò insolenter tentasse non possit sine aliquo calore aut furore. Ego nescio aliud, nisi quod ex Gallicani Præfecti Sede censuerit suo Throno accessisse novam dignitatis speciem.

Quod ipsum non vanè colligitur ex adeo festina in degradatorum Episcoporum Sedes superordinatione. Etenim Hilarius non solum Projecto, sed & Chelidonio statim superordinavit. At verò hæc festinatio erat penitus aliena ab antiquis Galliæ moribus. Etenim duæ Gallicanæ Synodi, quæ Euphratam Coloniensem dicuntur degradasse, non præsumperunt superordinare. Licet degradarent ob manifestam hæresim. Etiam Biterrensis Pseudo-Synodus, quæ sanctum Hilarium Pictaviensem dejecit, non superordinavit. Nec item Pseudo-Synodus Arelatenensis, ejiciens sanctum Paulinum Treverensem. Nec ipsa item Orthodoxa Parisiensis, damnans Saturninum Arelatensem, ausum sceleratas manus mittere in duos istos gloriosos Antistites.

Hodierni Apostolicæ Sedis Detractores assidue proclamant ad Africanam Ecclesiam: Clamant ipsi eandem cum Gallicana semper quoad Judicia fuisse disciplinam. Insigniter falluntur ac fallunt. Interim etiam Africana Ecclesia degradatis Episcopis nunquam statim superordinavit. Nequidem ante Sardicensem Synodum. Etenim Donatus Carthaginensis Episcopus damnato à se Privato Lambesitano superordinare non præsumpsit, antequam sanctus Fabianus firmasset ejus Judicium. Ita colligitur ex sancti Cypriani litteris ad sanctum Cornelium. Et sanctus Augustinus Donatistas graviter arguit, quod ante similem Romanam confirmationem præsumperint dejecto Ceciliano superordinare Majorinum. Nempe Provinciarum Synodi, uti ad sanctum Victorium scripsit sanctus Innocentius, suum de dejectis Episcopis Judicium debuerunt semper referre Romam, & ante Apostolicum Rescriptum non superordinare. Quapropter clarum est, quod hanc suam novitatem Hilarius fundare non potue-  
rit

rit in avitis moribus Gallicanæ Ecclesiæ. Ego nescio fundamentum aliud, nisi novam dignitatem ex Sede Præfecturæ.

Possint opponi duo. Primum est, quod non soli vulgares Metropolitæ, sed etiam quicumque Autocephali Exarchi, ac ipsi etiam Patriarchæ fuerint obligati circa Romanas Appellationes revereri ac observare Sardieensem formam ac disciplinam; adeoq; Hilarius ex vano Autocephaliæ prætectu non potuerit istud onus excutere. Erat namque doctus Episcopus, peritus Ecclesiasticæ Hierarchiæ. Secundum est, quod ipse regulam, quæ datam alicui civitati aut regioni à Principe dignitatem transfundit in istius civitatis aut regionis Episcopum, semper averfatus oderit. Hinc enim à Romanis Imperatoribus erectas in Narbonensi Gallia novas Provincias pertinaciter agnoscere in rebus Ecclesiasticis noluit: Voluit & quoad Consecrationes, & quoad Judicia permanere solidus ac solus Metropolitæ. Quomodo igitur credi possit, quod ille ex Præfecti Sede tentarit sibi singularem dignitatem advocare?

Respondet in litteris ad sanctum Marinianum, Ravennæ Metropolitanam, magnus Gregorius: " Scripta Fraternitatis vestræ suscepimus, in quibus indicastis quosdam de Clero ac Populo clamitantes, contra leges & Canones esse, ut inter Ecclesiam vestram & Claudium Abbatem causa hic examinari ac judicari debeat. Qui si Ecclesiasticum ordinem, vel inter quos vertitur, nossent advertere, se à superflua querela modis omnibus abstinere: Præsertim quia nec causa illic dici possit, ubi se prædictus Abbas a Decessore vestro questus est injustitiam pertulisse, & ex ea hæcenus laborare. Hoc enim poterat fortassis opponi, si non ad Majorem recurreret, & apud eum causæ suæ meritum peteret terminari. Nunquid non ipse nosti, quia causa, quæ à Joanne Presbytero contra Joannem Constantinopolitanum fratrem & Co-Episcopum nostrum orta est, secundum Canones ad Apostolicam Sedem recurrit, & nostrâ est sententiâ definita? Si ergò de illa civitate, ubi Princeps est, ad nostram causa cognitionem deducta est, quantò magis negotium, quod contra vos est, hic est veritate cognitâ terminandum? Vos autem ibi stultorum verba non moveant, nec per nos credatis dispendium aliquod Ecclesiæ vestræ fieri. Fraternitas autem vestra sapienter egit Personas pro negotio ipso transmittere, & verba inania non audire.

Claudius Abbas non à Mariniano, sed ab ejus Antecessore Joan-

Lib. 5.  
Epist. 24.

nc

ne in nescio quo negotio gravatus appellarat Sedem Apostolicam : Et magnus Gregorius Appellationem admiserat , ideoque Mariniano mandavit , ut Responsales transmitteret , qui in retractatorio Iudicio purgarent Joannis sententiam , aut ipsam audirent reformari , At intercessit Ravennæ Clerus ac Populus , altè clamans esse contra leges & Canones , ut iste Retractatus Romæ fieret . Clamarunt Ravennatis Ecclesiæ dignitatibus per Pontificem inferri vim atque dispendium . Quod nempe Ravenna esset Exarchi , Prætoriorum Præfectis æqualis , gloriosa Sedes , ideoque ejus Episcopus gauderet eorumdem circa Ecclesiasticas causas Prærogativis : Et Imperator Justinianus nuperrimè sanxerat , uti Præfectorum , ita & Patriarcharum , adeoque & omnium Autocephalorum Primatum sententias esse inappellabiles . Hinc Claudii Abbatis , & spectantis ad ipsum causæ Romana evocatio clamabatur esse etiam contra leges . Nequaquam Appellationis substantiam , sed solam ejus Sardicensem formam tentabant effugere : Volebant causam istam ab ipso Mariniano cum quibusdam per Dominum Papam adjunctis Episcopis esse revidendam . Et sanctus Marinianus , licet in Romana civitate , ac sub Monastica ipsius Gregorii disciplinà enutritus , nec non insigniter eruditus , attendit ad ista , & non parum cespitavit . Attamen ne magistrum Pontificem , ac Romanam Ecclesiam offenderet , transmisit Responsales , verum cum protestatione . Quid ad ista Gregorius ? Respondit esse verba stultorum : Verba inania . Et demonstravit ex recentissimo Constantinopolitanæ , in qua non Italiæ Exarchus , sed totius Mundi Imperator Sedem habet , Ecclesiæ exemplo . Etenim Joannes Presbyter contra Joannem Patriarcham appellaverat Romam , & ipse Marinianus propriis oculis viderat istam causam retractari in urbe , ac definiri juxta formam Sardicensem . Viderat nec Patriarcham , nec Imperatorem , qui tamen uterque admodum modicè diligebat Gregorium , in ullo contrajisse . Ista igitur ipsa stultorum inania verba , quæ sanctum Marinianum cespitare fecerunt , seduxerunt sanctum Hilarium . Utrumque eximie doctum ac sanctum . Nempe in propriæ dignitatis causa . Quandoque bonus dormitat Homerus .

Iterum audiamus Eloquentissimum Magistrum nostrum : " Sua hæc Iudicia Leo significavit Episcopis Viennensis Provinciæ epistolâ illâ , quæ jam laudata est ; cum autem intelligeret vix habitura effectum apud Gallos , tum quia nondum assueti erant

Ap-

„Appellationibus illis nuper invec̃tis, tum verò maximè quod Episcoporum Gallicanorum causas Romæ cognovisset, Valentinianum Imperatorem rogavit, ut Edicto suo Judiciorum, quæ tulerat, executionem vellet adjuvare. Valentinianus, Leoni morem gerens, Edictum emisit. Magister adducit Capitalia Edicti verba, & pergit: Hac porro Constitutione plus dedit Valentinianus, quàm Leo rogaverat. Immò & amplius dedit, quàm ipse posset. Plus quidem dedit quàm Leo rogaverat: Aliud quippe nihil optaverat Leo, quàm ut Judicii contra Hilarium lati executio Imperatoriâ Autoritate juvaretur. Plus etiam indulxit, quàm posset: Cum enim Imperatores condere leges de Ecclesiasticis rebus non possent, nisi quæ conformes sint Canonibus, quæque ad eorum executionem tendant, fert ibi legem Valentinianus, quæ Canonibus non quibuscvis, sed Sardicensibus ipsis omnino contraria est. Jubent enim Sardicenses Canones Episcoporum causas agitari in Provinciis, sive quoad primam, sive quod secundam cognitionem. Imperator verò cogendos vult Episcopos, ut in Urbem ab Episcopo Romano judicandi sese conferant. Quare mirum nihil est, si Galli, Canonum antiquorum usque semper observantissimi, generali huic legi de petenda Urbe nunquam obsecuti sint”.

Palam retrocedit à sua priori sapientia in plures errores. Primus est, quod Romanæ Appellationes tunc essent nuper invec̃tæ, ideoque Gallicani Episcopi necdum essent ipsis assueti. Etenim Sanctus Maximinus Treverensis Episcopus, dum sancti Athanasii, ac aliorum Orientalium Episcoporum Appellationem admitti, & Antiochenæ Synodi de ipsis Judicium suspendi ac retractari suasit ac persuasit sancto Julio, omnino suasit ex more & sensu non solius Romanæ, sed & Gallicanæ Ecclesiæ. Quin immò quòd Julius sit antiquum Universalis Ecclesiæ Canonem ista in re sequutus, disertè testatur in Ecclesiastica historia Theodoretus. Ipse item Julius idem asseverat in litteris ad Antiochenam Synodum. Et istum Canonem laudatus Maximinus omnino innovavit ac stabilivit apud Sardicam. Et quid magnus Leo de harum Appellationum apud Gallos antiquitate dicat, jam abundè audivimus. Proinde de hoc Eloquentissimo Magistro nostro magnus Gregorius diceret, quod venum exponat ”inania verba stultorum”. Secundus error est, quod magnus Leo in eo maximè deliquerit, quod Gallicanorum Episcoporum causas cognoverit Romæ. Etenim

Lib. 1.  
Cap. 4.

laudatus Maximinus sancto Julio etiam author fuit, ut sancti Athanasii & aliorum Orientalium Episcoporum causam cognosceret Romæ. Et istius sui consilii fundamenta omnino desumpsit ex more & Canone totius Ecclesiæ, suæ præsertim Gallicanæ. Quæ omnia Magnus Leo confirmat. Operis hujus decursus adducet plura authentica exempla ac testimonia.

Proinde tertius error est, quod magnus Leo ad hanc sui operis novitatem Gallicanis Ecclesiis imponendam ab Imperatore Valentiniano postularit Legis adjutorium. Etenim ipse Imperator in ipsa lege palam scribit contrarium: "Hæc cum hætenus inviolabiliter fuerint custodita. Hilarius contumaci ausu illicita quædam præsumenda tentavit. Ne quid Gallicanis Episcopis contra æterem consuetudinem liceat". Unica igitur postulandæ Legis ratio fuit dura Hilarii in Papalem Autoritatem, & avitam Gallicanæ Ecclesiæ consuetudinem contumacia. Hoc ipse Imperator disertè proficitur "Et erat quidem ipsa Papalis sententia per Gallias etiam sine Imperiali Sanctione valitura. Quid enim tanti Pontificis Autoritati in Ecclesias non liceret? Sed nostram quoque Præceptionem hæc ratio provocavit, ne ulterius Hilario, nec cuiquam alteri liceat Præceptis Romani Antistitis obviare". Et Lex nulli magis profuit quam ipsi Hilario. Ejus enim duritiam fregit, aperuit oculos, perdixit ad veritatis cognitionem ac veram pœnitentiam, perfecitque in sanctissimum Episcopum.

Quartus error est, quod magnus Leo solam sui contra Hilarium Judicii executionem postularit, adeoque Valentinianus plura dederit, quàm fuerit rogatus. Etenim magnus Leo nullam contra Hilarium tulit definitivam sententiam, sed Principi exposuit plura alia, omnia postulans adjuvari per ejus Brachium. Primò, quod Hilarius alios incompetenter removisset, alios Episcopos indecentur invitis ac repugnantibus civibus ordinasset. Secundò, quod ipsos per armatam violentiam intrusisset suis Sedibus. Tertiò, quod Romanis Appellationibus nec suspensivum effectum, nec Romanum vellet concedi accessum, ideoque nec appellantes Episcopos Romam accedere, nec eorum Damnatore permitteret illuc evocari. Quod his evocationibus omnem denegaret obedientiam. Idque contra sacre, Sardicensis utique ac Nicænæ Synodi Autoritatem. Et omnia tria Valentinianus damnavit, plenè confirmans Pontificis Judicium.

Quin-

Quintus error est, quod Valentinianus suæ Potestatis limites excesserit: Quoniam Sardicenses Canones nec Appellantium Episcoporum Judices Romam evocari permittant, nec istas causas per Pontificem retractari. Hunc Magistrum nostrum plane credo esse non dumtaxat eloquentissimum, sed & sapientissimum: Eisdem interim virtutes omnino credo infuisse magno Leoni, nec non & Valentiniani III. Assessoribus. Et hic ipse Magister proficitur se istis omnibus scribere contraria. Cui igitur sit credendum? Judicandum permitto cunctis Lectoribus. Quod igitur iste Magister ab avito Gallicanæ Ecclesiæ sensu longissimè retrocedat, licet tanti Pontificis ac istorum Assessorum Autoritas abundè evincat, volo tamen paucis aliis demonstrare exemplis ac testimoniis. Gloriosus Treverensium Antistes Maximinus Papæ Julio author fuit, non dumtaxat ut sanctum Athanasium statim revestiret, sed etiam ut ejus Damnatores citaret Romam: Et hanc vetustam Romanæ Appellationis disciplinam curavit innovari atque firmari per Sardicenses Canones. Omnia ista fecit ex avito sensu Gallicanæ Ecclesiæ. De Sancto Briccio Turonensi Episcopo, per rebellem populum ejecto, & Romam abeunte ac appellante, scribit sanctus ejus Successor Gregorius: "Post cujus abscessum aiunt Turonici suo Sacerdoti Justiniano, quem Briccio superordinaverant, Lib. 2.  
„vade post eum, & exerce negotium tuum. Quia si persecutus Cap. 11.  
„eum non fueris, ad nostrum omnium contemptum humiliaberis. Justinianus vero egressus à Turonis, Vercellas Italiæ civitatem, adgressus, Judicio Dei percussus, obiit peregrinus". Omnis Populus cum gravibus minis Justiniano mandavit, ut & ipse Romam ecederet, in Retractorio Pontificis Judicio purgaturus civitatis factum, ac suam ordinationem defensurus. Mandavit juxta Sardicenses Canones. Quod nempe eorum legitimus intellectus non apud solum Clerum, sed etiam apud Galliæ Populum esset longè notissimus. Et hinc Justinianus promptè obedivit. Gregorius adjungit, quod Briccus per Romanum Apostolicæ Sedis Judicium tandem receperit suum Thronum atque Ecclesiam. Heroten & Lazarum, Gallicanos Episcopos, Zozimus Pontifex in litteris ad Aurelium Carthaginensem & cæteros Africæ Episcopos appellat "Erubescenda Factis & Damnationibus nomina"; & adjungit: "Specialis illos Sedis Apostolicæ Autoritas ab omni communi-  
„nitione submovit". Nempe in Gallia damnati Romam appel-  
lave-

laverant atque accesserant : Et eorum causam Romæ per semet-ipsam retractarat Zozimus, & firmarat Gallicanam sententiam. Idem Pontifex in litteris ad Hilarium Narbonensem Episcopum enumerat Urbi ac Tuentii, Gallorum ac in Gallia damnatorum Episcoporum, crimina, & adjungit : " Hæc omnia apud nos Gestis, Testimoniis, que discussa sunt". Utique in Retractatorio Appellationis Judicio. De nescio quo obscæno Juvene, quem subdere volebat publicæ poenitentiae, ad Illustrem virum Ansemondum scripsit sanctus Avitus

**Epist. 49.** Viennensis Archi Episcopus : " Licet me ad Romanæ forsitan Ecclesiæ Audientiam vocet, fatigationes itinerum non verebor". Sapaudo Arelateni Archi-Episcopo, de frivolis suorum Clericorum Appellationibus & Romanis accessibus expostulanti, relescriptit Pelagius Primus : " Necesse habemus solliciti esse, ut si quis venerit, non facili nobis, tamquam ignaris, subrepere aliquid videatur. Melius tamen Fraternitas tua faciet, si cognoscens illos, quos suspicamini, ad nos esse venturos, etiam vos personam instructam ex omni parte dirigatis, quæ eis possit obfistere. Quia cum epistola vestra nihil de causa contineat, si hic, qui modò nobis ex voluntate vestra verbo suggestit, tunc apud nos ne-

**Epist. 9.** queat inveniri, videbimur nos Accusatoris officium suscepisse". Palàm affirmat Accusatoris in appellatis causis officium spectare ad ipsum Sapaudum. De Salonio ac Sagittario, Gallicanis ac Synodaliter damnatis Episcopis, Scribit sanctus Gregorius Episcopus Turonensis : " At illi, cum adhuc propitium sibi Regem nosserent, ad eum accedunt, deplorantes se injustè remotos, sibi quæ traditi licentiam, ut ad Papam Urbis Romanæ accedere debeant. Rex verò annuens petitionibus eorum, datis Epistolis eos abire permittit. Qui accedentes coram Papa Joanne tertio exponunt se nullis rationalibus existentibus causis dimotos. Ille verò Epistolas ad Regem dirigit, in quibus eosdem locis suis restitui jubet. Quod Rex sine mora, castigatis prius illis verbis multis, implevit". Pontifex eos revestivit, dilato in opportunum tempus retractatorio Judicio. Et fuit plenissimè obeditum. Etenim uterque quarto, quod sub Benedicto primo, proximo Joannis Successore, fuit celebratum, Parisiensi Concilio assedit & subscripsit ut integer Episcopus. Quæ omnia manifestissimè facta sunt juxta Sardicenses Canones. Quid opus multis ? Et Dionysius Exiguus, &

**Lib. 5.**  
**Cap. 20.** Isidorus Mercator Sardicensem Canonem transtulerunt hoc modo :

Si



"Si depositus Episcopus proclamaverit agendum sibi negotium in  
 „Urbe Roma, alter Episcopus in ejus Cathedra non ordinetur,  
 „nisi causa fuerit in Romani Episcopi judicio determinata". Et hanc  
 translationem probavit etiam, ac suæ Canonum collectioni in-  
 scripsit Cresconius Africanus Episcopus. Quare grandi stupore digna  
 sunt istius Magistri nostri hæc verba: " Galli generali huic legi de  
 „petenda Roma nunquam obsequuti sunt.

## CAPUT V.

*Romanarum in Gallia Appellationum antiquitas  
 demonstratur ex S. Cypriano.*



Artianus Arelatensis Archi-Episcopus olim pa-  
 travit tria crimina: " Primò jactabat & prædi-  
 „cabat, quod Novatiano studens, & ejus pervi-  
 „cacia sequens, à nostra communicatione se se-  
 „gregasset". Nec S. Cornelium, nec S. Lu-  
 cium, nec item S. Stephanum voluit uti Pon-  
 tifices agnoscere: Dixit Novatianum fuisse legi-  
 timum Romanorum Antistitem, idedque etiam defuncto perstitit  
 contumax adherere. Secundò, item Novatiani errorem pari perti-  
 nacia tenuit ac defendit. Docuit Lapsos non posse reparari per Ec-  
 clesiæ Claves: Istud crimen esse reservatum judicio Divinæ Maje-  
 statis.

Tertium ejus crimen habes in his S. Cypriani verbis: " Ex qui-  
 „bus, utique execrandis Hæreticis, cum Martinus esse cæperit,  
 „& se Novatiano conjungens, adversarius misericordiæ & pietatis  
 „existit, sententiam non dicat, sed accipiat, nec sic agat quasi  
 „judicaverit de Collegio Sacerdotum, quando ipse sit ab univer-  
 „sis Sacerdotibus judicatus". Blaterabat SS. Pontifices Corne-  
 lium & Lucium, ipsamque Romanam & omnes ei adherentes  
 Ecclesias in suo pro Lapsis Decreto errasse, Novatianum autem  
 docuisse ex Evangelio. Lucent hæc ex sequentibus S. Cypriani  
 verbis: " Servandus est enim Antecessorum nostrorum, Beatorum  
 „Martyrum Cornelij & Lucij, honor gloriolus, &c'. Utiq; ho-  
 nor martyrii, Eos Martinus clamabat esse prævaricatores Chri-  
 stiani

stiani dogmatis, ideoque & Pseudo-Martyres. Homo sceleratus ac impudens damnabat omnem Ecclesiam. Commovit omnem Galliam, & plurimos lapsos sine Sacramentalis Reconciliationis Pace ac Viatico transmisit ad aliud sæculum.

Audiamus rei decursum ex S. Cypriani litteris ad S. Papam Stephanum: "Faustinus Collega noster, Lugduni consistens, semel atque iterum mihi scripsit, significans ea quæ jam scio vobis utique nuntiata, tam ab eo, quam à cæteris Co-Episcopis nostris, in eadem Provincia constitutis. Quod Martianus, Arelatæ consistens, Novatiano sese conjunxerit, & à Catholicæ Ecclesiæ unitate atque à corporis nostri & Sacerdotii consensione discesserit, tenens hæreticæ præsumptionis durissimam pravitatem". Nempe pravitatem crudelitatis Novatianensis. Exponit crudele dogma, & concludit: Quapropter facere te oportet plenissimas litteras ad Co-Episcopos nostros in Galliis constitutos, ne ultra Martianum, pervicacem, & superbum, & Divinæ pietatis ac fraternæ pacis inimicum, Collegio nostro insultare patiantur, quod necdum videatur à nobis abstinens, qui jam pridem jactat & prædicat, quod Novatiano studens, & ejus pervicaciam sequens, à communicatione se nostra segregaverit, cum Novatianus ipse, quem sequitur, olim abstinens, & hostis Ecclesiæ judicatus sit". Et post quædam: "Quàm vanum est, Frater charissime, ut Novatiano nuper retuso & refutato, & per totum orbem à Sacerdotibus Dei abstineto, nunc adulescentes nobis adhuc patiamur illudere, & de majestate ac dignitate Ecclesiæ judicare? Dirigantur in Provinciam, & ad plebem Arelatæ consistentem à te litteræ, quibus abstineto Martiano alius in locum ejus substituatur". Et tandem concludit: "Significa planè nobis, quis in locum Martiani Arelatæ fuerit substitutus, ut sciamus ad quem Fratres nostros dirigere, & cui scribere debeamus".

Ex quibus verbis discimus plura. Primò, quod Martiani per Galliam grassatio fuerit sæpius relata ad Stephanum Pontificem. Relata fuit per Faustinum Lugdunensem Metropolitam, & per ipsos Martiani Comprovinciales Episcopos. Et ad hæc atque similia exempla respexit magnus Leo, dum ad Viennensis Provinciæ Episcopos scripsit Gallicanas ad Apostolicam Sedem Relationes ante se fuisse innumeras. Secundò, discimus verum esse hunc Jacobi Pamellii commentarium: "Licuisse jam olim Pontificibus Romanis Episcopos justis

„justis de causis excommunicare, imò destituere, & novos in eorum locum substituere, perspicuum facit hoc loco Cyprianus de Gallis. Quod mirum in modum commendat auctoritatem & Pri-  
matum”. Quæ verba probavit, & in suos Commentarios transcripsit etiam vir Francus ac eruditus Nicolaus Rigaltius. Insuper eleganti compendio refutat somnia Joannis Launoy, ex Apostolicæ Sedis odio præsumptis istam epistolam proferbere ad spuria. Ita consuevit Erronum desperatio. Hinc Palschafius Quesnellus istam evadendi portam vidit nec honorificam sibi fore, nec securam.

Nihilominus irrefragabilem S. Cypriani auctoritatem omnibus nervis tentat evacuare. Ex ejus multiloquio audiamus aliqua: „Martianus Arelatensis Episcopus, Novatiana labe infectus, vastabat Gallias, Sedis suæ amplitudine fretus. Cum autem cæteri Episcopi Gallicani adversus hominem in sua Provinciâ potentem nihil auderent, nec id etiam temporum ratio sineret, cum præterea plebs Arelatensis, Martiani fraudibus decepta, Episcopum suum tueretur ac defenderet, uti ex epistola Cypriani licet conjicere, à cæteris exterarum Provinciarum Episcopis opem imploraverunt, præcipuèque à Romano & Carthaginensi, quorum maxima erat in Ecclesiâ autoritas. Ad utrumque ergo litteras dederunt Faustinus Lugdunensis Episcopus, & Romanæ Provinciæ, id est, Narbonensis solidæ Episcopi.

Imprimis verò Romanum Episcopum tanquam cætus Episcopalis Caput, Apicemque sollicitabant, ut Ecclesiæ sub schismatici Episcopi jugo laboranti adesset, auctoritate Sedis suæ fretus. Quod eam ob rationem egerunt, quod & nullum in ea Provinciâ sibi imminens habebat Martianus, & non ita pridem à Sede Apostolica transmissum acceperant Trophimum, de cujus indigno Successore Martino apud ipsum querelam deferendi jus habebant. Tardante verò Stephano, nec suppetias ferente, iterum ad Cyprianum scripsere Galli, ut ipse apud Romanum instantius ageret de Martiani depositione. Fecit quod rogabatur Cyprianus, deditque litteras ad Pontificem querelarum, precumque Gallicanæ Ecclesiæ indices, in quibus utriusque Ecclesiæ mentem ac disciplinam licet intueri.

Divinæ veritatis potentiam demonstrant hæc verba: „Instantius ageret de Martiani depositione procuranda”. Etenim Quesnellus, ut hujus epistolæ flagella cantat, assidue blaterat ipsam non agere de-

de depositione. Depositionis ab abstentione discrimen affirmat à nemine ignorari. Et ecce hic proficitur Martiani depositionem fuisse à Gallis Episcopis & S. Cypriano postulatam, idèdque & à S. Stephano Pontifice inflictam. Hæc veritas in adductis illius verbis lætè inter plurimos errores, uti aurum inter lutum. Porro primus error est in his verbis: "Cum cæteri Episcopi Gallicani, adversus hominem in sua Provincia potentem nihil auderent". Etenim Episcopi isti fuerunt adèd generosi, ut suis clamoribus permoverint omnem Galliam, ut Martianum apud vicinum Metropolitanam Faustinum detulerint, ut Apostolicam S. Stephani auctoritatem sæpius imploraverint, ut ejus moras tandem abruperint per S. Cyprianum. Verùm cur ipsi illum non dejecerunt? Aperta est ratio: Quod esset ipsorum Metropolitanus. Hinc nec per propriam Synodum, nec per vicinum Metropolitanam damnari & exui potuit, sed per solum Pontificem, suum Primatem ac Patriarcham. Quod Metropolita per solum Patriarcham possit dejici, nequaquam ducit originem ex famosa Imperatoris Gratiani ad S. Damasum Pontificem lege: Est Apostolica regula, per Patrum Canones & Principum leges postmodò adversus quorundam prævaricationes frequenter confirmata.

Secundus error est in his verbis: "Nec id etiam ratio temporum sineret". Quæ temporum ratio? Etenim tempus, quod per omnem Galliam & Africam clamari, quod hominem multis ad Apostolicam Sedem Relationibus invadi, ac tandem per ejusdem Sedis Antistitem degradari permisit, cur non permetteret projici per propriam Synodum? Certè quin omnes istæ Relationes fuerint Synodales, non est dubitandum. Quapropter omnis ratio fuit defectus potestatis in proprium Metropolitanam.

Tertius error est in his verbis: "Cum Arelatensis plebs, Episcopum suum tueretur ac defenderet". Etenim oppositum disertè edicunt hæc sancti Cypriani de Arelatensibus verba: "Servis Dei pœnitentibus & dolentibus, & ad Ecclesiam lachrymis, & gemitu, & dolore pullantibus, Diebus & noctibus, ingemiscunt, & Divinam ac Paternam, utique Episcopalem, misericordiam deprecantes, solatium nostræ opitulationis exposcunt". Nempe adversus suum Episcopum Martianum. "Grex Christi ab illo dissipatus & vulneratus contemnitur". Dum ab ipso Sacramentalis Reconciliationis Pacem magnis, sœtibus postulabat.

Quar-

Quartus error est in his verbis: "Ab exterarum Provinciarum Episcopis opem imploraverunt". Etenim non refugerunt, nisi ad vicinissimum Faustinum, Metropolitam Lugdunensem, qui quod par nihil valeret in parem, rem omnem cum Martiani Suffraganeis retulit sancto Stephano, omnium Papæ & Patriarchæ. A Faustino aliud non flagitarunt, quàm fraternum auxilium.

Quintus error est in his verbis: "Præcipuèquæ à Romano & Carthaginensi. Tardante verò Stephano, nec suppetias ferente, iterum, ad Cyprianum scripsêre Galli". Falsum est, quod iterum. In prima instantia scripserunt ad solum Stephanum. Lucet ex Cypriani verbis: "Quæ etiam vobis scio nuntiata tam ab eo, quàm à cæteris Co-Episcopis nostris in eadem Provincia constitutis". Nempe antequam ego ab illis invocarer. Hinc Cyprianus pergit: "Faustinus semel atque iterum mihi scripsit". Nempe Cyprianus ad primam epistolam movere se noluit, & Pontificem quasi de negligentia increpare. Forsitan nata inter ipsos de Hæreticorum Baptismo controversia possit illum reddidisse tardiozem. Quidquid sit, Cyprianus non nisi tardante Stephano fuit invocatus.

Quare sextus error est in his verbis: "Quorum maxima erat, in Ecclesia autoritas". Nempe si agatur de autoritate Sedium. Etenim Carthaginensis Ecclesia, licet Primatialis, non tamen fuit Autocephala, ideoque ejus Sedes autoritate non fuit inter maximas. Et quid Gallis cum ipsa? Certè Joanni Hierosolymæ Episcopo, à Theophilo Alexandria Patriarchæ auxilium postulanti, respondit olim sanctus Hieronymus: "Tu qui, Regulas quæris Ecclesiasticas, & Nicæni Concilii Canonibus, uteris, Responde mihi, ad Alexandrinum Episcopum Palestina quid pertinet? Ni fallar, hoc ibi decernitur, ut Palestinæ, Metropolis Cæsarea sit, & totius Orientis Antiochia. Aut igitur, ad Cæsariensem Episcopum referre debueras, aut si procul expectandum Judicium erat, Antiochiam potius literæ dirigendæ". Eadem ratione ad Carthaginensem Episcopum Gallia quid pertinet? Nicæni Canones nullum ei dant Primatem, nullum Patriarcham, nisi Dominum Papam. Proinde dum Sedium respicitur auctoritas, contra Martianum Faustinus nullatenus ad Cyprianum poterat, sed referre debebat ad solum Stephanum.

Fuit tamen, verum longè alia, ratio referendi etiam ad Cyprianum. Eam exponit præfatus Joannes in illis, quas S. Hieronymus

nymus impugnât, literis ad Patriarcham Theophilum: "Tu quidem ut homo Dei, & Apostolica ornatus gratia, curam omnium Ecclesiarum, maximè ejus, quæ in Hierosolymis est, sustines, cum ipse plurimis sollicitudinibus Ecclesiæ Dei, quæ sub te est, distringaris". Affirmat alias esse, alias Ecclesias non esse sub Theophilo, & tamen laudat, quod gerat omnium sollicitudinem: Nempe de istis Paternæ justitiæ, de his sollicitudinem solius Fraternalis charitatis. Et hanc charitatem sanctus etiam Cyprianus de omni Ecclesia habuit: Præsertim circa materiam Novatianensis crudelitatis. Etenim usque ad ista tempora Lapsis non fuerat data Sacramentalis Reconciliationis Pax: Ne-quidem in ipso exitu. Clementiæ novitas excogitari & agitari cæpit post S. Fabiani Pontificis Martyrium, vacante Romanâ Ecclesiâ. Ob Imperatoris Decii de non creando novo Pontifice Edictum vacavit illa diutius, & grassans persecutio omnem Romanum Orbem impleverat Lapsis. Et ipsi ejulantes ac flentes Catholicæ Matris viscera & fores pulsabant apud omnes Ecclesias: Et magnum Cyprianum ad sui commiserationem permoverunt. Hinc ille viduato Clero fuit auctor, ut clementiam sub futuri Pontificis Beneplacito admitteret. Et postmodò per S. Cornelium Pontificem, ejus Successorem Lucium, & plerasque sub cælo Ecclesias fuit comprobata, & suscepta in mores. Hinc Gallicani Episcopi adversus, clementiæ istius hostem Martianum invocarunt S. Cyprianum, Non propter Sedis, sed propter solius personæ, in ista præsertim causa, auctoritatem. Alias potuerant magis amicum Pontifici intercessorem impendere.

Hæc Paschasii Quesnelli verba, "Imprimis verò Romanum Episcopum tanquam cætus Episcopalis Caput, Apicemque sollicitabant", nescio an sint atra, vel alba. Suspicionem fovet & augent item hæc: "Ut Ecclesiæ laboranti adesset, auctoritate Sedis suæ fretus. "Quod eam ob rationem egerunt, quod nullum in ea Provincia sibi imminens habebat Martianus, & non ita pridem à Sede Apostolica transmissum acceperant Troplium, de cujus indigno Successore Martino apud ipsum querelam deferendi jus habebant". Sunt tenebrosa ac amphibia. Tenebras augent hæc: "Quod nullum in Provincia sibi imminens habebat". An fateantur ei ullum in omni Ecclesia fuisse superiorem Episcopum, novit Divina Sapientia. Possint asserere, quod nimia Martiani Tyrannide lassati Gallicani Episcopi refugerint ad primum Christianitatis Episcopum, uti olim suorum

suorum Regum violentiis fracti Persidis fideles imploraverunt Imperatorem Constantinum. Deindè, Abbatix passim propagantur ex Abbatibus: Et propagantis Abbas dicitur propagatæ Pater, & aliquid potestatis in ipsam retinet. Eadem forma viget in Ecclesiis. Hinc enim Hincmarus Remensis aliquid suæ in Laudunensem, istius Juris aliquid scripsit Hipponensi Cathedræ esse in Fussalensem. Hinc igitur etiam R. P. Paschasius videtur Romanæ Ecclesiæ ob datum primum Episcopum Trophimum adscribere aliquid potestatis in Arelatensem. Ego nolim indulgere suspicionibus: Nolim accusare quod nescio. Clarè profiteamur, quod Martianus, utpote Occidentalis Metropoli, nullum in terris, nisi Romanum Pontificem, habuerit sibi Prælatum ac imminentem, ideoque Gallicani Episcopi nullum, nisi Romanæ Cathedræ, potuerint implorare auxilium. Sic nobis erit pax & veritas.

Nec vacat nec lubet singula viri verba discutere. Post quædam ille pergit: "Nequaquam verum est hic agi de depositione, cuius ne nomen quidem apparet in epistola, sed de abstentione, agitur, cujus à depositione discrimen qui ignorat, ad iudicium, Canonicorum tractationem illotis manibus, pedibusque accedit". Immo non sine fundamento quis dicat ad tractandas sancti Cypriani epistolas illorum te accedere. Etenim sanctus Cyprianus per Episcopi aut Clerici abstentionem frequentissimè intelligit depositionem. Etiam in hac ipsa epistola: "Cum Novatianus olim, abstentus, & hostis Ecclesiæ iudicatus sit". Est Romani Imperii phrasis, quod abjiciendum & degradandum Imperatorem prius iudicabat ac declarabat hostem Imperii, & tunc abstinebat seu deponebat. Pergit epistola: "Novatiano nuper retuso & refutato, & per totum Orbem à Sacerdotibus Dei abstento". Quis non videt laudari degradationem? Eandem manifestè laudant hæc verba: "Abstento Martino, alius in locum ejus substituitur". Etenim substitutio seu novi Episcopi consecratio fieri non potest, nisi post degradatum Episcopum: Sensusio aut excommunicatio nullatenus sufficiunt. Eadem vocis acceptione sanctus Cyprianus utitur etiam in aliis locis. Scio vocem ab ipso etiam pro excommunicatione accipi. Excommunicatio enim est abstentio à communionem. Verum apud antiquos fideles vox, "Communio", importabat varia: Communionem Episcopalem, Clericalem, Laicam. Et cujusvis communionis abstentio erat quandoque perpetua,

quandoque temporanea & reparabilis. Ab Episcopali aut Clericali communione abstentio perpetua erat Episcopi aut Clerici in laicam communionem dejectio, idèdque vera degradatio. Proinde Papa Stephanus non suspensionem Martiani, aut excommunicationem fuit rogatus, sed omninò degradationem. Et licet de sola suspensione aut excommunicatione ageretur, scopus noster manet integer. Etenim & istæ sunt jurisdictionis actus, idèdque evincunt Papalem auctoritatem in Gallicos Episcopos.

Pergit Paschasius Quesnellus: "Supponit Cyprianus Martianum, sine ulla Synodi sententia, vel alio iudicio, sententiæ adversùs Novatianum prolatæ subijci debere". Affirmat Martianum, utpotè professum Novatiani Sectatorem, non indigere novo degradationis iudicio, sed ipsum Novatiani per S. S. Cornelium & Lucium factæ damnationi esse per omnia obnoxium, & irretitum, idèdque opus esse sola istius iudicii extensione. Etenim data in Novatianum sententia obstrinxit omnes Novatianenses: Et præsentis & futuros. Quesnellus vult hæc à Cypriano adduci ad evacuandam, aut certe contrahendam auctoritatem Romani Pontificis. Respondeo Cyprianum ista omninò sensisse. Epistolæ verba sunt lucida. Continent auitum & Apostolicum Canonem, ex quo postea & sanctus Felix tertius scripsit contra Eutychianistas: "Facta semel Synodus abjecti cujuslibet erroris cunctos sequaces consequenter involvit". Verùm absit, ut sanctus Cyprianus ista adduxerit ad circumscribendam auctoritatem Romanæ Ecclesiæ. Palàm adduxit ad firmandam. Etenim Novatianus non à Generali, immò nec à Patriarchali Synodo, sed à solo sancti Cornelii Presbyterio degradatus fuerat: Et Cyprianus constanter affirmat Iudicium istud valere ac extendi etiam in Martianum. Allegat ista ad excutiendam Stephani tarditatem: Edixit nec novâ Synodo, nec novo examine, nec alio judiciali molimine, sed sola executione esse opus, idèdque omnem in tanto negotio moram esse inexcusabilem. Hinc contentus non fuit scripsisse: "Quapropter facere te oportet plenissimas litteras". Sed statim repetivit: "Dirigantur in Provinciam à te litteræ". Et tandem conclusit: "Significa planè nobis, quis in locum Martiani fuerit institutus". Omnia ad lentum Pontificem accendendum. Et hæc quoque evertunt Quesnelli commentationes. Etenim cùm Provincie Synodus, cur vicinissimæ Provinciæ Metropoli Fautinus, cur sanctus Cyprianus non extrusit



extrusit Martianum? Cur necessaria ac imploranda fuit Sedes Apostolica? Quod ista etiam extrusio sit Patriarchalis autoritatis actus, ideoque fieri non potuerit nisi per Patriarcham.

Paschasius Quesnellus opponit hæc Cypriani verba: "Quapropter, ter facere te oportet plenissimas litteras ad Episcopos nostros in Galliis constitutos, ne ultra Martianum Collegio nostro insultare patiantur, quod necdum videatur à nobis absentus". Et commentatur: "Cyprianus per illud, 'Nobis', satis insinuat Gallos non solum Romani Pontificis sententiam attendisse, sed etiam Carthaginensis, quem & pro sua parte in Gallias scripsisse, verba hæc dubitare non sinunt. Præsertim cum superius dixerit". Cui rei nostrum est consulere & subvenire, Frater charissime: "Et postea suum à fratribus Gallicanis postulatum esse asserat auxilium". Probat ex his ejusdem epistolæ verbis: "Solatium nostræ opitulationis exposcunt". Respondeo plures iterum miseri errores. Primus est, quod sanctus Cyprianus suo motu & ex officio, seu pro sua parte scripserit in Gallias. Lucet ex verbis: "Faustinus semel atque iterum mihi scripsit". Asseverant, quod Cyprianus non nisi ex iterato Faustini motu se moverit.

Ex ipso enim norat etiam à Gallis esse scriptum ad Urbem: Hinc credidit suum incitamentum non esse Pontifici necessarium. Et repetito: Quid Gallicanæ Ecclesiæ cum Africana? Quesnellus assidue decantat Cypriani verba: "Singulis Pastoribus portio gregis adscripta est, Epist. 55. quam regat unusquisque & gubernet, rationem sui actus Domino redditurus". Quo apud ipsum jure Gallicana Ecclesia spectat ad portionem Primatis Carthaginensis? Hinc enim Cyprianus scripsit ad Stephanum: "Cui rei nostrum est consulere & subvenire, Frater charissime, qui Divinam clementiam cogitantes, & gubernandæ Ecclesiæ libram tenentes, sic vigoris censuram peccatoribus exhibemus, ut tamen lapsis erigendis, & curandis vulneratis bonitatis & misericordiæ Divinæ medicinam non denegemus". Excusat se, quod se misceat alienæ Ecclesiæ. Affirmat se esse illum Episcopum, qui cum Stephano, tunc inter majores Romanæ Ecclesiæ Clericos constituto, & cum ejus Antecessoribus Cornelio & Lucio condiderit clemens in lapsos Decretum, ideoque hanc causam ad se pertinere. Hinc Gallicanæ Ecclesiæ lapsi "Opitulationis solatium ab ipso expoposcerunt". Hoc est, fraternæ apud Papam intercessionis auxilium. Nec aliud Cyprianus attentavit.

Secundus error est, quod Galli non solius Romani, sed etiam Carthaginensis Episcopi sententiam attenderint. Etenim quis sub cælo Canon sapit aut suadet Gallicanam Ecclesiam Romano Episcopo non aliter subijci quam Carthaginensi? Quæ sunt hæc paradoxa? Certè sanctus Cyprianus agere debuit, & omninò egit cum Arelatenſi Martino, quomodò Acacius Constantinopolitanus Episcopus egit in Petrum Mogum Pseudo-Patriarcham Alexandrinum, de quibus sanctus Gelasius Pontifex scripsit ad Orientales Episcopos: "Acacius Petrum petita Sedis Apostolicæ præceptione damnavit". Et adjungit petita præceptionis causam: "Nam cum Acacius nullo Privilegio fulciretur, ut de secunda Sede posset ferre Judicium, non potuit jure quemquam damnare". Utique sine ista præceptione. Affirmat eandem esse rationem de Petri reparatione, & prosequitur: "Sicut ergo Acacius antè non prius damnavit, quàm & referret & posceret Petrum Apostolica autoritate damnandum, sic & in recipiendo modum servare debuisset, ut priusquam se ei communione misceret, per Sedem Apostolicam posceret examinari eum, & legitima ratione purgari, cum nec examinandi, aut recipiendi eum haberet ipse Pontificium, & non nisi per illius Sedis auctoritatem consensumque hoc posset implere, sine cujus auctoritate non potuerat ipse damnare. Cum enim constet semper aut Sedis Apostolicæ auctoritate hujusmodi personas discussas, vel esse purgatas, &c". Extat epistola apud Jacobum Sirmondum post appendicem Theodosiani Codicis. Affirmat Petrum Mogum, alienæ Diœcesis Episcopum & Patriarcham, licet manifestè hæreticum atque intrusum, ab Acacio nec damnari potuisse, nec reparari: Et Acacium adhuc Catholicum sensisse istud ipsum, utpotè qui illum non nisi post petitam & obtentam Apostolicæ Sedis facultatem præsumpsit damnare. Addit semper fuisse ita factum, & istud certò constare. Esse omnibus exploratum Canonem Apostolicum.

Eodem sanè modo in Hæresiarcham Nestorium processit sanctus Cyrillus Patriarcha Alexandrinus. Dorotheus Marianopolitanus Episcopus, secundæ Mæssæ Metropoliſ, in solemnī Constantinopolitanæ Ecclesiæ Synaxi coram Præsidente Nestorio, & omni adstante Clero ac Populo dixerat pro concione: "Si quis Mariam, esse Deiparam dixerit, Anathema sit". Anathematizarat totam Christi Ecclesiam, omnes ejus orthodoxos Episcopos, qui cun-

At

Si una voce profitentur sacrosanctam Virginem esse Dei Matrem.  
 Hinc gravissimè offensus Cyrillus scripsit: "Cum nos ipsi, qui etiam- Epist. 6.  
 „nùm in vita manemus, ceteriq; terrarum Orbis Episcopi, tùm  
 „Patres quoque nostri, qui hinc jam olim ad Deum profecti sunt,  
 „Anathemate ab illo percussi sumus, quid vetabat & nos quoque  
 „vocibus illius contraria scribere, ac dicere; Anathema, si quis Ma-  
 „riam Deiparam esse negaverit? Verùm id hæcenus propter illum  
 „facere nolui, ne sint qui Episcopum Alexandrinum, Ægyptiamvè  
 „Synodum Anathematis sententiam in Nestorium tulisse, atque ita  
 „sux potestatis limites transiisse dicerent". Affirmat id spectare  
 ad Occidentis Synodum, ad Episcopum Romanum. Uti Alexan-  
 drinum Episcopum ac Ægyptiam Synodum, ita Occidentis Syno-  
 dum & Romanum Episcopum habet pro eisdem. Causa Præsiden-  
 tiæ. Quod est notandum. Etiam in suis ad sanctum Pontificem  
 Celestinum litteris Cyrillus de multis Nestorii in se injuriis, de  
 pertinacia in hæresi, de impudentibus ejus blasphemiiis plura refert,  
 & concludit: "Atquamvis res ita se habeat, non prius tamen il- Epist. 9.  
 „lius communionem confidenter deferere ausi sumus, quàm hæc  
 „ipsa Pietati tuæ indicaremus". Plura sunt hujusmodi antiqua  
 exempla. Eandem ergò regulam secuti sunt Gallicani Episcopi,  
 & sanctus Cyprianus: Martianum damnare non sunt ausi sine  
 præceptione Stephani. Hinc Romam retulerunt, & Pontificem  
 urserunt.

Error tertius est, quod hæc Cypriani verba, "Quod necdum à  
 nobis videatur abstentus", asserunt Gallicanis Episcopis fuisse ali-  
 quid dependentiæ à Carthaginensi. Etenim illa adhærent his præce-  
 dentibus: "Nè ultra Marcianum Collegio nostro insultare patian-  
 „tur". Respiciunt avitum Ecclesiæ morem & Canonem, ex quo  
 Patriarcha, ac præsertim Romanus Pontifex, super degradati à se  
 Episcopi nomine per omnes Diœceses mittebat subscribendam  
 Tractoriam, atque ita suum Judicium jubebat ab omni Episcopali  
 Collegio confirmari. Damnatum à se Episcopum jubebat ab om-  
 nibus Collegis condemnari & abstineri. Hujus Canonis execu-  
 tionem fieri per Gallias rogat à Stephano Cyprianus, ut ita fa-  
 cinorosus Marcianus se videat abstentum ab omnibus, etiam sibi  
 subjectis Episcopis, ac proinde desinat toti per istam Diœcesim  
 Episcopali Collegio, ac præsertim subjectæ sibi Provinciæ furiosus  
 insultare. Proinde voces, *A nobis*, non solos Stephanum & Cyprianum, sed.

sed comprehendunt cunctos generatim Episcopos, ideoque Re-  
verendus Pater Paschasius Quesnellus irritò conatu aliquid ex ipsis  
venatur. Fateor tamen sanctum Cyprianum, utpotè novæ in Lap-  
sos clementiæ Authorem, singulariter in Martiani damnationem  
influxisse ac debuisse influere. Non ob suæ Sedis, sed ob singu-  
larem istius sui operis auctoritatem. Quare risu digna sunt hæc  
verba Quesnelli: " Quid porro Cyprianus de Pontificis Romani  
„circa depositionem Episcoporum potestate senserit, non est hu-  
„jus loci inquirere. Satis clarè mentem suam aperit aliis in locis.  
„Sufficit, quod ad rem præsentem spectat, probasse, nihil in cau-  
„sa Martiani postulasse Gallos à Stephano Papa, quod à Cy-  
„priano similiter non petierint, nihil Cyprianum scribi voluisse  
„in Gallias à Romano Pontifice, quod ipse non scripserit; totam-  
„que demùm causam Synodi Gallicanæ potestati fuisse relictam".  
Attamen hoc non est Romanæ Appellationis, sed primæ instan-  
tiæ exemplum. Evincit Gallicanos Metropolitæ in prima etiam  
instantia, ideoque & Provinciales Episcopos in causis appellatis  
semper pleno jure spectasse ad Tribunal Romanæ Ecclesiæ.

Adducenda sunt & hæc R. P. Paschasii Quesnelli verba: " Video  
„quidem authores nonnullos magni nominis hanc epistolam mi-  
„rum in modum jactare pro supremâ Pontificis Romani in Episco-  
„pos deponendos potestate. Quos æmulatus, aut etiam præter-  
„gressus novitius quidam Scriptor multa oggerit, homine causis fo-  
„rensibus procurandis addicto digniora, quam in Theologiâ versato".  
Per istos magni nominis Authores existimo intelligi Jacobum Pam-  
piliū, ac Nicolaum Rigaltium. Hi enim ex hac epistolâ non  
jactant, sed demonstrant supremam Romani Pontificis in depo-  
nendis Episcopis potestatem. Utriusque Scriptoris verba, profe-  
ctò alta ac reverenda, adduxi superius. Nec dubitandum,  
quin Rigaltius, vir Laicus, ac Regii Tribunalis Præfectus,  
scripserit ex communi sensu totius Galliæ. Ex eodem sensu, &  
quidem per longè altiora verba, scripsit istius R. P. Paschasii Magister

L. l. c. 10. Dominus Petrus de Marca: " Summum jus Romanæ Sedis in sen-  
„tentia de rebus ad se relatis ferenda, disertissimis verbis Cyprianus  
„agnovit. Quod evidentissimè patet in causa Martiani Arclaten-  
„Episcopi, qui se Novatiani, à Sacerdotibus Dei per totum Orbem  
„abstenti, partibus adjunxerat. Faustinus Episcopus Lugdunensis,  
8c

„& suæ Provinciæ Co-Episcopi, qui Martianum Sacerdotio deicere  
 „non poterant, quod alterius Provinciæ, nempe Narbonensis,  
 „esset Episcopus, hac de re Stephanum Papam Relatione sua mo-  
 „nuerunt“. Et post varia prosequitur: „Sed illustriora sunt verba  
 „quæ sequuntur, quibus decernendi & pronuntiandi de re propo-  
 „sita, juxta sententiam Gallicanorum, & Africanorum Episcopo-  
 „rum, potestas Romanæ Ecclesiæ asseritur, eique plenissima exe-  
 „cutionis cura demandatur“. Adducit laudata sancti Cypriani ver-  
 „ba, & concludit: „Nullâ industriâ Novatores hoc Cypriani te-  
 „stimonium elevare possunt. Futilis est enim illa responsio, non  
 „deponi a Stephano Martianum, sed deponendum declarari. Quin  
 „immò conceptis verbis Cyprianus exigit à Stephano, ut suis  
 „litteris Martianum damnet, arque adeò alium substituendum de-  
 „cernat“. R. P. Paschasius dignetur suum Magistrum attendere  
 & imitari: Et ob ejus imitationem non reprehendere, ac elo-  
 giis insignire eruditum virum Joannem David,

## CAPUT VI.

*Discutitur aliud, ex S. Cypriano adductum, Romana  
 Appellationis Exemplum.*



Basilienses Asturicensis in Hispania, & Martialis  
 Emeritensis ibidem Episcopus, ob Idololatriæ  
 libellos ac alia crimina à suis Synodis degrada-  
 ti, Romam appellaverant, & per sanctum Ste-  
 phanum Pontificem fuerant reparati ac restituti.  
 Et quidem Asturicenses in Basilidis appellantis  
 locum elegerant & consecrarant Sabinum. Eme-  
 ritenses, Romanam Appellationem reveriti, videntur non super-  
 ordinasse. Quidquid sit, per istam reparationem, & Reparato-  
 rum ad suas Sedes reditum turbata fuerunt istæ Ecclesiæ, & san-  
 cti Cypriani Synodum consulere. Hæ litteræ petierunt, ipsa-  
 rum tamen substantiam novimus ex Synodali Rescripto sancti  
 Cypriani: „Cum in unum convenissemus, legimus litteras ve-  
 „stras, quas ad nos per Felicem & Sabinum Episcopos nostros pro  
 „fidei vestræ integritate, & pro Dei timore fecistis, significantes

„Basilidem & Martialem libellis Idololatriæ commaculatos, & ne-  
 „sandorum facinorum conscientia vinctos, Episcopatum gerere &  
 „Sacerdotium Dei administrare non oportere, & desiderantes  
 „rescribi ad hæc vobis, & justam pariter ac necessariam sollicitu-  
 „dinem vestram vel solatio vel auxilio nostræ sententiæ sublevari”.  
 „Epistola enumerat utriusque degradati Episcopi facinora, & per-  
 „git: “ Frustra tales sibi Episcopatum usurpare conantur, cum  
 „manifestum sit ejusmodi homines nec Ecclesiæ Christi posse  
 „præesse, nec Deo sacrificia offerre debere. Maxime cum jam  
 „pridem nobiscum, & cum omnibus Episcopis in toto Mundo  
 „constitutis etiam Cornelius Collega noster, Sacerdos pacificus  
 „ac justus, & martyrio quoque dignatione Domini honoratus,  
 „decreverit ejusmodi homines ad pœnitentiam quidem agendam  
 „posse admitti, ab Ordinatione autem Cleri atque Sacerdotali ho-  
 „nore prohiberi. Nec vos moveat, Fratres dilectissimi, si apud  
 „quosdam in novissimis temporibus aut lubrica fides nutat, aut  
 „Dei timor irreligiosus vacillat, aut pacifica concordia non perse-  
 „verat”. Et tandem concludit: “ Quare etsi aliqui de Collegis  
 „nostris exstiterunt, qui Deificam disciplinam negligendam pu-  
 „tant, & cum Basilde & Martiale temerè communicant, con-  
 „turbare fidem nostram res ista non debet, &c”.

Discimus hinc varia. Primò, quod Basilides & Martialis fue-  
 rint Romæ per Stephanum Pontificem reparati, & quod Ste-  
 phanus ipsis ut integris Episcopis communicaverit, atque ut ta-  
 les remiserit in suas Sedes. Item reducibus non dumtaxat Laici  
 aut Clerici, sed etiam quidam Hispaniarum Episcopi plenè com-  
 municarunt. Quidquid alii ipsos Apostolicæ Sedi obreplisse, ideo-  
 que non admittendos, sed magis puniendos instarent, isti perrexer-  
 unt in suo opere, reveriti qualecumque Romani Pontificis ju-  
 dicio. Perrexerunt & isti alij. Et ad hos sanctus Cyprianus mul-  
 tis demonstrat damnatorum Episcoporum communionem esse con-  
 tagiosam atque vitandam, & concludit: “ Propter quod integri-  
 „tatis & fidei vestræ religiosam sollicitudinem, Fratres dilectis-  
 „simi, & laudamus pariter & probamus, & quantum possumus,  
 „adhortamur litteris nostris, ne vos cum profanis & maculatis  
 „Sacerdotibus communicatione sacrilegâ misceatis, & ut sinceram fi-  
 „dei vestræ firmitatem religioso timore serveitis”.

Secundò discimus fundamentum, ex quo quidam Hispaniarum  
 Episcopi

Episcopi crediderint Basilidem & Martialem, licet criminum reos, fuisse per Stephanum legitimè reparatos. Discimus ex his verbis: "Cornelius Collega noster decrevit ejusmodi homines ad penitentiam quidem agendam posse admitti, ab Ordinatione autem Cleri atque Sacerdotali honore prohiberi". Episcopi illi censabant nuperum clementiæ in Lapsos Decretum esse non pro solum laicis, sed etiam pro Episcopis & Clericis, ideoque ipsos potuisse in sui quoque gradus communionem reintegrari. Quod ipsum suadent hæc verba: "Præceptis Divinis necesse est obsequia nostra deseruiant, nec personam in ejusmodi rebus excipere, aut aliquid cuiquam argiri potest humana Indulgentia, ubi intercedit & legem tribuit Divina præscriptio". Eodem errore laborarunt Anthonianus & quidam alii intra Africam Episcopi: Crediderunt istius Decreti vigore lapsum Episcopum Trophimum fuisse à sancto Cornelio plenè reparatum, ideoque ipsum, utpotè Apostolicæ regulæ prævaricatorem, noluerunt agnoscere in Pontificem. Erat crassus error. Etenim Decretum omnino se extendebat etiam ad Clericos atque Episcopos: Verùm pro sola laica communione.

Tertiò discimus causam, ex qua Hispaniarum Ecclesiæ in tanto dubio habuerint recursum ad sanctum Cyprianum, ab ejus sententia expectantes auxilium aut solatium. Quia videlicet ille fuerat istius clementis Decreti author, ideoque reperiri non poterat securior interpres.

Audiendus est reliquus sancti Cypriani contextus. Exponit Apostolicam Episcopalis electionis formam, laudat ipsam vigere in Hispaniarum Ecclesiis, & prosequitur: "Quod & apud vos factum videmus in Sabini Collegæ nostri Ordinatione, ut de universæ Fraternitatis suffragio, & de Episcoporum, qui in præsentia convenerant, quique de eo ad vos litteras fecerant, judicio, Episcopatus ei deferretur, & manus in locum Basilidis imponeretur. Nec rescindere Ordinationem jure perfectam potest, quod Basilides post crimina sua detecta Romam pergens, Stephanum collegam nostrum longè positum, & gestæ rei ac tacitæ veritatis ignarum fessellit, ut exambiret reponi se injustè in Episcopatum, de quo fuerat justè depositus. Hoc eò pertinet, ut Basilidis non tam abolita sint, quam cumulata delicta, ut ad illa superiora peccata ejus: etiam fallaciæ & circumventionis crimen accesserit. Neque enim tam culpandus est ille, cui negligenter obreptum est, quam

hic execrandus, qui fraudulenter obrepfit. Obrepere autem si hominibus Basilides potuit, Deo non potest. Sed nec Martialis potest profuisse fallacia, quominus ipse quoque delictis gravibus involutus Episcopatum tenere non debeat, &c".

Etiā ex his verbis plura addiscimus. Primò, Sabinum, novum Asturicensem Episcopum, fuisse à solis quibusdam præsentibus Provinciae Episcopis electum & consecratum, reliquos verò consensisse per litteras. Et hanc formam sanctus Cyprianus affirmat esse Apostolicam. Est illa ipsa, quam postmodò instauravit & confirmavit quartus Canon Nicænus. Secundò discimus, quod Basilides & Martialis, à suis Synodis degradati, Romam appellaverint & accesserint, fuerintque per sanctum Stephanum restituti. Tertiò, quod Stephanum per obreptiones circumvenerint, ideoque cassa fuerit ista reparatio: Quod ipsorum crimina non purgaverit, sed auxerit. Quartò, quod Stephanus sibi obrepī negligenter permisit. Quintò, quod Asturicensis Ecclesia Basilidis Appellationem spreverit ut frivolum, ideoque Sabinum sibi in novum Episcopum consecraverit. Sextò, quod Emeritensis Ecclesia sui Episcopi Martialis Appellationem fuerit reverita, atque ided cessaverit à nova electione & consecratione. Et sanctus Cyprianus videtur sensisse cum Asturicēsis. Ex quo discimus similem novi Episcopi creationem tunc fuisse ancipitem: Diversas & aduersas de ipsa fuisse sententias. Quidquid sit, istud Cypriani iudicium Africana Ecclesia non fuit amplexa.

- Epist. 162.** Etenim in litteris ad quosdam Donatistarum Episcopos sanctus Augustinus Secundum Tigistanum Episcopum, Numidiæ Primatem, ejusque Synodum gravissimè arguit, quod damnato per ipsos Ceciliano Carthaginensi Archi-Episcopo, antequam ista damnatio confirmaretur per Romanam Ecclesiam, Majorinum superordinassent. Supponit hanc regulam isto etiam tempore fuisse certam apud omnes Afros: Et Orthodoxos & Donatistas. Et loqui nequit ex Sardicensi Canone: Constat enim istos Canones Afri, etiam sancto Augustino, fuisse ignotos. Et sanctus Cyprianus videtur non negasse regulam: Videtur dumtaxat asserere, quod in Basilidis manifestè frivola appellatione non habuerit locum. Eandem Romana Ecclesia semper tenuit constantissimè. Hinc de damnato, & suæ causæ desertore Evaristo Episcopo scripsit ad sanctum Cyprianum sanctus Cornelius Pontifex: "Evaristus auctor Schif-



„Schismatis fuit, & Succellor plebi, cui ante præfuerat, Zetus „in locum ejus est Episcopus constitutus”. Ex novi Episcopi constitutione concludit datum de Evaristo judicium jam transisse in rem judicatam, & nullum esse locum retractationi. Hic Apostolicum Canonem, suo loco demonstrabitur.

Audiamus nunc Paschasii Quesnelli de his censuram: *Priori*, per Provinciæ Synodum datæ, „Sententiæ standum esse respondit „Cyprianus, omisso Stephani judicio, quod rescindere Ordinationem alterius Episcopi, in locum Basilidis substituti, jure perfectam non potuit. Basilides porro appellatione suâ aliud non „profecit, quam ut cumlaret delicta, & ad priora peccata ejus „etiam fallaciæ & circumventionis crimen accederet”. Respondeo aliud esse adversari Romanæ appellationis operi ac effectui, aliud ejus authoritati. Non hoc, sed istud fecit Cyprianus. Stephani in datas contra Basilidem & Martialem à Provinciæ Synodo sententias authoritatem palam profitetur, at ipsarum cassationem affirmat factam per obreptionem, ideoque & appellationem & Papale judicium rectè fuisse refutata ab Hispanis. Quod obreptio esset manifesta. Hinc enim scribit: „Quapropter cum, sicut scripsistis, „Fratres dilectissimi, & ut Felix & Sabinus Collegæ nostri asserant, utque alius Felix de Cæsar Augusta, fidei cultor ac defensor veritatis, litteris suis significat, Basilides & Martialis nefando „idololatriæ libello contaminati sint, &c”. Tantis testimoniis Cyprianus fidem adhibuit, ideoque censuit Stephanum non sine potestate, sed per errorem judicasse. Quid Stephanus circa istos Episcopos egerit, non plenè constat. Certum est, quod ipsos non reparavit per potentiam, aut dispensatoriam gratiam. Hæc enim ignorabat istorum temporum immobilis disciplina. Certum item est, quod ipsos ob Appellationis reverentiam revesiverit. Quid de Retractorio ad plenam reparationem judicio fecerit, aut faciendum sanxerit, ignoro. Quidquid sit, hoc exemplum manifestè ac firmè evertit commenta Paschasii Quesnelli.



## CAPUT VII.

*Adducuntur alia antiqua Romanæ Appellationis  
Gallicana Exempla.*



Aschafius Quesnellus ad Romanas appellationes è Gallia proteribendas adducit & alia exempla, Primum est Euphratæ Colonienfis Episcopi, Metropolitæ per secundam Germaniam, ab Agrippinensi synodo degradati propter hæresim. Blasphemabat enim & docebat Christum Dominum fuisse purum hominem. Quesnellus adjungit: "Euphratas de sententia Synodi per appellationem ad Sedem Romanam deferenda ne cogitavit quidem". Respondeo non esse mirum. Constabat enim de crimine, & plena sententiæ justitia. De ipso enim edixit S. Maximinus Treverensis Episcopus, primæ Belgicæ Metropoli: "Perditum & blasphemum Euphratam omnis, Mundus jam ore Domini cognovit esse damnatum". Et Severinus Senonensis Episcopus: "Constat Euphratam subscriptione, Fratrum plurimorum in Spiritum Sanctum blasphemasse, negando Christum Deum". Et Jesses Spirensis Episcopus: "Non solum, Epistolis omnium Ecclesiarum, quæ audierunt Euphratam, negare Christum Deum, sed ego ipse auribus meis audiivi sub, præsentia Martini Consenioris nostri, & Metropii Presbyteri, & Victoris Diaconi". Victor Wormatiensis Episcopus addidit reum fuisse multorum aliorum criminum. Proinde non Romanæ Sedis impotentia, sed manifesta sententiæ justitia Euphratam retraxit ab appellatione. In Gallia Christiana Fratres Samaritani perperam affirmant illum damnatum ob Arianam hæresim. Etenim aliud in suo suffragio habet Valerianus Antiodorensis Episcopus: "Euphratas, falsus Doctor, nudum, tantum hominem asserit Christum". Fuit è sæce Pauli Samotensis, aut Marcelli.

Respondeo secundò non esse improbabile, quod Euphratas appellaverit ad Romanam Ecclesiam, aut ad ejus gratiam supplex confugerit. Etenim sequenti post hanc Synodum anno, uti inter-

ger

ger & Canonicus Episcopus, adfuit & subscripsit Sardicensi Con-  
lio, ab eodem unâ cum Vincentio Capuano Episcopo Legatus ad  
Imperatorem Constantium, supplicaturus relegatos ob Catholi-  
cam fidem Episcopos revocari in suos gradus & Sedes. Refert hæc  
in epistola ad suos Monachos sanctus Athanasius, & adjungit am-  
bos fuisse viros mirificos, promptos ad quodvis facinus. Et uti ta-  
les à Constante Augusto per litteras Fratri Constantio commen-  
datos.

Euphratas fuit Arianis adeò odiosus, ut ipsorum apud Antiochiam  
Patriarcha Stephanus ipsi nocturnam meretricem sceleratissimè im-  
miserit, non ejus pudicitiam, sed famam devastaturus. Et impu-  
dens scortum adeò veneratum fuit viri dormientis faciem, ut mox  
fugerit è cubiculo, & multis clamoribus infames Stephani dolos  
propalaverit. Et sanè Synodales Legatos, qui Synodalia Decreta ro-  
garent à Principe in executionem mitti, oportuit esse viros inte-  
gerrimos. Proinde oportet Euphratam ab infami prioris anni apud  
Agrippinam judicio fuisse expurgatum plenissimè, ac reparatum.  
Sancti Servatii Tongrensis Episcopi Acta affirmant in damnati Eu-  
phratæ locum fuisse mox ordinatum sanctum Severinum. Opor-  
tet omnia hæc fuisse ex integro exsufflata. Et exsufflari non po-  
tuere, nisi per Sedem Apostolicam: Utique ab Euphrata invoca-  
tam. Aut hæc vera sunt, aut ista Colonienfis Synodus nequijt,  
uti ejus Acta habent, fuisse celebrata anno quadragesimo sexto quarti  
 sæculi. Certè postmodò, post Sardicensem Synodum, celebrari  
non potuit. Etenim sancti Servatii Acta affirmant Euphratam præ-  
sente sancto Athanasio delirasse, adeoque & tunc temporis fuisse  
discussum Synodaliter, atque damnatum. Nempè dum post Ty-  
riam Synodum à magno Constantino proscriptus Athanasius exu-  
labat in Gallia, & qui post Sardicensem Synodum eò non redijt,  
nec potuit redire. Imperator quippè Constans tunc statim fuit oc-  
ciscus à Tyranno Magnentio, & Occidentis Imperium est devolu-  
tum ad Constantium, professum Athanasii adversarium, atque  
ita isthuc ille proficisci non poterat, nec esse securus. Proinde nec  
Agrippinensis Synodus potuit celebrari post Sardicensem. Quidam  
existimant Euphratam fuisse integerrimum semper Episcopum, ideò  
que hæc omnia esse spuria figmenta: Similia illis, quæ circum-  
feruntur de Lapsu sancti Pontificis Marcellini.

Nec desunt fundamenta. Etenim nec sanctus Athanasius, nec  
quis

quis alius apud Antiquos authenticus Scriptor istorum meminit. Deinde quis credat tot & tantos istius Agrippinensis Synodi Episcopos circa Euphratam fuisse circumscriptos, ideoque ipsum provocasse ad Sedem Apostolicam, fuisse extolutum a perperam injectis vinculis, & reparatum? Præsertim quia Synodalia Acta affirmant fuisse relapsum. Quomodo tanti viri adeo deviascent? Præterea gratiosam ac dispensatoriam lapsi, ac præsertim relapsi in hæresim Episcopi reparationem penitus ignorabat disciplina istorum temporum. Et quomodo per gratiam reparatus, ideoque delicti sui stigmata adhuc portans Episcopus fuisset per Sardicensem Synodum honoratus tam gloriosa Legatione, & adjunctus atque æquatus magno Capuanorum Vincentio? Quomodo Eusebiani, qui tanta clamantur contra Marcellum, non plura clamassent contra Euphratam? Quomodo non clamassent esse relapsum Hæreticum, bis damnatum, ab ipso etiam Athanasio? Quomodo hæc omnia ipsi etiam Julio non impropersassent? Et certe sanctus Severinus videtur Euphratæ tunc non successisse. Etenim hic Sardiniam profectus est, & istic omnibus fulsit in Episcopali gloria. Quæ omnia fortissimè suadent ista Agrippinensia Acta esse infirma & caduca. Est intricata quæstio. Et ejus decisio non est necessaria ad nostrum Propositum.

Paschasius Quesnellus pergit ad secundum exemplum: "Ab Arelatenſi Synodo, quæ Paulinum Treverorum Episcopum Catholicum injustè depofuit anno trecentefimo quinquageſimo tertio, à Biterrenſi anni trecentefimi quinquageſimi ſexti, unde Saturniniſ Arelatenſis operâ ſanctus Hilarius in exilium pulſus eſt, & à Pariſienſi anni trecentefimi ſexageſimi ſecundi, quæ ipſum Saturninum damnavit, appellatum eſſe non apparet, licet injuſta Paulini & Hilarii damnatio utrique ad Romanum Pontificem confugiendi juſ peculiare tribuerit". Reſpondeo hanc fabulam ſibi ipſi non cohærecere. Etenim ſi Paulinus & Hilarius habuerint peculiare juſ ſuam injuſtam damnationem referendi, ac item propter ipſam confugiendi ad Apoſtolicam Sedem, omninò potuerunt etiam appellare. Iſta enim relatio & iſtud refugium fieri non poterant, niſi ad iniquum judicium circumducendum, & recuperandum Episcopatum: Quæ quid ſunt aliud, quàm Romana appellatio?

Quæſtio eſt. Quare non appellaverint? Quidam reſpondent ipſos

fos fuisse non dumtaxat damnatos ab istis Synodis, sed insuper à Principe relegatos. De Paulini relegatione scribit ad Imperatorem Constantium sanctus Hilarius: "Paulinum beatæ passionis, virum, blandimento sollicitatum relegasti, & Ecclesiam sanctam, Treverorum tali Sacerdote spoliasti. Ipsum usque ad mortem, demurasti exiliis, & fatigasti. Extra Christianum quoque non, men relegasti: Ne panem aut de horreo tuo sumeret, aut de, Montani Maximillæque antro profanatum expectaret". Eum Constantius relegavit in Phrygiam: Et istic, quod hæreticis communicare compelleretur, circumscriptis intra civitates Montanistarum. Deindè eorum damnatio ac relegatio incidunt in annos, quibus deportati Liberii Pontificis Cathedram insedit intrusus Felix, cui nemo Catholicus poterat communicare. Hisce de causis aliqui censent neutrum ab iniquis damnationibus provocasse. Verùm hæc non concludunt. Istæ enim causæ impedire potuerunt appellationis prosecutionem, non ipsam appellationem. Hinc Romanam appellarunt etiam sanctus Joannes Chrysostomus, ejus Successor sanctus Flavianus, Eusebius Dorylæi, Theodoretus Cyri Episcopus, aliique plures, quos Regiæ relegationis violentia impedivit à Romano accessu, & provocationis prosecutione.

Proindè respondeo sanctum Paulinum, itemque sanctum Hilarium, de hisce suis damnationibus censuisse istud ipsum, quod de attentata in sanctum Cyrillum per Joannis Antiocheni Factionem damnatione censuit in Ephesino Concilio Acacius Melitenensis Episcopus, secundæ Armeniæ Metropoli: "Fieri non, potest, ut hi qui à sancta Synodo desciverunt, & pravæ opinionioni Nestorii se adjunxerunt, quidquam contra Oecumenicæ hujus Synodi Præsides audeant efficere, cum nullam omninò habeant, ,authoritatem". Dixit istam sententiam fuisse non Episcopale judicium, sed hostile convitium, ideoque nulla opus fuisse appellatione vel absolutione. Et hanc Acacii assertionem confirmavit in relatione ad sanctum Celestinum Pontificem plena Ephesina Synodus, scribens istam sententiam fuisse non dumtaxat iniquam, & à Canonibus discrepantem, sed insuper Contumeliam, utpotè attentatam citra quamvis potestatem. Idem de attentata per Nicænum Dioscori Patriarchæ Alexandrini Conventiculum in magnum Papam Leonem excommunicatione judicavit in relatione ad Valentinianum ac Martianum Imperatores universa Chalcedonensis

Act. 4.

„donensis Synodus : " Dioscorus super alias suas nequitias adversus  
 „ipsam Apostolicam Sedem latravit, & excommunicationis litteras  
 „adversus sanctissimum Papam Leonem facere conatus est". Hu-  
 „jusmodi Synodales Hæreticorum in Orthodoxos latratus sunt ma-  
 „nifesta convitia & Attentata, ideoque nulla appellatione indigent,  
 „nulla circumductione. Sunt incruenta persecutio, incruentum mar-  
 „tyrium. Disertè hoc scribit ipse Hilarius in libello ad Imperato-  
 „rem Constantium, quem ipsi apud Constantinopolim tradidit in  
 „propriis manus : " Episcopus ego sum, in omnium Gallicarum  
 „Ecclesiarum atque Episcoporum communione, licet in exilio, per-  
 „manens, & Ecclesiæ adhuc per Presbyteros meos communionem  
 „distribuens. Exulo autem, non crimine, sed factione". Apud  
 „adversantem sibi Principem intrepidus adseverat se esse, non de-  
 „gradatum, sed exuiem : Et quidem non crimine, sed factione. Se  
 „adhuc esse plenum Episcopum, & talem agnosci ab omni Gallia :  
 „Utpotè qui in omnium istic Episcoporum ac Populorum com-  
 „munionem permaneat, eandemque per suos Vicaros Presbyteros ple-  
 „no jure distribuat Pictaviensi Ecclesiæ. Gallicana Ecclesia norat  
 „Epist. 3. avitam, postea à Pelagio primo Pontifice in literis ad Narsetem  
 „Patricium laudatam ac expositam, Regulam, quæ per ta-  
 „lia hæreticarum aut schismaticarum Synodorum facinora affirmat  
 „neminem à Sacerdotum Collegio, aut Christianitatis consortio  
 „separari, sed elongari à polluto ipsorum contagio. Eandem secu-  
 „tus fuit gloriosus Treverensium Antistes Maximinus, dum in dam-  
 „natum ab Eusebianis, & ab Augusto Constantio proscriptum  
 „Athanasium fecit, quod in Eusebiani Chronici supplemento lau-  
 „dat sanctus Hieronymus : " Maximinus Treverorum Episcopus  
 „clarus habetur, à quo Athanasius, dum à Constantio quæreretur  
 „ad pœnam, honorificè susceptus est". Eadem ex regula idem Hieronymus  
 „scribit in illustrium virorum Catalogo : " Hilarius fa-  
 „ctione Saturnini Arelatensis Episcopi, de Synodo Biterrensi in  
 „in Phrygiam relegatur". Addit in Dialogo contra Luciferianos :  
 „Hilarium de prælio revertentem Gallicana Ecclesia complexa  
 „est". Citra omnem Appellationem aut revestitionem. Quod ip-  
 „sum censuit omnis etiam Orientalis Ecclesia. Nam & Seleuciensis  
 „Synodus sanctum Hilarium, licet damnatum & exulem, ci-  
 „tra omnem absolutionem admisit ad confessum atque suffragium.  
 „Eadem est ratio sancti Paulini. Imitatus est suum gloriosum  
 „Ante-

Antecessorem Maximinum, ejusq; Collegas, Hosiam Cordubensem, Protogenem Sardicensem, aliosque plures, quos norat à crudelissima Philippo-Politani Conventiculi sententia nunquam appellasse. Quis enim appelleret ab istiusmodi contumeliis? Hinc Paulinum Treverensis Ecclesia, quia vivum recipere non potuit, defunctum è Phrygia reportavit in Galliam, & uti canonicum Episcopum, immò ut triumphantem Martyrem, gloriòse sepelivit.

Tertium Paschasii Quesnelli exemplum est Hæreharcha Priscillianus. Ejus Acta sunt breviter audienda. Sanctus Sulpitius Severus in Chronico affirmat à Priscilliano adhuc laico etiam Instantium ac Salvianum, Hispaniarum Episcopos, fuisse seductos, & pergit: "Quo Adyginus Cordubensis Episcopus L. a. c. 61  
comperto, ad Idacium emeritæ ætatis Sacerdotem refert.  
Igitur post multa inter eos certamina apud Cæsar-Augustam  
Synodus congregatur: Cui tum etiam Aquitani Episcopi interfuere. Verum Hæretici committere se judicio non ausi.  
In absentes tum lata sententia, damnatique Instantius & Salvianus Episcopi, Elpidius & Priscillianus laici. Additum  
etiam: Ut si quis damnatos in communionem recepisset, sciret  
in se eandem sententiam promendam". Hæc sententiâ Instantius & Salvianus offensi Priscillianum ad ampliandas sui erroris vires crearunt Episcopum Labinensem, & S. Sulpitius profequitur: "Tunc Idacius atque Ithacius", Orthodoxi Hispaniæ Episcopi, "acrius instare, arbitantes posse inter initia malum  
comprimi. Sed parum sanis consiliis sæculares judices adeunt,  
ut eorum Decretis atque executionibus hæretici urbibus  
pellerentur. Igitur post multa & scæda, Idacio supplicante  
elicitur à Gratiano tunc Imperatore Rescriptum, quo universi  
hæretici excedere non Ecclesiis tantum aut urbibus, sed extra  
omnes terras propelli jubebantur. Quo comperto Gnostici  
diffisi rebus suis, non ausi judicio certare, spontè cessere  
qui Episcopi videbantur, cæteros metus dispersit. At tum  
Instantius, Salvianus, & Priscillianus, Romam profecti, ut  
apud Damasum, Urbis eâ tempestate Episcopum, objecta  
purgarent. Hi ubi Romam pervenere, Damaso se purgare  
cupientes, ne in conspectum quidem ejus admissi sunt. Regressi Mediolanum, æquè adversantem sibi Ambrosium repererunt. Tum vertere consilia, ut quia duobus Episcopis,  
quorum eâ tempestate erat summa autoritas, non illuse-

„rant, largiendo & ambiendo ab Imperatore cupita extorquerent". Ita corrupto Macedonio, tum Magistro Officiorum, Rescriptum eliciunt, quo calcatis quæ prius decreta erant, restitui Ecclesiis jubebantur. Ita Instantius & Priscillianus redierunt jactabundi in Hispaniam, & suas receperunt Ecclesias. In ipsis permanserunt usque ad invasum à Maximo Imperium, & Sulpitius prosequitur: "Ubi Maximus Oppidum Treverorum victor ingressus est, Ithacius ingerit preces, plenas in Priscillianum ac socios ejus invidiæ atque criminum. Quibus permotus Imperator, datis ad Præfectum Galliarum atque ad Vicarium Hispaniarum litteris, omnes omnino, quos labe illa involverat, deduci ad Synodum Burdigalensem jubet. Ita ducti Instantius & Priscillianus. Quorum Instantius, prior jussus causam dicere, postquam se parum expurgabat, indignus esse Episcopatu pronuntiatus est. Priscillianus verò, ne ab Episcopis audiretur, ad Principem provocavit. Permissumque id nostrorum inconstantia: Quia aut sententiam in refragantem ferre debuerant, aut si hi ipsi suspecti habebantur, aliis Episcopis audientiam reservare".

Anno 386

Hæc postrema appellatio facta est anno tertio post mortem sancti Damasi. Ejus meminit etiam Prosper in Chronico: "Priscillianus in Synodo Burdigalensi damnandum se intelligens, ad Imperatorem Maximum provocavit. Auditusque Treveris ab Evodio Præfecto Prætorio, à Maximo gladio addictus est". Omnem rei seriem edicit in suo Chronico Idacius Lemicensis Episcopus: "Priscillianus declinans in hæresim Gnosticorum, per Episcopos, quos sibi in eadem pravitate collegerat, Abulæ Episcopus ordinatur. Qui aliquot Episcoporum Conciliis, auditis Italiam petit & Romam. Ubi ne ad conspectum quidem S. S. Episcoporum Damasi & Ambrosii receptus, cum hiis, cum quibus iverat, redit ad Gallias. Inibi similiter à sancto Martino Episcopo, & ab aliis Episcopis hæreticus judicatus, appellat ad Cæsarem: Quia in Galliis his diebus Maximus Tyrannus obtinebat potestatem Imperii". Rectè scribit Priscillianistas ab aliquot Synodis fuisse auditos in Hispania & damnatos. Et hi ab omnibus istis Romam appellarunt, atque accesserunt.

At longè aliud censet Paschasius Quesnellus. Etenim de postrema



strema ad Imperatorem Maximum provocatione scribit : " De Romano Episcopo ab alterutro appellato nulla mentio". Respondeo non esse mirum. Qua enim fronte scelerati homines, qui sancto Damaso detecti non potuerant illudere seu obrepere, idèoque nec ejus faciem fuerant permitti videre : Qui insuper ad evadendum istud totius Hispaniæ ac Apostolicæ Sedis iudicium fecerant perfugium ad laicas Potestates, ipsas pecuniâ corruperant, atque ita rursus turbarant & macularant plures Ecclesias. Quâ, inquam, fronte isti provocassent aut accessissent ad Successorem Siricium ? Norant se per ipsum eodem modo tractandos. Hinc uti Gratiani Ministros auro depravarent, ita sperarunt & ipsum Maximum inescare, idèoque ad ipsum provocarunt.

Major est Paschasii Quesnelli fiducia circa primam Appellationem. Quærit, cur sanctus Damasus appellantes nec ad suam faciem admisit ? Et respondet rationem esse hæc Cæsar-Augustanæ Synodi verba : " Si quis damnatos in communionem recepisset, sciret in se eandem promendam sententiam". Respondeo hæc iterum olere Eusebianæ Factionis proterviam. Etenim & ista Factio sanctum Julium Pontificem censuit cecidisse in inflictam sancto Athanasio damnationem, quod cum à se damnatum ille in communionem recepisset. Suarum Synodorum sententias censuit non posse devolvi Romam, nec istic retractari, longè minùs corrigi aut exsufflari. Et quidem illi agebant de solis Patriarchalibus, aut totius Orientalis Ecclesiæ Synodis ; at verò Paschasius Quesnellus scribit de Synodis Occidentalium Provinciarum, quas suo Patriarchæ subdi nemo est unquam inficiatus. Proindè sanctus Damasus nequaquam timuit istud contagium, sed secutus est antiquissimum Romanæ Ecclesiæ morem, ex quo sanctus Papa & Martyr Stephanus sancti Cypriani, circa Baptismum errantis, " Legatos Episcopos nec ad sermonem colloqui saltem communis admisit", & omne illis apud fideles interdixit hospitium. Ita in famosa sua epistola testatur Firmilianus, apud Cappadoces Archi-Episcopus Cæsarænsis. Eodem modo magnus Papa Leo tractavit Eutychianos Legatos Alexandrinæ Ecclesiæ : " Legati nec ad faciem usque salutationis admissi, sine aliquo effectu reversi sunt". Ita Dioscorus Presbyter & Cheraemon Lector, ejusdem Ecclesiæ apud Constantinopolim Apocrisarii, questi sunt Cresconio & Ger-

mano Episcopis, istic Legatis Anastasi secundi Pontificis. Etiam de Petro Fullone, Antiochiæ Patriarcha, & Joanne Apamænsi Episcopo, Metropoli Secundæ Syriæ, Eutychanis hæreticis, scribit Narratio de Eutychanæ perfidiæ successu usque ad damnatum Acacium Constantinopolitanum Episcopū: "Acacius petiit Apostolicam Sedem, ut si ad eandem confugerent, ne ipso quidem digni haberentur adspectu". Et de sancto Agapeto Pontifice, Constantinopolim advecto, scribit in Breviario Liberatus Diaconus: "Agapetus An-  
 Cap. 21. „thimi", hæretici ac intrusi Constantinopolitani Patriarchæ, "præ-  
 „sentiam sprexit, eumque ad salutandum suscipere noluit". Et nullis Principum, ipsius etiam Augustæ Theodoræ Promissis, precibus, aut minis ad id se permisit inclinari. Et de Græcorum Episcopis, sibi circa tria famosa Capitula obedire detrectantibus, ad omnem Ecclesiam scripsit vigilis Pontifex: "Eos ulterius non permittimus esse nostræ communionis participes, nec adspectus eorum oculi nostri receperunt". Hinc & Pyrrhus, Eutychanus Constantinopolitanæ Ecclesiæ Antistes, à sancto Abbate Maximo convictus & confusus, humiliter supplicavit: "Hoc unum & so-  
 „lum rogo, primum quidem ut merear Apostolica Delubra, magis autem ipsos Apostolorum Principes adorare. Deinde ve-  
 „rò ut liceat sanctissimum Papam in faciem videre, ei que libellum eorum, quæ absurde gesta sunt, tradere". Et sanctus Maximus, ac Gregorius Patricius responderunt: "Quando tua propositio bona est atque utilis, sic fiat". Tunc Pyrrhum ex Africa portarunt Romam, & sanctus Maximus pergit: "In hanc celeberrimam Urbem Romam cum Pyrrhus venisset nobiscum, Pro-  
 „missum implevit, damnavitque impiæ Ecchesios dogmata, ac se per rectam professionem cum sancta Ecclesia conjunxit". Et fuit admissus ad faciem Pontificis. Nemo Hæreticus, nisi post conversionem & solemnem Hæresis abjurationem, potuit unquam hanc videre. Et hanc regulam securus est sanctus Damasus in Priscilianum.



## CAPUT VIII.

*Examinatur Imperatoris Gratiani Lex, quæ omnes Occidentalis Ecclesiæ Metropolitæ Episcopus iussit in prima etiam instantia judicari à Romano Pontifice.*



Ozimus Pontifex ad se traxit primam instantiam Proculi Massiliensis Episcopi, se novum secundæ Narbonensis Provinciæ Metropolitam prætendentis, & de hac re scribit Paschasius Quesnellus: "Hoc Illustrissimus Petrus de Marca", dicit actum esse Romæ post Gratiani legem, promulgatam, quæ Romani Pontificis judicio, commiserat Metropolitanos, quamque merito jure non multi faciebant Gallicani, utpote consuetudini Ecclesiasticæ, receptis, que regulis adversam. Quidquid sit de hac lege, quæ Canonum sanctiones infirmare non potuit, non est cur nos Zozimi conatus, iste plurimum sollicitet", &c. Anti-Papæ Ursicini, licet Coloniam Agrippinam relegati, Factio graviter vexavit Ecclesias. Plures Episcopos movit in rebellionem Romanæ Ecclesiæ. Hinc in Romana Synodo S. Papa Damasus ab Imperatoribus Gratiano ac Valentiniano postulavit plura auxilia, inter quæ fuit & hoc: „Jubere Pietas vestra dignetur, quicumque vel Fratris nostri Damasi, vel nostro judicio, qui Catholici sumus, fuerit condemnatus, atque injustè voluerit retinere Ecclesiam, vel vocatus à Sacer-, tali judicio non adesse, accitus ad Urbem Romam veniat, aut, si in longinquioribus Partibus hujusmodi emerferit quæstio, ad Metropolitanos deducatur examen. Vel si ipse Metropolitanus, est, Romam necessariò, vel ad eos, quos Romanus Episcopus, Judices dederit, contendere sine dilatione jubeatur". Et Principes in eadem verba rescripserunt. Paschasius Quesnellus cum Petro de Marca censet & Synodum postulasse, & Principes sanxisse contra Canones.

Respondendo hanc esse enormem contumeliam & in istam Synodum, & in istos Principes. Quæ contumelia major, quam tantum

tantam Pontificem, ejusque Apostolicam, cui S. Ambrosius ad fuit, synodum de Apostolicorum Canonum infractione infamare? Apostolicum namque Canonem omnino laudat in relatione ad S. Celestinum Pontificem Ephesina Synodus, scribens contra Joannis Patriarchæ Antiocheni Factionem, ausam damnare S. Cyrillum Patriarcham Alexandrinum: "Si quibuscumque potestas fiat majoribus Sedibus contumeliam inferendi, & in illos, in quos nihil juris habent, sententias pronuntiandi usque adeo iniquas, & à Canonibus discrepantes, vel potius contumelias, in extremam confusionem res Ecclesiasticæ delabentur". Quod ipsum in causa Acacii Constantinopolitani Episcopi scribit in litteris ad Dardaniæ Episcopos S. Gelasius, & suum Rescriptum fundat in hac generali Regula: "Ab Inferioribus Potior discuti non potest, aut judicari". Etiam in Tomo de Anathematis vinculo scribit idem Pontifex: "Inferior Potiorem absolvere non potest". Addit hunc esse perpetuum Ecclesiæ tramitem. Est Apostolica regula, quæ Clericum à proprio Episcopo, Episcopum à Metropolita, Metropolitam à Patriarcha vel Exarcho, Exarchum & Patriarcham semper jussit à Papa Synodaliter Judicari. Hinc in Ephesino Concilio adversus Joannem Antiochiæ Patriarcham, Synodali evocationi parère detrectantem, dixit Juvenalis Hierosolymæ Episcopus: "Oportebat Joannem confestim accurrere ad Apostolicam Sedem, Magnæ Romæ nobiscum confidentem, apud quam mos est ex Apostolico ordine & traditione, ut ipsa Sedes Antiochena dirigatur & judicetur". Romanæ Sedi hac in parte adjunxit Apostolicum Hierosolymæ Thronum. At ex proprio arbitrio: Quod fucaret suum ambitum. Ex isto Canone Pentapolitana Ægyptiacæ Diocesis Provincia suum Patriarcham Dionysium, profani Dogmatis suspectum, detulit sancto Dionysio Pontifici: Et hic illum judicavit. Hæresiarcham Nestorium, quod Constantinopolitana Ecclesia tunc Patriarchalia jura ambiret, sancto Celestino Pontifici detulit sanctus Cyrillus. Hujus Successorem Dioscorum Clerici Alexandrini accusarunt apud sanctum Papam Leonem. Plura sunt istiusmodi exempla. Arabici Canones Patriarcham à subdito Metropolita nec accusari permittunt, nisi de consilio & assensu alterius Patriarchæ.

Ex eadem regula Metropolitanus à suæ Provinciæ Synodo nunquam dampnari potuit aut judicari, sed à solo Patriarcha aut ejus Synodo

nodo. Ita docet primus Canon Ephesini Concilii. Omnes quippe Episcopos, qui Synodo præsentes fuerant Joannis Antiocheni Patriarchæ Factionem secuti, damnat, & pergit ad absentes ejus Congregales: "Si quispiam Metropolita Provinciæ derelictâ sanctâ & œcumenicâ Synodo aut accessit ad illorum defectionis Confessum, aut accedet impofterum, sive cum Celestio sensit, sive sentiet, ipse nihil amplius poterit agere adversum Provinciæ Episcopos, ut qui jam indè à Synodo totius Ecclesiasticæ communionis expertus sit factus, & prorsus inutilis, sed & ipsis Episcopis illius Provinciæ, circumque vicinis Metropolitæ recta sentientibus subja- cebit, ut omnino dejectus à Sede Episcopatus". Ephesina Synodus fuit in duas partes lacerata. Et istorum, qui Hæresiar- cham Nestorium damnaverant, aut ejus damnationi accesserant atque subscripserant, Metropolitanarum ac aliorum Episcoporum aliqui, à Joanne Patriarcha Antiocheno circumscripti aut seducti, postmodò vertèrunt vela, recantarunt sua suffragia, & ad Joannis factionem retrocesserunt. Hos castigat laudatus Canon. Et inter alias istius-modi Metropolitanæ pœnas ponit, quod deinceps suæ Provinciæ Synodo subfuturus sit, & ab ipsa judicandus: Quia videlicet integer Metropolita ipsi non subest, nec ab ipsa potest judicari. Hinc Edeffenæ Metropolis Clerici suum Episcopum ibam accusarunt non apud Synodum suæ Provinciæ, sed apud "Magnum & sanctum Concilium" Domni Patriarchæ Antiocheni. Ita habes in decima Actione Concilii Chalcedonenfis: Et hujus nonus Canon sanxit Clericum apud Episcopum, Episcopum apud Provinciæ Synodum; Metropolitam esse conveniendum apud Diœcesios Primatem, aut apud Episcopum Regiæ civitatis Constantinopolitanæ.

Agit de Thraciæ, Asiæ, ac Ponticæ Diœcesios Metropoli- tis, quorum Consecrationem Constantinopolitanus invaserat, & invadere moliebatur etiam judicalem in ipsos auctoritatem. Hoc Synodus noluit. Statuit Alternativam, positam in arbitrio Convenientis. Interim Metropolitam noluit judicari à sua Synodo. Quod ipsum confirmavit octava Synodus. Sanxit ut damnatus à Metro- polita Episcopus provocet ad "Patriarchale Caput", & adjunxit: "Insuper etiam nullo modo quisquis Metropolitanorum ab Episco- pls Provinciæ suæ judicetur, sed à solo proprio Patriarcha". Idem habent Arabici Canones, & adjungunt: "Patriarcha querelam unius

Can. 26.

Can. 46.

Archi-

„Archi-Episcopi de alio Archi-Episcopo non accipiat, nisi altero „Archi-Episcopo ex Fratribus interveniente". Ex simili nescio quo Canone Guntharius Colonienſis, & Thetgaudus Treverensis Metropolitæ, à Nicolao primo Pontifice damnati, apud Ludovicum secundum Imperatorem coqueſti ſunt, quod iſti iudicio nullus alter Metropoliſta adfuisset. Ex iſto capite tentarunt iudicium exſufflare. Quæ omnia nequaquam ducunt originem ex lege Gratiani Principis. Hæc enim ſcripta ſuit ad ſolam Occidentalem Eccleſiam, ad ſolum Patriarchatum Romanum. Nec item ſunt novum juſ: Sunt Canones innovantes ac ſtabilientes Apoſtolicam traditionem.

Fateor tamen iſtos Canones quandoque non vigiſſe in Gallia. Etenim tertia Aurelianenſis Synodus Episcopis & Clericis rigide interdicit omne extranearum mulierum contubernium,

Can. 4. „omnem præſertim carnis Lapſum, atque concludit: "Metropo- „litanus", utique lapſus, "à Comprovincialibus ſuis diſtinga-

Can. 17. „tur". Et quinta Synodus ſanxit: "Si Metropolitani à Com- „provinciali Episcopo bis fuerit in cauſa propria appellatus, & „cum audire diſtulerit, ad proximam Synodum, quæ conſtitue- „tur, negotium ſuum in Concilio habeat licentiam exerendi, & „quidquid pro juſtitia à Comprovincialibus ſuis ſtatutum fuerit, ſtu-

Can. 16. „deat obſervare". Utique Metropolitani. Quod ipſum repetit ſecunda Arvernensis Synodus. Paſchalius Queſnellus dat cauſam: "Gratiani legem merito jure non multi faciebant Gallicani, ut- „potè conſuetudini Eccleſiaſtica, receptiſque Regulis adverſantem". Reſpondeo legem à Gallicaniſ Episcopis nec contemptam fuiſſe, nec neglectam. Ea enim uſi ſunt ſub Pontificibus Innocentio, Zoſimo, Bonifacio, Celeſtino, Sixto, Leone. Et ipſam ad magni Leonis preces innovavit contra ſancti Hilarii novitates Valentinianus tertius. Neglectus igitur cauſa fuit non legis ad Eccleſiaſticam conſuetudinem aut receptos Canones contrarietas, ſed Gallia invaſores Reges barbari, qui ſuis Episcopis interdixerunt Regni egreſſum, ac ipſum etiam Romanum acceſſum, eoſque juſſerunt eſſe contentos ſolis Relationibus. Ita teſtatur in litteris ad Romanos Senatores Fauſtum & Symmachum ſanctus Avitus Archi-Episcopus Viennensis. Hinc Metropolitæ, ne ſibi impunis foret deſtinquendi aut excedendi licentia, ſemetipſos ſuarum Provincia- rum Synodis ſpontè ſubmiſerunt. Erat manifeſtè contra Ca-  
nones,

hones. Hinc unà cum multis aliis, per barbaros istos Reges intrusis, Ecclesiasticæ disciplinæ depravationibus morem istum abolevit, & Canonum vigorem reduxit magnus Imperator Carolus, Reparator Gallicanæ Christianitatis. Etenim in septimo Capitularium libro habemus: "Si adversus Provinciæ Metropolitanum, Episcopus vel Clericus habuerit querelam, petat Pſſimatem Diæceſeos, & apud ipsum judicetur, aut apud Sedem Apostolicam". Primates tunc habere incæpit Gallia: Hinc Capitulum aliquos apud suum Primate, aliquos Metropolitam mandat apud Sedem Apostolicam judicari. Utique istos, qui non habebant Primatem. Est Canon Chalcedonenſis. Hæc ejus verba, "Aut Sedem Regiæ urbis Constantinopolitanæ". Carolus tranſmutat in hæc: "Aut apud Sedem Apostolicam". Haufit hoc ex fictitia epistola, quæ passim adſcribitur sancto Julio Pontifici. Et hinc videmus, quod Hincmarus Metropoliſta Remenſis non cæperit primus hunc antiquum Canonem introducere in Gallias. Nam & Adrianus primus, dum Bituricenſem Cathedram reſpoſuit in Metropolitica dignitate, voluit ejus Episcopum deinceps judicari à ſola Sede Apostolica. Eandem regulam habent Capitula, quæ Angilramnus Metenſis Episcopus vel accepit ab eodem Pontifice, vel potiùs ipſi obtulit.

Canon tamen ſemper habuit exceptionem, quam in ſuo ad Ephesine Synodum libello addoxit Charifiſus, Philadelphiensis in Lydia Eccleſiæ Presbyter: "Omnes qui rectè ſapiunt, ita comparati ſunt, ut honorem ſemper, & quam decet obſervantiam, ſpiritualibus maximè Patribus & Doctõribus deferre deſiderent. Si verò illos, qui docere debent, talia de fide auditoribus inſonare contigerit, quæ omium & aures & animos offendant, tunc ſanè ordinem commutari neceſſè eſt, & pravi doctrinæ Magiſtros à Subjectis reprehendi". Exceptionem in ſua Romana, octavi Concilii Actis inſerta, Synodo exponit Adrianus II. Pontifex, dicens de ſuo Anteceſſore Honorio, damnato ab Orientalibus: "Sciendum eſt, quia ſuper hæreſi fuerat accuſatus, propter quam ſolam licitum eſt Minoribus Majorum ſuorum motibus reſiſtendi, vel pravi ſenſus liberè reſpõdendi". Quæſtio eſt, quid hic intelligatur per reprehensionem ac reſiſtentiam? Quidam cenſent intelligi ſolam facultatem accuſandi, aut ſanè ſe ſeparandi ab errantis Prælati communione.

Reſpondeo tamen intelligi etiam facultatem judicandi. Quiſque privatus, etiam Laicus, poſſit accuſare Prælatum ſimilem, ac ejus

communione deferere; subdita autem Synodus habet auctoritatem ipsius etiam judicandi. Ita subiecta Antiochena Synodus damnavit ac ejecit suum Patriarcham Paulum Samosatensem. Et Euphratam Colonix Episcopum, Metropolitam secundæ Germaniæ, damnavit propria Synodus. Et de Cosma Epiphaniensis ac Severiano Arethusæ Episcopo, Severi Patriarchæ Antiocheni manifestâ hæresi offensis, scribit Evagrius Epiphaniensis: "Cosmas & Severianus primum se à Severi communione segregarunt, deinde libellum abdicationis ad eum mittunt". Non est dubitandum, quin iste libellus fuerit Synodalis, formatus ab aliqua Synodo. Similem Synodum laudat antiqua & authentica Eutychiani successus Narratio, scribens de ejusdem Sedis Patriarcha Petro Fullone: "Petrus, pulso Martyrio, Catholico Episcopo, per vilissimum populum & hæreticos Sedem ipsius occupavit, continuoque est damnatus ab Episcopis, atque à Leone Imperatore Oasin deportatus". Hujusmodi Synodale judicium præfati Antistites fuerunt in Severum executi.

Notanda tamen sunt verba Charisii: "Quæ omnium & aures & animos offendant". Esse debet manifesta hæresis. Si dubia sit & palliabilis, opus est præviâ Relatione ad Sedem Apostolam. Hinc Dionysium, suum Alexandriæ Patriarcham, Pentapolitanæ Provinciæ Episcopi non præsumperunt damnare, sed accusarunt apud Dionysium Pontificem: Quod nempe ejus error esset dubius, non manifestus. Eadem de causâ Jubaianus, Pompejus, alique per Africam Episcopi suum Primatem Cyprianum, prava de Baptismate docentem, non invaserunt, sed detulerunt apud Stephanum Papam, quod ejus error haberet aliquid fundamenti. Item dum error esset dubius, subiecta Synodus semper sibi associavit aliquem æqualem, aut etiam majorem reo Metropolitâ, Primatem, aut Patriarcham. Ita Antiochena Synodus contra Paulum Patriarcham, processura ad definitivam sententiam, adesse voluit Dionysium Patriarcham Alexandrinum, ac item Firmilianum Cæsariensem in Cappadoçiâ Episcopum, Exarchum Ponticæ Diœcesios. Et suum judicium mox retulit ad Sedem Apostolicam. Ex eadem regula Coloniensis Synodus, missura damnationis manum in suum Metropolitam Euphratam, sibi adjunxit Maximinum Treverensem, & Valentinum Metropolitam Arelatensem. Et ex hoc fonte possit prodiisse Arabicus Canon, mandans



dans Patriarcham aut Metropolitam non judicari, nisi præfente alio Patriarcha aut Metropolita. Quod observatum voluit, etiam dum Metropolita judicaretur à suo Patriarcha. Præfatæ exceptionis ratio est clara. Etenim manifestè hæreticus semetipsum damnat ac degradat. Est opus non iudicio, sed solâ declaratione ac executione. Hanc Canones semper permiserunt etiam subjunctæ Synodo.

Eadem fuit ratio de peccato idololatriæ. Hinc enim Martialem Emeritensem Episcopum, Metropolitam Lusitaniæ, propria Synodus degradavit. Si tamen fuerit Metropolita. Etenim Ferdinandus Mendoza, Joannes Mariana, ac alii Hispanicarum rerum periti, affirmant usquè ad Imperatoris Constantini tempora nullos in Hispania fuisse Metropolitanos Episcopos, sed tunc istis viguisse Hierarchiam Africanam, quæ acceptæ Consecrationis ætate seniores faciebat Primatem Provinciæ. Et ipsorum assertio habet fundamentum in Canonibus Illiberritanis. Antiquam formam insigniter exponit in litteris ad quosdam Donatistarum Episcopos sanctus Augustinus, scribens adversus Secundum Tigisitanum Episcopum, Numidiæ Primatem, ausum damnare Cecilianum Carthaginensem Episcopum, Primatem totius Africæ, quod diceret Ordinatum à Traditoribus. Cecilianus ad Synodum evocatus adesse noluit, allegans Superiorem citari aut evocari non posse à Subditis. Hinc illum Secundus pro confesso habuit, & damnavit in contumaciam. Hunc impetum Augustinus graviter improbat, & adjungit Secundum debuisse ad suam Synodum perorare in hujusmodi verba: " Videtis Fratres, post tantam stragem persecutionis misericordiâ Dei à Principibus sæculi pacem esse concessam, non debemus nos Christiani & Episcopi unitatem dirumpere Christianam, quam jam Paganus non insequitur inimicus. Itaque aut omnes istas causas, quas clades turbulentissimi temporis inflinxit Ecclesiæ, Deo Judici dimittamus, aut si aliqui in vobis sint, qui certa istorum crimina ita noverint, ut ea facile valeant edocere, negantesque convincere, & talibus communicare formidant, pergant ad Fratres & Collegas nostros Transmarinarum Ecclesiarum Episcopos, & ibi primò de istorum Factis & contumacia conquærantur, quod ad judicium Collegarum Afrorum malè sibi conscii venire noluerint, & inde illis denuntiatur ut veniant, ibique objectis respondeant. Quod si non fecerint

„cerint, ibi eorum pravitas & perversitas innotescet, misaq̃ue  
 „Tractoria super eorum nomine per totum Orbem terrarum,  
 „quocumque jam Ecclesia Christi dilatata est, ab omnibus Ec-  
 „clesiis eorum communio præcidetur, ne aliquis error in Catho-  
 „dra Ecclesiæ Carthagenensis oriatur. Tunc demum securi Epif-  
 „copum alium Plebi Carthaginis ordinabimus, cum à tota Eccle-  
 „sia illi fuerint separati, ne fortè cum alius modò fuerit Ordina-  
 „tus, non ei communicetur ab Ecclesia Transmarina, quia iste ab  
 „honore depositus non videbitur, quem jam Ordinarum fama ce-  
 „lebravit, & ad eum commere communicatorias litteras fecit,  
 „atque ita magnum scandalum schismatis in unitate Christi jam pa-  
 „caris temporibus oriatur, dum præproperè nostras volumus præ-  
 „cipitare sententias, & non contra Cecilianum, sed contra Orbem  
 „terrarum, qui ei per ignorantiam communicat, Altare alterum  
 „erigere audeamus”.

Sanctus Augustinus docet varia. Primò, quod Africana Synodus Primatem suum Cecilianum, si quidem ejus in traditionem Lapsus erat certus ac manifestus, potuerit evocare ad iudicium. Secundò, quod contumacem non potuerit cogere, nec damnare in contumaciam. Tertiò, quod contumacem debuerit deferre ad tribunal Romanæ Ecclesiæ. Quartò, quod Romana Ecclesia potuerit contumacem damnare, & super ejus nomine ad omnes sub cælo Ecclesias mittere damnationis Tractoriam. Quidam codices habent: ”Tractatoriam”. Est mendum. Hæc omnia fundantur in Ceciliani Primatu, propter quem non subdebatur isti Synodo. Quintò Augustinus docet, quod antè confirmatam à Romana Ecclesia Ceciliani damnationem nequiverit procedi ad creationem novi Episcopi. Et addit causam: Quia nempe ante istam confirmationem inflicta per Africanam Synodum degradatio non est firma, idèdque Sedes necdum censetur vacare. Traditio & per Traditores accepta Consecratio erant crimina capitalia, graviora hæresi. Propter ipsa Cecilianus poterat judicari a suis Subditis. Attamen Afrorum tanta erat in suum Primatem reverentia, ut ipsum subdita Synodus invitum non potuerit ad se trahere, sed contumacem debuerit Romam provocare. Et istam Regulam noscens Cecilianus recusavit evocatus adesse: Maluit Romæ judicari. Ex eadem regula Carthagenensis Donatistarum Synodus in suum Primatem Primianum fecit, quod in quarto con-

tta

tra Cresconium libro scribit sanctus Augustinus : " Synodus ad Cap. 7.  
 „Primianum non semel, sed iterum ac tertio Legatos misit, ut si  
 „ad eos ipse venire nolle, ipsos ad se venire permetteret". Quæ  
 omnia non fundantur in lege Imperatoris Gratiani, sed in Aposto-  
 lico Canone, per istam Legem innovato & confirmato.

Ex his addiscimus causam, cùm Narbonensis Provinciæ Syno-  
 dus suum Arelatensem Metropolitam Martianum damnare non  
 præsumpserit : Cùm item sanctus Stephanus Pontifex in ipso dam-  
 nando fuerit lentior, & per iteratas sancti Cypriani litteras de-  
 buerit urgeri. Quia nempe palmare ejus crimen erat adhuc ut-  
 cumque ambiguum, nec plenè exploratum. Clemens sancti Cor-  
 nelii in Lapsos Decretum quidam Episcopi noluerunt admittere  
 per hæreticam contumaciam, quidam per rigidam disciplinam. Nam  
 & de clementi sancti Zephyrini in Mæchos Decreto scribit ipse  
 Cyprianus ad Antonianum Episcopum : " Apud Antecessores no-  
 „stros quidam de Episcopis isthæc in Provincia nostra dandam Pacem  
 „Mæchis non putaverunt, & in totum pœnitentiæ locum contra  
 „adulteria clauferunt, non tamen à Co-Episcoporum suorum Col-  
 „legio recesserunt, aut Catholicæ Ecclesiæ unitatem vel duritiæ  
 „vel censuræ suæ obstinatione ruperunt, ut quia apud alios adul-  
 „teris pax dabatur, qui non dabat, de Ecclesiâ separaretur. Ma-  
 „nente Concordiæ vinculo, & perseverante Catholicæ Ecclesiæ  
 „individuo sacramento, actum suum disponit & dirigit unusquis-  
 „que Episcopus, rationem Propositi sui Domino redditurus". Epif-  
 copi isti clemens Zephyrini Decretum non impugnabant hæreticâ  
 duritiâ aut censurâ : Nequaquam censebant esse Divinæ legis præva-  
 ricatorium. Censebant Mœchiam per Ecclesiæ claves post expletam  
 pœnitentiam posse absolvi : Attamen clementiam istam credebant  
 suis populis non convenire. Populis, de quibus postmodò scrip-  
 sit sanctus Salvianus : "Tàm impossibile est Afrum esse castum,  
 „quàm Afrum non esse Afrum". Hinc illi à communi Ecclesiæ  
 Altari se non separarunt. Hæc ipsa sententiarum diversitas evenit  
 Decreto Cornelii. Nam & diù post Illiberriana Synodus qui-  
 busdam & Mæchis & Lapsis negavit extremum Sacramentalis Re-  
 conciliationis viaticum. Censuit antiquam disciplinam esse suis po-  
 pulis convenientiorem. Quod ipsum quidam Gallicani Episcopi  
 adhuc cōsueverunt multo tempore post Nicænum Concilium. Lu-  
 cet ex litteris sancti Celestini Pontificis. Porro quâ sententiâ age-  
 retur.

retur Martianus, videtur dudum latuisse ac fuisse obscurum. Hinc nec Synodus ipsum fuit ausa invadere, & Stephanus dissimulavit. Tandem ille palam blateravit Decretum esse prævaricatorium Evangelici dogmatis, professus est se docere cum Novatiano, crexit novum Altare, evasit manifestus hæreticus. Tunc Stephanus prævenit Synodum, functus officio.

## CAPUT IX

*Discutiuntur Ioannis de Gerbais Sensa circa laudatam  
Imperatoris Gratiani legem.*

**H**æc Lex mirificè ferit oculos novarum hodie vocum Authoribus. Eloquentissimus igitur ille Magister noster post impugnata Valentiniiani tertii pro Magni Leonis adversus Arelatensem Hilarium Decretis legem pergit ac scribit: "Non plus habet roboris lex altera, quæ à Gratiano paulò ante ad Relationem Concilii, tum Aquileinsis, tum Romani, edita erat". Adducit palmaria legis verba, & concludit: "Non habet, inquam, lex ista plus roboris, si fortè generaliter accipiatur. Nam & peccat ista quoque, contra Canones, & quatenus Episcopos Judicandos decernit à Damaſo & quinque aut septem Episcopis, & quatenus Metropolitanos promiscuè Episcopi Romani, aut virorum ab ipso deputatorum iudicio planè subjicit". Hic novarum vocum Dilector potius primas judicandorum instantias, quam judicatorum Episcoporum Appellationes vult Apostolicæ Sedi subripere: Cunctos à suæ Provinciæ Synodo, nullum vult posse à Papa damnari. Nec ipsos Metropolitanos. Hinc Augusti Gratiani legem censet impingere in Canones. Istud hominum genus tentat novam Hierarchiam fabricari, ideoque protervè asseverat, quod ante ipsorum Gloriosum Magisterium nemo sub Sole intellexerit Canones.

Dico igitur istum eloquentissimum Magistrum hîc labi in duos errores. Primus est, quod lex in Canones peccet, quatenus decernit Episcopos judicandos à Romano Pontifice cum consilio quinque aut septem Episcoporum. Lex enim sanxit de Suburbicariis

riis Romanæ Provinciæ Episcopis, quorum Pontifex erat proprius Metropolitæ. Vastissima erat tunc ista Provincia. Omnis Italia non habebat nisi quatuor Metropoles: Romanum, Mediolanensem, Aquileiensem, & Calaritanum. Proinde tunc omnes à Liguria usque ad Ionium mare intra Italiam Provinciæ, ipsæque etiam Sicilia spectabant ad Metropoliticam subjectionem Romani Pontificis, ac proinde nullus istic Episcopus judicari poterat, nisi per ejus Synodum. At verò hanc tantam Synodum adunare erat non parvi moliminis. Longè majoris, quàm adunare aliquam Africanam. Hinc uti Africani Canones degradandorum Episcoporum potestatem soli cum duodecim Episcopis Primati crediderunt, ita perpetua Italiæ consuetudo illam semper permisit soli Pontifici cum consilio quinque aut septem Episcoporum. Non cum Concilio, sed cum consilio. Rationem dat in sua ad Orientales Clericos & Monachos Synodali epistola sanctus Felix III. "Quoties intra Italiam propter causas Ecclesiasticas, præcipuè fidei, colliguntur Domini Sacerdotes, consuetudo tenetur, ut Successor Præsulum Sedis Apostolicæ ex persona cunctorum totius Italiæ Sacerdotum cuncta disponat, qui Caput est omnium". Affirmat in ista Synodo solum Pontificem sanctire ac definire omnia, adidentibus ei Episcopis esse consultivum dumtaxat suffragium. Affirmat hanc esse perpetuam consuetudinem, & adjungit ipsam fuisse confirmatam à Nicæna Synodo: Utique per sextum Canonem. Romanus igitur Pontifex subiectos suæ Metropoli Episcopos poterat etiam solus degradare: Attamen nè in mente aut affectu pateretur aliquid humani, passim adhibebat quinque vel septem Episcoporum consilium. Et hanc consuetudinem Imperator Gratianus suâ lege confirmavit. Quod contra Canones aliquid egerit, in nullius unquam mentem incidit.

Alter istius eloquentissimi viri error est, quod ista lex impigerit in Canones, quatenus Metropolis promiscuè Episcopi Romani, aut virorum ab ipso deputatorum judicio planè subijcit. Etenim lex nequaquam de cunctis sub cælo, sed de solis Romani Patriarchatus, præsertim tamen de Italiæ ac Galliæ Metropolitibus sanxit, ideoque est lucidissima observatrix ac executrix Canonum. Uti Metropolitaram Consecratio, ita & prima de ipsorum delictis cognitio per Apostolicos Canones ac perpetuam consuetudinem semper spectavit ad Patriarcham, aut certè ad Primatem. At verò

Romanæ Ecclesiæ Patriarchatus nullum olim Primatem habuit, nisi solum Carthaginensem, idèdque omnes per Illyricum, Italiam, Galliam; ac Hispaniam Metropolitæ sine medio suberant Romanorum Episcopo: Proindè à nullo, nisi ab isto, aut ejus Delegatis poterant judicari. Hanc ejus perpetuam auctoritatem lex confirmavit. Quod contra Canones egerit, sapientissimus ille Magister dignetur suæ Rhetoricæ artis Auditoribus, non Ecclesiasticæ Hierarchiæ Peritis suadere aut prædicare.

Audiamus sequentia: "Sed neque etiam Gratiano mens fuit, constitutionem istam generaliter proponere, quasi verò & pro locis omnibus, & in omne tempus valitura esset. Verùm eà dumtaxat cautum esse voluit, nè Ursinus, qui Romanam Sedem Damaso invadebat, ampliùs quidquam moliretur contra Damasum: Non per se quidem, cùm jam in exilio esset; sed per Episcopos, quos olim ordinaverat, & qui contempto Damasi, ac aliorum Episcoporum, qui Damaso favebant, judicio Sedes suas impunitè retinebant". Eloquentissimus Doctor adducit verba legis, & concludit: "Itaque lex ad supplicationem hujusmodi lata, temporanea tantum fuit, atque ad id unum comparata, ut pax Ecclesiæ redderetur, quam turbabat Ursinus, utque Episcopi, qui legitimis obtemperare Judicijs recusabant, ad obsequium cogèrentur". Quod lex pro omnibus locis non fuerit lata, libens fateor. Jam enim professus sum esse latam pro solo Romano Patriarchatu. Præsertim pro Italia & Gallia. At quod lata non sit pro omnibus temporibus, est insignis error. Illa enim confirmavit, ac in executionem misit Apostolicum Canonem, quem Barbarorum violentiæ, licet pro tempore dissimulandum suaserint, non tamen potuerunt circumducere.

Proindè quod Apostolicus Canon, qui primam de Patriarchis, Autocephalis Exarchis, & Romani Patriarchatus, si solam forsitan demas Africam, Metropolitæ cognitionem privativè desert Romano Pontifici, etiam post istam legem semper vigerit, licet abundè demonstratum sit, ostendere placet aliis adhuc testimoniis & exemplis. Oportet penitus obstruere os loquentium iniqua. Memnon Ephesinorum Episcopus, ac Asiaticæ Diæceseos Exarchus, suum Presbyterum Bassianum ex quibus nescio causis non diligebat, ideoque ipsum, ut à suis amoveret oculis, reluctantem & recalcitrantem consecravit Evazorum Episcopum. At verò ille

Thro-

Thronum istum adscendere, immò & accedere penitus noluit, ideoq; humilis & afflctus permansit Ephesi. Defuncto Memnoni successit Basilus, & de ipso Bassianus dixit ad Chalcedonensem Synodum : "Is evocans Concilium Provinciæ, & agnoscens violentiam quam, fueram passus, & quoniam machinatio fuerat, alium in illa ci-  
vitate ordinavit Episcopum, mihi verò reddidit communionem, & locum Episcopatus". Communionem & locum vacantivi Episcopi. Bassianus pergit : "Contigit iterum & hunc vitæ finem suscipere, me autem cum multa necessitate & vi inthronizaverunt in eadem civitate Ephesi Populus & Clerus, & Episcopi, quorum unus Olympius Episcopus hic est". Episcopus Theodosio-  
Politanus. Omnes post sanctum Joannem Chrysostomum Constantinopolitani Episcopi tentaverunt Ephesinos Exarchos suâ Autocephaliâ exuere, ac Regiæ civitatis Throno subicere, atque ita sese evchere in Patriarchas. Et istic tunc sedebat sanctus Proclus, laudati Joannis Diaconus, omniumque ejus Actorum acerrimus defensor ac Prosecutor. Hinc ejus potentiam, quâ novum Episcopum omnino erat consecrandum ad suas manus evocaturus, metuentes Ephesiorum Clerus & Populus, consecratum Bassianum exaltarunt, atque ita se præservandos sperarunt à multis contentionibus, à multo periculo suæ Exarchalis Autocephaliæ. Bassianus pergit : "Agnoscebat autem hæc piissimus noster Imperator, repente hoc confirmavit, & continuo per Commonitorium aperte declaravit, confirmans Episcopatum. Postea direxit iterum Sacram per Eustatium Silentiarium, quæ confirmaret Episcopatum. Veni autem in Regiam Constantinopolim, & susci-  
piens nos idem rerum Dominus, id est, me & cum, qui erat in Regia civitate, Episcopum Proclum, amicos nos fecit. Et communicavi cum eo, & cum omnibus Episcopis, qui tunc temporis sunt reperti. Et faciens Synodicam idem sanctissimus Proclus direxit & civitati, & Episcopis, & Clericis". Ex his docemur plura. Primò, quod sanctus Proclus istam sing. sua Patriarchali venia, seu prævia confirmatione factam Inthronizationem pessimè cepit, ideoque & minatus sit Bassianum extrudere. Secundò, quod Bassianus Imperatorem Theodosium de Ecclesiæ suæ dignitate, & ei donata per ipsos Apostolos Autocephalia instruxerit, atque ita binam sui Episcopatus confirmationem obtinuerit. Nempe tunc necdum prodierat vigesimus octavus Chalcedo-

cedonenſis Canon, ideòque Princeps iudicabat juxta regulas antiquæ Hierarchiæ. Tertiò docemur, quod ſanctus Proclus propter iſta non ceſſayerit, ſed conſtans perrexit apud Principem urgere ſua Patriarchalia Jura. Quartò, quod hæc omnia Baſſianus timens tandem ivorit Conſtantinopolim, & quod illic Princeps ipſum cum Proclo pacificaverit. Haud dubiè per aliquam, ſalvo utriuſque partis jure, interlocutoriam tranſactionem. Quintò, quod hæc viâ placatus Proclus ei dederit Synodicam, ejusque Episcopatum plenè confirmaverit.

Quæ omnia ſunt plenè veriſſima. Eis enim ad Chalcedonenſem Synodum atteſtatus eſt Lucianus Byzici in Europa Episcopuſ. Glorioſiſſimis iudiciſ interloquentibus, „Reverendiſſimuſ „Episcopuſ, Baſſianuſ edoceat, quiſ eum fecit Episcopum”; præſatus Lucianuſ reſpondit: „Qui habuit juſ, ſuſcepit eum bonæ „memoriæ Procluſ. Et ſuſcepit eum beatæ memoriæ Theodoſiuſ, piſſimuſ Imperator: Et vocaſ eoa amicuſ fecit”. Notanda ſunt verba; „Qui habuit juſ”. Affirmat illud in Ephesiſnam Eccleſiam, ac omnem Aſiaticam Diœceſim juſ omninò compeſſiſſe Proclo, & Conſtantinopolitanæ Cathedræ, ideòque de legitima Baſſiani promotione non eſſe dubitandum. Iſti ipſi glorioſiſſimi Iudiceſ Theodoſio Aſſeſſoreſ & Authoreſ fuerant, ut ante Procli interventuſ Baſſiano Episcopatuſ confirmaret: Utiq; juxta antiquoſ moſeſ & Canoneſ. Item ut Procluſ cogereſ ad faciendam præſatam interlocutoriam tranſactionem. Hinc Lucianuſ eoſ intrepidè notat: Affirmat plenuſ iſtiuſ reſ Juſ Conſtantinopolitano Throno competere. Nèmpè erat in ipſa Europæ Provincia Episcopuſ, ideòque mordicuſ ſtabat pro iſtiſ rapiniſ Conſtantinopolitanoruſ Antiſtituſ. Et hinc ejuſ teſtimoniū non fidenteſ Glorioſiſſimi Iudiceſ perrexeſunt: „Si Procluſ ſanctæ memoriæ ſuſcepit Baſſianuſ Reverendiſſimuſ Episcopuſ, & communicavit ei tamquam Episcopuſ Ephęſioruſ Metropolis, Reverendiſſimuſ Cleruſ ſanctæ Conſtantinopolitanæ Eccleſiæ noſ edoceat”. Et Theophiluſ iſtiuſ Eccleſiæ Preſbyter reſpondit: „Ut ſcotam Deo, & ſuſcepit eum ſanctæ memoriæ Procluſ communiticantem, & Synodalibuſ litteriſ honoranſ diſmiſit eum ad Ephęſuſ, & in Diptychiſ poſuit ejuſ nomen, & recitabatur uſq; ad modicuſ ab hinc tempuſ”. Et cunctuſ ejuſdem Eccleſiæ Cleruſ confirmavit Theophili teſtimoniū. Et tanta authoritate munituſ Baſſia-



Bassianus per quatuor annos in plena pace sedit Episcopus.

Verum hæc omnia gravissimè displicuerunt pluribus Asiaticæ Dioeceseos Episcopis, pluribusque Clericis Ephesinæ Ecclesiæ. Indignissimè ferebant à sancto Paulo Apostolo fundatam, & à Sancto Joanne Evangelistâ dudum directam Ephesiorum Ecclesiam spoliari suâ Autocephaliâ, & violenter captivari, ac traduci in servitutem Constantinopolitanæ Cathedræ. Istas rapinas & Apostolicorum Canonum prævaricationes noverant per omnia displicere Romanæ Ecclesiæ, ac præsertim sedenti tunc zelotissimo Pontifici Magno Leoni. Noverant similes Juvenalis Hierosolymitani Episcopi, quas per Ephesini Concilii Autoritatem stabilire tentaverat, in Antiochenum Patriarchatum rapinas fuisse ab ipso, licet tunc dumtaxat Archi-Diacono, potentissimè excussas & exussatas. Noverant Autocephalorum Exarchorum Episcopalem confirmationem, & primam de ipsorum Consecratione ac quibusvis causis cognitionem privativè ac sine medio spectare ad Romanum Pontificem. Hinc igitur suum Archi-Episcopum Bassianum, ejus illegitimam inthronizationem, invalidam à sancto Proclo confirmationem, aliosque ejus defectus & excessus detulerunt & accusarunt apud Magnum Leonem. Eum accusarunt, quod non ab Episcopis impositus, sed à Gladiatoribus, Arenariis, aliisque id genus violentiis fuisset conjectus in Episcopalem Thronum. Et de accusationis successu in Chalcedonensi Synodo ad Gloriosissimos Judices dixit ejus Successor Stephanus: "Et pro hoc expulsus est à Sanctis Patribus, à Sanctissimo Regiæ civitatis Romæ Leone, à Beatissimo Sanctæ memoriæ Flaviano Constantinopolitanæ Urbis, & ab Alexandrino & Antiocheno. Ab his expulsus est. Romanus Episcopus eum deposuit, & Alexandrinus eum damnavit. Videat vestra Magnificentia epistolam scriptam à sancto Leone". Et ad ulteriorem Gloriosissimorum Judicum interrogationem denuò reposuit: "Relatum est ab Episcopo Alexandrinæ civitatis, Sanctissimæ memoriæ Theodosio Principe scribente illuc. Allatæ sunt etiam litteræ à Beatissimo & Sanctissimo Papa Romano, quatenus istum esse non oporteret Episcopum. Et manifestæ sunt litteræ. Jubebe venire Notarios". Et rursum dixit ad omnem Synodum: "Sanctissimus Archi-Episcopus Romanus Leo hunc deposuit, quoniam præter Regulas factus est". Et istam Romanæ Ecclesiæ autoritatem, istudque Magni Leonis Judicium, & Dioscorus

corus Alexandrinus, & Dominus Patriarcha Antiochenus; & Sanctus Flavianus, qui sancti Procli Presbyter fuerat, agnoverunt, comprobarunt, & miserunt in plenam executionem. Etenim Ephesino Latrocinio non Bassianus adfedit, sed Successor Stephanus. Quin immò Dioscorus videtur fuisse Author totius negotii. Etenim Constantinopolitanorum Episcoporum rapinas pessimè oderat: Hinc videtur Ephesinæ Ecclesiæ Episcopos & Clericos instigasse, ut Bassiano datam à sancto Proclo Episcopalem confirmationem accusarent apud Pontificem. Istud iudicium etiam probavit omnis Chalcedonenſis Synodus. Etenim Bassianum pronuntiavit legitime abjectum ac degradatum. Nempe tunc necdum ediderat vigesimum octavum Canonem, ideoque norat primam de Ephesino Exarcho notitiam, ejusque Episcopalem confirmationem, non ad Constantinopolitanum Episcopum, sed privativè sine medijs spectare ad Pontificem Romanum: Ex Apostolico Canone. Nam & sanctus Victor Pontifex primæ instantiæ iudicium exercuit in Ephesium Polycratem. Laudata sancti Leonis epistola, dum è latebris apparuerit, poterit nos plura docere.

Eundem Apostolicum Canonem novit & observavit Timotheus Salophaciolus, Patriarcha Alexandrinus, de quo ad Acacium Constantinopolitanum Episcopum scripsit sanctus Simplicius Pontifex: "Fratr & Co-Episcopus noster Timotheus, persecutione probabilior factus pristini non immemor Instituti, per Fratrem & Co-Episcopum Isaiam, & filios nostros, Nilum Presbiterum, & Martyrium Diaconum Alexandrinæ Ecclesiæ, solennia Scripta direxit, quibus & illud, quod ante perterritus de Dioscori nomine fecerat, se destruxisse memoravit, & remissionem ipsius erroris expetiit, nosque de quiete fecit Ecclesiæ gratulari, expertus erga se, quod in eo tunc reprehendimus, non inultum, & reconciliatum sibi nunc Divinæ miserationis affectum". Et in alia ad eundem Acacium epistola: "Sicut in reditu Fratris & Co-Episcopi nostri Timothei gratulamur, ita cum commonente Dilectione tuâ cupimus irreprehensibilem reperiri. Quia meministi eum jamdudum fidelis Præcori nomen inter Altaria recitaretur, extortum est". Ex Alexandrino Clero & Populo plures Chalcedonensem sui Patriarchæ

chæ Dioscori degradationem contumacissimè averfabantur. Hinc enim Sanctum Proterium, quem in illius adhuc viventis, & apud Gangras in Paphlagonia exulantis, locum Orthodoxi consecraverant, illi crudelissime in quinta sancta feria, in ipso Baptisterio trucidarunt. Hoc ipsum sibi metuens Proterii Successor Timotheus Eutychianis Dioscori dilectoribus benignissimum se exhibuit, & ad ipsos placandos damnati ac hæretici hominis nomen reddidit sacris Ecclesiæ Tabulis, atque ita professus est ipsum, & vivum & mortuum, fuisse semper legitimum Episcopum, ac iniquè damnatum. Existimabat esse dispensatorem pacis ac publicæ quietis fibulam. At erat gravissimum ac varium delictum. Manifesta damnatio Chalcedonenſis Synodi, & contagiosa communio cum hæretico nomine. Hinc ipsum Simplicius graviter increpavit, minatus graviora: Degradationem. Verùm ille prævenit Justitiam, errorem agnovit & correxit, rasit Dioscori nomen, humiliter postulavit veniam, pollicitus meliora. Et suis precibus adiutorem adhibuit Acacium Constantinopolitanum Episcopum, tunc adhuc sanum & integrum, ideoque verbo & opere potentissimum, apud Romanam Ecclesiam. Ambo profitebantur ad ipsam spectare istud iudicium. Hinc enim de Timotheo Pontifex dicit: "Pristini non immemor Instituti".

Ex eodem Canone Orientales Archi-Mandritæ & Monachi adversus Anthimum Trapezuntis Episcopum, qui hæretico Theodoræ Imperatricis favore nixus semetipsum in Regiæ civitatis Cathedralam intruserat, & occultè fovebat Eutychianam hæresim, scripserunt ad Imperatorem Justinianum: "Misit Deus huic civitati Agapetum, Pontificem antiquæ Romæ, in depositione Anthimi, tamquam olim Petrum Magnum Apostolum Romanis in depositione Simonis præstigarum. Iste verò honorabilis vir, sciens per libellos plurimorum nostrorum ea, quæ inique contra Ecclesias præsumpta fuere, ea ipsa visu semel accipiendo, neque ad visum suscipere voluit Anthimum, furentem adversus Canones, sed hunc justè eiecit de Sacerdotali Sede hujus civitatis, & opitulante ac adjuvante Catholicam fidem ac Divinos Canones vestro Imperio, præfecit ipsi Ecclesiæ Sanctissimum Mennam rectæ fidei, & pudicæ vitæ, & honestæ conversationis, & infirmantium in  
injuncta.

„injuncta sibi dispensatione approbatissimum. Præterea purus  
 „de Anthimo libellos, & Episcopi Palæstini in civitate con-  
 „gregati, & alii Orientales, & Legati aliorum Pontificum, &  
 „nos ipsi postulavimus Anthimum Episcopum Trapezuntinum,  
 „quæ perpetravit, facere per libellum nota Sedi Apostolicæ, &  
 „liberare se ipsum ab omni hæretico errore, & proficisci ad  
 „Ecclesiam Trapezuntinam. Aut si hoc non velit, finaliter con-  
 „demnetur, & omni dignitate & operatione Sacerdotali nude-  
 „tur, sicut sanctus Celestinus fecit contra impium Nestorium”.  
 Affirmant varia. Primum, quod sanctus Agapetus Pontifex Con-  
 stantinopolim venerit ad Imperatorem Justinianum. Occasionem  
 & scopum exponit in Breviario Liberatus Diaconus. Secundò,  
 quod tunc præfatus Anthimus incubaret Constantinopolitanæ Ec-  
 clesiæ, homo versutus ac dolosus. Etenim licet pessimus Enty-  
 chianista, putatus fuit tantus Catholicæ fidei Assertor, ut in Con-  
 stantinopolitana Collatione fuerit unâ cum Hypatio Ephesino,  
 Demetrio Philippi-Cæsarzensi, & aliis sanctissimis Episcopis assum-  
 ptus ad disputandum contra Episcopos Severianos. Tertiò, quod  
 hæc utrumque sciens Pontifex hominem statim averfatus fuerit,  
 nequidem dignatus admittere ad suum conspectum. Quartò, quod  
 hæc omnia videntes, & hac optimâ occasione usi Orientales Ar-  
 chi-Mandritæ ac Monachi, Agapeto exhibuerint libellos supplican-  
 tes ex Regiæ civitatis Throno Anthimum hæreticum ejici, ac  
 imponi vicum orthodoxum, verum Episcopum & Pastorem. Quin-  
 tò, quod Agapetus libellos & causam admiserit, suumque Tri-  
 bunal in ipsa Regiæ civitate erexerit, judicialiter procedens con-  
 tra Anthimum. Sextò, quod ipsum propter illegitimum contra  
 Canones transitum dejecerit, atque ita ex Constantinopolitano  
 Patriarcha jussit denuò esse Trapezuntinum Episcopum. Septi-  
 mò, quod mox in ejus locum propriis manibus consecraverit Men-  
 nam Presbyterum, Præfectum pauperibus infirmis. Octavò, quod  
 tunc Monachi non cessaverint, sed adversus ipsum perrexerint age-  
 re, uti contra hæreticum. Nonò, quod hanc Actionem non apud  
 Amasenum Episcopum, Trapezuntini Metropolitanam, instituerint,  
 sed continuerint apud Agapetum. Decimò, quod hæc omnia non  
 soli ipsi Archi-Mandritæ ac Monachi egerint, sed insuper plures  
 Hierosolymitani, ac Antiocheni Patriarchatus Episcopi, nec non  
 & ipse Imperator Justinianus.

Ex quibus discimus præsertim tria. Primò, quod prima de Constantinopolitani Patriarchæ promotione ac excessibus cognitio privativè spectet ad solum Pontificem. Secundò, quod Papa, dum illum degradat, suo jure possit consecrare Successorem. Tertiò, quod etiam prima de aliis, tam Provincialibus quàm Metropolitanis, Orientalium Episcopis cognitio, licet, fieri possit per Patriarcham & Metropolitam, devolvi possit etiam ad Papam. Quod sit alternativum jus, ideoque accusator habeat electionem, præsertim in causa fidei. Et hinc novus Patriarcha Mennas unà cum Romanæ Ecclesiæ Apocrisariis ac Legatis perrexerat adversus Anthimum, & uti hæreticum degradavit. Etiam Severum Antiochenum, Petrum Apamæensem, ac Zoaram Monachum. Quæ omnia Mennas suæ Sedis autoritate palàm non potuit, sed propter adsidentes Legatos Romanæ Ecclesiæ. Ita ipse in sua Synodo est assidue professus. Et Synodalia Acta profitentur sanctum Cælestinum Pontificem ista suâ autoritate egisse in Nestorium, ac ipsum degradasse. Quod ipsum constanter professus est Ephesina Synodus.

Quod eadem potestate in cunctos Romani Patriarchatus Metropolitans non solus Damasus sit usus, sed omnes etiam Successores constanter uti perrexerint, ostendi possit multis, in superiori capite non adductis, aliis exemplis. Quod ista forma in Gallicanis Ecclesiis usque ad barbaros Reges constanter viguerit, luces ex Decretis sancti Hilari Papæ. Etenim nescio quis Hermes, ad Biterrensem Ecclesiam electus & consecratus, & ab ipsa iniquè rejectus, nescio quo iniquo modo invaluit, aut impositus fuit in Cathedram Narbonensis Metropolis. Hinc ad Leontium Arelatensem Archi-Episcopum, suum in Gallia Vicarium, Hilarus scripsit: „Miramur Fraternitatem tuam ita legis Catholicæ im-

Epist. 7.

„memorem esse, ut quæque iniqua, & contra Patrum nostrorum Statuta in Provincia, quæ ad Monarchiam tuam pertinet, „si ipse aut non vis aut non potes, etiam nec nos silentii tui „taciturnitate permittas corrigere“. Compendio exponit Hermetis excessum, & adjungit: „Quam rem decuerat Sanctitatem tuam, „ut nobis è vestigio indicaret“. Affirmat quod Leontius debuerit Hermetem aut statim corrigere per vices Apostolicas, aut certe corrigendum referre Pontifici. Nempè quia Hermes erat Metropolitans. Unde & Pontifex ipsum correxit. Etenim dispensa-

toriè confirmavit in Narbonensi Cathedra, sed sub hoc pœnasti moderamine : " Ei, qui nunc Ecclesiæ Narbonensi præsidere permittitur, Ordinandorum Episcoporum ob hæc, quæ pravè facta sunt, sustulimus potestatem, quàm ad fratrem & Co-Episcopum nostrum Constantium, Ucticæ Ecclesiæ Antistitem, quia ævo honoris Primas esse dicitur, pertinere censuimus". Tractavit Hermetem, quomodo à Bonifacio & Celestino, & nescio quo alio Pontifice tractatos fuisse Anthonium Fussalensem, & tres alios in Mauritania Cæsaræensi Africanos Episcopos, testatur in litteris ad laudatum Celestinum sanctus Augustinus. Ejus

Epist. 1.

Epist. 261.

Metropolitam potestatem insigniter circumscriptis & mutilavit. Etiam Mamerti Viennensis Metropolitæ contra Arelatensem Metropolim excessus, quod Leontius Vicarius in hac causa esset pars, idèdque congruè non posset Judicem induere, Dionsis Ecclesia retulit ad Hilarum, & ipse illum judicavit, compescuit, atque correxuit.

Etiam natam inter Æonium Arelatensem & Hefychium Viennensem de Metropolitici juris limitibus ac modo controversiam isti ipsi Metropolitæ retulerunt Romam, & Symmachus Pontifex hæc Æonio rescriptis : " Ne faciliè alterius partis absentiæ præjudicialiter videamur aliqua decrevisse, id magis duximus ordinandum, ut Fraternitas tua competenti tempore de Ecclesiastico ordine instructum non moretur de omni causa dirigere, qui apud nos totius veritatem causæ competenter alleget, quatenus pertractatis omnibus, quod statuendum est, sub deliberationis robore sanciat. Illud etiam Dilectionem tuam facere debere præcipimus, ut Fratrem & Co-Episcopum nostrum Viennensis urbis Antistitem misso Nuntio & scripturâ commoneat, ut is quoque constitutis diebus hominem proprium dirigat, qui partis ejus allegationes competenter insinuet, ut depromptis ab utraque parte suggestionibus, quæ in perpetuum servanda sunt, securius disponantur". Ecce non dumtaxat ad Retractorium appellatæ causæ Judicium, sed etiam ad primam Instantiam Pontifex utrumque Gallicanum Metropolitanam, aut certè ipsorum Vicarios evocabat Romam, atque illic discutebat causam, ac definiebat. Et quod nemo tunc intercesserit Gallicanus Episcopus, lucet ex superius adductâ sancti Aviti ad Romanos Senatores epistolâ. Sanctus namque Avitus fuit Hefychii Successor & filius, ideoque

omnia.

omnia scripsit ex Patris sui sensu. Plura sunt istiusmodi Gallicana exempla.

Proinde cerum est, quod injecta per barbaros Reges calamitas coperit hanc Apostolicam formam mutare. Hinc mutationem meritò proscripsit, & avitos Canones reduxit Imperator Carolus Magnus. Quin & antè Imperium, dum Tilpinum admovit Rhemenſi Throno, istius Ecclesiæ Privilegia, in sancto Rigoberto per Carolum Martellum graviter læsa, curavit per Adrianum primum Pontificem innovari & confirmari: Inter quæ erat, quod Rhemenſis Archi-Epiſcopus per nullum, niſi per ipſum Romanum Pontificem, poſſet judicari. Pontificium Diploma exſtat apud Flo-  
Lib. 2.  
Cap. 17.  
 doardum in hiſtoria Rhemenſis Eccleſiæ. Sic Caroli Succeſſor & filius Ludovicus Pius Fortunatum Gradenſem Archi-Epiſcopum, licet læſæ Majeſtatis reum, Romam miſit à Papa judicandum. Ita habes apud Annales Eginardi. Hinc & Theonis-Villana Synodus Ebbonem Rhemenſem Archi-Epiſcopum, quod non niſi per Papam aut ejus Vicarios judicari poſſet, induxit ad cedendum Epiſcopatui. Ita docent Acta de ejus depoſitione. Poſterioribus etiam ſæculis ſanctus Thomas, Cantuarienſis Archi-Epiſcopus & Martyr, dum à ſuis Suffraganeis & Regni Proceribus damnaretur, proclamavit adverſus Attentatum, conſtans eſſe inauditam audaciam. Exſtat Alexandri III. Pontificis ad iſtum Athletam epiſtola, quâ conſtanter affirmat iſtud judicium contra Patrum Statuta, contraque Divinas ac humanas, leges fuiſſe præſumptum.  
Lib. 1.  
Epiſt. 40.

Omittere non poſſim magnum Gregorium. Fuit rigidiffimus Apoſtolicus hujus Canonis obſervator ac executor. Etenim Sardi- niæ Epiſcopis ſeriò præcipiens, ne ſine ſui Metropolitæ Formata quoquam irent, adjungit: "Nec eum poſtponere in aliquo præ-  
Lib. 7.  
Judic. 2.  
Epiſt. 8.  
 ſumatis, excepto ſi, quod non optamus, contra eundem Me- tropolitanum veſtrum aliquid cauſæ vos habere contingat, ut ob hoc Sedis Apoſtolicæ judicium requiratis". Etiam quidquid contra Maximum Salonitanum Epiſcopum, Dalmatiæ Metropoli- tam, potenter egit, egit in prima Inſtantia. Eodem modo, niſi ſacrarum Juſſionum violentia obſtiſſet, parabat agere in Se- verum Gradenſem. Et Adrianum, Thebanæ in Theſſalia civita- tis Epiſcopum, nec per Lariſſæ Metropolitam, nec per ipſum pri- mæ Juſtinianæ Primatem, ſed per ſolam Apoſtolicam Sedem aut ejus Delegates judicari voluit, eò quod illum ac ejus Eccleſiam

Pelagius II. exemisset ab omni eorum potestate, ac suæ Sedi immediate supposuisset. Ejus ad Joannem Larissæ Metropolitam verba sunt lucida : " Decernimus ut Fraternitas tua ab Adriano, „ Ecclesiæque ejus omnem ante-habitæ suæ potestatem jurisdictionis „ abstineat, & secundum Scripta nostri Decessoris, si causa vel si „ dei, vel criminis, vel pecuniaria adversus præfatum Consecratio- „ tem nostrum potuerit evenire, vel per eos, qui sunt vel fuerint „ in Regia Urbe Responsales, si mediocris est, quæstio cognosca- „ tur ; vel huc ad Apostolicam Sedem, si ardua est, deducatur, „ quatenus nostræ Audientiæ sententiâ decidatur". Ex quibus om- „ nibus lucidissimè patet laudatam Imperatoris Gratiani legem non „ hæuisse in sola persona sancti Damasi, sed fuisse perpetuam Inter- „ pretem ac executricem Canonis Apostolici.

L. 2. Judic.

11. Epist. 7

Ista lex, licet pro sola Occidentali Ecclesia emanaverit, attamen etiam apud Orientales quoad illam partem, quæ apud ipsos servari poterat, semper fuit in summa reverentia ac plena obedientia. Nempe quoad illam partem, quæ degradatum, & contumaciter parere reluctantem, Episcopum deportari mandat ad centum ab istâ civitate milliaria. Hanc enim partem omnino respexit Theodoretus Cyrensis Episcopus, dum ab Ephesino Laticinio degradatus scripsit ad Anatolium Patricium : " Magnitudinem tuam obtestor, hanc à Victore Augusto gratiam petat, ut „ habitare me saltem jubeat in Monasterio nostro, quod à Cyrensi

Epist. 119.

„ civitate abest millibus centum & viginti". Omnino loquitur ex sensu, & juxta observantiam Orientalis Ecclesiæ. Et hinc istam pœnam, quod esset obnoxia incommodis, Imperator Justinianus commutavit in clausuram intra aliquod Monasterium. Et istud etiam pro Orientali præsertim Ecclesiâ. Eandem Legis partem ad Africanæ Ecclesiæ preces innovarunt Imperatores Arcadius & Honorius. Ob frænandam turbulentiam Equirii, apud Diarætorum Hipponem Episcopi. Palam supponunt legem usque tunc mansisse in pleno vigore, ideoque & stabilierunt ejus executionem. Eandem legis partem laudat, ac in Gallia semper viguisse, nec non & Magnum Papam Leonem eadem adversus Eutychetem hæresiarcham fuisse usum, affirmat in litteris, quas ex Duziacensi Synodo, ac ex Caroli Calvi Francorum Regis nomine scripsit ad Adrianum II. Pontificem, Hincmarus Rhemensis. Ista legis pars fuit omnino nova, fundata quidem in antiquis Romani Imperii moribus

Astor. 6.

bus



bus, in nullo tamen Canone; at vero altera ejus pars omnino fuit Apostolici Canonis executrix: Et adeo semper apud omnem Romanum Patriarchatum viguit, ut ejus innovatio nunquam debuerit postulari à Principe. Quo igitur fuco dici possit fuisse limitata ad personam solius Damasi?

## CAPUT X.

*Examinantur alia Romanarum à Gallia Appellationum  
Exempla.*



Aschafius Quesnellus hæc iterum scribit: "Majoris momenti est Proculi Massiliensis Episcopi causa, cujus ad te traxisse etiam primam cognitionem Zozimus Pontifex dicitur instante Patrolo Arelatensi, cujus & studio depositus est. Hoc Illustrissimus Petrus de Marca dicit, actum esse Romæ post Gratiani legem promulgatam, quæ Romani Pontificis judicio commiserat Metropolitanos. Quidquid sit de hac lege, non est cur nos Zozimi conatus iste plurimum sollicitet. Primum enim ex solo Facto jus nasci cuiquam non potest, præsertim cum repugnantes & contradicentes habet adversæ partis Patronos. Deinde Zozimi Factum Appellationum jus nequaquam attinet, neque ex Sardicenis Canonibus patrocinium trahere potest. Hi enim nec de prima cognitione, nec de Appellatione quidquam habent, sed de sola causæ in Provincia ipsa retractatione proeuranda. Tertio, etsi nolumus epistolis Zozimi fidem derogare, nihilominus totius istius negotii ratio non satis perspecta habetur, quæ non nisi ex his epistolis innotescit. Cum enim autoritatis Sedis suæ amplificandæ studio plurimum laborasse convincatur, ex Africanis monumentis, non temerariè conjicimus eandem Repulsam passum in Galliis Zozimum, quam in Africa". Honorat Zozimum, uti supra honoravit Magnum Leonem: Affirmat ipsi circa Apostolicæ Sedis jura non esse credendum. Et Romanas appellationes tunc non viguisse in Gallia.

Rei series est paucis exponenda. Solidam Narbonæ Provin-

etiam Magnus Constantinus videtur divisisse in Viennensem & Narbonensem. Priorem Magnus Theodosius, aut ejus Antecessor Gratianus creditur subsecuisse in Viennensem & secundam Narbonensem. Eodem tempore emerferunt Marimarum Alpium Provincia, & Provincia Alpium Graiarum. Et sic Massilia evaluit in Metropolim: Rationem adducit in litteris ad Græcum Massiliensem Episcopum Apollinaris Sidonius: "Jam non primi", utique vos Massilienses, "Comprovincialium cæpistis esse, sed ultimi". Massilia ante istam Provinciarum divisionem fuerat Viennensis Provinciæ prima civitas, prima Episcopalis Sedes, primus Thronus. Hinc per divisionem profecit in Metropolim, ideoque Proculus Episcopus se prætendit ac gessit Metropolitanam. Præ-tendit civitatem suam ex istâ divisione profecisse non dumtaxat in civilem Metropolim, sed insuper in Ecclesiasticam, Nec carebat fundamento. Hæc enim viâ etiam Turonum, Senonum, Remensium, & plures intra ipsam Galliâ civitates ita profecerunt. Verùm Arelaten-sis Ecclesia, antiqua totius Narbonæ Metropolis, potenter intercessit. Et tandem causam deduxit ad Synodum Taurinensem, à qua emanavit hæc-sententia: "Cum vir S. Proculus, Massiliensis civitatis Episcopus, se tanquam Metropolitanum Ecclesiis, quæ in secunda Provincia Narbonensi positæ videbantur, diceret præesse debere, atque per se Ordinationes in memorata Provincia summorum fieri Sacerdotum, siquidem adfereret easdem Ecclesias vel suas fuisse, vel Episcopos à se in eisdem Ecclesiis ordinatos; & è diverso ejusdem Regionis Episcopi", utique spectantes & permanentes ad Arelaten-sis Cathedram, "aliud defensarent, ac sibi alterius Provinciæ Sacerdotem præesse non debere contenderent, id judicatum est, à S. Synodo, contemplatione pacis atque concordie, ut non tam civitati ejus, quæ in altera Provincia sita est, cujus magnitudinem nesciremus, quàm ipsi potissimum deferretur, ut tantamquam Pater Filiis honore Primatus adlisteret. Dignum enim visum est, ut quamvis unitate Provinciæ minimè tenerentur, constringerentur tamen pietatis affectu. Hæc igitur ipsi tantum in diebus vitæ ejus forma servabitur, ut in Ecclesiis Provinciæ secundæ Narbonensis, quas vel suas Parochias, vel suos Discipulos consisterit fuisse ordinatos, Primatus habeat dignitatem". Fuit interlocutoria sententia: Lata ab extraneis Judicibus.

Hæc

Lib. 7.  
Epist. 7.

Hæc Synodus passim creditur celebrata ad quarti Sæculi annum nonagesimum septimum, atque ita Arelatenſi Eccleſiæ tunc præſidebat Conſtantius. Et unâ cum Proculo poſſit Synodo adſuiſſe. Quidquid ſit, acquievit ſententiæ. Acquievit & Succellor Heros. Verùm hujus Succellor Patroclus appellavit ad Zozimum Pontificem, & Romam acceſſit. Lucet ex quinta Pontificis ad ipſum epiſtola: "Quid de Proculi damnatione cenſuerim, tenet  
 „conſcientia tua, cum meo intereſſes examini. Nec te Geſto-  
 „rum noſtrorum authoritas latet, vel Scriptorum, quæ de ipſius  
 „damnatione per terrarum diverſa loca direximus". Patroclus armabatur authoritate Conſtantii Imperatoris: Nam per ipſum, adhuc Magiſtrum militum in Gallia, intruſus fuerat in Arelatenſem Cathedram. Hinc à Zozimo impetravit varia. Primò, evocationem Proculi ad Urbem. Lucet ex tertia Pontificis epiſtola:  
 „Multa contrà veterem formam Proculus uſurpaſſe detectus eſt in  
 „Ordinationibus nonnullorum indebitè celebrandis, quas proxi-  
 „mè numeroſà cognitione diſcuſſimus, licet ipſe diu expecta-  
 „tus, ſaſtidiòſè ferens ſibi inducias attributas, convenire diſſimulet". Proculus ergò etiam poſt impetratas inducias non comparuit. Hinc Patroclus ſecundò obtinuit caſſationem Taurinenſis judicii. Pergit enim Pontifex in eadem epiſtola: "Attamen illa præ-  
 „ſumptio nos admodum movit, quod in Synodo Taurinenſi,  
 „cum longè aliud ageretur, in Apoſtolicæ Sedis injuriam ſub-  
 „ripiendum putavit, ut ſibi Concilii illius emendicata obreptio  
 „præſtaret ordinandorum, veluti Metropolitano, in Narbo-  
 „nenſi ſecunda Provincia poteſtatem". Patroclus tertio impetravit ſuæ Sedi reſtaurari plenum Metropolitanum jus in totam, prout olim fuerat, Narbonæ Provinciam. Lucet ex prima Zozimi epiſtola: "Juſſimus præcipuam, ſicuti ſemper habuit, Me-  
 „tropolitanus Epiſcopus Arelatenſium civitatis in ordinandis Sacer-  
 „dotibus teneat authoritatem. Viennenſem, Narbonenſem primam,  
 „& Narbonenſem ſecundam Provincias ad Pontificium ſuum revo-  
 „cet". Tacet Maritimarum & Grajarum Alpium Provincias: Quod cuncti ipſarum Epiſcopi obedirent Patroclo, & nullus præſumeret ſe Metropolitanum. Patroclus quarto impetravit Procu-  
 li, hiſce Decretis contumaciter refragantis degradationem.

Ex quibus lucet Paſchaſium Queſnellum hic variè labi-  
 mus lapſus eſt, quod Zozimus in hac cauſa non reſpexerit ad  
 lauda-

laudatam legem Imperatoris Gratiani. Eum respexisse evincunt hæc ipsius adducta verba de Taurinensi Judicio : " In Apostolicæ „Sedis injuriam Proculus subripiendum putavit". Synodum manifestè arguit, quod Metropoliticas, idèque Apostolicæ Sedi reservatas, causas judicando in Apostolicam auctoritatem impigeret. Eandem legem respexit in literis ad Viennensis ac Narbonensis Provinciæ Episcopos sanctus Papa Celestinus : " Massiliensis „Ecclesiæ Sacerdotem, qui dicitur, quod nefas est, in nece fratris taliter gratulatus, ut huic qui ejus sanguine cruentatus advenerat, portionem cum eodem habiturus occurreret, vestro „audiendum Collegio delegamus". Agit de Proculo. Rem elucidat Prosper in Chronico : " Patroclus Arclatenis Episcopus à „Tribuno quodam Barnabo multis vulncribus laniatus occiditur. „Quod facinus ad occultam jussionem Felicis Magistri militum „referebatur". Inimici mors placuit Proculo. Hinc percussori Barnabo, manibus adhuc cruento, gratulabundus occurrit, & invitavit ad mensam. Pontifex agit de secunda Narbonensi Provincia. Et ipsi non soli, sed simul Viennensi Provinciæ delegat hanc causam Proculi : Quod nempe ille esset Metropolitica, idèque ejus prima Instantia ex Gratiani Edicto spectaret ad Sedem Romanam. Fateor tamen Zozimum ex isto non processisse Edicto. Ejus quippè Judicium non fuit prima cognitio, sed Retractoria. Quare secundus Quesnelli lapsus est, quod hoc Zozimi Factum non tangat jus Appellationum. Clarum est hanc causam fuisse appellatam.

Reponit ille Proculum nec comparuisse ad Romanum tribunal, nec obtemperasse sententiæ, nec cessasse ab exercitio Metropolitanæ potestatis, nec agnovisse aut curasse degradationem, sed in consecrandis Episcopis etiam tunc processisse. Quæ omnia esse verissima censet ex Zozimi epistolis. Ab ipsa Romana Ecclesia probatam ejus contumaciam. In adductis enim verbis Celestinus Pontifex ipsum agnoscit pro Massiliensi Episcopo, ejusque causam delegat adunandæ Synodo duarum Provinciarum. Respondeo Proculo evenisse, quod Acacio Constantinopolitano Episcopo, per Joannem Alexandriæ Patriarcham appellato Romam, evenisse testatur in data contra illum sententia Felix III. : " Ad libellum „fratris & Co-Episcopi mei Joannis, qui te gravissimis objectionibus impetivit, in Apostolica Sede secundum Canones diffidens, objecta

„objecta firmasti". Attamen Proculi contumacia fuit longè inferior. Timuit enim auctoritatem Imperatoris Constantii, ideoque comparere non contempsit, sed non fuit ausus. Nec dubitandum est, quin postmodò se submiserit Apostolicæ Sedi, atque ita ab injecto per Zozimum vinculo solutus redierit ad gradum, reparatus in integrum Episcopum. Proculus enim fuit magnus Antistes, celebratus multorum Patrum elogiis. Factum istud existimo, dum Bonifacius Pontifex circumduxit Zozimi pro Arelatensi Metropoli iudicium, ac à Lutubensi Ecclesia excitatus Hilarium Narbonensem Episcopum firmavit in dignitate Metropolitica supra primam Narbonensem. Idem Pontifex à Taurinensi Synodo sancitum, & à Zozimo exsufflatum, Metropoliticum Jus reparavit Viennensi Ecclesiæ. Patet ex sancti Celestini ad Narbonensis ac Viennensis Provinciarum Episcopos literis: "Juxta Decreta Canonum, unaquæque Provincia suo Metropolitano contenta sit, ut Decessoris nostri data ad Narbonensem Episcopum continent Constituta, nec usurpationis locus alicui Sacerdoti, in alterius concedatur injuriam. Sit concessis sibi unusquisque contentus limitibus. Alter in alterius Provincia nihil præsumat". Loquitur de utraque Narbonensi Provincia. Etenim generatim scribit "ad Episcopos Narbonenses". Item "ad Viennenses Episcopos". Et singulis his Provinciis reddit & firmat suum Metropolitam. Et asseverat se sancire ex Decreto Antecessoris Bonifacii, atque ita testatur hunc ista omnia sibi præformasse.

Tunc igitur & Proculus refugit ad laudatum Bonifacium, questus est de Zozimi iudicio, exposuit causas suæ non comparitionis, & impetravit non dumtaxat sui gradus reparationem, sed insuper dignitatis Metropoliticæ. Hinc Celestinus ipsum agnovit ut Metropolitam atque canonicum Episcopum, & primam de ejus crimine cognitionem delegavit propriæ ipsius Provinciæ. Certè si fuisset Provincialis solummodò Episcopus, Provinciæ Synodus ad ipsum de tanto crimine discutiendum atque damnandum non indigebat delegata auctoritate Sedis Apostolicæ. Proindè Proculus non ad Romanas Appellationes spernendas recalcitravit Zozimo, sed ad evadendum ejus non æquum pro Patroclo iudicium. Credidit Zozimum pro Patroclo sentire cum Augusto Constantio. Et ejus suscipio non caruit fundamentis. Hinc à Bonifacio consecutus est plenam gratiam.

M

Pascha-

troclus non ex isto metu, sed ex suo plenæ Metropolitanæ dignitatis ambitu, ac ex plena in novum Constantii Imperium fiducia provocavit Romam, & causam obtinuit. Quintus error est, quod Patroclus variis artibus Zozimi gratiam sibi conciliarit, & spem fecerit Apostolicæ autoritatis per Galliam promovendæ. Hæc omnia sunt frivola signa. Patroclus nullam artem impendit, nisi solam auctoritatem amici Principis.

Videamus causam Lazari Aquisgranensis Episcopi. Ipsi Quesnellus jungere debuerat non ignotæ Sedis Ursi, sed Herotem Archiepiscopum Arelatensem. Hos enim Zozimus passim jungit. Et ipsi se junxerunt. Videntur simul appellasse Romam, aut sanè appellationem fuisse simul prosecuti. Simul profecti sunt in Palestinam. aut certè simul isthic vixerunt. Isthic hæresiarcham Pelagium simul accusarunt, & traduxerunt ad Diospolitanam Synodum. Zozimus Pontifex in literis ad Africæ, Galliæ, ac Hispaniæ Episcopos hæc scribit de Lazaro: "Lazarus, dudum in Taurinensi Concilio gravissimorum Episcoporum sententiis pro Calumniantore damnatus, cum Briccy innocentis Turonensis Episcopi vitam falsis objectionibus appetisset, post verò indebitum ab eodem Proculo, qui inter cæteros in Synodo damnationis ejus adfuerat, Sacerdotium consecutus, à quo se ipse vitæ suæ conscientia, datis literis in abdicationem sui, spontè submovit". Affirmat tria. Primò, Proculum adfuisse Taurinensi Concilio. Secundò, Lazarum, adhuc Clericum, ob patratas in Briccium Antistitem calumnias fuisse damnatum. Tertiò, ab ipso damnatore Proculo postea fuisse consecratum Episcopum ad Aquensem Ecclesiam. Proculus tunc agebat Metropolitanam istius Provinciæ, ideoque credendus est solvisse istud vinculum, & Lazarum solum consecrasse. Quidquid sit, Lazarus Episcopus fuit denuò degradatus, admisit sententiam, & propriæ manus subscriptione confirmavit. Aut certè degradari timens à Synodo, prævenit Judicii infamiam, ac semet ipsum degradavit. Zozimus adjungit & aliud, Proculo & Lazaro commune crimen, patratum in Episcopali Consecratione Ursi atque Tuentii: "Hic multa concurrunt. Improbiorum & damnatorum Ordinatio, prætermisio Metropolitanæ, & Lazarus in consortio illicitæ Ordinationis adscitus". Arguit Proculum de tribus. Primò, quod damnatos ac irregulares homines consecraverit in

Episcopos. Deinde, quod Metropolitana Patrocli jura invaserit. Tertiò, quod intrusum Lazarum sibi fecerit in ista Consecratione adfistere. De Herote autem scribit Prosper in Chronico : " Heros, vir sanctus, & sancti Martini discipulus, cum  
 „Arelatenſi Oppido præſideret Episcopus, à Populo ejusdem  
 „civitatis inſons, & nullis inſimulationibus noxiuſ, pulſus eſt,  
 „inquè ejus locum Patrocluſ ordinatur, amicuſ & familiaris  
 „Conſtantii, Magiſtri militum, cujuſ per ipſum gratia quære-  
 „batur. Eaquè reſ inter Episcopos illiuſ Regionis magnarum  
 „diſcordiarum materia fuit".

Plura de hiſ ſcribit Zozimuſ Pontifex in literiſ ad Africanos Episcopos : " Patuit Herotem & Lazarum inobſervatiſ Ordinationibuſ, Plebe Cleroquè contradicente, ignotoſ, alienigenaſ, intra Galliaſ Sacerdotia vendicaſſe, quibuſ ſe ipſi propriâ abdicavere ſententiâ, noſquè, licet & alia, tamen eorum poenitudinem ſecuti, Sacerdotali eoſ loco, & omni communionè ſubmovimur". Et in alia ad eoſdem epiſtola : " Itanè, Fratres dilectiſſimi, ad aures veſtraſ, qui ſunt iſti turbineſ Eccleſiæ vel procellæ, nec opinione pervenit ? Itanè voſ la-  
 „tuit vita horum atque damnatio ? Sed quamquam ſpecialiſ illoſ Apoſtolicæ Sedis authoritaſ omni communionè ſubmove-  
 „rit, diſcite & in hac epiſtola, licet ſtrictim, hominum mo-  
 „reſ. Vetus Lazaro conſuetudo eſt innocentiam criminandi.  
 „Per multa Concilia in ſanctum Britium, Co-Episcopum no-  
 „ſtrum Turonicæ civitatiſ, Diabolicuſ accuſator inventuſ eſt.  
 „A Proculo Maſſilienſi in Synodo Taurini Oppidi ſententiã  
 „calumniatoriſ excepiſ. Ab Eodem Proculo fit poſt multoſ  
 „annoſ Sacerdoſ, Tyrannici Judiciuſ defenſor, civitatiſ Aquen-  
 „ſium. Cumquè contra-iret afflicta civitaſ, in ipſum penetrãle  
 „& Sacerdotale ſolium, ſanguine innocentis penè reſperſum,  
 „irrupit. Stetitquè in eo hætenuſ umbra Sacerdotii, donec  
 „Tyranno ſtareſ imago Imperii. Quo loco poſt internecionem  
 „Patroni ſpontè ſe exuit, & propriâ ceſſione damnavit. De He-  
 „rote verò omnia ſimilia : Idem Tyrannuſ, Patronuſ cædiſ,  
 „turbæ preſbyterorum, contradicentium vincula & cuſtodiaſ,  
 „& totiuſ civitatiſ afflictio. Similiſ poenitentia de abdicatione  
 „Sacerdotii". Et tandem concludit : " Ubi Heros, ubi La-  
 „zarus ? Erubeſcenda factiſ & damnationibuſ nomina". Ad-  
 ducta

ducta de Lazaro verba quidam Codices sic legunt: "In Sacerdotale solium, penè adhuc innocentis Decessoris sanguine respersum, fretus Tyranni patrociniò irrupit".

Ad Domini annum quadringentesimum octavum scribit Prosuper in Chronico: "Constantinus ex infima militia, ob solam speciem nominis in Britannia Tyrannus exoritur, & ad Gallias transit". Et ad ejusdem sæculi annum duodecesimum: "Constantinus per Honorii Duces Constantium & Ulfulam apud Arelatense Oppidum victus & captus est". Occuparat omnem ferè Narbonensem Galliam. Ei adhæserunt Heros & Lazarus. Et dum in Aquisensem civitatem irrumperet, occisus fuit Episcopus, ac ejus in locum intrusus Lazarus, A Massiliensi Proculo. Eodem modo Heros fuit intrusus in Arelatensem Cathedram. Et hinc dum Tyrannum occidit, & istas civitates Imperio reddidit Militum Magister Constantius, utrumque istum Episcopum ejecit, ac Arelatensi Throno imposuit Patroclum. Et istos ambos fecit Synodaliter damnari. Hinc Zozimus dicit ipsorum Ordinationes fuisse inobservatas, factas Clero & populo contradicente, contradicentium quosdam fuisse coniectos in vincula & custodias, atque ita evenisse afflictionem totius civitatis. Et adjungit ipsos post ejectum Tyrannum cessisse Episcopatu, idque per propria manu scriptos abdicacionis libellos.

Notanda sunt hæc Pontificis verba: "Nos, licet & alia, tamen eorum de se pœnitundinem secuti, Sacerdotali eos loco, & omni communione submovimus". Et hæc: "Erubescenda factis & damnationibus nomina". Item ista: "Grave fuit Lazaro & Heroti literarum suarum pedissequos esse. An nesciebant Dilectionem vestram relaturam ad Sedem Apostolicam? Huc certò calumniæ compendio navigassent. Ubi de Episcopatu abdicando agitur, maria terræque lustrant, nec ulla suffragia prætermittunt; ubi verò innocentium fama percellitur, otiosi & delicati, sive accusatores sive testes, in cubilibus & lectulis suis literis abutuntur, & totam Africam, universumque Tranquillum Catholicæ Serenitatis innubilant ad libidines suas duæ pestes". Hinc discimus plura. Primò, quod Heros & Lazarus fuerint damnati à pluribus Synodis. Nempè à Gallicana & Romana. Secundò, quod hæc Roma-



na Synodus fuerit celebrata per ipsum Zozimum. Tertiò, quod illi ad recuperandum Episcopatum lustraverint maria ac terras, nullaque prætermiserint suffragia. Nempe ab irrogata sibi per Militum Magistrum Constantium, ac ejus jussu congregatas Synodos ignominia appellarunt ac accesserunt Romam, & datas contra ipsos sententias Zozimus Pontifex probavit ac confirmavit. Romam appellarunt Patroclum. Et ab hac victoria, nec non à subsecuto Constantii Imperio hic animatus invasit Proculum Missiliensem, Simplicium Viennensem, aliosque novos intra Narbonensem Provinciam Metropolitans, nec non & ipsam Taurinensem Synodum, & omnia gloriosus obtinuit. Et hinc quartò discimus, quod hæ Romanæ in Gallia appellationes nequaquam à Patrocli improbitate ac audacia ducant originem. Patroclus Herotem ac Lazarum, hi sunt imitati suos Majores, secuti perpetuam Gallicanæ Ecclesiæ consuetudinem. Nempe apud illam semper viguit laudata per S. Gelasium Pontificem in literis ad Dardaniz Episcopos Regula: "Ad beati Petri Apostoli Sedem de qualibet Mundi parte Canones appellari voluerunt, ab illa autem nemo est appellare permissus. Hinc à Zozimo damnati, vel potius in priori damnatione confirmati Heros & Lazarus secesserunt in terram sanctam, acturi illic penitentiam, aut certè suam calamitatem apud Dominicæ passionis loca consolaturi. Isthic accularunt Hæresiarcham Pelagium, & perduxerunt ad Synodum Diospolitana. Quare istam accusationem modici fecit Zozimus. Nec sine fundamento. De quo quidquid sit, lucet Paschasium Quesnellum vana nobis prædicare.

Pergamus ad Ursum ac Tuentium. Zozimus in litteris ad Africæ, Galliæ, ac Hispaniæ Episcopos præfatur Majorum Constituta esse ex integro observanda, & pergit: "Sed nihil minus ab Urso & Tuentio. Quorum unus assiduè hujus Sedis medicinà curatus, ad emendati erroris non potuit pervenire sanitatem. Alter verò antè aliquot annos objecta criminatione submotus, sicut civium Scripta testantur, vel Ingesta docuerunt, etiam ab eo gradum summi Sacerdotis accepit, à quo fuerat antè damnatus. Cæcus error in utroque, ut quod est potissimum in omnibus, nec velit aliorum de Tuentio, nec suam in Urso tenere sententiam. Sed fac ut honesti mores in hominibus essent, & probata suffragia, quid illud quod prætermisso Fratre nostro

Patroclo

„Patroclo, Metropolitano Episcopo Arelatensium civitatis, sine  
 „cujus auctoritate, juxta Majorum Canones, nulla penitus po-  
 „tuit Ordinatio celebrari, tumultuosè & turbidè indebitis Sacer-  
 „dotia impinguntur”. Adjungit non solum Metropolitam, sed  
 & Provinciales Co-Episcopos, itemque legitimum Ordinationis  
 diem fuisse neglectos, & concludit: “Hic multa occurrunt. Im-  
 „proborum & damnatorum Ordinatio, prætermisso Metropolita-  
 „ni, nec non & Provincialium Sacerdotum, locorumque alieno-  
 „rum impudentissima usurpatio, nec saltem diei custodita solem-  
 „nitas, & Lazarus in consortio illicitæ Ordinationis adscitus. Hæc  
 „omnia apud nos Gestis, testimoniisque discussa sunt. Atque uti-  
 „nam in Tuentio pravi tantum mores, non etiam, Priscilliania su-  
 „perstitio patuisset: Quæ Sedis hujus dudum humanitas & mi-  
 „sericordia in hoc illi consulere voluit, ut emendatior de cætero  
 „permaneret. Quod beneficium, pænè præter exemplum sibi præ-  
 „stitum, si diligentius observare voluisset, erroris illum ante-acti  
 „oportuit pœnitere, non ita præcipiti impetu ad Sacerdotium fe-  
 „stinare, ut nec diei veterem solemnitatem, quæ præcipuè cu-  
 „stodienda fuerat, observaret, nec indebito loco crederet abstinèn-  
 „dum. Qua de re ad Sanctitatem vestram, & per totum Or-  
 „bem Scripta direximus, nè Tuentium & Ursum in communione  
 „Ecclesiæ, in quocumque Ecclesiastico gradu, à qua in totum ana-  
 „thematizati sunt, suscipiendos esse ducatis. Dicuntur enim cir-  
 „culatores esse, quod nos ex sententiis agnovimus in eorum dam-  
 „natione Sacerdotali auctoritate prolatis, quas in diversis Regio-  
 „nibus exceperunt”.

Ursi ac Tuentii Ordinatio videtur fuisse patrata à Proculo. Hoc  
 suadet assumpta Lazari adstantia. Ipsum Proculus habuit pro  
 suo Suffraganeo. Quidquid sit, Pontifex affirmat varia. Primò,  
 quod & Ursus & Tuentius fuerint malè morati. Secundò, quod  
 ob malos mores fuerint discussi in variis Synodis, & damnati. Ter-  
 tiò, quod Tuentius insuper fuerit Priscillianista. Quartò, Quod  
 ob ista Synodaliter damnatus, refugerit ad Sedem Apostolicam,  
 pœnitens supplicaverit gratiam, atque acceperit. Nempè ex Re-  
 gula, quam in laudata ad Dardaniæ Antistites epistola prædicat  
 sanctus Gelasius: “Cuncta per Mundum novit Ecclesia, quoniam  
 „quorumlibet sententiis ligata Pontificum Sedes beati Petri Apo-  
 „stoli jus habeat resolvendi”. Quintò Zozimus affirmat istud be-  
 neficium

neficiū fuisse ſingulare, ac penè præter exemplum. Nempe Priscillianiſtis uſitata erat hæc regula: "Jura, perjura, Secretum „prodere noli". Hinc ipſis Romana Eccleſia non facile credebat ac impendebat Reconciliationis gratiam. Pontifex ſexto affirmat, quod etiam poſt hanc gratiam Tuentius non potuerit creati Episcopopus, ſed perſiſtere debuerit in pœnitentia, atque ita promereri novam gratiam. Nempe lapſus in hæreſim Clericus, licet pœniteret, ex antiqua diſciplina manebat perpetuò irregularis. Per Reconciliationem purgabatur à culpa, non ab iſta pœna. Septimò, Pontifex affirmat, quod Urſus, licet antea electus in Episcopopus, potuiſſet legitime excuſi: Propter objecta crimina. Octavò, quod poſt hæc omnia fuerint pravaricatoriè intruſi in Episcopopalem dignitatem. Nempe per alienum, immò per imaginarium Metropolitanum, per cooperationem famoſi Lazari, illegitimo die, cum contemptu Comprovincialium. Propter hæc crimina Patroclum Metropolitanum eos damnavit atque extruſit. Hinc Romam appellarunt, ad Zozimum: Et nihil retulerunt, niſi ſuæ damnationem conſecrationis, ejusque ſolemne publicationem per omnes ſub cœlo Eccleſias. Ex quibus iterum lucet non ſolum Patroclum tunc appellafſe Romam, ſed hanc appellandi conſuetudinem fuiſſe famoſiſſimam apud omnes Gallicanas Eccleſias.

Superius injecta Briccy Turonenſis Episcopopi memoria docet nos duo. Primò, Lazarum fuiſſe calumniatorem Briccii. Authorem adedò firmiter conſutæ calumniæ, ut Briccius ipſam nec per miracula potuerit diluere, ſed propter eam fuerit degradatus atque ejectus, ac ejus in locum ſuperordinatus primò Juſtinianus, deindè Armentius. Iſta memoria ſecundò nos docet inſignem ejusdem degradati Briccii, utique Gallicani Episcopopi, Romanam Appellationem. Etenim in Francorum hiſtoria ſcribit ſanctus Gregorius Turonenſis Episcopopus: "Briccius Romanæ Urbis Papam „expetiit, flens & ejulans, atque dicens; Meritò hæc patior, „quia peccavi in Sanctum Dei". Utique ſanctum Martinum. "Et „cum delirum ac amentem ſæpè vocavi, cujus videns virtutes non „credidi". Et infra: "At Briccius Episcopopus Romam veniens, cuncta quæ pertulerat Papæ refert. Qui ad Sedem Apoſtolicam reſidens, plerumque Miſſarum ſolemnia celebrans, inibi quidquid „in Sanctum Dei deliquerat, deſcendendo diluit." Septimo igitur „greſſus anno à Roma, cum authoritate Papæ illius, Turonos redire

„redire disponit. Et veniens ad vicum, cuius nomen est Laudia-  
 „cum, sexto ab urbe milliaro, mansionem accepit. Armentius  
 „verò febre corripitur, & medià nocte spiritum exhalavit. Quod  
 „protinus Briccio Episcopo per Visum revelatum est. Qui ait suis:  
 „Surgite velocius, ut ad tumultandum fratrem nostrum Turoni-  
 „cum Pontificem occurramus. Cumque illi venientes portam  
 „civitatis ingrederentur, ecce istum per aliam portam mortuum  
 „efferebant. Quo sepulto Briccius in Cathedram suam regressus  
 „est, septem postea feliciter vivens annos. Regressus est ac fe-  
 „liciter sedit per Papæ auctoritatem. Et hoc omnino est unum  
 Romanarum Appellationum exemplum, quas in literis ad Vien-  
 nensis Provinciæ Episcopos laudat Magnus Leo.

## CAPUT XI.

*Discutiuntur alia per Paschasium Quesnellum ad-  
 ducta Exempla,*



Hec Paschasius Quesnellus: "Sub Bonifacii  
 „Pontificatu, qui Zozimo proximè successit,  
 „unica occurrit Maximi Valentini Episcopi caus-  
 „sa, adversus quem, cum à Valentiniæ civita-  
 „tis Clericis conventus esset, non ad se causæ  
 „cognitionem pertraxit, sed monuit à Com-  
 „provincialibus instruendum esse iudicium".  
 Maximus erat "involutus Manichæi caligine". Constabat ex "Gestis  
 „Synodalibus", Erat "commisiss involutus undique flagitiis". Ita so-  
 „lent Manichæi. Et propter hæc fuerat apud "sæcularium quoque Ju-  
 „dicum Tribunalia subditis quæstionibus, quod in vili quoque per-  
 „sona turpissimum est". Præterea "ex prolatis in medium Gestis"  
 assererebatur damnatus homicidii. De hoc Episcopo se-  
 troclum Arelatensem, aliosque septem in Gallia  
 Episcopos sanctus Bonifacius: "Valentiniæ nos C  
 „adierunt, proponentes per libellum crimina, quæ  
 „iste totâ Provinciâ asserunt commisisse. Delegata con-  
 „sultatione illum constituta semper subterfugisse iudicia, nec consilium  
 „conscientiâ festinasse, ut si esset innocens, examinatis omnibus

N

purga-

„purgaretur. Qui è contrario probavit de se illa quæ dicta sunt ;  
 „qui ad ea confutanda, cum essent innumera, à Decessoribus meis,  
 „Provinciali delegatâ cognitione, conventus etiam dicitur evitasse,  
 „& adesse minimè voluisse". Hanc assiduam ejus fugam exag-  
 „gerat, & prosequitur : " Debueram quidem jam nunc dignam pro  
 „ejus accusatis in nostro judicio actibus, qui cognitionem & De-  
 „cretum Judicum sepè declinando credidit illudendum, ferre sen-  
 „tentiam, at nè aliquis præcoquam forsitan judicaret, & sibi  
 „qui absens est, licet sit quæsitus à nobis, nihil reservatum esse  
 „diceret, maluimus inter-capedine temporis datâ differre". Enu-  
 „merat facinora Maximi, & concludit : " Dilationem tamen de-  
 „dimus, & decrevimus vestrum intra Provinciam debere esse Ju-  
 „diciū, & congregari Synodum ante diem kalendarum Novem-  
 „brium, ut si adesse voluerit, præsens, si confidit, ad objecta  
 „respondeat ; si verò adesse neglexerit, dilationem sententiæ de-  
 „absentia non lucretur".

Hinc discimus plura. Primò, quod Maximi accusatio fuerit in-  
 choata non sub Bonifacio, sed sub ejus Antecessoribus ; Zozimo  
 ac Innocentio ; Forſan & sub Anastasio. Etenim Sammarthani Fra-  
 tres in Gallia Christiana affirmant Maximum à quinti sæculi in-  
 gressu sedisse Episcopum. Secundò discimus, quod hæc accusatio  
 fuerit semper facta apud Sedem Apostolicam. Tertiò, quod Ro-  
 mani Pontifices causam semper remiserint ad Provinciæ Synodum,  
 ac ipsi delegarint. Quæ verba non carent emphasi. Affir-  
 mant quod ista accusatio fuerit legitima, quod causam fixe-  
 rit apud Romanam Cathedram, quod Pontifex etiam in prima  
 Instantia possit judicare Provinciales Episcopos, quod Gallicana  
 Ecclesia de isto articulo tunc non dubitarit. Et hinc ista remis-  
 sio fuit delegatio. Exindè Synodus, quia Pontifex apposuerat  
 manum, judicare nequit per ordinariam auctoritatem, sed solum-  
 modo per delegationem. Apostolicæ manus appositio est adeo anti-  
 qua. Ex his Principiis scribit Bonifacius : " Debueram quidem jam  
 „nunc pro ejus accusatis in nostro judicio actibus ferre sententiam".  
 Attamen ex causis maluit denuò remittere ac delegare. Quare  
 errorem continent hæc Paschassi Quesnelli verba : " Monuit à Com-  
 „provincialibus instruendum esse judiciū". Nequaquam monuit,  
 sed suo Tribunali jam affixam causam Synodo delegavit.

Proindè hic non de Appellatione agitur, sed de prima instan-  
 tia

ta, per Canones spectante ad Provinciæ Synodum. Hinc quaeritur, quo fundamento, & qua occasione Valentinus Clerus hunc ordinem præterierit, & suum Episcopum accusaverit apud Sedem Apostolicam? Respondeo ob Narbonensis Provinciæ tunc per Imperatores factam divisionem, ob inde natas inter Episcopos de jure Metropolitico controversias, & ob ambiguum Taurinensis Synodi de ipsis judicium. Istas lites memorat in funebri Valentini secundi Imperatoris encomio sanctus Ambrosius. Affirmat se à juvène Principe ad ipsum baptizandum fuisse vocatum in Gallias, atque adjungit: "Additur, eò ut properem ocius, nec arbitrarer itineris mei causam esse Synodum Gallorum Episcoporum, propter quorum frequentes dissensiones crebrò me excusaveram". En Taurinense Decretum: "Illud inter Episcopos urbium Arelatensis & Viennensis, qui de Primatûs apud nos honore certabant, à sancta Synodo definitum est, ut qui ex eis comprobaverit suam civitatem esse Metropolim, is totius Provinciæ honorem Primatûs obtineat, & ipse juxta Præceptum Canonum habeat Ordinationum potestatem. Certè ad pacis vinculum conservandum hoc consilio utiliori decretum est, ut, si placet memoratarum urbium Episcopis, unaquæque de his viciniores sibi inter Provincias vendicet civitates, atque eas Ecclesias visitet, quas Oppidis suis proximas magis esse constiterit, ita ut memores unanimittatis atque concordie non alter alterum, sibi longius usurpando, quod est alii propius, inquietet". Decretum hoc videtur quæstiones non composuisse, sed auxisse. Inter ipsas fluctuavit Valentina Ecclesia, nesciens an Viennensem Metropolim deberet respicere, an Arelatensem. Et possit ab utriusque Episcopo fuisse vexata. Hinc ipsa Episcopum suum, ne magis se involveret, detulit apud Sedem Apostolicam. Quare accusatio post datum à Zozimo pro Arelatensi Metropoli judicium videtur quievisse. Hinc statim post defunctum Zozimum fuit resumpta apud Successorem Bonifacium, & ab ipso remissa ad plenam Narbonensis Provinciæ Synodum: Ad Patroclum, Remigium, Maximum, Hilarium, aliosque septem Provinciarum Episcopos. Hilarius hic est Narbonensis Antistes, poniturque inter Provinciales: Quod nempe Zozimi judicium Bonifacius necdum circumduxisset. Hæc delegatio facta est sub Consulatu Monaxii, decimonono anno quinti sæculi: Circumductio contigit ad tes-

tium decimum Honorii Consulatum, vigesimo secundo anno istius sæculi.

Ista Circumductio etiam spectat ad præsentem materiam. Zozimi pro Arelatenſi Metropoli Sanctio adeò obtinuit per omnes istas novas Provincias, ut etiam primæ Narbonensis Metropolitæ Hilarius pareret, ac se gereret ut Provinciale Episcopum. Hinc in Maximi Valentini causa scribitur ac numeratur inter Provinciales. Verùm plures recalcitrarunt. Etenim Lutubensis, ad primam Narbonensem spectantis, Ecclesiæ Clerus & Populus adeò fuit averſatus istam Sanctiõem, adeoque noluit novi sui Electi Consecrationem à Patroclo petere aut admittere, ut ad Hilarium Narbonensem Episcopum scripserit Bonifacius: "Ecce Lutubensis Ecclesiæ Cleri Ordo, vel Plebis preces suas & lachrymas ad nos magno cum dolore miserunt, dicentes Co-Episcopum nostrum Patroclum, suâ petitione cessante, in locum decedentis Episcopi nescio quem in alia Provincia, prætermisso Metropolitano, contra Patrum Regulas ordinasse". Affirmat ac demonstrat Patrocli Factum adversari Nicænis Canonibus & antiquis moribus, atque concludit: "Unde, Frater charissime, si ita res sunt, & Ecclesiam supra-dictam Provinciæ tuæ limes includit, nostrâ authoritate commonitus, quod quidem facere spontè deberes, desideriis supplicantium & voluntate respectâ, ad eundem locum, in quo Ordinatio talis celebrata dicitur, Metropolitani jure munitus, & præceptionibus nostris fretus accede, intelligens arbitrio tuo, secundum Regulas Patrum, quæcumque faciendæ sunt, à nobis esse concessa, ita ut peractis omnibus, Apostolicæ Sedi, quidquid statueris, te referente clarescat, cui totius Provinciæ tuæ Ordinationem liquet esse mandatam. Affirmat Zozimi Sanctiõem, utpote adversam Nicænis Canonibus, nunquam substituisse, ideòque Narbonensem Antistitem & esse, & semper fuisse Metropolitam. Et hinc manifestum est Gratiani Imperatoris Legem, & ab ipsâ confirmatum Canonem, qui primam contra Metropolitæ Instantiam, reservat Sedi Apostolicæ, tunc viguisse in Gallia. Etenim Lutubenses agebant contra duos Metropolitæ: Contra Patrocli, alieni Metropolitæ audaciam, & contra negligentiam proprii Metropolitæ Hilarii. Hinc non ad Provinciæ suæ Synodum confugerunt, sed ad Bonifacium Pontificem. Narbonensium civitas & Regio per Magnum Constantinum sunt omnium primæ decisæ ab

ab Arelatenſi corpore, & eveſtæ in ſingularem Metropolim ac Provinciam: Et Civilem & Eccleſiaſticam. Hinc & illa contra Zozimi Decretum prima interceſſit, ipſum arguit novitatis, ac evicit. Natæ poſtmodò Provinciæ ſunt ſecutæ ejus exemplum, & cauſam ſimiliter obtinuerunt.

Pafchaſius Queſnellus pergit: "Celeſtinus Papa, qui poſt Bonifacium ſedit, Daniëlem quendam ad ſuum Tribunal videtur evocaſſe; ſed hominem vagum, qui ab Orientalibus, apud quos multa flagitia perpetrarat, accusatus apud Romanum Pontificem, eique quali traditus, apud Gallias diu quæſitus eſt ad judicium. Sed talis cauſa extra exemplum eſt, nec juſ ullum ſimile ſibi attribuiſſe in Gallicanos Episcopos credendus eſt Celeſtinus, qui in fine ejusdem epistolæ ad Episcopos Provinciæ Viennensis & Narbonensis cauſam Maſſilienſis Episcopii Provinciæ ſuæ Collegio audiendam pro conſuetudine ac jure dimittit". Audiamus Pontificem. Queritur indignos à Gallicana Eccleſiâ euchi ad Episcopatum, & demonſtrat exemplo: "Daniel, nuper miſſa ad nos relatione ex Orientalibus ad nos partibus, ab omni, quod tenuerat, Virginum Monasterio eſt nefariis objectionibus accusatus. Multa à multis objeſta flagitia. In quam lateret rararum parte quæſitus eſt, ut ſi innocentie ſuæ conſideret, contra ſe poſtulatam judicium minimè declinaret. Miſſa ad Arelatenſem Episcopum per Fortunatum Sub-Diaconum noſtrum, ut ad judicium Episcopale deſtinaretur, epistola Tantis gravatus Teſtimoniis, tantâ facinorum accusatione pulſatus, Sacrarum, ut dicitur, Virginum pollutus inceſtu, Episcopus aſſeritur ordinatus. In Scriniis Libelli continentur, quorum ad vos exemplaria direximus. In Pontificii dignitatem hoc tempore, quo ad cauſam dicendam miſſis à nobis litteris vocabatur, obrepiſit. Sacro nomini abiit injuria". Et infra: "Daniel, qui accusationem Pontificali honore ſubterfugere ſe poſſe credidit, & ad ſaſtigium tantum accuſatores ſuos latendo pervenit, à Sanctitatis veſtræ cœtu interim ſe noverit ſegragatum, qui ſe noſtro judicio debet obſicere, ſi conſcientiæ ſuæ novit confidentiam ſe tenere.

Daniel ergò erat Presbyter Orientalis Eccleſiæ. Cujus Dioceſis, Provinciæ, aut Parochiæ, ignoratur. Erat Præſectus ſanctimonialium: Et quarundam ſtuprator. Hinc ſui Episcopi Ju-



dicium timens fugit in Narbonensem Galliam. Et istic innotuit suis accusatoribus. Hinc illi flagitiosum hominem detulerunt Sedi Apostolicæ. Nempè & sui Episcopi, & sui Metropolitæ, & sui Patriarchæ aut Primatis limites evaserat, & agebat gyrovagum: Hinc accusari debuit apud Patrem communem, Episcopum Romanum. Ita Hæresiarcham Pelagium, dum ex Italia in Africam, ex hac in Siciliam, hinc in Palestinam vagus abiverat, sanctus Augustinus ac alii Afrorum Episcopi detulerunt sancto Pontifici Innocentio, & supplicarunt Romam evocari. Ex hac Regula sanctus Celestinus evocavit & Danielelem. Et hic interim circumscriptis Gallicanos Episcopos, fuitque ab ipsis in Confratrem consecratus. Ita & sceleratus sancti Ambrosii Ex-Diaconus Gerontius, dum Constantinopolim fugit, circumscriptis Heliadum Cæsaræensem in Cappadocia Episcopum, Ponticæ Diocesis Exarchum, ac ab ipso est consecratus in Nicomediensem Episcopum, Metropolitam Bithyniæ. Ambo sperarunt sua crimina sepelire sub Episcopalibus insulis. Verùm Danielis accusatores perrexerunt ad Celestinum, & Celestinus hominem evocavit ad suum Tribunal.

Et hinc lucent varii errores Paschasii Quesnelli. Primus est in his verbis: "Sed talis causa extra exemplum est, nec jus ullum simile sibi attribuisse in Gallicanos Episcopos credendus, est Celestinus". Etenim uti Gerontius, Bithynus ac Ponticus, ita Daniel per Episcopalem Consecrationem factus est Gallicanus Episcopus, atque ita uterque subiit omnia jura, omniaque onera suæ Dioceseos. Et hinc uti sanctus Joannes Chrysostomus, Patriarchatus Constantinopolitani Propagator, degradavit Gerontium, ita quoque Galliæ Metropolita potuit Danielelem invadere. Proinde Celestinus omnino evocavit Gallicanum Episcopum. Et quidem Provincialelem. Nempè propter litis pendentiam, inchoatam ante Danielis Episcopatum. Secundus error est, quod Celestinus Proculi Massiliensis Episcopi causam "Provinciæ Collegio audiendam pro consuetudine ac jure dimiserit". Etenim Pontifex disertè scribit se non dimittere, sed delegare. Nempè Proculus erat Metropolita, idèdque ejus causa privativè ac immediatè spectabat ad Sedem Apostolicam. Quæri possit, cur Maximi Valentini Episcopi, hominis etiam vagabundi, causam Bonifacius Provinciæ Synodo delegarit, Celestinus autem delegare noluerit causam Danielis

Danielis ? Ratio est obvia : Quod Nempè Narbonensis aut Viennensis Provinciæ Episcopi evehendo sceleratum hominem deliquissent, ideòque & ipsi essent rei, ac inhabiles ad tale Judicium.

Joannes à Bosco Parisiensis in appendice ad Bibliothecam Floriacensem adducit has, præsentem materiam illustrantes, Zozimi Pontificis litteras ad Simplicium Metropolitam Viennensem : "Zozimus Episcopus Simplicio Viennensi Archi-Episcopo salutem. „Relatum nobis est, qualiter in Taurinensi Synodo causas tuæ „Dicecios persecutus fueris. Et licet Arelatensi Episcopo, antequam Legatus tuus venisset, propter reverentiam sancti Trophimi Jus & Pontificium super tres Provincias habere scripserimus, tamen si ita est, ut Scripta tua nobis missa continent, interim usque dum lucidiùs ventiletur, potestatem antiquam tibi manere permittimus, ut sicut in Taurinensi gravissimorum „Episcoporum Synodo, pacis consilio, decretum, viciniorei tibi „intra Provinciam vendices civitates, donec plenius rei ordinem „charitas Apostolica prosequatur. Lazarum indebitè Episcopum, „criminatorem Fratris, ordinatum, scias nostro Judicio esse damnatum. Data sub die kalendarum Octobris, Honorio undecies „& Constantio Consulibus". Quidquid aliqui contradicant, epistola videtur legitima atque authentica. Et tempora concordant. Etenim epistola, quæ Zozimus Simplicium & Taurinense Judicium castigat, data est eodem Consulatu, tertio kalendas Octobris, ideoque hæc epistola est posterior. Nostras adserciones insigniter confirmat.



## CAPUT XII.

*Expenditur primum Paschasii Quesnelli  
Fundamentum.*

Cap. 15.



OST agitatam Martiani Arelatenſis Epiſcopi cauſam Paſchaſius Queſnellus pergit : " Paulò fuſius „hanc Martiani cauſam excuſſimus , ut hoc uno „exemplo , quod nobis ex primæva illa anti- „quitate Gallicana ſupereſt , evinceremus nul- „lo alio iudicio Gallicanum eſſe præventum , „nullo retractatum. Tota enim in Compro- „vinciales Epiſcopos Potestas penes Synodicos Conventus reſi- „debat , tum in Galliis , tum in aliis Regionibus". Reſpondeo Martiani exemplum non ſpectare ad præſentem Controverſiam , idèdque perperam fuiſſe adductum : Et diſcuſſum fuit longè infelicius. Et quod datum de Martiano Gallicanum Iudicium , nullo alio fuerit præventum , & verum eſt , & falſum. Eſt verum , quia nullum de ipſo eſt factum in Gallia Iudicium , idèdque nec præventum. Etenim nec Arelatenſis Provinciæ Antiſtites , nec Lugdunenſium Metropolita Fauſtinus præſumpſerunt de homine iudicare. Nec citra prævaricationem potuerunt. Dictum iſtud eſt penitus falſum , quia lucidum & exploratum eſt , quod Stephanus Pontifex primam de Martiano cognitionem inſtituerit , & primus ipſum damnaverit. Si quis & alius damnavit , damnavit ex Stephani præceptione. Quod olim plena in Provinciales Antiſtites damnandos facultas reſederit penes Provinciæ Synodos , libens admitto : Verùm nullatenus excludi , & damnatis auferri poſſit facultas appellandi. Iſta exclusio eſt non ſolummodò in Papalem , ſed & in Patriarchalem authoritatem injurioſiſſima. Nec Euſebius Nicomediensis , nec Photius , nec Michael Cerularius , nec quis ſimilium fœcum alius talia unquam vomere præſumpſit in Patriarchalem Dignitatem.

Audiamus primum Paſchaſii Queſnelli Fundamentum : " Hujus „porrò diſciplinæ cauſam & originem , in Epiſcopalis dignitatis  
natura

„natura , ac sacrosanctis Privilegiis fundatam Nicæna nobis Synodus aperit , quæ jus illud non scriptum scriptis Canonibus , totius Mundi reverentia consecratis , sanxit atque firmavit. Sic enim se habet Canon quintus". De his qui communione privantur , seu ex Clero , seu ex Laico ordine , ab Episcopis , per unamquamque Provinciam sententia Regularis obtineat , ut hi qui abjiciuntur , ab aliis non recipiantur. "Et postea": Placuit annis singulis per unamquamque Provinciam bis in anno Concilia celebrari , ut communiter omnibus simul Episcopis congregatis discutiantur ejusmodi quæstiones. "Tametsi enim Canon ille depositionem Episcoporum inter ejusmodi quæstiones non designet , expressis verbis , hunc genuinum esse Canonis sensum sibi quisque facile persuadebit , qui Concilii Constantinopolitani Patres , audire voluerit , Canone suo secundo Nicænum interpretantes": Non invitati Episcopi ultra Diocesim accedere non debent super ordinandis aliquibus , vel quibuscumque disponendis Ecclesiasticis causis , servatâ Regulâ , quæ supra-scripta est de unaquaque Diocesi. Manifestum namque est , quod per singulas quasque Provincias Provincialis Synodus administrare & gubernare omnia debeat , secundum ea quæ sunt in Nicæa definita. "Administrationis vocabulo judicia adversus Episcopos comprehendere , æquè , ac alia negotia Ecclesiastica , ostendit illustrissimus Petrus de Marca. Et hujus interpretationis adstipulatores habemus. Concilii Africani Patres , in epistola ad Celestinum Papam , quem sic alloquuntur": Decreta Nicæna sive inferioris gradus Clericos , sive ipsos Episcopos suis Metropolitanis apertissimè commiserunt , Prudentissimè enim , justissimèque viderunt quæcumque negotia in suis locis , ubi orta sunt , finienda. Nec unicuique Provinciæ gratiam Sancti Spiritus defuturam , quâ æquitas à Christi Sacerdotibus & prudenter videatur , & constantissimè teneatur : Maxime quia unicuique concessum , si Judicio offensus fuerit. Cognitorum , ad Concilia suæ Provinciæ , vel etiam universale provocare. "Eidem sententiæ suffragantur Innocentius Papa in epistola , ad Victricium Episcopum Rothomagensem , & Concilii Antiocheni Canon decimus-quintus , quo statuitur sententiam ab omnibus Episcopis alicujus Provinciæ latam ab aliis Episcopis retractari nec debere , nec posse".

Est caducum fundamentum , consutum ex multis erroribus.

O

Primus

Primus error est, quod quintus Nicænus Canon agat etiam de Episcoporum depositionibus, aut aliis in ipsos sententiis. Manifestè agit de solis criminalibus in Clericos aut Laicos Judiciis. Etenim agit de unius Episcopi judicio, reformabili per Provinciæ Synodum. Hinc Dionysii Exigui, quem Quesnellus sequitur, translatio adjungit: Et sic qui suo peccaverint Episcopo. Et Gentiani Herveti translatio: "Et sic quos Episcopum offendisse, constiterit". Et translatio Isidori Mercatoris: "Hi qui ob culpas suas Episcoporum suorum offensas meritò contraxerint". Et Ruffini Presbyteri compendium: "Ut si fortè ab uno iniquè, aliquid gestum est, à cæteris emendetur". At verò unus Episcopus nequit Collegam deponere, aut quovis modo criminaliter judicare. Nec Metropolita, immò nec Patriarcha id possit in suum Suffraganeum. Fieri nequit, nisi per plenam Provinciæ Synodum, aut sanè per definitum Episcoporum simul cum Metropolita numerum. Constantinopolitana Nectarii Patriarchæ circa Agapii ac Bagadii, de Bostrensi Episcopatu contententium, causam Synodus est omnibus notissima. Et fuit non vulgaris. Adfuerunt enim Theophilus Alexandrinus, Flavianus Patriarcha Antiochenus, ac alii grandes Episcopi. Et ipsa pro Bagadio, quem duo Episcopi dejecerant, edixit dejici non potuisse, nisi per plenam totius Provinciæ Synodum: Et ita sanciri ab Apostolico Canone. Insuper unius Provinciæ Judicium nequit retractari per aliam Provinciam, longè minùs reformari. Proindè manifestum est à quinto Nicæno Canone non statui de Episcoporum damnationibus, sed de solis criminalibus Judiciis in Clericum aut Laicum.

L. 2. c. 31. Eodem sensu Canonem intellexit atque exposuit Gelasius Cyzicenus: "Exquiratur autem, num impotentia animi, aut perstinacia, aut aliqua alià indignatione Episcopi, sint excommunicati". Non Episcoporum aut Synodi indignatione, sed solius Episcopi. Idem censuit Author, haud dubiè aliqua Synodus, Arabicorum Canonum. Audiamus novam ac meliorem interpretationem Abrahami Ecchellenfis: "Nullus Episcoporum excommunicatum ab alio Episcopo recipiat, Presbyter ille sit, vel Monachus, aut Laicus. Et ne illum exsolvat ab excommunicatione, aut absolutionem impendat ei ullam, nè contemni videatur, & parvi-pendi Episcopus ille; & ejus excommunicatio, tanquam parvi ponderis habeatur. Verum si Episcopus ille iniquus

„quus atque Tyrannus fuerit notorius, perieritque excommuni-  
catus se purgare apud suum Metropolitanum aut Patriarcham, id  
„licitum ipsi sit. Illi enim in eum potestatem habent". Scribant  
tamen prius ad Episcopum de causa iniquitatis.

Nicæni Patres rectè dicunt ante istam Synodum multa fuisse Can. 24  
facta "præter Canonem Ecclesiasticum". Etenim propter Arii  
Blasphemias, & præstita ipsis per varios hinc inde Episcopos ad-  
jutoria, litibus & discordiis scatebant omnes Ecclesiæ. Episco-  
porum aliqui etiam in Orthodoxos ac Zelosos Clericos & Lai-  
cos exercere tyrannidem, & multos perperam ex animi pusilla-  
nimitate damnarunt. Philippopolitanus Eusebianæ factionis Con-  
ventus inter ceteros Orthodoxos Episcopos degradavit etiam ve-  
nerabilem Gaudentium Naxitanum, quod "immemor esset sui  
„Decessoris Cyriaci, subscribentis sententiis in sceleratos dignè  
„inlatis". Hermias Zozomenus exponit: "Quod contrario ita- L. 3. c. 10  
„dlo ducebatur, quàm Cyriacus; cui successerat, & magni fa-  
„ciebat eos, quos ille abdicaverat". Haud dubiè fuit calumnio-  
sa sutela: Forsan tamen habens aliquid, non fundamenti, sed co-  
loris. Quidquid sit, similes Episcoporum in suos Clericos & Laicos  
petulantia tum grassabantur. Porro Apostolicus Canon mandat liga-  
tum ab uno Episcopo non solvi ab alio. Quare etiam injustè vincti  
quandoque per annos in ista miserabili calamitate cogeantur per-  
sistere. Hinc grandibus animarum periculis occurrens magna Syno-  
dus iussit quotannis fieri duos in quavis Provincia Conventus,  
qui talia discuterent atque sanarent. Ita afflictorum Clericorum,  
aut Laicorum animæ non nisi per medium annum gemere pote-  
rant sub acerbo vinculo iniqui Episcopi. Verùm Arabicorum  
Canonum conditrix Synodus censuit istud tempus esse justò pro-  
lixius. Hinc laudatam solvendi potestatem commisit etiam Me-  
tropolitæ ac Patriarchæ, omni tempore soluturis iniqua vincula.  
Fuit optima ac justissima moderatio. Hinc ipsam probavit ac  
ampliauit Sardicensis Synodus: "Si Episcopus quis fortè iracundus,  
„quod esse non debet, citò asperè moveatur adversus Presbyte-  
„terum, sive Diaconum suum, & exterminari cum ab Ecclesia  
„voluerit, providendum est ne innocens damnetur, aut perdat  
„communione. Habeat potestatem Ejectus finitimos rogare  
„Episcopos, ut ejus causam audiant, & diligentius tractent: Quia  
„non oportet negare audientiam roganti. Et ille Episcopus, qui ju-  
stè

„Itē aut injustē eiecit, patienter accipiat. ut negotium discutiatur :  
 „Ut aut probetur ejus sententia, aut temeritas emendetur. Prius  
 „tamen quam omnia diligenter & fideliter fuerint examinata, com-  
 „munionem non debet præsumere, donec ipse eum recipiat, &  
 „communioi societ“. Quæ forma placuit etiam Africanæ Eccle-  
 „siæ. Etenim Milevitana, seu potius Carthagenensis Synodus sanxit :  
 „Presbyteri, Diaconi, vel cæteri inferiores Clerici, in causis  
 „quas habuerint, si de judiciis Episcoporum suorum questi fue-  
 „rint, vicini Episcopi eos audiant, & inter eos quid est finiant,  
 „adhibiti ab eis, ex consensu Episcoporum suorum“. Quem Ca-  
 „nonem frequenter laudavit, & in Gallicanæ Ecclesiæ mores intro-  
 „ducere studuit Hincmarus Rhemenfis. At verò Chalcedonenfis  
 „Synodus censuit in nullo recedendum à Canone Nicæno : “ Si  
 „Clericus habeat causam cum Episcopo suo, apud Synodum Pro-  
 „vinciæ causam dicat. Si autem discepcionem habeat cum Me-  
 „tropolitano Episcopo, aut ad Diocesios primam Sedem recur-  
 „rat, aut ad Sedem Constantinopolitanam“. Ita Canonem legit  
 „antiquus codex Romanæ Ecclesiæ. Ex quo lucet huic placuisse  
 „utramque formam. Etenim uti hunc Chalcedonensem, ita &  
 „istum Sardicensem Canonem olim inseruit suo codici. Dixi indu-  
 „ctam per Arabicos Canones moderationem placuisse Sardicensi Sy-  
 „nodo. Et possit esse. Alii tamen malunt hanc Synodum, fuisse  
 „priorem.

Alter Paschasii. Quesnelli error est, quod secundus Constantinopo-  
 „litanæ Synodi Canon interpretetur & confirmet quintum Nicænum.  
 „Etenim interpretatur præsertim sextum. Quesnellus, qui suprâ  
 „quintum Nicænum adduxit ex translatione Dionysii Exigui, jam  
 „secundum Constantinopolitanum Canonem adducit ex translatio-  
 „ne Isidori Mercatoris. Ego à Dionysio, utpotè probatissimo  
 „apud omnes Ecclesias, judico non recedendum sine ratio-  
 „nibus. Audiamus integrum Canonem : “ Qui sunt super  
 „Diocesim Episcopi, nequaquam ad Ecclesias, quæ sunt ex-  
 „tra præfixos sibi terminos, accedant, nec eas præsumptione con-  
 „fundant, sed juxta Canones Alexandrinus Antistes quæ sunt in  
 „Egypto regat solummodò, & Orientis Episcopi Orientem tan-  
 „tùm gubernent, servatis privilegiis, quæ Nicænis Canonibus Ec-  
 „clesiæ Antiochenæ tributa sunt. Asianæ quoque Diocesios Episco-  
 „pi, ea solum, quæ sunt in Asiana Diocesi, dispensent. Nec non &  
 „Ponti-

„Ponti Episcopi ea tantum quæ sunt in Ponto. Et Thraciarum, quæ in Thracia sunt, gubernent. Non vocati autem Episcopi ultra suam Diocesim non accedant propter Ordinationes faciendas, vel propter alias dispensationes Ecclesiasticas. Servatâ verò quæ scripta est de gubernationibus regulâ, manifestum est, quod illa quæ sunt per unamquamque Provinciam, ipsius Provincie Synodus dispense, sicut Nicæno constat decretum esse Concilio, Christus Dominus Ecclesie suæ Regimen sanxit esse Monarchicum, ita tamen ut admisceatur aliquid Aristocratiae. Hinc Apostoli omne istud corpus distribuerunt in sex Autocephalas, uni tamen Papali Capiti subjectas, Diöceses: Tres Patriarchales, Apostolicis Sedibus eximias, & tres Exarchicas, seu Primatiales.

Et huc in litteris ad Pulcheriam Augustam respicit Magnus Leo: „Quæ si à cunctis Pontificibus intemerata servantur, per universas Ecclesias tranquilla erit pax, & firma concordia. Nullæ de mensura honorum dissensiones, nullæ de Ordinationibus lites, nullæ de Privilegiis ambiguitates, nullæ de usurpatione certamina. Uti adversum Meletii Lycopolitani Episcopi invasiones sextus Nicænus, ita adversum Petri Alexandrini Patriarchæ præsumptionem prodit secundus Canon Constantinopolitanus. Meletius Alexandrini Patriarchatus jura læserat. Hinc Nicænus Canon solos tres Patriarchas laudavit, eorumque firmavit dignitatem. Et solummodo summarie dixit de tribus Exarchicis Diöcesibus: „Per ceteras Provincias sua Privilegia servantur Ecclesiis. Gentiani Herveti translatio est expressior: „Et in alijs Provinciis sua Privilegia, ac suæ dignitates, & auctoritates Ecclesiis servantur. At verò Petrus Patriarcha Thracicæ Diöcesios, ac præsertim Heraclæensis Exarchi jura violaverat: Hinc Constantinopolitanus Canon non solos Patriarchas, sed insuper tres Exarchos expressit, & ipsorum providit juribus ac dignitatibus. Providit confirmando, exponendo, ac ampliando non quintum, sed manifestò sextum Nicænum Canonem.

Epist. 55.

Quæstio est, Cur totius Ægyptiacæ Diöcesios administratorem committat soli Alexandrino Patriarchæ; Orientalem auenem, Asiaticam, Ponticam, & Thracicam Diöcesim, quasi distribuât in omnes simul Episcopos? Item cur non meminerit Romanæ Ecclesie? Respondeo isto tempore Eustatianum

O 3.

Schis-



Schisma adhuc viguisse apud Antiochiam : Sedebant isthuc duo Patriarchæ, Paulinus ac Meletius. His quæstionibus noluit ex causis se miscere Synodus; ideoque dixit : " Orientis Episcopi „Orientem tantum gubernent". Attamen addit : " Servatis Pri- „vilegiis, quæ Nicænis Canonibus Ecclesiæ Antiochenæ tribu- „ta sunt". Quod nempe non ipsius Sedis, sed solum Præsi- dentium jura essent vocata in controversiam. Quare per Orien- tis Episcopos Canon intelligit Meletium ac Paulinum : Permit- tit ut intra istum Patriarchatum quisque gubernet & admini- stre suam communionem. In Thracica Diœcesi Constantinopo- litanus Episcopus erigebat cristas, cœperatque se ostentare Autocephalum, & Heraclæense jugum excutere. Etiam has quæstiones Synodus duxit non tangendas, ideoque edixit de omnibus tribus Exarchatibus : " Episcopi gubernent atque dis- „pensent". Cur de Romana Ecclesia sileat, edicit in litteris ad Thesaliæ Episcopos Sanctus Papa Bonifacius : " Nicæna Sy- „nodus non aliquid super eum", Sanctum Petrum Apostolum ac ejus Romanam Sedem, " aulâ est constituere, cum vide- „ret nihil supra meritum suum posse conferri. Omnia deni- „que huic noverat Domini sermone concessa". Eandem Re- verentiam detulit Constantinopolitana Synodus. Hinc ejus de Romana Ecclesia silentium.

Canon adjungit : " Servatâ verò, quæ scripta est, de guber- „nationibus Regulâ, manifestum est quod illa, quæ sunt per „unamquamque Provinciam, ipsius Provinciæ Synodus dispen- „set, sicut Nicæno decretum constat esse Concilio". Sensus est : Hæc tam nostra, quam Nicæna de gubernationibus Regula non solummodò Patriarchalibus atque Exarchicis Diœcesibus providet, sed insuper singulis Provinciis : Cujusque Provinciæ negotia sanxit administrari per ejusdem Provinciæ Synodum. Etenim Nicæni Canonis verba sunt universalia : " Suis Privi- „legia serventur Ecclesiis". Sunt verba sexti Canonis. Et ipsa à præsentî Canone respici, puto non dubitandum. Nihilomini- us marginale Scholion passim censet respici quintum. Certè quintus non de quibuscumque Provinciarum negotiis sanxit, sed de solis Clericorum aut Laicorum per suum Episcopum infli- &is excommunicationibus. Proinde ipsum, si præsens Canon respiciat, extendit & ampliat per paritatem rationis. Quod vi- detur

detur hic non fieri. Nolim contumaciter refragari. Quidquid sit, ipsum non extendit aut ampliat ad damnationes Episcopis infligtas per Synodos. Proinde exponit atque firmat hic Canon sextum Nicænum, quantum si tangat, tangit admodum modicè.

Tertius Paschasii Quesnelli error atque excessus est, quod sua adversus sancti Petri Sedem Commenta stabilire tentet per adductas Africani Concilii literas ad sanctum Celestinum Pontificem. Certum est istarum miserandarum literarum qualitatem à viro eximiè erudito non ignorari. Audiamus plenum contextum: "Præfato debitz salutationis officio, impendio de-  
 ,,precamur, ut deinceps ad vestras aures hinc venientes non  
 ,,facilius admittatis, nec à nobis excommunicatos in commu-  
 ,,nionem velitis admittere. Quia hoc etiam Nicæno Concilio  
 ,,definitum, facile advertit Venerabilitas tua. Nam etsi de  
 ,,inferioribus Clericis vel Laicis videtur ibi præcaveri, quan-  
 ,,tò magis hoc de Episcopis voluit observari, ne in sua Provincia  
 ,,communione suspensi, à tua Sanctitate vel festinatò, vel præ-  
 ,,properè, vel indebitè videantur communioni restitui. Pres-  
 ,,byterorum quoque & sequentium Clericorum improba refu-  
 ,,gia, sicut te dignum est, repellat Sanctitas tua: Quia & nul-  
 ,,là Patrum definitione hoc Ecclesiæ derogatum est Africanæ,  
 ,,& Decreta Nicæna sive inferioris gradus Clericos, sive ipsos Epis-  
 ,,copos suis Metropolitanis apertissimè commiserunt. Pruden-  
 ,,tissimè enim, justissimèque providerunt, quæcumque negotia  
 ,,in suis locis, ubi orta sunt, finienda: Nec unicuique Pro-  
 ,,vinciæ gratiam Spiritus Sancti defuturam, quâ æquitas à Chri-  
 ,,sti Sacerdotibus & prudenter videatur, & constantissimè te-  
 ,,neatur".

Omnis inter Africanam & Romanam Ecclesiam quæstio erat de Romana Appellatione Cleri inferioris. Quod damnati per suæ Provinciæ, aut etiam per totius Diocesis Synodum Episcopi semper potuerint provocare Romam, erat apud omnes in confesso. Perpetuam consuetudinem demonstrabant plurima exempla. Utriusque partis in hac lite fundamentum erant Nicœni Canones. Africani Antistites spondebant ipsis plenam reverentiam ac obedientiam. Verùm agnoscebant solos viginti, Papa Zozimus adstruebat plures: Ex vetusto Romanæ Ecclesiæ more Sardicenses simul cum Nicænis accumulabat in unum corpus, & similiter affir-  
 mabat

mabat Nicænos. Post multum examen Africani sunt stabiliti in sua opinione, tenacissimè persuasi Nicænos non esse nisi viginti. Et inter istos solus quintus sanxit de Appellationibus. Hunc cœperunt attentius discutere, atque ex ipso concluderunt sequentia. Primò, quod ille sanciat de solis Clericorum ac Laicorum, ab uno suo Episcôpo damnatorum, ad Provinciæ Synodum provocationibus. Deindè, quod Canon istos appellantes suis Metropolitanis ac ipsorum Synodis committat apertissimè, atque ita istud iudicium sit inconcussum, ideoque per ulteriorem appellationem devolvi non possit ad Romanam Ecclesiam. Tertiò, quod par atque eadem sit damnatorum & appellantium Episcoporum ratio, ideoque quod nec ipsi à Canone permittantur per iteratam provocationem procedere Romam. Quartò, quod nulla hîc sit iniustitia aut durtia : Quoniam isti appellantes valeant per novum refugium progredi ad plenam suæ Provinciæ, immò & totius Diocesis Synodum. Etenim apud Afros damnati ab Episcopo Clerici ad vicinos Episcopos, ab his ad Provinciæ Synodum, ab hac ad plenarium Concilium poterant perfugere. Item ad damnandum Episcopum necessaria non erat plena Synodus Provinciæ, sed sufficiebant duodecim cum Primate Collegæ, atque ita & iste damnatus poterat bis intra Africam provocare. His considerationibus transversi Afrorum Episcopi Romanas etiam suorum Collegarum Appellationes censuerunt non permitti à quinto Nicæno Canone, ipsas etiam excusserunt, & contra perpetuam suæ Ecclesiæ consuetudinem prohibuerunt, & tentarunt abolere. Fuerunt reverà transversi. Ista est enim epistola, quam viri eruditi censuerunt adedè deviam & indignam, ut spuriam & fictam crediderint nullo editam à venerabili Aurelio Carthaginis Archi-Episcopo, ac ejus Collegis. Processit à turbato per iram calamo, atque ita ira viri non est operata justitiam. Per ipsum Aurelius amisit, aut certè obnubilavit sua grandissima merita : Exclusus ab Ecclesiasticis Sanctorum tabulis. Quin immò per ipsam Africana Ecclesia creditur complexisse sua peccata, ex quibus per Divinam justitiam tradita fuit in barbaras, hæreticas, & crudelissimas manus Wandalorum. Exstat sub Bonifacii secundi Pontificis nomine ad Pulchrum Alexandriæ Patriarcham epistola, affirmans ex istis litibus Schisma fuisse inter Romanam & Africanam Ecclesias, quod duraverit usque ad Pontificatum istius Bonifacii. Est ficta ac supposititia, attamen

attamen non caret omni fundamento. Hæ enim lites, licet verum Schisma non conflaverint, fuerunt durissimæ. Has devias ac miserandas literas Paschasius Quesnellus probat, ipsis consentit, per ipsas exponendum vult, quintum Nicænum Canonem, ideoque & Romanas Appellationes explodendas è Gallia, immò ex omni Ecclesia. Quæ omnia an cadant in Catholicum Doctorem, relinquo aliis definiendum.

Quartus illius error atque excessus est, quod sua commenta adferat probari à tertio Canone, quem ad sanctum Victricium Archi-Episcopum Rothomagensem transmisit sanctus Papa Innocentius: "Si quæ causæ vel contentiones inter Clericos, tam superioris Ordinis quàm inferioris, fuerint exortæ, ut secundum Synodum Nicænam congregatis ejusdem Provinciæ Episcopis iurgium terminetur. Nec alicui liceat, sine præjudicio, tamen Romanæ Ecclesiæ, cui in omnibus causis debet reverentia custodiri, relictis his Sacerdotibus, qui in eadem Provincia Ecclesiam Dei gubernant, ad alias convolare Provincias. Quod si quis fortè præsumperit, ab officio Clericatus submotus, velut injuriarum reus ab omnibus judicetur. Si autem majores causæ in medium fuerint devolutæ, ad Sedem Apostolicam, sicut Synodus statuit, post Episcopale Judicium referantur". Paschasius Quesnellus videtur censere, quod hæc omnia dicantur aut deducantur ex quinto Nicæno Canone. Longè rectius censuit in sua nona Epistola Hincmarus Metropolitæ Rhemenfis: "Beatus Innocentius ad Victricium Rothomagensem Episcopum duo capitula magni Concilii Nicæni, & capitulum Sardicenis Concilii de Episcoporum ad Sedem Apostolicam appellationibus uno capitulo sagaciter atque sapienter explicuit". Immo unum Nicænæ, & duo Sardicenis Synodi capitula congeffit in unum. Etenim quod omnes Clericorum causæ debeant per Provinciæ Synodum terminari, est manifesta Sanctio quinti Nicæni Canonis. At ipsum Innocentius ampliat atque extendit etiam ad superioris Cleri, id est, Episcoporum contentiones atque iurgia. Ad primas de illis instantias, ad Episcopi contra Episcopum lites, quas planum est oportere terminari in eadem Synodo. Et sic recta est extensio. Quod nullus Clericus, aut etiam Episcopus possit suas causas traducere ad alterius Provinciæ Synodum,

est Sanctio tertiū Canonis Sardicensis : " Quod si in aliqua Provincia aliquis Episcopus contra fratrem suum Episcopum litem habuerit, ne unus è duobus ex alia Provincia advocet Episcopum Cognitorem". Gentianus Hervetus vertit : " Neuter eorum ex alia Provincia Episcopos Cognitores evocet". Nec item accedat. Quod de maioribus causis datum à Provincie Synodo iudicium referri debeat ad Sedem Apostolicam, est item desumptum ex Sardicensi Synodo. Non ex aliquo Canone, sed ex Synodali relatione ad Julium Pontificem : " Hoc optimum, & valde congruentissimum esse videbitur, si ad Caput, idest, ad Petri Apostoli Sedem, de singulis quibusque Provinciis Dominis referant Sacerdotes". Hæc Relatio est Apostolica traditio, ideoque per hanc Synodum meritò fuit laudata & stabilita : Et ipsa habet omnem appellationis effectum, devolvit atque suspendit. Etenim ad Felicem & Hilarium rectè sanctus Augustinus : " Et in ipsis causis sæcularibus ; quando ad majorem Potestatem refertur arbitrium judicandi, manentibus sicut erant omnibus rebus, expectatur illa sententia, undè jam non liceat provocare, ne superiori Cognitori fiat injuria, si ejus pendente iudicio, aliquid fuerit commutatum". Eandem formam affirmat vigere in causis Ecclesiasticis. Quare ad illum, ad quem referri oportet, potest & provocari. Hinc Innocentius suis literis indidit circa extranea iudicia : " Sine præiudicio tamen Romanæ Ecclesiæ". Et item ipse, vel quis alius rectè adjunxit : " Cui debet in omnibus causis reverentia custodiri". Nempè tam appellationis reverentia, quàm relationis. Relationis in solis maioribus, appellationis reverentia etiam in causis minoribus. Quare hoc Innocentii Capitulum Paschasii Quesnelli commenta nullatenus adjuvat, sed penitus evertit.

Quintus illius error atque excessus est, quod ad stabilienda sua commenta advocet etiam decimum quintum Canonem Antiochenum : " Si quis Episcopus, de certis criminibus accusatus, condemnatur ab omnibus Episcopis ejusdem Provincie, cunctisque consonanter eandem contra eum formam Decreti protulerint, hunc apud alios nullo modo judicari, sed firmam concordantium Episcoporum Provincie manere sententiam". Quis enim nesciat Antiochenos Canones esse dolosas Eusebianæ Factionis contra sanctum Athanasium, aliosque Orientis Orthodoxos Antisti-

Antifites, nec non adversus Divina sancti Petri Apostoli Privilegia sutelas, vasserrimo studio congestas præsertim adversus Privilegium Romanæ Appellationis? Sanctus Athanasius adversum Tyriz Synodi & Mareotici examinis iniquissimas technas, alii Orthodoxi per Orientem Episcopi adversum alias præfatæ Factionis injurias appellarant ad sancti Petri Cathedram, & accesserant Julium illius Insefforem. Et hic Factionis Capita evocarant ad suum Tribunal, redditura rationes suorum operum. At in mala causa nullum prodest ingenium. Hinc isti desperati non Romam, sed cum suis Congerronibus processerunt Antiochiam, & isthic evomuerunt Canonum fucos, quibus non soli Athanasio ac ejus Collegis, sed cunctis suis in perpetuum adversariis Romanam viam elauderent, & adversum suas Synodales conjurationes subducerent omne auxilium atque solatium. Pararunt viam ad sua Attentata Philippo-Politana, in quibus deposuere larvam, & revelatâ fronte arietarunt, ac evertere studuerunt Divinam Ecclesiæ Monarchiam, definiaverunt Ecclesiæ Regimen esse ex Divino Instituto Aristocraticum, æquali mensura distributum in tres Patriarchas, quorum nullus habeat authoritatem in alterum, & à quorum nullo possit ad alterum provocari. Romanum esse primum solo loco, non jurisdictione. In Antiochena Synodo posuerunt hujus pessimæ machinæ cooperta fundamenta: Sanxerunt damnatum àdivisa in diversa suffragia Synodo Episcopum posse appellare, non Romam, sed aliud majus in Oriente Concilium; abunajmi autem Conventu damnatis nullum superesse refugium. Eis nullam restare audientiam, sed solam in laica Communionem penitentiam. In Arcana historia Procopius Cæsarænsis affirmat Imperatorem Justinianum in condendis variis legibus respexisse ad lites tum pendentes, ac suo aut suorum lucro prospexisse: Prospexisse victoriæ istius partis, à qua sperabat commodum. Apparebant leges justæ & congruæ, verum in ipsarum visceribus latebat pessimus anguis. Istiusmodi sunt & Antiocheni Canones. Hinc ipsos dudum non sola Romana, sed & omnis Orthodoxa Orientis Ecclesia fuit averfata. Sunt ambidextri: Cothurnus apertus ad utrumque pedem. Hinc postquam Eusebiana vassitities, & ipsi congenita pericula cessarunt in orbe Christiano, purgari cœperunt isti Canones, atque ita variis placere. Nec enim inepti sunt ad bonum usum. Placere tandem cœperunt etiam Roma-

næ Ecclesiæ. Etenim Dionysius Exiguus ipsos inseruit suo codici, scripto ad usum istius Ecclesiæ, quem omnis Latina Ecclesia pedetentim probavit atque admisit.

Quin & dudum antea, dum ex universæ, utique Orientalis, Ecclesiæ codice istorum Canonum aliqui legerentur ad Chalcedonensem Synodum, Apostolicæ Sedis Legati non intercesserunt, atque ita demonstrarunt nec sibi, nec Romanæ Sedi ipsos displicere. Forſitan ex tunc erant in antiquo codice Romanorum. Et quidem isthæc fuit etiam Canon decimus quintus. Nempe intellectus cum salutari clausula, quam in literis ad sanctum Viſtricium expressit Innocentius Pontifex: "Sine præjudicio Romanæ Ecclesiæ, cui in omnibus causis debet reverentia custodiri". In Eusebiano sensu erat nequissimus, laudata clausula facit rectum. Verum Paschasius Quesnellus probat priorem sensum, & tentat ipsum protrudere in Gallicanam Ecclesiam.

Redeamus ad quintum Nicænum Canonem. Videamus an ille permissam damnatis Clericis ac Laicis ad suæ Provinciæ Tribunal appellationem velit esse inconcussam & ultimam, ideòque neget ulterius procedere, non solummodò ad Patriarcham, sed etiam ad Romanam Ecclesiam. Partem affirmativam tenuit Antiochena Synodus. Item erratica Synodus Aurelii Carthaginensis. Et ipsis adhæret Paschasius Quesnellus. Quousque Aurelius intra Africanæ, quæ inferiori Clero Romanam Appellationem nunquam indulserat, consuetudinis defensionem constitit, generosè ipsi adhæserunt, ipsumque ex pectore adjuverunt Sanctus Augustinus, sanctus Alipius, sanctus Possidius, alique meliores ac familiares Episcopi. Etenim rationabilis & avita totius gentis consuetudo justissimè poterat defendi. Ast ubi Aurelius Romanas etiam Episcoporum appellationes cepit invadere, & in immobilem hujus Apostolicæ dignitatis Petram infelix caput impingere, laudati Episcopi retraxerunt manus, & sancto Petro manserunt fidelissimi. Lucent hæc ex Sancti Augustini epistola, quam de causa Antonii Fuslalenſis Episcopi scripsit ad Celestinum Pontificem. Et hæc laudatorum Antistitum à suo semper dilectissimo Aurelio Primæ secessio demonstrat, ac altissimè clamat ista ejus Acta fuisse devia atque prævaricatoria. Fuerunt prævaricatoria quinti Nicæni Canonis. Hic enim etiam Clericis & Laicis omnino permittit à suæ quoque Provinciæ Synodo, si iniquo Episcopi Ju-

dicio.

dicio gratificetur, procedere & provocare ad Cathedram Romanam. Disertè hoc asseverat in litteris ad Antiochenam Synodum sanctus Julius Pontifex: "Qui benè sentiunt de iis quæ egerunt, & in quibus ipsi Judices fuère, non indignanter ferre solent, si quod ab ipsis iudicatum est, ab aliis excutitur. Quippe quiescunt, curi sint, ea quæ ipsi iusta iudicaverunt, iniusta nunquam fieri posse. Quocirca Episcopi, in magna Synodo Nicææ congregati, non sine Dei consilio permiserunt prioris Synodi Acta in alia Synodo examinari, ut & illi, qui iudices erant, præ oculis habentes secundum de ea ipsa re Iudicium futurum, cum omni diligentia causam expenderent, & illi qui sententiam acceperant, certò cognoscerent, se non per similitudinem priorum Iudicium, sed jure ac merito condemnatos esse. Quod si istiusmodi consuetudo olim fuit, ejusque memoria renovata est, & Scripto prodita in magna Synodo, eamque apud vos valere non finitis, rem profectò indecoram facitis. Morem enim, qui semel in Ecclesia obtinuit, & à Synodo confirmatus est, iniquum est à paucis abrogari". Palàm disserit de Appellationibus ad Sedem Apostolicam. Agit enim de Romana Appellatione sancti Athanasii, sancti Pauli Constantinopolitani, Marcelli Ancyran, Asclepæ Gazensis, & aliorum Episcoporum Orientalium. Et affirmat plura. Primò, quod hæc appellandi forma sit vetustus mos, antiqua consuetudo, traditio Apostolica. Secundò, quod pauci in Antiochena Synodo Episcopi tentaverint illam abrogare & proscribere. Nempè per vstras technas ambiguum Canonum. Julius affirmat tertiò, quod in vanum laborarint. Etenim Nicæna Synodus discussit avitam consuetudinem, probavit, stabilivit, & ad perpetuam rei memoriam redegit in Scriptum. Factum id est in quinto Canone, ac præsertim in sexto. Etenim quintus subintellectam habet expressam à sancto Innocentio clausulam; sextus autem disertè mandat sua Privilegia, dignitates, atque auctoritates custodiri cunctis Ecclesiis. Præsertim Ecclesiæ Romanæ, super quam Synodus nihil fuit ausa statuere, sciens illi omnia concessa à Domino.

Arabici Canones non sunt Nicæni. Attamen ipsorum author non sine fundamento adscripsit eis istum sublimem titulum. Etenim Nicænos exponunt, & ampliunt ad varias factorum species. Audiamus quadragesimum quartum: "Patriarcha inspicat quod-



„cumque negotium fecerit aliquis suorum Metropolitanum, five  
 „Episcoporum in Provinciis, quibus præsunt. Si autem invene-  
 „rit ex illis quidquam, quod non decet, permutet illud, ac de  
 „illo constituat, prout ipsi videtur. Etenim omnium ipsorum  
 „Pater est, & illi sunt ipsius filii. Metropolitanæ autem Principa-  
 „tum super se agnoscere, cumque venerari debent instar Fratris  
 „majoris, quem sibi Fratres anteponunt, illique parere ducunt  
 „ob ejus optimum Regimen & Majoritatem. Patriarcha porro  
 „instar Patris in sua Jurisdictione super filios suos. Et quemad-  
 „modum Patriarcha potestatem habet super subditos suos, ita quo-  
 „que Romanus Pontifex potestatem habet super universos Pa-  
 „triarchas, quemadmodum Petrus habebat super universos Chri-  
 „stianitatis Principes, & Concilia ipsorum: Quoniam Christi  
 „Vicarius est super Redemptionem, Ecclesias, & cunctos Popu-  
 „los“. Hæc omnia fundamentum habent in sexto Nicæno Ca-  
 none. Et ex ipsis laudati Canones deducunt & confirmant Ro-  
 manas Appellationes; immò & primas instantias. Et certè Pon-  
 tifici incumbit sollicitudo omnium Ecclesiarum. Est Pater to-  
 tius Ecclesiæ, totius Redemptionis, omnium Synodorum, om-  
 nium fidelium Populorum. Quia est Christi Vicarius. Ex quo  
 vides labi illos, qui hunc Titulum volunt olim fuisse commu-  
 nem omnibus Episcopis, & non nisi à paucissimis sæculis appro-  
 priari cœpisse soli Papæ.



CAPUT

## CAPUT XIII.

*Expenditur aliud Paschasii Quesnelli fundamentum.*



Hæc sunt ejus verba : " Sardicensem Synodum familiare est in hoc negotio proferre, indeque velut palmare argumentum sumere, quo appellationis jus à Synodis ad Sedem Apostolicam jam tunc Canonicâ authoritatè stabilitum esse comprobetur. Quamvis enim hujus Concilii non meminerit sanctus Leo, de appellationibus agens in hac ad Vienneses epistola, sed veteris tantummodò consuetudinis ; illi tamen Concilio debetur earum appellacionum origo, & illius Canones sub Nicænorum nomine allegavit ipse Leo aliquot post annis in causa Flaviani Constantinopolitani Episcopi. Indè, inquam, appellacionum usui ratio quæsitæ est à Romanis Pontificibus, licet reverà nihil de appellacionibus decernant Sardicenses Patres, sed tantummodò retractationis, seu revisionis causæ decernendæ potestatem faciant Romano Episcopo, ut demonstrat illustrissimus Petrus de Marca, & ex ipsa Canonum Sardicensium lectione manifestum sit. Quæ potestas retractationis in ipsa Provincia decernendæ, etsi jure appellacionum longè inferior sit, trepidè tamen & dubitanter admodum ab Hosio proposita est, qui rem novam Canonibus Nicænis minimè consonam, constantique adversam consuetudini, quasi supplex, & honorandam sancti Petri memoriam prætendens, exoravit. Si vobis placet, sancti Petri Apostoli memoriam honoremus : " Sed tantæ Authoritatis non fuit apud Episcopos, sive Orientales sive Occidentales, Sardicensis Synodus, ut hujusmodi definitioni statim inhærendum esse censuerint. Hoc enim retractationis jugum à suis semper humeris amoliti sunt Orientales, qui ob hanc fortè causam Concilii istius Canones in suas Collectiones non retulerunt, sicut nec Gallicani. Africanique etiam nunquam illam appellacionis seu retractationis Prærogativam

„gativam admiserunt, ut patet ex Synodica ad Celestinum Papam  
 „epistola, quæ testatur antiquam esse consuetudinem ac discipli-  
 „nam, ut Episcoporum & Presbyterorum causæ extrâ Provincias  
 „vagari non sinerentur, sed ubi orta erant negotia, ibi Metro-  
 „politanoꝝ auctoritate esse finienda. Unde ne de Sardicenis  
 „quidem audisse, sed unius Nicæni Concilii Canones cum suis  
 „pro regula habuisse Africanos, manifestum est”.

Etiam hæc verba scitent erroribus atque excessibus. Primus est, quod ex Sardicensi Synodo sumamus palmare pro Romanis Appellationibus fundamentum. Etenim omnia, quæ jam adduxi ex Sancto Julio, istam præcelsere Synodum. Et ipse pro palmari isto fundamento adduxit perpetuum Ecclesiæ morem & consuetudinem, confirmatam à Nicæna Synodo, & relata in Scriptum. Adduxit traditionem Apostolicam, firmatam pluribus exemplis, ac perpetuo usu. Unde de ipso scribit in Ecclesiastica historia Theodoretus, quod circa jam adductas Orientalium Episcoporum appellationes fuerit ”secutus Ecclesiæ Canonem”. Hoc est palmare istius juris fundamentum. Hinc & ipsum sanctus Leo in literis ad Viennensis Provinciæ Episcopos adduxit adversus audaciam & novitates Sancti Hilarii. Quin immò videtur respexisse istas sancti Iulii literas. Præsertim hæc verba: ”Quod „si ejusmodi consuetudo olim fuit, ejusque memoria renovata „est, & Scripto prodita in magna Synodo, eamque apud vos va- „lere non finitis, rem profecto indecoram facitis. Morem enim, „qui semel in Ecclesia obtinuit, & à Synodo confirmatus est, „iniquum est à paucis abrogari”. Sanctus Leo affirmat istum morem semper viguisse etiam in Galliis, ideoque ab Hilario nec circumduci potuisse, nec circumscribi.

Secundus error est, quod harum appellationum jus dicamus ”stabilitum”, seu introductum à Sardicensi Synodo. Quod enim vox, ”stabilitum, hanc ibi acceptionem habeat, suadent hæc verba: ”Inde appellationum usui ratio quæsitæ est à Romanis „Pontificibus”. Est error insigniter crassus. Quippe ante Sardicensem Synodum ad Apostolicam Sedem appellarunt sanctus Athanasius, sanctus Paulus Constantinopolitanus, Marcellus Ancyranus, Asclepas Gazensis, Lucius Adriano-Politanus, aliique plures per Eusebianæ Factionis Synodos degradati aut vexati Orientales Episcopi: Eos audiuit Julius Pontifex, absolvit à per-  
 peram

Lib. 1. c. 4.

peram injectis vinculis, reparavit in priorem gradum, ac per interim remisit in suas Sedes. Videlicet donec fieret totius causæ retractatorium Judicium. Hinc nata est omnis inter istam Factionem & Romanam Ecclesiam contentio. Etiam Antiochenæ synodi audacia, & horrenda ac inaudita facinora Conventus Philippopolitani. Quid enim horrendius, quàm damnare Ramanum Pontificem, & Monarchicum Ecclesiæ Regimen transmutare in Aristocraticum, atque ita manifesto schismate lacerare Ecclesiam? Etiam Donatistæ dudum ante Sardicensem Synodum à Constantino Augusto integros Judices postularunt contra Ceciliai Carthaginensis Archi-Episcopi Ordinationem: Et Apostolicam Traditionem ab Hosio Cordubensi Episcopo edoctus Princeps ipsos remisit ad Melchiadem Pontificem, & pro aliquo istorum factionis solatio rogavit illi assidere aliquot Gallicanos Episcopos. Plura istiusmodi exempla sunt jam adducta, ac in decursu adducuntur. Proinde Sardicensis synodus Romanas Appellationes nequaquam introduxit, sed adversum Eusebianæ Factionis novas, violentas, schismaticas, atque hæreticas præsumptiones solummodò stabilivit & confirmavit.

Tertius error est, quod Sardicensis Synodus nihil de appellationibus decreverit, sed solam retractationis seu revisionis decernendæ potestatem fecerit Romanis Pontificibus. Et quod istud ex ipsa Canonum Sardicensium lectione sit manifestum. Certè oppositum est manifestissimum. Etenim isti Canones interjectis ad Romanum Pontificem proclamationibus donant non solum devolutivum effectum, sed & suspensivum. Donant potestatem, quâ istiusmodi causas retractare possit vel per semet-ipsam in alma Urbe, vel in partibus per delegatos è suo Latere Presbyteros, vel per Synodum vicinæ, aut etiam ejusdem Provinciæ. Prout visum fuerit ejus sapientissimo arbitrio. Immodò hanc potestatem non donat, sed à Christo Domino donatam, per Apostolos ordinatam, confirmatam à Nicæna Synodo, & plurimis stabilitam exemplis, solummodò innovat, & adversum præfatas novitates exponit & armat. Quod ista omnia, etiam suspensivus effectus, sint à Christo Domino & Apostolicis Canonibus, mox ex authenticis Christianæ disciplinæ fontibus demonstrabitur. At verò ista sunt manifestus & propriissimus character veræ appellationis. Et de hac per Sardicenses Canones stabilita veritate nemo

Q

Catho-

Catholicus ambegit: Dominus Petrus de Marca est forsitan omnium primus.

Error quartus est, quod Hosius Cordubensis Episcopus, Apostolicus Legatus ac Præses Sardicensis Synodi, Retractionis in Provincia decernendæ jus proponens, sciverit à se proponi rem novam, Nicænis Canonibus minimè consonam, constantique adversam consuetudini. Si solum decernendæ Retractionis jus proposuerit, fateor ista esse verissima. Addo illum longissimè recessisse à Nicæna Synodo, quæ super sancti Petri Romanam Cathedram nihil fuit ausa constituere, sciens illi omnia concessa à Domino. Et enim Apostolici juris ad solius Retractionis decernendæ potestatem restrictio est omninò novum, Nicænis Canonibus adversum, perpetuam Ecclesiæ consuetudinem evertens, ac supra sancti Petri Cathedram statuere attentans figmentum, à Confessoris Hosii sacris cogitationibus alienissimum. Quapropter ipse in sua ad Sardicensem Synodum Relatione haudquaquam circumscriptam & diminutam decernendæ Retractionis, sed plenissimam admittendæ, & quovis juxtà suum sapientissimum arbitrium modo judicandæ atque exequendæ appellationis potestatem adscripsit Sedi Apostolicæ. Erat res omnibus exploratissima. Quomodò aliter Julius Pontifex Orientalibus Antiochenæ Synodi Episcopis ipsam reficuisset in barbam? Certè isti omnes adfuerant Nicænæ Synodo. Eidem Hosius præfederat, habuerat cum Relationis autoritate Prærogativam suffragii, ideoque ejus arcana plenè noverat. Proindè dum isto pro Romanis Appellationibus officio functus fuit apud Sardicam, optimè novit se non referre rem novam, aut Nicænis Canonibus non consonam, aut constanti adversam consuetudini.

Quintus error est, quod Hosius Romanas Appellationes trepidè ac dubitanter admodum, & quasi supplex Sardicensi Synodo retulerit, & honorandam sancti Petri memoriam prætendens exoraverit: "Si vobis placet, sancti Petri memoriam honoremus". Est effrænis in gloriosum Confessorem, Abrahamicum senem, & omnium tunc Synodorum Patrem contumelia. De Eusebianis Episcopis scribit ad omnem sub Cælo Ecclesiam laudata Synodus: "In itinere Sardicensi certis in locis Conciliabula in modum Synodi inter se habuerunt, & fœdera cum interminationibus conflaverunt, ut ubi Sardicam pervenissent, minimè se in Judicio sisterent, aut in eundem locum cum sacra Synodo convenirent,

venirent, sed mox ubi eò pervenissent, & perfunctoriâ specie adventum suum ostentassent, raptim inde aufugerent. Et quò ista conjuratio esset magis firma, curarunt ut omnes eodem, & per viam & apud Sardicam, domicilio uterentur, nè vel tantillum quispiam ab illis seorsim agere posset. Palmaris quaestio erat de Athanasii, Pauli, Marcelli, & aliorum Antistitum, ab ipsis damnatorum, Romana Appellatione, & per Julium Pontificem impartita illis revestitione. Conjurarunt hæc nunquam admittere, & potius patrare quidlibet, quam istos suos damnatos agnoscere in Episcopos, & cum ipsis Synodalter confidère. Intraverunt Sardicam, & multa de his cum Hosio, aliisque Latinis Episcopis disputarunt. Et ipsos tam pro dictorum Appellantium innocentia, quàm pro sancti Petri privilegio invenerunt constantissimos. Viderunt nullam patère portam excutiendi præsertim Athanasii, nisi per apertam rebellionem contra sedem Apostolicam. Hinc omnes de nocte fugerunt, & abjערunt Philippo-Polim, Thraciæ Dicecesis civitatem, ideoque spectantem ad Orientale Imperium sui Principis, sub quo libere poterant quidlibet insanire. Isthic igitur insanierunt tres Patriarchatus esse Divino jure Autocephalos, & æquales per omnia, ideoque unum nihil posse in alium, & ab uno damnatos non posse ad alium provocare. Singulorum Judicia esse Divino jure inconcussa atque inappellabilia. Hinc concluderunt Julium Pontificem, qui talia in præfatos Episcopos attentaverat, esse Divinæ legis prævaricatorem, ideoque gradu & communione privarunt. Præfatos Episcopos pronuntiarunt nequaquam absolutos aut revestitos, sed ob tentatam novam appellandi audaciam esse prolapsos in majorem damnationem. Eorum furor præsertim efferbuit in sanctum Maximipum Treverensem Episcopum: Quod ad ista omnia Julium permovisset. Et hinc lucet, quid Gallicana Ecclesia tum censuerit de Romanis appellationibus. Has omnes schismaticas atque hæreticas Eusebianæ Factionis petulantias noverat Hosius, ideoque sibi Apostolicæ Sedis Legato vidit non dormiendum. Hinc non trepidè, nec dubitanter, nec suppliciter, sed generosè, constanter, & ex Apostolico pectore clamavit ad Sardicensem Synodum: "Sancti Petri Apostoli memoriam honoremus". Adversum hæreticas sceleratæ Factionis petulantias nos Orthodoxi

Episcopi confirmemus data per Christum Dominum sancto Petro Privilegia, Apostolicos de eisdem Canones, & Nicænæ Synodi novissima Decreta. Per hosce Sardicenses Canones invasit ac destruxit & jam dictam Eusebianorum audaciam, & simul ipsorum Canones Antiochenos.

Sextus error est, quod Orientalis Ecclesia istam Sardicensē definitionem non statim admisit, sed semper studuerit excutere. Etenim Sardicā Alexandriam rediens Athanasius transivit per Syriam & Hierosolymam: Et isthic sanctus Maximus Antistes cum ipso celebravit Synodum, in qua publicavit & executus est Acta & Decreta Sardicensia. Audiamus Photii Bibliothecam in Excerptis ex vita sancti Athanasii: "Athanasius, cum pervenisset  
 Lib. 238. „Hierosolymam, Maximo Episcopo & Confessori nota fecit Acta  
 „Sardicensis Concilii. Quodque Constantius Imperator bene er-  
 „ga se animatus sit. Deinde congregat Synodum Episcoporum,  
 „quæ beato Athanasio & communionem, & dignitatem Episco-  
 „palem decernit, & scribit ipsa Synodus Alexandrinis, & omni-  
 „bus in Ægypto ac Libya Episcopis, quæ de Athanasio decreta  
 „essent & gesta. Athanasius autem Alexandriam cum venisset,  
 „Conventus Episcoporum in Ægypto egit, quæ Synodus consen-  
 „tiebat eis, quæ in Sardicensi ac Hierosolymitana Synodo decre-  
 „ta erant". Quod pro Sardicensis Concilii publicatione diversas  
 in Ægypto Synodos celebraverit, testantur Socrates & Hermias  
 Sozomenus. Et suis ad omnes sub cælo absentes Episcopos lite-  
 ris subjunxit Sardicensis Synodus: "Quin & vos quoque, ut  
 „spiritu præsentis in nostra Synodo, studete idem suffragium  
 „conferatis per vestras subscriptiones, quo ab omnibus ubique Sa-  
 „crorum Ministris concordia servetur". Plurimos, & Occiden-  
 „tales & Orientales, subscripsisse demonstrat in secunda ad Con-  
 „stantium Imperatorem apologia sanctus Athanasius. Philippo-Po-  
 „litanus Conventus ei inter cætera impegit, quod per ficta testi-  
 „monia circumscripsisset Julium Pontificem, atque ita obrepisset  
 in communionem. Hinc in laudata apologia adjungit, quod etiam  
 ante Sardicensē Synodum trecenti quadraginta Orientales Episcopi  
 pro ipsius innocentia subscripserint: Ab eisdem probatam,  
 admissam, subscripam, ac publicatam fuisse istam Synodum, vi-  
 detur non dubitandum. Eusebianæ Factionis turbulentissimi incen-  
 tores Ursacius & Valens etiam subscripsere, de suis apud Philippo-  
 polim.

Polim A&is supplicantes veniam. Ex ista Factione plures redierunt ad mentem, & Synodum admiserunt. Eosdem Canones laudat, & secundum ipsos sancti Joannis Chrysostomi appellationem exc- Epist. 29. quitur in literis ad Clerum & Populum Constantinopolitanum sanctus Pontifex Innocentius. Ipsos per omnem Orientem v- guisse testatur Palladius Episcopus Helenopolitanus in Dialogo cum Theodoro Romanæ Ecclesiæ Diacono de vita laudati Joannis. Et hinc plena, plusquam sexcentos & triginta Orientales comple- & tens Episcopos, Chalcedonensis Synodus in prosphonetico sermone dixit ad Martianum Imperatorem: " Illi qui apud Sardicam „contra Arii reliquias conveperunt, Orientalibus direxerunt sui „Constituta Judicii". Palàm asseverant apud se vigère hanc Synodum, & observari. Palàm edicunt inter Canones, quos per singulas Synodos à sanctis Patribus hæcenus constitutos laudat & firmat eorum primus Canon, omninò comprehendi etiam Sardicenses. Eosdem authenticis Canonibus adnumerat Trullana Synodus. Omnem Synodum, ut apud se vigentem, describunt atque exponunt Socrates, Sozomenus, ac præsertim Theodoretus. Hæres. 71. Eandem laudat ac probat sanctus Epiphanius. • Ejusdem meminit Cap. 8. magnus Basilius, nihil in ipsa culpans, nisi reparationem Marcel- li. Post ipsam ad Romanos Pontifices appellarunt Petrus Alexan- drinus, ejus Successor Joannes Thalaia, Maximus Constantino- politanus, sanctus Joannes Chrysostomus, ipsorum Successor san- ctus Flavianus, Theodoretus Cyrensis, Eusebius Dorylæensis, Calandion Antiochenus Episcopus, aliique multò plures. Item Ætius Constantinopolitanæ Ecclesiæ Archidiaconus, Salomon Presbyter, ac plures alii Clerici. Item Leo Sapiens Imperator ab inflicta sibi per Nicolaum Patriarcham excommunicatione pro- vocavit ad Romanam Ecclesiam. Eandem invocarunt sanctus Nicephorus, sanctusque Ignatius, Patriarchæ Constantinopolitani. Et quis nesciat omnes istas appellationes fuisse directas per Cano- nes Sardicenses? Certè magnus Leo, dum sancti Flaviani ad- versus totum Ephesinum Latrocinium interjectam appellationem Epist. 40. rogavit à Theodosio Imperatore permitti suo cursui, adjecit suis Cap. 3. literis: "Quàm autem post appellationem interpositam hoc ne- cessariè postuletur, Canonum Nicææ habitorem Decreta testan- tur, quæ subter annexa sunt". Et adnexuit Sardicensem Cano- nem:



nem. Norat illos vigēre apud Orientales Ecclesias, & haberi pro Nicænis.

Primus apud Orientales Photius cœpit hos Canones arietare : Quo nempe suam ex neophyto Episcopalem intrusionem purgaret, & fomenta quæteret fabricando schismati. At verò rescriptit Nicôlaus Pontifex : " Quod verò dicitis Sardicēse Concilium, vos non habere vel recipere, non facili nobis credendi facultas tribuitur. Maximè cum Sardicēse Concilium, quod penes vos, in vestris regionibus actum est, & omnis Ecclesia recipit, quâ ratione convenerat, ut hoc sancta Constantinopolitana Ecclesia abjiceret, & ut dignum est non retineret? " Et certum est Photium imposuisse. Etenim Canones istos Joannes Scholasticus, tertius istius nominis Constantinopolitanus Episcopus, inseruerat suo Codici, haud dubiè observato apud istam Ecclesiam. Et ipse ante Lapsum Photius inseruerat suo Nomo-Canonî. Photio enim familiare fuit aliud ante, aliud post Lapsum cantare. Quapropter admiranda est Paschasii Quesnelli fiducia, ausi scribere : " Tantæ Authoritatis non fuit apud Episcopos Orientales Sardicēsis Synodus, ut hujusmodi definitioni statim inhærendum esse censuerint. Hoc enim Retractionis jugum à suis semper humeris amoliti sunt, qui ob hanc fortè causam Concilii istius Canones in suas collectiones non retulerunt".

Interim universæ, utique Orientalis, Ecclesiæ codex non continet istos Canones. Hinc Paschasius Quesnellus adeò constanter ipsis obstrepat. Conabor mox occurrere. Septimus ejus error est, quod hoccè Canones etiam Gallicana Ecclesia olim non admiserit. Affirmat Dionysii Exigui Codicem in Gallia non fuisse admissum ante Magni Caroli tempora, ideoque nec Canones Sardicenses. Affirmat hos non viguisse in Gallia, nisi per istum Codicem. Respondeo hujus Codicis in Gallia admissionem non spectare ad præsentem controversiam. Quidquid sit, dico istos Canones semper in Gallia viguisse. Primus Gallicanæ Ecclesiæ Codex, seu Gallicani Codicis prima exordia sunt Innocentii primi epistola ad Viêtricium Episcopum Rothomagensem. Hinc Papa ipsam appellat " Digestas vitæ & morum probabiliū disciplinas, ac librum Regularem, Didascalum, atque Monitorem". Quis ambigat ipsam semper viguisse in Gallia? At verò ejus tertium caput est desumptum

tum partim ex Nicænis, partim ex Canonibus Sardicenfibus: Et per Nicænam Synodum intelligit utramque. Et quod plures Gallorum Epifcopi huic Synodo interfuerint, ac abfentes fubfcriperint, diferte affirmat in fecunda apologia Magnus Athanasius. Exprimit ipforum nomina. Adfuit ſanctus Maximinus Treverorum Epifcopus, ob præſtitum Romanis appellationibus generoſum auxilium degradatus Philippo-Poli. De Hoſio Cordubenſi Epifcopo, Sardicæ reſſeſſo in Hiſpaniam, ſcribit antiqui authoris liber Synodicus: "Cordubæ Epifcopus ſanctiſſimus, Hoſius, Synodum Divinam & ſanctam in ſua civitate convocans, Divinitus expoſitam illuſtravit doctrinam, condemnans eosdem quos Sardicenfis abdicaverat Synodus, & quos ea abſolverat recipiens". Certè exiſtimo ſimilem Synodum fuiſſe celebratam à reſſeſſo in Gallias Maximino, aliſque ibidem Metropolitis. Secunda Turonenſis, inter Gallicanas nequaquam infima, Synodus adverſum incaſtuoſa conjugia innovat antiquos Canones, & adjungit: "Propterea fuit illos iterare neceſſarium, quia dicunt plures, quaſi illud per Prædeceſſorum negligentiam, Sacerdotum illis non fuiſſet apertum. Sed revera mentiuntur, cum ſciamus tales ac tantos viros nullatenus huic negligentiam ſubjacuiſſe, ſed hoc, quod Scripturæ ſanctæ teſtantur, aſſidue prædicæſſe". Eadem diligentia prædicarunt Generalium Synodorum Canones. Proinde quiſquis magnum Maximinum opinatur hæc in re fuiſſe negligentem, jam audivit Turonenſis Synodi de ſua opinione judicium. A laudato Pontifice Innocentio creduntur etiam eſſe Canones Synodi Romanorum ad Gallos Epifcopos. Quidquid ſit, ſunt antiqua, authentica, obſervata per Galliam, & forſitan ad ejus Codicem adjuncta Reſcripta Sedis Apoſtolicæ. Et quædam ſunt palam deſumpta ex Canonibus Sardicenfibus. Nempe capitulum duodecimum, vetans Epifcopum aſſumi ex Laicis, Et capitulum decimum-tertium, ſecundum Nicænum Canonem, ſtatuentem de prima Neophytorum ſpecie, extendens ad ſecundam. Prima ex Gentilibus, ſecunda ſpecies eſt ex Laicis.

Hæc omnia ſimiliter patent ex degradatione ac Romana appellatione Contumelioſi, Reienſis in ſecunda Narbonenſi Provincia Epifcopi, circa quem & Cæſarius Metropolis, & Joannes II. Pontifex, ejusque Succeſſor Agapetus omnia egerunt ex Canone Sardicenſi. Contumelioſus fuerat lapſus in adulterium, & involutus

Cap. 11.

volutus aliis criminibus. Hinc Provincialis Synodus ipsum degradavit, & ad agendam perpetuam poenitentiam clausit in monasterio. Erat convictus & confessus, ideoque nec provocavit. Attamen in sua Synodo habuit fautores, de quibus sanctus Cæsarius: "Quæ est ista Justitiæ inimica benignitas, palpare criminosos, & vulnera eorum usque ad diem iudicii incurata servare? Quod si etiam durissimam eos poenitentiam per plures annos agere videremus, sic nos ipsi & saluti eorum consulere, & Canonum deberemus Statuta servare. Cum verò in aliquibus nec compunctionis humilitas, nec instantia orandi vel plangendi appareat, nec eos Jejunii vel lectioni vacare videamus, possumus cognoscere, si ad honorem pristinum redierint, cum quanta negligentia, & cum quanto tepore, & inimicæ animæ securitate permaneant, credentes quod sic eos non actâ dignè poenitentia admiserit Deus, quomodo Sacerdotes indulsisse videntur". Demonstrat esse falsam, periculosam, immò perniciosam misericordiam. Episcopi isti nolebant Contumeliosum degradari, nec ad perpetuam poenitentiam detrudi in Monasterium, sed solummodo suspendi ad tempus, & tunc reddi Episcopalis communionis honori, de suis infirmitatibus responsurum Domino Deo. Ex quo liquet Apostolicum Canonem, "Oportet Episcopum sine crimine esse", quoad carnalia flagitia cœpisse tunc tepescere in Galliis. Hinc erat causa major atque difficilis. Et ista Episcoporum intercessio habebat aliquid appellationis. Hinc sanctus Cæsarius, summi Pontificis per Galliam Vicarius, ex Sardicensi Canone, & Innocentii ad Victorium Rescripto, post Episcopale Judicium omnia retulit ad Sedem Apostolicam, Contumelioso non permisit ordinari Successorem, & supplicavit ex Romana disciplina instrui. Porro Joannes II. Pontifex probavit Cæsarii iudicium. Contumeliosi degradationem confirmavit, iussit perpetuum claudi in Monasterio, & ipsi creari Successorem. Et dum hoc fiat, dari Visitatorem Reicensi Ecclesiæ. Et ad Cæsarium contra istos indiscretè benignos Collegas instruendum atque armandum transmisit quædam Extracta ex Decretis Siricii Papæ, ex Canonibus Apostolicis, atque Antiochenis. Nempe non de appellatione, sed de sola degradationis causa atque iustitia fuerat consultus, ideoque transmittere non debuit Sardicenses Canones.

Proinde Contumeliosus fuit clausus in Monasterio. Attamen nescio

nescio qua de causa non accepit Successorem. Interim Joannes Pontifex abiit ad meliorem vitam, & successit Agapetus. Coeperunt tunc spirare alii venti : Hinc & Contumeliosus vertit vela. Pœnitentiæ & clausuræ pertæsus provocavit ad Sedem Apostolicam, asseruit se innoxium, & postulavit novum examen. His permotus Cæsarius fecit, quæ ad ipsum rescripsit Agapetus : "Et nos quidem, quamvis culpatus à nobis Emeritus Defensor, Contumeliosum Episcopum reversum ad Ecclesiam suam Charitatis tuæ voluntate firmaverit, usque ad exitum Judicii, quod delegaverimus, ipsum redditâ sibi modò propriâ substantiâ, suspensum interim volumus ab administratione patrimonii Ecclesiastici, & celebratione Missarum. Quia id quod sibi viderat Judicio, fuisse sublatum, gloriosius, si ei veritas suffragatur, Judicio, receperit, quàm usurpationibus occuparit. Melius autem fecerit, Fraternitas tua, si posteaquam Sedis Apostolicæ appellatione interpositâ desideravit examen, circa personam ejus à tempore sententiæ nihil permisisset imminui, ut esset integrum negotium, quod interpositâ provocatione quæreretur. Nam si in executionem mittitur prima sententia, secunda cognitio non habet, quod requirit. Addendum, quia etsi non esset prædictus Episcopus judicationi refragatus, privatam magis potuit secundum Canones expetere secessionem, quàm severitatem Religionis excipere. Suspensus igitur, sicut præfati sumus, Episcopus Contumeliosus habeat tantum, quam præsumpsisse dicitur, celebrationem Missarum : Et patrimonio Ecclesiæ in gubernatione Archidiaconi constituto, ita ut alimonia sufficienter Episcopo non negetur, Visitationem in ejus loco præcipimus ordinari personam, & patienter expectare Judices, quos inspirante Domino constituerimus audire".

Habemus hinc varia. Primò, quod Contumeliosi appellatione, ac Romanæ Ecclesiæ reverentiâ territus Cæsarius Contumeliosum relaxarit à Monasterio, ac redire permiserit ad Episcopalem honorem atque officium. Palam ex Sardicensi Canone, qui à degradationis judicio provocantem Episcopum mandat reverti, perseverare Episcopum, & uti Episcopum per omnia tractari. Propter suspensivam appellationis virtutem. Secundò habemus, quod Contumeliosus statim cœperit se gerere uti Episcopum, & tam spiritualia quàm temporalia administrare. Etiam celebrare Missas,

aliaque exercere Episcopalia ministeria. Tertio, quod Cæsarius Romam legaverit Emeritum, Defensorem suæ Ecclesiæ, omnia hæc expositurum Pontifici. Quarto, quod hæc Cæsarii & Contumeliosi Acta non probaverit Pontifex, ideoque & Emeritum, ad cujus hæc etiam spectabant officium, culpavit. Et rectè. Etenim Synodale degradati Contumeliosi Judicium erat confirmatum à Joanne Pontifice, & datum fuerat novæ Episcopalis creationis Mandatum, ideoque Contumelioso deinceps non suffragabatur Canon Sardicenis. Sententia transferat in rem judicatam, ac proinde appellationi non supererat locus, sed gratiosæ dumtaxat revisioni. Debat ille supplicare restitutionis beneficium, atque interim permanere in humilitate degradati. Hinc Pontifex affirmat, quod Missarum celebrationem ac Ecclesiasticæ substantiæ administrationem præsumpserit: Quod illa usurpationibus occupavit, quæ judicio recipere debuerat. Quinto habemus, quod Pontifex hanc qualemcumque provocationem noluerit carere omni fructu. Dedit ei plures effectus. Primo, Contumeliosum tractari voluit non ut degradatum, sed solummodò ut suspensum, ideoque nec Successorem ei permisit dari, sed Ecclesiam jussit persistere sub Visitatore. Deinde, ipsi indulgit celebrationem Missarum. Tertio, jussit ipsi bona reddi patrimonialia, & subtrahi solam administrationem Ecclesiasticæ substantiæ. Degradato enim Episcopo auferebatur etiam sui patrimonii regimen, & ex ipsius proventibus alebatur. Quarto Pontifex mandat, ut hæc appellatione pendente nihil innovetur aut attentetur. Istud volunt hæc verba: "Melius autem fecerät Fraternitas tua, si posteaquam Sedis Apostolicæ desideravit examen, circa personam ejus à tempore sententiæ nihil permisisset imminui, ut esset integrum negotium, quod interposita provocatione quæreretur. Nam si in executionem mittitur prima sententia, secunda cognitio non habet quod requirar". Videtur Cæsarius argui, quod nescio quid innovasset. Sexto habemus quod ex Judicibus Episcopis aliquos Pontifex Romam evocarit, omnem rei seriem exposituos. Usque ad istorum adventum, & tunc faciendum retractatorium judicium mandat omnia in jam dicto statu quietia persistere. Et ad demonstrandam hujus suæ Interlocutionis Justiciam adjungit: "Præterea ne quid deesset, quod Charitati tuæ videatur incognitum, studio dilectionis Constitutorum fecimus capitula subter  
annecti

„annecti, ut scientiâ communicemur Canonum, sicut participamus effectu". Epistolæ Descriptores, Ecclesiasticæ eruditionis damno, prætermiserunt adjungere Canones. Fuerunt omninè Sardicenses. Quis enim non videat secundum ipsos regi hæc omnia? Lucet & istos Canones tunc viguisse in Gallia, & Romanis Appellationibus ac evocationibus fuisse plenam libertatem.

Octavus tandem Paschasii Quesnelli error atque excessus est, quod etiam Africana Ecclesia istam Apostolicam Appellationis seu Retractionis Prærogativam nunquam admiserit. Et loquitur etiam de Episcopis, atque ita cantat indignissimam ignorantiae aut malitiæ fabulam, infra ex professo discutiendam. Et ipsam persuadere denuò tentat ex infelicissima, non totius Africanæ Diocesis aut Synodi, sed quorundam dumtaxat Episcoporum ad Cælestinum Pontificem epistola. Interim verum est, quod Africani isto tempore Episcopi, etiam sanctus Augustinus, ignorarint Sardicenses Canones. Rationem exquiram atque exponam suo loco.

#### C A P U T XIV.

##### *Exponitur tertium Paschasii Quesnelli fundamentum.*

**T**ertium viri fundamentum est in his verbis :  
 „Quod ad Gallicanam attinet Ecclesiam, hoc  
 „notatu dignum est, de Sardicensibus mentionem non esse factam à sancto Leone, in hac  
 „adversus Hilarium querela, quæ de appellatione nata erat. Solam enim consuetudinem ostendit Pontifex ambiciosus Hilarii, ut putabat, conatibus : Quod magno argumento est Leonem per sanctum  
 „Prosperum, hominem Gallum, quem à Secretis habebat, vel per se ipsum, dum in Galliis ageret, certiores factum esse, hos Canones  
 „à Gallicana Ecclesia non recipi, ut superfluum esset eos in medium adducere. Si enim inserti fuissent Gallicano Canonum codici, in propria causa prævaricatus esset Leo, eos Canones commemorare  
 „omittens, quibus & plurimum Sedi Romanæ deferrebat, & Hil-

„Hilarius tamquam Canonum etiam in Gallia receptorum viola-  
 „tor potuisset judicari : Nisi dixeris Leonem ab his abstinuiffe,  
 „tūm quia repulsam noverat, quam Celestinus Papa ab Africanis  
 „passus fuerat ob istos Canones Nicænis Patribus attributos; tum  
 „quia pro ingenio suo videbat Canones Sardicenses nihil de appel-  
 „lationibus, vel de retractatione sententiæ Romæ peragenda sta-  
 „tuere, sed amplius nihil Romano Pontifici concedere, quàm ut  
 „novum Judicium in eadem Provincia celebrandum indiceret, quòd  
 „in causa Chelidonii ab eo præstitum non fuerat. Quamobrem ve-  
 „ritus, ne parum roboris habitura esset apud Gallos sua epistola;  
 „cui nulli Canones militarent, sed quam potius vetus consuetudo  
 „Canonibus roborata novitatis arguebat, eam curavit Imperatoriâ  
 „Constitutione muniri : In qua quidem & Petri meritum, &  
 „Romanæ dignitatem Ecclesiæ, & sacræ Synodi auctoritatem pro-  
 „Sedis Apostolicæ firmanda amplitudine commemorat Valenti-  
 „nianus, de Sardicensi verò Synodo pro asserendo appellationum  
 „jure mirum servat silentium. Quod argumento est Gallis igno-  
 „tam fuisse disciplinam Sardicensibus Decretis inductam, quæ illis  
 „opponere minimè ausi sunt Romani”.

Respondeo Romanos Pontifices ac alios Patres, dum Romanæ  
 Appellationis jus atque auctoritatem stabiliebant, quandoque so-  
 los Nicænos, quandoque solos Sardicenses Canones, quandoque  
 solam consuetudinem, quandoque allegasse simul omnia. Ita no-  
 ster magnus Leo, qui adversus Hilarium adduxit solam consue-  
 tudinem, in litteris ad Imperatorem Theodosium pro sancti Fla-  
 viani appellatione adduxit solos Sardicenses Canones, dicens Ni-  
 cænos. Ex quo lucet istos tunc solemniter viguisse per omnem  
 Orientem, & his fuisse adnumeratos. Pro hac eadem appellatione  
 Imperator Valentinianus III. in literis ab suum Collegam Theo-  
 dosium adduxit solam consuetudinem, ex qua “ Beatissimus Ro-  
 „manæ Civitatis Episcopus, cui Principatum Sacerdotii super om-  
 „nes Antiquitas contulit, locum habet & facultatem de fide &  
 „Sacerdotibus judicandi”. Hanc à Majoribus traditam consuetu-  
 dinem affirmat ab Augustis Principibus cum omni competenti de-  
 votione defendendam, & uti propriæ venerationis dignitatem san-  
 cto Petro intemeratam conservandam. Eodem modo Authentici-  
 cus Eutychianæ Historiæ Breviulus, seu antiqua super Acacii Epif-  
 copi Constantinopolitani nomine Acta de Joanne Thalaia Patriar-  
 cha

cha Alexandrinæ, Apostolicam Sedem appellante, scribunt: "De  
 „confuetudine Majorum ad Apostolicam Sedem Synodica Scripta  
 „misi". Et subdunt causam suæ Phrasios: "Nam & Priores ejus  
 „similiter Romanæ Ecclesiæ suffugium poposcerunt". Porro pro-  
 priam causam, ex qua magnus noster Leo phrasin ita variarit,  
 fateor me ignorare. Dum scribimus, sumus quandoque ad solam  
 attentis substantiam, & verba sine causis variamus. Existimo quod  
 in sua adversus Hilarium epistola respexerit ad sancti Julii epistolam  
 contra Eusebianos.

Interim præfata Paschasii Quesnelli verba etiam non carent er-  
 roribus. Primus est, quod sanctum Prosperum studeat facere  
 sancti Leonis seductorem aut circumscriptorem, qui persuaserit  
 Sardicenses Canones non admitti à Gallicana Ecclesia. An in istius  
 Ecclesiæ Codicem fuerint relati, nolim disceptare: Certum est fuisse  
 isthic admissos atque observatos. Proinde nec ista petulantia in  
 sanctum Prosperum, nec ista imperitia eadere potuit in doctissi-  
 mum Leonem. Et quod Prosper Romanas è Gallia Appellatio-  
 nes probaverit atque defenderit, ejus Acta evincunt. Etenim quos-  
 dam Gallicanos Episcopos non solummodò ob Pelagianos errores,  
 aut vicinas illis opiniones, sed insuper ob conjectas in sanctum  
 Augustinum blasphemias detulit in prima etiam Instantia ad Se-  
 dem Apostolicam. Forsitan quod ipsorum quidam essent Metro-  
 politæ, atque ita prima in ipsos Instantia spectaret ad sanctum  
 Petrum. Quia Gratiani Imperatoris lex vigeat in Gallia. Por-  
 ro an sanctus Prosper fuerit magni istius Pontificis Secretarius,  
 est res valde incerta. Videtur non fuisse. Etenim in notis ad  
 Apollinaris Sidonii epistolas scribit Jacobus Sirmondus: "Prof-  
 „perum Aquitanum alii Reiensem in Gallia, alii Rhégiensem in  
 „Italia Episcopum faciunt. Sed mea quidem sententia Episco-  
 „pus nunquam fuit". Utraque Ecclesia habuit istius nominis Episc-  
 opum, verum neutrius tempora quadrant in Aquitanum. De-  
 monstrat hoc laudatus Scriptor, ac pergit: "Ut Episcopum  
 „prorsus non fuisse sentiam, facit omnium veterum autoritas.  
 „Victorii de Cyclo Paschali ad Hilarium, Gennadii Scriptorum  
 „Ecclesiasticorum capite octogesimo quarto, Gelasii Papæ de li-  
 „bris Apocryphis, Marcellini Comitis in Chronico sincero, &  
 „non vitiato, Bedæ in Martyrologio, aliorumque, qui cum de  
 „Prospero omnia alia narrent, de Episcopali ejus honore mentio-



„nem nullam faciunt”. Gennadius unicuique Scriptori addit sui gradus titulum : Dicit fuisse Episcopum , Presbyterum , Diaconum , &c. At verò de Prospero dicit : ” Prosper homo Aquitanus”. Istud ipsum in sua Romana Synodo facit sanctus Gelasius , & addit de sancto Prospero : ” Opuscula beati Prosperi , viri Religiosissimi”. Est non leve argumentum. Etenim Joanni Hierosolymæ Episcopo , qui sanctum Hieronymum nominarat non adjuncto Presbyteri Titulo , hic respondit : ” Quis me decapitavit”. Plura sunt , quæ demonstrent istos Titulos olim nunquam fuisse prætermisso. Prætermissio erat contumelia. Prosper igitur fuit Monachus . & Laicus , ideoque possit non fuisse sancti Leonis Secretarius . Certè tantum munus videtur non cecidisse in Laicum Monachum . Attamen præfatus Gennadius adjungit : ” Epistolæ , Papæ Leonis adversus Eutychen de vera Christi Incarnatione ad ,diversos datæ , à Prospero dictatæ dicuntur”. Vox ” ,Dicuntur” , affirmat rem esse dubiam . Ut ut sit , laudatæ epistolæ palam prædicant Sardicenses Canones , atque ita liquet hos istarum , quicumque fuerit , auctori placuisse . Parùm refert ad præsentem materiam .

Alter excessus est , quod denuo laudet infelicissimam quorundam Africanorum Antistitem ad sanctum Pontificem Celestinum epistolam , ac in ipsa fundet sua adversus Apostolicam Sedem tentamina . Est res indignissima , lamentanda in Doctore Catholico . Excessus tertius est , quod sanctus Leo pro suo ingenio viderit Sardicenses Canones nihil de appellationibus , vel de Retractione sententiæ Romæ peragenda statuere , sed amplius nihil Romano Pontifici concedere , quàm ut novum indicat Judicium , in eadem Provincia celebrandum . Sunt Paradoxa , partim revicta in superioribus , partim mox largius revincenda . Quartus excessus est , quod sancti Leonis epistolæ nulli militarent Canones . Etenim non solos Sardicenses , sed etiam Nicænos militasse , supra demonstratum est lucido atque irrefragabili testimonio sancti Julii Pontificis . Quintus excessus est , quod vetus , Canonibus roborata , consuetudo epistolam novitatis arguerit . Ad similes Acaciani schismatis nugas olim reposuit sanctus Papa Gelasius : ” Viderint si alios habeant Canones , quibus suas ineptias exequantur . Cæterum isti , qui Sacri , qui Ecclesiastici , qui legitimi , celebrantur” , Leonis epistolam fulciunt & firmant . Quorundam hodie

hodie adversus Divinam Apostolicæ Sedis dignitatem conspiratio reverà habet alios Canones. Etenim D. Petrus de Marca producit Philippo-Politani Conventiculi literas, Eusebianas, Schismaticas, Hæreticas, ab omni sub Cælo Ecclesia damnatissimas: Et ex ipsis studet sanctum Petrum denuò cribrare.

Sextus excessus est, quod suæ epistolæ infirmitatem sciens Sanctus Leo, ipsam curaverit Imperatoriâ constitutione muniri. Arguit Pontificem, quod ea quæ per Justitiam & Canones non poterat, fuerit executus per Laicam violentiam. Etiam in alio loco non erubescit Sanctum Leonem infamare de variis excessibus, & scribit inter cætera: "Quartò denique in Canones peccasse videtur Leo, cum per Imperatoriam Sanctionem Gallicanæ Ecclesiæ consuetudini derogare primus tentavit, illudque à Valentiniano tertio Edictum obtinuit". Canonibus adversari affirmat hæc Edicti verba: "Ne quid tam Episcopis Gallicanis, quàm aliarum Provinciarum liceat sine Viri venerabilis Papæ Urbis æternæ autoritate tentare, sed illis, omnibusque pro Lege sit, quid sanxit, vel sanxerit Apostolicæ Sedis autoritas". Est Sanctissima Constitutio: Absit ut sacris Canonibus adversetur. Istud non de appellandi jure aut more sanxit, sed de Episcoporum Consecrationibus, circa quas Hilarius gravissimè exceßerat. Porro quis nesciat omnium, etiam Provincialium, Episcoporum non solam Confirmationem, sed etiam Consecrationem spectare ad Patriarcham? Est certa & clara Sanctio sexti Nicæni Canonis, adeoque est Canon Apostolicus. Ad Gallicanos enim Episcopos de Nicæna Synodo rectè scripsit primus Innocentius: "Episcopi in unum congregati Apostolicas traditiones ad omnium notitiam pervenire voluerunt". Nicænos Canones affirmat esse Apostolicos. Secundùm hos igitur Canones Romanus Antistes cunctorum per suum Patriarchatum Episcoporum præviam Confirmationem & Consecrationem potest ad se trahere, Metropolitanis permittere, variè de ipsis ex arbitrio disponere. Hoc firmat atque exequitur laudata Valentiniani constitutio, atque ita nullatenus impingit in Canones. Evertit Hilarii calumniam, qui in Galliam redux ad depravandos Collegarum animos blaterabat, quod Pontifex omnium Provinciarum Ordinationes sibi vellet defendere. Augustus Princeps affirmat ipsum Jure id omnino posse. Est res alterius loci. Interim Paschasius Quesne-

lus.

lus, quot ibi verba, tot habet in magnum Leonem contumelias.

Ista Augusta constitutio adeò perstringit atque offendit hujus viri oculos, ut ad circumscribendam ejus auctoritatem cogatur etiam Episcopo Hilario, suo dilectissimo clienti, maledicere. Plura rursus congerit ex infelicissima atque erratica quorundam Afrorum epistola, & pergit: "Quis non acquiescat tot rationum momentis, quibus quid opponi possit, planè non video, nisi sancto Leoni visum esse pro Ecclesiæ bono, & ad minuendam Hilarii potestatem, quæ adversariis gratiæ Dei in Gallia invalescentibus animos addebat, novum sibi jus parare, Imperatoris auctoritate munito, cujus animam pro arbitrio, quò vellet, inclinabat". Quis hunc virum ad maledicendum conduxerit, ignoro. Maledicit Magno Leoni, quod Papalem auctoritatem tentaverit ultra metas transfigere. Maledicit Augusto Valentiniano, quod Pontifici ad novitates, ideoque & ad iniquitates serviliter obediverit. Maledicit sancto Hilario, quod Semi-pelagianæ perfidiæ fuerit Princeps atque incentor.

Septimus tandem alius error atque excessus est, quod ista Constitutio pro asserendo Romanæ Appellationis jure non adducat Canones Sardicenses. Respondeo adducere. Audiamus ejus exordiam: "Cum Sedis Apostolicæ Primatum sancti Petri meritum, & Romanæ dignitas civitatis, sacræ etiam Synodi firmaverit autoritas". Constitutio agit etiam de admittendarum appellationum Primatu, ideoque & Nicenam laudat Synodum, & Sardicensem. Lucet ex aliis ejusdem Imperatoris literis ad Collegam Theodosium, scriptis pro admittenda appellatione sancti Flaviani. Affirmat ipsum appellasse "secundum solemnitatem", seu solemnem constitutionem "Conciliorum". Utrique Nicæni & Sardicensis. Tam hæc literæ, quàm ista Constitutio agunt de partitorum causa, & haud dubiè sunt ab eodem Secretario. Proinde ille easdem utrobique intellexit Synodos. Quidquid sit, Romanæ Appellationis jus non fundatur in sola Synodo Sardicensi.

Piissimam Valentiniani Constitutionem venerata semper fuit omnis, Gallicana præsertim, sub cælo Ecclesia, ideoque indignum, ac nullatenus tolerandum est ipsam hodie à nescio quibus hominibus ita conspui, & conculcari. Ex ipsa sanctus Hilarus Pontifex pro Leontio Arelateni Episcopo adversum Mamerti Viennensis Episco-

Episcopi excessus scripsit ad Gallicanos Episcopos : " Christianorum quoque Principum lege decretum est, ut quidquid Ecclesiis, eorumque Rectoribus, pro quiete omnium Domini Sacerdotum, atque ipsius observantia disciplinæ, in auferendis confusionibus Apostolicæ Sedis Antistes suo pronuntiasset examine, veneranter accipi, tenaciterque servari". Et statim subdit : " Nec unquam possent convelli, quæ & Sacerdotali Ecclesiastica præceptione fulcirentur & Regiâ". Eandem in quarto Capitularium Additamento laudat ac firmat Imperator Ludovicus Pius : " Culpanantur Episcopi, qui aliter erga fratres egerint, quàm Apostolicæ Sedis Papæ fieri placuerit". Quin immò Petrus de Marca affirmat istius Constitutionis pro Romanæ Ecclesiæ Primatu verba esse adedò lucida & veneranda, " ut hujus sæculi Novatoribus possint sanguinem suffundere". Et adjungit : " Hæc novellâ Constitutio Codici Theodosiano adjuncta est, ejus Codicis usus, apud Gallos, Romanæ Legis nomine, in rebus Ecclesiasticis invaluit". Et hoc demonstrat ex antiquis Gallicanæ Ecclesiæ Synodis, ac Regum Edictis. Proindè frontem sub axillis gerunt, qui hodie de sua in istam Legem maledicentia non erubescunt. Nempè novam Hierarchiam diligunt, & tentant Mundo obtrudere, idedòque calcanda sunt antiqua omnia.

Prætermitti non possit eximium ac insigne elogium, quod præfatæ Legi impertit Honorius Pontifex in litteris ad Sergium Sub-Diaconum. Honorius Calaritanum Episcopum, Sardiniae Metropolitanam, & quosdam ejus Clericos, de nescio quibus accusatos, ad suum Tribunal evocaverat. Et Metropolitam obediit ac venit, verùm Clericos momordit, & morata est propria conscientia, ac fecit contumaces. Hinc Pontifex Barbarum, Romanæ Ecclesiæ Regionarium Defensorem, misit ad Sardos, qui Clericos potenter adduceret. Et ipsos navi imposuerat. At ecce Theodorus, Sardiniae Præses, ipsos Defensori violenter eripuit, ac transmisit in Africam. Hinc Pontifex se convertit ad Georgium Africæ Præfectum, postulavit sibi tradi Clericos, & castigari Præsidentem, ac alias litteras addidit ad Sergium Sub-Diaconum : " Exemplar Sacræ Theodosii ac Valentiniæ tuæ Experientiæ curavimus destinandum, & Eminentissimo Præfecto per tuam Experientiam dirigendum, cujus series non solum ejus Eminentiam, verùm etiam omnes omninò, qui à Sedis Apostolicæ ditione exorbita-

„re contendunt, nihilominus informare possit. Quemadmodum  
 „Serenissimi Principes hactenus omnes innovaverunt cuncta Privi-  
 „legia Sedis Apostolicæ, & quæ olim eidem sunt concessa, ipsa  
 „lectione poterunt approbari. Nam de Domini Dei nostri mise-  
 „ricordia confidimus, quod Jura vel Privilegia beati Petri cura-  
 „bimus expetere, atque immutilata intentione quæsitâ atque im-  
 „pertita defendere. Tua ergo Experientia, ejusdem Sacræ teno-  
 „re attentius relegendo sufflata, non solum Eminentissimo Præse-  
 „cto, sed etiam aliis hæc eadem insinuare non differat". Palam  
 & constanter affirmat laudatam legem plenissimè viguisse per om-  
 ne Imperium, per omnes Occidentis Ecclesias, per ipsam firma-  
 ri Apostolicum Canonem, datamque ab ipso potestatem, quâ Ro-  
 manorum Episcopus non solos in appellatis causis Provinciales  
 Episcopos, sed etiam in prima instantia Occidentales Metropolitans,  
 & eorum excessibus admixtos Clericos possit ad suum in alma ur-  
 be Tribunal evocare, & compellere.

## CAPUT XV.

*Sancti Leonis circa Chelidonium Acta purgantur  
 à prima Paschasii Quesnelli calumnia.*



Paschasius Quesnellus sanctum Hilarium Roma-  
 næ Chelidonii Episcopi Appellationi recalcitrando,  
 & sui Synodalis Judicii auctoritatem in-  
 appellabilem contumaciter sustinendo, legiti-  
 mè secundum Canones egisse; sanctum autem  
 Leonem isti appellationi deferendo, istudque  
 judicium exsufflando, affirmat egisse perperam  
 contra continuâ serie custoditam consuetudinem ac disciplinam,  
 & plius æquè studuisse amplitudini suæ Sedis, atque prosequitur:  
 „Verum non in eo solum Canones sanctus Leo visus est minis  
 „attendisse in præsentî adversus Hilarium concertatione. In hoc  
 „etiam à Sardicensibus, quorum maxime autoritari incumberebat,  
 „recessit, quod causam Chelidonii extrâ Provinciam examinandam  
 „susceperit, & absque primorum Judicum communione eam in suo  
 „Judicio retractarit: Quod tentatum prius non fuerat ab ejus Præ-  
 decesso-

decessoribus, qui saltem Sardicensium Canonum limites non ex-  
cesserant. Isti autem Canones ita redintegrandi Synodorum Pro-  
vincialium Judicii potestatem faciunt Romano Episcopo, ut ta-  
men velint novos ab eo Judices decerni ex vicina Provincia,  
qui una cum Judicibus, à quorum sententia appellatur, iterato  
examine intertunt. Hoc enim necessarium erat ex Decretis Sar-  
dicensibus, ut priores Judices posterioris examinis participes es-  
sent, quemadmodum ab Illustrissimo Marca observatum est.  
Neutrum fecit sanctus Leo, sed totam sibi causam reservavit  
proprio subiiciendam examini, Judicioque absolvendam. Hæc  
sua Commenta iterum stabilit ex infelicissima ac prævaricatoria  
quorundam Africanorum Antistitum ad sanctum Pontificem  
Celestinum epistola, & adjungit: "Has disciplinæ regulas à stre-  
nuo suo Præfessore Cypriano hauerant Beatissimi Patres,  
quorum pars magna Augustinus erat". Sanctum Leonem arguit  
de duobus. Primo, quod retractatorium Judicium non dele-  
garit in partibus, sed appellantes atque appellatos evocaverit ad  
suum Tribunal. Hanc evocationem censet adversari Canonibus  
Sardicensibus.

Hujus opinionis nec Paschasius Quesnellus, nec Petrus de  
Marca est primus Author. Eandem sæculo nono pertinaciter  
sustinuit Hincmarus Metropoli Rhemensis. Etenim ad suum  
nepotem Hincmarum Laudunensem Episcopum, qui degra-  
datus Romam appellaverat, & volebat accedere, dicit in Duzia-  
censi Synodo: "Diversi Canones Episcopum à congregatis Re-  
gionis Episcopis de gradu suo dejectum, à finitimis Episco-  
pis cum ejusdem Provinciæ Episcopis, Apostolicæ Sedis au-  
thoritate, vel cum à Latere suo Directo, in Provincia, in qua  
ventilata & judicata est, jubent audiri". Et ipsum item pro-  
bat ex præfata Afrorum epistola, nec non ex magni Gregorii  
litteris ad Columbum Episcopum Numidiæ. Et cum universa  
ista Synodo Hincmarus ad Adrianum secundum Pontificem  
scripsit tolemissimas literas, omne suum de Laudunensi Hinc-  
maro Judicium retulit, supplicavit confirmari, atque adjunxit:  
"Si fortè, quod non putamus, visum vobis necessariò fuerit, Part. 5.  
ut secundum Sardicenses Canones renovetur Judicium, detis Cap. 1.  
Judices, scribendo Episcopis, qui in finitimis & vicinis Pro-  
vinciis sunt, ut & ipsi diligenter omnino requirant, & juxta

„fidem veritatis diffiniunt. Vel si decreveritis mittere à Latere  
 „vestro habentes auctoritatem vestram, qui cum Episcopis Ju-  
 „dicent, eo in gradum non restituto, sicut sacri Sardicenses  
 „Canones præcipiunt, non abnuimus". Denuo se fundat in  
 „ista Afrorum epistola, & concludit: "Quia ergo nos, quantum  
 „scimus & possumus, privilegium sanctæ & primæ Sedis Ro-  
 „manæ & confirmare, & ob audire, & extollere cupimus atque  
 „satagimus, servet vestra Paternitas, & à Deo in prima Sede  
 „constituta auctoritas, nobis filiis & subjectis suis Episcopis  
 „Ecclesiastica privilegia, à sacris Canonibus, & vestris Decef-  
 „soribus atque Prædecessoribus, nostris Decefforibus atque Præ-  
 „decessoribus confirmata. Quatenus & Apostolica Sedes pro-  
 „prium vigorem retineat, & à se concessa aliis Jura sua non  
 „minuat". Et hæc stabilit auctoritate magni Gregorii, non  
 „semel scribentis ad suos Episcopos: "Mihi ipsi injuriam facio,  
 „si Fratrum meorum Jura perturbo". Affirmat Sardicensem  
 „Canonem semper in Gallia fuisse sic intellectum atque obser-  
 „vatum. Destinata fuit hæc epistola per sanctum Arctardum  
 „Episcopum Namnetensem. At retulit Rescripta non placentia.  
 „Adrianus Pontifex Sardicenses Canones intellexit aliter, & Hinc-  
 „marum Laudunensem, itemq; ejus Adversarios voluit ad se trans-  
 „mitti, & causam eorum coram se retractari. Rhemensis Hinc-  
 „mari artes, Romæ jam pridem notissimas, videtur notasse suis  
 „coloribus. Hinc sine suo Præsidente Duziacensis Synodus denuò  
 „scripsit: "Apertissime jubent sacri Canones Sardicenses, ut  
 „Episcopi in Provincia qualibet regulariter judicantes Episco-  
 „pum, post judicium scribant Romano Pontifici, qualiter caus-  
 „sam examinarint judicati Episcopi, dicentes"; Ut si aliquis  
 „Episcopus judicatus fuerit. "Et paulo post": Scribatur ab his,  
 „qui causam examinarunt, Julio Romano Episcopo. "Et ne  
 „quolibet in hoc interpendere posset, in quarto & septimo  
 „Capitulo id ipsum consequenter repetendo, ac apertius mcul-  
 „cando explanant, dicentes": Cum aliquis Episcopus depositus  
 „fuerit. Et: Si Episcopus accusatus fuerit, & judicaverint, &  
 „de gradu suo eum dejecerint Regionis Episcopi, & appellaverit  
 „qui dejectus est, & confugerit ad Episcopum Romanæ Eccle-  
 „siæ, & voluerit se audiri, & justum putaverit, ut renovetur  
 „examen, det Judices. Id est, scribere his Episcopis dignetur,  
 „qui

qui in finitima & vicina Provincia sunt, ut ipsi diligenter omnino requirant, & juxta fidem veritatis definiant. "Et reliqua, sicut ibidem Canon prosequitur. Et sancti Innocentius, Bonifacius, ac Leo consonanter ex eisdem sacris Canonibus promulgarunt, quæ Canonibus ipsis conveniunt, ut in promptu esse legentibus constat." Hanc in rem congerunt plurima, ex quibus pertinaciter censent suam opinionem manifestò demonstrari. Attamen Pontificem, qui Laudunensem cum suis adversariis Antistitem sibi sibi serio mandarar, non ausi deinceps offendere, addiderunt: "Apud Dominum Regem obtinuimus, ut quicumque vellent de Clero & familia Laudunensis Ecclesiæ Romam cum Hincmaro Episcopo ire, haberent licentiam. Pergat igitur secundum Mandatum vestrum, non abnuimus, non contendimus, non resultamus. Et sententia Sedis Apostolicæ secundum sacros Canones, & Decreta ipsius Sedis Pontificum, de illo exequatur. Et ea, ut Leo decernit, quæ juxta Ecclesiasticum morem justè & rationabiliter à nobis sunt definita, vestrâ quoque sententiâ roborentur". Conantur Pontificem bonis verbis circumscribere. Nec enim Laudunensis Ecclesiæ Clericos aut mancipia, sed quosdam è Judicibus Episcopos adjungi Hincmaro jusserrat Pontifex, & Romam ad retractandum judicium transmitti. Nempè Rhenensis Hincmari, è cujus versatili ingenio prodierunt omnes hæc literæ, animo firmissimè infixum stabat, nunquam permitttere istud Romanum Judicium. Hic ergo est originalis fons, ex quo prodeunt hæc nova adversus Apostolicam Sedem Dogmata.

Respondeo sanctum Leonem rectissimè per omnia egisse in causa Chelidonii. Etenim Julius Pontifex, qui ob sancti Athanasii, & aliorum Orientalium Antistitum Romanam Appellationem aliquos ex ipsorum Judicibus ad retractandas causas evocarar Romam, ad Antiochenam ac refractariam Eusebianæ Factionis Synodum rescripsit: "Quid actum est dignum offensâ? Aut quæ in re vobis, quibus scripsi, causam succensionis præbui? Qui enim benè sentiunt de iis quæ egerunt, & in quibus ipsi Judices fuere, non indignanter ferre solent, si quod ab ipsis judicatum est, ab aliis excutatur. Quippe qui securi sint, ea quæ ipsi justa judicaverunt, injusta nunquam fieri posse". Affirmat



hanc esse antiquam Ecclesiæ consuetudinem, confirmatam in Nicæna Synodo, & redactam in Scriptum. Et concludit: "Morem, qui semel in Ecclesia obtinuit, & à Synodo confirmatus est, iniquum est à paucis abrogari". Palàm agit de appellatarum causarum, & ambarum in ipsis partium ad Romanum retractaturi Pontificis Tribunal evocatione. Antiochenam Synodum, quæ per dolosos Canones ipsam impugnabat, arguit horrendæ contumaciæ, & perniciosæ novitatis.

Et prosequitur: "Quin ne hoc quidem concessu, quidquam æquum habet vestra offensio. Siquidem vestri Legati, Macarius, Presbyter, & Hefychius ac Martyrius Diaconi, nullo modo, cum hue venissent, pares Presbyteris ab Athanasio missis, ac semper ab illis convicti, refutatiqûe, Concilium indici à nobis postularunt, literasqûe & ad Eusebianos, & ad Athanasium Alexandriam, quibus convocarentur, mitti, ut coram omnibus iusto iudicio de causa cognosci possit: Tum enim se de Athanasio probaturos esse, quod jam nequirent. Publicè enim coram nobis Martyrius & Hefychius refellebantur, Athanasii Presbyteris bona cum fiducia alacriter resistentibus. Martyrius verò cum suis, si vera dicenda sint, ubique profligabatur, ac proinde Concilium generale postulabat. Si igitur Martyrio & Hefychio nullam Synodum postulantibus, adhortatus fuisset, ut ad Synodum, qui ad me scripsissent, convocarentur, idqûe in gratiam fratrum, qui se injuriam pati conquerebantur, etiam vel ita æqua & iusta fuisset nostra cohortatio: Cum ea sit & Ecclesiastica, & Deo grata. Jam ubi eidem illi, qui à vobis pro gravibus viris, & fide digni habiti fuere, Authores mihi fuerint, ut vos convocarem, certè id à vobis ægrè ferri non debuit, sed potius alacriter ad citationem occurrere. Quapropter indignatio eorum, qui hac citatione offendantur, temeraria, & tergiversatio sistendi se iudicio inhonesta & suspiciosa videtur. An quisquam stomachari debet, si quæ ipse fecit, ab aliis fieri videat? Si enim, ut scribitis, inconcussam habet auctoritatem quælibet Synodus, & contumeliôsè agitur cum Iudice, cujus Iudicium ab aliis examinatur, considerate, quæso Dilectissimi, quinam sint, qui Synodum improbant, & qui aliorum iudicata rescindunt, ne singula excutiendo certos homines gravem".

Pontifex docet varia. Primò, antiquam Ecclesiæ, præsertim jam

jam à Nicæna Synodo confirmatam, consuetudinem esse sufficientissimum veritatis, & rectè administrati à se officii argumentum ac fundamentum. Deinde, licet hoc fundamentum non adesset, suas in hoc negotio actiones fulciri aliis principiis, subministratis per ipsam Eusebianam Factionem. Etenim ejus Legati, quod sancti Athanasii Legatis non possent resistere, postularunt ipsos Principales, nempe ipsum Athanasium, & aliquos ex ipsis Tyriæ ac Antiochenæ Synodorum Episcopis evocari per Pontificem, & per ipsos, & coram ipsis causam retractari. Postularunt generale Concilium: Non totius Ecclesiæ, sed commune Partibus contendentibus. Istud hic dicitur generale. Papa supponit ipsos egisse secundum Ecclesiæ mores & Canones, ideoque & sua Acta ab ipsis justificari. Tertio affirmat se ad talem decernendam ac exequendam evocationem non indignuisse postulatu aut consensu Partium: Evocari à se posse etiam invitos. Et utitur judiciali vocabulo, "Citari". Hinc concludit Eusebianorum tergiversationem esse temerariam, inhonestam, suspiciosam: Utique de propria causa & conscientia. Et adjungit tergiversationis fundamentum: Quod nempe Eusebiani in Antiochena Synodo contrà omnem antiquitatem jam blaterare cœpissent Orientalium Synodorum auctoritatem esse inconcussam, ideoque ab ipsis non posse Romam provocari. Affirmat esse lepidum factionis judicium. Etenim ipsa sacrosanctas ipsius Nicæni Concilii sententias impudenter sine fronte rescindebat & exufflabat; at verò sua factiosa, iniqua, & palam scelerata apud Tyrum & Antiochiam judicia volebat esse immobilia & sacrosancta. Hic est omnino primus fons, ex quo Paschasius Quenellus ac ejus Symmistiæ potant turbidas aquas, & ex ipsis universam Ecclesiam student contrà Apostolicam Sedem inebriare. Profero alta verba, at non sine rationibus. Etenim Eusebiana factio non de Provincialibus, sed de solis Patriarchalibus Synodis sanxit: Quin Provinciales possent ad Patriarchalem retractionem provocari ac evocari, apud ipsam erat, ac etiamnum apud Photiani Schismatis Sectatores est indubitatissimum. At verò hi novi Dogmatistæ etiam hæc judicia volunt abrepta Romanæ Ecclesiæ. Evertunt non solam Papalem dignitatem, sed etiam Patriarchalem.

Julius Pontifex prosequitur: "Macarius Presbyter, ac Martyr, ac Helychius Diaconi, autores nobis fuerunt, ut Alexandriam

„driam scriberemus cuidam Pisto, quo tempore etiam Athanasius  
 „Alexandriæ versabatur. Hunc autem Pistum Athanasii Presby-  
 „teri supervenientes docuerunt Arianum esse, & eo nomine ab Alex-  
 „andro & Nicæna Synodo reum factum, gradumque sui Ordinis  
 „à quodam Secundo, quem magna Synodus ut Arianum rejece-  
 „rat, accepisse. His verò nec Martyrii quidem totales contradi-  
 „cebant, neque Pistum à Secundo fuisse constitutum negabant.  
 „Videtis igitur vel ex hac causâ, qui potius in culpa habendi sint,  
 „nosne, qui persuaderi non potuimus, ut Ariano Pisto literas  
 „scriberemus, an illi, qui mihi consilium dedere, ut contempto  
 „magno Concilio ad impios hæreticos, velut ad pios homines,  
 „literas darem? Certè Macarius Presbyter, cum Legatus ab Eu-  
 „sebio venerat, ubi audivit Athanasii Presbyteros Pisto obsistere,  
 „nosque ejus præsentiam non admittere, unâ cum Martyrio &  
 „Hefychio, quamvis gravi valetudine, de postea profectus est: Ut  
 „non inconcinne divinarem cum impatientiâ refutati Pisti fugam  
 „arripuisse. Impossibile enim est Secundi ordinationem, utpotè  
 „Ariani, vim ullam in Catholica Ecclesia habere. Id enim verè  
 „ad Synodi, & Episcoporum, qui in Synodo fuere, contumeliam  
 „vergeret, si quæ illi tanto studio & curâ, veluti Deo præsen-  
 „te, egissent, à nobis ut vana & futilia abrogarentur”.

Pistus est unus ex Arji congerronibus, qui unâ cum ipso &  
 aliis istius impietatis Authoribus subscripsit infami contra sanctum  
 Alexandrum Alexandriæ Patriarcham epistolæ. Subscripsit in hunc  
 modum: "Pistus qui Alexandriæ ab Arianis collocatus est". Ex-  
 stat epistola apud sanctum Epiphanium. Elogium istud existimo  
 non fuisse ab ipso Pisto adjectum, sed vel à laudato Alexandro,  
 vel à sancto Athanasio, vel à quovis alio, qui epistolæ exemplar  
 ad perpetuam rei memoriam indidit Archivis Alexandrinæ Eccle-  
 siæ. Etenim dum scribebatur epistola, Pistus necdum erat collo-  
 catus Alexandriæ. Alioquin non ultimus subscripsisset, sed pri-  
 mus. Hic igitur sceleratus hæreticus, dum Ariana factio omnem  
 Dei ac hominum projecit reverentiam, à Secundo Pentapolitano  
 Episcopo fuit contrâ sanctum Alexandrum creatus Alexandrinus  
 Episcopus, erectus in turbulentissimum Idolum. Novo suo Al-  
 tari facinorosa factio dedit novum Antistitem. Ille erat cum suo  
 consecratore Secundo jam damnatus à sancto Alexandro, nec du-  
 bitandum videtur, quin tunc fuerit iterata damnatio. Quidquid  
 sit

fit, ejus damnatio fuit iterata & confirmata Nicææ. Igitur Eusebii Nicomedienſis Epifcopi, & cunctæ iſtius factionis Legatio, dum appellantis Athanaſii Legationem expectat Romæ, familiariter egit cum Julio Pontifice, & ejus benignitate abutens ſtudit circumſcribere. Laudavit Piſtum, contrita eſt eſſe innocentem, & non tantummodò ab Alexandro, ſed etiam Nicææ malè damnatum: Addidit non minùs quàm Athanaſium provocaffe ad Sedem Apoſtolicam, ideòque etiam ipſum ſupplicavit evocari Romam, ac ejus cauſam retractari. Et Pontifex videtur non fuiſſe alienus. At interim advenit ſancti Athanaſii Legatio, expoſuit Piſti Acta & cauſam, aique ita ſanctiſſimum Pontificem præſervavit ab iſto præcipitio. Porro Antiochena Synodus jam ſanxerat Orientalis Eccleſiæ judicia eſſe inappellabilia, ideòque nec Appellantes, nec Appellatos poſſe Romam evocari. Laudata igitur Julii epiſtola huc Schiſmaticæ præſumptioni opponit prætorum Legatorum pro Piſto tentamina: Admiratur Patriarchalis Synodi ſententias jam prædicari inconcuſſas ab iſtis ipſis, qui nuperimè per ſuos Legatos profeſſi fuerant ab ipſa etiam Oecuménica Nicæna Synodo poſſe provocari ad ſancti Petri Cathedram, atque hæc viâ ſtuduerant ſuum Piſtum adjuvare. Qui Athanaſii ad dictas in ipſum ſententias retractandas evocationem probarant, & ſupplicarant etiam Piſtum evocari. Qui hoc poſtularant tanto impetu, ut ob repulſæ impatientiam Româ auſugerint inſalutato Pontifice, de nocte, gravi valetudine. Ex his Pontifex concludit iſtiusmodi Romanam evocationem eſſe antiquam conſuetudinem, nunquam ab aliquo pullatam, niſi jam ab Antiochena Synodo. Et concludit per hanc ironiam: " Nos ſcilicet diſcordiam induximus, qui compatimur cum patientibus fratribus, & omnia ſecundùm Canonem facimus". Et inferiùs: " Hæc poſſiſſima mihi ſcribendi cauſa fuit, ut huc veniretis, quò vobis præſentibus omnia cotrigi & ſanari poſſent. Ac propterea alacriùs à vobis, & ſine recuſatione occurrendum fuit, ne qui hætenùs iſtorum ſcelerum infamiâ laborant, contumaciâ non comparendi in judicio libellos contrà ſe datos videantur reſellere non potuiſſe. Cum igitur talia rumoribus & famâ circumferantur, tantasque injurias Eccleſiæ patiantur, & iſtiusmodi inſidijs vexentur, quinam quæſo ſunt, qui ſtammam diſcordiæ accendunt? Noſne, qui iſta dolemus, & patientibus fratribus compatimur; an illi

„illi qui hæc scelera designant”? Constanter asseverat se & agere in his, & egisse secundum Canones. Unde & omnia ejus Acta probavit atque confirmavit Sardicensis Synodus.

Et certè omnia appellatarum ante Nicænam Synodum caussarum retractatoria Judicia fuerunt acta Romæ. Basilidis ac Martialis, Hispanorum Antistitum, damnationem isthic retractavit Stephanus Pontifex. Fortunatus, Pseudo-Episcopus Carthaginensis, cum pessima Felicissimi Diaconi & quinque rebellium Presbyterorum factione, acturus contra sancti Cypriani ex-Neophyto Episcopalem creationem, & ab ipso datum in se judicium, Romam navigavit ad sanctum Cornelium. Etiam Donatistarum adversus Cecilianum provocatio fuit retractata Romæ per sanctum Melchiamdem. Hanc igitur consuetudinem probavit, confirmavit, ac in Scriptum redegit Nicæna Synodus. Eandem secutus sanctus Julius. Et hinc omnia ejus Acta stabilivit Sardicensis Synodus. Scripsit enim ad Alexandrinam Ecclesiam: „Qua in re aequitas „judicii fratris & Co-Episcopi Julii liquidissimè apparuit, qui non „temerario consilio, sed cum matura deliberatione sententiam tulit”. Et in relatione ad ipsum Julium: „Orientales Episcopi „conventi per Presbyteros tuos, & per epistolam, ad Synodum, „quæ futura erat in urbe Roma, venire noluerunt”. Et in litteris ad universos sub cælo Episcopos: „Eusebianorum Syconphantia ex eo præcipuè cognosci potuit, quod accersiti à dilecto nostro Comministro Julio, judicio non steterint. Accessissent enim, si Actorum suorum in Comministros nostros fiduciam habuissent”. Hanc contumaciam Synodus omninò damnavit.

Quocirca Sardicenses Canones hanc evocandi potestatem nullatenus eripuerunt Romano Pontifici. Absit. Sic enim sancti Petri memoriam non honorassent, sed gravissimè castrassent & circumscripsissent. Ausi fuissent aliquid constituere supra istum, cui Dominus concessit omnia. Hæc sunt verba tertii Canonis: „Si „Pontifex judicaverit renovandum esse judicium, renovetur, & „det Judices”. Septimus Canon addit: „Si Romanæ Ecclesiæ „Episcopus justum putaverit, ut renovetur Judicium, vel discussionis examen, scribere his Episcopis dignetur, qui in finitima „& propinqua Provincia sunt, & ipsi diligenter omnia requirant, „& juxta fidem veritatis definiant. Quod si is qui rogat causam

fam

„*sam suam iterum audiri, deprecatione moverit Romanum Episcopum, ut de Latere suo Presbyterum mittat, erit in potestate*  
 „*Episcopi quid velit, & quid æstimet. Et si decreverit mittendos esse, qui præsentibus cum Episcopis judicent, habentes eius*  
 „*authoritatem à quo destinati sunt, erit in suo arbitrio. Si vero crediderit Episcopos sufficere, ut negotio terminum imponant,*  
 „*faciet quod sapientissimo suo consilio judicaverit*”. Sensus est: Retractatorias Episcopaliū appellationum causas Romanus Antistes non solummodò per semetipsum agitare possit, sed & ipsas delegare: Vel eidem Provinciæ, vel Provinciæ vicinæ, vel etiam Legatis è suo Latere. Prout placuerit. Quin ipsas per semetipsum posset agitare, nulli erat, aut esse poterat dubium. Hinc de ista potestate silent Canones, & exprimunt solam delegandi potestatem. Exprimunt varios delegandi modos, & adjungunt: “*Quod sapientissimo suo consilio judicaverit*”. Quia nempe super ipsum non audent aliquid constituere.

Eodem modo Canonem intellexerunt sanctus Ambrosius, & omnes Episcopi, qui cum ipso affecerunt sancto Damaso Pontifici in Romana Synodo. Maximi Cynici, à Petro Alexandrino Patriarcha promoti in Episcopum Constantinopolitanum, & à Constantinopolitana Synodo degradati, Romanam appellationem exponit in litteris ad Theodosium Imperatorem sanctus Ambrosius, atque prosequitur: “*Nos in Synodo ea, quæ totius Orbis*  
 „*Episcopis erat præscripta, nihil temerè statuendum esse censuimus. Aded ipso tempore, qui generale Concilium declinaverant, Constantinopoli gessisse dicuntur. Nam cum agnovissent*  
 „*ad hoc partium venisse Maximum, ut causam in Synodo ageret suam, quod etiam si indictum Concilium non fuisset, jure*  
 „*& more Majorum, sicut & sanctæ memoriæ Athanasius, & dudum Petrus, Alexandrinæ Ecclesiæ Episcopi, & Orientalium*  
 „*plerique fecerunt, ut ad Ecclesiæ Romanæ, Italiæ, & totius Occidentis confugisse judicium viderentur, &c*”. Maximi causam amplè exponit, addit propter illi adversam Nestarii ordinationem esse dissolutam ac dissociatam Ecclesiarum communionem, atque concludit: “*Nec videmus eam posse aliter convenire, nisi aut*  
 „*is reddatur Constantinopoli, qui prior est ordinatus, aut certè*  
 „*super duorum ordinatione sit in Urbe Roma nostrum, Orientaliumque Concilium. Neque enim indignum videtur, Auguste,*

„ut Romanæ Ecclesiæ Antistitis, finitimorumque, & Italorum Episcoporum debeant subire Tractatum, qui unius Acholii ita expectandum putaverunt esse iudicium, ut de Occidentalibus partibus Constantinopolim evocandum putarint“.

Sanctus Ambrosius docet nos varia. Primò, quod post extinctum Valentem Imperatorem Arianum, & datum illi Orthodoxum Successorem Theodosium, Damasus Pontifex ad expurgandam ac reconciliandam Orientalem Ecclesiam totius Orbis Episcopis præscripserit, seu indixerit generalem Synodum, celebrandam in Urbe. Ex quo videmus hanc indictionem semper spectasse ad Papam. Secundò docet, quod Orientales Episcopi se excusaverint ab hujus Synodi accessu, & inter se Constantinopoli Concilium egerint. Hæc est secunda generalis Synodus: Generalis & authentica, non ob suum meritum, sed ob Sancti Damasi autoritatem, qui ex causis ipsam accumulavit cum sua Romana, plenè confirmavit, atque ita fecit œcumenicam atque authenticam. Tertiò Ambrosius docet, quod ab ista Synodo damnatus Maximus Romam appellaret, atque confugerit ad Synodum, quam isthuc propter iam dictam Orientalium absentiam Damasus agebat cum solis Episcopis Italiæ. Quartò docet, quod ad istam appellationem suscipiendam Damasus non indiguerit generalis Concilii autoritate, sed istud potuerit ex sola autoritate suæ Sedis. Ex Jure & more Majorum, quo etiam sanctus Athanasius, ejus Successor Petrus, & plures alii Orientales Episcopi appellarunt. Hæc sola verba evertunt Paschasium Quesnellum, & cunctos ejus Symmetas, nugantes sanctum Athanasium & alios Orientales Episcopos non provocasse ad Papam, sed ad Synodum totius Ecclesiæ. Ambrosius quintò docet, quod Orientalis Ecclesia spreverit Maximi appellationem, atque ita Nectarius perrexerit Constantinopolitanis præsidere Episcopus. Sextò, quod hanc contumaciam Romana & omnis Latina Ecclesia adeò indignè tulerit, ut propter ipsam fuerit laxata atque dissoluta utriusque Ecclesiæ communio. Septimò, quod hujus resarciendæ nulla fuerit spes, nisi Orientales Episcopi Romam advenirent ad retractandum suum de Maximo iudicium. Octavò, quod in hac Romana Synodo Orientales Episcopi non essent futuri conjudices, aut habituri Synodale suffragium, sed Synodalem Romani Episcopi Tractatum atque iudicium subituri. Et bene notanda sunt Ambrosii verba: „Non est indignum,

„num, Auguste“. Manifestè respiciunt Sardicenses Canones, & ipsos jam dicto modo interpretantur. Edicunt esse dignum ac justum, ut Orientales Episcopi isto modo „honorent memoriam „sancti Apostoli Petri“.

Canones Sardicenses eundem in sensum intellexit Theodoretus Cyrensis Episcopus. Etenim in litteris, per quas ab inflicta sibi per Ephesinum Latrocinium degradatione provocavit ad magnum Leonem, hæc habet post varia: „At ego Apostolicæ ve-  
 „stræ Sedis exspecto sententiam, & oro atque obtestor Sanctita-  
 „tem tuam, ut mihi rectum & justum Tribunal vestrum invo-  
 „canti opem ferat, jubeatque ad vos venire“. Eadem de re scrip-  
 sit ad Renatum, Romanæ Ecclesiæ Presbyterum, quem à mag-  
 no Leone Legatum isti Ephesino Concilio Præsidentem turbulentus  
 Dioscorus excusserat: „Oro Sanctitatem tuam, sanctissimo ac  
 „beatissimo Archi-Episcopo persuadeat, ut Apostolicâ potestate  
 „utatur, & me ad Concilium vestrum advolare præcipiat. Ha-  
 „bet enim sanctissima illa Sedes Ecclesiarum, quæ in toto sunt  
 „Orbe, Principatum“. Non ad generalem Synodum, sed provo-  
 cavit ad Apostolicam Sedem, ad justum & rectum Tribunal so-  
 lius Pontificis. Quod ipsum fecit Eusebius Doryleensis, atque  
 adeo & alii Antistites degradati per istud Latrocinium. Proinde &  
 sanctus Flavianus. Istud ipsum antea fecerat hæresiarcha Eutyches.  
 Quare hæc unica Theodoretæ confessio evertit omnes nugas, quas  
 nobis circa S. Flaviani ac Eutychetis appellationem Paschalius  
 Quesnellus studet obtrudere. Theodoretus pergit: „Ante omnia ut  
 „à vobis docear oro, an me oporteat in hac injusta depositione  
 „acquiescere, an non. Vestram enim sententiam exspecto. Quod  
 „si in judicatis manere me jusseritis, manebo, neque ulli homi-  
 „num deinceps ero molestus, sed rectum Dei ac Salvatoris nostri  
 „Judicium expectabo. Hæc per Presbyteros Hypatium & Abra-  
 „hamium Sanctitati vestræ suggesti, quandoquidem ne ad vos con-  
 „tenderem, Regiarum literarum vincula retinuerunt“. Etenim  
 Augustus Theodosius ipsum Regiâ suâ jussione intra Cyrenses mu-  
 ros circumscripserat. At ipse Papalem evocationem tanti fecit,  
 ut censeret isti circumscripto exilio, cunctisque sacris jussionibus  
 prævalere. Quod nempe ista fundaretur in Sardicensibus Canoni-  
 bus, omni tali jussione validioribus. Et quidem Magnus Leo  
 non solummodo ipsum, & alios degradatos atque appellantes



Episcopos, sed etiam ipsorum Ephesinos Iudices parabat Romanam ad retractandam sententiam compellere: Sed obices injecit Augusti Theodosii, per sceleratum Chrysaphium Eunuchum circumventi, Regia violentia, errans Latrocinialia acta esse Nicænæ fidei, & Canonibus conformia, atque ita potenter jubens prævalere. Nihilominus magnus Leo Theodoretum appellationi derulit effectum suspensivum, suspendit injectum illi à Latrocinio vinculum, agnovit ut Canonicum Episcopum, & uti talem jussit ab omnibus agnosci. Et fuit agnitus. Etiam à Chalcedonenſi Synodo. Quæ & peregit retractatorium judicium. Etenim interim defuncto Theodosio successit piissimus Marianus. Hic cum Collega Valentiniano tertio permisit Pontifici liberum Papalis authoritatis exercitium: Plenam potestatem judicandi de fide atque Episcopis. Idque juxta antiquam consuetudinem, & Nicænos Canones. Sub quibus intellexit & Sardicenses. Nam hos Nicænos inscribens, Leo pro sua potestate allegaverat apud Theodosium. Verum ex causis hoc retractatorium judicium noluit Romæ fieri: Primum Nicææ, deinde faciendum censuit Chalcedone in plena Synodo. Et ita factum est. Hac ipsius authoritate cassatum est Latrociniale judicium. Etiam secundum Sardicenses Canones.

Habemus plura istiusmodi exempla. Primum est ipsum Sardicense Concilium. Etenim Julius Pontifex nec Tyriam aut Antiochenam, nec alias Orientalium Synodos, à quibus sanctus Athanasius, aut alii Episcopi fuerant damnati, cassavit aut circumduxit: Nec enim poterat inauditis partibus. Et partes primum per variarum excusationum technas, deinde per apertam contumaciam detrectabant adesse. Hinc præfatos Episcopos solummodò restituit, graduque & communioni reddidit, & retractatorium Judicium delegavit Synodo Sardicensi: Et ad ipsam transmisit e suo Latere Presbyteros, Judicio præfuturos. Eodem modo, & simili de causa Innocentius primus sancti Joannis Chrysostomi, gradui & communioni ante omnia redditi, retractatorium Judicium delegavit Synodo Thessalonicensi. Ita & Adrianus II. sancti Patriarchæ Ignatii retractandam causam delegavit octavæ Synodo. Ex his exemplis Paschâsius Quesnellus & similes Dogmatistæ conantur Mundo obtrudere, quod Orientales Episcopi non ad Romanum Pontificem appellaverint, sed ad generale Concilium. Hallucinantur. Etenim appellatas causas Papa potest ad se evocare

evocare, delegare eidem Synodo, aut cuicumque alteri. Et è suo Latere legare Presbyteros aut Episcopos, qui isti Iudicio præfideant. Appellata causa quandoque vel ob propriam nodositatem, vel ob futuræ executionis obices est difficilior, quam ut ab unius, ipsius etiam Romanæ Provinciæ, Synodo expediatur. Hinc tales causas laudati Pontifices delegarunt Oecumenicis Synodis. Non per necessitatem, sed quia suo sapientissimo consilio iudicabant ita convenire. Secundum Canones Sardicenses.

De hoc istorum Canonum intellectu Gallicana etiam Ecclesia olim adeò non dubitavit, ut magnus ejus Antistes sanctus Avitus contrà nescio quem petulantem juvenem, ab ipso damnatum ad publicam poenitentiam, & minitantem appellare Romam, scripserit ad illustrem virum Ansemondum: "Licet diversas in me flammæ evomat; & ad Romanæ forsan Ecclesiæ audientiam vocet, nec minas adsentatione placabo, nec fatigationes itinerum verebor". Palam profitetur Romanas Appellationes tunc in Gallia fuisse familiares. Quid opus multis? Et Occidentalis & Orientalis Ecclesia istum intellectum professa fuit in Florentino Concilio. Græcorum Episcopi sub Synodi finem cum suo Imperatore consultantes & inquirentes, tandem "admiserunt privilegia Papæ, præterquàm duo". Hoc erat secundum caput: "Ut si quis putet se ab aliquo Patriarcharum pati injuriam, & veniat qui interposuit appellationem, ne Patriarchæ ipsi sese sistant iudicandos, sed Papa mittat in Provinciam quamque Inquisitores, & ibi per eos præsentibus negotiis in partibus injuriam passi jus suum obtineant". Erat modica exceptio: A Sardicensis Canonis observantia non Provinciales aut Metropolitanos Episcopos, immò nec Primates aut Exarchos eximebat, sed solos Patriarchas. Et tamen Eugenius Pontifex constanter respondit: "Se velle omnia Ecclesiæ suæ Privilegia, velleque ad se fieri appellationes, nec non regere ac pascere universam Christi Ecclesiam, uti omnium Pastorem. Et omnes Patriarchas obedire ejus voluntati". Et Græci tandem acquieverunt. Quocirca magnus Leo in retractatorio Chelidonii Iudicio non excessit suæ potestatis limites, nec prævaricatus est Sardicenses Canones, sed Paschasius Quérnellus ipsi & veritati impingit calumniam.

## CAPUT XVI.

*Expurgatur secunda in sanctum Leonem  
calumnia.*



Secundus Paschasii Quesnelli in supra adductis verbis error est, quod sanctus Leo retractatorium Chelidonii Judicium non potuerit facere solus, sed quod priores Judices ipsi assidere debuerint, ac simul judicare. Et quod ita sanciant Canones Sardicenses. Ipse ex Petro de Marca, Petrus de Marca errorem bibit ex Hincmaro Rhemensis. Censent criminalia Provinciarum Synodorum Judicia esse suprema, idèdque ab ipsis appellari non posse, sed de ipsorum justitia querentibus & provocantibus præstari posse solum gratiosum beneficium Revisionis. Hoc est enim Privilegium supremorum Magistratum: Nempe Augusti Principis, Præfecti Prætorio, & similium. Eodem jure apud nos Belgas gaudet Sanctius suæ Majestatis Concilium, Parlamentum Mechliniense, ac Senatus Brabantie. Hinc dum ipsorum revidentur sententiæ, advocantur quidem alii Judices, verùm & ipsi debent cum pleno suffragio assidere. Hoc Jure principaliter & super omnes gaudet Romanus Pontifex. Hinc primo Arelatensi Concilio, ad quod à sancti Melchiadis Romana sententia Donatistæ provocarant, sancti Silvestri Legatio præfedit. Etiam Ephesino Concilio, ad quod contra sancti Celestini sententiam provocarat Nestorius, sanctus Cyrillus, itemque Arcadius ac Projectus Episcopi, neenon & Romanæ Ecclesiæ Presbyter Philippus, Legati ejuldem Pontificis, adfuerunt ac præfederunt. Et hæc est palmaris ac prima Ephesini Latrocinii prævaricatio, quod Dioscorus Alexandriæ Patriarcha sancti Leonis Legatos exclusit, ac ipse præfedit. Hærefiarcha Eutyches, non dumtaxat à sancti Flaviani sententia, sed etiam à sancti Leonis, ipsam confirmantis, judicio provocat: Hinc Dioscorus etiam Pontificem asseruit è Judice cecidisse ac transisse in Reum, aut certè Accusatorem, atque ita præsidendi Prærogativam

gativam ad se, secundum Ecclesiæ Patriarcham, devenisse. Verum longè aliter censuit Chalcedonenſis Synodus: Laudati Pontificis Legatos admisit ad plenam præſidentiam. Eodem non quidem præſidendi, ſed tamen adſidendi privilegio gaudere omnes Provinciales Synodos, prætendant Dominus Petrus de Marca ac Paſchaſius Queſnellus. Petrus de Marca eſt mitior: Obtinere id vult in ſolis Judiſijs civilibus aut criminalibus. Paſchaſius Queſnellus extendit etiam ad Dogmatica.

Ambo infeliciter errant. Eandem Prærogativam in Chalcedonenſi Synodo prætendit præſatus Patriarcha Dioſcorus. Etenim licèt hic ageretur ſancti Flaviani, & aliorum Epiſcoporum, qui ab ejus apud Ephesum Latrociniali ſententiâ ad magnum Leonem provocarant, retractatorium Judicium, ipſe poſt Legatos Apoſtolicos ac Anatolium Conſtantinopolitanum Antiſtitem ſedit omnium primus. Se ingeſſit in locum debitum ſuæ Eccleſiæ. Et exiſtimabat ſe non carere omni fundamento. Etenim Patriarchæ ſunt iſtud ipſum in Eccleſia, quod Prætoriorum Præfecti in Imperio: Hinc & ipſorum Prærogativam Dioſcorus prætendit ſuis Synodalibus Judiſijs. Sed longè alia erat ſententia Legationis Apoſtolicæ. Etenim ſanctus Paſchaſinus, Lilybeti apud Siculos Epiſcopus, ac Sedis Apoſtolicæ Legatus, ſtatim in ipſo Synodi exordio interceſſit adverſus iſtum Dioſcori conſeſſum, & dixit ad Glorioſiſſimos Judiſes: "Beatiffimi atque Apoſtolicivi, Papæ Urbis Romæ, quæ eſt Caput omnium Eccleſiarum, Præcepta habemus præ manibus, quibus præcipere dignatus eſt ejus Apoſtolatus, ut Dioſcorus Alexandrinorum Archi-Epiſcopus non ſedeat in Concilio, ſed audiendus intromittatur. Hoc nos obſervare neceſſe eſt. Si ergo præcipit Veſtra Magnificencia, aut ille egrediatur, aut nos eximus". Et Lucentius Eſculanus Epiſcopus, alter Sedis Apoſtolicæ Legatus adjunxit: "Non patimur tantam injuriam nec vobis fieri nec nobis, ut iſte ſedeat, qui judicandus advenit". Et glorioſiſſimis Judiſibus, ſingularis hujus contra Dioſcorum exceptionis cauſſam interrogantibus, idem Lucentius reſpoſuit: "Judiſij ſui neceſſe eſt cum reddere rationem. Quia cum perſonam judicandi non haberet, præſumpſit, & Synodum ſubripuit facere ſine authoritate Sedis Apoſtolicæ, quod nunquam licuit, nunquam factum eſt". Adducit tres criminales rationes. Quod ſine Authoritate Sedis Apoſtolicæ ſubripuiſſet

set præsidere generali Synodo. Quod Judicis personam non habens præsumpsisset judicare. Et quod à pravo ejus judicio esset provocatum ad Sedem Apostolicam, ideoque in retractatorio, quod ex sancti Leonis mandato jam inchoabatur, judicio Judex esse non posset, sed advenisset Judicandus. Quod jam ex judice esset demutatus in Reum. Et hanc rationem, licet non palmarem, Lucentius adduxit primo loco: Quod nempe contineret causam propriam, ex qua Dioscorus non posset Synodo confidere. Et sanctus Paschasius perrexit: "Nos contra, Præcepta Beatissimi atque Apostolici Papæ venire non possumus, nec contra Ecclesiasticas regulas, nec contra Instituta Patrum". Affirmat hanc Dioscori exclusionem postulari juxta sacros Canones. Quæ omnia audientes gloriosissimi Judices exaudierunt has intercessionem, & jusserunt Dioscorum è cathedra descendere, & ut Reum stare in medio.

Eandem rationem adduxit Eusebius Doryleensis Episcopus, qui à Dioscoro apud Ephesum degradatus appellarat ad Pontificem, & dixit ad gloriosissimos Judices ac omnem Synodum: "Per salutem Dominorum universi Mundi, jubete etiam preces meas legi, sicut placuit piissimo Imperatori. Læsus sum à Dioscoro: Læsa est fides. Occisus est Flavianus sanctus Episcopus, impleor lachrymis, simul mecum injustè damnatus est ab eo. Jubete preces meas perlegi". Affirmat se à Martino Augusto supplicasse executionem Canonum, qui injusti Judicii authorem Episcopum mandant in retractatorio judicio demutari in Reum: Affirmat istas suas preces admissas à Principe, & exequendas transmissas ad Synodum, ideoque Dioscorum omnino fuisse à consessu excludendum. Hic precum contextus: "Quoniam igitur non modica sunt, quæ à Dioscoro usurpata sunt adversus Christi fidem & adversum nos, provoluti precamur vestram Clementiam, ut præcipiatis Reverendissimum Episcopum Dioscorum respondere his, quæ à nobis ei ingeruntur". Palam expositulat Dioscorum transire in Reum. Utique secundum Canones.

Etiā sanctus Paschasius dixit magnum Leonem hæc jussisse secundum Patrum Instituta & regulas Ecclesiasticas. Etenim eodem modo procedi in secundo Ephesino Concilio jusserrat Imperator Theodosius. Ejus ad Elpidium sacri Consistorii Comitem

mitem, & Eulogium Tribunum ac Notarium, futuros Synodi Assesores, directa Divalis Sacra iussit "causam ordine prove-  
 ,,nire, his qui pridem Eutychetis religiosissimi Archi Mun-  
 ,,ditiæ Judices exstiterant, præsentibus quidem ac tacentibus,  
 ,,nullum tamen Judicantium habentibus locum, sed commu-  
 ,,nem aliorum omnium sanctorum Patrum sententiam exspe-  
 ,,ctantibus, quoniam ea quæ dudum ab ipsis judicata sunt,  
 ,,jam retractantur". Et hujus Sacræ iussione vigore ad sanctum  
 Flavianum, qui Eusebium Doryleensem, primum Eutyche-  
 tis Accusatorem, volebat introduci functurum officio, dixit  
 in Ephesino Latrocinio præfatus Comes Elpidius: "Sacratissi-  
 ,,mus Imperator, implens ipse primus ordinem Legum, qua-  
 ,,rum est & inventor & custos, præcepit eos, qui dudum Ju-  
 ,,dices fuerunt, in loco eorum esse qui judicandi sunt, neque  
 ,,habere tempus docendi, quoad ejus licentiam vos dederitis.  
 ,,Ad ea ergo, quæ nunc à religiosissimo Archi-Episcopo Fla-  
 ,,viano dicta sunt, & hoc doceo, quia accusator quidem suam  
 ,,accusationem implevit, & ut arbitratus est, vicit, & Judex  
 ,,accusatoris causam jam in semetipsum transtulit, sicut & in  
 ,,publicis sententiis custoditur". Affirmat Eusebium in prima  
 cognitione fuisse suo officio plenè perfunctum, ideoque totum  
 accusandi onus esse jam in retractatorio Judicio devolutum in  
 priorem Judicem sanctum Flavianum. Dicere debuerat istud  
 onus etiam in Judicem transisse. Sic ejus interlocutio fuisset  
 irreprehensibilis. Quare talis sententia nequaquam improbata  
 fuit per Synodum Chalcedonensem. Immo circa Dioscorum  
 fuit confirmata.

Eadem normâ processum fuit in primo Ephesino Concilio. Ete-  
 nim sanctus Cyrillus Patriarcha Alexandrinus, & Memnon Ephe-  
 siorum Primas, per factiosam Joannis Antiocheni Patriarchæ Sy-  
 nodum degradati, ac suæ appellationi insistentes, isthuc dicunt ad Añor. 4.  
 Patres: "Vos Jure permoti, Joannem per sanctissimos Episco-  
 ,,pos accersistis, ut quæ contra Leges Ecclesiasticas, immo verò  
 ,,contra Ordinem Ecclesiasticum deliquerat, defenderet, & ratio-  
 ,,nem de his, quæ temerè contra Canones molitus fuerat, redde-  
 ,,ret". Et rursùm: "Libellos obtulimus, postulantes ut Joan- Añor. 5.  
 ,,nes Reverendissimus Ecclesiæ Antiochenæ Episcopus, & qui unà  
 ,,cum ipso injuriam in nos contexuerunt, ac depositionis abuti

„nomine præsumpserunt, ad sanctam hanc ac Oecumenicam Synodum accerferentur, quò coram causam pro se dicant, suæque dicacitati patrocinarentur, sive injustas machinationes dedenderent". Imperator Theodosius, ab ejusdem Joannis factione seductus, cassavit Acta laudati Concilii. Comes Irenæus ad istius Factionis Episcopos scribit rationem: "Quin & illud quoque modis omnibus perspicuum evasit, nec recto & congruo ordine servato Concilium convocatum fuisse ab Ægyptio, nec ei judicare licuisse, cum unus esset ex eis qui judicandi erant". Per Ægyptium intelligit sanctum Cyrillum. Hæresiarcha Nestorius ab ejus etiam judicio provocaverat ad Synodum. Hinc præsidere, immò adsidere non potuisse, sed inter judicandos reos stare debuisse censuit circumventus Princeps Theodosius, ideòque & circumduxit omnia Acta Synodalia. Epistola exstat inter Acta Ephesini per Joannem Antiochenum habiti Conciliabuli. Verùm Cyrillus Nestorii non personam, utpotè alterius Diocæsis, sed solam hæresim damnaverat: Ea de causa non poterat è Judice cadere in reum.

Ex eadem regula processit Sardicensis Synodus. Etenim de sancto Athanasio, qui Eusebianos, sui Damnatore, Tyriæ ac Antiochenæ Synodi Episcopos Romam appellarat, scribit ad Alexandrinam Ecclesiam: "Frater noster Athanasius animum non despondit, sed magna cum fiducia eos ad Judicium provocavit. Quod & nobis in voto fuit. Ac proindè eos hortabamur, ut judicio se sisterent, & si possent, accusationis causam certis documentis peragerent". Ut se sisterent retractatorio apud Sardicam Judicio, & isthuc non Judices agerent, sed accusatores. Eadem Synodus scribit ad omnes sub cælo Episcopos: "Eusebiani fraudem suam per ea, quæ in hac sacratissima Synodo gesserè, longè manifestius declararunt. Nam cum ad Sardicam civitatem accessissent, conspectis ibi Athanasio, Marcello, & Asclepà, aliisque nonnullis, veriti sunt in Judicium procedere. Et cum non semel aut bis, sed iterùm atque iterùm citati essent, citationibus non obtemperarunt: Tametsi omnes Episcopi simul congregati essent, & omnes expectarent & hortarentur eos, ut in Judicium prodirent, & ea quæ rumoribus & literis de Communiſtris nostris absentibus jactaverant, præſentes justis rationibus comprobarent. Verùm illi, quantumcumque citati, prodire

„prodire noluerunt. Quâ tergiversatione suam Sycphantiam manifestissimam reddiderunt, & propemodum ex ipsa recusatione accipiendi Iudicii insidias suas & conspirationes quasi clamoribus confessi sunt“. Palam affirmat ipsos fuisse citatos ad Retractatorium iudicium, cui adessent ut rei aut accusatores. Quare Palschius Quesnellus, dum suum errorem affirmat sanciri à Sardicensi Synodo, infelicitè hallucinatur. Et hinc lucet, quod ista Synodus Romano Episcopo adscripserit non solum decernendæ in partibus revisionis jus, sed plenam auctoritatem veræ appellationis.

Hosce Canones ita intellexit atque executus est etiam primus Pontifex Innocentius. Etenim acceptâ sancti Joannis Chrysostomi appellatione, & auditis utriusque partis Legatis, sanctum Joannem in sua communione retinuit, iussit reveſtiendum, & de retractatorio iudicio scripsit ad damnatricis Synodi Principem Theophilum Alexandrinum: „Itaque si conscientiz confidis, tu quodque iudicio accurre ad Synodum proximè in Christo celebrandam, & illic juxta Nicæni Concilii Canones & Decreta contendere. Alios quippe Canones Romana non admittit Ecclesia“. Ipsum evocat ad Romanam Synodum. Verùm hæc non successit, & ex causis fuit translata Theſſalonicam. Hinc ad fratrem & Collegam Arcadium scripsit Imperator Honorius: „Hoc ante omnia de tua Mansuetudine postulo, ut Theophilum Alexandrinum etiam invitum adesse præcipias“. Manifestum est Theophilum citari ut reum: Ad reddendas rationes sui Iudicii. Et Pontifex affirmat hæc omnia decerni juxta Nicænos Canones. Palam intelligit Sardicenses.

Huc etiam spectat, quod de Imperatore Arcadio ad laudatum Pontificem scribit idem Chrysostomus. Affirmat se de iniquo Theophili Patriarchæ Alexandrini, ac totius apud Quercum Synodi iudicio fuisse conquestum apud istum Principem, & adjungit: „Arcadius pro sua pietate missis ad Theophilum Nuntiis, eum & omnes, qui cum ipso erant ex Ægypto, vocavit, ut rationes factorum redderent“. Utique redderent in superiori Synodali Iudicio. „Neque sufficere putarent ad defensionem, quæ attenderant ex una parte, absentibus nobis, tam injustè, contra tot, ac tantos Canones“. Certè non alios, quam Apostolicos & Sardicenses.

Hæc omnia insigniter confirmat Evagrius Epiphaniensis. De



lestinum epistola, scripta de causa Antonii Episcopi Fussalensis.  
Sunt res suo loco elucidandæ.

## CAPUT XVII.

*Purgatur tertia in sanctum Leonem  
calumnia*



Aschasius Quesnellus pergit in sanctum Leonem:  
"Tertium etiam vulnus Canonibus indixisse  
„Leo videtur, cum Chelidonium communio-  
„nis suæ participem fecit, & sacris Altaribus  
„interesse passus est, antequam ejus causæ exa-  
„men de novo institueretur. Quod procul du-  
„bio Canonicae dispositioni contrarium erat,  
„quâ cautum est propter Ecclesiæ Sacerdotique indivisam unita-  
„tem, ut qui à singulis Episcopis sententiam damnationis exce-  
„perunt, ab omnibus per totam Ecclesiam constitutis Sacerdoti-  
„bus damnati censeantur". Adducit varios Canones, qui ab uno  
Episcopo damnatum vetant admitti ab alio, & prosequitur: "Quam  
„consultius igitur imitatus esset sanctus Leo Ecclesiæ Romanæ  
Hæref. 72. „Proceres, quos olim Marcion Hæresiarcha, à proprio Parente  
„Episcopo Ecclesiâ pulsus, adiens ut Ecclesiasticæ communioni  
„restitueretur, nunquam hoc ab eis obtinere potuit, teste sancto  
„Ephiphanio, sed hac ab illis responsione repulsus est": "Nos  
injussu venerandi Patris tui facere illud non possumus. Una si-  
quidem fides, & animorum una consensio. Neque contra spe-  
ctatissimum Collegam Patrem tuum quidquam moliri possumus.  
"Ita Cleri Romani Seniores", ab apostolorum discipulis edocti,  
„traditionem Apostolicam violare nefas ducebant".

Sanctissimo Pontifici impingit tres excessus. Primus est,  
quod appellentem Chelidonium ante expletum retractatorium ju-  
dicium, immò ante omne causæ examen, admisit ut Canoni-  
cum Antistitem, ipsique permiserit sacrum ministerium, & om-  
nem Episcopalem communionem. Hujus erroris fons est item  
Hincmarus Metropoli Remensis. Etenim ipse cum suæ Pro-  
vinciæ Episcopis, è Duziacensi Synodo, adversus Hincmarum  
Laudu-

Laudunensem Episcopum, qui Romam provocarat, scripsit ad Adrianum secundum Pontificem: "Si fortè vñlum vobis necessariò fuerit, ut secundum Sardicenses Canones renovetis iudicium, & detis Iudices, scribendo Episcopis, qui in finitimis & vicinis Provinciis sunt, ut & ipsi diligenter omnino requirant, & juxta veritatis fidem definiant. Vel si decreverit mittere è Latere vestro habentes auctoritatem vestram, qui cum Episcopis judicent, eo in gradum adhuc non restituto, sicut Sardicenses Canones præcipiunt, non abnuimus". Et infra: "Veruntamen quantà possumus humilitatis devotione deposcimus, ut etiam in hac causa nobis Canonicam definitionem servetis. Videlicet ut si, quod non credimus, ea quæ regulariter definivimus, prout sacras regulas intelleximus, vobis præsentialiter non placuerit vestrà sententià roborare, non antea communioni Sacerdotali, à qua separatus est, restituitur, antequam secundum regulas & leges in provincia, in qua causæ gestæ sunt & judicatæ, requiratur. Quia usque ad nostra tempora nullà Patrum definitione hoc Ecclesiis Gallicanis & Belgicis est derogatum".

Est error ab Eusebiana Factione inductus, damnatus per Canones Sardicenses. Aded hi Canones ipsi non suffragantur. Etenim cuncta, istius Factionis apud Sardicam lis fuit propter sanctum Athanasium, aliosque ab ipsa degradatos Episcopos, quos ante retractatorium examen Julius Episcopali communioni reddiderat, & quos Hosius Cordubensis Episcopus, istius Synodi Apostolicus Præses, volebat uti Canonicos Episcopos admitti ad consessum, postmodò retractatoriè discutiendos. Synodalis ad Iulium relatio habet: "Tria fuerunt quæ tractanda erant. Ante omnia de fide, & de integritate veritatis, quam "Eusebiani", violaverant. Secunda de personis, quas dicebant esse dejectas. De iniquo iudicio: Ut si potuissent probare, iusta fieret confirmatio. Tertia verò quæstio" erat de variis eorundem Eusebianorum aliis facinoribus. Præfatas personas primæ Actioni adsidere, & gaudere suffragio, uti integros Episcopos, volebat Hosius, in secunda demum Actione tractandos ut reos. Quia nempe illi Romam appellaverant, quia ipsorum appellationem Iulius admisserat, ideoque & reposuerat, vel potius suspenso Tyrio ac Antiocheno iudicio, illos continuarat in Episcopali communione.

Hoc Eusebiani fuerunt adeò averſati, ut potius quàm cum iſtis ſuis damnatis conſidere Synodaliter, maluerint fugere Philippopolim, conſtaturi primum ſchiſma, primamque hæreſim adverſus Privilegia Apoſtolicæ Sedis.

Sardicenſem Canonem eodem modo intelllexerunt ac executi ſunt ſanctus Ambroſius, & omnis cum ipſo aſſidens ſancto Pontifici Damaso Romana Synodus, in litteris ad Imperatorem Theodoſium, agentibus de Romana appellatione Maximi Cynici, degradati per Synodum Conſtantinopolitanam. Exponunt Principi fundamenta cauſæ, & concludunt: "Itaque cum Maximum Episcopum receperunt in communionem noſtra Conſortia, quoniam cum à Catholicis conſtitit Sacerdotibus Ordinatum, recab Episcopatus Conſtantinopolitani putavimus petitione removendum". Proſtitentur appellanſem Maximum à ſe admiſſum & continuatum in Episcopali communionem, idque ante inchoatum retractatorium Iudicium: Continuatum in Episcopatus poſſeſſione, & admiſſum ad ejuſdem petitionem, ſeu examen petitorium. Epiſtola exſtat apud Jacobum Sirmondum poſt appendicem Theodoſiani Codicis.

Eodem modo cum ſancto Joanne Chryſoſtomo proceſſit Innocentius primus. Etenim acceptis Theophili Alexandrini Patriarchæ Synodali relatione, & ſancti Joannis adverſus illam appellationem, reſcripſit ad Theophilum: "Frater Theophile, nos & te & Fratrem noſtrum Joannem communionis noſtræ eſſe decrevimus, ſicut & prioribus in litteris apertè ſatis expreſſimus. Et nunc in ſententia noſtra & voluntate perdurantes, rursus eadem ſcribimus. Et quotieſcumque ſcripſeris, niſi debitum ſequatur convenienſque iudicium, propter ea quæ magno cum dedecore ſunt geſta, poſſibile non eſt nos à Joannis communionem recedere. Itaque ſi conſcientiæ conſidis, tu quoque iudicio occurre ad Synodum proximè in Chriſto celebrandam, & illic juxta Nicæni Concilii Canones & Decreta contende. Alios quippe Canones Romana non novit Eccleſia". Priores ejus literæ latent aut perierunt. Has nobis cuſtodivit Palladius Helenopolitanus Episcopus in Dialogo cum Theodoro, Romanæ Eccleſiæ Diacono, de Actis ſancti Joannis. Addit Theophili, ac ejus apud hortos Ruſſinianos Synodi iudicium fuiſſe à Pontifice irritatum atque

atque cassatum. Rectius dixisset fuisse suspensum. Cassatio enim fieri non poterat, nisi in retractatorio Judicio.

Innocentius igitur appellentem Joannem mox ante omnem audientium continuavit in Episcopali communione, & Theophilum evocavit cum ipso Romam ad causæ retractationem. Palladius laudat Theotecnum, Constantinopolitanæ Ecclesiæ Presbyterum, exuli Joanni fidelissimum, & prosequitur: "Cui & ipsi, communionis literas, & ad Episcopum Joannem, & ad omnes, ei communicantes Episcopos Innocentius tradens, orabat cum, lachrymis, ut patienter tolerarent, cum opem ipse ferre non posset, eo quod nonnulli obsisterent potentes Adversarii, Ecclesiæ, isticæ pacis inimici". Versatilis quippe Theophilus per istam ipsam Imperatricis Eudoxiæ violentiam, quâ apud hortos Rufinianos omnia egerat, jam impediēbat suam etiam Romanam evocationem, & retractatorium isthic Judicium. Hinc tandem per Honorii Augusti auctoritatem Innocentius coëgit hujus Collegam & fratrem Augustum Arcadium, ut intra Occidentale Imperium permitteret indici Synodum Theffalonicensem: Et compelleret eò accedere, aut invitum adduci ipsum etiam Theophilum. Et suis ad istam Synodum Legatis Vicariis inter alia Mandata dedit hoc Commonitorium: "Non oportere Joannem judicium ingredi, nisi illi prius Ecclesiæ, communioque redderetur, ut omni dilationis occasione sublata, suâ sponte Concilium posset ingredi". Iussit spoliatum revestiri ante omnia, atque armari, ut non nudus ac inermis, sed vestitus atque armatus cum vestito ac armato Theophilo posset pro justitia decertare, & suam causam defendere. Et hæc omnia juxta Nicænos Canones. Id est, Sardicenses. Ita Innocentius discretè testatur in literis ad Clerum ac Populum Constantinopolitanum. Theophilus Joannem ex Antiochenis Canonibus damnavat: Hinc ipsum per Sardicenses, istorum circumductores, Innocentius voluit reparari. Ita amplè demonstrat Palladius. Et hoc Innocentii judicium probavit atque firmavit omnis tandem etiam Orientalis Ecclesiæ. Etenim & Theophili Successor Cyrillus, & ipsius Joannis intrusus Successor Atticus ejus nomen retulerunt in Episcopalia Dypricha, & omnis tandem Oriens in Sanctorum tabulas.

Eodem modo magnus Leo tractavit Theodoretum, Eusebium Doryleensem, aliosque per Latrocinium Ephesinum degradatos,

ac ad se appellantes Episcopos. Et ejus factum probavit atque admisit plena Chalcedonenſis Synodus. Theodoretum, uti reſtitutum, admisit ad Epiſcopalem confeſſum ac ſuffragium, at non niſi poſt plenè retractatam cauſam reparavit. Quid igitur miri, quòd idem Pontifex eodem jure tractarit Gallicanum Antiftitem Chelidonium? Plurima ſunt hujusmodi authentica exempla. Hæc abundè ſufficiunt, ut revincant Paſchaſii Queſnelli calumnioſam Scriptiunculam de tanto Pontifice. Hanc in rem quidam adducunt Ephesine etiam Synodum, quæ Hæreſiarcham Neſtorium, licet à Celeſtini Pontificis judicio provocaeſſet, appellavit religioſiſſimum Epiſcopum, & advocavit ad Synodalem confeſſum. Exiſtimant Sardicenſes Canones obtinere etiam in provocantibus à ſummi Pontificis ſententia ad generale Concilium. Et certè Hæreſiarcham Eutychetem, qui à magni Leonis judicio provocarat, ita tractavit Dioſcorus in ſecundo Ephesine Concilio. At graviſſimè errant. Etenim Romani Pontificis Judicia ſunt omninò ſuprema, atque ita in illis nullus eſt appellationi locus, ſed ſolè gratioſæ Reviſioni. Et provocans reſteſci non poteſt, niſi poſt victoriam in retractatorio Judicio. Quare iſta Neſtorii intitulationis fuit ex cauſis diſpenſatoria. Eutychetiſ admiſſio fuit una ex Dioſcori prævaricationibus.

Obſtare hiſ videtur authoritas ſancti Nicolai primi Pontificis, reſcribentis ad Synodum Sueſſionenſem: "Porro ſi quiſpiam ſe-  
cundem Apoſtolicam, per Sergium ſanctæ memoriæ Papam, Ebbo-  
nem quondam Archi Epiſcopum indignum Clericali communio-  
ne ſanxiſſe perhibet, noverit quoniam talem Sedes Apoſtolica  
debuſit Ebbonem, donec Synodali examine cauſa ejus diſcutere-  
tur, habere, qualem ab aliis habitum non ignorabat". Con-  
firmat ex quinto Nicæno Canone, atque proſequitur: "Donec  
igitur authoritate ſua de hujusmodi puſillanimitate, aut contem-  
ptu, aut alio quolibet vitio examinatio vel dijudicatio prove-  
nirer, Apoſtolica Sedes nihil agere debuit, niſi quod egit. Vi-  
delicet ut ab aliis abjectum, iplum nequaquam indiſcuſſe ſuſcipe-  
ret. Præcipuè cum prædictus Ebbo non quaſi pro depositione  
ſua queritans, & legitimè reſtitui volens examine præcedente,  
ſedem Apoſtolicam appellaverit, ſed à contumacibus ſuſcuſus, &  
hiſ junctus, repente & reconciliari ab ea, & Pallio donari quaſi  
reſens, & quaſi Epiſcopus inter Epiſcopos, nullà cauſa ſua diſ-  
cuſſione

„*cautione præveniente, communicari poscens, ad eandem summam  
Sedem accesserit, à qua, jam reprobatus ab aliis, meritò debuit  
reprobari, donec supplex ab ea sese Canonicè posceret adjuvari,  
Nam constat, ut sanctus scribit Papa Gelasius, uniuscujusque  
Synodi Constitutum nullam magis exequi Sedem præ cæteris  
oportere, quàm primam*”.

Respondeo Nicolaum Pontificem exponi à semetipso. Etenim  
Ebbo non Romanam Sedem appellans, & ab ipsa juxta Canones  
adjuvari, ac sibi illatas tolli injurias supplicans, sed turbidus, ac  
adversus sui damnatricem Synodum protervus accessit, volens ip-  
sam sperni ut contumeliosam, & sese sine omni examine admitti ut  
Canonicum Episcopum, & Pallio donari. Hoc meritò admittere  
detrectavit Sergius II. : Idque ob quintum Nicænum Canonem.  
Meritò addidit sanctus Nicolaus, quod Romana Sedes quemque  
Episcopum aut fidelem debeat agnoscere talem, qualis est factus  
ab aliis : Utique à suo Episcopo aut Synodo. Quod alium ag-  
noscere aut facere non possit, nisi præcedente examine. Quod  
omnino verum est etiam de appellantibus. Non totius causæ re-  
tractatorium ac definitivum, sed aliquod summarium debet præ-  
cedere judicium, quo Pontifex censcat appellationem. admitten-  
dam, & procedendum ad plenam retractationem. Hinc supra in  
litteris ad Imperatorem Theodosium dixit nobis de appellante Maxi-  
mo Cynico sanctus Ambrosius : “Maximum Episcopum recepe-  
runt in communionem nostra Consortia, nec ab Episcopatus  
Constantinopolitani putavimus petitione removendum”. Et de  
Nicolai Pontificis recto sensu nequaquam est ambigendum. Ete-  
nim ipse jam dicto juxta Sardicenses Canones modo tractavit Ap-  
pellantem Rothaldum Episcopum Sueffionensem.

Secunda Paschasi Quesnelli in sanctum Leonem calumnia est,  
quod in isto circa appellantem Chelidonium actu sit prævaricatus  
quintum Nicænum Canonem. Quod alienum damnatum irregu-  
lariter admiserit. Est ipsissima Eusebianæ Factionis ac Philippo-Po-  
litani Conventiculi in sanctum Iulium Pontificem contumelia,  
de qua ipsum Conventiculum in suis Synodalibus litteris : “Iulium  
urbis Romæ, Hosium” Gordubensem, “& Protogenem” Sar-  
dicensem, “& Gaudentium” Naxitanum, “& Maximinum à Tro-  
veris damnavit omne Concilium secundum antiquissimam legem,  
ut autores communionis Marcelli, & Athanasii, cæterorumque

„sceleratorum“ laudat Apostolicam Ecclesiæ legem, quæ unius Episcopi aut Synodi damnatum vetat admitti ab aliis. Agit non de plenæ ac firmæ per retractatorium Judicium communionis restitutione, sed de sola momentanea ante istud communionem, de sola restitutione spoliati, ipsum armante ac præparante ad retractatorium prælium. Hanc quippè solam sancto Athanasio ac aliis appellantis Episcopis Julius impenderat. Hoc ipsum opus in Magno Leone damnat Paschasius Quesnellus. Proinde viderit, quomodo se fecernat à Philippo Politano Conventiculo.

Tertia ejus in Magnum Leonem calumnia est, quod Chelidonium sine Hilarii venia admiserit in gradum. Quod imitari debuisset Romanæ Ecclesiæ Presbyteros, qui Marcioni, per suum Patrem ac Episcopum Sinopensem damnato, noluerunt vel Laicam communionem reddere sine istius ventæ. Quidam censent hanc R. Patris Paschasis Quesnelli doctrinam non esse penitus deviam, utpote quam in secundo libro de concordantia Catholica tradit etiam Nicolaus Cardinalis Cusanus: „Si dicis Papam „Subditos Episcoporum absolvere & ligare, dico idem in aliis, „quando consensus Propriorum intervenit. Actus enim aliter „nullus per consensum aut ratificationem proprii Sacerdotis in „hac materia validus efficitur. Cum ergo usu communi hoc „sit introductum, & ex usu consensus elicitur, patet quod „efficacia hujus vigorem ex consensu recipit. Cum enim nul- „lus teneatur obedire, nisi in concessis à Canone, & cum non „reperiarur Canon alicujus Concilii, Papam hoc posse appellatio- „ne nulla interposita, oportet ad consuetudinem, usum, & con- „sensum illud resolvere. Papa enim non habet à Canone, quod „lædere possit Jurisdictionem Episcoporum. Quia esset ordinem „turbare“. Eiusdem mentis olim fuit Henricus Leodiensis Episcopus, ob nescio quem suum Parochianum Romæ absolutum Gregorio septimo scribens „mordaci invektiva, tamquam Apo- „stolicæ Sedi non esset autoritas, quoscunque & ubicunque „vult ligare & absolvere“. Respondeo hæc non spectare ad nostram quæstionem, id. oque ab illis nullas Paschasio Quesnello præberi suppetias. Præfati enim Doctores agunt de solutione citra appellationem faciendam per gratiam; quod appellatas causas Papa possit retractare ac definire, & nata ab illis vinctula in quovis homine per justitiam solvere, palam profitentur. Et tamen ad

ad Henricum istum rescripsit laudatus Gregorius : "Intelligas te  
 „aut præsumptionis spiritu, aut ignorantia contra auctoritatem  
 „sanctæ Romanæ Ecclesiæ verba jactasse, quasi imitando Orien-  
 „tales, qui contra beatum Papam Julium obloqui præsumpserunt,  
 „eò quod ipse sanctissimum Athanasium Patriarcham sine consen-  
 „su eorum abolverat". Affirmat ipsum ruerè in Philippo-Poli-  
 tanam & Schismaticam Eusebianæ factionis audaciam. Et rectè  
 affirmat. Quod enim Apostolica Sedes quorumvis Episcoporum  
 ac Synodorum judicia, etiam justa, possit per rationabilem gratiam  
 solvere, mox audiemus à sancto Pictaviensium Antistite Hilario.  
 Et ostendi possit pluribus exemplis ac testimoniis. Proinde istud  
 tanti Pontificis de isto Henrico, non ignobilis Sedis Episcopo,  
 Judicium longè potiori jure cadit in R. Patrem Paschasium. Au-  
 diamus & faciamus sequentia Gregorii verba : "Tibi deinceps  
 „caveas, ne hujusmodi contra nos temeritate rescribas, sed potiùs  
 „ad documenta sanctorum Patrum, quæ te loqui & scribere do-  
 „ceant, humiliter recurras". Marcionis negotium statim discu-  
 tietur.

Quarta Paschasii Quesnelli in magnum Leonem calumnia est  
 hæc : "Quartò denique in Canones Leo peccasse videtur, cum  
 „per Imperatoriam Sanctionem Gallicanæ Ecclesiæ consuetudini  
 „derogare primus tentavit, illudque à Valentiniano tertio Edi-  
 „ctum elicit". Quintò Canonibus adversari censet hæc præser-  
 tim Edicti verba : "Ne quid tam Episcopis Gallicanis, quàm  
 „aliarum Provinciarum liceat sine viri venerabilis Papæ urbis æter-  
 „næ auctoritate tentare, sed illis, omnibusque pro lege sit, quid-  
 „quid sanxit vel sanxerit Apostolicæ Sedis auctoritas". Verùm  
 quibus Canonibus, cui Gallicanæ Ecclesiæ consuetudini adversa-  
 tur istud Edictum? Aliud sanè huc usque credidit Gallicana Ec-  
 clesia. Sanctus Leo fecit adversùs Hilarium, quod contra Pela-  
 gianos fecisse sanctum Bonifacium Pontificem scribit in libro con-  
 tra Collatorem beatus Prosper : "Non solùm Apostolicis, sed  
 „etiam Regiis utebatur Edictis".

Horrenda est hæc Paschasii Quesnelli conclusio : "Quis non  
 „videat Leonem nostrum talia molientem Gallicanarum, immò  
 „omnium Ecclesiarum statum aliter, quàm more solito ordinasse,  
 „ut querebatur Hilarius? Dum, inquam, communionem suam  
 „Episcopo Canonice deposito irretractatâ causâ ultrò impertit; dum  
 Judicii



„Judicii Synodalis sententiam in Episcopum legitime accusatum &  
 „convictum pronunciatam infringit; dum causam extra Provin-  
 „ciam iterato examini subicit; dum denique sæculares Potestates  
 „adversus Hilarium, totamque Ecclesiam Gallicanam commovit.  
 „E contra verò planum est sanctum Hilarium, cum Pontificis con-  
 „cilio contradixit; cum non expectata ejus sententia, gregem  
 „suum bonus Pastor quanto cius reviviscere, abscellit; cum com-  
 „munioni „Chelidonii“, quem cum tantis viris damnaverat, con-  
 „jungi nullatenus acquievit, „ut scribit vitæ ejus author“, etiam  
 „cum vitæ discrimine; „non novis præsumptionibus Ecclesiarum  
 „statum & concordiam Sacerdotum turbasse, sed religiose ser-  
 „vasse, nec cum deseruisse tramitem semper inter Majores & be-  
 „ne tentum, & salubriter custoditum, quod objicit sanctus Leo,  
 „sed cum potius ab aliis desertum vigore Apostolico vindicavit“.

## CAPUT XVIII.

*Discentitur conclusio R. P. Paschasii Quesnelli.*



Reverendus P. Paschasius Quesnellus sua in ma-  
 gnum Leo nem elogia conatur concludere glorioso,  
 ac jam audito Epiphonemate. Adducit varios Ca-  
 nones, qui ab uno Episcopo ligatum vetant ab alio  
 solvi, & istiusmodi solutionem fanciant esse ejus-  
 dem scabiei attractivum Attentatum, atque con-  
 cludit: „Quantò consultius igitur imitatus es-  
 „set sanctus Leo Ecclesiæ Romanæ Proceres, quos olim Marcion Hæ-  
 „resiarcha, à proprio Patre Episcopo Ecclesiā pulsus, adiens ut  
 „Ecclesiasticæ communioni restitueretur, nunquam hoc ab eis  
 „obtinere potuit, teste Epiphanio, Hæresi quadragesimā secun-  
 „dā, quæ est Marcionistarum, sed hac ab illis responsione re-  
 „pulsus est“. Nos, „inquiunt“, injussu venerandi Patris tui face-  
 „re illud non possumus. Una siquidem fides, & animorum una  
 „consensio. Neque contra spectatissimum Collegam, Patrem  
 „tuum quidquam moliri possumus. „Ita Clerici Romani, Seniores,  
 „ab Apostolorum Discipulis edocti, ut ait Epiphanius, traditionem  
 „Apostolicam violare nefas ducebant“. Rursus respondeo hæc ef-  
 fe

se ipsissima Philippo-Politana Eusebianæ Factionis dogmata. Etenim scelerata Factio non ob alium criminis fucum præsumpsit in sanctum Julium Pontificem, ac sanctum Maximinum Treverensem Episcopum, splendidissimam ac firmissimam totius, Gallicanæ præsertim, Ecclesiæ columnam, lattare degradationis convictum, quàm quod ille, quintum Nicænum Canonem prævaricatus, damnatum à Tyria ac Antiochena Synodo Athanasium admisisset in suam communionem, hic verò istius prævaricationis fuisset consultor atque incentor. Immo sunt ampla istorum dogmatum augmenta. Etenim Romano Pontifici non dumtaxat in Synodalia aliorum Patriarcharum judicia auctoritatem abnegant, sed etiam in Provinciales Synodos suarum Diocesium.

Romani Cleri in Marcionem opus est discutiendum. Audiendus est ex integro sanctus Epiphanius : " Marcion fuit genere Ponticus, ex ea parte quæ Heleno-Pontus dicitur, oppido Sinope. Qui initio vitæ castitatem præ se ferens, Monachorum Instituta professus est : Parente natus Catholicæ communionis Episcopo. Postea cum Virginem quamdam adamasset, ac fraudibus pellexisset, à cælestis vitæ spe illam juxta ac semetipsum dejecit. Ob hunc igitur incæstum ab ipso Parente est pulsus Ecclesiâ : Viro comprimis Religioso, ac veritatis amore flagrantissimo, & in hac Episcopalis muneris administratione præstanti. Cui cum Marcion diù multumque supplicasset, ac pœnitentiam postulasset, hanc à Patre precibus nullis obtinuit. Vehementem siquidem ex ea re dolorem optimus senex & Episcopus cœperat, quod non ille solum excidisset, sed & ignominiam sibi ac dedecus imposuisset. Ergo ubi se nullis artibus eblendiri posse quod cuperet animadvertit, Popularem suorum probra ac ludibria non sustinens, clam ab oppido secessit, ac Romam post Hygini Papæ obitum sese contulit. Eò statim ac Marcion pervenit, ac Seniores adiens, qui ab Apostolorum Discipulis edocti adhuc supererant, ut in communionem admitteretur ab ijs frustra petiit. Quamobrem exstimulatus invidiâ, quod non Principem illic locum, ac ne Ecclesiæ quidem aditum impetrasset, ad impostoris Cerdonis hæresim confugere induxit in animum". Et infra : " Marcion palam Seniores alloquens inquit, Cur me recipere nolulistis ? Responderunt illi : Nobis injussu venerandi Patris tui facere istud non licet. Una siquidem fides est, & ani-

„morum una consensio. Neque contra spectatissimum Collegam  
 „Patrem tuum moliri quidpiam possumus. At ille vehementius  
 „excandescens, ac superbiâ & invidiâ percitus Schisma conflagrat,  
 „ac privatam hæresim est architectatus. Et ait: Ecclesiam ve-  
 „stram ego dissociabo, ac in eam Schisma sempiternum immit-  
 „tam”.

Verùm longè alia in Præscriptionum libro scribit Tértullianus:  
 „Constat Marcionem ac Valentinum neque adeò olim fuisse, An-  
 „tonini ferè Principatu, & in Catholicæ primò doctrinam credis-  
 „se apud Ecclesiam Romanensem, sub Episcopatu Eleutheri Be-  
 „nedicti. Donec ob inquietam semper eorum curiositatem, quâ  
 „fratres quoque vitiabant, semel & iterum ejecti, Marcion qui-  
 „dem cum ducentis Sestertiis, quæ Ecclesiæ intulerat, novissimè  
 „in perpetuum discidium relegati, venena doctrinarum suarum  
 „disseminaverunt. Postmodum idem Marcion poenitentiam con-  
 „fessus, cum conditioni sibi datæ occurrit, ita Pacem recepturus,  
 „si cæteros, quos perditioni erudisset, Ecclesiæ restitueret, mor-  
 „te præventus est”. Notanda est vox, “Constat”. Potenter sua-  
 „det hanc Tertulliani de Marcione relationem esse authenticam &  
 „veram. Et certè Tertullianus fuit vicinissimus istis tempori-  
 „bus.

• Affirmat primò, quod Marcion apud Romanam Ecclesiam cre-  
 „diderit, adeoque & baptizatus fuerit. Secundò, quod ingenio  
 „inquietus sit lapsus in hæresim. Utrique Cerdonis. Tertiò, quod  
 „istius erroris tandem Doctòr evaserit, ac multos vitia-rit. Utrique  
 „post secundum lapsum. Quartò, quod semel & iterum fuerit  
 „ejectus è comunione Ecclesiæ, ac bis per poenitentiam receptus  
 „in Sacramentalis Pacis, seu Reconciliationis gratiam. Quintò,  
 „quod ob tertium lapsum sit relegatus in perpetuum discidium.  
 „Sextò, quod etiam tunc poenitentiam egerit, ac fuerit recipien-  
 „dus in præfatam gratiam. Eà tamen conditione, “si cæteros,  
 „quos perditioni erudierat, restitueret Ecclesiæ”. Septimò, quod  
 „conditionem acceptaverit, sed ab ipsâ explendâ fuerit præventus  
 „per mortem. Est igitur defunctus in poenitentia.

Notanda sunt hæc verba: “Marcion quidem cum ducentis Se-  
 „stertiis, quæ Ecclesiæ intulerat, novissimè in perpetuum disci-  
 „dium relegatus”. Docent nos plura benè notanda. Primò, quod  
 „Marcion Romæ non solum Baptisma acceperit, sed insuper fuerit  
 „ejectus.

evectus in Clerum. Etenim Romanæ Ecclesiæ Populus nunquam, juxta primitivum Hierosolymitanæ ac Alexandrinæ Christianitatis morem, in communi vixit, adeoque nec baptizati illic unquam omnia sua intulerunt Ecclesiæ. Istiusmodi illatio non fiebat, nisi ab evectis in Clerum. Ab illis omnino fiebat. Non dumtaxat Romæ, sed in plurimis Ecclesiis. Omnis enim sub cælo Clerus, licet non eandem domum & mensam, olim tamen aliquid communis vitæ habuit, ideoque omnia sua ponebat ad pedes sui Episcopi, singulis juxta Ministerii merita distributuri divisiones mensuras, & sportulas. Quæ inferendi forma postmodò transivit in Monasteria. Secundum est, quod Romana Ecclesia Marcioni nec in primâ nec in secundâ, sed dumtaxat in tertiâ ejectione reddiderit sua Sestertia. Quia nempe prima & secunda erant sola excommunicatio, at verò tertia ejectio fuit degradatio: Perpetuum discidium à Clero. Degradatus omni istarum distributionum jure excidebat, ideoque ipsi reddebatur illatum patrimonium. Tertium est, quod Marcion etiam post perpetui discidii inflictionem egerit pœnitentiam, & Pacis additionem acceperit. Nempe Pacis seu communis Laicæ. Quartum est, quod primitiva Ecclesiæ disciplina, quæ solemnem pœnitentiam ac reconciliationem iterari vetuit, iterari omnino permiserit privatam. Etiam de gravibus criminibus. Verùm hæc omnia non faciunt ad præsens Propositum.

Sanctus Epiphanius Apocryphis quandoque credidit. Lucet ex illis, quæ scribit de Meletiano schismate. Quod etiam circa Marcionem fuerit nimium credulus, fortiter suadet ab ipso appositus Marcioni Monachatus. Quod enim sanctus Antonius sit primus Monasteriorum authôr, disertè tradit in ejus vita sanctus Athanasius. Antè Ægyptus paucos hinc inde prope proprium pagum aut domum Solitarios habuit, nullum Cœnobitam. Quod verò idem Athanasius coeperit primus Monachos in Clerum assumere, atque ita contemplativam vitam cum activa jungere, affirmat in ejus Elogio sanctus Gregorius Nazianzenus. Et de Pontica Dico Orat. 21: cefi scribit Hermias Sozomenus: "Apud Armenios, Paphlagones, & Ponti accolæ Eustatius Sebastia in Armenia Episcopus Monachicæ conversationis Author fuisse dicitur". Item quod ante sanctum Athanasium, ac ejus Successorem Petrum, qui appellationis prosequendæ causâ accesserunt aliam Urbem, nullus illic Monachus

Epist. 16. Monachus apparuerit, testatur in litteris ad sacram Virginem Principiam sanctus Hieronymus. Sunt tamen argumenta non irrefragabilia. Etenim sanctum Jacobum Nisibenum Episcopum, unum è Nicænæ Synodi Patribus, idèdque Athanasio longè seniore, Theodoretus in Monastica historia testatur antea fuisse Monachum. Et uti quidam in Ægypto ante Antonium, ita ante Eustatium pauci hinc inde in Ponto possint fuisse Solitarii. Et ex istis Marcion possit à Patre Episcopo fuisse euectus in Presbyterum.

Interim qualiscumque sancti Epiphanii relatio nequaquam everit sancti Petri Privilegium. Absit. Immo potentissimè confirmat. Affirmat enim Marcionem à Patris Episcopi sententiâ appellasse Romam, & accessisse. Idque post mortem Hygini Pontificis: Vacante tunc Sede. Dudum ante Pontificatum Zephyrini. Ejus peccatum erat mœchia; & quidè cummulata cum sacrilegio. At verò usque ad Zephyrini Papatum omnis sub cælo Ecclesia tria crimina reservabat Christo Domino: Idololatriam, Homicidium, & Mœchiam. Istorum patratores compellebat ad perpetuam totius vitæ pœnitentiam: Et nec exeuntibus largiebatur Sacramentalis reconciliationis viaticum. Eos, suis commendatos suffragiis, trans mittebat ad summum nostrum in Dei Patris dextera Pontificem, ab ipso judicandos, solvendo aut alligandos. Sanctus Zephyrinus est primus Author novæ tunc clementiæ, de qua scribit lapsus ad Montanum Tertullianus in libro de pudicitia: "Pontifex Maximus, Episcopus Episcoporum, edicit, Ego & mœchiæ & fornicationis delicta pœnitentiâ functis dimitto". Hinc igitur de Marcionis patre, Sinopeni apud Ponticos Episcopo, scribit sanctus Epiphanius: "Cui cum Marcion multum ac diu supplicasset, ac pœnitentiam postulasset, hanc à Patre precibus nullis obtinuit". Eadem de causa Romanus Clerus ne Ecclesiæ quidè aditum Marcioni aperuit, sed Patris de ipso sententiâ plenè confirmavit. Quod nempe mœchia, præsertim sacrilega, tunc esset crimen reservatum Christo Domino. Non ex autoritatis defectu, sed ex rigore disciplinæ.

Notanda sunt sancti Epiphanii de Marcione verba: "Quam obrem exstimulatus invidiâ, quod non Principem illic locum, ac ne Ecclesiæ quidè aditum impetrasset, &c". Edicunt Marcionem

tionem non simplicem Monachum, sed omninò fuisse Sinopenfis Ecclesiæ Presbyterum, ac à Romana Ecclesia expostulasse non solum Laicæ communionis, sed etiam Presbyteralis honoris restitutionem. Istum honorem sanctus Epiphanius omninò intelligit per "Principem locum". Major enim Clerus, nempe cum Episcopo Presbyteri, in sacro Tribunali simul sedebant, uti Principes ac Senatores Ecclesiæ. Proinde Epiphanius palam affirmat Marcionem & communionem & gradu fuisse à Patre Episcopo exutum, & pro utroque appellasse & accessisse Romanam Ecclesiam. Erat superbiz ac præsumptionis plenissima, & Apostolicis Canonibus adversissima audacia. Etenim Apostolus de Episcopis ac presbyteris disertè sanxit: "Oportet Episcopum sine crimine esse". Præsertim sine flagitio. Et quidem patrato post acceptum Ordinem, Hinc igitur Romanus Clerus paternam sententiam merito confirmavit in Marcionem, & ipsum exclusit non solum à gradu, sed insuper ab Ecclesiæ aditu.

Hæc sunt Senta sancti Epiphanii. Et ex ipsis discimus, quod istis etiam primitivis Ecclesiæ temporibus Orientalis Ecclesia à suorum Episcoporum Judiciis appellaret atque accederet Romanam Cathedram. Nec soli Episcopi, sed etiam Clerici. Et quidem Marcion à Sinopenfis Episcopi sententia non ad Amaseni Metropolitæ, immò nec ad Cæsarænsis sui Exarchi Tribunal aut Synodum, sed immediatè provocavit ad Apostolicam Romanæ Ecclesiæ Cathedram. Et accessit. Quàm eximium ac momentosum pro Romanarum Appellationum antiquitate & amplitudine sit hoc exemplum, ipsa res altissimè clamat. Orientalibus non dumtaxat Episcopis, sed & Clericis permittit præteriri Metropolitam ac Exarchum, adeoque & Patriarcham, & Romanum Pontificem immediatè non dumtaxat invocari, sed & accedi. Et istam consuetudinem stabilivit Sardicensis Synodus. Vacans Romana Ecclesia tunc regebatur à Presbyteris, qui Apostolorum Discipulos viderant atque audiverant, Ecclesiasticam disciplinam ab ipsis edocti. Ex quo lucet, quod Romana Appellatio omninò ab Apostolis, immò & ab ipso Christo Domino ducat originem. En per qualia exempla R. Pater Paschasius Quæsnellus conetur ac speret ipsam evertere.

Difficultatem faciunt hæc Romani Cleri ad Marcionem verba: "Nobis injussu venerandi Patris tui facere istud non licet.

Y 3.

Neque

„Neque contra spectatissimum Collegam Patrem tuum moliri  
 „quidquam possumus“. Videntur profiteri, quod non propter  
 disciplinæ rigorem, sed propter autoritatis inopiam ita egerint.  
 Nam disciplinæ rigor postulatam à Marcione gratiam nec ad  
 Patris jussum permisisset. Videntur profiteri istud ipsum, quod  
 postmodo Antiochena Eusebianæ factionis Synodus scripsit ad  
 Sanctum Julium Pontificem : „Inconcussam autoritatem ha-  
 „bet quælibet Synodus, & contumeliosè agitur cum Judice,  
 „cujus judicium ab aliis examinatur“. Eadem Romani Cleri  
 verba urget Joannes Launojus, & ex ipsis confidit se de sancto  
 Apostolo Petro gloriosum triumphare. Respondeo istam Eu-  
 sebianam ac schismaticam regulam abunde revinci à Rescripto  
 laudati Pontificis. Aliud est quamcumque sententiam retracta-  
 ri à superiori Judice, aliud est justam sententiam ab ipso cir-  
 cumduci & extollari : Solum posterius est inferioris Judicis  
 contumelia. Ex Apostolico enim Canone Nicæna Synodus  
 sanxit à superiori Judice non esse solvendum vinculum, nisi  
 quod processerit ex inferioris Judicis pusillanimitate, conten-  
 tione, aut alio vitio. At verò data à Patre Episcopo in filium  
 Marcionem sententia erat undequaque justissima : Hinc Roma-  
 nus Clerus rectè reposuit ipsam à se sine illius jussu non posse  
 solvi : Justè enim ligatum reum remitti oportet ad jussum ad  
 beneplacitum ligantis.

Et hæc quidem solutio possit videri sufficiens. Attamen res  
 est penitiùs introspectienda. Notanda sunt hæc sancti Epipha-  
 nii verba : „Marcion exstimulatus invidia, quod non Princi-  
 „pem illic locum impetrasset“. Palam edicunt, quod Marcioni  
 Presbyteralis honoris restitutionem non simplicitate, sed illic  
 Romæ obtinere postulaverit : Quod postularit Presbyter incar-  
 dinari in Romanam Ecclesiam. „Etenim suorum Popularium  
 „probra & ludibria non ferens“, ex Sinopeni civitate clam  
 discesserat, ideoque nunquam volebat eò redire. Voluit Romæ  
 traducere vitam. De alma enim Urbe Cornelius Tacitus in An-  
 nalibus rectè scripsit : „Quò cuncta undique atrocía aque pu-  
 „denda confluunt, celebranturque“. Hinc igitur etiam Mar-  
 cion illuc non dumtaxat confluere & manere, sed etiam cele-  
 brari voluit : Esse de Clero, & quidem Princeps ac Presbyter.  
 Et huc respexit, dum in hæresim prolapsus, palam, idest, im-  
 pudenter

prudenter ac sine fronte, dixit ad Clerum: "Cur me recipere noluistis"? Et Clerus reposuit: "Nobis injussu venerandi Patris tui facere istud non licet. Contra spectatissimum Collegam Patrem tuum moliri nihil possumus". Sensus est: Nec justissimam tui Patris de te sententiam circumducere, nec te licet integer esses, in nostrum cardinem sine ejus jussu possumus admittere. Quia nempe Apostolicus Canon alienum Clericum sine proprii Episcopi jussu ac litteris vetat ab alio Episcopo incardinari in suam Ecclesiam. Istum Canonem tunc omnino servabat etiam Romana Ecclesia. Et hinc in hæreticum ac barbarum furorem versus Ponticus Marcion respondit: "Ecclesiam vestram ego dissociabo, ac in eam sempiternum Schisma immittam". Sensus est lucidus: Quia me non vultis habere Presbyterum, equidem Romæ permanebo, futurus vobis perpetuus hostis, & vestræ Ecclesiæ crudelis lacerator. Uti Martinus Lutherus Papatum ac Apostolicam Sedem penitus suffocare, ita Marcion minatus est ipsam lacerare sempiterno schismate. Et certè permansit Romæ. Hinc enim de sancto Polycarpo scribit in Ecclesiasticorum Scriptorum catalogo sanctus Hieronymus: "Polycarpus, Ecclesiam in Urbe regente Aniceto, Romam venit, ubi plurimos credentium, Marcionis persuasione deceptos, reduxit ad fidem. Cumque ei fortuito obviam fuisset Marcion, & diceret, Cognoscis nos, respondit: Cognosco Primogenitum Diaboli". Hygino successit Pius, Pio Anicetus: Et Pius sedit per novem annos. Quare vides, quod Marcion Romæ firmus permanserit, & pertinaciter petrexit lacerare Ecclesiam. Hæc sunt Sensa sancti Epiphani; Et quod Romanis Appellationibus non detraherent, sed ipsis dent lucidissimum testimonium ac patrocinium, est penitus manifestum.

Notanda sunt item verba, quibus Romanus Clerus Marcionis patrem appellat "Spectatissimum Collegam". Ostendunt fuisse eximium Episcopum, ac notissimum Romanæ Ecclesiæ. Nec ambigendum est, quin & ipse de filii criminibus, de suo in ipsum Judicio, ac frivola ejus appellatione & fugâ relationes Romam transmiserit. Proinde & ipse agnovit ac veneratus est istas Appellationes: Agnovit retractatorium judicium non necessario esse faciendum in propria Provincia, sed fieri om-

nino



nino posse in alma Urbe. Prout placuerit sapientissimo Romani Episcopi arbitrio. Hinc item discimus, quod viduatæ Romanæ Ecclesiæ Clerus appellationes tunc admitteret, ipsasque retractaret, ac desuisset. Quod ipsum lucidè demonstrat ejusdem per sancti Fabiani Pontificis Martyrium vacantis Ecclesiæ Clerus in Rescripto ad sanctum Cyprianum: "Quod autem pertinet ad Privatum Lambesitanum, pro tuo more fecisti, qui rem nobis sollicitam nuntiare voluisti. Omnes enim nos decet pro corpore totius Ecclesiæ excubare. Sed nos etiam ante litteras tuas fraus callidi hominis latere non potuit. Nam cum antehac quidam ex ipsius nequitiae cohorte venisset, Vexillarius Privati, & furto ac fraudulenter litteras à nobis elicere curaret, nec quis esset latuit, nec litteras, quas volebat, accepit". Privatus Lambesitanus Episcopus fuerat à Donato, sancti Cypriani Antecessore, damnatus ac degradatus: Et ejus sententiam in appellatam hominem sanctus Fabianus confirmaverat. Hinc ille post Pontificis mortem studuit circumducere utrumque judicium: Romam misit suæ cohortis Vexillarium, qui viduatam Clerum in istam circumductionem circumscriberet. At fraudulentia non successit. Interim hinc etiam vides Africanos quoque Episcopos semper Romam provocasse: Nec dumtaxat ad Dominum Papam, sed etiam ad viduatam Clerum. Item vides istas appellationes non in Africa fuisse retractatas, sed in alma Urbe. Hæc suo loco demonstrabuntur largius.

Quæstio est, Quomodo Marcion potuerit talia, sacris Canonibus palam obvia, à Romana Ecclesia postulare? Erat Ecclesiasticæ regulæ ac disciplinæ peritissimus: Quo igitur titulo aut fuco postulavit impossibilia? Respondeo hunc nodum solvi à Commentario, quem Synodalibus Sardicenis Concilii litteris subdunt fragmenta sancti Hilarii Pictaviensis Episcopi: "Quam opportunitatem nacti Ursacius & Valens, Romanæ Plebis Episcopum adeunt, recipi se in Ecclesiam deprecantur, & in communionem per veniam admitti rogant. Julius ex consilio veniam, quam orabant, impertit, ut cum luctu Catholicæ Ecclesiæ vires quoque detraheret Arianis, cum eos, qui veritatem ante turbaverant, consilii hujus & audaciæ poenitentes, in communionem Catholicam per veniam reconciliatæ pacis admitteret". Ex his vides duplicem lapsi, etiam Clerici ac Episcopi, reparandi formam esse

se antiquissimam : Nempe reparationem per justitiam, ac reparationem per dispensatoriam gratiam. Certè Julius non est primus Author hujus clementiæ, sed etiam in hoc articulo sequutus priorem Romanæ Ecclesiæ consuetudinem. Eandem igitur gratiam postulavit Marcion. Quapropter omnem istam auctoritatem agnovit in Romana Ecclesia : Auctoritatem non dumtaxat solvendi quæcumque Episcoporum ac Synodorum judicia, sed etiam quoslibet sub cælo Clericos transferendi in suum cardinem. Et per justitiam & per gratiam. At Romanus Clerus eâ potestate uti ex rationibus noluit, forsitan quod majorem hanc causam censeret reservandam futuro Pontifici.

Porro quod sanctus Epiphanius Romanas Appellationes, ipsarumque antiquitatem omninò agnoverit, lucet ex variis ejus locis, præsertim ex illis quæ scribit de Marcello Ancyrae Episcopo, Metropoli primæ Galatiæ. Hunc Antiochena Eusebianæ factionis Synodus damnavit. Ob hæresim. Et damnatio non carebat fundamento. Etenim de ipsa scribit in libro de Synodis laudatus Hilarius : " Adfuerunt Episcopi nonaginta & septem, cum in suspicionem venisset unus ex Episcopis, quod prava sentiret". Hic est omninò Marcellus. Et talia de ipso scripsit Hilarius, qui cum omni latina Ecclesia dudum studuit illum constanter defendere. At verò damnatus provocavit ad Romanam Ecclesiam, ac Julium Pontificem. Et personaliter accessit. Sua istic Acta exponit in libello, quem porrexerat laudato Pontifici : " Cum nonnulli ex his, qui, quod parum integrè de fide sentirent, antea condemnati sunt, quique à me in Nicæna Synodo convicti sunt, contra me ad Pietatem tuam scribere non dubitaverint, me nec rectè, nec cum Ecclesiæ doctrina consentaneè de fide statuere, ut crimen suum in me transferrent, propterea necessariò Romam mihi veniendum, & te eomonendum putavi, ut eos, qui contra me scripserunt, accerteres, ut cum advenissent, de duobus illis à me convincerentur, cum illa ipsa falsa esse, quæ in me scripserunt, tum eos adhuc in pristino errore perseverare. Et indigna quædam adversus Ecclesias Dei, ac nos ipsos illarum Præfides esse machinatos. Sed cum illi venire noluerint, tametsi Presbyteros ad illos miseris, ego verò anno integro & tribus mensibus Romæ commoratus fuerim, faciendum mihi omninò censeui, ut antequam hinc proficiscerer, meæ fidei professionem

„tibi sincerè atque ex animo, meaque manu perscriptam, offerrem“. Adjungit suæ fidei professionem, ipsi inserit integrum Apostolicum Symbolum, & supplicat reparari, aut plenè saltem revestiri.

Affirmat varia. Primò, quod Antiochena Synodus istud de sua damnatione judicium statim retulerit ad Sedem Apostolicam. Secundò, quod Romanæ Ecclesiæ contra istas injurias auxilium imploraverit, & quod ipsam accesserit, semetipsum expurgaturus, ac reparandus. Tertiò, quod ad istud retractatorium Judicium rogaverit Romam evocari istius Synodi Antistites, reddituros sui operis rationem, ac de iniquitate convincendos. Quartò, affirmat, quod Julius Pontifex ipsos ad istum finem evocaverit. Et quidem per Legatos Presbyteros. Quintò, quod per totum annum ac tres menses illi non comparuerint, ideoque digni fuerint damnari in contumaciam, ac ipse in Episcopalem honorem plenè reparari. Et quidem Pontifex reparare noluit. Ex integro tamen revestivit, ac plenam causæ retractionem fieri Synodaliter jussit apud Sardicam. Et Marcellum eò transmisit, & ipsum Synodus discussit, absolvit à vinculo, ac plenè reparavit. Et hæc omnia, licet Sardicensem Synodum à Marcello circumscriptam crediderit cum aliis passim Græcis, omninò probavit Epiphanius, ac suo inseruit operi. Et hinc iterum videmus istam retractandæ Appellationis formam esse antiquissimam, & Sardicæ dumtaxat fuisse innovatam ac stabilitam.



## CAPUT XIX.

*Examinantur Dogmata D. Petri de Marca.*

**I**stius Arum sordium palmaris hoc sæculo fons est D. Petrus de Marca Archi-Episcopus Parisiensis. Ex ipso biberunt Paschasius Quesnellus, & omnes ejus Symmystæ. Quocirca fons hic est detegendus, ac obturandus. In sexto de Sacerdotii ac Imperii concordia libro fateatur Synodales Provinciarum ad Romanum Pontificem relationes esse antiquissimas, & prosequitur: "At Judicia Cap. 14.  
 „in Synodis illis reddita quoad disciplinam erant summæ authori-  
 „tatis, ut constat ex Concilio Nicæno, non solum quoad corre-  
 „ctionem & depositionem Presbyterorum, aliorumque inferioris  
 „Ordinis Clericorum, sed etiam quoad depositionem Episcopo-  
 „rum. Itaque appellationi locus non erat, nullaque alia anti-  
 „quitas ratio suppetebat damnatis, quam ut Rescripto Principis  
 „negotium retractaretur in majori Synodo: Quando videlicet age-  
 „batur causa alicujus Episcopi, aut aliquod negotium magni mo-  
 „menti". Respondeo hic consui errores varios. Primus est,  
 quod Nicænum Concilium, utique quinto Canone, sanciat etiam  
 de depositionibus Episcoporum. Secundus est, quod damnatis  
 nullum relinquat appellationis locum. Etenim longè aliud nobis  
 supra dixit Julius Pontifex. Nec refert, quod Nicænus Canon  
 Romanæ Ecclesiæ Privilegium non exprimat. Rationem dat in  
 literis ad Thessaliæ Episcopos sanctus Bonifacius Pontifex: Quia  
 nempe super sanctum Petrum, ac ejus Apostolicam Cathedram  
 ista Synodus nihil fuit ausa constituere, sciens illi omnia donata  
 à Domino.

Tertius error est, quod damnatis Episcopis aut Clericis olim  
 nullum suppeteret remedium, nisi refugium ad Rescripta Principum.  
 Etenim usque ad magnum Constantinum Principes erant genti-  
 les, professi hostes Ecclesiæ, ac persecutores Episcopaliū Syno-  
 dorum, Quis tum ipsos accedere poterat ad postulandam majorem

Lib. 7.  
Cap. 24.

rem Synodum? Quis unquam accessit? Nullum suppetit exemplum, nisi forsitan facinorosi Pauli Samosatensis, de quo per Antiochenam Synodum damnato scribit in Ecclesiastica historia Eusebius Cæsarensis: "Verum cum Paulus ex Episcopi domo, ejus Ecclesiæ propria, exire noller, Imperator Aurelianus, ea de re rogatus sententiam, sanctissimè quid esset agendum decrevit. Præcepit enim, ut domus Ecclesiæ illis tribueretur, quibus Christiani Italiæ, & Urbis Romæ Episcopi per literas, tribuendam præscriberent. Sic demùm Paulus cum summo decore, sæcularis Imperii ac Potestatis autoritate, ab Ecclesia penitus extruditur. Quo quidem tempore talem, & tam benigne ergà nos animatum Aurelianus se declaravit. An Paulus ad Aurelianium confugerit, non est manifestum: Certè Synodum confugisse nunquam credidero. Quidquid sit, confugium istud non servivit ad appellationi novam impetrandam Synodum, sed ad obtinendam Synodalis Judicii executionem. Quis Apostolicus Canon, quæ Patrum regula, quæ Ecclesiæ consuetudo, quod authenticum exemplum Episcopos à Synodali damnatione provocantes misit ad Reges aut Principes?

Libr. 1.

Nullum est exemplum, nisi Donatistarum, ad quos, & adversum quos declamat sanctus Optatus Episcopus Milevitanus: "Quod de nobis dicitis", Quid Christianis cum Regibus, aut quid Episcopis cum Palatio? "Si nota est nosse Reges, vos tota perfundit invidia. Nam Majores vestri, Lucianus, Dignus, Nassutus, Capito, Fidentius, & cæteri Imperatorem Constantinum, harum rerum adhuc ignarum, his precibus rogaverunt, quarum exemplum infra scriptum est: Rogamus te, ô Constantine, optime Imperator, quoniam de genere justo es, cujus Pater inter cæteros Imperatores persecutionem non exercuit, & ab hoc facinore immunis est Gallia. Nam in Africa inter nos & cæteros Episcopos contentiones sunt. Petimus ut de Gallia nobis Judices dari præcipiat Pietas tua. Daræ à Luciano, Nassutio, Digno, Capitone, Fidentio, & cæteris Episcopis partis Donati. "Quibus lectis, Constantinus pleno livore respondit. In qua responsione & eorum preces prodidit, dum ait: Petitis à me in sæculo judicium, cum ego ipse Christi Judicium expectem. Et tamen dari sunt Judices". Et in literis ad Vincentium, Donatistarum Cartennensem in Mauritania Episcopum, sanctus Augustinus: Vos

"Vos indubitanter arguimus, quibus crimen videtur de inimicis Epist. 48.  
 „communione nostræ Christiano Imperatori aliquid conqueri.  
 „Cum libellus à Majoribus vestris Anulino Proconsuli datus,  
 „& Constantino Imperatori mittendus, ita superscriptus sit":  
 Libellus Ecclesiæ Catholicæ, criminum Cecilianî, traditus à parte  
 Majorinî. Illos autem magis hinc arguimus, quia apud Im-  
 „peratorem ultro Cecilianum accusaverunt, quem prius apud  
 „Collegas Transmarinos convincere debuerant. Ipso autem Im-  
 „peratore longè ordinatiùs agente, ut Episcoporum causam ad  
 „se delatam ad Episcopos mitteret, nec victi cum fratribus pa-  
 „cem habere voluerunt". Ecce, quid Ecclesiæ Patres de isto  
 confugio sentiant. Et quid senserit ipse Constantinus, adhuc Ca-  
 techumenus. Augustinus affirmat Cecilianum non ad Principem  
 fuisse deferendum, nec à Principe postulandos Iudices, sed im-  
 plorandos fuisse Transmarinos Antistites, hoc est, Episcopum Epist. 162.  
 Romanum. Discretè semetipsum ita exponit in literis ad quos-  
 dam Donatistarum Episcopos. Et hinc Constantinus factiosos  
 istos remisit ad Papam Melchiodorum. Aliquid tamen gratiæ vo-  
 lens ipsis impendere, rogavit adjungi quosdam Episcopos Gallica-  
 nos. Nempè etiam tunc non Laicus Princeps, sed Apostolica Se-  
 des ex Christi Domini Instituto erat refugium damnatorum Episc-  
 coporum. Ad ipsam refugerunt ex Hispania Basilides & Mar-  
 tialis, ex Africa Privatus Lambesitanus Episcopus, & Fortuna-  
 tus Pseudo-Episcopus Carthaginensis, ex Oriente Sanctus Atha-  
 nasius & ejus Collegæ, & alii hinc inde plures. Non ad Reges,  
 sed sancto Petro dictum est: "Confirma fratres tuos". Augu-  
 stas Episcopaliū causarum Delegationes fateor Christianis olim  
 temporibus fuisse frequentes: Verum solas Canonibus conformes  
 probavit Ecclesiæ. Quasvis alias improbavit, & constanter excusit.

Dominus Petrus de Marca prosequitur: "Ei authoritati tem-  
 „peramentum in Oriente adhibuit Sardicenis Synodus, in gra-  
 „tiam Episcoporum gradu suo dejectorum, datâ nimirum licentiâ  
 „appellandi ad Apostolicam Sedem, ut Judicium renovetur in  
 „Provincia, si Romanus Episcopus judicaverit renovandum esse.  
 „Quoad verò Presbyteros & Laicos excommunicatos nihil inno-  
 „vatum, quoniam eorum causæ non erant tanti momenti, ut  
 „Romanus Pontifex appellari posset, Sicut nec in Oriente con-  
 „cessa eis erat appellatio ad Patriarchas, ut patet ex Nicænis Ca-

nonibus, Antiocheno sexto, & nono Chalcedonenſi. Concilium, inquam, Sardicenſe nihil prorsus deſtruxit de ſuprema Concilio- rum Provincialium authoritate quoad Presbyteros. Contra eam Canone decimo ſeptimo firmavit adverſum iniquas quorundam Episcoporum molitiones, qui ferre non poterant Presbyterorum aut Diaconorum deſectorum querelas adverſum ipſos propoſitas apud cæteros Episcopos: Habeat poteſtatem is qui abjectus eſt, ut Episcopos finitimos interpellet, & cauſa ejus audiat, ac diligentius tractetur, quia non oportet ei negare audientiam roganti. Et ille Episcopus, qui juſtè vel injuſtè eum abjecit, patienter accipiat ut negotium diſcutiatur: Ut vel probetur ſententia ejus à plurimis, vel emendetur. "Interim tamen executioni demandanda eſt ſententia Episcopi, ut ait Canon": Tamen prius quam omnia diligenter & fideliter examinentur, eum qui fuerit à communione ſeparatus, antè cognitionem nullus debet præſumere, ut eum communioni ſociet. "Hujus Canonis præjudicio, quem Legatus Fauſtinus tanquam Canonem Nicænæ Synodi protulerat. Zozimus firmare conatus eſt cognitionem à ſe habitam de accuſatione Apſarii Presbyteri Africani, à proprio Episcopo deſecti, exiſtimans videlicet eum eſſe Canonis illius ſenſum, ut Presbyteri excommunicati arbitrio relinquat querelam ſuam deferendi ad quos voluerit Episcopos, modo Provinciæ vicini eſſent, cujuſmodi eſſe Roma videbatur, habitâ ratione Provinciarum maritimarum Africæ".

Erroris plurimi. Primus eſt, quod inconcuſſæ Provincialium Synodorum authoritati temperamentem adhibuerit Sardicenſis Synodus. Etenim quod appellandi facultas non à Sardicenſi Synodo, ſed à perpetua, per Chriſtum Dominum inſtituta, per Apoſtolos confirmata, & per Nicænâ Synodum reduſta in Scriptum, Eccleſiarum conſuetudine ducat originem, eſt abundè demonſtratum in ſuperioribus. Et Eulebiana Factio nequaquam Provinciales, ſed ſolas Patriarchales Synodos prætendit eſſe inconcuſſas. Secundus error eſt, quod Sardicenſis Synodus pro ſolo Occidente iſtud temperamentum dederit. Etenim iſta Synodus, licet Sanctus Epiphanius dicat Occidentalem, plenum tamen vigorem habuit etiam in Oriente. Eſt ſupra demonſtratum. Quod verè ac plenè œcumenica fuerit, poſſit faciliter ac lucidè demonſtrari. Tertius error eſt, quod Sardicenſis Synodus Romanam appellationem

nem

nem indulserit solis Episcopis. Longè aliud ad Antiochenam Eusebianæ factionis Synodum scribit sanctus Papa Julius: "Non solum Athanasius & Marcellus Episcopi cum querimoniis de illatis injuriis, sed & plurimi alii Episcopi ex Thracia, Cæle-syria, Phœnicia, Palestina huc convenère. Presbyteri item non pauci, partim ex Alexandria, partim aliundè, huc ad Concilium occurrerunt, & coram omnibus Episcopis ibi congregatis, inter reliqua Dicta sua conquesti sunt, vim & injuriam Ecclesiis illatam esse, suasque Ecclesias eadem, quæ Alexandrina, passas esse. Ex Ægypto autem & Alexandria, cum denuò su-pervenissent, Presbyteri literas secum attulère, quibus plurimorum Episcoporum querimonia continebatur, se cum huc ad Concilium pergerent, detentos fuisse atque etiamnum detineri". Ecce, etiam ante Sardicensem Synodum inferior Clerus, pari cum Episcopis jure, poterat provocare Romam, & provocabat. Et ipsum adeò displicebat primis istarum appellationum hostibus Eusebianis, ut appellantes & Romam accedentes Presbyteros comprehenderent per viam, ac traderent in custodias. Quam artem etiam novit atque exercuit primus apud Gallos Clericalium ad Sanctam Petri Sedem appellationum hostis, Hincmarus Metropoli-ta Rhemen-sis. Porro Julius Pontifex, quoniam evocati istorum appellantium Adversarii detrectabant compa-rere ad retractatorium in Urbe Judicium, uti Episcopos, ita & Clericos, quorum appellationem admiserat, continuavit in suo gradu & communione, & omnium causas retractari jussit per Synodum Sardicensem. Et hæc in sua ad Julium relatione affirmat se convenisse ad tres causas, quarum hæc fuit tertia: "Tertia, quæstio, quæ verè quæstio appellanda est, quod graves & acerbas injurias, intolerabiles etiam & nefarias contumelias Ecclesiis fecissent, cum raperent Episcopos, Presbyteros, Diaconos, & omnes Clericos in exilium mitterent; ad deserta loca traducerent; fame, siti, nuditate, & omni egestate necarent; alios clausos carcere, squallore conficerent, &c". Et in literis ad Clerum Alexandrinum: "Quia cognovimus Aphthonium, & Athanasium Capito-nis filium, & Paulum, & Plutionem, Con-Presbyteros vestros, eandem cum variis Episcopis fraudem ab Eusebianis perpeffos esse, hac de causa hoc etiam vobis significare necessarium duximus, etiam illos à nobis esse receptos, & ut innocentes crimi-ne



„ne liberatos“. Istorum igitur, tam Clericorum quam Episcoporum, quos spoliatus Julius reconstituerat, & in sui gradus possessione continuarat, Sardicensis Synodus retractavit causas, ipsique reddidit etiam jus atque titulum. Idque ex Mandato Julii. Quod enim Generalis Synodus solas sibi à Pontifice delegatas causas possit agitare ac definire, disertè scribit sanctus Leo ad Anatolium Episcopum Constantinopolitanum. Proinde Sardicensis Synodus Romanam Appellationem inferiori Clero nec dedit nec abstulit, sed à Christo Domino datam confirmavit. Christus Dominus non solas oves, sed etiam agnos commisit sancto Petro : Omnes possunt in suis angustiis ad hunc recurrere, omnes debent ab ipso adjuvari.

Quartus error est, quod Romanæ Appellationis retractatorium iudicium sit renovandum in eadem aut vicina Provincia. Est abundè supra explosus. Quintus est, quod inferior in Oriente Clerus non possit à suæ Provinciæ Synodo provocare ad Patriarcham. Etenim contrarium supra audivimus à Canonibus Arabicis. Sextus error est, quod ita statuatur à Nicænis Canonibus. Est Paradoxum, alienissimum à sensu omnium Orientalium. Certè Arabicorum Canonum Authores censuerunt ipsos admodò conformes Nicænis, ut credi & haberi Nicænos voluerint. Error septimus est, quod ita sanciat sextus etiam Canon Antiochenus. Etenim Eusebiana factio, dum lubricum ac dolosum cudit Canonem, solam Romanam voluit Appellationem excludere, nullatenus Patriarchalem. Et dum illum admisit Romana Ecclesia, purgavit per subintellectam clausulam : „Sine præiudicio Romanæ Ecclesiæ“. Quidquid sit, istos Canones circumduxit Sardicensis Synodus. Octavus error est, quod ita sanciat nonus etiam Canon Chalcedonensis. Etenim disertè sancit oppositum : „Quod si Clericus habet causam adversus Episcopum propriam, apud Synodum Provinciæ iudicetur. Quod si adversus ejusdem Provinciæ Metropolitanum habet querelam, petat, aut Primatem Diocesis, aut Sedem Regiæ Urbis Constantinopolitane, & apud ipsam iudicetur“. Agit de Clericis trium olim Autocephalarum Diocesium. Ipsi permittit appellare à suo Episcopo ad Provinciæ Synodum, hinc ad novum Patriarcham Constantinopolitanum, ideoque similem recursum ad suos Patriarchas permittit & Clero aliorum Patriarchatum.

Quin

Quin immò, quod Orientalis Ecclesiæ inferior Clerus semper etiam ad Apostolicam Sedem liberè appellaverit, est longè certissimum. Etenim Constantinopolitanæ Ecclesiæ Clerici, per Patriarcham suum atque Hæresiarcham Nestorium degradati, appellarunt ad sanctum Celestinum. Et Pontifex illis rescripsit multa ex Sacris literis, ex sancti Athanasii similiter appellantis exemplo, ac ex aliis istiusmodi principiis solatia, & tandem conclusit: "Ne tamen ad tempus Nestorii videatur valere sententia, apertè Sedis nostræ sanxit autoritas nullum, sive Episcopum, sive Clericum, seu Professione aliquâ Christianum, qui à Nestorio vel ejus similibus, ex quo talia prædicare cœperunt, vel loco suo, vel communione dejecti sunt, vel dejectum, vel excommunicatum videri, sed hi omnes in nostra communione fuerunt, & hucusque perdurant. Quia neminem dejicere vel removere poterat, qui prædicans talia titubabat". Eorum absolutionem usque ad retractatorium in Ephesina Synodo Judicium differre noluit: Appellationem mox admisit, atque ita ipsos continuavit in suo gradu & communione. Quod etiam Pistus, Alexandrinæ Ecclesiæ Presbyter, Romam appellavit, supra audivimus à sancto Julio Pontifice. Et quidem appellavit adversus judicium Sacrosanctæ Nicænæ Synodi. Et sanctus Ambrosius cum cæteris Italix Episcopis, dum ab Imperatore Theodosio postulavit generalem Synodum, adjunxit: "Neque enim æstimamus, esse convitium, cum unus Constantinopolitanæ Ecclesiæ Presbyter, Paulus nomine, intra Achaiam Synodum Orientalium juxta atque Occidentalium postularit". Quod etiam Chæræmon, Victor, Sophronius, ac facinorosi Flaviani Puerulus, sæces Alexandrinæ civitatis, contra sancti Cyrilli sententiam appellarint ad generalem Synodum, testatur idem Pater in literis ad Clerum Constantinopolitanæ Ecclesiæ. Proinde & ad Papam appellare potuerant. Quid opus multis? Quod Orientales, ex ipsa etiam Regia civitate, Clerici Romam passim appellarent, testatur magnus Gregorius in literis ad Marinianum Ravennæ Episcopum. Et Ætius Constantinopolitanæ Ecclesiæ Archi-Diaconus contra suum Patriarcham Anatolium, qui invitum consecraverat Presbyterum, atque ita sub honoris specie degradaverat, invocavit sanctum Papam Leonem, & causam obrinuit. Pontifici enim Anatolius rescripsit: "Reverendissimus nostræ Ecclesiæ Presbyter Ætius in

Epist. 19.

Lib. 5.

Epist. 24.

Epist. 106.

Cap. 2.

„priorē loco atque honore est restitutus”. Etiam Archimandrita, & ejusdem Ecclesiæ Presbyter Eutyches, à suo Patriarcha Flaviano damnatus, appellavit ad eundem Pontificem : Et fuit auditus. Verum quoniam ejus hæresis fuit manifesta, lata in ipsum sententia fuit confirmata. Athanasius item Alexandrinæ Ecclesiæ Presbyter, ac sancti Cyrilli nepos. Ischyron ac Theodorus, ejusdem Ecclesiæ Diaconi, necnon Sophronius, ibidem fidelis Laicus, à Dioscuro Patriarcha degradati ac variè vexati, appellaverunt ad eundem Pontificem, & sub ipso congregatam Chalcedonensem Synodum. Omnes suis libellis dederunt hanc Epigraphen : „Sanctissimo & beatissimo universali Archi-Episcopo & Patriarchæ magnæ Romæ Leoni, & sanctissimo Concilio, secundum voluntatem Dei & Divina mandata in Chalcedonensi civitate congregato”. Instantis Concilii opportunitas eis fecit animos ad ipsum provocandi, alioquin ad solum Pontificem provocaturis. Er omnis ista maxima Synodus provocationem probavit, admisit, exaudivit. Istam Epigraphen respicit magnus Gregorius, in variis literis scribens Universalis Episcopi titulum fuisse à laudata Synodo oblatum ac delatum magno Leoni, at humiliter refuluratum. Similiter ad Constantinopolitanæ Ecclesiæ Clerum & Populum de Salomone Presbytero, per Acacium Patriarcham dejecto, scribit Felix III. Pontifex : „Filio nostro Salomoni Presbytero, quem Acacius, ut placeret hæreticis, suo privare putavit gradu, gradum proprium sententia vestra confirmet, vel omnes qui fortè à memorato propulsi, in suis locis, & in nostra communione manere pronunciet”. Quia nempe Salomon ad Felicem provocaverat. Item Joannem Chalcedonensem, & Athanasium Isauriæ Presbyterum, à Joanne Patriarcha Constantinopolitano degradatos, atque ad se provocantes, exaudivit ac reparavit magnus Papa Gregorius. Et hæc omnia sunt ab ipsis Apostolis : Immo ab ipso Christo Domino. Etenim quod Marcion, Sinopensis Ecclesiæ Presbyter, à sui Patris ac Episcopi sententia Romanam appellavit, & quod ipsum vacantis Romanæ Ecclesiæ seniores Presbyteri audierint ac judicaverint, supra audimus à sancto Epiphanio. Erant Presbyteri edocti ab Apostolorum Discipulis. Et certè Domini verba : *Pasce oves meas, Confirma fratres tuos*, aliæque id genus, nequaquam comprehendunt solos Episcopos,

Eandem

Eandem formam viguisse in Gallicana Ecclesia, lucidè docet magni Leonis epistola ad Rusticum Metropolitam Narbonensem: „Gestis, quæ in Episcoporum, Honoratorumq; examine confecta sunt, recensitis, Sabiniano & Leoni Presbyteris actionis suæ in-  
telleximus fiduciam defuisse, nec eis justam superesse querimoniam, qui se ab inchoatis disceptationibus spontè subdixerunt. Circa quos quam formam, quamve mensuram debeas tenerè Justitiæ, tuo relinquo moderamini, suadens tamen charitatis hortatu, ut sanandis ægris spiritalem adhibeas medicinam. Et dicente Scriptura, Noli esse justus nimium, „mitius agas cum eis“. Paschasius Quesnellus correxit hunc textum, & legit: „Actionis tuæ“. Evertit sensum. Nescio quo scopo. Quidquid sit, Sabinianus & Leo Presbyteri, à Rustico degradati aut castigati, provocaverant Romam. At in sua causa defecerant. Hinc ipsos Pontifex remisit Rustico, permisit ejus moderamini, & commendavit clementiæ. Quod etiam Tuentius, Gallicanæ Ecclesiæ Clericus, quem Proculus Massiliensis Metropoli postmodò consecravit in nescio cujus civitatis Episcopum, à sui Antistitis Judicio Romam appellavit, ac ejus circumductionem, non per Justitiam, sed per singularissimam gratiam obtinuerit, testatur sanctus Papa Zozimus in literis ad Episcopos Africæ, Galliæ, ac Hispaniæ. Sapaudus Arelatensis Episcopo, de frivolis suorum Clericorum appellationibus querenti Pelagius I. reposuit ipsos interim audiendos, ideòque opus esse, ut & Sapaudus suos transmittat Responsales: Quo nempe causa retractetur secundùm Sardicenses Canones. Etiam nequam ille juvenis, qui Sacram Virginem stupraverat, ab imposita sibi per sanctum Avitum Viennensem Metropolitam publicâ poenitentia appellavit ad Sedem Apostolicam, aut certè minatus est appellare. Nec desunt alia exempla. Et nemo tunc Gallicanus Episcopus intercessit. Propter constantem consuetudinem. Et ecce nunc apud imperitos clamatur, inferiorem Galliæ Clerum nunquam fuisse gavilum ista facultate.

Nonus error est, quod Sardicensis Synodus Clerum inferiorem exuat Romanæ appellationis auxilio. Est atrox in Synodum contumelia. Etenim Sanctissimi isti Patres Clerum voluerunt non opprimere intra Episcoporum manus, sed per istum Canonem adjuvare. Excommunicatorum absolvendorum potestatem, quam Nicæna Synodus ad Synodum Provinciæ, & ad

duas per annum vices restrinxerat, ipsi ampliant ad vicinos Episcopos, & ad omnes diestotius anni. Sunt duo erroris fundamenta. Primum, quod Romanam Appellationem firmantes Canones palam loquantur de solis Episcopis, non de Clericis. Secundum est quartus decimus Canon, de damnatis à suo Episcopo Clericis hæc lanciens: "Qui ejicitur, potestatem habeat  
 ,,confugiendi ad Episcopum Metropolis ejusdem Provinciæ. Si  
 ,,autem Metropolitanus abest, ad finitimum concurrendi &  
 ,,rogandi, ut suum negotium accuratè examinetur. Neque  
 ,,enim non sunt aures præbendæ eis qui rogant. Ille autem  
 ,,Episcopus, qui jure vel injuria eum expulit, æquo animo ferre  
 ,,debet, ut rei fiat examinatio, & vel ejus confirmetur sen-  
 ,,tentia, vel corrigatur. Priusquam diligenter, & ex fide fue-  
 ,,rint examinata singula, qui communionem non habet, ante  
 ,,rei cognitionem non sibi debet communionem arrogare".  
 Est appellatio admodum accisa & contracta. Etenim devolvit solummodo, non suspendit. Et Dominus Petrus de Marca vult ab ipsâ excludi Romanam Appellationem.

Respondeo hunc Canonem quibusdam olim displicuisse. Et enim Guilielmus Beveresius, licet Heterodoxus, eruditus tamen, adducit hoc ejus antiquum scholion: "Hic Canon contrarius  
 ,,est iis quæ ante ipsum sunt, & confusionum & scandalorum  
 ,,causa. Clericum enim ab Episcopo condemnatum confugere  
 ,,ad communem Metropolitanum est consentaneum & Canon-  
 ,,cum; si autem Metropolitanus præsto non sit, ad alium  
 ,,confugere, eumque Dominum & Examinatorem sui Episcopi  
 ,,constituere, qui nullam omnino in eum potestatem habet,  
 ,,quàm absurdum est, tumultum & seditionem movens, & bono  
 ,,ordini exitiosum"? Quod ipsum in suo ad similem Africa-  
 num Canonem scholio scribit Alexius Aristinus. Nec sine om-  
 ni fundamento. Nihilominus non soli Africanæ, sed omni-  
 tandem Ecclesiæ Canon placuit ob singularem pietatem in op-  
 pressum à quorundam Episcoporum violentia Clerum. Fre-  
 quenter prædicatur ab Hincmaro Rhemensis. Etenim quin-  
 tum Nicænum Canonem ampliat ac prorogat à Provinciæ Sy-  
 nodo non dumtaxat ad Metropolitanam, sed etiam ad vicinum  
 quandoque Episcopum. Clerici ab Episcopalis damnationis  
 vinculo solvendi potestatem, quàm quintus ille Canon soli  
 Provin-

Provinciæ Synodo, & duabus dumtaxat per annum vicibus facit, hic extendit ad Metropolitam, immò & ad vicinum Episcopum, & ad cunctos totius anni dies.

Proinde quintum illum Canonem nullatenus restringit aut circumscribit. Quod verò ille Romanas non excludat Appellationes, est longè certissimum. Nemo id unquam admisit in mentem. Joannes David rectè scribit esse assertionem fatuam. Longè minùs id fecit Sardicensis Synodus. Etenim ipsa, solas Romanas Appellationes retractans, non solas Athanasii ac Marcelli, aliorumque Episcoporum, sed insuper plurium Clericorum causas retractavit, ac definivit. Porro in suis Canonibus solos Episcopos expressit ob duas causas. Primam possimus discernere ex Græcis Romanæ Ecclesiæ Archi-Mandritis ac Monachis, Lateranensem Sancti Martini Papæ Synodum rogantibus, ut in Cyrum, Sergium, aliosque Monotheliticæ impietatis aucthores dignetur procedere "secundùm Synodales regulas". At verò harum regularum una est, ut Synodus non definiat, nisi de motis apud ipsam controversiis. At isto tempore Eusebiana Factio non movebat, nisi de Episcoporum Romanis Appellationibus. Hinc igitur de hisce solis respondit Sardicensis Synodus. Secunda ratio est, quod plures damnati Episcopi ad nullum, nisi ad Romanum Pontificem possint provocare. Etenim damnari non possunt nisi per Provinciæ Synodum. At verò damnati Clerici istam omnes Synodum, & cuncti Orientales insuper suum Patriarcham aut Exarchum invocare poterant: Hinc in istis suis Canonibus Sardicensis Synodus exprimendos duxit solos Episcopos.

Proinde hæc Synodus in Clericos fuit liberalissima. Illis fecit quadruplicem appellandi viam: Ad Romanam Ecclesiam, ad Provinciæ Synodum, ad Metropolitam, & vicinum Episcopum. Duæ priores erant antiquæ, fundatæ in Apostolicis Canonibus; at verò duæ posteriores erant nova & singularis gratia, hinc restricta & circumscripta. Solummodo devolvebat, non suspendebat. Et jure merito. Etenim Metropolitam, ac præsertim vicinus Episcopus judicabat ex mero indulto, idèque ejus limites excedere non poterat: Non poterat ante expletam totius causæ retractationem revestire. Africani Canones, ex hoc Sardicensi palam desumpti, adjungunt ut appellatio fiat non ad unum, sed ad duos vicinos Episcopos: Et ut ipsi

causam non retractent, longè minus definiant sine venia proprii Episcopi. Exstat Sardicensis Canonis latina translatio, quæ hoc ipsum præcipit, & adjungit: "Priusquam omnia diligenter, ac fideliter fuerint examinata, Clericus communionem non debet præsumere, donec proprius Episcopus eum recipiat, & communioni societ". Metropolitæ, aut vicinis Episcopis permittit solam definitionem causæ, executionem fieri vult per proprium Episcopum. Quod autem Clerici ad Apostolicam Sedem, aut ad Provinciæ Synodum Appellatio etiam suspendat, non est dubitandum.

Error decimus est, quod Zozimus Pontifex vicinitatis jure, ac hujus Canonis vigore admiserit appellationem Apiarii Presbyteri Africani. Est miseranda ad obnubilandam veritatem subtilitas. Etenim Apiarius erat Siccensis in Cæsarænsi Mauritania Ecclesiæ Presbyter, ideoque à Romana civitate remotissimus. Hinc nequaquam vicinitatis jure, sed Apostolicæ Authoritatis Privilegio Zozimus censuit se fulciri. Verùm hæc est alia quaestio. Etenim inferior Africanæ Ecclesiæ Clerus ex avita gentis consuetudine carebat facultate invocandi Sedem Apostolicam, compulsus suarum Synodorum Judicio acquiescere. Excipitur à communi regula. Et generi non derogatur per speciem. Est quaestio suo loco singulariter ac amplè discutienda. Interim D. Petrus de Marca non totus deviat. Hæc sua nova Dogmata obtinere vult in solis Ecclesiasticæ disciplinæ, non in Christianæ fidei Judiciis: Circa hæc confitetur à Provinciarum, immò & à Diocæssion Synodis provocari posse, & semper provocatum fuisse ad Cathedram Sancti Petri. Ejus Discipuli, qui errorem etiam ad fidei Judicia extendunt, longè graviores infligunt veritati injuriam.

Quod Provincialia Galliarum Concilia supremâ istâ potestate olim fruerentur, Dominus Petrus de Marca etiam probat ex Innocentii primi Rescripto ad Sanctum Victoricium. Et confirmat ex prima Vascensi Synodo, ex secunda Arelateni, ac ex tertia Aurelianensi. Respondeo hunc esse Vascensem Canonem: "Si quis Episcopi sui sententiæ non acquiescit, recurrat ad Synodum".

Cap. 48. Hic est Arelatenis: "Si quis Episcopi sui sententiæ non acquiescat, Synodi legibus audiendum". Aurelianensis ita sancit de damnatis Clericis: "De quibus si querela procedit, officium agens recur-

Cap. 19. rat ad Synodum". In quibus omnibus nec unus est apex, qui errorem

Cap. 5.

Cap. 48.

Cap. 19.

errorem adjuvet. Etiam Innocentius Pontifex suo Canoni discretè addidit: "Sine præjudicio tamen Romanæ Ecclesiæ, cui in omnibus causis debet reverentia custodiri". Nempè in Clericorum causis appellationis reverentia, in Episcoporum negotiis insuper reverentia relationis. Et omnes istæ Synodi innovant quantum Nicænum Canonem: Hinc Arelatenfis sancit appellansem Clericum "Synodi legibus audiendum". Proinde tenuerunt & pietatem, ex qua Nicæni Patres nihil ausi sunt constituere super Romanam Ecclesiam, scientes ipsi omnia concessa à Domino. Et quod istarum Synodorum Patres suis Clericis, immò & Laicis Romanas Appellationes permiserint, adducta superius exempla docuerunt.

## CAPUT XX.

*An inferior Gallie Clerus sub Carolina Familia  
Regibus Romam appellaverit?*



Ominus Petrus de Marca à Romani Imperii temporibus, & à prima Merovingiorum Regum Dynastia transit, novis suis dogmatibus subsidia venaturus, ad Dynastiam Carolinam, & nobis abundis Canonem Franco-Fordienfis Synodi: "Statutum est à Domino Rege & sancta Synodo, ut Episcopi justitias faciant in suis Pa-

L. 6. c. 14.

Cap. 6.

rochiis. Si non obedierit aliqua persona Episcopo suo de Abbatibus, Presbyteris, Diaconibus, Sub-Diaconibus, Monachis, & cæteris Clericis, vel etiam aliis in ejus Parochia, veniant ad Metropolitanum suum, & ille dijudicet causam cum Suffraganeis suis. Comitès quoque nostri veniant ad Iudicium Episcoporum. Et si aliquid est, quod Episcopus Metropolitanus non possit corrigere vel pacificare, tunc tandem veniant Accusatores cum Accusato cum literis Metropolitanis, ut sciamus veritatem rei". Dominus Archi Episcopus affirmat huic Synodo adfuisse ac præfuisse Apostolicam Adriani primi Legationem, ideòque & probatam & confirmatam esse à Romana Ecclesia. Et commemoratur: "Constat igitur hoc Canone nullum appellationis genus relinqui



„relinqui à Judicio Metropolitani. Excipit solum, ut si post  
 „sententiam Synodi supersit adhuc aliqua controversia, Accusa-  
 „tor & reus adeant Principem cum literis Metropolitani, ut Rex  
 „cognitionem extra-judicalem causæ suscipiat, auctoritatemque  
 „suam tribuat pro executione rei judicæ, aut protectionem  
 „suam Subditis suis, si contingeret eos opprimi in injuriam legum  
 „& Canonum”.

Respondeo hic nequaquam agi de judicialiter aut extra-judicialiter  
 revidendo Provincialis Synodi judicio, sed de causis difficilioribus,  
 ad quarum fundum Synodus pertingere non valuerat, nec ipsas  
 definire. Agit de eventu, de quo & magnus Leo in literis ad  
 Anastasium Thessalonicensem Episcopum, suum per Illyrici Pro-  
 vincias Vicarium: “Bini Conventus per singulos annos habeantur,  
 in quibus de omnibus querelis, quæ inter diversos Eccle-  
 siæ Ordines nasci adsolent, judicetur. Ac si fortè inter ipsos  
 qui præsumunt, de majoribus peccatis causa nascatur, quæ Pro-  
 vinciali nequeat examine definiri, Fraternalitatem tuam de to-  
 tius negotii qualitate Metropolitanus curabit instruere, ut si co-  
 ram positis partibus, nec tuo fuerit sopita judicio, ad nostram  
 cognitionem, quidquid illud est, transferatur”. Istiusmodi  
 causas, quas Leo ad suum Vicarium, Rex Carolus per Metro-  
 politam jussit ad se referri. Non ut judicaret, sed ut nosset rei  
 statum ac veritatem, ac dispiceret meliorem modum definiendi.  
 Eiusmodi causas, quoniam Gallia tunc non habebat Apostolicum  
 Vicarium, Carolus delegabat suo Archi-Capellano. Et istud  
 Tribunal, uti & plura alia, licet extra Canones, majoris boni  
 intuitu Romana Ecclesia dissimulabat. Lamentabilem statum, in  
 quem Carolus Martellus & Raginfredus, de Regiæ domus Ma-  
 jorata litigantes, universum Galliarum Regnum & ejus Christianita-  
 tem detruxerunt, exponit Hincmarus Remensis in vita sancti Re-  
 migii. Lapsam religionem & disciplinam reparare Pippinus coe-  
 perat, & jam Carolus perficiebat: Hinc plura in ipso Apostolica  
 Sedes toleravit. Quod tamen istud Tribunal Romanas Appella-  
 tiones etiam inferiori Clero non eripuerit, est exploratissimum.  
 Etenim primus & palmaris articulus, quem in lapsa nostra Chri-  
 stianitate reparavit Apostolus noster sanctus Bonifacius, fuit ple-  
 nissima obedientia atque subiectio sub Romana Ecclesia. Et tunc  
 novus Canonum Codex, per Isidorum Mercatorem ex Hispania de-  
 porta-

Epist. 12.  
 Cap. 7.

deportatus in Galliam, à Riculpho Mogontinenſi Epifcopo ſpargebatur per omnem Francorum Monarchiam, & à cunctis, uti res è cælo lapſa, cum gaudio & reverentia ſuſcipiebatur. Primus cum rodere auſus fuit Remenſis Hincmarus. At ſucceſſu inſeliciffimo. Porro inter palmaria iſtius Codicis capita eſt Romana etiam Clericorum Appellatio. Et plures ejus de hac re articulos Carolus magnus ac Ludovicus pius inferuerunt ſuis Capitularibus. Quare manifeſtum eſt, quod Gallicana tunc Eccleſia iſtas appellationes in nullo penitus læſerit aut contraxerit. Porro an Franco-Fordienſis Synodi Canones confirmaverit Romana Eccleſia, eſt non modica quæſtio. Eruditi plures cenſent ea dumtaxat confirmata, quæ illic ſancita ſunt pro orthodoxa fide contra errores Epifcoporum Felicis ac Elipandi.

Dominus Petrus de Marca pergit ad ſextam Synodum Pariſienſem, & ſcribit: "Concilium Pariſienſe manifeſtè probat viam ap-  
pellandi ad Sedem Apoſtolicam nondum fuiſſe apertam per iſtas  
tempeſtates, cum doleat Clericos ab Epifcopis ſuis caſtigatos,  
querelas ad Regem deferre ſolitos, quando Synodi Provinciales  
non habebantur". Synodus lamentatur quintum Nicænum Canonem, qui bis in anno mandat celebrari Provinciæ Synodum, non obſervari in Gallia, & adjungit: "Ob id Eccleſiaſtica uti-  
litati magnum diſpendium, & Principalibus auribus inſolens im-  
pedimentum, & multorum impunitas naſcitur flagitiorum". Hinc rigide mandat, ut Nicænus Canon deinceps ſervetur ab omnibus Metropolititis. Reſpondeo hanc Pariſienſem ſanctionem non facere ad Propoſitum. Etenim nos hic agimus de Romanis Clericorum adverſus Provincialium Synodorum judicia provocationibus, quæ fieri non poterant, dum nullæ iſtiusmodi Synodi in Gallia celebrabantur. A ſingularibus ſuorum Antitiſtitum Judiciis non ad Apoſtolicam Sedem Clerus conſuevit refugere, ſed ad ſuæ Provinciæ Synodos: Quia igitur hæ non fiebant, refugiebat ille ad Regem, ſupplicans appellationem ſuam transmitti ad tribunal Palatini Archi-Capellani. Quod Pariſienſis Synodus nihil contra ſanctum Petrum ſanxerit, liquet ex eo, quod ſanciat obſervari Nicænos Canones, à quibus ſciebat Romanæ Appellationis poteſtatem fuiſſe confirmatam, ac redactam in Scriptum. Et iſto tempore Romanæ etiam Cleri Appellationes plenâ libertate gaudebant in Gallia. Etenim ab Ebbone Remenſi Archi-Epiſcopo

consecrati, & per illius Successorem Hincmarum degradati Clerici appellarunt ad Nicolaum Pontificem, & per ipsum fuerunt restituti. Et Episcoporum nullus præsumpsit intercedere.

Carolinum Regnum ducit à Carolo Martello originem. At verò sub ejus Principatu Gregorius III. scripsit ad sanctum Bonifacium, Apostolicum nostræ gentis Vicarium: "Presbyterum, quem præterito asseruisti anno ad nos venisse, nostroque judicio fuisse à suis nefariis absolutum actionibus, credas neque nobis aliquam confessionem fecisse, nec à nobis, ut suos expleat libitus, absolutum fuisse". Bonifacius nequaquam adversus Presbyteri appellationem, sed adversus solam ejus frivoleitatem intercesserat: Nec non adversus nimiam Romanæ Ecclesiæ indulgentiam, quæ appellanti Clericis non per solam justitiam, sed etiam per gratiam nimis faciliter reddebat suum gradum. Hic est unicus titulus aut fucus, in quo Hincmarus Rhemenfis Episcopus, ac per ipsum Rex Carolus Calvus fundarunt suas querimonias contra Romanas Clericorum Appellationes. Nihilominus illæ perrexerunt per omnem Galliam ambulare liberrimis pedibus. Etenim apud Gratiani Decretum exstat Nicolai primi Pontificis epistola ad Gallionem Senensem Episcopum. Est mendum. Legendum est: Ad Wenilonem Senonensem Episcopum. "Volumus & Apostolicâ autoritate monemus, ut Presbyter, de quo agitur, si post excommunicationem suam adire Apostolicam Sedem voluerit, nullus iter ejus impedire præsumat". Inter ejusdem Pontificis fragmenta exstat epistola ad Herardum Turoensem Episcopum, quâ Christophorum Presbyterum, de variis damnatum, ac ad se appellantem, declarat innoxium, reponit in gradum, ei super-ordinatum mandat expelli, ac ipsum sine mora restitui. Et adjungit: "Nullatenus Canonica Instituta alicujus temeritate contemni permittas, quia facientem & consentientem par poena constringit". In litteris ad universos Galliæ Episcopos scriptis de causa Rothaldi Sueffionensis Episcopi, amplè demonstrat omnes omnino, & Episcopos & Clericos, posse Romam provocare: Demonstrat ex nono Chalcedonensi Canone. In litteris ad Sueffionensem Synodum affirmat Rhemenfes à degradato Episcopo Ebbone ordinatos Clericos non ad se solum, sed etiam ad suos Antecessores Leonem quartum ac Benedictum tertium appellasse, ex causis tamen quæstionem non fuisse plenè retractatam

ac

ac definitam. In litteris ad Michaëlem Augustum scribit ex omnibus sub cælo gentibus plura assidue hominum millia Romam accurrere : Hominum vexatorum non dumatat à suis Episcopis, sed etiam à suis Regibus. Et omnibus deberi ac etiam præberi solatia atque auxilia. Etiam miserabilis Monachus Godescalcus provocavit ad eundem Pontificem. Omittere non possim appellationem Balduini Flandrensis Forestarii ac Judith Regiæ filiæ, factam item ad eundem Nicolaum. Et nos Flandri debemus plurima. Ipsa enim ad laudati Pontificis preces nos evertit in liberum Populum. Nec mirandus est ferventissimus hujus Pontificis in defendendis Romanis Gallicani Cleri Appellationibus zelus. Fomenta dedit præfatus Hincmarus, appellantes Clericos consuetus tractare ad eum modum, quo Rex Pharaon tractavit Hebræos. Ad Adrianum secundum Pontificem, uti Herlefridus Sylvanectensis Presbyter, ita & Carolomannus, Caroli Calvi Regis filius, adversum paternas violentias appellavit. Et ipsum Pontifex mox revestivit. Plura exempla adducuntur in decursu.

Dominus Petrus de Marca pro suis Commentis tandem adducit vigesimum sextum octavæ Synodi Canonem, qui Clericos à suo Episcopo degradatos permittit provocare ad Provinciæ Synodum, atque adjungit : "Metropolita verò libenter suscipiat hujusmodi, & advocet Episcopum qui deposuit, vel alio modo Clericum læsit, & apud se cum aliis etiam Episcopis negotii faciat, examen, ad confirmandam scilicet sine omni suspitione, vel destruendam per generalem Synodum, ex multorum sententia, Clerici depositionem". Affirmat hos Canones, licet à Gallicana non recipiantur Ecclesia, adeò tamen admitti à Romana, ut ipsos contineat antiqua Romani Pontificis professio, ipsumque obliget ad eos exequendos & observandos. Et adjungit compendium, quo Canonem circumscribit Anastasius Bibliothecarius : "Quod si Clericus depositus, vel injuriam passus est à suo Episcopo, potestatem habeat recurrere ad Majores Catholicæ Ecclesiæ Principes, idest, summos Pontifices". Addit compendium esse obscurum, & per summos Pontifices intelligi Episcopos istius Provinciæ. Respondeo hoc posse transire. At quod Canon Provincialis Synodi de Clerico judicium fanciat esse inconcussam atque inappellabile, est ridiculum, paradoxum, indignum tanto Doctore ac Antistite. Etenim sic excluderet etiam provocacionem

nem Clerici ab ista Synodo ad Patriarcham. Quod nullus etiam Eusebianus aut Photianus admiserit. Longè minùs excludit Romanas provocaciones. Synodus convenit ad retractandam sancti Patriarchæ Ignatii Romanam Appellationem, & ad Photianas contra Romanæ Ecclesiæ Privilegia contumelias proscribendas: Quis credat quod & ipsa istis Privilegiis plagas inflixerit? Aliud est Romanas Appellationes non exprimi, aut non laudari per Canonem, aliud prohiberi. Dominus Archi-Episcopus à cunctis Canonibus, qui ad Provinciæ Synodum appellari permittunt, & Romanæ Appellationis facultatem expressè non adiungunt, scribit has appellationes prohiberi. Certè admodùm inconcinne. Porro quod hujus Synodi Canones Gallicana tunc Ecclesia non admiserit, fecit Hincmarus Remensis: Quod varios ejus excessus isti Canones damnarint. Eos postmodò admisit Gallia, atque est venerata.

Certè adfessio, quæ suadere tentat, quod Carolina Christianissimorum Regum progenies inferiore Clerum à Romanis Appellationibus excluferit, atque ita sancti Apostoli Petri Divina Privilegia non modicè mutilaverit, est dictis Regibus, & cunctis ipsorum Populis, nostris Progenitoribus, longè injuriosissima. Etenim de avita nostrorum Majorum in Apostolicam Sedem reverentia veraciter scripsit noster tunc Apostolus sanctus Bonifacius: "Reverà tantà reverentiâ apicem Apostolicæ Sedis omnes suspiciunt, ut nonnullam sanctorum Canonum disciplinam, & antiquam Christianæ Religionis institutionem magis ab ore Præcessoris ejus, quam à Sacris Paginis & paternis Traditionibus expectant. Illius velle, illius nolle tantum explorant, ut ad ejus arbitrium suam conversationem & ipsi remittant aut intendant". Quod magnus Carolus, licet de nimia Romanorum Pontificum in criminosos Clericos indulgentia fuerit questus, Romanas ipsorum Appellationes in nullo penitus læserit, lucidè demonstrat eximium ejus Capitulum, quod suo Decreto inferuit sanctus Jvo Carnutensis Episcopus: "In memoriam beati Petri Apostoli honoremus sanctam Romanam & Apostolicam Sedem, ut quæ nobis Sacerdotalis est mater dignitatis, esse debeat, gistra Ecclesiasticæ rationis. Quare servanda est cum mansuetudine humilitas. Et licet vix ferendum ab illa sancta Sede imponatur jugum, feramus, & pia devotione toleremus. Si verò quod

„quod non decet, quilibet, sive sit Presbyter, sive Diaconus,  
 „aliquam perturbationem machinando, & nostro ministerio in-  
 „sidiando redarguatur falsam ab Apostolica Sede detulisse episto-  
 „lam, vel aliud quod inde non venerit, salvâ fide, & integrâ circa  
 „Apostolicum humilitate, penes Episcopum sit potestas, utrum  
 „cum in carcerem, aut in aliam detrudat custodiam, usquequod  
 „per epistolam, aut per idoneos suæ partis Legatos Apostolicam  
 „interpellet Sublimitatem, ut potissimum suâ sanctâ Legatione  
 „dignetur decernere, quid de talibus justo ordine Lex Romana  
 „statuat definire, ut & is corrigatur, & in cæteris modus impo-  
 „natur". Verba", Epistolam vel aliud, quod inde non venerit",  
 „faciunt hunc sensum: "Quod inde venire non debuerit". Verba,  
 „In memoriam beati Petri Apostoli honoremus", manifestè lau-  
 „dant ac firmant Sardicenses de Romana appellatione Canones:  
 „Carolus lamentatur, & cum patientia ac devotione suffert homi-  
 „num vitia, datam illis à Deo potestatem honorat ac venerat-  
 „ur. Hoc est esse Principem Orthodoxum, verumque Catholicæ  
 „Matris filium: "Non verbo & lingua, sed opere & veritate".

Ex cunctis Carolinis Regibus unus fere Carolus Calvus, à  
 Rhemenſi Hincmaro circumscriptus, egit in istas Appellationes.  
 Hinc post-modo nata inter ipsum ac dictum Hincmarum discor-  
 dia aperuit illi oculos, adjutos ab ambitione Occidentalis Impe-  
 riî. Etenim tandem in Ludovici II. Imperatoris, sui ex ſore  
 nepotis, Thronum electus est à Joanne VIII. Pontifice ac Italiæ  
 Episcopis, eâ tamen lege, ut in Ticinenſi Conventu faceret hanc  
 professionem: "Ut Sancta Romana Ecclesia, sicut est Caput om-  
 „nium Ecclesiarum, ita ab omnibus honoretur ac veneretur. Ne-  
 „que quisquam contra jus & potestatem ipsius aliquid injustè agere  
 „præsumat, sed liceat ei debitum tenere vigorem, & pro univer-  
 „ſali Ecclesiâ Pastoralem exhibere curam, atque Sacris precibus  
 „omnium pro omnibus interpellare authorem. Ut honor Domino  
 „& spiritali Patri nostro, Joanni summo Pontifici, & venera-  
 „bili universali Papæ, ab omnibus conservetur: Et quæ secun-  
 „dum Sacrum ministerium suum autoritate Apostolicâ decreve-  
 „rit, cum summâ veneratione ab omnibus suscipiantur. Et debita  
 „illi obedientia ab omnibus conservetur". Certè professio videtur  
 desumpta ex novella lege Valentiniâni III. Quidquid sit, ipsam  
 Carolus repetivit in Pontigonensi Synodo coram Legatis ejusdem

Pontificis, acque ita ejus Augusta electio fuit comprobata ac admiffa etiam à Gallicanis Episcopis. Ipſam omnino fecit contra impetus, quibus Romanas Appellationes invalerat. Et Clericorum etiam appellationes Pontifex ſtabilitas voluit. Hinc enim in Pontigonenſi Synodo habemus etiam hunc Articulum: "Quinto nonas Julii convenerunt Episcopi ſine Imperatore. Et habitæ ſunt contentiones de Presbyteris ex diverſis Parochiis, clamantibus ad Legatos Apoſtolicos. Et ſic ſoluta eſt Synodus in illo die". Citra cauſarum definitionem. Poſtmodo autem reſtitutus eſt Adalgaudus Presbyter, retractatorio Judicio dilato ad quatuor Menſes. Eſt reſtitutus non per Episcopos, ſed per Apoſtolicos Legatos. Ita Romana Clericorum Appellatio eſt iſtic plenè ſtabilita.

## CAPUT XXI.

*Examinatur Hincmari Rhemensis Episcopi, ſub Caroli Calvi Francorum Regis nomine ſcripta, Epiſtola ad Ioannem VIII. Pontificem.*



Dominus Petrus de Marca procedit ad aliud argumentum: "Extremis annis Regni Caroli Calvi, vis prima illata eſt authoritati Conciliorum Provincialium. Presbyteri enim depoſiti, & poenitentiae ſubjecti, qui nec Judicio Episcoporum ſuorum acquieſcere volebant, nec Metropolitanum interpellare, Romam proficiſcebantur, & illinc literas Canonibus adverſas deferabant, in quibus citra ullam cauſae cognitionem Judicia Episcoporum reſcindebantur, & Judices Romam evocabantur, ſententiae ſuae rationes illic allaturi. De hoc enim uſu cum Joanne octavo expoſtulat Carolus Calvus Imperator in epiſtola ad eum ſcripta, cujus Author eſt Hincmarus Remenſis Archi-Epiſcopus. In qua illud quoque additur, nolle Episcopos agnoſcere authoritatem harum literarum, quas exiſtimabant conſeſſas fuiſſe à Miniſtris, commotis videlicet miſericordiâ quâdam querentium, neque ſibi perſuadere poſſe eas juiſſu Pontificis fuiſſe decretas"

Et.

Et infra : " Imperator probat debere presbyteros judicari ab Episcopis, & à Synodo Provinciæ, si querela moveatur. Ita namque decretum in Conciliis Nicæno, Antiocheno, Sardicensi, Constantinopolitano, & Chalcedonensi. Neque licitum esse provocationem ab eis Judiciis, ut Synodus Carthagenensis discretis verbis definivit".

Respondeo misceri hic vera falsis. Primum falsum est, quod prima Presbyterorum Romana à Galliis Appellatio contigerit temporibus Joannis octavi Pontificis, & Imperatoris Caroli Calvi. Error est abundè demonstratus & revictus in superioribus. Secundò falsum est, quod Romanæ Appellationes inferant vim Provinciarum Synodis : Quod Nicæni, Antiocheni, Sardicenses, Constantinopolitani, & Chalcedonenses Canones sanciant Clericorum appellationes esse necessariò faciendas apud Provinciæ Synodum, & istic sine ulterioris progressus spe finiendas. Etenim longè aliud docent Angilramni Metensis Episcopi, quæ Gallicana Ecclesia semper fuit venerata, Adriano primo Pontifici oblata Capitula : " Salvo Romanæ Ecclesiæ in omnibus Primatu, manifestum est, quod illa, quæ sunt per unamquamque Provinciam, ipsius Provinciæ Synodus dispenset, sicut in Nicæno constat decretum Cap. 9. esse Concilio". Palam profitentur Nicænis, adedque & cunctis aliis, Judiciorum ac Appellationum formam præferentibus, antiquis Canonibus inesse hanc intrinsecam conditionem : " Salvo Romanæ Ecclesiæ in omnibus Primatu". Et hanc professionem Angilramnus, & omnis Gallicana Ecclesia didicit ex suo primo Canonum Codice : Ex Innocentii primi Rescripto ad Rothomagensem Victricium.

Carolus Calvus noni Christiani sæculi anno septuagesimo sexto est electus in Imperatorem. Et tunc tam in Ticinensi Conventu, quàm in Pontigonensi Synodo fecit præfatam professionem pro Romanæ Ecclesiæ dignitatibus. Manifestè fecit contra violentias, quas adversus Rothaldi Sueffionensis ac Hincmari Laudunensis Episcopi Romanas Appellationes insulerat Nicolao primo ac Adriano secundo. Et professio se omninò extendebat etiam ad Romanas Appellationes inferioris Cleri. At verò hæc ad Joannem Pontificem epistola est scripta anno sequenti. Hinc queritur, Quomodò non sit prævaricatoria ? Respondeo ipsam processisse ex versatili Hincmari Rhemensis ingenio, peritissimo  
ad



ad omnem ventum vela vertere. Attamen non est palam pravaricatoria. Primò, quia supplicat Pontifici. Deinde, quia potius contra Clericalium Appellationum abusum supplicat, quam contrà substantiam. Præsertim supplicat, ut inferior Clerus deinceps compellatur à suorum Episcoporum Iudiciis non immediate Romam, sed prius appellare ad Synodum suæ Provinciæ. Hunc enim ordinem sanciunt cuncti præfati Canones. Et omnino ex Apostolica disciplina ducunt originem. Quare æqua & iusta, salvis tamen salvandis, fuit ista postulatio. Præcipuum epistolæ peccatum est, quod ex abusum prætextu molitur suffocare & abolere substantiam.

Can. 20. Dammati ob crimina à suis Episcopis Clerici isto tempore passim nolebant suarum Provinciarum Synodos accedere, atque ita impingebant in tertię Aurelianensis Synodi Canonem: "Si quis Clericorum circa se aut distractionem aut tractationem Episcopi sui putat injustam, juxta antiquas Constitutiones recurrat ad Synodum". Est antiqua & frequens apud omnes gentes Constitutio. Verum maculosa Clericorum conscientia averfabatur hunc morem. Egebat enim non justitiâ, sed liberalissimâ gratiâ, quam ob damnatoris ac disciplinam diligentis Episcopi præsentiam desperabat à sua Synodo. Hinc invocabant & accedebant materiam Romanæ Ecclesiæ clementiam, ipsam dolosis lachrymis ac aliis obreptionum artibus inflectebant, & gloriosi redibant in Galliam. Etiam insultabundi. Apostolicis enim absolutionum ac reparationum litteris armati spernebant suos Episcopos, vivebant libertinè, dehonestabant Ecclesiasticam vitam, & scandalizabant Christianum Populum. Et Joannem octavum Pontificem fuisse in sustinendo disciplinæ fræno ac nervo languidiorem, est exploratum. Hinc zelosiores Episcopi modicè deferebant istis Romanis gratiis, ac Româ redeuntes Clericos cogeant ad explendam sibi impositam poenam aut poenitentiam. Et certè hæc de Romani Pontificis circumscriptione exceptio semper competit Episcopis. Quod enim etiam Hispani Episcopi adversus Basilidis ac Martialis Episcoporum reparationem, à sancto Stephano Pontifice dolosè extortam, olim exceperint, ipsamque ex-cusserint, testatur & comprobatur gloriosus Martyr Cyprianus. Proinde si adversum istos dumtaxat abusus intercessisset Imperator Carolus, iusta ac fundata erat intercessio. At est egressa limites.

mites. Quare etiam Dominus Petrus de Marca errat tertio, quod dicat damnatos Presbyteros nec à Synodali suæ Provinciæ Judicio potuisse Romam confugere. Quarto, quod hoc probet ex Africanis Canonibus, & velit ipsos obtinere in Gallia. Etenim Africanæ Ecclesiæ inferior Clerus nunquam potuit provocare Romam, sed debuit suarum Synodorum sententiis acquiescere. Fuit singularis consuetudo istius gentis, ideoque nullatenus potest transferri in alios.

Advertendum est, quod Rhemensis Hincmarus non coeperit primus provocare ad Africanos Canones & mores: Nequidem ad prævaricatoriam Aurelii Carthaginensis Primatis epistolam. Etenim Angilramnus Metensis Episcopus suis Capitulis inseruit etiam hunc articulum. "Prudentissimè, justissimèque Nicæna, sive, „Africana Decreta definierunt, quæcumque negotia in suis locis, „ubi orta fuerint, finienda. Maximè quia unicuique concessum „est, si iudicio offensus fuerit Cognitorum, ad Concilium suæ „Provinciæ vel etiam universale provocare". Palam loquitur ex prævaricatoria epistola: Et ejus Sanctionem proficitur esse non solummodò Africanam, sed etiam Nicænam. Fuit tunc venialis error. Etenim Regia magni Caroli diligentia Gallicanam Ecclesiam necdum liberaverat à variis ignorantie tenebris, in quas illam detruserat Merovingiorum Regum ignavia. Angilramnus nesciebat granum discernere à palea, ideoque simplicem ac plenam fidem dabat isti epistolæ. Attamen sub jam laudatâ clausulâ: "Salvo Romanæ Ecclesiæ in omnibus Primatu". At verò Rhemensis Hincmarus, emunctæ naris ac mentis Doctor, adversus Romanam Ecclesiam studuit Africanos mores, immò & istam prævaricatoriam epistolam deducere in Gallias, atque ita potenter, si non in Episcopos, in omnem certè inferiorem Clerum dominari.

Præfata Caroli Regis, vel potiùs Hincmari epistola est discutienda. Distinguit inter Episcopos & Clericos, & istis proficitur esse plenam facultatem appellandi ad Sedem Apostolicam. Addit tamen retractatorium Judicium esse faciendum in partibus: Errat partes non posse Romam evocari. Multis nititur firmare errorem; Etiam ex infelicissima Africanorum Aptistitum epistola ad Celestinum Pontificem. Quæ aut ignorantia, aut vafries fuit Hincmaro indigna. Pergit ad Cleri inferioris appellationes:

C c

Appellan-

„Appellantes Presbyteri vel Diaconi, à quibus & qualiter sint  
 „judicandi, sacri Carthaginienses Canones evidenter ostendunt”.  
 Multis nititur demonstrare damnatis Clericis esse provocandum ad  
 Synodum suæ Provinciæ, addit hæc esse Canonica istarum Syno-  
 dorum privilegia, atque concludit : “ Quæ si etiam illis servata,  
 „ & ab eis secuta & executi non fuerint, nihil prodest eos se-  
 „ cundum sacros Canones, & Decreta Sedis Romanæ Pontificum,  
 „ pro accusatis Presbyteris de manifestis criminibus Comprovin-  
 „ ciales Episcoporum Synodos frequentare, sed faciet licenter quif-  
 „ que Presbyterorum quod libet, unde si fuerit redargutus, ve-  
 „ niat Romam. Et quia pro singulis Presbyteris Episcopi Trans-  
 „ Alpini regulariter judicatis Missos derigere, & actionum docu-  
 „ menta scribere non valent, nec testium necessarias personas, vel  
 „ propter sexus, vel propter senectutis infirmitatem, vel pro mul-  
 „ tis aliis impedimentis huc perducere, fiducialiter poterit mentiens  
 „ quisque innocentiam suam asserere, cum non erit qui mendacia  
 „ ejus possit refellere. Unde Legum & Canonum Conditores  
 „ prudentissimè, justissimèque viderunt, quæcumque negotia in  
 „ suis locis, ubi orta sunt, finienda, & per expressa Regularum  
 „ Judicia discretissimè judicanda, & post judicium conservanda.  
 „ Maximè de subintroductione contra regulas mulierum, pro  
 „ qua ab Episcopis Trans-Alpinis Presbyteri regulariter judicati  
 „ ad hanc sanctam Romanam Sedem in suis suis Episcopis veniunt,  
 „ & eis epistolas eorum refragantes judiciis deferunt, eosque vel  
 „ Comministros illorum ad hanc sanctam Sedem ad conqueren-  
 „ dum contra eos venire præcipiunt : Quod nullis antiquorum Le-  
 „ gibus, vel Patrum Regulis decretum fuisse legimus. Quas  
 „ epistolas sacris Legibus obvias, nec autoritate Apostolicâ fuis-  
 „ se missas, sed compilatas quorumcumque vassie credimus.  
 „ Non enim sibi ipsi Sedes Apostolica potest esse contraria vel  
 „ diversa, de qua Gelasius Papa dicit, quod nulla Sedes magis  
 „ obligetur sacros observare Canones, quàm prima”. De eis-  
 „ dem literis scripsit in exordio epistolæ : “ Trans-Alpinarum Regio-  
 „ num Presbyteri, à suis Episcopis de certis criminibus regulariter  
 „ ab Ordine Sacerdotali dejecti, & poenitentiae subacti, sine licen-  
 „ tia & conscientia Primatum & Episcoporum suorum, huc ve-  
 „ nire, & hinc epistolas, quæ Regulis non conveniunt, referre  
 „ cœperunt. Quas non jussione Apostolicâ, sed ut assolet etiam  
 in

„in Re-publica, propter multiplicia Reclamatorum negotia, quo-  
 „rumcumque Ministrorum quasi pia miseratione factas, & nos &  
 „illius Regionis putant Episcopi”.

Gallicani isto tempore Presbyteri, ob concubinatum vel alia flagitia à suis Episcopis damnati, non ad suæ Provinciæ, à quo degradationem suam noverant confirmandam, Concilium provocabant, sed omnibus inficiis secedebant Romam, & isthic obtinebant literas, quibus eorum appellatio admittebatur, quibus reveſtiebantur in suum gradum, & quibus Episcopus aut ejus Vicarius Romam evocabatur, ad retractatorium Judicium. Juxta Sardicenses Canones. Est forma Joanne Octavo longè antiquior. Etenim de ipsa apud Gregorium III. noster Apostolus Bonifacius, & apud Adrianum I. questus etiam fuit Francorum Rex Carolus Magnus. Istiusmodi miseriæ solent pedetentim irrepere. Proinde Hincmari expositulatio quoad duos articulos fuit fundata. Primo, quod flagitiosi Clerici, neglecta Provinciæ Synodo, immediate Romam accederent. Deinde, quod Romana Ecclesia nimium faciliter ipsos exaudiret. Verùm Hincmarus graviter excessit, quod degradatis Clericis omnem Romanæ appellationis portam tentaverit claudere. Quod Transmarinum & Trans Alpinum, id est, Africanum & Gallicanum Synodale Judicium æquiparaverit: Quod Africanæ Ecclesiæ in suos Clericos auctoritatem voluerit communem Gallicanæ Ecclesiæ. Imitari debuerat sanctum Bonifacium & Magnum Carolum, qui de Romanæ appellationis abusu conquesti, ejus substantiam fuerunt venerati.

Hincmarus pergit: \* Potest fieri, ut illi, qui in vicinis Patriarchiis sunt hujus sanctæ Romanæ Ecclesiæ, quique juxta sacras Regulas ad manus impositionem, & ad Synodos huc venire solent, ipsi pro reclamatione contra Presbyterum suum ad præfatam examinationem conveniant, sicut sacri Canones ac leges præcipiunt, ut ad Primatem uniuscujusque Provinciæ, qui negotia videntur habere, concurrant, vel ad Synodum, qui se lætos existimant, quò non sit difficile testes producere, invitentur. Trans-Alpinis autem, & aliis qui similiter in longinquis Regionibus commorantur, Apostolica Sedes, & sacrorum Canonum Promulgatores, quæ sunt unicuique Provinciæ possibilia, & auctoritati convenientia, atque paci Ec-

„clésiæ congruentia, tenenda & exequenda discretissimè præfixerunt". Et D. Petrus de Marca commentatur : "Francorum desiderio opponebatur consuetudo aliarum Ecclesiarum, quæ Presbyteros damnatos sentiebant in Synodo Romana, cui Episcopi eorum interessent, judicari. Excipit Imperator præclare admodum, disparem esse rationem Episcoporum Romanæ Urbi vicinorum, & eorum qui trans Alpes essent. Illos quippe à Papa consecrari, & ad ejus Synodum pertinere, quod secundum Canones accedere tenentur, ideoque interesse posse examinandis querelis, quas eorum Presbyteri proponunt. At Trans-Alpinorum, aliorumque qui in longinquis Regionibus commorantur, diversam esse causam. Canones & Decreta Pontificum nihil aliud ab eis exegisse, quam id quod possibile fuerit, & quod authoritati Canonice, pacique Ecclesiæ, sicæ consentaneum foret. Nunquam adactos Trans-Alpinos Episcopos ad iter Romanum pro quæstionibus Presbyterorum. Quamquam fortasse ita usurpatum ab iis, qui ad specialem Episcopi Romani Dicecesim pertinebant".

Quæstio erat, An Gallicani Presbyteri possent, prætermisâ suæ Provinciæ Synodo, immediatè Romam provocare. Et pontificis causam adjuvabat perpetuus mos totius Italiæ, cujus Presbyteri ita appellabant, & quorum Episcopos Papa evocabat ad retractatorium Judicium. Porro Romanorum Episcopus est non solummodò Papa, sed insuper Occidentis Patriarcha, Exarchus Italiæ, ac Metropoliis suæ Provinciæ. Et hujus omnes Episcopos consecrat, consecrandos evocat ad suas manus, & suo tempore ad suas Provinciales Synodos. Hæc Provincia olim erat vastissima: Comprehendebat Picenum, Æmiliam, Campaniam, reliquas Provincias usque ad Mare Jonium, ipsamque Siciliam & Corsicam. Isto quidem tempore Siciliam, Calabriam, Apuliam, aliasque Italiæ Provincias, per hæreticam Leonis Isauri Imperatoris violentiam abstractas, detinebat Patriarcha Constantinopolitanus: Verùm violentia non præjudicat juri. Rex igitur Carolus, ac Metropoliis Hincmarus affirmant harum Regionum Clericos posse à suorum Episcoporum sententiis appellare ad Papam, atque ipsorum Episcopos ad retractatorium Judicium à Papa evocari, eò quod sit ipsorum Metropolitani, ideoque non habeant aliud refugium. At longè aliam esse rationem in Clericis Trans-Alpinis, habentibus

bus suas proprias Provincias, proprios Metropolitas, propriasque Synodos. Eos obligari ad istas Synodos proximè invocandas. Et quidem si isthic steterisset Hincmarus, non carebat fundamento, & poterat exaudiri. At istis Clericis auferre facultatem invocandi Sedem Apostolicam adversus suarum Synodorum Judicia, & Africanum morem protrudere in Galliam, erat criminosa præsumptio.

Hincmarus hæc optimè norât. Norât inferiorem totius Mundi Clerum semper à suis Synodis provocasse Romam, & istas provocaciones semper fuisse directas secundum Canones Sardicenses. Hoc nodo ut se extricet, prosequitur: "Legimus etiam, quamvis rarissimè præceptum à Sede Apostolica, quosdam de longinquiorebus Parochiis specialis Diocesis Romani Pontificis, ad cujus sollicitudinem universalis Ecclesiæ pertinet, propter contumaces contentiones aliquas fuisse invitatos. Sed de Transalpinis Regionibus, quibus decreta Privilegia servari debent, tale quid pro Presbyterorum & Diaconorum appellatione à Sede Apostolica præceptum fuisse, non legimus". Per longinquas specialis Diocesis Romani Pontificis Parochias intelligit omnem Patriarchatum Romanum. Fatetur ex remotioribus istius Patriarchatus Provinciis ac Parochiis Presbyteros quandoque appellasse Romam, & Episcopos ad retractatorium Judicium evocatos comparuisse: Verum rarissimè, & nonnisi ob contumaces contentiones. Addit id nunquam factum in Gallia: Eò quod ipsa circa hunc articulum habeat singularia Privilegia. Nempe Privilegia Africanæ Ecclesiæ. Quo in puncto gravissimè labitur. Lucret ex supra adductis testimoniis sancti Leonis in epistola ad Rusticum Narbonensem, sancti Aviti in literis ad Ansemondum, Pelagii primi in Rescripto ad Sapaudum Arelatensem, ac Gregorii tertii in literis ad sanctum Bonifacium. Porro quod Gallicana Ecclesiæ circa Romanas inferioris Cleri Appellationes habuerit Privilegium aut morem Africanæ Ecclesiæ, est frivolum nugamentum. Proinde hæc Hincmari exceptio meritò fuit refutata.

Petrus de Marca pergit agitare quæstionem, An Gallicani Presbyteri possent à suorum Episcoporum Judiciis immediatè, neglectâ suæ Provinciæ Synodo, provocare ad Pontificem, & prosequitur: "Et Joannes quidem VIII. videtur majorem antiquarum institutionum curam habuisse post acceptam Caroli epistolam, quam

„Decreto octavi Concilii muniri conspiciebat. Quippe Sigebodo  
 „Narbonensi Archi-Episcopo exprobrat facinus quorundam Episco-  
 „porum Provinciæ Narbonensis, qui Presbyterum quemdam ac-  
 „cusarum ad Sedem Apostolicam accedere iusserant, interim  
 „verò eum suspenderant, ac quibusdam epitimis”, idest, pœnitenti-  
 „is „oneraverant, donec aliter summus Pontifex statuisset. Por-  
 „rò ea de causâ Presbyterum illum Romani Episcopi Iudicio  
 „commiserant, quod causâ dubia esset. Addit verò rectè illos  
 „id agere potuisse, si ea” in plenario Concilio „examinata, con-  
 „stitisset esse difficilem. Eo enim casu consuli potuisse Sedem  
 „Apostolicam, secundum antiquam consuetudinem”: Ut ita fa-  
 „cta Scripto relatione; si quid dubium sibi vel difficile ingessisse  
 videretur, nostrum super hoc, more prisco, Decretum expos-  
 cerent. „Quapropter Joannes cognitionem illam ab eo Metro-  
 „politano suscipi jubet, ut jure proprio eam definiat cum Colle-  
 „gis suis”. Hæc sunt verba Pontificis: „Ergò saltem nunc Fra-  
 „ternitas tua, Metropolitanus jure potita, ex Episcopis sub se de-  
 „gentium vel vicinorum sex unâ cum Episcopo, cujus est iste  
 „Paræciæ, sibi socians, tantum negotium ventilet subtili discussio-  
 „nis ventilabro, & invento quod justum est, Canonicè decernat,  
 „& communi Fratrum censurâ definiat”.

Respondeo hæc non facere ad Propositum. Non de Roma-  
 na Appellatione agunt, sed relatione. Neque enim iste Presby-  
 ter Romam provocaverat. „Facto tumultu Presbyterum illum  
 „quidam apprehensum, & à terra brachiis sublevatum, in pro-  
 „prium fratrem forti jactaverat impetu, ut idem Germanus suus  
 „tanto onere malè impulsus in terram ruerit, & prostratus atque  
 „oppressus vitæ statum violenter amiserit”. Hinc nata est quæ-  
 „stio, an Presbyter ex isto homicidio esset irregularis? Ejus Episcopus,  
 „assumptis quibusdam Collegis, discussit causam, & ju-  
 „dicavit dubiam atque difficilem. Quare Presbyterum suspendit  
 ab officio, imposuit epitimiâ, & Romam misit ad Iudicium Pa-  
 pæ Joannis. Misit sine debitis instructionibus. Audi ab ipso  
 Pontifice: „At ubi nobis & persona Relatoris incognita, & nul-  
 „lo Episcoporum Scripto commendatio approbata est, & rursus  
 „ubi nulla est Accusatoris objectio, nec accusati reatus confessio,  
 „nec fidelium comprobatio testium, nos nec illius solius narra-  
 „tioni credali esse possumus, nec rursus in eum definitivam dam-  
 nationis

„nationis sententiam proferre valemus“. Arguit istum Episcopum, quod causam, licet dubiam ac difficilem, non proximè ad Metropolitam aut ejus-Synodum, sed Romam, & quidem sine instructionibus, & ipse Pontifici ignotus, retulisset. Executus est antiquum Canonem, quem ad Theodorum Foro-Julensem Episcopum scribit magnus Leo: „Sollicitudinis hic ordo esse debuerat, ut cum Metropolitano tuo primitus de eo, quod querendum esse videbatur, conferres; ac si id quod ignorabat Dilectio tua, etiam ipse nesciret, instrui vos pariter posceretis. Quia in causis, quæ ad generalem observantiam pertinent omnium Domini Sacerdotum, nihil sine Primatibus oportet inquiri“. Et adjungit: „Sed ut quoquo modo instruat ambiguitas consulenti, quid de quæstionibus tuis habeat Ecclesiastica regula, non tacebo“. Affirmat Episcopales relationes vel ad Metropolitam posse fieri, vel ad Pontificem: Episcopis esse jus eligendi. Verùm Apostolica Sedes, quoniam per omnium Ecclesiarum sollicitudinem distrahitur in plurima, semper maluit primam relationem fieri ad Metropolitam. Hinc quasi de speciali gratia Leo rescripsit referenti Theodoro. Hoc Alternativæ jus norât, & ipso usus fuit iste etiam Gallicanus Episcopus: Verùm Joannes Pontifex, quod causa non esset instructa, ipsum censuit non exaudiendum. Non igitur per Hincmarum aut Caroli Regis epistolam fuit correctus, sed egit ex antiqua Regula Ecclesiæ, de qua nullam mentionem fecerat ista epistola.

Epist. 82.  
Cap. 1.

D. Petrus de Marca sua adversus inferiorem Galliæ Clerum, & Apostolicæ Sedis auctoritatem commenta probat etiam ex literis Adriani secundi Pontificis ad præfatum Regem Carolum: „Quod præsentem Presbyterum Herlefridum, potestate sui Præsulis plusquam Canonica veritate percussum, ad Sedem Apostolicam, utpote Caput omnium Ecclesiarum, venire passi estis; benè quidem fecistis; sed nunc melius faceretis, si quod incivili consilio apud suum Episcopum perperam gestum est, in Provinciali Synodo apud vos rationabiliter, & apud Fratrem nostrum Hincmarum Archi-Episcopum cassaretur. Quapropter Apostolicæ dilectione Gloriam vestram hortamur, ut aut præsentialiter huic Herlefrido Presbytero suam Ecclesiam cum omnibus suis, usque ad tempus Provincialis Synodi hanc liberè possessuro, pro tempore, quod Sacri Canones definierit, solemniter

ter



„ter reddere faciatis, aut Erpuinum Episcopum suum Legatum  
 „nobis, qui hæc plenius veriusque renunciet, præsentaliter mit-  
 „tere cogatis : Quatenus dum luce clarius cuncta noverimus,  
 „sciamus in quem Apostolicæ animadversionis sententiam pro-  
 „feramus”. D. Petrus de Marca commentatur : “Adrianus ita-  
 „que Pontifex agnoscit auctoritatem Metropolitanæ, cui nego-  
 „tium istud judicandum relinquit, ac tamen indicat cupere se  
 „ut causa apud Sedem Apostolicam judicetur, si Rex ita pa-  
 „tietur. Ejus tamen arbitrio rem integram relinquit”.

Respondeo hoc exemplo lucidè evinci jus Sedis Apostolicæ,  
 ac demonstrari quod Carolus Rex ipsum agnoverit. Hæc est  
 facti species. Erpuinus Sylva-nectensis Episcopus nescio cujus  
 Ecclesiæ Curatum Presbyterum Herlesfridum deposuerat, ac  
 suâ Parochiâ ejecerat : Et quidem incivili consilio. Sic enim  
 textus est corrigendus. Hinc Herlesfridus provocavit. Verum  
 non ad Hincmarum Metropolitam aut ejus Synodum, sed  
 proximè Romam. Et Carolus Rex fecit ei facultatem exeundi  
 Regni, & accedendæ Sedis Apostolicæ. Nempè noverat Gal-  
 licanum Clerum posse, etiam immediatè, Romam provocare  
 à Judiciis suorum Antistitum. Adrianus Pontifex appellationem  
 admisit, & paratum se exhibuit ad retractatorium Judicium; ad-  
 didit tamen se malle, ut fiat per Hincmarum Archi-Episcopum  
 in Provinciali Synodo. Quare errorem continent hæc verba  
 D. Petri de Marca: “Indicat cupere se, ut causa apud Sedem  
 „Apostolicam judicetur”. Etenim Pontifex manifestè fuit in-  
 differens. Et processit secundum Canones Sardicenses, Hinc  
 Herlesfridum jussit mox suâ Ecclesiâ & omnibus aliis revestiri,  
 & ab Erpuino Romam mitti Legatum, qui in retractatorio, si  
 quidem Romæ fieret, judicio esset ipsius Apocrisarius. Pro-  
 inde Carolus Rex tunc etiam agnovit, quod istud Judicium  
 posset Romæ fieri, & quod necessarias ad ipsum personas Pon-  
 tifex posset evocare. Hæc tunc confessus est idem ille Rex,  
 qui nuper in causa Rothaldi Sueffionensis Episcopi, & postmo-  
 do in adductis ad Joannem VIII. literis egit & scripsit omnia  
 contraria: Nempè juxta varios ventos, qui spirabant ex Hinc-  
 mari pulmonibus. Quare hoc Herlesfridi exemplum penitus  
 evertit commenta D. Petri de Marca.

Audiamus illius conclusionem : “Adriani & Joannis Successo-  
 res,

res, ruptis Canonum cancellis, appellationes Presbyterorum  
 „admisere, adeo ut Gregorius VII. in Decretis suis, quæ vulgò  
 „Dictatus Papæ dicuntur, hoc quoque præceperit: " Ut nemo  
 „audeat condemnare Apostolicam Sedem appellantem. " Quod  
 „in jus commune versum est in Decreto Gratiani, & in libris  
 „Decretalium". Respondeo immediatas ad Romanam Sedem  
 appellationes inferiori Clero per nullum auferri antiquum Cano-  
 nem. Alternativa est antiquissima. Lucet ex præfato sancti  
 Leonis Rescripto ad Theodorum Foro-Juliensem. Etenim ap-  
 pellationis ac relationis est eadem ratio ac potestas: Ad ipsum,  
 ad quem referre oportet, licet & appellare. Eundem morem vi-  
 guisse in Orientali Ecclesia docet nos Anastasius Nicænus Episcopus,  
 Bithyniæ tunc Metropolita, dicens ad omnem Chalcedonen-  
 sem Synodum: " Sunt epistolæ beati Joannis Episcopi Con-  
 „stantinopolitani ad Nicænum Episcopum, ut iret Babilonopolim,  
 „& emendaret Ecclesiam, tamquam sibi met competentem". Af-  
 firmat nescio quos Babilonopolitanæ Ecclesiæ Clericos non ad Ni-  
 cænum Metropolitam, sed immediatè provocasse ad sanctum Joan-  
 nem Chrysostomum, uti ad Patriarcham Constantinopolitanum;  
 & ab hoc causam istam, quod propriis deberet oculis inspicere,  
 fuisse delegatam ipsi proprio Metropoliti, ac ipsi mandatum,  
 ut iret Babilonopolim, & istas lites definiendo emendaret ac pa-  
 cificaret Ecclesiam. Item supra audivimus, quod Marcion Pres-  
 byter proximè, prætermittis omnibus mediis, appellaverit ad Se-  
 dem Apostolicam. Istum morem Orientalibus Clericis fuisse fa-  
 miliarem demonstrant plura loca magni Gregorii. Interim san-  
 ctus Paulus Apostolus reliquit nobis eximium Canonem: "Om-  
 „nia mihi licent, sed non omnia expediunt". Quod immediatas  
 Clericorum Appellationes passim admitti ac definiiri à Romanis  
 Pontificibus non expediat Catholicæ Ecclesiæ, Eugenio tertio in  
 libris de consideratione rectè suadet sanctus Bernardus. Quod  
 item Joannis octavi Successores istà in re fuerint nimium benigni,  
 docet sub Formosi Papatu & Arnulphi Imperio celebrata Tribu-  
 rienfis Synodus: Etenim supra-adductum magni Imperatoris Ca-  
 roli Capitulum innovat, ac assumit in suum Canonem. Eximium  
 istum Principem imitata frænavit abusum, Romanæ Sedis autho-  
 ritatem nec tangere præsumpsit. Nempe Arnulphus erat Carolinæ  
 stirpis ac virtutis Princeps, idèdque fuit memor, quod etiam Ni-

cæna Synodus supra sancti Petri Sedem nihil fuerit ausa constitue-  
re, sciens illi omnia concessa à Domino. Dominus Petrus de  
Marca non rectè culpat omnes à Joanne octavo usque ad septi-  
mum Gregorium Pontifices. Quod enim sanctus Leo nonus,  
ejusque Successores, præsertim laudatus Gregorius, lapsam disci-  
plinam strenuè restaurarint, & quod à propria domo, ab ipsa Ro-  
mana Ecclesia incepterint, est cunctis manifestum. Ejusdem Gre-  
gorii Dictatus meretur apud omnes Ecclesias describi aureis lit-  
teris, & à cunctis Christianis addisci memoriter, ad instar Sym-  
boli. Nam & Gallicana olim Ecclesia hanc reverentiam detulit  
dogmatico Tomo sancti Leonis. Dictatum suo loco sum cona-  
tus exponere, ac defendere ab æmulis.

## CAPUT XXII.

*An Gallicani Episcopi fuerint aliquando exempti à Pa-  
triarchali, intra Almam Urbem celebranda,  
Romani Pontificis Synodo.*



Affirmat Dominus Petrus de Marca, & eun-  
dem errorem imponit Hincmaro Rhemenfi,  
ac Regi Carolo Calvo. Ex his ipsorum ver-  
bis in superius adducta epistola ad Joannem  
octavum Pontificem: "Legimus etiam, quam-  
vis rarissimè, præceptum à Sede Apostolica  
quosdam de longinquiore Parochiis specialis  
Diocesis Romani Pontificis, ad cujus sollicitudinem universalis  
Ecclesia pertinet, propter contumaces contentiones aliquas invi-  
tatos fuisse. Sed de Trans-Alpinis Regionibus, quibus decreta  
privilegia servari debent, tale quid pro Presbyterorum & Diacon-  
orum appellatione à Sede Apostolica præceptum fuisse non le-  
gimus". Hæc verba Dominus Petrus de Marca commentatur:  
"Exceptio illa, nimirum Ecclesiam Gallicanam non pertinere ad  
specialem Diocesim Romanam, idest, neque ad consecrationem  
Episcopi Romani, neque ad ejus Synodum, tamen Sedem Apo-  
stolicam coleret velut particulare Occidentis, & etiam tan-  
quam

quam Caput universæ Ecclesiæ; exceptio, inquam, illa prorsus legitima erat. Prudenter itaque Nicolaus I. conatus est efficere, ut Episcopi Galliarum ad Concilium Romanum convenirent, ut eâ ratione eandem in Gallia & universo Occidente Patriarchalis Jurisdictionis amplitudinem constitueret, quam Patriarchæ Orientis possidebant in sua quisque Diœcesi. Illi autem Metropolitanos omnes evocabant ad Synodum Patriarchalem, juxta Canones Constantinopolitanos, & Chalcedonenses, Justiniani quæ Novellas. Eâ itaque de causa literas ad Episcopos Galliarum & Germaniarum scripsit, ut eos ad Concilium Romanum evocaret. Quæ redditæ illis fuere curâ Regum Caroli Calvi & Ludovici. At Episcopi, qui Nicolai consilium intellexerant, nihil suo nomine responderunt, sed scribi ad eum procuravere à suis Regibus, qui Protectores sunt libertatum Ecclesiæ. Igitur Principes scripserunt non potuisse Episcopos accedere ad Concilium ob brevitatem temporis, & ob pericula itinerum, & ob id etiam quod occupati essent protectione Regni adversum Pyratas. Quibus addunt nullam esse necessitatem, quæ Episcopos cogat Romam mittere, ut Concilio intersint. Ut Episcopos de Regnis vestris Romam mittendi non postulet necessitas, "Ut ait Nicolaus in sua ad Reges epistola. Qui ex his verbis colligit nolle Episcopos Mandatis suis obedire. Nam Reges tamquam rem certam existimabant Episcopos suos non pertinere ad corpus Concilii Romani, atque ideo non teneri ad illud accedere toties, quoties eos evocari contingit, sed tantum si ea necessitas incidat, ut Concilium œcumenicum sit celebrandum".

Respondeo hanc fabulam sibi ipsi non cohærere. Etenim si Gallicana Ecclesia Romanum Antistitem agnoscat & veneretur ut suum ac totius Occidentis Patriarchale Caput, quomodo ejus Episcopi non spectant ad ejus Synodum & consecrationem? Hæc enim sunt duo Patriarchalis dignitatis nobiliora capita. Quis hoc jure, quod non soli Constantinopolitani & Chalcedonenses, sed etiam Nicæni Canones confirmant omnibus Patriarchis, exuit Romanum? Quod enim Chalcedonenses & Constantinopolitani videantur sancire de solis Orientalibus, oritur ex avitæ reverentiæ regula, ex qua nullum generale Concilium præsumpsit aliquid constituere supra Romanam Ecclesiam, sciens illi à Domino concess-

sa omnia. Certè isto, præsertim ad Patriarchalem Synodum evocandi Gallicanos Episcopos, jure Romana Ecclesia semper fuit gavisa & usa. Etenim Romana Synodus, in qua sanctus Melchisedes damnavit Donatistas, fuit Patriarchalis: Et ad ipsam evocati sunt, atque comparuerunt Illustriores Galliarum Antistites. Scio illos evocatos per sacram jussionem Imperatoris Constantini: At illa facta est secundum Canones. Etiam prima Arelatensis Synodus fuit Patriarchalis: Convocata ac directa per sanctum Sylvestrum. Et habuit Gallicanos Episcopos. Idem Sylvester ad Nicænam Synodum transmittere voluit non solos suos, sed insuper Legatos suæ Patriarchalis Synodi, itemque cum sui suffragii Prærogativa suffragium istius Synodi: Hinc ad Almam Urbem convocavit ducentos sexaginta septem suarum Dioeceseon Episcopos. Quis inficietur Gallicanam etiam Dioecesim adfuisse? Istud ipsum pro Chalcedonenſi Synodo egit sanctus Leo: Verum in alia forma. Omnes suas Dioeceses Romam fatigare ex causis nolens, jussit ipsas congregari intra suos limites, & ad se transmitti singularum Synodale suffragium. Quanta cum reverentia obederit Gallicana Ecclesia, docet ejus Rescriptum ad Pontificem.

Et inter authenticas S. Damasi Pontificis literas sexta est ipsius & "Episcoporum, qui ad eum in Romanam Urbem ex Italia & Gallia convenerant numero nonaginta". Est Synodalis ad Illyricianam Dioecesim. Et alia ad ejusdem Dioecesis Antistites Synodica ejusdem Pontificis Epistola habet: "Significatum est nobis à Fratribus, qui in Gallia & agro Venetorum habitant". Et rursum: "Gallorum atque Venetorum Fratrum relatione comperimus": Quod nempe Galli, non minus quàm Veneti, spectarent ad Patriarchalem Synodum Romanæ Ecclesiæ, Et Aquileiensi sub eodem Pontifice, quod Patriarchalis formam habuit, Concilio adfuerunt plures Gallicani Episcopi, & plures absentium Legati. Ejusdem Concilii Synodalis epistola habet hanc Epigraphen: "Concilium, quod convenit Aquileæ, Dilectissimis Fratribus Episcopis Provinciæ Viennensium, & Narbonensium, primæ & secundæ". Quod nempe istæ Provinciæ spectarent ad idem Patriarchale Collegium. Hinc ejusdem Synodi ad Principes Relatio habet: "Omnes propè Episcopi ex omnibus Provinciis Occi-

„Occidentalibus, missis adfuere Legatis". Alia Relatio exponit istas Provincias: "Quod à vobis Africanæ & Gallicanæ Ecclesiæ per Legatos obsecrant".

Illustrissimum Gallicanæ obedientiæ ac reverentiæ exemplum habemus à sexta Synodo. Sanctus Agatho, antequam suam Legationem mitteret Constantinopolim, convocavit suam Patriarchalem Synodum, & adfuerunt Episcopi centum viginti quinque. Inter hos erat "Adeodatus Leucorum, seu Tullensis Episcopus, „Legatus venerabilis Synodi per Galliarum Provincias constitutæ. „Felix Episcopus Arelatenfis, Legatus venerabilis Synodi per „Galliarum Provincias constitutæ. Taurinus Diaconus sanctæ „Ecclesiæ Telonenfis, Legatus venerabilis Synodi per Galliarum „Provincias constitutæ. Wilfridus Episcopus sanctæ Ecclesiæ „Eboracenæ, Legatus venerabilis Synodi per Britanniam constitu- „tæ. Valentinus Episcopus sanctæ Ecclesiæ Aquesfis". Imperator Constantinus optaverat istam Synodum esse numerosiorem; verum cur esse non potuerit, audiamus à Pontificis Rescripto ad Principem: "Nisi longus Provinciarum ambitus, in quibus Hu- „militatis nostræ Concilium constitutum est, tanti temporis pro- „tationem ingereret, olim hoc noster famulatus impleveret". Affir- „mat "familiare sibi Concilium" longè extendi. Nempe usque ad Oceanum, & ultra ipsum. Et supponit omnes istos Episcopos obligari ad suam Synodum. Et ad Faustum ac Symmachum, Ro- manæ Urbis Senatores, scribit sanctus Avitus Archi-Episcopus Viennensis: "Fuerat talis status rerum desiderandus, ut ipsi per „nos Urbem Orbi venerabilem pro dependendis Divinis, huma- „nisque expeteremus officiis. Sed quia istud jam dudum per ra- „tionem temporum fieri posse cessavit, vellemus vel eo securi- „tatis accedere, ut quæ in communi causa supplicari oportet, „Amplitudo vestra Congregatorum Galliæ Sacerdotum relatione „cognoscat". Agit de Patriarchalibus Synodis Symmachi Papæ. Lamentatur in Gallia defecisse Romanum Imperium, & in ipsa variè lacerata dominari Barbaros. Et hinc duo præsertim evenisse Ecclesiæ vulnera. Primò, quod Gallicani Episcopi non possent Almam Urbem ad Patriarchales Synodos accedere. Deindè, quod nec totius Gallicanæ Diocesis Synodus posset ad faciendas Ro- manas Relationes convenire. Nempe barbari Reges, invasis à se Diionibus metuentes, nolebant Episcopos suis finibus excedere.

„vestris subdunt. Dicunt enim post aliquanta: Ut Episcopos de  
 „Regnis vestris ad Synodum Romam mittendi necessitas non po-  
 „stulet. Unde si vos fortasse aliter dicitis, nos illud dicimus,  
 „quod Divinitus revelatur, quia cum novitatum mala multipli-  
 „cari videamus, si ex diversis Provinciis Fratres ad invicem  
 „convenissent juxta priscum morem, & nos consensu illorum re-  
 „velante Domino, quæ discernenda sunt decerneremus, & ipsi ne-  
 „cessitates suas referentes, & nos nostras exponentes, quæ decre-  
 „ta fuissent, melius in eorum notitiam facerent pervenire, qui  
 „semper Synodalem Conventionem à nobis aggregari petierant, sic-  
 „que fieret, ut secundum qualitatem morbi medicina conficeretur,  
 „& ad sananda vulnera longè latèque effunderetur”. Pontifex af-  
 „firmat varia. Primò, quod Gallicanorum Antistitum ad Patriar-  
 „chales Romani Pontificis Synodos evocatio non sit res nova, sed  
 „vetusta consuetudo. Secundò, quod præsens evocatio fuerit fa-  
 „cta ex necessariis causis: Nempe ad medendum Ecclesiæ, etiam  
 „Gallicanæ, variis vulneribus. Tertiò, quod Episcopi talis evo-  
 „cationis potestatem non abnegarent Pontifici, sed existimarent  
 „nullam tunc fuisse illius necessitatem. Quare nullam hinc exemp-  
 „tionem aut libertatem allegant, nec Regiam istius libertatis pro-  
 „tectionem invocant. Sunt Domini Petri de Marca in istos Epif-  
 „copos injuriosa figmenta. Hincmarus Rhemensis, ex cujus nutu  
 „Rex Carolus egit hæc omnia, non adedò desipuit. Quod ipsum  
 „lucidissimè patet ex rationibus, ob quas Episcopi se excusarunt.  
 „Audiamus ipsas à Nicolao Pontifice rescribente Regibus: “Quia  
 „Episcopos ad Synodum nostram, & pro angustia temporis, &  
 „pro injuria transitus occurrere non valere dixistis, merito durè  
 „habuimus, cum tanta temporis angustia non immineret, ut sal-  
 „tem de vobiscum conversantibus binos mittere nequivissetis.  
 „Reprehensibile denique valde esse constat, quod tu, fili mi Ca-  
 „role Rex, subintulisti, dicendo majorem partem Episcoporum  
 „omnium diu noctuque cum aliis fidelibus tuis contra Pyratas  
 „maritimos invigilare, ob idque Episcopi impediuntur venire, cum  
 „militum Christi sit servire Christo, militum verò sæculi, sæculo”.  
 „Harum rationum nulla innuit, longè minùs asserit dogmatizatam  
 „à Petro de Marca exemptionem.

Verùm cur Episcopi has excusationes non per se allegarunt  
 apud Pontificem, sed per Reges, præsertim per Regem Carolum?  
 Respons

Respondeo has esse consuetas sutelas Hincmarj Rhemenfis, qui isto tempore erat os & lingua Francorum Antistitum. Noverat tertiam excusationem non esse Episcopalem, & duas priores fuisse frivolas, in simili causa apud Julium ab Eusebiana Factione, & apud Damasum Pontificem adductas ab istius Factionis reliquiis, ac ab utroque Pontifice spretas atque explosas. Insuper noverat in ista Romana Synodo retractandam causam Rothaldi Sueffionensis Episcopi, qui ab ejus Synodo damnatus Romam appellaverat, & quem Nicolaus Pontifex ob ejus in non comparando contumaciam revertisserat, ac per-interim reparatum remisserat in Sedem, retractatorium Judicium reservans primæ Patriarchali Synodo. Juxta Julii in Athanasii causa exemplum, & Canones Sardicenses. Proinde istam Synodum Hincmarus oderat, & jam dictas rationes noverat esse frivolas: Hinc usus est lingua & calamo Caroli Regis. Ex suo more. Et ex consueto in extremis refugio: "Rex non vult". Interim nec per Regem ausus est effugire se exemptum à Patriarchali Synodo.

Can. 17.

Nihilominus Romana Ecclesia optimè perspexit, quò hæc tenderent. Hinc in octava Synodo curavit prodire hunc Canonem: "Sancta & universalis Nicæna prima Synodus antiquam consuetudinem jubet servari per Ægyptum, & Provincias quæ sub ipsa sunt, ita ut horum omnium Alexandrinus Episcopus habeat potestatem, dicens, Quia & in Romanorum civitate hujusmodi mos prævaluit. Qua pro causa & hæc magna & sancta Synodus tam in seniori & nova Roma, quam in Sede Antiochiæ ac Hierosolymorum, præscam consuetudinem decernit in omnibus conservari, ita ut eorum Præsules universorum Metropolitanorum, qui ab ipsis promoventur, & sive per manus impositionem, sive per Pallii dationem Episcopalis dignitatis firmitatem accipiunt, habeant potestatem, videlicet ad convocandum eos, urgente necessitate, ad Synodalem Conventionem, vel etiam ad coercendum illos & corrigendum, dum fama eos super quibusdam delictis forsitan acculaverit. Sed quoniam sunt quidam Metropolitanorum, qui ne secundum vocationem Apostolici Præsulis occurrant, à Mundi Principibus se detineri sine ratione causantur, placuit talem excusationem omnimodis esse invalidam. Cum enim Principes pro suis causis Conventionis frequenter agant, impium est ut summos Præsules ad Synodos pro Eccle-



„Ecclesiasticis negotiis celebrandum impediunt, vel quosdam  
 „à Conciliis eorum prohibeant, licet tale impedimentum &  
 „fixtam prohibitionem Metropolitanorum suggestione diversis  
 „modis fieri didicerimus. Consueverunt autem Metropolitan  
 „bis in anno Synodos facere, ideoque, sicut dicunt, ad Pa-  
 „triarchale penitus non occurrere Caput. Sed sancta hæc &  
 „universalis Synodus, nec Concilia, quæ à Metropolitanis fiunt,  
 „interdicens, multò magis illa novit rationabiliora esse ac uti-  
 „liora Metropolitanorum Conciliis, quæ à Patriarchali Sede  
 „congregantur, & idcirco hæc exigit fieri. Exponit Patriar-  
 „chalis Synodi utilitates, & post quædam alia concludit: „Quis-  
 „quis ergo Metropolitanorum proprium Patriarcham contemp-  
 „serit, & vocationem ejus, quæ sive ad unum solum, sive ad  
 „plures, sive ad omnes sit, absque validissima ægrotatione vel  
 „Paganorum incurfu, non obedierit, & per totos duos men-  
 „ses post notitiam vocationis ad proprium venire Patriarcham  
 „minimè festinaverit, vel si quocumque modo latitare, aut non  
 „cognoscere Nuntium ab illo missum tentaverit, segregetur;  
 „si verò intra unum annum eandem contumaciam & inobe-  
 „dientiam demonstraverit, deponatur omnibus modis. To-  
 „tus Canon invadit Hincmarum, & ejus consuetum, „Rex non  
 „vult. Nam & ipse dixerat à se Metropolita bis in anno ce-  
 „lebrari Synodum, ideoque non esse opus Synodis Patriarcha-  
 „libus. Ipse non solummodò communem ad istas Synodos, sed  
 „etiam singularem suæ evocationem spreverat, ad retractatorium  
 „Rothaldi Sueffionensis Episcopi Judicium contumaciter nolens  
 „comparere, usus multis ambagibus. Hos ejus contra Patriar-  
 „chalem Romani Pontificis Authoritatem excessus damnavit Ca-  
 „non, ac simul jam dictum, tunc adhuc futurum, errorem  
 „Petri de Marca.

Hic interim pergit: „Bilem Nicolai movit hæc responsio;  
 „qui repræsentat communi consensu provideri non posse necessi-  
 „tatibus Ecclesiæ, nisi Episcopi venerint ex Provinciis ad Roma-  
 „num Concilium. At diversa ratio prohibebat Reges nostros &  
 „Episcopos Galliarum, ne illuc accederent. Quippe illic Lex  
 „ipsis imposita fuisset, contendissent Pontifices Canones in co-  
 „ncilio conditos executioni demandandos esse citra novum exa-  
 „men, cum eis decernendis accessisset consensus Episcoporum Gal-

E c

licano.

„licanorum : Secus eveniebat, quando Concilia habebantur intra  
 „Gallias. Causæ enim in eis agitabantur ex sententia & consen-  
 „su Regis & omnium Ordinum : Et si quid à Roma mitteba-  
 „tur, deliberationi Concilii obnoxium erat. Mitigatus tandem  
 „est Nicolai animus quoad jura Regum in Episcopos. Agnoscit  
 „enim eam illis auctoritatem inesse, ut prohibere possint, ne  
 „Episcopi Romam accedant, neque id ullo modo exprobrari  
 „posse Episcopis, si obsequio suo prohibitionem exequantur. At-  
 „tamen contendit posse Reges vituperari, si eâ auctoritate abu-  
 „tantur”.

Respondeo Nicolai bilem fuisse justissimam : Unde & ipsi ple-  
 nè satisfecit octavum Concilium. Dominus Petrus de Marca ad-  
 dit errores erroribus. Primus est, quod conditi in Romana Pa-  
 triarchali Synodo Canones executioni nequeant mandari sine no-  
 vo Regis examine. Etenim quis Patrum Canon, quæ avita tra-  
 ditio his Canonibus hanc servitutem imposuit, Regibus dedie  
 istam potestatem ? Secundus error est, quod acta intra Gallias  
 Concilia agitentur ex sententia & consensu Regis & omnium Or-  
 dinum : Et si quid Româ mittatur, sit deliberationi obnoxium.  
 Etenim hæc longissimè deviant ab antiqua erga Romanam Ca-  
 thedram reverentia, ex qua etiam Nicæna Synodus nihil fuit ausa  
 super ipsam constituere, sciens ipsi omnia concessa à Domino.  
 Sunt nova in sanctum Petrum attentata, quæ sanctus Thomas  
 Cantuariensis dixit esse consuetudines Barbarorum. Non spectant  
 ad præsentem controversiam. Tertius error est, quod Nicolaus  
 Pontifex Regia in Episcopos jura tandem agnovit. Etenim istas  
 Caroli violentias prudenter ac patienter dissimulavit : Absit ut  
 tanquam jura agnovit. Usus est Prophetica regulâ : “Cum ac-  
 „cepero tempus, ego Justitias judicabo”. Et istud tempus à Do-  
 mino Deo accepit ejus Successor Adrianus in octava Synodo. At  
 Petrus de Marca adjungit de ipsa quartum errorem : “Videbi-  
 „mus postea, quid sexennio post in octava Synodo tentaverit  
 „summus Pontifex adversus Jura Regni Francici”. Adrianus  
 II. Nicænos & Apostolicos pro Patriarchalibus, Romani præfer-  
 tim Pontificis, ab Hincmaro Rhemenſi & Carolo Calvo graviter  
 læsis, Synodis Canones isthic innovavit : Aliud non egit. Atque  
 ita Petrus de Marca profitetur Regni sui Jura cum istis Canoni-  
 bus non cohærere. Absit, ut avita Christianissimorum Regum pie-

ROMANIS APPELLATIONIBUS. 219  
tas talia Jura ambiat. Certè talia ipsi non prædicavit sanctus  
Remigius.

## CAPUT XXIII.

*Discutiuntur alia fundamenta Domini Petri  
de Marca.*



Omanas Appellationes arietare Dominus Petrus de Marca ex professo pergit in septimo libro, & scribit : " Consuetudo illa, quæ Conciliis Cap. 2  
„uniuscujusque Provinciæ supremam Episcopo-  
„rum deponendorum potestatem tribuit, Scrip-  
„to tradita est, & firmata Canone quinto Ni-  
„cæni Concilii". Adducit Canonem, & pergit :  
"Canon ille confirmat auctoritatem cujusque Provinciæ in judi-  
„candis definitivo Decreto causis Ecclesiasticis, quæ ad Clericos  
„aut Laicos spectant, & per consequentiam idem jus statuitur  
„quoad correctionem & depositionem Episcoporum, tametsi casus  
„ille disertis verbis non existet in Canone. Sanè dubitari non po-  
„test, quin hic Canonis sensus sit, & ea mens, ut in generali  
„hac lege comprehendantur Judicia adversum Episcopos, cum eo-  
„rum mentionem aliàs nullibi faciat Synodus". Respondeo hunc  
Domini Petri de Marca librum esse thesaurum, ex quo Pascha-  
sius Quæsnellus deprompsit sua omnia. Adducta verba ferè trans-  
cripsit. Et sunt abundè refutata. Et fons iste etiam errat mul-  
tipliciter. Primò, quod inappellabilis deponendorum Episcopo-  
rum potestas competat Provincialibus Synodis. Deinde, quod  
ista suprema auctoritas sit confirmata à Nicæna Synodo, & re-  
ducta in Scriptum. Tertiò, quod hocce Scriptum sit quintus Ca-  
non. Etenim Provinciæ Synodus est prima in deponendis Epis-  
copis cognitio, ideoque si ipsius auctoritas sit suprema, degrada-  
tis Episcopis nulla competit appellatio. Admiranda est fiducia,  
quâ Dominus Archi-Episcopus talia spargit in Mundum.

Eadem fiduciâ pergit : " Præter argumentum illud existat aper-  
„ta ac expressa auctoritas Concilii secundi Oecumenici, itemque  
„Africani Concilii, & Innocentii primi Papæ, quorum ea est sen-

„tentis, ut judicia Episcoporum eo Canone Nicæno contineri existi-  
 „stiment. Canon quippe secundus Concilii Constantinopolitani  
 „Oecumenici aperte testatur administrationem & gubernationem  
 „Ecclesiarum hoc Canone Nicæno mandatam esse unicuique Pro-  
 „vinciæ. Administrationis verò vocabulo Patres Constantinopo-  
 „litani comprehendunt judicia adversum Episcopos, æquè ac alia  
 „Politix & Regiminis Ecclesiastici capita”. Etiam hæc verba fe-  
 „rè descripsit Palschafius Quesnellus. Item illa continent multipli-  
 „ces errores. Primus est, quod infelicitissimi ac prævaricatorii  
 „istius Africani Concilii autoritate utatur adversus sanctum Petrum  
 „Apostolum. Secundus error est, quod Innocentii primi Rescrip-  
 „tum laudet solum quintum Nicænum Canonem. Quod etiam  
 „Sardicensem laudet, alibi rectè affirmat ipse Dominus Archi-Epi-  
 „scopus. Error tertius est, quod istud Rescriptum sanciat aut as-  
 „ferat Provincialium Synodorum judicia esse inappellabilia. Est  
 „fabula cantanda pueris. Quartus error est, quod secundus Canon  
 „Constantinopolitanus confirmet præsertim quintum Nicænum.  
 „Quintus est, quod aperte ac expresse sanciat Provincialia Judi-  
 „cia esse inappellabilia. Etenim sextus Canon aperte ac expresse  
 „permittit à Provinciali ad Patriarchalem aut Exarchicam, & ab  
 „hac iterum provocari ad generalem Synodum totius Ecclesiæ.

Dominus Archi-Episcopus invocat etiam Antiochenos Canones :  
 „Eadem veritas colligi potest ex Canonibus Concilii Antiocheni,  
 „cujus autoritas recepta fuit in Concilio Chalcedonensi, & dein  
 „in universa Ecclesia. Concilium enim illud cupiens prorsus tol-  
 „lere difficultates, quæ persæpe occurrebant in executione Con-  
 „cilii Nicæni quoad depositiones Episcoporum, iis verbis utitur,  
 „quæ aperte docent definitivum Judicium ad Synodum uniuscu-  
 „jusque Provinciæ pertinere”. Respondeo longè aliud ad Cle-  
 „rum & Populum Constantinopolitanum scribere Innocentium pri-  
 „mum : ” Canonibus obsequendum esse scribimus, qui Nicææ  
 „sunt decreti, quos solos consecrari decet Ecclesiam Catholicam,  
 „& juxta eos judicare. Si alii à quopiam proferuntur, à Cano-  
 „nibus Nicænis dissonantes, & hæreticos Authores referentes, ii  
 „à Catholicis Episcopis rejiciuntur. Hæreticorum namquè Inventæ  
 „Catholicis Canonibus non sunt adnectenda. Semper enim illi  
 „per nefaria Decreta Patrum Nicænorum Concilium minuire in-  
 „tendunt. Quapropter non solum hoc dicimus istos sequendos

NON

„non esse, verum etiam cum hæreticis & Schismaticis Dogma-  
 „tibus condemnandos, quemadmodum antea in Sardicensi Con-  
 „cilio ab Episcopis factum est". Agit pro sancto Joanne Chry-  
 „ostomo, quem Theophili Patriarchæ Alexandrini factio ex An-  
 tiochenis Canonibus damnaverat. Docet varia: Canones istos  
 dissonare à Nicænis, esse ab hæreticis authoribus, hæreticorum  
 Inventa, Decreta nefaria, contraria Nicæno Concilio, ipsum  
 imminuentia, Hæretica & Schismatica Dogmata, damnanda ab  
 omnibus, etiam pridem damnata à Sardicensi Synodo. Aded  
 absunt isti Canones, ut exponant Nicænos. Quod ipsos stu-  
 deant evertere, etiam Julius Pontifex altissime clamavit in li-  
 teris ad ipsorum conditricem Antiochenam Synodum. Quod  
 nempe Patriarchales, & quædam etiam alias Orientalium Sy-  
 nodos sanxissent esse supremas, atque ita avertissent Romanas  
 appellationes, quas Nicæna Synodus confirmaverat, ac rede-  
 gerat in Scriptum.

Hoc ipsum testatur Palladius Helenopolitanus Episcopus in  
 Dialogo cum Theodoro, Romanæ Ecclesiæ Diacono, de Actis  
 laudati Ioannis. Affirmat datum de ipso iudicium fuisse indis-  
 cretum atque nequissimum, & ejus scopum fuisse, „ut locus  
 „purgandi se Joanni nullus omnino daretur, vigore scilicet Ca-  
 „nonum eorum, quos Theophilus miserat, à quadraginta Arii  
 „complicibus editos". Adducit Antiochenum Canonem, ac  
 pergit: „Et ista quidem regula, ut nequam, & à nequissimis  
 „edita, in Sardicensi Concilio eliminata est, quando Julius  
 „Athanasium & Marcellum admisit ad communionem. Quo-  
 „rum gratià etiam Canon ille fuerat editus". Nempe ad ever-  
 tendam, quam Julius fecerat, Athanasii ac Marcelli appel-  
 lantium reparationem, & evertendam Sedis Apostolicæ circa  
 ista auctoritatem. Et tamen istos Canones postmodò admisit  
 Chalcedonenis Synodus, ac universa Ecclesia. Nempe dolosi  
 sunt, & ambidextri ad bonum & malum. Ecclesia ipsos ad-  
 misit sub hac salutari clausula: „Sine præjudicio Romanæ Ec-  
 „clesiæ, cui in omnibus causis debet custodiri reverentia".  
 D. Petrus de Marca ipsis utitur in sensu Eusebiano, atque ita  
 longissime saltat extra limites veritatis.

Affirmat inter Antiochenos Canones esse aliquam contradi-  
 ctionis speciem, & pergit: „Conciliatio horum Canonum per-

„det, ut ego quidem existimo, à praxi illarum tempestatum,  
 „quæ Interpretibus Græcis atque etiam Latinis ignota fuit. Ea  
 „autem versabatur in autoritate, quam Imperatores possidebant,  
 „concedendi Rescripta pro revisione supremorum Judiciorum, si-  
 „ve illa civilia essent, sive Ecclesiastica. Nam Edicta Præfeco-  
 „rum Prætorio obnoxia non erant appellationi, sed revisioni tan-  
 „tùm, si eam is, qui causâ ceciderat, fieri peteret libello in eam  
 „rem oblato Imperatori". Demonstrat hæc ex Romanis legibus,  
 „atque prosequitur: "Implorabantur etiam Rescripta Principum  
 „adversus suprema Synodorum Judicia. Cui consuetudini tem-  
 „peramentum adhibet Canon duodecimus Antiochenus, ut his qui-  
 „dem omnis spes restitutionis adimatur, qui postquam damnati  
 „fuerint, preces Imperatori obtulerint, ut ejus autoritate resti-  
 „tuantur; eorum verò causa per revisionem retractetur, qui ab  
 „Imperatore obtinuerint, ut novum Concilium habeatur, ad quod  
 „major Episcoporum numerus accedat".

Respondeo Dominum Archi-Episcopum hære in petitione principii. Demonstrandum ipsi est; quod Provincialium Synodo-  
 rum judicia olim non fuerint obnoxia appellationibus. Certè hac  
 in re perperam comparantur cum Judiciis Præfectorum Prætorio.  
 Nec enim Metropolitæ, sed soli Patriarchæ habent istum in Ec-  
 clesia locum, quem Prætoriorum Præfecti habeat in Republica.  
 Unde Imperator Justinianus horum Judiciis ac sententiis non Me-  
 tropolitarum, sed solum Patriarcharum Judicia ac sententias æqui-  
 parat. Et quidem sub hac semper salutari clausula: "Sine præju-  
 „dicio Romanæ Ecclesiæ". Proinde Divålum Rescriptorum & sa-  
 crarum delegationum postulatio non ex suprema Provincialium  
 Synodorum autoritate, sed ex desperata Donatistarum audacia du-  
 cit originem. Primi Donatistæ talia postularunt à magno Con-  
 stantino: Et suâ audacia optimum Principem, adhuc juvenem  
 & Catechumenum, gravissimè scandalizarunt. Malum invaluit  
 sub Constantio. Per Eusebianos. Nec mirum: Etenim scelera-  
 ta Factio per laceratam in Philippo-Politano Conventu Catholicæ  
 Ecclesiæ Monarchiam vidit esse solutam etiam Ecclesiæ unitatem,  
 ideòque ad ipsam quovis modo refarciendam garrivit Constantium  
 esse Episcopum Episcoporum. Ita disertè testatur Lucifer Calari-  
 tanus Episcopus in libro de Filio Dei. Et sanè sine unitate Ca-  
 pitis esse non potest unitas corporis. Hinc facinorosa Factio Pa-  
 palem

palem Prærogativam transcripsit in Imperatorem. Ex hoc fonte etiam Antiocheni, qui primi permiserunt ista refugia, Canones emanarunt. Hinc tandem evenit, quod ad quintum suum librum præfatur Socrates: "Passim in historia Imperatorum mentionem, propterea fecimus, quod ex illo tempore, quo Christiani esse, cœperunt, Ecclesiæ negotia ex ipsorum nutu pendere visa sunt, atque adeo maxima Concilia de eorundem sententia & convocata sunt, & adhuc convocantur".

Eâdem viâ invaluerunt sacræ delegationes. Etiam adversum Provinciales Synodos. Verùm hæ nequaquam inde probantur esse supremæ aut inappellabiles. Ista nempe Divalia Rescripta debebant observare & exequi sacros Canones: Alioquin erant violenta in Ecclesiæ dignitatem injuria. Hinc Imperator Constantinus Donatistarum libris, non Gallicanos, quos illi postulabant, Episcopos dedit Judices, sed Pontificem Romanum. Et Theophilus Alexandriæ Patriarcha ad sanctum Joannem Chrysostomum, cui Imperator Arcadius criminalem ejus causam delegaverat, scripsit: "Arbitror te non ignorare, quid præcipiant Nicæni Concilii Canones, sancientes Episcopum non judicare causas citra suos terminos. Si autem ignoras, discce. Et libellos contra me suscipere desinas. Nam etsi judicari me opus sit, ab Ægyptiis magis, quàm à te id fieri oportet, qui septuaginta quinque dierum itinere à nobis separatus es". Affirmat Divalem Delegationem sexto, per secundum Constantinopolitanum confirmato ac exposito, Canonem repugnare, idèdque nullius esse ponderis. Et sanctus Joannes intercessionem agnovit justam, atque admisit. Eâ de re postmodò scripsit ad Papam Innocentium: "Piissimus Imperator jussit, quæ contra Theophilum dicerentur, audire. Verùm nos, Patrum Decreta reveriti, nequaquam acquievimus, sed vehementer obstitimus". Utique ipsi Principi, volenti suum Rescriptum mitteri in executionem. Eâdem exceptione usus est ipse Joannes contra Synodum in hortis Ruffinianis: Dixit Thraciæ Episcopos non posse judicari ab Ægyptiis. Et Dominus Patriarcha Antiochenus contra sacram delegationem, quâ Imperator Theodosius Ibæ Edeseni Archi-Episcopi causam commiserat alterius Provinciæ Episcopis, potenter intercessit, clamans ipsam debuisse devolvi ad suum tribunal, idèdque talem delegationem esse contemptum sui Apostolici Throni. Videatur epistola Theodreti,

doreti, & decima actio Concilii Chalcedonenfis. Adversum tales Delegationes frequenter ac potenter interceffit magnus Papa Gregorius, constanter asseverans sacros Canones à Principe debere diligì, idèdque illis adversas Jussiones, utpote per obreptionem extortas, nullius esse vigoris aut reverentiæ. Proinde sacræ Delegationes, quoniam non ad aliam Provinciã, nec ad alium Patriarcham, sed ad proprium Exarchum debent dirigi, lucidè demonstrant Provincialium Synodorum Judicia esse omninò appellabilia.

Dominus Archi-Episcopus pro suis Commentis adducit etiam Imperatoris Gratiani Legem, pestmodò innovatam & extensam ab Imperatoribus Arcadio ac Honorio: "Quicumque residenti-  
bus Sacerdotibus fuerit Episcopali loco detrusus & nomine, si  
aliquid contra sententiam, vel contra quietem moliri fuerit de-  
prehensus, rursusque Sacerdotium petere, à quo videtur exclu-  
sus, procul ab ea Urbe, quam infecit indignus, secundum Le-  
gem divæ memoriæ Gratiani, centum millibus vitam agat". Et  
infra: "Sit hujusmodi personis tenore præsentis Legis illicitum  
sacra nostra adire Secreta, & impetrare Rescripta. Omnia de-  
jectis per culpam Sacerdotio personis, quæ impetrata sunt, in-  
fecta permaneant". Dominus Archi-Episcopus commentatur:  
"Præter ea argumenta validum quoque testimonium ad probandam  
veterem illam Principum auctoritatem sumi potest ex Lege,  
quæ prohibuit, ne deinceps hic mos usurparetur". Et infra:  
"Lex damnatis Episcopis disertè inhibet, ne ad Principes accedant,  
neve Rescripta impetrent, quæ nulla esse pronunciat, si eorum  
Episcoporum damnatio peracta sit justam ob causam". Censet  
damnatos Synodaliter Episcopos longè fortius arceri à Romana  
Appellatione.

Respondeo Romanas appellationes à neutra lege everti, fisti, lædi, aut circumscribi. Etenim Gratiani Lex sancit adversum solos ab Ursicino Antipapa seductos aut consecratos, & ob schisma à sancto Damaso Pontifice Synodaliter damnatos Episcopos, Parmensem præsertim ac Puteolanum, qui etiam post relegatum in Gallias, ac intra Agrippinensis Coloniz muros circumscriptum suum Idolum non cessabant fovere factionem, rebel-  
lare Damaso, suas Cathedras per violentiam retinere, suas ci-  
vitates agitare sursum deorsum, vilem plebem circumscribere,  
atque



atque ipsius incondito impetu Ecclesiam & Rem-Publicam arietare. Et quo fucum haberent, per technas obrepebant in sacra-Rescripta, quibus Princeps eorum causam alteri Synodo delegabat retractandam. Et reverà obrepebant. Etenim & Romanæ Cathedræ Privilegia diligens, & istorum Schismaticorum technas non ignorans Gratianus suis sacris literis passim adjungebat hanc clausulam: "Si Judicio Sacerdotum in Urbe Roma sit depositus, nec vocem quidem in Judicio proferre debet". Nihilominus fraus quandoque prævalebat, & suffragabatur Rescriptum sine istiusmodi exceptione. Et dolosi Turbines, à prava retracti conscientia, non ad suæ causæ retractatricem accedebant Synodum, sed ad amissas redeuntes Cathedras, quasi reparatos per Principem Episcopos ostentabant se, urbasque innovabant atque augebant. Et audacia transibat in exemplum etiam damnatis per alias Synodos Episcopis.

Audiamus Synodi preces: "Quoniam, licet jam dudum vestra Clementiæ Judicio relegatus Ursicinus per eos, quos illicitè sacrilegus ordinavit, vilissimum quemque, occultè licet, sollicitare conatur. Eoque exemplo nonnulli Episcopi, qui malè Ecclesiis incubant, ulu temeritatis suæ, & profani conspiratione contemptus, ne acquiescant Romani Sacerdotis Judicio, lacesunt. Ita ut etiam, qui se intelligunt pro meritorum suorum ratione damnandos, vel damnatos esse viderunt, redemptâ vulgi multitudine, Judices suos terrore mortis exagitent, contemptisque Cognitoribus vel fugatis, illicitum obtineant Sacerdotium. Idcirco Statuti Imperialis non novitatem, sed firmitudinem postulamus. Indignum quippè est, ut conventus quisque, adhibitâ manu, eò sit munitior, quò flagitiosior fuerit. Sicut, Parmensis Episcopus, dejectus Judicio nostro, Ecclesiam tamen retinet impudenter. Damnatus æquè Florentius Puteolanus, postea quàm dejectus est, cum aures Tranquillitatis vestræ inquietasset, atque hujusmodi Rescriptum meruisset, ut si Judicio Sacerdotum in Urbe Roma fuisset depositus, ne vocem quidem in Judicii proferre deberet, post sextum annum repit ad civitatem, tenuit Ecclesiam, n ultas in Oppido Puteolano, de quo dejectus fuerat, seditiones insolentia concitavit. Eadem exempla suæ Legi inseruit Imperator Gratianus, atque adjunxit: Et Florentius Puteolanus post damnationem, quam recto Judicio

„convictus accepit, mansuetudinem nostram inquietare conatus, dignum tulit in progressionem Responsum. Post quintum decimum annum, Ecclesiam, de qua extrusus fuerat, rursus contaminare conatur: Congregationes illicitas facere molitur, egentemque consilii multitudinem perditionis animi persuasionem depravat. Nostrorum, videlicet Iudicum societatem fretus, qui privatae gratiae Imperialia Praecepta condonant: Et Religionem, quam nos jure veneramus, quam fortasse ipsi negligunt, inquietari patienter accipiunt. Pretio aut perfidia corrupti Romano Pontifici non praebant Regii Brachii auxilium. Adversum hos igitur, quos ipse Pontifex Synodaliter damnavit, Episcopos, & adversum ipsorum turbulentiae Romana Ecclesia postulavit auxilium, & Gratianus Imperator dedit. Nequaquam inique damnatis per suas Synodos Episcopis Romanae appellationis azylum, sed iuste per solam Romanam Ecclesiam dejectis clausit portas turbulentiae. Ad preces S. Damasi, S. Ambrosii, totiusque Romanae Synodi.

Istam Legem singulariter dilexit, & ad se extendi ambivit Africana Ecclesia. Hinc inter varia, quae Aurelius Primas reparando Ecclesiae suae statu postulanda duxit à Principe, fuit & hoc: „Et illud petendum, ut statuere dignentur, ut si quis, cuiuslibet honoris Clericus Iudicio Episcoporum quocumque crimine fuerit damnatus, non liceat eum sive ab Ecclesiis, quibus praefuit, sive à quolibet homine defendari, interpositam poenam damni, pecuniae, atque honoris, quo nec aetatem, nec sexum excusandum esse praecipiant. Accessisse possint & preces aliarum Ecclesiarum. Hinc ergo Arcadius & Honorius ad Adrianum Praetorem Praefectum scripserunt: „Suggerentibus, Episcopis didicimus quosdam Sacerdotes Christianae Legis, quorum delicta Coetu Episcopali & deprehensa fuerint, & eorum sententiam vindicatam, in sinu earum Urbium, in quibus talia commissa sunt, permanere, & quaerere turbas populi convocare, turbatores quietis existere, tumultus popularis auctores, innocentes se post iudicium dicere, plebem colligere, & velut adhuc Episcopos salutare, Comitatum sacrum petere, mereri mendaciis Oracula & furtiva Rescripta. Adversum istiusmodi turbines innovarunt & extenderunt laudatam Legem Imperatoris Gratiani. Primus qui Romanas damnatorum Episcoporum Appellationes praetendit everti per istas Le-

ges, fuit Hincmarus Rhemenfis. Erubuit è proprio ore talia nugamenta proferre : Hinc ipfa adversùs Romanam Hincmari Laudunenſis Appellationem ſcripſit ad Adrianum ſecundum è Duzia- cenſi Synodo per manum Regis Caroli Calvi. Et addidit ſecundum errorem. Gratiani Legem dixit emanàſſe ad præfatas preces Afrorum.

Quod iſta Lex Romanas Appellationes auferat, eſt cantanda pueris fabula. Hinc Theodoretus, Cyrenſis Episcopus, qui circumſcripto intra ſuam civitatem exilio clauſus per Imperatorem Theodoſium, & per Ephelinum Latrocinium degradatus, appellaverat ad ſanctum Leonem Pontificem, nec permittebatur accedere, ſcripſit ad Anatolium Patritium : "Magnitudinem tuam ob-  
teſtor, hanc à victore Auguſto gratiam petar, ut in Occiden-  
tem veniam, ibique à Deo chariſſimis ſanctiſſimiſque Episcopis  
judicer, ac ſi vel minimum à fidei regula deſcedere videar, in  
medium maris profundum dejiciar. Quod ſi his veſtris precibus  
non cedat, habitare me ſaltem jubeat in monaſterio noſtro, quod  
quidem à Cyrenſi civitate abeſt millibus centum & viginti. Ho-  
rum, ſi fieri poteſt, priùs illud, ſin minùs, alterum certè Mag-  
nitudinis veſtræ operà concedi mihi poſtulo". Affirmat aut ſibi  
permittendam Romanæ Appellationis proſecutionem, aut certè  
tractandum juxta Legem Gratiani. Si nempe cenſeretur frivole  
provocaſſe. Et hinc Imperator Martianus ipſi permiſit iſtam pro-  
ſecutionem. Ejusdem mentis olim fuit Gallicana Eccleſia. Ete-  
nim Cæſarius Contumelioſum Episcopum, cujus damnatoria ſen-  
tentia jam tranſierat in rem judicatam, ideòque & erat detruſus  
in Monaſterium, mox ut reclamare coepit, & appellare ad Aga-  
petum Pontificem, extraxit è Monaſterio, & redire permiſit ad  
Episcopalem honorem. Eadem eſt ratio ſacrarum Delegationum.  
Quod ipſas nec Gratianus, nec Arcadius, aut Honorius per ſuas  
Leges aboleverint aut abolere voluerint, eſt nimis maniſeſtum.  
Etenim & Ephelinæ & Chalcedonenſis Synodi Acta, Theodoſianus  
Codex, aliaque antiqua & Eccleſiæ & Imperii Monimenta abun-  
dant ſacris Delegationibus. Proinde præfati Principes aboleverunt  
ſolos iniquos adversùs Juſtitiam & publicam pacem juſtè damna-  
torum Episcoporum recurſus. Quæ omnia tandem agnòſcit ipſe  
etiam Dominus Archi-Episcopus. Etenim adjungit : "Si damna-  
tio peracta ſit ob juſtam cauſam".

## CAPUT XXIV.

*Discentiuntur exempla adducta per Dominum Petrum  
de Marca.*

**D**ominus Archi-Episcopus affirmat sua Commen-  
ta confirmari plurimis exemplis. Hoc est pri-  
mum: "Primum itaque exemplum petitur à  
„Concilio Sardicensi, quod de Judiciis à Sy-  
„nodis Tyria, Antiochena, & Constantinopo-  
„litana adversus Athanasium Episcopum Alexan-  
„drinum, & Marcellum Ancyranum latis cog-  
„novit permissu Imperatorum Constantii & Constantis, qui eo-  
„rum causam retractari concesserant. Ingenuè id fatetur ipsa Sy-  
„nodus in epistola Synodica ad Julium Papam scripta: 'Tria fue-  
„runt quæ tractanda erant. Nam & ipsi Religiosissimi Imperato-  
„res permiserunt, ut de integro universa discussa disputarentur.  
„Eo Imperatorum permissu se Synodus Sardicensis tuebatur adver-  
„sus Orientalium conquestionem, qui aiebant judicia à suis Præde-  
„cessoribus fato functis facta non posse retractari". Non erat fas  
eorum, qui jam cum Deo sunt, sententiam refricare, "ut inquit  
„Orientales in sua Synodica epistola. Ex ea porro epistola colligi  
„potest usus, qui tum apud Episcopos invaluerat, auxilium Prin-  
„cipum implorandi adversus Judicia Episcoporum. Nam cum Oc-  
„cidentalibus obtulissent consensuros se", ut ex utroque Conci-  
„lio "Legati in Ægyptum mittantur ad noscenda Athanasii crimi-  
„na, eam conditionem addunt, consentire se damnationi suæ, si  
„calumniam ei impactam fuisse constiterit, ac præterea, ut ipsis  
„præcludatur omnis via implorandi præsidium Imperatorum, aut  
„Concilio, aut etiam cujuscumque Episcopi.

Respondeo hæc omnia non spectare ad præsentem controver-  
siam, ac insuper scetere erroribus atque excessibus. Etenim nos  
hic quærimus de Provincialium Synodorum autoritate, an su-  
prema sit, quæ nec per Romanam Appellationem possit concuti:  
At verò Tyria, Antiochena, & Constantinopolitana Synodi fue-  
runt.

sunt Patriarchales, idèdque alterius formæ & fori. Et tamen etiam ipsæ fuerunt per Romanam Appellationem concussæ. Fuerunt primò per Julium Pontificem succissæ & circumscriptæ, ac tandem per Sardicensem Synodum circumductæ ac exfussatæ. Idque secundum Apostolicos Canones: Atque Nicænos. Proinde Apostolica Sedes eandem longè potiori Jure potestatem habet in Judicia Provincialium Synodorum. Quod error, qui Provincialium Synodorum in degradatos Episcopos aut Clericos judicia affirmat suprema ac inappellabilia, sit quinto Nicæno Canoni injuriosissimus, ac Eusebiano, itemque Photiano Schismate pejor, licet cunctis exploratum sit, expedit paucis ostendi. Utriusque igitur Schismatis pertinax Sæctator Theodorus Balsamon, ac in ipso Antiochenus Patriarcha, Sardicenses Canones exponens scribit ad tertium: "Quæ autem de Papa definita sunt, eadem de Patriarcha Constantinopolitano sunt intelligenda, quod is à diversis Canonibus similiter ac Papa sit in omnibus honoratus". Ex sui Schismatis regula censet Romanum Pontificem & Constantinopolitanum Patriarcham esse pares ac æquales, ideoque ad utrumque pariformiter à cunctis eorum subditis, Episcopis, Clericis ac Laicis, adversum Synodales Provinciarum sententias posse provocari. Padem repetit in Scholio ad quintum Canonem: "Quia in prioribus Canonibus diximus non esse, quæ de Papa constituta sunt, specialia ejus & solius Privilegia, ut necesse habeat quivis condemnatus Episcopus ad Sedem Romanam accedere, sed etiam apud Sedem Constantinopolitanam exaudiri, eadem quoque rursum dicimus". Eodem modo Sardicenses Canones exponit Joannes Zonaras: "Hujus Sardicensis Canonis Decreto summi Sacerdotes antiquæ Romæ in quacumque causa ab Episcopis provocationem ad ipsos dari jactant, ac eundem in prima Nicæna, Oecumenica Synodo conditum fuisse falsò affirmant. Quod quidem cum in Synodo Carthaginensi propositum fuisset, minimè cum veritate sentire probatum est. Neque igitur hic Canon à Nicæna Synodo editus fuit, neque ad ipsum Romanum Pontificem provocationes ab omnibus Episcopis, sed ab iis tantummodò quicidem subiecti erant, dari oportere decernit. Romanæ autem Ecclesiæ ditioni eo tempore omnes: ferè Occidentis Ecclesiæ subiciebantur: Macedoniæ nimirum, Thessaliæ, Illyrici, Græciæ, Peloponesi, & ejus quæ Epirus dicitur, quæ

„postea in Constantinopolitani jura transferunt”. Affirmat plura. Primum, quod Romani Pontifices prætendant sibi per Sardicenses Canones adscribere appellationes omnium sub cælo Ecclesiarum. Secundò, quod ipsos dicant esse Nicænos. Tertiò, quod utrumque sit falsum. Quartò, quod posterioris falsitas pateat ex illis, quæ Zozimus Pontifex olim egit cum Africana Ecclesia. Et in his quatuor convenit cum modernis Novatoribus. Quintò affirmat, quod Sardicensis Synodus omnes & solas Romani Patriarchatus appellationes attribuat Romanis Pontificibus. Hoc libens proficitur. Et adjungit Romanum Patriarchatum fuisse tunc vastissimum. Nempe ante rapinas ac violentias Imperatoris Leonis Isauri. Eandem veritatem in Alphabetico Syntagmate proficitur Mattheus Blastares. Et omnes alii Sectatores istius schismatis. O lamentabilem miseriam nostrorum temporum! Per talia testimonia compellimur in Orthodoxis Doctoribus frænare vocum novitates.

Primus porro error est, quod Sardicensis Synodus Orientalium Synodorum, ac appellantium Episcoporum causam retractaverit ex delegatione Principum. Etenim ipsa Synodus disertè scribit se ex solo Principum permissu egisse, non ex ipsorum delegatione aut jussione. Generalis Synodus est, non solius Ecclesiæ, sed etiam totius Reipublicæ commotio: Hinc sine isto permissu fieri nunquam potuit. Præsertim istis temporibus, quibus, ut sanctus Optatus Milevitanus ait, non Imperium in Ecclesia, sed Ecclesia erat in Imperio. Pontifex Synodum concipiebat, ejus causas exponere Principi, ipsius postulabat permissum, ipsoque obtento indicebat Synodum. Ita factum Sardicensi Synodo, palam scribit sanctus Athanasius in epistola ad suos Monachos: „Romæ congregati Episcopi propè quinquaginta, Eusebianos, ut suspectos ac vitantes se sistere, non receperunt, & quæ ab ipsis scripta essent, pro vanis habuerunt; nos autem receperunt, nostramque communionem sunt amplexi. Interim cum ista fierent, simul & de Synodo Romana Constans Imperator, & quid Alexandriæ, & per universum Mundum contra Catholicos gereretur, rescivit. Missæ sunt igitur literæ à Constante ad Fratrem suum Constantium, ibique de amborum sententia placuit ut Synodus Sardicensis celebraretur, & de rebus actis cognitio fieret, ne ulterius injuriosè, habiti injuriis afficerentur, vel injuriosi ulterius pergerent injuriam facere”. Julius suæ, in qua appellantem Athanasium re-

vestiverat

vestiverat, & ad quam Eusebiani, retractatorium ac definitivum Judicium audituri, comparere contumaciter noluerant, Synodi Acta exposuit, suggessit necessariam totius Ecclesiæ Synodum, & ad ipsam postulavit compelli Eusebianos. Constans permisit, & Fratrem Constantium compulit ad Eusebianos isthlc exhibendos. Utique audituros præfatum judicium, spectans ad solam auctoritatem Julii. Porro Venerabilis Hosius in literis ad Imperatorem Constantium laudat Imperatorem Constantem, quod Ecclesiasticis Episcoporum Judiciis nunquam fecerit vim, immò nec se misuerit: Omnia permisit Episcopis & sacris Canonibus. Præsertim Episcopo Romano. Et hinc Sardicensem Synodum voluit fieri intra suum Imperium. Quod ei Constans nullatenus se interposuerit, affirmat Athanasius in secunda Apologia: "Nos igitur, plurimis convenientibus Sardicam, eos qui cum Eusebio communicaverant, in Judicium provocavimus. Illi verò, quibus in oculis erant sua Delicta, conspectis ibi suis Accusatoribus, magnoperè judicium exhorruerunt. Cum enim omnes se ritè ac legitime sisterent, Eusebiani secum Comites Musonianum, Æsychium, & Castrium adduxere, ut pro sua consuetudine illorum potestate, quidquid animo libuisset, perficerent. Ibi cum sine Comitibus Concilium ageretur, neque ullus miles interveniret, isti à suis conscientiis ingentem animi consternationem acceperunt. Siquidem non eo modo, quo volebant, de ipsis fiebant judicia, sed ut veritatis ratio requirebat". Istud ipsum repetit in epistola ad suos Monachos, & adjungit Sardicæ omnia fuisse peracta "secundum morem Ecclesiasticum". Proindè non ex Delegatione Principum, sed ex auctoritate Julii Pontificis.

Secundus error est, quod Sardicensis Synodus eo Principum permisso fuerit se tuita adversus conquestionem Orientalium. Etenim longè aliud de generalibus, immò & de inferioribus Ecclesiæ Synodis docet sanctus Martyr & Abbas Maximus; Theodosio Cæsaræensi apud Bithynos Episcopo, Lateranensem sancti Martini Pontificis, quod sine Augusta jussione facta esset, contra Monothelitas Synodum spernenti, in habita cum ipso collatione respondit: "Si Synodos, quæ factæ sunt, jussiones Imperatorum firmanant, & non pia fides, recipe Synodos, quæ contra Homousion factæ sunt. Nam jussione Principum sunt patratæ." Primam videlicet in Tyro, secundam in Antiochia, tertiam in Seleucia

„leucia, quartam in Constantinepoli sub Endoxio Ariano, quin-  
 „tam in Nicæa Thraciæ, sextam in Syrmio, & post hæc multò  
 „post septimam in Epheso, cui Dioscorus præfedit. Omnes  
 „enim hæc Imperatorum jussio aggregavit. Attamen omnes dam-  
 „natæ sunt propter impietatem infidelium Dogmatum ab eis con-  
 „firmatorum. Quare autem non abjicitis eam, quæ deposuit  
 „Paulum Samosatenum sub sanctis ac beatis Dionysio Papa Ro-  
 „mano, & Dionysio Alexandrino, atque Gregorio miraculorum  
 „Patratore, qui eidem præfuit Synodo, quoniam non est jussione  
 „facta Imperatoris? Quis præterea Canon promulgat illas solas  
 „approbandas Synodos, quæ Imperatoris jussione sunt congrega-  
 „tæ? Verùm etsi omnino jussione Imperatoris congregatis, illas  
 „novit sanctas & probabiles Synodos pius Ecclesiæ Canon, quas  
 „rectitudo Dogmatum approbavit. Sed & bis, quemadmodum  
 „novit Dominus meus, & alios docet, fieri Synodos in omni Pro-  
 „vincia per singulos annos regula sancit, jussionis Imperialis nul-  
 „lam memoriam faciens, ad tuitionem salutaris fidei nostræ, &  
 „correctionem omnium capitulorum, quæ Divinæ non conve-  
 „niunt Ecclesiæ Legi. Et convictus Theodosius reposuit: „Ita  
 „est, ut asseris. Dogmatum quippe rectitudo Synodos firmat“. Ambo profitentur, quod Principis jussio aut permissio non spe-  
 „ctent ad Synodi substantiam, & tam abesse possint, quàm adesse.  
 „Solâ rectæ fidei custodiâ, & factorum Canonum observantiâ tuen-  
 „tur ac firmant Synodales Actus. Et juxta hosce Canones pri-  
 „mo locum tenet autoritas Romani Pontificis, cujus est Syno-  
 „do præsidere. In hujus nomen formantur Synodalia Judicia. Et  
 „hoc non à paucis sæculis. Ita enim, fecit Chalcedonenſis Syno-  
 „dus. Sardicenſi Synodo Augusta jussio adhibita dumtaxat fuit ad  
 „sistendos contumaces Eusebianos. Eam invocavit Julius tamquam  
 „Regii brachii auxilium. Proinde solâ ejusdem Julii auctoritas fuit  
 „Synodi tuitio atque directio.

Tertius error est, quod Orientales Episcopi dixerint sua Ju-  
 „dicia non posse retractari. Et quod istud rectè probetur ex ad-  
 „ducta ipsorum epistola. Quod item ex ista epistola rectè colli-  
 „gatur usus, qui tunc apud Episcopos invaluerat. Nempe usus re-  
 „currendi ad Principem, & ab ipso postulandi retractatorium Ju-  
 „diciū. Respondeo errorem hunc esse eorum atque intoleran-  
 „bilem. Etenim ista epistola est sceleratissima Eusebianæ Factionis



his in Philippotopolitano Conventiculo sutela, quæ nequaquam tota Orientalis Ecclesia, sed sola facinorosissima Eusebii Nicomedensis Episcopi conjuratio tentavit Monarchicam Catholicæ Ecclesiæ unitatem lacerare, Apostolicæ Sedis Primatum destruere, Romanas appellationes de Divinæ legis prævaricatu accusare, damnare Julii Pontificis Acta circa Athanasii ac aliorum Episcoporum reversionem, & ipsum tamquam Divini Juris transgressorem excommunicare. Quæ in re Petrus de Marcâ patrat excessus varios. Primò, sceleratissimum paucorum Eusebianorum facinus transcribit in totam Orientalem Ecclesiam. Secundò, ex istius sceleratissimæ epistolæ autoritate invadit Romanas appellationes. Tertiò, ex ejus testimonio affirmat nos doceri usum totius Orientis. Quartò, istius epistolæ iniquitatem transcendit atque excedit. Etenim epistola solas Patriarchales, ille autem Provinciales etiam Synodos affirmat esse supremas atque inappellabiles. Quæ omnia an quadrent in Orthodoxum Archi-Episcopum, permitto aliis definiendum.

Dominus Archi Episcopus tradit & secundum exemplum: "Secundum exemplum existat apud Epiphanium. Scribit enim Photinus à Synodo Sardicensi damnatum, velut novæ hæresios auctorem, Constantii Imperatoris auctoritatem implorasse, ut causam suam retractari obtineret, & ut ostenderet iniquo se Judicio fuisse depositum. Constantius itaque octo Comites, id est, Consiliarios suos delegavit, qui unâ cum Concilio Orientalium in Urbe Syrmienti causam ejus judicarent, susceptâ à Basilio Episcopo Ancyrano curâ convincendi impietatem ac hæreticas propositiones Photini". Respondeo etiam hoc exemplum esse extra chorum. Etenim Sardicensis Synodus fuit Oecumenica, ideoque ejus Judicium fuit omninò supremum, ac penitus inappellabile: At verò nos hic agimus de Provinciarum Synodis. Harum supremam auctoritatem ignoramus hætenus, & doceri cupimus per authentica exempla aut testimonia. Porro ille ad Constantium recursus fuit dignus Hæresiarcha Photino. Fuit similis illi, quo Martinus Lutherus ad Ducem Saxonix, aut Joannes Calvinus contra Tridentinum Concilium recurreret ad Regem Angliæ. Etiam ista Delegatio fuit Constantio digna. Etenim ille nihil magis habuit in voto, quàm Sardicensem Synodum evertere. Et Syrmientis Synodus fuit una istarum, de quibus in epistola ad

suos Monachos sanctus Athanasius : " Quis videns Constantium , in decernendo Principem se facere Episcoporum , & præsidere , Judiciis Ecclesiasticis , non meritò dicat illum esse ipsam abominatorem desolationis , quæ à Daniele prædicta est " ? Dum in Sardicensi Synodo credebatur quid corrigendum , ejus retractatio fuerat à Julio postulanda , non à Constantio. Retractatorium Judicium primi Donatistæ postularunt à Laico Principe. Quæ postulatio circa generalem Synodum est intolerabilis. Hac de re videatur epistola sancti Leonis Pontificis ad Leonem Imperatorem.

## CAPUT XXV.

*Discutuntur alia exempla , adducta per Dominum Petrum de Marca.*



Ertium exemplum est Cyrillus Hierosolymæ Episcopus. Dominus Archi-Episcopus affirmat ipsum esse lucidissimum , atque exponit : " Cyrillus fuerat depositus ab Acacio Cæsareæ Episcopo , Metropolitano suo , in Synodo Provinciae Palestinæ , à qua provocavit ad majus Concilium , oblato Judicibus libello appellationis , Annotat Socrates primum omnium Cyrillum contra consuetudinem & Canonem Ecclesiasticum appellationem usurpasse ad eum morem , qui in foro obtinet". Audiendus est totus Socratis contextus , agens de Actis Seleuciensis Concilii : " Acaciana Factio ad Concilium accedere recusavit. Qui autem alterius erant partis , in Ecclesiam convenientes accersunt Acacium cum suis , quò de Cyrillo Hierosolymorum Episcopo decideretur. Hoc loco intelligamus oportet Cyrillum jam antea accusatum fuisse , & ab Episcopatu submotum. Qui simul atque de gradu esset dejectus , appellationis libello ad eos , qui eum dejecerant , misso , ab majores Judices provocavit. Cui quidem appellationi , Constantius Imperator suffragatus est. Atque à Cyrillo solo & primo , perinde ac si res apud Laicos Judices ageretur , contra Canonis Ecclesiastici consuetudinem provocatum est. Tandem Seleuciam

La. C. 32.

„Seleuciam, ut de eo Judicium fieret, adventant. Et ob eam cau-  
 „sam Episcopi Acacium cum suis accersivè. At ubi sæpius accer-  
 „siti non venerunt, illum ipsum Acacium abdicant”. Et Cyril-  
 „lum restituerunt. Dominus Petrus de Marca commentatur: “Un-  
 „de colligere possumus nondum receptam eâ ætate fuisse appella-  
 „tionem à minori Synodo ad majorem, neque à Provinciali ad  
 „Patriarchalem. Nam Concilium Antiochenum non tribuebat fa-  
 „cultatem appellandi ab una Synodo ad aliam. Unica ei mens  
 „fuit præscribere, quandonam deposito Episcopo liceret Principis  
 „Rescriptum ad majus Concilium impetrare ad obtinendam revi-  
 „sionem, quæ primos Judices non vetabat secundo Judicio in-  
 „teresse. Nihilominus Cyrillus simpliciter appellavit ad majus  
 „Concilium, appellationemque suam primis Judicibus denuncia-  
 „vit, cum mos postulare videretur, ut Rescriptum Principis im-  
 „petraret”. Elucidat per Parisiensis Parlamenti & Cancellariæ mo-  
 „rem, atque prosequitur: “At Cyrillus ultra progressus est. Nam præ-  
 „ter innovationem ab eo introductam Rescriptum quoque Con-  
 „stantii obtinuit secundum morem, quo causa eadem retractari  
 „jussa est in Concilio Seleuciensi, cujus autoritate restitutus  
 „est Cyrillus”.

Respondeo Dominum Archi-Episcopum variè labi. Primus  
 error est, quod dicat Cyrillum non ad superiorem provocasse Sy-  
 nodum, sed ad numerosiorem. Etenim rerum ad Antiochenum  
 Patriarchatum spectantium peritissimus Theodoretus scribit in Ec-  
 clesiastica Historia: “Acacius abdicavit Cyrillum, ac Hierosoly-  
 „mis expulit. Cyrillus autem proficiscitur Antiochiam, quam  
 „Pastore orbatam reperit. Inde Tharsum petens, cum Sylvano  
 „Ecclesiæ illius Antistite ætatem degit. Quare rem ut accepit  
 „Acacius, literas dedit ad Sylvanum, eumque de Cyrilli abdic-  
 „tione certiore fecit. At Sylvanus à ministerio Ecclesiastico il-  
 „lum minimè prohibuit. Ubi Episcopi convenerunt Seleuciam,  
 „Cyrillus cum Sylvano fit Concilii Particeps”. Palam affirmat  
 Cyrillum non ad numerosiorem Synodum, sed provocasse & ac-  
 cessisse ad suum Patriarcham Antiochenum. Et quia vacabat vi-  
 dua Sedes, institui nequit retractatorium Judicium. Hinc novum  
 Patriarcham expectans, accessit Tharsum, Metropolim Ciliciæ.  
 Quod potentis Metropolitæ patrocinio contra Acacii violentias mu-  
 niretur. Et Sylvanus officio non defuit. Quidquid enim Apo-

L. 2. C. 27.

stolicum Canonem, qui unius Episcopi damnatum vetat admitti ab alio, Acacius inclamaret, ille Cyrillum non seclufit ab Episcopali communione, nec prohibuit à sacro Ministerio. Et ejus Judicium ac factum comprobavit Seleuciensis Synodus. Etenim utrumque admisit ad Synodalem confesum atque suffragium. Tractavit ut Canonicos Episcopos: Utique propter appellationem, juxta Canones Sardicenses. Nempe isthic erant non soli Antiochenorum Canonum, & Philippo-Politanæ audaciæ anthores Episcopi, sed plurimi etiam Catholici, qui Sardicensem Synodum probabant & admittebant. Seleuciensis Synodus Acacium cum suis, non uti Conjudicem, sed uti futurum reum evocavit ad reddendas rationes sui Judicii. Et contumacem degradavit. Quæ omnia quis non videt facta fuisse juxta Canones Sardicenses? Quare & Socrates per majores Judices omninò intellexit superiores.

Secundus error est, quod Seleuciensis Concilii tempore necdum esset appellatio à Provinciæ Synodo ad Patriarchalem. Etenim contrarium lucet ex jam exposita appellatione Cyrilli. Et viginti circiter post annis habita Constantinopolitana Synodus sanxit: "Si

- Cap. 6. „qui dicunt se habere aliquas adversus Episcopum criminationes, „eas jubet sancta Synodus primùm quidem apud Provinciæ Episcopos accusationem prosequi, & apud eos probare crimina Episcopi, qui aliquarum rerum accusatur. Quod si evenerit, ut Provinciales Episcopi crimina, quæ Episcopo intentata sunt, corrigere non possint, tunc ipsos accedere ad majorem Synodum Dicecesis illius Episcoporum pro hac causa convocatorum. Si quis, autem jis, quæ decreta fuerint, contemptis, ausus fuerit vel Imperatoris aures molestiâ afficere, vel sæcularium Principum, vel universalem Synodum perturbare, neglectis Dicecesis Episcopis, eum nullo modo esse ad accusationem admittendum, ut qui Canonibus injuriam fecerit, & Ecclesiasticum ordinem everterit". Patriarchales appellationes adeò probat & firmat, ut ante expletum de ipsis retractatorium in Patriarchali Synodo Judicium rigide interdicit recurri ad Rescripta Principum, aut etiam ad generalem Synodum totius Ecclesiæ. Profiteretur se hæc sancire non de novo, sed juxta sacros Canones & Ecclesiasticum ordinem, quem everti nolit, aut perturbari. Has enim appellationes introduxit Canon Apostolicus. Hinc easdem firmant Chalcedonenſe Concilium, octava Synodus, Canones Arabici, & alii plures.

Tertius

Tertius error est, quod Antiocheni Canones non ab una Synodo provocari ad aliam, sed solummodò permittant postulari Rescriptum Principis, qui malè judicatam causam dignetur alteri Synodo delegare. Respondeo parum referre, quid isti Canones sanxerint. Ex ipsis non possumus veram Ecclesiæ disciplinam, nec veram Ecclesiasticorum judiciorum normam agnoscere. Quoniam sunt Eusebiana soboles, damnata per Canones Sardicenses. Nihilominus omnis veritas est suavis & amabilis, ideòque exquisenda. Sexti Canonis verba sunt lucida: "Si quis à proprio Episcopo fuerit excommunicatus, non priùs ab aliis suscipiatur, quàm fuerit susceptus à proprio Episcopo, vel factà Synodo accedens se defenderit, & persuasà Synodo aliam sententiam retulerit". Permittit ab Episcopo provocari ad Synodum. Et nulla est mentio Rescripti aut Principis. Utor translatione Gentiani Herveti. quia hic est clarior. Duodecimus Canon est æquè lucidus: "Si quis à proprio Episcopo depositus Presbyter vel Diaconus, vel Episcopus à Synodo, ausus fuerit Imperatoris aurbus molestiam exhibere, cum oporteat ad majorem Synodum converti, & jus quod habere se putat, ad plures Episcopos referre, eorumque examinationem ac Judicium suscipere. Qui igitur his contemptis, Imperatori molestus fuerit, is nullà venià dignus, neque sui defendendi locum habeat, nec futuræ restitutionis spem expectet". Non est opus commentario. Canon non solummodò permittit, sed sub gravissimà pœna mandat & Episcopis & Clericis, ut Rescripta intermittant, & à Synodo provocent ad Synodum. Utrique à Provinciali ad Patriarchalem. Decimus quartus & decimus quintus Canon hanc facultatem limitant ad eos, qui unanimi totius Provincialis Synodi suffragio non fuerint damnati. Unanimitè damnatis ocludit januam hujus refugii. Et contra hunc Canonem prodiit sextus Constantinopolitanus, qui non nisi post exceptam à Patriarchali Synodo sententiam permittit confugi ad Rescripta. Iste enim sextus Canon est ille, cujus vigore Theophilus Alexandrinus tentabat sanctum Joannem Chrysostomum proscribere in perpetuum ac insolubile exilium. Palladius Helenopolitanus ipsum proponit in hæc verba: "Si quis Episcopus aut Presbyter, justè sive injustè depositus, ex se ipso absque Synodo in Ecclesiam redierit, hic jam excusationis non habeat locum, sed omninò expellatur". Est variè al-

teratus. Mixtus ex quarto & sexto. Haud dubiè technâ Theophili. An Constantius Cyrillo Rescriptum dederit, ignoro. Si dederit, ipsum non appellandi aut retractandi faciebat facultatem, sed factam appellationem comprobabat, & adjuvabat executoriis iussionibus.

Potro quid in Cyrillo Socrates propriè improbet, non est manifestum. Quidquid sit, graviter errat, dum scribit Cyrillum fuisse primum ac solum istius excessus Patratores, Etenim etiam de Donatistis, à Romano Melchiadis Pontificis Iudicio provocantibus, ad Arelatensem Synodum scripsit Imperator Constantinus: "O rabida furoris audacia! Sicut in causis gentium fieri, solet, appellationem interposuerunt". Existimo Cyrillum ab unanimi Acacianæ Synodi suffragio fuisse damnatum, atque ita appellando impegisse in quintum-decimum Canonem Antiochenum. Et adjuvisse se per leges. Etenim leges etiam illum, qui apud Provincialis Præfecti Tribunal fuerit unanimi omnium Assessorum suffragio damnatus, permittunt provocare ad Præfectum Prætorii. Hinc Constantius fuit appellationi suffragatus, Censuit indulgum Laicis per leges in minoribus etiam causis refugium, Episcopis in capitali causa non posse per Canones denegari. Proinde Socrates, dum scribit Cyrillum solum ac primum impegisse in Canonis consuetudinem, respicit Canones Antiochenos. Et isto sensu possit verum dicere. Interim Constantii atque Cyrilli Iudicium probavit Constantinopolitana Synodus. Omnibus generatim damnatis per Provinciæ Synodum Episcopis permisit provocare ad Synodum Patriarchæ. Etiam damnatis unanimi suffragio. Hi namque damnati tunc passim confugiebant ad sacra Rescripta: Synodus maluit valere antiquos Canones, ideoque istis etiam damnatis reddidit appellationem ad Patriarcham. Existimo sanxisse ex rogatu optimi Imperatoris Theodosii, qui suas turbatis tunc Reipublicæ negotiis distentissimas aures inquietari nolebat similibus Episcoporum quæstionibus. Insuper Episcopi isti omnem Eusebianæ iniquitatis Factionem, omniaque ejus contra Apostolicam Sedem attentata volebant extincta. Quod Socratis auctoritatem modici pendam, nemo admiretur. Etenim de ipso, Hæresiarchæ Nestorii res exponente, scribit in primo suo libro Eyagrius Epiphaniensis:

Licet

„Licet Socrates rem aliter, utpote ejusdem ignarus, comemoret". Et tamen fuit vicinus Nestorii ævo.

Procedamus ad quartum exemplum: "Quartum exemplum peti potest ex damnatione sancti Joannis Chrysostomi, qui cum in Synodo ad Quercum depositus fuisset à Theophilo Episcopo Alexandrino, in exilium actus est ab Imperatore, revocatus tamen ab eo paulò post. At is, tametsi revocatus fuisset, ægrè ferens Judicium adversùs se latum, tametsi nullitatibus plenum ac erroribus, Arcadii Augusti præsidium expetiit, rogans ut Synodum congregaret, in qua omnes accusationes de integro judicarentur". Mox obsecrabamus Christianissimum Regem, ut Concilium ageret, quo facta hæc justificarentur, "ut ipse ait in epistola ad Innocentium. Et Concilium quidem illud convocatum est, sed infelici eventu quoad causam magni istius Viri".

Respondeo facti seriem esse breviter elucidandam." Ab Arcadio, per quem ob prioris Synodi auctoritatem eiectionis, in honorem ac Sedem revocatus atque repositus beatus Joannes, per Antiochenos Canones, quorum directione damnatus fuerat, voluit se firmare. Prioris Synodi Judicium voluit per majorem circumduci. At res malè cessit. Ea circumductio fieri debuerat ante reditum, ante resumptum Thronum, ac præsertim ante resumptum sacrum ministerium. Hinc Theophilus conclusit ipsum impegisse in quartum & sextum Canonem, addidisse excessus excessibus, atque ita excidisse omni spe excusationis, audientiae, ac restitutionis. Et ita relegatus fuit in perpetuum ac insolubile exilium. Extrema hæc calamitas Joanni aperuit oculos, & ipsos direxit ad sanctum Petrum Apostolum, ejusque in Romana Cathedra Successorem Innocentium. Joannes ad hunc appellavit. Et per ipsum fuit reconstitutus. Et hujus Judicii justitiam ac plenam auctoritatem agnovit omnis tandem Oriens. De auctoritate nemo Orthodoxus dubitavit. Justitiam agnovèrè tandem Theophili etiam nepos & Successor Cyrillus, itemque Joannis intrusus Successor Atticus. Eorum de hac re literas integras apud Nicephorum Calixtum, ipsarum fragmenta habes apud Facundum Episcopum Hermianensem. Optimi operis auctores fuerunt sanctus Alexander Patriarcha Antiochenus, sanctus Isidorus Pelusiotos, Presbyter Alexandri-

Cap: 101.

næ Ecclesiæ, & sanctus Augustinus. Hujus enim operâ prodijt hic Africanus Canon: "Placuit ut de dissensione Romanæ atque „Alexandrinæ Ecclesiæ ad sanctum Papam Innocentium scribatur, „quo utraq; Ecclesia inter se pacem, quam præcepit Dominus, „teneat". Etenim Innocentius Pontifex sanctum Cyrillum, quod suo in Joannem judicio nollet acquiescere, adeò averfatus fuit, ut licet non excommunicaverit, noluerit tamen vel ipsi vel ejus Ecclesiæ communicare. Usque ad præstitam laudaro Judicio plenissimam obedientiam. Dissociata fuit istarum Ecclesiarum communio. Quin & ipse Theophilus Judicium istud agnovit. Etenim in mortis lecto sibi adferri jussit sancti Joannis imaginem, ab ipso supplicavit veniam, & veneratus est ut Canonicum, ac benè restitutum Episcopum. Ita in tertia pro sacris Imaginibus oratione testatur sanctus Joannes Damascenus ex historia Isidori Diaconi. Et istum Canonem tanti fecit omnis Africana Ecclesia, ut retulerit in suum Codicem. Ex quibus omnibus manifestissimum fit hanc appellationem fuisse probatam ab omnibus sub cælo Ecclesiis. Item manifestissimum est hæc Scripta esse indigna tanto Parisiensium Archi-Episcopo.

Ipse interim adducit & quintum exemplum: "Manet itaq; „sententia à me prolata, Judicia nempe in Synodis Provincialibus lata adversum Episcopos appellationi obnoxia non fuisse secundum antiquos Canones, tametsi Revisioni locus esset, si ita „Princeps Rescripto juberet. Obtinebat ea consuetudo non solum in Oriente, sed etiam in Gallia, ut constat ex iis, quæ „Valerianus Episcopus Antisiodorensis dissevit in Synodo Agrippinensi, quæ habita est adversus Euphratam illius civitatis Episcopum. Eum quinque Episcopi deposuerant propter hæresim. „Primi verò Judices optarant, ut damnatio ab ipsis decreta confirmaretur & approbaretur à majori Episcoporum Gallicanorum „numero. Eam itaq; ob causam Metropolitanos octo Provinciarum evocarunt ad Coloniam Agrippinam. Eo in Concilio „Valerianus dixit validam esse depositionem à quinque illis Episcopis decretam, neque necessarium prorsus fuisse, ut nova hæc „congregatio fieret". Hoc fuit Valeriani suffragium: "Etsi non „omnes Conseniores, hic apud Agrippinam Dei voluntate qui sumus adunati, convenissemus, suffecerat à quinque Episcopis Euphratam



Euphratam blasphemum, quia Christum Deum negat, pro meritis suis sententiarum, ideoque Jure esse depositum”.

Respondeo antiquos Canones, qui Provincialium Synodorum Judicia sanciant non esse Romanis appellationibus obnoxia, à nobis ignorari. Adducantur, & doceamur. Quod enim Nicæni, Sardicenses, Constantinopolitani, Chalcedonenses, & octava Synodi Canones istas appellationes comprobent, est nimis manifestum. De Nicæna Synodo audivimus testimonium Julii Pontificis. Et Constantinopolitana Synodo Romam provocavit Maximus Cynicus, consecratus Episcopus à Petro Alexandriæ Patriarcha, qui & ipse eò appellaverat. Chalcedonensis Synodus convenit ad retractandam appellationem sancti Flaviani, & aliorum Orientalium Antistitum, qui per Ephesinum Latrocinium degradati appellaverant ad sanctum Leonem. Præcipuus octavæ Synodi scopus fuit retractare Romanam appellationem sancti Patriarchæ Ignatii. Sardicensis Synodus pro semetipsa loquitur. Parisiensis Archiepiscopus pro suis signentis nullos adducit Canones, nisi in Eusebiano sensu Antiochenos, & sceleratissimam Sanctionem Philippo-Politani Conventiculi. Quasi speret nos ex Orthodoxis facere Eusebianos.

Et ejus fabula sibi ipsi hic non cohæret. Etenim Imperatorias Episcopaliū causarum delegationes affirmat viguisse etiam in Gallia, idque constare ex Valeriani Episcopi suffragio: Et statim addit Episcopos istos ad Agrippinensem Synodum convenisse “ad postulationem Fratrum”. Non igitur ex sacra delegatione, Valeriani suffragium nec unum jota habet, quod faciat talis delegationis memoriam: Quomodo igitur ex ipso constat istas delegationes viguisse etiam in Gallia? Non nego viguisse, sed affirmo istud non constare, immò nec conjecturari ex Valeriani suffragio. Præterea Valerianus, ac item Amandus Argentinensis Episcopus quidem affirmant priorem quinque Episcoporum Synodum suffecisse ad damnandum Euphratam; ast ubi dicunt ipsam fuisse inappellabilem? Toto coelo ista differunt. Quin immò Euphratas videtur appellasse. Alioquin quomodo ad ejus causam retractandam convenisset hæc præiens major Synodus? Quin & ab hac videtur appellatum. Etenim Dominus Archiepiscopus profiteatur ipsam convenisse anno quadragesimo sexto quarti sæculi: At verò sequenti anno Euphratas, uti integer Episcopus, adfuit Sar-

CAPUT XXVI.

*Discutiuntur Sensa D. Petri de Marca circa  
Synodum Sardicensem.*



Udi exordium: " Canone itaque Nicæno fir. Cap. 1;  
„mata est, uti diximus, suprema Synodorum  
„Provincialium autoritas in ferendis Judiciis,  
„quæ temperata fuit Rescriptis Principum, qui  
„revisiones causarum fieri præcipiebant. Hinc  
„novæ Regulæ data occasio, quam Sardicenses  
„Concilium condidit, quâ transfusa est in Ro-  
„manum Episcopum potestas illa, quæ Imperatoribus compete-  
„bat; concedendi revisiones hujusmodi. Eo tamen adhibito tempera-  
„mento, quod infra adnotabitur". O miserum Romanum Epi-  
„scopum, qui in Provinciales suorum Episcoporum Synodos nihil  
potestatis accepit à Christo Domino, & nescio quid potestatis  
per Sardicensis Synodi gratiam mutuare debuit à laica Regum  
violen- tia ! Immo ô miserrimum quemcumque hominem, qui ta-  
lia commenta tentat Christianis mentibus imprimere ! Si Roma-  
nus Episcopus nullam hîc à Christo Domino auctoritatem, sed  
solum istud laicæ violentiæ imitamentum habet, quâ potestate  
antea degradavit Martianum Episcopum Arelatensem ? Quâ pote-  
estate appellantes admisit Basilidem & Martialem ? Quâ fronte  
Julius admisit & reparavit sanctum Athanasium, & longè plures  
Orientalis Ecclesiæ ad se appellantes Episcopos & Clericos ? Cer-  
tè hac de re scribit in Ecclesiastica historia Theodoretus : " Julius  
„Ecclesiasticam sequens regulam, & Eusebianos Romam venire  
„jussit, & Divino Athanasio diem ad Judicium dixit. Qui simul  
„ut citationem accepit, in viam se dedit. At qui fabulam norant,  
„quippe qui eam ipsi condiderant, Romam idèò profecti non  
„sunt, quod mendacium facillè deprehensum iri sentiebant". Quam  
regulam, quem Canonem secutus est Julius ? Certè non alium,  
quam Apostolicum, confirmatum à Nicæna Synodo, & redactum

Hh 2

in

in Scriptum. Nemo indignetur, quod Imperatorias Episcopaliū causarum delegationes dicam esse Regiam in Ecclesiæ dignitatem & sacros Canones violentiam. Etenim Dominus Petrus de Marca affirmat Provincialium Synodorum sententias, quas perpetua Ecclesiarum consuetudo, & Nicæni, adeoque etiam Apostolici Canones velint supremas & inconcussas, fuisse per sacra Rescripta retractari iussas à Romanis Imperatoribus: Quis istam Delegationem fuisse concussionem, quis tantorum Sigillorum infractionem inficietur fuisse violentam? Certè ista, sacris Canonibus consona, Rescripta dispensatoriè ac patienter toleravit olim Ecclesiā; dissona constanter excussit, uti violentias.

Quod Romana appellatio sit non desumptum ex Regia violentia imitamentum, sed perpetua consuetudo, atque Apostolica traditio, immò & Divinum Christi Institutum, est antiqua fides Gallicanæ Ecclesiæ. Etenim inter Ludovici Imperatoris Pii, in quarto additamento, Capitularia sunt & hæc: "Placuit ut accusatus, vel iudicatus à Comprovincialibus in aliqua causa Episcopus, licenter appellet & adcat Romanæ Ecclesiæ Pontificem, qui aut per se, aut per suos Vicarios retractari ejus negotium procuret. Et dum iterato Judicio Pontifex causam suam agit, nullus alius in ejus loco ponatur, aut ordinetur Episcopus. Quoniam quamquam Comprovincialibus Episcopis accusati Pontificis causam scrutari liceat, non tamen definiti, inconsulto Romano Pontifice, permixtum est, cum beato Petro Apostolo non ab alio, quam ab ipso Domino dictum est: Quæcumque ligaveris super terram, erunt ligata & in cælis; & quæcumque solveris super terram, erunt soluta & in cælis. "Ut omnes Episcopi, qui in quibusdam gravioribus pulsantur vel criminantur causis, quoties necesse fuerit, liberè Apostolicam appellent Sedem, atque ad eam, quasi ad Matrem, confugiant, & ab ea, sicut semper fuit, profusciantur, defendantur, & liberentur. Cujus dispositioni omnes majores Ecclesiasticas causas, & Episcoporum Judicia, antiqua Apostolorum, eorumque Successorum, atque Canonum, auctoritas reservavit". Hæc est antiqua & perpetua Gallicanæ Ecclesiæ fides, quam Petrus de Marca non possit transigere. Et disertè affirmat retractatorium Judicium posse fieri etiam per ipsum Pontificem. Utique in alma Urbe. Etiam hunc articulum affirmat esse traditionem Apostolicam.

Palma.

Palmaris pro nostra fide præscriptio est, ut nihil credamus nisi quod accepimus à nostris Majoribus, illi à suis, isti tandem ab Apostolis, Apostoli à Christo, Christus autem accepit à Deo. Quidquid has lineas egreditur, est vana novitas, & damnandus error. At verò quod Episcopaliū appellatiōem admittendarum & retractandarum potestas in Romano Pontifice sit quoddam Regaliū Rescriptorum imitamentum, nemo unquam evomuit: Non ipse Nicomedienſis Eusebius, non Photius, nec forsitan Michaël Cerularius, longè minùs Rhemenſis Hincmarus. Hoc novum dogma exspectabat felices Natales, aut Episcopales insulas Petri de Marca. Non indulgeo suspiciōibus aut conjecturis, ipsemet illud disertè profitetur: "Sardicēsi Concilio debetur prima origo juris summi Pontificis quoad Judicia Canonica Episcoporum. Quamquam si rem propiùs introspeciamus, neque Canonum verba egrediamur, manifestum erit nihil illic statutum esse adversùs supremam Synodorum Provincialium auctoritatem, Canone Nicæno firmatam. Fateor equidem hæcenus universis persuasum fuisse, repectam esse in Synodo Sardicēsi legem de appellationibus adversùs Episcoporum Judicia, easque à summo Pontifice judicandas esse ex Præscripto hujus Concilii. Verùm ut ab ea persuasione recedam, facit quod à me observatum est, pempe jus tantum concedendi revisionem à Synodo Sardicēsi introductum esse in gratiam Sedis Apostolicæ, & in quoddam detrimentum auctoritatis Imperatoriæ. Hæc Interpretatio mea est. Quam cum aliquot viris doctis aperuissem, eam illi suffragio suo comprobarunt. Discrimen quippe est inter appellationem, ac revisionem. Illa namque integram causæ cognitionem transferat ad Judicem superiorem, qui quæstionem excutit, & definit in suo tribunali; at revisio definitivum Judicium relinquit prioris jurisdictioni, eâ ratione ut prioribus Judiciis novi adjungantur. Sed huic persuasioni, quam dixi, occasionem dedit ipsa Sardicēsis Synodus, quæ vocibus "Appellandi" & "Provocandi" improprie utitur, quod retractatio vicem subeat appellationis. Unde factum est, ut sequens ætas existimaverit in his Canonibus agi de vera appellatione, juxta propriam hujus vocis significationem".

Disertis verbis gloriatur suum dogma esse novum, ac se esse ipsius inventorem, idedque & novum Dogmatistam. Et addit

plurimos errores. Primus est, quod Romanæ appellationis origo sit à Synodo Sardicensi. Secundus est, quod quintus Nicænus Canon Provincialium Synodorum judiciis adscribat supremam & inconcussam auctoritatem. Hæc assertio est totius devixæ ac paradoxæ machinæ principale fundamentum, ideoque toties repetitur. Joannes David rectè scribit esse assertionem fatuam. Tertius error est, quod Sardicenses Canones istam supremam auctoritatem in nullo diminuant. Quartus error est, quod circa hos Canones universa hætenus Ecclesia fuerit in errore. Quod veritas in Democriti puteo huc usque latuerit; & non nisi à paucis annis liberatorem invenerit. Et quidem tanta veritas. Quintus error est, quod universa huc usque Ecclesia crediderit appellationis Romanæ legem esse repertam per istos Canones. Etenim universa semper credidit Ecclesia Romanæ appellationis legem, utpotè Apostolicam atque Evangelicam, non esse repertam aut introductam per istos Canones, sed expositam, stabilitam, & confirmatam. Sextus est, quod isti Canones non adscribant novæ appellationis auctoritatem, sed solius revisionis.

Septimus error est, quod hi Canones istud jus adscribant Romano Episcopo, non in ablationem, sed dumtaxat in quoddam detrimentum auctoritatis Imperatoriæ. Proinde hanc auctoritatem Imperatoribus nequaquam auferunt, sed stabiliunt, & ipsam communicant ac derivant in Romanum etiam Episcopum. Ad eum modum, quo nonus Chalcedonensis Canon Exarchicæ appellationis jus per tres Autocephalas Dioceses, quod antea competebat solis Exarchis, extendit ac derivat in novum etiam Patriarcham Constantinopolitanum. Proinde uti hic Chalcedonensis inter istos Primates & istum Patriarcham, ita Sardicensis Canon inter Imperatorem & Pontificem introduxit appellandi Alternativam, & jus præventionis. Alternativam & eligendi jus dedit ipsis Appellantibus. Sunt lepida Dogmata. Porro Imperator, qui Tyrannum non agat, Provincialium Synodorum sententias per semetipsum retractare non potest, sed dumtaxat delegare aliis Episcopis. Petrus de Marca censet nihil aliud Juris Romano etiam Pontifici adscribi per Sardicenses Canones. De Imperatore Constantio scribit ad suos Monachos sanctus Athanasius: "Quis videns eum in decernendo Principem se facere Episcoporum

rum

rum, & præsidere Judiciis Ecclesiasticis, non merito dicat illum esse eam ipsam abominationem desolationis, quæ à Daniele prædicta est? Nam cum circum-amictus sit Christianismo, & in loca sancta penetret, & inibi consistens devastet Ecclesias, abrogans Canones, & vi agens ut sua obtineat, quis unquam audebit dicere hoc tempus Christianis pacatum esse, & non potius persecutionem? Et talem persecutionem, qualis nec antea fuerit, & qualem fortasse nemo unquam fecerit, nisi filius ille iniquitatis? Quod nempe per se judicare non posset, sed solummodo delegare. Proinde & Romanus Pontifex, si talia attentet in Provinciales Synodos, hujus novi dogmatis judicio erit abrogator Canonum, persecutor Ecclesiæ, desolationis abominatio, & Anti Christus. Lutherani & Calvinistæ hæc libentissimè audierint, Eusebiani ista in suo Constantio non solummodo tolerabant, sed & laudabant, ac insuper incitabant ad talia. Magnus enim Athanasius agit de Mediolanensi Synodo, quam à Liberio Pontifice postulatam ad pacandam tandem aliquando Ecclesiam Constantius permisit: Verum Eusebiani, videntes rem non succedere ad sua vota, autores fuerunt Principi, ut insignem plusquam trecentorum Episcoporum Conventionem ex Ecclesia transferret ad Palatium, ac ipse præsideret, & Episcopos cogeret ad sua desideria. Et Constantius fecit. Erat retractatorium de Athanasii causa Judicium. An istiusmodi præfidentiam & Ecclesiasticorum Judiciorum retractationem Dominus Archi-Episcopus damnaret hodie in Regibus, ignoro: Et nolo accusare quod nescio. Quidquid sit, in Romano Pontifice censet ista esse intolerabile Attentatum.

Octavus error est, quod Romanus Antistes à retractatorio appellatæ causæ judicio non possit priores Judices excludere: Quod debeat definitivum Judicium relinquere priori jurisdictioni, eâ ratione ut prioribus Judiciis novi adjungantur. Error est in superioribus abundè refutatus. Interim Dogmatistes pergit errores cumulare erroribus: "Attamen jus in Sardicensi Synodo quæsitum Episcopo Romano est prorsus diversum à judicio appellationis, cum nihil aliud ei concessum sit, quam ut decernere possit causæ retractationem. Quippè Synodus statuit, ut si Episcopus damnatus Pontificem Romanum appellaverit, in potestate ejus sit appellationem respuendi, quo pacto sententia Episcoporum Provinciæ confirmabitur, aut eam admittendi: Quo casu debet Episcopus Romanus judicium integrum remittere ad Episcopos

„copos Provincias, & ad finitimos, ut illi causæ cognitionem  
 „suscipiant præsentem Legato summi Pontificis. Præterea ap-  
 „pellationis ea vis est, ut priore interim sententiâ superseden-  
 „dum sit. Quod aliter obtinet in revisione. Nam confu-  
 „gium illud ad Apostolicam Sedem non impediēbat, quin in-  
 „terim sententiâ depositionis executioni mandaretur“. Plures  
 iterum errores. Primus est, quod Romanus Pontifex appella-  
 tas causas ipse per se judicare non possit, nec Romam ad suum  
 tribunal evocare. Secundus est, quod nihil possit, quam de-  
 legare retractaturos Judices. Tertius est, quod delegare non  
 possit quoslibet, sed solos ejusdem, aut vicinæ Provinciæ Episc-  
 copos. Quartus est, quod Romana appellatio solummodo de-  
 volvat, non autem suspendat, idēdque Appellāntem Pontifex  
 ante expletum retractatōrium Judicium non possit revestire.  
 Et ex his Dominus Archi-Episcopus concludit Romana perflu-  
 gia nequaquam esse veras appellationes, sed dumtaxat revisio-  
 nes. Et benè concludit. At falsum ex falso. Etenim omnes  
 ejus Præmissæ sunt vanissima figmenta. Quare ego concludo  
 Romana perflugia esse verissimas appellationes. Hinc Sardicē-  
 sis Synodus vocibus "Appellandi" & "Provocandi" est usa in  
 propria significatione.

Dominus Petrus de Marca pergit: "Hujus autem juris novam  
 „esse institutionem probant verba Canonis". Si placet vobis,  
 „inquit Hosius Cordubensis Episcopus", sancti Petri Apostoli  
 memoriam honoremus. "Non ait confirmandam esse antiquam  
 „traditionem; quemadmodum fieri consuevit in negotiis, quæ  
 „renovatione tantum; aut explicatione juris antiqui indigent".  
 Eodem argumento utitur Paschasius Quesnellus: Et adjungit,  
 quod Hosius trepidè, & admodum dubitanter, & quasi supplex  
 istam Romano Pontifici gratiam à Synodo oraverit, ac exorave-  
 rit. Quod nempe sciret à se postulari rem novam, dissonam Ni-  
 cænis Canonibus, & constanti adversam consuetudini. Respon-  
 deo hanc Synodalem Hosii Præsidis relationem dirigi adversus Phi-  
 lippo-Poliuana Eusebianæ Factionis Attentata, quæ eo ipso tem-  
 pore Divinam Ecclesiæ Monarchiam, Romanæ Ecclesiæ Prima-  
 tum, Divinum Romanæ appellationis jus, omnia sancti Petri  
 Apostoli privilegia projiciebant in terram. Nam & in sanctum  
 Julium Pontificem propter admissam sancti Athanasii ac aliorum

Orien-

Orientalium Episcoporum appellationem, propter ipsos ante retractatorium iudicium revestitos, & ob istam retractationem delegatam Sardicensi Synodo, isto ipso tempore excommunicationem ore rabido latrabat & degradationem. Adversum ista facinorosissima. Attentata declamat Hosius: " Reverendissimi  
 „ Patres, qualia jam fiant Philippo-Poli, vos nostis. Non sola  
 „ Divina Ecclesiæ Hierarchia, sed & ipse Apostolorum Princeps  
 „ projiciuntur & conculcantur. Restituti per ipsum Episcopi  
 „ denuò spoliantur. Clamantur appellando crimina cumulas-  
 „ se criminibus, ideoque & in ipsos damnationes cumulan-  
 „ tur damnationibus. Ipse summus Pontifex, cujus ego apud vos  
 „ sum Vicarius, tamquam Divinæ legis prævaricator, & novarum  
 „ in Ecclesia rerum propter admissas appellationes auctor, anatema-  
 „ tizatur. Et cum ipso primates hujus Synodi Antistites. Quare  
 „ nobis non licet dormire. Ante omnia, si vobis placet, oportet nos  
 „ honorare memoriam sancti Petri Apostoli". Hosii relatio talem  
 habuit sensum. Nullatenus novitatem olet, sed omninò clamat  
 vetustatem, ejusque stabilimentum & confirmationem.

Confiteor, dicere potuerat, "Renovemus ac elucidemus Nicænos Canones". Attamen nec debuit, nec dixit. Constantinopolitanæ Synodi Patres in suo Symbolo dixerunt de Spiritu Sancto: *Ex Patre procedit*. Potuerant dicere: *Ex Patre Filioque procedit*. Certè præcidissent duras Ecclesiarum quæstiones, lamentanda schismata. Hinc Caroli Magni Legatio dixit ad Leonem III.  
 „ Nunquid non benè iidem tunc auctores fecissent, si quatuor  
 „ tantum addendo syllabas, tam pernecessarium fidei Sacramentum  
 „ cunctis deinceps sæculis perspicuum redderetur? Et Pontifex respondit: "Sicut non audeo dicere non bene fecisse  
 „ si fecissent, quia proculdubio sicut cætera quæ vel omiserunt,  
 „ scientes utique, & non tam humanâ, quam Divina illuminati  
 „ sapientiâ fecerunt; ita quoque non audeo dicere istud eos  
 „ nobis minùs intellexisse. Perpendisse, cur dimiserint. Tu  
 „ & tui videte, quid sentiatis de vobis. Nam & ego me illis  
 „ non dico præferam, sed etiam illud absit mihi, ut corquare  
 „ præsumam". Hoc ipsum ego respondeo de Synodali relatione  
 Confessoris Hosii. Haud dubiè Spiritus Sanctus ei non revelavit,  
 quod periculosa novissimorum dierum tempora essent  
 visura Catholicos viros, qui ejus verba tam perversè detorquerent.



Et quidem constantissimo huic Confessori timiditatem in Sardicensi Synodo adscribere est atrox nimium contumelia. Quam intrepido isthic animo egerit, edicit ipse in literis ad Imperatorem Constantium. Hic ab Eusebianis seductus Princeps adeo oderat sanctum Athanasium, ut in Mediolanensi Synodo dixerit ad Liberium Pontificem: "Præclaram illam visionem, de Magnentio & Syluano partam, non tanti facerem, quanti Athanasii ab Ecclesiasticarum rerum administratione abdicationem". Hinc primum per Promissam, deinde per Regias minas tentavit Hosium cogere in suam sententiam. Ast ille respondit: "Ego Confessionis munus explevi, primum cum persecutio moveretur ab avo tuo Maximinano. Quod si tu quoque persecutionem moves, etiam nunc ad quidvis potius sustinendum paratus sum, quam ut effundam innocentem sanguinem, & veritatem prodam. Fui ipse in Sardicensi Concilio, ipsæque ultro Athanasii inimicos provocavi, ut si quid contra eum haberent, edicerent. Promissique eis securitatem, & ne quidquam aliud expectarent, quam rectum in omnibus Iudicium. Id non semel, sed bis feci". Ecce quanto & quali Episcopo Paschasius Quenellus impingit timorem, trepidationem, supplices preces pro Divinis sancti Petri privilegiis. Adducenda sunt, quoniam nos docebunt rem non modicam, etiam sequentia epistolæ verba: "Quod si nollent rem, ab universa Synodo disceptari, saltem me Iudice uterentur". Retractatorium Athanasianæ causæ Iudicium per appellationem erat devolutum ad Sedem Apostolicam. Sed quoniam Eusebianæ Factionis Episcopi, qui ipsum in Tyria & Antiochena Synodo damnauerant, contumaciter nolebant Romam adesse, eos per Constantis & Constantii Imperatorum auctoritatem Julius Pontifex iussit adduci Sardicam, & isthic fieri retractationem. In generali Synodo, cui Hosius præsideret. Et in Factionis gratiam addidit facultatem, quâ solus Hosius, si isti mallerent, retractaret: Nempe ne coram tota Synodo confunderentur. Ex quo lucet, quod Apostolicus Canon, aut antiqua consuetudo Pontificem non constringeret ad certum retractationis modum. Quare nec constrinxit, aut constringere potuit Sardicensis Synodus: Ejus sapientissimo consilio permisit plenam libertatem. Authotitatem, quam Iulius dedit toti Sardicensi Concilio, dedit & uni Hosio: Utrisque fuit delegata

delegata eadem autoritas. Quæ potestas refidet in cunctis etiam Successoribus. Hinc & post Sardicensem Synodum Liberius Pontifex Imperatori Constantio, Tyriam Synodum valere volenti adversus Athanasium, in Mediolanensi colloquio opposuit varia priora pro Athanasio Judicia, & adjunxit: "Omnes contendamus Alexandriam, ubi Reus, ubi Accusator, & causæ eorum Patroni sunt, atque litigantium causâ diligenter cognitâ, sententiam de ea pariter feremus". Consensit in novam retractationem, & præscripsit novum ejus modum. Nec quisquam adversus Pontificis potestatem, sed solus facinorosus Epictetus Centum-Cellensis Episcopus intercessit de nimis impensis publicæ Vecturæ. Nempe omnes noverant retractationis modum esse in sapientissimo ac liberrimo Pontificis arbitrio. Quare nec Iulius pro retractanda sancti Athanasii ac aliorum Orientalium Episcoporum causa ad Sardicensem, nec pro ejusdem Athanasii denuo agitanda causa Liberius ad Aquileiensem aut Mediolanensem, nec Innocentius pro retractanda sancti Joannis Chrysostomi causa ad Thessalonicensem, nec pro sancti Flaviani ac aliorum Episcoporum retractanda appellatione sanctus Leo ad Chalcedonensem, nec pro retractanda S. Ignatii causa Adrianus II. fuit obligatus ad indicendam octavam Synodum. Omne illud Iudicium, uti Iulius uni Hosio, sic ipsi poterant uni alteri delegare. Ipsorum sapientissimum consilium ex causis elegit modum retractandi per generalem Synodum.

Porro quod quintus Nicæus Canon Provincialium Synodorum Judiciis adscribat supremam ac inappellabilem auctoritatem, nemo unquam effutivit: Nemo Catholicus, nemo Schismaticus, nemo Hæreticus. Dominus Petrus de Marca est omnium primus. Etenim Eusebiana Factio Julium quidem Pontificem ob susceptos alienos damnatos, adeoque ob violatum istum Canonem damnavit apud Philippo-Polim, attamen nequaquam egit de damnatis per Provinciale sui Patriarchatus Synodum, sed de solis damnatis per Synodos Diocesanas aliorum Patriarcharum. De damnatis per Synodum Tyriam, Antiochenam, & Constantinopolitanam. Quin quisque Patriarcha posset interjectas adversus subditarum sibi Provinciarum Judicia appellationes admittere, ipsas retractare, & ista etiam Judicia circumducere, nulli Eusebiano venit in dubium. Excepto unico casu unanimis suffragii, de quo Canon Antiochenus, postmodò tamen circumductus per sextum

Constantinopolitanum. Eundem in sensum locutus est ad Liberium Papam in Mediolanensi Colloquio Imperator Constantius : "Res de quibus constituta est formula , infringi nequeunt. Si-  
quidem plurium Episcoporum rata debet esse sententia". Lo-  
quitur de Tyria Synodo, cui antea dixerat "omnes Orbis terra-  
rum Episcopos adfuisse". Locutus est in sensum Eusebianum,  
Etiam Aurelius Carthaginensis, & quidam alii Afrorum Episcopi  
in infelicissima ad Celestinum Pontificem epistola nequaquam fa-  
vent Domino Archi-Episcopo. Censent quod quintus Nicænus  
Canon sanciat Synodalia etiam de Episcopis Judicia esse inconcus-  
sa, ideoque & damnatos isthic Episcopos non posse Romam pro-  
vocare : Verum non de Provinciæ, sed de totius suæ Diocæsis  
agunt Synodo. Etenim in ea ipsa epistola profitentur, quod dam-  
nati in istis Episcopi, immò & Clerici, possint ad hanc confuge-  
re. Patriarchales appellationes nec Photius extinxit, nec Michaël  
Cecularius. Quod ipsas quintus Canon Nicænus extingueret, in  
nullius unquam, cujus nomen noverimus, venit animum. Quare  
hunc, quem Dominus Archi-Episcopus jam tentat Mundo obtu-  
dere, istius Canonis intellectum Joannes David rectissime scripsit  
esse fatuum.

Adducta jam Dogmata Dominus Archi-Episcopus pergit con-  
firmare : "Sanè vix credi potest tam promptos ac faciles fuisse  
„Episcopos, ut statim & absque ulla contradictione consenserint  
„exui se supremâ autoritate, quam possidebant, ut judicia sua  
„simplici appellationi submitterent. Facilius eis persuaderi poterat,  
„ut approbarent tribui Episcopo Romano jus concedendi Revi-  
„sionem adversus eorum judicia, id est, jus Imperatoribus quæ-  
„situm communicari cum Romano Pontifice, eaque ratione pau-  
„latim, ac sensim sine sensu adimi Imperatoribus. Neque enim  
„Concilium in universum id jus ademit Principibus, ut collige-  
„re possumus ex verbis Canonis septimi, quæ sic habent" : Si ap-  
pellaverit qui dejectus est, & confugerit ad Episcopum Romanæ  
Ecclesiæ. " Verbis quidem illis conditionalibus datur damnato fa-  
„cultas implorandi auxilium Romani Episcopi; verum id non im-  
„pedit, quin etiam possit adire Imperatorem, cujus autoritatem  
„in hac materia satis manifestè agnoscit Synodica epistola Conci-  
„lii Sardicensis, paulò ante laudata".

Erroris suos repetit, & adjungit novos, Primus est, quod  
Provin-

Provinciales Synodi ante Sardicense Concilium haberent supremam authoritatem. Secundus est, quod hâc authoritate se exui permiserint in gratiam Romani Pontificis. Tertius est, quod non plenè se permiserint exui. Istam enim suam authoritatem permiserunt non per appellationes circumduci, sed solummodò circumscribi per revisiones. Quartus est, quod hoc Revisionis jus tunc esset quæsitum Romanis Imperatoribus. Quintus est, quod Sardicensis Synodus Romano Pontifici nihil adscripserit, nisi istius Imperialis Juris communionem. Sextus est, quod Synodus istud jus Imperatoribus non plenè ademerit. Septimus est, quod istud colligatur ex adductis verbis septimi Canonis. Etenim verba ista nec apicem habent de Imperatoribus. Et hoc advertens Dominus Archi-Episcopus recurrit ad Synodalem epistolam, in qua Patres consentunt se agere ex permissu Principum. Quia nempe generales Synodi, quoniam & Ecclesiam & Rem-publicam movent, sine Principum permissu non solent celebrari. Quid hoc ad præsentem controversiam? Rectè tamen Dominus Archi-Episcopus addit, quod Synodus paulatim, & sensim sine sensu voluerit istud jus Imperatoribus adimere. Ita profitetur ipsum esse contra Canones, adeoque & istud ipsum censet de illius extensione ad Romanos Pontifices.

Audiamus & sequentia: "Magnum tamen discrimen intercedit inter jus quod Imperatoribus competeat, & illud quod Romano Pontifici tribuitur. Imperatores enim, cum negotia retractari præcipiebant, majus Concilium congregabant, ad quod evocabant Episcopos ex diversis Provinciis, pro ut eis liberat. At Canones Sardicenses modum adhibent authoritati Episcoporum Romani, cui nihil aliud licere volunt, quàm ut novos Judices donet Episcopos ex vicina Provincia, qui unà cum prioribus Judicibus intersint renovationi Concilii & Judicii". Errores suos repetit, & adjungit novos. Repetitus jam frequenter error est, quod Sardicensis Synodus Romano Pontifici nihil detulerit, nisi Imperialis Juris communionem. Primus error novus est, quod plenam communionem non detulerit. Secundus est, quod Imperator Synodaliū Judiciorum retractationem possit delegare Episcopis, quibus voluerit. Etenim omnes Ecclesiæ Patres nulum agnoscunt Principis jus ad istas Delegaciones, sed meram suam dispensatoriam tolerantiam. Canonibus conformes patienter tolerant.

rarunt, diffformes constanter excusserunt. Tertius error est, quod Pontifex appellatarum causarum retractationem delegare non possit, nisi eidem aut vicinæ Provinciæ. Etenim Synodus proficitur se omnia relinquere ejus sapientissimo consilio. Dominus Archi-Episcopus illustriorem Papalis authoritatis partem transcribit in Imperatorem.

Quid de Imperialibus Episcopalium causarum Delegationibus senserit Sardicensis Synodus, audiamus ab ejus Præside Hosio in literis ad Imperatorem Constantium: "Desine, quæso, & me-  
„mineris te mortalem esse, reformida diem Judicii, serva te pu-  
„rum in istam diem, neque te misceas Ecclesiasticis negotiis, ne-  
„que nobis in hoc genere præcipe, sed potius ea à nobis disce,  
„Tibi Deus Imperium commisit, nobis concedidit quæ sunt Ec-  
„clesiæ. Et quemadmodum qui tuum Imperium malignis ocu-  
„lis carpit, contradicit ordinationi Divinæ; ita & tu cave, ne  
„quæ sunt Ecclesiæ, ad te trahens, magno crimini fias obnoxius".  
Date quæ sunt Cæsaris Cæsari, & quæ sunt Dei Deo. "Neque  
„enim nobis fas est in terris Imperium tenere, neque tu Thy-  
„miamatum & Sacrorum potestatem habes". Palam scribit con-  
tra memoratas Delegationes. Eadem est sententia omnium Pa-  
trum. Talia & nos oportet prædicare nostris Regibus. At ec-  
cè Dominus Archi-Episcopus mavult scribere, quod Sardicensis  
Synodus nihil detulerit Romano Pontifici, nisi diminutam Regiæ  
Juris communionem. Movet & alias quæstiones: An Synodus  
Sardicensis fuerit Oecumenica? An Episcopo damando permit-  
tat appellare ante definitivam sententiam? An appellare permit-  
tat ab ista etiam Synodo, cui Pontifex primi Judicii Retracta-  
tionem delegavit? Non spectant ad præsentem materiam.



CAPUT

## CAPUT XXVII.

*An Dominus Petrus de Marca sit reverà primus Author  
 Commenti, quod asserit Romanas Appellationes esse quan-  
 dam, à Sardicensi Concilio donatam, participationem  
 Augusti juris, quo Romani Imperatores semper potue-  
 runt quorumvis, etiam Ecclesiasticorum ac Synodaliū,  
 Tribunalium sententias per Sacra Rescripta delegare retra-  
 ctandas aliis Iudicibus?*



Liquid semper novi dicere fuit olim magna laus  
 apud Gentiles Atheniensium Philosophos. Apud  
 nos verò Christianos quid Gentium Doctor Apo-  
 stolus sentiat de vocum novitatibus, est omnibus  
 exploratum. Quidquid apud nos in Dogmate  
 est novum, est & falsum. Hanc esse firmissi-  
 mam Præscriptionem demonstrat frequenter Ter-  
 tullianus. Et hinc præsens Domini Archiepiscopi gloria nihil  
 est: Est miseranda confessio erroris. Paucis tamen videndum  
 est, an gloriatio, licet vacua, sit tamen vera. Supra-dixi Com-  
 mentum istud esse adeò devium, ut nec Nicomediensi Eusebio,  
 nec Photio in mentem venerit, immò forsitan nec Michaëli Ce-  
 culario. Quidquid sit, in mentem omninò venit Leoni Acriden-  
 si Episcopo, Exarcho Bulgarorum, pertinacissimo ac nequissi-  
 mo dicti Michaëlis satelliti & cooperario. Hic est primus author  
 prodigiosæ fabulæ. Adversus Latinam Ecclesiam scripsit plures  
 epistolas, quarum una est "adversum illos, qui dicunt Romam  
 „esse primum Thronum". Contumaciter asseverat Primatum à  
 Christo Domino non esse datum meritis sancti Petri Apostoli:  
 Domini verba, "Tu es petrus & super hanc petram ædificabo  
 „Ecclesiam meam", non in Petri personam, sed in ejus de Dei  
 Filio confessionem fuisse directam, ideoque hanc, non illam esse  
 rupem immobilem. Asseverat Dominum ad "unam, Catholicam,  
 „& Apostolicam Ecclesiam" fuisse locutum, "non ad Petrianam,  
 „aut Romanam, ut vult indoctus Romanorum fastus".

Attamen

Attamen quin Romana Ecclesia sit in longa istius Primatus possessione, non præsumat inficiari, ideoque quærit istius possessionis originem. Et definit: "Porro si quis consideret, à quo  
 „Roma Primas habere visa est, ei gradum vix concedet, siqui-  
 „dem Paganorum sententia in Ecclesia Dei omnino absurda est.  
 „Aureliani enim, Paganam Religionem colentis, iudicio ea Pri-  
 „matum accepisse videtur. Contigit enim Aurelianum hunc, ad  
 „Exercitum tendentem, per Antiochiam iter facere, Paulum au-  
 „tem Samosatensem, loci illius Episcopum, iudicio Episcoporum  
 „congregatorum, tum honore Sacerdotali, tum Throno deposi-  
 „tum, seditiosè, & per vim contendere, ut quæ sibi ablata erant  
 „recuperaret, hosque qui eum deposuerant, id ei non concedere.  
 „Magnâ interea contentione & rixâ absurdâ erumpente, utraq-  
 „Pars tandem ad potentiam Mundanam, eamque quæ coercere po-  
 „terat, respexit: Hi, ut Pauli Tyrannidem sisterent; ille ve-  
 „rò, ut eorum suffragia irrita faceret, & Patrum Sanctiones im-  
 „punè violaret. Indigent itaque, necessitate cogente, utraq-  
 „pars, seorsum licet, autoritate Imperatoris. Ille autem sese  
 „illa, de quibus contendebant, non intelligere affirmans, ad Epis-  
 „copum Romanum causam adferre iussit: Eosque, recusantes li-  
 „cèt eis stare quæ Romanus Episcopus iudicaret, quippe qui an-  
 „tea, cum ejusdem religionis esset, ejus rei aliunde notitiam habuit,  
 „Romam adduxit: Eisque idcirco videbatur ei Primas dedisse,  
 „& in omnium Tyrannidem Pontificatum asseruisse".

Affirmat plura. Primò, quod & degradatus Paulus, & de-  
 gradatrix Synodus ad Aurelianum provocaverint. Secundò, quod  
 Aurelianus, utpotè Laicus & Paganus, istam Christiani Dogmatis  
 ac disciplinæ quæstionem non intellexerit. Tertio, quod hac de causa  
 ipsam remiserit ad iudicium Romani Episcopi. Quarto, quod utraque  
 pars istud iudicium detrectarit. Quintò, quod Princeps invitos Ro-  
 manam coegerit. Sextò, quod hoc sit exordium Romanæ Appellatio-  
 nis, totiusque Romani Primatus. Quia nempe Romani Episcopi  
 hanc Imperialem Delegationem duxerunt in consequentiam, atque  
 ita ipsam pedetentim sibi in Jus transformarunt. Miscet vera fallis,  
 interim palam docet, quod Imperator Aurelianus Augustæ Delega-  
 tionis jus habuerit, & ipsum quoad Ecclesiasticas quæstiones tran-  
 scripserit in Romanam Ecclesiam. Dominus Petrus de Marca  
 hanc transcriptionem à Sardicensi Synodo, Leo Acridentis censet  
 facta in

factam ab Imperatore Aureliano. Hoc est unicum discrimen inter utriusque Dogmata. Et Leonis opinio est Romanæ Ecclesiæ favorabilior. In tribus. Primò, quod dicat transcriptionem, natumque inde appellationis jus esse vetustiora. Secundò, quod istam dicat factam ab ipso, qui sua alienare poterat, Principe. Et certè, si facta sit talis transcriptio, quâ potestate Sardicenis Synodus Augustam Rei-publicæ authoritatem potuit transferre in Romanum Pontificem? Tertio, quod Leo Acridensis retractatorium Judicium permittat in alma Urbe fieri. Affirmat enim, quod Aurelianus partes adduxerit Romam.

An Dominus Petrus de Marca istas Leonis Acridensis fabulofas blasphemias legerit, ignoro, Interim habet etiam alia istis similia. Leo enim pergit: "Porro Synodus prima præcepit, ut unaquæque Provincia propria jura conservet, & nemo alterius limites invadat, & alienas Provincias surripiat, sibi que subiciat". Laudat non quintum, sed sextum Nicænum Canonem. Et in ipso fundat Episcoporum appellationes. Ex ipso affirmat, quod una Provincia, seu Diocesis non subsit alteri, nec ab alterius Episcopo possit invadi. Utique non Patriarchalis tantum, sed quævis Autocephala. Qualis tunc erat & ipsa Acridensis. Etenim Græci Autocephalam, quâ olim Heraclæensem, Ephesinam, & Cæsaræensem exuerunt, postmodo transfulerunt in plures alias Cathedras, atque ita suum schisma transformarunt in hydram multorum capitum. Leo agit in Romanam Ecclesiam: Affirmat quod ipsa omnes sub cælo Apellationes, aliumque Primatum prætendendo invadat alienas Provincias; ideoque peccet in sextum Nicænum Canonem. Pontifici nequaquam Patriarchalem suarum Provinciarum Præfecturam ac Appellationes denegat: Absit. Ei concedit ac proficitur omnem istius potestatis plenitudinem. Divina Justitia passim schisma punit per schisma: Ecclesiasticæ unitatis laceratores passim transvertit in Cadmæos fratres. Hinc & schismaticis Græcis non defuerunt Metropolitæ, qui suas Synodos ambirent esse supremas ac inappellabiles. Verum illos alii invaserunt isto impetu, quo olim apud Donatistas Primitianistæ tractarunt Maximianistas. Videatur Theodorus balsamon in Meditato de Patriarcharum Privilegiis. Eodem modo nescio quem similiter ambitiosum Metropolitam invadit Callipolitanz Ecclesiæ Oeconomus in litteris ad Theodosium Constantinopolitanæ



**Ecclesiæ Proto-Notarium :** Epistola exstat in Turco-Græciâ apud Martinum Crisum. En quales Duces habeant nostri hodie Novatores. Illos non proseribo ad schismaticos: Absit. Divina Clementia me custodiat. Et ipsos. Dico quod quædam cum istis prava, quædam sapiant ac doceant pejora.

Hujus Leonis oculos etiam ferit Sardicensis Synodus. Hinc prosequitur: "Quod si dicas Synodum Sardicensem præcipere, ut Episcopus Romanus aliarum Provinciarum suffragia examinet, id multis modis solvi potest. Primò, quod cum localis sit, à quarta Oecumenica rescinditur. Ea enim Patriarchæ potissimum, Constantinopolitano aliorum judicia examinare concessit". Cum Domino Petro de Marca affirmat Sardicensem Synodum non Oecumenicam, sed dumtaxat localem, seu Patriarchalem fuisse, idèque ejus Canones non extendi ad omnem Ecclesiam. Hoc schismaticis Græcis est palmarium fundamentum contra universalitatem istorum Canonum. Hinc concludunt potuisse circumduci per sequentes Oecumenicas Synodos: Et præsens Leo affirmat circumductos per Synodum Chalcedonensem. Per nonum ejus Canonem. Affirmat quod hic cunctas totius Mundi appellationes à Romano Episcopo transferat in Constantinopolitanum. Ridiculè. Etenim Canon manifestè agit de solis appellationibus trium, usque tunc Autocephalarum, Diocesium: Thraciæ, Asiaticæ, Ponticæ.

Interim & hic Leo, & cuncta Photiani Schismatis Factio Sardicenses Canones longè rectiùs intelligunt, quàm hodierni Novatores. Ex animo profitentur, quod isti Canones Romano Pontifici plenam faciant potestatem evocandi, delegandi, & appellatas causas quovis juxta suum arbitrium modo retractandi. Etenim Theodorus Balsamon ad quintum Sardicensem Canonem scribit: "Præsens Canon dicit, quod si quis à Provincialibus Episcopis condemnatus fuerit, & ad Papam appellaverit, is verò vicinis mandaverit Episcopis, ut de appellatione cognoscant, si hoc justum esse putaverit, & ab eis quoque condemnatus fuerit, & secundo ad Papam accesserit, & illi visum est ea quæ priùs judicata sunt, rursus examinari, ne cogatur is, qui iudicio vicerit, Romam venire, sed in Provinciam jussu Papæ verniant Presbyteri ex ejus Latere, sive ab ejus Ecclesia, & familiaritate

„liaritate illi conjuncti, qui auctoritatem sive potestatem ejus habere debent, ut cum Regionis illius Episcopis de quæstione judicent, illamque decident. Si autem Romanus Episcopus non esse justum perpexerit, ut rursus examinentur ea, quæ prius judicata fuerant, ejus enim judicio Canon omnia relinquit, faciet quod sibi justum esse videbitur. Cum Canon hæc definit, ne tibi contrarium esse videatur caput primum tituli noni libri, *Basilicorum*, dicens non posse Judicem appellatum ad alium transmittere cognitionem appellationis, sed eam per se audire debere. Sed dic præsentem Canonem esse specialem, & ita editum esse propter viæ longitudinem, & ne vexentur Episcopi, in adeò longinquam & alienam Regionem trahendi. Cum Presbyteris autem Papæ secundam appellationem judicare Provinciales Episcopos, qui condemnarunt Episcopum, ne dicas esse contrarium legi, quæ dicit: *Judex, qui semel pronuntiavit, officio functus est, & non potest rursus propriam sententiam examinare.* Nam & hoc etiam specialius editum est, ut mihi videtur. Propterea enim & Papæ judicio relictum est genus judicii. Quod enim ad Leges attinet, non poterant unà cum Papæ Presbyteris judicare illi, qui sententiam prius tulerant. Sin autem dixeris alios esse Episcopos, qui sententiam tulerint, nihil invenies repugnans. Affirmat Canonem quibusdam displicuisse, quod Pontificem ad appellatas causas per semet-ipsam retractandas non adstringeret, sed permetteret facultatem delegandi. Et quidem etiam illi Provinciali Synodo, à cujus judicio erat provocatum. Censebant Canonem adversari Romanis legibus, ideòque & deviare. Etenim Ecclesia in suis olim judiciis sequebatur formam Romanæ Rei-publicæ. Theodori responsio est lucida. Et recta. Affirmat Canonem esse ampliativum, hoc sensu: Romanus Episcopus possit istiusmodi causas non dumtaxat evocare ad suum tribunal, sed etiam quibuscunque aliis juxta suum sapientissimum arbitrium delegare. Evertit omnes Hincmarianas, ac item modernas vocum novitates.

Notandum est aliud ejusdem Leonis adversus Sardicenfis Synodi auctoritatem argumentum: „Insuper quod Hosius Cordubæ Episcopus, Præfidentie Romanæ locum tenens, & gratiam majorem, quam par erat, ei potissimum deferens, Episcopi Constantinopolitani, qui non tantum aberat, sed & hæresi labora-

„bar, curam non levem haberet. Quod si hæc Synodus Occumenicas priores, & præcipuè primam, quæ præcepit ut unaquæq; „Provincia Jura sua inviolata omninò conservaret: Hæc, inquam, „cum sit localis Synodus, si Occumenicam despiciat, potissimùm „super hac re, quis eam æstimaverit“. Miscet vera falsis, & affirmat plura. Primò, quod Hosius fuerit istius Synodi Apostolicus Præfident. Secundò, quod non timidus fuerit, sed nimium audax: Quod Romanæ Ecclesiæ nimium detulerit. Utrique per verba: „Honoremus sancti Petri memoriam“. Tertiò, quod Constantinopolitanæ Ecclesiæ dignitates neglexerit. Quoniam ejus Episcopus ab erat: Et quoniam erat Hæreticus. Quod ob demerita Præsulum violaverit Jura Sedium. Quartò, quod sit prævaricatus Nicænos Canones. Non quintum, sed sextum. Hæc illius verba: „Suis privilegia servantur Ecclesiis“. Quintò, quod ob istum contemptum Synodus sit nullius ponderis.

Quod Sardicenis Synodus Constantinopolitanæ Ecclesiæ Jura læserit, est ridicula fabula. Hæc enim Ecclesia Patriarchalem dignitatem tunc necdum somniaverat. Habebat simplicem Archiepiscopum, id est, solo nomine Metropolitam sine Suffraganeis. Patriarchicam Dicesim ac potestatem primus architectari coepit sanctus Joannes Chrysostomus. Falsum item est, quod ejus Episcopus tunc fuerit Hæreticus, aut non fuerit apud Sardicam. Ejus namque legitimus Episcopus tunc erat Confessor Paulus, cujus ab Arianis ejecti Romana ad sanctum Julium Appellatio fuit ex ejusdem Pontificis jussu retractata Sardicæ, & ipse absolutus à calumniis, & repositus in gradum. Hæc enim justitiâ offensi Eusebiani illum, ne rediret in Sedem, suffocarunt in balneo: Quod hæc Synodus dumtaxat localis fuerit, aut quod Nicænos Canones læserit, est etiam manifestè devium. Attamen utraque fabula plenissimè placet hodiernis Novatoribus. Hi quintum, Afericensis Leo affirmat læsum fuisse sextum. Et rectius. Longè item rectius affirmat Hosium per audaciam excessisse, quam defecisse per timiditatem, & quasi precarium beneficium supplicasse à Synodo. Utrique proclamando: „Sancti Petri memoriam honoremus“. Rei veritas affirmat nec audaciam, nec timiditatem fuisse, sed Hosio dignam constantiam.

Et ipsam Romana Ecclesia semper est plurimùm venerata: Et enim Gregorius IV, Pontifex de causa Aldrici Cenomanensis Episcopi

Episcopi, cujus Romana Appellatio patiebatur contradictionis obices, scripsit ad Gallicanos Episcopos: "Quapropter has ad vos litteras destinamus, quibus Decreto nostro vestram rogantes, Charitatem mandamus, ut si aliquis, quod non optamus, suorum Emulorum Aldricum Episcopum accusare dampnabiliter attemptaverit, ut honoretur beati Petri Apostolorum Principis memoria, Ecclesiæque Romanæ, cui præsedet, privilegium, & nostri nominis autoritas. Liceat illi post auditionem Præsumptum Diocesanos, si necesse fuerit, nos appellare, & nostrâ auctoritate, aut ante nos, aut ante Legatos ex nostro Latere missos, juxta Patrum Decreta, suas exercere atque finire actiones". Palam laudat Sardicenses Canones, & exponit: "Aut ante Nos, aut ante Legatos nostros exercere suas atque finire actiones". Nempe sicut sederit sapientissimo Romani Antistitis arbitrio. Hinc denuò addit: "Et auctoritate Canonum, & Prædecessorum nostrorum Decretis sancitum est, ut Episcopus accusatus, si voluerit, appellet Romanum Pontificem, & ad eum, si libuerit, confluat, ut ab eo ejus causa audiat, aut ipse à Latere suo Legatos, qui eam audiant, mittat, qui justè cum omnibus Episcopis Comprovincialibus ejus auctoritate judicent". Et hanc epistolam tanti olim fecit Gallicana Ecclesia, ut plures ejus partes sanctus Jvo Carnutenſis Episcopus suo Decreto inseruerit. Præfatam Hosii Synodalem Relationem laudat in litteris ad Hincmarum Rhemenſem Episcopum etiam sanctus Papa Nicolaus: "Debuerat certè Beatitudo tua, cum Rothaldum Sueſſionenſem Episcopum toties examinaveras, scribens sancti Petri memoriam honorare, ejusque judicium, etiamsi nunquam appellasset idem Rothaldus, modis omnibus præſtolari". Eandem in suo supraadducto Capitulo laudavit Carolus magnus, laudemque in suum Canonem assumpsit Triburiensis Synodus. Et ecce hodie ista relatio clamatur fuisse timida, humilis, ac precaria supplicatio. Et hoc per sublimes Catholicæ Ecclesiæ Episcopos.

Acridensis Leo pergit adversus Sardicensem Synodum: "Quoniam Carthaginenſis Synodus, postea circiter annos duodecim, quaestiones exactè exhaustiens, non solum nullam venerationem Sardicensi Synodo attribuit, sed nec scire dignata est, antalis habita fuerit; sed ad Canones primæ Synodi respiciens, ad Cælestinum planè scribit, ille enim tertius à Zozimo Sedem Romanam

„manam administrabat, ut Romanus Pontifex non audeat aliorum  
 „Decreta attingere. Quippe quod nullus Canon istud præcipiat”.  
 Variè & sæclè errat. Primò, quod sexta Carthagenensis Synodus  
 sit facta duodecim annis post Sardicensem. Distant enim ad sep-  
 tuaginta annos. Secundò, quod dicat omnes de ista re quæ-  
 stiones fuisse exhaustas ab ista sexta Synodo. Etenim illic, nihil  
 definitum est, sed omnia fuère dilata in maturius examen. Ter-  
 tiò, quod ista Synodus Sardicenses Canones non solummodò ig-  
 noraverit, sed etiam contemplerit. Etenim Primates istius Sy-  
 nodi Episcopi ipsos, ubi agnoverunt, admiserunt cum plena re-  
 verentia. Quarì, quod ista Synodus etiam ad sanctum Papam  
 Celestinum scripserit. Etenim id factum est post plures annos.  
 Verùm tamen hi errores non sunt capitales, nec faciunt ad præ-  
 sentis quæstionis substantiam. Capitalis igitur error est, quod  
 ista Afrorum epistola sit authentica ac legitima: Quod rectè di-  
 cat Romanas tam Episcoporum quam Clericorum Appellationes  
 in nullo fundari Canone, ideòque ipsas rectè excutiat. Et hoc  
 ipsum plenis buccis profitentur hodierni Novatores. Prævarica-  
 toria epistola est ipsis grande fundamentum.

Leo Acridentis prolequitur: " Porro quia Synodus Venetha-  
 „lensis, Canones primæ Synodi sequuta, Episcopos Romæ  
 „subiectos Synodicis ejus. Decreris obedire jubet, eos autem qui  
 „sub Alexandrino Patriarcha sunt ejus Decretis. Et alios simili-  
 „ter". Quæ & qualis fuerit ista Venethalensis Synodus, fateor  
 me ignorare. Interim Leo tradit plura benè notanda. Primò  
 palam laudat sextum Nicænum Canonem, qui Patriarchalia Ec-  
 clesiæ Alexandrinæ, à Meletio Lycopolitano Episcopo invasa ac  
 læsa, jura reparat, & hac occasione laudavit etiam Divina Ro-  
 manæ Ecclesiæ Privilegia, nec non dignitates Antiochenæ Sedis,  
 & generatim omnium Autocephalorum Exarchatuum. Secundò  
 affirmat per hunc, non per quintum Canonem stabiliri Romanas  
 Appellationes. Tertiò affirmat appellationes non soli Romanæ  
 Ecclesiæ competere, sed etiam Alexandrinæ, Antiochenæ, & aliis  
 Autocephalis: Et has omnes stabiliri per istum Canonem. Ex  
 his concludit Romanæ Sedi non totius Mundi, sed deberi appel-  
 lationes solum Episcoporum spectantium ad ejus Patriarchatum.  
 Hos omnes affirmat à suarum Provinciarum Synodis posse provo-  
 care ad apam. Et istud sanciri per sextum Nicænum Canonem.

Et ecce has etiam appellationes ei auferunt hodierni Novatores. Quod sancto Petro Apostolo, ac ejus Romano Throno relinquunt Schismatici, auferre nituntur Orthodoxi. Res deploranda sanguineis lachrymis. Quod eadem Joannes Zonaras, Theodorus Balsamon, Matthæus Blastares, Alexius Aristinus, aliique omnes Photiani Schismatis Sectatores sentiant ac doceant, est supra demonstratum. Cuncti affirmant non in quinto, sed in sexto Nicæno Canone agi de faciendis ad Patriarchales Sedes appellationibus. Et rectè. Assertionem, quæ à quinto Canone affirmat Romanas appellationes auferri, Joannes David rectissimè scripsit esse fatuam.

Quod olim quicumque Orientales, à suarum Provinciarum Synodis damnati, Episcopi potuerint liberrimè ad suos provocare Patriarchas aut Exarchos; quod item hi istas causas non solummodò delegare in partibus, sed etiam potuerint ad sua tribunalia evocare, est longè certissimum. Plurima demonstrant exempla ac testimonia. Etenim quod Clerici Basilonopolitani ad sanctum Joannem Chrysostomum, uti ad suum Patriarcham, provocaverint, supra nos docuit Anastasij Nicæni Metropolitæ attestatio ad plenam Chalcedonensem Synodum. Videtur id factum adversus Alexandrum Basilonopolitanum Episcopum, qui à laudato Joanne consecratus, ei que in persecutione fidelissimus, cum aliis ejus fautoribus debuit aufugere: Et fugit in Pentapolitanam Libyam, benignè susceptus à sancto Synesio, Ptolomæidis Episcopo. Erat enim natione Cyrenensis, idèdque fugit in suam Patriam. Et quia à Theophili Patriarchæ Alexandrini violentia fugerat, Synesius ad illum, ne suum Superiorem offenderet, omnia fideliter retulit. Ita habes in ejus litteris ad eundem Theophilum. In laudatis Chalcedonensis Synodi Actis etiam habemus, quod Athanasius, Perrensis in Euphratesia Provincia Episcopus, à suo Metropolitâ Panolbio degradatus appellaverit Dominum Antiochiæ Patriarcham, & fuerit ab ipso Synodaliter auditus. Dominus causam non delegavit ejusdem aut vicinæ Provinciæ Episcopis, sed partes Antiochiam evocavit ad suam Synodum. Hæc integra existat in præfatis Actis. Et ex ipsis discimus Panolbio Joannem, Joanni successisse Stephanum. Nempe Panolbius successerat Alexandro, qui cum Joanne Antiochiæ Patriarcha adfuit Ephesino Concilio, & ob rebellionem contra Ecclesiarum pacem fuit deportatus

portatus in Ægyptum. Item videmus omnes istos Successores fuisse brevis vitæ. Idem Patriarcha Dominus gravissimè tulit Ibæ Edeffeni Metropolitæ primam instantiam fuisse sibi per sacra Rescripta ablatam : Clamavit esse injuriam, immò contemptum sui Apostolici Throni. Certè prima de Metropoli cognitio, & retractatorium de Provinciali Episcopo Judicium spectant ad idem tribunal. Quid opus multis in re lucida ? Nonus Chalcedonensis Canon firmat has Patriarchales appellationes. Firmari etiam à Constantinopolitanis, aliisque pluribus, est sæpe ostensum. Et ecce, non Schismatici, non homines Orientales aut Græci, sed Latini, Occidentalis Ecclesiæ Filii, Orthodoxi avent his omnibus exuere sanctum Apostolum Petrum.

Etiam Commenti, quod Mundo suadet Romanas appellationes vetari à quinto Nicæno Canone, Dominus Petrus de Marca non est primus author. Etenim Guilielmus Beveregius, Anglicani Schismatis Doctor, nobis adducit nescio cujus Schismatici Græci Scholion ad quartum Sardicensem Canonem. Affirmat in Amerbachiano Codice reperiri medium inter Theodori Balsamonis ac Joannis Zonaræ Commentaria. Hæc sunt verba : "Ex hoc Canone res Romana ad superbiam elata est. Et hunc, ramquam à Synodo Nicæna constitutum, olim proferentes malefici, tunc temporis Romanorum Præsides à Concilio Carthaginensi, depreheni sunt, quemadmodum ipsum Synodicum Synodi Carthaginensis proecium ostendit. Quin etiam nec hic amplius quid, quam alii Canones, istis concedit, licet illi ita sine ratione opinentur. Neque enim absolute uspiam depositum licentiam habere dicit ad Episcopum Romanum appellandi. Sic Sardicensis Synodus Oecumenicis planè adversaretur. Sed eum, qui à finitimis Episcopis, & rursus eum, qui ab ipsius Provinciæ Episcopis depositus est. Neque enim Metropolitæ Conventum, neque Exarchi sive Patriarchæ præsentiam comprehendit : Aded ut si quis eorum ibi adsit, & nec à finitimis Episcopis, nec in viciniis condemnatio Episcopi constituatur, nulla à Romano retractatio erit, quemadmodum in proposito hoc Canone traditur". Affirmat non illos, qui à Provinciæ Synodo, sed dumtaxat eos, qui à Provincialibus, sive à finitimis sine Metropolitâ Episcopis damnantur, posse appellare ad Papam. Synodaliter damnatis nullum patere asylum. Verùm istiusmodi fabula nulli unquam schis-

schismatico Græco venit in mentem. Est risu, non refutato digna. Hinc & ipsi Græci istud Scholion forsitan suppresserunt. Interim Romanæ Ecclesiæ odium aded clausit dicti Beveregii oculos, ut scribat ipsum esse observatu dignissimum.

Ut adjutoria, præsertim arma, deportentur ad hostes, rigidissime damnant & leges & Canones. Catholicæ Ecclesiæ hostibus Dogmatica armatransmittere est facinus longè enormius. Præsertim his periculosus ac malignis novissimorum dierum temporibus, quorum cuncti hæretici aded oderunt, & non dumtaxat suppressere, sed & evertere tentant Apostolicam Sedem, ut cunctos Orthodoxos appellent Papistas. Credunt id esse ignominie nomen. Et nonne istud facinus patrant hodierni Novatores? Etenim præfatus Beveregius nuperrimè hæc scripsit ad quartum Sardicensem Canonem: "Synodus Nicæna Canone quinto decrevit, ut omnes Ecclesiasticæ causæ à Provinciali Synodo determinentur, in qua motæ sunt. Post istud itaque Decretum, à generali Synodo constitutum, ridiculum fuisset Provinciale Synodum decernere, ut à Provinciæ Synodo ad Episcopum Romanum appelleretur, illeque causam finiret. Neque hoc quidem Concilio Sardicæ habito in mentem unquam venit. Nusquam enim decrevit, ut ipse Romanus Episcopus causam aliquam in aliena Provincia ortam determinaret, sed tantum ut ipsi liceret decernere, ut causa aliqua retractetur in eadem Provincia, ubi prius judicata est, ut ex tertio, & quinto, aliisque hujus Concilii Canonibus patet. Et imprimis etiam observandum est, neque hoc, quidquid est privilegii, vel è Scripturis, vel ex antiqua traditione, aut consuetudine à Patribus Sardicensibus Episcopo Romano asseritur & instituitur, sed tantum in honorem sancti Petri. Sic enim Hosius Episcopus Cordubensis, qui Concilio præerat. Aded ut nullum aliud tunc temporis jis præstaret argumentum, quo hoc fundaretur, nisi ut memoria sancti Petri, per hujusmodi privilegium Episcopo Romano indultum, honoraretur". Sunt ipsissima nostrorum Novatorum argumenta & Sensa. Certum est esse hausta ex ipsis. Nam & Beveregius profitetur se scribere ex ipsorum fonte, Hincmaro Rhemenfi.



## CAPUT XXVIII.

*Discutiuntur alia D. Archi-Episcopi Dogmata circa  
Sardicensem Synodum.*



Omnis Archi-Episcopus in quarto septimi libri capite hæc scribit : " Adnotandum est iniquum omnino visum esse Orientalibus , si Occidentales Episcopi , etiam in plenario Concilio , tentarent retractare Judicia in Synodis Orientalibus facta , quod eo pacto harum Synodorum auctoritatem violari manifestum esset. Itaque vix credi potest , eos ita comparatos fuisse , ut solius Romani Pontificis auctoritatem suâ superiorem esse confiterentur. Præsertim cum Schisma recenter adversus illum fecissent , cumque ob hoc excommunicassent , quod Caput esset eorum , qui leges Ecclesiasticas pessum dederant " : Ut Duce[m] & Principem malorum , qui primus januam communionis sceleratis atque damnatis aperuit , cæterisque aditum fecit ad solvenda Jura Divina. " Orientales enim per istas tempestates regulam hanc certam & indubitam Ecclesiasticæ disciplinæ esse continebant , res in Oriente judicatas retractari non posse in Occidente , nec è contra. Ita namque affirmavit Concilium Antiochenum in epistola ad Julium Papam , in qua Episcopi adferunt exemplum damnationis Pauli Samosatani , ab Episcopis Orientalibus decretæ , quam Occidens recepit , consensuque suo firmavit absque novo examine , sicut etiam Oriens recepit , & approbatione sua confirmavit damnationem à Synodo Occidentali decretam adversus Novatum. At Julius Papa respondens huic epistolæ Concilii Antiocheni , non contradicit absolute supremam esse auctoritatem Orientalium Conciliorum , sed Athanasii tantum factò inhæret , explicandoque Judicio , quod adversus eum fuerat latum in Synodo Tyria. Ait enim illud esse irritum , quod adversus Athanasium , Presbyterumque ejus Macarium testimonia absentibus illis recepta fuerint à Judicibus delegatis

„legatis, apertissimis Athanasii hostibus, & ab eo ejuratis, ideo-  
 „que Judicium illud integrum non fuisse, sed tantum ex *ver-*  
*missis*, ex quo sequeretur illud executioni non esse mandan-  
 „dum. Cum itaque Athanasium in suam communionem susce-  
 „perit, nihil se Canonibus adversum egisse, quoniam sententia ex-  
 „communicationis nulla erat. Quibus addidit momenta ex visce-  
 „ribus causæ petita, falsitatem nimirum accusationis probatam  
 „authoritate Actorum, quamplures Orientis Episcopos à com-  
 „munionem sua non abstinuisse Athanasium, tametsi damnationis  
 „sententia in eum lata fuisset; tum nolle Episcopos Orientales  
 „in unum convenire, quamvis per Legatos consensissent, ut Papa  
 „Julius universos Episcopos Romam evocaret pro discutienda cau-  
 „sa Athanasii. Ait postremò nihil adversus Statuta Nicæni Con-  
 „cilii tentari, si quæ Synodus quæpiam statuit, in posteriore re-  
 „tractentur. Alludit autem ad Synodum Alexandrinam, cui cen-  
 „tum Episcopi interfuerant, in qua damnatus fuit Arius; cujus  
 „caussa de integro discussa fuit in Concilio Nicæno.

Errores plurimi. Primus est, quod Orientalis Ecclesia cen-  
 fuerit sua Synodalia Judicia non posse retractari per Occidenta-  
 lem. Secundus est, quod eadem Ecclesia centeret manifestum;  
 eo pacto violari istarum Synodorum authoritatem. Tertius est,  
 quod eadem Ecclesia noluerit solius Romani Pontificis autori-  
 tatem esse suâ superiore. Quartus est, quod hæc de causa fece-  
 rit Schisma ab Occidentali, & excommunicaverit Julium Ponti-  
 ficem, uti Caput eorum qui pessum-dederant leges Ecclesiasticas.  
 Quintus est, quod hæc omnia demonstrantur ex adductis verbis  
 Orientalium. Etenim verba hæc non sunt Orientalis Ecclesiæ.  
 Absit. Sunt scelerata Eusebianæ Factionis verba, desumpta ex sce-  
 lerata epistola, quam Factio è Philippo-Politano Conventu mi-  
 sit ad suos Symmystas, etiam ad facinorosos in Africa Donati-  
 stas. Etiam istarum vulpium caudas ad demoliendam Christi  
 vineam tentavit sibi colligare. Factio affirmat sibi adfuisse octo-  
 ginta Episcopos: Et tamen epistolæ Synodali non subscripse-  
 runt, nisi septuaginta duo. Et inter istos est Illustris ille Ischy-  
 ras, imaginarius Episcopus Mareotidis. At verò in secunda ad  
 Constantium Imperatorem Apologia sanctus Athanasius enume-  
 rat Orientales Episcopos, qui Sardicensi Concilio subscripserunt;  
 & prosequitur: " Qui igitur Decretis Synodi subscripserunt, sunt  
 isti.

isti. Et plurimi alii sunt, qui ante hanc Synodum pro nobis  
 „scripserunt, tum ex Asia, tum ex Phrygia, tum ex Isauria,  
 „quorum singulorum nomina cum suis epistolis circum-feruntur,  
 „prope sexaginta. In universum autem trecenti quadraginta.  
 Hi cum suo Clero & populo erant Orientalis Ecclesia. Hæc  
 Ecclesia non dogmatizavit sua Synodalia Judicia non posse retra-  
 ctari per Romanam Ecclesiam, nec judicavit per istam retracta-  
 tionem manifestò violari suarum Synodorum authoritatem, nec  
 negavit solius Romani Pontificis authoritatem esse suâ superio-  
 rem, nec Schisma fecit adversus ipsam, nec excommunicavit Ju-  
 lium Pontificem. Ea quippe nullo pacto sunt Christiana. Sunt  
 horrenda facinora solius sceleratæ Factionis eusebianæ, solius sce-  
 lerati Philippo Politani Conventiculi. Proinde Dominus Archi-  
 Episcopus scelerata istius Factionis Dogmata & opera transcribit  
 in omnem Orientalem Ecclesiam. Eo jure, quo olim Gentiles  
 abominanda Gnosticæ Factionis flagitia transcribebant in omnes  
 Christianos. Eodem privilegio quis possit Calvinistarum aut Lu-  
 theranorum Dogmata & Acta toti Latinæ Ecclesiæ afficare.

Sextus error est, quod Eusebiana Factio noluerit sua Judicia  
 retractari etiam per Oecumenicam Synodum. Etenim ad hanc  
 retractationem peragendam comparuerunt in Sardicensi Concilio.  
 Omnis ipsorum contentio fuit de facta per Julium Papam reve-  
 stitione sancti Athanasii & aliorum Episcoporum. Volebant ipsos  
 adesse ut damnatos, ac redactos in Laicam communionem, non  
 ut Canonicos Episcopos, atque ita retractari Judicium Tyrium  
 atque Antiochenum. Ipsi exclusi, ac stantibus inter Reos. Im-  
 perator Constantius, mox ut per fratris Constantis mortem adep-  
 tus est Occidentale Imperium, omnibus nervis studuit, ut  
 Latini Episcopi, præsertim Liberius Pontifex, admitterent ista  
 de Athanasio Judicia, & ipso damnato communicarent Eusebia-  
 nis, atque ita pacificarent Ecclesiam. Hæc urgenti Eusebio  
 Eunuchæ Liberius respondit: "Quomodò hoc contra Athanasium  
 „possit fieri? Quem enim non una, sed jam altera Synodus pro-  
 „bè ab omni crimine liberum pronunciavit, & Romana Ecclesia  
 „cum pace dimisit, quomodò poterimus condemnare? Non ita  
 „se habet Ecclesiasticus Canon, neque unquam accepimus talem  
 „à Patribus traditionem, quam ipsi à beato & magno Apostolo  
 „Petro acceperunt. Quod si omnino Imperator curam suam pro  
 Eccle-

„Ecclesiastica pace quaerit interponere, aut si Scripta à nobis pro  
 „Athanasio deleri jubet, deleantur quoque ea, quæ contra il-  
 „lum scripta sunt, fiatque deinde Ecclesiastica Synodus longè à  
 „Palatio, ubi nec Imperator præsto est, nec Comes se ingerit,  
 „nec Judex minatur”. Assirmat Athanasii causam jam pridem  
 esse finitam: Nempe & in Romana Julii Pontificis Synodo, &  
 in Sardicensi. Earum sententias jam dudum transivisse in rem ju-  
 dicatam. Et ista Judicia fuisse peracta juxta Canones, quos san-  
 ctus Petrus Apostolus tradidit Romanæ Ecclesiæ. Nempe pro  
 modo retractandi causas appellatas. Nihilominus Pontifex para-  
 tus fuit suspendere omnia, & in nova generali Synodo instituere  
 novam retractationem de Athanasio. Hæc ejus consilia non pro-  
 bavit Hosius, scribens ad Constantium: ”Ego Athanasii accusa-  
 tionibus non suberibo, quem nos, & Romana Ecclesia, &  
 „universa Sardicensis Synodus innocentem pronunciavit”. Inte-  
 rim Liberius permanfit in suo Proposito, & à Constantio postu-  
 lavit Synodum fieri apud Aquileiam. Verùm Constantius noluit  
 ipsam fieri longè à Palatio, nec sine sua præsentia, ideòque fieri  
 jussit Mediolani. Et Eusebiani comparuerunt. Proinde suarum  
 Synodorum, etiam Patriarchalium, Judicia professi sunt esse ob-  
 noxia retractationi per generalem Synodum. Aversabantur solam  
 Romani Episcopi auctoritatem esse supra suas Synodos, Res in  
 Oriente judicatas nolebant per ipsum retractari.

Septimus D. Archi-Episcopi error est, quod asserat istam  
 fuisse sententiam totius Orientalis Ecclesiæ, & quod istud pro-  
 bet ex Antiochenæ Synodi ad Julium Pontificem epistola.  
 Etenim nec ista Synodus, nec ista epistola fuit totius Orienta-  
 lis Ecclesiæ, sed solius Eusebianæ Factionis. Qualis epistola  
 fuerit, audiamus ex Rescripto Julii: ”Nescio cur vobis ita  
 „rem agere placuit, ut nos in hanc opinionem redigatis, ut  
 „arbitremur nos sub specie reverentiæ pro ludibrio esse ha-  
 „bitos, Dictaque vestra irridendum fuisse, cum & Presbyte-  
 „ros nostros ad vos missos, quos cum gaudio remissos oport-  
 „uit, cum luctu remiseritis, ob ea quæ isthic geri conspicie-  
 „bant. Ego certè, cum literas vestras evolverem, post varias  
 „ultrò citro-que cogitationes, eas supprimendas putavi, easpe  
 „quod crederem saltem aliquos ex vestris adventuros, nec opus  
 „fore istiusmodi epistolis, ne si illæ in publicum promerentur,

„multos sui dolore afficerent. Caterum ubi nullus vestrum  
 „supervenit, necesse fuit ut eas proferrem. Credite mihi,  
 „omnes admiratione pleni vix induci poterant, ut crederent  
 „istiusmodi literas à vobis profectas esse, in quibus rixandi  
 „potius, quam charitatis affectus eminebat. Quod si ambi-  
 „tione eloquentiæ ostendendæ ita exceptæ sunt à Dictatore, id  
 „certè studium ad alios spectat. In rebus enim Ecclesiasticis  
 „non specimen eloquentiæ, sed Canones Apostolici requiruntur,  
 „operaque dari solet, ne quis ex parvis in Ecclesia scandalize-  
 „tur. Hæc est facinorosissima epistola, quæ Eusebiana conju-  
 „ratio Romanam Julii Synodum; & ab ipsa factam sancti Atha-  
 „nasil & aliorum Orientalium Episcoporum revestitionem dam-  
 „nare cepit, Romanæ Ecclesiæ jugum palam excutere, & fu-  
 „tura sui Philippo-Politani Conventiculi Attentata præformare.  
 „Epistola latet aut perit: Similiter & epistola, quæ Julius isto-  
 „rum Episcoporum revestitionem intimavit Factioni, & cui Factio  
 „reposuit istam suam. Utriusque tamen compendium nobis con-  
 „servavit Hermias Sozomenus: "Romanus Episcopus, cum pro-  
 „pter Sedis dignitatem cura omnium ad ipsum spectaret, singulis"  
 „Appellantibus Episcopis "Ecclesiam suam restituit, scripsitque  
 „ad Episcopos Orientis, & eos incusavit, quod inconsultò de  
 „hisce viris judicassent, perturbassentque Ecclesias, cum De-  
 „cretis Nicæni Concilii stare nollent. Deditque Mandatum,  
 „ut quidam illorum, omnium nomine, ad diem constitutum  
 „accederent, perspicuè declaraturi sententiam, quam de his  
 „tulerant, æquam & justam esse. Quin etiam minatus est se  
 „de reliquo non passurum eos inultos esse, nisi novis rebus  
 „studere desistant. Ista quidem scripsit Julius. Athanasius au-  
 „tem & Paulus in suas Sedes revertuntur, literasque Julii mittunt  
 „Orientis Episcopis. Quibus illi graviter commoti, conveni-  
 „runt Antiochiæ in unum, & epistolam verbis elegantibus or-  
 „natam, & disertè, ut Rhetorum mos est, compositam ad Ju-  
 „lium scribunt, eamque plenam ironiæ, & minarum non ex-  
 „pertem gravissimarum. Nam-quamquam literis suis fateban-  
 „tur Ecclesiam Romanam Primas apud omnes ferre, utpotè quæ  
 „Apostolorum schola, & pietatis Metropolis, licet auctores  
 „Christianæ Religionis primùm ex Oriente eò venissent, jam  
 „ab initio fuisset, tamen indignati sunt se posteriores ideo  
 „ferre

„ferre, quod magnitudine Ecclesiæ superarentur: Idque cum  
 „virtute, & piè vivendi Instituto essent longè superiores. Quin  
 „etiam criminis loco Julio objiciebant, quod cum Athanasio  
 „& reliquis cum eo Episcopis communicaverit. Et ægrè ad-  
 „modum ferebant, perinde ac si tum Contilium fuisset, tum  
 „ipsorum sententia abrogata. Quod factum ut iniquum, & à  
 „Lege Ecclesiastica discrepans insinularunt. His de causis  
 „cum eum ad hunc modum criminati essent, & sibi factam  
 „injuriam testati, Julio pacem & communionem pollicebantur,  
 „si modò abdicationem eorum, qui ad ipsum perfugerant,  
 „approbaret; sin autem resisteret ipsorum Decretis, contraria  
 „se facturos prædicebant. Nam Episcopos Orientis, qui ipsos  
 „antegressi fuerant, minimè refragatos esse Episcopo Roma-  
 „no, cum Novatus ab eo erat Ecclesià ejectus. Hanc schis-  
 „maticamatque hæreticam Eusebianæ Factionis epistolam Do-  
 „minus Archi-Episcopus transcribit in totam Orientis Ecclesiam;  
 „ipsam laudat, ac ex ipsa confirmat sua Dogmata, atque ita pa-  
 „lam proficitur ipsa esse Eusebiana. Ex hoc Sozomeni testimo-  
 „nio discimus, quod Julius Eusebianos bis Romam evocaverit  
 „ad retractatorium judicium: Proinde evocatio ad Sardicensem  
 „Synodum fuit tertia citatio.

Admiror verò, cur Sozomenus in isto sceleratæ epistolæ  
 compendio præter-miserit articulum de damnatione Pauli Samo-  
 satensis. Cur eundem omiserit & Socrates. Erat enim palmare  
 Fundamentum Eusebianæ audaciæ. Unde ipsum urfit in suis  
 Synodalibus literis Philippo-Politanum Conventiculum: "Et  
 „iterum quod in Oriente de Paulo Samosateno statutum est,  
 „ab omnibus est signatum". Afferunt damnationis istius Syno-  
 „dale Judicium fuisse probatum & admissum à Romana Ecclesia  
 sine novo examine, ideoque nullum ipsi esse jus circa Orien-  
 „tales Synodos. Respondeo ipsos gravissimè errasse, & in jure,  
 & in facto. Etenim ista Antiochena Synodus egit tria, quæ  
 sine prævia ad Apostolicam Sedem relatione, & accepto ab ip-  
 „sa Rescripto expleri non poterant, aut firmari. Eusebius  
 Cæsarænsis Historiæ suæ inseruit Synodi relationem ad Dio-  
 „nyfium Pontificem, sed mutilam. Suo more prætermisit illa,  
 quæ ejus non congruebant finibus. Integra Relatio nos plene  
 instruxisset. Porro hæc sunt tria istius Synodi opera: Desinie-  
 runt

runt de fide, Paulum Patriarcham degradarunt, & statim Ecclesiae imposuerunt Successorem Dominum. Quorum singula indigebant dictâ relatione, & ad ipsam Rescripto. Etenim de damnandorum Episcoporum forma scripsit ad Orientales Antistites sanctus Papa Gelasius: "Si crimine respersi erant aliquo, „Ecclesiastica debuit examinatione cognosci. Taceam, & ad „Sedem Apostolicam, ac ex more referri: Ne nostra privilegia „curare videamur. Satis sit ostendere, quid secundum regulas & Patrum Canones facere deberetis". Et infra: "Si hæretici erant, prodi, discuti, & legitimè convinci modis omnibus „debuerant. Taceo, quia ad nos Paternâ fuerat consuetudine referendum. Tantum commoneo, quid fieri Ecclesiastico jure „convenerit". Et iterum: "Quos si à fide integra, communioneque Catholica putaretis errare, ad Apostolicam Sedem, „secundum Scita Majorum, & sicut semper est factum, referre „debueratis". Quæ præsertim locum habent, dum agebatur de Patriarcha, spectante ad immediatam potestatem Romani Pontificis. Ante omnem sententiam erat necessarium præfatum Rescriptum. Ita sanè in causa sui Patriarchæ Alexandrinæ Dionysii processerunt Episcopi Pentapolitani. Ista Gelasii epistola exstat post Theodosiani Codicis appendicem, & in antiquo Codice Romanæ Ecclesiæ.

Epist. 9.

Porro qualiter Patriarchas recenter creatos tractaret olim Romanus Pontifex, exponit sanctus Gregorius in literis ad Anastasium Isauricæ Presbyterum: "Fratri nostro Cyriaco, Constantinopolitanæ civitatis Antistiti, qui nuper in Joannis Reverendissimi Episcopi loco ordinatus est, nostra volumus Scripta transmittere, sed quia non est consuetudo, ut prius quam ad nos „ejus Synodica deferatur, ei scribere debeamus, idcirco nunc distulimus". Proinde prima Romani Pontificis ad novum Patriarcham epistola erat Synodicæ approbatio, & confirmatio initi Episcopatus. Hanc consuetudinem esse antiquissimam, confirmatam à Nicæna Synodo, & Ecclesiasticæ unitati penitus necessariam, demonstrat in alia ad Orientales epistola laudatus Gelasius, atque adjungit: "Quâ ratione Majores nostri, Reverendi illi Ecclesiarum Magistri, clarissimaque illa Christiani populi lumina, quos „merita virtutum suarum usque ad confessionis gloriosissimas palmas, & Martyrii fulgentes extulerê coronas, ad illam Sedem, quam

„quam Princeps Apostolorum sederat Petrus, sui Sacerdotii sum-  
 „pta principia repleti Christi charitate mittebant, suæ inde solidi-  
 „tatis gravissima & firmitatis roboramenta poscentes". Demon-  
 „strat etiam ante Nicænam Synodum, in medio gentilium perse-  
 „cutionum æstu, viguisse istam consuetudinem, ideoque esse in-  
 „stitutionem Apostolicam. Quomoddò in isto interim se gererent  
 novi Patriarchæ, docet in Breviario Liberatus Diaconus, agens  
 de Flavita, Patriarcha Constantinopolitano, proximo Successore  
 Acacii: "Moritur Acacius, & ordinatur post eum Flavitas Pres-  
 „byter, qui non consensit sine Romano Episcopo inthronizari, Cap. 18.  
 „sed transmisit Synodicam Papæ Romano Felici, qui modico vi-  
 „vens tempore moritur, non accipiens ipsius epistolam". Proinde  
 de Græcorum Patriarchæ, Occidentalium Metropolitanarum more,  
 ante acceptam Papalem confirmationem non poterant sedere in  
 Throno, nec fungi præcipuis muneribus suæ dignitatis. Et quin  
 hæc omnia Antiochenum Concilium, & ab ipso promotus Dom-  
 nus exactissimè servaverint, non est dubitandum. Hinc enim de-  
 gradatus Paulus usque ad Papalia Rescripta contumax permanfit  
 in Episcopali Palatio, & tandem per Aurelianum Imperatorem  
 fuit jussus excedere. "Aurelianus præcepit, ut Domus Ecclesiæ Lib. 7.  
 „illis tribueretur, quibus Christiani Italix, & Urbis Romæ Epil- Cap. 24.  
 „copi per literas tribuendam præscriberent". Nempe tales literæ  
 jam advenerant, ipsasque gentilis Princeps fuit executus. No-  
 tanda item sunt hæc Antiochenæ Synodi ad Dionysium Pontifi-  
 cem verba: "Istum igitur tam Deo adversarium, & tam contu-  
 „macem, eramus coacti Ecclesiâ excludere, & alium Episcopum  
 „in ejus locum substituere. Unde Domnum designavimus, om-  
 „ni virtutum, quæ Episcopum decent, genere exornatum. Ac  
 „vos de ejus electione per epistolam certiores fecimus, ut illi scri-  
 „batis, & ab eo accipiatis communionis literas". Ei transmittunt  
 Domni Synodicam, & supplicant ad ipsam rescribi, atque ita  
 confirmari ejus Episcopatum. Sese purgant, quod tanta opera  
 sine prævia relatione attentarint: Asseverant se per intolerabilia  
 Pauli facinora fuisse compulsos. Et quin Domnus usque ad Pa-  
 palem confirmationem abstinerit Episcopali Throno, non est  
 ambigendum. Etenim qui usque tunc Episcopali Domo abstinuit,  
 & Paulum in ipsa quietum perdurare permisit, haud dubiè absti-  
 nuit & Throno. Proinde Eusebiana Factio, dum hæc omnia



sine novo Romani Pontificis examine scripsit transisse in firmitatem, erravit toto coelo.

Et hinc octavus Domini Archi-Episcopi error est, quod præfatis Antiochenæ Synodi literis respondens Julius, "non contradic-  
cit absolute supremam esse Conciliorum Orientalium authorita-  
tem, sed Athanasii tantum facto inhæret, explicandoque Judi-  
cio, quod adversus eum fuerat latum in Tyria Synodo". Pa-  
titur angustias & involvit sermones: Eum enim premit manife-  
sta veritas. Et bonum ingenium malam causam non potest ad-  
juvare. Ejus mentem non plenè assequor. Videtur asserere,  
quod circa Athanasium Julius nullum Apostolicæ potestatis aut  
Jurisdictionis Actum exercuerit, sed merè declaraverit Acta Ty-  
ria fuisse substantialiter nulla, idèdque nec curanda: Quod circa  
Athanasii à Tyria Synodo damnationem Julius non fecerit aliud,  
quam quod in Ephesina Synodo circa sancto Cyrillo inflictam à  
Joannis Antiocheni Conventiculo damnationem fecit Acacius Meliti-  
nenfis Episcopus, Metropolita secundæ Armeniæ: Censet fuisse  
Theologicum & Doctorale Judicium, nequaquam Jurisdictionale  
ac autoritativum. Sic videtur. Est verò error intolerabilis,  
pejor errore Eusebianorum. Hi enim in solo jure errabant,  
non in Facto. Censebant Julium circa Athanasium omninò  
fuisse usum autoritate, at quam non habebat, ideoque & ip-  
sum, ut Attentatorem & præsumptorem, damnarunt ac de-  
gradarunt. Dominus Archi-Episcopus vult non degradari Ju-  
lium, & tamen recusat in iplo agnoscere Apostolicam Jurisdic-  
tionem: Hinc docet ipsum nullà fuisse usum in sanctum  
Athanasium.

Sed longè aliud in literis ad Imperatorem Constantium do-  
cet Confessor Hosius: "Athanasium nos & Romana Ecclesia,  
& universa Synodus Sardicensis innocentem pronuntiavit":  
Romana Ecclesia id fecit per Julii Synodum. Et ad Eu-  
sebiu, Imperatoris Constantii Eunuchum, dixit Liberius  
Pontifex: "Athanasium non una, sed jam altera Synodus pro-  
be ab omni crimine liberum pronuntiavit, & Romana Ec-  
clesia cum pace dimisit": Refert hæc Athanasius in literis ad  
suos Monachos. Porro "pronunciare liberum aut innocentem,  
& cum pace dimittere" sunt omninò vocabula importantia  
authoritatem & jurisdictionem. Etenim hæc pax apud anti-  
quos

quos Patres & Canones est culpæ aut pœnæ reconciliatoria solutio. Quare enormi cum fiducia Petrus de Marca scribit, quod sceleratæ epistolæ respondens Julius, Orientalibus Synodis absolutè non denegaverit supremam auctoritatem. Etenim scribit post ac inter varia: "Si ut scribitis, inconcussam habet auctoritatem quælibet Synodus, & contumeliosè agitur cum Judice, cujus judicium ab aliis examinatur, considerate guæso, Dilectissimi, quinam sint qui Synodum improbant, & qui aliorum judicata rescindunt, ne singula exeutiendo certos homines gravem. Certè id quod postremò gestum, cum sit horrendum auditu, sufficit ad cætera, quæ à me omittuntur, comprobanda. Ariani à beatæ memoriæ Alexandro, quondam Alexandriæ Episcopo, ob impietatem ejecti, non solum in eo Judicio à cunctis civitatibus rejiciebantur, sed ab omnibus simul, qui ad Nicænum Concilium cojerant, anathemate seriebantur. Nihil enim erat in illorum delicto vulgare, neque in hominem peccaverant, sed in ipsum Jesum Christum. Eidem tamen ita ab universo Orbe rejecti, & per omnem Ecclesiam famosissimè notati, nunc denuò in Ecclesia, quod quidem triste vestris animis arbitramur, recipi perhibentur".

Pontifex admiratur, quod Eusebiani clament Patriarchales Orientalium Synodos esse supremas & inconcussas. Affirmat fabulam sibi ipsi non cohærere. Etenim ipsimet non solas Patriarchales, sed ipsam etiam Nicænam Synodum concutiant per appellationes ac retractationes, immò & per violentiam rescindunt. Exempla sunt in promptu. Etenim ipse Arius, & per Patriarchalem sancti Alexandri, & per Nicænam Synodum damnatus, à tantis Judiciis provocavit ad Hierosolymitanam Encæniorum Synodum: Et fuit per ipsam absolutus. Talia Eusebiani patrarunt etiam in Euzoium, Lucium, Georgium, aliosque Arianos congerones. Quin & Pistum, suum imaginarium Episcopum, similiter & Alexandriæ & Nicæne damnatum, animarunt appellare Romanam, & Julium Pontificem ad admittendam ejus appellationem studuerunt circumscribere. Videntur seditiosum hominem inflammasse ad agendum contra sanctum Athanasium, & à Romana Ecclesia postulandum Episcopatum Alexandrinum. Julius Eusebianis hæc refricat in frontem, & admiratur quod suas Orientales

Synodos

Synodos velint adeo inconcussas, ut nec per Romanam appellationem possint concuti, & non nisi cum Orientalis Ecclesiæ contumelia per Pontificem retractari. Affirmat atque demonstrat, quod Romana Ecclesia omnes afflictos, ipsam invocantes, seu ad ipsam appellantes, possit ac debeat adjuvandos suscipere; quod priores Judices ad reddendas sui Judicii rationes possit Romam evocare; quod possit tales causas retractare ex integro; quod in appellantium Sedes nullus interim consecrari possit; quod Appellantes, dum priores Judices comparere nolunt, possit revestire. Hanc potestatem sibi esse per Apostolicos Canones, ac item per Nicænos: Vetustam Romanæ Ecclesiæ consuetudinem fuisse discussam Nicææ, confirmatam, ac redactam in Scriptum.

Nunc Pontifex profequitur: "Quod non temerè aut injustè, susceperim in communionem Co-Episcopos nostros Athanasium, & Marcellum, etiam si priùs dicta sufficiant, brevibus tamen ratio vobis istarum rerum est demonstranda". In prioribus epistolæ partibus demonstravit Romanæ Ecclesiæ potestatem, nunc demonstrare pergit Athanasio & Marcello etiam esse justitiam. Exponit Athanasii causam, & concludit: "Cum igitur istiusmodi, di allegarentur, & tot testes pro Athanasio starent, & ipse tam justa pro se adferret, quid quæso nos oportuit facere? An non, quod Ecclesiastici Canonis est? Hominemque proinde non condemnaremus, sed potius reciperemus, cumque pro Episcopo, quemadmodum est, haberemus? Præter hæc omnia, annum totum & integros sex menses apud nos hæsit, vestram præsentiam, expectans, aut quotquot comparere auderent, suæque præsentia pudefecit omnes. Non enim Judicio stetit, nisi sui fiduciam habuisset: Neque sponte, sed literis nostris ad judicium vocatus comparuisset, quemadmodum vos per literas citavimus. Et tamen post tanta argumenta nos velut insolitum quiddam, agentes reprehenditis". Disertè affirmat se egisse judicialiter, secundum Canones, & secundum vetustam Ecclesiæ consuetudinem. Eodem modo demonstrat se egisse cum Marcello. Quisquis horum aliquid negat, non potest non esse Eusebianus. Leggenda est integra epistola: Scribenda non solum aureis literis, sed & in omnium cordibus. Ita omnes habebunt arma ad explodenda Commenta Domini Archi-Episcopi.

Audiamus pejora ipsius Commenta: "Sed adnotandum est non

non dicere Julium redditas à se fuisse Ecclesias Athanasio & reliquis Episcopis. Nam ea erat quæstio principalis, quæ refer-  
vata erat cognitioni Synodi, quam Julius convocaverat, rogan-  
tibus Orientalium Legatis: Tametsi negarint dein Orientales id  
se Legatis suis dedisse in Mandatis. Sanè eisdem Orientales in sua  
epistola Synodica, sub nomine Concilii Sardicensis edita, illud  
tantum conqueruntur, receptos in communionem Athanasium  
& reliquos damnatos Episcopos: Ad Julium Romam perrexit,  
sed & ad Italiæ quosdam suæ partis Episcopos, quos seducens  
per epistolarum falsitatem, ab eisdem perfacile in communionem  
receptus est. Quare cum legis apud Sozomenum, Juliam re-  
cepisse in suam communionem Athanasium ac reliquos Episco-  
pos, & unicuique eorum Ecclesiam suam reddidisse, ob curam  
videlicet universalis Ecclesiæ, quæ ei incumbit propter dignita-  
tem suæ Sedis, existimare debes restitutionem illam Ecclesia-  
rum non fuisse factam directè, sed per consequentiam, eò quod  
Episcopi illi à Julio in communionem recepti fuerint velut Epis-  
copi hujus & illius Sedis. Hominemque non condemnare-  
mus, sed reciperemus, eumque pro Episcopo, quemadmodum  
est, haberemus, inquit Julius in epistola ad Orientales.

Errores varii. Primus est, quod Julius Athanasio ac aliis Episcopis communionem reddiderit, non tamen Ecclesias. Etenim non solus Sozomenus, cujus verba sunt adducta superius, istud habet, sed etiam Socrates: "Julius, quoniam Ecclesia Romana L. 2. c. 174  
privilegium præter cæteras obtinebat, literis suis ad Episcopos  
Orientis liberius perscriptis", damnatorum Episcoporum partes  
tueri studet. In Orientem literas mittit, quo & suis cuique  
locus restitueretur, & eos qui illos temerè abdicaverant, gra-  
viter reprehenderet. Illi discedunt Româ, literisque Julii Epis-  
copi confisi, ad suas ipsorum redeunt Ecclesias: Literas, ad  
quos scriptæ erant, mittunt. Hi ubi eas acceperunt, Julii re-  
prehensionem ducunt contumeliæ loco: Concilium Antiochiæ  
convocant. Ubi simul atque convenerant, de communi omnium  
sententia Epistolam scribunt; per quam Julium contra acrius  
insimulant: Ostenduntque si qui eorum arbitrio Ecclesiâ fortè  
exacti essent, rem ab eo non debere decerni. Proinde epistola,  
quâ Julius Athanasio & reliquis reddidit suas Sedes, non est præ-  
sens, sed alia anterior. Quin ipsam Socrates & Sozomenus vi-  
derint

derint, non est dubitandum. At ipsa Eusebianos adeò offendit, ut Antiochiam abierint ad novam Synodum, Athanasiumque non tantummodò iterum damnaverint, sed insuper in ejus Cathedrali consecraverint novum Episcopum Gregorium Cappadocem, & ipsum armatâ militum manu jusserint inthronizari. Etiam in Marcelli Sedem intruserunt quemdam Basilium. Et Julio rescripserunt illorum restitutionem esse impossibile: Nec enim duos simul Episcopos posse esse in eodem Throno. Hinc Iulius reposuit: 'Esto, ut sint Athanasius & Marcellus, ut scribitis, translati è suis Sedibus, &c'. Ista Superordinationes gravissimè damnat, vult, superordinatos ejici, & reponi Athanasium atque Marcellum. Quare Petrus de Marca graviter errat, dum etiam in hac Iulii epistola scribit nullam fieri mentionem de restitutione Sedium. Quin hanc restitutionem abundè laudat epistolâ, dum affirmat Athanasio & aliis Episcopis redditam à Iulio communionem. Etenim laudat non Laicam, non Diaconalem aut Presbyteralem, sed omninò Episcopalem communionem: Quæ palam includit restitutionem Sedis. Hinc in Sardicensi Concilio prima & palmaris inter Orthodoxos & Eusebianos contentio fuit, quod isti constanter vellent, hi pertinaciter nollent Athanasium & Marcellum admitti ad Synodalem suo loco concessum atque suffragium. Nempe Iulius Pontifex illos plenè revestiverat, ac restituerat omnia. Et Petrus de Marca hæc non ignoravit. Ut veritatem effugiat, profert subtilem distinctionem restitutionis directæ à restitutione per consequentiam. Ridicula Commenta.

Secundus error est, quod quæstio de restituendis Ecclesiis fuerit principalis, reservata Synodo, quam Iulius convocaverat. Censet damnatos ac appellantes Episcopos non potuisse revestiri, nisi per & post expletum retractatorium Iudicium. Est error Eusebianus. Hæc enim facinorosa Factio in Sardicensi Synodi ingressu istud ipsum prætenderat observari in Marcello & Athanasio. Et quia non obtinuerunt, de nocte fugerunt Philippo-Polim, isthic laceraturi totam Ecclesiam. Cogor eadem repetere. Tertius error est, quod Dominus Archi-Episcopus certam & exploratam Socratis ac Sozomeni assertionem tentet evacuare per sceleratas & abominabiles literas Philippo-Politani Conventiculi. Quartus error est, quod istas literas denuò transcribat in cunctam Orientalem Ecclesiam. Quintus est, quod profiteatur se sequi Sensa istius

istius Orientalis Ecclesiæ, atque ita se palam profiteatur Eusebianum.

Non accuso quod nescio. Etenim novus Dogmatistes profectur : "Necessariam esse arbitratus sum discussionem præcipuum capitum hujus epistolæ, quod ea, æquè ac verba Sozomeni, perpèram hætenùs accepta sint ab iis, qui ea laudavère. Contendunt enim Factum Julii, quod nihil aliud est, quam velut quoddam obsequii genus ad retinendam communionem à suprema ejus jurisdictione profectum esse, atque illum eà auctoritate cassasse judicia Conciliorum Orientalium". Multiplicat errores. Primus est, quod Julii epistola, uti & adductum Sozomeni testimonium, à nullo hætenùs fuerint intellecta. Nempe etiam hæc liberanda veritas expectabat Natales aut Infulas hujus Doctoris, denuò profitentis se dogmatizare nova. Secundus error est, quod Julius erga Athanasium ac alios appellantes Episcopos non fuerit usus supremâ jurisdictione, nec per auctoritatem cassaverit Orientalium Synodorum judicia, sed eis solummodo impenderit aliquod genus obsequii. Etenim non sola Julii, sed & Philippo-Politani Conventiculi epistola disertis & apertis verbis affirmant, quod Julius Orientalis Synodi "judicium refricavit"; quod "restauraverit aliud de ipsis judicium"; quod "Orientales" prætenderit "judicandos ab Occidentalibus", atque ita prævaricatus sit Divinam legem & disciplinam. Proinde Petrus de Marca errat supra Eusebianos : Hi enim Julio denegarunt solam potestatem, ille verò insuper Actum.

Pergit errare : "Orientales Sardicæ congregati pertinaciter adhærent sententiæ Concilii Antiocheni, causasque secessionis suæ rejiciunt in Occidentales, qui adversus veterem Ecclesiæ consuetudinem cognoscere vellent de causis Orientalium. Sic enim aiunt in epistola sua Synodica". Emissa è Philippo-Politano Conventiculo. Primus error est, quod istam sceleratissimam epistolam denuò transcribat in totam Orientalem Ecclesiam. Secundus est, quod ipsam dicat scriptam Sardicæ. Tertius est, quod Occidentales, volendo de causis & judiciis Orientalium cognoscere, egerint contra veterem Ecclesiæ consuetudinem. Et quidem quod Occidentales voluerint ista agnoscere, est omnino verissimum. Et Petrus de Marca ipsum hic confitetur, atque ita evertit suam priorem assertionem, quâ dixerat Julium pro Athanasio

nasio

natio & aliis Episcopis non per jurisdictionem seu authoritatem egisse, sed solummodò per obsequium.

Dominus Archi-Episcopus ab Antiochenæ Synodi & Philippopolitani Conventiculi literis se convertit ad literas Imperatoris Constantii: "Sed quænam fuerit Orientalium mens, manifestè docet epistola Imperatoris Constantii, datà ad Ariminense Concilium, quod constabat ex Episcopis Occidentis". Hæc sunt verba epistolæ: "Non de Orientalibus Episcopis in Concilio vestro patitur ratio aliquid definiri. Proinde super his tantum, quæ ad vos pertinere cognoscit Gravitas vestra, tractare debetis". Et iterum: "Quæ cum ita sint, adversum Orientales nihil statuere vos oportet. Aut si aliquid volueritis contra eosdem, prædictis absentibus, definire, id quod fuerit usurpatum, irritò evanesceat effectu. Non enim illa vires habere poterit definitio, cui nostra Statuta testantur jam nunc robur & copiam denegari". Respondit D. Archi-Episcopus à Calcaria cadere in Carbonariam. Et tamen quod Constantius, Eusebianæ Factionis Dux, eadem cum ipsi stenderit de suprema Orientalium Synodorum autoritate, non caret veri-similitudine. Quoniam ex Factionis ore fuit cum Liberio Pontifice locutus in Mediolanensi Colloquio. Et post Philippopolitanum Conventiculum facinorosa Factio cepit illum componere inscribere Episcopum Episcoporum. Ita Principem, cætera bonum, sed humanæ gloriæ cupidum, delusit & circumscriptis.

Attamen videtur non fuisse seductus. Etenim non isti Conventiculo, sed Synodo Sardicensi videtur adhæsisse. Hinc & Athanasium, licet Philippo-Poli damnatum, quia Sardicæ absolutum, cum honorificis literis remisit in Sedem. Et contra istos dolos circumscriptores scripsit ad ipsum Hosius: "Non est prudentis in gratiam alienæ libidinis seipsum in periculum certum committere. Desine, quæso, & ausculta mihi, Constanti: Hoc enim decet & me scribere, & te non vilipendere". Quare videtur rectam habuisse fidem, & tamen ista scripsisse ad Ariminense Concilium. Etenim Constantius in Ecclesiæ Synodis agebat omnia. Hinc ad ipsas mittebat Divales literas, quibus præscribebat & tractanda, & tractandi ordinem. Explebat munus Romani Pontificis. Certè uti Frater ejus Constant, ita & Pater Constantinus non fecit talia. Ipse est author pravi operis, à quo Successores noluerunt recedere. Hinc igitur & talia Mandata misit

ad

ad Ariminensem Synodum. Nec sine causa. Etenim inter Seleucienſis Synodi Primates erant plures ſcabioli, dorſo ſuo metuentes à Romana Eccleſia. Præſertim propter Athanaſium, quem noverant abiſſe Ariminum. Item ipſum Athanaſium, quem Seleucia ſperabat damnandum, noluit deſuè abſolvi ab Ariminenſibus. Hic eſt verus fons iſtius ſacræ juſſionis. Notanda ſunt hæc verba: "Non enim illa vires habere poterit definiſio, cui noſtra Statuta teſtantur jam nunc robur & copiam denegari". Affirmant adverſa Acta non per Canones, ſed per præſata Reſcripta fore irrita. Poſſit ergo Conſtantius rectum ſenſiſſe de authoritate ac Primatu Romanæ Eccleſiæ, & Regiæ poteſtatis dumtaxat exceſſiſſe limites. Proinde etiam hoc D. Archi-Epiſcopi fundamentum eſt caducum ac ruinoſum.

## CAPUT XXIX.

*Discutiuntur D. Archi-Epiſcopi Senſa circa ſancti  
Iulii Pontificis Reſcriptum ad Antiochenam  
Synodum.*



Arias hac de re & Julius, & Athanaſius, & Eusebiani ultro citroque ſcripſerunt epiſtolas, quæ grandi Eccleſiaſtica eruditionis damno aut perierunt, aut latent. Tragædia inſcepit non proximè poſt Tyriam Synodum, ſed poſt reditum à Conſtantino Juniore Athanaſium è Gallia, quò cum magnus Conſtantinus proſcripſerat. Eusebiana Factio clamavit ipſum Tyri degradatum rediſſe ac ſedere authoritate Laicà: Hinc novæ calumniæ, nova perſecutio. Quare Athanaſius provocavit Romam, miſitque appellationis inſtrumentum per Legatos. Et ſuos miſerunt etiam Eusebiani. Quibus auditis Iulius Pontifex admittit appellationem, utramque partem evocavit Romam ad retractatorium iudicium, & Athanaſius ſtatim comparuit. Hæſit iſthic per annum & medium, expectans adverſarios. Interim acceſſerunt etiam Marcellus Ancyranus, Paulus Conſtantinopolitanus, Aſclepas Gazenſis, Lucius

N a

Adriano-



Adriano-Politanus, aliique Orientales Episcopi & Clerici, ab Eusebianis passi similes injurias, idèdque & ipsi appellantes. Hinc lapso tanto tempore, de Eusebianorum adventu desperans Iulius istos Episcopos plenè reconstituit, & cum suis literis remisit ad suas Ecclesias, mandans recipi ut integros Episcopos, & Eusebianos denud citans ad retractatorium Iudicium. Has literas palam laudat Hieronimus Sozomenus. Et ad ipsas Eusebiani adèd non attenderunt, ut abierint Antiochiam, condiderint nequissimos Canones contra Athanasium & Iulium, confirmarint Iudicium Tyrium, at insuper in Athanasii Sedem intruserint alium Episcopum. Et hæc omnia retulerunt Iulio per sceleratissimas literas, quas Sozomenus redigit in compendium. His Iulius reposuit doctissimam epistolam, quam nobis in secunda sua Apologia custodivit sanctus Athanasius. Et ipsam hic expurgare studeo à Commentis Petri de Marca.

Audiamus Commenta : " Negari certè non potest, quin aliter  
 „cà tempestate visum sit Occidentalibus. Verum longe aberant  
 „ab opinione eorum, qui nostrà ætate tractarunt de controversiis  
 „fidei, qui pronunciant appellationes Episcoporum Orientalium  
 „judicandas esse apud Urbem à summo Pontifice. Nituntur illi,  
 „ut ipsi existimant, præjudicio epistolæ Iulii Papæ, cujus sensum  
 „detorquent ad mentem suam, cum tamen ex ea constet Iura  
 „Sedis Apostolicæ temperamento quodam prudenter adhibito per  
 „eas tempestates explicari solita. Nihil enim aliud ab Orientali-  
 „bus exigebant Iulius & Romana Synodus, quam ut causæ Ec-  
 „clesiarum Apostolicarum, in primis verò Alexandrinæ, quoties  
 „de depositione Episcoporum earum Sedium ageretur, cum Pa-  
 „pa & Synodo Romana communicarentur, antequam Synodi Orien-  
 „tales cognitionem de his instituerent, ut communi sensu compo-  
 „ni possent magnæ Ecclesiæ. Quod si post Iudicium Orientalium  
 „querela manifestæ oppressionis deferretur ad Synodum Occidenta-  
 „lem, tunc retractandum esset negotium in Concilio Occidenta-  
 „lium & Orientalium. Unde constat in ea epistola non agi de  
 „appellatione, sed de prima tantum causæ cognitione, aut re-  
 „visione, neque excitatam controversiam de omnibus Episcopis,  
 „sed de his tantum, qui Apostolicis Ecclesiis præsiderent, in-  
 „primis de Alexandrino, ac tamen Iudicium reddi non debere à so-  
 „lo Romano Episcopo cum Episcopis Occidentalibus, sed ab  
 Episco-

Episcopis Occidentis & Orientis in unam sententiam conspirantibus. Ista enim colliguntur ex epistola Iulii, quâ Orientales objurgat in causa Athanasii Episcopi Alexandrini, & Marcelli Ancyranî, quos Orientis Concilia damnauerant, inconsulto Episcopo Romano". Urget hæc verba epistolæ: "Oportuit scribere omnibus nobis, ita ut ab omnibus, quod justum esset, decerneretur. Episcopi enim erant, & non vulgares Ecclesiæ, qui ista patiebantur, sed quas ipsi Apostoli suâ-met operâ ad fidem instruxerant. Cur igitur, & imprimis de Alexandrina civitate, nihil nobis scribere voluistis? An ignari estis hanc esse consuetudinem, ut primùm nobis scribatur, ut postea, quod justum est, definiri possit? Quapropter si isthic huiusmodi suspicio in Episcopum concepta fuerat, id huc ad nostram Ecclesiam referri oportuit".

Errores plurimi. Primus est, quod eâ tempestate soli Occidentales sentirent aliud. Etenim omnes Orthodoxi, etiam Orientales, semper recta senserunt. Exposita in Sedem Apostolicam ac omnem Catholicæ Ecclesiæ Hierarchiam petulantia fuit solius Eusebianæ Factionis, de qua Iulius: "Audio paucos esse istorum malorum autores". Et etiam ex his post Philippo-Politanum Conventiculum multi erubuerunt de suis facinoribus, & poenitentes ad Matrem Ecclesiam redierunt. Et demus solam Occidentalem Ecclesiam recta aut meliora sensisse. Certè etiam tunc Dominus Archi-Episcopus debebat observare regulam, quam Iuliano Eclanensi Episcopo, pro suis erroribus provocanti ad Orientalem Ecclesiam, præscripsit sanctus Augustinus: Occidentalis Ecclesia nos genuit, docuit & baptizavit, ideoque permanere nos oportet in ejus sensibus. Et quidem Dominus Archi-Episcopus etiam Occidentalem Ecclesiam calumniatur: In ipsam transcribit errorem Eusebianum. Affirmat quod ipsa olim censuerit Orientalium Synodorum judicia retractari non posse per solam Sedem Apostolicam, sed dumtaxat per Oecumenicam Synodum.

Secundus error est, quod hac ætate Occidentales illi, qui Orientalium Episcoporum appellationes pronunciant judicandas esse apud Urbem Romam à summo Pontifice, foveant opinionem deviam, alienam ab antiquis Occidentalibus. Etenim istam opinionem fovit in Florentino Concilio etiam Eugenius III. Et ipsam tandem admisit omnis Ecclesia. Etiam Orientalis, Quod

sit verus Sardicensium Canonum, anterioris Ecclesiasticæ consuetudinis, & omnium posteriorum Patrum sensus, est supra demonstratum. Porro admittor, quod Dominus Archi-Episcopus circa Romanas Orientalium Episcoporum appellationes agnoscat aliqua per istas tempestates jura Sedis Apostolicæ. Etenim jam docuit primam omnis Romani hinc juris originem esse Sardicendam Synodum: Quomodo igitur istiusmodi jura jam scribit fuisse ante ipsam? Nempe omnium fortium fortissima veritas etiam ab invictis extorquet sui confessionem.

Tertius error est, quod jam laudata veritas nitatur præjudicio epistolæ Julii. Etenim epistolæ verba sunt clarissima, ideoque nullum hic possit esse præjudicium. Licet illa superius adduxerim, volo aliqua repetere: "An non dilectionis indicium erat nos, Presbyteros misisse, qui compaterentur patientibus, & incitarent eos, qui judicium Scriptis postularant, ut præstò esse vellent, quòd primum omnia componerentur, & emendationem acciperent, ne diutius aut Fratres nostri injurias, aut vos calumnias, pateremini"? Et infra: "Quid actum est dignum offensâ? Aut, qua in re vobis, quibus scripsi, causam succensionis præbui? An, quia adhortati vos sumus, ut ad Synodum occurreretis? Atqui illud potius cum gaudio excipi oportuit. Qui enim benè sentiunt de iis quæ egerunt, & in quibus ipsi, ut aiunt, Judices fuere, non indignanter ferre solent, si quod ab ipsis judicatum est, ab aliis excutiat: Quippe qui securi sint, ea quæ ipsi, justa prædicaverunt, injusta nunquam posse fieri". Et iterum: "Quapropter indignatio eorum, qui hac citatione offenduntur, temeraria, & tergiversatio se sistendi iudicio inhonesta & suspiciosa videtur". Assiduè inculcat factas à se Eusebianorum ad retractatorium in Alma Urbe iudicium citationes: Ipsas affirmat factas secundum vetustum morem, juxta Patrum traditionem, juxta Canones Apostolicos, ideoque Eusebianos prævaricatoriè refragari. Liberius Pontifex ad Eusebium Constantii Imperatoris Eunuchum dixit esse Canones, quos sanctus Petrus tradidit Romanæ Ecclesiæ.

Quartus error est, quod epistola agat, non de Orientalium Episcoporum appellatione, sed dumtaxat de prima instantia. Quis talia audiens aut legens credat epistolam fuisse visam à Domino Archi-Episcopo? Quod epistola de sancti Athanasii, Marcelli,

ac aliorum Orientalium Episcoporum Romana appellatione, agat, est sole meridiano manifestius. Ego in tanta luce nolim verba perdere. Domini Archi-Episcopi verba etiam sibi ipsis videntur non cohærere. Etenim aiunt epistolam non "de appellatione" agere, "sed de prima tantum cognitione, aut revisione". Quis revisionem unquam dixit esse primam cognitionem? Interim epistola agit de omnibus: Et de appellatione seu revisione, & de prima insuper instantia. Prior & potior ejus pars agit de appellatione: Demonstrat Athanasium ac Marcellum ex fundamentis appellasse, ac legitimè revestitos, ideòque his Actibus fuisse per Eusebianos deferendum. Extrema tandem pars adjungit tantos Episcopos sine prævia ad Romanam Sedem relatione, & sine accepto ad ipsam Rescripto non fuisse degradandos, atque ex ista occasione quædam disputat de prima instantia. Ita demonstrat omnia Eusebianorum in tantos Episcopos Acta fuisse attentata contra Canones.

Quintus error est, quod epistola non agat de omnibus Episcopis, sed de illis tantum, qui Apostolicis præfuderunt Ecclesiis. Etenim epistola, licet solum Athanasium ac Marcellum exprimat, tamen etiam agit de Paulo Constantinopolitano, Lucio Adriano-Politano, Asclepa Gazensi, & multis aliis ex Thracia, Coele-Syria, Phœnicia, ac Palestina Episcopis, qui adversus similes Eusebianorum in se injurias Romam appellaverant. Unde ipsos diserte damnavit iterum, & in suis Synodiciis literis expressit Philippo-Politanum Conventiculum. At verò isti non præsidebant Apostolicis Ecclesiis. Eorum Ecclesiæ non erant Apostolicæ, nisi "ex consanguinitate doctrinæ". Ita in Præscriptionum libro loquitur Tertullianus. Apostolica enim Ecclesia est triplex. Prima est, quæ habet Sedem Apostolicam. Et hæ non sunt nisi tres: Romana, Alexandrina, ac Antiochena. Nec enim cujusvis Apostoli prædicatio, sed sola solius sancti Petri infessio Episcopalis facit Apostolicam Sedem. Secunda Apostolicæ Ecclesiæ species sunt istæ Ecclesiæ, quas quis Apostolus fundavit, & docuit proprio ore, aut per epistolam. Tales sunt Hierosolymitana, Corinthia, Ephesina, Philippenfis, Thessalonicensis, Ancyra, & plurimæ aliæ. Etenim sanctus Paulus non ad solam Ancyranam, sed ad omnes scripsit Galatarum Ecclesias. Et proprio ore docuit totum Il-

lyricum ac omnem Asiam, à Hierusalem usque Romam. Alii Apostoli istud fecerunt aut ibidem, aut in aliis Regionibus. Quare tales Apostolicæ Ecclesiæ sunt longè plurimæ. Singulis tamen dignitas atque autoritas semper fuit illis, quas Apostoli honorarunt suis epistolis. Tertia species sunt istæ, quæ sub Orthodoxa fide sunt postmodò fundatæ ab Apostolorum discipulis, & aliis Successoribus: Quæ in dies fundantur per Romanos Pontifices. Sunt Apostolicæ per consanguinitatem doctrinæ. Omnes simul junctæ sunt una Apostolica Ecclesia, quam profiteamur in Symbolo. Dominus Archi-Episcopus agit de prima præsertim, ac etiam de secunda specie: De illa ipsius parte, quam Apostoli honorarunt suis literis. Et rectè.

Sextus error est, quod primæ contra harum Ecclesiarum Episcopos instantiæ sententia dari non possit à solo Pontifice cum Episcopis Occidentalibus, sed dumtaxat ab Episcopis Occidentis & Orientis in unam sententiam conspirantibus. Hoc est, à solo generali Concilio. Agit præsertim de Episcopo Alexandrino. Hic enim, quoniam Patriarcha est, privativè spectat ad primam cognitionem Romani Pontificis, ideoque sine prævia ad illum relatione, & sine accepto ad ipsam Rescripto non potest ab ulla Synodo damnari. Eadem est ratio Patriarchæ Antiocheni. Item & trium Autocephalorum Exarchorum: Heracleensis, Ephesini, & Cæsarænsis. Ita fuit usque dum invasi & quasi absorpti fuerent à Constantinopolitano. Ipsorum Autocephalia tunc in istum transiit. Docet ista in literis ad Orientales Episcopos sanctus Gelasius, agens de Petro Mogo, Alexandriæ Patriarcha, quem à Romana Ecclesia damnatum Acacius Patriarcha Constantinopolitanus, quod pœnitentem crederet aut diceret, præsumpserat absolvere ac reparare: "Concedamus, pœnituisse, sed nunquam docebitur, nunquam monstrabitur, nunquam omninò probabitur ejus purgationem fuisse legitimam, quæ non est competentibus regulis celebrata. Secundæ enim Antistitem, nec expellere quisquam, nec revocare sine primæ Sedis assensu vel potuit vel debuit. Nisi forte jam ordine rerum confuso atque turbato, nec prima, nec secunda, nec tertia Sedes debeat observari vel suscipi secundum Statuta Majorum, & sublato capite, ut videmus, omnia membra vario interisse compugnent ceramine, fiatque illud quod de populo

pulo scriptum est Israël: In illo tempore non erat Dux in Israël. Unusquisque quod placitum erat in oculis suis faciebat. Quâ enim ratione vel consequentiâ illis Sedibus defendendum est, si primæ Beatissimi Petri Sedi antiqua & vetusta reverentia non deferatur, per quam omnium Sacerdotum dignitas semper est roborata atque firmata, trecentorumque decem & octo Patrum invictis & singulari Judicio vetustissimus Judicatus est honor? Affirmat hanc formam esse longè vetustissimam, non introductam, sed confirmatam à Nicæno Concilio. Et profequitur in sequenti epistola: "Sicut ergo Acacius Petrum non prius damnavit, quàm & referret & posceret Apostolicâ potestate damnum, sic & in recipiendo modum servare debuisse, ut priusquam se ei communionem mitteret, per Sedem Apostolicam posceret examinari eum, & legitimâ ratione purgari, cum nec examinandi aut recipiendi haberet ipse Pontificium, & non nisi per illius Sedis auctoritatem, consensumque hoc posset implere, sine cujus auctoritate eum non potuerat ipse damnare, & cujus principali diligentia & discuti potuit & purgari, & ad communionem convenienter admitti". Hanc Apostolicæ Sedis Prærogativam pluribus demonstrat. Et ipse Acacius, dum adhuc recta speret, eandem religiosissimè agnovit, & defendit constantissimè: Postmodò autem in reprobum sensum datus instauravit Eusebianam audaciam, tandemque à Romana Ecclesia damnatus Genti suæ reliquit lamentabile schisma Acacianum. Ex eadem regula Joannes Patriarcha Antiochenus, tertiæ Sedis Episcopus, gravissimè offendit omnem Ecclesiam, quod in suo Ephesino Conventiculo sanctum Cyrillum Alexandrinum, secundæ Sedis Patriarcham, damnare præsumpsisset sine prævio consensu primæ Sedis Romanæ. Plura sunt istiusmodi exempla. Etiam antiquissima. Etenim in sanctum Dionysium Patriarcham Alexandrinum, de gravi errore suspectum, sui Episcopi non præsumplerunt manus mittere, sed accusarunt apud sanctum Papam Dionysium. Audiamus rem à sancto Athanasio in libro de Dionysii sententia: "Dionysius Episcopus, certior factus de Pentapolitanis Episcopis, quod Sabellii errorem admitterent, zelo religionis epistolam, in qua videbatur labi in contrarium errorem, scripsit. Verùm quidam ex Ecclesia, rectè quidem sentientes, sed tamen

men

„men ignari ejus causæ, cur ita ab eo scriptum esset, Romanæ  
 „adscenderunt, ibique cum apud Dionysium Romanum Præ-  
 „sulem accusaverunt”. Petrus de Marca vult Clericos, alii  
 credunt fuisse Episcopos. Quidquid sit, Antiochena Synodus  
 istud ipsum debuerat facere circa Paulum Samosatensem: Dis-  
 pensatoriæ prætermissionis causas supra exposui. Quare & Eu-  
 lebianam Factionem, quod sine suo prævio consensu fuerit  
 ausa involare in sanctum Athanasium, rectissime hic reprehen-  
 dit Papa Julius. Urget violatam fuisse antiquam consuetudinem:  
 „An ignari estis hanc consuetudinem esse, ut primum nobis  
 „scribatur, ut postea quod justum est, definiri possit? Qua-  
 „propter si isthic hujusmodi suspicio in Episcopum concepta  
 „fuerat, id huc ad nostram Ecclesiam referri debuit”.

Notanda sunt verba: “Primum nobis scribatur. Ad nostram  
 „Ecclesiam referri oportuit”. Exponunt priora verba: “Oportuit  
 „scribere omnibus nobis”. Utique in hac Romana Synodo præ-  
 sentibus. Erant autem soli Episcopi Romanæ Provincie nume-  
 ro quinquaginta. Ista Synodus est Sedes Apostolica. Quare Pe-  
 trus de Marca per istos omnes perpetam intelligit Synodum totius  
 Occidentis. Hinc & graviter errat, quod ad damnandum Pa-  
 triarcham velit non sufficere Provinciam Romani Pontificis Sy-  
 nodum, sed requiri Concilium totius Ecclesie. Est error Para-  
 doxus. Nullo fulcitur Canone, nullo testimonio, nullo exem-  
 plo. Quin immò sunt contraria exempla. Etenim Domnum An-  
 tiochie Patriarcham ex frivola causa damnavit ac eiecit Ephesium  
 Latrocinium: erat sententia palam nulla. Et ob causam defici-  
 entem, & ob defectum potestatis. Et tamen ipsam ex alia cau-  
 sa confirmavit, seu potius de novo tulit sanctus Leo, atque ita  
 Domnum solus damnavit. Et ejus judicium probavit & admisit  
 omnis Chalcedonenſis Synodus. Etiam Acacium Constantinopo-  
 litanum damnavit solus Felix III. Et sanctum Dionysium Alex-  
 andrinum, licet non damnaverit, tamen discussit ac judicavit so-  
 lus cum sua Synodo Papa Dionysius. Sunt & alia exempla.

Quæstio est, Quo fundamento Julius Patriarchalium ac Epi-  
 scarum Ecclesiarum privilegium extendat ad Ancyranam Eccle-  
 siam? Quomodo dicat etiam Marcellum ab Orientali Synodo ju-  
 dicari non potuisse sine prævia relatione, ac prævio consensu Se-  
 dis Romanæ? Respondeo istud, quidquid dicat Petrus de Marca,

non

non fundari in dignitate Apostolicæ Ecclesiæ. Etenim Ancyra-  
na Ecclesia erat solius Galatiæ Metropolis, subiecta Exarchicæ po-  
testati Cæsariensis Sedis in Cappadocia, ideoque proximo & ple-  
no jure spectans ad ejus judicium. Et inter Apostolicas Ecclesias  
multæ erant dumtaxat Suffraganeæ. Etiam inter istas, quas san-  
ctus Paulus honoravit suis epistolis, talis fuit Ecclesia Colossen-  
sis. Nulla proinde fuit ipsis exemptio, nullum circa suorum An-  
tistitum damnationem aut alia judicia privilegium. Istarum Ec-  
clesiarum dignitas, quam Petrus de Marca rectè commendat, con-  
sistit in aliis capitibus. Ipsa exposui in Scholiis ad Præscriptiones  
Tertulliani. Proinde dico istam exemptionem non fuisse factam  
à Julio. Solummodò dicit, quod prævia relatio & prævius Ro-  
manæ Ecclesiæ consensus omnino expediisset circa utrumque Epis-  
copum. Quod nempe essent Episcopi, & non vulgares ipsorum  
Ecclesiæ. Vocem, "Episcopi", emphaticè accipit, non pro solo Epis-  
copali gradu, sed pro summis in ipso meritis, hoc sensu: Erant  
non tales quales, sed Episcopi summorum meritorum. Respicit  
heroica Marcelli contra Arianos Acta apud Nicænam Synodum.  
Addit tamen præviæ relationis necessitatem fuisse circa Athana-  
sium. Hinc de ipso solo concludit: "An ignari estis hanc con-  
suetudinem esse, ut primum nobis scribatur, &c".

Dominus Archi-Episcopus pergit urgere Apostolicarum Eccle-  
siarum dignitatem. Pergit docere, quod ipsarum Antistites de-  
beant judicari à Concilio totius Ecclesiæ, & prosequitur: "Sed  
inprimis causam Athanasii urget Julius, adfertque consuetudi-  
nem jam introductam, à Dionysio nimirum Episcopo Alexan-  
drino, quem cum Clerici ejus hæreticum suspicarentur, & ob  
id querelam adversus ipsum detulissent ad Sedem Apostolicam,  
ipse accusationem hanc purgavit scriptâ ad summum Pontificem,  
epistolâ. Unde concludit Julius monendum se fuisse, si quid  
suspicionis exortum esset Alexandriæ adversus Athanasium. Huc  
enim tendit oratio Julii. Jus verò suum accersit à facto Dio-  
nysii. Cæterum causam judicari debere scribit ab omnibus, non  
autem à se solo". Et post quædam, quibus Eminentissimum  
Cardinalem Perronium arguit de pravo intellectu! Papalis epistolæ,  
concludit: "Attamen certum est nihil aliud ex his verbis elici  
posse, quam eam esse Ecclesiæ Alexandrinæ consuetudinem, ut  
primum ad summum Pontificem scribatur, ut deo decerni pos-  
sit



„sit quod æquum videbitur, id est, communi omnium suffragio,  
 „ut antea dixerat. Cæterum hic observandum est, satis auda-  
 „cter Julium tribuere consuetudini exemplum semel usurpa-  
 „tum”.

Respondeo Julium, Pontificem doctissimum atque sanctissi-  
 mum, à Domino Archi-Episcopo audacter accusari de audacia.  
 Etenim laudatam ab ipso consuetudinem audivimus jam à sancto  
 Gelasio esse antiquissimam, usitatam olim à sanctis Martyribus &  
 Confessoribus, & postea confirmatam à Nicæno Concilio. Li-  
 cet nos ignoremus alia exempla, certum est aliqua alia fuisse no-  
 ta sancto Gelasio. Et cur Julius respexisse non possit etiam Acta  
 circa Paulum Samosatensem? Arabici Canones sanciant: ” Ut non  
 „admittatur querela Archi-Episcopi contra suum Patriarcham de  
 „ullo peccato, neque reprehensio, neque iudicium nisi adhibito al-  
 „tero Patriarcha, uno ex Fratribus ejus. Et nullus in hac re ac-  
 „cusatori Archi-Episcopo faveat, neque cum eo consentiat, nisi au-  
 „thoritate alterius Patriarchæ”. Scio hunc Canonem aliter intel-  
 ligi ac transferri ab Abrahamo Ecchelenfi: Nihilominus hæc tran-  
 slatio videtur verior. Et ex tali regula Antiocheni Patriarchatus  
 Metropolitæ ad accusandum & iudicandum suum Patriarcham Pau-  
 lum videntur advocasse, ac suæ Synodo adjunxisse sanctum Dio-  
 nysium Patriarcham Alexandrinum, & sanctum Firmilianum Pri-  
 matem Cæsaræensem. Verum quod ad tale opus requiratur Oe-  
 cumenica totius Ecclesiæ Synodus, nullus suadet Canon, nullum  
 testimonium, nullum exemplum. Sancti Julii verba, ” Ut ab  
 „omnibus decernatur”; sunt alienissima ab isto errore.



## CAPUT XXX.

*Discutiuntur Sensa D. Archi-Episcopi circa epistolam  
sancti Damasi Pontificis, & Romana Synodo scrip-  
tam ad Imperatorem Theodosium.*



Ominus Archi-Episcopus videt Julii epistolam à L. 7. C. 4. se detorqueri, ideoque alia suis Commentis venatur arma : " Si quis in dubium vocare velit interpretationem epistolæ Julii à me proposi- tam, quoad jus quod sibi vindicabant Occiden- tales, is meâ sententiâ cedere saltem debet au- thoritati Concilii Italici, cui inter-fuit sanctus

Ambrosius. Sentiant hujus Concilii Patres in Synodica ad Im- peratorem Theodosium epistola, Maximum qui Constantinopo- lios Episcopus fuerat ordinatus, cum in Synodo Constantinopo- litana depositus fuisset, captatâ occasione Concilii generalis, quod Imperatores Romani convocaverant, ad Apostolicam Sedem ac- cessisse, ibique expostulasse de sua depositione, ac de Nectarii Ordinatione in locum suum. Attamen Occidentales, tamen si Maximum in-suam communionem receperint, nihil quoad Epis- copatum decernere voluisse absentibus Episcopis Orientalibus, qui Constantinopoli subsisterant pro celebranda Synodo". Nos igitur in Synodo ea, "inquirunt", quæ totius Orbis Episcopis vi- debatur esse præscripta, nihil temerè statuendum esse censuimus. "Angi se nihilominus, quod ex ea causa interrupta esset Eccle- siarum communio. Orientales enim, cum intellexissent Maximum Romam esse profectum, ut illic causam suam reficari procu- raret in Synodo, ad quam universi Orbis Episcopi invitati erant, nolle ad eam accedere. Tunc adferunt vetustam consuetudinem usurpatam ab Athanasio, Petro Alexandrino, & à plerisque Orien- talium Episcopis, qui judicium expetierant non solum Ecclesiæ Romanæ, sed etiam Italiæ, ac totius Occidentis. Unde conclu- dunt Orientales, cum Maximus ad Episcopos Occidentis accesserit, præstolari debuisse eorum sententiam in causa Maximi. Ne

„quis verò existimet eos solos velle negotium illud terminare,  
 „declarent se nihil aliud cupere, nisi ut hæc causa in Concilio  
 „judicaretur ab Episcopis Occidentalibus & Orientalibus“. Et ad-  
 „ducit verba epistolæ: " Nam cum" Orientales Episcopi "cogno-  
 „vissent ad hoc partium venisse Maximum, ut causam in Syno-  
 „do ageret suam, quod etiam si indictum Concilium non fuisset,  
 „jure & more Majorum, sicut & sanctæ memoriæ Athanasius,  
 „& dudum Petrus, Alexandrinæ Ecclesiæ Episcopi, & Orienta-  
 „lium plerique fecerunt, ut ad Ecclesiæ Romanæ, Italiæ, & to-  
 „tius Occidentis confugisse iudicium viderentur; cum eum, si-  
 „cut diximus, experiri velle adversum eos, qui Episcopatum ejus  
 „abnuent, comperissent, præstolari utique etiam nostram super  
 „ea sententiam debuerunt. Non Prærogativam vindicamus exa-  
 „minis, sed consortium tamen debuit esse communis arbitrii". Et  
 „infra: " Nec quædam nos angit de domestico studio & ambitio-  
 „ne contentio, sed communio soluta & diffociata perturbat. Nec  
 „videmus eam aliter posse convenire, nisi aut is reddatur Con-  
 „stantinopoli, qui prior ordinatus est, aut certe super duorum Or-  
 „dinatione sit in Urbe Roma nostrum, Orientaliumque iudicium,  
 „Neque enim indignum videtur, Auguste, ut Romanæ Ecclesiæ  
 „Antistitis, finitimorum, & Italarum Episcoporum debeant sub-  
 „ire Tractatum, qui unius Acholti Episcopi ita expectandum  
 „putaverunt iudicium, ut de Occidentalibus partibus Constantino-  
 „polim evocandum putarent. Si quid huic uni reservatum est,  
 „quantò magis pluribus reservandum est? Nos autem à beatissi-  
 „mo Fratre tuæ Pietatis admoniti, ut tuæ Clementiæ scriberemus  
 „Imperio, postulamus, ut ubi una communio est, & commune  
 „velit esse iudicium, concordantiumque consensum".

Ex his Dominus Archi-Episcopus concludit: " Quod si tunc  
 „temporis auctoritas Concilii Sardicensis valuisset, occasio videli-  
 „cet opportunitissima repeita erat, quâ vocaretur in usum. Nul-  
 „lum autem ejus mentionem faciunt Episcopi Occidentales, nihil-  
 „que aliud contendunt, quàm ut unà cum Orientalibus cognos-  
 „cere possint de causâ depositionis Episcopi Constantinopolitani.  
 „Eam ob causam Theodosium orant, ut Concilium universale  
 „apud Urbem Romam celebrari jubeat, eamque sibi videri uni-  
 „versam rationem revocandæ communionis inter Orientales & Occi-  
 „dentales. Attamen Occidentalibus satis-factum est epistolâ Syno-  
 „dicâ

„dicā Orientalium, quam ex Concilio Constantinopolitano scrip-  
 „serunt ad Damasum & ad Synodum Romanam, quā Italos orant,  
 „non ut confirment ea, quæ in hac Synodo Constantinopolitana  
 „acta erant, sed ut charitate spirituali ipsis gratulentur propter  
 „Ordinationes Ecclesiarum Constantinopolitanæ, Antiochenæ, &  
 „Hierosolymitanæ, quibus præfecti erant Nectarius, Flavianus,  
 „Cyrillus”.

Respondeo hic etiam non deesse errores. Rei series est bre-  
 viter exponenda. Imperator Valens Arianismo insecit omnem Orien-  
 tem : Præsertim Constantinopolim. Exceptâ tamen Cappadociâ,  
 quæ per magnum Basilium, ac sanctum Gregorium Nazianzenum  
 permansit quasi propugnaculum Catholicæ Fidei. Per Valentis mor-  
 tem cessavit persecutio. Hinc pauci apud Constantinopolim resi-  
 dui fideles, nec non & vicini Episcopi rogaverunt præfatum Gre-  
 gorium, ut dignaretur Regiam civitatem accedere, suâ doctrinâ  
 ac zelo reparaturus fidem atque Ecclesiam. Et Gregorius venit.  
 Non ut Episcopus, sed ut Missionarius. Et primò, quod Ariani  
 haberent omnes Ecclesias, est concionatus sub Dio, ideoque & ab  
 Arianis passus solemnes lapides. Et habitavit pauper in modico  
 Conducto. Postmodò acquisivit exiguam Ecclesiam sanctæ Ana-  
 stasiæ. Tandem Theodosius accepit Orientale Imperium, & sta-  
 tim Gregorio tradidit Cathedralē Ecclesiam. Et iussit isthic es-  
 se Episcopum. Quare Petrus Patriarcha Alexandrinus ipsum in-  
 thronizavit per literas. Omnium primus. Et ejus iudicium secuti  
 sunt plures Episcopi. Verùm nescio quis Constantinopolitanæ  
 Ecclesiæ Presbyter oderat Gregorium, atque ita Petrum per ca-  
 lumnias perduxit in contrariam sententiam. Quapropter hic ve-  
 nit Constantinopolim, & intra privatas aedes, quod Ariani adhuc  
 tenerent Ecclesias, in illius civitatis Episcopum consecravit Maxi-  
 mum Cynicum. Ea res movit totum Orientem : Arianis moti-  
 bus hunc super-addidit. Plurimi enim diligebant Gregorium. Por-  
 rò Orientalem Ecclesiam purgaturus & pacaturus Papa Damasus,  
 ab Imperatore Theodosio rogavit generalem Synodum, faciendam  
 Romæ : Et impetravit. Verùm Orientales Episcopi ex causis no-  
 luerunt Romam accedere, Synodum egerunt Constantinopoli, ac  
 ex istius civitatis Episcopatu non solum Gregorium, sed etiam Maxi-  
 mum ejecerunt, ac imposuerunt Nectarium, adhuc Catechumenum.  
 Addiderunt schisma schismati, & eidem Ecclesiæ dederunt tres

Episcopos. Hæc sunt successivè facta per duas in eadem civitate Synodos. Prima ejecit Maximum, & stabilivit Gregorium; secunda Gregorium abiecit, & superordinavit Nectarium. Hinc Maximum appellavit Romam: Accessit ad isthuc adunatam sub Damaso Occidentalem Synodum. Et ejus appellatio fuit admissa. Rationem dat præfata Romanæ Synodi ad Theodosium epistola: "Nectarii Ordinatio quem ordinem habuerit, non videmus. Namque in Concilio nuper, cum Maximus Episcopus Alexandrinæ Ecclesiæ communionem manere secum, lectis Petri sanctæ memoriæ Viri literis, prodidisset, ejusque intra privatas ædes, quia Ariani Basilicas adhuc tenebant, secretum esse mandatoribus Episcopis ordinantibus, dilucidâ testificatione docuisset, nihil habuimus, in quo de Episcopatu ejus dubitare possemus, cum vim sibi repugnanti à plenisque etiam de populo & Clero testatus esset illatam". Et infra: "Quia reverà advertebamus Gregorium nequaquam secundum traditionem Patrum Constantinopolitanæ Ecclesiæ sibi Sacerdotium vindicare". Et rursùm: "Nectarium autem cum nuper nostra Mediocritas Constantinopoli cognoverit ordinatum, cohærere communionem nostram cum Orientalibus partibus non videmus. Præsertim cum ab eisdem Nectarius dicatur illic sine communionis consortio destitutus, à quibus fuerat ordinatus. Non mediocris igitur hic scrupulus. Nec quædam nos angit de domestico studio & ambitione contentio, sed communio soluta & dissociata. Nec videmus eam posse aliter convenire, nisi aut is reddatur Constantinopoli, qui prior est ordinatus, aut certè super duorum Ordinatione sit in Urbe Roma nostrum, Orientaliumque Concilium". Maximi ordinationem, quia priorem tempore, & bonis nixam principiis, ducunt legitimam, ideòque ejus appellationem scribunt à se admissam. Et ipsum revestiverunt: "Itaque cum Maximum Episcopum in communionem receperunt nostra consortia, quoniam cum constat à Catholicis Episcopis ordinatum, nec nos ab Episcopatus Constantinopolitani putavimus petitione removendum". Per sua Consortia intelligunt Alexandrinam Ecclesiam, omnem Ægyptum, ac omnem communionem Paulini Patriarchæ Antiocheni. Ab his, Maximum recipientibus, aiunt se non posse dissociari. sine ipsum admittunt uti Constantinopolitanum Episcopum, reſectiunt, & omnia parant ad retractatorium Judicium. Rectè  
asserunt

asserunt hunc scrupulum non esse mediocre. Erant & plures gravissimæ quæstiones, spectantes ad fidem & pacem utriusque Ecclesiæ. Hinc generalem, Romæ celebrandam, & semel à Principe concessam, Synodum censent per-necessariam, ideoque rogant ipsam concedi denuò, & Orientales Episcopos ad ipsam compelli.

Primus ergo D. Archi-Episcopi error est, quod Romana ista Synodus, absentibus Orientalibus Episcopis, de Maximi Episcopatu nihil voluerit decernere. Etenim decrevit admittendam ejus non dumtaxat appellationem, sed & communionem, ipsum revestivit, atque admisit ad retractatorium Judicium. Hocce tamen Judicium, quia non mediocres comprehendebat scrupulos, inchoare noluit, nisi in communi Synodo. Maximum revestivit ad illum modum, quo antea vestitus fuerat. Etenim ipse nunquam fuerat pacificus Possessor istius Ecclesiæ. Uti Nectarius ipsi, ita ipse fuit superordinatus Gregorio. Romana Synodus ipsum reponit in istum statum. Notanda sunt Epistolæ verba: "Nam cum cognovissent" Orientales Episcopi, qui generale Romanum Concilium declinaverant, & particulare Constantinopoli celebrabant, "ad hoc partium venisse Maximum, ut causam in Synodo ageret suam, cum eum experiri adversum eos, qui Episcopatum ejus abnuerant, comperissent, præstolari utique etiam nostram super eo sententiam debuerant". Affirmant Maximum ante Nectarii Ordinationem provocasse, ideoque istam debuisse suspendi, & esse non veram Ordinationem, sed attentatam & damnatam Superordinationem. Utique damnatam per Canones Sardicenses.

Et hinc secundus D. Archi-Episcopi error est, quod isto tempore apud Occidentales non viguerit Sardicensis Concilii auctoritas, & hæc epistola nullam faciat ipsius mentionem. Etenim uti D. Archi-Episcopus, dum hæc Commentaria scripsit, nullam Grammatices aut Dialectices mentionem fecit, & tamen scripsit ex ipsarum Regulis; ita sanctus Ambrosius, & alii Romanæ Synodi Patres in hac sua epistola, ac item in suis Synodalibus Actis tractarunt Synodum Sardicensem. Uti Logicales regulæ, ita & sacri Canones dividuntur in docentes & utentes. Attamen hæc Synodus Sardicenses Canones non explevit ad literam, sed ex causis fuit usæ aliquo dispensatorio

tem-

temperamento. Etenim Nectarium, quoniam pendente Romanæ appellatione promotum, isti Canones mandabant ejici ut illegitimè superordinatum: At Patres dissimularunt. Permiserunt ipsum non quidem sedere, sed pendere. Ulque ad retractatorium in generali Synodo Judicium. Nempe quod esset quæstio non mediocrium scrupulorum. Et propter pacem utriusque Ecclesiæ. Dissimularunt sub hac conditione: "Angit nos soluta & dissociata communio. Nec videmus eam posse aliter convenire, nisi aut is reddatur Constantinopoli, qui prior est ordinatus, aut certè super duorum Ordinatione sit in Urbis Roma nostrum, Orientaliumque Concilium". Gregorii promotionem habent pro manifestè nulla, ideoque dum hæc non admitteretur conditio, voluerunt Maximum plenè revestiri ac inthronizari.

Tertius error est, quod Ecclesiarum Communio fuerit tunc soluta ac dissociata propter Ordinationem Maximi. Etenim hujus dissociationis causa est longè antiquior. Eam exponit exordium epistolæ. Laudat Theodosium, quod Orientalem Ecclesiam expurgavit ab hæresibus, & prosequitur: "Atque utinam Catholicos ipsos reverentiæ veteri reddidisses, ut nihil novarent contra Præscripta Majorum, nec temerè vel servanda rescinderent, vel rescindenda servarent. Itaque dolentius fortè, quam inconsultius ingemiscimus facilius potuisse expelli hæreticos, quam inter Catholicos convenire. Quanta enim nuper confusio facta sit, explicari non potest. Scripseramus dudum, ut quoniam Antiochena civitas duos haberet Episcopos, Paulinum atque Meletium, quos fidei concinere putabamus, aut inter ipsos pax & concordia salvo ordine Ecclesiastico conveniret, aut certe si quis eorum, altero superstite, decessisset, nulla subrogatio in defuncti locum, superstite altero, gigneretur. At nunc Meletio defuncto, Paulino superstite, quem in communione nostra mansisse, consortia, quæ à Majoribus inoffensè ducta, testantur, contra fas atque Ecclesiasticum Ordinem, in locum Meletii non tam subrogatus, quàm superpositus asseritur. Atque hoc factum allegatur consensione & consilio Nectarii, cujus Ordinatio quem ordinem habuerit, non videmus". Ecclesia Antiochena dudum fuit in schismate propter ejectum ab Arianis sanctum Eustatium, quem ipsa Nicæna Synodus isti Ecclesiæ dederat Episcopum. Postmodò

modò habuit duos Catholicos Episcopos, Paulinum ac Meletium; Romana, omnis Latina, Alexandrina, omnis Ægyptia, ac plures per Orientem Ecclesiæ Paulinum, aliæ agnoverunt Meletium. Post varia conventum est inter partes, atque juratum, ut altero defuncto superstes esset solus & solidus Episcopus, atque amorum Clerus & populus adunaretur in unam pacificam communionem. Interim Romana cum aliis præfatis Ecclesia communicabat soli Paulino, & solis ipsi communicantibus, atque ita erat dissociata communio. Non à toto Oriente, sed ab illis duntaxat Ecclesiis, quæ Paulinum averfabantur, communicantes soli Meletio. Quædam enim Orientis Ecclesiæ indifferenter communicabant ambobus, atque ita etiam istis dispensatoriè communicabat Romana Ecclesia. Porro Constantinopolitana Synodus admisit Meletium, & exclusit Paulinum. Insuper in defuncti apud se Meletii locum promovit & admisit Flavianum, atque ita gravissimè offendit Romanam Ecclesiam. Hinc ipsa dissociavit suam communionem à tota Synodo, & sanxit ipsam non resociandam, nisi Orientales Episcopi venirent Romam, ac illic in communi Synodo retractarent & sospirent omnia. Ejusdem dissociationis meminit Aquileiensis Synodus in sua secunda epistola ad Imperatores Gratianum ac Theodosium. Affirmat à Sucorum monte, qui Thraciam à Dacia, adeoque Occidentale Imperium ab Orientali dividit, usque ad Oceani fines, id est, per totum Occidentale Imperium, esse plenam fidei inter Ecclesias pacem; agit Principibus gratias, quod idem Dei beneficium Orienti præstiterint, expellentes hæreticos, & Catholicis reddentes Ecclesias; ac prosequitur: "Sed  
 33 tamen quoniam invidia Diaboli nunquam quiescere solet, in-  
 33 ter ipsos Catholicos audivimus crebras dissensiones, impacata-  
 33 tamque discordiam. Unde toto confundimur affectu, quod  
 33 innovata pleraque comperimus, eosque gravari nunc, quos  
 33 oportuit adjuvari, qui in nostra semper communione dura-  
 33 bant. Denique Alexandrinæ Ecclesiæ Episcopus Timotheus,  
 33 sed & Antiochenæ Paulinus, qui semper nobiscum commu-  
 33 nionis intemeratam habuere concordiam, dissensionibus alio-  
 33 rum, quorum fides superioribus temporibus hæsitabat, feruntur  
 33 urgeri. Quos quidem, si fieri potest, & fides plena commen-  
 33 dat, ad consortia nostra optamus adjungi; sed ita ut vetustæ



„communione sociis sua Prærogativa servetur, quorum nobis  
 „hæc non superflua cura est. Primò omnium, communionis societas  
 „nullam debet habere offensam. Deindè, quia utriusque par-  
 „tis dudum accepimus literas, præcipuèque illorum qui in An-  
 „tiochiæ dissidebant Ecclesia. Et quidem nisi hostilis impedi-  
 „mento fuisset irruptio, aliquos etiam de nostro numero dis-  
 „posueramus illò dirigere, qui Sequestres & Arbitri refunden-  
 „dæ, si fieri posset, pacis existerent. Sed quia studia nostra  
 „tunc temporis habere effectum per tumultus publicos neque-  
 „verunt, oblatas Pietati vestræ nostras opinamur preces, quibus  
 „juxta partium Pactum poposcimus, ut altero decedente, pe-  
 „nes superstitem Ecclesiæ jura permanerent, nec aliqua super-  
 „ordinatio attentaretur. Ideoque petimus vos, ut & Alexan-  
 „dræ Sacerdotum Catholicorum omnium Concilium fieri cen-  
 „seatis, qui inter se plenius tractent atque definiant, quibus  
 „impartienda communio, quibus sit obseranda”.

Epistola est scripta per sanctum Ambrosium, ex Aquileiensis  
 Synodo, cui adfuerunt septem Gallicani Episcopi, Legati totius  
 Diocesis: Erat Patriarchalis Synodus, atque ita ex ipsa etiam  
 lucet Gallicanam Ecclesiam ab ista Synodo non fuisse exemptam. Epi-  
 stola est scripta ante Constantinopolitanam Synodum, & affirmat  
 varia. Primò, quod in Orientali Ecclesia, etiam post ejectos à  
 Theodosio hæreticos, & redditas Catholicis Ecclesias, permane-  
 rent crebræ dissensiones ac impacata discordia. Secundò, quod  
 per istud malum gravarentur illi, qui in fida Occidentalis Eccle-  
 siæ communionem semper perstitissent, ideoque debebant adjuvari.  
 Tertiò, quod inter istos gravatos essent etiam Timotheus Alexan-  
 drinus, ac Paulinus Patriarcha Antiochenus. Quartò, quod ista  
 gravamina inferrentur per eos, quorum fides superioribus tempo-  
 ribus hæsitavaret. Nempe per Meletii discipulos & comunica-  
 tores, quorum plures, uti & ipse Meletius, antea Ariani fuerant,  
 aut certè de errore suspecti. Quintò dicit, quod hos omnes op-  
 tet admitti aut manere intra Ecclesiæ gremium, attamen sine præ-  
 judicio vetustæ communionis, cui custodiri debet sua Prærogati-  
 va, & caveri ejus offensam. Sextò, quod hæc vetusta communio  
 præsertim sit apud Antiochiam: Videlicet ejus Patriarcham Pauli-  
 num. Ipse enim reverà successerat sancto Eustatio, & fuerat con-  
 secratus per Luciferum Calaritanum Episcopum, Legatum Sedis  
 Apostoli

Apostolicæ; at verò Meletius intrusus Arianis successerat, per  
 eisdem intrusus & ipse. Septimò dicit, quod utraque, & Pau-  
 liniana & Meletiana, istius Ecclesiæ communio invocasset jam pri-  
 dem Romanam Ecclesiam: Et quod hæc parassèt eò Legatos trans-  
 mittere, sed impedita fuisset per bellicos motus. Octavò, quod  
 eadem Romana Ecclesia tunc Principibus supplicassèt, ut juberent  
 custodiri Pacta inter Paulinum & Meletium inita, cum juramento  
 sancientia, ut altero defuncto non attentaretur Superordinatio, sed  
 superstes haberet plena jura Ecclesiæ. Ad hæc per Orientem com-  
 ponenda Patres. Aquileienses rogant etiam apud Alexandriam indi-  
 ci Synodum, utique præparatoriam ad Oecumenicam Romanam.  
 Nulla fit mentio Maximi aut Nectarii: Quod nempe ille necdum  
 degradatus, hic necdum esset ordinatus. Proinde vera & unica  
 causa, ex qua ante Constantinopolitanam Synodum dissociata fuit  
 Ecclesiarum communio, erat sola discordia Antiochenæ Ecclesiæ.  
 Dominus Archi-Episcopus pro se urget hæc verba: "Nec vide-  
 mus eam posse convenire, nisi aut is reddatur Constantinopoli,  
 qui prior est ordinatus". Respondeo verba respicere audaciam  
 Nectarii, qui non solum se intrudi permiserat in Sedem Constan-  
 tinopolitanam, sed insuper fuerat author Flavianum contra jurata  
 Pacta intrudendi in Sedem Antiochenam. Ita Eustatianum istius  
 Ecclesiæ Schisma innovarât & auxerat, ac insuper addiderat Schis-  
 ma Ecclesiæ Constantinopolitanæ. Et alterum cum altero inso-  
 lubiliter intricaverat. Etenim universam Constantinopolitanam  
 Ecclesiam à Paulini ad Flaviani communionem abstraxerat, atque  
 ita etiam separarât à communione Romanæ Ecclesiæ. Romanæ  
 Synodi Patres censuerunt hæc omnia in ordinem & pacem non pos-  
 se redigi, nisi per Nectarii ejectionem ac inthronizationem Petri,  
 aut certè per generale Concilium.

Quartus Domini Archi-Episcopi error est, quod Occidentales  
 Episcopi circa Maximi appellationem nihil aliud contenderint, quam  
 ut unâ cum Orientalibus cognoscere possent de causa depositionis  
 Episcopi Constantinopolitani. Quod istud retractatorium Judi-  
 cium, ideoque & ipsa appellatio fieri non potuerint ad solam Ro-  
 manam Ecclesiam, sed dumtaxat ad generalem totius Ecclesiæ  
 Synodum. Est error alienissimus à textu epistolæ: "Ut causam  
 in Synodo ageret suam, quod etiamsi indictum Concilium non  
 fuisset, jure & more Majorum poterat". Vox, "Poterat", est

supplenda. Istud jus ac iste mos constant per exempla sancti Athanasii, ejus Successoris Petri, ac aliorum Orientalium Antistitum, qui non ad generalem Synodum, sed solummodò ad Romanæ Ecclesiæ, Italiæ, aut totius Occidentis Episcopos confugerunt & appellarunt. Et epistola adjungit: "Neque enim indignum videtur, ut Romanæ Ecclesiæ Antistitis, finitimorumque, & Italicorum Episcoporum, debeant subire Tractatum". Totius Occidentis, quos antea expresserat, jam prætermittit Episcopos. Quod nempe nec totam Romani Patriarchatus Synodum censeat necessariam ad retractandas appellationes Orientalium Antistitum. Quin immò nec tota finitimorum ac Italicorum Synodus est necessaria. Verùm hæc tunc simul confidebat, ideoque epistola dicit non esse indignum, ut Orientalis Ecclesia subit ac obediat ejus retractatorio Judicio.

Proinde Generalis Synodus in isto casu non fuit necessaria, nisi ex voluntate sancti Damasi, qui suo sapientissimo consilio judicavit ita expedire. Ob duas causas. Primò, quod harum questionum scrupulus non esset mediocris. Erat enim intricatissimus ex pluribus & gravissimis totius Ecclesiæ contentionibus. Secundò, quod tota Constantinopolitana Synodus degradasset appellantem Maximum, ac superordinasset Nectarium, adeoque tota esset ex Judice demutata in ream, & sic facta obnoxia Romanæ evocationi. Ex eadem regula sanctus postea Leo totum Ephesinum Latrocinium evocavit Romam ad audiendum retractatorium Judicium sancti Flaviani, & ejus Collegarum in degradatione, ac Romana appellatione. Et tandem adesse jussit apud Chalcedonem. Et ejus Principem Dioseorum jussit stare inter Reos. Et palam professus est hæc à se agi juxta Sardicenses Canones. Quare secundum ipsos egit etiam sanctus Damasus.

Notanda sunt & hæc epistolæ verba: "Non Prærogativam vindicamus examinis, sed consortium tamen debuit esse communis arbitrii". Sunt copulanda cum his: "Nec quædam nos angit, de domestico studio & ambitione contentio, sed communio soluta & dissociata conturbat". Notant Orientales Episcopos, quod Romam ad indictum Oecumenicum Concilium non venerint, sed soli Synodum Constantinopoli egerint, atque in illa præsumpserint Maximum in prima instantia soli judicare. In generali Synodo Papa habet duplex privilegium: Jus relationis seu propositionis, & Prærogativam suffragii. At verò Constantinopolitana Synodus

modus

modus erat pars Oecumenici Concilii indicti Romam, idèdque tenebatur eisdem legibus : Proinde Pontifex isthic excludi non poterat à privativis Juribus. Dum Romam illa nolebat accedere, nihil attentare poterat, nisi post postulata & accepta Papalem relationem ac suffragium. Hinc epistola adjungit : "Nec quædam, nos angit de domestico studio & ambitione contentio". Sensus est : Nolumus urgere, quod relatio & suffragii Prærogativa Pontifici competierint etiam in vestra Synodo, ideoque sine ipso Maximi causam nec inchoare potueritis. Nolumus hæc urgere, ne angere & contendere videamur de domestico studio, & ambitu Romanorum Jurium. Dumtaxat dicimus, quod tamen esse debuerit consortium communis arbitrii. Etiam in prima instantia : Quantò magis nunc in secunda ? Insuper promittit Orientales, dum Romam adveniant, non transferre ad Reos, sed per singularem gratiam admittere ad Synodalem confesum & suffragium. Damasus imitatur suum Antecessorem Julium, qui eodem modo, & in sua ad Antiochenam Synodum epistola, & in Sardicensi Synodo, egit cum Eusebianis. Ex quo iterum patet, quod Damasus hæc omnia egerit juxta formam Sardicensem. Iste est verus sensus epistolæ.

Hæc verba, "Sed communio soluta & dissociata pertubat", continent tertiam causam, ex qua Damasus circa hoc negotium voluit esse consortium communis arbitrii. Hæc dissociatio erat palmaris scrupulus : Et refocari vix poterat, nisi per communem Tractatum. Hic esse debuerat etiam in prima omnium causarum cognitione, ideoque longè magis jam in retractatoria. Nam Maximi degradatio & Nectarii superordinatio dissociationem magis innotaverant. Huc etiam respicit conclusio epistolæ : "Nos autem, à Beatissimo Principe Fratris tuæ Pietatis admoniti, ut tuæ Clementiæ scriberemus Imperio, postulamus, ut ubi una communio est, commune velit esse judicium, concordantiumque consensum". Damasus affirmat se hæc scribere ex consilio Imperatoris Gratiani, cujus mens sit, ut ad refocilandam Ecclesiarum communionem, & ad dirimendas alias ipsarum quæstiones fiat generale Concilium. Et quidem in Urbe Roma. Proinde istud Concilium non fuit necessarium per Canones, sed ex sola voluntate Pontificis, suo sapientissimo consilio judicantis expedire.

Quæstio est, Quid sint finitimi ad aliam Urbem Episcopi, quid Episcopi Italiæ ? Respondeo solidam Italiam à Romanis fuisse

divisam in tres partes : In Provincias Suburbicarias , Provincias Urbicarias , & Italiam specialiter dictam. In Theodosiano Codice , ac apud Romani Imperii notitiam famosa est ista distinctio. Provinciae suburbicariae erant illae , quae per gyrum continebantur intra centesimum ab Urbe lapidem. Eas inter erant pars Thusciae , & pars Ficenii. Utraque enim haec Provincia fuit divisa in partem suburbicariam , & partem Annonariam. Attamen istae partes non explebant praefatum gyrum , ideoque & aliae duae Provinciae habuerunt partem suburbicariam. Urbicariae Provinciae fuerunt decem : Campania , Thuscia , Umbria , Picenum suburbicarium , Sicilia , Apulia , Calabria , Brutii , Lucania , Samnium , Sardinia , Corsica , & Valeria. Speciatim sumpta Italia habuit septem Provincias : Venetiam , Istriam , Aemiliam , Liguriam , Flaminiam , Picenum Annonarium , Alpes Cottias , Rhætiam primam , & Rhætiam secundam. Omnes decem urbicariae Provinciae suberant Praefecto Urbis. Ita & immediato Metropolitico Jure suberant Romano Pontifici : Papa erat ipsarum Metropolis. Excepta tamen Sardinia , quae proprium semper Metropolitanum habuit. Specialis Italia habebat duos Metropolitae : Mediolanensem & Aquileiensem. Episcopi igitur , quos Damasus finitimos vocat , & distinguit ab Italiae Episcopis , sunt novem Urbicariarum Provinciarum Episcopi , immediatè spectantes ad ejus potestatem Metropolitanam , & ad ejus Provinciale Synodum. Affirmat appellatas Episcoporum causas quandoque in hac sola , quandoque retractari in Synodo totius solidae Italiae.

Epist. 9. Quintus Domini Archi-Episcopi error est , quod Occidentales libus fuerit satisfactum per Synodicam Orientalium epistolam , è Constantinopolitano Concilio scriptam ad Damasum Pontificem. Etenim contrarium evincunt Capuana Syricii Pontificis Synodus , sancti Ambrosii ad Theophilum Alexandriae Patriarcham epistola , & circa eandem rem Scripta Theodoretii. Romana Ecclesia Flavianum pro perjuro , exlege , contumaci , & ad sacra Rescripta transfuga habuit : Adeò non acquievit praefatis Synodalibus literis. Romanae Ecclesiae communionem ille non accepit , nisi sub finem vitae. Per mediationem Acacii Berrhæensis Episcopi , & sancti Isidori Pelusiotaë , Presbyteri Alexandrini. Ad horum Legationes & preces Apostolica Sedes tandem admisit ejus Episcopatum. Ex quo lucet Romanam confirmationem Patriarchis fuisse semper necessariam.

Necetiam. Porro de sua à Catechumeno in Episcopum promotione scribit ad Vercellensem Ecclesiam sanctus Ambrosius: "Ordinationem meam Occidentales Episcopi iudicio, Orientales etiam exemplo probarunt". Utiq; ordinando Necetarium. Ex quo docemur Necetarii ordinationem, dum ista scribebat Ambrosius, fuisse probatam à Romana Ecclesia. Etenim ad suam ordinationem purgandam Ambrosius non assumeret reprobatum exemplum. Nempe Constantinopolitana Synodus Nicænam de sacro-sancta Trinitate, ac Divina Incarnatione fidem insigniter defendit & stabilivit. Hinc ipsam confirmavit tandem, & in eandem cum sua Romana Oecumenicam Synodum adunavit Damasus. Et ad Theodosii preces, necnon ad Ecclesiæ pacem confirmavit etiam Episcopatum Necetarii. Instructus de Maximi dolosa hypocrisis, & antea occultis facinoribus.

Dominus Archi-Episcopus addit, quod Constantinopolitana Synodus Damasum ac ejus Synodum oraverit, non ut sua Acta confirmaret, sed ut spiritali charitate ipsis gratularetur propter Ecclesiarum, & novorum Episcoporum ordinationes. Hinc conclusum vult generales Synodos non obstringi ad confirmationem suorum Actorum postulandam à Romano Pontifice. Respondeo esse caducum argumentum. Etenim de istius Synodi Episcopis singularem orationem nobis reliquit sanctus Gregorius Nazianzenus, & in ipsa scribit: "Episcopi dimiserunt me ab urbe, non admodum repugnantem. Quippe turpissimum erat me illorum fidei cauponum in numero esse, quorum alii nepotes erant illorum, qui Tributorum scribæ fuerant, & aliud nihil volebant animo, quam falsas & subdolas rationum depravationes. Alii remos & exercitus reliquerant, redolentes adhuc sentinam, vel corpus foedatum cicatricibus habentes; populi gubernatores ac Duces militum; qui ne minimum quidem concessuri videntur. Nonnulli etiam opificiorum, quæ citra ignem operas suas perficere nequeunt, ignari ne fuliginem quidem carnis integrè abluerant, flagriones, ac pistrinis digni. Qui prius quam pretium Heris numerare queant, si vel exiguum à laboribus requietem inveniant, lascivunt insigniter". Eosdem Episcopos describit in carmine de sua vita: "Clamitant illi undique, ut graculorum turba rem unam moliens. Juvenum caterva, quam tabernam diceres: Trahenisque turbo pulverem, venti æmulus. Dignatus esset cum quibus nemo, metu-

Num. 137.

„metu sancto Thronoque præditus, quidquam loqui. Præpostere  
 „ut qui funderent verba, & velut vespæ insilirent concito in fron-  
 „tem impetu. At hos secutus est tamen Coetus Senum, motus  
 „juventæ fervidos, quos par erat frænare. Ratio porro quam sci-  
 „ta, adspice: Debere nostras nempe res Solem sequi, ortum hinc  
 „trahentes, unde Regnator poli nobis, amictus carne, primum  
 „splenduit”.

Quod Eusebiana Factio homines ineptissimos intruserit in  
 Episcopales Cathedras, est omnibus exploratum. Istorum plures  
 erant in hac Synodo. Etenim per Theodosii Imperatoris Edicta  
 debuerunt aut Ecclesiam & honorem relinquere, aut redire ad Ma-  
 trem Catholicam. Hi igitur, uti Arianos errores, ita Antio-  
 chensæ Synodi & Philippo-Politani Conventiculi Schismaticam  
 adhuc olebant audaciam, atque ex hoc fonte blaterabant: "De-  
 „bere nostras res Solem sequi, ortum hinc trahentes". Evan-  
 gelicam prædicationem dicebāt duxisse originem, non in Occiden-  
 tali, sed in Orientali Ecclesia, ideoque secundum hujus, non se-  
 cundum istius Canones sibi esse agendū. Quod Orientalis Occiden-  
 tali subesser, propter metum Principis non audebant negare, eò ta-  
 men tendebat clausum studium. Huc respicit Romanæ Synodi  
 ad Theodosium epistola: " Utinam Catholicos ipsos reverentiæ  
 „veteri reddidisses, ut nihil novarent contra Præscripta Majo-  
 rum". Agit de reverentia erga Romanam Ecclesiam. Ex isto  
 igitur forsan fonte Constantinopolitana Synodus solummodò re-  
 tulit sua Acta ad Damasum, non supplicavit confirmari. At-  
 tamen ejus verba possint & ita accipi, ut supplicent confirma-  
 tionem. Quidquid sit, quod ista confirmatio sit necessaria,  
 apud veros Christianos est extra controversiam. Etiam hic ar-  
 ticulus est unus illorum, qui meritò notantur in D. Archi-Episco-  
 po. Hæc sunt alterius loci.



## CAPUT XXXI.

*Quid D. Archi-Episcopus sentiat de antiqua Sardicenfium Canonum observantia?*

**D**ominus Archi-Episcopus, uti Romanas appellationes, ita averfatur & Sardicenfes Canones. Ipſos non ſolummodò interpretatur peſſimè, ſed inſuper ſtudet auferri ab antiquo uſu & reverentia omnium Eccleſiarum. Jam audivimus dicentem, quod ipſos nec ſanctus Damafus attenderit, nec ſanctus Ambroſius: Quod ipſorum autoritas tunc non valeret apud Romanam Eccleſiam. At ipſum ſine fundamento loqui, eſt demonſtratum. In conſequentibus docet, quod item nec Innocentius, nec quis alius ante Zoſimum Pontifex agnoverit: Quod primus ipſos produxit Zoſimus in quæſtione cum Africana Eccleſiâ circa Romanas appellationes inferioris Cleri. "Canones Sardicenfes", L. 7. c. 12. inquit, "necdum recepti erant ætate Innocentij primi. Juſ illud, quod ille vindicat Sedi ſuæ, prorsùs petit à Canonibus Synodi Nicænæ, quorum ſenſum, quoad jura Romani Pontificis in Occidente, primus ille aperuit in epiſtola ad Victricium Episcopum Rothomagenſem". Infrâ refert verba epiſtolæ, ac pergit: "Synodus cujus mentionem facit Innocentius, & Canones in epiſtola ad Milevitanum Concilium laudati, ſunt omninò alij præter Sardicenfes. Synodus enim Sardicenfis nihil ſtatuit de relationibus ad ſummum Pontificem mittendis in materia fidei. Itaque Synodus illa ab Innocentio laudata non eſt alia, quam Nicæna". Porro iſtas relationes Innocentius laudat etiam in literis ad Milevitanum Concilium.

Reſpondeo Innocentium in adductis locis non de ſolis in fidei materia relationibus agere, ſed etiam de relationibus in materia diſciplinæ. In Reſcripto ad Milevitanam Synodum de ſolis prioribus, in literis ad Victricium agit de ambabus. Agit enim de relationi-



lationibus omnium majorum causarum, quæ & circa fidem verari possint, & circa disciplinam. Porro de ambabus relationibus Sardicensis disertè ac expressè, Nicæna Synodus non nisi implicite sancit per generales terminos. Per hæc verba sexti Canonis : "Suis privilegia servantur Ecclesiis". At verò Sardicensis Synodus habet in tertio Canone : "Scribatur ab his, qui causam examina-verunt, Julio Romano Episcopo". Et in relatione ad eundem Pontificem : "Hoc aptum & valde congruentissimum esse videbitur, si ad Caput, idest, ad Petri Apostoli Sedem, de singulis quibusque Provinciis Domini referant Sacerdotes". Laudant utramque relationis speciem. Quare Synodus, quam Innocentius laudat, est omnino Sardicensis. Et hæc involvit Nicænam. Et utraque stabilivit Apostolicum Canonem, ac avitam Ecclesiæ consuetudinem. Porro alibi Dominus Archi-Episcopus ex Hincmaro Rhemenſi rectè dicit ab isto Innocentii Decreto & Nicænam laudari Synodum, & Sardicensem.

Dominus Archi-Episcopus in sequenti capite affirmat Romanas à Provinciarum Synodis appellationes sub Damaso Pontifice & proximis Successoribus necdum viguisse in Occidente, & pergit : "At Innocentius primus, audaciæ subsidium à dignitate Sedis suæ petens, atrox vulnus inflixit auctoritati Synodi Macedoniæ, cujus judicium retractavit in causa Bubalii & Tauriani, ab ea Synodo damnatorum. Id ægrè tulerunt Episcopi per Macedoniam constituti, qui de ea novitate apud Innocentium questi sunt. Quid faceret summus Pontifex ? Erat hic sanè locus proferendi auctoritatem Canonum Sardicensium, si tunc illi in usu fuissent. Nec sanè eos omisisset Pontifex. Sed neque Concilium Nicænum laudavit : Quod tamen non omisisset, si Canone aliquo Synodus illa Romanæ Sedi jus tribuisset retractandi judicia Provinciarum. At fortasse attulit consuetudinem Antecessorum suorum, quemadmodum & ab eo usurpatum videmus in plurimis occasionibus. Non ita sanè. Solam ergò æquiratem prætendit, aiens veritatem magis splendescere cum exagitur, fructumque Divinum esse, cum veritas sæpè examinatur".

Errores varii. Primus est fiducia ; quâ Dominus Archi-Episcopus, uti supra Julium, ita nunc Innocentium calumniatur de audacia. Secundus, quod Nicæni Canones non permittant à Provinciarum Synodis provocari ad Sedem Apostolicam. Tertius

tius est, quod nec avita id permittat consuetudo. Quartus est, quod primus huic consuetudini atrox vulnus infixit Innocentius. Quintus est, quod Macedoniæ Synodus sit quæstæ de novitate usurpatæ retractationis. Etenim quæstæ est nequaquam de appellationis aut retractationis novitate vel usurpatione, sed de hujus superfluitate, illius frivoleitate. Affirmavit sui in Bubalium ac Taurianum judicii justitiam fuisse manifestam, ideoquæ damnatorum hominum appellationem non fuisse admittendam, longè minùs retractandam. Uti olim quidam cum sancto Cypriano Hispanorum Episcopi adversùs Basilidis & Marcialis Episcoporum, hominum manifestè criminolorum, factam à sancto Stephano Pontifice reparationem, ita Macedones Episcopi fuerunt quæsti adversùs factam à sancto Innocentio de similibus hominum causis retractationem. Innocentius enim ipsos nequaquam reparaverat, sed factum de ipsis judicium solummodò retractarât. Querimonia non adversùs auctoritatem intercessit, sed adversùs solam obreptionem seu circumscriptionem.

Audiamus Pontificis epistolam : Mora Co-Episcoporum nostrorum Maximiani & Eumenii, vel potiùs importunitas temporum fecit, ut vos iteraretis de Bubalio & Tauriano querimoniam, & nos iterùm in homines perditissimos insurgeremus. Sed paucioribus verbis tantorum malorum imitabor compendium, & strictim quæ in volumine litterarum vestrarum conspexerim, retractabo. Grave non oportuit videri piissimis mentibus vestris, cujuscumque retractari judicium : Quia veritas, exagitata sæpius, magis splendet in luce ; & pernicies revocata in judicium, graviùs, & sine illius, qui primùm judicavit, poenitentia condemnatur. Nam fructus Divinus est justitiæ sæpiùs recenseri. Verùm illud video movisse animos vestros, quod in multis Bubalius sæpè fallaciis deprehensus, objecerit exemplaria fictarum quas à nobis litterarum, cum pro-consuetudine hominis nihil, quod proferret, jam fide dignissimum videretur. Sed sileatur omne jam de tali negotio murmur, & convicti Diaboli ipsi anhelitus comprimantur. Affirmat varia. Primò, quod Bubalius ac Taurianus, à Rufi Thessalonicensis Episcopi Synodo damnati, Romam non solummodò appellarânt, sed etiam accesserant. Secundò, quod in specis, quæ Rufus haud dubiè transmiserat, Synodalibus Actis,

Pontifex in perditissimos homines insurrexerit : Quod cēnsueritē damnatos, ideoque nec audiendos. Tertiò, quod precibus ipsorum inflexus tandem admiserit ad retractatorium Judicium. Et adjuggit istius gratiæ causam : "Grave non oportuit videri, piissimis mentibus vestris, cujuscumque retractari judicium, quia veritas exagitata sapius, magis splendescit in luce, & perniciēs, revocata in judicium, gravius, & sine illius, qui primum judicavit, poenitentia condemnatur. Nam fructus Divinus est justitiæ, sapius recenferi". Affirmat se de Theſſalonicenſis Synodi justitiā non dubitaſſe, ideoque se nec retractaſſe ad ipsam inhonorandam, sed ad importunis ac rectē damnatis hominibus obſtruendum os, ac magis illustrandam justitiā. Ruſo respondit fermē istud ipsum, quod olim Antiochenæ Synodo responderat sanctus Julius : "Qui benē sentiunt de iis quæ egerunt, & in quibus ipsi Judices fuerē, non indignanter ferre solent, si quod ab ipsis judicatum, est, ab aliis excutiat. Quippe qui securi sint, ea quæ ipsi, justā judicaverunt, injusta nunquam fieri posse". Tandem Synodale Ruſi de utroque judicium confirmat, atque ita extinguit omnem querimoniam.

Ambigua sunt hæc verba "Illud video moviſſe animos vestros, quod in multis Bubalius sæpē fallaciis deprehensus, objecerit exemplaria fictarum quasi à nobis literarum, &c". Quales, seti cujus tenoris literas Bubalius finxerit, ignoratur. Exiſtimo non fuiſſe reparatrices, Etenim non adversus hominis reparationem, sed adversus ſolam cauſæ retractationem Ruſus interceſſit. Quia immò Bubalius videtur nec reſtitutus fuiſſe. Etenim degradatorii Judicii justitiā perſpiciens Pontifex nec appellationem admittē, longē minùs hominem reſtitire voluit, sed ejus importunis precibus ac ſuggeſtionibus aliquid indulgere, & ſimul os claudere cupiens, cauſam admittit ad retractationem. Quidquid ſit, manifeſtē proceſſit ſecundum Sardicenſes Canones. Etenim & Bubalius Romam acceſſit, & ibidem facta eſt retractatio. Nec adversus hoc aut iſtud quiſquam interceſſit. Quod Romanæ appellationes per omne Illyricum liberrimis ſemper pedibus ambulaverint, & juxta Sardicenſem Normam ſemper fuerint retractatæ, ſtatim docebunt authentica exempla ac teſtimonia. Et quid illis opus ? Venerabilis Gaudentius, Naxitanus in Illyrico Episcopus, Præſidis Hoſii Synodalem pro Romanis appellationibus relationem

non.

Non probavit solummodo aut adjuvit, sed insuper ampliavit dicens ad laudatum Hosium: "Si videtur, necesse est adjici huic sententiae, quam sinceram dilectione protulisti, &c". Et ejus propositionem omnis Synodus admisit in Canonem. Unde & ipsi Philippopolitana Factio non pepercit, sed etiam in eum latravit Degradationis contumeliam. Eandem ab illa gratiam retulit Protogenes Sardicensis Episcopus, quod Hosium in cunctis constantissimè adjuvisset. Et adfuerunt cuncti Primates Illyricorum Antistites. Et Sardica, Synodi locus, est non extrema Metropolis istius Dioeceseos. Quomodo igitur Romanae appellationes, quomodo Sardicensis disciplina possint istic non viguisse?

In tertii libri tertio capite Dominus Archi-Episcopus hæc scribit: "Prætermittenda non est Canonum Collectio, quæ in quin-  
quaginta titulos distributa, Theodoreti Cyrensis Episcopi nomi-  
ne exstat in manuscripto Codice Bibliothecæ Regiæ. Eam Col-  
lectionem Joannes Scholasticus Patriarcha Constantinopolitanus,  
qui Justiniani temporibus floruit, collatione legum, sed præfer-  
tim novellarum constitutionum ejusdem Principis, ad singulos  
titulos addita ornavit. Unde sequitur hanc Collectionem Justi-  
niani tempus antecessisse, atque adeo temporis rationem eis suf-  
fragari, qui Theodoreti genuinum esse opus censent. Quam il-  
le ad usum privatum studiosorum concinnavit, ut in numerato  
haberent Canones omnes, qui ad unum negotii genus referun-  
tur". Affirmat quosdam esse oppositæ sententiæ, & adducit eo-  
rum fundamenta. Hoc est tertium: "Tertia causa petitur à Ca-  
nonibus Sardicensibus, quos Græci non admisere in veteri Col-  
lectione". Et ad hoc argumentum Dominus Archi-Episcopus  
respondet: "Aperta est ratio, cur Theodoretus Sardicenses Ca-  
nones in suam Collectionem conjecerit. Nempe quod Sede sua  
à Dioscoro Alexandrino in Synodo Ephesina secunda depulsus,  
eorum Canonum beneficio usus, Sedem Apostolicam appellavit,  
& à Leone in communionem receptus, Episcopaliq[ue] dignitati  
restitutus, Imperatoris Decreto, & Synodi Chalcedonenfis irre-  
tractabili Judicio locum suum obtinuit. Quare nihil aliud à Theo-  
doreto exspectandum erat, quam ut Canonibus Sardicensibus  
recensendis benignum se præstaret". Illam Collectionem Theo-  
doreto adscribunt etiam in Dissertatione de Primatibus Joannes  
Morinus, & in selectis de Jure Canonico Dissertationibus Fran-

ciscus Florens : Alii tamen censent posteriorem , & esse à Joanne Patriarcha.

Quidquid sit , Dominus Archi-Episcopus fatetur Sardicenum Canonum usum esse antiquum apud Orientales. Et jure meritò. Etenim Orientalium Antistitum Romanæ appellationes nobis pepererunt istos Canones. Et quod ipsos sanctus Athanasius non per solam Ægyptum , sed etiam apud Hierosolymam Synodalter publicaverit , est omnibus notum. Eisdem subscribi fecit à cunctis melioribus Orientis Episcopis. Quod ipsum omninò fecerunt Marcellus Ancyranus , Lucius Adriano-Politanus , Asclepas Gazensis Episcopus , aliique omnes reparati per istam Synodum. Paulus Constantinopolitanus facere non potuit , quoniam in istius Synodi odium fuit ab Eusebianis suffocatus in balneo. Juxta istos Canones Petrus Alexandrinus , ejus Successor Joannes Thalaia , Maximus Constantinopolitanus , ejus Successores , sanctus Joannes Chrysostomus , & sanctus Flavianus , Eutheries Thyanensis , Helladius Tharsensis , Theodoretus Cyrensis , Eusebius Dorylrensis , aliique longè plures Episcopi appellarunt Romanam , & impetrarunt suam causam retractari. Magnus Papa Leo , dum ab Imperatore Theodosio postulavit adversus Ephesinum Latrocinium fieri novam Synodum , adjunxit causas : " Quia nostri Legati fideliter reclamarunt , & eisdem libellum appellationis Flavianus Episcopus dedit". Et post quædam : " Quam autem post appellationem interpositam hoc necessariò postuletur , Canonum Nicææ habitorem Decreta testantur , quæ subter annexa sunt". Et subnexuit Sardicensē de Romanis appellationibus Canonem. Quod nempe sciret ipsum non dumtaxat cum omni reverentia vigere in Orientali Ecclesia , sed etiam haberi pro Nicæno. Per verba : " Quam autem hoc necessariò postuletur", asseverat suam postulationem esse non solummodò rationabilem , sed omninò talem , cui non possit non annui. Quod nempe istorum Canonum autoritas etiam apud Orientales esset irrefragabilis. Eodem sensu ad eundem Theodosium scripsit pro eadem causa Valentinianus III. Imperator , quod sanctus Flavianus " secundum Conciliorum solemnitatem appellasset". Omninò intelligit Sardicense Concilium , atque ita affirmat ipsum viguisse per omne Romanum Imperium. Piget ac durum est in res lucidas expendere tempus , cujus nemo queat reparare jacturam.

Pergit

Pergit D. Archi-Episcopus ad Gallicanam Ecclesiam: "Inspiciendū  
 nunc est, quānam fuerit Ecclesiæ Gallicanæ praxis in peragendis Ju- L. 7. c. 19  
 „diciis Canonicis Episcoporum sub prima Regum nostrorum Dyna-  
 „stia. Argumento sequentia erunt Canones Sardicenses in usu tum fuis-  
 „se apud Gallos. Synodus itaque Provinciæ deiecit Episcopos.  
 „Si verò Pontifex Romanus appellabatur, is retractari causam in  
 „Provincia jubebat, si ita expedire arbitraretur. Exemplo erit  
 „causa Contumeliosi Episcopi Rejenſis, quem in plena Synodo  
 „damnatum Cæsarius Arelatenſis Episcopatu movit. Miſſa dein  
 „relatio ad Joannem secundum Pontificem, qui iudicium illud  
 „confirmavit datis literis ad Episcopos Galliæ. Attamen quoniam  
 „Contumeliosus provocaverat ad Sedem Apostolicam, Agapetus  
 „Papa præcepit causam ejus de integro examinari à Judicibus de-  
 „legandis in Provincia, juxta Canones Sardicenses nimirum, ut  
 „patet ex verbis epistolæ Agapeti ad Cæsarium". Adducit verba  
 epistolæ, & prosequitur: "Ex hac ultima clausula discimus solitos  
 „illā tempestate Episcopos Gallicanos exequi sententiam deposi-  
 „tionis, tametsi ab ea appellatum esset, quamvis aliud obtinere  
 „debere censeret Pontifex".

Paschafius Quesnellus censet Sardicenses Canones fuisse in Gallia  
 ignotos usque ad secundam Regum Dynastiam. Tunc primum  
 vult admissum isthic fuisse Dionysii exigui Codicem, adeoque &  
 Sardicenses Canones. In his ipsum labi, supra studui demonstrare.  
 Et jam demonstrat etiam Dominus Archi-Episcopus. Eruditè  
 & variè. At miscet vera falsis. Etenim falsum est, quod istā  
 tempestate Gallicani Episcopi Synodales suorum Collegarum dam-  
 nationes, licet ad Sedem Romanam esset provocatam, in execu-  
 tionem mitterent. Dominus Archi-Episcopus errorem suum pro-  
 bat ex sancti Cæsarii Actis circa Contumeliū, appellentem  
 ad Agapetum. Malè. Etenim Contumeliosi damnatio transiverat  
 in rem judicatam, & fuerat confirmata per Sedem Romanam;  
 ideoque ille deinceps non gaudebat jure Sardicensium Canonum;  
 sed indigebat gratioſo restitutionis beneficio. Rei series est superius  
 exposita. Sancti Maximini Treverensis, Euphratæ Colonienſis;  
 sancti Servatii Tongrenſis, & multorum aliorum in Gallia Epif-  
 coporum pro sancto Athanasio & Sardicensi Concilio Acta; sancti  
 Innocentii Rescriptum ad sanctum Victricium, ejusdemque Ca-  
 pitula-

## CAPUT XXXII.

*An Sardicensis Synodus fuerit veraciter  
Oecumenica?*



Illustrissimus Dominus Petrus de Marcâ respon- L. 7. C. 3.  
det : " Historiam Sardicensis Concilii hic per  
„aversionem describendam esse existimavi, quo-  
„niam observatio illa, quæ verissima est, &  
„colligitur ex variis locis Athanasii & Hilarii,  
„valde conducit ad decidendam celebrem illam  
„controversiam, quam Illustrissimi Cardinales  
„Baronius & Perronius summâ curâ tractant, An videlicet Con-  
„cilium Sardicense sit Oecumenicum ? Hâc verò quæstione semel  
„definitâ, facilis videtur esse responsio, an viginti & unus Cano-  
„nes, in Sardicensi Synodo editi, sint ejusdem authoritatis ac  
„Nicæni ? Cui quæstioni respondeo convocationem hujus Con-  
„cilii eâ mente factam esse, ut Concilium Oecumenicum cele-  
„braretur, id est, compositum ex Legatis omnium Diocæson,  
„& magnarum Provinciarum Imperii Orientalis & Occidentalis,  
„intra quorum limites Ecclesia Christiana pœnè coërcebatur. Sed  
„quia divortium ante contigit, quàm Concilium foret consti-  
„tutum ex Episcopis utriusque Imperii, res in illo definitæ spe-  
„ctari non possunt, nisi tanquam à Concilio Occidentali decretæ,  
„quandoquidem decretæ sint absentibus Episcopis Orientalibus.  
„Sanè sanctus Hilarius Episcopus Pictaviensis, qui tunc vivebat,  
„itemque Epiphanius Concilium istud Sardicense vocant Conci-  
„lium Occidentalium. Nam quod ad trecentos quadraginta quatuor  
„Episcopos attinet, referri numerus ille non potest ad eos tantum  
„qui Concilio interfuerunt, sed etiam ad eos, qui restitutioni Atha-  
„nasi subscripserunt post celebrationem Concilii". Eadem docet  
Reverendus Pater Paschasius Quesnellus, & cæteri istorum Col-  
legæ. Hinc inferunt Romanarum appellationum originem non  
esse à Generali Synodo, ideoque ipsarum fundamentum non esse  
justi ponderis.

R r

Quod

## DE GALLICANÆ ECCLESIAE

Quod non Sardicensis Synodus, sed ipse Christus Dominus, Apostolorum Principi promittens ac mandans, *Confirma Fratres tuos*, sit Romanarum appellationum origo, est abundè demonstratum. Et insuper in literis ad Orientalem Ecclesiam insigniter demonstrat sanctus Papa Gelasius: "Postremò æquum est, ut qui alios libenter, & competenter vultis habere subiectos, cedatis & ipsi antiquo more Majoribus, ut confidenter imperare possitis Minoribus vestris. Duodecim certè fuerunt Apostoli paribus meritis, parique dignitate suffulti. Cumque omnes æqualiter spiritali luce fulgerent, unum tamen Principem esse ex illis voluit Christus, eumque dispensatione mirabili in Dominam Gentium Romam direxit, ut in præcipua Urbe vel prima primum & præcipuum dirigeret Petrum. Ibiq; sicut doctrinæ virtute sublimis emicuit, ita sanguinis gloriosâ effusione decoratus æterno hospitio conquiescit, præstans Sedi, quam ipse benedixit, ut à portis inferi nunquam pro Domini promissione vincatur, omniumque fluctuantium sit tutissimus portus. In quo qui requieverit, beatâ & æternâ statione gaudebit; qui verò contempserit, ipse videbit, qualia excusationum genera prætendat in die Iudicii". Per fluctuantes palam intelligit injustè degradatos Episcopos. Et huic ejus Professioni nemo tunc, licet Acacianæ rebellionis sectator, Orientalis Episcopus contradixit aut obviavit. Quin immò omnes uno ore & calamo scripserunt ad Successorem Symmachum: "Supplicamus non pro perditione unius ovis, neque pro perditione unius drachmæ, sed pro amica nobis salute. Non pro Orientalium partium tantum, sed trium propè plagarum habitabilis Mundi. Sanctissime, Beatissimeq; festina ad adjuvandum nos". Profitentur sancto Petro à Christo Domino datam non dumtaxat ligandi, Sathanæ tradendi, eradicandi aut diruendi, sed etiam soluendi, dejectos erigendi, plantandi, ac ædificandi potestatem; istamque omnem transivisse in ejus Cathedralam, & permanere. Nihilominus istam Romanæ Sedis Sublimitatem adversum Eusebianæ Factionis schismaticas violentias firmavit ac innovavit Sardicense Concilium, idèdque & hujus dignitas est adversum hodiernos istius Factionis Dilectores vindicanda.

Dominus Archi-Episcopus imitatur Symmachi Pontificis Adversarios, qui in suo "adversus incongruæ absolutionis Synodum", libello allegarunt: "Non omnes Sacerdotes Regis ad Concilium adscivit



„adscivit autoritas, nec omnes in iudicatione consenserunt“. Ita scribit in suo Apologetico Ennodius Ticinensis Episcopus. Jacobus Sirmondus allegationem elucidat: „Quia nonnulli Episcopi, moræ tædio, post primum aut secundum Synodi conventum ab Urbe discesserant“. Ex hoc capite præfati Adversarii tentarunt persuadere palmarem pro memorato Pontifice Synodum non fuisse plenam, idèque esse circumscriptæ autoritatis. Eadem ratione Dominus Archi-Episcopus Sardicensis Synodum ex Apostolicâ Eusebianæ Factionis fuga vult non esse Oecumenicam, idèque & non pleni ponderis. Quid simile docuit Theodorus Balsamon, pertinax Michaëlis Cerularii sectator, atque inde concludit Sardicenses pro Romanis appellationibus Canones sancire ac valere pro sola Occidentali Romani Patriarchatus Ecclesia, non pro Orientali. Istud ipsum censet schismaticus ille Scriptor, quem refutat Catholicus contra Græcos Tractatus, olim repertus in Constantinopolitano Conventu Patrum Prædicatorum. Dominus Archi-Episcopus hæc Commenta transcendit. Etenim non solarum Patriarchalium, sed quarumvis Provincialium Synodorum Canonica Judicia vult esse suprema, idèque nec ab his posse provocari ad Pontificem Romanum. Hanc dignitatem negat per hosce Canones adscribi ejus Cathedræ.

Balsamoni consonant omnes Affecleæ Photiani schismatis. Etiam Georgius Cedrenus. Audi ejus rationes. Laudat sex generales Synodos, ac prosequitur: „Tenendum est alias fuisse „certis in locis Synodos, quarum Decreta habemus, tametsi cæ „in numero sex istorum Conciliorum non existent. Tale fuit „quod Ancyra actum est. Item Neo-Cæsarææ, Gangris, Antiochiæ, Laodicææ, Sardicæ, Carthagine. Hæc enim co- „acta sunt ob quæstiones certis locis subortas, neque jussu Imperatorum, neque iis præsentibus“. Labitur in tribus. Primum est, quod Sardicensis Synodus fuerit indicta propter obortam in certo loco quæstionem. Etenim adunata fuit propter schismaticas Eusebianæ Factionis contra Romanæ Ecclesiæ Primatum violentias, blaterantes Ecclesiasticam Hierarchiam esse non Monarchicam, sed Aristocraticam, idèque à Synodalibus Orientalium Patriarcharum Judiciis non posse Romam provocari. Accessit causa sancti Athanasii, sancti Pauli Constantinopolitani, Marcelli Ancyrani, Lucii Adriano-Politani, Asclepæ Gazensis, aliorumque plurium

plurium Orientalium Episcoporum, Clericorum, ac Ecclesiarum. Item accessit causa Nicænæ fidei, gravissimè per præfatam Factionem impetitæ, ideoque restabiliendæ. Quæ omnes causæ sunt universales. Secundus lapsus est, quod generalis Synodus debeat convocari per Principem. Est vetusta Græcorum adulatio. Tertius est, quod Sardicenis Synodus convocata non fuerit per Romanum Principem. Quare hi in suum Authorem retorti errores evincunt ipsam fuisse omninò Oecumenicam.

Hoc ipsum lucidè affirmat ac docet magnus Athanasius, unus è Synodi Primatibus. Etenim in suis ad suos Monachos literis amplè exponit Eusebianæ Factionis fugam ex Sardiceni civitate, & pergit de remanentibus apud ipsam Episcopis: "Synodus autem ex pluribus quàm triginta quinque Provinciis coacta, cognitâ Arianorum malitiâ, permiscere Athanasio cum suis, ut causam diceret, tum de calamitatibus suis, tum de calumniis, quas passus esset, auditisque ejus rationibus hominem innocentem pronunciarunt". Hascè Provincias edicit in Apologia ad Imperatorem Constantium: "Nostram innocentiam plures quàm trecenti Episcopi suis calculis comprobarunt, qui ex multis Provinciis, Ægypti, Lybiæ, Pentapoleos, Palestinæ, Isauriæ, Cypri, Pamphiliæ, Lyciæ, Galatiæ, Daciæ, Mœsiæ, Thraciæ, Dardaniæ, Macedoniæ, Epyri, Thessaliæ, Achaiæ, Cretæ, Dalmatiæ, Sisciae, Pannoniarum, Norici, Italiæ, Piceni, Tusciæ, Campaniæ, Calabriæ, Apuliæ, Brutiorum, Siciliæ, Africæ universæ, Sardinia, Hispaniarum, Galliarum, Britanniarum, eò se ad Concilium contulerant". Utique ad Sardicense Concilium, quod propter tantam Provinciarum ac Episcoporum adunationem idem Athanasius meritò appellat "Magnum". Et hic & in aliis locis. Nec obsunt ejus verba in laudatis literis ad Solitarios: "Conveniunt ab Oriente, & ex Occidente in Urbem Sardicam plus minùs centum septuaginta Episcopi". Etenim hic numerus referri debet ad solos Occidentis Episcopos. Etiam Synodalis ad Alexandrinæ Ecclesiæ Clerum epistola habet hanc Epigraphen: "Sacra Synodus per gratiam Dei Sardicæ congregata è Roma, Hispaniis, Galliis, Italia, Campania, Calabria, Apulia, Africa, Sardinia, Pannoniis, Mœsiis, Daciis, Norico, Thufcia, Dardania, Macedonia, Thessalia, Achaia, Epyro, Thracia, Rhodope, Palestina, Arabia, Creta, Ægypto". Palam affirmat omnium basarum Provinciarum Episcopos adfuisse Concilio. Hoc

Hoc ipsum constanter affirmat in quinto contra Eutychetem libro Vigilii Episcopus Taplensis : "Apud Sardicam omnium Provinciarum Episcopi congregati, id est, ex Urbe Roma, Hispaniis, Gallis, Italia, Campania, Calabria, Africa, Sardinia; Pannonia, Moesia, Dacia, Dardania, altera Dacia, Macedonia, Thessalia, Achaia, Epyro, Thracia, Rhodope, Asia, Catia, Bithynia, Hellepontio, Phrygia, Pisidia, Cappadocia, Ponto, Cilicia, altera Phrygia, Pamphilia, Lydia, Insulis Cycladibus, Aegyptio, Thebaide, Lybia, Galatia, Palestina, & Arabia". Eadem Provincias adfuisse, & ex ipsis septuaginta sex Primates Episcopos disertè affirmat antiquus & authenticus Synodorum Catalogus, & adjungit Philippo-Politano Conventiculo adfuisse sexaginta dumtaxat Episcopos. Et certè ipsius Synodalibus literis subscriperunt septuaginta tres : At verò inter ipsos fuit imaginarius ille Ischyra, & forsan plures istiusmodi, jure merito non computandi. Et hinc lucet, quam malè Dominus Archi-Episcopus sceleratè istius epistolæ Schismatica nugamenta velit esse sensum totius Orientalis Ecclesiæ. Assertionem nostram confirmant apud Photii Bibliothecam vita sancti Athanasii, & vita sancti Pauli Episcopi Constantinopolitani. Ambæ scribunt : "E' partibus Occidentis supra Lib. 257. trecentos conveniunt Episcopi, ex Oriente verò tantum septuaginta sex, in quibus & ipse Ischyra quasi Marcotis Episcopus numerabatur". Per Occidentales, qui videntur tot non fuisse, possint intelligere omnes, qui Occidentalibus adhæserunt, & cum ipsis permanserunt Sardicæ : Solos Apostatas appellare Orientales. Disertè affirmant Synodum fuisse Oecumenicam. Etiam Zacharias, in Phoriano schismate Metropolita Chalcedonensis, ad octavam Synodum dixit adfuisse trecentos Episcopos. Locutus fuit ex mente sui Magistri Photii, & nemo penitus intercessit. Quid opus multis ? Habemus evidens ac irrefragabile Imperatoris Justiniani testimonium in ejus ad omnem Ecclesiam Edicto pro Orthodoxa fide : "Alii vivi, alii post mortem anathematizati sunt à Damaso Papa, & ab Oecumenica Sardicensi Synodo, prout testatur sanctus Athanasius". Et hoc Edictum non quinta tantum Synodus, sed & omnis recepit Ecclesia.

Petrus Franciscus Chiffletius laudatum Vigilii Taplensis locum horrendè truncat & alterat. Romanam Urbem & Latinas, immò & omnes Occidentales Provincias abscindit, & censet Vigilium

non de Sardicensi Synodo, sed loqui de Conventu Philippo-Politano. Hanc dat rationem sui Operis : "Adfuisse quidem Sardicensi Concilio legitimo Episcopos ex aliis quoque præsertim Occidentis Provinciis, fidem faciunt inscriptiones, subscriptionesque trium Synodicarum Sardicensium, ad Julium Papam, ad Alexandrinos, & ad omnes Episcopos Catholicos. Ex quibus fortasse qui primi hos Vigilii libros typis edidère, Romam, Hispanias, Gallias, Sardiniam, Africam, aliasque Occidentis Provincias in hunc locum inculcarunt. Sed advertisse potuerant non hic mentionem esse Sardicensis veræ Synodi, sed Conciliabuli tantum Philippo-Politani, quod Sardicense ab Hæreticis prædicatum est". Tantæ fiduciæ fundamentum sunt septem definitionum Capitula, isthæ laudata à Vigilio. Scriptor ille existimat ipsa esse extremum finem, seu professionem Philippo-Politanæ Synodicæ.

Respondeo Vigilium omnino agere de vera Sardicensi Synodo. Agit enim in Eutychianos, pertinacissimè reclamantes ad solum Nicænum Symbolum. Adeo pertinaciter, ut etiam facta per Constantinopolitanam Synodum additamenta averfarentur ac damnerent. De hac enim audacia ipsum etiam Eutychetem in Chalcedonenſi Synodo arguit venerabilis Diogenes Cyzici Episcopus, Metropoliſta Helleſponti. Et Timothei Aeluri facinorosa Factio ad Leonem Imperatorem scripsit : "Synodum centum quinquaginta nescimus". Ejusdem Factionis adversus Chalcedonenſem Synodum palmare fundamentum erat, quod illa ad Nicænum Symbolum addidiſſet. Calumnia cœpit in ipsa Synodo. Etenim ejus Proſphonicus ad Imperatorem Martianum ſermo vix eſt aliud, quam Apologia iſtius calumniæ. Eandem in quinto ſuo libro refutat Vigilius, demonſtrans iſtiusmodi additiones ſemper vigiſſe, ac probatas fuiſſe ab Eccleſia : Et iſtud oſtendit exemplo variarum Synodorum, quarum una eſt Sardicenſis. Quis non videat ipſum loqui de ſolis Orthodoxis Synodis ? Etenim Hæreticorum Conventiculorum Acta nequeunt eſſe competens juſtificationis Concilii Chalcedonenſis. Proinde omnino laudat veram Sardicenſem Synodum. Cum Theodoreto laudat adjectas ipſi tabellas, in quo lapſus eſt, debueratque hac in re ſequi magnum Athanaſium. Quod iſtæ tabellæ fuerint ſeptem Capitulorum ad Nicænam fidem additamenta, poſſit demonſtrari facillimè. Non eſt hujus loci, Quapropter Scriptor ille nimiam fiduciam graſſatur & in verba & in Senſa Vigilii

Vigiliis. Et hic palam affirmat omnes istas Orientales Provincias omnino adfuisse vero Sardicensi Concilio.

Magnus Athanasius Sardicensis Synodi ad omnes sub cœlo Antistites epistolam etiam inseruit suæ ad Constantium Imperatorem Apologiæ, & adjunxit: "Hosius Episcopus subscripsit. Quod & cæteri fecerunt. Hæc ita Scriptis mandata sacrum Sardicense Concilium ad eos, qui interesse non potuerant, misit, qui ipsi quoque suis suffragiis Decreta Synodi approbarunt. Eorum autem qui in Synodo scripserunt, exterorumque aliorum Episcoporum ista sunt nomina". Enumerat horum Episcoporum ac Provinciarum nomina, & concludit: Qui igitur Decretis Synodi subscripserunt, sunt isti. Plurimique item alii sunt, qui ante hanc Synodum pro nobis scripserunt, tum ex Asia, tum ex Phrygia, tum ex Isauria, quorum singulorum nomina cum suis epistolis circumferuntur, prope sexaginta tres. In universum autem trecenti quadraginta quatuor. Si Synodali epistolæ addidisset Subscriptores Episcopos, res fuisset plana: Sciremus quot adfuissent Synodo. Istius rei silentium cogit nos cespitare. In sancti Hilarii fragmentis exstat hic titulus: "Nomina Episcoporum infra, qui Synodo Sardicensi adfuerunt, & subscripserunt in Judicio. Enumerantur omnia nomina, & adjungitur: Episcopi omnes numero unus de sexaginta". Certum est fuisse plures, idedque iste Catalogus non est authenticus. Quidquid sit, Athanasius lucidè affirmat trecentos quadraginta quatuor Episcopos Actis Synodalibus subscripsisse, atque ita nobis sub ministrat duo fundamenta, ex quibus concludamus Synodum fuisse Oecumenicam.

Primum fundamentum nobis explanat in sua, Adriano secundo Pontifici inscripta, ad octavam Synodum Præfatione Cardinalis Anastasius, Romanæ Ecclesiæ Bibliothecarius, adducens rationes, ex quibus laudata Synodus sit veraciter universalis: "Universalis est, quia cum Christus in suo Corpore, quod est Ecclesia, tot Patriarchales Sedes, quot in cujusque mortali corpore sensus, locaverit, profectò nihil generalitati deest Ecclesiæ, si omnes illæ Sedes unius fuerint voluntatis, sicut nihil deest motui corporis, si omnes quinque sensus integræ, communisque fuerint sanitatis. Inter quas tamen Sedes quia Romana præcellit, non immerito, visus comparatur, qui profectò cunctis sensibus præminet, acutior illis existens, & communionem, sicut nullus eorum, cum omni-

- „omnibus habens“. Affirmat ad generalem Synodum requiri quinque Patriarcharum præsentiam, præsertim Romani. Quod enim sine hujus præsentia ac vario influxu esse non possit Oecumenica Synodus, est perpetua & firma totius Ecclesiæ confessio. Romanum Episcopum in ista Synodo esse luminare majus, ideoque omnes stellas ab ipso illuminari ac dirigi, ad eandem octavam Synodum rectè dixit Metrophanes Metropolita Smyrnenfis. At verò de aliis Patriarchis rectè dixit magnificentissimus Patricius Bahanes: „Posuit Deus Ecclesiam suam in quinque Patriarchiis, & definivit in Evangelis suis, ut nunquam aliquandò penitus deciderent, eò quod capita Ecclesiæ sint. Etenim illud quod dicitur“, Et portæ inferi non prævalebunt adversus eam, „hoc denunciat. Quando duo ceciderint, currunt ad tria; cum tria ceciderint, currunt ad duo; cum verò quatuor fortè ceciderint, unum quod permanet in omnium Capite Christo Deo nostro, revocat iterum reliquum corpus Ecclesiæ“. Affirmat ad generalem Synodum ita requiri omnium Patriarchatû præsentiam atque consensum, ut tamen ipsa per duorum aut trium, immò & per quatuor defectum. ac Apostasiam non amittat Oecumenicam dignitatem atque auctoritatem. Dummodò nempe persistat, & suum ministerium expleat Pontifex Romanorum. Insigniter hoc in literis ad sanctum Tharasium Patriarcham Constantinopolitanum scriptis, & ad septimam Synodum lectis, professi sunt Cosmas Alexandrinus, Theodorus Antiochenus, ac Theodorus Patriarcha Hierosolymitanus: „Illud tamquam necessarium penes Pontificalem Apicem vestrum ducimus commonendum, ut si volueritis celebrare Synodum, ne vobis molesta appareat trium Apostolicarum Sedium aliorum Patriarcharum, & sanctissimorum Episcoporum, qui sub ipsis degunt, absentia, non ex proprio eorum accidens Proposito, sed ex Tenentium seu Dominantium illis terribilibus minis, & mortiferis poenis. Hoc autem subtilius est considerandum, etiam ab ipsa sacra & universali sexta Synodo, in qua nullus eorum, qui per idem tempus in his partibus Episcopi erant, convenisse repertus est propter Obscenorum Obtinentiam. Sed nullum ex hoc sanctæ Synodo adhæsit præjudicium, neque vires habuit prohibitio aliqua statuendi & manifesta faciendi recta Dogmata pietatis: Præcipuè cum sanctissimus & Apostolicus Papa Romanus concordaverit, & in ea inventus sit per Apocrisarios suos. Et nunc hoc

hoc cum sanctissimi auxilio Dei similiter fiat. Nam sicut tunc illius fides in Orbis terræ personuit fines, ita & Synodi, quæ nunc per gratiam Dei congreganda est per interventionem vestram, & ejus qui moderatur Apostolorum Principis Sedem, prædicabitur in omni loco qui sub Sole est, videlicet quæ Tyrannicè destructa sunt erigens, & in antiquam ac Apostolicam reformans traditionem. Loquuntur de absentia ob Tyrannicas & horrendas minas ac prohibitiones obscenorum Saracenorum, tunc Dominantiam in tribus istis Patriarchatibus. Si igitur ista justissima absentia Oecumenicam Synodi dignitatem atque auctoritatem nec aufert nec circumscribit, longè minùs facere id possit absentia per prævaricationem, per rebellionem, per schisma, per hæresim. At verò Sardicensi Synodo, cujus ætas solos tres habebat Patriarchas, adfuit per Legatos Romanorum Episcopus, personaliter sanctus Athanasius Patriarcha Alexandrinus. Adfuerunt Episcopi plusquam ex triginta quinque utriusque Romani Imperii Provinciis. Cum paucis infectis & Obscenis absuit solus Stephanus Patriarcha Antiochenus, homo intrusus & hæreticus, ab ipsis postea Arianis ob facinora degradatus. Absuit per schisma, per hæresim, per Apostaticam fugam, per prævaricatoriam rebellionem. Quis ergo negare isti Synodo possit Oecumenicam dignitatem atque auctoritatem? Quod ipsam Romana, immò omnis Orthodoxa sub cælo Ecclesia semper Nicænæ Synodo æquiparaverit, & uti authenticam appendicem in unum cum ipsa corpus conflaverit, est suo loco abundè demonstratum. Sacrosanctum Tridentinum Concilium quis impuro corde aut ore præsumat inficiari veraciter ac plenè Oecumenicum? Et tamen ipsi plures cum suis Episcopis defuerunt Patriarchæ. Per hæresim ac rebellionem. Plura de hoc articulo scripsi in Synodorum Scholiis.

Alterum sancti Athanasii pro sua ac nostra assertione fundamentum est, quod plurimi per omnem Ecclesiam Episcopi jam peractæ Synodo accesserint & subscripserint. Hujusmodi enim accessus omninò sufficit ad sanandos qualescumque defectus, ad complendam defectuosæ etiam Synodi Oecumenicæ dignitatem. Etiam ad sanandum essentialem defectum ex absentia, immò & ex contradictione Romani Pontificis. Etenim quis ignoret hunc defectum insuisse quinto Concilio, ac item primo Con-

Sf

stantino;

stantinopolitano? Loquor præsertim de illo, in quo cum sancto Gregorio Nazianzeno decessus est maximus Cynicus, ac in Regiæ civitatis Cathedram impositus Nectarius. Et tamen accedens dispensatoria & confirmatoria Vigili Pontificis & sancti Damasi consensio atque subscriptio utramque fecit authenticam, atque ex integro Oecumenicam. Hæc posterior est una istarum quatuor, quas magnus Gregorius ut quatuor sancta Dei Evangelia veneratus est, & iussit venerandas. Et omnis sub cœlo Ecclesia fuit semper venerata. Orientalis insuper inscripsit sacris Dyptichis, & ad sacrificium quotidianâ professione laudavit. Similis igitur Antiocheni Patriarchæ accessio etiam Sardicensem Synodum potuit facere Oecumenicam. Et quod omnes Orthodoxi per istum Patriarchatum Primates Episcopi talem accessionem fecerint, lucet ex Actis, quæ statim post Synodum cum sancto Athanasio celebravit Maximus Episcopus Hierosolymitanus. Attamen ipsa tali medicamine non indiguit: Fuit semper per suos Natales integra, ac Oecumenicè sana.

Hæref. 17.  
Cap. 1.

Dominus Archi-Episcopus nobis opponit auctoritatem sancti Epiphani: "Photinus in Sardicensi Occidentis Synodo depositus est". Et sancti Hilarii Pictaviensis Episcopi auctoritatem in libro adversus Imperatorem Constantium: "Damasus, & Substantiæ nomen, quo te & Sardicensi Synodo, & Sirmienti pium esse Occidentalibus mentiebaris". Affirmat Sardicensem Synodum ab utroque Patre appellari Occidentalem, utique solorum Occidentalium, ideoque negari Oecumenicâ. Respondeo hoc sancti Hilarii testimonio pariformiter concludi etiam Sirmienſe Concilium fuisse Occidentalium, de quo tamen in quinto contra Eutychetem libro scribit Vigilius Tapſensis Episcopus: "Adversus sacrilegam impiæ professionis unitatem, quæ per Hosium, Valentem, Ursacium, & Germanium, cæterosque similis pravitatis apud Sirmium fuerat conscripta, universi Orientales Episcopi convenientes, alias duodecim sententiarum definitiones ediderunt, quæ Nicæno Concilio non continentur". Et infra: "Illius Catholici Concilii, apud Sirmium contra Photinum ex toto Oriente congregati, quis sufficiat multiplices fidei sanctiones comprehendere, quæ apud Nicænam Synodum non sunt omnino sancitæ"? An ista etiam duodecim Capitula sunt apud Sirmium edita, est quaestio.



quæstio. Quidquid sit, hoc posterius Sirmienſe Concilium omninò laudat ſanctus Hilarius, & ipſum Vigilius palam affirmat fuiſſe Orientale. Licet enim intra Occidentalis Imperii limites fuerit celebratum, conſtabat tamen ex Orientalibus præſertim Episcopis. Nec aliud ſcribit Hilarius. Scribit ipſum placuiſſe Occidentalibus, non fuiſſe Occidentale. Idem eodem tenore ſcribit de Sardicenſi. Proinde hoc Domini Archi-Episcopi fundamentum eſt infirmum & caducum.

Quæſtio eſt, Quo ſenſu ſanctus Epiphanius ſcripſerit Sardicenſem Synodum fuiſſe Occidentalium? Reſpondeo illum exponi à Chalcedonenſi Synodo in acclamatorio ſermone ad Imperatorem: "Ita & qui poſtmodum ubique adverſus varias Hæreticorum congregati ſunt, novitates, commune de fide Decretum unanimiter ediderunt, ea quæ fraterno conſenſu probaverant, abſentibus evidentiffimè intimantes. Et illi qui, dem qui apud Sardicam contra reliquias Arii convenerunt, Orientalibus direxerunt ſui Conſtituta judicii. Qui verò in his partibus Apollinaris detexere peſtilentiam, Occidentalibus proprium innotuere Decretum". Sermo comparat Sardicenſem Synodum cum prima Conſtantinopolitana, & hanc Orientalium, iſtam affirmat fuiſſe Occidentalium: Quia nempe Occidentales Episcopi in ipſa prævaluerunt. Deinde Epiphanius loqui poſſit ex magno Baſilio, cui Sardicenſis Synodus propter Acta circa Marcellum Ancyra Episcopum graviter diſplicuit. Etenim non ſolam Marcelli perſonam, ſed & ipſius de æterno Chriſti Regno librum probavit, & à calumniis abſolvit iſta Synodus, in quo fuit omninò circumſcripta. Adverſus hanc obreptionem, ac præſertim adverſus Marcelli errorè reclamârunt dum cum Baſilio multi Orientales Episcopi, & tandem Conſtantinopolitana Synodus addidit ſuo Symbolo: *Cujus Regni non eris ſuus*. Iſtam igitur circumſcriptionem, & ex ipſa factam Marcelli abſolutionem digerere non potuit Baſilius, & paſſim appellavit "Facinus Occidentalium". Averſio in plurium animis permaſit uſque ad admiſſum à Romana Eccleſia, & probatum iſtud Marcelli damnatorium Additamentum. Quiſcere tunc cœpit omne illud murmur. Interim ex illo poſſit Epiphanius adhuc fuiſſe locutus. Quidquid ſit, falſum eſt, quod plures poſt peractam Synodum Episcopi ſubſcripſerint ſoli reſtitutioni

sancti Athanasii. Quod omnibus Actis subscripserint, supra audivimus ab ipso Athanasio. Et istam generalem subscriptionem improbavit Basilius: Nempe ob comprehensam absolutionem Marcelli. Adductum Imperatoris Justiniani pro Oecumenica hujus Synodi dignitate testimonium nobis repræsentat sensum totius Orientalis Ecclesiæ.

Notanda sunt hæc Domini Archiepiscopi verba: "Convocatio hujus Concilii eâ mente facta est, ut Concilium Oecumenicum celebraretur; sed quia divortium ante contigit, quam Concilium foret constitutum ex Episcopis utriusque Imperii, res in eo definitæ spectari non possunt, nisi tanquam à Concilio Occidentali decretæ, quandoquidem decretæ sint absentibus Episcopis Orientalibus". Est ipsissimum Hæresiarchæ Nestorii argumentum adversus sacrosanctam Ephesinam Synodum, magno impetu declamatum in querimonia ad Imperatorem Theodosium: "Pius literis vestris morem gerentes, volumus piissimorum Episcoporum undequaque venientium, præcipuè verò magnæ civitatis Antiochenæ Episcopi cum piissimis ejusdem Metropolitani Episcopis, cæterorumque qui ex Italia & Sicilia expectabantur, adventum operiri, atque ita communem omnium confessum instituere. Porro Ægyptii & Asiatici quoddam seorsim conciliabulum instituerunt". Affirmat Ephesinum Concilium, quod ex Theodosii intentione debebat esse Oecumenicum, ob non expectatum Joannis Patriarchæ Antiocheni cum suis Episcopis adventum fuisse à Cyrillo ac Memnone, Ægyptiacæ ac Asiaticæ Dioceseon Exarchis, demutatum in particulare Conventiculum. Et circumscripto Theodosio argumentum placuit. Etenim inter rationes, ex quibus circumduxit Synodi Acta, fuit & hæc: "Neque omnes, ut Decretum erat, piissimi Episcopi convenerunt, cum tamen magnæ Antiochenæ civitatis Episcopus cum aliis Metropolitanis jam appropinquaret". Verùm sanctus Cyrillus in Apologitico ad eundem Principem libro reposuit: "Qui Antiochenæ Ecclesiæ præest, à vestra Majestate ad præfinitum diem adesse jussus, à sancta Synodo absuit. Studio enim in itinere hærebat, ut eâ cunctatione illius improbitati gratificaretur, qui contra Christum nungatus fuerat". Affirmat Joannem non per necessitatem, aut rationabilem causam, sed per dolum aut certè per culpam se-

ſe veniſſe, ideòque nihil Oecumenicæ Dignitatis fuiſſe detractum Synodo. Et Princeps acquievit. Etiam ipſe poſtea Joannes. Et omnis ſemper Eccleſia. Omnes Ephesine Concilium, quia veraciter Oecumenicum, veneramur ut ſacroſanctum Dei Evangelium. Porro cum ſua Eufebiana Factione Stephanus Antiochenus ad Sardicenſem Synodum non ſerò venit, ſed jam præſens per prævaricationem auſugit: Per ſchiſma, per hæreſim, per rebellionem. Quare Oecumenicæ Synodi poteſtas permanſit apud reliquos Episcopos. Paucorum Apoſtatarum iniquitas Synodum, quam Julii Pontificis & Conſtantii atque Conſtantis Imperatorum convocatio ac intentio Oecumenicam eſſe juſſerat, nequit transmutare in particularem. Chriſti Domini promiſſio, "Ubi duo vel tres fuerint congregati in nomine meo, in medio eorum ſum", per aliquot factioſos exuſſari non poſſit, aut truncari. Veram de abſentibus à Synodo Episcopis regulam tradit in literis ad præſatum Imperatorem Theodoſium magnus Leo, ſcribens de Dioſcori Patriarchæ Alexandrini in Ephesine Latrocinio violentiis: "In ipſo judicio, non omnes, qui convenerunt, interfuſiſſe cognovimus. Nam, alios rejectos, alios didicimus intromiſſos, qui pro Dioſcori arbitrio impiis ſubſcriptionibus captivas manus dederant". Sola igitur injuſta excluſio, non dolosa abſentia, longè minùs ſcelerata fuga poſſit Synodum circumſcribere, aut ex Oecumenica transferre in particularem. Immò nec negligens abſentia id poſſit. Etenim Episcopum, qui accedere Synodum neglexerit, & qui legitime detentus non curaverit legare Vicarium, ſacri Canones graviter puniunt, & puniri mandant, etiam per ipſam Synodum, quam neglexit. Quod nempe ipſa plenam integræ Synodi habeat authoritatem.



## CAPUT XXXII.

*Demonstratur quod etiam Orientalis Illyrici Ecclesia semper appellaverit ad Sedem Apostolicam.*

Cap. 14.

**D**ominus Petrus de Marca in septimo sui operis libro ponit hanc conclusionem : "Concilia Provincialia, quorum suprema erat autoritas quoad depositionem Episcoporum, adeo ut nondum ea tempestate permissa esset in Occidente provocatio, relationes tamen interdum suas mittebant ad Sedem Apostolicam, quibus continerentur ea, quæ adversus Episcopum dejectum decreta fuerant". Horrenda conclusio. Et adjungit : "At Innocentius I. audaciæ subsidium à dignitate Sedis suæ petens, atrox vulnus inflixit auctoritati Synodi Macedoniæ, cujus judicium retractavit in causa Bubalii & Tauriani, ea Synodo damnatorum. Id ægrè tulerunt Episcopi per Macedoniam constituti, qui de ea novitate apud Innocentium questi sunt. Quid faceret summus Pontifex? Erat hic sanè locus proferendi auctoritatem canonum Sardicensium, si tunc illi in usu fuissent. Nec sanè eos omisisset Pontifex. Sed neque Concilium Nicænum laudavit : Quod tamen non omisisset, si canone aliquo Synodus illa Romanæ Sedi jus tribuisset retractandi judicia Provinciarum. At fortasse attulit consuetudinem Antecessorum suorum, quemadmodum ab eo usurpatum videmus in plurimis occasionibus. Non ita sanè. Solam ergo æquitatem prætendit, aïens veritatem magis splendescere, cum exagitur, fructumque Divinum esse, cum veritas sæpè examinatur". Affirmat varia. Primò, quod Provincialium Synodorum quoad Episcoporum degradationem judicia sint supremæ ac inappellabilis auctoritatis. An ex Evangelico, an ex Apostolico Jure istam dignitatem ipsis adstruat, ignoro. Ad minus ex Apostolico. Hinc enim secundo asserit, quod Nicæni Canones nihil potestatis super istas Synodos adscripserint Sedi Apostolicæ. Tertiò, quod Sardicensis Synodus cœperit prima hono-

rare

rare sancti Petri memoriam, & ipsi quid modicum impartiri. Quartò, quod isti Canones sub Innocentio primo necdum essent admissi apud Illyricum, Quintò, quod usque tunc Romanæ damnatorum Antistitum appellationes essent illic insuetæ atque incognitæ. Sextò, quod Innocentius ipsas primus tentaverit intrudere. Septimò, quod iste conatus fuerit audax Attemptatum. Octavò, quod ista audacia atrox vulnus Synodorum authoritati inflixerit.

Authenticum atque legitimum Innocentii opus supra exposui. Hic addendum iudico, quod utriusque Illyrici Ecclesiæ Romanarum appellationum consuetudinem semper habuerit, ac ipsas frequenter usitarit. Et ante omnia admiror, quomodò Illyrici Ecclesiæ dicatur ignorasse Sardicenses Canones. Etenim sextus decimus Canon totus est de Theſſalonicenſi Ecclesiâ. Decimus octavus componit litem circa Museum & Eutychianum: Qui putantur fuisse Episcopi præfatæ Ecclesiæ. Et de Romana appellatione Canones emanarunt non ad solam intercessionem Hosii, sed etiam ad relationem Gaudentii, Naxitani Episcopi, Metropolitæ Dacorum. Et hæc forsitan de causa idem Gaudentius Eusebianæ Factioni fuit adeò exosus, ut damnari meruerit per Philippo-Politani Conventiculum. Proinde dubitari non possit, quin Sardicenses Canones statim à sui exordio plenè viguerint in Illyrico. Nam & ipsa Sardica est Illyrici civitas. Quod item Romanæ appellationes illic semper viguerint, lucet ex magni Leonis ad omnes Orientalis Illyrici Metropolitæ literis, quibus Apostolicas vires, quas Anastasio Theſſalonicenſi Archi-Episcopo Antecessor ejus Sixtus III. dederat, confirmat atque ampliat. Etenim in fine adjungit: "Si quæverò causæ graviores vel appellationes emerſerint, eas sub Anastasii relatione ad nos mitti debere decrevimus, ut nostrâ secundum Ecclesiasticum morem sententiâ finiantur". Quid voces, Secundum Ecclesiasticum morem, importent, est omnibus exploratum.

Reverendus Pater Paschasius Quesnellus rectè dat hoc marginale Scholion: "Causæ graviores & appellationes Illyrici reservatæ". Romanæ enim appellationes sunt suprema Romanæ Ecclesiæ dignitas, & de ipsa Dominus singulariter dixit ad Apostolici Collegii Principem: *Confirma Fratres tuos*. Hinc ipsam generatim delegare nunquam consuevit Sedes Apostolica. Eandem in Illyrico

Epist. 9.

Illyrico consuetudinem laudat in literis ad Thessaliæ Episcopos sanctus Bonifacius I. Rufi Thessalonicensis Archi-Episcopi Apostolicis vicibus ob nescio quos ejus excessus recalcitrarant, & ipsas excutere tentarant isti Episcopi, ideoque ad ipsos scripsit Pontifex: "Certè si in quoquam ejus supra debitum fuit visa correptio, quoniam idè tenet Sedes Apostolica Principatum, ut quærelas omnium licenter acceptet, interpellari nos super hoc missa Legatione convenerat, quos curam omnium rerum manere videatis". Epistola exstat in Romana Bonifacii secundi Synodo; vulgata per Dominum Lucam Holstenium. Affirmat quarumvis non ex Illyrico dumtaxat, sed ex toto Mundo querimoniarum & appellationum susceptionem esse ipsum Apostolicæ Sedis Principatum, aut sanè illustrem ejus portionem. Idque idè, quia ipsi manet cura omnium rerum, seu sollicitudo omnium Ecclesiarum; Ex quo vides R. Patrem Paschasium Quesnellum, qui Romanæ Cathedræ appellationes subducit, in vanum profiteri ac prædicare ejus Primatum. Sunt delusoriæ verborum phalæx.

Epist. 10.

Eandem consuetudinem idem Pontifex multà eruditione confirmat in literis ad præfatum suum Vicarium Rufum, & cunctos Orientalis Illyrici Episcopos. Demonstrat omnes Orientales, etiam Patriarchales, Ecclesias esse ac semper fuisse subjectas Romanæ Sedi, atque prosequitur: "Sed quia res postulat, approbandum documentis est maximas Orientalium Ecclesias in magnis negotiis, in quibus opus esset disceptatione majori, Sedem semper consuluisse Romanam, & quoties usus exegit, ejus auxilium postulasse". Affirmat istius perpetuæ subjectionis duos etiam esse perpetuos characteres: Relationem ac appellationem. Affirmat Alexandrinam & Antiochenam, omnesque alias Orientales Ecclesias ad Romanam semper retulisse ac appellasse, ideoque ipsi semper fuisse subjectas. Est irrefragabile argumentum. Etenim nemo refert aut provocat, nisi ad Superiorem. Item ad omnem Superiorem referri potest ac debet, itemque appellari. Sunt correlativa. Sese mutud ponunt ac tollunt. Proinde quisquis appellationes tollit, tollit & Primatum. Dolosa ac Eusebiana est ejus professio. Profiretur solum loci Primatum, non potestatis aut jurisdictionis.

Porro quod omnes istæ Orientales Ecclesie ad Romanam semper retulerint atque appellaverint, Bonifacius demonstrat authenticis

eis & magnis exemplis : " Sanctæ memoriæ Athanasius & Petrus, „ Alexandrinæ Sacerdotes Ecclesiæ, hujus Sedis auxilium postula- „ runt. Cum Antiochena Ecclesia per multum temporis labora- „ ret, ita ut fierent illinc propter hoc ipsum sæpè discursus, pri- „ mò sub Meletio, postea sub Flaviano, Apostolicam Sedem mani- „ festum est esse consultam. Ad ejus auctoritatem post multa quæ „ ab Ecclesia nostra gesta sunt, nemini dubium est Flavianum com- „ munionis gratiam recepisse, quâ in perpetuum caruerat, nisi „ hinc super hoc Scripta manassent. Clementissimæ recordationis „ Princeps Theodosius Nectarii ordinationem, propterea quia in „ nostra notione non esset, habere non existimans firmitatem, „ missis è Latere suo Aulicis cum Episcopis, Formatam huic à Se- „ de Romana dirigi regulariter depoposcit, quæ ejus Sacerdotium „ roboraret. Ante breve tempus, id est, sub Prædecessore meo „ Innocentio, Orientalium Ecclesiarum Pontifices, dolentes se à „ Beati Petri communione sejunctos, per Legatos pacem, sicut „ Charitas vestra retinet, poposcerunt. Quo tempore Apostolica „ Sedes omnia non difficulter indulxit. Quoniam igitur ad pro- „ bandam veritatem arbitror, quæ diximus, exempla sufficere, „ quamvis vestra notione teneantur, absque Fraternalitatis injuria Con- „ ventui vestro volumus his literis obviatum".

Primū itaque exemplum Orientalium Antistitū, qui ad Romanam Sedem provocarunt, atque ab ipsa postularunt auxilium, sunt sanctus Athanasius Patriarcha Alexandrinus, & proximus ejus Successor Petrus. Athanasius contra inflictam sibi à Tyria ac Antiochena Synodo damnationem ad sanctum Julium, Petrus adversus Pseudo-Patriarchæ Lucii intrusionem, ac sibi illatas ab ejus Factione violentias appellavit ad sanctum Damasum, & postulavit auxilia. Et Julius Athanasium solummodò revesitvit, retractatorium causæ Judicium delegans Sardicensi Concilio. Et hinc nati sunt Sardicenses Canones. Eriam præscripta ab ipsis forma, quæ omnem retractatorii Judicii seriem permittit sapientissimo arbitrio Romani Pontificis. Hic innovavit Apostolicum Canonem, & stabilivit perpetuum Ecclesiæ morem, qui tantam auctoritatem Romano Episcopo semper detulerat. Sanxit ex Julii Pontificis non solum Facto, sed & Mandato. Ita enim jubet Apostolica Synodorum lex, Pontifici in generali Concilio adscribens jus relationis cum Prærogativa suffragii.

Hæc Hofius apud Sardicam omninò habuit, & usurpare non potuit sine singulari Mandato. At verò Damasus Petrum non solummodò revesiivit, sed & plenè reparavit. Audiamus rem ab Hermia Sozomeno: "Athanasius Episcopus Ecclesiæ Alexandri-  
 „næ exiit è vita. Itaque morte ejus quamprimum per Arianos  
 „nunciata, brevi tempore post Euzoius, Sectæ Arianæ apud An-  
 „tiochiam Antistes, proficiscitur Alexandriam, & unà cum eo  
 „etiam Magnus Quæstor, ab Imperatore Valente missus. Qui  
 „duo Petrum, cui Athanasius Episcopatum commiserat, compre-  
 „hensum concludunt in carcere. Petrus verò clam è carcere elap-  
 „sus, conscensa nave, ad Damasum Episcopum Romanum traje-  
 „cit". Rem latius narrat Socrates. Et omnium latissimè ipse  
 Petrus in literis ad omnes Orthodoxos sub cælo Episcopos, ex-  
 stantibus in Ecclesiastica historia Theodoret. Pergit Sozomenus:

L. 6. C. 39. "Concilii Nicæni Fautores denuò cœperunt animis confidere. Et  
 „maximè Alexandrini: Nam Petro cum literis Damasi tunc Ro-  
 „ma reverso Ecclesias tradiderunt. Lucius autem inde ejectus  
 „Constantinopolim navigavit". Hoc ipsum scribit Socrates: "Pe-  
 „trus cum literis Damasi Pontificis Romani Roma reversus est.

L. 5. C. 30. "Quæ confirmabant & ejus creationem. Populus igitur illis con-  
 „fusus expellit Lucium, Petrum autem in ejus locum introducit".  
 Proinde Petrus non adversum solas Magni Quæstoris ac Palladii  
 Augustalis Præfecti violentias, sed etiam adversum Lucii intrusio-  
 nem pro sua creatione appellavit, Et hanc confirmavit Dama-  
 sus, istam exufflavit. Solus Damasus. Et isti judicio tantum  
 detulit Alexandriæ Clerus ac Populus, ut spretis Imperatoris Va-  
 lentis Arianis terroribus ejecerint Lucium, & Petrum reposuerint  
 in Thronum. Athanasium fuisse à solo Julio restitutum supra  
 audivimus à sancto etiam Gelasio, ac sancto Felice tertio.

Secundum exemplum est Eustatianum Antiochenæ Ecclesiæ schis-  
 ma, propter quod ad Romanam Ecclesiam facti sunt multi dis-  
 cursus, relationes multæ, multæ appellationes. Et sub Meletio,  
 & sub Flaviano. Sanctus Eustatius, unus ex Nicæni Concilii  
 Primatibus, nequissimè fuit per Eusebianam Arianorum Factionem  
 damnatus, ac Sede ejectus, ipsaque fuit tradita istis hæreticis. De  
 L. 2. C. 34. Meletio scribit Socrates: "Meletius primum Sebastiz, quæ est  
 „in Armenia, delectus est Episcopus. Deinde Sebastia in Epis-  
 „copatum Berrhæ, urbis Syriæ, translatus. Qui cum Concilio  
 Seleuciæ



„Seleuciæ habito interfuisse, fideique formulæ à Factione Aca-  
 „ciana compositæ subscripsisset, extemplo Berrheam repetiit.  
 „Mox Concilio Constantinopoli convocato Antiocheni, cum pro  
 „certo intellexissent Eudoxium ipsorum Ecclesiâ contempsisse,  
 „& Constantinopolim divitiarum causa se transulisse, Meletium  
 „Berrheâ evocatum in Sede Episcopali Antiochenæ Ecclesiæ col-  
 „locant”. Sanctus Epiphanius affirmat eum ab ipso Acacio Lusco,  
 Cæsarænsium apud Palestinos Metropolita, cujus Factionem Se-  
 leuciæ adjuverat, fuisse inthronizatum. Nicephorus Calixtus ad-  
 dit ipsum etiam Eudoxium adjuvisse, sperantem fore, ut Meletius  
 Eustatianos, in Orthodoxa fide ac defuncti Eustatii communione  
 constantissimè perdurantes, ad Arianas partes seduceret. Meletius  
 enim erat vir potens opere ac sermone. Quod ipsum scribit Her-  
 mias Sozomenus, & adjungit: „Sed longè ipsos sua fefellit opi- L. 4. C. 27.  
 „nio”. Etenim ad tantam Sedem evectus Meletius est subitò mu-  
 tatus in alium virum: Mox cepit se monstrare Orthodoxum, &  
 constanter recta prædicare. Sanctus Joannes Chrysostomus affir-  
 mat, quod triginta dierum spatio omnem Antiochiam fecerit cat-  
 holicam. Concionem, cujus causâ hæreticus Archi-Diaconus  
 adscendit Suggestum, ac Meletii os violenter compressit, sanctus Epi-  
 phanius inferuit suo Panario. Et his gravissimè læsi Ariani Im-  
 peratorem suum Constantium impulerunt, ut Meletium uti præva-  
 ricatorem ejiceret, & intruderet fidissimum sibi Euzoium, utpotè  
 ipsius Arii Congertronem, una cum illo olim damnatum ac eje-  
 ctum à sancto Patriarcha Alexandro. Incogniti Authoris Synodi-  
 cus liber affirmat Meletium fuisse communi Arianorum & Ca-  
 tholicorum suffragio evectum, & ipsi ejecto suffectum fuisse Eu-  
 doxium. At cærum est in utroque labi. Exulabat tunc apud  
 Orientem unâ cum sancto Eusebio Vercelleni Episcopo Lucifer  
 Calaritanus Episcopus, agebatque vices Liberii Pontificis ac Sedis  
 Apostolicæ. Et licet Meletii conversionem probaret & laudaret,  
 nullatenus tamen ejus promotionem. Etenim non solum ab Aria-  
 nis patrata erat, sed etiam in locum Arianorum, quos sancto Eu-  
 statio superordinatos perfidia intruserat. Censuit Sedem à sancti  
 Eustatii morte semper vacasse, ac etiamnum vacare. Hinc insu-  
 per videns abesse Meletium, ideoque Sedem non solo jure, sed  
 etiam factò vacuum, ordinavit Paulinum Presbyterum, Eustatia-  
 næ communioni hucusque Præfectum, vacantis Sedis quasi Vica-

rium, & ipsum dixit verum ac legitimum sancti Eustatii Successorem.

Defuncto Constantio in Imperium successit Julianus, qui omnes Orthodoxos ab illo proscriptos Episcopos revocavit, atque ita rediit & Meletius. Hinc Antiochena Ecclesia habuit tres Episcopos : Paulinum, Meletium, & Euzoium. De ipsis scribit Socrates : "Omnibus serè Ecclesiis, quæ ibi erant, Euzoiius Arianae Sectæ Patronus præfuit. Paulinus tamen unam solam, obtinuit Ecclesiarum parvarum, quæ erant intra urbem. Ex qua quidem ipsum Euzoiius propter reverentiam, quam verus illum habuit, non ejecit. Meletius autem extra portas civitatis Conventus celebravit". Et hi sunt Campenses, de quibus in suis ad sanctum Damasum literis beatus Hieronymus, pessimè intellectus ab Erasmo. Et quidem de Meletio ac Paulino, quod ambo essent Orthodoxi, natæ sunt graves contentiones inter Ecclesias. Romana & omnis Occidentalis, licet Luciferi Factum non plenè probaret, adhæsit Paulino, & Meletium, quia olim Arianum, & ab Arianis translatione intrusum, dudum censuit non posse esse Episcopum; Orientalis autem istud ipsum iudicavit de Paulino, quoniam erat superordinatus Meletio. Accessit quod apud plures, licet immeritò, malè oleret de Marcello ac Sabellio.

Hinc ortæ sunt plures Legationes ac provocaciones ad Romanam Ecclesiam. Meletius enim priùs Dorotheum Diaconum, deinde legavit suum Diaconum Sabinum. Ita habemus in variis literis sancti Basilii, qui in suis ad Antiochum Presbyterum literis exponit & primum Romanæ Ecclesiæ de hac lite iudicium : **Epist. 272.** "Postquam reversi sumus domum, confestim occuparunt nos ab Oriente epistolæ, quibus sumus certiores facti, literas accepisse Factionis Paulinianæ Sectatores ab Occidente missas, Principatus ipsius contestationes. Unde mirum in modum Factionis illius homines efferebantur, & tripudiabant, & fidei edebant confessionem : In qua quidem suscipienda paratissimi erant nostris hic Ecclesiis coadunati". Eadem de re scripsit ad illustrem Comitem Terentium, qui Romanum Decretum reveritus volebat in **Epist. 349.** executionem mittere : "Dicebantur Fratres, qui Paulino favebant, in colloquium cum tua Rectitudine descendere de sua nobiscum unione. Nobiscum, inquam, qui à partibus Meletii stamus, illius viri Dei, Episcopi Antiocheni. Quos audio circumferre Occiden-

Occidentalium literas, quibus Episcopalis Antiochiæ Sedes ipso-  
 rum parti addicitur, vir autem admirabilis Meletius ab Episco-  
 patu Ecclesiæ Dei abdicatur. Judicii fundamentum credo à Ba-  
 silio exponi in literis ad Petrum Alexandriæ Patriarcham: "Do-  
 rotheus" Diaconus, Roma reversus, referebat nobis quos te-  
 cum habuit ipse apud Damasum Reverendissimum Episcopum  
 sermones, & mœnore nos affecit, cum prædicaret Fratres no-  
 stros, Deo charissimos nostros Commiñistros, Meletium at-  
 que Eusebium Samosatensem Episcopum, "inter Arii furorem  
 insanientes esse recensitos". Omnibus nervis suadet istas Ro-  
 manorum literas esse subreptitias, & se nec ob delatas ex ipso  
 cœlo literas esse recessurum à Meletio. Imitatur Apostolum scri-  
 bentem ad Galathas: "Licet Angelus de cœlo aliud evangelizet,  
 anathema sit". Nequaquam potestatis defectum arguit, sed  
 vitium circumscriptionis. Et plura congerit de Sabellianismo. Gra-  
 sabatur tunc quæstio de "tribus Hypostasibus". Et Romanis vo-  
 lens consonare Paulinus refutabat ista vocabula. Hinc Græco-  
 rum pluribus reddidit se suspectum de Sabellio.

Plures Orientalium Episcopos occupavit ista in Meletium, Vi-  
 rum veraciter eruditum ac sanctum, pertinax benevolentia. Hinc  
 Damasus Pontifex, Ecclesiæ catholicæ pacem suæ authoritati  
 præferens, non nihil recessit à suo iudicio. Moderamen exponit,  
 atque expostulat idem Basilus in literis ad S. Athanasium. Rogat  
 Romanum Pontificem ab ipso permoveri ad destinandos, qui la-  
 mentandas Orientalis Ecclesiæ turbas componant, Apostolicos  
 Legatos, atque adjungit: "Et cum qui mittendi sunt volente Deo  
 advenerint, non interant Ecclesiæ schismata, sed magis idem  
 sentientes quovis modo ad unitatem pertrahant, etiamsi quos-  
 dam invenerint, qui pecuniaria inter se quædam dissidii argumenta  
 præferant. Ne populum Orthodoxum à suis Propositis separent,  
 & in multas partes dividant. Cavendum est enim, ut paci postha-  
 beantur omnia. Et cum primis Antiochenæ Ecclesiæ medeantur. Ne  
 in ea sincera pars imbecillis facta Personarum respectu scindatur".  
 Omnia satagunt pro Meletio. Rogant mitti Legatos, qui Ortho-  
 doxum Orientis populum à suis Orthodoxis Episcopis non separent,  
 atque ita addant schismatibus schismata, sed dispensatoriè omnia post-  
 habeant paci, ideoque in illis civitatibus, in quibus duos repere-  
 rint catholicos Episcopos, permittant sedere utrumque, ipsos in-

ter se pacificent, & ambobus impertiant communionem Apostolicæ Sedis. Totus eorum conatus sit Evangelicum Dogma reducere ac stabilire. Et ista præsertim faciant in Antiochena Ecclesia. Inter Paulinum ac Meletium. Epistola hæc videtur non ad Damasum scripta, sed ad Liberium. Ipsam tamen, & ejus rationes attendit, exaudivit, & explevit Damasus. A suo judicio recedens tam Meletio, quam Paulino confirmavit Episcopatum, & utrique dedit communionem suæ Sedis ac totius Occidentalis Ecclesiæ.

Lucet hoc ex Aquileiensis Concilii literis ad Imperatores, Gratianum, Valentinianum, ac Theodosium: "Antiochenæ Ecclesiæ, Episcopus Paulinus, qui semper communionis nobiscum intemeratam habuit concordiam, dissensionibus aliorum, quorum fides superioribus temporibus hæsitabat, fertur urgeri". Omnino notatur Meletius. "Quos quidem, si fieri potest, & fides plena commendat, ad consortia nostra optamus adjungi, sed ita ut, vetustæ communionis sociis sua Prærogativa servetur. Quorum nobis hæc non superflua cura est. Primo omnium, communionis societas nullam potest habere offensam. Deinde, quia, utriusque partis dudum accepimus literas, præcipuèque illorum, qui in Antiochiæ dissidebant Ecclesia. Et quidem nisi hostilis impedimento fuisset irruptio, aliquos etiam de nostro numero disposuimus illò dirigere, qui sequestres & arbitri refundendæ, si posset, pacis existerent. Sed quia studia nostra tunc temporis habere effectum per tumultus publicos nequiverunt, oblatis Pietati vestræ nostras repetimus preces, quibus hoc poposcimus, ut altero decedente penes superstitem Ecclesiæ Jura permanerent, nec aliqua superordinatio vi tentaretur". Hoc ipsum ad Imperatorem Theodosium scribunt S. Ambrosius & cæteri Italiæ Episcopi: "Scripsimus dudum, ut quoniam Antiochena civitas duos haberet Episcopos, Paulinum atque Meletium, quos fidei concinere putabamus, aut inter ipsos pax & concordia salvo ordine Ecclesiastico conveniret, aut certe si quis eorum altero superstite decessisset, nulla subrogatio in defuncti locum superstite altero gigneretur". Epistola exstat in appendice Theodosiani Codicis. Proinde Damasus & Paulinum & Meletium confirmavit in Episcopatu, atque ita istam pacificavit Ecclesiam.

Confirmavit sub tribus conditionibus. Primò, ut Meletium; qui

qui de Ariana scabie non cessabat traduci, plena fides commendaret. Deinde, ut Paulinus, tanquam antiquus Romanæ communionis socius, haberet suam Prærogativam. Hoc est, licet Ordinatione posterior, esset tamen loco & communi intra Thronum confessu dignior & prior. Idque idè, ut pax fieret citra offensam veteris amicitiae. Et hæc Paulini Prærogativa fuit non minima cura Romanæ Ecclesiæ. Tertia conditio fuit, ut ultimo superstes esset plenus & solidus Episcopus, & defuncti Sequela nullam attentaret superordinationem. Factum hoc est ad quartum sæculi annum septuagesimum tertium, in Romana nonaginta trium Episcoporum Synodo, "qui ad audiendam causam Auxentii", Ariani Mediolanensis Episcopi, "exponendamque fidem in Urbe", Roma convenerunt, & sua Acta direxerunt catholicis per Orientem constitutis Episcopis. Synodalis Epistola habet hanc subnotationem: "Explicit hæc epistola, vel expositio Synodi Romanæ, habitæ sub Damaso Papa, & transmissa ad Orientem, in qua omnis Orientalis Ecclesia, factâ Synodo apud Antiochiam, consonâ fide credentes, & omnes ita consentientes, eidem super expositæ fidei singuli suâ subscriptione confirmant". Omnium primus subscripsit Meletius: "Meletius Episcopus Antiochenus, consensio omnibus superscriptis, ita credens & sentiens. Et si quis præter hæc sentit, anathema sit". Eodem modo proximus post ipsum subscripsit Eusebius Samosatensis. Et subnotatio concludit: "Similiter & alii centum quadraginta sex Orientales Episcopi subscripserunt, quorum subscriptio in authenticum, hodie in Archivis Romanæ Ecclesiæ tenetur". Tot appendices habebat Meletius. Per talem omnium subscriptionem demonstravit suam plenam fidem, atque ita explevit primam conditionem requisitam à Damaso. Et hæc omnia Dorotheus, ejus ibidem Legatus, ac tunc ex Diacono Presbyter, Pontifici authenticè persuaserat, atque ita plenè purgaverat Meletium. Haud dubiè adjutus à Petro Alexandriæ Patriarcha, qui aderat isti Synodo.

Hæc Synodus non solummodò Arianam damnavit hæresim; sed etiam errores Apollinarii. Nihilominus dolosum Vitalem, licet gradu moverit, attamen communionem impertiit, aut potius impartendum remisit Antiochiam ad Paulinum. Ipsum per hunc, non per Meletium voluit admitti in communionem Romanæ Ecclesiæ.

clesiæ. Et in scriptis ad Paulinum literis adjunxit : " Fidem nos  
 „stram misimus, non tam tibi, qui nobis ejusdem fidei commu-  
 „nionem sociaris, quàm his, qui in ea subscribentes, tibi, id est,  
 „nobis per te voluerint sociari". Omnes ex quavis hæresi ad fi-  
 dem accessuros voluit non per Meletium, sed per Paulinum dis-  
 cuti, probari, atque admitti. Quod nempe penes ipsum esset  
 Antiocheni Episcopatus Prærogativa. Hæc potestas erat una ex  
 istius Prærogativæ portionibus. Hæc item est causa, ex qua  
 Paulinus laudatis Synodalibus Damasi literis non subscripsit. Isto  
 tempore sanctus Hieronymus, hærens in Antiocheno Patriarcha-  
 tu, ac ad Damasum scribens de quæstione "trium Hypostasium":  
 admiratus est Antiochiæ esse tres Episcopos, Paulinum, Mele-  
 tium, ac Vitalem. Omnes gloriantes se communicare Damaso,  
 ac ejus Sedi. Hinc addidit aut omnes tres mentiri, aut certè duos:  
 Non plenè capiebat dispensatoriam Damasi gratiam. Vitalis ta-  
 men omninò mentiebatur. Utpotè à Damaso admissus in com-  
 munionem, sed laicam. Homo contumax perstitit se ostentare  
 Episcopum, & hæresim palam profiteri. Lucet ex illis, quæ  
 cum ipso egit, ac de ipso scribit sanctus Epiphanius.

Etiam tunc admissa fuit stipulatio, quam Paulino aliquando  
 obtulerat Meletius : "Quoniam & mihi istarum ovium procura-  
 „tionem commisit Dominus, & tu aliarum curam suscepisti, ipsæ-  
 „que oves veræ pietatis communionem consentiunt, Greges con-  
 „cordiæ vinculo jungamus, & contentionem de Primatu diri-  
 „mamus. Et cum oves communiter pascamus, communem illis  
 „ritè moderandis curam adhibeamus. Quod si Sedes contentio-  
 „nem gignit, ego hanc contentionem conabor à nobis repelle-  
 „re. Nam ponamus in ista librum Evangelii, & utrimque  
 „nos sedeamus. Quod si ipse prius è vita abiero, tu solus gre-  
 „gem moderaberis; sin autem tibi illud contigerit, ego curam  
 „omnium geram". Ita affirmat in Ecclesiastica historia Theodo-  
 retus. Huic paci adfuit & intervenit sanctus Gregorius Nyssenus  
 Episcopus, ipsamque laudat in suis epistolis. Erat Germanus  
 Frater magni Basilii, idedque certum est, quod constanter ege-  
 rit pro Meletio. Hermias Sozomenus addit conditionem placuisse  
 omnibus, & ab utriusque contendentis persona & Clero fuisse  
 firmatam jurejurando. Unicum obstitisse Calaritanum Luci-  
 ferum. Cujus rei fides sit penes ipsum. Rei igitur series fuit mis-

sa Ro-

ſa Romam per Petronium Paulini Presbyterum, & Dorotheum Presbyterum Meletii, & à Damaso confirmata. Non à generali Concilio, ſed à ſolo Damaso.

Sanctus Bonifacius rectè affirmat duram hanc litem non ſolum ſub Meletio, ſed etiam ſub ejus Succeffore Flaviano fuiſſe judicatam & compoſitam à Sede Apoſtolica. Etenim poſt Meletii mortem neutra pars ſervavit pactorum fidem. Paulinus, dum ſe admitti ac firmari poſtulat in ſolidum Episcopum, rejicitur à Meletii Fautoribus, ac ipſi ſuperordinatur Flavianus. A Diodoro Tharſenſium Metropoliſita, ac Acacio Epifcopo Bertheuſum, Flavianus & Diodorus, Antiochenæ Eccleſiæ olim Compresbyteri, ſemper fuerant Paulino pertinaciter adverſati. Et iſtam injuriam non ſufferens Paulinus ſibi adhuc vivo Succefforem ordinavit Evagrium. Et quidem ſolus. Ita in Eccleſiaſtica Hiſtoria teſtatur Theodoretus. Aſſert tamen affirmant non niſi poſt Paulini mortem fuiſſe eveſtum. Ut ut ſit, aut Paulinus aut ejus communio egit ex vetuſta regula: "Frangenti fidem fides frangatur eidem". Et hinc Flavianum, utporè manifeſtè perjurum atque intruſum, ſemper ac meritò averſata fuit Romana Eccleſia. Quin & Diodorum atque Acacium pro excommunicatis habuit. Ita ſcribit Hermias Sozomenus. Hinc novæ atque horrendæ lites, de quibus ad Theophilum Alexandriæ Patriarcham ſcripſit ſanctus Ambroſius: "Inter hos duos", Evagrium & Flavianum, "nihil quod ad Chriſti pacem pertineat eligentes, gravis toto Orbe ſtabat diſcordia. Cui bonæ pacis naufragio ſancta Synodus Capuensis tandem obtulerat portum tranquillitatis, ut omnibus per totum Orbem daretur communio catholicam conſentientibus fidem, & duobus iſtis tuæ Sanctitatis examen impartiretur". Ad quæſtionem decidendam Siricius Pontifex indixit Capuanam Synodum, & utrumque malè ordinatum juſſit aſſeſſe. Adfuit ſolus Evagrius. Hinc Synodus cauſſam delegavit Theophilo ac ejus Synodo: "Quia hoc verum judicium futurum arbitrati ſumus, quod neutri parti ſocietate communionis aliquo favore propenderet". Romana Eccleſia; licet neutrius probaret cauſſam, & utrumque non propriis meritis, ſed alienis dumtaxat vitiis videret niti, magis tamen propendebat in Evagrium: Quodd Paulini Succellor & creatura eſſet, & quod ipſum imitatus invocaret auxilium Sedis Apoſtolicæ. Hinc Siricium Flavianus ſuſpectum habuit, & noluit advenire Capuam.

Vu

At

L. 7. C. 11.

Epiſt. 9.

At verò Theophilus neutri parti adhæserat per communionem, aut favoris fomenta præbuerat : Hinc Capuana Synodus ei delegavit causam. Sub ista tamen conditione, quam illi plenè observandam inculcavit sanctus Ambrosius : "Sanè referendum ar-  
bitramur ad sanctum Fratrem nostrum Romanæ Sacerdotem Ecclesie, quoniam præsumimus ea te judicaturum, quæ etiam illi displicere nequeant. Ita enim tuæ consultum erit sententiæ, ita pacis & quietis securitas, si id vestro statuatur Concilio, quod communioni nostræ dissensionem non adserat, ut nos quoque" accepta "vestrorum serie Statutorum, cum id gestum esse cognoverimus quod Ecclesia Romana haud dubiè comprobaverit, læti fructum hujusmodi examinis adipiscamur". Delegatio facta est sub obligatione præviæ relationis ad Romanum Pontificem, & ab ipso accipiendæ probationis ante prolationem sententiæ. Ex quo lucet caduco fundamento niti Joannem Launum, dum ex ista delegatione nititur elicere, quod Romanus Pontifex olim subfuerit generali Concilio.

Quomodò autem Flavianus huic delegationi obtemperaverit, exponit idem Ambrosius : "Cum ex his æquissimæ Synodi Constitutis speraremus jam remedium datum, finemque oblatum discordiæ, scribit Sanctitas tua iterum Fratrem nostrum Flavianum ad precum auxilia, & Imperialium Rescriptorum suffragia remeavisse. Frustra ergò tantorum Sacerdotum fusus labor, iterum ad hujus sæculi judicia revertendum. Iterum ad Rescripta, iterum vexabuntur Sacerdotes senes, transfretabunt maria, iterum invalidi corpore Patriam peregrino mutabunt solo, iterum sacrosancta Altaria deferentur, ut in longinqua profisciscamur : iterum pauperum turmæ Episcoporum, quibus ante onerosa paupertas non erat, externæ opis egentes compellentur inopiam gemere, aut certè victum inopem itineris usurpare. Interea solus exlex Flavianus, ut illi videtur, non venit, quando omnes convenimus". Flavianus recusavit etiam Theophili Tribunal, & ab isto Capuanæ Synodi Statuto appellavit ad generalem in Oriente celebrandam Synodum, ipsam postulavit ab Imperatore Theodosio, & videtur impetrasse. Ab Apostolica Sede provocavit ad Synodum. Quod in Oriente celebrandam postulaverit, demonstrant Ambrosii verba : Transfretabunt maria. Non utique Græci, sed nos Latini Episcopi. Hinc subditur : "Ut in longinqua profisciscamur". Sed



Sed qualem & quantam reverentiam isti appellationi detulerit Siricius, audiamus à Theodoro, summo Encomiaste ac Patrono Flaviani. Exponit, licet non plenâ fide, rei seriem, ac prosequitur : "Romani nihil horum scire cupientes, Evagrii communionem sunt amplexati, ac Imperatoris animum contra Flavianum incitare studuerunt. Nam cum Imperatori nimis acriter instando multum sæpè exhibuissent molestiæ, accersit eum Constantinopolim, & Romam proficisci jubet. At Flavianus respondet hyemem jam esse. Itaque pollicitus se incunte vere imperata facturum, in patriam revertit. Sed cum Episcopi Romani, non solum Damasus ille admirabilis, verum etiam post illum Siricius & Anastasius, vehementius in Imperatorem invecissent, dixissentque eum illos, qui Tyrannidem contra se exercere molirentur, opprimere, sed his qui per Tyrannidem Christi Leges evertere studerent, impunitatem concedere, eum Imperator denuò accersit, Romamque ut contendat, cogere laborat". Affirmat Romanos Pontifices Flaviani appellationem sprevisse, habuisse pro Tyrannide ac rebellionem, nec permisisse causam divelli à suo Tribunali. Et interim Evagrium vestierunt ac posuerunt in Thronum. Ejusdem sententiæ fuit sanctus Ambrosius, Flavianum dicens exilem.

Rem tandem post Evagrii mortem composuit sanctus Joannes Chrysostomus. Etenim à Meletio in Diaconum, ab Evagrio in Presbyterum consecratus, post hujus mortem transit ad Flavianum, fuit illi familiarissimus, sub illo dixit Homelias ad Antiochenum Populum, & ex ejus Presbytero exaltatus est in Episcopalem Cathedralam Regiæ civitatis. De ipso igitur apud Constantinopolim consecrato scribit Hermias Sozomenus : "Quamprimum Joannes ad Episcopatum pervenisset, cum Ægyptii Sacerdotes & Occidentales adhuc cum Orientalibus dissiderent propter Paulinum, & communis quædam distractio ob hoc ipsum Ecclesias per universum Imperium detineret, Theophilum orabat, ut in hoc subsidium ferret, quo Flavianus in gratiam Romani Episcopi reduci posset. Consensu igitur utrimque facto ad hoc negotium eliguntur Acacius Berrheensis Episcopus, & Isidorus ille, cujus nomine Theophilus ordinationi Joannis obstiterat. Hi profecti Romam, ac Legatione pro votis functi, in Ægyptum adnabant. Et hinc porro in Syriam pervenit Acacius, Flaviano li-

„teras pacificas ab Ægyptiis & Occidentalibus adferens“. Quod ipsum referunt in Dialogo de sancti Joannis Chrysostomi Actis Palladius Helenopolitanus Episcopus, & apud Photii Bibliothecam in ejusdem sancti Joannis vita Georgius Patriarcha Alexandrinus, graviter tamen labens gratiam istam fuisse factam à sancto Damaso. Facta enim fuit à sancto Innocentio. Hic ipsam prius navigare in Ægyptum, ac Theophilo placere voluit, quod Flavianus etiam hunc graviter offendisset.

Eadem de re Zachariz, Photianæ Factionis Chalcedonenſi Episcopo, ad octavam Synodum dicenti, „Flavianum Antiochiæ Patriarcham Romani non receperunt, sed cum Canon nullatenus condemnavit“, atque hoc exemplo tentantis purgare schismaticam rebellionem sui Photii, reposuit Metrophanes orthodoxus Metropolita Smyrnenſis: „Porro Patriarcham Antiochiæ Flavianum recusabat quidem Romanorum Ecclesia suscipere, interim Paulinum propter magni Eustatii dilectionem stabilientes, qui Princeps erat eorum, qui propter Eustatium resistebant, & disjungebantur, ac seorsim colligebantur, non tamen & usque ad finem habuerunt hanc mentem. Piissimo enim Imperatore Theodosio mediante acceptum reddiderunt eum, & Patriarcham habuerunt cum Antiochiæ, ita ut & in hoc mendaciter loquens apparueris. Si enim usque in finem abjecissent eum, benè utique inveniretis fuisse locutus. Si verò lite cum Paulino detenti resisterent quidem propter causam, quam dixi, deposuerunt, autem hujusmodi contentionem, & receperunt eum, frustra dixiſſi receptum fuisse Flavianum contra Romanam Ecclesiam“. Labitur fuisse receptum ad mediationem Imperatoris Theodosii. Receptus enim fuit post ejus mortem sub filio & successore Arcadio.


Tertium Romanæ appellationis Orientale exemplum sanctus Papa Bonifacius adducit Nectarium Constantinopolitanum Episcopum, cui ad Imperatoris Theodosii preces, factas per Legatos è Latere Episcopos atque Aulicos, Episcopalem confirmationem & communionem tandem dedit sanctus Damasus. Rectè. Quoniam Nectarii causa erat appendix ad Romanam appellationem Maximi Cynici. Etenim Maximus non adversus solum Constantinopolitanæ Synodi judicium, & sibi ab ipso inflictam degradationem appellavit, sed etiam adversus promotionem sancti Gregorii Nazianzeni, ac præsertim adversus factam pendente appellatione

latione superordinationem Nectarii. Lucet ex sancti Ambrosii ad præfatum Imperatorem literis, quibus affirmat Maximi appellationem fuisse admissam, & ipsum reconstitutum à Romana Ecclesia: "Nectarii ordinatio quem ordinem habuerit, non videmus. „Revera advertebamus Gregorium nequaquam secundum traditionem Patrum Constantinopolitanæ Ecclesiæ sibi Sacerdotium vindicare". Nec tantum de factæ superordinationis vitio, adeoque de Sardicensium Canonum prævaricatione, sed insuper de alio non modico crimine agebatur in Nectarium. Pergit enim Ambrosius: "Meletio defuncto, Paulino superstitite, quem in communionem nostram mansisse consortia, quæ à Majoribus inoffensè ducta, testantur, contra fas atque Ecclesiasticum ordinem in locum Meletii non tam subrogatus, quàm superordinatus asseritur. Atque hoc factum allegatur consensione & consilio Nectarii". Erant omnes gravissimæ causæ. Et quidem Maximus Cynicus non adversus aliquam Provinciæ, sed adversus plenam totius Orientis Synodum provocaverat. Et ista omnia definivit solus Episcopus Romanorum.

Quartum Romanæ appellationis Orientale exemplum, hic laudatum à Pontifice Bonifacio, est proximus Nectarii Successor sanctus Joannes Chrysostomus. Eum Innocentius I. restituerat, & ad ejus causam plenè retractandam indixerat Thessaloniensem Synodum: Et quia Theophili Patriarchæ Alexandrini, & ipsi adhærentium Episcoporum contumacia obedire detrectaverat, separavit se & omnes Latinos à communione Orientalis Ecclesiæ. Hoc enim tunc erat frænum, quo Romana Sedes Græcorum proterviam solebat domare & frangere. Et hanc præsentem per ipsum etiam fregit sanctus Innocentius. De his enim rebus omnino scribit Bonifacius: "Ante breve tempus, id est, sub Prædecessore meo beatæ recordationis Innocentio, Orientalium Ecclesiarum Pontifices dolentes se à beati Petri communionem sejunctos, per Legatos pacem, sicut Charitas vestra retinet, poposcerunt". Sancti Joannis nomen reddiderunt sacris Ecclesiarum tabulis, atque ita illum ut Canonicum, quia benè ac plenè reparatum, Episcopum agnoverunt. Ex quo lucet non sola de Dogmaticis, sed etiam de Canonicis quæstionibus Synodalia Orientalium Judicia fuisse semper per appellationem devoluta ad Apostolicam Sedem, ac per ipsam solam retractata ac definita. Bo-

nificius rectè dixit : "Sicut Charitas vestra retinet". Etenim Rufus ad laudatam Thessalonicensem Synodum viderat ac fecerat omnia præparamenta.

Quod Illyriciana Ecclesia Romam appellare semper consueverit ; aptè etiam proficitur in exhibitis Bonifacio secundo precibus Stephanus Larissæ Episcopus, Metropolita Thessaliæ : "Denique „per hoc quia venerabiles effecti ante vos, & quanti sancti illam Sedem habere meruerunt, corpore quidem in Romana gloriosa degentes civitate, spiritu autem ea, quæ ritè agebantur, „omniò ornantes & transgressi, & plurimi ex corpore Ecclesiæ „ab inimicorum calumniantium violentia sunt liberati à Deo & „à venerabili Apostolica Sede". Utique omnes ad ipsam ex bonis fundamentis provocantes. Insuper edicit liberationis ac liberatricis potestatis radicem : "Ergò nec tu ipse, sanctissime Pater, me multis circumdatum malis, & ad Deum solummodò „atque vestram Paternâ consuetudine Pietatem respicientem, habebis despectui. Quoniam nullus Ecclesiasticus ordo illam „vestram, quæ à Salvatore omnium & primo Pastore vobis est „collata, potest præcellere potestatem. Exiguum est vel humile, in quo non Providentia vestra respicit". Affirmat istam potestatem non à Sardicensi aut alia esse Synodo, sed ab ipso Christo Domino, qui eam sancto Petro dedit transfundendam in Successores.



CAPUT

## CAPUT XXXIV.

*Adducuntur varia Romanarum ex illyrico  
appellationum exempla.*



Primum exemplum sit Perigenes Corinthi Episcopus, Metropolita Helladis. Hic Corinthi natus ac renatus, necnon in ejusdem Ecclesiæ Clero existens à prima ætate, nescio quomodo fuit electus & consecratus Episcopus ad Patrensem Ecclesiam. Ast ipsum "Civitatem suam Patrenses populi uniæ", contradictionis voce arcuerunt. Hinc iuxta Antiochenum Canonem permansit Corinthi, solo honore Episcopus. Interea moritur Episcopus Corinthiorum. Hinc ista ipsum postulavit Ecclesia. Verum quod quosdam quasi de translatione moveret scrupulus, relata fuit res ad Bonifacium primum Pontificem: Et hic ipsum post maturum examen admisit. Et rectè. Etenim quod istiusmodi à sua, ad quam consecrati, civitate per injuriam rejectos, & nunquam admissos Episcopos in aliam incardinari Ecclesiam permiserit Apostolica disciplina, docet non sola Antiochena Synodus, sed & perpetua omnium gentium consuetudo. Ista incardinatio nullatenus est translatio. Nihilominus Com-Provincialium aliqui sunt averfati Perigenem, & paraverunt convenire ad Synodum, ac definire quæstionem. Et videntur non solummodo adversus formam, sed aliquid etiam habuisse contra materiam. Nec ipsos deterruit Regula per Eulalium Syracusæ Episcopum laudata apud quartam Symmachi Pontificis Synodum: „Quod si cujuscunque Provinciæ Sacerdotes, intra terminos suos, Concilio habito, quidquam sine Metropolitani sui auctoritate, tentaverint, irritum esse debere sancti Patres sanxerunt". Utique Nicæni Patres in suo quarto Canone. Nec item Regula vetans Præpositum judicari à subditis. Etenim censuerunt Perigenem esse intrusum, & proinde adhuc vacare Sedem, ideoque

que imitari crediderunt secundæ Mœsiæ, ac secundæ Syriæ Episcopos, qui ad Leonis Augusti jussum sine Metropolitâ convenerunt, & suum Synodale Judicium ediderunt de creatione Timothei Æluri & autoritate Chalcedonenſis Concilii. Hinc Perigenes sibi metuit, ideoque provocavit ad Papam Bonifacium, supplicans auxilium, de quo Dominus ad Petrum: *Confirma Fratres tuos.* Et ipsum exaudivit Pontifex, & ad Rufum Theſſalonicenſem Episcopum, suum in Illyrico Vicarium scripsit: "Ad Synodum, quæ dicitur illicite congreganda de causa  
 „Fratris nostri & Co-Episcopi Perigenis, cujus scriptissimus sta-  
 „tum nulli posse penitus ratione turbari, talia Scripta direxi-  
 „mus, quibus universi Fratres intelligant primò convenire se  
 „citrà conscientiam tuam minimè debuisse. Deinde de nostro  
 „non esse Judicio retractandum". Affirmat istam Synodum  
 illicite congregandam, & fore Attentatum, ideoque Perigenis  
 dignitatem jubet esse stabilem, & à nullo vexari.

Ista Synodus videtur indicta per autoritatem Attici Episcopi Constantinopolitani, ideoque habuisse audaciam attentandi in proprium ab Apostolica Sede confirmatum Metropolitam. Perigeni adversantes Episcopi videntur adhæsisse nuperæ legi, quâ Imperator Theodosius Orientale Illyricum Apostolicæ Sedi abstulerat, & transcripserat in Patriarchicam Potestatem Constantinopolitanæ Cathedræ. Præfati Episcopi ex hac lege videntur censuisse Bonifacium Pontificem dixisse jus extra Territorium, ac proinde sententiam esse nullius ponderis, ideoque reclamasse ad Atticum. Hoc penitus suadent hæc Bonifacii verba: "Quis  
 „certè Antistitem, ut Fratrum conveniret turba, præcepit,  
 „lectis Epistolis nostris"? Hoc est, Quis Antistes cognitis &  
 „lectis nostris pro Perigene literis habuit autoritatem convocan-  
 „di Synodum, & nostrum Judicium retractandi? Pergit Ponti-  
 „fex: "Quoniam locus exigit, si placet, recensete Canonum  
 „sanctiones, reperietis quæ sit post Romanam secunda Sedes,  
 „quæve sit tertia. A quibus ideo ita rerum videtur ordo di-  
 „stinctus, ut se Ecclesiarum Pontifices cæterarum, sub uno  
 „tamen eodemque Sacerdotio, habere cognoscant, quibus cha-  
 „ritate servatâ propter Ecclesiasticam disciplinam debeant esse  
 „subjecti. Et quidem hæc sententia Canonum à vetustate du-  
 ravit

travit, & nunc usque Christo nostro favente perdurat. Nemo unquam Apostolico Culmini, de cujus Judicio non licet retractari, manus obvias audacter intulit, nisi qui de se voluit judicari. Hæc omnia palam diriguntur in Episcopum Constantinopolitanum. Affirmant ipsum non esse Patriarcham, nec Illyrici, nec ullius gentis, ideoque hæc omnia ejus Acta esse novitatem & audaciam. Etenim Ecclesia non habet nisi tres Patriarchales Sedes: Inter quas cuncti norunt non esse Constantinopolitanam. Affirmant omnes tres Romanæ subjici, & judicare non posse de ejus Judicio, ideoque longè minus posse Constantinopolitanam, quæ non est aliud quàm simplex Parochia in Provincia Europæ. Ita Pontifex subnervavit istam Corinthiæ Provinciæ Synodum, & provocantem ad se Perigenem stabilivit adversus Attici violentias. Et hinc discimus, quod olim appellari consueverit non solummodò adversus latam, sed etiam adversus ferendam à Synodis sententiam.

Secundum Romanæ ex Illyrico appellationis exemplum est Perrevious Thessaliæ Provinciæ Episcopus, de quo laudatus Papa Bonifacius in literis ad Rufum Thessalonicensem: "Perrevii Co-Episcopi negotium, cuius nobis libellus ab eodem destinatus fecit indicium, cui Con-Sacerdotes sui molesti nimis esse dicuntur, ita ut eum Ecclesiâ suâ crederent esse pellendum, diligenter audire tuam volumus Charitatem, conventis supra dictis Co-Episcopis nostris, quorum se vim sustinere deplorat. Tunc demum, ut intelligant si quid à se factum est contra consuetudinem, prius esse cassandum, omnibus vestigatis ad nos tua Charitas referre maturet, quatenus prolatum à tua Fraternitate judicium sententiâ nostrâ valeat roborari". Juxta Sardicenses Canones causæ hujus retractionem delegat Rufo suo Vicario, attamen cum onere ad se referendi omnia. Et adjungit: "Sanè in epistola Thessalis Fratribus destinata id à nobis scriptum volumus recognosceas, Pausianum, Cyriacum, & Calliopum à nostra communione penitus submovendos, ita ut remedium solum interventionis tuæ gratiam se habere cognoscant. Maximum autem, quem malè tua Charitas retulit ordinatum, in totum Sacerdotii censemus honore privandum".

Hic est omninò ille Perrevious, qui adfuit Ephesino Conci-

lio, isthuc appellatus Pharmaliensis Episcopus, itemque Episcopus saltuum Thessalonicensem. Videtur esse unus & idem. Nempe erat nullius speciatim civitatis, sed totius Regionis Episcopus, qualis in Italia est Episcopus Sabinensis. Perreus videtur à Rufo Vicario, aut certè ad ejus mandatum fuisse consecratus, at verò Pausianus, Cyriacus, & Calliopius videntur per Attici Constantinopolitani auctoritatem superordinasse Maximum. Et uti Perreus Romam, ita cum suis intrusoribus Maximus videtur provocasse Constantinopolim. Hos enim Pontifex notare videtur in sequenti ad Thessaliæ Antistites epistola: "Audio Episcoporum quosdam, Apostolico jure contempto, novum quidpiam contra Christi propriè Præcepta tenere, cum se ab Apostolicæ Sedis communione, & ut ita dicam verius, potestate separare nituntur, eorum petentes auxilium, quos Ecclesiasticarum Sanctio regularum majoris esse non dedit potestatis". Hoc est, appellantes ad eum, cui sacri Canones nullum dant præ-eminentiæ locum, quem jubent esse simplicem Heraclæensis Metropolitæ Suffraganeum. Et hinc Perreus prævaluit. Maximus fuit ejectus. Ejus Ordinatoribus nulla fuit veniæ spes, nisi per reditum ad Vicarii obedientiam, illiusque apud Pontificem preces pro pœnitentibus.

Tertium Romanæ ex Illyrico appellationis exemplum est Felix, nescio cujus in nova Epyro Sedis Episcopus, de quo ad totius istius

Epist. 13. Diœcesis Episcopos scripsit sanctus Celestinus Pontifex: "Nunc Dyrrachenæ Provinciæ causa nos monuit, ubi quorundam accusantium factione Frater & Co-Episcopus noster Felix, si non nostra intervenisset diligentia, fuisset oppressus". Videtur non oppressus, sed dumtaxat fuisse opprimendus, idèque non à lata sententia, sed provocasse adversus ferendam. Ad instar Perigenis. Celestinus adjungit: "Nullus" Illyrici Metropolitæ "usurpet eodem", Thessalonicensi Vicario, "inconscio commissam illi Provinciam; colligere, nisi cum ejus voluntate, Episcopos non præsumant". Existimo legendum: Per commissam illi Provinciam colligere Episcopos non præsumat. Quod ipsum Bonifacius scripsit ad Rufum. Dyrrachiensis Metropolitæ hanc à Vicario dependentiam censuit suæ dignitati & quarto Nicæno Canoni adversam, idèque Felicem judicaturus suo arbitrio convocavit Synodum, & Rufi reclamationem contempsit.



fit. Hinc Felix provocavit ad Celestinum, & exauditus impetravit suspendi Synodum, atque ita à damnationis periculo liberari. Ista porro dependentia, licet videatur, non adversatur Nicænis Canonibus. Etenim sextus Canon firmavit Ægyptiacæ Diocesis consuetudinem, in qua nullus Metropolitæ, sed solus Patriarcha potuit celebrare Synodos. Hinc ex omni Ægypto nullam reperias, nisi Alexandrinam. Idem Canon sanxit Patriarchicam Ægypti potestatem procedere ad normam Romanæ. Proinde Romani Pontifices, dum Illyrici Metropolitæ imposuerunt istam dependentiam, non læserunt istos Canones. Et impositio habuit justas rationes. Etenim Constantinopolitani Episcopi insidiabantur istis Provinciis, & inter ipsarum Episcopos hinc inde habebant suos fautores. Hinc ad præcidendas Factionum technas Apostolica Sedes Metropoliticam isthæ potestatem circumcidit, & nullam permisit ab ipsa celebrari Synodum sine conscientia & prævia facultate Vicarii.

Quantum Romanæ appellationis exemplum, à Sixto tertio Pontifice laudatum in literis ad sanctum Proclum Constantinopolitanum Episcopum, licet ex Illyrico non sit, spectat tamen ad ipsum, utpotè adductum ad Proclum divertendum ab invasione istius Diocesis. Ad cohibendas ejus manus à Juribus Romanæ Ecclesiæ. Exemplum est Idduas Smyrnenſis Episcopus, qui inter cæteros Patres adfuit Ephesino Concilio, adhæsit sancto Cyrillo, ac Primati & Metropolitæ suo Memnoni, & cum ipsis damnavit Nestorium. Defuncto Memnoni in Episcopatum successit Basilus, qui nescio qua de causa damnavit Idduam. Et hæc de re Sixtus scribit ad Proclum: "Habes recentissimum nuper, habitæ actionis exemplum Fratris nostri Idduæ, circa quem Fraternitatis tuæ decrevimus judicium custodiri, cognitioni tuæ facere nolentes injuriam, cum ejus intentionem justissimam innocentia tuereris". A Basilio ac ejus Synodo damnatus Idduas appellavit ad Proclum, & hic cassavit illius judicium, ac Idduam declaravit innocentem atque justissimum. Hinc aut Basilus, aut potius Idduæ accusator, vel quivis Adversarius denuò appellavit ad Sixtum: Et hic probavit & stabilivit datam à Proclo sententiam. Quæ res Proclo haud dubiè fuit longè gratissima. Ita enim rapina, quam in Asiaticam Dioccesim sanctus Joannes Chry-

foctomus, Procli Magister, inchoaverat, & Successores continuabant, probabatur & confirmabatur per Sedem Apostolicam. Quare certum est Sixtum non recta hic egisse. Etenim omnes istas Constantinopolitanorum Antistitum rapinas, licet confirmatas à Chalcedonensi Synodo, exsufflavit & projecit proximus Sixti Successor magnus Leo, ejusque fundatissimum judicium Successores sunt constanter persecuti. Nempe suis Illyrici Dioccesibus à Proclo Xixtus metuebat. Legem, quā ipsas ab Attico circumscriptus Theodosius transtulerat in Patriarchicam potestatem Constantinopolitani Episcopi, licet jam ex Honorii mandato circumductam, resuscitare voluit Proclus, aut certè de ista machina fuit suspectus. Hinc ipsum multis laudibus demulcet Sixtus, suum in ipsum proficitur affectum, & hunc affirmat non stare in verbis, sed jam frequenter exiisse in opera. Præsertim in opus, quod datam pro Iddua à Proclo sententiam nuperrimè confirmaverat. Promittit tres Autocephalas Dioceses Proclo citra contentiones dimittere, atque ita suadet & rogat ipsum cessare à quovis tentamine in Provincias Illyricianas. Quā in re manifestum est Sixtum non esse usum Apostolico pectore.

Quintum exemplum est Stephanus Larissæ Episcopus Metropolitæ Thessaliæ. Hic juxta antiquam consuetudinem fuit in sua civitate consecratus à suis Suffraganeis: Ab Eustatio Gomfensi, Elpidio Thebano, ac Stephano Laminensi. Probianus Demetriadæ Episcopus dixit consuetam Orationem Encomiasticam, & ipsam implevit eximiis elogiis. Consecratio facta est ad præviam confirmationem Thessalonicensis Vicarii. At ecce statim post præfatus Probianus, Demetrius Sciatensis, & quidam alii ejusdem Provinciæ Episcopi, unà cum Anthonio Larissenæ Ecclesiæ Presbytero ascenderunt Constantinopolim, & apud Epiphanium Patriarcham accusarunt Stephanum de pluribus, præsertim de rebellionē adversus Constantinopolitanam Ecclesiam, & postularunt ad degradationem. Etenim Epiphanius mortuam ac sepultam legem, quā Imperator Theodosius Orientalis Illyrici Ecclesias transcripserat in Patriarchale jus Regiæ civitatis, exhumare ac resuscitare studuit, atque non modicè conturbavit Ecclesias. Quin Imperator Justinianus magnis beneficiis Ecclesiam cumularit, nemo possit inficiari. Attamen etiam plures ei intulit violentias. Ipsarum non minima est, quod istam legem rescripserit in suum Codicem, atque ita voluerit vivificare. Hinc

Hinc Epiphanius istam accusationem admisit tanto impetu, ut nullâ accusantium probatione, nec Canonicâ evocatione usus, alios Provinciæ Episcopos ac Ecclesiæ Clerum à Stephani obedientia & communione suspenderit, nec ipsi cibos aut alia necessaria permiserit ex Ecclesiastica substantia ministrari. Ipsum suspendit ab officio ac beneficio. Et invitum jussit deportari Constantinopolim. Sibi exhiberi etiam jussit præfatos ejus Consecratores. Nempe prætendebat Consecrationem sine sua prævia confirmatione non potuisse fieri, ideòque ipsorum crimen non indigere probationibus, sed esse manifestum. Et quidquid ad Apostolicam Sedem reclamaret Stephanus, affirmans Illyrici Ecclesias non ad Constantinopolitanum, sed pertinuisse semper ac etiamnum pertinere ad Romanum Patriarchatum, nullatenus fuit auditus, sed judicatus est delictis accumulare delicta, atque ideò fuit tractatus pessimè, ac tandem à collecta ex advenis Episcopis Synodo degradatus. Audiamus ipsum Stephanum, in suæ appellationis libello perorantem ad Bonifacium secundum Pontificem: "Cum igitur nihil approbatum de me fuisset, nec ulla esset Canonica ultionis culpa digna inventa, sententiam protulerunt, & condemnantes me à Sacerdotali Officio suspenderunt, cum me constet non dimissum fuisse pro meis plenius partibus allegare, sed & petenti aliqua meæ causæ profutura ostendere non esse permissum. Quapropter supplicabam, ut non ante sententia diceretur, quam quæ acta sunt ad vos beatissimos referrentur, ut inde vestra causæ discussio servaretur. Quod dictum magis eos adversum me ampliùs incitavit, putantes de sacrarum Ecclesiarum Regiæ Urbis jure aliquid minui, quod ego Apostolicam vestram Sedem visus sum nominasse. Etenim dixi, quia auctoritas Sedis Apostolicæ, quæ à Deo & Salvatore nostro est, summo Apostolorum data, omnibus sanctarum Ecclesiarum privilegiis antecellit: In cujus confessione omnes Mundi acquiescunt Ecclesiæ. Sententiâ igitur lectâ justam denuò vestram audentiam imploravi, apud quam nulla cujuslibet disceptatio vestram potest disturbare justitiam, sed timor Dei qui inest in vobis, ipse unicuique facit per vos sua jura restituere.

Notanda sunt verba: "Supplicabam ut non ante sententia diceretur, quam quæ Acta sunt ad vos referrentur, ut inde vestra causæ discussio servaretur". Stephanus supplicabat, ut Epiphanius,

nus, dum Romanæ Sedis & Theſſalonicenſis Vicarii jura volebat invadere, ſaltem fixos huic ab iſta limites non excederet. Etenim iſte Vicarius ſine prævia ad Romanum Pontificem relatione, & ante acceptum illius Reſcriptum non poterat Episcopos degradare. Hoc opus erat ex reſervatis. Hinc iſta ſupplicatio offendit graviffimè. Epiphanius enim per iſtas Eccleſias nequaquam Apoſtolicus Vicarius eſſe prætendebat, ſed authenticus Patriarcha. Hinc cenſuit Stephanum nominando Apoſtolicam Sedem impingere in jura Conſtantinopolitanæ Eccleſiæ. Epiphanius ab Acaciano ſchiſmate plenè reſceſſerat, plenamque Romanæ Eccleſiæ obedientiam fuerat juxta præſcriptum & tranſmiſſum à Pontifice Hormiſda libellum ſolemniter profeſſus, idèdque nullatenùs circa Papalem exorbitabat poteſtatem, ſed dumtaxat circa Patriarchalem. Et hinc undecumque auxilia ſibi exquirens Stephanus tandem tranſiit ad Papalem: "Autoritas Sedis Apoſtolicæ, quæ à Deo & „Salvatore noſtro eſt ſummo Apoſtolorum data, omnibus ſanctarum Eccleſiarum privilegiis antecellit". Supplicavit Epiphanius, ut ſi Patriarchalia Romanæ Eccleſiæ jura non vereretur invadere, violentas manus ſaltem cohiberet à Papalibus: Quod non humana, ſed Divina eſſent, & quod ad ipſa etiam ante ſententiam poſſet provocari. Quod omnium Eccleſiarum quibuſcumque privilegiis antecellerent, idèdque interjectis ad ipſa provocationibus etiam Patriarchæ deberent deferre reverentiam, & audientiæ locum reſervare: Magni ponderis ſunt verba ſequentia: "In cujus conſeſſione omnes Mundi requieſcunt Eccleſiæ".

Interim Epiphanius ad omnia clauſit oculos & aures. Quare Stephanus poſt recitatam ſententiam denuò appellavit ad Pontificem Bonifacium. In appellationis iſtrumento enarrat Epiphanius in ſe violentias, & concludit: "Deprecor igitur vos, miſere mini „homini humili & extenuato animo, adjuvate me per gratiam, „quæ vobis à Domino eſt collata. Si enim & alia peccata diſmittere poteſtatem à Dei Verbo percepiftis, quantò magis habebitis poteſtatem in hiſ, quæ adverſùs me acta atque decreta ſunt? „Tibi enim dereliſtus eſt pauper, pupillo tu eris adjutor. Quia ego „ab omni humana ſpe dereliſtus eſſe cognoſcor". Proſitetur Romanas appellationes eſſe non à Sardicenſi Synodo, ſed à Dei Verbo: Eſſe partem Celeſtium Clavium, quas Dominus dedit Apoſtolo Petro. Etiam in aliis ad Pontificem literis habet: "Supplicatio vobis,

„co vobis, si qua est Dei misericordia, si qua pietas, si qua di-  
 „lectio, transite, & hic ipsum in Sancto Spiritu, secundum bea-  
 „tum Apostolum, auxilium mihi ferentes, vestri & vestrorum il-  
 „lius beatæ Sedis Decessorum recordantes, quia nullum unquam  
 „ab aliquo injustè noceri passi sunt“. Proficitur has appellationes  
 esse antiquissimum, ac semper securum omnibus afflictis refugium.  
 Et hæc literas Romam misit per Theodosium Echinensis Eccle-  
 siæ Episcopum. Et adjungit rationem, cur ipse non accesserit :  
 „Cum relecta fuisset sententia, mox in custodiam Dei amatori-  
 „bus sacræ Ecclesiæ Defensoribus datus sum. Sed aliqui Deum  
 „timentes, & meam miserantes miseriam, quod essem undique  
 „destitutus, in sua fide susceperunt, multam pro me quantitatem  
 „pecuniæ promittentes quia non recederem, sed observaturum me  
 „esse in Regia civitate. Hunc habentes magnoperè tractatum  
 „omnes, qui adversum me ista consignaverunt, ut non possem  
 „ad vestigia vestræ Beatitudinis convolare, & pro Dei mandato  
 „aliquam misericordiam à vobis percipere“. Hæc literas Theo-  
 dosius Pontifici obtulit in „Consistorio“. Hæc est Papalis Con-  
 sistorii prima memoria. Res haud dubiè est longè antiquior.

Huic appellationi se adjunxerunt Elpidius Thebanus, Timo-  
 theus Cæsariensis, & Stephanus Laminensis Episcopus. Quo-  
 rum duo Stephanum consecraverant. Quare sibi cum illo me-  
 tuebant eadem. Hinc & suas literas tradiderunt communi Le-  
 gato Theodosio. Exponunt iniquam sui Metropolitæ degrada-  
 tionem, ac Epiphani de invadendis Illyrici Ecclesiis pravam ani-  
 mum, & concludunt : „Pro His & vestram appellamus Beati-  
 „tudinem, & Apostolicam Sedem, & per eam ter beatum Pe-  
 „trum, atque sanctæ Ecclesiæ primum Doctorem Christum Do-  
 „minum nostrum audire & adorare credimus, sperantes ut  
 „miserorum hominum petitionem, quam cum anima tribulatione  
 „& doloribus plena porreximus, minimè despiciatis, sed ista con-  
 „grua emendatione corrigentes, rebus istis succurrentes, remedium  
 „dare dignemini“. Et infra : „Quia si non Dei misericordia &  
 „vestra juvamina nos prævererint, tertius & quartus nuncius si-  
 „millia deportans veniet. Quia non usque ad Stephanum Dei A-  
 „matorem eorum conquiescit intentio, sed & aliis plurimis ista fa-  
 „cient, & non ante quiescent, quam ut ad effectum desideria sua  
 „perducant“. Per hujusmodi rapinas ac violentias Byzantina Ec-  
 clesia,

clesia, in Europæ Provincia sub Heraclensi Metropoli vulgaris Parochia, pedetentim crevit in Patriarchatum. Tres isti Episcopi profitentur Romanam appellationem esse singularem reverentiam sancti Apostoli Petri, ac adorationem Christi Domini. Quia nempe est hujus Institutum.

Quid Bonifacius Pontifex circa hanc appellationem egerit, ignoramus. Posterior Synodaliū Actorum pars periit aut latet. Interim dubitandum non est, quin Epiphaniū compescuerit, reparaverit Patriarchalia suæ Ecclesiæ Jura, & Stephanum suo Throno restituerit. Etenim Romana Ecclesia in istis Juribus firma permanfit usque ad novas rapinas Imperatoris Leonis Isauri. Aliquid documenti nobis reliquit Agapetus Pontifex. Etenim omninò videtur hic esse ille Stephanus, de quo scribit ad Imperatorem Justinianum: "Unde de Stephani Episcopi Persona & causa non credatis alicujus nos studio defensionis impelli. Absit à quorumlibet mentibus Christianis, ut in quacumque Persona aut innocentiam redarguant, aut crimen absolvant. Sed universa, quæ Sedis Apostolicæ super hac sunt parte Disposita, illo semper studio manaverunt, quæ Principatui B. Petri vos quoque cupitis per omnia reservari. Scilicet ne in his, qui Sedis ejus Audientiam postulasent, speratâ ipsius reverentiâ, alterius sententia proveniret. Et idè quia Clementia vestra salubriter offerre dignata est, ut à Legatis nostris omne negotium tractaretur, hanc operam his, quos incontinenti dirigimus, Deo auctore mandamus, ita tamen ut jam nunc communione nostra vir Religiosus Achilles pro vestra jussione debeat gratulari". Epiphanius Bonifacii pro Patriarchalibus Apostolicæ Cathedræ juribus Sancita omninò admiserat: Quia nempe etiam Imperator Justinianus, meliora edoctus à Pontifice, Principatui beati Petri volebat illa reservari. Attamen Stephanum noluit recipere in Sedem, affirmans criminofum, ideoque ab ipso circumventum fuisse Bonifacium. Addidit defensionis, quâ nempe Romani Pontifices sua jura zelabantur, studio reparatum. Hoc Agapetus purgat, additque nec à se crimen absolvi, nec ab Epiphaniò potuisse aut debuiffe redargui innocentiam. Quare post Bonifacii mortem quæstio rediit ad tribunal Agapeti. Et hæc utrimque audiens Justinianus hæsit, ideoque rogavit retractari causam per Papales Legatos, ex alia causa venturos Constantinopolim. Et Papa assensit. Legati isti sunt

Sabinus

Sabinus Canusinus, Epiphanius Asculanus, Asterius Salernitanus, Leo Nolensis, ac Rusticus Fesulanus Episcopus. Qui etiam cum ipso Papa manserunt Constantinopoli, & post ejus mortem adfuerunt Synodo Mennæ Patriarchæ, executi sententiam Agapeti contra Pseudo-Patriarcham Anthimum. Et hinc discimus Legatos istos non propter Anthimum ivisse in Regiam civitatem. Iverunt enim adhuc vivente Epiphanio.

In eadem ad Justinianum epistolâ Agapetus nos docet & aliam Romanam ex Illyrico appellationem, pergens de memorato Achille: "At verò de Sacerdotio perfruendo, cum ad nos universa, quæ  
„Legati nostri cognoverint, plenissimâ eorum fuerint relatione  
„perlata, consideratis sanctorum Canonum Regulis, quas servari  
„præcipitis, sequenda firmiter censebuntur. Quod autem Clemencia vestra Fratris & Co-Episcopi nostri Epiphanii dignata est excusare personam, quia in prædicti Achillis consecratione vestra  
„potius iussio, quam illius ordinatio prævenisset, credimus quod  
„& ipse cognoverit jure culpatum, qui præter alia quæ deliquit,  
„hoc certè excusare vix poterit, quod tam piissimo & Clementissimo Principi, beati quoque Petri privilegia defensori, non  
„vel opportunè suggesserit, quid in hac parte Sedis Apostolicæ reverentiæ deberetur". Epiphanii delicta huc usque ignoravimus. Ea addidimus ex Bonifacii secundi Pontificis Romana Synodo, publicata per Dominum Lucam Holstenium. Fuerunt excessus in Illyricum: In Patriarchalia isthic jura Romanæ Ecclesiæ. Epiphanius itaque sola istorum Episcoporum præviâ confirmatione non contentus invasit etiam consecrationem. Et quò obtineret, à circumscripto Justiniano extorsit sacram iussionem. Ejus vigore consecravit nescio cui Provinciæ & civitati Achillem. Hic possit fuisse unus ex quatuor Schytæ Monachis, qui tria famosa Capitula detulerunt ad Hormisdam Pontificem, & ipsorum Apostolicam approbationem tandem obtinuerunt à Joanne secundo. Erant enim grati & Justiniano & Epiphanio. Quisquis fuerit, Metropoli aut Thessalonicensis Vicarius non dormit: Intrusum hominem Synodaliter excommunicavit ac degradavit. Et ille Romanam accessit cum Regiis literis, quæ omnem excessum ab Epiphanio transferebant in Principem, allegabant simplicitatem & circum scriptionem, reparabant jura Romanæ Ecclesiæ, & Achilli veniam, communionem, & gradum ex gratia supplicabant. Ve-

rum Agapetus intellexit machinam : Propter Imperatoris preces Achilli communionem reddidit, gradus causam iussit plenius retractari per suos Legatos. Adducere possum etiam Joannis Nicopolitani Episcopi, per veterem Epyrum Metropolitæ, Thomæ, Nicostrati, & alterius Joannis ad Hormisdam, aliorumque in Illyrico Episcoporum ad alios Pontifices appellationem : Verum adducta exempla abundè sufficiunt.

Scio omnia hæc exempla esse Innocentio primo posteriora, ideoque forsan futurum, ut Domini Petri de Marca Symmystæ eis obstrepant, & conentur rodere. Sed sine fundamento. Etenim omnia haud-quaquam sunt prima sui generis, sed ferè singula clamant ad antiquam consuetudinem. Hinc repeto Sardicenses Canones esse in Illyrico conditos, & à Gaudentio Illyriciano Episcopo postulatos, ideoque de perpetua ipsorum isthuc observantiâ non posse dubitari. Quid memoro solum Gaudentium ? Ipsius Sardicensis civitatis Episcopus Protogenes fuit Hosii Præsidis in omnibus adjutor, uti sancto Cyrillo in Ephesina Synodo Memnon Ephesius. Hinc uti omnem suam rabiem Joannis Antiocheni Factio non solum in istum, sed & in hunc profudit, ita & Eusebianæ Factionis Philippo-Politanum Conventiculum omnes sui furoris habenas laxavit non in solum Hosium, sed & in Protogenem. Et hoc ob Romanas appellationes, ob probatam & stabilitam, quam Julius Pontifex fecerat, sancti Athanasii, Marcelli Ancyрани, aliorumque Orientalium, qui Romam appellaverant, Episcoporum restitutionem. Et ob susceptos alios appellantes. Non ob aliam causam. Audiamus verba Conventiculi : "Cum venissemus Sardicam, didicimus in media Ecclesia, Athanasium, Marcellum, & alios sceleratos Concilii" Orientalis "sententiâ pulsos, & meritò singulos pro suis facinoribus prædam-natos, cum Hosio & Protogene sedere simul, & disputare, & quod deterius est, Divina celebrare mysteria. Protogenes Sardices Episcopus non confundebatur communicare Marcello Hæretico, cujus & Sectam & reprobum sensum propriâ voce ipse damnaverat". Exponunt propositas à se circa Athanasii causam condiciones, & pergunt : "Hanc optionem à nobis propositam, Hosius & Protogenes suscipere timuerunt. Immensa autem confluerat Sardicam multitudo sceleratorum omnium ac perditorum. Et eos omnes secum collectos habuerunt Hosius & Protogenes, eosque



„eosque honorantes, nos Sacerdotes Dei despiciebant, quia nec ipsi volebamus talibus aliquando conjungi". Hi scelerati & perditī erant Orthodoxi Episcopi & Clerici, qui per Factionem istam degradati Romam appellaverant, & à Julio Pontifice revestiti erant Sardicam missi ad plenam suæ causæ retractationem. Sua in ipsos judicia illi volebant esse suprema, ideoque per Julium non potuisse eos revestiri. Hinc concludunt: "Nos enim omnino illis", Hosio & Protogeni, "communicare noluimus, nisi eos, quos damnavimus, projecissent, & dignum honorem Concilio Orientis tribuerent". Hac de causa fugerunt Philippopolim, & illic Hosium ac Protogenem, uti quinti Nicæni Canonis prævaricatores, in libri sui capite condemnaverunt.

Sardicensi Concilio etiam adfuit Ætius Thessalonicensis Archiepiscopus: Et Canonibus non solummodò subscripsit, sed & illustri suæ civitati obtinuit illustre privilegium. Insuper ipse successit Eurychino ac Museo, qui de ista Cathedra litigaverant, & ob utriusque electionis vitium fuerant ambo extrusi. Dubitandum non est, quin istam litem aut alterius aut utriusque appellatio Romam devolverit, atque ita ipsam diremerit sanctus Julius. Nam & litis reliquias absolvit Sardicensis Synodus: Haud dubiè ex mandato ejusdem Julii. Legitimus Ætii Antecessor fuit magnus ille Alexander, qui Tyræ Synodi Actis præfens se constanter opposuit, & sanctum Athanasium adjuvit in omnibus, etiam in Romana appellatione. Hinc enim idem Athanasius ejus literas suis Apologiis inseruit, exinde apud totam Ecclesiam contestans & firmans suam innocentiam. Hæc omnia altissimè clamant Romanas appellationes etiam ante primum Innocentium semper viguisse in Illyrico: Haud dubiè illic traditas & fundatas à sancto Apostolo Paulo.



## CAPUT XXXV.

*Quomodo circa Romanas appellationes egerit  
magnus Gregorius ?*

L. 7. C. 18.



Cap. 21.

De magni Gregorii circa Romanas Gallicanæ Ecclesiæ appellationes Actis Dominus Petrus de Marca hæc scribit: "Gallicanam Ecclesiam Gregorius haud aliter tractavit, quam Africanam. Jussit enim, ut causæ Gallorum in Conciliis Gallicanis definiantur, ut statim ostendam". Et infra adducit Leonis quarti ad minoris Britanniae Episcopos, & Gregorii quarti ad Gallicanos Antistites circa Aldrici Cenomanensis Episcopi causam literas, & prosequitur: "Hæ duæ constitutiones contrariæ erant Canonibus, in duobus capitibus. Tum ex eo, quod jubent, ut si Episcopus accusatus appellet à Synodo Provinciæ ante iudicium, vel si primam causæ suæ cognitionem à Romano Pontifice suscipi postulet, litis instructione supersedeatur, donec Papa statuerit, quid sequendum sit. Tum etiam quod arbitrio suo referrent, an Episcopus in Urbe Romæ iudicandus sit, an verò dimittendus in Provinciam, illic iudicandus coram Legatis Sedis Apostolicæ. Quod sumptum ex more usurpato à Gregorio magno. Qui tamen Gallias & Africam distinguebat ab aliis Provinciis, & cum eis diverso prorsus modo se gerebat, quam cum aliis".

Errores varii. Primus est, quod quartus Gregorius & quartus Leo sanxerint contraria sacris Canonibus. Secundus est, quod istud ipsum fecerit magnus Gregorius: Quod usurpaverit, & quod suas usurpationes transfuderit in Successores. Est non levis in tantum Pontificem, ac in non minimos ejus Successores injuria. Etenim non ipsi soli, sed omnis sub cœlo Ecclesia sacros Canones sic semper intellexit. Quantus sacrorum Canonum Doctor & custos fuerit venerandus & magnus ille Gregorius, quis possit ignorare? Certè sancti Pauli Apostoli Prophetiam, quæ nobis prædixit in periculosis novissimorum dierum temporibus futuros homines Patientibus

rentibus inobedientes, sanctus Augustinus intellexit de denegandâ obedientiâ sanctis Ecclesiæ Patribus. Tertius error est, quod magnus Gregorius Gallicanam Ecclesiam circa Romanas appellationes non aliter tractaverit, quam Africanam. Etenim quo suarum epistolarum aut aliorum Scriptorum loco æquiparavit ista illarum Ecclesiarum jura aut consuetudines? Nec apicem adduxeris. Attamen Dominus Archi-Episcopus errando prædicat verum. Etenim magnus Gregorius suæ sanctitatis ac prudentiæ suavitate ac fortitudine Africanam Ecclesiam eo perduxit, ut à sua avita, quæ Romanas inferioris Cleri appellationes nunquam admiserat, consuetudine recederet, & promptissimè acquiesceret istis appellationibus: Et ut ipsas retractari ac definiri à Papa permetteret juxta Sardicensem formam, atque ita se accommodaret ad mores ac leges totius sub cælo Christianitatis. Hoc sensu magnus Gregorius Gallicanam Ecclesiam tractavit non aliter, quam Africanam. Quia hanc deduxit ad illius mores. Hæc mea Asserta demonstrabo inferiùs per lucida exempla ac testimonia.

Dominus Archi-Episcopus è Gallia transit in Hispaniam. Sicut illi, ita & huic conatur affricare sua devia Commenta, atque ita eis patrocinium acquirere. Irrito ac in utramque Ecclesiam injurioso studio. Exponit quædam circa Romanas Afrorum appellationes, & pergit: "Alium ordinem tenuit sanctus Gregorius, quoad Hispaniam, ubi disciplina quiddam speciale invexerat in judiciis Episcoporum. Ecclesiæ enim illius nationis utebantur Canonibus à Martino Bracarense collectis, itemque iis qui in Synodis Hispanicis condebantur. Eam collectionem concinnavit Martinus circa annum Domini quingentesimum septuagesimum primum, rogantibus Episcopis Galleciæ: In qua Canones Græcos in Epitomen redactos edidit, quos accommodavit ad usum Hispaniæ & ad Canones Conciliorum Toletanorum. In Canone autem decimo tertio causam Episcopi definiendam esse ait in Synodo Provinciali; si verò divisa fuerint Judicum vota, tum vocandam esse Provinciâ finitimam juxta Canonem Antiochenum". Rectè. Attamen Martinus non omnem vicinam Provinciam, sed sanxit advocandum solum ejus Metropolitam. Antiochenus enim Canon variè legitur. Dionysius Exiguus legit: "Metropolitanus Episcopus è vicina Provincia Judices alios convocet, qui controversiam tollent". Consonat Gentiani Herveti transla-

tio : "Metropolitanus Episcopus ex propinqua Provincia alioq̃  
 „evocet judicatuſ, & controverſiam decifuros". At verò Iſi-  
 „dorus Mercator tranſtulit in hunc modum : "Placuit Metro-  
 „politano Epifcopum vicinæ Provinciæ advocari; & aliquantos cum  
 „eo Epifcopos alios". Et hanc tranſlationem ſecutus eſt, aut po-  
 „tius fecit Martinus Bracarenſis, atque omiſit voces : "Et ali-  
 „quantos cum eo Epifcopos alios". Erat vir Græcus, ideoq̃ue  
 omninò videtur ipſe eſſe auctor tranſlationis. Iſtum tamen Co-  
 dicem non pro tota Hiſpania fecit, ſed pro ſolo Suevorum reg-  
 no, cujus Regem Theodomirum ab Ario traduxit ad Chriſtum  
 Dominum. Interim Codicem poſtmodum aſſumpſit omnis Hiſ-  
 pania, & ſervavit uſque ad octavam Toletanam Synodum. Cur  
 aliquot voces ex Antiocheno Canone Martinus omiſerit, ignoro.  
 Poſſit reſpexiſſe præſertim ad caſum parium ſuffragiorum.

Quod tamen Romanis appellationibus nocere nequaquam vo-  
 luerit, eſt longè certiffimum. Lucet ex appellatione Januarii Ma-  
 lacitani Epifcopi, ac alterius, nescitur ubi, Epifcopi Stephani ad  
 magnum Gregorium. Attamen circa hunc Stephanum aliquid  
 luminis accipimus ex his Gregorii verbis : "De perſonâ Stephani  
 „Epifcopi hoc attendendum eſt, quia nec invitatus ad iudicium trahi,  
 „nec ab Epifcopis alieni Concilii debuit iudicari". Et infra : "Con-  
 „tra hæc ſi dictum fuerit, quia nec Metropolitanam habuit nec Pa-  
 „triarcham, dicendum eſt, quia à Sede Apoſtolica, quæ omnium  
 „Eccleſiarum Caput eſt, cauſa hæc audienda ac dirimenda fuerat,  
 „ſicut prædictus Epifcopus petiſſe dignoſcitur, qui Epifcopos alie-  
 „ni Concilii habuit ſuſpectos". Hinc diſcimus iſtum Stephanum  
 non fuiſſe Hiſpaniæ Epifcopum. Etenim in omni Hiſpaniâ nul-  
 lus tunc Epifcopus erat ſine Metropolitana. At verò accuſabatur  
 de læſæ Maieſtatis crimine, idedque omninò erat ſubditus Gothici  
 Regni. Proinde fuit ex Narbonenſi Galliâ. Hæc enim ad Reg-  
 num iſtud ſpectabat, & ipſum non ferebat bono animo. Hinc  
 igitur Richaredus Rex Stephanum non ab ejus Gallis, ſed à ſuis  
 Hiſpanis iudicari voluit : Et ille hos ſuſpectos habuit, idedque  
 & provocavit ad magnum Gregorium. Et iſtam appellationem  
 Pontifex omninò approbat, affirmatq̃ue ipſi fuiſſe deferendum.  
 Etiam ante omnem ſententiam. Et nunquam, quidquid Dominus  
 Petrus de Marca ſcribat, credidero illum cenſuiſſe contraria ſa-  
 cris Canonibus.

Itaque

Itaque Stephanus Episcopus de lēfā Majestate accusatus, fuit à Richardo Rege evocatus Toletum, traditus judicio istius Synodi, ab ipsā degradatus, ac ejus in Sedem statim ordinatus alius. Et gloriosus Comitulus, Regii Fisei Præfectus, invasit ejus omnia. Etiam sanctus Leander, Hispanensis Episcopus, Bæticæ Provinciæ Metropolita, in suā Synodo ob nescio quæ crimina degradavit Januarium Malacitanum Episcopum, necnon & quemdam ejus Presbyterum. Et omnes tres appellarunt ad magnum Gregorium. Quare optimus Pontifex Joannem, Romanæ Ecclesiæ Defensorem, legavit in Hispaniam, cum his instructionibus : " Imprimis requirendum est de persona Presbyteri. Et si ita se veritas habet, si-  
cut Episcopi Januarii petitio continet, in Ecclesia atque in loco suo idem Presbyter modis omnibus revocetur. Si autem dictum fuerit, quia contra ipsum causa aliqua mota sive probata est, subtiliter, ipso præsentē, & pro se rationem reddente, quærendum est & genus causæ, & modus probationis, ut ex hoc colligere valeas, utrum adhuc in exilio demorari, an certè in Ecclesiam suam & officium suum debeat revocari. De Episcopi persona hoc statuendum est, ut si nulla contra eum criminalis causa, quæ exilio vel depositione digna est, mota sive probata est, is qui eo superstite Episcopus perversè, ac contra Canones in Ecclesia ejus ordinari præsumptit, Sacerdotio privatus, ab omni Ecclesiastico ministerio repellatur. Qui etiam eidem dilectissimo Januario, Fratri & Co-Episcopo nostro, tradendus est, ut ab ipso aut in custodiā habeatur, aut certè ab eo ad nos per omnia transmittatur. Episcopi verò, qui eum ordinarunt, vel ejus ordinationi consentientes interfuerunt, sex mensibus Dominici corporis & sanguinis communionē privati, agere poenitentiam decernantur in Monasterio : Et supra-scriptus Januarius loco & ordini suo modis omnibus reformetur. Gloriosus autem Comitulus, quidquid prædictus Episcopus per violentiam atque insecutionem ipsius expendisse, vel damnum pertulisse, dato sacramento firmaverit, eidem Episcopo restituere condemnatur". Eadem sanxit circa causam Stephani. Et plura alia.

Sanxit varia. Primò, ad istas appellationes retractandas non legat è suo latere Episcopum aut Cardinalem Presbyterum, sed minorem Clericum : Joannem Defensorem Romanæ Ecclesiæ. Secundò, mandat non ut Joannes cum ejusdem aut vicinæ Provin-

Provinciae Episcopis, sed ut solus omnes istas causas retractet atque definiat. Causas tanti ponderis. Læsa Majestatis. Tertio mandat, ut sub quibusdam conditionibus statim reveletur non solos Episcopos, sed etiam Presbyterum. Quarto mandat, ut revesitos jubeat præsentem adesse retractatorio judicio, atque ita ipsos definitive reparet aut damnet. Quinto mandat superordinatos Episcopos statim ejici, declarari intrusos atque irregulares, tandemque insigniter castigari. Tradii voluntatem ac potestatem Episcopi, cujus Thronum præsumplerunt per adulterium ascendere. Sexto mandat degradatos Episcopos non de solis spiritualibus revestiri, sed etiam de temporalibus: Regii Fiscus Præfectum compelli ad reddenda ipsis omnia. Et juxta hæc Joannes Defensor constanter judicavit. Omnia juxta Sardicenses Canones. Et sic discimus horum sensum esse, quod Pontifex non obligetur à suo latere Episcopum aut Cardinalem Presbyterum legare, sed quod possit etiam minorem Clericum: Et quod hic solus judicare possit, sine quavis Synodo. Audiamus rationem ab homine Schismatico, Theodoro Balsamone, scribente ad quantum Sardicensem Canonem: "Papæ judicio Canon relinquit omnia".

Dominus Archi-Episcopus hæc, utpotè lucidissima, evertit non valet, studet tamen rodere: "Suspicio Episcopos Hispanicos non admodum patienter tulisse judicia isthæc Romana. Nam appellationis ad Apostolicam Sedem removendæ causæ novam legem introduxerunt in gratiam Episcopi damnati: Nimirum ut ei liceat secundam Synodum impetrare ad obtinendam restitutionem suam. Colligitur id ex Canone vigesimo octavo quarti Toletani Concilii". Audi Canonem: "Episcopus, Presbyter, Diaconus, si à gradu suo injustè dejectus, in secunda Synodo innocens reperiatur, non potest esse quod fuerat, nisi gradus amissos recipiat coram Altario de manu Episcopi". Addere debuerat undecimum Canonem octavæ Toletanæ Synodi: "Decreta præcedentium Patrum, ad contentionis jurgium radicitus evellendum, ritè Synodalem censuræ fieri Conventionem, ut illic de diversitate judiciorum protestantæ lites habeant terminum, ubi Spiritus Sanctus universalem coadunavit cœtum. Ab hoc ergo Spiritu Sancto succensum, si ne quolibet impofterum aut impunè valeant committi,

„aut generalia Statuta convelli, plenâ decernimus unanimitate  
 „connexi, ut quæcumque pro fidei causis, Ecclesiasticisque ne-  
 „gotiis, aut præteritis Gestis, aut in præsentibus Constitutis, aut  
 „futuris etiam Decretis, vel sint vel fuerint definitiones conscriptæ  
 „universali autoritate, nullus his deinceps contradicere audeat,  
 „nullus ea evertere præsumat, nullus non implere contendat”.  
 Disertè sanxit generalis Hispanicæ Synodi Decreta esse inconcussa:  
 Dominus Archi-Episcopus ex ipso potuerat dicere, quod sanc-  
 rentur suprema, ac etiam Romam inappellabilia.

Sed absint hæc ab Hispanicâ pietate. Dominus Archi-Episco-  
 pus de ipsâ suspicatur nimis temeraria. Quod constantissimè sem-  
 per steterit pro avita sancti Petri autoritate, & quod circa Ro-  
 manas appellationes nunquam retrocesserit ab Orthodoxo sensu sui  
 venerabilis Hosii, possit lucidè demonstrari aliis insuper exemplis  
 ac testimoniis. Quæ pietas stetit immota, immò & crevit,  
 etiam sub barbarâ captivitate Saracenorum. Testantur hoc famo-  
 sæ antiquorum Pontificum epistolæ, quas octavo sæculo Isidorus  
 Mercator ex Hispaniâ portavit in Galliam. Sunt viri Hispani  
 opus, conflatum ad suis Contribulibus retinendam aut refrican-  
 dam, quam Barbarica calamitas dormire coëgerat, antiquorum  
 Canonum memoriam: præsertim circa Romanas appellationes,  
 aliæque capita Romani Primatus. Uti Vigilius Taplensis Episco-  
 pus varia sub sancti Athanasii, ac etiam sub Idacii Clari nomine  
 scripsit contra Arianos, ita iste Anonymus Author contra veros  
 aut fictos Æmulos Romanæ Cathedræ. Est vetusta, quandoq;  
 in bonum, quandoq; in malum, industria. Nam & in libro de  
 Pelagii apud Diospolitanam Synodum Gestis scribit sanctus Augu-  
 stinus: "Mihi quidam Fratres nostri nonnulla opuscula sub meo  
 „nomine in Hispaniam venisse dixerunt, quæ quidem ab eis, qui  
 „alia nostra legissent, non agnoscerentur, ab aliis tamen nostra es-  
 „se crederentur". Ista industria nobis peperit plures Apocryphas  
 Scripturas utriusque Testamenti.

Interim manifestum est, quod Hispanorum Episcopi sub Go-  
 thorum ac Suevorum Regum Principatu quasdam Ecclesiasticis  
 judiciis novitates induxerint. Prima est præfata forma Antiocheni  
 Canonis. Verùm illa non fuit perpetua. Fuit circumducta per  
 undecimum Canonem octavæ Toletanæ Synodi: "Cum quolibet  
 „sancta Synodus agitur, aut pacificè inter Pontifices quidpiam de-

„finitur, si pauciores per nescientiam vel contentionem fortè dis-  
 „sentiant, aut commoniti plurimorum sententiæ cedant, aut ab eo-  
 „rum cœtu cum dedecore confutionis abscedant, aut excommu-  
 „nicationis annuæ sententiam luant". Secunda novitas est, quod  
 degradato per Provinciæ Synodum Episcopo aut Clerico permi-  
 serint appellare ad aliam Synodum. Nempe ad Synodum totius  
 Regni. Etenim stante ante Gothorum invasionem Romano Im-  
 perio Hispania nullum Primatem, nullum Apostolicum Vicarium,  
 ideòque nec Diœcesanam habuit Synodum: Omnes Provinciæ  
 erant à paribus, adedque ab ipsarum judiciis provocari non po-  
 terat, nisi ad Episcopum Romanorum juxta sextum Nicænum  
 Canonem. Gothorum Dominatus invexit generales Synodos,  
 ideòque & hanc novam appellationem. Tertia novitas est in pri-  
 mo Canone nonæ Toletanæ Synodi: "Quod si talia Episcopus  
 „agere tentet, Metropolitano ejus Clerici insinuare procurent; si  
 „autem Metropolitanus talia gerat, Regis hæc auditibus intimare  
 „non differant". Est similis sexto Canoni Franco-Fordienfis Sy-  
 nodi: "Si aliquid est, quod Episcopus Metropolitanus non possit  
 „corrige vel pacificare, tunc tandem veniant Accusatores cum  
 „Accusato, cum literis Metropolitanis, ut sciamus veritatem rei".  
 Francorum Reges istiusmodi negotia trans mittebant suo Archi-  
 capellano. At verò Gothorum Reges non habuerunt istiusmo-  
 di Tribunal: Hinc trans mittebant ad Synodum totius Regni.  
 Utrumque fuit contra Canones. Utrumque tamen Regnum sem-  
 per admisit clausulam: Salvâ in omnibus reverentiâ Romanæ  
 Ecclesiæ.

Harum innovationum radix fuit Romani apud Hispanos Impe-  
 rii per Barbaros everso, cujus calamitates deplorari supra audivi-  
 mus à sancto Avito Viennensi Episcopo in litteris ad Faustum &  
 Symmachum, Senatores Romanorum. Quæ ratio præsertim per-  
 movit sanctum Martinum Bracarensem. Etenim Synodalia, præ-  
 sertim Episcoporum degradatoria, judicia oportet esse matura: At  
 verò ejus tempore apud Gallæcos & Lusitanos Suevorum Rex Theo-  
 domirus, apud alias Hispanias dominabatur Gothorum Rex Atha-  
 nagildus, ambo Arianæ, ideòque averfi, uti à Romana Repu-  
 blica, ita etiam à Romana Ecclesia. Quare hujus, licet non in-  
 vocatio, tamen accessus Orthodoxis erat impossibilis: Ejus item  
 Legationem admittere erat obnoxium magnis difficultatibus. Hinc  
 igitur



igitur sanctus ille Martinus præfata judicia voluit esse maturissima, ideòque Orthodoxis Hispanorum Synodis imposuit præfatam formam Antiochenam. Verùm Divina Clementia istis Ecclesiis tandem dedit meliora tempora. Dedit Richardum, non solummodò Regem, sed & Apostolum suæ Gentis : Regem Catholicum, non verbo & linguâ, sed opere & veritate. Ejus pietatem & reverentiam erga Apostolicam Sedem docent Gregorii magni ad ipsum litteræ. Et ejus vestigia Successores sunt insequuti. Sic amplissimæ ex cunctis Hispaniis portæ patuerunt Romanis appellationibus. Hinc octava Toletana Synodus dispensatorio Martini Bracarensis temperamento, & Antiocheno Canoni valedixit, ac Provincialibus Synodis reddidit antiquam formam ac faciem.

Admiranda sunt, quæ Dominus Archi-Episcopus scribit de Romanis appellationibus Illyricianæ Ecclesiæ : " Post Gregorii magni tempora Paulus Archi-Episcopus Cretæ, quæ Patriarchæ, cui Occidentis subjecta erat, ausus est prohibere, ne ad Vitalianum Papam provocaretur. Deposuerat is Joannem Episcopum, Lappenlem in eâ Insulâ : Qui Romam appellans occasionem dedit Synodo, quæ anno sexcentesimo quinquagesimo octavo congregata est à Papa Vitaliano. Cum recitata fuissent Acta, revocata sententia est, tamquam contraria Canonibus. Docet autem epistola Vitaliani ad Paulum, eum appellationi cedere noluisse, in quo sanè nullo jure nitebatur". Tota Domini Archi-Episcopi mens ac spes est Mundo persuadere, quod Provincialium Synodorum judicia sint suprema, ideòque & inappellabilia, etiam ad Sedem Apostolicam : Et quod ita sanciantur à quinto Nicæno Canone. Quin & Innocentium primum Pontificem de audacia damnat, quod ista Illyricianæ Diocesis judicia pulsare præsumpserit. Et ecce hic Metropolitam Paulum, dum Joannis appellationi recusat cedere, affirmat nullo fuisse nixum jure, egisse Canonibus contraria, ac esse dignum de audacia notari. Nempe veritas, quantumcumque veletur aut vexetur, non potest non emittere suos radios.

Creta erat Illyriciana Provincia, ideoque hæc Joannis Lappenensis appellatio demonstrat istud Sancti Petri privilegium in ista Diocesi semper viguisse. Et quidem juxta formam Sardicensem. Hinc enim Paulus Metropoli de gradatum Joannem, licet primò clauferit, appellansem tamen solvit, ac permisit Romam abire. Et misit Acta sui Synodalis Judicii. Et ipsum

Pontifex graviter arguit, quod non per Clericum miserit, immò nec epistolam adjunxerit. Insuper ejus verba, quæ Joanni appellanti dixerat, "Quia non competenter quæris", affirmat fuisse indecentia, & adjungit: "Quæ ergo SS. PP. sanxerunt, indecentia sunt? An placentia tibi decentia sunt?" Et Joannes Pontificem supplex adjuravit, "ut secundum Sacratissimos Canones, Institutaque Sanctorum Patrum, suæ causæ meritum requireret". Et Vitalianus fecit ex Actis. Joannem revestivit, ac remisit in Sedem. Et Paulus plenè obedivit. Etenim Joannes, uti Canonicus Episcopus, adfuit ac subscripsit sexto generali Concilio.

Eadem forma sub magno Gregorio constantissimè viguit per cæteras utriusque Illyrici Provincias. Etenim Adrianus in Thesalia Thebanus Episcopus à Joanne Larissæ Episcopo, suo Metropolita, ad Joannis ac Cosmæ Diaconorum accusationem fuit ob pecuniarias causas damnatus civiliter, & ob crimina degradatus. Et quidem priorem admisit, adversus posteriorem sententiæ partem provocavit ad Joannem Acridentem, seu primæ Justinianæ Episcopum, istarum Provinciarum Apostolicum Vicarium. Et hic degradationem confirmavit. Quare Adrianus appellavit ad magnum Gregorium, & accessit Urbem. Et post varia Pontifex ad Joannem Vicarium scripsit: "Postquam ex abundanti tibi constat appellationem esse porrectam, mirati sumus, cur nec homines tuos, secundum cautionem Honorato Diacono nostro per Responsales Ecclesiæ tuæ expositam, qui tui judicii rationem potuissent reddere, transmissisti. Quod factum te vel de contumacia, vel de conscientie trepidatione redarguit. Si igitur hæc, quæ nobis aperta sunt, veritate vallantur, quoniam occasione virium nostrarum consideramus vos injusta præsumere, de his aliàs, secundum quod à nobis deliberatum fuerit, Christo auxiliante decernemus. Quod verò ad præsens attinet, cassatis priùs atque ad nihilum reductis sententiæ tuæ Decretis, ex B. Petri Principis Apostolorum auctoritate decernimus, triginta dierum spatio te sacræ communioni privatum, ab omnipotente Deo nostro tantè excessus veniam cum summa poenitentia & lachrymis exorare. Præfatum verò Adrianum, Fratrem & Co-Episcopum nostrum, ex tua sententia, neque Canonibus neque legibus existente

dam,

L 2. indic.  
11. Epif. 6.

„damnatum, in locum suum atque ordinem reverti Christo  
 „comitante disponimus, ut illi non noceat contra iustitiæ tra-  
 „mitem prolata sententia". Quæ omnia consequenter Pontifex  
 repetiit, ac latius exposuit in litteris ad Joannem Metropolitam  
 Larissæ.

Affirmat varia. Primò, quod Joannes Acridentis occasione  
 Papalium virum injusta præsumeret. Nempe occasione vicis  
 Apostolicæ. Etenim Acrida erat Justiniani Imperatoris Patria,  
 idèdque per ipsum insignita glorioso nomine primæ Justinianæ.  
 Idem Princeps ut illius Episcopum erigeret, à Vigilio Pontifi-  
 ce extorsit illi dignitatem Metropolitanam, necnon & partem Apo-  
 stolici Vicariatus, quem Thessalonicensis Episcopus usque tunc  
 habuerat in totum Illyricum. Hunc Vicariatum S. Gregorius  
 vocabat suas, seu suæ Sedis vires. Per ipsas igitur Joannes erigebat  
 sua cornua, & in subditos sibi Episcopos exercebat tyrannidem.  
 Secundò Gregorius affirmat; quod degradatus Adrianus ante om-  
 nia accesserit Constantinopolim, & illic coram Honorato, Ro-  
 manæ Ecclesiæ Diacono ac Apocrifario, publicaverit suam  
 Romanam appellationem. Tertiò, quod Honoratus advoca-  
 verit Joannis Acridentis Apocrifarios, ipsis hanc appellationem  
 insinuaverit, jussuque admitti. Quartò, quod ipsi eam ad-  
 miserint, ac insuper non simpliciter, sed sub interposita cautione  
 sponderint fore, ut ipsorum Episcopus Romam mitteret Le-  
 gatos, reddituros rationem Synodalis in Adrianum iudicii. Quintò,  
 quod Joannes nihil minus fecerit, ideoque se Pontifici red-  
 diderit variè suspectum. Sextò, quod hac de causa Pontifex  
 fuerit compulsus causam retractare ex Synodalibus Actis. Sep-  
 timò, quod repperit sententiam esse non solummodò iniquam,  
 sed insuper malignam. Octavò, quod hac de causa Adrianum  
 plenissimè repararit, ac Joannem insigniter castigaverit. Quæ  
 omnia sunt manifestè facta secundum Canones Sardicenses.

Aliud Romanæ ex Illyrico appellationis exemplum habemus  
 in ejusdem Gregorii litteris ad Sabinianum Jadertinum Episco-  
 pum: " Habitatores Epidauriensis civitatis Florentium, quem Lib. 7.  
 „suum dicunt esse Episcopum, sibi à nobis restituendum stu- Epist. 12.  
 „diosissimè poposcerunt, asserentes frustra eum ad solam tan-  
 „tummodò voluntatem Natalis quondam Episcopi detrusum  
 „exilio. Et idèd quod de ejus causa Fraternitas vestra cognov-

„vit, nobis suis subtiliter epistolis innotescat: Si autem necdum  
 „cognoverit, requirat, nobisque renuntiet, ut quidquid de eo  
 „statuendum sit, certi deliberare auctore Domino valeamus”. Natalis Salonitanus Episcopus, Dalmatiæ Metropolitæ, Florentium  
 Epidauriensem Episcopum degradarat: Et ipsum, quia nescio  
 quibus de causis acquiescebat sententiæ, ejecit ac deportavit.  
 Et res ita mansit usque ad mortem Natalis. Cuncti videntur  
 timuisse ejus violentiam atque potentiam. At verò post ejus mor-  
 tem, licet Flotentius ob quietis ac silentii amorem non se mo-  
 veret, ejus cives sunt locuti: Provocaverunt ad magnum Gre-  
 gorium, ac suum iniquè degradatum Episcopum supplicarunt  
 reparari, ac sibi restitui. Sententia jam pridem transiverat in rem  
 judicatam, idedque non erat reversioni locus. Nihilominus ju-  
 stissimus Pontifex, qui violentos Natalis mores optimè noverat,  
 censuit causam retractandam. Hinc à Sabiniano, annofo istius  
 Provinciæ Episcopo, qui Synodo forsitan interfuerat, ante om-  
 nia postulavit instrui, atque ita non circumscribi ad impingendum  
 in Canones.

Et ecce hinc occurrit tertium Illyricianæ appellationis exem-  
 plum. Etenim præfatus Natalis Honoratum suum Archi-Dia-  
 conum, quod per ipsum impediretur ab Ecclesiæ bonis pro-  
 fundendis in suos consanguineos, invisum habuit, ideoque invi-  
 tum consecravit in Presbyterum, atque ita callidâ arte sub ho-  
 noris fuce degradavit. Hinc Honoratus, quoniam ad Pro-  
 vincia Synodum provocare contra Metropolitam non poterat,  
 provocavit ad Sedem Apostolicam: Et ipsum Gregorius exau-  
 divit ac revestivit, Natalem, nisi obediret, comminans ab Episco-  
 palis Pallii usu, immò & ab omni Episcopali officio suspendere.  
 Etiam superordinatum ejecit, & post varias querimônias ac mi-  
 nas adjunxit: „Restituto igitur loco suo Honorato Archi-Dia-  
 „cono, instructam personam sub festinatione trans mitte, qui mihi  
 „hoc debere ex ratione fieri suis possit allegationibus demon-  
 „strare. Eundem namque Archi-Diaconum ad nos venire de-  
 „crevimus, ut quidquid justum, quidquid omnipotenti Deo  
 „placitum fuerit, cognitis assertionibus partium decernamus.  
 „Nos enim nullum pro personali amore defendimus, sed auctore  
 „Deo normam justitiæ, postpositâ cujuscunque personæ acceptione,  
 „custodimus”. Utramque partem evocavit ad retractatorium in  
 suo

suo tribunali iudicium. Palàm secundùm Sardicenses Canones. Et hinc videmus duo. Primò, quod etiàm inferior Illyrici Clerus Romam appellaverit. Secundò, quod Sardicenses de Romana appellatione Canones, licèt solos Episcopos exprimant, comprehendunt tamen & Clericos, & ambos jubeant tractari sub eadem forma. De hac Honorati appellatione magnus Gregorius scripsit quatuor epistolas. Exstant in secundo ejus Regesto, sub decima indicatione. Epist. 14.  
15.16.17.

Aliud Illyricianæ appellationis exemplum posset esse istius Natalis proximus Successor Maximus, quem laudatus Gregorius merito appellat maximum prævaricatorem. Fuit enim plenus facinoribus, intrusus per Simoniam ac militarem violentiam. Ejus causa fuit partim prima cognitio, partim appellatio. Digna edisseri; at nimis longa. Interim ostendi oportet secundùm quos Canones Gregorius ipsam tractarit ac definiverit. Ostendit hoc Papalis epistola, cui hæc Epigraphæ: "Gregorius Maximo in Salona, qui Lib. 1.  
„Episcopatum arripuit". Post quædam prosequitur: "Certus esto, Epist. 25.  
„quia justitiam tibi, & Canonum Statuta servabimus, atque causæ  
„tuæ, revelante Domino veritatis auctore, amicū justitiæ finem  
„imponemus. Nam quod postulas, ut illuc personam dirigere de-  
„beamus, quā præfente de his quæ dicuntur possit esse probatio, esset  
„utrumque excusabile, si unquam ratio ei, qui accusatur, necessi-  
„tatem probationis imponeret. At postquam non tibi, sed accusanti-  
„bus hoc onus incumbit, ad nos, sicut præfati sumus, dilatione cessante  
„venire non differas. Quod verò indicas Serenissimos Dominos, ut  
„illic debeat esse cognitio, præcepisse, nos quidem nullas eo-  
„rum alias de hac re, nisi quod ad nos venire debeas, jussiones  
„accepimus. Sed etsi forsitan pro Reipublicæ suæ utilitate multa  
„cogitantibus suggestum est, & eorum jussio per obreptionem eli-  
„cita, postquam & nobis, & omnibus notum est piissimos Domi-  
„nos disciplinam diligere, ordines servare, Canones venerari, &  
„se Sacerdotalibus causis non miscere, instant exequimur, quod  
„& illorum juvat animam atque Rempublicam, & ad quod nos  
„terribilis, tremendique Judicis respectus impellit. Quiesce ergo  
„à cunctis excusationibus, & huc adesse non differas". Præva-  
ricator Maximus erat potens in aula & magnos Palatinos habe-  
bat sibi obnoxios, ideoque in ejus causa Gregorius timuit à sa-  
cris jussionibus: Nec sine causa. Etenim Maximus ex tunc ope-  
rabatur

rabatur ad obtinendam talem, quæ mandaret hanc causam non evocari Romam, sed per Papales Legatos tractari in partibus. Hinc etiam Gregorius supplicavit Principi, ut per sacrum Rescriptum permitteret omnia procedere secundum Canones. Et obtinuit. Hinc Maximo adversas jussiones alleganti meritò non credidit, & addidit istiusmodi, licet emanassent, jussiones esse palam obrepitias, ac nullius ponderis, eò quod Princeps disciplinam diligit & Canones, ideòque se non misceat Episcopalibus judiciis.

Notanda sunt hæc verba: "Instante exequimur, quod & illorum juvat animam & Rempublicam, &c". Affirmant sacras Principum jussiones, dum sacris Canonibus adversantur, esse negligendas ac excutiendas, non dumtaxat ob Ecclesiæ disciplinam, sed etiam ob Rem publicam, ac animas ipsorum Principum. Quod nempe ista in Ecclesiæ libertatem Regia violentia perdat Regum animas ac Regna evertat. Et plurima hoc demonstrant authentica exempla. Palmare enim Regni fundamentum est vera pietas in Deum Patrem ac Matrem Ecclesiam. Certè omnes obligamur talia prædicare nostris Regibus. Quare omni admiratione dignum est, quod Dominus Archiepiscopus magnum Gregorium, incomparabilem sacrorum Canonum Doctorem atque custodem, arguat ipsis contraria sanxisse. Porro omnis hic mentio manifeste est de Sardicensibus Canonibus. Manifestum est, quod illi faciant Pontifici plenam potestatem appellatæ causæ vel evocandæ ad Urbem, vel delegandæ in partibus. Manifestum est, quod ipsos non solus Gregorius, sed etiam Imperator Mauritius, ac ipse etiam prævaricator Maximus ita intellexerint. Etenim hic ab illo supplicavit gratiam ac sacram jussionem, quâ Papam compelleret ad delegandum: Quâ sapientissimi Pontificis arbitrium, cui Sardicensis Synodus permisit omnia, circumscriberet ad certum tractandi ac retractandi modum. Hæc sufficiant: Ex plurimis paucissima. Etenim qui cunctos Domini Archiepiscopi errores voluerit ostendere ac revincere, conscribere debebit larga volumina.



DISSERTATIO SECVNDA  
DE  
AFRICANÆ ECCLESIAE  
AD SEDEM  
APOSTOLICAM  
PROVOCATIONIBVS.



Paschasius Quesnellus clamat etiam Africanam Ecclesiam nunquam appellasse ad Apostolicam Sedem, ideòque has appellationes esse novellam usurpationem. Hoc ipsum clamant Joannes Calvinus, Marcus Antonius de Dominis, aliique professi hostes Romani Primatus. Rhemensium Metropolis Hincmarus dixit olim & scripsit inferiori Afrorum Clero istas non licuisse appellationes, istamque disciplinam tentavit transducere etiam in Gallias: Et ejus Antecedens fuit verissimum. At verò Paschasius Quesnellus istud ipsum clamat de Episcopis. Foedè hallucinatur. Porro Africana Ecclesia Hierarchiam habuit diversam ab aliis. Etenim nullus olim in omni Romano Patriarchatu fuit pluribus Provinciis præfectus Primas, nisi solus Carthagenensis. Gallicani omnes sunt longè posteriores. Etiam apud Anglos Cantuariensis. Afri habuerunt insuper alias singularitates. Hinc ipsorum Hierarchia ad præsentis quæstionis intelligentiam est compendiò exponenda.

„Hierusalem, unde in propinqua & longinqua crescendo etiam in  
 „Africam venit“. Et in ipsa Collatione Petiliano, Constantinensi  
 Donatistarum Episcopo quærenti, „Unde cœpisti“, idem Augu-  
 stinus respondit : „Cœpit ista prædicatio ab Hierusalem. Inde se  
 „Illustrissimo exordio diffudit, diffundens Ecclesiam, quam tenemus.  
 „Primo per vicina, deinde per longinqua, etiam in Africam venit“. Et  
 in literis ad Severinum scribit Evangelium in Africam venisse ex  
 Orientalibus Ecclesiis, laudat Romanam Ecclesiam, & adjungit :  
 „Unde ad istas“, Africanas, „partes Christianæ fidei manavit au- Epist. 170.  
 „thoritas“. Primus, quem hodie novimus, Carthagenensis Epis-  
 copus est Agrippinus, cujus Presbyter fuit Tertullianus, primus  
 apud Latinos auctor Rebaptismi. Hic Agrippinum circumscriptum  
 in istam audaciam : Et plures Episcopos ac populos per Agrippi-  
 num. Quare Agrippinus non fuit Fundator, nec primus Episco-  
 pus Africanæ Ecclesiæ. Profitetur enim ante se fuisse aliam cir-  
 cæ Baptisma consuetudinem, adeoque fuisse etiam Ecclesiam. Pri-  
 mus illius fundator ignoratur.

Africa quandoque appellatur etiam Lybia. Exponit in libro  
 de Pastoribus sanctus Augustinus : „Lybia duobus modis dicitur, Cap. 17.  
 „vel ista quæ propriè est Africa, vel illa Orientis pars, quæ con-  
 „tigua est Africæ, & omnino collimitanea“. Africa ab Ægypto  
 ac reliquo Oriente per Nilum dividitur : Omnis cûs illum Regio  
 appellatur Africa & Lybia. Hanc Regionem Syrtes magnæ in-  
 tersecant. Et ambæ partes gaudent utroque isto nomine. Hinc  
 antiqui Scriptores Sabellium, quem Lybem fuisse constat, appel-  
 lant Afrum. Etiam Simonem Cyrenensem, Dominicæ Crucis  
 portatorem, manifestè Lybem, Donatistæ dicebant Afrum. San- Cap. 17.  
 cti quoque Athanasii ad Africanos Antistites epistolam aliqui, li-  
 cet malè, volunt scriptam ad Lybes. Hinc distinctionis gratiâ  
 partem ultra Syrtes posterior ætas Lybiam, partem cûs ipsas ap-  
 pellavit Africam. Quæ Phrasis est insigniter antiqua. Etenim  
 ex ipsa magnus Athanasius præfatas suas literas inscripsit ad Afri-  
 canos. Et sanctus Augustinus istum Simonem dixit non fuisse  
 Afrum. Et phrasis distinctio est fundatissima. Etenim Lybia  
 ad Orientale Imperium ac Ægyptiacam Dioccesim, Africa sem-  
 per spectavit ad Occidentis Imperium, fuitque singularis Diocce-  
 sis, ex magni Constantini Decreto subiecta Prætorio Italiæ. Hæc  
 in Ecclesiasticis rebus Primatem habuit Carthagenensem Episco-  
 pum,



pum, spectavit ad Romanum Patriarchatum; illa in duas divisa Provincias semper subsuit Patriarchæ Alexandrino. Nilus Dodoxipatrius, qui Tripolitanam Provinciam, sitam cis Syrtis, vult subsuisse Alexandrino, infra exponetur. De quibus omnibus videatur Procopius Cæsarænsis in sexto libro de ædificiis Imperatoris Justiniani.

- De Ecclesiasticis, adeoque & de Civilibus Afrorum Provinciis est mentio apud sanctum Cyprianum. In epistola ad sanctum Pontificem Cornelium: "Latiùs fusa est nostra Provincia. Habet etiam Numidiam, & duas Mauritanias sibi cohærentes". Et in literis ad Quintum Episcopum: "Agrippinus cum cæteris Co-Episcopis suis, qui in Provincia Africa & Numidia Ecclesiam Domini gubernabant". Et in epistola ad Jubanum Episcopum: "Cum in unum convenissemus tam Provinciæ Africæ, quam Numidiæ Episcopi". Et ad ejus Erraticam Synodum "convenērunt Episcopi plurimi: Ex Provincia Africa, Numidia, Mauritania". Eidem Synodo adfuit Natalis Oæ Episcopus, & hoc fuit ejus suffragium: "Tam ego præsens, quam Pompeius Sabratenſis, quam etiam Dioga Lepti-Magnensis, qui mihi mandaverunt, censemus quod & Collegæ nostri, &c". Hæ tres civitates constituunt Tripolim, seu Tripolitanam Provinciam, de qua Solinus: "Achæi Tripolim linguâ suâ signant de trium Urbium numero, Oæ, Sabratæ, Leptis-Magnæ". An tunc fuerit singularis Provincia, ignoro. Certè sanctus Cyprianus nullam ejus facit memoriam. Et istam suam Synodum, licet omnes Tripolitani per personam aut Mandatum adessent, affirmat fuisse ex solis Episcopis Proconsularibus, Numidis, & Mauris. Tripolis videtur tunc cum Byzacio fuisse adjuncta Numidiæ. Notanda sunt sancti Cypriani verba: "Latiùs fusa est nostra Provincia". Videtur asserere Africam non esse nisi unicam Provinciam. Nempe vox, "Diocæsis", priùs inducta per magnum Constantinum, tunc necdum erat in usu Romani Imperii, ideoque vox "Provincia", erat tunc latioris significationis. Ipsam Cyprianus accipit pro Diocæsi. Proinde Africana Diocæsis tunc constabat quatuor Provinciis: Proconsulari, Numidiâ, & duabus Mauritaniiis, Cæsarænsi ac Sitifensi. Quæ divisio est antiquissima. Etenim in primo historiarum libro, agens de Actis Galbæ Imperatoris, Cornelius Tacitus laudat Africam & duas Mauritanias. Nec desunt

defunt antiquiora testimonia. Mauritaniæ ante Romanum Imperium dudum fuerant duo Regna : Hinc in Imperio semper fuerunt duæ Provinciæ.

At verò magnus Constantinus in literis ad Æladium Africæ Vicarium, per quas iussit in Donatistarum causa adunari Arelatensem Synodum, laudat Provincias, Byzacenam, Tripolitana, Numidiarum, ac Mauritaniarum. Videntur tunc fuisse septem Provinciæ : Proconsularis, duæ Numidiæ, Tripolitana, Byzacena, ac duæ Mauritanie. Etiam ad sextam Carthaginensem Synodum dicuntur "convenisse Legati diversarum Provinciarum Africæ, canarum, id est, Numidiarum duarum, Byzacenæ, Mauritanie, Sitifensis, Mauritanie Cæsariensis, & Tripolis", Et sub Cæsarii & Attici Consulatu celebrata Synodus laudat Crescentianum Episcopum primæ Sedis Numidiarum. Et in Cecilianæ Carthaginensis, & Felicis Aptungensis Episcopi purgatorii Actis habemus : "Ad Mauritanie sinum non nisi per Numidias pergitur". Et in Nicæni Concilii historia Gelasius Cyzicenus affirmat Synodalia Gesta à Ceciliano Carthaginensi Episcopo fuisse promulgata Ecclesiis Africæ, "ac utriusque Numidiæ, ac Mauritanie". Et in L. 2. C. 27 Græci juris Syntagmate Mattheus Blastares distinguit veterem Numidiam ac novam. Sanctus Augustinus in literis ad Illustrem virum Pammachium laudat "Consularem Numidiam". Quod ipsum repetit in pluribus locis. Hinc Christophorus Justellus, & quidam alii existimant Numidiam, olim unam, postmodò fuisse divisam in duas Provincias.

Quin immò videtur fuisse & octava Provincia: Nempe Mauritania Tingitana. Etenim ad Carthaginensem Synodum, quam duodecimo Honorii Consulatu celebravit cum ducentis & tribus Episcopis Primas Aurelius, convenerunt Provincia Byzacena, Mauritania Sitifensis, Tripolitana, Numidia, Mauritania Cæsariensis, & Hispania. Hoc est, Tingitana Mauritania, vicina Hispanis. Ita habet antiquus Canonum Codex, quo ante Dionysium Exiguum fuit usa Romana Ecclesia. Et hac de re scribit in secunda de Afrorum contra Pelagianos Synodis Dissertatione Joannes Garnerius: "Accessit denique" ad priores Afrorum Provincias "Hispania, Transfretana, sed Mauritania Tingitana, si modò vera sit inscriptio Concilii plenarii, anno quadringentesimo decimo octavo habiti, prout legitur in manuscripto Codice Monasterii sancti

„Bavonis Gandavenfis“. At verò inscriptionem esse veram, docet laudatus Codex Romanæ Ecclesiæ. Joannes Garnerius pergit in tertia Dissertatione: „Aurelius Carthagenensis Episcopus erat „Primus totius Africanæ Diocæsis. Debet enim fortè excipi „Mauritania Tingitana, quæ ut olim Vicario Hispaniarum parebat, ita suberat Boeticæ citerioris Primati. Quamquam Wandalis primùm, tum Wisigothis hanc Hispaniarum partem invadentibus, mutatum aliquid reor, & ex eo tempore Mauritaniam „Tingitanam, seu Hispaniam Transfretanam sub Africæ Primatè „existuisse. In Actis enim Concilii Africani, anno quadringentesimo decimo nono habiti, Hispaniæ, Transfretanæ scilicet, „Legati inter alios censentur. Wandali siquidem circiter annum „quadringentesimum nonum, Wisigothi circiter quadringentesimum decimum nonum Boeticam citeriorem, victis Wandalis, tenuerunt“. Sanctus Victor Vitenfis Episcopus in primo libro de Wandalica persecutione adducit alias insuper Africæ Provincias, de primo isthuc Wandalorum Rege Geizerico scribens: „Geizericus disponens singulas quasque Provincias, sibi Byzacenam, „Abaritanam, atque Getuliam, & partem Numidiæ reservavit, „Exercitui verò Zeugitanam, vel Proconsularem funem loco hæreditatis divisit, Valentiniano adhuc Imperatore reliquas, licet „exterminatas, Provincias defendente“.

Respondeo Romanas Afrorum Provincias post magni Constantini tempora fuisse dumtaxat sex: Olim non fuisse plures. Erant Provincia Proconsularis, Numidia, Byzacium, Tripolis, Cæsarænsis Mauritania, & Mauritania Sitifensis. Disertè hoc testatur Iustus Rufus: „Per omnem Africam sex Provinciæ factæ „sunt. Ipsa ubi Carthago, Proconsularis; Numidia, Consularis; „Byzacium, Consularis; Tripolis & Mauritaniz duæ, hoc est, „Sitifensis & Cæsarænsis, sunt Præsidiales“. Tingitana Mauritania, licet esset intra Africam, nunquam tamen ad ejus Diocæsim, sed semper spectavit ad Hispaniam. Testatur hoc idem Scriptor: „Per omnes Hispanias sex sunt nunc Provinciæ, Tarraconensis, „Carthagenensis, Lusitania, Gallæcia, Boetica. Transfretum etiam „in solo Africæ Provincia Hispaniarum est, quæ Tingitana Mauritania cognominatur“. Et in Carthagenensis Collationis exordio Ursus Ducenarius enumerat omnes Africanæ Diocæsis Provincias, & affirmat esse Provinciam Proconsularem, Provinciam

Byza-

Byzacenam, Numidiam, Sitifensem & Cæsarēensem Mauritanias, ac Provinciam Tripolitanam. Et Donatistarum apud Cavernas Susis celebrata Synodus universam Africam asserit esse Provinciam Proconsularem, Numidiam, Mauritaniam, Byzacenam, & Tripolim. Exstat Synodus apud sanctum Augustinum in secunda concione ad trigésimum sextum Psalmum. Eadem Provincias habet Romani Imperii antiqua notitia, notitia Africanarum Ecclesiarum, vulgata per Jacobum Sirmondum, & variae Afrosynodi.

Interim Numidia fuit duplex : Antiqua & nova. Et ante Romanum Imperium fuit divisa in duo Regna. At verò sub Romanis fuit unica, & Civilis & Ecclesiastica, Provincia. Ut antiqua & nova Castella apud Hispanos sunt unicum Regnum. Ex antiquæ divisionis memoria quidam Romani dixerunt Numidias, ac Episcopos Numidiarum. Et sanctus Augustinus Numidiam dixit Consularem, non quod alia Præsidialis esset, sed ut in ejus Præfectura exprimeret qualitatem. Tingitana Mauritania tunc non transit in Africanam Dioccesim. Interim uti Hispaniarum Episcopi quandoque vicinos Narbonensis Galliarum Episcopos, ita Africani aliquando invitarunt Tingitanos. Dum nempe quæpiam occurrit gravissima causa, qualis sub Zozimi Pontificatu fuit Pelagiana hæresis. Et adjuvisse possit Wandalorum in Hispania Tyrannis. Propter ipsam Tingitani Episcopi ad suos in Romana libertate Afros, quam gementes sub barbarica captivitate Hispanos Collegas possint maluisse respicere. Ut ut sit, Hispaniarum ecclesia tunc non habuit Primatem : Omnes ejus Metropolitæ erant pares. Toletanus Primatus est opus Gothicum. Victor Vitenſis Episcopus non juxta Romanas Provincias, sed juxta Africanæ terræ situm isthuc loquitur : Et illa fuit divisa in longè plures Regiones. Harum plures continebantur ab unica Provincia. Et in literis ad Helychium Episcopum scribit sanctus Augustinus : "Sunt apud nos  
 „in Africa barbaræ innumerabiles Gentes, in quibus nondum esse  
 „prædicatum Evangelium, ex iis qui ducuntur inde captivi, &  
 „Romanorum servitiis jam miscentur, quotidie nobis addiscere in  
 „promptu est. Pauci tamen anni sunt, ex quo quidam eorum, rarissimi atque paucissimi, qui pacati Romanis finibus adhærent,  
 „ita ut non habeant Reges suos, sed super eos Præfecti à Romanis  
 „no constituentur Imperio, & illi ipsi eorum Præfecti, Christiani esse  
 c y perunt;

Epist. 10.

„coeperunt. Interiores autem, qui sub nulla sunt potestate Ro-  
mana, prorsus nec Religione Christiana in suorum aliquibus de-  
„tinentur". Proinde Romani suas solas Ditiones distribuerunt in  
Provincias: Plures in Provinciam eandem. Et istæ Provinciæ  
apud Christianos ac Romanos Scriptores sunt universa Africa.  
Nempe Romana.

Omnes sex Provinciæ habuerunt suam Civilem Metropolim;  
Sedem Præfecti. Proconsularis Provinciæ Metropolis fuit alma  
& magna Carthago, cujus amplissimæ laudes & apud Gentiles,  
& apud Christianos Scriptores sunt frequentissimæ. Aurelius Vi-  
ctor in libro de Cæsaribus affirmat ipsam esse "terrarum decus".  
Loquitur de Carthagine quæ tunc erat: Reparata à Romanis post  
excidium. Hanc in prioris comparatione fuisse exiguam, testatur  
Paulus Orosius. Primæ ambitus continebat viginti millia passuum.  
Numidiæ Metropolis est Cirtha, seu Constantina. Duplicis no-  
minis rationem tradit idem Aurelius: "Cirthæ oppido, quod ob-  
„sisione Alexandri" Imperatoris "ceciderat, reposito exornatoque  
„nomen Constantina est inditum". A Reparatore magno Con-  
stantino. Hinc Petilianus, apud Donatistas magnum nomen,  
à sancto Augustino quandoque Cirthenfis, quandoque appella-  
tur Episcopus Constantinensis. Ex hujus rei ignorantia quidam  
censent fuisse duos tunc Petilianos. Quod ista fuerit Numidia-  
rum Metropolis, patet ex Africano Canonum Codice: "Matri-  
„cula & Archivus Numidiæ & apud primam Sedem sit, & in  
„Metropoli, idest, Constantina". Byzacii Metropolis est Adru-  
metus. Testatur hoc Procopius Cæsariensis in sexto libro de  
Imperatoris Justiniani ædificiis: "In Byzacio urbs est mariti-  
„ma Adrumetus, antiquitatis magna & frequens, & in ea Pro-  
„vincia nomen ac dignitatem adepta Metropoleos, quod, cæ-  
„teris & amplitudine, & absolutâ felicitate præstaret". Ipsam  
post ejectos Wandalos Justinianus instauravit, & appellavit Ju-  
stinianam quartam. Acrida in Illyrico, Constantia in Cypro,  
& magna Carthago erant Justiniana prima, secunda & tertia.  
Justinianæ fuerunt ultra viginti. Tripolitanæ Provinciæ Metro-  
polis fuit magna Leptis, Patria Imperatoris Severi. Ita testa-  
tur idem Procopius, additque & ipsam fuisse à Justiniano in-  
stauratam. Mauritaniarum Metropoles sunt Sitifis & Cæsaræa.  
Antiqua enim Romani Imperii notitia præponit Sitifim. Neme-

pe

Can. 16.

Cap. 6.

pè quod sit Cæsareâ antiquior. Hujus originem tradit in septimo libro Eutropius: "Cæsar Augustus tanto amore etiam apud Barbaros fuit, ut Reges, populo Romano amici, in honorem ejus conderent civitates, quas Cæsareas nominarent, sicut in Mauritania à Rege Juba". Hinc sancti Adonis Martyrologium Jan. 19. ipsam appellat Neo-Cæsaream. Ammianus Marcellinus scribit fuisse civitatem opulentissimam. Tingi fuisse Tingitanæ Mauritaniz Metropolitim testatur laudatum Martyrologion. L. 29. c. 25

Omnium Provinciarum Princeps & caput fuit Carthaginensis, sive Proconsularis. Hinc ab antiquis Scriptoribus aliquando appellatur absolute Provincia. Ita sanctus Augustinus in libro de unitate Ecclesiæ scribit Maximianistas reperiri apud solos Tripolitanos, Byzacenos, ac Provinciales. Et in alio ejusdem libri capite: "Provincia, Byzacium, Tropolis, Numidia". Et in Commentario Psalmi nonagesimi quinti: "Gentulia, Numidia, Mauritania, Byzacium, Provincia". Carthaginem Imperator Adrianus Adrianopolim, Commodus Commodianam, Justinianus appellavit Justinianam. Nempe erat caput totius Dicecesios. Ejus Proconsul habebat potestatem in omnes Provincias. Patet ex libro Tertulliani ad Scapulam Proconsulem, ex antiqua Romani Imperii notitia, ac ex multis Romanorum legibus. Iste Proconsul fuit tantæ dignitatis, ut dum sine addito nominabatur Proconsul, intelligeretur Africanus. Erat unicus in toto Occidentis Imperio. Cap. 3. Cap. 19.

Res ita mansit usque ad Imperatorem Justinianum. Hic per gloriosum Belisarii Ducis arma eiecit ex Africa Wandalos: Post nonaginta miserandæ captivitatis annos omnem illam Dicecesim reddidit Romano Imperio, omnia illi avita reparavit privilegia, & adjunxit aliquid novitatis. Ejus in codice exstat lex, quæ de tanto in suum Imperium beneficio agit Divinæ Clementiæ Augustas gratias, & adjungit: "Per Divinam Legem sancimus, ut omnis Africa, quam nobis Deus præstitit, per ipsius Misericordiam optimum suscipiat ordinem, & propriam habeat Præfecturam. Ut sicut Oriens & Illyricum, ita & Africa Præfectorianâ maximâ potestate specialiter à nostra Clementia decoretur: Cujus Sedem jubemus esse Carthaginem. Et ab ea, auxiliante Deo, septem Provinciæ cum suis judicibus disponantur: Quarum Tingi, & quæ Proconsularis antea vocabatur Carthago, & Byzacium, L. 1. tit. 27.

& Tripolis Rectores habeant Consulares; reliquæ verò, id est, „Numidia, & Mauritania, & Sardinia à Præsidibus cum Dei auxilio gubernentur”.

Inducit varias novitates. Primò, Africanæ Diœcesi adjicit duas Provincias : Tingitanam ac Sardiniam, quarum prior ad Hispaniam, posterior antea spectabat ad Italiam. Secundò, duas Mauritanias, Cæsaræensem ac Sitifensem, conflat in unicam Provinciam. Et sic toti Diœcesi assignat septem Provincias. Nempe Wandali etiam Sardiniam obtinuerant, atque ita Sardi assueverant Afrorum moribus : Hoc Justinianus permanere voluit. Tertiò, Proconsulatum extinxit, & exivit in Præfecturam. Quartò, Carthaginensem Provinciam è Proconsulari fecit Consularem, quam formam similiter dedit Provinciæ Byzacenæ, Tripolitane, ac Tingitanæ. Attamen hæ novitates non plenè obtinuerunt in Ecclesiasticis negotiis. Etenim quod Sardinia nec Africanas Synodos frequentavit, nec Carthaginensem Primatem respexerit, sed antiquo more perrexerit Patriarchalem Romanæ Cathedræ Synodum ac auctoritatem venerari, demonstrant plures magni Gregorii epistolæ, & Acta Lateranensis Synodi, quam contra Monothelitas celebravit sanctus Papa Martinus. Illius Metropolita Deusdedit fuit illic non modica pars, & tertio loco subscripsit post Pontificem : Utpote Metropolita Italicæ Diœceseos. Carthaginensis Provincia titulum „Proconsularis Provinciæ” nunquam deposuit. Etenim istius Provinciæ contra Monothelitas Synodus in relatione ad Paulum Constantinopolitanum Patriarcham dedit sibi ipsi hunc titulum : „Episcopi sancti Concilii Proconsularis”. Exstat in secundo laudatæ Lateranensis Synodi Secretario. Quin & Procopius Cæsaræensis in sexto libro de Imperatoris Justiniani ædificiis scribit : „Carthaginis Regio, quæ Proconsularis dicitur”. Ex quò lucet hunc titulum à Justiniano non fuisse simul cum Proconsulari dignitate suppressum.

Dixi : „Non plenè”. Quoniam utraque Mauritania videtur etiam quoad Ecclesiasticas res fuisse redacta in unicam Provinciam. Etenim Africana adversum Monothelitas Synodus suæ ad Theodorum Pontificem Relationi dedit hanc Epigraphen : „Domino „beatissimo Theodoto Papæ Columbus, primæ Sedis Episcopus „Concilii Numidiæ, & Stephanus primæ Sedis Episcopus Concilii „Byzaceni, & Reparatus Episcopus primæ Sedis Concilii Mauritanæ, &

„& universi Episcopi de tribus Conciliis antedictæ Africanæ Provinciarum. Non distinguit Mauritaniam, sed generatim dicit: „Conciliū Mauritaniarum“. Quia nempe utraque ista provincia coaluerat. Wandalica Barbaries plurimas Africanæ civitates everterat: Videntur in Mauritania tot evernisse, ut Episcopi residuas judicaverint non sufficere ad constituendas duas Provincias.

Hujus infelicitis sæculi varietas Africanæ induxit & aliam divisionem. Etenim in illa Romanarum Provinciarum divisione, quæ Imperatori Leoni Sapienti passim adscribitur, enumerantur quinque Africanæ Provincie: Byzacium, Numidia, prima ac secunda Mauritania, & Tripolis. Verum Tripolitana hæc provincia transfertur in Patriarcham Alexandrinum, ideoque Africanæ Diocesis non retinet, nisi quatuor Provincias. Et inter ipsas Mauritania iterum dividitur in duas. Proconsularis, omnium dignior & prima, Provincia extinguitur, adjecta Byzacio: Non hoc illi, sed illa huic adjungitur. Quod nempe omnes fermè ejus civitates, & quidem ipsam etiam Carthaginem, obsæni Saraceni destruxissent. Eodem de causa prima Mauritania habet unicam civitatem, secunda dumtaxat quatuordecim, ideòque mirum est harum Provinciarum unionem fuisse solutam: Forsitan propter civitatum distantiam. Et inter ipsas variaz habent ignota nomina. Credo esse oppida aut castra, in quæ destructarum civitatum Episcopi suas Cathedras transfulerant. Est non dumtaxat Ecclesiastica, sed etiam civilis divisio. Lucet ex hoc titulo: „Sub gloriosissimo Exarcho seu Præfecto Africanæ“. Ex quo patet institutam à magno Justiniano Præfecturam etiam tunc permanuisse.

Infelix Africa, quam laudatus Justinianus à miseranda Wandalorum servitute liberaverat, sub Justiniano secundo cecidit in longè magis deplorandam servitutem Impiorum Saracenorum. Hi suo more illic destruxerunt omnia. Postmodò tamen eadem eidem Justiniano restituerunt. At verdè ejus Successor Leontius denudò amisit omnia, atque ita Leo Sapiens in tota Africa nihil penitus potestatis habuit. Quare novam hanc divisionem potius ab isto Justiniano factam credo, quam ab illo Leone. Existimo quod ipsam fecerit juxta statum, in quo recepit à Saracenis. Et juxta hanc divisionem Nilus Doxopatrius in libro de quinque Patriarchatibus scribit Carthaginem esse in Provincia Byzacii.

Et hinc intelligimus fundamentum, ex quo Gummitanus Episco-



pus apud sanctum Leonem nonum Pontificem prætendit esse Primas totius Diocesis, & Carthaginensem Episcopum à sua dignitate excludere. Quia nempe Proconsularis Provincia erat adjecta Byzacio, ideoque videbatur debere sequi non amplius suam propriam, sed formam Byzacenæ Provinciæ. Videbatur ejus Metropolitana ac Primatialis potestas non amplius Carthagini, præsertim jam destructæ, esse annexa, sed sequi seniores Episcopum. At verò tunc Gummitanus erat senior. Hinc discimus & aliud: Nempe adductam Provinciarum notitiam esse mutilam, aut certè Gummitanam civitatem fuisse etiam tunc destructam, & pro ipsa exprimi aliquod ejus castrum aut oppidum. Etenim constat ipsam fuisse in Byzacio, & notitia nullam ejus facit memoriam. Quidquid sit, Gummitanus Episcopus suæ, licet forsitan destructæ, civitatis retinuit titulum.

## CAPUT II.

*Exponitur Hierarchia Africana  
Ecclesia.*

Ex istæ Provinciæ apud Afros fuerunt non solummodò civiles, sed etiam Ecclesiasticæ. Est res exploratissima. Et fuerunt quoad Episcopales Cathedras numerosissimæ. Etenim per Jacobum Sirmondum vulgata notitia Provinciæ Proconsulari quinquaginta quatuor, Numidiæ centum viginti quinque, Byzacio centum & tredecim, Mauritanie Cæsarænsi centum viginti sex, Mauritanie Sitifensi quadraginta quatuor, Provinciæ Tripolitane assignat quinque Cathedrales Ecclesias. Et numerus videtur esse mutilus. Etenim in Cæsarænsi Provincia omittitur ipsa Ecclesia Cæsarænsis. Et Carthaginensi Synodo, quam ex sola sua Provincia contra Pelagianos celebravit Primas Aurelius, adfuerunt Episcopi sexaginta octo. Quin illius notitiæ, seu catalogi author, sanctus Victor Vitenfis Episcopus, in primo Wandalicæ persecutionis libro scribit in Proconsulari tunc Provincia fuisse Episcopos centum sexaginta,

ginta quatuor. Et videtur non de Sedibus loqui, sed de superstitibus tunc Episcopis, ideoque plures fuisse Sedes. Ejus de Mauritania Caesarzensi isthic Dictum concordat catalogo: "Crescens, Metropolitanus Aquitanix civitatis, centum viginti Episcopis præest". Legendum est: "Mauritanix civitatis". Loquitur de Geizerici Regno, at verò catalogus agit de Regno Hunnerici. Crescens videtur tunc fuisse mortuus. Et tamen præter sex mortuos catalogus numerat centum viginti vivos Episcopos, idèdque est differentia quoad unum. Idem Victoris liber numerat duos Tripolitanos Episcopos Vicessebrarenum, & Cresconium Ensem. Legendum est: "Cresconium Oensem". Hic habetur in catalogo, deest verò Vicessebrarenus, ideoque Tripolis habuit plures quam quinque Episcopos. Et ad tertiam Carthaginensem Synodam dixit Primas Aurelius: "In Tripoli, ut asseritur, Episcopi sunt quinque tantummodò". Voces, "Ut asseritur" edicunt ipsum de vivis agere Episcopis, non de Episcopalibus Cathedris. Etenim Dioecelios Primas nequit subjectarum sibi Sedium numerum ignorasse. Et in Carthaginensi Collatione Rufinianus Scriba dixit de præsentibus Catholicis Episcopis: "Catholicæ partis Episcopi, Lib. r.  
 secundum subscriptionem huic Brevi insertam, efficiuntur ducenti Cap. 214.  
 sexaginta sex. Exceptis his quos dicunt necdum subscripsisse". Et hi erant viginti. Et post horum coram Comite Marcellino exhibitionem dixit sanctus Alipius Tagastensis Episcopus: "Scriptum sit ducentos viginti Episcopos esse absentes, quos aut infirmitas, aut ætas, aut certè necessitas detinuit". Et Fortunatianus Siccensis Episcopus addidit: "Sexaginta quatuor Cathedras habemus vacuas". Proinde Cathedra, quas tunc detinebat Catholica Ecclesia, erant quingentæ septuaginta. Et non paucæ detinebantur à solis Donatistis. Porro catalogus habet solummodò quadringentas sexaginta novem Cathedras: Est ergo incompletus. Aliud tamen in Collationis Breviculo scribit sanctus Augustinus: "Episcoporum Catholicorum omnium præsentium nomina esse constitit ducenta octoginta sex. Viginti enim non subscriperant, qui tamen suam exhibentes præsentiam, & in medium procedentes, nisi quos infirmitas corporis illic apud Africam tenuit, præsentibus Gestis se mandare & consentire professi sunt". Et infra: "Dictum est à Catholicis, alios Episcopos centum viginti non venisse Carthaginem". Et

iterum: "Responsum est à Catholicis sexaginta esse, quibus successores Episcopi nondum fuerant ordinati". Quilnam textus sit vitiat, permitto aliis disquirendum.

Quævis Provincia, licet Metropolitica potestatem habuerit, non tamen habuit Ecclesiasticam Metropolim, in cuius Episcopis ista potestas per successionem resideret. Ista potestas successit in diversarum Sedium Episcopos. Etenim sub Donatistæ Factionis exordio Numidiæ Primum Secundus Tigisitanus, ad Episcopalem sancti Augustini electionem Megalius Calamensis, Milevitana contra Pelagianos Synodi tempore Sylvanus Summenis, exinde Valentinus Vajanensis, postmodo sanctus Alipius Tagastensis, alii gesserunt aliis remporibus. Quod ipsum demonstrari possit in aliis Provinciis. Est res manifesta. Quod sanctus Alipius istum Primum gesserit, lucet ex epistola Dioscori ad S. Augustinum: "Senex Alipius rogavit me". Et ex sancti Augustini Epistola ad Epist. 55. ipsum Alipium: "Augustinus Alipio Seni". Etenim, Senex, erat unus è titulis, quibus Afri Metropolitæ potestatis Gestorem Episcopum insigniebant. Ita Carthaginensi, sub Attici & Cæsarii Consulatu celebratæ, Synodo adfuerunt Aurelius, Muzonius, ac alii Episcopi, & subscribitur: "Manu Senis Muzonii". Hic est ille Muzonius, de quo in Dialogo contra luciferianos sanctus Hieronymus: "Muzonius Byzacenæ Provinciæ Cap. 7. Episcopus, cui propter ætatem Primæ ab omnibus deferebantur, ita locutus est". Utique in Ariminensi Concilio. Tempore istius Carthaginensis Synodi erat Primas Byzacii. Et precibus, quas in Carthaginensi Collatione Comiti Marcellino obtulerunt Catholici Episcopi, post Aurelium Carthaginensem subscribit "Sylvanus Senex, Ecclesiæ Summenis". Hoc est, Summenis Episcopus, & Primas Numidiæ. Et S. Augustinus scribit ad sanctum Celsinum Pontificem: "Sanctus Senex, qui tunc Epist. 261. Primum Numidiæ gerebat". Et ad Profuturum Constantinensem Episcopum: "Quod Senex Megalius defunctus sit, jam vos audisse quis dubitet? Erant autem à depositione corporis Epist. 149. ejus, cum hæc scriberem, dies ferme viginti quatuor. Utrum jam videris Successorem Primatus ejus, si fieri potest, scire volumus". Omnes editi libri sunt mutili. Hoc modo supplendi ex Bibliotheca Serenissimi Domini, Magni Ducis. Editi libri addunt

addunt: "Disponebas enim". Et legunt non, "Videris", sed  
 „inveniris". Quæ lectio videtur melior. Et istud additamen-  
 tum videtur non omittendum. Erat dubium, quis in Numi-  
 dia Episcopus Megalio per consecrationis ætatem proximè suc-  
 cederet, adeoque cui post ejus mortem deberetur Primatus Pro-  
 vincix. Hac de re Augustinus & Profuturus ante Megalii mor-  
 tem contulerant, & Profuturus promiserat sedulo inquirere:  
 Hinc post istius mortem Augustinus rogat, an invenerit. Pro-  
 inde apud Afros Metropolitana autoritas non erat adstricta cer-  
 tæ Sedi, sed semper transibat ad Seniores consecratione Epis-  
 copum totius Provincix. Hinc non raro erant lites de successio-  
 ne: Dum nempe duo de consecrationis senio contenderent. Ita  
 evenit inter Victorinum & Xantippum, Numidix Episcopos,  
 de quibus videnda est sancti Augustini epistola ad Victorinum.  
 Et ad istud malum excindendum emanavit hic Canon: „Qui-  
 „cumque deinceps ab Episcopis ordinantur, literas accipiant  
 „ab Ordinatoribus suis manu eorum subscriptas, continentes  
 „Consulem & diem, ut nulla altercatio de posterioribus vel  
 „anterioribus oriatur".

Epist. 17.

Erat singularis & ab aliis gentibus diversa Hierarchia. Atta-  
 men non vacua fundamenti. Etenim Episcoporum translatio  
 erat tunc summopere vetita. Afri eam æquiparabant Rebaptis-  
 mo. Hinc Metropolitana civitatis Episcopus erat non raro  
 Juvenis, ac inter Senes Com-provinciales quasi discipulus inter  
 Magistros. Nihilominus ipsis præsidebat. Hoc Afri judicarunt  
 incongruum, ideoque istam potestatem semper alligarunt seniori  
 Episcopo. Et ipsum Provincia appellabat suum Senem. Ti-  
 tulus iste fuit tanti, ut illo etiam Carthaginensis, licet non ætatis,  
 sed civitatis causa succederet in dignitatem, Primas fuerit ulus  
 & gavisus. Etenim in literis ad Quintianum Presbyterum san-  
 ctus Augustinus Aurelium Primatem scribit "Senem Aurelium".  
 Quod eadem Hierarchia usque ad Magni Constantini tempora  
 viguerit apud Hispanos, affirmant Joannes Mariana, & in scho-  
 liis ad Canones Illiberritanos Ferdinandus Mendoza. Et res in  
 istis Canonibus omnino habet fundamentum.

Isti Afrorum Primates habuerunt & alios titulos. Donatistæ  
 ipsos appellarunt "Principes". Ita in Carthaginensi Collatione  
 Victor Tabborensis Donatistarum Episcopus dicit: "Beatissimus  
 Pater

L. l. c. 101

- Pater & Princeps noster Primianus". Loquitur de Primiano Carthaginensi. Et in sanctum Augustinum scripsit Cresconius Donatista : "Epistolam Principis uestri, qua nescio quid de te scripsit, cum te ordinari nolle, tenent non pauci nostrorum". Per Principem illum intelligit Megalium, Calamensem Episcopum, Numidiæ Primatem, tuus in Augustinum calumnia est eruditis notissima. Et in Carthaginensis Collationis Breviculo Donatista Cecilianum Carthaginensem Episcopum arguunt, quod noluerit "Princeps à Principe ordinari". Nempe Proconsularis Provinciæ Primas à Primatu Numidiæ. Et in quarto contra Cresconium libro sanctus Augustinus per ironiam scribit : "Primianus super Collegas Principatum gerit". Titulus videtur inductus à superbissimo fastu Donati magni. Ipsum enim, quod nolle appellari "Episcopus", sed "Donatus Carthaginis", sanctus Optatus appellavit "Principem Carthaginis". Quidquid sit, titulus iste Catholicis Episcopis per omnia displicuit. Hinc contra ipsum sanxit tertia Carthaginensis Synodus : "Primæ Sedis Episcopus non appelletur, Princeps Sacerdotum, aut summus Sacerdos, aut aliquid hujusmodi, sed tantum primæ Sedis Episcopus". Hic ergo est secundus istorum Primatum legitimus titulus. Ita in literis ad Generosum sanctus Augustinus scribit Secundum Tigistanum Episcopum fuisse in Numidia "Episcopum primæ Sedis". Et sub Cæsarii ac Attici Consulatu celebrata Carthaginensis Synodus laudat "Crescentianum Episcopum primæ Sedis Numidiarum". Etiam Muzonium dicit in Byzacio primæ Sedis Episcopum. Et Numidiæ Matricula jubetur esse & apud primam Sedem, & apud Metropolim Constantinam. Aliud ergo erat prima Episcopalis Sedes Provinciæ, aliud civilis Metropolis. Carthaginensis, per sanctum Augustinum in tertio contra Cresconium libro memorata, præfati Secundi Synodus ipsum inscribit "Episcopum primæ Cathedræ".
- Ex quo vides titulum esse antiquissimum. Eundem Januario, vel potius Januario, Donatistarum in Casis-nigris Episcopo, defuerunt Catholici Hipponensis Ecclesiæ Clerici : "Januario primæ Sedis Episcopo partis Donatianæ". Eundem titulum laudant Cænones Illiberritani. Et hoc est unum argumentorum, ex quibus Africana Hierarchia videtur olim vlguisse in Hispaniis.
- Tertius titulus est Primas. Ita in quarto contra Cresconium libro sanctus Augustinus scribit de præfata Megalii Calamenfis epistola

epistola : "Epistolam Primatis nostri". Et in literis ad sanctum Cap. 64.  
 Celestinum Pontificem : "Gerebat Numidiæ Primatum". Et Hip- Epist. 161  
 ponenses Clerici in præfata ad Januarium epistola : "Secun-  
 ,dus Tigistanus , Primas vester". Et rursum Augustinus in  
 literis ad Victorinum Episcopum : "Mauritanias Provincias sci- Epist. 217  
 ,mus suos habere Primates". Et Milevitana Synodus : "Salvo Can. 13.  
 ,jure Primatus Numidiæ & Mauritanæ". Et sanctus Possidius in  
 sancti Augustini vita laudat "Carthaginensem Episcoporum Pri-  
 ,matem", & adjungit : "Tunc Primæ Numidiæ Megalio , Ca- Cap. 8.  
 lamenſi Episcopo". Notanda est, ac inferius exponenda disti-  
 ctio : Megalium solius Numidiæ , Carthaginensem appellat Pri-  
 matem Episcoporum. Tituli radicem exponit in literis ad Gal-  
 liarum Episcopos sanctus Papa Hilarus : "Constantius Vetricæ Epist. 4.  
 ,Ecclesiæ Antistes , ævo honoris Primas esse dicitur". Hoc est, Cap. 1.  
 senior inter omnes suffraganeos , ideoque ipsorum post Metro-  
 politam dignior & primus. Apud Afros Provinciæ senior non solo  
 Episcopalis honoris ævo , sed insuper Metropolitanæ autoritate  
 præfulgebat, ideoque meritò dicebatur Primas. Magnus Grego-  
 rius in literis ad Columbum Numidiæ Episcopum dat & aliam  
 rationem : Adeodatum Primatem inscribit "Primatem Synodi". Libr. 2.  
 Quod nempe isthuc obtineret auctoritatem Præsidis. Est antiquus Ep. 86. 87.  
 titulus. Nam illum Diotrephi Episcopo adscribit etiam sanctus  
 Joannes Apostolus. Media Ecclesiæ sæcula Primates appellaverunt  
 Episcopos præfectos pluribus Metropolitanis ac Provinciis. Hinc-  
 marus Rhemensis titulum extendit ad istos etiam unicæ Provin-  
 ciæ Metropolitanas , qui nullum agnoscebant istiusmodi Primatem.  
 Est vox multifariæ significationis.

Quartus Africanorum Primatum titulus est "Metropolitanus".  
 Quod Carthaginensi Episcopo competierit, & attributus fuerit,  
 est omnibus notissimum. Erat enim Metropolitanæ Sedis Episco-  
 pus, habebatque perpetuam Metropolitanam auctoritatem. Ita in  
 prima Ephesini Concilii Actione Petrus Presbyter , ac Notariorum  
 Primicerius , Capreolum Carthaginensem Antistitem appellat "Re-  
 ,verendissimum Metropolitanum ac Episcopum Carthaginis". Quæ-  
 stio est, An attributus fuerit etiam aliarum Provinciarum Prima-  
 tibus ? Respondeo fuisse attributum. Etenim in libro de Gestis  
 cum Emerito Cæsarzensi Donatistarum Episcopo sanctus Augu-  
 stinus Deuterium , Catholicum ejusdem civitatis Antistitem, ap-  
 pellat

pellat "Episcopum Metropolitanum Cæsaræensem". Crescentem ejusdem civitatis Episcopum eodem titulo donat in primo libro de Wandalica persecutione sanctus Victor Episcopus Vitenfis. Et quarta Carthagenensis Synodus, de consecrando novo Episcopo faciens, dicit : "Cum consensu Clericorum & Laicorum, & „Conventu totius Provinciæ Episcoporum, maximeque Metropoli- „tani, vel autoritate vel præsentia, ordinetur Episcopus". Loquitur generatim de cunctis Provinciis. Omnium ergò Primates fuerunt dicti Metropolitanì : Non à civitate, sed ab autoritate. Cæsaræensis tamen, quoniam Deuterius & Crescens videntur ætate Ordinis non fuisse seniores, possit sic fuisse dictus à sola civitate.

In secundo Wandalicæ persecutionis libro scribit laudatus Victor : "Geizericus Rex, adstante vulgo, in media civitate, pro „gradibus plateæ novæ, Episcopum suæ Religionis, nomine Jo- „cundum, quem Patriarcham vocitabant, præcepit incendio concremari". Et ipsi successit Cyrillas. Hic cum nostris Episcopis voluit disputare, & Victor prosequitur : "Collocat sibi Cyrillas „cum suis satellitibus in loco excelso superbissimum Thronum, „adstantibus nostris. Dixeruntque Episcopi nostri : Illa est sem- „per grata collatio, ubi superba non dominatur elatio, sed ex con- „sensu communi venit, ut Cognitoribus decernentibus, parti- „bus agentibus, quod verum est agnoscat. Nunc quis erit cogni- „tor, quis examinador, vel libra justitiæ, ut bene probata Confir- „met, aut pravè assumpta refellat ? Et cum talia & alia dice- „rentur, Notarius Regis respondit : Patriarcha Cyrillas". Et Catholici intercesserunt : "Legatur nobis, quo concedente istud „sibi nomen Cyrillas assumpsit". Ex quibus discimus plura. Primò, quod Africam ingressi Wandalorum Episcopi assumpserint ac in se transtulerint Hierarchiam Africanæ Ecclesiæ. Quod sibi Carthagine Primatem statuerint. Quod horum Primatum primi fuerint Jocundus & Cyrillas. Secundò discimus, quod istum Primatum exaltarint in Patriarchatum, & Primatem inscripserint Patriarcham. Tertiò, quod isti Primati excelsum & superbum, nempe ut Patriarchæ, Thronum concesserint. Quartò, quod Catholici Episcopi hæc omnia improbaverint. Et meritò. Etenim Carthagenensis Episcopus, licet sex amplissimarum Provinciarum, ac plurimorum Episcoporum Primas esset, nequaquam tamen

crat

erat Autocephalus, sed Patriarchico Romanæ Ecclesiæ juri subiectus per omnia, ideoque remotissimus à Patriarchali dignitate. Et hinc in plenaria suæ Diæcesios Synodo non habuit singularem Thronum, sed sedit Collega inter Collegas. Omnis hic Cyrillæ factus erat novitas.

Videtur tamen non fuisse novitas. Etenim in Chronico Victor Tonnonensis Episcopus Reparatum Carthaginensem aliquoties appellat Archi-Episcopum. Etiam sanctus Leo nonus Pontifex istius civitatis Episcopum appellat à primum Romano Archi-Episcopum, ac maximum totius Africæ Metropolitanum. At verò Archi-Episcopi titulus tunc dabatur solis Patriarchis, aut Autocephalis Primatibus. Respondeo Victorem Tonnonensem aliter loqui de Capreolo, Eugenio, ac Bonifacio, Reparati Antecessoribus: Eos simpliciter appellat Episcopos. Et de Reparati exordio scribit: "Reparatus Carthaginensis Ecclesiæ Episcopatum post Pontificium suscepit". Et postmodò constanter inscribit Archi-Episcopum. Quem titulum istius Sedis Antistiti nec sanctus Augustinus tribuit, nec sanctus Optatus, nec sanctus Cyprianus, nec ulla Africana Synodus. Victor Tonnonensis videtur posteriorem partem suorum Annalium scripsisse de anno in annum. Reparati Acta scripsisse apud Græcos, Constantinopoli, aut in exilio. Isthic didicit Græcorum titulos, & ex ipsis cœpit Reparatum scribere Archi-Episcopum. Et falsum est, quod Archi-Episcopi titulus isto tempore daretur solis Patriarchis, aut Primatibus Autocephalis. Etenim Romana Ecclesia in suo antiquo Canonum Codice duodecimum Chalcedonensem Canonem legit hoc modo: "Quæcumque civitates per sacras literas nomine Metropolitano funguntur, ipsæ solum honorem consequantur, & is, qui huic Ecclesiæ præest Episcopus, vocetur Archi-Episcopus, salvo utique proprio jure, quod reverà Metropolitanæ civitati convenit". Ad eò antiqua est ista significatio. Codex docet ipsam non esse Commentum recentium Græculorum, Hæc sunt alterius loci. Posterioribus sæculis cuncti Africanarum Provinciarum Primates fuerunt appellati Archi-Episcopi. Etenim sanctus Gregorius septimus laudat Secundum Episcopum Hipponensem, & inscribit Archi-Episcopum Mauritanæ Sitifensis.

Quæstio prima est, An ista Metropolitanæ potestatis successio, aut potius de civitate in civitatem migratio vigerit in omnibus



lex Provinciis ? Respondeo non viguisse in Proconsulari Provincia; Est res omnibus explorata. Quare quæstio præsertim est de Mauritania Cæsarzensi. Etenim per Jacobum Sirmondum vulgata Africanarum Ecclesiarum notitia in Sitifensi Mauritania primo Rufinum Tamallumensem, secundo loco ponit Donatum Episcopum Sitifensem, atque ita affirmat non hunc, sed illum fuisse Primatem. At verò & sanctus Augustinus, & sanctus Victor Vitenfis Cæsarensem Episcopum affirmant fuisse Metropolitanum. Respondeo tamen eandem formam viguisse in Cæsarzensi Provincia. Lucet ex sancti Augustini epistola ad sanctum Celestinum Pontificem: "Existat exemplo, ipsa Sede Apostolica judicante, vel  
Epist. 261. „aliarum Judicata firmante, quosdam pro culpis quibusdam nec  
„Episcopali spoliatos honore, nec omnimodis relictos impunitos.  
„Quæ ut à nostris temporibus remotissima non requiram, recen-  
„tia memorabo. Clamet Priscus Provinciæ Cæsarzensis Epi-  
„scopus: Aut ad Primatum locus sicut cæteris, & mihi patere  
„debuit, aut Episcopatus mihi remanere non debuit. Clamet  
„alius ejusdem Provinciæ Episcopus Victor, cui relicto in eadem  
„pœna, in qua & Priscus fuit, nunquam nisi in Diocesi ejus ab  
„alio communicatur Episcopo". Hæc Prisci & Victoris pœna pa-  
lam demonstrat Metropolitanam auctoritatem etiam in Cæsarzensi  
Provincia non Cathedræ fuisse adnexam, sed seniori ætati Episco-  
pali honoris. Hinc in Carthagenensi Collatione Deuterius Ca-  
tholicus, & Emeritus Donatista Cæsarensium Episcopus non ha-  
buere locum, nisi suæ ætatis. Et laudatus Africanarum Provin-  
ciarum ac Episcoporum catalogus Apocorum Cæsarensem  
ponit eodem ordine.

Eadem de pœna scribit in Chronico ad duodecimum annum à Basilii Consulatu Victor Tonnonensis Episcopus: "Primasius Aquimetensis Episcopus", quod tria Chalcedonenfis Synodi Ca-  
pitula damnare nolle, "Monasterio relegatus est. Sed Boëtio,  
„Primate Byzaceni Concilii morte prævento, ut ei succederet,  
„memoratæ damnationi protinus assensit, reversusque ad suos, quæ  
„prius defendebat, validissimis persecutionibus impugnavit, fide-  
„libus calumnias generando, eorumque substantias auferendo.  
„Sed in quibus peccavit, latere non potuit. Siquidem postquam  
„à Catholicis sui Concilii Antistitibus pro suis prævaricationibus  
„condemnatur, infelici morte extinguitur". Quædam olim deli-  
cta

Et Episcopum aut Clericum degradabant, quædam proscribebant à solo adscensu ad altiore gradum : Et Imperatoris Justiniani tempore tale crimen erat non damnare tria ista Capitula. Hinc Primasius, apud Byzacenos Senior post Boëtium Primatem Episcopus, ne istam poenam incidens excluderetur à successione in Primatum, recessit à priori sententia, & Capitula damnavit. At istum recessum Collegæ censuerunt esse apostasiam : Hinc Primasium à Primatu ejecerunt.

Quæstio secunda est, An omnes sex Provinciæ habuerint suum proprium Primatem ? Rationem dubitandi facit secundus Canon tertie Carthagenensis Synodi : "Propter causas Ecclesiasticas, quæ ad perniciem plebium sæpè veterascunt, singulis quibusque annis Concilium convocetur, ad quod omnes Provinciæ, quæ primas Sedes habent, de Conciliis suis ternos Legatos mittant". Affirmat quasdam habere, quasdam Provincias non habere proprium Primatem, propriamque Synodum. Et in antiquo Romanæ Ecclesiæ Codice habemus hunc Canonem : "Primates proprium Mauritania Sitifensis, cum id postulare, habere permessa est in longinquiore Maurit". Est compendium. Plenus Canon habetur in Codice Africanæ Ecclesiæ : "Placuit ut Mauritania Sitifensis, ut postulavit Primatem Provinciæ Numidiæ, ex cujus coetu separatur, suum habeat Primatem, quem consentientibus omnibus Primatibus Africanarum Provinciarum, vel omnibus Episcopis propter longinquitatem habere permessa est". Alia lectio habet : "De Primatu Provinciæ Sitifensis. Primatem verò proprium cum Mauritanie Sitifensis Episcopi postularent, omne Concilium Episcoporum Numidiæ, consentientibus omnibus Primatibus, vel universis Episcopis Provinciarum Africanarum, propter longi itineris novitatem habere permessa est. Cum consilio Carthagenensis Ecclesiæ factum est". Hinc discimus plura. Primò, quod duæ Mauritanie semper fuerint duæ Provinciæ. Et Civiles & Ecclesiasticæ. Secundò, quod Sitifensis Provincia olim nec Primatem habuerit, nec Synodum. Tertiò, quod non ad Cæsariensis Provinciæ, sed ad Numidiæ Primatem ac Synodum spectaverit. Erat Heteroclyta Hierarchia : Radicem ignoro. Ipsam ob longinquitatem itinerum ac alias rationes petiti Sitifenses postularunt singularem Primatem, propriamque Synodum, & obtinuerunt. Hinc ad Victorinum Episcopum Numidam,

Epist. 217. qui contra Xantippum contendebat esse senior & Primas, scripsit sanctus Augustinus : "Legi in eadem Tractoria, etiam ad Mauritanias esse scriptum, quas Provincias scimus habere suos Primates. Quod si & ex eis ad Numidiam convocandum esset Concilium, oportuit utique ut aliquorum Maurorum Episcoporum, qui illic priores sunt, nomina in Tractoria ponerentur. Quod in ista Tractoria non reperiens, multum miratus sum". Victorinus post Valentini Vajanensis mortem prætendit se Seniores Numidiæ, ideòque & Primatem. Et statim se Primatem ostentaturus indixit Synodum, & per Tractorias literas convocavit non solummodò Numidiæ, sed insuper Mauritanias, utique Sitifensis, Episcopos. Nempe dictam separationem improbabat, volebatque circumducere. Fecit istud ipsum, quod elapso sæculo fecit Dominus Carolus à Lotharingia, Archi-Episcopus Rhemenfis, qui non solum Iprenses ac alios novos Flandriæ ac Artesiæ Episcopos, sed etiam ipsum Archi-Episcopum Cameracensem evocavit ad suam Synodum : Censuit ipsos à sua Metropoli illegitimè ac invalidè dismembratos. Sanctus Augustinus istud arguit : "Quas Provincias scimus suos habere Primates". Affirmat divisionem esse legitimam, ideoque non tentandam. Videtur fuisse facta anno decimo septimo quinti seculi.

De hac Hierarchia scribit ad Gennadium Patricium, Africæ Exarchum, magnus Gregorius : "Concilium Catholicorum Episcoporum admoneri præcipite, ut Primatem non ex ordine loci, postpositis vitæ meritis, faciat, quoniam apud Deum non gradus elevatio, sed vitæ melioris actio comprobatur". Textus habet : "Gradus elegantior". Viderur hoc modo corrigendus. Gregorius voluit Primates deinceps non per ætatem succedere, sed ex cunctis Provinciæ Episcopis juxta virtutum merita eligi dignorem. Et denuò scripsit ad omnes Numidiæ Episcopos : "Petistis per Hilarium Chartularium nostrum à beatæ memoriæ Prædecessore nostro, ut omnes vobis retrò temporum consuetudines servarentur, quas à beati Petri, Apostolorum Principis, ordinationum initiis vetustas longa servavit. Et nos quidem, juxta seriem Relationis vestræ, consuetudinem, quæ tamen contra fidem Catholicam nihil usurpare dignoscitur, immotam permannere concedimus, sive de Primatibus constituendis, ceterisque Capitulis, exceptis his, qui ex Donatistis ad Episcopatum perveniunt ;

„veniunt, quos provehi ad Primatus dignitatem, etiam cum ordo  
 „Clericorum eos ad locum eundem desert, modis omnibus prohi-  
 „bemus. Sufficiat autem illis, commissæ sibi plebis tantummodò  
 „curam gerere, non autem illos etiam Antistites, quos Catholica  
 „fides in Ecclesiæ sinu & edocuit & genuit, ad obtinendum cul-  
 „men Primatus anteire”. Eadem de re Gregorius rescripsit ad  
 Apostolicam Sedem erectione, Dominicus gratulatorias scripsit lite-  
 ras, ac ipsas transmisit per solemnissimam Legationem: Per Do-  
 natum & Quod-vult-Deus Episcopos, Victorem Diaconum, &  
 Angelum Notarium. Nescio qua ex causa fuerunt in via passi  
 moras, & seriùs venerunt Romam, ideoque Gregorius non res-  
 pondit, nisi decimo kalendas Augusti, indictione decimâ. Erat  
 sexti sæculi annus nonagesimus secundus; At verò Gregorius Pon-  
 tificatum iniverat jam ante biennium. Rescripsit inter cætera:  
 “De Ecclesiasticis privilegiis quod vestra Fraternitas scribit, hoc  
 „postpositâ dubitatione teneat, quia sicut nostra defendimus, ita  
 „singulis quibusque Ecclesiis sua jura servamus. Nec cui libet,  
 „favente gratiâ, ultra quam meretur, impartior, nec ulli hoc  
 „quod sui juris est, ambitu stimulante derogo, sed Fratres meos  
 „per omnia honorare cupio, sicque studeo honore singulos sub-  
 „vehi, dummodò non sit quod alteri jure ab altero possit op-  
 „poni”.

Africanæ Ecclesiæ disciplina per longam sub Wandalis captivi-  
 tatem fuit læsa in pluribus, & alterata. Et per lites de tribus Chal-  
 cedonenſis Concilii Capitibus acceſſerunt alia vulnera. Et quis  
 tunc Romanus Pontifex videtur avitam Provincialium Primatum  
 ſucceſſionem, quia communi omnium gentium Hierarchiæ adver-  
 ſam, improbaſſe, & voluiſſe mutatam. Hinc Africani omnes, Nu-  
 midiz præſertim, Episcopi avitum morem probari & firmari po-  
 ſtularunt à Pelagio ſecundo. Et ut Pontificem permoverent, aſſe-  
 ruerunt eſſe antiquiſſimum, à tempore ſancti Apoſtoli Petri. Avi-  
 tam ſuam Hierarchiam ſtuduerunt per novam Apoſtolicæ Sedis con-  
 firmationem reddere immutabilem. Preces videntur Pelagium in-  
 veniſſe deſunctum, ac fuiſſe traditæ Succeſſori Gregorio. Et hic  
 improbavit morem, ipſumque non quidem immutavit, ſed juſſit  
 immutari per Synodum, & hujus executionem delegavit tarcho  
 Gennadio. Voluit Primates deinceps eligi per Synodos: Eligi di-  
 gnio-

gniore[m] totius Provinciae. Erat sanctissima sanctio. Nihilominus suarum consuetudinum tenaces Afri intercesserunt, & novas miserunt preces. Per Numidia[m] Episcopos. Et optimus Gregorius indulgit aliquid moderaminis. Consuetudinem, quoniam Catholicae fidei non adversabatur, permisit procedere, eam tamen lege, ut apud Donatistas consecrati, & postmodo ad Matrem Catholicam accedentes Episcopi nunquam possent ad Primatum aspirare. Postea advenerunt etiam literae & Legatio Primatis Dominici: Et Gregorius denuo firmavit suum Decretum. Proinde ista Primatum Successio semper permansit, & dum Africam contigerit reduci ad Christum Dominum, debet permanere. Et ista Gregorii contra Donatistas appendix non fuit nova. Luceat ex illis, quae nobis Victor Tonnonensis dixit circa Primalium Episcopum Aquimetensem: Et quae sanctus Augustinus scripsit ad sanctum Celestinum.

Verba, "Etiam cum ordo Clericorum", videntur mendosa. Videtur legendum: "Ordo annorum". Est enim quaestio de gradu aetatis. Quid ibi operetur Ordo Clericorum? Notandum etiam est Gregorii Rescriptum ad Hilarium Monachum, ejus in Africa Legatum: "Felicissimus atque Vincentius, Diacones Ecclesiae, Lamingensis, oblata petitione suggererunt ab Argentio, ejusdem civitatis Episcopo, gravem se injuriam pertulisse, & accepto praemio Donatistas in Ecclesiis fuisse praepositos". Quidam Lamingensium Donatistarum Clerici, ordinatione seniores Felicissimo ac Vincentio, redierunt ad Ecclesiam, ipsosque Argentius Episcopus admisit etiam ad locum juxta suae consecrationis aetatem; ac duobus memoratis Clericis praeposuit. Hoc similiter improbavit Gregorius: Uti istiusmodi Episcopos noluit esse Primates, ita similes Clericos voluit in Ecclesiae tabula esse postremos. Gregorii verba, "Quas à beati Petri Apostolorum Principis, &c": videntur affirmare Africanam Ecclesiam esse fundationem sancti Petri. Verum sunt Africanæ Relationis verba, quae Gregorius noluit discutere. Clarius se exponit in aliis ad Dominicum Primatem L. 7. Ep. 32 literis: "Scientes unde in Africanis partibus sumpserit ordinatio, Sacerdotalis exordium, laudabiliter agitis, quod Sedem Apostolicam diligendo, ad officii vestri originem prudenti recordatione recurratis". Affirmat primos Episcopos per Apostolicam Sedem fuisse consecratos, & transmissos in Africam.

CAPUT

## CAPUT III.

*Exponitur Primatus Carthaginensis  
Ecclesiæ.*



**N** Commonitorio super Hæresiarchæ Cælestii nomine Marius Mercator rectè affirmat "Carthaginem esse totius Africæ Metropolim". Hinc uti Romanus Proconsul Civilem, ita istius civitatis Episcopus habuit Ecclesiasticam potestatem in omnes Diocesios Provincias. Idque à prima fundatione istius Ecclesiæ. Etenim sanctus Cyprianus suam erraticam Synodum collegit ex Provincia Africa, id est, Proconsulari, ex Numidia, ac utraque Mauritania. Quod etiam adfuerint Tripolitani Antistites, est supra demonstratum. Notanda est sancti Cypriani ad istam Synodum præfatio: "Neque quisquam nostrum Episcopum se esse Episcoporum constituit, aut Tyrannico terrore ad obsequendi necessitatem Collegas suos adigit". Quod Romanus Antistes passim inscriberetur Pontifex Maximus, ac Episcoporum Episcopus, testatur Tertullianus in libro de pudicitia. Sanctus Papa Stephanus videtur ita inscripsisse semet-ipsam, atque istà autoritate omnes sub cælo Ecclesias compulisse ad obediendum suis Decretis contra Rebaptismum. Hoc Cyprianus rodit: Insinuat etiam se esse Episcoporum Episcopum, & tamen à se non præsumi istum titulum, nec talem Tyrannidem. Et in literis ad sanctum Cornelium Pontificem scribit: "Latius fusa est nostra Provincia. Habet etiam Numidiam & duas Mauritanias sibi coherentes". Provinciam accipit pro Diocesi. Ibidem affirmat sibi in Adrumétinæ, quæ postmodò Byzacii est facta Metropolis, civitatis Ecclesiam esse plenam Primatiam potestatem. Quæ omnia sanctus Cyprianus fecit & scripsit juxta consuetudinem servatam ab Agrippino, aliisque suis Antecessoribus. Magnum istum titulum probat in sancti Augustini vita sanctus Possidius: Carthaginensem Antistitem appellat "Primatem Episcoporum Carthaginensem". Nempe omnium  
D d d Episco-

*Epist. 45*

Episcoporum per omnem Africam. Hinc Victor Tonnonensis Firmum Numidiæ Primatem appellat non simpliciter "Primatem", „Episcoporum", sed "Primatem Episcoporum Numidarum". Eodem modo sanctus Augustinus in Carthagenensis Collationis Bre-

B. 3. Cap. 7 viculo Megalium Calamensem appellat "Primatem Episcoporum", in Numidia". At verò in literis ad quosdam Donatistarum Episcopos scribit Carthaginem esse amplam ac illustrem civitatem, illi esse non medioeris auctoritatis Episcopum, ejus Ecclesiam esse verticem totius Africæ, omnes alias esse illi subditum corpus. Etiam sanctus Gregorius Nazianzenus in sancti Cypriani Encomio scribit ipsum non soli Carthagenensi Ecclesiæ, sed toti Africæ fuisse præfectum. Hanc Præfecturam laudant plures Synodi, quas celebravit Primas Aurelius. In ipsarum una Epigonius Epi-

Concil. 3.  
Cap. 45. scopus dixit ad Aurelium : "Minus præsumis Frater. Necessè habes tu omnes Ecclesias suffulcire". Et ipse Aurelius ad omnem Synodum. "Scitis me multarum Ecclesiarum causam sustinere". Et Primas Capreolus scripsit ad Ephesinam Synodum : "Missis ad universas Africæ Provincias congruis literis, Synodum cogere volui". Et apud Victorem Vitensem Episcopum. sanctus Primas Eugenius "Zenonis Augusti Præceptum destinat universæ Africæ". Et in suis ad Bonifacium Primatem precibus scribit Petrus Abbas : "Tantæ Sedis, quæ totius Africæ Ecclesiæ, Primatum tenere dignoscitur, tenore muniamur". Plurima sunt istiusmodi testimonia.

Lib. 2. Attamen Carthagenensis Antistes non fuit Autócephalus, sed Patriarchico jure subiectus Romanæ Ecclesiæ. Etenim Africana Ecclesia est fundata per Romanam, ideoque auctoritatis seu originis causa palam spectat ad Romanum Patriarchatum. Primus Innocentius ipsam ponit in eadem classe cum Ecclesiis Hispanis, Gallicis, Italicis, ac Siculis. Hinc Carthagenensis Primas ad Romanam Ecclesiam semper retulit qualvis graviores ac difficiliore causas, itemque quosvis de novo consecratos Episcopos. Lucet ex variis sancti Cypriani epistolis. Et idem Cyprianus novam in lapsos clementiam non præsumpsit attentare, nisi factâ relatione ad Romanum vacantis Ecclesiæ Clerum, varioque ad ipsam Rescripto : Quod nempè isthuc esset ejus Patriarchicæ auctoritas. Ex eodem principio omnes, etiam Provinciales, Episcopi potuerunt Carthagenensem præterire Primatem, & à suarum

Provin-

Provinciarum Synodorum Judiciis proximè Romam provocare.  
 De sanctis Monachis Martiniano ac Saturiano, per Geizericum  
 Wandalorum Regem in Paganam Africæ Mauritaniam projectis,  
 scribit in primo libro Victor Vitenfis: "Ingentem multitudinem  
 „Gentilium Barbarorum Christo Domino lucraverunt, ubi antea  
 „nulla fama Christiani nominis fuerat divulgata. Mittunt Lega-  
 „tos per itinera distenta Deserti: Pervenitur tandem ad Romanam  
 „civitatem. Rogatus Episcopus, ut Presbyterum & Ministros  
 „credenti populo destinaret, explet cum gaudio, quod petebatur".  
 Utique Leo magnus. Sub Wandolica captivitate tunc gemebat,  
 & quasi vidua erat Carthagenensis Ecclesia: Hinc Presbyter &  
 Ministri non è Christiana Mauritania, aut ex vicina Hispania, sed  
 postulantiur ab Apostolica Sede. Propter Patriarchalem auctoritatem.  
 Hinc & in suo Chronico scribit Guilielmus Nangiacensis: "Rogerus  
 „Rex Siciliæ Africam invasit, captâque urbe, quæ Carthago di-  
 „cebatur, Archi-Episcopum Africæ, qui sub servitute Romam ve-  
 „nerat consecrandus, ad Sedem suam remisit liberum". Africa  
 tunc gemebat sub Saracenis. Et uti nuper sub Gregorii septimi  
 Pontificatu, ita tunc reperiri non poterant duo intra Africam Ca-  
 tholici Episcopi, qui Carthagenensem Electum consecrarent: Hinc  
 ille consecrandus accessit ad suum Patriarcham. Et in Lateranensi  
 sancti Martini Pontificis Synodo existat Synodica epistola, qua Vi-  
 ctor, novellus Carthagenensium Antistes, per solemnes Legatos  
 refert "se accepisse Pontificalis honoris consecrationem & stolam".  
 Et illa postulat sibi per Pontificem confirmari. Nempe suum  
 Patriarcham.

Anno  
 1649.

Hæc omnia insigniter illustrat sanctus Leo nonus in literis ad  
 Thomam Africanum Episcopum: "Noveris proculdubiò, quia  
 „post Romanum Pontificem primus Archi-Episcopus, & totius  
 „Africæ maximus Metropolitanus est Carthagenensis Episcopus,  
 „nec quicumque sit ille Gummitanus Episcopus, aliquam licen-  
 „tiam consecrandi Episcopos, vel deponendi, seu Provinciale Con-  
 „cilium convocandi habet sine consensu Carthagenensis Archi-Epi-  
 „scopi, cujuslibet dignitatis aut potestatis sit, exceptis his, quæ ad  
 „propriam Parochiam pertinent; cætera autem, sicut & alii Afri-  
 „cani Episcopi, consilio Carthagenensis Archi-Episcopi agit. Hoc  
 „autem nolo vos lateat, non debere præter sententiam Romani  
 „Pontificis universale Concilium celebrari, aut Episcopos damnari vel



„vel deponi. Quia etſi vobis liceat aliquos Episcopos examinare,  
 „definitivam tamen ſententiam abſque conſultu Romani Pontificis  
 „non licet dare, quod in ſanctis Canonibus ſtatutum poteritis in-  
 „venire”. Hæc poſteriora Leo addit ex Iſidori Mercatoris Co-  
 dice, qui tunc vigeſcit per Latinam Eccleſiam. Pergit in literis  
 ad Petrum ac Joannem, Africanos item Episcopos: “Sed de  
 „Africa Primatibus aliter intelligendum eſt, quia in ſingulis ejus  
 „Provinciis antiquitus Primates inſtituebantur, non ſecundum  
 „potentiam alicujus civitatis, ſed ſecundum tempus ſuæ ordina-  
 „nationis, quibus tamen omnibus præerat unus, ſcilicet Cartha-  
 „ginenſis Archi-Epiſcopus, qui etiam non incongruè dici poteſt  
 „Metropolitanus, propter Carthaginem Metropolim totius A-  
 „fricæ”.

Hanc Carthaginenſis Eccleſiæ dignitatem graviter læſerunt  
 Donatiſtæ. Res infra exponetur. Et iſta præſumptio non eſt  
 admiranda in iſtis Turbinibus. Eandem quippè, immò longè  
 majorem, poſterioribus ſæculis attentavit Orthodoxus Gummi-  
 tanæ Eccleſiæ in Byzacio Episcopus, adverſus quem ſcripſit ad  
 Petrum & Joannem, Proconſularis, ut videtur, olim Provinciæ  
 Episcopos, ſanctus Leo nonus: “Rectè contrà Gummitanum Epi-  
 „ſcopum dignitatem Carthaginenſis Eccleſiæ defendiſtis. Quia  
 „ſine dubio poſt Romanum Pontificem primus Archi-Epiſcopus  
 „& totius Africae maximus Metropolitanus eſt Carthaginenſis  
 „Episcopus, nec pro aliquo Epilcopo in tota Africa poteſt per-  
 „dere privilegium, ſemel ſuſceptum à ſancta Romana & Apoſto-  
 „lica Sede, ſed obtinebit illud ulque ad finem ſæculi, & donec  
 „in ea invocabitur Nomen Domini Noſtri JESU CHRISTI, ſive  
 „deſerta jaceat Carthago, ſive reſurgat glorioſa aliquando. Hoc  
 „ex Concilio Cypriani, hoc ex Synodis Aurelii, hoc ex om-  
 „nibus Africanis Conciliis, hoc, quod majus eſt, ex venerabi-  
 „ſſimum Prædeceſſorum noſtrorum, Romaporum Pontificum De-  
 „cretis apertè monſtratur. Nec quicumque ille ſit Gummi-  
 „tanus Episcopus, aliquam licentiam conſecrandi Epilcopus, vel  
 „deponendi, ſeu Provinciale Concilium convocandi habet ſine  
 „conſenſu Carthaginenſis Archi-Epilcopi, cujuſlibet dignitatis  
 „aut poteſtatis ſit: Tantummodo procurabit ille Gummitanus  
 „Epilcopus quæ ad propriam Patochiam pertinent, cætera au-  
 „tem, ſicut & alii Africanæ Epilcopi, conſilio Carthaginenſis  
 Archi-

Archi-Episcopi aget, qui solus in Africa Pallium ab Apostolica Sede habere solet. Unde & Episcopos consecrandi principale & antiquum jus retinet. Quid Gummitanus ille Antistes prætenderit ac præsumperit, est supra expositum. Ejus item fundamentum.

Quædam Leonis Pontificis verba sunt elucidanda. Primò hæc: "Et post Romanum Pontificem primus Archi-Episcopus". Nempe intra Romanum Patriarchatum. Etenim in illo nullus ex avita Patrum Institutione fuit Primas tot Provinciarum. Thessalonicensis Episcopus præfuit toti Illyricò: Verùm non per ordinarium Primatum, sed per vices delegatas Sedis Apostolicæ. Et ista vacaria Præfectura à sancto Damaso duxit primam originem. Galliarum Primates sunt longè juniores. Omnium senior est per Carolum Magnum. Etiam Cantuariensis ac Tolitanus spectant ad media sæcula. Hinc Carthagenensis Episcopus etiam extra Romanum Patriarchatum, ac in generalibus Ecclesiæ Synodis fuit summè honoratus. Etenim ad sextam Synodum Constantinus, Constantinopolitanæ Ecclesiæ Presbyter ac Grammaticus Latinus, solemniter dixit: "Scio temporibus Pauli quondam Patriarchæ venisse Fortunium, qui fuit Episcopus Carthagenensis, & cum Missas acturus esset in sancta magna Dei Ecclesia, quæsitum est, quomodo sedere debuisset, utrumnè ante Metropolitanos, qui hic morabantur, an post eos. Et requirente eodem Paulo quondam Patriarcha in Bibliotheca Patriarchii librum quinti Concilii, ut cognosceret quomodo sedere debuissent, contigit ut inveniretur & Latinus liber ejusdem Concilii. Et exinde instructus idem Paulus fecit eum ordinabiliter Sedere". Porro in quinto Concilio Sextilianus Tuniensis Episcopus, Primosi Carthagenensis Primatis Vicarius ac Legatus, sedit proximè post Patriarchas ac Antiocephalos Exarchos, ante omnes Metropolitanos, & Græcos & Latinos. Unicus ipsum præcessit Thessalonicensis, propter amplas vices Apostolicas. Tres Græcorum Exarchi, licet per Constantinopolitani Episcopi rapinas amiserint Antiocephalam, retinent tamen ejus imaginem, & qualdam reliquias. Notanda sunt & hæc sancti Leonis verba: "Privilegium semel susceptum à Apostolica Sede". Et inter hæc privilegia Leo ponit potestatem "consecrandi Episcopos". Hujus functionis

nis antiquum & principale jus affirmat esse penes solum Carthaginensem. Ex Apostolico privilegio. Et addit omnia hæc constare ex Decretis Romanorum Præfulum. Et quidem ista omnia fuisse Afris Romana beneficia, nemo sana sentiens possit inficiari. Ipsum agnovit ac professus est Carthaginensium Primas Reparatus, qui post ejectos ex Africa Wandalos ad sanctum Agapetum Pontificem solemniter legavit Caium & Petrum Episcopos, ac Liberatum suum Archi-Diaconum, novo Pontifici gratulaturos adeptam dignitatem, & supplicatuos Primatiali Cathedræ antiqua privilegia. Lucet ex Pontificis Rescripto: „Uniuersa, quæ inimicorum perversitas inuaserat, Charitativæ „Metropolitana jura reparantes hortamur, &c“. Hoc ipsum professi sunt universi Afrorum Antistites, dum à Pelagio secundo ac à Magno Gregorio supplicarunt eandem reparationem, et jam heteroclytam Successionem Provincialium Primatum, Apostolicus Canon sanxit omnes & singulos, non dumtaxat Metropolitam, sed etiam Provinciales Episcopos consecrari per Patriarcham: Per ejus manus, aut certè ad ejus præviam confirmationem & literas. Hic Canon, uti in quibusdam aliis Diocesisibus, ita in Africa non viguit ob transmarinam ab alma Urbe ac Patriarchali manu distantiam: Et hoc ex gratioso indulto Romanæ Cathedræ. Cathedra ista permisit omnes Afrorum Episcopos consecrari per manus, aut literas Primatis Carthaginensis.

Et hoc indultum circumducendum censuit Siricius Pontifex, dum in Africam misit hunc Canonem: „Extra conscientiam „Sedis Apostolicæ, hoc est, Primatis, nemo audeat ordinare“. Nempè Episcopos. Canon affirmat verum Africæ Primatem, seu Patriarcham sedere in Apostolica Sede, ideoque sine ipsius prævia confirmatione nullum isthic posse consecrari Episcopum. Et mandat deinceps sic observari. Et istam novam regulam Thelensis Synodus tentavit per Byzacium mittere in executionem. Verùm Reverendus Pater Paschasius Quenellus nervosè contendit Siricii litteras, & Thelensem Synodum esse spuria, ac supposititia figmenta. At sine competenti fundamento. Etenim Fulgentius Ferrandus, Carthaginensis Ecclesiæ Archi-Diaconus, ac vir eximiè eruditus: Est enim omnino ille idem, qui scripsit vitam sancti Fulgentii, & ad cujus litteras idem Fulgentius rescripsit librum de Baptismo Æthiopis. Hic, inquam, eruditus Ferran-

Ferrandus in sua breviatiua Canonum collectione frequenter laudat & præfatas litteras, & præfatam Synodum, uti legitimas atque authenticas. Eisdem laudat ille Canonum codex, quem Reverendus Pater Paschasius Quesnellus vulgavit, & affirmat esse antiquum Romanæ Ecclesiæ, quo illa fuit usa, antequam alium meliorem edidisset Dionysius Exiguus. Attamen Synodum istam aliqui non Thelensem appellant, sed Theleptensem. Laudatus Ferrandus constanter appellat Zellensem. Et hæc appellatio videtur comprobanda. Etenim tantum testimonium quis improbet? Adductum Canonem præfatus Romanæ Ecclesiæ Codex legit in hunc modum: " Ut extra conscientiam Sedis Apostolicæ, Primates nemo audeat ordinare". Quæ lectio suis etiam non vacat scrupulis.

Etenim Reverendus Pater Paschasius Quesnellus advertit vocem, Ordinare, esse æquivocam, & ab ipsâ quandoque consecrationem, quandoque administrationem, aut quamvis dispositionem importari; atque prosequitur: Verum ut communiori vocum usui & Grammaticæ legibus magis accommodatur, ista lectio. " ita Regionum istarum disciplinæ ac moribus proprius adversatur. Si enim Primatum nomine Carthaginensem Episcopum intelligat, non pluralis, sed singularis numerus apponi debuerat: Cum unicus esset huiusmodi Primas in Africa. Sed & quare hoc ab Africanis Juribus & consuetudine alienum, ut ad Episcopum Romanum de ordinando Carthaginensi Episcopo consultatio vel relatio mitteretur. Quod si per Primates Metropolitanum uniuscujusque Provinciæ Episcopum, seu primæ Sedis Antistitem designat, jam verò ineptissimum est ac ridiculum istud Decretum, quod Primates extra conscientiam Sedis Apostolicæ ordinari vetat: Cum Primates in Africa, excepto Carthaginensi; nunquam ordinarentur.

Respondeo tamen istam lectionem non esse paradoxam. Per Primates intelligi possint tam Carthaginensis, quam primæ Sedis Episcopi per alias Provincias. Etenim inter Carthaginensis Ecclesiæ Primatiales Jura fuit & illud, quod ad Carthaginensem Aurelii Synodum, à qua proprium Primatem acceperunt, dixerunt Cæcilianus & Honoratus, Legati Sitifensis Mauritanix: " Profitemur, in conscientiam Ecclesiæ Carthaginensis perferre, quodcumque voluerimus habere primæ Sedis Episcopum. Ita ut cum primæ Sedis

„Sedis Episcopus de corpore recesserit, qui in ejus locum succedat, ad Ecclesiam Carthagini mittat, & eam instruat, ut fiat primæ Sedis Episcopus". Et omnis Synodus acclamavit: "Placet, placet". Et adjungit: "Quandocunque habere voluerit quæcumque Provincia primæ Sedis Episcopum, instruat primum Carthaginensem Ecclesiam, & sic quod desiderat faciat". Quod jus utcumque lapsus restauravit in suâ Carthaginensi Synodo Bonifacius Primas. Et hujus Synodi, usque huc latentis, insignem ac utilem notitiam debemus Illustrissimo Domino Luca Holstenio, qui eam produxit ex Vaticana Bibliotheca. Proinde apud Afros nullus poterat fieri Primas sine prævio examine & confirmatione Archi-Episcopi Carthaginensis. Hic discutere debebat, utrum accipiendæ dignitati nullus obstatet obex. Et hinc lucet magnum Gregorium, dum alicuj potæ obnoxios Episcopos exclusit ab ista successione, nihil sanxisse contra Gentis mores aut Canones. Possit igitur fieri, ut Siricius Pontifex censuerit illud jus spectare ad suam Sedem. Nec sine fundamento. Etenim Primates isti, licet non quoad civitatem & locum, quoad potestatem ac dignitatem erant veri ac pleni Metropolitæ: Et verò omnium Occidentalium Metropolitanarum confirmatio, consecratio, ac inthronizatio singulari semper, per sextum Nicænum Canonem stabilita, jure spectavit ad Apostolicam Sedem, Patriarchalem totius Septemtrionis ac Occidentis. Siricius voluit nec Carthaginensem deinceps consecrari, nec aliarum Provinciarum Primates inthronizari sine suo prævio examine & assensu. Et hinc usus est communi ad consecrationem & inthronizationem significandam voce, "Ordinare". Est res non improbabilis. Attamen aliud fortissimè suadet quartum Ferrandi Diaconi compendium: "Ut Episcopus à tribus ordinetur, consentientibus aliis per Scripta, cum confirmatione Metropolitanæ, vel Primatis". Ferrandus affirmat compendium esse desumptum ex quarto & sexto Nicæno, ex decimo nono Antiochæno, ex duodecimo Laodicensi, ex bino Carthaginensi, ex Zelleni Canone, ac ex epistola Papæ Siricii. Per Metropolitanum omnino videtur Carthaginensem Archi-Episcopum, per Primatem intelligere Præfectum unius Provinciæ. Itenim, unicus per omnem Africam Metropolitanus fuit iste Archi Episcopus. Ferrandus videtur docere Africanos Episcopos consecrari non posse, nisi per Interventum utriusque Præfecti. Particula disjunctiva,

Vel

Vel, videtur sumi pro copulativa, Et. Nec enim id novum est, etiam apud Canones. At verò nulla est hic mentio Sedis Apostolicæ, aut Romani Pontificis. Quærenda est ratio. Quærendum est, quomodo Ferrandus affirmet istud suum compendium esse detumptum ex Siricii epistola, quæ palam exigit Romanum consensum.

Volo meam, non sententiam, sed conjecturam liberè, attamen doceri paratus, edicere. Siricii Synodus videtur non fuisse collecta, ac ejus epistola non fuisse concepta pro sola Africana Ecclesia. Et Synodus & epistola videntur sanxisse pro omni latinâ Christianitate. Videntur esse istud Constitutum, de quo liber Pontificalis: "Siricius fecit Constitutum de omni Ecclesia, & contra omnes hæreses, & dispersit per universum Mundum, & per omnes Provincias, ut in omni Ecclesiæ Archivo custodiretur, ob oppugnationem contra omnes hæreses". Etenim Synodalis epistola disertè dicit Synodum fuisse adunatam "propter emergentes plurimas causas, quæ in aliquantis non erant causæ, sed crimina. Exstiterunt enim nonnulli, qui Statuta Majorum non tenentes, castitatem Ecclesiæ suâ præsumptione violarunt, voluntatem Populi sequentes, & Dei Judicium non timentes". Etiam in hæreses egit ista Synodus: Præsertim in Novatianensem, ac Montensem, seu Donatisticam, maximè tunc grassantes in Occidentali Ecclesia.

Hujus igitur Synodi Constituta Siricius, uti in omnes alias sui Patriarchatus Provincias, ita transmisit etiam in Africam. Et uti Donatianus Teleptensis Episcopus Byzacii Primas, ita & aliarum Provinciarum Præfeti pro eorum executione adunarunt Synodos, aut Provinciales, aut Africanas. Hæc Thelensis, Teleptensis. aut Zellenis fuit palam Africana, & primus Siricii Capon movit ipsi grandem scrupulum. Nec sine rationibus. Etenim Africanam Ecclesiam adstringebat ad novum onus: Ad omnium suorum Episcoporum præviam confirmationem postulandam, non dumtaxat à Provinciæ ac Dioceseos Primatè, sed etiam à Romano Pontifice. Hinc adversus illud Synodus intercessit, allegans suos mores, suam perpetuam consuetudinem. Et tunc existimo Siricium rescripsisse secundam epistolam, prioris interpretativam ac moderativam, de qua Vincentius & Fortunatianus, Proconularis Provinciæ Legati, dixerunt ad hanc Zellensem Synodum:

Ecc

Etiam

\*Etiam cum Tusdrum fuisset, sicut mecum recolit memoria, „lis auditio vestra, & epistolae sanctæ memoriæ Siricii Sedis Apostolicæ Episcopi dedissemus, unaque earum recitata esset à Sanctimoniali, Fratris nostri Episcopi Latonii, utraque nos afferre suggestio indicavit. Has igitur recitari donatæ. Episcopi dixerunt: Recitentur epistolæ venerabilis memoriæ Siricii. Ut noverimus, quid „earum textus contineat”.

Affirmant ac nos docent varia. Primò, quod Siricius duas epistolas de hac eadem re miserit ad Africanam Ecclesiam. Nempe secundam ad interpretandos scrupulos natos circa primam. Secundò, quod ad exequendas has litteras factæ sint plures per Africanam Synodi: Etiam post mortem Siricii. Nam proximè ante hanc Zellensem facta fuit Tusdritana: Et utrique adfuerunt plures eidem Episcopi. Tertiò, quod ad Tusdritanam Synodum Latonius Episcopus, ut istius Provinciæ Primas, recitari curarit unicam dumtaxat epistolam. Quartò, quod adfidentes Episcopi non contenti postularint etiam recitari secundam: Et quod fuerit recitata. Nempe Latonius recitari curarat solam posteriorem, prioris interpretem ac moderatricem: At verò hæc sine illa plenè percipi non poterat. Hinc & ista recitari debuit. Erat præsens epistola. Posterior videtur hunc primum articulum temperasse, ac reduxisse ad communes Occidentalis Ecclesiæ mores, ad avitam Africanæ Gentis consuetudinem. Et hinc adductum suum compendium, quod ad consecrandos Episcopos solius Metropolitanæ ac Primatis consensum requirit, Ferrandus Diaconus fundari asseverat, non dumtaxat in quarto ac sexto Nicæno Canone, sed etiam in Zellenfi Synodo, ac in epistola Siricii Pontificis. Non in prima, sed in secunda. Hæc perit aut latet. Hinc compellimur ad conjecturas. Eam videtur vidisse sanctus Leo nonus. Etenim scribit amplissimam illam, quam ad omnes consecrandos Episcopos habet Primas Carthaginensis, auctoritatem esse privilegium ac beneficium Romanæ Ecclesiæ. Quod nempe dedit ista secunda epistola. Mihi videor hæc non sine fundamento conjicere. Dum epistola apparuerit, docebimur firmiora.

Etiam Provinciarum Primates non caruerunt suis dignitatibus: Præsertim Numida & Cæsariensis. Etenim dum Victorinus & Xantippus litigarent de Primatu Numidiæ, ad deinceps evitandos, istiusmodi scopulos emanavit hic Canon: „Hic ordo”, quod junior Episcopus

Episcopus nunquam, præsertim in Synodo, sedere possit ante seniore, " & à Patribus & à Majoribus servatus est, & à nobis, Deo propitio, servabitur, salvo etiam jure Primatis Numidiæ, & Mauritanie". Hisce duobus semper fuit primus locus post Primatem Carthaginensem. Et hi Primates fuerunt istius dignitatis aded tenaces, ut in Carthaginensi, post duodecimum Honorii & octavum Theodosii Consulatum celebrata, Synodo Valentinus Numidiæ Primas sederit ante Faustinum, Potentinæ Ecclesiæ Episcopum, Legatum Romanæ Ecclesiæ. Eadem in Synodo Legati Byzacenæ Provinciæ, itemque Novatus Sitifensis Episcopus, ac ejusdem Provinciæ Legatus, sedent & subscribunt ante Legatos Cæsarsensis Mauritanie. Legati omnes sedent inter se permixtim: Omnes ejusdem Provinciæ Legati sibi mutuo non assident. Nempe Primatum privilegium non exibat personas: Nequidem communicabatur Provinciæ Vicariis ac Legatis. An in Primatum Legatos transierit, non possum assequere. Existimo Primates omnes post Carthaginensem sedisse ante Provinciales Episcopos. Etenim in quinta Synodo Pompeianus, Victorianensis in Byzacio Episcopus, & haud dubie Primas, sedit ac subscripsit inter Metropolitans. Quod nempe etiam in suæ Diocesis Synodo obtineret istum locum. Sextilianus Tunienis Episcopus, Primosi Carthaginensis Vicarius ac Legatus, ibidem obtinuit sui Principalis locum, idedque ista regula videtur obtinuisse in domestica etiam Synodo.

In Româna sancti Martini Pontificis Synodo existat Synodalis epistola ab Africana trium Provinciarum Synodo ad Theodorum Pontificem, & habet hanc epigraphen: "Columbus primæ Sedis Episcopus Concilii Numidiæ, & Stephanus primæ Sedis Episcopus Concilii Byzaceni, & Reparatus Episcopus primæ Sedis Concilii Mauritanie". Byzacii Primas subscribit ante Primatem Mauritanie, ideoque præfatum privilegium videtur cespitare. Respondeo cespitalle. Nam & ad Bonifacium Primatem, suæ Carthaginensi Synodo præsentem, dixit Felix Zactarenis Episcopus, Legatus Numidiæ: "Extremus ego precor tuæ patientiæ bonitatem, ut legum institutio Paternarum, quam noviter constat esse sanciatam, inculcetur mentibus singulorum, ut & Doctor servet quod antea didicit, & minus instructus discat scire quod nescit". Agit de antiqua lege ac forma Synodalis præcedentie.



Hinc subdit : "Tuæ Beatitudinis innocuam expecto charitatem ;  
 „ut Africanarum Provinciarum Concilia qualiter sint paternis in-  
 „stitutionibus ordinata, his Gestis apertius demonstretur, &  
 „propatulò, quis post te sit alteris primus, non differas sanctis  
 „interlocutionibus publicare". Rogat quis in Africanis Synodis  
 „debeat post Carthaginensem Primatem, qui illic "insulatus Sacer-  
 „dos præsidet, & primus palmatus irradiat", habere proximum  
 „locum, ac esse primus ante omnes alios. Et post relectos varios  
 Aurelianus Synodorum Canones Bonifacius respondit : "Ex pa-  
 „ternis definitionibus evidenti veritate collegimus Proconsularem  
 „Provinciam Numidiæ, Numidiam verò Byzacenæ, vel cæteris  
 „antelatam. Quisquis ergò perturbare statutum ordinem quan-  
 „documque tentarit, honoris sui putabitur pati iacturam".

Ex his discimus varia. Primò, quod sub Wandalica captivi-  
 tate Africana Hierarchia fuerit alterata in variis articulis, ac sau-  
 ciata. Secundò, quod horum articulorum unus fuerit antiquum  
 præcedentiæ jus, quod in generalibus istic Synodis habebant Pri-  
 mas Numidiæ, ac Primas Cæsarænsis Mauritanie. Tertiò, quod  
 sola Numidia reclamavit suum jus, postulans restaurari. De Mau-  
 ritania nemo loquitur : Et tamen aderat, haud dubiè Legatus, Se-  
 cundinus Minensis Episcopus. Vigilii Tapensis Episcopi cata-  
 logus appellat Minensem. Nempe Barbari ipsam horrendè devas-  
 tarant, ac adeò redegerant in nihilum, ut erubesceret adspirare ad  
 vetusta sui olim splendoris Insignia, Et hæc omninò est una ra-  
 tionum, ob quas Imperator Justinianus utramque Mauritaniam  
 contraxerit in unam Provinciam. Hinc item Primas Bonifacius  
 respondit, quod post Carthaginensem Numida, post hunc proxi-  
 mus sedere deberet, non Cæsarænsis Maurus, sed Byzacenus. Nemi-  
 pe sublimis illa Mauritania jacebat in terrâ. Et ista ejus humi-  
 litas permansit etiam post Justiniani tempora. Hæc igitur est ra-  
 tio, ob quam in laudatâ contra Monothelitas Synodo post Numi-  
 dam Byzacenus sedit ante Maurum. Ex his item fortissimè sua-  
 demur, quod ante everfam à Barbaris Africam, non solus Numida  
 ac Maurus, sed etiam Byzacenus, & omnes reliqui Primates lo-  
 cum habuerint ante Provinciales Episcopos. Hinc etiam ita præ-  
 fati tres sederunt in laudata Synodo. Numida & Maurus juxta  
 dignitatem suæ Provinciæ, alii forsitan sederunt juxta ætatem suæ  
 consecrationis. Quidquid sit, videntur ipsum semper eundem ho-

norem

morem obtinuisse in generalibus totius Africæ Synodis. Hinc generali Synodo, habitæ sub Consulatu Attici & Cæsarii, statim post Carthaginensem Aurelium subscripsit Muzonius Primas Byzacii. Et quartæ Carthaginensi Synodo post eundem Aurelium primus subscripsit Donatianus Talabricensis, Primas ejusdem Provinciæ. Et Milevitanæ Synodo similiter subscripsit ejusdem Byzacii Primas, Donatianus Teleptensis. Quartò ex Præfatis discimus, quod Africani Antistites in suis Synodis sederent insulati ac palmati. Hoc est cum Mitrà Episcopali, & veste palmatâ. Qualis verò, & quam gloriosa fuerit hæc vestis, videri possit apud Scriptores de re vestiariâ Romanorum.

De Carthaginensi Ecclesia scribit in animæ Gemma Honorius Augusto-Dunenſis: "Cum Christiani, relicta lege Dei, paganos „spurcitæ operibus imitarentur, Judicio Dei traditi sunt in manibus eorum, qui deletis Christianis possederunt loca eorum. Unde Antiochenus Patriarchatus est ad Hierosolymam translatus. Porro Alexandrinus ad Aquileiam est positus: Quia huic civitati primum Marcus Evangelista præsedet, qui Alexandriæ præfuit. „Quamquam quidam contendant, quod Carthaginensis Episcopus „hæc translatione polleat". Istud ipsum scribit in primo de Sacramentis libro Hugo Victorinus, omittens tamen Alexandrini Patriarchatus translationem in Sedem Carthaginensem. Et rectè. Est enim figmentum. Etiam Antiocheni Patriarchatus translatio. Etenim Hierosolymæ Patriarchatus, non per translationem emerſit, sed per dismembrationem, fuitque firmatus per Synodum Chalcædonensem. Paschalis secundus, dum Flandri ac Franci obtinebant terram sanctam, ipsum præposuit Antiocheno. Carthaginensem Primatem honoravit etiam titulus Papa. Erat olim communis omnibus Episcopis: Etiam Africanis. Attamen hi ipsum nulli detulerunt, nisi suo Primati Carthaginensi. Licet ex Africanis Synodis, ac variis Afrorum Antistitum atque Doctorum literis. Solus iste Primas erat illis Pater Patrum, ac Episcopus Episcoporum.



## CAPUT IV.

*Exponitur varia, per Donatistas patrata, in  
Carthaginensis Ecclesiae dignitatem  
injuria.*



Donatistarum schisma est inchoatum à Numidiæ Episcopis: A Donato in Casis nigris, secundo Tigisitano, tunc Primatè istius Provinciæ, ac ejus Synodalibus Collegis. Orium est propter Ceciliani Carthaginensis Archi Diaconi promotionem ad istius Ecclesiæ Episcopatum. Adversus ejus electionem & consecrationem sunt ve-

nati omnes ansæ. Inter alia dixerunt hanc vitiosam ex defectu legitimi Consecratoris. Facta fuerat a Felice Abtungenfi, aliisque Episcopis Proconsularis Provinciæ. Posteriores Donatistæ clamaverunt debuisse à Secundo fieri: Principem à Principe, Primatem debuisse consecrari à Primatè. Et quidem à Primatè Numidiæ. Hic enim post Carthaginensem erat primus inter Primates reliquarum Provinciarum. Hæc viâ tentarunt non dumtaxat Ceciliani ordinationem infirmare, sed insuper suam Numidiam, suæ pertinaciæ originem ac primariam Sedem, exaltare. Hac de re scribit in Carthaginensis collationis Breviculo sanctus Augustinus:

L. 1. C. 16., „Donatistæ longa prosecutione agebant” in collatione, „quod non  
„expectaverit Cecilianus ut Princeps à Principe ordinaretur, cum  
„aliud habeat Catholicæ Ecclesiæ consuetudo, ut non Numidiæ,  
„sed propinquiore Episcopi Episcopum Ecclesiæ Carthaginis ordi-  
„narent, sicut nec Romanæ Ecclesiæ ordinat aliquis Metropolita-  
„nus, sed de proximo Ostiensis Episcopus. Hoc autem dicentes de  
„sua consuetudine, quam nescio quandò instituerunt, Ecclesiæ  
„præjudicare conabantur: Quæ consuetudo si antiqua esset, hoc  
„ipsum objecissent Ceciliano, quandò eum absentem damnaverunt”.  
Omnis Patriarcha, omnisque Autocephalus Primas ex Apostolico  
Canone consecratur à propriis Suffraganeis. Etiam plerique Me-  
tropolitani, qui ob distantiam, aut aliam causam non obligantur  
ad

ad Patriarchæ manus accedere. Habent ex indulto sui Patriarchæ. Et inter istos Metropolitanos semper fuit Carthagenensis. Quare tertia Aurelianensis Synodus, quæ Metropolitanos iussit à Metropolitanis consecrari, palam deviavit, nec fuit recepta in mores.

Istius apud Donatistas novitatis memoriam habemus in variis locis S. Augustini. In Libro de unitate Ecclesiæ scribit primam inter Catholicos, & Carthagenensis Ecclesiæ Schismaticos item fuisse "crimen malæ ordinationis". Et in Psalmo contra Donati partem: "Erant quidam Traditores librorum de sancta lege, Episcopi de Numidia, & non quilibet de plebe. Cum Carthaginem venissent Episcopum ordinare, invenerunt Cæcilianum jam ordinatum in sua Sede. Irati sunt, quia ipsi non potuerunt ordinare". Et in primo contra Parmenianum libro affirmat primos schismatis auctores fuisse opulentissimam Lucillam, quosdam Carthagenensis Ecclesiæ criminosos Clericos, nec non quosdam ab ista Factione ad Cæciliani perniciem evocatos Numidiæ Episcopos, "ut illo depositus alter eis Episcopus ordinaretur". Istorum Episcoporum Princeps erat Donatus à Calis nigris. Hic evocavit Secundum Tigistanum, Primatem tunc Numidiæ, ac ejus septuaginta Collegas: Hi damnarunt Cæcilianum, ac ipsi superordinarunt Majorinum. Rem elucidat in primo suo libro sanctus Optatus Milevitanus: "Botrus & Celestius", Carthagenensis Ecclesiæ Clerici, post defunctum Mensurium ac extinctam gentiliū persecutionem, ut dicitur, apud Carthaginem ordinari cupientes, operam dederunt, ut absentibus Numidis, soli vicini Episcopi peterentur, qui ordinationem apud Carthaginem celebrarent. Tunc suffragio totius populi Cæcilianus eligitur. Et manus imponente Felice, Aptungitano Episcopo ordinatur". Hinc irata factio advocavit Secundum Primatem, & hic ordinavit Majorinum. Proinde ad Carthagenensis Archi-Episcopi electionem & consecrationem solebant, non soli vicini, nec soli Proconsulares invitari Episcopi, sed etiam Numidarum aliqui, forsitan & aliqui aliarum Provinciarum. Patriarcharum ac Primatum consecratio sic solet honorari. Et Secundus Primas cum istis suæ Provinciæ Collegis, quibuscum ordinaverat novum Cirthensibus Episcopum, licet non advocatus, videtur ad istum finem accessisse Carthaginem, & fuisse præventus, ideoque & indignatus. Et istud sciens præventionis auctrix factio advocavit turbulentum hominem, atque ita simul schisma

confli-

conflaverunt. Ista invitatio videtur fuisse solius honoris, non juris aut necessitatis. Hinc ipsius prætermisionem nec ipse Secundus Ceciliano objecit. Nihilominus præsumpsit superordinare. Attamen audacia non transivit in Successores. Etenim Maximianum Carthaginensem ordinarunt soli Proconulares Episcopi. Et videtur factum ex vigente tunc apud Donatistas consuetudine. Existimo etiam Donatum magnum, Parmenianum, ac Primianum fuisse isto modo consecratos, Bagajensis, cui præsedit Gamalius Numidiæ Primas, & quæ reparavit Primianum, Synodus videtur novitatem ad similia deinceps schismata avertenda induxisse. Gamalius videtur sui Antecessoris Secundi audaciam evexisse in legem. Hinc S. Augustinus scripsit istam consuetudinem non esse antiquam, & ignotam sibi esse ejus originem.

Cap. 10.

Altera Donatistarum in Carthaginensem Ecclesiam injuria est ab eadem Bagajensi Synodo, eodemque Gamalio. Etenim hic Synodo præsedit, excluso Carthaginensium Primate Primiano. Episcopi sederunt hoc ordine: "Gamalius, Primianus, Pontius, Secundianus, Januarius, Saturninus, &c". Lucet ex quarto sancti Augustini libro contra Cresconium. De ista Synodo idem Augustinus scribit in secunda enarratione super Psalmum trigesium sextum: "Tu" per duas Maximianistarum Synodos damnate Primiane; "tibi servasti Numidiam, Cecilianus Orbem terrarum. Sic servavit causam suam Orbi terrarum, quomodo tu servasti Concilio Numidiarum. Si innocentem te reddidit Sedes Bagaitana, quanto potius illum Sedes Apostolica? Magna differentia. Judices Numidas, apud quos te purgares, tu ipse adisti, apud eos autem Donatus à Ceciliano victus est, quos pars Donati Judices postulaverat". Discimus hinc varia. Primò, quod Gamalius fuerit Bagajensis Episcopus, & Primas Numidiæ. Hinc Augustinus dicit Primianum fuisse reparatum, non dumtaxat à Bagajensi Synodo, sed etiam à Cathedra: Ad istum modum, quo Cecilianus fuit reparatus à Sede Apostolica. Quia nempe fuit reparatus per Bagajensem Episcopum. Secundò discimus, quod Gamalius Synodo præfederit, habuerit Relationem & suffragii Prærogativam, atque fuerit author Synodalis Judicii. Etenim Episcopus, cujus Sedes Reum reparat, non potest Synodo non præsidere. Et propter hanc Gamalii auctoritatem Synodus convenit in civitatem Bagajensem. Tertiò discimus, quod damnatus Pri-

manus

# ROMANIS APPELLATIONIBUS.

409

inianus provocaverit ad Numidiæ Episcopos, ipsos adiverit, & sibi constituerit Judices. Etenim Primiani damnatrix Synodus constitit ex solis Episcopis Proconsularibus, Byzacenis, ac Tripo-  
 litanis. Ita sanctus Augustinus scribit in libro de unitate Ecclesiæ. Hinc ille adivit Numidas, quibus tunc adjuncti & subditi erant etiam Mauri Sitifenses. Ipsos sibi elegit in Judices, eis subiciens suam causam & personam. Hinc Primas Gamalius utramque Provinciam, nec non & Cæsariensem, à Maximianistis non seductam, Mauritaniam evocavit, atque ita coëgit Synodum trecentorum & decem Episcoporum. Et ipsi præedit.

Cap. 3.

Primianus ipsi adfedit. An statim à Synodi exordio, non possum certus affirmare. Affirmandum suadet antiquus Ecclesiæ Canon, qui damnatorum Episcoporum legitimis appellationibus adscribit suspensivum damnationis effectum, adeoque & istis Synodalem confessum usque ad inchoatam causæ retractationem. Et certè Primianus fuerat damnatus à suis subditis, ideoque videbatur potius convitium sustinuisse, quàm iudicium. Quidquid sit, Gamalio cessit Primatiale præsidendi locum. Hæc submissione sibi conciliavit viri patrociniū. Et istam cessionem, suæ dumtaxat personæ indulgentiam ex rationibus, Gamalius edito Canone extendit ad suos Successores, fecitque perpetuam in Donati schismate. Canon perit: Nulla ejus superest memoria. Iptum tamen non sine fundamentis assero. Etenim Notariæ, quam in Carthaginensi collatione exhibuerunt, Donatistarum Episcopi subscripserunt hoc ordine: „Januarianus, Primianus, & ceteri sinceræ  
 „Christianitatis Episcopi”. Similiter subscripserunt suo ibidem Mandato: „Januarianus Episcopus Calensis-nigrensis, Primianus  
 „Episcopus Carthaginensis, &c”. Hic Januarianus videtur esse ille Januarius, qui qui to loco sedit in Bagaiensi Synodo. Etiam sanctus Augustinus ipsum appellat Januarianum, affirmatque fuisse Primatem Numidiæ. Collatio quandoque Januarianum, aliquando appellat Januarianum. Cur ille in Collatione sedit ac subscripsit ante Primianum? Quod fundamentum hujus novæ & extravagantis præcedentiæ? Nullum, nisi prævium Gamalii exemplum, ac ex ipso natus Canon Bagaiensis.

L. I. C. 14.

Cap. 148.  
 & 149.

Quæstio est, Quid Canon iste sanxerit? Quid Numidiæ Primatibus dederit? An totius Diocesis Primatum, an simplicem dumtaxat præcedentiam? Respondeo hæc non constare, sed esse  
 Fff ignota

ignota. Numidiæ & Cæsarænsis Mauritaniz Primates ex antiquo Privilegio habuerunt in generali Diocesanos Synodo proximum locum à Carthagenensi : Gamalius videtur hoc ampliassse, & sanxisse ut Numidiæ Primas deinceps esset par etiam Carthagenensi, ideoque ipsorum senior præcederet in generali Synodo, ac præsideret. Hinc in collatione Primianum præcessit Ianuarianus. Etenim apud Cavernas Sufis celebrata Synodus dixit de Primiano : "Recens ordinatus est". Hæc Synodus coitit quarti sæculi anno nonagesimo quarto, adeoque eodem, aut certe non nisi proximè priori anno ordinatus fuit Primianus. Eodem anno acta fuit Bagaiensis Synodus, atque ita Ianuarianus, quoniam quinto loco sedit, erat senex Episcopus. Erat omnium Numidarum tertius. Etenim inter ejus antecessores erant Primianus, ac Primas Cæsarænsis. Hinc igitur in collatione debebat ex isto Canone Primianum antecedere. An eadem forma in Ianuarii ac Primiani Successores transiverit, ignoramus. Etenim Primianus fuit ultimus Donatistarum Carthagenensis Episcopus : Sceleratam hanc successionem partim Augustæ Romanorum leges, partim Wandolica captivitas penitus exciderunt.

Plura videntur his ob stare. Etenim collationis tempore non Ianuarianus in Casis-Nigris, sed Adeodatus Milevitanus Donatistarum Episcopus fuit Numidiæ Primas, ideoque ille propter hunc Primatum nequit sedisse ac subscripsisse ante Primianum. Antecedens lucet ex ipsa collatione. Etenim Severiano, Orthodoxo Ceramussensium Episcopo, asserenti sibi non esse adversarium Episcopum Donatistam, Habet-Deum Primiani Carthagenensis Episcopi Diaconus reposuit : "Habemus Senem Adeodatum". Et ipse Adeodatus exposuit : "In plebe mea Milevitana est Ceramussa". Nempe Orthodoxi Milevitanum Episcopatum diviserant in tres : Milevitanum, Tuncensem, & Ceramussæ. Ita Severianus habebat, & non habebat adversarium. Porro "Senex" & apud Catholicos, & apud Donatistas erat titulus Primatis. Eadem in collatione Victor Tabborensis Donatistarum Episcopus dixit : "Beatissimus Pater ac Princeps noster Primianus". Est palam titulus supremi Primatis, adeoque Numidiæ Primatem Donatistæ non æquarunt, longè minùs prætulerunt Archi-Episcopo Carthagenensi. Præterea Primianus in collatione habuit duos Diaconos, sibi & collationi servientes : Habet-Deum ac Valentinianum. Ianuarius

Libro 1.  
Cap. 34.

Cap. 65.

Cap. 201.

anarius nullum habuit. Ergò Primatus videtur fuisse penes Primianum. E' contrario inter Africanos Episcopos, qui adfuerunt & subscripserunt Sardicensi Concilio, Nessus subscripsit primo loco, ante Gratum Primatem Carthaginensem. Nessus videtur fuisse Primas Numidiæ. Quare hæc præcedentia & æqualitas est antiquissima apud ipsos etiam Catholicos, non inducta per Donatistas.

Ad primum respondeo Januarianum omninò fuisse Primatem Numidiæ. Etenim sanctus Augustinus, & omnis Hipponensium Clerus ipsum disertè inscribit "Episcopum primæ Sedis". Et in Carthaginensi collatione semper & ubique stat, sedet, subscribit ante Primianum. Etiam dato disputaturis Episcopis Mandato. Hinc certum est Adeodatum non fuisse Primatem Numidiæ. Lucet ex præfato Mandato. Etenim ille fuit unus ex septem Donatistarum Disputatoribus. ac semper ultimo loco ponitur post Primianum Carthaginensem, Petilianum Constantinensem, Emeritum Cæsarensem, Protasium Tubunensem, Montanum Zamensem, ac Gaudentium Thamugadensem. At verò Thamugadensis, Constantinensis, ac Tubunensis Episcopi erant Numidæ, ideoque Milevitanus Adeodatus debet ipsis fuisse consecratione Junior. atque ita nequaquam ipsorum Primas. Nec obest titulus, "Senex". Etenim Salvianus Donatistarum Episcopus eundem in collatione dedit Victoriano Episcopo Abissensi, quem certum est non fuisse Primatem. Etiam Quod-vult-Deus, Carthaginensis Ecclesiæ Diaconus, sanctum Augustinum, quem omnes scimus nunquam fuisse Primatem, inscribit "sanctum Senem". Proinde "Senex" apud Afros non solam dignitatem significabat, sed etiam ætatem, præsertim gravem multis virtutibus & meritis. Hoc modo Adeodatus à suis "dictus est Senex". Ad secundum respondeo Ecclesiam Tabborensem fuisse in Proconsulari Provincia, ideoque Victorem Episcopum ita honorasse suum Primatem. Et possit Numidarum audaciam ac novitatem improbasse ac notasse. Porro Carthaginensis Primas per Bagaiensem Canonem non fuit exutus omni dignitate: Hinc solus Primianus habuit collationi ministrantes Diaconos. Cur Nessus Sardicensi Synodo subscribat ante Gratum, fateor me ignorare. Existimo esse mendum. Existimo Nessum fuisse ultimum Gallorum Episcoporum, ac Librariorum incuria irrepsisse in primum locum inter Afros. Nec mireris hoc in Actis



Synodalibus. Nam etiam in sacrae Apocalypsis libro prima verba decimi tertii capitis migrarunt in finem capitis duodecimi. Franciscus Balduinus ob adducta testimonia censuit Januarianum fuisse Primatem Carthaginensem, Successorem Primiani. At lucidum est ipsum graviter labi. Porro Petiliani Constantinensis Episcopi præcedentia ante Emeritum Cæsaræensem quibusdam suadet etiam istius Provinciae privilegium fuisse spretum à Donatistis. Verum sine fundamento. Etenim Emeritus non fuit Primas.

Tertia & omnium sceleratissima Donatistarum novitas atque audacia fuit in Romanam Ecclesiam. Etenim in Carthaginensi collatione Felicem, suum Romanum Episcopum, detruserunt in tertium locum, post Januarianum ac Primianum. Istud nomen conturbavit Catholicos Episcopos, ideoque Aurelius Carthaginensium Primas intercessit : "Quia Felix Urbis Romæ Episcopum, se dicit, quare præjudicatur absenti" ? Utiq; Innocentio, vero Romanorum Episcopo, de quo Aurelius pergit : "Abundat nos, Innocentium dixisse Urbis Romæ esse Episcopum". Oportet novisse originem hujus imaginarii apud Romanos Episcopi. De ipso Romana sancti Damasi adversum Antipapæ Ursicini violentias Synodus scripsit ad Imperatorem Gratianum : "Per Africam, rursus sacrilegos Rebaptizatores nutu Dei præcepistis expelli. Sed, ab expulsis Claudianus est ordinatus; & ad perturbandam Urbem, Romam quasi Episcopus destinatus. Qui contra Scripturæ Præcepta Divinæ, contra Jura Evangelica, vacuos omnes Mysteriorum, atque ut ejus verbum exprimamus, Paganos fuisse, vel præteriti temporis dicit Episcopos vel præsentis. Quem quidem Tranquillitas vestra jussit Romam pulsum Patriam repetere propriam, sed contemptis judiciis, & quidem sæpè constrictus, resistet tamen, sollicitans pretio frequenter pauperiores, & redemptos baptizare non veretur". Exstat epistola apud Jacobum Sirmondum post appendicem Codicis Theodosiani.

Circa hanc rem plura scribit in secundo contra Parmenianum libro sanctus Optatus Milevitanus : "Sed & habere vos in Urbe Roma partem aliquam dicitis. Ramus est vestri erroris, protensus de mendacio, non de radice veritatis. Denique Macrobio dicatur, ubi illic sedear, nunquid potest dicere, in Cathedra Petri ? Quam nescio, si vel oculis novit, & ad cujus memoriam non accedit, quasi Schismaticus contra Apostolum faciens, qui ait : Me-

morius

moriis Sanctorum communicantes. "Ecce præsentes sunt ibi duo-  
 rum memoriarum Apostolorum : Dicite si ad has ingredi potuit,  
 ita ut obrulerit illic, ubi Sanctorum memorias esse constat. Er-  
 go restat, ut fateatur socius vester Macrobius se ibi sedere, ubi  
 aliquando sedit Encolpius. Si & ipse Encolpius posset interro-  
 gari, diceret se ibi sedere, ubi ante sedit Bonifacius Ballitanus.  
 Deinde si & ipse interrogari potuisset, diceret, Ubi sedit Victor  
 Garbiensis, à vestris jam dudum de Africa ad paucos Erraticos  
 missus. Quid est hoc, quod pars vestra in Urbe Roma Civem  
 Episcopum habere non potuit ? Quid est, quod toti Afri & pe-  
 regrini in illa civitate sibi successisse noscuntur ? Non apparet  
 dolus ? Non factio, quæ mater est Schismatis ? Interea Victor  
 Garbiensis, ut hinc prior mitteretur, non dico ut lapis in fon-  
 tem, quia nec valuit puritatem Catholicæ multitudinis perturbare,  
 sed quia quibusdam Afris placuit Urbica commoratio, ut hinc  
 à vobis profecti videantur, ipsi petierunt ut aliquis hinc, qui  
 illos colligeret, mitteretur. Missus est igitur Victor. Erat ibi  
 filius sine Patre, Tyro sine Principe, Discipulus sine Magistro,  
 Inquilinus sine Domo, Hospes sine Hospitio, Pastor sine Grege,  
 Episcopus sine Populo. Non enim grex aut populus appellan-  
 di fuerant pauci, qui inter quadraginta, & quod excurrit, Ba-  
 silicas locum, ubi colligerent, non habebant, sed speluncam  
 quamdam foris à civitate gradibus sepsierunt, ut ipso tempore  
 Conventiculum habere potuissent. Igitur quia Claudianus Lu-  
 ciano, Lucianus Macrobio, Macrobius Encolpio, Encolpius Bo-  
 nifacio, Bonifacius Victori successisse videntur, si Victori di-  
 ceretur, Ubi sederit, nec ante se aliquem illic fuisse monstraret,  
 nec Cathedram aliquam, nisi pestilentiarum, ostenderet".

Discimus hinc varia. Primum, quod sub Siricii Pontificatu;  
 dum ista Optatus scribebat, Romanus Donatistarum Episcopus  
 videatur fuisse Macrobius, quem primum Catholicæ Ecclesiæ Pres-  
 byterum, exinde Apostatam, & occultum Donatistam in Ro-  
 mana Urbe Episcopum fuisse scribit in Illustrium virorum ca-  
 talago Gennadius Massiliensis, & adjungit : "Scripsit, cum ad-  
 huc in Ecclesia Dei Presbyter esset, ad Confessores & ad Vir-  
 gines librum unum, moralis quidem, sed valde necessariæ do-  
 ctrinæ, & præcipuè ad custodiendam castitatem, aptissimis valde  
 sententiis communitum. Claruit inter nostros primum Africæ.

„& inter suos, id est, Donatianos, sive Montenses, postea Romanæ“. Hic est omnino ille Macrobius, de quo sanctus Optatus: „Si Macrobiadicatur, Ubi sedeat, &c.“. Quæ verba palam edicunt tunc vixisse, & apud Romam sedisse. Et hinc questio est, Quomodo idem Optatus scribat Macrobio Lucianum, Luciano successisse Claudianum? Etenim hic omnino est ille Claudianus, quem Romana Synodus affirmat per Romæ expulso Donatistas fuisse ordinatum in Africa, & remissum ad Urbem, & isthic contra Regia Edicta contumaciter perstitisse. Proinde Imperator Gratianus Lucianum eiecerat, omnemque ejus devium gregem: Et in ejus defuncti, aut redire recusantis locum ordinatus fuit Claudianus, & quasi Episcopus destinatus ad Urbem. Ipsum Princeps denuo proscripsit; at ille pertinax sprexit omnia, & permansit. Quin etiam non timuit rebaptizare. Quare hic Optati scribentis tempore erat Romæ Donatistarum Episcopus. Quæ videntur non bene coherere.

Fateor esse gravem difficultatem. Etenim laudata Romanæ Synodi epistola videtur scripta quarti seculi anno octogesimo primo, decimo quinto Damasi Pontificis. Etenim Gratiani Rescriptum affirmat Florentium Puteolanum Episcopum, primo anno damnatum à Damaso, jam post quintum decimum annum grassari in Ecclesiam, & agere turbas. Et isto eodem anno Romæ sedebat ac latitabat Claudianus. Hinc queritur, Quomodo ejus ante Lucianum Prædecessor Macrobius sederit sub Pontificatu Siricii? Nec Optati textus possit dici vitiosus, in quo Macrobius debeat locari post Lucianum & Claudianum. Obstant enim omnia exemplaria. Et præfatus Vincentius, in suo catalogo servans ordinem temporis, Macrobius locat proximè post Vitellium, quem addit floruisse sub Constante, Filio Constantini Principis. Eum locat ante sanctum Pachomium, qui creditur adolescens militasse sub Imperatore Maxentio, ideoque Vitellio fuisse coævus. Hæc aliter clamant Macrobius non vixisse usque ad Siricii tempora. Et Romanæ Synodi, affirmantis sub Damasi Pontificatu sedisse Claudianum, attestatio est irrefragabilis. Proinde Macrobius omnino mediat inter Lucianum & Encolpium. Quare sanctus Optatus per laudata superius verba defunctum Macrobius alloquitur ut vivum. Est figura usitata Rhetoribus. Porro contumacem Imperatori Gratiano Claudianus secutus est in ista pesti-

## ROMANIS APPELLATIONIBUS.

415

pestilentia Cathedra Felix, qui interfuit Carthaginensi Collationi, Adventus occasionem exposuit Petilianus Cirthensis Episcopus: "Quæ ratio huc Felicem detulerit, nullus ignorat. Nobilitatem L. I. C. 159. omnem hic esse Romanam, nec ipsi nescitis. Idem igitur turbo, eademque necessitas eum huc detulit". Nempe Gothica almæ Urbis captivitas. Imperatorum Gratiani ac Valentiniiani cædes, variaque Imperii turbatio Romanis Donatistis fecit libertatem persistendi apud Romam, ac eligendi novum Episcopum. Felici nemo videtur successisse.

Ex laudatis sancti Optati verbis secundo discimus, quod Macrobius, alique Romani Donatistarum Episcopi, nec in sancti Petri Cathedra sederint unquam, immò ipsam nunquam fuerint permisi videre. Item, quod sanctorum Principum Apostolorum memoriis nunquam sint communicare permisi, nec ad ipsas offerre, immò nec ingredi. Per sancti Petri Cathedram sanctus Optatus intelligit ejus Episcopalem Thronum, atque ita affirmat sanctum Petrum sedisse Romæ Episcopum, & istiusmodi Thronos esse ipsius Institutum. Item affirmat Romæ tunc fuisse altaria, in ipsis fuisse reconditas sanctorum Apostolorum Reliquias, & ad ipsas oblatum Missæ sacrificium. Consecrandis Altaribus sacras Reliquias semper fuisse necessarias. Porro Donatistarum Episcopos ab istis omnibus prohibuit ac interdixit antiquus Canon, qui neminem ignotum admittebat ad sacras Basilicas, nisi qui prius emitteret solemnem professionem Orthodoxæ fidei. Canonem tunc vguisse per omnes Ecclesias, est suo loco demonstratum.

Tertiò discimus, quod Victor Garbiensis, primus Donatistarum apud Urbem Episcopus, fuerit consecratus in Africa, ac inde transmissus ad paucos Romæ Erraticos. Non Romanos, sed Afros, quibus placuerat Urbica habitatio, & qui isthic volebant vivere sine suæ Factionis Episcopo. Hinc eò missus non fuit ut lapis in fontem, ad perturbandam Catholicæ multitudinis puritatem, sed dumtaxat ad solatium ac ministerium paucorum suorum Congerronum. Et hinc inter istos sex Pseudo-Episcopos nemo fuit Romanus, ideoque cuncti non solummodò ob schisma & hæresim, sed insuper ob peregrinitatem fuerunt inidonei ac irregulares. Ita habet antiquus Ecclesiæ Canon: Hunc sanctus Optatus Donatistis refricat in frontem. Ex eadem regula

regula Parmeniano, Carthaginensi Donatistarum Primati, imma-  
properat quod peregrinus, nempe Hispanus esset, ideòque in-  
eptus ad istum Episcopatum. Ex ista peregrinorum, apud Romanam  
Successione addit agnosci hæreticum dolum, & Schismaticam  
Factionem. Loquitur ex Tertulliani Præscriptionibus: "Hæ-  
reticorum ordinationes sunt temerariæ, leves, inconstantes".  
Loquitur de primo Donatistarum circa istum Episcopum scopo.  
Quod postea aliud ab ipso speraverint, infra audiemus à sancto  
Augustino.

Caput 41.

Quartò discimus, quod Romana Urbs ex tunc haberet ultra  
quadraginta Basilicas, adeòque & totidem Cardinales Presby-  
teros. Habebat & quatuordecim Diaconias, ideòque & tot Car-  
dinales Diaconos. Adeò antiqua sunt istius Cleri numerus &  
magnificentia. Ex istis Basilicis Donatistæ nullam potuerunt  
invadere. Hinc "speluncam quandam foris à civitate gradibus  
sepserunt, ubi ipso tempore Conuenticulum habere potuissent".  
Unde Montenses appellati sunt. Invaserunt nescio cujus mon-  
tis aut rupis speluncam, isthic latuerunt ut vespertilioes, &  
peregerunt sua sacrilega Sacra. Hinc ipsos Romanus populus per  
sarcasum appellavit Montenses, Rupitanos, aut Rupeztas.  
Istius Episcopi spectrum appellavit Episcopum Montensem, aut  
Rupitanum. Istam Cathedralam sanctus Optatus appellat Cathed-  
ram pestilentix. Ex quo lucet præfatum Petilianum non esse  
authorem istius blasphemix contumeliæ. Donatistæ, ex quo  
sanctus Papa Melchiades Donatum à Casis-Nigris & omnem Fac-  
tionem damnavit, pessimè oderunt Sedem Apostolicam, ipsam-  
que latrarunt esse Cathedralam pestilentix. Præsertim Petilianus.  
Hic blasphemiam omninò accepit à suis Majoribus, studuitque  
propagare, & imprimere omnium animis. Adversus ipsam sanctus  
Optatus scribit Romæ omnino esse Cathedralam pestilentix: Ve-  
rùm non in ejus Basilicis, sed in Monte, Rupe, ac Spelunca  
Donatistarum. S. Cypriani Episcopatus apud Carthaginem vidit  
alios Montenses: Factionem Felicissimi, sui Diaconi. Est alibi  
exposita. Et non spectat ad præsentem materiam.

Istorum Montensium Episcoporum frequenter meminit etiam  
Sanctus Augustinus. In litteris ad Illustrem Virum Generosum  
enumerat omnes à sancto Petro Apostolo usque ad tunc seden-  
tem Anastasium Romanos Pontifices, & pergit: "In hoc ordine  
succes-

„successionis nullus Donatista Episcopus invenitur, sed ex trans-  
 „verso in Africa ordinatum miserunt, qui paucis præsidens Afris  
 „in Urbe Roma, Montensium, vel Cuzipitarum vocabulum  
 „propagavit”. Est mendum. Legendum est: “Rupitarum”.  
 Augustinus ex sancto Optato, aut certè cum ipso affirmat pri-  
 mum istiusmodi Episcopum fuisse ordinatum in Africa, & paucis  
 Afris transmissum ad Urbem, quibus placuerat Urbica commo-  
 ratio. Quo tempore id factum fuerit, ignoro. Est res anti-  
 qua. Etenim Macrobius, homo vetus, istius intrusionis fuit  
 solummodò quartus. Quare ista transmissio videtur facta in ex-  
 ordio schismatis. Hinc S. Augustinus in libro de unico Baptismo  
 exponit laudatum sancti Melchiadis Judicium, & prosequitur:  
 „De quo Judicio cum Majores istorum importunissimè pervica- Cap. 16.  
 „cià Constantino Imperatori quererentur, quod non plenè, nec  
 „rectè fuerat examinatum atque depromptum, nihil de Mel-  
 „chiadis traditione, vel thurificatione dixerunt. Ad cujus au-  
 „dientiam nec venisse utique debuerant, hoc potiùs aut sug-  
 „gerentes Imperatori, aut ut suggereretur instantes, quod apud  
 „traditorem Codicum Divinorum, & Idolorum Sacrificiis in-  
 „quinatum causam suam agere non deberent. Cum hoc ergò  
 „nec ante suggesserint, nec posteaquam contra eos pro Ceci-  
 „liano judicatum est, saltem victi & irati objiciendum puta-  
 „runt, quid nunc inanes tam serò connectunt calumnias, quasi  
 „& innocentia Ceciliani, Melchiadis Judicis decoloratione  
 „fusetur, & ipsa Romana Ecclesia, ubi nec damnare quem-  
 „quam suo qualicumque Judicio potuerunt, nec aliquem suorum  
 „velut in locum surrogare damnati, contra quem paucissimis Afris  
 „partis suæ primò Interventores adventitios furtim longèque mit-  
 „tebant, quos Petilianum nominatim commemorare non pu-  
 „duit, donec deceptæ plebeculæ proprios Episcopos ordinarent.

Scribit plura benè notanda. Primò, quod posteriores Do-  
 natistæ ad evacuandum aut circumscribendum Melchiadis Pon-  
 tificis de sua Factione Judicium cæperint ipsum, uti & sanctum  
 Marcellinum, accusare de lapsu, traditione, ac thurificatione.  
 Et ista calumnia fidem invenit apud aliquos etiam Catholicos,  
 & nobis peperit Sinuessanam Synodum. Secundo Augustinus scri-  
 bit istam calumniam esse adeo manifestam, ut ipse Donatus à  
 Casis Nigris Melchiadem postulaverit in Judicem, ac etiam jam

damnatus, adeoque gravissimè offensus non fuerit ausus protum-  
 pere in istam contumeliam. Tertiò, quod eidem primi Dona-  
 tistæ eundem Melchiadem, aut quemvis alium Pontificem nec  
 damnare unquam præsumperint de lapsu, nec ab aliis potuerint  
 impetrare damnandum. Quartò, quod nullum suorum potue-  
 rint intrudere in Romanam Cathedram. Quintò, quod tamen  
 Romam miserint Interventores. Antiqua disciplina viduatæ Ec-  
 clesiæ, ac etiam suspenso Episcopo dabat Visitatorem. Recto-  
 rem Vicarium. Vicinum passim Episcopum. Afri dederunt  
 etiam Clericum. Et istiusmodi Rectorem appellabant Intervento-  
 rem. Hoc est, Rectorem Inter Regni. Hinc ergo Donatistæ  
 aut sancto Melchiadi, aut sancto Sylvestro, quod sui Præfesso-  
 ris Judicium confirmasset in Arelatenſi Synodo, quem degradare  
 non poterant, abnegarunt communionem, ipsum quasi suspen-  
 derunt, & miserunt Interventorem. Erat via ad degradationem.  
 Nam & Ceciliano, antequam degradarent, Interventorem de-  
 derant. Hanc Africanam audaciam ne mireris in Donatistis.  
 Etenim de Catholicis etiam Præfulibus scribit in Chronico Vi-  
 ctor Episcopus Tonnonensis: "Africani Antistites Vigilium Ro-  
 manum Episcopum, damnatorem trium Capitulorum, refer-  
 vato ei pœnitentiæ loco, Synodaliter à Catholica communio-  
 ne recludunt". Etiam quidam factiosi Symmacho Pontifici,  
 dum fuit deductus in Judicium, extorserunt à Rege Theodorico  
 dari Visitatorem. Et liber Pontificalis addit: "Quod Canones  
 prohibent". Etenim Romanum Pontificem nemo potest judi-  
 care, damnare, aut suspendere. Donatistæ igitur patrauerunt  
 eandem audaciam. Et quidem successivè miserunt plures Inter-  
 ventores, quorum omnium nomina Petilianus expressit in suo li-  
 bro. Sextò Augustinus scribit, quod Donatistæ Romam tandem  
 miserint non dumtaxat Interventores, sed proprios Episcopos.  
 Nempe Victorem Garbientem, & supra expressos ejus Successo-  
 res. Interventores paucissimis suæ partis Atris, proprios Episco-  
 pos miserunt deceptæ plebeculæ. Dum nempe paucissimi illi  
 aliquos seduxerant, atq; ita evaserant in aliquam plebeculam. Ho-  
 rum Interventorum memoriam solus nobis conservavit S. Augu-  
 stinus, ideoque debemus ipsi gratias. Dolendum est, quod ipso-  
 rum etiam nomina ad nos non transmisisset.

Eorundem Montensium Episcoporum meminit in secundo li-  
 bro

bro contra literas Petiliani. Affirmat ac demonstrat veram Ecclesiam debere esse in omnibus sub cœlo gentibus, & adjungit: „Non est ergo in sola Africa, vel solis Afris, Episcopum Romam  
 „paucis Montensibus, & in Hispaniam domui unius mulieris  
 „ex Africa mittentibus”. Et in libro de unitate Ecclesiæ: “Si  
 „Sacrae Scripturae in Africa sola designaverunt Ecclesiam, & in  
 „paucis Romæ Rupitanis & Montensibus, & in domo vel pa-  
 „trimonio unius Hispanæ mulieris, non tenent Ecclesiam, nisi  
 „Donatistæ”. Et infra: “Donatistæ ostendant esse prædictum, Cap. 103.  
 „cæteris gentibus à fide Christi pereuntibus, solam Africam re-  
 „mansuram, & quocumque Episcopi ex Africa mitterentur”. Cap. 15.  
 Et iterum: “Nisi fortè hoc restat hominum insanix, ut dicant Cap. 17.  
 „non ex illis Ecclesiis, quæ fundatæ sunt per Apostolorum labo-  
 „res, adimpleri prædicationem Evangelii in omnibus gentibus, sed  
 „illis pereuntibus, earum reparationem ex Africa futuram per par-  
 „tem Donati, & residuarum gentium acquisitionem”. Et in secundo  
 libro contra Cresconium: “Romam ex Africa ordinare paucis ve- Cap. 37.  
 „stris soletis Episcopum”. Et in tertio libro: “Partem Donati Cap. 63.  
 „audes præponere” Catholicæ Ecclesiæ, “dicens quod & præter  
 „Africam nescio quos habeatis, quibus, tamen non apparentibus,  
 „ex Africa vos soli remittere Episcopos non negatis, unum aut  
 „duos, aut ut multum tres, & argumentaris inaniter contra evi-  
 „dentissimam veritatem”. Et infra scribit Donati partem “rema- Cap. 55.  
 „nere in Africa, aut ex Africa in paucis latentibus peregrinari”. Et  
 in libro de Hæresibus: “Donatistæ hæretici in Urbe Roma Mon-  
 „tenses vocantur, quibus hinc ex Africa solent Episcopum mittere,  
 „aut hinc illuc Atri Episcopi eorum pergere, si fortè ibi eum or-  
 „dinare placuisset”.

Hinc iterum addiscimus varia. Primò, quod Romanus Montensium Episcopus passim in Africa, aliquando Romæ fuerit consecratus. Semper tamen ab Afris. Secundò, quod etiam apud Hispanos Donatistæ habuerint similem Episcopum: In domo ac Patrimonio opulentæ mulieris. Nempe sceleratæ Lucillæ, quæ prima est Cecilianum calumniata, & fuit inter authores hujus Schismatis. Ipsa videtur in calumniæ præmium accepisse Episcopum, atque ita habitasse in Hispania, & in Africa, dum Cecilianum invasit per calumnias, ob suas possessiones dumtaxat peregrina hæsisse. Ex hac scelerata Para-Synagoga videtur proditiisse Par-



menianus, tertius in hoc Schismate Archi-Episcopus Carthaginensis. Etenim sanctus Optatus affirmat fuisse Hispanum. An præter hos duos extra Africam Episcopos Donatistæ habuerint tertium, & in quo loco habuerint, quoniam sanctus Augustinus non edixit, ignoramus. Augustinus rectè dicit istorum Episcoporum subditos fuisse peregrinantes, latentes, non apparentes. Latebant enim in Romana rupe, aut intra domum Lucillæ. Et major portio erant peregrini Afri. Inter palmaria Catholicæ Ecclesiæ contra istos Turbines argumenta erat, quod vera Christi Domini hæreditas non in sola esset Africa, sed per omnes sub cœlogentes, ideoque quod essent Ecclesiæ apud Donatistas, uti sunt favi apud vespas. Item quod ista hæreditas non subsisteret extra sanctum Petrum Apostolum, ejusque Successorem in Romana Cathedra. Hinc illi studuerunt suam Factionem extendere extra Africam, & imperito populo suadere omnes gentes tandem Donatistæ Africæ acquirendas. Etiam almæ Urbi obtruserunt ridiculum & imaginarium Episcopum. Et exinde blaterarunt Romanam Sedem, in qua sedebat vera sancti Petri successio, esse Cathedram pessilentis. Sui Idoli Rupem blaterarunt esse Cathedram veritatis. Verùm fabula sibi ipsi non cohæsit. Etenim istud Rupitanum Romani Episcopi Idolum sibi non fixerunt in caput, sed collocarunt, immò dejecerunt inter Primates suarum Provinciarum. In Carthaginensi collatione primum Januario, secundum Primiano, tertium locum dederunt Felici Romano Episcopo. Eum æquarunt Primatibus Numidiæ, & Cæsariensis Mauritanis. Hinc in tertio contra Cresconium libro sanctus Augustinus inter cætera, quæ scribit adversum Synodales Philippo-Politani Conventiculi literas, hæc adjungit: "Quod hinc maxime

Caput 34. „credibile est, quod ad Carthaginensem Episcopum, Romano prætermisso, nunquam Orientalis Ecclesia scriberet. Ubi saltem „vester scribi debuit, quem soletis paucis vestris mittere ex Africa". Epistola ista habet hanc inscriptionem: "Gregorio Alexandriæ, Amphioni Nicomediæ, Donato Carthaginis Episcopo, &c". Ex ipsa Augustinus concludit epistolam non esse ab Orthodoxa Synodo, sed ab Ariana. Quia nempe Orthodoxa, dum ad totam Ecclesiam, aut ad totum Occidentem scribebat, nunquam prætermitteret Romanum Episcopum, sed poneret primo loco. Et adjungit duo. Primum, quod istam Prærogativam Donatistæ debeant suo

fuò etiam Romano Idolo. Deinde, quod Philippo-Politanus Conventus istud ignoraverit, ideoque & prætermiserit. Quin ista Epistola Donato magno fuerit tradita, lecta per ipsum diligentissimè, ac intellecta, non est dubitandum. Porro illa evertit Evangelicum Romanæ Ecclesiæ Primatum: Evangelicam Christianitatis Monarchiam transmutare studet in parem trium Patriarcharum Aristocratiâ, ponitque fundamenta Photiani Schismatis. Ex ipsa ergò Donatus didicit Romanam Cathedram spernere, ac redigere in ordinem: Locare inter Africanos Primates. Et quidem didicit cum foenore. Etenim Eusebiana Factio Romano Episcopo reservavit primum locum: Ei abnuuit solam supra alios Patriarchas ac ipsorum Synodos supremam potestatem. Pro sancto Athanasio ac aliis per Factionem damnatis Episcopis data à sancto Julio Pontifice sententia Philippo-Politanum Conventum, adversus Donatum in Casis-Nigris Episcopum ac ejus Affectas datum à sancto Melchiade judicium inflammavit Donatum magnum, ac omnes Donatistas, ad ita insanandum in Romanam Ecclesiam. Hâc inaudita audaciâ tentarunt & sperarunt ejus jugum excutere, ejus judicia deinceps non timere.

## CAPUT V.

### *Exponitur potestas sacrarum apud Afros Ordinationum.*



E hac potestate scripsit ad Petrum ac Joannem, Africanos Episcopos, sanctus Leo nonus: "Carthagenensis Archi-Episcopus solus in Africa Palium ab Apostolica Sede habere solet. Unde & Episcopos consecrandi Principale & antiquum jus retinet". Et Pontifex istud probat ex tertia Carthagenensi Synodo, ad quam dixit Carthagenensium Primas Aurelius: "In hac Ecclesia, ad quam dignata Cap. 19. est vestra Sanctitas convepire, crebrò ac penè per diem Dominicam ordinandos habemus Episcopos". Et iterum: "Sermonem meum admittite Fratres. Contingit nonnunquam, ut postuletur.

„tur ab Ecclesiis, quæ Præpositis egent, vel Episcopi vel Presby-  
 „teri, & tamen memor Statutorum id sequor, ut conveniam Epi-  
 „scopum ejus, atque ei inculcem, quod ejus Clericus à qualibet  
 „Ecclesia postuletur. Sed fortè in hodierno non reluctati sunt. Et  
 „nequando contingat ut reluctentur, cum fuerint à me in hac  
 „caussa postulari, quem scitis multarum Ecclesiarum & Ordinan-  
 „dorum causam sustinere. Justum est ergo, ut quemlibet Con-  
 „sacerdotum conveniam cum duobus è consortio nostro, vel tri-  
 „bus testibus. Si ergo indevotus extiterit, quid censet Chari-  
 „tas vestra faciendum? Ego enim cunctarum Ecclesiarum, dig-  
 „natione Dei, ut scitis Fratres, sollicitudinem sustineo”. Et Nu-  
 „midius Maxulitanus in Proconsulari Provincia Episcopus reposuit:  
 „Semper fuit hæc licentia huic Sedi, ut unde vellet, de cujuslibet  
 „nomine fuisset conventus, pro desiderio cujusque Ecclesiæ or-  
 „dinaret Episcopum”. Epigonius Episcopus adjunxit: „Bonitas  
 „sequestrat possibilitatem. Minus enim præsumis Frater. Et cum  
 „te bonum & elementem omnibus reddis, habes enim hoc in ar-  
 „bitrio, satis est ut satisfiat personæ uniuscujusque Episcopi in pri-  
 „ma tantummodò conventionem. Si autem quodlibet huic Sedi  
 „vindicanum fuerit sibi arbitratus, necesse habes tu omnes Ec-  
 „clesias suffulcire. Unde tibi non potestatem damus, sed tuam  
 „assignamus, ut liceat voluntati tuæ semper & tenere quem vo-  
 „les, ut Præpositos plebibus vel Ecclesiis constituas, qui postu-  
 „lati fuerint: Et unde voles”.

Hosce Canones, seu has Episcoporum interlocutiones respicit  
 in Commentario ad decimum sextum Apostolorum Canonem Theo-  
 dorus Balsamon: „Præfens Canon segregat Episcopum, qui suo  
 „Clero connumeravit alterius Diœcesis Clericum absque sui Epi-  
 „scopi dimissoriis literis. Solus autem Episcopus Carthaginensis  
 „potest in suum Clerum referre alterius etiam Diœcesis Clericos  
 „absque dimissoriis literis eorum, qui ipsos ordinaverunt. Etiam  
 „Archi-Episcopus Constantinopolitanus potest similiter facere”.  
 Etiam in Commentario ad septimum decimum Canonem Trul-  
 lanum scribit alienum Clericum non posse ab Episcopis suscipi,  
 & adjungit: „Excipe mihi Constantinopolitanum & Carthagi-  
 „nensem. Hi enim possunt alienos Clericos suscipere præter vo-  
 „luntatem eorum, qui ipsos ordinaverunt”. Quod ipsum latissi-  
 me scribit in Commentario ad sexagesimum Canonem Africani Co-  
 dicis

dicis. Addi debent duo. Primò, quod Carthaginensis Episcopus alienos Clericos potuerit non dumtaxat in suam transferre Ecclesiam, sed insuper in quamvis aliam. Clericos uni Ecclesiæ superfluos transferre in quamvis aliam indigentem. Debebat enim suffulcire omnes Ecclesias. Deinde, quod poterat omnibus per Africam plebibus, quæ id petierant, ordinare Presbyteros. Canon principaliter sancit de Electionum ac Postulationum confirmationibus, ac Electorum & Postulatorum translationibus: Et Carthaginensi impertit altam auctoritatem. Eandem tamen etiam omnino donat in eorundem consecrationem. Presbyteri, aliique Clerici omnino poterant, immò & debebant ordinari à suo Episcopo. Etenim sanctus Augustinus Hipponensi plebi fuit ordinatus ab ejus Episcopo Valerio. Plurima sunt alia exempla. Est res manifesta. Proinde Carthaginensis huic rei se miscere non poterat, nisi postulatus. Consecratio erat alternativa: Verùm electio spectabat ad plebem.

Eadem fuit ratio consecrandorum Episcoporum. Videtur in eligentis Ecclesiæ, aut etiam in Electi fuisse arbitrio vel suæ Provinciæ Primatem accedere, vel Archi-Episcopum Carthaginensem. Hinc ille singulis ferè Dominicis consecrabat Episcopos. Quod enim Africa habuerit plurimos Episcopos, est supra demonstratum. Et sola, cujus ordinatio privativè spectabat ad Carthaginensem, Proconsularis Provincia habebat ultra centum. Sanctus Possidius Cap. 7. in sancti Augustini vita rem elucidat: "Venerabilis Senex Valerius, sciens se corpore & ætate infirmissimum, egit secretis literis apud Primatem Episcoporum Carthaginensem, allegans imbecillitatem corporis sui, ætatisque gravitatem, & obsecrans, ut Hipponensi Ecclesiæ ordinaretur Episcopus, qui suæ Cathedralis non tam succederet, sed Consecrator accederet, Augustinus. Et quæ optavit & rogavit, Rescripto impetravit. Post quam petitionem ad visitandum adveniente ad Ecclesiam Hipponensem, tunc Primate Numidiæ Megalio, Calamensi Episcopo, Valerius Antistes Episcopis qui tunc fortè aderant, & Clericis omnibus Hipponensibus, & universæ plebi inopinatam cunctis suam insinuat tunc voluntatem, &c". Hæc ordinandi Episcopi forma videtur fuisse ordinaria, ideoque omnes videntur debuisse ordinari, aut per Carthaginensis Episcopi manus, aut ad ejus Rescriptum, seu præviam confirmationem. Hoc enim per Nænos, ideoque & per Apostolicos Canones est Patriarchale jus, cujus hanc partem

tem Carthaginensis Archi-Episcopus habuit per universam Africam. Ex avitâ consuetudine, & Indulto Romanæ Sedis. Et huc respexit in famosis ad Africanas Ecclesias literis Siricius Pontifex : „Extra conscientiam Sedis Apostolicæ, hoc est, Primatis, nemo „audeat ordinare”. Sensus est : Verus Africanæ Diœcesis Primas seu Patriarcha est Romanus Pontifex, ideoque isthic sine prævia ipsius confirmatione nemo deinceps ordinetur Episcopus. Decretum erat longè fundatissimum. Attamen suarum consuetudinum tenacissimi Afri non fuerunt permoti ad executionem & obedientiam. Temperamentum, quod per rationes à Pontifice supplicarunt, ac per novas literas obrinuerunt, est ostensum in superioribus, ac expositum.

Interim singularum Provinciarum Primates potuerunt consecrare suos Comprovinciales, ipsorumque consecrationem delegare aliis. Hinc in secunda Carthaginensi Synodo Numidius in Proconsulari Provincia Maxulitanus Episcopus dixit : „Alii Episcopi „usurpatione quâdam existimant, contempto Primati cujusbet „Provinciæ, ad desiderium populi Episcopum ordinare sine literis „ad se primæ Cathedræ manantibus, neque postea acceptis. Quid „de hoc statuit Sanctitas vestra”. Et Genethlius Carthaginensis Episcopus retulit ad universam Synodum : „Quoniam communis „est honorificentia, quæ unicuique servari oportet, id ipsum Fra- „ternitati vestræ convenit pronunciare”. Et universi Episcopi responderunt : „Placet omnibus, ut inconsulto Primati cujusbet „Provinciæ, tam facile nemo præsumat, licet cum multis „Episcopis, in quocumque loco, sine ejus Præcepto Episcopum „ordinare. Si autem necessitas fuerit, tres Episcopi, in quocum- „que loco sint, cum Primatis Præcepto ordinare debeant Episco- „pum”. Afrorum Provinciæ erant plurimorum Episcoporum, & multæ distantæ. Hinc viciniore Episcopi, præsertim numero plures, præsumpserunt ordinare Electos vicinarum Ecclesiarum. Et censuerunt se non impingere in Nicænos Canones : Quod ipsorum Provinciæ haberent non Metropolitam, sed dumtaxat Seniore. Hunc abusum proseripsit Primas Genethlius. Et jure merito. Quoniam isti Seniores habebant omnia & plena jura Metropolitæ. Hinc illis permisit arbitrium, quo possent aut ipsi consecrare, aut consecrationem aliis delegare.

Eandem Provincialium Primatum auctoritatem laudat in literis ad Fortunatum, & alios quinque Episcopos sanctus Cyprianus :  
Cum

"Cum in Capſenſi civitate propter ordinationem Epifcopi eſſetis". *Epift. 153.*  
 Capſenſis civitas eſt in Byzacio, ideòque tunc ſpectabat ad Pro-  
 vinciam Numidiæ. Proinde Fortunatus erat iſthic Primas, aut  
 ipſius Delegatus. Quod ſub Diocletiani Imperio ſecundus Tigi-  
 ſitanus Epifcopus, Numidiæ Primas, Cirthenſibus ordinaverit  
 Epifcopum, ſanctus Auguſtinus ſcribit in pluribus locis. In literis  
 ad Generoſum, Nobilem Cirthenſem, in tertio libro contra Cres- *Epift. 155.*  
 conium, in Carthagenenſis Collationis Breviculo, ac in libro poſt *C. 26. 27.*  
 Collationem. Affirmat Secundum acceſſiſſe Cirthum, iſthic feciſſe *L. 3. C. 17.*  
 Synodum, degradaviſſe Paulum Epifcopum, ac novum ordinaſſe.  
 Et de ſemetipſo ac ſancto Alipio Tagaſtenſi Epifcopo ſcribit ad  
 quosdam Donatiſtarum Epifcopos: "Fortunium, quem apud Tu- *Epift. 163.*  
 burſicum habetis Epifcopum, per eandem civitatem, quamquam  
 „feſtinantiſſimè, cum ad Cirthenſem Eccleſiam pergeremus ex-  
 „perti ſumus. Sed quia ordinandi Epifcopi neceſſitas nos inde jam  
 „jamque rapiebat, diutiùs cum illo eſſe nequivimus". Et de nova  
 Fuſſaleniſ Eccleſia, ac primo ejus Epifcopo Antonio ſcribit ad  
 ſanctum Celeſtinum Pontificem: "Epifcopum ibi ordinandum, *Epift. 262.*  
 „conſtituendumque curavi. Propter quem ordinandum, ſanctum  
 „Senem, qui tunc Primatum Numidiæ gerebat, de longinquo  
 „ut veniret, rogavi literis impetravi". Et ſtatim intra: "Dum  
 „nolo graviffimum & ſanctiſſimum Senem, ad nos utique ſati-  
 „gatum, ſine effectu, propter quem venerat, tam longè ad pro-  
 „pria remeare, obſuli non petentibus quemdam Antonium, &c".  
 Et in vita ſancti Fulgentii Ferrandus, Carthagenenſis Eccleſiæ Archi-  
 Diaconus, Victorem Byzacii Primatem appellat "Provinciæ Ordi- *Cap. 16.*  
 „natorem". Et pergit de promotione ſancti Fulgentii: "Neſciente *Cap. 17.*  
 „beato Fulgentio, Victor Primas in itinere petitur à Ruſpenſibus,  
 „& vicinis Epifcopis ordinandi Fulgentium licentia datur". Et  
 infra: "Fulgentius ad Epifcopum, qui admonitus fuerat ordina-  
 „tionem Epifcopi celebrare, perducitur". Affirmat Fulgentium non  
 ab ipſo Primare, ſed per ejus Reſcriptum ac Delegationem fuiſſe  
 conſecratum. Juxta laudatum Canonem ſecundæ Carthagenenſis  
 Synodi.

Notanda eſt inſignis differentia inter Primatem Carthagenen-  
 ſem, & Primates aliarum Provinciarum. Hi paſſim ordinabant  
 in viduatæ plebis civitate. Et videntur ad iſtud fuiſſe obſtricti.  
 Ita ſuadent omnia adducta exempla. Hinc in media Gentilium

persecutione Fortunatus Caplam, Secundus Primas accessit Cir-  
tham. Et sanctus Augustinus gravissimum senectute Primatem  
perduxit usque Fussalam. Et quidem de tam remoto loco. At  
verò Aurelius semper ordinavit Carthagine. Nempe quotquot  
ab ipso debebant, aut postulabant ordinari, cogeantur ad ejus  
manus accedere. Summa dignitas, eminens Prærogativa, eximia  
portio autoritatis Patriarchalis. Et hinc facile crediderim, quod  
alii Primates ordinare non potuerint, nisi ad Carthaginensis Res-  
criptum. Quod ipsum confirmare videtur sancti Cypriani epistola  
ad sanctum Cornelium Pontificem: "Misi tibi proximè nomina  
„Episcoporum isthic constitutorum, qui integri & sani in Ecclesia  
„Catholica Fratribus præstant". Proinde sanctus Cyprianus om-  
nium Africanorum Episcoporum Catalogum habebat & conser-  
vabat in scriniis suæ Ecclesiæ: Quod nempe nullus isthic conse-  
craretur Episcopus, nisi per ejus Rescriptum. Attamen non est  
penitus certum. Pro hac Carthaginensis Archi-Episcopi dignitate  
nullum habemus lucidum testimonium, nisi unius sancti Possidii.  
Et ipsum non est irrefragabile. Etenim sancti Augustini electio  
& consecratio fuerunt extra regulam, ideòque sanctus Valerius ex  
alio capite non potuit ipsam tentare sine interventu supremi Primatis.  
Quidquid sit, laudatum sancti Cypriani testimonium docet Pri-  
matem istum fuisse obstrictum ad omnium per totam Dioecesim  
Episcoporum consecrationes referendas summo Pontifici, & sup-  
plicandam ipsorum confirmationem. Poterat simul referre con-  
secrationem plurium. Quod prævia Relatio non fuerit necessaria,  
provenit ex Indulto Sedis Apostolicæ. Hinc ipsam Siricius ex fir-  
mis fundamentis potuit postulare.

Porro Africani Episcopi suorum Collegarum consecrationes cé-  
lebrarunt solemnissimè. Carthaginensis Primas consecrari consuevit  
à duodecim. Etenim in tertio contra Cresconium libro sanctus  
Augustinus disertè scribit de Schismatico Donatistarum Episcopo  
Cap. 52. Maximiano: "In Bagaiensi Concilio damnati sunt cum Maximiano  
„duodecim, quorum præsentium manibus ordinatus est". Et  
statim infra: "Quando Maximianus ordinatus est, neque omnes  
Cap. 32. „interesse potuerunt, aut ex more debuerunt". Et edicit sin-  
gula ipsorum nomina. Quod ipsum reperit in quarto libro. Erant  
mixti ex variis Provinciis. Etenim Beianus Vajanensis ex Nu-  
midia, Donatus Sabratenis erat ex Tripoli. Et hoc in puncto funda-

fundatur Secundi Tigisiani, & Collegarum adversus Cæciliani Carthaginensis Archi-Episcopi ordinationem querimonia, de qua in literis ad quosdam Donatistarum Episcopos sanctus Augustinus: "Inerat eis nonnullus animi dolor de typho superbiæ veniens, quod non ipsi ordinaverant Carthaginis Episcopum". Eandem querimoniam Donatistæ fortiter urierunt in Carthaginensi Collatione. Sanctus Optatus in primo suo libro elucidat: "Betrus & Cælesius", Carthaginensis Ecclesiæ Clerici, "apud Carthaginem ordinari cupientes, operam dederunt, ut absentibus Numidis soli vicini Episcopi peterentur. Tunc suffragio totius populi Cæcilianus eligitur. Et manus imponente Felice Aptungitano Episcopus ordinatur". Audi rationem aut fucum, ex quo suaserunt advocari solos vicinos Episcopos: "Tempestas persecutionis peracta ac finita est. Jubente Deo, indulgentiam mittente Maxentio, Christianitatis libertas est restituta". Utique ad ordinandos novos Episcopos. Propter caducæ libertatis periculum ambiosi Betrur & Cælesius urserunt accelerari negotium: Sperarunt se à paucioribus facilius eligendos. Et hinc lucet etiam ante redditam à magno Constantino pacem fuisse morem, ut ad Carthaginensis Primatis electionem & consecrationem peragendam invitarentur ac assumerentur Episcopi ex omni Provincia. Sanctus Augustinus in libro post collationem affirmat Felici Aptungitano adstitisse Novellum Tyzicentem ac Faustinum Tuburbanum, Episcopos Proconsularis Provinciæ. An & alij plures, non possum affirmare. Existimo omnino fuisse duodecim, juxta avitum honorem & morem. Totidem fuisse in ordinatione Majorini, videtur non dubitandum. Etenim ex sola Numidia aderant septuaginta Episcopi. Adducta sancti Augustini verba, quæ affirmant Maximiani ordinationi nec potuisse, nec debuisse adesse omnes, docent consuevisse adesse solos duodecim.

De aliorum Episcoporum consecratione ad tertiam Carthaginensem Synodum Honoratus & Urbanus Episcopi dixerunt: "Et illud nobis mandatum est, ut quia proxime Fratres nostri Numidæ, duo Episcopi ordinare præsumperunt Pontificem, non nisi à duodecim censeatis Episcoporum celebrari ordinationes". Et Aurelius Primas respondit: "Forma antiqua servabitur, ut non minùs quàm tres sufficiant, qui fuerint destinati ad Episcopum ordinandum, propterea quia & in Tripoli, fortè & Arzuge



„interiacere videntur barbaræ Gentes. Nam in Tripoli, ut asseritur,  
 „Episcopi sunt quinque tantummodò : Et possunt fortè de ipso  
 „numero vel duo necessitate aliquâ occupari. Difficile est enim,  
 „ut de quolibet numero omnes possint occurrere. Nunquid debet  
 „hoc ipsum impedimento esse Ecclesiasticæ utilitati ? Nam & in  
 „hac Ecclesia, ad quam dignata est Sanctitas vestra convenire,  
 „crebrò ac pene per Dominicam diem ordinandos habemus. Nun-  
 „quidnam frequenter duodecim, vel decem, vel multò minùs ad-  
 „ducere possum Episcopos ? Sed facile est mihi duos adungere  
 „meæ Parvitatì Episcopos vicinos. Quare cernit mecum Charitas  
 „vestra hoc ipsum observari non posse”.

Hinc discimus plura. Primò, quod Primas Carthaginensis  
 ad ordinandum Episcopos passim assumpserit duos Assistentes.  
 Propter adductam rationem. Secundò, quod istud ipsum fuerit  
 usitatum in aliis Provinciis. Hinc enim duo Numidæ præsump-  
 serunt ordinare. Tertiò, quod frequenter assumpti fuerint etiam  
 plures : Decem, immò & duodecim. Etenim Capsensis Episco-  
 pus etiam Gentilibus temporibus fuit ordinatus à sex. Eàdem  
 tempestate Secundus Tigilitanus, dum Sylvanum ordinavit Cir-  
 thensis, habebat numerosos Assistentes. Hinc Honoratus Tha-  
 bennensis in Numidia, & Urbanus Siccensis in Mauritania Episcopi,  
 ac suarum Provinciarum Legati, à suis Synodis habuère Manda-  
 tum instandi in generali Synodo, ut deinceps ad maiorem Epi-  
 scopalis Ministerii honorem semper assumerentur duodecim. Et  
 isto tempore non erat exotica postulatio. Etenim & prima Arc-  
 latensis Synodus sanxit : “ De his qui usurpant sibi, quod soli  
 „debeant Episcopos ordinare, placuit ut nullus hoc sibi præsumat,  
 „nisi assumptis secum aliis septem Episcopis. Si tamen non po-  
 „tuerit septem, infra tres non audeat ordinare”. Secuti sunt avi-  
 tam regulam, quam postmodò ad sanctum Victricium Metropoli-  
 litam Rothomagensem scripsit sanctus Innocentius primus : “ In-  
 „tegrum est iudicium, quod plurimorum sententiis confirmatur.  
 „Nec unus Episcopus ordinare præsumat Episcopum : Ne turpissimum  
 Beneficium præstitum videatur”. Ista Arclatensis Synodus, utpotè  
 celebrata propter pacem Africanæ Ecclesiæ, placuit Aurelio. Cen-  
 suit ac sanxit, non ut deinceps assumerentur soli tres, sed ut  
 quævis Provincia aut Ecclesia permaneret in sua antiqua consue-  
 tudine. Addidit non posse esse pauciores, quàm tres. Non tan-  
 tum

Caput 20.

Cap. 1.

tum propter istum Arelatensem, sed etiam propter Nicanum Gannonem. Quartò discimus, quod Africana Ecclesia Episcopalem consecrationem, attentatam à duobus Episcopis, judicaverit illegitimam, attamen ratam ac validam.

Aurelius his adjunxit: "Sed illud est statuendum, ut quando ad eligendum Episcopum convenerimus, si qua contradictio fuerit oborta, quia talia tractata sunt apud nos, non præsumant ad purgandum eum, qui ordinandus est, tres jam, sed postulentur ad numerum supra dictorum unus vel duo, & in eadem plebe, cui ordinandus est, discutiantur primò personæ Contradicentium: Postremò illa etiam, quæ obijciuntur, pertractentur. Et cum purgatus fuerit, sub conspectu publico ita ordinetur. Si hoc cum vestræ Sanctitatis animo concordat, roboretur vestræ Dignitatis responsione". Et universi Episcopi responderunt: "Placet satis". Hinc iterum quædam discimus. Primò, quoc vox, "Electio", hic accipiat pro consecratione. Et enim apud Afros tres Episcopi conveniebant non ad eligendum Collegam, sed solummodò ad consecrandum. Electio fiebat à solo Clero & populo, sub Præsidentia ac directione Interventoris, seu Visitatoris. Et contradictio non poterat adversus eligendum fieri, sed dumtaxat contra electum. Secundò discimus, quod Electi purgatio fieri debuerit in ejus civitate. Hinc ipse etiam Carthaginensis Primas hoc in casu debebat eò accedere, & ibidem consecrare. Purgatus enim debebat solemniter consecrari coram suo populo. Nempe ad ipsius consolationem, & confusionem Calumniatorum. Quare Aurelius hic non nihil detraxit Juribus suæ Ecclesiæ. Notanda sunt verba: "Quia talia tractata sunt apud nos". Videntur respicere sanctum Augustinum, & ipsi illatam injuriam à Megalio Calamensi Episcopo, tunc Primas apud Numidas. Sanctissimum Electum ille diffamavit de nescio cui mulieri propinatis amatoris poculis, atque ita ipsum studuit proscribere ab Episcopatu. Ast Augustinum purgavit numerosa Synodus, & Megalium compulit ad eum propriis manibus consecrandum. Hinc Aurelius sanxit duo. Primò, ut ante omnia discutiantur personæ Contradicentium. Sine exceptione. Etiam persona Episcopi, immò & Primatis. Quia nempe constabat Primatem fuisse lapsum in calumniam. Deinde Aurelius sanxit, ut ad hanc purgationem non fatigaretur universa, aut numerosa Synodus

nodus, sed sufficerent quinque aut quatuor Episcopi. Quia nempe Electorum accusatio consuevit ex æmulantium invidia procedere, ideoque esse confuta calumnia.

## CAPUT VI.

*Exponitur varia authoritas Primatis  
Carthaginensis.*



Prima hujus Primatis authoritas fuit consecratio omnium per Africam Episcoporum. Est superius abundè expolita. Aliquid tamen novi in suâ Synodo revelavit Bonifacius Primas: "Placuit ut Primates diversarum Provinciarum, nomina Episcoporum, sive decedentium, sive etiam in eorum locum succedentium, ad Ecclesiam Carthaginensem mittant". Provinciæ Primas circa defunctos suæ jurisdictionis Episcopos debebat facere tria: Defuncti mortem statim referre, postmodò referre novum Electum, mittere Cleri ac populi Decretum, præviâ consecrandi confirmationem forsan postulare ac expectare, ac tandem referre etiam illius consecrationem. De hac postremâ, ac item de prima relatione agit adductus Canon. Non est Bonifatii constitutio, sed Aurelii. Etenim Bonifacius affirmat à se innovari decimum nonum Aurelii Concilium. Et in hujus innovationis capite habent Acta Synodalia: "Agileius Diaconus recitavit ex libro Canonum temporibus sancti Aurelii". Et ex ipso laudavit viginti Aurelii Concilia. Et superius habent Acta: "Agileius Diaconus recitavit ex libro Canonum". Recitavit Nicænum Canonem, & Canonem ex Carthaginensi Synodo Grati Primatis. Etiam Bonifacius Primas dixit ad Synodum: "Recitetur ex volumine Canonum". Et Agileius statim recitavit sextum Nicænum Canonem, & varios Canones ex Synodis Aurelii.

Ex quibus discimus varia. Primò, quod Africana Ecclesia semper ab antiquo habuerit singularem Canonum Codicem. Secundò, quod primum in illo locum occuparint Nicæni Canones. Tertio,

Tertiò, quod proximè sequerentur Canones è Grati Synodo, aut Synodis. Porro hic Gratus interfuerat Sardicensi Concilio. Et sic quartò discimus, quod Gratus istos Canones non inscripserit in Africanum Codicem. Eorum autoritate est usus in suis Synodis, attamen ipsos non retulit in Codicem suæ Ecclesiæ. Rationem ignoro. Et hæc videtur esse vera causa, ex quâ eisdem Canones Aurelius Primas cum suis Episcopis penitus ignoravit. Quintò discimus, quod Aurelius omnes omnium suarum Synodorum Canones inscripserit in istum Codicem. Sextò, quod istæ Synodi fuerint omnino viginti. Et forsitan plures. Quæ omnia huc usque ignoravimus. Debemus gratias Illustrissimo Domino Lucæ Holstenio, qui nobis vulgavit istam Bonifatii Synodum. Codex ille periit aut later. Exstans Africanæ Ecclesiæ Codex est privato nescio cujus studio ac scopo compilata farrago. Ejus origo & dignitas suo loco exponetur.

Præfata Carthaginensis Cathedralis Prærogativa nequaquam ducit originem ab Aurelio. Est longè antiquior. Etenim in causa Pseudo-Episcopi Fortunati scripsit ad sanctum Cornelium Pontificem sanctus Cyprianus: "Quod autem tibi de Fortunato, isto Pseudo-Episcopo, à paucis & inveteratis hæreticis constituto, non statim scripsi, non ea res erat, quæ in notitiam tuam deberet per nos statim, quasi magna & metuenda, proferri". Post quædam exponit etiam Maximi, rebellis sibi Presbyteri, & cum Fortunato conjurati, datum à Novatiani Factione Episcopatum, & prosequitur: "Nec tamen de hoc tibi scripserim, quando hæc omnia contemnantur à nobis, & miserim tibi proximè nomina Episcoporum istic constitutorum, qui integri & sani in Ecclesia Catholica Fratribus præsunt". Affirmat varia, Primò, quod Africana Ecclesia quascumque graviores causas referre deberet ad Sedem Apostolicam. Secundò, quod ob non relatam Fortunati intrusionem fuerit reprehensus à sancto Cornelio. Tertiò, quod etiam talis rebellium Clericorum petulantia non sit inter graviores causas, ideoque non debuerit referri. Quartò, quod non tales intrusiones, sed solas Catholicorum Episcoporum novas Ordinationes referri oportuerit. Quintò, quod has proximè retulerit. Igitur Provinciarum Primates omnium suorum Episcoporum mortem, eorumque novos Successores debebant referre Carthaginem, hujus autem civitatis Antistes ad Episcopum Ro-

Romanorum. Apostolicus Canon mandabat omnes illos præviò confirmari per Pontificem. At ob distantiam erat res molestissima. Hinc Romanæ Ecclesiæ pietas erat contenta cum ista generali post consecrationem relatione. Quæ omnia lucidè demonstrant Africanam Ecclesiam semper subsuiffe Romano Patriarchatui.

Præfata sancti Cypriani verba Jacobus Pamelius commentatur : „Epistola Cypriani, quâ transmisit nomina Episcoporum; hodie „desideratur, nisi fortè intelligat epistolam præcedentem Synodi „Africanæ“. Respondeo in præcedenti epistolâ nulla exptimi Episcoporum nomina : Item istam Episcoporum relationem non fuisse Synodalem, sed opus ac officium solius Primatis. Apparens est quod omni anno semel, aut fortè bis Primas debuerit referre ista nomina. Etenim Africana Ecclesia habebat plurimos Episcopos, ideoque quotannis non poterant non mori aliquot & succedere. Dolendum est, quod nulla istiusmodi relatio exstet. Quidquid sit, lucet quod ipsi Provinciarum Primates non potuerint consecratos à se Episcopos referre Romam : Privativè spectabat ad solum Carthaginensem.

Et hæc est secunda istius Sedis Prærogativa. Eam aliqui adeò ampliant, ut censcant etiam Provinciales Synodos non potuisse Romam referre, nisi per Primatem Carthaginensem. Nequidem in causa fidei. Probant ex Aurelii Primatis, ac Sanctorum Episcoporum, Alipii Tagastensis, Augustini Hipponensis, Evodii Uzalensis, ac Possidii Calamensis, ad sanctum Innocentium I. Pontificem epistola : „De Conciliis duobus, Provincie Carthaginensis atque Numidie, ad tuam Sanctitatem „Epist. 95. „à non parvo Episcoporum numero subscriptas litteras misimus „contra inimicos gratiæ Christi“. Soli Carthaginensi, non autem Milevitano Concilio Aurelius adfuerat, & tamen affirmat utriusque Synodales litteras à se fuisse transmissas. Quia nempe Sylvanus, Summenfis Episcopus, Numidie Primas, suæ Milevitane Synodi Acta non inmediate Romam, sed Carthaginem miserat, per Aurelium transmittenda ad Papam. Respondeo non esse improbabile. Attamen non constat. Etenim in suo Rescripto Innocentius nullam Aurelii memoriam fecit, sed in capite posuit Sylvanum Senem. Et certè inter istos quinque Episcopos non solus Aurelius, sed etiam Evodius erat ex Proconsulari Provinciâ, alii tres erant Numidie : Hinc rectè dicunt utriusque Synodi Acta fuisse à se transmissa. Ter-

Tertia istius Primatis Prærogativa erat, quam per litteras ad Messorem Numidiæ Primatem exegit Primas Bonitacius: "Decedentium ac succedentium Episcoporum Matriculam, memores antiquæ consuetudinis, nobis dirigi suademus, ut de multis Provinciis ad nos venientes, præcipue illi, qui se prioribus suis antepone non dubitant, qualiter unusquisque eorum sedere debeat, sciamus". Et Messor obedivit, ac rescripsit: "Matriculam hujus Concilii, ne priscorum oblitteretur auctoritas, demandavi". Quisque igitur Primas debebat suæ Synodi, seu Provinciæ catalogum transmittere. Et ita mandabat Priscorum auctoritas, vetusta consuetudo. Proinde dum de sedendi in Provinciarum, aut etiam totius Dioeceseos Synodis, aut quibulvis aliis congressibus ordine nascebatur quæstio, decisio spectabat non ad Provinciæ Primatem, sed ad Carthaginensem. Nec mirum. Etenim ex hac victoriâ dependebat successio in Primatum. Quapropter ista Matriculæ, seu nominum transmissio non soli præstatæ ad Urbem relationi serviebat, sed aliis insuper suis.

Quarta Prærogativa fuit Judicium ac definitio quæstionum circa successionem Primatum. Etiam ipsorum, licet nulla esset controversia, confirmatio. Lucet ex precibus, quas Cecilianus ac Honoratus, Sitifensis Mauritanix Legati, dum singularem ac proprium Primatem habere supplicabant, obtulerunt Carthaginensi Primati Aurelio, ac ejus Synodo: "Profitemur in Carthaginensis Ecclesiæ conscientiam proferre, quandocumque voluerimus habere primæ Sedis Episcopum. Ita ut cum primæ Sedis Episcopus de corpore recesserit, qui in ejus locum succedit, ad Ecclesiam Carthaginis mittat, & eam instruat, ut fiat primæ Sedis Episcopus". Et Aurelius reposuit: "Ut Ecclesia Carthaginensis de constituendis primæ Sedis Episcopis consultetur, impedimento nulli esse posse, mecum pariter cognoscit Sanctitas vestra". Affirmat esse rem claram, expertem omnis dubii. Et ista reposuit non ad solos supplicantes Legatos, sed ad omnem Synodum. Hinc & ipsa omnis respondit: "Quandocumque habere voluerit quæcumque Provincia primæ Sedis Episcopum, instruat primitus Ecclesiam Carthaginensem, & sic quod desiderat faciat". Defuncto igitur Primati, Provincia aut Synodus, vel certè ipse successurus, aut succedere prætendens

Episcopus debebat Carthaginensem Ecclesiam instruere : Utique de successuri jure, idoneitate, aliisque ad causam spectantibus. Et ante Carthaginensis Episcopi Rescriptum ac assensum intro-  
nizari non poterat, neque uti Primatis nomine.

Agileius, Carthaginensis Ecclesiae Diaconus, ista omnia ad Bonifacii Synodum legit ex Hipponensi Concilio Aurelii. Et Megalius, Calamenfis Episcopus, Numidia Primas, est hic in Sitisensis Mauritaniae favorem interlocutus : "Ad compendium venit, ista provisio, ut & voluntatibus satisfiat, & se Provinciae teneant, responsuris tamen primae Sedis Episcopis cunctarum Provincia-  
rum ad Ecclesiam Carthaginensem, in quocumque usus exegerit". Consentit in novum Primatum. Et erat necesse. Etenim Sitisensis Mauritania ante subfuerat Numidiarum Primati, ideoque abscindi non poterat sine ejus Beneplacito. Haec est omnino magna illa Hipponensis Synodus, ad quam sanctus Augustinus, adhuc Presbyter, disputavit ac exposuit Apostolicum Symbolum. Facta fuit anno istius saeculi nonagesimo tertio, biennio ante sancti Augustini Episcopatum. Exinde igitur Sitisensis Mauritania habuit proprium Primatem. Et retinuit usque ad novam Imperatoris Justiniani dispositionem, factam post ejectos Wandalos.

Quintam Carthaginensis Ecclesiae Praerogativam habemus ab eadem Hipponensi Synodo. Etenim Honoratus & Cecilianus, Sitisensis Provinciae Legati, dum proprium Primatem postulabant, professi sunt plerasque Carthaginensis Ecclesiae Praerogativas, promiserunt venerari, ac inter ipsas posuerunt & hanc : "Et si qua  
de eadem Carthaginensi Ecclesia nuntianda sint ad Provinciam  
Mauritaniam, causa regulae & disciplinae, hoc profiteamur Episcopum Sitisensem debere conveniri, per quem omnes Episcopi in  
Mauritania constituti possint informari". Dum per aliquam Provinciam, aut aliquam ejus Ecclesiam erat quis sacrorum Canonum aut Christianae disciplinae neglectus, correctio spectabat ad Carthaginensem etiam Episcopum. Hic Provinciae Primatem monebat, Primas Episcopum vel Episcopos, in quorum Parochiis disciplina patiebatur. Et hanc Praerogativam laudat Liberatus Byzacii Primas, e sua Jucensi Synodo scribens ad Carthaginensem Bonifacium : "Novimus sapientiam tibi Divinitus infusam, quam praecipue hoc studeas, ut nullus permittatur Ecclesiasticorum Canonum aliquatenus convellere firmitatem, neque cunctis formam praebere

„præbere virtutum, ut terminos Paternis definitionibus constitu-  
tos non negligat servare posteritas". Affirmat ad ipsum spectare  
custodiam Canonum.

Sexta Prærogativa est jus ac obligatio visitandi omnes Africa-  
nas Ecclesias. Etenim Honoratus & Urbanus, Sitifensis Provin-  
ciæ Legati, in nescio quâ Synodo dixerunt ad Prælatum Aure-  
lium: "Et illud nobis verbo mandatum est, ut quia constitutum  
est in Synodo Hipponensi, singulas Provincias tempore Concilii  
visitandas esse, dignemini etiam, quod hoc anno secundum or-  
dinem distulistis, vel alio anno Provinciam Mauritaniam visita-  
re". Et Aurelius respondit: "Nunc de Provincia Mauritania,  
propterea quod in finibus Africæ posita sit, nihil statuimus. Si-  
quidem vicinæ sunt Barbarico. Sed præset Deus, ut ex abun-  
danti non pollicentes, venire possimus ad vestram Provinciam.  
Cogitare enim debetis, quia hoc sibi & Tripolitani, & Arzu-  
gitani Fratres potuerunt exigere, si ratio pateretur". Igitur &  
hoc jus fuit stabilitum in Hipponensi Concilio. Immo non jus,  
sed potius obligatio. Etenim uti Metropolitæ suam Provin-  
ciam, ita Patriarchæ ac Prælati obligantur suis terminis invi-  
sere suas Dioceses. Carthagenensis medio inter duas Synodos  
tempore debebat visitare unam Provinciam. Servato ordine. Hip-  
ponensis Concilii Canones latent aut perierunt. Non habemus,  
nisi quorundam fragmenta aut memorias. Præsens memoria ex-  
stat in Africano Codice, ac item illa collectione, quæ passim ap-  
pellatur Africanum Concilium. Cap. 52.

Septima Prærogativa est, quod Carthagenensis Episcopus per  
omnem Africam potuerit novos Episcopatus erigere. Inter alia  
Africani Cleri vitia fuit ambitio, de quâ ad Aurelium Prælatem  
ac ejus Synodum dixit Epigonius Episcopus: "Plerique tumidi  
, atque stolidi adversus Episcopum suas cervices erigunt Presbyteri,  
, vel conviviis concinnantes plebem, vel sanè persuasum maligno,  
, ut illicito favore eosdem velint sibi collocare Rectores". Quidam  
Parochialium in Oppidis Ecclesiarum Rectores Presbyteri suas plebes  
convivijs, aut alijs artibus alliciebant, divertebant ab affectu in  
Episcopum, atque ita seducebant, ut violenter postularent suam  
Oppidanam Parochiam erigi in Episcopalem Cathedram, ac suum  
Presbyterum sibi dari in primum Episcopum. Et quoniam con-  
sequi desperabant à Prælate aut Synodo suæ Provinciæ, passim



accedeabant Carthaginensem Archi-Episcopum. Hinc enim subdit Epigonius : "Insigne mentis tuæ tenemus votum, Frater religioso „Aureli, qui hæc sæpè oppressisti, non curando tales petitores". Quæstio est, an ista per omnem Africam Aurelius fecerit, an dumtaxat per suam Proconsularem Provinciam? Etenim plura exempla suadent, quod soli Provinciarum Primates citrà Carthaginensis Cathedralæ conscientiam diviserint Episcopatus, ac novos instituerint. Exempla plura habemus in Carthaginensi Collatione: Illic & Donatistæ Catholicos, & hi illos frequenter accusant de erectis novis Cathedralis. Etiam sanctus Augustinus, dum Fussalensem Episcopatum erexit, solius sui Primatis auctoritatem invocavit, nequaquam Carthaginensis Aurelii. Ita disertè scribit in litteris ad sanctum Celestinum Pontificem.

Epist. 261.

Respondeo tamen Epigonium omninò fuisse locutum de cunctis per Africam Provinciis. Etenim rogat tales Episcopatum divisiones ac erectiones deinceps non permitti, nisi de consensu Episcopi, cujus Parochia dividitur. Et hoc juxta antiquum non solum Africanæ, sed omnis sub cœlo Ecclesiæ Canonem : " Multis „Conciliis hoc statutum à Cœtu Sacerdotali est, ut plebes, quæ „ab Episcopis in Diocœsibus retinentur, quæ Episcopos nunquam „habuerunt, non nisi cum voluntate ejus Episcopi, à quo tenentur, proprios recipiant Episcopos". Carthaginenses Primates, etiam invitis Episcopis, quandoque Diœceses diviserant in novos Episcopos : Hoc Epigonius supplicat deinceps non fieri. Nequaquam supplicat non erigi novos Episcopatus, sed solummodò non erigi sine assensu illius Episcopi, qui Diœcesim est perditurus. Et hoc per omnem Africam. Hinc enim Aurelius reposuit : " Fratri & Consacerdotis nostri prosecutioni non obisto, sed hoc „me & fecisse, & facturum esse profiteor, circa eos sanè qui fuerint concordēs, non solum circa Ecclesiam Carthaginensem, sed „circa omne Sacerdotale consortium". Per omnem Africam.

Notanda sunt verba : " Circà eos sanè qui fuerint concordēs". Est limitatio circa factam ab Aurelio promissionem. Epigonius suis precibus addiderat : " Quia nonnulli Dominatu quodam adepti „communionem Fratrum abhorrent, vel certè cum depravati fuerint, quasi in arce quadam Tyrannica sibi Dominatum vindicant, „plerique tumidi atque stolidi adversùs Episcopum Presbyteri „suas cervices erigunt, &c". Affirmat quosdam Episcopos fuisse causam

causam præfati Presbyteralis ambitus, ac popularis conspirationis. Etenim oblici sancti Petri Apostoli Canonem: "Non quasi dominantes in Clero, sed forma Gregis facti ex animo". Hunc, inquam, oblici Canonem agebant Tyrannidem in suum Clerum ac populum: Talem, aut certe similem, qualem à Fussalensi Anthonio fuisse exercitam Sanctus Augustinus desit in præfatis ad Celestinum Pontificem litteris. Ita & Oppidis, & eorum Presbyteris dabant causam cogitandi de novo Episcopatu. Hinc igitur Aurelius sponder fore, ut similibus Oppidorum postulationibus nunquam annuat: Attamen circa Oppida illorum Episcoporum, qui concordēs fuerint cum suis populis, ac ipsos paternè & Episcopaliter tractaverint. Circà Tyrannicè excedentes vult permanere in autoritate, quā afflictis populis & Cleris possit per Episcopatus divisionem impartiri solatia. Ex quo lucet, quod Carthaginensis Primas potuerit, etiam invitis Episcopis, Episcopatus per omnem Africam dividere. An solus potuerit, non aulim affirmare. Adducta exempla fortiter suadent, quod cuncti Primates etiam potuerint in suā Provinciā. Et plurimum faveat quadagesimus sextus Canon tertiæ Carthaginensis Synodi. Præfata Epigonii postulatio, ac Aurelii responsio exstant in hodierno Codice Africanæ Ecclesiæ.

Hæc omnia plurimum illustrat sequens Canon: "Ut plebes, quæ nunquam habuerunt proprios Episcopos, nisi ex Concilio plenatio uniuscujusque Provinciæ, & Primatis, & consensu ejus, ad cujus Diœcesim eadem Ecclesia pertinebat, decretum fuerit, minimè accipiant". Permittit novos Episcopatus erigi. Attamen sub variis conditionibus & consensibus. Primò ex consensu totius Provincialis Synodi. Non alicujus Turmæ, sed totius Synodi. Secundò, ex consensu Primatis. Proinde adversus majorem totius Synodi partem solus Primas reluctari poterat, & obtinere. Tertiò requirebatur consensus etiam proprii Episcopi. Cum eadem Prærogativâ. Quæ omnia locum non habebant adversus Primatem Carthaginensem. Hic solus, & sine Synodo, & sine Provinciæ Primatu, poterat Episcopatum erigere: Quandoque etiam sine consensu Episcopi. Proinde ejus potestas erat veraciter Primatialis. Canon exstat in hodierno Afrorum Codice Cujus Synodi aut temporis sit, ignoratur.

Octavam Prærogativam memoravit, & confirmandam retulit

ad tertiam Carthaginensem Synodum ipse Primas Aurelius : "Con-  
 ,,tingit nonnunquam, ut postulentur ab Ecclesiis, quæ Præposi-  
 ,,tis egent, vel Episcopis vel Presbyteris, & tamen memor Sta-  
 ,,tutorum, id sequor ut conveniam Episcopum ejus, atque in-  
 ,,culcem, quod ejus Clericus à qualibet Ecclesia postuletur. Sed  
 ,,fortè in hodierno non reluctati sunt. Et nequando contingat  
 ,,ut reluctentur, cum fuerint à me in hac causa postulati, quem  
 ,,scitis multarum Ecclesiarum & Ordinandorum causam sustinere,  
 ,,justum est ergò, ut quolibet Confacerdotum conveniam cum  
 ,,duobus è consortio nostro, aut tribus testibus. Si verò inde-  
 ,,votus exstiterit, quid censet Charitas vestra faciendum ? Ego  
 ,,enim cunctarum Ecclesiarum sollicitudinem sustineo". Affir-  
 ,,mat varia. Primum, quod Africana Diocesis laboraret inopiâ  
 Clericorum, ideoque vacantes, & Cathedrales & Parochiales,  
 Ecclesiæ quandoque non invenirent in sito gremio, quem elige-  
 rent in Episcopum aut Presbyterum. Secundò, quod tales Eccle-  
 siæ eligerent aliquem alienum Clericum. Tertiò, quod illum,  
 obtinere desperantes, non postularent ab ejus Episcopo, sed à  
 Carthaginensi, communi omnium Patre. Quartò, quod Cartha-  
 ginensis Episcopus sæpè habuerit potestatem admittendæ ac exe-  
 quendæ istius postulationis. Quintò, quod tamen huic potestati  
 statutum sit, ut Primas id non faciat, nisi audito & consulto  
 Episcopo, cujus Clericum debet eripere ac transferre. Sextò,  
 quod hæc moderatione sit semper usus. Immo quod ipsâ conten-  
 tus non fuerit, sed post passam in primâ consultatione repulsam  
 processerit ad secundam, & quidem adhibens testimonium ac preces  
 duorum vel trium Collegarum. Septimò, quod nullus huc usque  
 Episcopus pertinaciter recalcitraverit, ac speret fore, ut nemo  
 recalcitret. Addit tamen hoc esse possibile. Hinc quærit, quid  
 Synodo placeat in tali casu : Quomodo & qualiter velit à Car-  
 thaginensi Primatu procedendum ?

Et Numidius Maxulitanus Episcopus respondit : "Fuit semper  
 ,,hæc licentia huic Sedi, ut unde vellet, & de cujus nomine fuisset  
 ,,conventus, pro desiderio cujusque Ecclesiæ ordinaret Episco-  
 ,,pum". Respondit de sola alieni Clerici postulatione in Episco-  
 pum. Hinc Epigonius Episcopus adjunxit : "Bonitas sequestrat  
 ,,possibilitatem. Minus enim præsumis, Frater. Et cum te bo-  
 ,,num & clementem omnibus reddis, habes enim hoc in arbitrio,  
 satis

„fatis est ut satisfiat personæ uniuscujusque Episcopi in primâ  
 „tantum conventione. Si autem quodlibet huic Sedi vindican-  
 „dum fuerit sibi arbitratus, necesse tu habes omnes suffulcire  
 „Ecclesias. Undè tibi non potestatem damus, sed tuam assigna-  
 „mus, ut liceat voluntati tuæ semper & tenere, quem voles, ut  
 „Præpositos plebibus vel Ecclesiis constituas, qui postulati fuerint :  
 „Et unde voles”. Dicit plura. Primò, quod Carthaginensis  
 Primas tales, non solummodò Episcopales, sed etiam Presbyte-  
 rales electiones potuerit confirmare & exequi. Secundò, quod  
 Episcopus, cui eripiendus erat Clericus, non pluries, nec cum  
 Collegis conveniri debuerit, sed dumtaxat semel, à solo Cartha-  
 ginensi. Tertiò, quod refragante Episcopo habuerit plenam au-  
 thoritatem procedendi ex arbitrio. Quartò, quod ab indigenti  
 Ecclesiâ, etiam citra electionem, postulatus potuerit Clericum  
 dare, & quidem ex quâ volebat Ecclesiâ. Etenim ad ipsam specta-  
 bat omnes Ecclesias suffulcire. Non solummodò quoad Presbyteros  
 sed quoscumque Clericos. Epigonius addit hanc fuisse perpetuam  
 Carthaginensis Cathedralis potestatem.

Posthumianus Episcopus unicum contra hæc adduxit scrupu-  
 lum : “ Qui unum habuerit, nunquid debet ipsi ille unus Pres-  
 „byter auferri”? Et Aurelius respondit : “ Episcopus unus esse po-  
 „test, per quem dignatione Divinâ Presbyteri multi constitui  
 „possint; unus autem Episcopus difficilè invenitur constituendus.  
 „Quapropter si necessarium Episcopatu quis habet Presbyterum,  
 „& unum habuerit, etiam ipsum ad promotionem dare debebit”.  
 Responsio est lucida. Ex ipsâ discimus Africanam Ecclesiam  
 fuisse Cleri adeò indigam, ut plures Cathedrales Ecclesiæ non  
 haberent, nisi unicum Presbyterum. Hinc Posthumianus per-  
 rexit : “ Ergò si habet alius abundantes Clericos, debet mihi  
 „alia plebs subvenire”. Et Aurelius reposuit : “ Sanè. Quo-  
 „modò Ecclesiæ alterius tu subveneris, persuadebitur illi, qui  
 „plures habet Clericos, ut unum tibi ordinandum largiatur”.  
 Ex quo vides Carthaginensis Primatis in transferendis Clericis  
 potestatem fuisse universalem, nullatenus adstrictam ad electio-  
 nem in Episcopum aut Presbyterum. Hinc item vides funda-  
 mentum, ex quo Valerius Hipponensis Episcopus circa suum  
 Presbyterum Augustinum fecerit, quod in hujus vitâ scribit  
 sanctus Possidius : “ Valerius metuere cepit, ne Augustinus ab

alia

„aliâ Ecclesiâ, Sacerdote privatâ, ad Episcopatum quæreretur, & „sibi auferretur“. Hinc illum sibi adhuc vivo curavit contra Canones superordinari in Co-Episcopum.

Hanc Carthaginensis Episcopi potestatem frequenter admiratur, ac laudat Theodorus Ballamon. Affirmat eandem esse in Pontifice Romano, ac Patriarcha Constantinopolitano, ideoque esse singularem, ac supremè Patriarchalem. Ejus testimonia supra adduximus. Ista tamen potestas, ac per ipsam facta Clericorum translatio plures lites caulavit in Africa. Quas omnes per introducta Monasteria, ac mirificè statim multiplicata, exstinxit sanctus Augustinus. Etenim omnes Episcopo aut Clero indigentes Ecclesiæ cœperunt ex istis Monasteriis eligere, & accipere. De primo ac novello adhuc Hipponensi Monasterio scribit laudatus Possidius: „Proficiente doctrinâ Divinâ, sub sancto & cum Sancto Augustino in Monasterio Deo servientes, Ecclesiæ Hipponensis Clerici ordinari cœperunt. Ac deinde magno desiderio, poscere atque accipere Episcopos & Clericos pax Ecclesiæ atque unitas & cœpit primò, & postea consecuta est. Nam fermè decem Augustinus diversis Ecclesiis, nonnullis quoque emimentioribus, rogatus dedit“. Et infra scribit de morientis Augustini testamento: „Clerum sufficientissimum Ecclesiæ dimisit“. Utique è suis Monasteriis.

Nona Prærogativa est, quod Carthaginensium Primas posset generales suæ Gentis Synodos indicere, determinare tempus & locum, eisdem præsidere, ac ibidem habere jus Relationis ac Prærogativam suffragii. Lucet ex cunctis, hodie exstantibus, generalibus Synodis istius Diœceseos. Admodum notabile est, quod ista etiam Electus potuerit, ante consecrationem. Hoc patet ex quartâ sancti Martini Pontificis epistolâ, quâ suæ Lateranensis Synodi Acta transmisit in Africam. Epistola enim habet hanc Epigraphen: „Electo spiritali consensu Catholicæ Carthaginensium Ecclesiæ, & omnibus, qui ei subunt, Episcopis, Clericis, Populisque Christi amantibus“. Electus ille fuit Victor, Successor Fortunii. Hic necdum consecratus contra Monothelitas fecerat Synodum, & ipsi sanctus Pontifex respondit. Facta Synodus lucet ex his epistolæ verbis: „Vos merito de sincero affectu amplectimur, maximè cum, tanquam perennes lucernas, confessionis vestræ characteres exposueritis Sedi

„Sedi Apostolicæ per Synodales litteras vestras“. Notanda sunt verba. Etiam præfata epigraphæ. Affirmat ex singulari Catholice fidei zelo Victorem fuisse electum, ex eodem statim fecisse Synodum, retulisse Romam, atque ita semetipsum Romanæ Ecclesiæ etiam ante consecrationem commendasse. Erat res extra consuetum cursum. Sanè innuit ea omnia fuisse acta contra Fortunium, tunc Carthaginensem Ex-Episcopum, cum Paulo Patriarchâ, Monothelitarum Principe, degentem Constantinopoli. Innuit quod Fortunius non ob civilem causam, sed ob Monotheliticam hæresim fugerit, aut fuerit ejectus ex Africâ, abierit Constantinopolim, ac istic fuerit à Symmysta Paulo honoratus. Videtur fuisse peruersus a b Ex-Patriarcha Pyriho. Item contra ipsum videntur tunc factæ singularum Provinciarum Synodi. Res non spectat ad præsentem materiam.

Decima Prærogativa à quibusdam putatur, quod nullus Episcopus Africanus potuerit ultra mare, nec ad Comitatum, immò nec ad Apostolicam Sedem proficisci sine venia ac Formatâ Carthaginensis Archi-Episcopi. Intra Africam Clericus aut Laicus cum sui Episcopi, Episcopus proficisci ac peregrinari poterat cum Formatâ sui Provincialis Prælati; sed ad transeundum mare necessaria erat facultas Archi-Episcopi. Hæc Prærogativa non caret suis fundamentis. Attamen si cuncti Canones maturè perpendantur, videtur non subsistere. Trans-Marina peregrinatio videtur fuisse ejusdem formæ cum facienda intra Africam. Proinde decima Prærogativa est, quod Carthaginensis Episcopus quibuscumque Synodalibus litteris ac Mandatis solus subscriberet. Undecima erat, quod omnibus per Africam Ecclesiis diem Paschalem quotannis denuntiaret. Duodecima erat, quod etiam quorumvis Monasteriorum Monachos posset transferre, ac evehere in Clerum. Decima tertia erat, quod à quovis Monasterio potuerit eligi in immediatum Superiorem. Etiam excluso proprio Episcopo. Quæ potestas etiam fuit Romanæ Ecclesiæ. Ita Adrumetinum, in Sancti Augustini Scriptis notissimum, Monasterium illi semper immediatè subsuit. Hæc sunt alterius loci.



## CAPUT VII.

*Exponitur antiquitas Archi-Episcopalis  
Pallii.*

Anctus Leo nonus inter alias Carthaginensis Archi-Episcopi ponit dignitates, quod solus in Africana Ecclesia habuerit Pallium, ipsumque olim acceperit à Sede Apostolica. Hæc exponi non possint, nisi quædam dicamus de origine & natura istius Pallii. Dominus Petrus de Marca etiam hic docet nova & paradoxa. Audiamus

L. 6. C. 6. verba : "Cum materia isthæc digna sit Eruditorum hominum curiositate, dicam primum, quid ipse sentiam de origine Pallii. Tunc aperiā, quo primum tempore necessitas ejus introducta sit. Ac mihi quidem tria præcipuè notatu digna observasse videor. Primum, initio Pallium aliâ prorsus formâ compositum fuisse, quam illud, quod hodie in usu habetur. Secundum, Pallium antiquitus fuisse genus quoddam Imperatorii indumenti, cujus usum Imperatores permisere Patriarchis, à quibus dein communicatum est cum Metropolitanis". Describit hodierni Pallii formam, & prosequitur : "Priscum verò Pallium erat indumentum præclarissimum & fulgens, quod ad terram dimittebatur. Quod me facilius comprobaturum esse confido, si prius explicavero varia nomina indumenti hujus apud Veteres. Apud Latinos quidem Pallium constanter appellatum est, apud Græcos verò Omophorion, hoc est, Super Humerale, & Phelonion. Omophorii tamen vox ambigua est. Quippe interdum significat vestem quandam laneam, quam Episcopi ut plurimum humeris suis imponebant extra Sacrificii tempora, saltem apud Orientales, aliquo modo similem ei Palliolo, quo hodie utuntur Episcopi nostrates. Omophorii hujus mentionem facit Isidorus Pelusiotus, qui adnotat illud laneum idèd fuisse, ut ostendatur quantam gregis sibi commissi curam gerere debeant Episcopi. Effigiem ejus exhibet vetus numisma Imperatoris Theodosii apud Fulvium

„Fulvium Ursinum, in quo beati Apostoli Philippus & Joannes  
„habitu Episcoporum representantur, capite raso, & cum Pal-  
„liolo illo crucibus ornato, & adpectus usque pertingente, po-  
„sito volumine quodam in manu dextra, & cruce in sinistra”.

Dominus Archiepiscopus est semper unus & idem: In omni  
materia seminat novitates atque errores. Primus est, quod Omop-  
horion, de quo sanctus Isidorus Pelusiores, sit hodiernum nostratium  
Episcoporum Palliolum, sive Mozzetta, quo Græcorum  
Antistites utebantur olim extra Sacrificii tempora. Error lucet  
ex sancti Isidori verbis: “Id autem amiculum, quod Sacerdos

Lib. 1.

„humeris gestat, atque ex lana, non ex lino contextum est, ovis

Epist. 136.

„illius, quam Dominus aberrantem quæsit, inventamque hu-

„meris suis sustulit, pellem designat, & pscopus enim, qui Christi

„Typum gerit, ipsius munere fungitur, atque ipso etiam habitu

„illud omnibus ostendit, se boni illius ac magni Pastoris imita-

„torem esse, qui gregis infirmitates sibi ferendas proposuit. Ac

„diligenter animum intende. Nam cum ipse verus Pastor per

„adorandorum Evangeliorum apertionem accedit, tunc demum af-

„surgit, atque imitationis habitum deponit. Hinc nimirum Do-

„minum ipsum, Pastoralis artis Ducem, ac Deum & Herum

„adesse significans”. Sanctus Isidorus affirmat varia. Primò,

quod istud Episcopale amiculum, seu Omophorion sit vestis imi-

tationis. Secundò, quod sit ex lana ovina. Tertiò, quod ista

lana, Episcopalis humeris imposita, significet ovem perditam,

quam Christus Dominus quæsit, invenit, redemit, imposuit hu-

meris, atque ita reportavit ad salutis gregem, ac Paradisi ovile.

Quartò, quod istam lanam indutus Episcopus representet Chri-

stum Dominum, istâ ove onustum portatorem. Quintò, quod

ad solemnem sancti Evangelii in sacrificio recitationem Episcopus

deponat istud Pallium. Ex depositionis ratio est, quod Evangelium

sit quasi ipse Christus Dominus, ideoque ipso præsentem non sit

opus vicariâ imagine. Quoritu Græci etiam hodiè utuntur. Non

utuntur Omophorio, nisi intra Sacrificium. Magnus Gregorius

in literis ad Joannem Ravennæ Archi Episcopum affirmat istum esse

morem totius sub cælo Ecclesiæ. Ex quibus omnibus lucidissi-

mè patet sanctum Isidorum nullatenus de Mozzetta, sed loqui

de sacro Episcoporum Pallio, ideoque Petrum de Marca insigni-

ter deniare.



Secundus error est, quod antiquum Græcorum Omophorion fuerit idem cum Phenolio. Etenim Phenolion apud Græcos est duplex. De primo habent Rubricæ ad Liturgiam sancti Joannis Chrysostomi: "Post hæc Sacerdos accipiens Phenolion, & benedicens exoscolatur". Latinus interpres vertit, "Casulam". Jacobus Goar in scholiis ad Græcorum Euchologion advertit istam vocem à quibusdam per dyphthongum, à quibusdam scribi per simplicem literam, & adjungit: "Quo quo modo scribatur, Casulam sive Planetam interpretamur. In utraque autem Ecclesia, & eundem usum, & eandem formam obtinuerunt". De secunda Phenolii specie habet ritus ordinandi Lectorem & Cantorem: "Et Pontifex Phenolio accepto induit illum". Latinus Interpres denuò vertit, "Casulâ". Exponit in libro de sacris ordinationibus Simeon Archi-Episcopus Thessalonicensis: "Lector obtinuit vestem, Camisiam vocatam, quæ ad parvæ Casulæ, vel certè Tunicæ modum, è lino conficitur, primamque Sacerdotii delibationem demonstrat. Parva est propterea. Dei protectionem menti repræsentat. Vel purpurea est, propter purpureum Christi indumentum; vel candida, propter Sacerdotii puritatem & lumen, quo resplendet". Est idem, quod apud nos Alba. Græci non Albam, sed Camisiam vocant: Quod nempe apud ipsos in jejuniis diebus, ac defunctorum officiis sit rubra, seu purpurea. De eodem Phenolio habet ritus ordinandi Subdiaconum: "Ordinandus in Subdiaconum Episcopo offertur, Phenolio indutus". Latinus Interpres vertit, "Tunicâ". Jacobus Goar exponit: "Phenolion, de quo præsens Textus sermonem habet, non est Casula Sacerdotalis, sed Lectoris vestis propria, Tunica è lino candida, vel certè purpureo colore tinctâ, quam Simeon Thessalonicensis sæpiùs vocat Camisiam, à qua & quidam Officiales sunt dicti Camisati". Nempe in Subdiaconum Ordinandus proccedit, & Episcopo offertur in sacro Lectoris habitu, qui est parvum Græcorum Phenolion: Nos dicimus Albam. Cur parvum dicatur, exponit laudatus Goar: "Ad alterius Phenolii, Casulæ nimirum Sacerdotalis, quæ cæterorum indumentorum finis, & ultimò assumenda, differentiam". Phenolion itaque est duplex: Parvum & magnum. Initiale, & finale. Finale seu Sacerdotale subdividitur in Presbyterale ac Episcopale. Istud est simplex ex lana, hoc est Polytaurion, seu insignitum pluribus crucibus. Ipsi

Omo-

Omophorion superponitur. Quare Dominus Archi-Episcopus palam labitur, dum Phenolion affirmat fuisse aut Mozzettam, aut sacrum Omophorion.

Tertium Domini Archi-Episcopi errorem aliqui censent esse, quod dicat Græcorum Antistites olim fuisse usos Mozzetta, aut simili laneo Palliolo. Etenim in Lausiaca historia Palladius Helenopolitanus Episcopus scribit sanctum Athanasium fuisse usum Tunica & Byrrho. Quid sit Tunica, exponit in suis Annalibus sanctus Martyr Theophanes, scribens Athanasium fuisse accusatum, quod gereret vestem lineam. Nos latini hodiè appellamus Rochetum. Græcorum Episcopi non utuntur. Sanctus Athanasius haud dubiè sumperit à Latinis, quorum ob plures causas fuit amicissimus. Quid Græci per Byrrhum intelligant, docemur à Synodo Gangrensi: "Si quis vir ob eam, quæ existimatur pietatis exercitationem utatur Peribolæo, id est, amictu Pallii, & velut in hoc iustitiam constituens condemnet eos, qui cum pietate Byrrhis, & alia Communiac solita veste utuntur, anathema sit". Pallium est stricta, Byrrhus erat vestis ampla, talaris, & longa. Hinc sanctus Gregorius scribit Neophytos, dum è sacro Fonte ascendunt, indui Byrrho albo. Id est, larga sabana. Etiam Latinos Episcopos olim fuisse vestitos Byrrho, liquet ex sancti Augustini sermonibus de communi vita Clericorum. Episcopalem suum Byrrhum Græci jampridem appellant Mandyam undulatam. Mozzetta apud ipsos nulla est memoria. Attamen hæc omnia aliter exponuntur ab aliis. Et tolerabiles opiniones ego nolim censere erroris. Quidquid sit, nemo unquam Græcorum Mozzettam dixit esse Episcopalem Omophorion.

Quare tertius Domini Archi-Episcopi error est, quod sacrum hoc Omophorion sit ornamentum Patriarchis permixtum ab Imperatoribus. Etenim ad sanctum Ignatium Patriarcham Constantinopolitanum scripsit Theodosius Patriarcha Hierosolymæ: "Poderem, & Super-humerale cum Mitra, Pontificalem stolam sancti Jacobi Apostoli, & Fratris Domini, & primi Archi-Episcoporum, quam Antecessores mei Patriarchæ circumamicti in Sancta Sanctorum ingrediebantur, Sacerdotio fungentes, tuo desiderabili ac honorando mihi Capiti ex amore & dilectionis copia transmisi". Epistola exstat in prima actione octavæ Synodi. Eadem de re scribit in sancti Ignatii vita Nicetas Paphlago:

Ignatius mortalem vitam reliquit. Statim igitur non tam fu-  
 „nus, quam vitam curant, illumque sacro Patriarchæ ornatu  
 „domestici ex more vestiunt, & venerandum Jacobi Fratris Do-  
 „mini Super-humerale cum veneratione illum induunt, quod ante  
 „aliquot annos Hierosolymis sibi missum tantâ veneratione pro-  
 „secutus est, ac si ipsum Jacobum Apostolum, & primum in eo  
 „Humerali Pontificem spectaret. Hoc propterea voluit secum se-  
 „piliri. In ipsius Encomio scribit etiam Michael Syncellus:  
 „Ferunt Ignatium, postquam creatus est Patriarcha, divi Jacobi,  
 „Fratris Domini, Super humerale nactum, sæpè, dum viveret,  
 „eo ornatum, ac Sacris in ipso operatum, & post mortem cum  
 „eodem sepultum. Et in Nestorianæ ac Eutychianæ hæresis Bre-  
 „viario scribit Liberatus Carthagenensis Ecclesiæ Archi-Diaconus:  
 „Consuetudo est Alexandriæ, illum Patriarcham, qui defuncto  
 „succedit, excubias super defuncti corpus agere, manumque ejus  
 „dexteram capiti suo imponere, & sepulto manibus suis, accipere  
 „collo suo beati Marci Pallium, & tunc legitimè sedere. Affir-  
 „mat istud ipsum, quo sanctus Marcus fuerat usus, Pallium sem-  
 „per transivisse de Successore in Successorem. Quæ successio usque  
 „ad Theodosiam Patriarcham omnino fuit etiam Hierosolymæ.  
 „Sanctum similiter Petrum Apostolum fuisse usum Pallio demon-  
 „strant antiquissimæ Imagines. Quapropter ipsum non est Impe-  
 „riale beneficium, sed Institutum Apostolicum. Apostoli per ip-  
 „sum demonstrarunt ac prædicarunt Zelum, quo verus Pastor  
 „perditas oves reportat in humeris, debere in Episcopis, præfer-  
 „tim Patriarchis ardere. Ex eodem principio Romana olim Ec-  
 „clesia istam veri Pastoris Effigiem sculpsit, ac prædicavit in suis  
 „sacris Calicibus. Ita testatur Tertullianus in libro de Pudicitia.  
 „Et eandem, quasi in ipso Pontifice repræsentatam, Parabolam  
 „laudat in alio ejusdem libri capite. Eruditi quidam censent ipsum  
 „alludere ad Pallium. Quidquid sit, ex jam adductis constat istam  
 „repræsentationem fuisse in sanctis Apostolis.

Dominus Petrus de Marca pergit: "Aliàs Omophorion ac-  
 „cipitur pro indumento Patriarcharum, quod Latini Pallium  
 „appellant. Hoc autem indumentum usque ad talos dimitteba-  
 „tur. Descriptionis hujus probatio sumitur ex Zonara, qui in  
 „vita Constantini Copronymi ait Anastasium, insistentem vestigiis  
 „Germani Patriarchæ, Omophorion ejus calasse, ut eum admo-  
 „neret,

„neret, ne festinaret. Sanè vox ipsa Pallii evincit illud fuisse  
 „indumentum integrum, non autem fasciolas aliquot laneas, ut  
 „probatur ex Pelagio, & Gregorio primo, Pontificibus Romanis,  
 „qui docent istud fuisse vestem augustam, quæ haud vulgari more  
 „ornaret eum, qui ipsa utebatur. Pelagii enim primi verba hæc  
 „sunt ad Sapaudum Arelatensem Episcopum scribentis": Pallium  
 dirigentes, ut in tanti loci fastigio constitutus, præclaro quoque  
 habitu decoreris. "Gregorius verò Pallium esse dicit" habitus  
 exterioris clariorem cultum, indumenti munificentiam, "ad Sya-  
 „grium Augustodunensem scribens, quem statim admonet necesse  
 „esse", ut cultui vestium actionis quoque ornamenta conveniant.  
 "Et scribens ad Marinianum Ravennatensem Episcopum, eadem  
 „eum meminisse monet his verbis": Sic eris alterno invicem de-  
 core conspicuus, si ad hujusmodi corporis habitum mentis quoque  
 bona conveniant. "Quæ loca manifestè probant Pallium fuisse indu-  
 „mentum præclarissimum, non verò fasciolas solum laneas.

Variè iterum labitur. Primus lapsus est, quod istius descrip-  
 tionis probatio desumatur ex Omophorion sancti Germani. Etenim  
 ad Joannem Ravennæ Metropolitam scripsit magnus Gregorius:  
 "Illud tibi non putamus ignotum, quod penè de nullo Metro-  
 „politano in quibusslibet Mundi partibus sit auditum, extra Missa-  
 „rum tempus usum Pallii sibi vindicasse". Affirmat esse constan-  
 tem & perpetuam consuetudinem universalis Ecclesiæ. Ipsam sente-  
 per viguisse etiam apud Orientales, in libro de sacris Ordinationibus  
 disertè testatur Simeon Archi-Episcopus Thessalonicensis: "A prin-  
 „cip O Missæ, & in exaltatione Divini Panis, & in ordinationibus,  
 „& in aliis sacris Mysteriis Episcopus Pallio semper ab homeris in  
 „orbem cingitur". At verò Anastasius Syncellus sancti Germani  
 vestem calcavit extra Ecclesiam. Ergo ipsa non fuit Pallium. Au-  
 diamus rem à Georgio Cedreno: "Aliquando Germani, in Re-  
 „giam euntis, stolæ oram Anastasius calcavit". Etiam in Græ-  
 co textu est stola, non Omophorion. At verò stola erat vestis  
 honestissima, manicata, talaris, fluens usque ad terram. Fâ un-  
 tur etiam hodiè Græcorum Episcopi. Erat quidem mulieribus  
 propria, quod tamen ista vox virilem vestem aliquando signifi-  
 caverit, licet ex Evangelio, ubi legimus sanctos Angelos appa-  
 ruisse in stola candida. Et similes stolæ nobis promittuntur in  
 futura vita. Fateor Joannem Zonaram scribere, quod Anastasius  
 calca-

calceaverit sancti Germani Omophorion : Vocem largè accipit pro quavis veste humerali. Unde & Latinus Interpres transtulit : "Cum aliquando Germanum à tergo sequeretur Anastasius, & vestem ejus pedibus calcassèt". Proinde erat Mandya sancti Germani. Dominus Archi-Episcopus videtur asserere id factum, ut Anastasius admoneret Germanum. In quo dupliger errat. Etenim Germanus admonuit Anastasium. Nec calcatio est facta in istum finem, sed ex ejus casuali eventu assumpta est admonendi occasio. Nec sub Constantini Caballini, sed evenerunt sub Imperio Leonis Isauri. Attamen hi errores non spectant ad notitiam Pallii.

Num. 19.

Secundus error est, quod ipsa Pallii vox evincat ipsum fuisse indumentum integrum, non autem laneas aliquot Fasciolas. Joannes Morinus in Adnotationibus ad sacras Græcorum ordinationes scribit aliquid non absimile : "Antequam enarrare incipiamus, notabit Lector nomine Pallii hic nihil minùs significari, quam quod mente prius concepit. Pallium enim vestis oblonga est, humeros & totum corpus, aut maximam illius partem tegens. Sed Pallium Ecclesiasticum Latinum est fascia lancea, duos aut tres digitos lata". Describit & Latinum & Græcum Pallium, atque concludit : "Quamquam igitur nihil sit illis cum Pallii ministeriis commune, antiquus tamen usus obtrivit ut utrumque Pallium diceretur". Est incongrua doctrina. Etenim Ecclesia vocem istam non assumpsit sine fundamento. Ipsum exponit in decimo nono originum libro sanctus Isidorus Archi-Episcopus Hispalensis : "Pallium est quo administrantium scapulæ conteguntur, ut dum ministrant, expeditius discurrent". Et infra : "Dicitur autem Pallium à pellibus. Quia prius superindumenta pellicea veteres induebantur, quasi pellea". At verò Ecclesiasticum Pallium contegit administrantium Episcoporum scapulas, & esse ovinam pellem audivimus supra à sancto Isidoro Pelasiota : Ergo ejus significatio non est heteroclita.

Tertius error est, quod Pelagius Pontifex, ac ejus Successor Magnus Gregorius in suis literis loquantur de alia Pallii specie : De veste integra & talari. Est fatua assertio. Omnes, & quidem in magno numero, Gregorii epistolæ clamant oppositum. Clamant Gregorium loqui de Ecclesiastico Pallio, de modicis fasciis. Loquitur enim de Pallio, quod ipse gessit : Istud ipsum haud dubiè transmisit omnibus, aut certè pluribus per suum Patriarchatum Me-

tropo-

tropolitis. Ipsum in ejus vita describit Joannes Diaconus Romanæ Ecclesiæ: "In eo quod Pallium ejus bysso candente contextum, nullis fuisse cernitur acubus perforatum, sic ipsum circa scapulas devolutum fuisse, non autem confixum dignoscitur, sicut vestustissimis musivis, vel picturis ostenditur". Dominus Archiepiscopus laudat hoc testimonium, ideoque mirum est, quod ipsi non aperuerit oculos. Certè Magnus Gregorius in litteris ad Syagrium Episcopum Angustodunensem laudat, & transmittit istud ipsum Pallium, de quo postea ad Lotharium Imperatorem rescripsit Leo IV. "Mandastis ut Privilegium & Pallium Altheo Episcopo concederemus. Unde poscimus, ut vestra super hoc Magnitudo non indignetur. Quoniam quod ab ipso Sanctissimo Papa Gregorio usque ad hæc tempora nostra factum minimè recordamur, facere non potuimus. Neque præfixos Patrum terminos immutare". Altheus erat Augusto-Dunensis Episcopus, ideoque per Imperatorem Lotharium tentavit à Leone IV. impetrare istud ipsum Pallium, quod ejus Prædecessor Syagrius obtinuerat à Magno Gregorio. Et quis humanà mente adeo excidat, ut credat integram ac Imperialem vestem fuisse ab Altheo postulatam? An Leo postea concesserit, ignoro. Interim Augusto-Dunenses Episcopi hodiè habent gratiam Pallii. Et constanter credunt à se geri istud ipsum, quod Gregorius transmissit Syagrio.

Quartus D. Archi-Episcopi error est, quod ex magni Gregorii verbis, affirmantibus Pallium esse eximium Episcopi Ornatum, concludat ipsum fuisse non laneas fasciolas, sed plenum hominis indumentum. Etenim uti quædam vocabula non propter literas, ex quibus componuntur, sed ob res significatas sunt sacra vel prophana, honesta vel inhonesta, ita & quædam vestimenta. At verò Episcopalis Pallii significationem supra audivimus ab Isidoro Pelusiota. Eandem laudat in rerum Ecclesiasticarum Theoria sanctus Germanus Patriarcha Constantinopolitanus: Humerale, quo Episcopus circumdatur, significat ovis pæscem, quam errantem cum Dominus invenisset, assumpsit. Habet autem cruce, quia Christus super humeros gestavit ovem suam. Et in libro de sacris ordinationibus Simeon Archiepiscopus Thessalonicensis: "Pallium manifestè significat Dei Verbi incarnationem, quoniam nos, ovem perditam, inveniens

super humeros portat, naturamque humanam integram indu-  
tus, eamque sibi coadunatam Deificavit, atque id ipsum quod  
assumpserat, per Crucem & mortem Patri pro nobis obtulit,  
& luscitans nos exaltavit. Ideo Pallium circumfert cruces,  
& lana textitur, & collo ac humeris Episcopi imponitur". Et  
in libro de Missa ac templo scribit Pallium esse tantæ dignitatis,  
ut in splendida magni introitus pompa primum locum teneat,  
& agat ducem: "Pallium cruce insignitum præcedit". Et ad-  
jungit causam: "Quod signum Jesu sit, & ipsum Jesum de cælo  
ostensum iri hominibus præfiguret". Propter has significatio-  
nes affirmat Pallium, laneas fasciolas, "esse præcipuum & San-  
ctissimum ornamentum.

Nihilominus D. Archi-Episcopus pergit: "Præterea Pallium  
illud fuisse verè Pallium, hoc est, aliud quàm exiguam fasciam,  
colligi potest ex iis, quæ refert Liberatus in capite decimo octavo  
Breviarii, scilicet sententiam damnationis à Felice Papa latam  
adversus Acacium Patriarcham Constantinopolitanum, quam  
is recipere noluerat, Pallio ejus alligatam fuisse à quodam Mo-  
nacho, dum Acacius ad celebranda Sacra ingrederetur: Ita  
ut cogerentur, inquit, qui eas, "id est, Felicis literas adversus  
Acacium". detulerant, per quemdam Monachum Accemeten-  
sem ipsam damnationis chartam, dum ingrederetur ad celebranda  
Sacra, suspendere in ejus Pallio, & discedere. "Quibus addi  
potest locus Joannis Diaconi ex vita S. Gregorii, cujus autho-  
ritas efficiet, ne temerarius esse videar in hac sententia pro-  
ferenda, simulque ostendet jam ejus ævo discrimen ingens fuisse  
inter Pallium veterum, & illud quod ejus tempore in usu erat.  
Affirmat enim B. Gregorium in veteribus picturis videri indu-  
tum Pallio ex bysso candenti contexto, & nullis acubus per-  
forato, quod in morem vestis humeros ejus operiebat". Ad-  
ducit superius laudata verba Joannis.

Respondeo Græcum & Latinum Pallium in quibusdam conve-  
nire, in quibusdam distingui. Utrumque est laneum, & cruci-  
bus insignitum. Singularem Græci formam compendio describit  
in Annotationibus ad Græcorum ordinationes Joannes Morinus:  
"Græcum Pallium est longa fascia, ejusdem cum latino, aut paulò  
majoris latitudinis, nempe trium digitorum, primò collum  
involvens, deinde à collo per medium pectus longè infra genua descen-

„descendens“. Eodem modo altera ejus pars descendit per medium dorsum. Disertè hoc scribit Simeon Thessalonicensis: „Collo „& humeris Episcopi imponitur. Circa humeros antè & postè-  
rius“. Et tale Pallium gestavit magnus Gregorius. Et plures Romani Pontifices, ac alii Latinorum Episcopi. Quare utriusque Pallii usus videtur olim apud nos fuisse promiscuus. Insuper Latinum Pallium olim fuit longum, descendens usque ad oras Casulæ. Ita lucet ex antiquis per omnem latinam Ecclesiam picturis. Romanus Patriarchatus comprehendit plures Græcas Provincias: Nempe totum Orientale Illyricum. Hinc igitur Romani Pontifices, quoniam & Latinis & Græcis debebant transmittiere Pallia, possint utrâque specie fuisse indifferenter usi.

Quare primus D. Archi-Episcopi error est, quod Joannes Diaconus dicat magni Gregorii Pallium fuisse instar vestis. Etenim Joannes disertè scribit ipsum fuisse devolutum circa solas scapulas. Scribit ejus nullam à sui temporis Pallio fuisse differentiam, nisi quod esset ex lino contextum, & nullis acubus affixum, sed devolutum. Hoc est, quod esset non latinum, sed Græcum. Et ita lucet ex antiqua sancti Gregorii pictura, quam vulgavit Frater Angelus Rocca, Episcopus Tagastensis. Joannes non scribit fuisse Byssinum: Sic enim non potuisset significare ovem perditam. Scribit fuisse ex bysso contextum, id est, intertextum. Texturæ fundus erat byssinus. Cujus singularitatis radicem ignoro.

Secundus error est, quod Acœmetensis Monachus Felicis tertii sententiam affixerit Episcopali Pallio Acacii. Istæ res incertæ, ideoque sine errore non possint asseverari. Dubium faciunt hæc verba: „Dum ad celebranda Sacra ingrederetur“. Dubium est, an agant de solenni processu ex Vestuario ad Altare, an de processu à domo ad Ecclesiam. Certe in priori processu Diaconi combinati ducunt agmen, Episcopus hinc inde suffulcitur à Diaconis, & Presbyteri ipsum subsequuntur. Ita scribit Simeon Thessalonicensis. Quomodo igitur Monachus potuisset isthic affigere chartam Pallio Acacii? At verò posterior processio fiebat cum unico Diacono, ideoque erat aptior affixionem admittere. Porro tunc Acacius non erat indutus Episcopale Omophorion.

Quidquid sit, Græcorum Omophorion fuit semper idem. Lucet ex testimonio sancti Isidori Pelusiota. Et ex sexta Synodo, quæ adversus Macarium Antiochiæ Patriarcham exclamavit: „Macarius



## CAPUT VIII.

*An sacrum Archi-Episcoporum Pallium sit Imperiale  
Donum ac Beneficium?*



Ominus Archi-Episcopus affirmat : " Alterum  
„quod mihi observasse videor notatu dignum,  
„nempe Pallium esse genus quoddam Impera-  
„torii indumenti, cujus usum Imperatores per-  
„misere Patriarchis, primâ fronte videri posset  
„audaciæ plenum, nisi fide-jussores optimos da-  
„rem. Ecclesia namque Romana ita esse fatetur,  
„quæ Constantini donationem, ubi scriptum est Pallium Roma-  
„no Pontifici tributum beneficio istius Imperatoris, Decreto Gra-  
„tiani insertam suscepit. Assentior planè viris eruditis, qui dona-  
„tionem illam falsi arguunt, eo in primis argumento, quod à  
„Constantino esse facta dicitur. Fatendum est nihilominus vetus  
„esse monumentum illud, & antecedere tempora Caroli Calvi, con-  
„trâ quàm visum est his, qui antiquitatem ei maximam tribuere  
„existimant, cum jam in rerum natura fuerit ævo Adriani primi,  
„& Caroli magni. Sufficit in præsentiarum, quod donatio illa,  
„cujus auctoritas semper vixit in Romana Ecclesia, donec technâ  
„ista detecta est, originem Pallii tribuit Imperatoribus. Id enim  
„probat eam octingentos per annos invaluisse opinionem, & ob  
„hoc ipsum non posse argui novitatis. Arte tamen quâdam,  
„& industriâ opus est, ut Pallium in hac donatione deprehendi  
„possit. Existimat deprehendi in his verbis : " Deindè Diade-  
„ma, videlicet coronam capitis nostri, simulque Phrygium, nec  
„non Super-Humerales, videlicet Lorum, quod Imperiale circum-  
„dare assolet collum, verùm etiam & Chlamydem purpuream, at-  
„que tunicam coccineam".

Demonstrat per Phrygium, non Pallium, sed Mitram intelligi, &  
pergit de Super-Humerali, seu Loro : " Lora Fascias aureas rectè dix-  
„imus, aut purpureas, aut prætextas, tunicæ cuidam aut Pallio alli-  
„gatas & connexas. Unde apud Flavianum Vopiscum legimus" tu-  
„nicas

nicas purpureas, rectas, dilores, & trilores. "Id est, tunicas purpureas, quibus duo aut tria lora prætexta erant alligata". Hinc concludit: "Donatio igitur illa duo quædam docet. Constantinum videlicet dedisse Lorum, sive Fascias, quibus indumentum ejus ornabatur, & Chlamydem, id est, Pallium Imperiale. Unde colligi non absurdè potest Pallii vocabulum olim fuisse complexum, & Pallium ipsum Regium integrum, & Fascias, sive Lora, quibus illud erat ornatum. Quapropter mitum videri non debet, si Pelagius primus & sanctus Gregorius tantoperè commendant pulchritudinem & splendorem hujus Pallii, quod ad humum utque dimittebatur, ut ostendi superius. Quia non solum ex Loris constabat, sed etiam ex Pallio Regio, ut notavit Balsamon in Meditatione prima": Unde fit, ut sanctissimi Patriarchæ, qui sanctarum Ecclesiarum Dei Capitis vicem implent, Saccos induant, Tunicalque fluviis ac triangulis, & Penulas multis crucibus depictas. "In Responsione trigesima septima ad interrogationes Marci Patriarchæ Alexandrini ait indumentum, cui Sacco & Polystaurio nomen est, in quo depictæ sunt cruce; indumentum esse, quo Patriarchæ ornantur ad differentiam aliorum Episcoporum".

Audiamus totam fabulam: "Igitur hæc tria, Saccus, Sticharion, & Phenolion non erant ejusdem coloris, & ad varios usus porrigebantur. Quippe Sticharion & Phenolion interdum purpurea erant, non undis, non crucibus ornata. Et nullo alio in usu erant, quam in officiis jejunii, & funeribus. Aliquando autem candida erant, undis quoque & crucibus ornata, eorumque usus usurpabatur cum Sacco. Porro Saccus necessario candidus esse debuit. Cui insuper hæc necessitas adstricta erat, ut, eo uti Metropolitani non possent, nisi in tribus diebus solemnium, Festorum, id est, Paschæ, Pentecostes, & Natalis Domini, ut observavit Demetrius Chomatenus, Bulgaricæ Archi Episcopus, in Responsione ad secundam Interrogationem Cahasilæ. Unde colligi videtur Saccum omnium optime referre Pallium Latinorum, cum in solemnibus tantum festis diebus usurpari potuerit à Metropolitanis, velut Pallium. Cæterum quod attinet ad molem & formam Sacci, eam colligere possumus ex verbis Balsamonis, qui Meditatione primâ ait Saccum significare vestem opprobrii, quæ Christo imposita est. Cum autem Demetrius Chomatenus

„nos docuerit eum fuisse albi colotis, patet ejus descriptionem congruere cum ea, quam Joannes Diaconus exhibet in vita sancti „Gregorii, cum ait Gregorii Pallium ex bysso candente contextum fuisse in veteribus picturis”.

Est integra sylva errorum. Primus est, quod Romana Ecclesia jam ab octingentis annis probaverit famosum instrumentum Constantinianæ donationis. Etenim plures Eruditi constanter docent ipsum non esse aded antiquum. Docent esse figmentum Joannis Cardinalis Diaconi, cognomento Joannis Digitorum, qui vixit sub Imperio Ottonis tertii. Et multæ chartæ, multiq̃ue libri ambulant per Orbem Christianum, qui licet tolerentur, non tamen probantur aut suscipiuntur à Romana Ecclesia. Secundus error est, quod Romana Ecclesia istud instrumentum, probavit, dum suscepit Decretum Gratiani. Etenim per istam susceptionem non probavit Gratiani omnia. Quædam solummodò permisit aut toleravit. Est Eruditis exploratum. Et graves Authores testantur, quod ipse Gratianus agnoverit istud instrumentum esse spurium. Tertius error est, quod Romana Ecclesia censuerit per istud instrumentum Romano Pontifici ac aliis Patriarchis donari Imperiale Pallium. Etenim ipse Dominus Archi-Episcopus fateatur istam Assertionem esse plenam audaciâ novitatem, ideoq̃ue per omnes Mundi angulos venatur ipsi Fidejussores. Item profitetur opus esse arte atque industriâ, ut ista donatio in instrumento reperiatur. Hinc quartus error est, quod Romana Ecclesia laudatum in instrumento Imperiale Pallium per octingentos annos crediderit esse Episcopale. Est indignissima calumnia.

Quintus error est, quod Episcopale Pallium ab instrumento significetur per Lorum & Chlamydem: Quod dicat ipsum fuisse Chlamydem ornatam Loris. Dominus Archi-Episcopus errat in primis rei vestitiaræ elementis. Omnes enim Romanarum vestium vel modicè periti norunt lora, Clavos, Prætextas, aliasq̃ue istiusmodi Fascias nequaquam fuisse Chlamydu ornamenta, sed solarum Tunicarum. Waltrinium, virum eruditum, Octavius Ferrarius in libris de re vestiaria rectè arguit, quod in libris de re militari scribat latos aut angustos Clavos à Tribunis fuisse additos ad Sagum seu Chlamydem, quoniam solis Tunicis indebantur. Et ipse Dominus Archi-Episcopus rectè advertit à Flavio Vopisco laudari non bilores aut trilores Chlamydes, sed Tunicas. Deinde Chla-

mys

mys est militare indumentum. Imperialis Chlamys erat Principis Paludamentum, quo non utebatur, nisi in bello & castris. Proinde nequaquam convenit Romano Pontifici. Quis unquam Romanum Pontificem, quemvis Patriarcham, aut Metropolitam in libris legit, vel in Imaginibus vidit Chlamydatum aut Paludatum? Instrumenti confector nescivit quid esset antiqua Romanorum Chlamys. Prudissimum Archi-Episcopum dedecet insistere talibus vestigiis.

Sextus error est, quod Pelagius primus ac Gregorius magnus laudent externam pulchritudinem & splendorem Pallii dimissi usque ad terram. Etenim Paludamentum non erat splendidum. Erat ex lana. Aurea Paludamenta erant mali commatis. Res barbara. Deinde, Paludamentum Principis, licet militum Sagis ac Tribunorum Chlamydis esset longius, passim tamen non extendebatur ad terram. Quidquid sit, Dominus Archi-Episcopus pessimè detorquet Pelagium Pontificem, ac magnum Gregorium. Etenim ambo, uti & Simeon Thessalonicensis, & cuncti alii Scriptores, Pallii magnificentiam & splendorem non in materia aut forma collocant, sed in sacris ejus significationibus. Magnus Gregorius in literis ad Ioannem Ravennæ Metropolitam scribit Pallium esse "grave jugum atque vinculum cervicis nostræ", quod non "pro sæculari", sed "pro Ecclesiastica dignitate" sit postulandum atque gestandum, & adjungit: Nihil in Episcopali cervice "splendidiùs fulget, quam humilitas". Palam affirmat Pallium fuisse non Chlamydem, aut aliud talare vestimentum, sed Ornatum solum cervicis. Ornatum nullius ponderis. Et tamen addit esse grave jugum atque vinculum. Hoc est, symbolum gravis jugi atque vinculi. Eadem ratione est ornamentum non pro sæculari, sed pro Ecclesiastica dignitate portandum. Quia nempe gloria ejus est ab intus. In sacris significationibus.

Septimus error est, quod Theodorus Balsamon per Saccos, per Tunicas fluviis ac triangulis ornatas, & per depictas multis crucibus Penulas intelligat Episcopale Pallium. Etenim intelligit tria diversa Patriarcharum indumenta ac ornamenta, diversissima à Pallio. Intelligit Saccum, Sticharion undulatum, & Phenolion Polytaurion; id est, Casulam ornata multis crucibus. Saccum describit in libro de Missa & templo Simeon Thessalonicensis: "Sacrum Phenolion sublimiorem & supernè collatam Spiritus sancti virtut-

„virtutem demonstrat. In primis Saccus, quo per ludibrium Salva-  
 „tor indutus est. Idcirco & Sacci formam habet. Nec enim in  
 „eo sunt, quæ appellantur, manicæ. Manifestius hoc confirmat,  
 „quod eo vestiuntur è Pontificibus selecti & primi, ipsaque Sacci  
 „appellatio. Per selectos & primos Pontifices intelligit Patriar-  
 „chas. Quod ipsis solis permitteretur illud ornamentum, disertè  
 docet etiam Theodorus Balsamon in Responsis ad Quæstia Marci  
 Patriarchæ Alexandrini. Attamen Georgius Phranzes scribit La-  
 cedæmonis Metropolitam fuisse ipso usum. Idem de Monemba-  
 siensi habemus apud Martinum Crusium in Turco-Græcia. Vi-  
 detur fuisse singulare quorundam Metropolitanarum privilegium. E-  
 tenim Saccus erat ornamentum, quo solemniter etiam Impera-  
 tor ornabatur. Hinc in libro de Constantinopolitanæ Ecclesiæ offi-  
 ciis scribit Georgius Codinus: „Quando Imperator fert Stemma,  
 „aliud indumentum non gestat præter Saccum & Diadema. Et  
 infra: „Palmarum festo nihil aliud fert, nisi Stemma & Saccum”.  
 Erat vestimentum oblongum & strictum; simile sacco. Omo-  
 phorion ipsi superimponabatur. Aded Saccus non erat Omopho-  
 rion. Ejus formam Jacobus Goar nobis exhibet in imagine sancti  
 Patriarchæ Germani.

Quæst. 37.  
L. 3. c. 23.

Cap. 6.

Cap. 10.

Sticharion exponit in libro de sacris ordinationibus Simeon Thes-  
 salonicensis, agens de Lectore ordinando in Subdiaconum: „Ca-  
 „mision deponit, & Sticharion induit, Pontifice ipsum benedi-  
 „cente. Sed prius ad Orientem versus ter Deum adorat, autho-  
 „rem & ministratorem illuminationum, velut ad majorem il-  
 „luminationem, quæ Stichario significatur, accedens. Porphy-  
 „ream quidem vestem exuit, quæ passionis indicium est, utpotè  
 „vibices adhuc sanguinolentas indicans; sed album Sticharion de-  
 „monstrat puriores gloriæ Dei radios, amictumque perturbationis  
 „expertem”. Et in libro de templo ac Missa: „Primum Sticha-  
 „rio induitur. Sticharion autem lucidum demonstrat Angelorum  
 „amictum”. Et yarii Græcorum rituales libri habent de ordinando  
 in Subdiaconum: „Ordinandus adducitur indutus Stichario, &  
 „cinctus”. Et sanctus Germanus in libro de sacris ritibus: „Pri-  
 „mum Sticharion, cum album sit, Divinitatis splendorem indi-  
 „cat, & Sacerdotis splendidam conversationem”. Ipsum omnino  
 laudat in Anastasiæ somnio sanctus Gregorius Nazianzenus: „Mi-  
 „nistri in splendidis vestibus adstabant, imagines fulgoris Angeli-  
 ci”.

M m m

„ci“. Laudat Diaconos Stichario indutos, affirmatque ipsos fuisse imagines sanctorum Angelorum, apparentium in stolis candidis. Georgius Codinus in præfato libro scribit etiam Imperialis Palatii Archi-Diaconum gestasse consuetum Sticharion, & adjungit Sticharia per Quadragesimam fuisse purpurea, exceptis tamen Dominicæ Annuntiationis Fæsto, Palmarum Dominica, & Sabbato sancto. Erant purpurea in omnibus diebus jejunii, ac in officiis defunctorum. Hinc Constantinus Cabasilas, Dyrrachii Episcopus, novæ Epitri Metropolita, rogavit Demetrium Chomatenum, Archi-Episcopum Bulgaricæ: "An consentaneum sit in purpureis Pontificum vestimentis poni, quemadmodum & in albis, in Stichario quidem flumina; in Phenolio autem crucis?" Et Demetrius respondit: "Consuetudo Ecclesiæ purpurea Pontificum vestimenta vult esse simpla, & sine prædictorum fluminum & crucium adjectione". Et adjungit causam: "Purpurea hujusmodi vestimenta sunt luctus insignia. In solis enim jejunii diebus, & mortuorum memoriis assumuntur". Græci in Divinis officiis non habent nigrum aut violaceum colorem: Eos supplet ruber seu purpureus. Itaque Sticharion est idem, quod nobis Alba. Est commune Subdiaconis, Diaconis, Presbyteris, ac Episcopis. Verum ista Tunica est nobis semper alba, Græcis autem aliquando purpurea. Et Theodorus Balsamon rectè dicit alba Episcoporum Sticharia habere singularia ornamenta: Nempe adfutos, seu intextos fluvios ac triangulos. Utique in diebus lætitiæ. Affirmat per ista significari "sanguinis & aquæ rivos, qui ex Divino Latere distillarunt". Etiam nostræ solemniores Albæ habent sua ornamenta. Et hinc vides, quid sibi velit sancti Athanasii vita, dicens ipsum fuisse amictum Stichario & Byrro. Item vides, quàm levibus fundamentis Dominus Archi-Episcopus nitatur, ut nobis persuadeat Episcopale Pallium olim fuisse splendidam, ac talarem vestem, donumque ac beneficium Imperatorium.

Tertium, à Theodoro Balsamone laudatum, Patriarcharum ornamentum erat Polytaurion, seu Phenolion Polytaurion. Græcorum Phenolion est idem, quod nostra Casula, seu Planeta, idèq; Balsamonis translator debebat non "l'enulam", sed dicere "Casulam". Porro omnis Græcorum Casula est ex lana. Hinc author Schismatici Tractatus, reperti in Constantinopolitano Pa-

trum

trum Prædicatorum Conventu, Latinos uti de magno crimine arguit, quod habeant Casulas ex Serico. Presbyterorum Phenolion est simplex, at verò Episcopale describit in libro de templo ac Missa Simeon Thessalonicensis: "Pontifices Casulam crucibus plenam induentes, quæ & Multi-Crucium vocari solet, clarè docent, quoniam Passionis Domini signum est, se illum imitari, qui per Passionem & Crucem consummavit veram justitiam". Theodoras Balsamon in Meditatione de Patriarcharum Privilegiis disertè docet istud ornamentum competere solis Patriarchis: "Nec enim alii Episcopi Saccos, vel Casulas multis insignitas crucibus induunt, nec Tunicas frequentè litera Gamma, trianguliq; depictas". At verò Simeon Thessalonicensis in præfato libro, ac in præfato Rescripto Demetrius Chomatenus affirmant esse commune omnibus Episcopis. Quod ipsum demonstrant antiquæ Græcorum Episcoporum picturæ. Nempe Polytaurion singulari jure quadrat Patriarchis. Quidquid sit, denuò lucet labi Dominum Archi-Episcopum, dum Episcopale Polytaurion credit esse aut fuisse Episcopale Pallium.

Et certè Theodorus Balsamon in ista Meditatione Omophorion disertè distinguit à Polytaurion, Stichario, Sacco, omnique alio Patriarchali ac Episcopali Ornamento: "Sanctorum Patriarcharum Epimanicia celebrant Domini manicas, quæ volens sustinuit, ob salutem nostram, dum instar Verberonis ad Caipham duceretur. Collaria, lorum istud, quod vitam ad mortem traxit. Tunicæ flumina habentes, sanguinis & aquæ rivos, qui ex Divino Latere distillarunt". Hæc sunt alba Sticharia. "Genualia sunt documentum illius lintei, quo Dominus Apostolorum pedes terxit. Sacci, Pallium illud contumeliæ atque opprobrii. Super humeralia, seu Omophoria, Primitivi transitum ab inferis ad cælos. Insignitæ multis crucibus Casulæ, seu Polytauria Phenolia, venerandæ Crucis universalem gloriam atque potestatem. Quæ sunt in his triangula, lapidem illum angularem, CHRISTUM Deum nostrum, qui disjuncta conjunxit". Palam distinguit Omophorion ab omnibus aliis. Et affirmat per Episcopale Collare significari lorum, quo CHRISTUS Dominus fuit tractus à Judeis. Istud ipsum Collare existimo esse lorum illud, quod laudat Constantini donatio.

Octavus Domini Archi-Episcopi error est, quod Latinorum

M m m 2

Pallium

Pallium dicat esse idem præsertim cum Sacco Græcorum. Deo laus, quod tandem recedat à Polytaurio & Stichario. Attamen non minus errat circa Saccum. Fateor hunc semper fuisse album. Item usui non fuisse, nisi in tribus Domini festivitibus. Etenim ad Constantinum Gabaslam disertè rescripsit Demetrius Chomatenus: "Ecclesiæ consuetudo Saccum purpureum nequaquam novit. Quamdoquidem Saccus in tribus tantummodò anni Dominicis festis suum usum præbet. Nimirum Magno Paschate Domini, Pentecoste, & Natali CHR. ISTI. Hoc igitur satis plenam fidem facit necesse non esse, ut Saccus sit purpureus". Nempè purpureus color apud Græcos est tristitiæ & luctus, ideoque non convenit istis festivitibus. At verò non solum Græci, sed etiam Latini Episcopi longè frequentius ornantur Pallio. Et Sacci formam esse à Pallio diversissimam, est supra demonstratum. Ex quibus omnibus lucet Dominum Archi-Episcopum miserabiliter labi.

Cap. 21.

Nihilominus pergit: "Sed præter illam Ecclesiæ Romanæ confessionem, quæ octingentis abhinc annis agnovit Pallium, quo Romani Pontifices utuntur, Imperatorum esse beneficium, suppetunt etiam gravissima hujus rei argumenta, quibus contradici non posse existimo". Quis æquis auribus sustineat tantam Romanæ Ecclesiæ contumeliam? Est abundè revicta. Porro aliud irrefragabile Domini Archi-Episcopi argumentum est autoritas Liberati Diaconi, de Anthimo Patriarcha Constantinopolitano, per Agapetum Pontificem degradato, in Breviario scribentis: "Anthimus videns se Sede pulsum, Pallium quod habuit, Imperatoribus reddidit, & discessit, quò eum Augusta suo patrocinio tueretur". Dominus Archi Episcopus commentatur: "Nihil dici potuit apertiùs. Reddere enim ad eum refertur, à quò res quæpiam accepta est. Sed ne quis hujus argumenti vim eludere se posse putet eo prætextu, quò cum Anthimus Justiniani & Theodoræ suffragatione ad hanc Sedem promotus esset, Pallium ob hoc eis reddere voluerit, addam & argumentum aliud, ex eadem antiquitate petitum". Respondeo longè aliter fuisse processum in degradatione Pauli Patriarchæ Alexandrini, de qua idem Liberatus: "Imperator Justinianus misit Pelagium Diaconum, & Apocrisarium primæ Sedis Romanæ, Antiochiam cum Sacris suis, quibus præcepit, ut cum Efremy ejusdem urbis Episcopo, & Petro. Hierosoly-



„Ierosolymita, & Hypatio Ephesino, venient Gazam, & Paulo  
 „Episcopo Pallium auferrent, eumque deponerent. Pelagius  
 „ergo profectus Antiochiani, & inde Hierosolymam, cum  
 „memoratis Patriarchis & aliquantis Episcopis venit Gazam. Et  
 „auferentes Paulo Pallium deposuerunt eum. Et Ordinaverunt  
 „pro eo Zoilum“. Et de sancto Germano Patriarcha Constan-  
 „tinopolitano, per Imperatorem Leonem Maurum dejecto, scribit  
 „Georgius Cedrenus: „Germanum Leo Patriarchæ solio deiecit:  
 „Et is Super-Humerale in sacra Mensa magni Templi deponens,  
 „resignavit munus suum, atque discessit“. Proinde Anthimi fa-  
 „cinus fuit profana hæretici hominis audacia, cujus aliud non exstat  
 „exemplum. Et reverà ille Episcopatum à Theodora Augusta per  
 „intrusionem acceperat: Hinc eadem, quâ intraverat, portâ  
 „exivit.

Audiamus & aliud Domini Archi-Episcopi ex Ecclesiastica anti-  
 „quitate petitum argumentum: „Episcopus Arelatensis novâ  
 „quâdam & peculiari dignitatis Prærogativâ auctus erat bene-  
 „ficio Zozimi summi Pontificis. Eam deinde auxit & Symma-  
 „chus Sedis Apostolicæ Vicariatu per Gallias & Hispanias. Auxa-  
 „nius ad hanc Cathedram evectus præter Papæ Vigiliæ Vica-  
 „riatum Pallio etiam insigniri cupiit. Quod Pontifex distulit,  
 „donec ab Imperatore Justiniano probatum foret. Hujus au-  
 „tem dilationis hanc reddit causam: Ut & vobis gravior præ-  
 „stitorum causa reddatur, dum quæ postulatis, cum consensu  
 „Christianissimi Principis deferuntur, & nos honorem fidei ejus  
 „servasse cum competenti reverentia judicemur. „Id est, fidem  
 „servasse Imperatori cum debita reverentia. Et biennio post, cum  
 „Episcopo illi morem gessisset secundum desiderium Childeberti  
 „Regis, eum hortatur, ut preces ad Deum fundat pro Justi-  
 „niano & Theodora, qui annitente Belisario consenserant, ut  
 „Auxanio Vicariatus ille tribueretur, utquæ Pallium ad eum  
 „mitteretur“. Qui pro his Charitati vestræ mandandis præbuere  
 „consensum, „inquit Vigilius Papa in epistola ad Auxanium“.   
 „Auxanio verò defuncto, Successorem ejus Aurelium eodem  
 „honore prosecutus est Vigilius, ut Regis Childeberti votis ob-  
 „sequeretur. Sed Epistolâ ad Aurelium scriptâ iussit, ut Be-  
 „lario gratias ageret, quî & laborem & sumptus itineris, quod  
 „Aureliani Tabellarius ad Justinianum instituerat, suâ curâ ab-

„stulerat, & consensum Principis obtinuerat pro hoc beneficio.  
 „Gregorius tamen primus & Vicariatum & Pallii usum conti-  
 „nuavit Virgilio Arelatensi Episcopo, non expectato consensu  
 „Imperatoris Orientis, sufficere ratus consensum Childeberti Re-  
 „gis Franciæ, quod ulu jam receptum esset, ut Pallium tribue-  
 „retur Episcopis Arelatensibus. At sequenti anno, dum Regina  
 „Brunichildis optasset, ut Syagrius Augustodunensis Episcopus  
 „Pallio honestaretur, non refragatus est Pontifex, sed tamen  
 „non ante concessit, quam consultus Imperator per Gregorii  
 „Diaconum, in Constantinopolitana urbe commorantem, re-  
 „pondit sibi placere, ut ita fiat. Syagrio, inquit, Pallium  
 „dirigere secundum postulationem vestram volumus. Propter  
 „quod & Serenissimi Domini Imperatoris, quantum nobis Dia-  
 „conus noster, qui apud eum Responsa Ecclesiæ faciebat, inno-  
 „tuit, prona voluntas est, & concedi hoc omnino desiderat. “Hic  
 „nunc interrogo, quæ tandem ratio excogitari possit, quæ osten-  
 „datur necessitas consensus Imperatoris, ut Syagrio Pallium abs-  
 „que Vicariatu concedi posset, & Auxanio, Aurelianoque cum  
 „Vicariatu conjunctum? Sane nullam aliam reperiri posse ar-  
 „bitror, quam jus illud, quod sibi Imperatores retinuerant in  
 „concessione horum indumentorum, quæ cum Imperialia essent,  
 „& summo Pontifici, cæterisque Patriarchis concessa ab Impera-  
 „toribus, vulgari non poterant absque eorum consensu. Mul-  
 „tò minus absque eorum consensu tribui poterant Gallicanis Epi-  
 „scopis, qui cum Regis Francorum Imperio subiecti essent,  
 „authoritatem Imperatoris non agnoscebant. Indumenta qui-  
 „dem Imperialia cum Rege Lazorum communicata sunt, sed à  
 „Justiniano, ut scribit Procopius. Par igitur erat, ut summus  
 „Pontifex Imperatorum consensu non destitueretur, cum Episco-  
 „pis Gallicanis honorem illum recenter tribuebat. Cæterum ne-  
 „cessitas illa consensus Imperatoris, ex dignitate Pallii petita,  
 „honorificentior haud dubiè est pro Sede Apostolica, quàm si  
 „quis eam arcessat ab insita quibusdam opinione, non licere vi-  
 „delicet summo Pontifici gratificari cuiquam Episcopo absque  
 „consensu Imperatoris”.

Oportet etiam Dominum Archi-Episcopum quædam interro-  
 gari. Primò, ubinam sint authenticæ tabulæ, quibus Romani  
 Imperatores Romanis Pontificibus ac aliis Patriarchis concesserunt indu-

indumenta Imperialia? Quis istarum tabularum meminit? Quis refert aliquod ipsarum fragmentum? Dum simile quid videro, credam emanasse. Et sanè famosum Constantinianæ donationis instrumentum ista ornamenta donat non Patriarchis, sed solis Romanorum Pontificibus. Hinc Michaël Cerularius Patriarcha Constantinopolitanus, antequam purpureos Compagos præsumeret, sceleratè edixit Papalia privilegia simul cum Imperialibus demigrasse ex antiqua Roma in novam. Deinde, quis unquam Romanus Pontifex, aut quis Patriarcha fuit visus indui ornamentis Imperialibus? Ego nullum scio, nisi unicum Bonifacium octavum, qui primo sui Jubilei die in Papali, secundo die se in Imperiali ornatu ostendit populo. Ita scribit Supplementum Conradi Abbatìs Uspèrgensis. At ista ostensio, quia præsertim invasit Galliæ Regnum, apud Gallos est modicæ authoritatis.

Secundò Dominus Archi-Episcopus est interrogandus, si Justiniani ac Mauricii Imperatorum tempore Gallicani Episcopi non agnoverint Imperatoris potestatem, cur sine ipsius gratioso consensu non potuerunt obtinere Pallium? Quid opus consensu illius, cui nulla est in nos potestas? Certè Pelagius primus ad Childebertum Francorum Regem scripsit de Justiniano: "Pater vester Clementissimus Imperator"? Quis Pater sine autoritate in Filium? Et ad Imperatorem Leonem Isaurum, lapsum in Iconoclasticam hæresim, scripsit Gregorius secundus: "Testis est Deus, qualemque misisti ad nos epistolas, auribus cordibusque Regum Occidentis obtulimus, pacem illorum tibi ac benevolentiam conciliantes, teque commendantes, & mirificè efferentes, quomodo & antea conversantem intuebamur. Idcirco etiam Laureata tua receperunt, ut Reges à Regibus honore affici convenit. Idque cum nondum inceptum hoc, conatumque tuum, quo adversum imagines insurrexisti, audivissent. Cum verò didicerunt, tunc projecta tua Laureata conculcarunt, & faciem tuam conciderunt". Quid sit Laureata recipere, exponit præfatio ad undecimum librum epistolarum sancti Gregorii: "Coronatus est Phocas, & Leontia Augusta, Septimi in Palatio. Venit autem Icona scriptorum Phocæ & Leontie Augustorum Romanæ. Et acclamatum est eis in Lateranis, in Basilica Julii, ab omni Clero, vel Senatu": Exaudi Christe. Phocæ Augusto, & Leontie Augustæ vita. Tunc jussit ipsam Iconam Dominus Beatissimus,

Epist. 1.

12 c. 22

&c

„& Apostolicus Gregorius Papa reponi in Oratorio sancti Cæsarii  
 „Martyris intra palatium". Quare Laureatorum receptio erat  
 manifesta professio obedientiæ. Et hinc inter palmaria crimina,  
 de quibus Patriarcham suum Dioscorum apud Synodum Chalce-  
 donensem accusarunt quidam Alexandrini, fuit rejectio Laurea-  
 torum. Quapropter omnes Occidentales Reges dudum retine-  
 runt & agnoverunt aliquid obedientiæ erga Romanum Imperium.  
 Et jure merito. Etenim aliquam ejus partem invaserant ac de-  
 tinebant.

Quod præsertim verum est de Regno Burgundiæ. Hinc enim  
 in literis ad Constantinopolitanum Episcopum sanctus Avitus Archi-  
 Episcopus Viennensis Regem suum Sigismundum appellat Patri-  
 „cium, ejus Filium". Et in Epigraphe epistolæ ad Vitalianum

Epist. 7.

Epist. 42.

Senatorem appellat ipsum "Comitem". Nempe Anastasius Im-  
 perator ipsum creaverat Patricium & Comitem. Et in hac epi-  
 stola ipse Sigismundus Anastasium appellat "Clementissimum com-  
 „munem Dominum". Et adjungit: "Insinuate attentius obe-  
 „dientiæ famularum, quem nunc in obsequio, semper habemus  
 „in voto". Et iterum: "Quoscumque honorum privilegiis erigi-

Epist. 69.

„tis, Romanos putare debetis". Proinde Patricius & Comes non  
 poterat non esse Romanus. Et in alia epistola scribit: "Dulce  
 „est, si hi quos militiæ fascibus, & peculiaris gratiæ pietate sus-  
 „tollitis, quos in extremis terrarum partibus aulæ pollentis con-  
 „tubernio, & venerandâ Romani nominis participatione ditatis,  
 „specialiter gaudia vestræ Perennitatis agnoscant, quæ generali-  
 „ter cunctis fama concelebrat, Ornat quippè Imperii vestri amplitu-  
 „dinem longinquitas Subditorum, & diffusionem Rei publicæ ve-  
 „stræ asserit, quod remotius possidemur". Sub hoc onere Clo-

anno 517.

dovæus acquisivit Burgundiam, & Childebertus possedit. Hinc de  
 ipso scribit Abbas Regino: "Mauritius Imperator Childeberto Regi  
 „Francorum quinquaginta millia Solidorum per suos Legatos di-  
 „rex, petens ut Longobardos de Italia exterminaret. Qui cum  
 „Francis Italiam intrat. Longobardi ei munera tribuunt, & pa-  
 „cem cum eo faciunt. Imperator Solidos requirit, sed ille virum  
 „suarum potentiâ fretus pro hac re nec Responsum reddidit". Et  
 statim infra: "Mauritius Imperator Legationem ad Childebertum  
 „Regem dirigit, ei mandans, ut quod prius non fecerat, nunc  
 „adimpleret. Ut Longobardos ab Italia removeret. Qui exer-  
 citum

scitum in Italiam direxit, & commissâ pugnâ cum Longobardis „Francorum acies graviter attritæ sunt“. At verò Areolata & Augustodunum erant in Regno Burgundiæ. Hinc igitur Romani Pontifices sine Augusti Principis licentia non poterant isthic creare Apostolicos Vicarios, nec elargiri Pallia, nec alios impartiri sacros honores. Augustus Princeps volebat esse securus de persona.

Ex eodem Principio Hormisdas Pontifex, dum sancto Remigio per Clodovei Regnum commisit vices suas, non agnovit Imperatorem: Quod nempe nec Clodoveus ipsum agnosceret. Præsertim post occisum Syagrium Romanorum Patritium. Eomodo in Angliam transmisit sancto etiam Augustino Archi-Episcopo Cantuariensi, promittens similiter transmittere futuro Eboracensi. Quod nempe Romani, dum ex Britannia suam extrahere militiam, renunciascent omni in ipsam juri, ac plenæ libertati reddidissent. Eadem de causâ laudatus Gregorius eundem Ornatum sine ista licentia transmisit sancto Leandro Archi Episcopo Hispalensi. Lucet ex ejus literis ad Richaredum Regem Hispaniæ: „Reverendissimo Fra-  
tri & Co-Episcopo nostro Leandro Pallium à beati Petri Apo-  
stoli Sede transmisimus, quod & antiquæ consuetudini, & nostris  
moribus, & ejus bonitati atque gravitati debebamus. Item A-  
nagnostico ante longum tempus, dulcissima mihi vestra Excel-  
lencia, Neapolitano quodam juvene veniente, mandare curave-  
rat, ut piissimo Imperatori scriberem, quatenus Pacta in Charto-  
phylacio requireret, quæ dudum inter piæ memoriæ Principem  
Justinianum & jura Regni vestri fuerant emissa, ut ex his col-  
ligeret, quid vobis servare debuisset. Sed ad hoc faciendum duæ  
res mihi vehementer obstiterunt. Una, quia Charto-phylacion  
prædicti piæ memoriæ Justiniani Principis tempore, ita surreptiente  
subito flamma incensum est, ut omnino ex ejus temporibus penè  
nulla charta remaneret. Alia autem, quia quod nulli dicendum  
est, ea quæ contra te sunt, apud temetipsum debes documenta  
requirere, atque hæc pro me in medium proferre“. Docet plura.  
Primò, quod Romani Imperatores Hispaniam à Gothis constanter  
repetierint. Secundò, quod ad evitanda bella, & ad unicuique  
servanda sua jura tandem Imperator Justinianus cum Gothorum  
Regibus inierit Pacta pacificatoria. Tertiò, quod istorum Pacto-  
rum quidam Gothis, quidam articuli faverint Romanis. Quartò,

I lib. 7. In-  
diæ. 2.  
Epist. 127.

quod horum Romanis faventium articulorum palmaris fuerit, ut Gothi supra se agnoscerent Romanum Imperium. Hinc Justinianus se inscripsit Imperatorem etiam Gothicum. Quinto Gregorius docet, quod inter Mauricium Imperatorem & Richaredum Regem circa ista Pacta fuerint quæstiones: Quod Mauricius quædam postularit, quæ Richaredus volebat non debere. Sexto, quod Richaredus hac de causa rogaverit Gregorium, ut ipsum originale instrumentum dignaretur flagitare à Mauricio. Septimo, quod Gregorius judicaverit istud non expedire. Nempè quod exustum esset Imperiale Charto-phylacion, idèdque forsan & istud instrumentum, atque ita Richaredus jam esset in sua primæva libertate. Etenim Gregorius ex causis diligebat piissimum Richaredum. Quam pietatem Hispaniarum Reges, idèdque & affectum Romani Pontifices huc usque continuarunt. Ex ista igitur, quæ forsan & in Pactis fuerat expressa, libertate Gregorius sancto Leandro, inconsulto Mauricio, transmisit Pallium. Sua etiam Pacta Burgundionum Reges iniverant cum Imperio: Propter ipsa Romani Pontifices ad istorum Episcopos sine illius venia non potuerunt istum Ornatum transmittere. Nec suas vices delegare. Hæc est vera & authentica ratio. Istud autem Imperiale Pallium, cuius apud antiquos Scriptores aut Pictores nulla est penitus memoria, est merum phantasma ac nugamentum.

Nihilominus Dominus Archi-Episcopus pergit: "Exstat in hac sententiam locus singularis apud sanctum Gregorium, qui Imperatorem rogat, ut Anastasius Patriarcha Antiochenus, qui Sede sua pulsus erat, apud Sedem Apostolicam commorari posset, ac dignitatem suam retinere", concessu usu Pallii. "Cur autem beneficium hoc ab Imperatore postulet Gregorius, nulla alia ratio esse potest, quam quod Patriarcha ille Pallium ab Imperatoris munificentia habebat". Respondeo esse incongruam & falsam rationem. Etenim quis unquam Patriarcha aut Metropolita fuit per Imperatorem investitus Episcopali Pallio? Aliquando Græcorum Imperatores, uti & Latinorum Reges, investiverunt per Pedum; nunquam per Pallium. Hujus Investituræ nullum est exemplum, nisi forsan prophani Constantini Patriarchæ Constantinopolitani, quem facinorosus Imperator Constantinus Caballinus in Ecclesiæ Ambonem duxit, & isthæ coram omni Populo vestivit in Patriarcham. Imposuisse ipsi possit etiam Omo-

phorion.

phorion. Audiamus verba Gregorii in literis ad Sebastianum Episcopum Rhiziniensem : "Indico suggestionem me apud piissimos l. 1 Ep. 27.  
 „Dominos summis precibus plenam fecisse, ut virum beatissimum  
 „Dominum Anastasium Patriarcham, concessio usu Pallii, ad bea-  
 „ti Petri Apostolorum Principis limina, mecum celebraturum  
 „Missarum solemniam, transmittere debuissent, quatenus si ei ad  
 „suam Sedem reverti, minimè liceret, saltem mecum in honore  
 „suo viveret. Sed quæ causa contigerit, ut eadem Scripta reti-  
 „nerem, præsentium Lator vobis innotescet. Eiusdem tamen Do-  
 „mini Anastasii animum cognoscite, & quidquid ei de hac re pla-  
 „cuerit, vestris mihi epistolis indicate". Gregorius rem tentare  
 noluit sine Anastasii Beneplacito. Ne forsan Urbica habitatio ipsi  
 non placeret.

Rem illustrat in magni Gregorii vita Joannes Diaconus : "Ab L. 4. C. 25.  
 „adversus Potestates prægravatos fortissimus Miles Christi Gre-  
 „gorius viriliter defendebat, injustèque dejectos non solum inter  
 „depositos non habebat, verum etiam pristinis gradibus authori-  
 „tatis suæ privilegio reformabat, Nam Anastasium Antiochenum  
 „Patriarcham, qui Joannem Constantinopolitanum Præsulem vo-  
 „ce liberâ reprehendens, Imperatoris Justinii jussu detrusus in exi-  
 „lium, ab ipsis Joannis Papæ temporibus usque ad sui Pontifica-  
 „tus tempora permanebat, mox ut summum Sacerdotium meruit,  
 „cum inter Patriarchas reputans, talibus Scriptis animavit : Præ-  
 „terea sicut Patriarchis aliis, Paribus vestris, Synodicam vobis epi-  
 „stolam direxi. Quia apud me semper hoc estis, quod ex omni-  
 „potentis Dei munere accepistis esse, non quod ex voluntate ho-  
 „minum putamini non esse. "Item eidem in alia epistola post non-  
 „nulla scribens" : Fraternitati tuæ indico, quia à Serenissimis Do-  
 „minis, quantis valui precibus, postulavi, ut vos, honore resti-  
 „tuto, ad sancti Petri Apostolorum Principis limina venire, &  
 „quousque ita Deo placuerit, hic mecum vivere concedant, qua-  
 „tenus dum vos videre meruero, peregrinationis nostræ tædium,  
 „de æterna Patria invicem loquendo, relevemus. " Deniquè stu-  
 „diosissimus Pater Gregorius tamdiu penes Mauricium Imperato-  
 „rem suggestionibus suis imminuit, donec post multorum anno-  
 „rum curricula magnus Anastasius proprio Throno redderetur.  
 Anastasii causam exponit Evagrius Epiphaniensis : "Justinus Im- L. 5. C. 3.  
 „perator Anastasium Antiochenâ Sede exturbavit, his illi objectis  
 N n n 2  
 crimi.

criminibus. Primum, quod sacrum Thesaurum extra modum, & in nullum necessarium usum profunderet. Deinde, quod contra vitia in ipsum jecerat. Anastasium enim, cum rogaretur, quid causæ esset, cur sacrum Thesaurum tam effusè consumpsisset, respondisse ferunt: Ne à Justino, communi Orbis pernicie, diriperetur. "Quinetiam dicitur Justinus Anastasio succentuisse, quod postulanti ei pecuniam, cum Episcopus esset designatus, Anastasius dare noluit". Haud dubie primum crimen fuit calumnia. Nam magnus Gregorius semper Anastasium, nunquam ipsi superordinatum Gregorium agnovit pro Patriarcha. Interim Anastasium, quod Mauricii Augusti Antecessorem, & uxoris causâ Avum offendisset, Gregorius sine istius Beneplacito non poterat reponere in Thronum. Hinc prius honori reddere studuit, deinde Throno. Rogavit Mauricium, ut ipsum in Patriarchali dignitate permitteret secum morari. Hæc verba, "Concesso usu pallii", sunt eadem cum his: "Restituto honore". Quia nempe Pallium est Episcopalis honoris ultimum complementum. Quapropter non solum Pallii, sed totius Episcopalis dignitatis usum permissi Anastasio postulavit Gregorius. Postulavit à Principe, non quod essent ejus beneficia, sed quod ob ipsum offensum, licet injustè, ejectus Episcopus sine recepta ejus gratia non posset reduci. In variis exemplis istud ipsum vidit etiam Gallia.

Dominus Archi-Episcopus tandem concludit: "Hieronymus, Rubeus in historia Ravennatum edidit Rescriptum quoddam sub nomine Imperatoris Theodosii, quo Princeps ille plurimas civitates subjecit Metropoli Ravennatensi, Palliique usum Episcopo ejus concedit. Verum Rescriptum illud omnino supposititium est, & egregiè refutatum ab Illustrissimo Cardinale Baronio, ipsa Latini sermonis spurcitie omnem ejus auctoritatem elevante, apud Eruditos. In eo tamen cogor à Baronio dissentiri, quod, enixè contendat Pallium Episcopo tribui non posse ab Imperatore, eo quod sit indumentum ecclesiasticum. Nam præterea, suspicor Pallium ætate Theodosii non fuisse in usu apud Ecclesiam. Neque mihi admodum placet, quod scribit Anastasius; Marcum Papam Episcopo Ostiensi concessisse, ut Pallio uti posset in consecratione summi Pontificis".

Respondeo Dominum Cardinalem Baronium rectissime contendere Pallium, quoniam est ecclesiasticum vestimentum, tribui non posse



posse ab Imperatore: Eadem enim de causa Romani Pontifices, & omnis Latina Ecclesia, & Imperatorem, & omnes Reges exclusit ab Antistitum Investitura per porrectionem Episcopalis Pedit. Romani Pontifices pro ista Ecclesie libertate quantas & quales sustinuerunt calamitates & persecutiones? Et existimo, quod istud fictitium diploma solummodò confirmet factam à Romanis Pontificibus gratiam. Verba non cogunt ad aliud. Nec prodiit sub Theodosii, sed sub nomine Valentiniani tertii. Porro adducta Domini Archi-Episcopi suspicio est non solummodò temeraria, sed palam falsa. Quod enim Pallium sit Apostolicum Institutum, confido esse demonstratum. Et sanctus Isidorus Pelusiotes, qui sub Theodosii imperio floruit, hodiernum Pallium laudat uti rem antiquam. Quod Ostiensis Episcopus gaudeat antiquissimo jure consecrandi Romanum Pontificem, supra audivimus à sancto Augustino. An istam ob causam acceperit Pallii gratiam à sancto Papa Marco, fateor non esse certissimum. Unus enim id testatur author libri Pontificalis. Existimo tamen ipsum non scripsisse sine fundamentis.

Quæstio est, & multorum admiratio, quare Dominus Archi-Episcopus has inconditas contra Episcopale Pallium fabulas sparserit per Ecclesiam? Respondeo causam ab ipso edici: "Post explicatam priorem Glossæ", quæ docet plures esse Archi-Episcopos, qui à summo Pontifice non consecrantur, sed solummodò Pallium accipiunt, "observationem superest, ut ad secundam veniamus. Cum itaq; ibi scriptum sit nonnullos esse Metropolitanos, qui non confirmantur à Papa, sed tamen ab eo Pallium accipiunt, observationes & ipse meas circa hanc materiam proponam, quæ magni est momenti, & argumenta quæ inde peti possunt. Operabantur sanè olim summi Pontifices, ut omnes Metropolitanis, qui ad eorum Patriarchatum pertinebant, aliquod confirmationis genus à Sede Apostolica acciperent. Verùm quia ubique receptum erat consecrationes fieri posse extra Italiam absque eorum consensu, vim ei legi palam adferre noluerunt, sed Metropolitanos rei cuiusdam novæ miraculo velut obstupescerunt, quæ in initio magnifica, paulatim tamen antiquam eorum libertatem per cuniculos infregit: Et Synodorum Provincialium auctoritatem pessumdedit. De Pallii usu loquor, cujus origo cum sit satis vetusta, effectus tamen ejus, & cætera quæ nunc usurpantur,

„antiquitati prorsus ignota fuerè. Quippè Galliarum Metropo-  
 „litani statim post ordinationem suam exercebant functiones sui  
 „muneris, juxta Canones antiquos. At jus novum eos prohibet  
 „quidquam Pontificalis officii attingere, donec à Sede Apostolica  
 „missum ad eos fuerit Pallium, de Corpore beati Petri sumptum”.  
 Dominus Archi-Episcopus, uti Romanas appellationes, ita etiam  
 odit Romanas Episcoporum confirmationes, idèdque & Episco-  
 pale Pallium, Symbolum istius confirmationis. Romanum Pon-  
 tificem studet facere solo honore & loco primum inter Episcopos,  
 exutum omni potestate. Romanas appellationes esse quoddam,  
 & quidem diminutum, Imperialis Delegationis; Episcopale Pal-  
 lium vult Imperialis indumenti esse imitamentum ac beneficium.  
 Et appellationes & confirmationes vult Pontifici esse non à Chri-  
 sto Domino, sed à Laicis Principibus. Ita Romanus Primatus  
 deicitur in terram, & intra Almæ Urbis pomeria circumscri-  
 bitur.

Adductis suis verbis Dominus Archi-Episcopus plures iterùm  
 errores inserit. Primus est, quod Romani Pontifices semper op-  
 taverint, ut omnes suarum Dicecesion Metropolitæ aliquod confir-  
 mationis genus ab Apostolica Sede acciperent. Etenim non op-  
 tarunt, sed sibi per Nicænos atque Apostolicos Canones, immò  
 per Evangelicum Christi Domini beneficium sciverunt istud jus  
 competere, atque ita opportunis modis, ubi & quando ipsis pla-  
 cuit, miserunt in executionem. Secundus error est, quod Epi-  
 scoporum ubique extra Italiam consecrationes fierent sine ipsorum  
 consensu. Etenim quantumvis sine ipsorum prævia confirmatio-  
 ne fierent, non tamen sine consensu. Fiebant per ipsorum Indul-  
 tum, gratiòse datum ob locorum distantiam. Tertius error est;  
 quod ista Episcopaliū consecrationum forma fuerit lex. Erat  
 enim precarium gratiòsi Indulti beneficium. Quartus error est,  
 quod Romani Pontifices, dum isti legi nolunt apertam vim fa-  
 cere, Metropolis novæ rei miraculo obstupescerint: Nempe  
 usu Pallii. Quod ejus origo sit quidem antiqua, sed ejus effectus  
 antiquitas ignoraverit. Nempe effectum, qui Metropolitæ ante  
 acceptum Roma Pallium vetat aliquid Pontificalis officii attingere.  
 Est manifestus error. Etenim Liberatus Carthaginensium Archi-  
 Diaconus diserte scribit Alexandriæ antiquam esse consuetudinem,  
 ut

ut Patriarcha non nisi post acceptum Pallium legitimè sedeat. Ea est Pallii natura per Apostolicos Canones. Hinc omnis Patriarcha ac Metropoli-  
ta per Pallii ablationem degradatur, ideoque deinceps non potest sedere. Quintus error est, quod etiam Romana Pallii transmissio sit nova. Etenim magnus Gregorius frequenter scribit ipsam esse vetustam consuetudinem. Sextus error est, quod ista transmissio sit cuniculus, per quem Romana Ecclesia infregit antiquam Metropolitaram libertatem. Nempe libertatem, quâ quandoque nec ante nec post consecrationem supplicarunt Apostolicam suæ dignitatis confirmationem. Etenim ista libertas, precarium Apostolicæ Sedis beneficium, erat patens porta ad lacerandam Catholicæ Ecclesiæ, & Romani præsertim Patriarchatus unitatem, idèdque meritò fuit ablata. Septimus error est, quod ista transmissio etiam Provincialium Synodorum vetustam auctoritatem pessumdederit. Nempe auctoritatem supremam ac inappellabilem. Hunc errorem revici in superioribus. Alios, quod præsentem materiam directè non tangant, judicavi solummodò indicandos. Et sanè ipsos indicasse est expugnasse. Nihilominus dum Domini Archi-Episcopi Symmysis placuerit amplè convinci ex fundamentis, confido fore, ut Divina non desit gratia.



## CAPUT IX.

*An Romani Pontifices Metropolitae ac aliis Episcopis  
olim transmiserint Pallia?*

L. 3. Ep. 1.



Espondeo transmississe. Etenim magnus Gregorius transmissit Constantio Mediolanensi Episcopo, Metropolitano Italiae. Et addidit: „Utendum ex more transmissimus”. Voces, „Ex more”, regunt & participium, „Utendum” & verbum, „Transmissimus”. Ei transmissit, dum confirmavit ipsius Episcopatum. Etiam

Lib. 1. In-

dic. 7. Ep. 3.

Lib. 4.

Epist. 30.

transmisit Joanni Episcopo primæ Justinianæ, Metropolitano Dardaniæ. Et addidit: „Ex more transmissimus”. Et ad Virgilium Arelatensem in Gallia Archi-Episcopum rescripsit: „Juxta antiquum morem, usum Pallii, ac vices Sedis Apostolicæ postulasti”. Et iterum: „Cum prisca consuetudinem Sedis Apostolicæ Fraternitas vestra repetit, quid aliud quam bona soboles ad sinum Matris Ecclesiæ recurrit”? Et ad Childebertum Regem, qui pro Virgilio intercesserat, rescripsit: „Virgilio Pallii usum, sicut prisca habuit consuetudo, concessimus”. Et Pallium & Apostolicas vices dedit, dum confirmavit ejus Episcopatum. In Episcopali etiam confirmatione juxta antiquam consuetudinem transmissit Mariniano Archi-Episcopo Ravennati. Et ad Joannem Corinthi Episcopum, Helladis Metropolitam, rescripsit: „Pallium direximus, quo ita vos uti necesse est, sicut Prædecessores vestri usi, concedentibus nostris Prædecessoribus, approbantur”. Eodem modo confirmavit Episcopatum Andreæ Nicopolitani Episcopi, Metropolitæ veteris Epiri, rescribens ad ejus Suffraganeos: „Andreæ Fratri & Co-Episcopo nostro Pallium nos direxisse cognoscite, atque Privilegia cuncta, quæ Prædecessores nostri ejus Prædecessoribus contulere”. Etiam Maximo Salonitano Episcopo, Dalmatarum Metropolitæ, dum tandem ex singulari gratia confirmavit ejus vitiosum Episcopatum, transmissit Pallium. Eodem

Epist. 33.

L. 3. Ep. 7.

dem jure contulit Aquileiensi, Dyrrarchiensi, Philippensi, Thesalonicensi, Cretensi, Calaritano, & aliis. Etenim allentiri non possum Petro Francisco Chiffletio, qui in opusculo de Scriptis Vigiliæ Africani Episcopi affirmat S. Ambrosii tempore Aquileiam non fuisse Ecclesiasticam Metropolim, sed Sedi Mediolanensi Suffraganeam Parochiam. Sanctus Gregorius etiam ad sanctum Leandrum Hispalensem Episcopum, Bæticæ Provinciæ Metropolitanam scripsit: "Ex benedictione B. Petri Apostolorum Principis, Pallium vobis transmisimus". Transmisit non in Episcopatus confirmatione, sed in delegatione vicis Apostolicæ. Et in litteris ad Richaredum Regem addidit causam: "Fratri nostro Leandro Pallium transmisimus, quod & antiquæ consuetudini, & nostris moribus, & ejus bonitati atque gravitati debemus". Affirmat istam transmissionem esse antiquam Hispaniæ consuetudinem, antiquos mores Romanæ Ecclesiæ. Ex quo non temerè colligitur iste mos, ante hæresis per Gothos ingressum, sub Romano Imperio apud Hispanos viguisse. Apud eundem Gregorium etiam exstat generalis formula transmittendi Pallii, & in ipsa habetur: "Omni convenire novimus rationi, ut eos amictu Pallii decoremus, quos in illis civitatibus Sacerdotii honor illuminat, in quibus hoc etiam illis, qui præteritis temporibus Pontifices fieri meruerunt, ab Apostolica Sede constat esse indultum. Ideoq; Claritati tuæ usum Pallii, sicut Decessores tui habuisse noscuntur, præsentī auctoritate concedimus". Quæ formula non est opus Gregorii. Est enim data imperante Domino Justino, sub quo Gregorius necdum erat Cardinalis. Et forsan est Justinus primus. Quidquid sit, formula sub Justino non est composita, sed juxta authenticum & antiquum exemplar data. Ejusdem transmissionis antiquitatem demonstrat Synodale Gregorii Constitutum: "Antiquam Patrum regulam sequens, nihil unquam de Ordinationibus accipiendum esse constituo, neque ex datione Pallii". Hæc enim sordes non solent, nisi pedetentim, in avitos mores irreperere. Quod etiam Pelagius, Vigilius, Symmachus, aliique Pontifices Pallia dederint, mox ostendetur.

Quin immò Gregorius non solis Metropolitanis, sed etiam quibusdam Provincialibus Episcopis transmisit Pallium. Etenim **Dono**, novello Messinensium apud Siculos Episcopo, scripsit:

O o o

Pallii

Lib. 7.  
Indict 11.  
Epist. 126.  
Epist. 127.

# DE AFRICANÆ ECCLESIAE

474

L. 3. Ep. 3. Pallii usum prævidimus concedendum, illis videlicet temporibus atque ordine, quibus Decessorem quoque tuum esse usum non ambigimus". Non dicit, Decessores, sed Decessorem: Quare hic videtur in ista Ecclesia primus habuisse Pallium. Eisdem verbis Pallium transmisit Joanni Syracusano Episcopo. Alii. 11. ep. 44 ter scripsit ad Joannem Panormitanum Episcopum: "Pallii usum prævidimus concedendum, illis videlicet temporibus, atque eo ordine, ut alios quod loquere in Insula Sicilia Sacerdotes, vel Decessores, tuos esse usos non ambigis". Dico fuisse Provinciales Episcopos. Etenim quidquid aliqui dicant, Sicilia usque ad Leonis Isauri Imperium nullos habuit Metropolitans: Omnes ejus Episcopi erant Suffraganei Romanæ Metropolis. Et ex his patet Gregorium non fuisse primum istius transmissionis authorem. Lib. 7. Etenim & in Galliam rescripsit ad Desiderium Episcopum: "Fraternitatis vestræ desiderium Joannis Regionarii relatione Indi. 11. cognovimus. Quod quidem libenter parati sumus implere, si diligenter fuerimus de his, quæ retulit, informati. Inquit, autem à vestra sibi relatum Dilectione, quod Ecclesiæ vestræ olim quædam privilegia ab Apostolica Sede concessa sint, atque usum Pallii ejus Sacerdotes antiquitus habuisse. Quod, quia vobis magnoperè polcitis reformari, in Ecclesiæ nostro serinio requiri fecimus, & inveniri nihil potuit. Sed quoniam quanto studiosius ista cupitis adipisci, tanto vos arbitramur esse sollicitos, in requirendis chartis Ecclesiæ vestræ vigilantius curam impendite, & si qua ex inde Scripta inveniri potuerint, quæ nos valeant informare, huc curæ vestræ sit transmittere. Nam qui nova concedimus, vetera libentissimè reparamus". Gallia isto tempore habuit duos istius nominis Episcopos. Desiderium Archi Episcopum Viennensem, quem quarto post hanc epistolam anno ad Brunichildis Reginae institutionem degradavit Cabilonensis Synodus; & Desiderium Thelonensem Episcopum, qui ante viginti sex annos quartæ Parisiensis Synodo, & cujus postea Legatus subscripsit secundæ Synodo Matifconensi. Et hic Desiderius videtur à Gregorio postulasse Pallium. Etenim Desiderius Viennensis præfatus Parisiensis Synodo Præsidens sedit & subscripsit ante ornatum Pallio Sapaudum Arelatensem, ideoque oportet & ipsum fuisse similiter ornatum. Etenim uti Palliatus Provincialis inter omnes Com-

Provin-

Provinciales, ita Palliatus Metropoli-  
ta inter omnes Collegas sem-  
per habuit primum locum, ideoque non Palliatus Desiderius  
nequit Palliatum Sapaudum antecessisse. Non est opus con-  
jecturis. Habemus lucidas literas Joannis III. Pontificis ad Desi-  
derii Antecessorem Edaldum: "Venerabilis Pallii usum per san-  
ctum Presbyterum vestrum Felicem tibi destinavimus, nolentes  
privari antiquo B. Petri munere". Notanda sunt verba: "An-  
tiquo B. Petri munere". Haud dubiè non in solam Viennen-  
sem, sed etiam in alias Gallicanas Ecclesias. Exstat epistola  
apud Joannem à Bosco in Bibliotheca Floriacensi. Et ipsam uti  
legitimam in suis supplementis laudat Dominus Cardinalis Ba-  
ronius.

Gregorius docet nos plura. Primò, quod Desiderii Præde-  
cessores olim & antiquitus habuissent usum Pallii. Quæ voces  
longè respiciunt, nequaquam unum diem aut annum. Secundò  
docet, quod Desiderius magnoperè optaverit hunc honorem sibi  
reparari. Tertiò, quod Gregorius fuerit pronus ad istud privile-  
gium libentissimè reparandum. Quartò, quod talia privilegia etiam  
de novo libens concesserit. Certè concessit Syagrio Episcopo Au-  
gustodunensi. Audi causam: "Quia in prædicationis opere, quam  
diu cogitans Anglorum genti per Augustinum, Fratrem & Co-  
episcopum nostrum, impendere studui, ita sollicitum ac deyo-  
tum, adiutoremque te in omnibus, ut oportuit, fuisse cogno-  
vimus, ut multum me sibi Fraternitas tua hac de re faceret de-  
bitorem, tantæ rei consideratione commotus, ne infructuosus  
erga te videar existere, Fraternitatis tuæ petitionem nulla per-  
tuli ratione postponere. Proindè secundum postulationis tuæ de-  
siderium, Pallii te usu prævidimus honorandum".

Isto interim tempore hic honor non deferrebat omnibus Me-  
tropolitans. Quod ipsum affirmat Dominus Archi-Episcopus: "Nunc  
examinanda est tertia observatio nostra, an omnibus Galliarum  
Metropolitanis antiquitus positum in usu fuerit, ut Pallium à  
Romana Sede acciperent. Ac primum quidem quæstio hæc inu-  
tilis esse videbitur ei, qui Vigili Papæ literas legerit, cum in eis  
scriptum sit Pallium Episcopo Arelatensi Auxanio concessum esse  
ob vicariatum Sedis Apostolicæ, atque ideo ad illum non per-  
tinuisse jure proprio, eòquod Metropolitanus esset. Quibus addi  
potest necessarium fuisse, ut de eo ad Principem referretur, ut

Lib. 7.  
Indi. 2.  
Epist. 118.

consensus ejus haberi posset. Unde patet manifestè, datum id extra ordinem, & ex privilegio, neque tribui potuisse, quin eodem tempore Vicariatus tribueretur. Et quia, "inquit Vigilius in epistola prima ad Auxanium", digna credimus ratione compleri, ut agenti vices nostras Pallii non desit Ornatus. Id ipsum probatur ex epistola Pelagii primi ad Sapaudum Episcopum Arelatensem, quâ cum instituit Vicarium: Pariter etiam Pallium dirigentes, ut in tanti loci fastigio constitutus, præclaro quoque amictu decoreris. Itaque institutum illud Romanorum Pontificum, cum, ut ad neminem Gallicanorum Episcoporum mitterent Pallium præter quàm ad Arelatensem, ut eâ arte Vicariam ejus dignitatem in sublimè eveherent, eumque ab aliis omnibus Episcopis distinguerent, duravit usque ad tempora beati Gregorii Papæ".

Omninò fateor quibusdam tunc per Galliam Metropolitibus non fuisse Ornatum Pallii. Etiam in tota Hibernia non fuisse usque ad Eugenium tertium Pontificem, in vita beati Malachiae testatur sanctus Bernardus. Nec mirum. Nam & quibusdam olim Episcopis non fuit Ornatus Mitrae, ac aliorum indumentorum Pontificalium. Ipsi dudum caruisse Ultrajectensem Episcopum, disertè scribit magnum Belgii Chronicon. Nihilominus etiam in his Domini Archi-Episcopi verbis quædam deviant à vero. Primò, quod Arelatensis Episcopus à Symmacho Papa ac ejus successoribus ob solas Apostolicas vices acceperit Pallium. Aliud suadent Vigilius Pontificis literæ: "Scripta de ordinatione Charitatis vestrae cum animi spiritali gratulatione suscepimus, Domino gratias referentes, quia hoc in Arelatensi Ecclesia factum est, quod & Canonibus & Decessorum nostrorum Regulis conveniret". Et infra: "De his verò, quæ Charitas vestra tam de usu Pallii, quàm de aliis sibi à nobis petiti debere concedi, &c". Auxanius ergo suam Episcopalem creationem ante omnia retulit, ideoque & supplicavit confirmari: Deinde postulavit & Pallium. Et quidem tanquam debitum Nempè propter Metropoliticam dignitatem. Nam Apostolicæ vices ipsi non debebantur. Et dum postulavit Pallium, ipsis necdum habuit. Ipsum igitur postulavit isto jure, quo ipsum habuit Edaldus Viennensis Archi-Episcopus, ac ejus Prædecessores & Successores. Nec dubitandum est, quin plures isthic Metropolitæ habuerint istum Ornatum. Etenim Desiderius Telo-



Telonenſis Episcopuſ magno Gregorio conſtanter ſcripſit ipſum fuiſſe ſuis pridem Anteceſſoribus : Proinde ipſum habuerant etiam Metropolitanuſ ejuſdem Provinciæ. Et primæ Matiſconenſis Synodi quintuſ Canon ſcribit : "Archi-Epiſcopuſ ſine Pallio Miſſas „dicere non præſumar". Quare alter Domini Archi Episcopuſ lapſuſ eſt, quod aſque ad magni Gregorii tempora dicat apud Gallos ſoli Arelatenſi Antiquiſti fuiſſe Palliuſ.

Antequam laudatũ Canonem exponam, audiendus eſt Dominuſ Archi-Epiſcopuſ : "Non levis tamen difficultaſ adverſũ „hæc exſurgit petita ex Concilio primo Matiſconenſi, in quo ſan- „citum eſt, ut nulluſ Archi Episcopuſ præſumat Miſſam celebrare „ſine Pallio. Sed animadvertendum eſt Palliuſ illud non eſſe Ro- „manuſ, non ſolũ ob eam rationem, quam ſtatim propoſui, „illud eo tempore nulli alii Episcopuſ communicatuſ fuiſſe præ- „ter Arelatenſem, ſed etiam quod Romani uſuſ non erat licituſ, „niſi in feſtiſ ſolemnibuſ, ut conſtat ex Gregorio, qui hunc etiam „fuiſſe morem Metropolitanoruſ Orientiſ docet. At in Canone „Matiſconenſi ſtatuitur, ut Archi-Epiſcopi Pallio utantur, quotieſ „ſacruſ Miſſæ Sacrificiuſ celebrant. Indefinita enim hæc locu- „tio eam vim habet, ut vice n ſuppleat univerſaliſ propoſitioniſ. „Palliuſ itaque Archi Episcoporuſ Galliæ diverſuſ erat à Ro- „mano, quantum ad ornamentuſ & faſtuſ. Ac fortaiſſe care- „bat loro, id eſt, iſ ſaſciis, quæ in indumentis Imperialibuſ or- „nandi cauſa inſuebantur, ut in donatione Conſtantini legitur : „Loruſ, quod Imperiale circumdare aſſolet colluſ. „Inde haud „dubie factuſ eſt, ut ego quidem exiſtimo, ut ſequentiſ ætatiſ „Pontifices, cum Pallio ornare Metropolitanuſ deſtinaveſſent, Pal- „liuſ integruſ non miſerint, ſed tantũ ſaſcias illaſ, quæ nunc „uſurpantur. Et illiſ quidẽ habituſ deincepſ honoreſ, ſed „Palliuſ ipſuſ eviſuiſſe paulatim, atque ob hoc ipſuſ apud om- „neſ fuiſſe vulgatuſ. Forma porro ejuſ, ut indicare videntur ve- „teruſ Pontificuſ imagineſ, prout referrebat indumenta, quæ „nunc Cappæ aut Pluvialiä vocamuſ".

Erroreſ variuſ. Aut potiùſ variæ fabellæ. Prima eſt, quod Romanuſ & Gallicanuſ Palliuſ olim fuerint diverſa. Etenim huiuſ diverſitatiſ quæ memoria ? Nec in libris, nec in picturiſ. Secunda fabella eſt, quod Gallicanuſ à Romano diverſuſ fuerit quoad ornamentuſ & faſtuſ : Quod forſitan loroſ caruerit. Nam

"Hac de re jam Diacono nostro Constantinopolim scripsi, ut per  
 „omnes Metropolitanos, qui sub se etiam tricenos & quadragenos  
 „Episcopos habent, inquirere debeat. Et sicubi iste usus est, ut  
 „in Litaniis cum Palliis ambulent, absit ut per me Ravennatis Ec-  
 „clesiæ honor in aliquo imminui videatur". Gregorius ergo af-  
 firmat, non quod Orientales Metropolitæ in solis Festorum so-  
 lemnitatibus, sed quod in solis Missis, & intra solam Ecclesiam,  
 non verò in Litaniis, seu extra Ecclesiam Processionibus utantur  
 Pallio. Porro non de Patriarchæ Constantinopolitani, quam vi-  
 derat, sed de sola aliorum isthæ Metropolitatum consuetudine  
 dubitavit Gregorius. Et quia in suis adversus Ravennatum Episco-  
 porum vanitatem Decretis constans permansit, certum est nullum  
 in Oriente Metropolitam extra Ecclesiam fuisse Palliatum. Et hinc  
 vides prophani Acacii, & sancti Germani vestem, quam Anastasius  
 Syncellus calcavit, & cui Acæmetensis Monachus Papalis dam-  
 nationis chartam affixit, non fuisse sacrum Omophorion. Si ta-  
 men, uti apparet, ista affixio contigerit extra Ecclesiam.

Secundus Domini Archiepiscopi error est, quod Matisco-  
 nensis Synodus sanciat de nescio quo Gallicano Pallio, non autem  
 de Romano. Etenim Romanum Pallium tunc non erat ignotum  
 aut peregrinum in Gallia: Ipsum gerebat Arelatenſis Episcopus, isti  
 Synodo præsentium Episcoporum Apostolicus Vicarius. Et isto-  
 rum Episcoporum unus fuit Syagrius Augustodunensis, qui paucis  
 post annis postulavit & impetravit Pallium à magno Gregorio.  
 Quare manifestum est de hoc ipso Pallio agere Synodum. Et quis  
 credat Syagrium postulasse aut impetrasse ornamentum, quo cius  
 Metropoliſta carebat? Hoc certè est paradoxum. Quare eodem  
 ornamento etiam non carebat Metropoliſta Deſiderii Episcopi. Hinc  
 Gregorius Syagrio adjecit hanc conditionem: "Cujus indumenti  
 „ne munificentiam nudam videamur quodammodo contuliſſe, hoc  
 „etiam pariter prospeximus concedendum, ut Metropolitæ suo per  
 „omnia loco & honore ſervato, Ecclesia civitatis Augustodunæ,  
 „cui Omnipotens Deus præeſſe te voluit, poſt Lugdunenſem Ec-  
 „clesiam eſſe debeat, & hunc ſibi locum & ordinem ex noſtræ  
 „authoritatis indulgentia vindicare". Sancit Syagrium eſſe to-  
 tius Provinciæ Proto-Thronum, attamen Metropolitæ ſuo ſubje-  
 ctum per omnia. Nempè Palliati Episcopi ex tunc prætendebant  
 eſſe exempti à Metropolitico Jugo, Et ſanè quomodo Palliati ſub-

Lib. 4.  
 Indict. 13.  
 Epist. 15.

Lib. 7.  
 Indict. 2.  
 Epist. 113.

ſuiſſet

fuisse non Palliatis ? Aut quibus oculis Metropolita non Palliatus adspexisset Palliatum Suffraganeum ? Quare certum existimo & Lugdunensem, & plures tunc in Gallia Metropolitans habuisse Pallium.

Et per hæc manu ducimur in verum intellectum Canonis Matisconenfis. Agit de solempni Missa. Et palam supponit quosdam Archi-Episcopos ipsam celebrasse cum Pallio, ideòque agit in solos quosdam alios celebrantes sine ipso. Sancit legem, ideòque facit hunc sensum : Nemo deinceps Archi-Episcopus præsumat sine Pallio Missas dicere. Sensus est : Omnis deinceps Archi-Episcopus à Sede Apostolica postulet Pallium, & ante ipsum acceptum non præsumat solempnem Missam celebrare. Etenim Pallii naturam exponit in Rescripto ad Bulgarorum Consulta Nicolaus primus : „Archi-Episcopo decedenti Episcopi Successorem eligant, & propter longitudinem itineris non huc consecrandus veniat, sed hunc „Episcopi simul congregati constituent, sanè interim in Throno „non sedentem, & præter Corpus Christi non consecrantem, priusquam Pallium à Sede Romana percipiat, sicut Galliarum omnes, „& Germaniæ, & aliarum Regionum Archi-Episcopi agere comprobantur“. Quæ regula nequaquam ab ipso Nicolao, neque à nostro emanavit Apostolo Bonifacio, sed est antiquissima. Etenim quod etiam Patriarcha Alexandrinus ante impositum Pallium non federet legitime, supra audivimus à Liberato Diacono. Idè mihi videtur verus sensus Canonis.



CAPUT

## CAPUT X.

*An usque ad sancti Bonifacii Apostolatum omnes  
generatim Galliarum Metropolitae non  
habuerint Pallium?*



Ac de re Dominus Archi-Episcopus scribit: „Eve  
„divi Gregorii invaluerat, ut Romanus Ponti-  
„fex Pallio ornaret præcipuos Metropolitanos,  
„qui ad ejus consecrationem pertinebant, aut  
„eos quibus vices suas in Provinciis committe-  
„bat”. Et inter priores numerat Metropolitas  
Calaritanum, Salonitanum, & Corinthium; in-  
ter posteriores ponit Thessalonicensem, Acridentem, ac Arelaten-  
sem. Quasi & hi non spectaverint ad consecrationem Romani  
Pontificis. Certè omnes spectabant pari jure. Etenim omnes Pon-  
tificem venerabantur ut Patriarcham. Et uti Arelatenfis, ac alii  
Gallicani, ita etiam Calaritanus, Salonitanus, & Corinthius non  
accedebant ad ejus manus. Ex precario Indulto ob loci distantiam.  
Ita de Acridentis statim audivimus à sancto Papa Nicolao. Quoad  
Pallium Dominus Archi-Episcopus persistit solum inter Galliarum Me-  
tropolitae Arelatensem fuisse ipso insignitum, & prosequitur: „Man-  
„serè in eo statu Galliarum Episcopi quoad Pallium, donec Bo-  
„nifacius in Galliam, Germaniamque à Zacharia Pontifice missus  
„est. Hic enim anno septingentesimo quadragesimo secundo Sy-  
„nodum coëgit, in qua decretum est, ut omnes deinceps viverent  
„in unitate & subjectione Romanæ Ecclesiæ, & Vicarii beati Petri,  
„& ut Metropolitani à Sede Romana Pallium quærerent, & per  
„omnia Canonicè obsequerentur Præceptis sancti Petri”. Probat  
hæc ex sancti Bonifacii literis ad sanctum Cudbertum Archi-Epi-  
scopum Cantuariensem: „Decrevimus in nostro Synodali Con- Epist. 105.  
„ventu, & confessi sumus Fidem Catholicam, & unitatem &  
„subjectionem Romanæ Ecclesiæ sine tenus servare, sancto Petro  
„& Vicario ejus subijci velle, Metropolitanos Pallia ab illa Sede  
„quære, & per omnia sancti Petri Præcepta Canonicè sequi”.

P p p

Et

Et pergit : "Hucusque enim Metropolitanis Galliarum Pallio tantum Gallicano usi fuerant. At Bonifacius eos coëgit illud à Romana Sede quærere, ut eâ ratione illos magis obnoxios esse faceret ei Sedi, ac præcipuo quodam jure Romano Episcopo subjiceret. At illi, quibus unicus metus erat, ne novitate illâ adigerentur ad insolitam quandam reverentiam in Sedem Apostolicam, ac ne insuper exciderent ab ea autoritate, quam Canonibus tribuunt Metropolitanis, in ambiguo fuere, an Promissis stare deberent. Certè licet Bonifacius, cumque eo Princeps Carolomannus, tria Pallia à Pontifice Zacharia postulassent pro Archiepiscopis Ecclesiarum Rothomagensis, Rhemenfis, & Senonensis, ab ea petitione cessavit paulò post. Qua de re apud ipsum conquestus est Zacharias anno septingentesimo quadragesimo quarto. Bonifacius verò ad eum rescripsit Francos in hoc esse, ut propediem Promissorum fidem violent" : De eo quod jam præterito tempore de Archiepiscopis, & de Palliis à Romana Ecclesia petendis, juxta Promissa Francorum, Sanctitati vestræ notum feci, indulgentiam Apostolicæ Sedis flagito. Quia quod promiserunt, tardantes non impleverunt. Et ventilatur, & quidiunde perficere velint, ignoratur. Verùm cum ipsis ostensum fuisset, Pallium non ob aliud Archiepiscopis tribui, quam ut hoc exteriori signo à Suffraganeis suis distinguantur, & ut eo admoventur teneri se ad vitam severiorem & sanctiorem, & continentendos in officio subiectos, amplexi sunt honorem oblatum, ut constat ex Capitularibus Caroli magni" : Dignum est ut Metropolitanus, qui est Pallio sublimatus, honoretur. "Pallium autem per illas rempstatas eius formæ erat, cujusmodi nostra tempestate videmus". Probat hoc ex Alcuino Flacco & Rabano Mauro, atque prosequitur : "Sapienter itaque Hincmarus Rhemenfis Archiepiscopus, artium & temperamentorum Romanæ Curie calidissimus, cum ei Nicolaus primus exprobrasset Privilegia à Benedicto Papa concessa, inter quæ illud imprimis eminebat, ut Pallium deferre posset" ad quotidianum usum, "respondit privilegia illa nihil sibi novi juris tribuere, præter id quod præfati Canones tribuunt Metropolitanis, attamen se nova hæc Decreta expetisse, eò quod, cum Ecclesia Rhemenfis sita esset in confinio duorum Regnorum, iis privilegiis indigebat, ut terrorem injicere,

injiceret quibusdam hominibus carnalibus & animalibus, apud quos veteres Canonicae constitutiones evilerant.

Errores iterum non pauci. Primus est, quod in Gallia usque ad sancti Bonifacii Apostolorum solus Arelatenſium Archi-Epiſcopus habuerit Pallium. Etenim oppositum, quod abunde huc usque demonstratum est, affirmat etiam Adrianus I. Pontifex in literis ad Bertericum Archi-Epiſcopum Viennensem: "Illustriſis Carolus Francorum Rex, Romam ingreſſus, Paſcha Domini nobiſcum egit. Ubi inter alia monuimus eum de Metropolitanorum honore. Et quia jam Archi-Epiſcopalis dignitas per octoginta annos eſſet à Francis conculcata. Cum hæc, & his ſimilia glorioſus Rex au-diſet, promiſit ante corpus beati Petri, quod omnia ad ordinationem noſtram emendaret". Spondet ex integro reparare dignitatem Metropolitanam, & pergit: "Nec præjudicium ulla Metropolis patiatur, ſi alicui Suffraganeorum aut nos, aut Prædeceſſores noſtri, rogantibus piis Ducibus Francorum, Pallium largiti ſumus". Et tandem concludit: "Auctoritate igitur beati Petri Principis Apoſtolorum ſingulis Metropolitanis antiquo more poteſtatem ſuam reddidimus, & filium noſtrum glorioſum Regem ante corpus beati Petri inde rogavimus, ut antiquam poteſtatem omnes Metropolitanæ, qui in ejus Regno ſunt, haberent". Mediante Pallio. Exſtat epiſtola apud Joannem à Boſco in Bibliotheca Floriacenſi. Et probatur à Domino Cardinali Cæſare Baronio. Eſt ſcripta octavi ſæculi anno octogefimo ſeptimo, ideòq; illa Metropolitanæ dignitatis conculcatio cœpit ante Caroli Martelli & Raginſfredi civilia bella, ſub Regno Childeberti ſecundi, cui Major Domus fuit Pippinus, Martelli Pater. Epiſtola docet Romanam Pallia non dumtaxat in Galliæ Metropolitanis, ſed etiam in Provincialibus Epiſcopis eſſe antiqua. Eſſe partem Metropolitanæ dignitatis. Ac proinde ipſa à ſancto Bonifacio non fuiſſe inducta in Gallias, ſed dumtaxat reſtituta.

\* Secundus error eſt, quod Galliarum Metropolitanæ usque ad Bonifacii Apoſtolorum fuerint uſi Gallicano Pallio, & quod ſanctus Bonifacius ipſos permoverit ad accipiendum Romanum. Proinde Dominus Archi-Epiſcopus recedit à ſuis Dogmatibus. Antea enim profeſſus eſt Arelatenſem Archi-Epiſcopum ſemper habuiſſe Romanum Pallium: Et ſic præſens ejus fabula non ſubſiſtit. Et quodnam illud à Romano diverſum Gallicanum Pallium? Si Gal-

licanum Pallii usum à Romano quis distingueret, posset suæ assertioni hinc inde venari fucos; aut ipsa Pallia distinguere est arbitrium figmentum. Alcuinus Flaccus, Rabanus Maurus, aliique post restauratam à sancto Bonifacio Gallicanam Christianitatem proximi Scriptores, dum Pallium describunt, nequaquam de nova, sed de antiqua specie clamant se scribere. Etiam apud Hincmarum Rhemensem, cui volupè est Romanam Ecclesiam de novitate aut quovis vitio notare, nulla est penitus memoria istius discriminis. Palam novit & profitetur se gestare istud ipsum Pallium, quod omnes sub cælo Metropolitæ, ac ipsi Romani Pontifices semper gessissent. Tempus, cuius nemo potest reparare jacturam, non expendamus in res manifestas.

Tertius error est, quod Gallorum sub sancto Bonifacio Metropolitæ fuerint tergiversari admittere Pallia, quoniam timebant per istam novitatem adigi ad quandam insolitam reverentiam Apostolicæ Sedis, & excidere à jure, quod antiqui Canones Metropolitanis tribuunt. Etenim isti Episcopi eo usque non levabant oculos. De ipsis ad Austrobertum Viennensem Episcopum verè scripsit Gregorius II. : "Venerendum Fratrem Bonifacium rudibus gentibus Episcopum designavimus". Etiam Episcopi erant rudes. Etenim de ipsis ad Imperatorem Constantinum quartum, qui eruditos Episcopos rogaverat mitti ad sextam Synodum, rescripsit sanctus Papa Agathon : "Apud homines in medio gentium positos, & de labore corporis quotidianum victum cum summa hæsitacione conquirentes, quomodo ad plenum inveniri poterit Scripturarum scientia" ? Synodus est celebrata anno octogesimo septimi sæculi : Regnante apud Francos Theodorico, Clodovei secundi Filio. Et tales ex tunc erant Episcopi. Aliam ignorantie causam aperit sanctus Martinus Pontifex in literis ad sanctum Amandum Trajectensem Episcopum : "Suggestum est nobis, co, quod Presbyteri, seu Diaconi, aliique Sacerdotalis Officii, post suas ordinationes in lapsus coinquantur, & propterea nimis, moerore Fraternitatem tuam adstringi, velleque Pastorale obsequium pro eorum inobedientia deponere". Apostolus Bonifacius ad Zachariam Pontificem scripsit esse isthic Diaconos viventes in tanta spurcicia, ut cum quatuor aut quinque concubinis de nocte volutarentur. Addidit ex ipsis creari Presbyteros ac Episcopos, qui talem pergerent vitam ducere. Præstat silere vetusta nostræ gentis

gentis opprobria. Ista igitur plurium Episcoporum vita atque inficitia fuit vera causa, ex qua Episcopalis dignitatis ac totius Christianitatis reparatio ad Bonifacii votum non succederet. Modica istis fuit cura de Pallii Privilegiis aut oneribus: Maluerunt in suis deliciis infortescere. Rem succedere tandem ad Adriani Pontificis stimulos fecit Carolus magnus. Omnes Metropolitae coëgit ad Pallium. Et ut animales homines fortius permoveret ad obediendum, emisit laudatum Capitulum: "Dignum est, ut Metropolitanus, qui est Pallio sublimatus, honoretur".

Quartus error est, quod Pallium Metropolitae adigat ad insolitam quandam Apostolicæ Sedis reverentiam, ac faciat excidere ab ea autoritate, quam Canones Metropolitanis tribuunt. Cum magno Gregorio profiteor Pallium esse Episcopalis cervicis grave jugum ac vinculum. Est enim perdita Ovis, quam in humeris reportant usque ad gregem. Portare obligantur in supernum JESU CHRISTI Regnum. At quod jugum istud imponat indebitam Apostolicæ Sedis reverentiam, aut Metropolitanicam auctoritatem circumscribat vel mutilet, nemo unquam censuit Episcopus: Nec Latinus, nec Græcus. Pallii onus non malè exposuit in literis ad sanctum Cudbertum Cantuariensem Episcopum Apostolus Bonifacius: "Nostri ministerii labor unius & ejusdem causæ esse dignoscitur. Et æqualis speculario in curis Ecclesiarum, sive populorum nobis credita est, sive in docendo, sive in arcendo, & monendo, sive in defendendo canonicos gradus vel plebeos. Major nobis sollicitudo Ecclesiarum, & curæ Populorum, propter Pallia credita & recepta, quam cæteris Episcopis, qui propriam tantum procurant Parochias, incumbit". Nihil igitur accedit decrementi circa Metropolitanicam potestatem, nihil indebitæ in sancti Petri Apostoli Cathedram reverentiæ.

Quintus error est, quod Benedictus tertius Pontifex Hincmaro Metropolitæ Remensi inter alia Privilegia concesserit etiam quotidianum usum Pallii. Etenim Hincmarus videtur istud apud suos affirmasse, at mentitus fuit, ideoque Nicolaus Pontifex merito istud ipsi impropertavit. Audiamus Nicolai ad Hincmarum literas: "Postremo scire te volumus, nostris auribus intimatum esse, Fraternitatem tuam non certis temporibus, & juxta morem aliis Metropolitanis Antistitibus definitis, Pallio à Sede Apostolica concessio uti. Quod valde displicet, si id à Sanctitate tua

Epist. 60.



„tua fuerit clarè commissum, ut humilitatis oblita cæteris Fratri-  
 „bus suis studeat videri sublimior : Quamvis hoc non ad inanem  
 „gloriam, sed ad Ornatum cunctarum virtutum sit gestandum.  
 „Cujus usus si Fraternitati tuæ à Sede Apostolica est omni tempore  
 „concessus, licet sit præter Ecclesiæ consuetudinem perceptus, ideò  
 „que rationabiliter amittendus, tamen his nostris admonitus compe-  
 „tenter assatibus, stude ita modeste hoc uti, ut nec elatio mentis  
 „invadat, nec jactantia inflet, nec vana gloria vulneret”. Hæ li-  
 „teræ terruerunt Hincmarum. Sui Privilegii tabulas non potuit  
 „exhibere, ideòque Nicolao rescripsit : “De Pallio, à mea præ-  
 „sumptione non certis temporibus, & juxta morem aliis Metro-  
 „politanis definitis uso, unde vestræ Sanctitatis auribus intimatum  
 „esse Indignitati meæ scripistis, authoritati vestræ veraciter fateor,  
 „quod & in istis regionibus per alios, si vobis placuerit, rescire  
 „valebitis, quia nisi in die Natalis Dominici, & in die sanctæ Re-  
 „surrectionis ejus, vix in toto anno eodem Pallio utor. Quoniam  
 „de illorum numero, peccatis meis exigentibus, factus, de qui-  
 „bus scriptum est”, Impedimenta sæculi fecerunt eos miseros, “rarò  
 „in decretis festivitatis, quo uti Pallio Metropolitanis concedi-  
 „tur, in Sede mea, propter multas occupationes & necessitates  
 „Ecclesiæ & Regni, esse mihi permittitur. Et quando in eadem  
 „Sede sum, non solum non toties, sicut mihi concessum est,  
 „verum vix aut nunquam eodem Pallio utor”. Multis se expur-  
 „gat de isto excessu, & palàm profitetur sibi non esse singulare pri-  
 „vilegium. Et addit se nunquam postulasse : “Pro cuius usu apud  
 „Sedem Apostolicam nihil petii, nisi sicut Decessores & Præde-  
 „cessores mei uti solebant”. Verum his non fidens Nicolaus rem  
 „diligenter inquisivit. Etiam Successor Adrianus. Et compertam  
 „Hincmari audaciam damnari jussit in octava Synodo.

Fateor Hincmarum artium & temperamentorum fuisse callen-  
 tissimum. Non dumtaxat ad ipsa exploranda, sed insuper ad præ-  
 cædicanda. Hujus peritiæ dedit multa exempla. Et quod circa  
 istud ipsum, quod à Benedicto reverà acceperat, privilegium quæ-  
 „dam “celarit, quædam astutiâ quædam communi cognitioni nega-  
 „rit”, affirmat & queritur ipse Nicolaus Pontifex in literis ad Ca-  
 „rolum Calvum Francorum Regem. Interim nunquam devenit  
 „eò audaciæ, ut diceret sibi per antiquos Canones licere quotidia-  
 „num usum Pallii, ideoque ad ipsum non esse opus Privilegio.  
 Et

Epist. 16.

Epist. 81.

Et hic est sextus error, quo Dominus Archi-Episcopus dilectum sibi Hincmarum denuo gravat non levi calumniâ. Benedictus tertius Hincmaro præsertim duo concesserat. Primò, ut nullus Remensis Provinciæ Episcopus, Clericus, aut Laicus posset, „ipso contempto, aliena expetere aut expectare Judicia, salvo ta-  
„men in omnibus jure Apostolicæ Sedis“. Secundò, ut prima circa ipsum Hincmarum, istius Provinciæ Primatem, instan-  
tia spectaret ad Sedem Apostolicam, ideoque omnis in ipsum accusatio deberet istius Sedis audientiæ reservari. De his solis, nequaquam de quotidiano Pallii usu Hincmarus scripsit: „Pri-  
„vilegia Sedis Apostolicæ non idèd petii, ut mihi non sufficeret,  
„quod Sacri Canones & Decreta Sedis Romanæ Pontificum cui-  
„que Metropoli Sedi concedunt. Et nec alia, vel amplius,  
„quam Ecclesiæ Remorum collatum est ex antiquo, mihi lar-  
„giri specialiter petij, nec appeto“. Rectissimè hæc scripsit. Etenim sacri Conones, & Apostolicæ Sedis Decreta prohibent peregrina Judicia, & primam de cunctis per Romanum Patriar-  
chatum Metropolitæ cognitionem reservant Tribunali Aposto-  
lico. Hincmarus item rectè adjunxit: „Sed quia non solum  
„Diœcesis, verùm & Parochia mea inter duo Regna sub duo-  
„bus Regibus habetur divisa, & res mihi commissæ Ecclesiæ  
„sub multorum Principum potestate conjacere videntur, de  
„quibus aut parum aut nihil utilitatis Ecclesia nostra potest ha-  
„bere, quia veteres constitutiones jam quasi pro vili apud quos-  
„dam habentur, ut his novis Decretis carnales & animales ho-  
„mines territi, quid reverentius contra Ecclesiam Indignitati  
„meæ commissam agerent“. Rhemensis Ecclesia erat vicina Regno Lothariensi: Et in ipso erant plures Suffraganeæ Cathedræ. Et Hincmaro vix benè convenit cum istis Regibus. Quare timuit, ne isti Suffraganei jugum excuterent, & Præcessoris Ebbonis calamitatem tentarent in ipsum devolvere. His de causis jura illa, quæ habebat per Canones, curavit sibi stabiliri per privilegium.



## CAPUT XI.

*Exponitur octava Synodi Canon de usu Pallii.*



Tiam hunc Canonem Dominus Archi-Episcopus interpretatur : "Necessitas tamen obtinendi „Pallii decreta est in octava Synodo Oecumē-  
„nica, quæ Constantinopoli celebrata est sub  
„Adriano secundo. In qua statuum est debere  
„Metropolitanos confirmationem à Patriarcha  
„suo accipere, sive per impositionem manuum,  
„sive per concessionem Pallii. Ita ut eorum, id est, Sedium Pa-  
„triarchalium Præsules universorum Metropolitanorum, qui ab  
„ipsis promoveantur, & sive per impositionem manus ; sive per Pal-  
„lii dationem, Episcopalis dignitatis firmitatem accipiunt. Canon  
„ille non exstat in editione Græca hujus Concilii, sed tantum in  
„versione Anastasii. Ex ea autem id colligitur, consuevisse Pa-  
„triarchas Orientis Pallium ad Metropolitanos mittere, quemad-  
„modum à summo Pontifice fiebat in Occidente. Quare non fru-  
„stra observatum est superius autoritate sancti Gregorii, Me-  
„tropolitanos Orientis Pallii usum habuisse. Quod confirmatur  
„ex Responsione Demetrii Chomateni, qui eo uti licitum non esse  
„ait, nisi in Festis Paschatis, Pentecostes, & Natalis Domini.  
„Cæterum hæc Demetrii observatio lucem adfert Balsamoni, scri-  
„benti Saccum, Sticharion, & Phenolion esse indumenta, quibus  
„uti licet solis Patriarchis. Quod intelligendum est de usu or-  
„dinario & quotidiano, cum aliis Metropolitanis non conceda-  
„tur, nisi ex privilegio, & pro certis tantum diebus. In Concilii  
„namque octavi Canone vigesimo septimo prohibetur Metro-  
„politans, ne quotidie Pallio utantur in Sacrificiis, vel in cæteris  
„functionibus Ecclesiasticis". Omni tempore, "inquit Canon",  
„Divini officii vel alius Ecclesiastici Ministerii. "Ex eo tamen colligi  
„non potest non licere Metropolitanis uti Pallio omni tempore  
„Divini Sacrificii, aut vi horum Canonum adigi ad ejus deposi-  
„tionem ante consecrationem. Quod tamen Eruditissimo viro hæc  
nostra

„nostra ætate placuisse video. Illa quidem sententia locum habet  
 „quoad Onophorion ordinarium, quod Episcopi ferebant ut cæ-  
 „teras vestes vulgatas ævo Ildori Pelusiotæ, qui docet Episcopos  
 „illud deponere consuevisse post recitatum Evangelium. Consue-  
 „tudo autem illa rationi consentanea prorsus erat. Quia cum Li-  
 „turgia post Evangelium inchoaretur, sumenda erant vestimenta  
 „propria ad celebrandum Sacrificium”.

Denuò habemus integram sylvam errorum. Primus est, quod  
 etiam Græcorum Patriarchæ olim suis Metropolitæ ad Episcopalis  
 consecrationis, & Metropolitæ dignitatis firmitatem transmittē-  
 rent Pallium. Plures censent non esse errorem. Etenim ad Joan-  
 nem Ravennæ Metropolitam scripsit magnus Gregorius: "Hac de L. 4. ep. 15.  
 „te Diacono nostro Constantinopolim scripsi, ut per omnes Me-  
 „tropolitanos inquirere debeat. Et sicubi iste usus est, ut in Li-  
 „taniis cum Palliis ambulent, absit ut per me Ravennatis honor  
 „Ecclesiæ in aliquo imminui videatur". Videtur palam supponere,  
 quod Metropolitæ isthæc haberent, & à Patriarcha acciperent Pal-  
 lia. Eundem morem probat Actio secunda octavæ Synodi: "Po-  
 „nentes Episcopi libellum super sancta Evangelia & pretiosa ligna,  
 „& rursus fumentes, cum dederunt Ignatio sanctissimo Patriarchæ  
 „Constantinopolis. Et sumens Patriarcha Super-Humeralia, tra-  
 „didit eis. Primò autem omnium dedit Metropolitæ Carix, &  
 „dixit ei: Ecce, sanus factus es, jam noli peccare, ne deterius  
 „tibi aliquid fiat". Agit de libello, quem Adrianus Pontifex lapsis  
 in Photii Factionem Episcopis ad eandem ejurandam præscripserat.  
 Hinc omnes isti Episcopi ad majorem firmitatem prius ipsum po-  
 nebant super sacro-sancta Evangelia, ac super pretiosa Dominicæ  
 Crucis ligna, deinde legebant in manibus sancti Ignatii, atque  
 ita ipsi profitebantur pœnitentiam ac obedientiam. Et quoniam  
 per ablata Omophoria degradati erant, ea ipsis reddebat ac impo-  
 nebat Ignatius, atque ita reparabat. Et de intruso Photio scribit  
 in sancti Ignatii vita Nicetas Paphlago: "Photius consecratos à  
 „sancto Ignatio Episcopos resacrare conatur. Quod cum non suc-  
 „cederet, omnesque indignissimè ferrent, atque execrarentur, ne  
 „ita quidem defecit iniquitas. Super-Humeralibus, & Orariis &  
 „aliis statûs Sacerdotalis coëmptis Insignibus, secretò preces super  
 „ea quoddam pronunciabat: Et sic ea singulis, loco muneris, &  
 „largitionis, dabat". Eis trans mittebat nova Pallia, atque ita fa-

ciebat suos. Et in literis ad Imperatorem Basilium Joannes octavus Pontifex Photium arguit de variis excessibus, ac inter ipsos est etiam hic: "Quod Bulgariae Archi-Episcopo, vel Episcopis, qui videntur ibidem existere, sacrum Pallium, quo inter sacra Missarum Solemnia uti Pontificibus solitum est, ipse Patriarcha mittere præsumpsisset". Eundem morem in omnibus Patriarchis firmare videntur verba decimi septimi Canonis, adducta per Dominum Archi-Episcopum.

Respondeo tamen istius apud Græcos transmissionis nullum esse exemplum antiquum, nullum apud Patres testimonium, nullum apud Canones vestigium. Omnes isthic Episcopi gerunt sacrum Omophorion: Nec ipsum sibi transmissum à Patriarcha accipiunt, sed vel ab ipso, vel à Metropolitā in ipsa consecratione. Disertè hoc scribit in libro de sacris Ordinationibus Simeon Thessalonicensis: "A principio Missæ, & in exaltatione Divini Panis, & in Ordinationibus, & in alijs sacris Mysteriis Episcopus semper Pallio ab humeris in orbem cingitur. Quod etiam tunc Ordinatus ab Archi-Episcopo accipiens, collum induitur". Quod ipsum confirmant antiqui Græcorum rituales libri. Nec aliud scribit magnus Gregorius. Quæstio ipsi erat cum Joanne Ravennatum Metropolitā, non an Archi-Episcopi deberent Pallium à Patriarcha accipere, sed an ipso possent uti extra Missæ Sacrificium, præsertim extra Ecclesiam in Litanijs. Hoc negabat licere Gregorius, affirmans adversum consuetudinem omnium, etiam Orientalium, sub cælo Ecclesiarum. Et de hac sola consuetudine inquiri per suum Apocrifarium jussit apud Metropolitā Patriarchatus Constantinopolitani. Etiam S. Ignatii Patriarchæ in octava Synodo opus non est nobis adversum. Etenim non solos Metropolitā, sed quosvis lapsos Episcopos reparavit per reddita Omophoria. Sicut per eorum ablationem quivis apud Græcos Episcopus degradatur, ita & per redditionem reparatur. Degradatis auferuntur, reparatis redduntur sui Ordinis ornamenta. Aliud item Episcopis, quos resacrare non mittebatur, non fecit Photius. Eos censuit partim malè Ordinatos, partim degradatos: Hinc ipsis priora abstulit, & reddidit nova Omophoria. Non solis Metropolitā, sed cunctis generatim Episcopis. Aliud tamen egit in Bulgaria. Ejus Archi-Episcopo, & paucis singulariter privilegiatis Episcopis transmisit Pallia. Romano more. Etenim ista Diocæsis & antiquo usque ad Leonis Isauri violentiam observato, & novo per Bulgarorum

à Latinis Episcopis & Monachis factam conversionem acquisito jure spectabat ad Romanum Patriarchatum, ideoque erat consue- ta videre transmissionem Pallii: Hunc morem dolosus Photius cen- suit non mutandum. Et ipsum Joannes octavus arguit, non quod transmisisset Pallia, sed quod transmisisset in Bulgariam: Quod Romani Patriarchatus Dicesim tentasset invadere. Dolosus Photius secutus est artem, quam Imperatori Theodosio olim suggererat ejus Prædecessor Atticus. Adhujus suggestionem ille, dum Orien- tale Illyricum transcripsit in Patriarchicam potestatem Constanti- nopolitani Episcopi, addidit ut omnia isthic pergerent juxta an- tiquum morem fieri. Nempe ne morum novitas offenderet Po- pulum, atque ita induceret ad retrocedendum.

Etiā decimus septimus octavi Concilii Canon non facit ad Pro- positum. Nec enim agit de transmittendo ad Metropolitā pallio, sed de præstanda per ipsos obedientia Patriarchalibus Evocationi- bus. Affirmat quosdam per Patriarcham consecrari, quosdam Metropolitā solo per ipsum Pallio insigniri: Omnes tamen ab ipso, sive hac sive istā viā, accipere sui loci & honoris firmitatem. Pri- mum passim per Orientem, in Occidente sit apud quosdam Me- tropoles; secundum autem sit per solum Occidentem. Interim Canon sancit omnes & singulos propter Episcopalis firmitatis ac- ceptam gratiam obstringi ad plenē obediendum legitimis sui Pa- triarchæ evocationibus. Palam agit in solemnem Hincmari Rhe- mensis contumaciam. Quò tamen ejus honori pateat, emittit ge- neralem pro cunctis Patriarchis adversum quosvis Metropolitā sanctionem. Est supra demonstratum. Ex his liquet, quod rectè dixerim ab Orientalibus Patriarchis Pallium non fuisse transmissum ad suos Metropolitā, ideoque istam transmissionem esse primum errorem Domini Archi Episcopi.

Secundus Domini Archi Episcopi error est, quod Demetrius Chomatenus agat de Pallio seu Omophorio. Agit enim de Sacco. Tertius error est, quod Theodorus Balsamon affirmet Saccum, Sticharion, ac Phenolion esse ornamenta solis Patriarchis propria. Etenim Phenolion omnibus non solum Episcopis, sed insuper Presbyteris; Sticharion convenit etiam Subdiaconis. Theodorus ergò Balsamon istud affirmat de undulato Stichario, ac de Phe- nolio Polystaurio. Quartus error est, quod Patriarchæ possint quotidie uti istis ornamentis. Etenim uti non possunt in diebus

jejuniorum, nec in defunctorum officiis. Quintus error est, quod privilegiati Metropolitæ ipsis uti non possent, nisi in certis diebus anni. Uti poterant omnibus diebus, præter jam dictos. Sextus error est, quod solis Metropolitæ daretur privilegium utendi undulato Stichario, & Polystaurio Phenolio. Etenim illis dabatur solum Privilegium utendi Sacco: Alia duo competeabant omnibus Episcopis.

Septimus error est in expositione vigesimi septimi Canonis, qui Metropolitanis ac aliis Episcopis, ex jure vel privilegio habentibus Pallii usum, sancit ne omni tempore Divini Officii, vel aliis Ecclesiastici Ministerii, sed certis dumtaxat temporibus & locis utantur isto ornatu. Dominus Archi-Episcopus commentatur: "Ex eo, tamen colligi non potest non licere Metropolitanis Pallio uti omni tempore Divini Sacrificii, aut vi horum Canonum adigi ad ejus depositionem ante Consecrationem". Respondeo hæc vera esse in Græcorum non solis Metropolitæ, sed quibuscumque Episcopis. At verò Canon nequaquam de Græcorum Episcopis agit, sed de solis Latinis. Agit enim in præfatam audaciam Hincmari Rhemensis. Duo hujus Synodi Canones in ipsum agunt. Vigessimus septimus ejus excessus circa usum Pallii, decimus septimus frænat ac damnat ejus contumaciam contra Romanas evocationes. Porro quod vigesimus septimus Canon in Græcorum Episcopos aut mores non statuatur, est manifestum ex ejus exordio: "Secundum traditas formas per singulas Provincias, & Regiones, ac urbes, in Ecclesiasticis promotionibus & consecrationibus illa, quæ indicia, & signa sunt Ordinis, qui unicuique inesse videtur, retineri decernimus". Lucidè affirmat circa Pallii gestamen ac usum esse varias variarum Regionum consuetudines: Aliam apud Græcos, aliam apud Latinos. Et mandat unicuique suam custodiri. Et prosequitur: "Ita ut Episcopi, quibus concessum est Palliis uti certis temporibus, &c". Sancit in solos Episcopos, quibus permissum est certis dumtaxat temporibus ornari Pallio. Et hi palam sunt soli Latini. Quare octavus Domini Archi-Episcopi error est, quod Canonem statuentem de solis Latinis Episcopis extendat ad Græcos.

Nonus error est, quod Omophorion Græcis Episcopis olim fuerit vestis vulgata. Etenim omnes ipsorum Scriptores ac Rituales libri Omophorion adnumerant Polystaurio, Phenolio undulato

dūlato, Epimaniciis, Genualibus, aliisque sacris Episcoporum Ornamentis. Decimus error est, quod istud scribat sanctus Isidorus Pelusiotes. Etenim Isidorus disertè scribit Omophorion esse pellem ovinam, ornatam Sacrosanctis significationibus. Undecimus error est, quod Græcorum Episcopi Omophorion deponant post recitatum Evangelium. Etenim deponunt ad istam recitationem. Ratio est adducta superiùs. Duodecimus error est, quod Græcorum Episcopi vulgata sua vestimenta priùs deponant, aut certè ipsis sacra superinduant post recitatum Evangelium. Et quod istud scribat laudatus Isidorus. Sunt indigna refutatu paradoxa. Proinde & Latina & Græca Ecclesia semper habuit idem Pallium, Ornatum sacrum, laneas fascias, rem in substantia vilem, significatione Augustam, Sacrosanctam, Divinam.

Dominus Archi-Episcopus prosequitur: "Post devoratam ab Europæ Metropolitanis accipiendi Palli necessitatem, quæ à Concilio octavo firmata Canone, novas deinde conditiones sibi à summis Pontificibus impositas coacti sunt amplecti. Priùs enim res eò devenit, ut coacti sint Scripto polliceri subjectionem & obedientiam Apostolicæ Sedi, & Præcepta ejus Canonicè per omnia sequi. Novi hujus juris Réceptor fuit Bonifacius Moguntinus in Synodo ab eo celebrata, anno septingentesimo quadragésimo secundo, ut discitur ex ejus epistola ad Cudbertum. Antea enim Metropolitanì nullâ aliâ lege tenebantur, quam ut fidei suæ professionem emitterent, & observationem Canonum Com-Provincialibus Episcopis pollicerentur in sua consecratione. Nullam porro obedientiæ sponsonem faciebant. Quam adeò alienam à prisco jure censebat Leo primus, ut ad Anastasium Thessalonicensem Episcopum scribens de causa Attici Episcopi, à quo Anastasius similem sponsonem exegerat, dixerit in ea signum injuriæ contineri. At post Bonifacium nova clausula huic professioni addita est, quâ videlicet subjectionem & obedientiam Romano Episcopo promitti invaluit, ut videre est in veteri formula, quæ Caroli Calvi ætate in usu erat: Beato verò Petro, & Vicario ejus debitam subjectionem & obedientiam, Suffraganeis verò nostris adjutorium me exhibiturum profiteor. Illa nihilominus obedientia ad observationem Canonum coërcetur, id est, promittunt



„sunt Metropolitani se summo Pontifici obedituros juxta Canones. Hoc est, quoties iussu ejus Canonum Statutis innituntur. Hanc enim esse eorum verborum vim docet ipse Zacharias Papa ad Bonifacium scribens: "Nec enim ab hac Apostolica Sede illa diriguntur, quæ contraria esse Patrum, seu Canonum Statutis inveniantur." Bonifacius verò, qui sponsionis vim intelligebat, eandem in propria causa adhibuit clausulam, cum eam sponsionem Zachariæ faceret pro Archi-Episcopatu Moguntino: Sicut Prædecessorum vestrorum pro autoritate sancti Petri servi devoti, & subditi obedientes, & subditi sub jure Canonico. "Inquit ille in epistola ad Zachariam.

Epist. 132.

Errores non pauci. Primus est, quod accipiendi Pallii necessitas sit res adeo acerba, ut à Metropolitae fuerit devoranda. Etenim hoc jure dici possit de Metropolitica potestatis onere, reverà gravissimo, & humanis viribus importabili; verum quo colore istud scribatur de accipiendi Pallii necessitate, non video. Est enim merum istius oneris, jam impositi & acceptati, symbolum. Immo non merum symbolum, sed insuper consolationis ornamentum. Et video ipsum non solummodo à cunctis Metropolitae, sed insuper à multis Suffraganeis Episcopis summo semper ambitu fuisse appetitum: Nullum debuisse compelli ad devorandum. Nisi forsàn quosdā Metropolitae, quos in Gallia reperit sanctus Bonifacius. Nempe laxata disciplina ipsos dejecerat ad Barbaros, à quibus nec Pallia, nec ipsam Metropolitica dignitatem fuisse æstimata, testatur in suorum librorum proœmio Guillelmus Neubrigensis. Erant gravissimè ac sceleratissimè infirmi, ideoque panis, suavis sanis, erat illis pœna. Attamen Dominus Archi-Episcopus non de ipso forsàn Pallio ista scribit, sed de solis per sanctum Bonifacium adjectis conditionibus.

Secundus igitur error est, quod sanctus Bonifacius Romanæ Pallii acceptioni perperam apposerit professionem Romanæ subjectionis & obedientiæ. Quod ista professio sit amara & devoranda conditio. Paschali II. Pontifici, quod consuetæ Metropolitaram professioni juberet superaddi juramentum, quandoque obstrepuit Archi-Episcopus Polonorum: Neminem scio, qui murmuravit contra simplicem professionem Papalis obedientiæ. Etenim obedientiæ professio, quam Provinciales Episcopi in sua

con-

consecratione faciunt suo Metropolita, est adeò antiqua, ut Hincmarus Remensis ipsam in famoso adversus nepotem suum Laudunensem Episcopum libro probet ex literis sancti Leonis. Cap. 9. Et certè Magnus hic Pontifex ipsam laudat uti antiquam. Quare Dominus Archi-Episcopus in alio hujus sui libri capite perperam scribit similes "obedientiæ sponsiones" tunc temporis necdum fuisse in usu. Etiam Presbyteri in sua consecratione jam pridem profitentur obedièntiam ac reverentiàm suo Episcopo. Et Cardinales Diaconi in sua olim creatione spondebant, quod cunctis "pro Ecclesiastica utilitate" Papalibus Mandatis fideliter "sine vitio, superbiâ, ac neglectu", obedirent. Hanc cautionem roborabant testibus, & corporali super Sacrosancta Evangelia juramento confirmabant. Ita nos docet Vigilius Pontifex in Diplomate, quo degradavit Rusticum, suum ex fratre nepotem, & ejus Collegam Sebastianum, Cardinales Diaconos. Et ad Mauricium Imperatorem scribunt quidam Aquileienses Episcopi: "Sugerimus, pie Dominator, quia tempore Ordinationis nostræ unusquisque Sacerdos in sancta Sede Aquileiensi, cautionem Scriptis emitimus studiosè de fide Ordinatoris nostri, & nos fidem integram sanctæ Reipublicæ servaturòs". In sua consecratione profitebantur fidem ac obedièntiam Romano Imperio. Erat res extra metas. Et tamen nullus isthic vidit aliquid acerbi vel devorandi. Quia nempe istud debitum tacitè inest omnibus Episcopis. Et expressum non operatur aliud, quam tacitum. Quid igitur acerbi aut devorandi Dominus Archi-Episcopus videt in Decreto, quo sanctus noster Apostolus ac Reparator Bonifacius antiquæ Metropolitanarum professioni adjecit articulum de subjectione & obedièntia præstanda Romanæ Ecclesiæ?

Novi morbi exquirunt nova medicamenta. Hinc vetustæ Episcoporum aut Clericorum professioni novos articulos ex causis inferere est antiquissima & probatissima consuetudo Ecclesiæ. Propter Eutychianas contra dogmaticam sancti Leonis Tomum violentias Pontifex antiquæ professioni adjecit istius Tomi acceptationem. Ita in prima sua apud Photii Bibliothecam oratione testatur sanctus Eulogius Patriarcha Alexandrinus. Et sanctus Proterius, primus ejusdem Sedis post Chalcedonensem Synodum Episcopus, suæ professioni omnino addidit istum articulum. Compulsus fuit.

fuit etiam adungere Symbolum Constantinopolitanum. Nempe Eutychiani istud Symbolum similiter averfabantur. Utique propter ejus ad Nicænum contra Apollinaristas facta additamenta. Hinc omnes Episcopi deinceps sunt jussi non solum antiquo more profiteri Nicænum Symbolum, sed plenum Constantinopolitanum. Euphemius Constantinopolitanus Patriarcha Anastasium Imperatorem coronare noluit, nisi antiquæ professioni adderet Synodum Chalcedonensem. Et de Acacio, Euphemii Antecessore, scribit in libro contra Mocianum Scholasticum Facundus Episcopus Hermianensis: „Mortuus Acacius per libellos Ordinandorum Episcoporum usque „nunc damnatur“. Antiquæ professioni inserta fuit ejus damnatio. Facundus adjungit: „Libellis suis Episcopi Ordinandi Theodorum „Mopsuestenum cum suis dogmatibus, & epistolam Ibas, & „Theodoretæ Scripta damnarunt“. Hoc est, tria famosa Chalcedonensis Synodi Capitula. De hoc ad antiquam professionem additamento scribit Constantio Mediolanensi Archi-Episcopo sanctus Gregorius: „Bonifacius Diaconus mihi nunciavit, quod tres se „Episcopi à pia Fraternitatis vestræ communionem separaverint, „dicentes vos in damnationem trium Capitulorum consensisse, „atque cautionem fecisse. Et quidem si quid de tribus Capitulis „in quocumque vel verbo vel Scripto nominatum est, Fraternitas „vestra benè reminiscitur. Quamvis Decessor Fraternitatis tuæ „Laurentius districtissimam cautionem Sedi Apostolicæ emisisset, „in qua viri Nobilissimi ex legitimo numero subscripserunt. Inter „quos ego quoque, Urbanam Præturam gerens, pariter subscripsi. „Quia postquam talis scissura pro nulla re facta est, justum fuit, „ut Sedes Apostolica curam gereret, quatenus unitatem Universalis Ecclesiæ in Sacerdotum mentibus per omnia custodiret“. Docet varia. Primò, quod ista ad antiquam Ordinandorum Episcoporum professionem adjectio fuerit facta etiam in Occidentali Ecclesia. Secundò, quod Pelagius Pontifex fuerit istius additamenti adeo zelosus Executor, ut Laurentium Mediolanensis Ecclesiæ Electum compulerit contra morem venire Romam, isthic solemnissimè coram summis testibus professurum, & consecrandum. Tertiò, quod Gregorius à Successore Constantio videatur istud additamentum ex causis non exegisse. Quartò, quod quidam Episcopi contra istam novitatem tantoperè recalcitraverint, ut Constantio Metropolitæ, quem additamento consensisse suspicabantur, noluerint

L. 3. Ep. 2.

huerint communicare. Quintò, quod istud additamentum fuerit legitimum. Quia necessarium "ad unitatem universalis Ecclesiæ in „Sacerdotum mentibus per omnia custodiendam". Eadem ratio Bonifacium permovet ad vetustæ Metropolitaram professioni addendam subjectionem & obedientiam Romanæ Ecclesiæ. Et qui istius temporis, & tunc viventium in Gallia Episcoporum qualitates novit, etiam novit additamenti necessitatem.

Tertius Domini Archi-Episcopi error est, quod dicat omnem obedientiæ professionem à prisco more esse adeò alienam, ut magnus Leo ad Anastasium Thessalonicensem Episcopum scribens de causa Attici Episcopi, à quo Anastasius similem sponsonem exegerat, dixerit in ea contineri signum injuriæ. Respondeo istam exactionem omninò fuisse injuriosam. Pontifex non tacet rationem: „Lege-  
„batur in literis tuis, quod Frater Atticus Thessalonicam venisset,  
„quodque consensum suum etiam scripturæ professione signasset,  
„ut de illo non aliud à nobis posset intelligi, quam proprii arbitrii  
„& spontaneæ devotionis fuisse quod venerat, quodque chartulam  
„de obedientiæ sponsonem conscripserat, in cuius tamen chartulæ  
„mentionem signum prodebat injuriæ". Atticus non erat talis qualis Episcopus: Erat enim Metropoli veteris Epiri. Et cum Anastasio nescio quas de Apostolicis vicibus, & ipsarum amplitudine quæstiones habuerat. Interim novellum Vicarium reveriturus, advenerat Thessalonicam, & diderat spontaneam professionem obedientiæ. Verùm solâ voce non contentus Anastasius coëgit ad scriptam sponsonem. Et de hac exactione scribit Pontifex: „In  
„cujus tamen chartulæ mentionem signum prodebat injuriæ". Et subjungit causam: „Non enim necessarium fuerat, ut obligaretur  
„Scripto, qui obedientiam suam ipso jam voluntarii adventus pro-  
„babat officio". Hinc Pontifex affirmat ipsam chartæ mentionem esse manifestum signum injuriæ. Nec professiones, nec ipsarum additamenta exigi possint sine legitimis rationibus.

Notanda etiam sunt hæc Domini Archi-Episcopi verba: „Illa „nihilominus obedientia ad observationem Canonum coercetur". Sunt suspecta, & videntur prodire ex officina Hincmari Rhemensis. Etenim Hincmarus pertinaciter docuit à Romana Ecclesia sanciri non posse novos Canones, sed nova dumtaxat Decreta. Et non qualiacumque, sed sola hausta atque deprompta ex generalibus

Ecclesiæ Canonibus. Quævis alia censuit ex sancti Petri Apostoli privilegio non procedere, ideòque nec recipienda. Et ipse, & ab ipso instructus Rex Carolus Calvus istud Dogma sustinuerunt in multis ad Romanos etiam Pontifices epistolis. Et ipsum firmarunt præsertim ex sancti Leonis epistola ad Episcopos per Campaniam, Picenum, Thusciam, aliasque Urbicarias Provincias constitutos: "Omnia Decretalia Constituta, tam beatæ recordationis Innocentii, quam omnium Decessorum nostrorum, quæ de Ecclesiasticis Ordinibus, & Canonum promulgata sunt disciplinis, custodiri debere mandamus". Affirmarunt non quævis Romanorum Pontificum Decretalia Constituta, sed dumtaxat illa, quæ ex sacrorum Canonum disciplinis fuerint promulgata, esse veneranda & admittenda. Est Dogma Eusebianum ac Photianum. Ejus Sectatores aliud non crepant, quam Papam obligari ad Canones, ideòque extra ipsorum metas nihil posse sancire. Blaterant Romanos Pontifices, & omnes ipsis adhærentes Latinos, jam pridem per diversa, immò & per adversa Decreta esse prævaricatores Canonum, ideòque veram Ecclesiam ad se solos decrevisse. An quidam hodie laborent istâ scabiæ, suo loco discutiatur.



## CAPUT XII.

*An Patriarcha, Antiocephali Exarchi, ac nominatim  
Carthaginensis Primas olim acceperint Pallium à  
Romana Ecclesia?*



Reverentiam dubitandi facit Innocentii tertii Canon, editus in generali Concilio Lateranensi: "Antiocephali. Can. 3.  
„qua Patriarchalium Sedium privilegia renovan-  
„tes, sacra universalis Synodo approbante sanc-  
„mus, ut post Romanam Ecclesiam, quæ dis-  
„ponente Domino super omnes alias ordinariæ  
„potestatis obtinet Principatum, Constantino-  
„politana primum, Alexandrina secundum, Antiochena tertium,  
„Hierosolymitana quartum locum obtineat, servatâ cuilibet pro-  
„pria dignitate, ita quod postquam earum Antistites à Romano  
„Pontifice acceperint Pallium, quod est plenitudinis officii Pon-  
„tificialis Insigne, præstito sibi fidelitatis & obedientiæ juramento,  
„licenter & ipsi suis Suffraganeis Pallium largiantur, recipientes  
„pro se professionem Canonicam, & pro Romana Ecclesia spon-  
„sionem obedientiæ ab eisdem". Sancit varia bene notanda. Primò,  
Constantinopolitanum Canonem, quo ejusdem civitatis Episcopo  
primus post Romanum Pontificem locus deferretur, & quem sem-  
per Romana constantissimè refutavit Ecclesia, tandem admittit &  
probat. Quidam existimant istud ipsum fuisse antea sancitum à  
decimo septimo Canone octavi Concilii. At sine fundamento.  
Quomodo enim octava Synodus circumduxisset Nicolai primi judi-  
cium, summa cum consideratione perscriptum ad Bulgaros? Octa-  
væ igitur Synodi Canon unico contextu involvit antiquam & no-  
vam Romam, & Alexandriam prætermittens, subjungit Antio-  
chiam. Studio ita involvit: Ne vetustum Romanæ Ecclesiæ ju-  
diciū læderet, & ne Græcos, præsertim Imperatorem Basilium  
& afflictum Patriarcham Ignatium, offenderet. Innocentius III.  
possit novæ suæ sanctionis duas habuisse causas. Quod Constans-  
tinopolis tunc teneretur à Latinis: Et quod reliquæ Patriarchales

Sedes gemerent sub Saracenis. Secundò Innocentius circumducit Paschalis secundi Decretum, quod Hierosolymitanum Patriarcham Antiocheno præposuerat: Antiocheno restituit Primævam dignitatem & locum. Et rectissimè atque justissimè. Tertiò mandat, ut omnes Patriarchæ à Romano Pontifice accipiant Pallium, & ipsum tunc transmittant subditis Metropolitibus. Hinc quæritur, An ista Papalis transmissio sit antiqua?

Respondeo non esse. Quod omnes Patriarchæ semper debuerint à Romano Pontifice consecrationis & dignitatis suæ confirmationem supplicare, & ante ipsam legitimè non potuerint sedere, est longè certissimum. Plurima hoc evincunt exempla ac testimonia. At quod Pallium simul postulaverint aut acceperint, nullum est testimonium, nullum exemplum. Etenim de Alexandrinæ Ecclesiæ Patriarchis scribit in Nestorianæ ac Eutychianæ Hæresis Breviario Liberatus, Archidiaconus Carthagenensis Ecclesiæ: "Consuetudo est Alexandriæ, illum", Patriarcham, "qui defuncto succedit, excubias agere super defuncti corpus, manumque dextram ejus suo capiti imponere, & sepulto manibus suis, accipere collo suo beati Marci Pallium, & sic legitimè sedere". Et adjungit: "Defuncto Timotheo Alexandrino Episcopo Theodosius ordinatur. Qui licet haberet Cleri Decretum, contradicere uolentibus non permisit certamen Populi Monachorum", agmen, "quos non habuit, pro Gaiano fuerunt". Est locus mendosus, simili modo supplendus. "Dum hæc", nempe Timothei cadaver custodire, tradere terræ, & sancti Marci Pallium accipere, "Theodosius pertentat, cognoverunt Populi & Monasteria, quid esset factum vespere in Episcopio. Mox Theodosium persecuti sunt, & expulerunt; ne colligeret funus Timothei. Inthronizaverunt autem Gaianum". Liberatus docet nos varia. Primò, quod defuncto Patriarchâ, Clerus & Populus statim eligeret novum. Secundò, quod iste Electus statim consecraretur. Tertiò, quod consecratus custodiret tota nocte defuncti corpus, humaret propriis manibus, sancti Marci Pallium detraheret ejus humeris, ac transferret in suos. Quartò, quod ante ista peracta, ac præsertim ante acceptum suis humeris Pallium, legitimè sedere non posset, idèque nec inthronizari. Hinc enim Alexandrini Monachi ab ista acceptione violentè impederunt Theodosium, atque ita reddiderunt Inthronismo inhabilem. Statim elegerunt Gaianum.

num, fecerunt ordinati, admiserunt ad Patriarchalis cadaveris eustodiam & translationem Pallii, atque ita inthronizarunt. Liberatus nos sextò docet, quod Patriarchis Alexandrinis esset semper idem Pallium, ipsumque de Patriarcha semper transferretur in Patriarcham. Septimò, quod esset ipsum sancti Marci Pallium, ideòque non Constantini aut alterius Imperatoris donum, sed Institutum Apostolicum. Octavò, quod vestiret solos humeros, ideòque esset simplex Omophorion, nontalare ornamentum. Liberatus evertit omnes fabellas Petri de Marca.

Eundem Alexandrinæ Ecclesiæ morem laudat sanctus Epiphanius: "Hæc est Alexandriæ consuetudo, ut post Episcopi mortem  
Hæres. 69  
Cap. 11.  
„Successor non diutius differatur, sed subindè pacis tuendæ gratia  
„subrogetur. Ne aliis hunc, aliis illum amplectentibus, jurgia in  
„vulgus & contentiones existant". Et in literis ad Simplicium Pontificem Acacius Episcopus Constantinopolitanus: "Petrus" Mogus, hæreticus ac intrusus Alexandriæ Patriarcha, "filius noctis", existens, & operum dici lucentium alienus apparens, omninò „tenebras ad latrocinium peragendum congruus earum cooperatore inveniens, mediâ nocte, adhuc jacente cadavere illius, qui „Paternos Canones subverterat", utique Timothei Æluri, „insultato, subrepsit in Sedem, sicut ipse arbitratus est, uno & solo „præsente, & eo qui consors illius insisteret infantiæ". Arguit Petrum Mogum de duobus. Primò, quod fuerit consecratus ab unico Episcopo. Secundò, quod Timotheo necdum sepulto, Pallium festinus acceperit, atque ita inthronizatus fuerit, & cœperit sedere. Licet nec Acacius, nec Epiphanius Pallii acceptionem discretè expriment, ipsam tamen omninò supponunt. Liberato Diacono, qui istius ritus lucidam notitiam ad nos traduxit, summas debemus gratias. Et ex ipsa lucet, quod Alexandrini Patriarchæ olim non acceperint Româ Pallium.

Idem traducendi Pallii mos olim viguit in Hierosolymitana Ecclesia. Uti Alexandrina Pallium sancti Marci, ita Hierosolymitana Ecclesia sancti Jacobi Omophorion traduxit de Patriarcha in Patriarcham. Quo ritu Successor ipsum acceperit, an ex defuncti Antecessoris corpore, an ex Altari, an ab Episcopo consecrante, ignoro. Interim manifestum est, quod Româ non acceperit. Transductio duravit usque ad Patriarcham Theodosium, qui istud Omophorion donavit sancto Ignatio Patriarchæ Constantinopo-



tinopolitano. Sanè admirandum est, quod adeò pretiosum The-  
saurum alienaverit. An hujus alienationis causâ inceperint alio  
modo accipere Pallium, etiam ignoratur. Interim ista forma vi-  
guit etiam apud Armenios. Etenim ipsorum Exarcho Constantino  
Pazerpertensi Gregorius nonus Pontifex misit novum Pallium, eò  
quod prius esset "nimia vetustate consumptum". Papalis epistola  
existat apud Clementem Galanum in prima parte operis de con-  
cordia Romanæ Ecclesiæ cum Armenia. Quidam putant istud  
Pallium fuisse à sancto Gregorio Armeniorum Apostolo. Labun-  
tur. Fuerat enim Româ missum: A magno Papa Gregorio. In-  
fra exponetur.

Eundem morem servavit Constantinopolitana Ecclesia. Etenim  
de sanctis Metrophane ac Alexandro, primis Regiæ civitatis Epi-  
scopis, scribunt antiqua ipsorum Acta in Bibliotheca Phorii: "Me-  
trophanes post Evangelii lectionem nonnulla ad Populum locutus,  
Alexandrum Presbyterum, absentem, Archi-Episcopalis Sedis  
Successorem renunciat. Populus verò uno ore cum ipso Impe-  
ratore aliquot locis exclamavit": Dignus est. "Deindè sacræ  
Mense Altaris Humerale imponit, præcipiens hoc Successori ser-  
vari". Et sic defunctus est. Et de sancto Eutychio, in ejusdem  
civitatis Patriarcham promotò, scribit in ipsius vita Eustatius Pres-  
byter: "Eutychius precibus & manu Pontificum consecratur, San-  
cto Spiritu inungitur, Ovis errantis typum super humeros tollit,  
in Sedem sublimem ascendit, & in Solio sedet". Docet plura.  
Primò, quod Pallium fuerit typus Ovis errantis. Videlicet laneæ  
fasciæ. Secundò, quod gestaretur solis Episcopi humeris. Ita  
& hic Eustatius evertit fabellas Petri de Marca. Tertio docet,  
quod ipse Eutychius Pallium de Altari sumpsit, ac suis impo-  
suerit humeris. Quarto, quod post ipsum sumptum fuerit inthroni-  
zatus, & coeperit sedere. Quintò, quod in ipsa consecratione  
sua sumpsit. Etiam de sancto Germano Patriarcha, ejecto per  
Imperatorem Leonem Isaurum, scribit Georgius Cedrenus: "Ger-  
manum Leo Patriarchæ solio dejecit. Isque Humerale in sacræ  
Mensa magni templi deponens, resignavit munus suum, atque dis-  
cessit". Posuit in Altari, resumendum à Successore. Inter ar-  
ticulos, de quibus Joannes, Macarii Magnesiæ Episcopi Diaconi-  
nus, accusavit sanctum Joannem Chrysostomum, hic fuit nonus:  
"Joannes, totius Cleri habito Conventu, tres Diaconos citavit,  
Aca-

„Acacium, Edaphium, & Joannem, & quasi Humerale ejus furiati essent, accusavit, quærens utrum & ad quem usum cepissent“. Est obscurus articulus. Quis enim furari velit lanceas fascias? Ast erat non personæ, sed Sedis, à primo forsitan Episcopo acceptum, & usque tunc custoditum Humerale: Hinc ejus furtum summi fecit sanctus Joannes. Præsertim quod suspicaretur sublatum ad superstitiones. Hascè suspiciones Joannes Diaconus volebat temerarias, idèdque Zeloso Episcopo vertebat in crimen.

Porrò de Constantinopolitani Patriarchæ creatione scribit in libro de sacris Ordinationibus Simeon Thessalonicensis: „Si electus, utique in Patriarcham Constantinopolitanum, sit Episcopus, post solemnem declarationem statim est Patriarcha, nulloque alio indiget, præter solum Inthronismum Promotus in Ecclesiam venit, templumque ingressus & sacrum Altare, Epitrachelion & Pallium sibi circumponit“. At verò Electum, qui non est Episcopus, affirmat consecrandum à Metropoli Heracleensi, exponit omnem Ordinationis ritum, & tandem concludit: Pallium demùm accipiens, utique Consecrator, „& Cruce signans, Ordinato circumponit, exclamans: Dignus. Quod intra & extra Sanctuarium clarè & magnificè ter decantatur“. Proindè recentiores Græci circa hæc aliquid mutarunt. Olim Patriarcha, dum non esset Episcopus, in consecratione accipiebat Pallium, attamen non à Consecrante, sed de Altari sumptum sibi imponebat: Mutationis causam & tempus ignoro. Quidquid sit, nunquam Roma acceperunt. Eadem est ratio Patriarchæ Antiocheni. Infra ostendetur. De Ephesinz, adeoque etiam de Heracleensis & Cæsareensis Ecclesiæ ritu scripsit ad Imperatorem Marcianum, & ad Chalcedonensem Synodum dixit Bassianus Ephesiorum Episcopus: „Abripiens Pallium Sacerdotii mei, in Sede posuerunt quemdam, & in locum meum“. Haud dubiè illi imposuerunt & Pallium Nam antea inthronizare non poterant. Proindè & istic viguit eadem forma.

Quædam videntur his ob stare. Primò; autoritas Luitprandi Cremonensis Episcopi, Apostolici apud Græcos Legati, ad ipsorum Imperatorem Nicephorum Phocam dicentis: „Sed quid commemorem, cum ipsa Constantinopolitana Ecclesia nostræ sanctæ Catholicæ atque Apostolicæ Romanæ Ecclesiæ merito sit subiecta? Scimus, immò vidimus Constantinopolitanum Pal-

ilo

lio non uti, nisi S. Petri nostri permissu. Verùm cum impiissimus Albericus, quem non stillatim cupiditas, sed velut torrens impleverat, Romanam civitatem sibi usurparet, Dominumque Apostolicum quasi servum proprium in Conclavi teneret, Romanus Græcorum Imperator, filium suum Theophylactum Eunuchum instituit Patriarcham. Cumque eum Alberici cupiditas non lateret, missis cò muneribus satis magnis effecit, ut ex Papæ nomine Theophylacto Patriarchæ mitterentur literæ, quarum auctoritate tum ipse, tum alii Successores absque Paparum permissu Palliis uterentur. Ex quo turpi commercio vituperandus mos inolevit, ut non solum Patriarchæ, sed etiam totius Græciæ Episcopi Palliis utantur. Quod quam sit absurdum, censere opus non est.

Joannes Morinus in Adnotationibus ad Græcorum Ordinationes respondet: "Fabella est id, quod scribit author historiarum Legationis Luitprandi Cremonensis Episcopi ad Nicephorum Phocam Orientis Imperatorem". Arguit præsertim hæc verba: "Ex quo turpi commercio vituperandus mos inolevit, ut non solum Patriarchæ, sed etiam Episcopi totius Græciæ Palliis utantur". Et adjungit causam: "Nec refutatione eget. Dictum ab universa & perpetua praxi tam insolens". Reverà enim omnes Græcorum Episcopi ad omne Sacrificium sunt semper usi Pallio. Est res exploratissima. Attamen Jacobus Goar rectè scribit antiqua Monumenta non esse adeò faciliter projicienda. Et certè fœda istiusmodi commercia non sunt aliena ab isto infelicissimo tempore. Etenim ad undecimi sæculi annum vigesimum quartum scribit Glaber Rudolphus: "Constantinopolitanus Præsul, cum suo Principe Basilio, aliique nonnulli Græcorum, consilium inière, quatenus cum consensu Romani Pontificis liceret Ecclesiam Constantinopolitanam in suo Orbe, sicut Romana est in universo, universalem dici & haberi. Qui statim miserunt, qui deferrent multa ac diversa donorum Xenia Romam, tam Pontifici, quam cæteris, quos suæ parti favere conspicerent. Ubi convenientes, apud Pontificem exposuerunt suæ profectionis querelam. Sed quid non pertentat cæcus amor habendi? Est proverbium: Aureo pugio murum frangere ferreum. Ac licèt pro tempore Philargyria Mundi Regina queat appellari, in Romanis tamen inexplabile cubile locavit. Mox namque ut viderunt deferri sibi fulgidas

fulgidas Græcorum opes, verum est cor illorum ad fraudulen-  
 tiæ diverticula: Pettentantes an fortè clanculò concedere quive-  
 rant, quod petebatur. Addit tentamen fuisse impeditum per  
 clamorosa murmura totius Italiæ, ac præsertim per instantia Mònita  
 venerabilis Guilhelmi Abbatis Cluniacensis, atque ita obtinuisse  
 Domini verbum: Portæ inferi non prævalebunt adversùs eam. Post  
 Photii tempora Græci, licet per Leonis Sapientis Imperato-  
 ris pietatem schisma deposuerint, ac redierint ad obedientiam Ma-  
 tris Ecclesiæ, semper tamen studuerunt Romanum jugum excu-  
 tere. Pedetentim, per particulas, & per cuniculos. Hinc igitur  
 Romanus Imperator obtinere studuit, ut Patriarcha Constanti-  
 nopolitanus posset sine Papali consensu uti Pallio. Non ut deinceps  
 Pallium Romæ non peteret, sed ut ipso sine illius consensu  
 posset uti. Nam ipsum Romæ nunquam petierat. Attamen sine  
 Romana venia non potuerat ipso uti. Etenim novus Patriarcha  
 debebat semper ad Pontificem transmittere Synodicam, & suæ di-  
 gnitatis confirmationem petere. Sine ipsa firmè non sedebat. Im-  
 mò, licet inthronizatus, sedere in Throno non poterat. Nec  
 exercere dignitatem, adeoque nec uti Pallio. Imperator igitur  
 Romanus à Joanne undecimo postulavit, ut Regiæ civitatis  
 Patriarcha deinceps non indigeret Romanâ confirmatione. Hanc  
 Luitprandus significavit per usum Pallii. More Latino, ubi  
 iste usus est Papalis confirmationis symbolum. Hinc Dominus  
 Cardinalis Cæsar Baronius rectè scripsit: "Hæc conversa sunt in  
 magnum detrimentum ipsius etiam Constantinopolitanæ Ecclesiæ,  
 ista indebita accipientis, & ea occasione se magis abalienantis à  
 sinu Matris". Istud sæculum fuit ignorantissimum. Et Luit-  
 prandus Legatus, vel quivis alius Scriptor istius historiæ, Græ-  
 corum mores non satis calluit. Hinc miscuit falsa veris: Scripsit  
 omnes Græcorum Episcopos ex ista occasione cœpisse uti Pallio.  
 Ex eodem fonte Papalem confirmationem expressit per usum  
 Pallii.

Obijci etiam possit Constantinopolitana Photii Synodus, in  
 qua Joannis octavi Pontificis Legatio defert eidem Photio Sacer-  
 dotales vestes, & Episcopalia ornamenta, ipsumque etiam Pallium.  
 Et ad Constantinum Pazerptensem, Armeniorum Exarchum,  
 rescripsit Gregorius nonus: "Quibuldam petitionibus per Nuncios  
 ,tuos nobis ex parte tua exhibitis, ad gratiam exauditionis ad-

„missis, petiit à te Pallium, tuo, quod olim Antecessoribus tuis  
 „fuit ab Apostolica Sede concessum, jam quasi prae nimia ve-  
 „tustate consumpto, nec non Mitram, Stolam, & Annulum  
 „in signum dilectionis & gratiae, ac tuae devotionis indicium,  
 „Fraternitati tuae mittimus”. Et magnus Gregorius Pallium trans-  
 misit Andreae, Nicomedianae civitatis Episcopo, atque ita vide-  
 tur transmississe etiam Constantinopolitano. Etenim Nicomediensis  
 Metropolis est in Pontica Dicecesi, atque ita ejus Patriarcha  
 potiori jure debuit Romam accipere Pallium. Respondeo istam  
 Constantinopolitanam Synodum esse versutum figmentum, quo  
 facinorosus Photius toti Mundo demonstrare molitus est se esse  
 in communione Romanae Ecclesiae, & bonam gratiam Joannis Pon-  
 tificis. Persuadere tentavit omnia contra se à Nicolao primo &  
 Adriano secundo sancita esse per Joannem circumducta, atque ita  
 istos inique judicasse. Nec finxit transmissum sibi solum Pallium,  
 sed omnia Episcopalia Ornamenta: Non ad Episcopalis dignitatis  
 firmitatem impartiendam, sed in singulare symbolum Apostolicae  
 benevolentiae. Armeniorum Episcopi, contra Graecorum & alio-  
 rum Orientalium morem, utuntur Mitris, Annulis, aliisque La-  
 tinis ornamentis. A tempore magni Papae Gregorii. Cum Ro-  
 mana tunc Ecclesia inierunt firma Pacta, & ejus sacros ritus sus-  
 ceperunt, atque ita optimus Pontifex ipsorum Exarcho transmissit  
 omnia Latina ornamenta, usque ad Pallium. Non ad accepti  
 Episcopatus firmitatem, quam juxta vigesimum octavum Chalce-  
 donensem Canonem accipiebant à Patriarcha Constantinopolitano,  
 sed ad testimonium initae concordiae, ideoque & singularis dile-  
 ctionis & gratiae. Istud Pallium tempore Gregorii noni erat ve-  
 tustate consumptum: Hinc Constantinus Exarchus postulavit no-  
 vum, & accepit. Eundem in finem. Adducta magni Gregorii  
 L. 5. Ep. 7. epistola est vitata. Legendum est: „Nicopolitanae civitatis E-  
 „piscopum”. At verò Nicopolis, utpotè caput veteris Epiri, spe-  
 ctat ad Romanum Patriarchatum.

Res ita cucurrit usque ad duodecimi saeculi exordium, quan-  
 do Godefridus, Lotharingiae ac Bullonii Dux, & alii Francorum  
 Principes coeperunt suis armis proficere in terra sancta, atque Epi-  
 scopalibus isthic Cathedris imponere Latinos Antistites. Tunc  
 Latini isti Patriarchae, immò & quidam Metropolitae acceperunt  
 Romam Pallium: Plerique Metropolitae maluerunt à Patriarchis  
 accipere

accipere. Omnes interim acceperunt. Etenim isthic plantarunt omnes ritus, omnemque disciplinam Latinæ Ecclesiæ. Guilhelmus Tyriorum Archi-Episcopus in suis de sacro Bello libris adducit exempla varia, ex quibus discimus omnem rerum seriem. Audiamus singula exempla. In septimo libro scribit Albarensem in Apamæensi, seu secunda Syria civitatē fuisse expugnatam à Raimundo, Comite Tholosano, & Petrum Narbonensem illi datum Episcopum, atque profecit : "Petrus Antiochiam, ut suæ consecrationis munus susciperet, de Mandato Comitum profectus, Pontificalis adeptus est plenitudinem potestatis. Postmodum, verò Antiochenā ordinata Ecclesiā, per Dominum Bernardum, ejusdem civitatis Patriarcham Latinorum Primum, suæ Metropolis in eandem Ecclesiam transtulit dignitatem, suscepto ab eodem Pallii genio, factus Archi-Episcopus". Apamea est antiqua secundæ Syriæ Metropolis : Ejus Metropolitancā dignitatem Bernardus Patriarcha transtulit Albaram, atque ita Petro, isthic Episcopo ac Metropolitano, Latino more transmisit Pallium.

Cap. 1.

In tertio decimo libro Guilhelmus scribit de Guilhelmo Tyriorum primo post captam Urbem Latino Archi-Episcopo, suo Antecessore : "Prædecessor noster Dominus Guilhelmus, suscepto consecrationis suæ munere à Domino Hierosolymitano Patriarcha, ut Pallium acciperet, invito & renitente eodem suo consecratore, Romam profectus est, ubi à Domino Honorio Papā secundo, benignè susceptus, quod petebat obtinuit, cum multa honorificentia remissus ad propria". Hierosolymæ Patriarcha erat Dominus Garmondus. Inter ipsum & Guilhelmu[m] orta est quæstio de jure dandi Pallium. Garmondus ad Patriarcham, Guilhelmus censuit spectare ad Papam. Nempe dandi Pallii ritus antea sub Græcis non fuerat apud istas Ecclesias, ideoque neutra pars allegare poterat manifestum Canonem, aut consuetudinem. Porro in Latina Ecclesia vigeat tunc rigidissima regula, quæ Pallium nulli dabat absenti : Etiam remotissimi Metropolitæ cogebantur Romam accedere, & in Papali Consistorio accipere Pallium. Hinc Guilhelmus Romam accessit, fuit gratissimus Honorio secundo, & cum summo decore remissus in Sedem. Placebat Pontifici, ut istud in Orientalium Patriarcharum Metropolitæ jus devolveretur in Romanam Ecclesiam. Guilhelmus historicus subjungit : "Quid autem in causa extiterit, quod Guilhelmus à Hierosolymitano

Cap. 23;

„mitano Patriarcha consecratus, & ei obediens fuerit, cum à tem-  
 „pore Apostolorum usque ad eum diem Tyrensis Ecclesia Antio-  
 „chenz Sedi subdita fuisse dignoscatur, competenti loco sequens  
 „edocet Tractatus”.

Defuncto Guilhelmo in Tyriam Cathedram successit Domi-  
 nus Fulcherius, Engolismensis apud Aquitanos, Canonicus Re-  
 gularis sancti Augustini, de quo Guilhelmus Historicus in quarto  
 decimo libro scribit: ”Fulcherius, post quam à Domino Hiero-  
 „solymitano Patriarcha Guilhelmo suæ consecrationis munus ac-  
 „cepit, exemplo Prædecessoris sui volens ad Romanam Ecclesiam  
 „pro obtinendo Pallio properare, ab eodem Patriarcha, & ejus  
 „complicibus est passus insidias & violentiam, ita ut vix, & cum  
 „multa difficultate manus eorum posset effugere, & ad Romanam  
 „Ecclesiam pro causa prædicta pervenire, sicut ex tenore litera-  
 „rum Papæ Innocentii manifestè deprehenditur”. Innocentii se-  
 cundi ad Guilhelmum Patriarcham literæ sic habent: ”Parùm  
 „tibi visum fuit, quod venerabilem Fratrem nostrum Fulcherium,  
 „Tyrensem Archiepiscopum, more Prædecessorum suorum pro  
 „susceptione Pallii venientem ad Romanam Ecclesiam, disturbare  
 „præsumperas, nisi & erga eum à nobis redeuntem te inhumana-  
 „num ac difficilem, & nimis asperum exhiberes”. Innocentius  
 diligebat Fulcherium. Durante enim Petri Leonis schismate, fi-  
 deliter & generosè apud Aquitanos se gesserat: A Gerardo En-  
 golismensi Episcopo, Petri Leonis pertinacissimo Fautore vexatus,  
 Abbatiam suam derelinquere, in terram sanctam peregrinus abire,  
 & isthæ in Templi monasterio subditus vivere maluerat, quam  
 Schismatico Idolo adhærere. Proindè lis inter Patriarcham & Pa-  
 pam tunc adhuc pendebat: Et Innocentius judicavit pro suo di-  
 lecto Fulcherio, adeoque & pro Sede Apostolica.

Defuncto Bernardo, primo Antiochenorum Latino Patriarchæ,  
 successit Dominus Radulphus, vir Illustris Natalium, animo  
 generosus, charus populo, verùm non ita Episcopis & Clero.  
 Hinc sine horum suffragio fuit electus. Et de ipso scribit Guil-  
 helmus Historicus: ”Quod”, utique factam à Populo electio-  
 nem, ”audientes” Episcopi, ”qui ad hoc, ut sibi Patriarcham,  
 „Authore Domino, præficerent, convenerant, timentes furentis  
 „& vociferantis Populi indiseretos impetus, divisi sunt ab invicem,  
 „ei quem non elegerant, obedientiam exhibere recusantes. Ille  
 tamen

„tamen nihilominus Palatium & Ecclesiam occupans, statim sine  
 „mora Pallium de Altari beati Petri, nulla ad Romanam Eccle-  
 „siam habitâ reverentiâ, assumpsit. Erat enim consecratus Epi-  
 „scopus, Archi-Episcopus Mamistransus. Hanc ejus præsumptionem  
 Lambertus; Antiochenæ Ecclesiæ Archi-Diaconus, vehementer ac-  
 „cusavit apud Innocentium Pontificem, atque ita Radulphus fuit  
 „citatus Romam, & compulsus accedere. Guilielmus Histo-  
 „ricus prosequitur: "Radulphus Romam perveniens, prima facie Lib. 15.  
 „difficiles habuit ad Dominum papam introitus, tanquam Roma Cap. 10.  
 „næ persecutor Ecclesiæ, & qui singularem Sedis Apostolicæ Pri-  
 „matum comminuerit & infringere voluerit, sedem æmulam con-  
 „tra Romanam erigens, & parificans Ecclesiam, tanquam lætæ  
 „Majestatis reus, ab ingressu sacri arceatur Palatii, & à Domini  
 „Papæ colloquio suspenditur. Porro tam Dominus Papa, quam  
 „universa Ecclesia, procliviores erant ad hoc, ut Dominum Pa-  
 „triarcham quâlibet honestâ occasione gravarent, ejusque Adver-  
 „sariis plurimum exhibebant favorem. Suspectus enim eis habe-  
 „batur admodum, eò quod vir esset dives & magnificus, & Se-  
 „dem, cui præerat, Antiochenam videlicet, Romanæ subja-  
 „cere dedignabatur, sed ei eandem in omnibus parificare conten-  
 „debat, dicens urramque Petri esse Cathedram, eamque quasi primo-  
 „genitæ insignem Prærogativa. Undè multipliciter ad ejus gravamen  
 „nitebantur. Tandem quorundam Amicorum ulus officio, interve-  
 „nientibus tam Domini Papæ, quam suis familiaribus, & semitis di-  
 „rigentibus, admissus est ad Domini papæ & Curiae solemniter con-  
 „gregatæ præsentiam, & cum multa susceptus est magnificentia".  
 Guilielmus rectè scribit ipsum de schismatica adversus Ro-  
 „manam Cathedram rebellionem fuisse suspectum. Hinc enim om-  
 „nium animi fuerunt constanter averſi. Attamen suspicio carebat  
 „firmis fundamentis. Etenim Radulphus censuit se, licet Latinum,  
 „esse tamen Antiochenæ Ecclesiæ Patriarcham, ideoque se succe-  
 „dere in omnia jura, in omnes mores & ritus, quibus à sancti  
 „Petri Apostoli tempore Catholici ejus, inter quos multi sancti,  
 „Græci Antecessores fuerant constanter & perpetuò usi. Et inter  
 „istos mores fuerat Pallium non Româ petere, sed accipere de Altari.  
 „Nec dubitandum est, quin Radulphus ista adduxerit ad sui pur-  
 „gationem. Hinc Innocentius Pontifex causam suspendit, & Guil-  
 „helmus prosequitur: "Verum cognoscens tota Curia, quod qui ad ac-  
 „cusan-



„cufandum prodierant, non erant catenus instructi, ut Domino Pa-  
 „pa & ejus Assessoribus plenam de objectis possent ibi facere fi-  
 „dem, significatur ambabus partibus, quod interim quiescant;  
 „quousque Dominus Papa aliquem de Latere suo ad partes dirigat  
 „Antiochenas, qui ibi habitū testium & instrumentorum copia,  
 „de causa plenius possit cognoscere. Interea resignato Pallio,  
 „quod idem Patriarcha de Altari Antiochenæ Ecclesiæ suæ sibi sum-  
 „serat autoritate, in injuriam, ut dicebant, Sedis Apostolicæ,  
 „& Cardinalibus tradito, aliud ei, sumptum de corpore beati  
 „Petri, more solemniter per priorem Diaconum traditur. Sic itaq;  
 „morā, quantum negotium ejus videbatur exigere, Romæ ha-  
 „bitū, cum plenitudine gratiæ, salvā tamen quæstione, sumptā  
 „licentiā, reversus est. Nempè Innocentius Pontifex vidit nul-  
 „lam esse speciem attentati schismatis. Nihilominus constanter vo-  
 „luit, ut omnes isti Latini Patriarchæ Pallium acciperent à Sede  
 „Apostolica. Hinc etiam Hierosolymæ Patriarcha Amalricus ipsum  
 „per Fredericum Acconensem Episcopum solemniter petiit, atque  
 „obtinuit ab Adriano quarto. Ita idem Guilielmus scribit in libro  
 „decimo octavo.

Cap. 20.

Res ita ambulavit usque ad Innocentium tertium. Interim  
 Flāndri nostri occuparunt etiam Constantinopolim, ipsi im-  
 posuerunt Latinum Patriarcham, & plerisque istius Imperii ci-  
 vitatibus Latinos etiam dederunt Episcopos. Hinc novus iste  
 Orientalis Ecclesiæ status est deductus ad Lateranensem laudati  
 Pontificis Synodum. Quæsitum est, an Latini isti Patriarchæ  
 deberent Pallium Romā petere, an accipere ex Altari? Et an  
 subiecti Metropolitæ idem ornamentum deberent à Papa obti-  
 nere, an à suo Patriarcha? Innocentius erat peritissimus sacro-  
 rum Canonum. Quare respondit Patriarchas à Papa, Metroi-  
 politas debere à Patriarcha insigniri. Etenim apud nos Latinos  
 Pallium est Episcopalis confirmationis symbolum: Ac verò juxta  
 Nicænos, ideoque & juxta Apostolicos Canones Episcopatus sui  
 firmitatem Patriarchæ à Papa, Metropolitæ debent accipere à  
 Patriarcha. Eadem ergo est ratio Pallii. Innocentius sanxit pro  
 solis Latinis: Etenim Græcorum ritus sunt omnino Apostolicum  
 Institutum, ideoque absit ut Lateranensis Synodus ipsos circum-  
 duxerit aut circumscripserit. Quapropter Græci, dum à Divina  
 misericordia excessuum suorum veniam, veram Christianitatem,

ac

## ROMANIS APPELLATIONIBUS.

531

ac avitam libertatem receperint, vivere poterunt juxta Canones suorum Parentum. Romana Ecclesia, uti Afris post ejectos Wandalos reddidit, ita post ejectos Turcos Græcis libentissimè reddet omnia sua Privilegia.

Sanctus Leo IX. constanter affirmat, quod Carthagenensis Archi-Episcopus, & quidem solus, consueverit in Africa habere ab Apostolica Sede Pallium. Quod solus haberet, est manifestum. Et ratio est in promptu: Quod nempe Metropolitana isthic potestas esset desultoria, ac de civitate migraret in civitatem. Etiam Pallium potuisset migrare; verum Ecclesia judicavit non expedire. Quod autem Carthagenensis Pallium aliquando ab Apostolica Sede acceperit, Leoni IX. est credendum. An semper fuerit ita observatum, non possum affirmare. Hac enim de re nihil reperio, nisi Synodicam epistolam, qua Victor Carthagenensis Archi-Episcopus suam consecrationem per tres Legatos solemniter refert Theodoro Pontifici, & postulat confirmari: "Significamus Deo placitæ Fraternitati tuæ nostram Humilitatem in sancta Carthagenensis civitatis Ecclesiâ Pontificalis honoris accepisse consecrationem & Stolum. In quo dignitatis fastigio ut à Deo omnipotente regamur, vestris sanctis nos commendantes orationibus, poscimus". Sacerdotalis honoris Stolum distinguit ab Episcopali consecratione, ideòque per ipsam videtur intelligere Pallium. Et addit se accepisse simul cum consecratione: Haud dubiè à consecrante Episcopo. Laudata Victoris Synodica exstat in Lateranensi Synodo sancti Martini Pontificis.



CAPUT

## CAPUT XIII.

*Discutiuntur quadam novelli Scriptoris Asserta  
circa Pallium.*



Novellus Scriptor nuperrimè vulgavit Diurnum librum Romanæ Ecclesiæ. Et addidit non solummodo Notas, sed insuper tres Appendices Dissertationes, quarum tertia est de usu Pallii. Plura satis infeliciter. Præfatæ Dissertationis quædam sunt discutienda. Primò, hæc verba: "In sacris Ornamentis vox, Pallium, ambiguum

**Mem. 1.** „habet significationem. Sumitur enim aliquando pro veste sacra, crâ, quæ superinduitur: Ut quod Pluviale dicitur, quodque „Cappa, & Casula. Aliquando pro Insigni quodam dignitatis „eximie, quod ipsi etiam Cappæ, Casulæque imponitur. Atque „inde Pallii nomen sortitur: Quoniam vel Pallio imponitur, sicut „Pallium reliquis vestibus, vel est Pallii Ornamentum quoddam & decus. Frustra enim sunt, qui super eâ nominatione „anxiè quærendâ se cruciant”.

Respondeo tria deviare. Primum est, quod dicat Pluviale seu Cappam, itemque Casulam in rebus sacris quantoque appellari Pallium, Certè pro istâ nomenclaturâ nullum mihi occurrit testimonium. Præterea apud Romanos Casula & Pallium, uti formâ, ita & nomine semper fuerunt diversissima. Secundum est, quod dicat Pallium aliquando superponi Cappæ seu Pluviali. Etenim Romanum Pontificale præscribit longe aliud: „Patriarcha vel Archi-Episcopus uti Pallio non potest omnitempore, sed tantum in Ecclesiis, in Missarum Solemniis”. Omnino laudat antiquos mores universalis Ecclesiæ. At verò ista Solemnia fieri non possunt cum Pluviali, sed dumtaxat cum Casula. Tertium est, quod dicat Pallium appellari à superimpositione vel ornamento Pallii, quod est Casula. Errat variè. Meliorem Ætymologiam adduxi ex sancto Isidoro Hispalensi. Interim valdè probo hanc præfati Scriptoris regulam: „Frustra

"Frustra sunt, qui super eâ nominatione anxie quærendâ se cruciant"

Novellus Scriptor pergit: "Sicut in Orientali Ecclesiâ nullum  
designari potest tempus, quo Pallium à Patriarchis gerere- Num. 9.  
pit, sic neque in Occidentali. Quare perpetuus merito dici po-  
test ulus in summis Pontificibus, cum Sacris operarentur,  
aut munia sibi propria obirent. Fuit certè usus ante annum  
trecentesium trigesium sextum, quo anno Marcus Papa  
Hostiensis Episcopo permisit Pallium gerere tunc, cum Electum  
à Clero Romano in summum Pontificem more Majorum or-  
dinaret". Respondeo Palli antiquitatem esse longè certiorē  
ac manifestiorem in Orientali Ecclesia, quàm in Occidentali. Et-  
enim quod sanctus Marcus, primus Alexandrinorum Patriar-  
cha, Pallium gesserit, ac ipsum suis Successoribus gerendum  
tradiderit ac reliquerit, supra audivimus à Liberato Diacono.  
Et ejus irrefragabilem auctoritatem confirmat in litteris ad san-  
ctum Cyrillum, ibidem Patriarcham, sanctus Isidorus Pelusio-  
tes, Presbyter ejusdem Ecclesiæ: "Filius tuus sum. Quippe qui l. 1. ep. 370  
magni illius Marci speciem atque habitum præferas". Græcus  
textus habet, quod magnum illum Marcum schematizes. Hoc  
est, imiteris ac repræsentes per eundem ejus habitum. Utique  
per Episcopale Pallium. Æquè firma testimonia adduxi etiam  
pro Pallio sancti Jacobi Apostoli, primi Episcopi apud Hiero-  
solymam.

Novellus Scriptor pergit: "Non recedit procul à vero sen-  
tentia illorum, qui Linum, Petri Successorem, hujus Ori- Num. 10.  
namenti auctorem faciunt. Affirmat Rupertum Abbatem Tui-  
tensem, ac Augustinum Patritium ita sentire, atque prosequi-  
tur: "Mirabile porro est, quod scribit Rupertus Maternum,  
qui ad Treverensem Ecclesiam fundandam à B. Petro Apo- Num. 11.  
stolo missus est, hæreditatem Palli suis Successoribus reliquisse.  
Id enim si verum sit, faceri oportet sanctum Petrum fuisse  
utrum Pallio, eoque Maternum donasse, atque adeò ab exor-  
dio nascentis Ecclesiæ summos Pontifices & gessisse & concess-  
isse Pallium. Verùm ut sine testimonio Veterum auctor ille  
duodecimi dumtaxat sæculi tam antiquam Palli concessionem  
facit, ita fidem vix obtinere valet, saltem apud homines non  
vehementer credulos".

Respondeo Rupertum omnino adjuvari testimoniis Veterum Irrefragabilibus. Testimonio sancti Marci. Sanctus enim Marcus Alexandrinam Ecclesiam non tam suo, quam potius sancti Apostoli Petri nomine ac vice fundavit, insedit, ac rexit. Ista Ecclesia est Patriarchalis, ac Apostolica, & quidem secunda totius Christianitatis Sedes, ideoque fundari ac insideri debuit non per alium, quam per ipsum Apostolorum Principem Petrum. Loquor rem firmam, & cunctis Christianæ Hierarchiæ Peritis exploratam. Proinde quidquid Sacræ disciplinæ sanctus Marcus istuc instituit, accepit à sancto Petro. Insigniter hoc docet magnus Leo in litteris ad Dioscorum, novellum Patriarcham istius Ecclesiæ: "Unum nos sentire oportet & agere. Cum enim Beatissimus Petrus Apostolicum à Domino acceperit Principatum, & Romana Ecclesia in ejus permaneat Institutis, nefas est credere, quod sanctus Discipulus ejus Marcus, qui Alexandrinam primus Ecclesiam gubernavit, aliis regulis traditionum suarum Decreta formaverit, cum sine dubio de eodem fonte gratiæ, unus Spiritus fuerit Discipuli & Magistri, nec aliud Ordinatus tradere potuerit, quam quod ab Ordinatore suscepit". At vero quod inter alias sancti Marci traditiones ac Decreta fuerit Episcopale Pallium, jam audivimus à Liberato Diacono ac sancto Isidoro. Igitur Marcus istud accepit à S. Petro.

Epist. 81.

L. 5. C. 17.

Quod ipsum confirmatur ex Pallio sancti Jacobi Apostoli. Etenim magnus ille, & antiquus adversum Montanistas Scriptor, & gloriosus Martyr Apollonius "ex Veterum traditione, refert Dominum Apostolis suis mandasse, ne infra duodecim annos Hierosolymis excederent". Ita testatur in Ecclesiastica historia Cæsariensis Eusebius. Isto igitur tempore Apostoli disposuerunt Ecclesiam, ac ejus fundamentales ritus ordinarunt. Quare dubitandum non est, quin ex istis Decretis sanctus Jacobus assumpserit Pallium. Quod ipsum S. Petrus omnino fecit Antiochiæ, ac inde portavit Romam, Quod perditæ Ovis, ac Pastoris ipsam super humeros reportantis Parabola fuerit & Apostolis & primis eorum Successoribus usitatissima, demonstrant plurima ipsorum testimonia. Et certè illa nobis prædicat originalem humani generis lapsum, illius reparationem per scandalum Crucis, Episcopalem zelum in lucrandis animabus, aliæque non pauca aut parva mysteria: Hinc illa omnia

Apo

Apostoli censuerunt esse nobis repræsentanda per Episcopale Pallium.

Scriptor ille pergit : " Par est credere , prioribus temporibus  
 „ Pallium datum esse solis Occidentalibus à Pontifice. Nullum enim Num. 29.  
 „ reperitur exemplum dati Orientalibus , ante constitutos in Orien-  
 „ te Patriarchas Latinos. Nam quod de sancto Cyrillo narrant Theo-  
 „ dorus Balsamon & Photius , eum accepisse à sancto Celestino  
 „ cum Vicariâ potestate exercendi in Ephesina Synodo Judicii de  
 „ Nestorio Phrygium , quod interpretantur Pallium , infirmo fun-  
 „ damento innititur. Siquidem nullum de potestate præsidendi Con-  
 „ cilio demandatâ exstat in litteris sancti Celestini , Actisque Con-  
 „ cilio verbum , nullum & de Pallio. Immo creditur à nonnullis  
 „ hæc fabula à Constantinopolitanis , tunc cum ab Ecclesia Latina  
 „ se abstraxissent , eo consilio conficta , ut Alexandrinorum dignita-  
 „ tem deprimerent , velut à Romanis profectam , aut certè auctam .  
 Videntur hæc desumpta ex Andrea Saussayo , qui in libello de Sa-  
 cro Pallio scribit : " Observandum , extra Occidentem Pallium Cap. 3.  
 „ dictum fuisse Phrygium , quod Phrygiorum opere texeretur ,  
 „ crucibusque passim insigniretur . Libellus exstat in ejus opere  
 de mysticis Galliæ Scriptoribus .

Respondeo utrumque manifestè labi. Primò , quod dicant  
 Phrygium , sancto Cyrillo à beato Celestino Pontifice datum , fuisse  
 Pallium : Et ita tradi à Theodoro Balsamone ac Photio. Etenim  
 sanctus Cyrillus habebat sancti Marci Pallium , ideoque non indi-  
 gebat alio. Vacuum fuisset istud beneficium. At verò Græco-  
 rum Patriarchæ ac Episcopi olim non gestabant Mitras : Hinc fieri  
 possit , ut ipsam Celestinus Cyrillo donaverit. Ad firmandam  
 ejus in Ephesina Synodo auctoritatem. Et istud asserit Theodo-  
 rus Balsamon. Audiamus ejus verba in Commentario ad Photii  
 Nomo-Canonem : " Hujus quoque temporis Patriarcha Alexan- Tit. 8. c. 1.  
 „ drinus ex præsentî Constantinianæ donationis " Edicto jus habet ,  
 „ ut cum Phrygio celebret. Habuit autem hanc facultatem sanctus  
 „ Cyrillus Alexandrinus à Romano Papa Celestino , quando coa-  
 „ cta est Synodus Ephesina contra Nestorium. Cum non posset Ce-  
 „ lestinus adesse Ephesi , & judicare Nestorium , visum est ut sancto  
 „ Cyrillo à Celestino permitteretur huic Synodo præsidere. Ut  
 „ itaque constaret eum habere jus & auctoritatem Papæ , sedit cum  
 „ Phrygio , & condemnavit Nestorium. Ab illo igitur tempore

cum eodem Phrygio Sacra celebrant, & procedunt Patriarchæ „Alexandrini“. Per Phrygium nullatenus Pallium intelligit, sed Mitram. Nam & istud ibidem appellat Caddenarium, non humerorum, sed capitis ornamentum. Et Pallium etiam apud Orientales est simplex lana, idedque remotissima à Phrygio. Et pallium est intra Ecclesiam, immò intra sacra Missarum Solemnia circumscriptum: Cum ipso non potest procedi. Et quid opus multis?

L. 14. c. 34 Nicephorus Calixtus lucidè scribit: „Ex quo tempore fama est „sanctum Cyrillum Mitram accepisse, quæ deinde per successio- „nem ad eos etiam pervenerit, quibus sorte Ecclesiæ Alexandrinæ „Thronus legitimè obvenisset, sacros Episcopos“. Etiam in Græco textu habetur vox, „Mitra“. Quare non est paraphrasis Latini Interpretis.

Alter istius novelli Scriptoris error est, quod de Ephesina sancti Cyrilli Præsidentia nullum sit verbum in sancti Celestini litteris, Actisq; Concilii + est horrendus error. Etenim Ephesinæ Synodi post Romanorum Legatorum adventum facta ad Principem relatio laudat istorum Legatorum potestatem, & adjungit: „Et hæc quidem etiam antequam Sanctissima hæc Synodus conveniret, Celestinus Sanctissimus magnæ Romæ Episcopus per litteras suas „indicaverat, Cyrilloque Sanctissimo magnæ Alexandrinæ civitatis „Episcopo, ut suas vices subiret, commiserat“. Etiam relatio, quæ allatæ per Joannem sacrarum Largitionum Comitem Sacræ respondit, ac item alia sancti Cyrilli reparationem postulans relatio disertè illum appellant Synodi Præsidem, ac Joannem Antiochenum de intolerabili audaciâ arguunt, quod fuerit in ipsum ausus contumeliosi Judicii manus mittere. Et hinc per Romanos Legatos reparatus Cyrillus præsedit cunctis Synodalibus Actionibus: Præsedit etiam ante illos. Scio quod utraque relatio non solum Cyrillum, sed etiam Memnonem, quem constat non fuisse, appellet Præsidem: Nempe per figuratam Grammaticam, quæ unius Substantivi idioma transcribit etiam in aliud, ei in eadem constructione adjunctum.

Porro Cyrillum per Apostolicas vices prædesse, disertè testatur prima sancti Gelasii Pontificis Synodus: „In sancta Ephesina Synodo Nestorius condemnatus est, consensu beatissimi Celestini „Papæ, mediante Cyrillo, Alexandrinæ Sedis Antistite, & Arcadio Episcopo ab Italia destinato“. Et in libello, quem Anastasii

stasii secundi Pontificis ad Anastasium Imperatorem Legatis dede-  
 runt, Dioscorus & Chremon, Apocrisarii Alexandrinæ Ecclesiæ:  
 „Si quando contigerit in rebus ambiguis quædam Episcoporum  
 „Concilia celebrari, Sanctissimus is, qui Romanæ Ecclesiæ præ-  
 „sideret, reverendissimum Alexandrinæ civitatis Archi-Episcopum  
 „deligebat, ut sui loci curam susciperet”. Palam respiciunt sanctum  
 Celestinum & Cyrillum. Et omnes Græcorum Episcopi in pro-  
 fessione, quam Chalcedone apud sanctam Eupheniam fecerunt Vi-  
 gilio Papæ, laudant Ephesinam Synodum, & adjungunt: „In qua  
 „in Legatis suis atque Vicariis, id est, beatissimo Cyrillo, Arca-  
 „dio & Projecto Episcopis, Philippo Presbytero, Celestinus Pa-  
 „pa nosciur præfuisse”. Professio exstat in Constituto Vigilii.  
 Etiam Liberatus Diaconus in Breviario scribit de Ephesina Syno-  
 do: „Cyrillus habens vices Sedis Apostolicæ”. Proinde Cyrillus Cap. 5.  
 fuit omnium Legatorum primus, ideoque & primo supra omnes  
 loco semper sedit. Et Mitram accepit a Papa, non Pallium. Ni-  
 cephorus tamen Galixtus rectè addit: „Fama est”. Quoniam  
 est incertum.

Nihilominus fateor in hodie exstantibus Celestini Papæ literis  
 expressè non laudari hanc Apostolicam Cyrilli Præfidentiam. Nem-  
 pe delegans epistola perit aut latet. Ejus tamen insignem me-  
 moriam habemus in Rescripto, quod ad varias Cyrilli quæstiones  
 dedit Celestinus: „Itaque breviter Responsum tuæ reddimus San-  
 „ctitati. Etenim quæris, utrùm sancta Synodus recipere debeat  
 „hominem”, videlicet Nestorium, „à se Prædicata damnantem, an  
 „quia induciarum tempus emensum, sententia dudum lata per-  
 „sistat. Tuæ sit Sanctitatis hoc cum venerando Fratrum Conci-  
 „lio”. Cyrillus varias circa Synodalem Processum ac authorita-  
 tem quæstiones Celestino proposuit, & Pontifex cunctas remisit  
 ad Cyrilli cum futuro Concilio arbitrium, atque ita palam affir-  
 mat ac supponit Cyrilli Præfidentiam. Et certè Cyrillus istius-  
 modi Dubia referre non poterat, nisi ex officio Prælidis. Et qui-  
 dem hoc Rescriptum non accepit nisi ab Arcadio & Projecto, Le-  
 gatis Episcopis, post damnatum Nestorium. Ex quo lucet dele-  
 gatorias Præfidentiae litteras fuisse priores, & Cyrillo ad manum  
 fuisse in ipso exordio Synodi. Nam sine ipsis nihil Synodale in-  
 choare poterat. Quæ omnia elucescent etiam ex Commonitorio,



quod Legatis è suo Latere ad Synodum Episcopis Celestinus dedit, & quod suo tempore vulgabitur.

Novellus Scriptor pergit : "Ex Veterum monumentis nullum reperitur vestigium dati Pallii Africanis ullis, saltem quamdiù Africana Ecclesia retinuit aliquid pristini splendoris. Immò datum omnino non fuisse ratio convincit. Nam cum Pallio tribuebatur Archi-Episcopi nomen, à quo ita abhorrebat Africana Ecclesia, ut in Concilio sanciverit, ne primæ Sedis Episcopus appelleretur Princeps Sacerdotum, aut summus Sacerdos, aut aliquid ejusmodi, id est, Archi-Episcopus, sed tantum primæ Sedis Episcopus" Respondeo Archi-Episcopalis Tituli apud Afros usum esse abundè expositum in superioribus. Interim Carthagenensis Episcopus, licet ipso dudum usus non fuerit, erat tamen magnus Metropolita, ac insuper Primas multarum Provinciarum. Et quod Pallium habuerit, disertè affirmat sanctus Leo nonus. Et rectè affirmat. Etenim Victorem Carthaginensem Episcopum, dum suam consecrationem retulit, & confirmandam supplicavit, supra audivimus scribentem ad sanctum Theodorum Pontificem : "Significamus tui Deo placitæ Sanctitati, nostram Humilitatem, Divinà gratiâ præveniente, in sanctæ Carthaginensis civitatis Ecclesiâ Pontificalis honoris accepisse consecrationem & Stolam" : Epistola exstat in Lateranensi Synodo sancti Martini Pontificis. Per Stolam omnino intelligit Pallium. Est phrasis istius temporis. Etenim authenticus, & insigniter orthodoxus isto tempore Scriptor, qui laudati Martini Martyrium eruditè descripsit, hæc habet : "Suscipientes sanctum Martinum Carnifices exuerunt exterius ejus Pallium Sacerdotalis Stolæ". Et Theodosius Hierosolymæ Patriarcha sancto Ignatio Patriarchæ Constantinopolitano, dum sancti Jacobi Apostoli transmisit Pallium, scripsit se mittere "Poderem & Super-Humerale cum Mitra, Pontificalem Stolam sancti Jacobi Apostoli". Hoc est, quæ erant Pontificalis Stola. Quod palmare donum fuerit Super-Humerale, disertè testantur Nicetas Paphlago, ac Michaël Syncellus. Et ex istis videmus, quod Carthaginensis Antistes Pallium Romæ non acciperet, sed à suis Consecratoribus. Attamen sanctus Leo nonus non malè affirmat, quod ipsum acceperit ab Apostolica Sede.

Novellus Scriptor post varia pergit : "Cum summi Pontifices soliti sint Episcopos, quos Pallio donabant, sedulò monere, ut eo

„eo inter sola Mislarum solemnia utantur, immò Gregorius mag-  
 „nus Ravennatem Episcopum in Litanis gerentem graviter redar-  
 „guat, quamquam postea fatigatus importunis precibus id indulsit,  
 „quæri non immeritò potest, quæ fuerit tam expressi, tamque  
 „instantis Moniti causa". Adducit varias conjecturas, & adjungit:  
 "Inde verò fit consequens, ut pretiosæ vestis, cujusmodi sacra  
 „Casula, pretiosus olim Ornatus adderetur, non item lanea tænia,  
 „& vile quoddam additamentum. Neque obijci potest, quod  
 „posterioribus temporibus eadem admonitio perseverarit, etsi la-  
 „neum coeperit esse Pallium. Nam vel mos antiquus admonendi  
 „retentus est, quia retentæ pariter mittendi Pallii veteres formu-  
 „læ".

Respondeo hæc esse frivola, ac insuper falsa. Falsum est,  
 quod sacra Casula olim fuerit pretiosa vestis. Fuit lanea, ad instar  
 Pallii. Et talis etiam nunc hodiè est apud Græcos, tenacissimos an-  
 tiquorum rituum, Etenim clamor ille Græcus, qui Innocentii  
 tertii Pontificis tempore varias contra Latinam Ecclesiam vomuit  
 contumelias, scribit inter cætera: "Latinorum Sacerdotes & E-  
 „piscopi Sacerdotes Stolas, id est, Casulas, non de lana, sed  
 „de sericis naturâ contextentes, eis operantur, diuturnas ipsas  
 „præparantes, cum hujusmodi Stola, id est, Casula vel Planeta,  
 „Christi habitum repræsentet, quem habuit, quando exutus fuit  
 „vestimentis suis, & indutus Chlamyde Coccineâ, quæ de lana  
 „contexta erat, quâ nos utimur Quadragesimali tempore. In  
 „aliis verò diebus utimur albis: Eò quod Christus Agnus immolatus  
 „dicitur. Et idè ex vestimentis Oviû nobis Casulas præparamus".  
 Docet varia. Primò, quod omnis sacra Casula olim fuerit ex la-  
 na. Etiam Casula Episcoporum. Nempe Phenolion Polytaurion.  
 Secundò, quod id factum sit ex causa sacræ significationis:  
 Nempe ad repræsentandam laneam Chlamydem, quâ Christus Do-  
 minus per ludibrium fuit indutus à Pilati militibus. Tertiò, quod  
 fuerit & alia istius ritus causa: Quia Christus est magna illa Ovis,  
 quæ pro nobis immolatur, ideoque & immolationis Minister in-  
 duitur ex lana. Quartò, quod Casula sit quandoque alba. quan-  
 doque coccinea: Quia nempe Græci in Divinis officiis non utun-  
 tur alijs coloribus. Quintò, Latinos graviter arguit, quod istum  
 ritum mutarint, & sericum admiserint ad Casulas. Est frivola  
 calumniâ. Est tamen vera. Etenim à multis sæculis nos coopi-  
 mus

mus uti serico ac aliis pretiosis texturis. Ex his interim vides novellum hunc Scriptorem caduco nisi fundamento, ut credat aut suadeat Pallium olim fuisse non-ex lana, sed ex pretiosa materia.

Porro ratio, ob quam Ecclesia noluit Episcopos nonnisi intra Missarum Solemnia uti Pallio, est non modica. Etenim lanceum Pallium significat Ovem perditam: Hæc autem reperta ac redempta non est, nisi per cruentum Crucis Sacrificium. Illic Christus Dominus exspoliavit Principatus ac Potestates, triumphans illos in semetipso, ac nos ex ipsorum servitute redimens: Et Decreti, quo nostra captivitas erat sigillata, chyrographum de medio tollens, & affigens cruci. Eadem igitur causa Episcopi, nostrum Redemptorem ac Portatorem repræsentantes, non possunt uti nisi in incruento Sacrificio. Eadem de causa Pallium insignitur crucibus. Eadem de causa magnus Gregorius fuit adeo difficilis ac morosus, ut Ravennatum Metropolitæ ejus usum in Litanjis permitteret. Nam quod & hoc Indultum postmodò circumdlexerit, testatur in ejus vita Joannes Diaconus.

Lib. 4.  
Cap. 7.

Novellus Scriptor prosequitur: "Ex dictis nonnulla potest oriri, historica quæstio de materia Palli. Fuitne semper, quæ nunc est, an pretiosior quondam alia? Orientale lanceum fuisse, quinto sæculo testatur Isidorus Pelusiotes. Nec videtur dubium, quin semper fuerit". At verò de Occidentali Pallio plurimum dubitat, propter Joannis Diaconi verba de Pallio magni Gregorii: "Gregorii Pallium bysso candente contextum, nullis cernitur acibus perforatum. Circa scapulas obvolutum, non autem confixum, dignoscitur: Sicut vetustissimis musivis vel picturis ostenditur".

Num. 42.

Num. 55.

Multa de istis verbis disputat, ac tandem concludit. "Usus lancei Pallii incepisse circiter initia noni sæculi, ex Joanne Diacono, non obscure quis conjiciat. Videtur enim fecisse byssini Pallii Gregoriani mentionem, & simul antiquitatem viri laudasse, qui tacite, novitatem suis æqualibus objiceret. Qua enim alia de causa, utrumque præstitisset?" Urget verba Joannis Diaconi, quæ asserunt per istam Pallii formam repræsentari viri antiquitatem.

Respondeo hæc insigniter elucidari à Fratre Angelo Rocca, Tagastensi Episcopo, Præfecto Apostolici Sacarii. In eruditissimis ad magni Gregorii imaginem Notis affirmat à Joanne Diacono laudari, non Latinum, sed Græcum Gregorii Pallium, & adjungit: "Ego tamen in *Ædícula sancti Andreæ Pallium beati Gregorii*

gorii more Latino factum reperi, illud tamen more Græco, à Joanne Diacono conscriptum, incidendum hoc loco putavi. Hunc item in modum non solum in imaginibus summorum Pontificum typo æneo incisis à Lino Papa usque ad Meltiadem, sed in vetustis quoque Ecclesiarum musivis, præsertim verò ad sanctum Petrum, in eorundem Pontificum imaginibus, quas Formosus Papa pingendas Romæ curavit, in hanc eandem formam Pallium pictum fuisse inveni. Idem videre est ad sanctum Paulum, & multis aliis in locis: In quibus etiam Honorium primum, Joannem quartum, Theodorum primum, complureque alios ante Gregorium magnum, & post ejus tempora, hanc Pallii formam, quâ nunc Græci utuntur, decoratos reperi. Hæc itaq; Pallii forma tempore beati Gregorii in usu habebatur, deinde multis post sæculis in desuetudinem deducta est, nova ad majorem commoditatem inventa, ac in usum recepta.

Affirmat duo. Primò, quod antiqua Romanarum Basilicarum musiva ac picturæ attestentur utrique summorum Pontificum Pallio. Et Græco & Latino. Etiam in eodem Pontifice. Et quidem item in beato Gregorio. Quam diversitatem non facillè invenies in picturis aliarum Gentium. Omnes Germanorum ac Gallicanorum Antistitem vetustæ picturæ eos repræsentant in solo Latino Pallio. Rationem adduxi superius. Quia nempe Romani Patriarchatus Dioceses olim erant partim Latinæ, partim Græcæ: Et cunctis Romanus Antistes trans mittebat Pallia. Hinc ipse, quò se communem repræsentaret Patrem, quandoque hoc utebatur, quandoque isto. Et utramque formam pictores aliquando ex causis, aliquando ex artis arbitrio expresserunt. Angelus Rocca secundò affirmat hanc ambi-dextram formam mansisse usque ad nonum sæculum: Tunc factam mutationem, & contractionem ad formam Latinam. Et loquitur non sine fundamento. Tunc enim non solus sceleratus Photius, sed etiam Sanctus, & tot ac tantis Romanæ Ecclesiæ beneficiis cumulatus Constantinopolitanorum Patriarcha Ignatius stabilivit rapinas Imperatoris Leonis Isauri, & Orientale Illyricum sine restitutionis spe avulsit ab Apostolica Sede. Tunc igitur etiam Romani Pontifices possint valedixisse Græco Pallio, & se ob Schismatis detractionem constrinxisse ad solum Latinum.

Et hanc solam mutationem possit respexisse Joannes Diaconus:

Quod tunc etiam Pallii materia fuerit mutata, est frivolum ac insigniter temerarium commentum. Et forsitan ad eandem classem pertineat Joannis Diaconi assertio de byssino Pallio sancti Gregorii. Etenim ipsum Pallii corpus Joannes non vidit: Judicavit ex solis Romanarum Basilicarum musivis ac picturis. Et quomodo ex ipsis introspexisse possit, an istud esset lana, an linum. Joannes est Gregorio ad duo sæcula junior: Proinde non ex solis imaginibus loqui debebat, sed ex authenticis testimoniis. Et certè scribit de solo Græco sancti Gregorii Pallio: Quod certum est fuisse ex pura lana. Græcorum Pallia semper fuisse talia, mox lucidè demonstrabitur. Interim ego nolim ipsius fidem frustrare. Hinc supradixi forsitan Gregoriani Pallii fundum fuisse Byssinum. Quod si ita sit, rationem ignoro. Et certè in Græco præsertim Pallio fuerit res mira. Quidquid sit, Gregoriani Pallii antiquitas, quam laudat Joannes Diaconus, possit fuisse in sola Pallii forma. Quia nempe Gregorius adhuc uteretur Græco Pallio. Certè unicum, posterum, ac infirmum Joannis Diaconi verbum non possit omnem antiquitatem subvertere.

Novellus Scriptor adjungit "Gregorium magnum lanæ nunquam meminisse, cum de Pallio scriberet ad eos, quibus mittebat: Meminisset tamen absque dubio, si per veritatem licuisset. „Ut enim erat allegoriarum incredibiliter amans, ex materia „Pallii sumpsisset argumentum prædicandæ humilitatis, ad quam „tantoperè Pallio donatos hortabatur". Respondeo Gregorium etiam frequentia scripsisse de Mappulis, Tunicis, ac Dalmaticis, & tamen nunquam earum edisseruisse sacras significationes, aut materiam. Quia nempe erant cunctis notissima. Porro Pallium nequaquam est humilitatis symbolum: Est symbolum gravissimi oneris, ac summæ magnificentiæ. Etenim significat Christianum Populum. Apostolus ad sanctum Titum scribit de Christo Domino: "Ut sibi mundaret Populum acceptabilem". Græcus textus habet: "Populum circumsubstantialem". Nempe nos omnes circumhæremus Christo Domino, ut filii ad Patrem, ut pulli ad matrem. Eodem modo totius Parochiæ Populus adhæret suo Episcopo: Provincia Metropolitæ, Diocesis Patriarchæ, Romano Pontifici universa sub cælo Ecclesia. Gestant omnem illum Populum, & gestare spondent ac debent usque in celeste Regnum. Proinde sunt magnifica & splendida figura Christi Domini. Hinc magnus

magnus Gregorius assidue inculcat Pallium esse eximium ac illustre ornamentum. Addit Metropolitam ex ipso non posse inflari, sed portandum esse cum summa humilitate. Quia nempe omnia sunt precaria beneficia Divinae gratiae. Quae omnes Mysticae representationes evanescunt, si Pallium non fuerit ex lanea.

Novellus Scriptor paria docet de Orientali Ecclesia, & scribit: "Nihilo plus valet quod Graeci habent, aut potius Graecorum, unus Isidorus Pelusiota, de Pallio Orientalis Ecclesiae Praefulum. Pro Latinis enim, de quibus agimus, non facit". Adducit totam sancti Isidori epistolam, & adjungit: "Observandum primum, totum in eo esse Isidorum, ut rerum sacrarum Mysticas significationes exponat, quo argumento nullum est vanitati conjecturarum opportunius". Mystica Isidori circa sacrum Diaconale Linteamum Sensa refert ac refutat, & prosequitur: "Nihilo probabilius est, quod Isidorus de Super-Humerali Episcoporum commentatur, si tamen Super-Humeralis nomine intelligatur id, quod in hac quaestione Pallium vocatur". Invadit significationem, quam Isidorus affirmat per Pallium, utpote laneam fasciam, significari perditam Ovem, & ex his concludit: "Hae cum ita sint, non videam, qua ratione possit perpetuus ille lanci Pallii usus in Latina Ecclesia defendi". Respondeo haec ita non esse. Esse varios errores. Primus est, quod inter Graecos solus Isidorus Pelusiotus scribat Episcopale Pallium esse laneam fasciam, significativam perditae Ovis. Etenim in Apologetico ad Imperatorem Theodosium libro sanctus Cyrillus laudat Ephesinam Synodum, quod Nestorium degradando, rapacem Lupum, Ovinâ pelle detractâ, omnibus mortalibus notum reddiderit. Et Chalcedonenfis Synodus in relatione ad sanctum Leonem Papam scribit de degradato à se Dioscuro, Alexandriae Patriarchâ: "Lupum Pastoralis pelle nudavimus, quâ prius quoque figurâ tantummodò, seu in speciem convincebatur obiectus". Et in libello, quem adversus Anthimum, Eutychianum, ac ab Eutychiana Imperatrice Theodora intrusum Patriarcham, sancto Agapeto Pontifici obtulerunt Martianus, ac alii Regiae civitatis Archi-Mandritæ, hæc habent: "Contra Anthimum insurrexistis, & Lupum, qui conabatur cooperiri per pellem Ovis, & transcendere ostium Ecclesiasticum, Ovinâ pelle denudastis". Libellus exstat in primâ Actione Constantinopolitanae Synodi sub Patriarchâ Mennâ. Pa-

risforme sextæ Synodi de degradato Macatio Antiocheno Patriarcha testimonium est adductum in superioribus. Adversus Macarium in octava Actione exclamavit universa Synodus: "Novo „Apolinario malos annos. Merito ab Episcopatu alienetur. Nudetur circumposito ei Pallio". Et fuit "denudatus". Et de hac denudatione universa Synodus scripsit ad sanctum Agathonem Pontificem: "Macarium Pastoritiâ veste denudavimus". Quod item sanctus Eutychius, dum in Patriarcham Constantinopolitanum fuit consecratus, Ovis errantis typum super humeros acceperit, supra audivimus ab Eustatio Presbytero.

Ex quibus addiscimus plura. Primò, quod Episcopale Græcorum Pallium omninò fuerit Ovina-pellis. Secundò, quod ista pellis circumponeretur ipsorum humeris. Tertiò, quod omninò significaverit errantem ac perditam Ovem. Quartò, quod fuerit non dumtaxat Ovina, sed insuper Pastoritia. Quia nempe Episcopum constituere Pastorem humeris portantem suas Oves. Omnem sibi subiectam Parochiam, Provinciam, aut Dicecesim. Quare Romanus Pontifex portat magnam Ovem: Universam sub cœlo Christianitatem. Deinde Episcopus esse debet non dumtaxat Ovium portator, sed etiam prius & omnium mundissima Ovis. Hinc pravi Episcopi, dum Pallium induunt, nec sunt Oves, nec Ovium Pastores, sed rapaces Lupi in veste Ovina. Quintò, quod Alexandrinus, Antiochenus, & Constantinopolitanus, ideoque & omnis omninò Orientalis Episcopus gestaverit tale Pallium. Et quidem Pallium, quo Chalcedonenſis Synodus denudavit Dioscorum, erat Pallium sancti Marci, idèdque & ipsum fuit ex lana. Ex quo discimus sextò, quod istud sit non solius sancti Marci, sed etiam Institutum sancti Apostoli Petri. Proinde hic laneum Pallium gessit ac dedit etiam Antiochiæ & Romæ. Et omni Latinæ, immò toti sub cœlis Ecclesiæ. Septimò discimus, quod Græcorum Episcopi semper consueverint degradari per ablationem Pallii. Octavò, quod Anthimo Constantinopolitano Patriarchæ sanctus Papa Agapetus abstulerit Pallium. Ex quo non parùm vacillat fides Liberati Diaconi, scribentis ipsum ab Anthimo fuisse redditum Imperatrici Theodoræ. Nonò, quod hæc non sint commenta aut speculamina solius Isidori Pelusiota, sed perpetua ac firma traditio totius Orientalis, immò totius sub cœlo Ecclesiæ.

Secun-

Secundus error est, quod hæc non faciant pro Latina Ecclesia. Etenim Græci Pallii author omnino est sanctus Petrus: Quod ab ipso & Alexandrinum & Antiochenum ducat originem, quis possit ambigere? Nec ambigendum est, quin etiam concurrerit ad institutionem Hierosolymitanæ disciplinæ. Etiam certum est, quod istic institutum Pallium secum detulerit Romam. Quare similiter certum est, quod sancti Gregorii Pallium fuerit Pastoritia & Ovina pellis. Ad istud evertendum nequaquam validus est Joannes Diaconus. Quid si quis conjecturet textum ejus esse mendosum, & legendum: "Quasi ex bysso candenti contextum"? Hanc inquisitionem & judicium relinquo me Sapientioribus. Tertius error est, quod sanctus Isidorus per Omophorion forsitan non intelligat Pallium. Quis non videat istam dubitationem esse manifestum errorem? Quartus error est, quod mystica factorum Rituum significatio sit inter omnia argumenta quàm maximè opportuna vanitati conjecturarum. Certè ego ab infantia didici sacros Ecclesiæ mores, & ipsorum vetusta Significata humiliter venerari.

Trium Autocephalarum Sedium forma est non nihil elucidanda. Bassianus Ephesinus Episcopus, Asiaticus Exarchus, adversus suam violentam degradationem, immo latrocinalem ejectionem, scripsit in suo libello ad Imperatorem Martianum: "Quidam eorum, qui Sacerdotio funguntur, nec non & alii vulgares, crudelia in me facere præsumperunt. Spemnes enim immaculorum virtutem Mysteriorum, quæ ex humilibus manibus meis susceperant, postquam à nobis Mysteriorum perfectio celebrata est, repente apprehendentes me, & abripientes de sancta Ecclesia, plagis afficiebant, ducentes & portantes in forum, aliquando verò & recludentes, gladiis me subjecerunt. In iis itaque, dum ipsius vitæ periculum sustinerem, furentes & abripientes Pallium Sacerdotii mei, in Sede posuerunt quemdam ex eis, qui & ipse præsumperat ea, quæ in me incongruè facta sunt, & in meum locum". Eadem de re Bassianus dixit ad Chalcedonensem Synodum: "Crastinâ die Missas celebravimus omnes simul. Et post Missas, manus injicientes, incluserunt me, & cum vi abripuerunt Pallium Sacerdotii mei, & fumentes unum ex ipsis, hunc Stephanum, fecerunt Episcopum".

Affirmat varia. Primò, quod in Missarum celebratione gesta-



verit Pallium. Quia nempe Græci ipso utebantur ad quodvis solemne Sacrificium. Etiam lucet vocem, "Missa", esse insigniter antiquam. Non habetur in Græco textu, attamen hujus Latinæ translationis author videtur fuisse venerabilis Julianus, Cœnsis Episcopus, unus è Patribus Chalcedonensis Concilii. Secundò Bassianus queritur, quod ipsum inimici Pontificalibus indumentis ornatum traxerint extra Ecclesiam, usque in forum. Videtur non solam barbaram violentiam culpæ, sed etiam suo sacro Pallio illatam irreverentiam: Quia ipsum portari non poterat extra Ecclesiam. Tertio queritur, quod se illo spoliaverint, atque ita extra Episcopatum ejecerint. Quarto, quod Stephanum Presbyterum statim consecraverint in Episcopum, atque etiam inthronizaverint. Licet non exprimat, apertè tamen supponit, quod consecrato etiam Pallium dederint, aut sanè quod ille sibi ipsi acceperit. Etenim ante acceptum Pallium nec Patriarcha legitime poterat sedere in Throno, adeoque nec inthronizari. Quare existimo, quod Ephesinus, uti & alii duo Exarchi Pallium, quorundam Patriarcharum more, de Altari sumpserint. Et ipsum Pallium sui Antecessoris. Forsitan illud ipsum, quod sanctus Timotheus acceperat à sancto Paulo. Et ita videtur fuisse factum usque dum sanctus Joannes Chrysostomus, ac ejus in Regiæ civitatis Cathedra Successores coeperunt invadere istas Dioceses, consecrare eorum Primates, atque ita Autocephaliam evertere. Et tunc omninò illis imposuerunt etiam Pallium. Porro Bassianus oderat istas rapinas, ideoque inthronizatus fuerat sine interventu sancti Procli. Etiam Stephanus, ejus Adversarius, fuit taliter consecratus. At verò Chalcedonensis Synodus per suum vigesimum octavum Canonem probavit rapinam. Quapropter exinde isti Exarchi, uti consecrationem, ita & Pallium debuerunt à Constantinopolitano Patriarcha accipere. Non per transmissionem, sed in ipsa consecratione.



## CAPUT XIV.

*Exponuntur Africanarum Synodorum varia species,  
forma, atque auctoritas.*



Fricanæ Synodi fuerunt in sextuplici differentia. Prima species erat illa Synodus, quam cum suæ Parochiæ Clero faciebat quisque Episcopus. Olim dici poterat Parochialis, nos hodie appellamus Synodum Dioecesanam. Est antiquissima. Etenim de Ursatio ac Valente, Arianis Episcopis, ad Imperatorem Constantium scribit

Hosius Episcopus Cordubensis: "Utrò Romam venerunt, & coram Episcopo ac Presbyteris ibi præsentibus confessionem suam Scripto ediderunt". Exstat epistola apud sanctum Athanasium in literis ad ejus Monachos. Et de Joviniano Hæresiarcha ac ejus Asscclis scribit ad Mediolanensem Ecclesiam Siricius Pontifex: "Facto ergò Presbyterio, constitit ipsorum Dogmata doctrinæ nostræ, id est, Christianæ legi esse contraria, unde omnium nostrum, tam Presbyterorum, quàm etiam totius Cleri una suscitata sententia est, ut novæ hæresis Inventores, Divinâ sententiâ & nostro judicio in perpetuum damnati, extra Ecclesiam remanerent". Istam Synodum Syricius Presbyterium, nos hodie appellamus Romani Pontificis Consistorium. In simili Synodo, memorata & exposita per Presbyterum Paulum Orosium, Ioannes Hierosolymæ Episcopus discussit dogmata Hæresiarchæ Pelagii. Et ex Siricii testimonio patet, quod novas etiam hæreses non in generali totius Ecclesiæ Synodo, sed in solo Romano Consistorio damnare sit res antiquissima, atque authentica. Talium in Africa Synodorum plura exempla habemus in literis sancti Cypriani. Istiusmodi item fuit Synodus, in qua sanctus Augustinus curavit sibi in Successorem eligi Presbyterum Pradium.

Attamen ratiore sunt apud Afros exempla hujusmodi Synodorum. Etenim modicus erat Clerus in multis Ecclesiis. Quod plures non nisi unicum haberent Presbyterum, ad Præmatem Aurelium

Cap. 54.

relium dixit in plena Synodo Posthumianus Episcopus. Et ipse Aurelius: "Tanta indigentia Clericorum est, multæque Ecclesiae, ita deserta sunt, ut ne unum quidem Diaconum vel illiteratum habere reperiantur. Nam de cæteris superioribus Gradibus & Officiis tacendum arbitror. Quia si Ministerium Diaconi facile non invenitur, multò magis superiorum Honorum inveniri non posse, certissimum est. Et quotidie nos planctus diversarum ferè emortuarum Plebium jam non sustinemus, quibus nisi fuerit aliquando subventum, gravis nobis & inexcusabilis, innumerabilium animarum pereuntium caussa apud Deum mansura est". Hinc in Afrorum Synodis quandoque videmus Episcopos ob unicum puerulum Lectorem graviter contententes. Subvenit tandem S. Augustinus per sua apud omnem Africam multiplicata Monasteria. Quod ex ipsis abundantem Clerum omnis Africa acceperit, testatur in illius vita S. Possidius. Insuper inopes erant Afrorum Ecclesiae, & paucorum proventuum. Et in nulla, nisi in sola Carthagenensi, lego fuisse Archidiaconum, aut similes Dignitates. Non nego fuisse, sed affirmo occurrere rarissimam ipsorum memoriam. Hinc etiam existimo Parochiales Synodos apud Afros fuisse rariores. Fuisse forsitan celebratas à paucis vicinis inter se Episcopis.

Cap. 91.

Afrorum Codex laudat "plenarium uniuscujusque Provinciae Concilium". Alius, qui quinto Carthagenensi Concilio adscribitur, ibidem Canon exponit: Placuit ut quotiescumque Concilium congregandum est, Episcopi, qui neque ætate, neque ægritudine, neque aliquà graviore necessitate impediuntur, competenter occurrant. Et Primatibus suarum quarumcumque Provinciarum intimetur, ut de universis Episcopis vel duæ, vel tres turmae fiant, & de singulis turmis vicissim quotquot electi fuerint, ad diem Concilii instantissime occurrant. Quod si non potuerint occurrere, excusationes suas in Tractoria conscribant. Vel si post Tractoriae adventum aliqua necessitates repente forsitan ortæ fuerint, nisi rationem impediementi sui apud Primatem reddiderint, Ecclesiae suae communione debere esse contentos". Afrorum Provinciae habebant numerosissimos Episcopos. In catalogo, quem suis libris indidit Victor Vitenfis Episcopus, Numidia habet centum viginti tres. Et non paucas deesse novit ille, qui plures hinc inde occurrentes

rentes diligenter annotare voluerit. Afri servabant Nicænum Canonem, mandantem ut bis in anno fiat Provinciæ Synodus. Hinc ne tot Episcopi toties fatigarentur, quidam in tres, quidam Provincias sanxerunt dividi in duas turmas, atque ipsas alternatim convocari. Divisio videtur subfuisse Primatis arbitrio, atque ita possit eadem Provincia quandoque trifariam, quandoque bifariam fuisse divisa. Excipe tamen Tripolitanam. Hæc non habebat nisi quinque, aut sex Episcopos, ideoque non egebat istâ divisione. Nihilominus quandoque ex gravioribus causis conveniebant omnes Provinciæ Episcopi. Ita ad discutiendos Pelagianæ Hæresis articulos Aurelius omnes Proconularis Provinciæ, Sylvanus Primas convocavit omnes Episcopos Numidiæ. Et sine talis Synodi assensu Carthaginensis Exarchus non poterat novos Episcopatus erigere. Dicebatur plenarium non totius Africanæ Diocesis, sed totius Provinciæ Concilium. Quare plenarium Concilium apud Afros habuit duas species. Etiam Provinciæ Synodus. Non plena est secunda, plena ejus Synodus est tertia species Africanarum Synodorum.

De Tractoria, seu literis Tractoriis scribit in sexto libro Dominus Petrus de Marca: "Legati, sive Vicarii Episcoporum", Cap. 3, à Synodo aut simili Conventu "absentium, exhibebant vicem eorum cum literis Tractoriis. Sic illa ætas vocabat literas, quibus Episcopi committebant vices suas iis, quos ad Synodos mittebant, ut patet ex hoc loco, & ex formula decima quarta, quæ continet Tractoriam, quam Prudentius Tricassium Episcopus per Vicarium suum mittit ad celebrandum electionem Episcopi Parisiensis. In Collectione tamen Canonum Africanorum Tractoriæ, sive Tractatoriæ dicuntur literæ, quibus Metropolitanus Episcopus Com-Provinciales invitat ad Synodum". Locus ab ipso laudatus est inter antiquas, quas secundo Gallicanarum Synodorum Tomo subjecit Jacobus Sirmondus, Episcopaliū promotionum formulas undecima, agens de examine Williberti Presbyteri, Electi Catalaunensis: "Convenientibus apud Carisiacum pro examinatione Williberti Presbyteri, qui futurus erat Catalaunensis Episcopus, Hincmaro Diocesis Remensium Archi-Episcopo, item Hincmaro Laudunensium Episcopo, Odone Belgivagorum Episcopo, cum Legatis Rothaldi, Erpuini, Hilmeradi, Raginelmi, & Joannis, ejusdem Diocesis

„Dioecesis Episcoporum, vices eorundem Patrum suorum, cum  
 „Tractoriis, sicut Regulæ præcipiunt, exhibentibus". Porro laudata  
 quarta decima formula habet hanc epigraphen: "Tractoria Pru-  
 „dentii Episcopi Tricassini, quam per Vicarium misit ad Ordi-  
 „nationem Aenæ Parisiensis Episcopi, cum ipse adesse non posset".  
 Erat Mandatum Episcopi, seu Episcopalis Mandati Instrumen-  
 tum. Dicebatur "Tractoria, seu Tractoria Epistolæ", quod  
 per ipsam Episcopus suum Legatum aut Vicarium traheret ad  
 Synodum, aut aliud quodvis negotium. Grassabantur tunc  
 in Gallia quæstiones miserabilis Monachi Godeschalci & Hincmari  
 Metropolitæ Rhemensis de Divinis auxiliis atque Decretis. Hinc  
 sanctus Prudentius in Aenæ promotionem consentire noluit,  
 nisi ille consuetæ Episcoporum professioni adderet duos articulos.  
 Primum, quo S. Augustini de Divinis auxiliis ac Decretis do-  
 gmata profiteretur se admittere. Alterum, quo quatuor sæ-  
 mola præfati Metropolitæ Hincmari Carisiaca Capitula damnaret.  
 Et hoc ante Hincmari oculos. Et Aenæ debuit obedire, iudicio  
 unius Prudentii. Quid igitur Dominus Archi-Episcopus culpat  
 Sanctissimum suæ gentis Apostolum ac Restauratorem Bonifa-  
 cium, quoniam antiquæ Metropolitæ professioni curavit Sy-  
 nodaliter adjici articulum de præstanda obedientia Romanæ Ec-  
 clesiæ?

Interim Dominus Archi-Episcopus labitur, quod sanctus  
 Prudentius suum Vicarium miserit ad celebrandam Aenæ ele-  
 ctionem. Etenim misit ad Electi examen & consecrationem.  
 Et constanter dicendum est, Tractoria. Quidam hinc inde Co-  
 dices legunt, Tractoria: At certum est esse mendosos. Etiam  
 Tractoriarum plures fuerunt species. Etenim in literis ad Africæ  
 Vicarium, quibus mandat Africanos Episcopos transmitti ad  
 primam Arelatensem Synodum, Imperator Constantinus scribit:  
 „Singulis Episcopis singulas Tractorias tribuas". Jacobus Sirmon-  
 dus in suis ad epistolam Scholiis exponit: "Tractoriæ diceban-  
 „tur Diplômata seu Codicilli, quibus copia fiebat usurpandi  
 „cursus publici". Desumpsit ex Hieronymo Bignonio, ad un-  
 decimam, quæ de Regionum Legatorum Tractoriis sancit, Mar-  
 culphi formulam scribente: "Tractoriarum usum à Romanis  
 „mutuatum esse hæc formula indicat. Sunt autem Diplômata,  
 „quæ dantur Misis, vel Evocatis à Principe, ut cursu publico  
 uti.

„uti possint, quem alioquin absque Diplomate usurpari fas non  
 „erat, adscriptis etiam locis & mansionibus, quibus sumptu pu-  
 „blico ali debent? Commcatus enim in itinere præstandus de-  
 „finiri his literis solebat, ut hæc quoque formula exemplo est”.  
 Demonstrat istam vocem non rarò sic usurpari etiam in antiquis  
 Francorum Regum Capitularibus. Et esse desumptam ex Le-  
 gibus Romanorum. Et hæc est originalis & primaria signifi-  
 catio.

Secundam significationem adducit in literis ad quosdam Do-  
 natistarum Episcopos sanctus Augustinus, de Excommunicatis  
 ac aliis per Ecclesiam damnatis scribens: „Missæ Tractoria super Epist. 162.  
 „eorum nomine per totum Orbem terrarum, ab omnibus Ec-  
 „clesiis eorum communio præcidetur”. Laudat Encyclicas literas,  
 quibus antiqua Ecclesiæ disciplina famolam alicujus damnatio-  
 nem denunciabat, atque ita trahebat per omnes sub cælo Ec-  
 clesias. Tertiam vocis significationem adducit in Commonito-  
 rio super Celestii nomine Marius Mercator, laudans Encyclicam  
 atque Dogmaticam epistolam, qua sanctus Papa Zozimus dam-  
 navit Pelagianos errores, & quam subscribendam transmisit ad  
 omnes sub cælo Episcopos: „Beatæ memoriæ Episcopi Zozimi  
 „Epistola, quæ Tractoria dicitur, quâ Celestius Pelagiusque Cap. 3.  
 „damnati sunt, quæ & Constantinopolim, & per totum Orbem  
 „missa, subscriptionibus SS. Patrum est roborata”. Hæc est  
 epistola, cui Julianus Eclanensis Episcopus subscribere noluit,  
 & adversus quam appellavit ad generalem totius Ecclesiæ Sy-  
 nodum, ideoque solemniter cum suis damnatus, fuit proscri-  
 ptus ex Italia, atque ita tanquam secundus Cain cœpit  
 vagari toto Orbe Romano. Simili ferè modò vocem accipit  
 sanctus Leo in literis ad sanctum Paschasium, Lilybetanum  
 in Sicilia Episcopum, suum in Chalcedonenſi Synodo Lega-  
 tum: „Antiochenus Episcopus, missis per Provincias suas Epist. 68.  
 „Tractoriis, & universi Episcopi epistolæ meæ præbuere con-  
 „sensum”. Laudat Encyclicum programma, quo Maximus Pa-  
 triarcha Antiochenus dogmaticum suum Tomum publicarat  
 per omnes suas Provincias, & jussit ab omnibus Episcopis ad-  
 mitti per solemnem professionem, atque subscribi. Istiusmodi  
 literæ & sua Objecta per totum Orbem, & Subditorum consen-  
 sum trahebant in ipsas: Hinc meritò dicebantur Tractoriæ.

Quarta igitur Tractoriæ species est superioris Antistitis epistola, quâ sibi subditos Episcopos ille convocat ad Synodum: Hanc Tractoriam laudat adductus Africanus Codicis Canon, qui in quinta Carthaginensi Synodo est decimus. Eandem laudat in scripto post Carthaginensem Collationem libro sanctus Augustinus, scribens Donatistas fuisse eò evocatos per sui Primatis Tractoriam. Istius Tractoriæ formam docet nos idem Augustinus in literis ad Victorinum Episcopum: "Tractoria ad me quinto Idus Novembris venit, jam finito die, & me valdè indispositum invenit, ut occurrere omninò non possem. Verumtamen sive imperitiam meam moverit, sive justè motus sim, tuæ Sanctitatis & Gravitatis est arbitrari. Legi in eadem Tractoria etiam ad Mauritanias esse scriptum, quas Provincias scimus suos habere Primates. Quod si & ex eis ad Numidiam convocandum esset Concilium, oportuit utique ut aliquorum Maurorum Episcoporum, qui isthuc priores sunt, nomina in Tractoria ponerentur. Quod in ista Tractoria non reperiens, multum miratus sum. Deinde ad ipsos Numidas ita perturbato & neglecto ordine scriptum est, ut nomen meum tertio loco invenerim, qui novi quam post multos Episcopus factus sim. Quæ res & aliis injuriosa est satis, & mihi invidiosa. Præterea venerabilis Frater & Collega noster Xantippus Tagastensis dicit, quod cum Primatus ipse contingat. Et ergà plurimos sic habetur, & tales mittit epistolas. Qui etiam error si facilè inter vestram Sanctitatem cognosci & corrigi potest, non debuit tamen in Tractoria, quam Venerabilitas tua misit, nomen ejus prætermitti. Quod si in mediis locis conscriberetur, & non in primo poneretur, multum mirarer: Quantò magis mirandum est, quod nulla ibi ejus admemoratio facta est, qui maximè ad Concilium venire debuit, ut de ipso Primatus ordine causa omnium Numidarum Episcopis Ecclesiarum primitus ageretur. His de causis etiam venire dubitarem, ne forsan falsa esset Tractoria, quâ tantæ perversitas appareret".

Epistola non caret mendis. Etenim pro verbis, "Inter Sanctitatem vestram cognosci & corrigi potest", videtur legendum: "Inter Sanctitates vestras cognosci & corrigi non potest". Ad verba, "Omnium Numidarum Episcopis", videtur dicendum: "Ab omnium Numidarum Episcopis". Ad vocem, "Quâ tanta perversi-

„versitas appareret“, addenda videtur præpositio, „In“. Deinde Xantippus malè scribitur Tagastensis Episcopus. Etenim in Numidia non fuit, nisi unica Tagasta, & ejus tunc Episcopus erat sanctus Alipius. Quare legendum puto : „Xantippus Tigisensis“. Quidquid sit, inter Xantippum & Victorinum fuit lis de Primatu Numidiæ. Uterque dixit se seniore[m] totius Provinciæ, idèq; & Primatem. Uterque se intrusit in possessionem, Tractorias mittens per omnem Provinciam, ac omnes Collegas evocans ad Synodum. Quo in loco, & quâ ratione fuerit decisa causa, ignoro. Interim Xantippus obtinuit victoriam. Etenim in Africanis Synodis aliquoties legimus : „Xantippus Episcopus primæ Sedis Numidiæ“. Nisi tamen victor evaserit per mortem Victorini. Porro Victorini Tractoria, licet ineptissima, per sancti Augustini correctionem docet nos plura. Primò, quod in Synodali Tractoria debuerint exprimi nomina omnium Episcoporum, qui ad Synodum evocabantur. Quod omnes evocati, licet diversarum essent Provinciarum, debuerint poni in eadem Tractoria, nequaquam in diversis. Hinc enim Augustinus Victorinum arguit, quod Mauritanie Episcopos, quos ad suam Synodum etiam evocarât, in directa ad Numidas Tractoria non expressisset. Secundò nos docet, quod omnium & singulorum Episcoporum nomina debuerint inscribi, nullius penitus prætermitti. Hinc enim Victorinus arguitur, quod Xantippum, licet suum adversarium competitorem, non inscripisset. Agitur de Tractoria ad plenam totius Provinciæ Synodum, non ad illam quæ fiebat per unicam dumtaxat turmam. Tertio docemur, quod omnes debuerint inscribi suo ordine. Hinc enim Augustinus affirmat Xantippum debuisse inscribi primum, & graviter arguit ac queritur se tertio loco fuisse inscriptum, ante multos seniores. Et hinc sanxit quinta Carthagenensis Synodus : „Quod si non potuerint occurrere, excusationes suas in Tractoria subscribant“. Quapropter Tractoria debuit apud Afros esse largum folium, immò integrum volumen : Et inter singulorum Episcoporum nomina debuit habere spatium, capax interscribendæ excusationis. Hæc epistola, quoniam Episcopos trahebat ad Synodum, rectè dicebatur Tractoria.

Quarta Africanarum Synodorum species fuit „Africana Synodus“, de qua antiquus Romanæ Ecclesiæ Codex : „Quæ in Concilio Africano sunt promulgata, in hoc Carthagenensi Concilio



Cap. 2.

Epist. 47.

„confirmantur“. Distinguit Carthaginense Concilium, & Africanum. Et in literis ad Valentinum, Adrumetini Monasterii Praefectum, sanctus Augustinus laudat ac distinguit Concilium Provinciae Carthaginensis, Concilium Numidiae, Africanum Concilium, & Concilium plenarium totius Africae. Africanam Synodum credo fuisse illam, quae non ex omnibus, sed tamen fiebat ex pluribus Provinciis. Istiusmodi fuit Synodus Adrumetina, de qua habet Carthaginensis, celebrata sub Arcadii tertio, secundo Honorii Consulatu: „In hoc Concilio Legati directi sunt, Episcopi Proconsulares ad Concilium Adrumetinum“. Eiusmodi fuit etiam Teleptensis Synodus aut Zellenis in Byzacio. Aderant enim Vincentius Colusitanus, & Fortunatianus Neapolitanus Episcopus, Legati Proconsularis Provinciae. Istiusmodi Synodum facere volebat etiam Victorinus ad sibi firmandum, quem praetendebat, Primatum Numidiae. Et illum sanctus Augustinus culpavit, non quod Mauros invitasset ad Synodum, sed solummodo quod ipsos in Tractoria non expressisset: Quod omnem, quam volebat, Synodum non convocasset per eandem Tractoriam. Ex quo discimus, quod Provinciarum Primates, dum tractandi negotii gravitas cogeret ac suaderet, potuerint aut suam Synodum invitare vicinam Provinciam. Carthaginensis poterat & coeere.

Can. 2.

Quinta earum Synodorum species est illa, quam laudat ac dirigit tertia Carthaginensis Synodus: „Placuit ut propter causas „Ecclesiasticas singulis quibusque annis Concilium convocetur, ad „quod omnes Provinciae, quae primas Sedes habent, de Conciliis „suis ternos Legatos mittant, ut & minus invidiosi, minusque „hospitibus sumptuosi Conventus plena possit esse autoritas. De „Tripoli autem propter inopiam Episcoporum unus Episcopus „veniat“. Erat plenaria totius Africanæ Ecclesiae Synodus, habebatque plenam universalis Concilii auctoritatem, attamen celebrabatur per solos & paucos Legatos Provinciarum. Fiebat ista personarum diminutio, quo annuus iste Conventus esset minus sumptuosus, ut minori pateret invidiae, ut quotannis non fatigaret omnes Episcopos. Etiam Proconsularis Provincia, licet intra ipsam ageretur Synodus, mittebat Legatos. At plures. Nam in Carthaginensi Synodo, quae cum Apostolicae Sedis Legatione tractavit quaestiones de Clericalibus ad laudatam Sedem appellationibus, adfuerunt decem Proconsulares Episcopi, & adjungitur: Legatus.

## ROMANIS APPELLATIONIBUS. 335

„Legati Proconsularis Provinciæ“. Et in Synodo, quæ dicitur tertia Carthaginensis, hæc legimus: „Omnes Episcopi, quadraginta quatuor numero, subseripsunt“. Duarum Mauritaniarum, Numidiæ, Byzacii, ac Tripolitanæ Provinciæ erant in universum tredecim: Non poterant esse plures. Quare ex Proconsulari Provincia, præter Præsidem Aurelium, erant Episcopi triginta. Catalogus, quem suis libris inseruit Victor Vitenfis Episcopus, affert mat isto tempore in Proconsulari Provincia fuisse Episcopos quinquaginta quatuor. Erant longè plures Sedes. Etenim Synodo, quam sub Innocentii Pontificatû celebravit Aurelius contra Pelagianos, adfuerunt Episcopi sexaginta octo. Nec dubitandum est, quin plures absuerint. Quare existimo istos triginta Episcopos fuisse unam e tribus turmis, & harum unam istis Carthaginensibus Synodis semper adfuisse. Porro istæ Synodi non semper Carthagine, immò non semper in Carthaginensi Provincia, sed modò fiebant in hac, modò in ista. Hinc existimo Provinciam, in cujus gremio fiebat Synodus, habuisse singulare privilegium, ex quo possent plures Episcopi adesse. Ad minus una turma: Forſitan tota Provincia. Etenim quinto Carthaginensi Concilio præter Aurelium Præsidem subseripsunt septuaginta duo Episcopi, adeoque sexaginta, aut quinquaginta novem Proconsulares. Haud dubiè ipsorum aliqui ex causis absuerunt, ideoque videtur adfuisse reliquum corpus totius Provinciæ. Erat reverà singulare privilegium. Etenim apud Ferrandum Diaconum habemus hunc Canonem Thusedritani Concilii: „Episcopus, qui non susceptâ Legatione universali Concilio interesse præsumpserit, ab eis Episcopis, qui Legationem suscipiunt, ad ipsum Concilium non admittatur“. Canon debet intelligi de Episcopis Provinciarum, extra quas celebrabatur Synodus.

Quapropter hi Synodales Legati debebant Synodaliter eligi. Hinc in Carthaginensi, quæ sub Theodosii ac Rumorodii Consularu celebrata dicitur, Synodo ad Præsidem Aurelium dixit sanctus Alipius Episcopus Tagastensis: „Nos quidem de Numidia venimus, & sancti Fratres Augustinus & Possidius, sed de Numidia Legatio mitti non potuit, quod adhuc tumultu Tyronum Episcopi propriis necessitatibus in civitatibus suis aut impediti, aut occupati sint. Nam etiam Tractoriam sanctitatis tuæ cum ad sanctum Senem Xantippum deferrem, in præſenti Tractor hoc

hoc visum fuerat, ut Concilium indiceretur, quo instructa Legatio posset ad Concilium destinari, sed cum posterioribus literis „adjunderem de impedimento Tyronum, Relcriptis propriis excusavit“. Et Aurelius directo ad totam Synodum sermone respondit: „Non dubium est, quod prædicti Fratres & Co-Episcopi nostri Numidæ, cum Gestis Concilii acceperint, & sups. adhibebunt consensus, & in effectum deducere maturabunt quæ, cumque in Placitum venerint. Gurâ ergo istius Sedis, hoc ipsum ut eis intimetur, necesse est provideri“. Alipius, Augustinus, ac Possidius videntur à Xantippo Primace transmissi ad Synodum. Quod tamen non essent Synodaliter electi, non præsumpserunt se ingerere, sed causam, ex qua non esset facta electio, exponentes obtulerunt se iudicio Synodi. Et Synodus graciosè ac dispensatoriè eos admisit. Ob varias causas. Primò, quod intermissæ, quæ eligere debuerat, Synodi causa esset preëmptoria. Secundò, quod personæ essent omni exceptione majores, ac plenæ fidei. Tertiò, quod essent ordinarii suæ Provinciæ Legati ad Synodos. Quartò, quod Synodi Acta, adeoque & suam admissionem, sponderent ratificanda, probanda, ac admittenda ab omni sua Provincia. Quintò, quod istam curam Aurelius diceret spectare ad suam Primatiale Sedem, atque ita in se reciperet. Porro ista Legatio eligi debuit non à plenaria, sed dumtaxat ab ordinaria Provinciæ Synodo, quæ erat unius solummodò turmæ.

Eadem in Synodo defuerunt Legati Mauritanæ Cæsariensis, ac Tripolitanae Provinciæ. Hinc quidam Episcopi hæsitaverunt, utrum esset aperienda Synodus, & in ipsa procedendum. At verò Lucianus & Sylvanus, Sitifensis Mauritanæ Legati, reposuerunt: „Serò ad Cæsarienses Fratres nostros Tractoria venit. Nam jam, & illi venient. Tamen necesse est, ut veniant. Et confidimus de animis ipsorum, quia si quid in hoc Concilio gestum fuerit, & ipsi sine dubio suos consensus adhibebunt“. Rogant & suadent Legatos istos tantisper expectari, atque ita differri Synodum: Proferunt tamen, si diu morentur, posse procedi. At verò de Tripolitanae Provinciæ Legato dixit ad Synodum Præses Aurelius: „De Tripolitanis Fratribus nostris hoc potui condiscere, quod Dulcitium Fratrem nostrum destinaverint Legatum. Sed, quia non potuit occurrere, hoc asseveraverunt quidam filii nostri, venientes de supradicta Provincia, quod memoratus navi se commiserit,

„miserit, & credendum est accidisse nonnullam de tempestatibus  
 „moram, quæ retardavit ejus adventum. Tamen etiam circa ipsos,  
 „si Charitati vestræ placet, hæc forma servabitur, ut Placita Con-  
 „cilii ad eisdem transmittantur“. Et Synodus reposuit: "Hæc  
 „quæ statuit Sanctitas vestra, omnibus placeant". Proinde quan-  
 „tumvis major Legatorum pars, etiam ex causis, abesset, Syno-  
 „dus poterat pergere, & habebat plenam autoritatem. Quod  
 „ipsum confirmat Honorati & Urbani, Sitifensium Legatorum, ad  
 „Carthaginensem Synodum interlocutio: "Jam dudum, cum apud  
 „Sanctitatem vestram allegarem Scripta, dilati sumus eâ contem-  
 „platione, quo usque Fratres nostri advenire possent de Numidia  
 „Legati. Sed quia non pauci dies sunt, quibus expectati mini-  
 „mè venerunt, ultra prætermittere, quæ nobis mandata sunt à  
 „nostris Co-Episcopis, non oportet, atque ideo, Fratres, suggestio-  
 „nem nostram libenter admittite". Et Synodus admisit ac pro-  
 cessit.

Porro Legati adducere debuerunt varias à suæ Provinciæ Sy-  
 nodo literas. Primò testimoniales suæ Legationis literas, sive  
 Tractoriam. Et ipsas examinandas, probandas, Gestis inferendas  
 exhibere Synodo. Hinc ad suam Carthaginensem, Theodosia c  
 Rumoridi Consulatu celebratam, Synodum præfatur Aurelius:  
 "Ordo rerum deposcit, ut primitus de Fratribus nostris & Con-  
 „sacerdotibus, qui ad Concilium vel de Byzacio, vel certè de  
 „Mauritania convenerunt, queramus quemadmodum huic Con-  
 „cilio decreverint interesse. Et offerentibus Philologio, Geta,  
 „Venustiano, & Feliciano, Episcopis Provinciæ Byzacenæ, Le-  
 „gationis literas, & recitatis; offerentibus etiam Luciano & Syl-  
 „vano, Legatis Mauritanie Sitifensis, Legationis literas, & reci-  
 „tatis; Aurelius Episcopus dixit: Horum Scriptorum textus ser-  
 „vabitur Gestis". Sunt quatuor Byzaceni, duo dumtaxat Legati  
 Sitifenses. Contra regulam. Rationem ignoro. Suspicio esse  
 mendum: Unum Sitifensem Scriptorum vitio migrasse ad Byza-  
 cenos. Interim ista Tractoriæ exhibitio non fuit Afris propria,  
 sed est commune jus totius Ecclesiæ. Præter istas literas Legati  
 habuerunt suæ, quæ egredi non poterant, suæ Synodi Mandata,  
 ac suæ insuper Commonitoria. Item quædam solo verbo citra  
 Scriptum Mandata. Etenim præfati Honoratus & Urbanus dicunt  
 ad Synodum: "Et illud nobis verbo mandatum est". Erant enim

Illustriores suarum Provinciarum Episcopi, ideoque fide per omnia digni.

Sexta Africanarum Synodorum species est plenissima totius Diocesis Synodus, non per solos Legatos, sed per omnes omnium Provinciarum Episcopos. Joannes Garnerius in digressionem de Conciliis Africanæ Ecclesiæ advertit ad plenissimas hæc Synodos nunquam comparuisse omnes omnium Provinciarum Episcopos, sed ex quavis unicam duntaxat turmam, & dat suæ sententiæ fundamentum: "Undè intelligere est, quam ob causam nulla Catholicorum Africana Synodus legatur plures Episcopos habuisse, quam ducentos & viginti ad summum, cum tamen in Africa fuerint plures quingentis Ecclesiæ Episcopales Catholicæ. Scilicet conveniebat ex singulis Provinciis una tantum turma, id est, media ferè pars, ex qua tamen aliqui justas haberent absentiae causas. Id verò sapienter institutum fuit, ne Pastoribus suis orbatæ Ecclesiæ damni quidquam paterentur. Suam enim vicino Episcopo remanenti profecturus commendabat. Ea porro disciplina vixit apud Catholicos, sed aliis moribus vivebant Donatistæ". Observatio non est temeraria. Etenim licet ista Provinciarum in turmas distributio fuerit introducta pro solis Provinciarum Synodis, videtur tamen usu fuisse extensa etiam ad plenissimas totius Africæ. Numerosissima post istud Decretum celebrata Synodus, à Photii Bibliothecæ credimus, fuit ducentorum viginti quatuor Episcoporum. Hinc Joannes Garnerius non malè insert præfatis Synodis adfuisse non totas Provincias, sed unam solummodo turmam. Errat tamen turmam generaliter fuisse mediam partem. Erat quandoque tertia pars. At verò Aurelii Primatis Canones spernebantur à Donatistis. Quare ipsi non habuerunt turmas, & permanserunt in antiqua, quæ usque ad schisma per totam gentem fuerat, consuetudine. Hinc in ipsorum Bagaiensi Synodo ex solis Primitianistis fuerunt trecenti & decem Episcopi.

In hac etiam Synodo præsertim locum habuit hic Canon Africani Codicis: "Cum quibusdam peractis, multi Episcopi cæterorum peragendorum moras se conquererentur sustinere non posse, & ad proprias Ecclesias festinarent, placuit universo Concilio, ut ab omnibus eligerentur de singulis quibusque Provinciis, qui propter alia peragenda residerent". Hos electos Synodus appellat Judices, & addit ex utraque Mauritania, Numidia, ac Byzacio

ecc.

tres, ac decem Proconsularis Provinciæ Legatos fuisse electos in istos Judices. Nullum ex Tripoli. Nempe quod nullus Legatus advenisset. Etiam in Carthagenensi collatione septem ex Catholicis, & totidem ex Donatistis fuerunt electi, ut agerent omnia. Erant omnium reliquorum Compromissarii. Attamen tunc id factum est non ad dimittendos reliquos Episcopos, sed ad evitandas clamorum in futura collatione turbulentias. Dico istum Canonem habuisse locum etiam ac præsertim in plenissimis Astorum Synodis. Quoniam licet in Synodo & pro Synodo ex Legatis emanaverit, potiori tamen jure locum obtinuit in plenissimis Synodis.

Occurrunt aliquot quæstiones. Prima est, Quoties oportuerit celebrare hæc Synodos? Respondeo plenariam ex solis Legatis Synodum multò tempore fuisse celebratam singulis annis. Hinc tertia Carthagenensis Synodus, & Hipponensium Canonum Compendium ipsam appellant "Concilium universale anniversarium". Cap. 7. 8. Et illud compendium adjungit: "Ut per singulos annos Concilium convocetur". Cap. 6. Exponit in Carthagenensi Synodo Primas Aurelius: "Constitutum fuit in Concilio Hipponensi, ut singulis annis contraheretur Concilium Africæ plenarium". Exstat in Cap. 94. Africano Codice. Videtur ibidem exstare integer Hipponensis Canon: "Confirmandum est in hac Synodo, ut secundum Nicæna Statuta, propter causas Ecclesiasticas, quæ ad perniciem Plebium sæpè veterascunt, singulis quibusque annis Concilium convocetur, ad quod omnes Provincie, quæ primas Sedes habent, de Conciliis suis binos, aut quantos elegerint, Episcopos Legatos mittant, ut congregato Conventu plena possit esse autoritas". Primas Aurelius Africanam Ecclesiam invenit & accepit valde deformatam. Ex variis causis. Una fuit, quod generalis totius gentis Synodus fuisset rarior. Ità & Apostolus noster sanctus Bonifacius scribit apud nos Christianitatem fuisse destructam, quod per octoginta annos cessasset celebratio Synodorum. Quapropter gentis suæ mores restauraturus Aurelius statim in Hipponensi Synodo sanxit laudatum Canonem. Ista enim, in qua & sanctus Augustinus adhuc Presbyter coram Episcopis disputavit de fide & Symbolo, est inter omnes Aurelianas prima. Erat isti temporis duriusculus Canon. Hinc Aurelius addidit, quod in alia ad ipsum Synodo dixerunt Honoratus & Urbanus, Legati Sitifenses: "San-

**Cap. 8.** "Citati tuæ nos spondidisse jam dudum meminimus, ut singulis quibusque annis ad tractandum conveniamus". Aurelius Canonis superaddidit spontaneam Episcoporum professionem, & Pactum. Canonem polivit tertia, vel quævis alia Carthagenensis Synodus: "Similiter placuit, ut propter causas Ecclesiasticas, quæ ad perniciem Plebium sæpè veterascunt, singulis quibusque annis Concilium convocetur. Ad quod omnes Provinciæ, quæ primas Sedes habent, de Conciliis suis ternos Legatos mittant, ut & minùs invidiosi, minùsque hospitibus sumptuosi Conventus plena possit esse autoritas. De Tripoli autem, propter inopiam Episcoporum, unus Episcopus veniat". Exinde Provinciæ non amplius binos, aut quor vellent, potuerunt Legatos mittere, sed fuerunt constrictæ ad mittendos tres. Exceptâ Provinciâ Tripolitana. Et juxtâ has Aurelii regulas dudum vixit Africana Ecclesia. At verò ad aliam Synodum post laudatas easdem regulas idem

**Cap. 9.** Aurelius edixit: "Ad quia hoc", utiq; quotannis venire ad Synodum; laboriosum omnibus Fratribus visum est, placuit ut non sit, ultra fatigandis Fratribus anniversaria necessitas, sed quoties exegerit causa communis, id est, totius Africæ, undecumque ad hanc Sedem hac de re datæ literæ fuerint, congregandam esse Synodum in ea Provincia, ubi opportunitas persuaserit. Causæ autem, quæ communes non sunt, in suis Provinciis terminentur". Aliquando dubitavi de mendo Canonis, & forsan debere legi: "Undecumque ab hac Sede datæ literæ fuerint". Verùm adversantur, & Codicis lectionem confirmant Milevitana Synodus, & vasta illa atque consasa Astorum Canonum collectio.

Ex his intetum aliqua addiscimus. Primò, quod Hipponensis; immò forsan & tertiæ Carthagenensis Synodi tempore, Mauritania Sitifensis necdum haberet primam Sedem, nec proprium Primatem. Deinde, quod ratio, ex qua quintus Nicænus Canon iussit quovis anno bis agi Provinciarum Synodos, fuerit impedire pendentium causarum veterascentiam. Præsertim veterascentiam iniquarum excommunicationum. Et hinc liquet me supra rectè dixisse eandem rationem à Sardicensi Synodo, dum excommunicatos Clericos sanxit à vicinis etiam Episcopis sanandos, fuisse attentam Plenissimas Carthagenensis Sedis arbitrio, Africanas Synodos Canon iste permisit arbitrio Provincialium Primatum. Juxta antiquos mores. An Provinciales Synodi juxtâ Nicænum Canonem semper

per bis in anno fuerint factæ apud Afros, est grande dubium : Non possum definire. Certè plures Episcopi isthic ignorabant Canones, ideoque & negligebant. Hinc tertia Carthaginensis Synodus sanxit : "Ordinandis Episcopis vel Clericis prius ab Ordinatoribus suis Decreta Conciliorum auribus eorum inculcentur, ne se aliquid contra Statuta Concilii fecisse asserant". Canonis, à quacumque Synodo sit, author fuit sanctus Augustinus, qui contra Nicænum Canonem per ignorantiam ordinatus Episcopus, quod in se factum doluit, in aliis postmodò fieri noluit. Ita in ejus vita testatur sanctus Possidius. Post hunc Canonem credo Afrorum Primates bis in quovis anno celebrasse suas Synodos. Hac de caussa prodiisse videtur Canon de Episcopis distribuendis in turmas. Quidquid sit, omninò semel in anno agebant Synodum. Etenim quotannis debebat Legatio destinari ad plenariam Synodum : Et ista Legatio debebat designari ac eligi à Synodo Provinciæ. Et supra audivimus ab Alipio, Augustino, ac Possidio Præmiam ipsorum Xantippum operosè excusari, quod isto anno propter Tyronum tumultus non celebrasset Synodum. Item ab Aurelio, dum anniversariam plenariæ Synodi necessitatem abstulit, audivimus : "Causæ autem, quæ communes non sunt, in suis Provinciis terminentur". Utique singulis annis. More antiquo. Et istud ipsum lucet ex hoc Canone : "Dies Concilii", utique plenarii & anniversarii, "idem servetur, qui in Hipponensi Concilio constitutus est, id est, decimo kalendas Septembris. Et scribendum ad singularum quarumcumque Provinciarum Primates, ut quando apud se Concilium congregant, istum diem non impedian". Etenim quintus Nicænus Canon disertè mandat, ut secunda Provinciæ Synodus quotannis fiat circa tempus Autumni. Tunc igitur Afrorum etiam Primates agebant Synodos. Hinc videri possint bis fecisse.

Hinc etiam discimus, quo anni tempore fieret ista plenaria anniversaria Synodus. Nempe decimo kalendas Septembris. Et ita statutum fuit ab ejus authore, Hipponensi Synodo. Præfatum Canonem, omiſſis tamen verbis, "qui in Hipponensi Concilio constitutus est", confusa illa Afrorum Canonum sarrago legit in eundem modum. At verò quinta Carthaginensis Synodus legit longè aliter : "Dies Concilii undecimo kalendarum novembris servetur". Quæ lectio videtur verior. Ista enim tem-



Epist. 217.

pestas apud calidas Regiones est Episcoporum itineri longè oppositior. Et ipsum fortiter confirmat sancti Augustini Rescriptum ad præsentem Primatem Victorinum: "Tractoria ad me quinto Idus Novembris venit". Victorinus, quo anniversariam plenariam Synodum non impediret, suam Provinciale indixit ad medium aut finem Novembris: Quod nempe ista undecimo kalendas ejusdem mensis fuerat celebranda. Et omninò expediebat Provinciale post plenariam, ac post Legatorum reditum fieri: Quo nempe hujus Decreta possent in ista publicari, & mitti in executionem. Attamen dies ista non ampliùs obtinuit post sublatam anniversariam necessitatem plenariæ Synodi. Exinde hæc agitari cœpit quovis anni tempore: Ad rationabile Beneplacitum Primatis Carthaginensis. Aliquandò bis in anno, aliquandò nunquam. Prout rationes cogerent, aut suaderent. Ejusdem in arbitrio erant dies ac tempus plenissimæ Synodi. Exinde Provincialium Synodorum dies etiam rediit ad Beneplacitum Primatum.

Altera quæstio est, Quis fuerit locus plenariæ per Legatos Synodi? Respondet Primas Aurelius: "Constitutum est in Concilio Hipponensi, ut singulis annis contraheretur Concilium Africæ plenarium, non tantum hic apud Carthaginem, verum etiam per diversas Provincias suo ordine. Et hoc reservatum est, ut indiceremus aliquando in Numidia, aliquando in Byzacio". Et ita fuit omninò factum. Habemus in Byzacio Septimunicensem, Suffetulensem, Macrianensem, Juncensem, ac Marazanensem, in Numidia Hipponensem, ac Synodum Milevitanam. Joannes Garnerius addit: "Nullæ sunt habitæ extra Numidiam, Proconsularem, & Byzacium. Quia reliquæ Provinciæ minus erant opportune propter distantiam, quam prædictæ in media Africa sitæ". Possit labi. Licet enim reservatum fuerit, ut præsertim in Byzacio ac Numidia istæ Synodi fierent, possint tamen aliquæ fuisse factæ in aliis Provinciis. Etenim Sitifensis Cellensem, forsitan & Macrianensem, Cæsarænsis Mauritanja forsitan habuit Synodum Juncensem. Dico, "Forsitan". Alia namque apud Byzacium, alia Macriana fuit apud Sitifenses. Alia item Junca fuit apud Byzacium; alia apud Cæsarænses. An utraque, an unica, & quænam habuerit Synodum, ignoro. Ferrandus ad nos transmissit sola quorundam Canonum compendia. Interim omnes istæ Synodi fuerunt

fuerunt omnino plenaræ. Africani namque Codicis Collector ad Carthaginensem, sub Honorii septimo ac tertio Theodosii Consulatu celebratam, Synodum subnotavit: "Gesta hujus Concilii ideo non descripsi, quoniam Provinciale, non universale celebratum est". Proinde Provincialium Synodorum Canones poterant suam Provinciam, nequaquam dirigere omnem Africam, ideoque nec redigebantur in communem Codicem. At verò Ferrandus Diaconus, ac Cresconius Africanus Episcopus istarum Synodorum Canones congefferunt in suos Codices: Erant igitur plenaræ.

Can. 107.

Ad primam Synodorum speciem Laudavi, & pro exemplo adduxi Hipponensem, in qua sanctus Augustinus Eradium Presbyterum curavit sibi eligi in Successorem. Addendum est illi adfuisse duos Episcopos, Religianum ac Martianum. Nempe ob negotii gravitatem erant singulariter invitati. Quæ invitatio fuit Afris frequens. Similes Synodos Augustinus fecit, dum suum Clerum cœgit ad vitam communem. In priori solos septem Presbyteros, in his posterioribus nominatim enumerat omnes suos Clericos, etiam Diaconos & Sub-Diaconos: Et nullam facit mentionem Archi-Presbyteri aut Archi-Diaconi. Ex quibus conjecturo istas Dignitates non fuisse in Hipponensi Ecclesia. Et quia ipsa non erat ex ignobilioribus, suspicor præfatas Dignitates fuisse in paucis Ecclesiis. Certum est fuisse in quibusdam. Etenim quarta Carthaginensis Synodus sancit de Ordinando in Sub-Diaconum: "De manu Archi-Diaconi Urceolum accipiat", Insuper tres istic Canones laudant Archi-Diaconum. Et alius Canon habet: "Episcopus gubernationem viduarum non per semetipsum, sed per Archi-Presbyterum, aut per Archi-Diaconum agat". At verò in aliis Afrorum monumentis rarissima, aut forsan nulla est, nisi dum de Carthaginensi Ecclesia agitur, istarum Dignitatum memoria. Hinc suspicor in multis non fuisse Ecclesiis. Nec admirandum. Nam & Emeritenfis in Hispania, ubi amplæ & largæ erant Ecclesiæ, Synodus sanxit, ut quivis Episcopus deinceps habeat Archi-Diaconum & Archi-Presbyterum. Quoniam antea plures non habebant. Sunt alterius loci.

Can. 5.

Can. 10.



## CAPUT XV.

*Exponuntur Episcopalia Africana Ecclesia  
Iudicia.*

Ecclesiastica olim Iudicia fuerunt passim Synodalia. Fuerunt tamen & personalia a solo Episcopo. Etenim nonus Chalcedonenſis Canon ſanxit: "Si quis Clericus adverſus Clericum, habet negotium, non deferat proprium Episcopum, & ad ſæcularia percurrat Iudicia, ſed prius actio ventiletur apud Episcopum proprium, vel certè conſilio ejuſdem Episcopi, apud quos utræque partes voluerint, Iudicium agitur. Quod ſi Clericus habet cauſam adverſus Episcopum proprium, vel adverſus alterum, apud Provincie Synodum Iudicetur". Proinde ſolæ adverſus Episcopum cauſæ erant olim Synodales: Adverſus Laicos & Clericos intentatas actiones iudicabat ſolus Episcopus. Chalcedonenſis Synodus ſuum Canonem hauſit ex quinto Niceno, decimo ſexto Sardicenſi, & conſtanti Eccleſiarum conſuetudine. Hinc etiam de S. Auguſtino ſcribit ſanctus Poſſidius: "Interpellatus à Chriſtianis B. Auguſtinus cauſas, audiebat diligenter ac piè. Et eas aliquando ad horam reſectionis, aliquando autem tora die, jejunans ſemper tamen, noſcebat & dirimebat". Loquitur de civilibus Laicorum cauſis. Hanc Episcoporum poſteſtatem quinta Carthagenenſis Synodus appellat "jus Apoſtolicum". Fundatur enim in priori S. Pauli ad Corinthios epiſtola. Auguſtinus etiam audiebat ac dirimebat criminales ſuorum Clericorum cauſas: Et ipſos quandoque non puniebat ſolummodò, ſed etiam degradabat. Lucet ex ejus ad Populum verbis in ſermone ſecundo de communi ipſorum vita: "Delebo eum de tabula Clericorum. Interpellet, contra me mille Concilia, naviget contra me, quò voluerit, ſic certè ubi potuerit, ut ubi ego Episcopus ſum, illie Clericus eſſe non poſſit". Ago hîc de ſolis criminalibus Episcoporum & Clericorum Iudiciis: Præſertim degradatoriis. Ab his enim maximè ſolet appellari.

De

De consueta ipsorum apud Afros forma scribit sanctus Augustinus in literis ad Xantippum Tigisenlem Episcopum, Primatem Numidiæ: "Ego sanè Presbyterum", Rusticanæ in Hipponensi Diocesi Parochiæ Rectorem, qui solemne in Dominici Natalis vigilia jejunium violare, ac apud infamem mulierem sine Clerico telte prandere, cœnare, ac dormire præsumpserat, "removendum ab officio Presbyterii arbitratus sum, timens ei deinceps Ecclesiam Dei committere. Quod si fortè Judicibus Ecclesiasticis aliud videtur, quia sex Episcopis causam Presbyteri terminare, Concilio statutum est, committat illi, qui vult, Ecclesiam suæ curæ commissam: Ego talibus, fateor, quamlibet curam committere timeo, præsertim quos nulla bona fama defendit, ut hoc eis possit ignosci, ne quid perniciosius, si eruperit, languens imputem mihi". Respicit undecimum primæ Carthaginensis Synodi Canonem, conditum ad suggestionem Elpidophori, Cuiccalitani in Proconsulari Provincia Episcopi, ac ad relationem Grati Primatis Carthaginensis: "Si quis tumidus vel contumeliosus extiterit, in majorem natu, vel aliquam causam habuerit, à tribus vicinis Episcopis, si Diaconus est, arguatur; Presbyter à sex; si Episcopus, à duodecim Consacerdotibus audiat". Eundem Canonem firmavit secunda Carthaginensis Synodus, celebrata per Genethlium Primate: "Etiam hoc adjicio secundum Statuta veterum Conciliorum, ut si quis Episcopus in reatum aliquem incurrit, & fuerit nimia necessitas non posse plurimos congregari, ne in crimine remaneat, à duodecim audiat. Et à sex Presbyter, & à tribus Diaconus, cum proprio Episcopo". Verba, "Secundum Statuta veterum Conciliorum", affirmant hunc Canonem esse antiquum, confirmatum sæpius, ac innovatum.

Degradatus à sancto Augustino Presbyter appellaverat ad Numidiæ Primatem Xantippum, affirmans se non à sex Episcopis, sed damnatum à solo Augustino, judicium esse contra Canones sine legitima autoritate attentatum, ideòque evidenter nullum, ac exustandum. Et Xantippus videtur voluisse pro Presbytero procedere. Hinc sanctus Augustinus potenter intercessit, & adduxit plura. Primò fatetur extare istiusmodi Canonem. Secundò fatetur ipsum esse in precio apud Ecclesiasticos Judices, & ab ipsis observari. Quos intelligat per Ecclesiasticos Judices, est incertum. Videtur aut Ecclesiasticos Defensores intelligere,

telligere, aut Professores sacrorum Canonum. Nam & hi tunc non defuerunt Ecclesiae. Tertio asserit se nolle ligari isto Canone, idèbque sibi soli esse potestatem degradandi suos Presbyteros. Quarto affirmat istius Presbyteri, si à Xantippo fiat, reparationem nunquam à se admittendam. Quinto addit ipsam tamen, si pro alia Dicecesi fiat, à se dissimulandam ac negligendam.

Erat recentior, aut certè non antiquissimus Canon. Utique conditus & inductus à Grato Primatè. Lucet ex sancti Cypriani ad Rogatianum Novensem Episcopum, qui criminofum ac sibi contumacem Diaconum ipsi judicandum & castigandum retulerat, Rescripto: "Et tu quidem honorificè circa nos, & pro solita tua humilitate fecisti, ut malles de eo nobis conqueri, cum pro Episcopatus vigore, & Cathedræ authoritate haberes potestatem, qua posses de illo vindicari, certus quod Collegæ tui omnes gratum haberemus quodcumque circa Diaconum tuum contumeliosum Sacerdotali potestate fecisses". Eadem tunc erat ratio Presbyterorum. Certè non solum Felicissimum Archi Diaconum, sed & quinque ipsi conjuratos Presbyteros videtur solus Cyprianus damnasce. Et ita fuit usque ad laudatam Grati Primatis Synodum. Et ejus Canonem, quod antiquam gentis consuetudinem infringeret, videtur non omnis Africa etiam post Genethlii confirmationem admisisse. Et huic parti adhæsit sanctus Augustinus.

Utraque pars nitēbatur fundamentis. Gratum Primatem, & ipsi assidentem Synodum ad faciendam istam Episcopalis auctoritatis circumscriptionem permoverunt Episcoporum apud Afros numerositas, & à quibusdam in suum Clerum præcipitata per iracundiæ impetum judicia, sanctum verò Augustinum, ac plures haud dubiè Episcopos in contrariam sententiam pertraxerunt antiqua consuetudo, ac dilectæ Episcopalis auctoritatis integritas. Interim novus iste Canon sanxit pro solis Presbyteris ac Diaconis. Subdiaconos ac alios inferiores Clericos permisit antiquæ formæ, de qua vigesimus Canon Africani Codicis: "Si Presbyteri vel Diaconi fuerint accusati, adjuncto sibi ex vicinis locis cum proprio Episcopo legitimo numero Collegarum, quos ab eodem accusati petiverint, id est, unà secum in Presbyteri nomine sex, in Diaconis tres, ipsorum causam discutiant; reliquorum autem Clericorum causas etiam solus Episcopus loci agnoscat & finiat".

At

At verò quartum Carthaginense Concilium adjunxit : "Episcopus  
 „nullius causam audiat absque præsentia Clericorum suorum. Alio-  
 „quin irrita erit sententia Episcopi, nisi Clericorum sententiâ con-  
 „firmetur". Existimo per Clericos intelligi solos Presbyteros.  
 Hi enim soli cum Episcopo sedere poterant, idèdque & judicare.  
 Quibusdam videtur habuisse consultativum solummodò suffragium.  
 Canon enim requirit solam ipsorum Præsentiâ. Verùm isti opi-  
 nioni palam obstant verba : "Nisi Clericorum sententiâ confir-  
 „metur". Et Ferrandus Diaconus istos Canones redegit in hoc can. 13.  
 compendium : "Ut Episcopus accusatos Presbyteros convocatis  
 „quinque; Episcopis audiat, Diaconorum cum tribus, reliquorum verò  
 „causam ipse solus discutiat. Ut autem unus Episcopus cogni-  
 „tionem sibi non vindicet, hoc in alio Carthaginensi Concilio  
 „actum est". Disertè affirmat priorem Canonem fuisse ab hoc  
 posteriori correctum & constrictum. Et hosce Canones omninò  
 probavit & subscripsit sanctus Augustinus. Possint tamen contra  
 ipsius judicium emanasse. Porro Tripolitana Provincia, quod pau-  
 cos haberet Episcopos, habuit aliquid singulare : "Propter ino-  
 „piam Provinciæ Presbyter ibi à quinque audiat Episcopis, &  
 „Diaconus à tribus, proprio Episcopo præsidente". Hoc est, pro-  
 prio Episcopo inter istos quinque aut tres connumerato. In aliis  
 Provinciis proprius Episcopus debebat esse quartus aut septimus.  
 Quare Ferrandus Diaconus videtur esse passus vitium sui Breviarii.  
 Quidquid sit, hæc omnia sunt intelligenda de solis criminalibus  
 Clericorum causis. Eorum civiles causas poterat solus Episcopus  
 dirimere. Quod ipsum advertit Theodorus Balsamon in Com-  
 mentario ad decimum quartum Canonem Africani Codicis. Ter-  
 tia Carthaginensis Synodus addidit : "Sanè si ex consensu partium Can. 19.  
 „Judices electi fuerint, etiam à pauciori numero, quàm consti-  
 „tutum est, non liceat provocari". Sancit, aut potius supponit  
 arbitrium seu electum contra Episcopum Tribunal non debere  
 constare ex duodecim Episcopis. Eadem est ratio de Presbyteris  
 ac Diaconis. Et causa est cuius obvia.

Canon, qui Episcopum nonnisi à duodecim Collegis damnari  
 sanxit, placuit etiam aliis gentibus. Etenim ad minoris Britannię  
 Episcopos scripsit Leo III. 1 "Nullam damnationem Episcoporum Epist. 2.  
 „esse unquam censemus, nisi aut ante legitimum numerum Epi-  
 „scoporum, qui sit per duodecim Episcopos, aut certè probata

Epist. 65.

„sententia per septuaginta duos idoneos testes“. Hoc casu permittit  
 „damnari à paucioribus. Attamen nonnisi per Provinciæ Synodum. Et  
 ad Salomonem, ejusdem Britannia Regem, scripsit Nicolaus I.: „Epi-  
 „scopi nullam possint sui honoris sustinere jacturam, quos non constas  
 „fuisse à duodecim Episcopis, presente, primamq; sententiam Metro-  
 „politano Episcopo, cum examinarentur, obtinente, auditos“. Semi-  
 „Barbaros, qui nec Metropolitam habebant, nec duodecim erant nu-  
 „mero, & tamen attentabant omnia Synodalia, Britonum Episco-  
 „pos uterque Pontifex speravit per istam formam compescendos.  
 Ipsam desumpserunt ex Decretali epistola, quam Isidori Mercatoris  
 collectio adscribit sancto Zephyrino Pontifici: „Duodecim Judi-  
 „ces quilibet accusatus Episcopus, si necesse fuerit, eligat, à quibus ejus  
 „caussa justè judicetur“. Eandem formam placuisse postmodò  
 Græcorum Episcopis docet Theodorus Balsamon in Commentario  
 ad duodecimum Canonem Africani Codicis: „Interrogavit quis-  
 „piam, cum Canon contineat tunc fieri à duodecim Episcopis,  
 „& solis, Episcoporum depositiones, quando fieri omnino non  
 „potest, ut multi conveniant, si depositus fuerit Episcopus à  
 „duodecim Episcopis, idque cum sit facile, ut multi conveniant,  
 „dissolvetur depositio, an non? Dicunt quidam hoc modo non  
 „infirmari sententiam. Cum autem Joannes Amathuntis Episco-  
 „pus ab illo Cypri Archi-Episcopo Joanne fuisset depositus, &  
 „depositionis Edictum in Tribunali Imperatorio lectum esset;  
 „quoniam inventi sunt undecim Episcopi & Archi-Episcopus de-  
 „positionem fecisse, statuit Sanctissimus ille Patriarcha Dominus  
 „Lucas cum assistente Synodo, quin & adstans Senatus, esse  
 „infirmam & nullius momenti depositionem, quod accersita  
 „non fuerit universa Synodus Cyptiorum Ecclesiæ, aut saltem major  
 „pars ejus, etiamsi magna esset ejus cogendi facultas, & quod Archi-  
 „Episcopus non ultra duodecim Episcopos, sed unà cum illis esset  
 „numeratus“. Pergit in Commentario vigesimi tertii Canonis:  
 „Cum duodecinus Canon definiat, à quot Episcopis debeant judicari  
 „Episcopi, Presbyteri & Diaconi, nunc jubent Patres, ut ultra  
 „duodecim, sex, aut tres sit quoque loci Episcopus iudex compe-  
 „tens. Qui autem sunt præter eos, Lectores scilicet & reliqui, ab  
 „ipso & solocompetenti Episcopo judicentur“.

Hæc omnia Theodorus transfert in suam gentem. Etenim quod  
 Orientalis Ecclesia istos in Canones græcam linguam transfulerit, ac  
 suo.

suo codici inseruerit, docet secundus Canon Trullanus. Quod eisdem Gallicana Ecclesia dudum probaverit ac usitarit, docet sancti Cæsarii Arelatenfis Archi-Episcopi sermo, dictus ad Collegas in causa Contumeliosi Episcopi Rejenfis. Isidorianæ collectionis author fuit homo Hispanus, ideòque constat istos Canones tunc viguisse etiam in Hispaniis. Attamen cum aliqua ubique differentia. Etenim personatus Zephyrinus privilegium, quo accusatus Presbyter ac Diaconus poterant iudicii Collegas ex vicinis civitatibus eligere, ac à suo Episcopo petere, extendit etiam ad accusatos Episcopos: Quod non videtur fuisse apud Afros. Leo quartus duodecim Episcopos censuit posse suppleri per abundantiam testium. Theodorus Balsamon rectè affirmat Episcopos præter Metropolitam debuisse esse duodecim: Item sex aut tres præter proprium Episcopum. Hæc enim omninò videtur fuisse mens Africanorum Canonum. Etiam rectè excipit plenas Synodos istarum Provinciarum, quæ non habent tot Episcopos. Ità studet Africanos Canones conciliare cum Antiochenis. Eandem exceptionem censet fuisse servatam in Tripolitana Provincia. Astorum Episcopi in aliis Provinciis erant numerosissimi, ideòque criminalia ipsorum iudicia poterant frequenter occurrere: Hinc noluerunt toties fatigari plenas Synodos, nec crimina occurrence ad consuetum ipsarum tempus differri. Tertia Carthaginensis Synodus his adiunxit: "Quisquis Episcoporum accusatus fuerit, ad Primatem Provinciæ, causam ipsius deferat accusator. Nec à communione suspendatur, cui crimen intenditur, nisi ad causam suam dicendam, Primatis literis evocatus, minimè occurrerit". Docet nos plura. Primò, quod Provinciæ Primas potuerit solus Episcopales accusationes admittere, ac reos citare. Deindè, quod ipse potuerit duodecim Episcopos eligere. Tertiò, quod eis præsidere debuerit, aut alicui decimo tertio suas vices delegare. Et istum Canonem antiquo suo Codici inseruit Romana Ecclesia.

Lucidè hæc confirmantur ex causâ & Synodali iudicio erga Maurentium, novæ Germanicæ in Numidia Episcopum, qui suæ Synodo, ad quam accusatores non comparuerant, supplicavit & dixit: "Judices peto sanctum Senem Xantippum", Primatem Provinciæ, "Sanctum Augustinum, Florentium, Theodotium, Samfutium, Secundum, & Possidium. Hæc decerni mihi jubeatis". Et Acta Synodalia pergunt: "Sanctum Concilium



Epist. 55.

„cilium concessit Iudices postulatos, reliquos autem Iudices,  
 „ad complendum" duodenarium "numerum necessarios, eligen-  
 „tibus ipsis Senioribus à nova Germanicia", accusatoribus sui  
 Episcopi, "Senex Xantippus curavit decernere". Utique sex,  
 accusatus Episcopus à Synodo, sex à Primate petebat accu-  
 sator Populus, & ipsis Provinciæ Primas præsidebat decimus  
 tertius. Quæ forma non est antiquissima. Etenim in hæteris ad  
 sanctum Papam Cornelium scribit sanctus Cyprianus de Episcopis,  
 Felicissimo rebus suo Diacono adhaerentibus: "Jovinus &  
 „Maximus comites cum Privato Hæretico adfuerunt, ob nefanda  
 „sacrificia & crimina in se probata, sententia novem Episcoporum  
 „condemnati, & iterato quoque à pluribus nobis in Concilio an-  
 „no priore abstenti". Affirmat tunc fuisse duos damnandi Epi-  
 scopi modos: Per Provinciæ Synodum, & per Conventum pau-  
 ciorum Episcoporum. Affirmat novem suffecisse. An fuerint  
 necessarii, non possum affirmare. Quidquid sit, duodecim Epi-  
 scopos postmodò requisivit per suas Synodos Gratus Archi-Epi-  
 scopus, & omnis Africana Ecclesia tandem admisit, confirma-  
 vit, & observavit.

Dum hæc scribo; prodit in Gallia Libellus Anonymus de  
 antiquis & majoribus Episcoporum causis, contra Joannem  
 David Apologus eorum, quæ pro suprema Provincialium Sy-  
 nodorum autoritate, ac à Romanis appellationibus indepen-  
 dentia commentus est Dominus Petrus de Marca. In Præfa-  
 tione author edicit causam suppressi nominis: "Verumtamen,  
 „ut ingenuè fatear, cum Societati Theologorum Parisiensium  
 „non paucis abhinc annis nomen dederim, paratumque me  
 „esse ad defensionem veritatis usque ad effusionem sanguinis ju-  
 „raverim, ejusmodi ratio ut nomen meum occulerem omnino  
 „non impulit; sed ne fortasse spes melioris fortunæ aliquando  
 „delusa me ad quandam palinodiam turpiter adigeret, quæ apud  
 „plerosque fama nomenque Petri de Marca vehementer labo-  
 rant". Innocentius X. Pontifex Petrum de Marca, nisi multo-  
 rum in suis libris articulorum scriptam palinodiam coram omni  
 sub cœlis Ecclesia solemniter cantaret, confirmare noluit in  
 Archi-Episcopum Tholosanum: Et ista tanti Doctoris constan-  
 tia solemniter cantavit. Præsens Scriptor etiam sperat meliorem  
 istiusmodi fortunam: Et metuit similem palinodiam, ac simili-

lem

lem nominis jacturam. Hinc nomen supprimit. Quapropter quis non temerè existimet veritatem ab ipso nec esse inventam, nec defendi. Etenim "quomodò potestis credere, qui gloriam ab hominibus quæritis"? Et certè Petrus de Marca passus est justà damna nominis. Etenim veritatem aut non defendit, aut defensam est prævaricatus. Et præsens Apologus palam affirmat rediisse ad priora. Affirmat fuisse vertumnum, ac passum aliquid Ecembolii, de quo Socrates: "Ecembolius Sophista Constantinopolitanus, se ad Imperatorum ingenia & naturam conformans, dum Constantius regnabat, se audenter fidem Christianam amplecti simulavit; dum Julianus potiebatur Imperio, Gentilitatem magnoperè præ se tulit; Juliano mortuo, Religionem Christianam denuò profiteri induxit in animum. Nam ante portam Ecclesiæ se pronum abjiciens, sic vociferatus est": Me quasi salem inspidum pedibus conculcate. "Ecembolius, sicut antea levis & inconstans fuit, sic quoque postea permanfit".

Adversus præsentem Anonymum respondeo cum Tertulliano in quarto libro contra Marcionem: "Possem hic gradum figere, non agnoscendum contendens opus, quod non crigat frontem, quod nullam constantiam præferat, nullam fidem repromittat de plenitudine tituli, & professione debita authoris. Sed per omnia congrédi maluimus". Inter alia argumenta, quæ Joannes David adducit pro Romanis appellationibus, sunt Canones Sardicenses. Affirmat ipsos esse, ac semper fuisse solemnem istam in re regulam Catholicæ Ecclesiæ. Et benè affirmat. Ad hæc tamen exufflanda Scriptor Anonymus adducit Canonem, quem de Diacono à tribus, de Presbytero à sex, de Episcopo à duodecim Episcopis judicando sanxit in sua Carthaginensi Synodo ad Elpidophori Cuiccalitani Episcopi suggestionem Gratus Archiepiscopus, atque adjungit: "Hæc disciplina non solum dissimilitudinem habet cum Decretis Concilii Sardicensis, verum etiam est prorsus inaudita & incognita. Huc usque Diaconi & Presbyteri Jurisdictioni Episcopi ac Cleri fuerant obnoxii, Antistites verò Concilii Provincialis primæ cognitioni. Sed in hoc Concilio Carthaginensi duodecim Episcopis delegatur Judicium Episcopi, sex Presbyteri, tribus Diaconi. Ex quibus plenissimè perspectum habemus, quàm sit intolerabilis & insolens cogitatio Davidii, hoc Privati exemplo probantis usum sive praxim Canonum Sardicensium in causis Episcoporum".

Ref-


Respondeo istum Carthaginensem Canonem fuisse reverà hęcroclytum. Hinc ipsi deferre aliquandò noluit sanctus Augustinus. Et sine dubio habuerit Collegas. Nihilominus ipsum postmodò probavit atque admisit. Ejus condendi & probandi magna ratio fuit Episcoporum in Africanis Provinciis multitudo. Omnes, exceptà Tripoli, habebant ferè centum Episcopos : Aliquæ longè plures. Profiteor Episcopatum caussarum judicia olim spectasse ad Synodum Provinciæ. Etiam ad illam, quæ dumtaxat quatuor aut quinque habebat Cathedras. Hinc Gratus Primas censuit pro uno judicando Episcopo non esse fatigandam tantam multitudinem, sed cum Primatu sufficere duodecim. Ex alia parte voluit Episcopalia etiam de Presbyteris ac Diaconis judicia esse matura & gravia. Hinc inter numerosos ad eò Episcopos censuit ipsos non ab unico, sed à pluribus judicandos. Et hoc omninò didicerat à Sardicensi Synodo. Etenim illuc ab Hosio Præsidente audiverat referri multorum Presbyterorum ac Diaconorum querimonias : "Quod me adhuc movet, reticere non dedeo. Si Episcopus quis fortè iratundus, quod esse non debet, citò & asperè commoveatur adversus Presbyterum, sive Diaconum suum, & exterminare eum de Ecclesia voluerit, providendum est, ne, innocens damnetur, aut perdat communionem". Et Hosius providit per appellationem ad vicinos Episcopos. Palam contra Nicænos Canones, & priorem consuetudinem. Archi Episcopus Gratus censuit medicinam non sufficere. Censuit expedire non solam sanatricem, sed insuper medicinam præservatricem. Hinc sanxit Diaconum non nisi à tribus, Presbyterum non nisi à sex Episcopis esse damnandum. Joannes David nec Advocato indiget, nec adjutore. Ætatem habet : Credo futurum, ut pro se loquatur. Rectè dixit Sardicenses Canones fuisse à Grato deportatos in Africam, & isthic quoad Episcopales appellationes semper viguisse. Quod illo etiam tempore, quo fuerunt ignorati apud Afros, ipsorum forma, utpotè Apostolica, isthic viguerit, suo loco demonstrabitur.

Et hæc quidem de primis caussarum instantiis. At verò de Clericorum appellationibus sanxit secunda Carthaginensis Synodus : "Si quis Presbyter à Præposito excommunicatus vel correptus, fuerit, debet utique apud vicinos Episcopos conqueri, ut ab ipsis ejus causa possit audiri, vel per ipsos suo Episcopo reconciliari".

„ciliari”. Canon manifestè desumptus est ex Sardicensi. Ex quo  
 patet Africam tunc se direxisse secundum istam Synodum. Et  
 Milevitana sanxit: “Placuit ut Presbyteri, Diaconi, vel ceteri in-  
 „feriores Clerici in causis, quas habuerint, si de iudiciis Epi-  
 „scoporum suorum questi fuerint, vicini Episcopi eos audiant,  
 „& inter eos, quidquid est, definiant, adhibiti ab eis ex con-  
 „sensu Episcoporum suorum. Quod si & ab eis provocandum  
 „putaverint, non provocent nisi ad Africana Concilia, vel ad Pri-  
 „mates Provinciarum suarum. Ad Transmarina autem qui puta-  
 „verit appellandum, à nullo intra Africam in communionem sus-  
 „cipiatur”. Et quinta Carthaginensis Synodus: “Clericus, qui  
 „Episcopi circa se distractionem injustam putat, recurrat ad Syno-  
 „dum”. Proinde Clerici poterant tribus modis appellare. Ad  
 „sux Provinciæ Synodum. Ad ejusdem Primate. Et ad vicinos  
 Episcopos. Attamen non nisi ad probandos & admittendos à suo  
 Episcopo. Alioquin enim potuissent currere ad sui Episcopi æmu-  
 los, atque ita extorquere iniquum iudicium. Et horum Episco-  
 porum iudicium non erat irrefragabile. Ab ipso poterat denud  
 provocari ad Synodum, aut Primate Provinciæ. Quare præs-  
 tus Episcopi consensus non erat compromissum, aut electio Ju-  
 dicum. Nam ab electis Iudicibus appellari non poterat. Existi-  
 mo quod etiam à Primate potuerit ad Synodum provocari. An  
 delatas sibi appellationes Primas potuerit solus dirimere, non  
 possum affirmare. Etiam à Provinciæ Synodo provocari poterat  
 ad generale Synodum totius Diocesis. Et hic fisti debebat  
 à Clericis: Ad Transmarina, seu ad Sedem Apostolicam procla-  
 mari non poterat. Idque ex antiqua consuetudine, & antiquo  
 Gentis Statuto, quod in literis ad sanctum Cornelium Pontifi-  
 cem laudat, & urget etiam sanctus Cyprianus. Epist. 55.

De damnatorum Episcoporum appellationibus habet quarta Can. 28.  
 Carthaginensis Synodus: “Irritam esse injustam Episcoporum dam-  
 „nationem, & idcirco à Synodo retractandam”. Utique à Pro-  
 vincię Synodo. Canon quippè agit de damnato per duodecim  
 Collegas Episcopo, ac ipsi facit potestatem provocandi ad Syno-  
 dum Provinciæ. Et de evocato ob aliquem reatum ad Primatis  
 iudicium aut Synodum, & comparere detrectante Episcopo sanxit  
 tertia Carthaginensis Synodus: “Si nec ad Concilium universale  
 „universarium occurrere voluerit, ut vel ibi causa ejus termine-  
 tur,

„tur, ipse in se damnationis suæ sententiam dixisse judicetur.“  
 El potestatem facit, ut vel ad Provinciæ, vel ad totius Diccelsios anniversariam ex Provinciarum Legatis Synodum possit judicandus occurrere, ideoque longè magis facit facultatem ad plenissimam totius Gentis Synodum. Et ad Quintianum Presbyterum scribit Sanctus Augustinus: „Plebs Vigilihana, si Episcopum in plenario Africæ Concilio degradatum suscipere noluerit, sano capite faciet. Et nec cogi potest, nec debet. Et quisquis, eam violenter cogerit, ostendet qualis sit, & qualis ante fuerit, quando de se nihil mali credi volebat, faciet intelligi. Nullus enim sic proditur, qualem causam habuerit, quam qui per seculares Potestates, vel quaslibet violentias cum perturbatione & querela conatur recipere honorem, quem perdidit. Non vult enim volenti Christo servire, sed Christianis nolentibus domari“. Episcopus ille à Provinciæ Synodo damnatus appellarat ad universale totius Africæ Concilium, & isthuc fuerat denuò damnatus. Hinc iudicium istud suspendi impetrarat per Augustum Principem, aut aliam supremam Imperii Potestatem. Consultus sanctus Augustinus respondit esse acquiescendum Synodali iudicio: Attamen idè non exclusit appellationem ad Sedem Apostolicam,



CAPUT

CAPUT XVI.

*Referuntur errores varii circa Afrorum appellationes  
ad Sedem Apostolicam.*



Rimus horum errorum author fuit, accleratus Photius, invasor Constantinopolitanæ Ecclesiæ, & infelix Parens miserandi Schismatis inter Græcam & Latinam Ecclesiam. Etenim ab ipso doctus & consecratus Zacharias Chalcedonenſis Episcopus in sexta octava Synodi Actione tentavit exemplis demonstrare Romanum etiam Pontificem subesse Canonibus, posse limites excedere, errare in suis judiciis, idcirco singula ejus Acta non esse authentica & admittenda. Inter plura exempla adduxit & hoc: "Lugendum Apiarium, justificationem à Romanis Præsulibus, Africanæ Synodus non justificavit, sed repulit mittens ut propria curaret, & extra fines suos non excederet". Et venerabilis Metrophanes, Orthodoxus Smyrnenſium Metropolitæ, respondit: "Apiarium, cum esset Presbyter Ecclesiæ Siccensis, Africanæ Provinciæ, propter aliquam causam, segregavit proprius Episcopus Urbanus; postea vero omnimodis deposuit Synodus, quæ ibidem collecta est. Zozimus autem, Papa Romanus recurrentem ad se, & semet infontem exhibentem justificavit, & ad Africanam Synodum mittens cum literis, ut iterum susciperetur egit, rationem reddentē Synodo per Scripta Bonifacio post Zozimum Papæ Romano de depositione, quæ facta est in Apiarium, & de iterata "justificatione". Et quia nunc justificationem arbitramur, judicavimus autem non operari eum, quæ sunt Presbyteri in Ecclesia Siccensi, propter scandala, quæ subsecuta sunt. Porro accipientem literas commendatitias à nobis, in omnibus aliis Ecclesiis Sacerdotio fungi. "Invenitur igitur Africana Synodus paruisse potius judicio Zozimi Papæ Romani, ac per hoc propriam reprobasse sententiam, & justificasse Apiarium, non restitisse, ut falsus es, voto Romanorum Pontificum". Ex

impugnata Apianii Presbyteri Romana appellatione schismaticus Zacharias ineptè concludit similes etiam Episcoporum appellationes fuisse ab Afris impugnatas ac refutatas. Etenim soli inferiori Clero isthic non patebat ista appellatio. Et ista nugamenta Paschasius Quesnellus tentat persuadere Gallicanæ Ecclesiæ.

Eundem tramitem in Commentario ad trigésimum primum, qui Romanas appellationes inferiori Clero interdicat, Africani Codicis Canonem sequitur Theodorus Balsamón: "Nota ex eo, quod frustra se jactant, qui sunt Romanæ Ecclesiæ, dicentes eandem debere de omnium Ecclesiarum quæstionibus per appellationem decidere. Si enim eis non permittitur appellationes eorum, qui sunt in Africa, examinare, multò magis hoc jus non habent in alias Regiones". Ejusdem mentis fuit Meletius, schismaticus Patriarcha Alexandrinus, in literis ad Ruthenos: "Incidentes Ecclesiæ Præsulum controversias dijudicare non est permissum Papæ Romano. Transmarinas enim appellationes, qui in Africa convenerunt Episcopi, prohibuere, ne Romanam transmearent". Addit has appellationes esse contentionis pomum, quod Romani semper studuerunt invadere. Et in suo ad Sardicenses Canones Commentario scribit Joannes Zonaras: "Hujus Canonis Decretum summi Sacerdotes antiquæ Romæ in quacumque causa ab Episcopis provocationem ad ipsos dari jactant, ac eundem in prima Nicæna Oecumenica Synodo conditum fuisse, falsò affirmant. Quod quidem cum in Carthaginensi Synodo propositum fuisset, minimè cum veritate consentire probatum est". Etiam ad Florentinam Synodum dixit Marcus Archi-Episcopus Ephesiorum: "Nosti apud vos olim, tempore Papæ Zozimi, productos fuisse Nicænos Patres Carthaginensi Synodo. Scripserat enim Zozimus Papa ad Concilium Carthaginense, Nicænam Synodum per suos Canones statuisset, ut universo orbi liceret appellare ad Papam Romanum: Miserat & Canonem, quo id decernebatur, quasi Nicænæ Synodi. Verùm Canonem illum non agnovit Carthaginense Concilium; Nec facillè illum recepit, sed nihil se tale dixit habere in Canonibus Nicænæ Synodi. Ab Episcopis Orientalibus, scilicet à Cyrillo Alexandrino, & à beato Proclo Constantino-politano, cum hæc authentica per epistolam ab eis quæsitā, & missa essent ab Orientalibus Carthaginensi Concilio, non est inventus.

„inventus ille Canon, quem Papa protulit. Quocirca scripserunt  
 „ci, ne sibi jus illud appellationum postularet, quod non datur  
 „à Synodo Oecumenica. Vides à Papa illo prolatum Canonem,  
 „quem Synodus illa non ediderat, idque scribente ad Synodum  
 „de te tam gravi”? Insigniter errat Nicænos Canones in ista  
 Afro- rum contentione fuisse postulat- os à sancto Proclo Episcopo  
 Constantinopolitano. Etenim hæc postulatio facta est sub Pon-  
 tificatu Zozimi, ad duodecimum Honorii, Theodosii octavum  
 Consulatum, anno decimo octavo quinti sæculi, quo Constanti-  
 nopolitanæ Ecclesiæ præsed- it Atticus, quartus ante Proclum.

Verum Marcus in sua Florentina disputatione non habuit satis  
 validum Adversarium. Etenim Joannes de Monte Nigro, Præ-  
 dicatorii Ordinis Prior Provincialis in Lombardia, respondit: “Pro-  
 „tulisti Zozimum Papam, ut quosdam Nicænæ Synodi Canones  
 „miserit Carthaginenli Concilio, & vis inferre Zozimum misisse  
 „corruptos Canones, adjecto de appellationibus Canone, qui non  
 „existat inter Canones Nicænæ Synodi. Sed nullum nobis fide  
 „dignum & Classicum produxisti, quod ita corruperit Canones.  
 „Quare deo- rum sanè foret, si quæ hujusmodi proferre vis, non  
 „de tuo dicere, verum testimonia Doctorum adferre”. Ex fic-  
 titiis sanctorum Pontificum, Julii, Marci, Liberii, ac Felicis,  
 nec non ex sancti Athanasii epistolis conatur demonstrare Nicænos  
 Canones fuisse longè plures, quàm viginti. Ex iisdem testimoniis  
 asserit istos Canones non apud Orientales Ecclesias, sed in solis  
 Romanæ Cathedræ scriniis existisse authenticos ac incorruptos, &  
 concludit: “Quà ergò ratione dicis corruptum esse à Zozimo  
 „Canonem, missumque, cum non existeret inter Nicænæ Synodi  
 „Canones? Dico igitur notum fuisse Carthaginensibus, per totum  
 „Orientem corruptos haberi Canones. Et si missi sunt, certè ad  
 „Orientem certi missi sunt, quod multis sanctorum Patrum, &  
 „longè eruditissimis testimoniis patet. Possumusque proferre li-  
 „bros, qui apud nos sunt”. Ad quæ Ephesius: “Ad ea, quæ  
 „primò dicta sunt à te, quod scilicet nullum de Zozimo testi-  
 „monium protulerimus, hoc volo dicere, vos testimonium non  
 „attulisse. Non quod proferre aut non habeamus, aut non valea-  
 „mus: Possumus enim id nullo facere negotio, vel ex ipsis  
 „vestris Codicibus; quia nos huc paucos attulimus, sed liber-  
 „est Constantinopoli. Rem indicavimus. Nam vobis etiam no-



„ta sunt, quæ diximus“. Et Fratri Joanni roganti, „Quisnam  
 „est liber iste“, Ephesius respondit: „Liber Canonum & Syno-  
 „dorum“. Laudat Orientalis Ecclesiæ Codicem, probatum à Trul-  
 „lana Synodo, & Commentariis illustratum à Theodoro Balsamone,  
 „aliisque Græcorum Doctoribus. Et rursùm Frater Joannes: „Apud  
 „Latinos nunquam invenietur facta à Zozimo Papa hæc depra-  
 „vatio. Sed omittamus hoc: Indiget enim disquisitione“. Et  
 „Ephesius acquievit: „Placet omitti. Non est enim præsentis tem-  
 „poris hæc quæstio“. Rectè omiserunt. Neuter enim penetra-  
 „vit fundum controversiæ. Interim vides cunctos Photiani schis-  
 „matis Sæctatores fuisse hac Africana contentione abusus ad ever-  
 „tendam authoritatem Sedis Apostolicæ.

cap. 3.

Horum vestigia secuti sunt Joannes Calvinus, ac Marcus An-  
 thonius de Dominis. Eorum verba adduxi superius. Successit  
 nescio quis facinorosus in Gallia Tenebrio, qui pro Serenissima  
 Venetorum Republica adversus Paulum quintum Pontificem scrip-  
 sit sceleratum Tractatum de libertate Ecclesiastica. Affirmat Ro-  
 manis appellationibus originem esse à Sardicensi Synodo, addit  
 ipsam non fuisse Oecumenicam, & prosequitur: „Post annos cir-  
 „ca septuaginta à Synodo Sardicensi celebrata, induxit in ani-  
 „mum Zozimus Papa hoc ipsum, de quo disputamus, appellatio-  
 „num jus ad Romanam Sedem ab Africanis Episcopis impetrare,  
 „& ut Decreta Sardicensia super ea re facta vim Legis Ecclesia-  
 „sticæ in Africa obtinerent, efficere. Eo fine Legatos à Latere,  
 „quos jam tunc vocabant, in Africam mittit, amplis Mandatis  
 „instructos“. Multa impudenter ac nequiter latrat, & pergit: „Sub  
 „idem tempus Pelagius & Celestius, hæretici scelestissimi, ab Afri-  
 „canis Episcopis excommunicati, cum ad eundem Zozimum con-  
 „sugissent, pariter ab eo sunt suscepti. Atque horum occasione  
 „usus est Zozimus, ut jus appellationum ad Papam Romanum  
 „in Africa stabiliret. Quod ut efficeret, tres in Africam Legatos  
 „misit: Duos Presbyteros, Philippum & Asellum; item Fausti-  
 „num, Potentinæ civitatis Episcopum“. Pertinaciter blaterat  
 Romanas appellationes ante Zozimi Attentatum non apparuisse  
 in Africa. Et addit insignes errores. Primus est, quod etiam  
 Pelagius fuerit damnatus ab Africana Synodo, ideoque & ipse Ro-  
 manam provocaverit. Clarum est solum Celestium fuisse damna-  
 tum, & appellasse. Secundus error est, quod Zozimus appel-  
 lantem

lantem Celestium admiserit, & absolverit ad istud appellationis jus suæ Sedi inchoandum & asserendum. Est non dumtaxat error, (quoniam Zoizimus non absolvit Celestium) sed insuper mendacissima contumelia. Tertius error est, quod ob Celestii aut Pelagii causam Zoizimus miserit Legatos in Africam.

Eodem tramite, cum aliqua tamen moderatione, ambulat in libris de Sacerdotii ac Imperii concordia Petrus de Marca. Etenim in septimo libro scribit: "Ordinationes Episcoporum & Cap. 1.  
Judicia Ecclesiastica fiebant à Synodo cujusque Provinciæ cum  
authoritate Metropolitanæ, adeo ut non liceret provocare à judicio lato in Synodo Provinciæ". Ità servatum olim fuisse in Africa, probare nititur ex sancti Cypriani literis ad sanctum Papam Cornelium, agentibus de causa Fortunati, in Carthaginensem Cathedram super-intrusi per Factionem Felicissimi Diaconi, & quinque cum illo rebellium Presbyterorum. Eandem formam viguisse in Hispania suadere tentat ex causa Basilidis & Martialis, degradatorum Episcoporum, provocantium ad sanctum Papam Stephanum. Constante asserit istam regulam usque ad Sardienensem Synodum fuisse totius Ecclesiæ. Apud Afros viguisse asserit etiam post ipsos liberatos à Wandalico jugo, ac per Justiniani & Belisarii arma redditos Romano Imperio. Etiam sub Pontificatu Magni Gregorii. Magistrum generose sequitur Stephanus Baluzius in præfatione ad Gratiani Decretum, emendatum ab Anthonio Augustino.

Eadem cum fœnore & maximo animo tradit Paschasius Quesnellus. In Apologetica pro sancto Hilario Arelatensi Archiepiscopo Dissertatione scribit: "Porro jam à primordiis seminati Cap. 14.  
intra Regiones nostras Evangelii hoc Antistitum Gallicanorum  
mentibus inolevit, quod Africanis semper fuit persuasum totis his  
quadringentis quinquaginta & amplius annis, nempe Episcopatum esse unum atque indivisum, cujus à singulis in solidum pars  
tenetur, ac proinde si quem ex portione Gregis Christi adscripta,  
quam regit Pastor unusquisque ac gubernat, in aliquod crimen  
prolabi contingeret, apud eundem agere causam suam compelli  
debere, servato appellanti ad Provinciale, vel etiam majorem  
Synodum jure. Si quis secus fecisset, & ad extraneos Judices  
vellet per appellationis libellum confugere, is Episcoporum concordiam coherentem collidere, unitatemque scindere merito putabatur

„tabatur. Autoritas autem, quæ Episcopis quibusque in suos  
 „Presbytero<sup>s</sup>, cæterosque gregis sui alumnos competeat, hæc  
 „eadem Metropolitanis unâ cum Provinciæ Concilio in Compro-  
 „vinciales Episcopos deferabatur jure quodam naturali, & consue-  
 „tutine ab omnibus recepta, quam sacro-sancta postmodum Con-  
 „ciliorum firmavit autoritas“. Palam affirmat non solis Afro-  
 rum Clericis, sed etiam Episcopis Romanam appellationem fuisse  
 veritam & clausam. Et adjungit quædam rideri digniora, quam  
 impugnari. Primum est, quod Metropolitanæ ad subditum Episco-  
 pum damnandum autoritas sit jus naturale. Hinc enim sequitur  
 omnem Ecclesiam, ex quo ista autoritas fuit Metropolitanis ademp-  
 ta, extra jus naturale vivere. Et fabula sibi ipsi non cohæret.  
 Etenim ipsa docet sancti Irenæi ævo necdum fuisse Metropoliti-  
 cam potestatem, & tamen fatetur Ecclesiam tunc non vixisse  
 sine aliqua portione juris naturalis. Alterum ridiculum est, quod  
 Romana Ecclesia aut Apostolica Sedes sit aliis Provinciis Judex  
 extranea. Præsertim si intelligatur de Provinciis ad ejus Patriar-  
 chatum spectantibus. Nec Eusebius Nicomediensis, nec Photius,  
 nec Michael Cretularius sunt prolapsi in tantam audaciam.

Idem Paschasius Quesnellus Magni Leonis ad Cæsariensis  
 Mauritanix Antistites epistolam affirmat esse interpolatam,  
 ac vitiatam: Partem illam, quæ tractat de Lupicini Epi-  
 scopi causa & Romana appellatione, definit esse spurium  
 additamentum. Et adjungit sui Judicii rationem: "Quod de Lu-  
 „picini Episcopi causa ibidem legitur, quam perturbatis  
 „persecutionis Africanæ temporibus, quam illius Ecclesiæ  
 „moribus & disciplinæ contrarium est? Norunt enim omnes,  
 „quantoperè abhorrebant Africani ab appellationibus transmar-  
 „inis, qui in Concilio Carthaginensi, quod sextum vocant, &  
 „in epistola etiam posterioris Concilii ad Celestinum Papam, 19-  
 „notæ sibi huic disciplinæ subicere se recusarunt, cujus negotii  
 „recens adhuc erat memoria, triginta vix ab illa annis elapsis.  
 „Quid quod tum temporis ita omnes illas Provincias bellorum tu-  
 „multus aut persecutionis æstus vastabat, ut nullus vel instru-  
 „endo Episcopali Judicio, vel Synodo congregandæ locus esse  
 „posset, cum tamen Lupicini causam illic jubeat audiri Auther  
 „epistolæ. Adde hunc Leonem nostrum non esse, vel ex eo per-  
 „suasum me habere, quod vir sagacissimus vel ad se causam tra-  
 xisset

5, xisset Episcopi Romanum Tribunal appellantis, vel saltem ali-  
 5, quem è suis delegasset, qui interesset Judicio, & ex ejus autho-  
 5, ritate totum negotium cum illis discuteret. Nec contentus esset  
 5, scribere, ut illic causa audiretur, nullâ vel loci, vel Judicis,  
 5, vel Legati mentione factâ".

Respondeo hæc fundamenta esse caduca. Etenim quod Ro-  
 manæ Episcoporum appellationes semper vigerint in Africa, est  
 exploratissimum, & ad oculos mox demonstrandum. Et isto  
 tempore Cæsariensis Mauritania adhuc parebat Romano Imperio,  
 habebatque omnes suas Ecclesias ac Episcopos. Quidni ergo ha-  
 buerit suas Synodos, ac alios Episcopales Conventus? Proinde  
 Lupicinus Episcopus damnari isthic potuit, & Romam provocare.  
 Patent ista ex Victore Vitenfi Episcopo: " Genserius Rex dispo-  
 5, nens singulas quasque Provincias, sibi Byzacenam, Abarita-  
 5, nam, atque Getuliam, & partem Numidiæ reservavit; exercitui  
 5, verò Zeugitanam vel Proconsularem funiculo hæreditatis divi-  
 5, sit, Valentiniano adhuc Imperatore reliquas, licet jam extermi-  
 5, natas, Provincias defendente. Post cujus mortem totius Afri-  
 5, cæ ambitum obtinuit". At verò hæc facta sunt ante mortem  
 Valentiniani. Porro vir sagacissimus Leo causam hanc ex  
 magnis rationibus non traxit Romam, nec item Legatum misit  
 ad Afros, sed retractatorium Judicium delegavit Synodo Pro-  
 vincix. Nempe non à plena Synodo, sed à duodecim dumtaxat  
 Episcopis damnatus fuerat Lupicinus, ideoque plurimorum Epi-  
 scoporum mens erat adhuc indifferens & integra. Et propter  
 bellicos tumultus plerique Afrorum in Italiam portus teneban-  
 tur à Barbaris. Infestæ erant omnes viæ. Hinc neque Lupicinus  
 Romam accedere poterat, neque quis Apostolicus Legatus in  
 Africam. Rectè igitur Leo ex Sardicensi Canone novum exa-  
 men delegavit Synodo totius Provincix. Laudes & gratias ve-  
 ritati, quæ à Paschasio Quenello extorsit, quod Leo appellan-  
 tem Lupicinum potuisset Romam accersere. Certè juxta Sar-  
 dicenses Canones. Quod istis viris solet non placere.

Idem Scriptor ostendit varios à variis titulos adscribi huic  
 epistolæ, & prosequitur: " Ex quibus intelligis Lector, quàm  
 5, intemperans fuerit interpolandi libido, quamque impunè in  
 5, hanc epistolam grassata sit. Primum enim consilium fuit, au-  
 5, gendam esse hac ad Africanos epistola Dionysianam collectio-

„nem, ut delata in Africam Pontificis Romani Decreta maiorem  
 „ex Codice auctoritatem lumerent: Nec aliter recipi posset, siue  
 „à Gallicanis, siue ab aliis Ecclesiis Dionysiana collectio, quin  
 „simul Romanam circa appellationes, aliasque huiusmodi disci-  
 „plinæ capita amplecterentur. Sed quia parum erat Mandata Pon-  
 „tificis illuc transmissa esse, nisi obediendi necessitas & exem-  
 „plum appareret, hæc ob eam causam verba supposuerunt in-  
 „itio secundi capitis: Superest Fratres, ut concordi obedientiâ  
 „salubres suscipiatis hortatus, &c. ” Et quorum loco manu scripti  
 „Codices habent solummodò: Concorditer. ” Quid postea?  
 „Manebat adhuc alta mente repositum Concilii Africani Respon-  
 „sum ad Zozimum, Bonifacium, Celestinumque, Leonis Præde-  
 „cessores, quo ex Africa ad Romanum Pontificem causas Ec-  
 „clesiasticas per libellum appellationis deferri non posse invi-  
 „denter contenderant: Opus itaque fuit, ut appellatio alicujus Episco-  
 „pi Africani ad sanctum Leonem Africanos illos Episcopos facti  
 „sui poenitentes, appellationumque juri succumbentes exhibe-  
 „ret. Hinc adfusus pannus de Lupicini appellatione, cui & alia  
 „quoque adnexa Decreta de illicitis Ordinationibus, deque aliis  
 „negotiiis, ut & consilium magis tegeretur, & supremum fuisse  
 „Romani Pontificis in Ecclesiam Africanam dominium innue-  
 „retur”. Post plura istiusmodi temeraria & calumniosa phantaf-  
 „mata tandem concludit: ” Et certè valdè Leonis nostri solertiz  
 „ac ingenio consentaneum mihi videtur, ut temporis opportuni-  
 „tatem captaverit ad confirmandam Sedis suæ auctoritatem in  
 „Africanas Ecclesias. Nemo est qui nesciat, quoties, quantif-  
 „que conatibus id tentaverint Leonis Prædecessores, quantumque  
 „Leonis ipsius ætate Bonifacius & Celestinus in eam rem labora-  
 „verint, Africanis consuetudinem Ecclesiarum suarum invictè sem-  
 „per propugnantibus. Expectanda enim illis fuerat opportunior  
 „ocasio: Quæ ut sese Leoni obtulit, eam sibi vir cordatissimus  
 „elabi non est passus”. Has in sanctissimum Pontificem pessimas  
 „calumnias petulanter exaggerat, & pergit: ”Dum hæc scribo, vi-  
 „deor mihi hinc Catholicorum nonnullos submurmurantes audire,  
 „illinc Sectariorum utraque applaudentes manu, quasi Pontificem  
 „Romanum mali ambitus, alienique juris notare videamur.  
 „Utrisque satisfaciam unius Casauboni verbis, cui non assentiri  
 „nec hæretici audeant, nec debeant hac in re Catholici”. Pro-  
 copius.

copius Cæsarænsis, dum Imperatoris Justiniani arcanam scripsit Historiam, toto tremebat corpore: Rationes sunt exploratæ. Istud ipsum scribenti hæc Paschasius Quesnello videtur evenisse. Et certè omnium Catholicorum querimonia est longè iustissima. Etenim Scriptor ille istud ipsum crimen imponit magno Leoni, quod Liberio Pontifici ex Eusebianorum suggestione improperavit Imperator Constantius, & propter quod Philippo-Politanus Eusebianæ factionis Conventus damnationis convictum latravit in sanctum Pontificem Julium.

## CAPUT XVII.

*Demonstratur ex sancto Cypriano, quod Romana  
Episcoporum Appellationes semper vigerint  
in Africa.*



Hoc Apostolicæ Sedis apud Afros jus clarissima habet testimonia atque exempla apud S. Cyprianum. Etenim ad ipsum de Privato, Lambesitano in Numidia Episcopo, damnato ac degradato, scribit Romanæ, per S. Fabiani Pontificis Martyrium vacantis, Ecclesiæ Clerus; Epist. 30.  
„Quod autem pertinet ad Privatum Lambesitanum, pro tuo more fecisti, qui rem nobis sollicitam nunciare voluisti. Omnes enim nos decet pro corpore totius Ecclesiæ excubare. Sed nos etiam ante literas tuas fraus callidi hominis latere non potuit. Nam cum ante hæc quidam ex ipsius noquitia cohorte venisset Vexillarius Privati, & furto ac fraudulenter literas à nobis elicere curaret, nec quis esset latuit, nec literas, quas volebat, accepit". Ita legit Jacobus Pamelius. Nicolaus Rigaltius legit hoc modo: "Privati Vexillarius futurus, & fraudulenter", &c. Placet Pamelii lectio. Etenim dolosa apud Apostolicam Sedem in communionem obreptio est plenissimum furtum. De eodem Privato Sanctus Cyprianus scribit ad sanctum Papam Cornelium. "Per Felicianum significavi tibi, Frater carissime, venisse Carthaginem Privatum, veterem Hæreticum,

„tum, in Lambesitana colonia ante multos ferè annos ob multa,  
 „& gravia delicta nonaginta Episcoporum sententiâ condemna-  
 „tum, Antecessorum etiam nostrorum, quod & vestram con-  
 „scientiam non latet, Fabiani & Donati literis severissimè no-  
 „tatum, qui cum causam suam apud nos in Concilio, quod  
 „habuimus Idibus Majis, quæ proximè fuerunt, agere velle se  
 „diceret, nec admissus esset, Fortunatum istum sibi Pseudo-  
 „Episcopum, dignum Collegio suo, fecit”.

Privatus Lambesitanus Episcopus, à nonaginta Episcopis, Lam-  
 besitanam totius Numidiæ Synodum constituentibus, ob gravia  
 & plura crimina damnatus, provocavit ad Donatum Carthagi-  
 nensem Episcopum, Primatem totius gentis. Verùm ille confir-  
 mavit sententiâ, & hominem severissimè notavit Synodalibus  
 literis. Damnationis Tractatorem transmissit ad omnes Ecclesias.  
 Hinc iste provocavit Romam, & accessit ad sanctum Fabianum  
 Pontificem. Sed, & isthic nactus est eundem suæ causæ suc-  
 cessum. Franciscus Hallier, Episcopus Cavallontensis, in quarto  
 libro de Hierarchia Ecclesiastica rectè adjungit: ”Ad quid Roma-  
 „ni Pontificis judicio iterùm damnarentur, qui ab Africanis dam-  
 „nati essent, nisi ejus sententiâ potuissent absolvi”? Porro Fa-  
 bianus per gloriosum Martyrium migrat ad meliorem vitam. Hinc  
 novus Privatus animus. Causam resumpsit apud Clerum vidua-  
 tæ Ecclesiæ. Ex suæ nequitie cohorte Romam misit nescio quem  
 Vexillatium, qui fraudulentè curaret circumduci omnia præfata  
 judicia, & sceleratam hominem reparari in amissi gradus commu-  
 nionem. Hinc Cyprianus Clerum instruxit, atque ità omnem ire-  
 pendendi, jam antea clausum, aditum firmissimè observavit. At im-  
 pudens ac importunus Veterator necdùm siluit. Denuò provocavit  
 ad sancti Cypriani Synodum. Non impetrandi spe, sed animo  
 turbandi. Etenim Felicissimi Carthaginensis Diaconi, & quin-  
 que sancto Cypriano rebellium Presbyterorum Factioni adjunctus  
 in Ducem, tandem Fortunatum ex quinque istis Presbyteris unum,  
 ordinavit ac intrusit in Carthaginensem Cathedram, atque ità de-  
 gradavit sanctum Cyprianum. Omnes suas damnationes speravit  
 hac vi vindicare, consolari, ac reparare. Sub isto novo Episco-  
 po sperabat apparere integer, magnus, & gratosus. Sanctus  
 Cyprianus adjungit de isto Privato: ”Venerat etiam cum illo Fe-  
 „lix quidam, quem ipse extra Ecclesiam in hæresi Pseudo-Episcopū  
 olim.

„olim constituerat“. Utique post damnationem. Nempè nulli iudicio voluit acquiescere; atque ita non dumtaxat assiduus appellationibus, sed etiam Para-Synagogis, Schismatibus, ac sacrilegis Ordinationibus dudum vexavit Ecclesiam. Hinc circumduxit integram cohortem suæ nequitiae.

Quandoque bonus dormitat Homerus. Illustrissimus ac eruditissimus Dominus Lucas Holstenius ex laudato sancti Cypriani loco scribit in annotationibus ad Geographiam sacram Caroli à sancto Paulo: „Antè Cyprianum Carthagenenses Episcopi “sunt „Agrippinus, Donatus, Fabianus; post Mensurius, Cecilianus, „Lucianus, Rufus, Gratus, Genethlius, Aurelius, Capreolus, „Quod-vult-Deus, Deo-Gratias, Eugenius, Bonifacius, Repa- „ratus, Primasius, sive Primosus“. Labitur in duobus. Primò, quod sanctum Fabianum Pontificem transmutet in Episcopum Carthagenensem. Existimo fuisse circumscriptum à verbis: „Antecessorum nostrorum Fabiani & Donati“. Verùm sanctus Cyprianus scribit ad Papam Cornelium, & laudat utriusque proximum Antecessorem: Suum, Donatum; Cornelii, Fabianum. Deinde vir Illustrissimus labitur, quod omittat sanctum Cyrum, à beato Possidio laudatum in indiculo Operum sancti Augustini; & Thomam, laudatum in primo libro Victoris Episcopi Vitenfis. Vera itaque Carthagenensium Episcoporum successio est hæc: Agrippinus, Donatus, sanctus Cyprianus, Lucianus, sanctus Cyrus, Mensurius, Cecilianus, Gratus, Rufus, Restitutus, Genethlius, Aurelius, Capreolus, Quod-vult-Deus, Deo-Gratias, Thomas, Eugenius, Bonifacius, Reparatus, Primosus, & sic consequenter. An Agrippinus fuerit primus, certò non constat. Videtur non fuisse. Etenim ejus Presbyter Tertullianus palam docet Christianitatem suo tempore apud Afros fuisse antiquam. Item ignoratur, an inter Agrippinum & sanctum Cyprianum solus Donatus mediaverit. Item an inter Cyprianum & Mensurium non fuerit aliquis tertius, aut etiam quartus.

Aliud Romanæ appellationis exemplum profert nobis sanctus Cyprianus, scribens de Novato, nescio cujus loci apud Afros Episcopo, ad sanctum Cornelium: „De Novato nihil inde ad nos „fuerat nunciandum, cum magis per nos vobis debeat Novatus „ostendi, rerum novarum semper cupidus, avaritiæ inexplibili „rapacitate furibundus, arrogantia & stupore tumoris inflatus, sem-

Epist. 49.



„per isthic Episcopis malè cognitus, quasi hæreticus semper &  
 „perfidus omnium Sacerdotum voce damnatus, curiosus semper  
 „ut prodar, ad hoc adulatur ut fallat, nunquam fidelis. ut diligar,  
 „fax & ignis ad conflanda seditionis incendia, turbo & tempestas  
 „ad fidei facienda naufragia, hostis quietis, tranquillitatis Ad-  
 „versarius, pacis inimicus. Denique Novato illinc à vobis rece-  
 „dente, id est, procellà & turbine recedente, ex parte illic quies  
 „facta est. Idem est Novatus, qui apud nos primum discordiæ  
 „& schismatis incendium seminavit, qui quosdam isthic ex Fra-  
 „tribus ab Episcopo segregavit, qui in ipsa persecutione ad ever-  
 „tendas Fratrum mentes aliqua quædam persecutio nostris fuit. Ipse  
 „est qui Felicissimum, Satellitem suum, Diaconum, nec per-  
 „mittente me, nesciente, sua Factione & ambitione constituit:  
 „Et cum sua tempestate Romam quoque ad evertendam Ecce-  
 „siam navigans, similia illic & paria molitus est, à Clero por-  
 „tionem plebis avellens, Fraternitatis benè sibi cohærentis, &  
 „se invicem diligentis, concordiam sciðdens. Planè quoniam pro  
 „magnitudine sua debeat Carthaginem Roma præcedere, illic ma-  
 „jora & graviora commisit. Qui isthic adversus Ecclesiam Dia-  
 „conum fecerat, illic Episcopum fecit”. Enumerat horrenda  
 „ejus facinora, & concludit: “Hanc conscientiam criminum jam  
 „pridem timebat. Propter hoc se non de Presbyterio tantum  
 „excitari, sed & communicatione prohiberi pro certo tenebat,  
 „& urgentibus Fratribus imminere cognitionis dies, quo apud nos  
 „causa ejus ageretur, nisi persecutio ante venisset. Quam iste  
 „voto quodam evadendæ & lucrandæ damnationis excipiens, hæc  
 „omnia commisit & miscuit, ut qui ejici de Ecclesia & excludi  
 „habebat, judicium Sacerdotum voluntarià discessione præcederet,  
 „quasi evasisse sit pœnam, prævenisse sententiam”. Harum re-  
 „rum meminit in sancti Fabiani vita etiam liber Pontificalis: “Eodem  
 „tempore supervenit Novatus ex Africa, & separavit Novatianum  
 „de Ecclesia, & quosdam Confessores”. Et in vita sancti Cor-  
 „nelii: “Sub hujus Episcopatu Novatus Novatianum extra Ec-  
 „clesiam ordinavit, & in Africa Nicostitatum”.

Sanctus Cyprianus fuit è Neophyto ordinatus Episcopus. Pri-  
 mus apud Afros. Haud dubiè per Divinam inspirationem. Et  
 mox ad ejus Tribunal proclamatus fuit Novatus Episcopus, reus cri-

eriminum. Et jam imminebat per Cyprianum statutus cognitio-  
 nis ac Synodi dies. At ecce supervenit persecutio, ideòque ces-  
 savit ista Synodus, & sanctus Cyprianus fuit compulsus secedere.  
 Hanc opportunam suis rebus ansam Novatus arripuit cum gaudio,  
 & quo sibi plenè consulere, cepit sancti Cypriani Episcopatum  
 invadere. Blaterare illum contra Apostolicum Canonem esse in-  
 trusum ex Neophyto, ideòque non esse Episcopum, sed vacuum  
 Episcopatus invasorem. Et in ipsa Carthagenensi Ecclesia invenit  
 Affectas. In inferiori Clero nescio quem Felicissimum, aptis-  
 simum suo satellitio, & quinque Presbyteros, qui electioni Cy-  
 priani fuerant ab exordio refragati. Existimo quod hi ipsum con-  
 stituerint Ecclesiæ Visitatorem. Sicille præsumpsit Felicissimum  
 consecrare in Diaconum. Nec hic stetit Novati temeritas. In-  
 super se purgaturus, unàque accusaturus sanctum Cyprianum,  
 provocavit ad sanctum Fabianum Pontificem, & Romam trans-  
 fretavit. At ecce invenit Pontificem Martyrio ablatum, ac vi-  
 duatam Ecclesiam. Interim Romæ permansit expectans Successo-  
 rem. Successit sanctus Cornelius, habuitque & ipse Adversarios.  
 Horum unus fuit Evaristus, nescio ejus civitatis Episcopus. Ete-  
 nim Cornelius in literis ad sanctum Cyprianum affirmat ipsum Epist. 48.  
 fuisse authorem schismatis, ideòque à se degradatum, ac Sede  
 ejectum. An Novatus causam suam Cornelio exposuerit, & fue-  
 rit passus repulsam, ignoro. Quidquid sit, adjunxit se factio-  
 sis, piscandum duxit in aqua turbida, & ad Novatiani intrusio-  
 nem concurrat aded potenter, ut sanctus Cyprianus scribat quod  
 ipsum constituerit Episcopum. Novæ tunc, ex qua turbidæ suæ  
 ambitionis fundamenta sumpsit, in Lapfos clementiæ Novatianus  
 ante Cornelii creationem omninò faverat, & cum aliis Romanæ  
 Ecclesiæ Presbyteris subscripserat: Quod Novatus ipsum à priori  
 sententia ac Ecclesia seduxerit, probare non possum, nisi ex libro  
 Ponticali. Quin ab illo fuerit pro integro Episcopo agnitus,  
 & plenæ purgationis sponsonem acceperit, non est dubitandum.  
 His animatus se totum pro Novatiano expendit. Hinc in Apo-  
 stolica Sede firmatus Cornelius ejus & apud Afros, & apud al-  
 iam Urbem patrata facinora discussit, ac turbulentum hominem  
 damnavit. Et huic, licet non adversus latam, sed dumtaxat ad-  
 versus imminentem ac ferendam damnationis sententiam interpo-  
 sitæ appellationi, necnon huic Romano in appellantem Nova-  
 tum

tum iudicio Cyprianus plenissimè acquievit. Quod nempe Novatus esset Episcopus.

Sancti Cypriani verba, "Qui isthic Diaconum fecerat, illie Episcopum fecit", videntur omninò importare consecrationem. Affirmant quod Novatus Novatianum eo modo creaverit Episcopum, quo Felicissimum creaverat Diaconum: At verò hunc creaverat per consecrationem. Et hinc scribit author libri Pontificalis: "Novatus Novatianum extra Ecclesiam ordinavit". At verò in literis ad Fabium Antiochiæ Patriarcham sanctus Cornelius disertè scribit Novatianum à tribus rudibus & agrestibus, per fallacias circumscriptis, & multo vino ad horam diei decimam inebriatis, Italiæ Episcopis fuisse "imaginariâ quâdam & vanâ manuum impositione" consecratum. Et adjungit: "Ex quibus Episcopis unus non longè post peccatum flebiliter lamentans, & idem apertè confessus, ad Ecclesiam revenit. Quem Populo universo pro eo rogante, tandem ut laicum in communionem recepimus, atque alios, qui in aliorum duorum Episcoporum loca succederent, misimus". Exstat epistola in Ecclesiastica Historia Eusebii Cæsariensis. Hinc quæritur, Quomodo ista cohæreant? Respondeo nec de sancti Cornelii, nec de sancti Cypriani fide aut verbis esse dubitandum. Et sanè Romani Pontificis consecratio semper spectavit ad vicinos urbi, aut certè ad quosvis Pontificis Comprovinciales Episcopos, idèoque Novatianus etiam ab ipsis voluerit consecrari. Et hoc palam evincit epistola sancti Cornelii. Sanctus Cyprianus usus est æquivoco verbo, & tam ad electionem, quàm ad consecrationem significandam ambidextro. Quare ipsum de electione, in qua Novatus Ducem egerat, est intelligendum. Electioni Cornelii adfuerant Africani Episcopi: Hinc etiam Novatianus gavisus est saltem unum suæ adfuisse. Isto enim tempore omnes, dum in Alma Urbe tunc reperirentur, Romani Patriarchatus Episcopi in eligendo Pontifice habebant suffragium. Liber Pontificalis hac in parte est modicæ autoritatis. Nam & addit à Novato in Africa fuisse ordinatum Nicostratum. Debebat dicere: "Felicissimum". Nicostratus enim fuit Romanæ Ecclesiæ ac sancti Pontificis Fabiani Archi-Diaconus, unus è Confessoribus, quos Novatus seduxit. Erat vir criminofus. Ejus crimina nobis aperit sanctus Cyprianus in præfatis literis ad sanctum Cornelium.

Palchafius Quæfnellus nobis opponit ejusdem Cypriani ad eundem

Pon-

Pontificem verba de præfatis quinque sibi rebellibus Presbyteris, ac ipsorum Duce Felicissimo. Eorum facinora Cyprianus enumerat, atque prosequitur: "Post ista adhuc insuper Pseudo-  
 „Episcopo sibi ab hæreticis constituto, navigare audent, & ad Petri  
 „Cathedram atque ad Ecclesiam principalem, unde unitas Sacer-  
 „dotalis exorta est, à schismaticis & profanis literas ferre, nec co-  
 „gitare eos esse Romanos, ad quos perfidia habere non possit  
 „accessum. Quæ autem causa veniendi, & Pseudo-Episcopum  
 „contra Episcopos factum nunciandi? Aut enim placet illis quod  
 „fecerunt, & in suo scelere perseverant; aut si displicet, & re-  
 „cedunt, sciunt quo revertantur. Nam cum statutum sit omni-  
 „bus nobis, & æquum sit pariter & justum, ut uniuscujusque  
 „causa illic audiat, ubi est crimen admissum, & singulis Pa-  
 „storibus portio gregis sit adscripta, quam regat unusquisque &  
 „gubernet, rationem sui actus Domino redditurus, oportet utique  
 „eos, quibus præsumus, non circumcursare, nec Episcoporum  
 „concordiam coherentem suâ subdolâ & fallaci temeritate collidere,  
 „sed agere illic causam suam, ubi & accusatores habere, & testes  
 „sui criminis possint. Nisi si paucis desperatis & perditis minor  
 „videtur esse auctoritas Episcoporum in Africa constitutorum, qui  
 „jam de illis judicaverunt, & eorum conscientiam, multis deli-  
 „etorum laqueis victam, judicii sui nuper gravitate damnarunt.  
 „Jam causa eorum cognita est, jam de eis dicta sententia est,  
 „nec censuræ congruit Sacerdotum mobilis atque inconstantis animi  
 „levitate reprehendi, cum Dominus doceat & dicat": Sit sermo  
 „vester, Est est, Non non. "Si eorum, qui de illis priori anno  
 „judicaverunt, numerus cum Presbyteris ac Diaconis computetur,  
 „plures tunc adfuerunt judicio & cognitioni, quam sunt eidem isti,  
 „qui cum Fortunato nunc videntur esse conjuncti".

Respondeo recolenda esse, quæ supra sunt dicta de Novati Episcopi, Felicissimi Diaconi, & quinque Presbyterorum rebellionem contra Episcopatum sancti Cypriani. Apud Afros tunc adhuc vigeat antiquus pœnitentialis disciplinæ rigor, Lapsis negans Sacramentalis Reconciliationis pacem etiam in exitu, & ipsos judicandos reservans ac transmittens ad supremum in Dei dextera Pontificem, Dominum nostrum JESUM-CHRISTUM. Et Ecclesia erat plena Lapsorum. Et rigor apud Romanam Ecclesiam mitigari cœperat. Hinc nequam ista Factio se segregavit à Cypriani communione, & novum Altare,

C c c c

& schis-

& schismaticam Para-Synagogam erexit in nescio quo propè Carthaginem monte, & studuit Plebem eò seducere. Et quo pelliceret, omnes Lapso invitavit ad communionem, & admisit sine satisfactione ac pœnitentia. De qua re sanctus Cyprianus gravissimè queritur in variis epistolis, ac præsertim in sermone de Lapsis. Istiusmodi Pacem asseverat esse falsam, vacuam, delusoriam. Et hinc patet profunda ac impudens Novati nequitia. Idem ipse, qui in Africa antiquum pœnitentiæ rigorem sceleratissimè solverat, Romæ Novatiano adhærens eundem contumacissimè ac hæreticè resuscitavit ac stabilivit. Et Factio plurimos Lapso ad se seduxit. Et hæc est ratio, cur sanctus Cyprianus ad admittendam Romanæ Ecclesiæ in Lapso clementiam sit factus inclinatio. Factio eò usque profecit, ut sibi adjunxerit Privatum Lambesitanum Episcopum, antiquum Hæreticum, & in Africa & Romæ damnatum, nec non quosdam alios Episcopos similis facis. Hi venerunt Carthaginem, absentem ex persecutionis causa Cyprianum damnarunt, ac ipsi superordinarunt Fortunatum, unum ex quinque præfatis Presbyteris. Et omnia sua per Legatos retulerunt Romam. Primò intrusionem sancti Cypriani, & ejus crudelitatem in Lapso. Damna hanc, istam postularunt cassari. Deindè retulerunt promotionem Fortunati, flagitantes confirmari. Et ut fucum facerent, mentiti sunt istam peractam à viginti quinque Episcopis. Tertio retulerunt suam à sancto Cypriano factam damnationem. Dixerunt factam ab intruso, ex vindictæ spiritu, appellarunt contra ipsam, & rogarunt cassari. Legati hæc omnia fucarunt multis astutiæ ac eloquentiæ coloribus. Et tantà violentiâ sunt Cornelium aggressi, "ut summa desperatione comminarentur, quod si literas, quas attulerant, non accepisset, publicè eas recitarent". Utique literas, quibus Fortunatus exponebat & postulabat præfata omnia. Legatorum Princeps erat Felicissimus. Ejus Collegæ videntur fuisse quatuor Presbyteri. Fortunatus, uti totius Africæ Primas, remanserat Carthagine. Hæc omnia simul juncta fecerunt Cornelium nonnihil hæsitare.

At verò sanctus Cyprianus ad singula nervosè respondit. Ad primum respondit se "Divino Judicio, populi suffragio, Co-Episcoporum consensu, in pace electum", jam per quatuor annos probatum in Episcopatu, omnibus Collegis fideliter junctum, à Domino Deo in persecutione protectum, & non dumtaxat à Christianis,

tianis; sed etiam à Gentilibus agnitum pro legitimo Episcopo. Ut  
 potè qui per hos ipsos dies fuerit "adplicito & adjuncto Episco-  
 „patus nomine proscriptus", & sub eodem elogio, tam in Circo  
 quam in Amphi-theatro, ab omni Carthaginensi Gentilitate "po-  
 „stulatus ad Leonem". Ità probat se non intrusum contra Apo-  
 stolicos Canones, sed ex Divina ac humana ipsorum dispensatione  
 electum legitimè, & consecratum. Porro sanctus Cyprianus quin-  
 quagesimo tertii sæculi anno est creatus Episcopus. Proinde For-  
 tunati intrusio, ac ejus cum quatuor aliis Presbyteris & Felicissimo  
 Diacono Synodalis damnatio quinquagesimo tertio, hæc autem  
 Romana appellatio contigit anno quinquagesimo quarto. Cypria-  
 nus enim disertè testatur ipsos fuisse damnatos pterito anno.

Ad secundum respondit à se omninò servari Romanæ in Lapsos  
 clementiæ Decreta. Se esse ipsorum non tantummodò fautorem  
 & custodem, sed insuper authorem. Quin immò se in Africa à  
 variis argui de nimia facilitate. Ad tertium reposuit Fortunatum  
 nequaquam à viginti quinque, sed à solis quinque, eisque dam-  
 natis & sordidis, Episcopis fuisse intrusum & consecratum, ideoque  
 exinde nihil dignitatis aut sanctimonix, sed accepisse incrementa  
 criminum; novamque execrationem ac damnationem. Et de Privato  
 Lambesitano, qui videtur fuisse principalis consecrans, adjungit:  
 "Fuit nonaginta Episcoporum sententiâ condemnatus, Antecesso-  
 „rum etiam nostrorum, Fabiani, & Donati, literis severissimè  
 „notatus". Affirmat in Africa damnatum provocasse Romam, &  
 ejus vinculum à Pontifice Fabiano fuisse confirmatum. Profitetur  
 Africanos Præsules semper potuisse appellare ad Sedem Apo-  
 stolicam.

Ad quartum de Fortunati, Felicissimi, ac aliorum Presbyte-  
 rotum appellatione caput reponit laudata superius verba. Affir-  
 mat esse antiquum, idque æquum pariter ac justum Statutum,  
 ut inferior Africanæ Ecclesiæ Clerus judicaretur in Africa, ac do-  
 mesticis Judiciis teneatur acquiescere. Totus contextus est ex-  
 ponendus. Primò notanda sunt hæc verba: "Cum statutum sit  
 „omnibus nobis". Non toti Ecclesiæ, sed omnibus nobis Afri-  
 Manifestè laudat non commune totius Ecclesiæ; sed quoddam  
 singulare Statutum. Hinc addit: "Æquum sit pariter ac justum".  
 Quis de universalium Canonum justitia possit cespitare? Quo-  
 modò talis cespitatio cecidisset in sanctum Cornelium? Proinde

Cyprianus purgat aliquod singulare suæ gentis; Edictum. Et ipsum non agit de prima audientia: Quin enim hæc debeat apud Provinciam institui, nemo unquam dubitavit. Cyprianus agit de Fortunati ac Felicissimi appellatione, & affirmat esse æquum ac iustum, ut Clericorum causa isthic audiat ac finiatur, ubi fuit crimen admissum. Non asserit esse necessarium; sed æquum ac iustum. Nempè suæ gentis morem sic purgat, ut communes Canones non notet, nec aliarum gentium consuetudines. Notanda sunt & hæc verba: "Et singulis Pastoribus portio gregis sit, adscripta, quam regat unusquisque & gubernet, rationem sui, Actus Domino redditurus". Affirmant Ecclesiam, licet unicam, esse divisam in varios Pastores, utique Patriarchas atque Primates, & unicuique permittendum, ut sui Cleri ac Populi mores formet ex suæ conscientie arbitrio, de quo obstringatur Domino Deo dare rationes. Laudant proprium Africanæ Ecclesiæ Statutum, quo ejus inferior Clerus cogitur suorum Episcoporum judiciis non refragari. Et Cyprianus addit Statuti causam: "Oportet eos, quibus præsumus, non circumcursare". Hoc est antiquum Africanæ Cleri vitium: Et ad ipsum præcidendum primitivi isthic Episcopi censuerunt Romanas etiam appellationes ipsi auferendas. Sequitur & secunda ratio: "Nec Episcoporum concordiam cohærentem subdola & fallaci temeritate collidere". Etiam hoc fuisse Africani Cleri vetustum vitium testatur sanctus Augustinus in litteris ad Primum Aurelium. Et ad ipsum exercendum nihil est circumcursatione aptius. Cyprianus pergit: "Nisi si paucis desperatis & perditis minor videtur esse autoritas Episcoporum in Africa constitutorum, &c". Affirmat hoc Africanæ Ecclesiæ Statutum placere ac probari omnibus, nisi paucis desperatis ac perditis, omni modo & via venantibus suæ perditioni ac desperationi qualiacumque auxilia. Felicissimus, Fortunatus, & omnis ista facinorosa Factio fecit istud ipsum, quod postmodò attentavit Presbyter Aparius: Contra suæ gentis consuetudinem & singularem legem provocarunt & accesserunt ad Romanam Ecclesiam. Et sicut hic inter Zozimum, Bonifacium, & Celestinum Pontifices, acinrer Primum Aurelium suscitavit; ita isti inter Cornelium & Cyprianum tentarunt suscitare discordias, & cohærentem ipsorum concordiam subdola & dolosa appellandi temeritate collidere. Appellandi contra suæ gentis consuetudinem & propriam disciplinam

nam. Hinc istam & consuetudinem & disciplinam Cyprianus tantâ verborum emphasi debuit exponere atque firmare. Communes Ecclesiæ Canones erant omnibus notissimi, ideoque nec egebant tantis Commentariis aut Apologiis. Cyprianus ergo urget Fortunatum non esse Episcopum, sed duntaxat Presbyterum: Injunctum illi Episcopatus fucum non esse novum gradum, sed novum crimen, ideoque ipsum esse remittendum ad domesticam Synodum. Fortunatum esse à Cornelio tractandum, uti ipse ab aliis Episcopis velit tractari Novatianum. Nempe non uti Papam, sed uti facinorosum Presbyterum. Manifestè docet aliam Episcoporum, aliam in Africa esse rationem Clericorum. Istos posse, hos non posse Romam appellare.

CAPUT XVIII.

*Discutiuntur Domini Petri de Marca, & Anonymi  
Scriptoris Sensa circa adductum locum  
Sancti Cypriani.*

**D**ominus Petrus de Marca ad laudatum Cypriani locum scribit in septimo libro: "Cyprianus, cum ex sententia Concilii sui à communionem rejecisset quosdam Clericos, & quemdam Pseudo-Episcopum Hæreticorum, irascitur adversus Cornelium Episcopum Romanum, quod cum illi Romam accessissent, hæsitasset aliquantulum Pontifex, an eos in communionem reciperet. Hanc ob rem Cyprianus apud Cornelium apertè edisserit jura Episcoporum uniuscujusque Provinciæ, quæ in eo versantur, ut ad eos pertineat discussio, Judiciumque causarum, & regimen gregis, rationem administrationis suæ Deo reddituros. Nequè licere Romam, aliòvè appellare. Nequè enim minorem esse auctoritatem Episcoporum Africanorum, quam reliquorum. Damnatos porro, si ad Cyprianum accedere voluerint, auditurum se libenter, & pœnitentiam eorum amplexurum, si crimine ullo fuerint involuti".

Cccc 3

Errōr



Errores iterum varii. Primus est, quod Fortunatus fuerit Hæreticorum Episcopus. Etenim fuit quidem consecratus ab hæreticis, ideoque multa ipsorum communione contaminatus; attamen sanctus Cyprianus nullibi ipsum arguit de lapsu in Hæresim. Ante hunc ambitum semper fuerat Orthodoxus, Presbyter Carthagenensis Ecclesiæ. Secundus error est, quod Cyprianus ad divertendum à Fortunati appellatione Cornelium adduxerit communia Jura Episcoporum uniuscujusque Provinciæ. Etenim adduxit proprium & singulare Statutum Africanæ Ecclesiæ. Ipsum demonstravit æquum & justum, ideoque non projiciendum à Romana Ecclesia. Addidit Fortunatum non esse Episcopum, sed imaginarium Episcopi spectrum: Esse suum rebellem Clericum, ideoque isti Statuto per omnia obnoxium. Tertius error est, quod Cyprianus Cornelio irascatur propter auditum hæreticum Episcopum. Etenim si Fortunatus, licet hæreticus, fuisset verus Episcopus, omnino poterat à Pontifice audiri. Nec Cyprianus, qui Privatum Lambesitanum laudat fuisse auditum à Fabiano, obstrepuisse. Proinde obstrepit ob duas causas. Primò, quod rebellem ab hæretico, ideoque nulliter consecratum, & legitimè jam per annos sedenti Episcopo superintrusum hominem, ac proinde manifestò inanem & pilcopi fucum, Cornelius hæsitasset admittere ad appellandum, ideoque non ut Clericum, sed tractaret ut Episcopum. Secundam obstrependi causam edicunt hæc verba: "Satis miratus sum, cum animadvertissem te minis atque terroribus eorum aliquantum fuisse commotum." Etenim & ipsi Pontifici violentam suarum literarum recitationem, & Cypriano minati fuerant "ful-  
tes, lapides, & gladios". Minati fuerant, nisi à Romana Ecclesia, ut vera Carthagenensis Archi-Episcopi Legatio, tractarentur, Cyprianum à se in Africam regressis fustigandum, lapidandum, gladiis trucidandum. Hinc circa ipsos audiendos celsipitavit Cornelius. Et istum in ipso metum culpât Cyprianus. Censuit, uti Justitiam, ita æquas & justas Ecclesiarum consuetudines debere summâ constantiâ per Pontificem defendi.

Domini Archi-Episcopi Parisiensis circa hanc epistolam Sen-  
sâ pertinaciter tuetur Scriptor Anonymus, ideoque est breviter au-  
diendus: "Petrus de Marca, ut refert Davidius, hac Cypriani  
epistolâ probare contendit primis temporibus Episcopos in Con-  
ciliis

„ciliis Provincialibus, omni appellatione remota ad Romanum  
 „Pontificem, judicatos fuisse. Ipse vero Davidius hoc argu-  
 „mentum æstimat imbecillum, nec accommodatè putat adduci  
 „posse exemplum Fortunati & Felicissimi ad probandum Epi-  
 „scopos Jurisdictioni Synodorum Provincialium esse obnoxios,  
 „omni jure appellationis ad Romanam Sedem remoto, quippè  
 „cum Presbyteri simplices fuerint, Episcoporum charectere at-  
 „que amplitudine vacui. Sed ejusmodi observatio nihil attinere  
 „videtur. Quam difficile est enim probare ætate S. Cypriani  
 „etiam ac diversam judicandi Episcopi & Sacerdotis fuisse ra-  
 „tionem, ut ipsomet exemplo Fortunati perspectum est, qui  
 „suis rebus non cavet, nec providet appellationis arte ad Ro-  
 „manum Pontificem, sed minarum ac metus, quibus ejus ani-  
 „mum explet. Nec ei exprobrat Cyprianus usurpata Episcopo-  
 „rum Privilegia ob postulatam disceptationem litis judicatz ite-  
 „randam coram Pontifice Romano. Nec ipsi scripsit Pontifici  
 „ad recuperandam Jurisdictionem adversus Presbyteros Africanæ  
 „Ecclesiæ usurpatam, sed ut ab animo Pontificis injectum ter-  
 „rorem dispelleret, ipsumquè impediret, ne familiariter utere-  
 „tur hominibus, quibus communione interdictum fuerat, ne  
 „illos socios aut comites sive in conviviis, sive in colloquiis  
 „haberet. Ipsumque Pontificem in crimen vocare videtur cu-  
 „jusdam habiti cum ejusmodi hominum genere commercii. Præ-  
 „terea sanctus Cyprianus causas communes seu generales profert,  
 „quæ æquabili ratione Episcopis & Presbyteris conveniunt, ut  
 „abducat Cornelius Papa ab ejusmodi hominum querimoniis  
 „aures suas, & perspectum sit omnibus ultimæ cognitionis sen-  
 „tentiâ fuisse in Synodo judicatos".

Errores varii. Primus est, quod ista diversa Episcopi ac Pres-  
 byteri judicandi ratio non fuerit, aut certè difficulter probetur tunc  
 fuisse in Africa, ideoque ista observatio ad rem non pertineat. Ete-  
 nim istam diversam judicandi rationem tunc fuisse apud Afros,  
 est lucidissimum. Ipsam, dum cum Zozimo ac aliis Pontifici-  
 bus contendit, non induxit Aurelius. Palam asseruit, & altissimè  
 clamavit se contendere pro antiquissima ac perpetua Africanarum  
 Ecclesiarum consuetudine. Nec ipsam induxit Cecilianus. Ete-  
 nim de ipso per Secundi Tigisitani Episcopi Synodum damnato  
 scribit ad quosdam Donatistarum Episcopos sanctus Augustinus :  
 Neque

Epist. 162. "Neque enim de Presbyteris, aut Diaconis, aut inferioris Ordinis, Clericis, sed de Collegis agebatur, qui possent aliorum Collegarum iudicio, præsertim Apostolicarum Ecclesiarum, causam integram reservare". Manifestè laudat avitam consuetudinem, quæ Presbyteris ac aliis Clericis denegabat, Episcopis verò permittebat appellationem Romanam. Affirmat istam consuetudinem debuisse attendi à Secundo, & non ita faciliter prorumpi in tanti Antistitis damnationem. Nec sanctus item Cyprianus introduxit istam consuetudinem. Ipsam in hac epistola manifestè laudat, & ex ipsa affirmat Fortunatum à Cornelio non potuisse admitti ad introducendam suam appellationem, longè minùs potuisse procedi ad ipsam retractandam. Insuper scribit in præsentī epistola: "Item Felicissimum Signiferum seditionis recognoscere, qui & ipse in eisdem Co-Episcoporum nostrorum factis ad te pridem literis continetur, qui non tantum isthuc abstinens, sed abs te illic nuper de Ecclesia pulsus est". Nempè & damnatus à sancto Cypriano Felicissimus Romam appellaverat atque accesserat: Et ipsum, quoniam Clerus appellare non poterat, Cornelius nec audire sustinuerat, sed ejecerat ex Alma Urbe. Cyprianus rogat eodem jam modo tractari Fortunatum. Admodum miror, quod tantus Ecclesiasticæ antiquitatis Doctor Episcopum condistinguat contra Sacerdotem. Quis enim ignoret vocem, "Sacerdos", apud antiquos comprehendere & Episcopum & Presbyterum? Proinde Episcopus & Presbyter possint condistingui, nequaquam Episcopus & Sacerdos.

Secundus error est, quod Fortunatus suis rebus non eaverit appellatione ad summum Pontificem, sed per minas & merus. Etenim de Fortunato ac Ascleis scribit Cyprianus: "Taceo fraudibus Ecclesiæ factis, conjurationes & adulteria, & varia delictorum genera prætereo. Unum illud de eorum facinore puto, non esse reticendum, quod à primo statim persecutionis die communicare cum Lapsis, & poenitiæ agendæ intercedere non destiterint". Et infra: "Episcopi jam de illis judicaverunt, & eorum conscientiam multis delictorum laqueis victam iudicii sui gravitate damnaverunt". Et hiscè non obstantibus Fortunatus fuit elevatus in Episcopum, sancto Cypriano superordinatus. Hinc per suos Legatos tria postulavit à sancto Cornelio: Dicitæ damnationis cassationem, sancti Cypriani ejectionem, & suæ Episcopalis

palis consecrationis firmitatem. Et quia ista per Canones obtineri non posse noverat, censuit extorquenda per minas & terrores. Proinde Fortunatus sibi omnino providit per Romanæ appellationis artem, ac simul frivolæ appellationis imbecillitatem studuit per minas & terrores adjuvare. Quod Synodalis damnationis solutio Romæ obtineri non possit, nisi per appellationis viam, est nimis manifestum.

Tertius error est, quod sanctus Cyprianus Fortunato non exprobet usurpata Episcoporum privilegia; nec à sancto Cornelio recuperare postulet usurpatam Jurisdictionem in Presbyteros Africanæ Ecclesiæ. Etenim per omnem istam epistolam Cyprianus aliud non clamat, quàm Fortunatum non esse Episcopum, sed rebellem atque adulterum, qui Patris cubile temerare præsumpsit, Presbyterum, ideoque ejus appellatam causam esse non Romæ, sed in Africa retractandam. Exponit dolosa & sacrilega Factionis in miseros Lapso facinora, & prosequitur: "Post hæc adhuc, insuper Pseudo-Episcopo sibi ab hæreticis constituto, navigare, audent, & ad Petri Cathedram atque Ecclesiam Principalem à schismaticis ac profanis literas ferre, nec cogitare eos esse Romanos, quorum fides Apostolo prædicante laudata est, ad quos perfidia habere non possit accessum". Et infra: "Scire debes, Frater carissime, Fortunatum, posteaquam Pseudo-Episcopus ab hæreticis factus est, jam penè ab omnibus esse desertum. Namque ii, quibus, in præteritum præstigia obtendebantur, & dabantur verba fallacia, quod simul ad Ecclesiam regressuri dicerentur, posteaquam viderunt illic Pseudo-Episcopum factum, frustratos & deceptos se esse didicerunt, & remeant quotidie, atque ad Ecclesiam pulsant". Et rursum: "De istis quid dicam, qui nunc ad te cum Felicissimo navigaverunt, Legati à Fortunato Pseudo-Episcopo missi, tam fallas ad te literas afferentes, quam est & ipse, cujus literas ferunt, falsus"? Sanctus Cyprianus assidue urget Fortunatum fuisse consecratum ab hæreticis, ideoque non esse, nisi falsum ac imaginarium Episcopum. Etenim non solum ab hæreticis Baptisma, sed etiam impressos ab ipsis Ordines censebat irritos & nullos. Et istud ipsum censebat Cypriani Populus. Etiam Lapsi isti, qui quinque rebellium Presbyterorum Factioni adhærentes sperarant novum Carthaginensi Ecclesiæ dandum Episcopum, à quo gratiosè repararentur, sperarant

Catholicum & verum. Hinc ubi viderunt Fortunatum intrudī per hæreticos, subito deseruerunt hominem, certi ipsum non esse, nisi vanum Episcopi spectrum. Sanctus Cyprianus, licet de his quæstionibus contendere primum cœperit cum Papa Stephano, semper tamen errorem mente tenuit, edoctus ab Agrippini Successoribus. Hinc clamat Fortunatum non esse Episcopum, ideòq; ad Petri Cathedram ac Principalem Ecclesiam non potuisse navigare. Fortunato palam improperat usurpata Episcoporum privilegia: Palam à Cornelio postulat recuperare Jurisdictionem in Presbyteros Africanæ Ecclesiæ. Hinc iterum scribit: "Quæ aatem causa veniendi, & Pseudo Episcopum contra Episcopos factum nunciandi? Aut enim placet illis quod fecerunt, & in suo scelere perseverant; aut si displicet, & recedunt, sciunt quo revertantur. Nam cum statutum sit omnibus nobis, & æquum sit pariter & iustum, ut uniuscujusquæ causa illic audiat, ubi est crimen admissum, &c". Fortunatum hortatur, ut facti pœnitens, deponat Episcopi larvam, agnoscat se Clericum, & ad Africanum Tribunal revertatur. Quoniam statutum est, ut omnium, utique Clericorum, causa audiat ac finiatur in Africa. Addit Statutum esse æquum & iustum. Hic est verus sensus sancti Cypriani.

Quartus error est, quod sanctus Cyprianus videatur sanctum Cornelium vocare in crimen cujusdam cum isto hominum genere commercii: Utique "cum hominibus, quibus fuerat communione interdictum". Anonymus per gyros affirmat sanctum Cyprianum sensisse ac scripsisse, quod Romanus Pontifex alienis damnatis non possit sine contagio communicare. Est famosus error Eusebianæ Factionis, ex quo Philippo-Politanum Conciliabulum damnavit Julium Pontificem de prævaricatu quinti Nicæni Canonis. Existimo Anonymum fuisse permotum his Cypriani verbis: "Declinent de cætero fortiter, & evitent dilectissimi Fratres nostri verba, & colloquia eorum, quorum sermo ut cancer serpit". Confirmat suas preces ex verbis Apostoli: "Hæreticum hominem post unam correptionem devita". Et prosequitur: "Quod quamquam sciam illic Fraternitatem nostram, vestra scilicet providentia monitam, sed & sua vigilantia satis cautam, nec capi hæreticorum venenis posse, nec decipi, tamen ex abundanti vel sollicitudo nostra, vel charitas scribere ad vos ista persuasit". Non urget infestam

inflitam à se centuram, sed Factionis hæresim, aut sanè scabiem  
 ex hæretica communione. Et benè urget. Nec dubitandum est,  
 quin hiscè literis instructus Cornelius Fortunati Legatos tractaverit  
 isto ipso modo, quo ipsius Cypriani, circa Baptisimum postea  
 contententis, Legatos Episcopos fuisse à Stephano Pontifice tra-  
 ctatos testatur Firmilianus Cæsarænsis in Cappadocia Archi-  
 episcopus. Porro dum Zozimus Pontifex Apicarium Presbyterum  
 reparavit, Primas Aurelius & omnis Africana Synodus improbarunt  
 Factum; attamen exustulare non præsumplerunt. Admiserunt De-  
 cretum Apostolicum, fortissimè dumtaxat intercesserunt, ne dein-  
 ceptis tentarentur talia. Admiserunt reparationem esse validam,  
 at illegitimam, utpotè factam contra perpetuam & rationabilem  
 gentis consuetudinem, quam decet non circumscribi à Romana  
 Ecclesia, longè minùs infringi. Eadem fuerunt Senfa sancti Cy-  
 priani. Hinc operosè laborat, ut gentis suæ Statutum Pontifici  
 persuadeat esse æquum & iustum.

Quintus error est, quod adductæ per Cyprianum rationes sint  
 æquabili modo communes Episcopis ac Presbyteris. Sunt ab  
 Anonymo audiendæ: "Prima causa est, quia omnibus Episcopis  
 „& Presbyteris statutum, ut uniuscujusque illic negotium tra-  
 „ctetur, ubi crimen commissum. Nam hæc verba sancti Cypriani  
 „speciatim notanda sunt": Uniuscujusquè. "Quippè æqualiter  
 „episcopos & Presbyteros significantia. Non enim sibi cogita-  
 „tione fingendum est, ibi sanctum Cyprianum de solitariis Pres-  
 „byteris Episcopali amplitudine vacuis mentionem facere, &c".  
 Respondeo istum Cypriani intellectum non esse figmentum, sed  
 firmissimâ cogitatione tenendam veritatem. Etenim Cyprianus  
 non de prima instantia agit, sed de Retractatorio appellatarum  
 causarum iudicio: Et in hac ipsa epistola Romanas Episcoporum  
 appellationes laudat ac probat, scribens Privatum Lambesitanum  
 Episcopum, nonaginta Collegarum sententiâ condemnatum, fuisse  
 insuper non solius sui Antecessoris Donati, sed etiam sancti Fabiani  
 Pontificis literis severissimè notatum. Nempe à plena Numidiæ  
 Synodo Privatus ad Donatum Primatem, & ab hujus etiam ju-  
 dicio ad Fabianum appellaverat, & sic circa ipsum servata fuerat  
 forma, quam in literis ad quosdam Donatistarum Episcopos laudat  
 sanctus Augustinus: "Romam veniant, ibique objectis respondeant.  
 „Quod si non fecerint, missa Tractoria super eorum nomine per

„totum Orbem terrarum, ab omnibus Ecclesiis eorum communio  
 „præcidetur“. Privatus Romam iverat: Verùm objectis non po-  
 tuerat respondere. Hinc à sancto Fabiano fuit notatus istiusmodi  
 Tractoriâ. Proinde certum est sanctum Cyprianum scribere, &  
 ab ipso laudatum Statutum sancire de solis Presbyteris ac aliis Cle-  
 ricis. Hæc verba, „Oportet utique eos, quibus præsumus, non  
 „circumcursare, &c“. Exponunt rationes, ex quibus istud Sta-  
 tutum sit æquum & justum.

Anonymus urget omnes à Cypriano adductas rationes esse  
 communes Episcopis. Et dicit verum. Etenim de Episcopis  
 Cyprianus scribit in sermone de Lapsis: „Episcopi plurimi, de-  
 „relictâ Cathedra, Plebe deserta, per alienas Provincias oberrantes,  
 „negotiationis quæstuosæ nundinas aucupari“. Hoc plurimorum  
 Episcoporum crimen affirmat esse unam ex causis, ob quas Do-  
 minus Deus in Africanam Ecclesiam immiserit duram persecutio-  
 nem. Proinde Astorum Episcopi, non minùs quam Clerici, erant  
 prompti ad circumcursandum, & efficaciores ad cohærentem Col-  
 legarum concordiam subdola ac fallaci temeritate collidendam.  
 Respondeo hæc esse verissima, verumtamen addo aliam Episcopalis,  
 longè aliam esse rationem Clericalis ad Apostolicam Sedem ap-  
 pellationis. Romana Episcoporum appellatio est ex fundamen-  
 talibus Apostolicæ Cathedræ & Christianæ Monarchiæ articulis.  
 Est ista potestas, de qua ad Petrum Dominus: „Confirma Fra-  
 „tres tuos“. Hinc nulla Synodus contra ipsam statuere, nullus  
 Pontifex possit ipsi renunciare. Eusebianæ Factionis præcipua  
 iniquitas fuit, quod hanc dignitatem Romano Throno sint ma-  
 chinati auferre. Et quoties post Photianum schisma Latina Ec-  
 clesia cum hæc in pacem rediit, palmaris semper articulus fuit  
 agnoscere ac profiteri Romanas Episcoporum appellationes. Et  
 Adrianus IV. Pontifex, quod apud Beneventum captus à Guil-  
 helmo Siculorum Rege, ad recipiendam libertatem Romanis Si-  
 culorum Episcoporum appellationibus renunciarit, sefecit obnoxii-  
 multis querimoniis. Et Romana Ecclesia non quievit, donec  
 Innocentius III. nova cum Siculorum Regibus inisset Pacta, &  
 Episcoporum appellationes suæ Sedi reddidisset. Attamen & ipse  
 cessit inferioris Cleri appellationibus. Istiusmodi omnia noverant  
 Fundatores Africanæ Ecclesiæ. Hinc adductis per sanctum Cy-  
 prianum rationibus, licet tam in Episcopis quam in Clericis ha-  
 berent

berent locum, uti non præsumpserunt, nisi ad Romanas appellationes inferiori Clero obserandas. Istius Statuti nescimus primum authorem: Hinc sine temeritate dici possit processisse ab istius Ecclesiæ Fundatoribus. Ex quibus spero liquere Lapsum Anonymi in his verbis: "Cum è contra perspectum sit Episcopos & Presbyteros æquabili ratione Synodorum iudicio fuisse obnoxios, cum præsertim de iis indivisim loquatur sanctus Cyprianus, eosq; Presbyteros Romam euntes iura Episcoporum violasse, sibiq; eorum privilegia arrogasse non dicat.

## CAPUT XIX.

*Eadem Africana Ecclesiæ disciplina demonstratur ex  
sancto Optato Milevitano Episcopo, ac ex  
sancto Augustino.*



Romanæ appellationis insigne exemplum est Ceciliani Carthaginensis Archi-Episcopi causa contra Majorinum ipsi superintrusum, Donatum in Calis-Nigris apud Numidas Episcopum, & omnem Factionem istius schismatis. Et Ceciliani & Majorini Ordinationem, totumque schismatis exordium exponit in primo adversus Parmenianum, Majorini Successorem, libro sanctus Optatus, & prosequitur: "Majores vestri, Lucianus, Dignus, Nassutius, Capito, Fidentius, & cæteri, Imperatorem Constantinum, harum rerum, adhuc ignarum, his precibus rogaverunt". Loquitur ad Donatistas. Et adducit preces: "Rogamuste, ô Constantine, optime Imperator, quoniam de genere iusto es, cujus pater inter cæteros Imperatores persecutionem non exercuit, & ab hoc facinore immunis est Gallia. Nam in Africa inter nos & alios Episcopos contentiones sunt. Petimus ut de Gallia nobis Iudices dare præcipiat Pietas tua. Datæ à Luciano, Digno, Nassutio, Capitone, Fidentio, & cæteris Episcopis partis Donati". Non magni Carthaginensis Episcopi, sed Episcopi in Calis-Nigris. Etenim in primo retractationum libro sanctus Augustinus corrigit suum



- Cap. 21. librum contra epistolam Donati, in quo scripserat "Donatum magnum", cujus "refellebat epistolam, rogasse ut Imperator inter ipsum & Cecilianum transmarinos Episcopos Judices daret". Et subdit: "Non ipsum, sed alium Donatum, ejusdem tamen schismatis, hoc fecisse, probabilius invenitur. Ille autem non erat Carthaginensis Donatistarum Episcopus, sed in Casis-Nigris. Qui tamen primus apud Carthaginem ipsum nefarium schisma commisit". Et inchoavit, & consummavit. Inchoationem exponit sanctus Augustinus in Carthaginensis Collationis Breviculo: "Donatus à Casis-Nigris in presenti convictus, adhuc Diacono Ceciliano, schisma fecisse Carthagine". Ex nescio quibus causis rebellavit Mensurio tunc Astorum Primati, discrevit se ab ejus communione, & laceravit Ecclesiam. Hujus lacerationis consummationem sanctus Augustinus exponit in libro de Hæresibus: "Donatianæ Hæresis Principem accepimus fuisse Donatum, qui de Numidia veniens, & contra Cecilianum Christianam dividens Plebem, adjunctis sibi ejusdem Factionis Episcopis, Majorinum apud Carthaginem ordinavit Episcopum". Et in secundo libro contra Cresconium: "Major Donatus à Casis Nigris Altare contra Altare in Carthaginensi civitate primus erexit. Primus extra Ecclesiam sacrificavit". Profanum hoc Sacrificium evenit, aut dum Ceciliano dederunt Interventorem, atque ita ab Episcopatu suspenderunt, aut certè dum ipsum plenè damnaverunt, atque ita viam aperuerunt ad intrudendum Majorinum. Tunc fidelis Carthaginis Clerus & Populus istis turbibus detraxit communicare, atque ita ipsi erexerunt novæ communionis Altare, & Donatus in ipso primus sacrificavit. Et tandem intrusit Majorinum. Ex inde Factio dici cœpit & "Donati pars", & "pars Majorini". An ab hoc Donato etiam vocitentur Donatistæ, sanctus Augustinus disquirat in laudatis libris contra Cresconium.
- Cap. 69. "natianæ Hæresis Principem accepimus fuisse Donatum, qui de Numidia veniens, & contra Cecilianum Christianam dividens Plebem, adjunctis sibi ejusdem Factionis Episcopis, Majorinum apud Carthaginem ordinavit Episcopum". Et in secundo libro contra Cresconium: "Major Donatus à Casis Nigris Altare contra Altare in Carthaginensi civitate primus erexit. Primus extra Ecclesiam sacrificavit". Profanum hoc Sacrificium evenit, aut dum Ceciliano dederunt Interventorem, atque ita ab Episcopatu suspenderunt, aut certè dum ipsum plenè damnaverunt, atque ita viam aperuerunt ad intrudendum Majorinum. Tunc fidelis Carthaginis Clerus & Populus istis turbibus detraxit communicare, atque ita ipsi erexerunt novæ communionis Altare, & Donatus in ipso primus sacrificavit. Et tandem intrusit Majorinum. Ex inde Factio dici cœpit & "Donati pars", & "pars Majorini". An ab hoc Donato etiam vocitentur Donatistæ, sanctus Augustinus disquirat in laudatis libris contra Cresconium.
- Cap. 1. 2. Verùm hæc omnia Attentata manserunt sine effectu. Cecilianus consecrationem confirmavit Sedes Apostolica, & omnis sub cœlo Ecclesia, & Majorini superintrusionem fuit averfata. Dissertè hoc sanctus Augustinus scribit in literis ad quosdam Donatistarum Episcopos: "Posteaquam", Donatistæ "ipsis rebus experti sunt cum Ceciliano permanere communionem Orbis terrarum, & ad eum à Transmarinis Ecclesiis communicatorias literas mitti, non ad illum", Majorinum, "quem sibi sceleratè ordinaverant, pudit

Epist. 162.

„puduit eos semper tacere“. Adversus Ceciliani consecratio-  
 nem provocarunt ad alios Judices. Rei sciem, à sancto Optato  
 expositam, variè elucidat idem Augustinus in literis ad Vincen-  
 tium, Rogatistarum Cartennensem in Mauritania Episcopum :  
 „Majores vestri, Cecilianum, tunc Ecclesiæ Carthaginensis Epi- Epist. 41.  
 „scopum, cui tanquam criminoso communicare noluerunt,  
 „apud Principem Constantinum per Anulinum Proconsulem  
 „accusaverunt. Libellus à Majoribus vestris Anulino Procon-  
 „sulidatus, & Constantino Imperatori mittendus, ita supra scri-  
 „ptus fuit“: Libellus Ecclesiæ Catholicæ, criminum Ceciliani,  
 traditus à parte Majorini. „Illos magis hinc arguimus, quia  
 „apud Imperatorem ultrò Cecilianum accusaverunt, quem prius  
 „apud Collegas transmarinos convincere debuerunt. Ipso autem  
 „Imperatore longè ordinatius agente, ut Episcoporum causam,  
 „ad se delatam, ad Episcopos mitteret, nec victi pacem cum  
 „Fratribus habere voluerunt, sed rursus ad eundem Imperato-  
 „rem venerunt, rursus non Cecilianum tantum, verum etiam  
 „datos sibi Episcopos, Judices apud terrenum Judicem accusa-  
 „verunt“. Et in literis ad Januarianum, Donatistarum in Cais-  
 Nigris Episcopum, Primatem Numidiæ : „Ne forè aut oblita Epist. 68.  
 „hoc sit Gravitas tua, aut te nosse dissimules, aut forsitan nescias,  
 „exemplum Relationis tunc Anulini Proconsulis, quem  
 „pars Majorini tunc interpellavit, ut ea crimina, quæ objicie-  
 „bat Ceciliano, ad Constantinum Imperatorem mitterentur“. Relatio  
 affirmat post super-intrusum Ceciliano Majorinum Di-  
 vales literas, Ceciliano ac ejus Clero inscriptas, venisse in Afri-  
 cam, atque ita Ceciliani Episcopatum etiam à Principe fuisse  
 stabilitum. Princeps plenam pacem dabat Ecclesiis, & cunctos  
 ad sincerum Divinæ Majestatis obsequium hortabatur. Anulinus  
 affirmat literas fuisse à se cum debitis admonitionibus traditas.  
 Verùm ista res momordit Donatum ac Majorinum, & Relatio  
 prosequitur : „Post paucos dies exstiterunt quidam, adunatâ se-  
 „cum Populi multitudine, qui Ceciliano contradicendum pu-  
 „tarent, quique fasciculum in aluta signatum, & libellum sine  
 „signo obtulerunt Dicationimæ, atque impendio postularunt,  
 „ut ad sacrum & venerabilem Comitatum nominis vestri dirige-  
 „rein. Quæ manente Ceciliano in statu suo, subiectis eorun-  
 „dem Actis, quò cuncta Majestas vestra posset dignoscere, Par-  
 vitas.

„vitas mea dirigere curavit“. Optimi Principis pietas turbu-  
 lentis hominibus dedit ansam accusandi Cecilianus, ac tumul-  
 tuandi. Sanctus Augustinus pergit : „Transmissi libelli duo. Unus  
 „in aluta, item alius sine sigillo, cohærens eidem alutæ, datus  
 „die decimo septimo kalendas Maij, Carthagine, Domino no-  
 „stro Constantino Augusto tertium Consule. Post hanc Re-  
 „solationem ad se missum iussit Imperator venire partes ad Epi-  
 „scopale Judicium in Urbe Roma faciendum, ubi quemadmo-  
 „dum causâ dicta atque finita sit, & Cecilianus innocens ju-  
 „dicatus sit, indicant Gesta Ecclesiastica“. Prioris super-scrip-  
 tionem supra audivimus ex epistola ad Vincentium Cartennen-  
 sem. Posterioris libelli substantiam sanctus Augustinus exponit  
 in præfata epistola ad quosdam Episcopos Donatistarum : „Ali-  
 „quantò post Majorini Ordinationem, quem contra Cecilianum  
 „nefario scelere levaverunt, Donatistæ erigentes Altare contra  
 „Altare, & unitatem Christi discordiis furialibus dissipantes,  
 „petierunt à Constantino tunc Imperatore Iudices Episcopos,  
 „qui de suis quæstionibus, quæ in Africa exortæ pacis vincu-  
 „lum dirimebant, arbitrio medio judicarent. Quod posteaquam  
 „factum est, præsentem Ceciliano, & illis qui adversus eum na-  
 „vigaverant, judicante Melchiade, tunc Romanæ Urbis Epi-  
 „scopo, cum Collegis suis, quos ad preces Donatistarum mi-  
 „serat Imperator, in Ceciliano nihil probari potuit, ac per hoc  
 „illo in Episcopatu confirmato, Donatus qui adversus eum tunc  
 „aderat, fuit condemnatus“. Donatistarum preces supra audi-  
 vimus à sancto Optato. Audivimus ab illis laudari Constantinum,  
 quod esset de genere iusto, quodque ejus Pater non fecisset  
 persecutionem, ideoque Gallia à traditionis crimine esset munda.  
 Inter Diocletiani Augusti Collegas fuerat Constantius Chlorus,  
 magni Constantini Genitor, qui Collegarum impiam crudelita-  
 tem avertatus, licet Gentilismum non deponeret, Christianos  
 non dumtaxat persecutus non fuit, sed insuper dilexit ac pro-  
 texit. Imperavit in Gallia, ac omni ejus Diocesi. Porro Do-  
 natistarum contentio originem ac prætextum traxit ex traditionis  
 crimine, ob duras persecutiones grassato in Africa. Persecutio  
 etiam vexaverat Italiam & Almam Urbem. Porro Donatistæ  
 Melchiadem Pontificem, quod Formatarum commercio semper  
 communicasset Ceciliano, adeoque ejus Episcopatum confir-  
 masset

inasset, merito habuere suspectum. Verum hanc causam non  
 ausi exprimere, prætexerunt suspicionem Lapsus, aut Traditionis.  
 Ad retractandam Cecilianæ ac Majorini causam postularunt Gal-  
 licanos Antistites. Sperarunt placitum Principi, quod Gal-  
 licana gens ob Patris memoriam crederetur vivere in ejus be-  
 nevolentia.

Donatistæ hac in re gravissimè impeerunt in Canones. Hinc  
 enim ad Vincentium Cartennensem scripsit sanctus Augustinus:  
 "Donatistæ Cecilianum prius apud Collegas Transmarinos con-  
 vincere debuerunt. Iple autem Imperator longè ordinatius  
 cegit". Utique causam transmittendo ad Romanum Pontifi-  
 cem, alioque partim Italos, partim Gallos Episcopos, specta-  
 tes ad ejus Synodum & Diœceses. Transmarini Judicii frequen-  
 tissima est apud Afros memoria. Per ipsum passim intelligunt  
 Tribunal Romanum. Eundem excessum sanctus Augustinus notat  
 in literis ad Donatistas: "Donatistæ literas ad Imperatorem  
 Constantinum, ut inter Afros Episcopi Transmarini judica-  
 rent, miserunt. Datis Judiciis quos postulaverant, & Romæ  
 judicantibus non obtemperaverunt". Donatistas arguit, quod  
 solos Gallicanos postularint Episcopos: Laudat Constantinum,  
 quod illis adjunxerit Romanum Pontificem, voveritque ipsum  
 huic judicio præsidere. Clariùs hoc scribit in alia ad Donatistas  
 epistola: "Majores vestri causam Cecilianæ ad Imperatorem Con-  
 stantinum detulerunt. Sed quia Constantinus non est ausus  
 de causâ Episcopi judicare, eam discutiendam atque finien-  
 dam Episcopis delegavit. Quod & factum est in Urbe Roma,  
 præsidente Melchiade Episcopo illius Ecclesiæ, cum multis  
 Collegis suis". Nempè Constantinus erat tunc Ecclesiæ Ca-  
 techumenus, ejusque Hierarchiam, & Canones noverat. Ex  
 tunc apud se habebat eximium Doctorem, Hosium Corduben-  
 sem Episcopum. Ex ipso noverat se non posse Ecclesiasticas  
 judicare causas, aut incompetentibus Judiciis delegare. Hinc  
 præsentem causam transmisit sancto Melchiadi, cui debebatur  
 per Apostolicos Canones. Et quò Donatistis impartiret aliquid,  
 Pontifici adjunxit quosdam Gallicanos Episcopos. Ità postmodo  
 ipse scripsit ad Æladium Africæ Vicarium, & ad Chrestum Epi-  
 scopum Syraculanum.

Epistola, quâ Constantinus causam transmisit Melchiadi, est

E e e

hujus

hujus tenoris : "Visum est mihi, ut Cecilianus cum decem Episcopis, qui illum reum facere videantur, & decem aliis, quos ipse suæ litis dijudicationi necessarios existimaverit, Romam navigio trajiciat, & ibi coram vobis, Rheticio etiam Augustodunensi, Materno Coloniensi, & Marino Arelatenſi, Collegis vestris, quos ea de causa Romam maturare jusserim, possit audiri, sicut sanctissima Dei lex, ut nostis, postulat". Nempè Evangelica Dei lex Romanum Episcopum sanxit esse Primatem ac Judicem totius Ecclesiæ, & Apostolicus Canon addidit ipsum esse, totius Latine Christianitatis Patriarcham: Hinc præsens causa aliò devolvi non poterat, quàm ad Sedem Romanam. Hasc leges Constantinus observare voluit, ac nullo in apice violari. Quod Melchιάdes Judicio præfegerit, disertè testatur etiam sanctus Optatus. Er rectè scribit in quarto

- Cap. 1. libro Petrus de Marca : "Sententia sub Melchιάdis nomine concepta est apud Optatum. Adè antiqua est ista forma Synodaliū sententiarum. Confirmat in literis ad quosdam Donatistarum Episcopos sanctus Augustinus : "Ipsius beati Melchιάdis ultima est prolata sententia". Quia nempè Pontifex non solummodò in Patriarchalibus suis, sed etiam in œcumenicis Synodis habet Prærogativam Suffragii, Relationem judicandæ causæ, & judicii conclusionem.

Carthaginensis Synodus per Primatem Aurelium ac ipsi adfidentem Sanctum Augustinum sanxit : "Placuit ut quicumque ab Imperatore cognitionem publicorum Judiciorum petierit, honore proprio privetur ; si autem Episcopale Judicium ab Imperatore petierit, nihil ei obsit". Episcopis ac omni Clero permittit, ut causas suas deferant ad Principem, ac ab ipso flagitent Ecclesiasticum Judicium. Erat mos istius temporis. De ipso scribit Dominus Petrus de Marca : "Usus istius Regiæ authoritatis manavit à Constantino in causa Cecilianī Carthaginensis Episcopi, qui per summam injuriam à septuaginta Episcopis, Donati schismate infectis, damnatus Ecclesiā retinebat. De qua re conquesti sunt Donatistæ Anulino Proconsuli Africæ, impendio postulantes, ut fasciculum in aluta signatum cum libello sibi oblato ad sacrum Comitatum dirigeret. Constantinus, juris religiosissimus Princeps, cognitionem criminis Ecclesiastici adversus Episcopum suscipere noluit, sed Donatistis

„stis ea de re acriter objurgatis, & Episcopos è Gallia, ubi Prin-  
 „ceps tunc morabatur, sibi Judices dari postulantibus, eò quod  
 „Africana Judicia per contentiones partium suspecta essent, Prin-  
 „ceps pacis Ecclesiasticæ studiosissimus tres Galliarum Episcopos  
 „delegavit, qui unà cum Melchiade Romano Pontifice judi-  
 „carent. Nec enim causâ illa generalis, quæ totius Ecclesiæ  
 „communione perturbabat, absque Romano Pontifice ritè  
 „definiri poterat. Errat causam istam tunc fuisse genera-  
 „lem, & perturbatricem totius Ecclesiæ. Licet postmodò talis  
 „evaleat, tunc tamen erat lis paucorum Episcoporum. Aliquot  
 „præsertim Numidarum. Constantinus ipsam ex isto capite non  
 „transtulit in sanctum Melchiadem. Unica hujus transmissionis  
 „causâ fuit vel supremum Papale, vel Patriarchicum Romanæ Ec-  
 „clesiæ jus, cui Africana Diocesis suberat. Juris Religiosissimus  
 „Princeps Patriarchalia etiam Apostolicæ Sedis Privilegia noluit  
 „lædere. Et tres Gallicani Episcopi erant minima istius Synodi  
 „portio. Etenim aderant quindecim Itali, electi Judicio Mel-  
 „chiadis. Et istorum Gallorum associatio erat consentanea Ca-  
 „nonibus. Etenim & Gallicana Ecclesia pleno semper Jure spe-  
 „ctavit ad Patriarchalem Synodum Romani Pontificis. Erant tres  
 „summi viri: Hinc ipsos Princeps, Donatistis volens largiri ali-  
 „quid, suasit adjungendos.

Scriptor Anonymus etiam rodit hæc omnia: "Primâ fronte  
 „falsum est Cecilianum ad Melchiadem Papam appellasse, aut Cap. 5.  
 „ullo modo posse actionem litis de Ordinatione ejus, appella-  
 „tionis nomine significari". Et infra: "Si vera fuit in hac causâ  
 „ad sedem Apostolicam provocatio, aut fuit nomine Ceciliani,  
 „aut Donatistarum? Non potest censerî nomine Donatistarum,  
 „quoniam litem obtinuerant in Concilio Numidiæ. Non po-  
 „test etiam dici nomine Ceciliani. Cur enim hanc silentio  
 „prætermisisset S. Augustinus"? Respondeo nec Cecilianum,  
 „nec Donatistas appellasse ad Melchiadem. Etenim Cecilianus  
 „sedebat firmus in Carthaginensi Throno, & Donatistæ causam  
 „contra ipsum obtinuerant, ideoque neutra pars censuit appel-  
 „landum. At Magnus Constantinus factas sibi Donatistarum pre-  
 „ces transmutavit in Retractorium Synodalis contra Cecilianum  
 „sententiæ Judicium, ideoque & in formam appellationis. Do-  
 „natistæ, licet Cecilianum damnassent, attamen nec intra nec

piſt. 162. extra Africam potuerunt nanciſci ſui Judicii fructum & executionem. " Poſteaquàm, inquit Auguſtinus, Donatiſtæ experti ſunt, cum Ceciliano permanere communionem Orbis terrarum, & ad eum, à tranſmarinis Eccleſiis communicatorias literas mitti, non ad illum Majorinum, quem ſibi ſclerata ordinaverant, puduit eos, ſemper tacere". Hinc à Principe ſupplicarunt ſuæ ſententiæ executionem. Porro per Tranſmarinas Ceciliano communicantes Eccleſias S. Auguſtinus præſertim intelligit Romanam. Nec dubitandum eſt, quin Cecilianus ipſi ſuam conſecrationem, adeoque & Majorini inſuſionem retuliſſet, ac obtinuſſet iſtius firmitatem. Hinc Donatiſtæ non à Pontifice, ſed à Principe poſtularunt auxilium. Norant ſuum de Ceciliano Judicium eſſe multis & magnis excepſionibus obnoxium, ideoque priùs retractandum & firmandum, quàm donandum executione. Hinc ipſum poſtularunt retractari: Attamen non per Romanam Eccleſiam, ſed per Episcopos Galliarum. Item norant Gallicanis Episcopis nullam eſſe iſtiusmodi facultatem: Hinc refugerunt ad Maieſtatem laici Principis. In Occidente primi iſtam portam aperuerunt. Verùm Chriſtianæ Hierarchiæ gnarus ac religioſiſſimus Princeps retractationem tranſmiſit Melchiadi, cui debebatur per Canones. Utramque partem adeſſe juſſit cùm accuſatoribus & teſtibus, aliſque perſonis neceſſariis. Ita Donatiſtarum preces tranſmutavit in formam appellationis.

Anonymus pergit: " Quidquid actum eſt Romæ, referri debet rogationibus Donatiſtarum, quibus non abnuſit Imperator Conſtantine. Sed immò eorum inſtigazione victus ac ſollicitatione, Judices deputavit, ex quibus fuit Melchiades Episcopus Romæ, ad iterandam diſquiſitionem litis jam judicatam in Concilio Numidie. Hanc authoritatem ſibi proprio Marte non arrogat Pontifex, nec penes ſe ſolum exiſtere putat iterato Judicio finiendi cauſam jam in Concilio Africæ, Primatæ Numidiæ Præſide, judicatam". An fortè non debuit Romanæ Eccleſiæ Melchiades Episcopus cum Collegis Tranſmarinis Episcopis illud ſibi uſurpare judicium, quod ab Afriſ ſeptuaginta, ubi Primas Tigiltanus præſedit, fuerat terminatum? " Quid ad hæc reſpondit ſanctus Auguſtinus? Dicitne Papam eſſe ſupremum Episcoporum Judicem, & quemlibet in Synodo judicatum habere jus provocationis ad Tribunal Pontificum? Dicitne Cecilianum Episcopum jure po-  
tuiſſe

„tuiffe postulare à Sede Apostolica iteratam suæ litis disquisitionem? De his ne verbum quidem profert: Ait tantum Imperatorem precibus Donatistarum animatum misisse Episcopos de hac causa cum Papa iudicaturos, quod nec ipse usurpaverat". Hæc sunt Augustini verba: Quid? Quod nec ipse Melchiades usurpavit. „Rogatus quippe Imperator Judices misit Episcopos, qui cum eo sederent, & de tota illa causa, quod justum videretur, statuerent. Hoc probamus Donatistarum precibus, & verbis Imperatoris".

Respondeo hæc omnia esse à sancti Augustini sensu alienissima. Melchiadis de suis Majoribus iudicium Donatistæ averfabantur & infamabant ex multis capitibus. Unum erat, quod ipsi suam causam non per Melchiadem, sed per solos Galliarum Episcopos postulassent retractari. Quod Melchiades in hoc iudicium prævento animo se intrusisset. Huic calumniæ Augustinus respondet, quod Pontifex non usurpaverit, id est, non se ingesserit in hoc iudicium; sed rogatus à Principe, idedque nullum sit de ipso perperam suspicandi fundamentum. Porro quod potuerit proprio Marte istam auctoritatem assumere, quod jus habeat retractandi iudicatas Afrorum Episcoporum causas, quod sit supremus Episcoporum iudex, adedè clarè Augustinus in eadem epistola docet, ut quis non temerariè suspicetur de Anonymo, quod ipse scribit de Joanne David: "Sed quoniam Davidius hanc epistolam nunquam legit, quam fortè citat ex sibi suppeditatis præscriptionibus, truncis ac mutilatis, nemini hominum mirum videri debet, si ex ea prorsus aliena ab Augustini mente intelligat, & inflatis loquatur buccis". Profecò si legerit, legit cæcatis aut certè turbatis oculis per crudele odium in Sedem Apostolicam ac Ecclesiæ unitatem. Quod Romano Pontifici sit ista potestas, altissimè clamat ipsa hæc Melchiadis Synodus, cujus sententia est concepta in ejus solius nomen. Ex Apostolico Canone, qui Romano Pontifici in sua Patriarchali Synodo permittit omnia. Et ipsum fuisse à Nicæna Synodo confirmatum ac stabilitum affirmat in sua tali Synodo Felix III.

Abfit, ut Melchiades Cecilianum iudicaverit ex auctoritate Imperialis delegationis. Etenim in hac causa Constantinus egit, quomodo postea à circà Clementium Byzacii Primate egit Imperator Mauricius, de quo ad Joannem Syracusæ Episcopum scripsit magnus Gregorius:



L. 7. Indic. „In quodam crimine Byzacenus Primas fuerat accusatus, & piissi-  
a. Ep. 65. „mus Imperator cum juxta Statuta Canonica per nos voluit judi-  
„cari. Sed acceptis decem auri libris Theodorus Magister mili-  
„tum obstitit, ut minimè fieret. Tamen piissimus Imperator ad-  
„monuit, ut transmitteremus, & quidquid est Canonicum face-  
„remus". Videtur mendum. Et legendum: "Ut transmittersen-  
„tur". Utique partes Romam ad nostrum judicium. Quod nempe  
ista transmissio esset per Canones debita Sedi Apostolicæ. Hinc  
Mauricius, licet auri indigus & amantissimus, nullo ære permisit  
se transcribi in tantam prævaricationem. Ex eodem itaque Ca-  
none magnus Constantinus Donatistarum quæstiones transmisit ad  
sanctum Melchhiadem. De Imperatore Arcadio, Theophili Patriar-  
chæ Alexandrini causam sibi delegante, sanctus Joannes Chryso-  
stomus scripsit ad sanctum Pontificem Innocentium: "Nos scientes  
„leges Patrum, viroque honorem habentes, habentes etiam ejus  
„super hac re literas, oportere in quibusque Provinciis sua negotia  
„tractari, & Transmarinos ad nostra judicia non trahendos, fortiter  
„detrectavimus, ne causam suscipere judicandam". Sanctus  
Joannes deleganti Principi respondit Thraciam & Egyptum non  
solummodò apud Rempublicam, sed etiam apud Ecclesiam esse  
disparatas Dioceses, ideòque istam Delegationem esse prævarica-  
toriam. Eodem modo, si causa fuisset similis, Constantino res-  
pondisset Melchiades. Proinde in præfata epistola sanctus Augu-  
stinus non vult aliud, quàm quod Melchiades causam hanc non  
proprio motu, sed à Principe rogatus ad suum Tribunal devo-  
caverit.

Cap. 2. Quod Melchiades juxta Canones, & per suæ Sedis auctoritatem  
egerit, sanctus Augustinus docet etiam in libro de unitate Ecclesiæ:  
"Afrî inter se Episcopi confligebant. Si finire inter se obortam  
„diffensionem non poterant, ut sive per concordiam compositis,  
„sive degradatis qui malè contenderent, hi qui bonam causam  
„habebant, in communione Orbis terrarum per unitatis vinculum  
„permanerent, restabat utique ut Episcopi Transmarini, quâ pars  
„maxima diffundebatur Ecclesiæ Catholicæ, de Afrorum Collega-  
„rum diffensionibus judicarent, illis videlicet instantibus, qui cri-  
„men malæ Ordinationis aliis objiciebant". Per Transmarinos  
Episcopos intelligit præsertim Romanum, cui soli suberat Africana  
Ecclesia. Hinc in secunda super trigésimum sextum Psalmum  
con-

concione Primiani contra Maximianistas causam comparat cum  
caussa Ceciliani adversum Donatistas, & post multa concludit,  
sermonem dirigens ad Primianum: "Dignare acceptare Cecilianum  
„innocentem, qui noluit exire ad Majores tuos, & sic servavit causam  
„suam Orbi terrarum, quomodo tu servasti Concilio Numidarum.  
„Si innocentem te reddidit Sedes Bagaitana, quanto potius illum  
„Sedes Apostolica"? Addit hujus judicium fuisse probatum &  
firmatum à toto Orbe terrarum. Quia nempe omnes sub cœlo  
Ecclesiæ supremum Romanæ Sedis Primatum, & omnium unde-  
quaquè, præsertim ex Romano Patriarchatu, appellationes semper  
crediderunt, & docuerunt esse immobile Dogma Evangelii.

CAPUT XX.

*Hæc omnia largius demonstrantur ex aliis  
S. Augustini testimoniis.*



Auctus Augustinus in literis ad quosdam Do-  
natistarum Episcopos exponit à Secundo Tigis-  
tano Episcopo, Numidiæ tunc Primatæ, atenta-  
tam Ceciliani Carthaginensis Archi-Episcopi  
damnationem, atque ita completum schisma, &  
prosequitur: "Secundus tantò magis timere Epist. 167.  
„debut, ne pax unitatis violaretur, quantò erat  
„Carthago civitas ampla & illustris, unde se per totum Africæ  
„corpus Malum, quod tibi esset exortum, tamquam à vertice  
„effunderet. Erat etiam Transmarinis vicina Regionibus, & fama  
„celeberrima nobilis. Unde non mediocris utiquè authoritatis ha-  
„bebat Episcopum, qui posset non curare conspirantem multitu-  
„dinem inimicorum, cum se videret & Romanæ Ecclesiæ, in qua  
„semper Apostolicæ Cathedræ viguit Principatus, & cæteris terris,  
„undè ipsum Evangelium ad Africam venit, per communicatorias  
„litteras esse conjunctum, ubi paratus esset causam dicere, si  
„Adversarii ejus ab eo illas Ecclesias alienare conarentur. Quia  
„ergò venire noluit ad hospitium Collegarum, quos à suis inimicis  
„contra veritatem suæ causæ perversos esse sentiebat vel suspica-  
batur.

„batur, vel, ut ipsiasserunt, simulabat, tantò magis Secundus;  
 „si verè pacis custos esse voluisset, cavere debuit, ne damnarentur  
 „absentes, qui iudicio eorum omninò interesse noluerunt. Neque  
 „enim de Presbyteris, aut Diaconis, aut inferioris Ordinis Clericis,  
 „sed de Collegis agebatur, qui possent aliorum Collegarum, præ-  
 „sertim Apostolicarum Ecclesiarum iudicio causam suam integram  
 „reservare, ubi contra eos sententiæ datæ in absentes nullo modo  
 „aliquid valerent, quando eorum iudicium non primò aditum  
 „postea deseruerunt, sed suspectum semper habitum nunquàm adire  
 „voluerunt. Hæc res maximè sollicitare debuit Secundum, qui  
 „tunc erat Primas, si propterea Concilium regebat, ut paci consu-  
 „leret. Facile enim fortassè rabida in absentes ora placata vel  
 „frænata comprimeret, si diceret: Videtis Fratres post tantam  
 „stragem persecutionis misericordiâ Dei à Principibus sæculi pacem  
 „esse concessam, non debemus nos Christiani & Episcopi unita-  
 „tem dirumpere Christianam, quam jam Paganus non insequitur  
 „inimicus. Itaque aut istas omnes causas, quas clades turbulen-  
 „tissimi temporis inflixit Ecclesiæ, Deo Judici dimittamus, aut si  
 „aliqui in vobis sint, qui certa istorum crimina ità noverint, ut  
 „ea facile valeant edocere, negantelque convincere, & talibus  
 „communicare formidant, pergant ad Fratres & Coilegas nostros  
 „Transmarinarum Ecclesiarum Episcopos, & ibi priùs de istorum  
 „Factis & contumacia conquerantur, quod ad iudicium Collega-  
 „rum Afrorum malè sibi conscii venire noluerunt, ut inde illis  
 „denunciatur, ut veniant, ibique objectis respondeant. Quod si  
 „non fecerint, ibi etiam eorum pravitas & perversitas innotelcet,  
 „misâque Tractoriâ super eorum nomine per totum Orbem ter-  
 „rarum, quacumque jam Christi Ecclesia dilata est, ab omnibus  
 „Ecclesiis eorum communio præcideret, ne aliquis error in Catho-  
 „dra Ecclesiæ Carthaginis oriatur. Tum demùm securi: piscopum  
 „aliud Plebi Carthaginis ordinabimus, cum à tota Ecclesia isti  
 „separati fuerint, ne fortè cum alius modò fuerit ordinatus, non  
 „ei communicetur ab Ecclesia Transmarina quia iste ab honore  
 „depositus non videbitur, quem jam ordinatum fama celebravit,  
 „& ad eum commere communicatorias literas fecit, atque ità  
 „magnum scandalum schismatis in unitate Christi jam pacatis tem-  
 „poribus oriatur, dum præpropere nostras volumus precipitare  
 „sententias, & non contra Cecilianum, sed contra Orbem ter-  
 „rarum

rarum, qui ei per ignorantiam communicat, Altare alterum  
erigere audeamus".

Sanctus Augustinus affirmat & docet varia. Primò, quod  
Carthago habeat non modicæ authoritatis Episcopum. Utpotè  
Exarchum totius Africanæ Diœcesios. Secundò, quod ille sit  
tantæ authoritatis, ut quamvis Afrorum Antistitem contra se  
conspirantem multitudinem posset contemnere. Quia nempe est  
omnium Primas, ideoque juxta Apostolicum, Gratiani Imperato-  
ris lege postmodò confirmatum, Canonem non possit ab illis cri-  
minaliter judicari. Tertiò, quod ubicumquè judicatus possit pro-  
vocare ad Sedem Apostolicam. Quartò, quod hoc locum habeat  
non dumtaxat in ipso Carthaginensi Archi-Episcopo, sed etiam  
in cunctis Afrorum Episcopis, quorum aliquos cum Ceciliano  
Numidica Secundi Synodus damnaverat. Cuncti possint suas cri-  
minales causas Apostolicæ Sedi reservare. Audi causam: Quia  
non sunt Prebyteri, Diaconi, aut inferiores Clerici, sed Episcopi.  
Nempe Africana consuetudo solos Presbyteros ac alios Clericos,  
nequaquam Episcopos verat ad Apostolicam Sedem, aut etiam  
Generalem Ecclesiæ Synodum provocare. Quintò Augustinus  
affirmat hosce Episcopos non tantummodò post Synodale Judicium  
& acceptam damnationis sententiam, sed etiam ante omnem judicii  
ingressum posse ex legitimæ suspensionis causa taliter appellare.  
Sextò, quod hæc suspensionis causa non potuerit cognosci ac  
definiti per ipsos suspectatos Episcopos, sed per eos debuerit tra-  
duci ad Sedem Apostolicam. Quod suspectantes ante omnia de-  
buerint illic convinci de frivola ac illegitima contumacia, & per  
Apostolicam Sedem tunc remitti & compelli ad Africanæ Synodi  
judicium. Septimò sanctus Augustinus affirmat Africanos Episcopos,  
dum per Romanum Pontificem jussi nolunt redire ad domesticam  
Synodum, esse per eundem Pontificem damnandos ex contumacia,  
& hujus sententiæ Tractatoriam esse transmittendam ad omnes sub  
cælo Ecclesias. Et hoc "ne aliquis error oriatur in Cathedra Ecce-  
lesiæ Carthagin". Affirmat hoc præsertim servandum fuisse & esse in  
Primaliali Carthaginis Ecclesia. Octavò, tunc tandem securè po-  
tuisse consecrari novum Episcopum: Post factam aut confirmatam  
prioris damnationem à Romana Ecclesia. Quia videlicet perpetua  
Africanæ Ecclesiæ consuetudo Romanæ damnatorum à se Episco-  
porum appellationi semper detulit suspensivi etiam effectus reve-

rentiam, postmodò confirmatam, & ad omnes Ecclesias extensam per Sardicenses Canones. Quæ omnia Romanas ex Africa appellationes interdiciunt inferiori Clero, & patentissimè asseverant cunctis Episcopis.

Eadem in epistola sanctus Augustinus demonstrat Carthaginensem, quæ absentem Cecilianum attentavit damnare, Secundi Tigisitanî in privata domo celebratam Synodum non fuisse competentem ac legitimum Judicem, atque prosequitur: "Quibus omnibus rebus cum eos", Secundum & ejus Asseclas, "non veros Judices, sed inimicos atque corruptos Cecilianus convenisse, cognosceret, quomodò fieri posset, ut vel ipse vellet, vel Populus, cui præsidebat, permetteret, ut relicta Ecclesia iret in domum privatam, non Collegarum discutiendus examine, sed Factionis cuneo & odiis muliebribus trucidandus? Cum sibi præsertim videret apud Ecclesiam Transmarinam, à privatis inimicis, & ab utraque parte dissensionis alienam, incorruptum & integrum examen causæ suæ remanere. Ubi si nihil Adversarii agere vellent, ipsi se ab innocentissima Orbis terrarum communionē præciderent. Si autem illic eum accusare tentassent, tunc innocentiam suam adversus eorum machinamenta defenderet, sicut postea factum esse didicistis. Cum tamen nimis serò illi quæsisent Judicium Transmarinum jam schismatis rei, jam levati Altaris horrendo scelere maculati. Primò enim facerent, si veritate niterentur, sed falsis rumoribus temporis diuturnitate firmatis, quasi vetustâ famâ præjudicante ad judicium venire noluerunt. Aut quod magis credendum est, damnato prius, sicut libuit, Ceciliano, quasi securi sibi videbantur, præsidentes numero suo, nec audentes alibi commovere causam tam inalam, ubi nulla corruptione operante posset veritas iuveniri. Sed postea, quàm ipsis rebus experti sunt cum Ceciliano permanere communionem Orbis terrarum, & ad eum à Transmarinis Ecclesiis communicatorias literas mitti, non ad illum quem sibi sceleratè ordinaverant, puduit eos semper tacere, quia posset eis obijci, cur paterentur ignaram per tot gentes Ecclesiam communicare, damnatis, & cur ipsi se ab innocentis Orbis terrarum communionē præciderent, cum tacendo sinerent Episcopo, quem Carthaginensibus ordinassent, à toto Orbe non communicari; elegerunt, sicut dicitur, agere causam cum Ceciliano apud Ecclesias

Trans-

„Transmarinas. parati ad utrumque, ut si cum poterint quâcun-  
 „quē veritatis falsæ criminationis evincere, satiant plenissimè cu-  
 „piditatem suam, si autem non possent, in eadem quidem per-  
 „versitate durarent; sed jam tamen quasi haberent quo di erent,  
 „malos Judices se esse perpissos, quæ vox est omnium malorum  
 „Litigatorum, cum fuerint etiam manifestissimâ veritate superati.  
 „Quali non eis ad hoc dici posset, & justissime dici: Ecce pu-  
 „temus illos Episcopos, qui Romæ judicarunt, non bonos Judices  
 „fuisse, restabat adhuc plenarium Ecclesiæ Concilium, ubi etiam  
 „cum ipsis Judicibus causa posset agitari, ut si malè judicasse  
 „convicti essent, eorum sententiæ solverentur”.

S. Augustinus denuò affirmat varia. Primò, quod Cecilianus ante  
 omnem causæ ingressum potuerit Secundi Tigisiani Synodum habere  
 suspectam, & quætionem suam provocare ad Transmarinas Ecclesias:  
 Ad Ecclesiam Romanam, caput omnium istarum Ecclesiarum,  
 Secundò, quod etiam Secundus ac omnis illa Factio potuerint,  
 immo debuerint ad idem Tribunal deducere ipsam primam causæ  
 instantiam. Tertiò, quod huic evocationi Cecilianus debuisset  
 parere, ac sibi adesse. Quartò, quod non Cecilianus, sed ipsi  
 Donatistæ appellaverint Transmarinam Ecclesiam, atque ita causa  
 per sacros Canones ac Imperatorem Constantinum sit traducta  
 ad Judicium Romanum. Verùm nimis serò. Nempe post com-  
 pletum schisma, ac erectum novum Altare. Et sanè ipsorum ra-  
 tiones ita cogeant. Nec enim Damnator Judex appellare con-  
 suevit, sed damnatus Reus. Verùm per istos patrata Cecilianî  
 damnatio fuit spreta à Romana ac omni Catholica Ecclesia: Omnes  
 sub cœlo Ecclesiæ perrexerunt communicatorias literas non ad  
 Majorinum scribere, sed ad solum Cecilianum. Prima, & forsitan  
 unica Transmarinæ Ecclesiæ ad Factionem communicatoria epi-  
 stola fuit Eusebianæ Factionis è sceleratissimo apud Philippo-Polim  
 Conventiculo ad Majorinî Successorem Donatum, quâ vulpes  
 vulpibus, Ariani Donatistis studuerunt caudas jungere ad depo-  
 pulandam Catholicam Jesu-CHRISTI Vineam. Et plurimi post  
 exortum schisma fluxerant anni. Schisma adeò increverat, ut plures  
 per Africanam Ecclesiæ duos haberent Episcopos. Ista igitur neces-  
 sitate compulsi Donatistæ causam suam traduxerunt ad Transma-  
 rinam Ecclesiam. Et ipsam Constantinus traduxit Romam.

Etiam hæc Augustini testimonia invadit ac pervertere studet.

Scriptor Anonymus : "Reverà Augustinus ait Cecilianum , cum  
 „nec Diaconus , nec inferioris Ordinis Clericus esset , causæ suæ  
 „discepcionem iudicio Collegarum & Ecclesiarum Apostolicarum  
 „potuisse reservare. Sed hoc nihil speciatim attinet ad Romanum  
 „Pontificem. Quippe cum præter Romanam multæ superessent  
 „Ecclesiæ Apostolicæ , ad quas hoc iudicium poterat referri. Om-  
 „nes Orbis Episcopi erant Collegæ Cecilianii. Propterea dum ait  
 „sanctus Augustinus potuisse Cecilianum reservare causæ suæ cog-  
 „nitionem Ecclesiis Apostolicis & Collegis suis , habitâ ratione Epi-  
 „scopalis Dignitatis , quâ pollebat , non ideo ab obsequio & ob-  
 „temperacione Synodi Provincialis iudicio debitâ liberat , sed hoc  
 „privilegium ei competere potuisse fortassè existimat propter quan-  
 „dam Episcoporum præ simplicibus Presbytetis aut Diaconis po-  
 „testatis atque autoritatis eminentiam , quæ impedit , ne tam citò  
 „indicta causa judicentur. Jus enim violari poterat aliquandò  
 „adversus Presbyteros , sed saltem difficilius adversus Episcopos , qui  
 „suas lites non difficulter adeò poterant subicere iudicio Ecclesia-  
 „rum Apostolicarum ; Collegarum opem , & auxilium impetrare.  
 „Incredibile enim erat fore , ut indicta causa judicaretur , pravaque  
 „istiusmodi iudicia approbarent. Quam ob rem Constantinus con-  
 „stanter asseribat . absente Ceciliano , & Numidiæ Concilium ejus-  
 „dem iudicium cohibere. Hic esse mihi videtur sensus epistolæ S. Au-  
 „gustini , cui explicatio nostra quibusdam fortassè videbitur tenebras  
 „& obscuritatem adferre ; aliis verò lumen adhibere maximum , qui  
 „sincero examine sancti Doctoris mentem eruere conati sunt".

Reverà isthæc non explicatio , sed depravatio Augustinianis literis  
 densissimas offundit tenebras. Nugacissimas fabellas. Prima est , quod  
 S. Augustinus non dicat Cecilianum per Episcopalis dignitatis causam  
 fuisse exemptum ab obedientia debita iudiciis Provincialium Synodo-  
 rum. Etenim Augustinus dicit ipsum fuisse Carthaginensem non mo-  
 dicæ civitatis Episcopum , ideoque per ejus Episcopalem dignitatem  
 intelligit Exarchatum totius Africæ : Ejus causa planè affirmat fuisse  
 exemptum ab ista obedientia. Præsertim ab obedientia erga Numidiæ  
 Synodum. Et quidem talem. Utiq; constantem ex conjuratis , ini-  
 micis , pecunia emptis , & criminosis Episcopis. Numidiæ Synodus  
 nec minimum Proconsularis Provinciæ Laicum judicare poterat , lon-  
 ge minùs ejus , ac simul totius gentis Primatem. Hæc Augustinus

omnino docet in ista epistola: Attamen non per laudata à me verba, Peripsa docet Cecilianum, quoniam non Presbyter aut inferior Clericus sed Episcopus erat, non fuisse obstrictum Domesticis acquirere judiciis, sed pleno jure potuisse Romam appellare. Hic est manifestus epistolæ sensus, quem nulla novorum hodie, Marcum Anthonium de Dominis resuscitantium, Dogmatistarum fabella possit obnubilare. Anonymus omnino vidit istud lumen. Ad ipsam tamen obfuscandum fabulatur: "Sed hoc privilegium ei competere, potuisse fortasse existimat", &c. Nullus hic est locus cuiquam "Fortasse". Augustinus firmissimè definit: Palam de Romana appellatione. Scribit Africanos Episcopos semper potuisse, Clericos non potuisse Romam provocare. Acerbum est in res lucidas profundere tempus, cujus nemo possit reparare jacturam.

Secunda istius Anonymi fabella est, quod sanctus Augustinus affirmet Cecilianum, & quosvis Afrorum Episcopos potuisse quidem appellare ad omnes generatim Apostolicas Ecclesias, seu ad plenam totius Ecclesiæ Synodum, nequaquam tamen ad solum Tribunal Romanum. Etenim Augustini verba sunt lucidissima: "Carthago erat etiam Transmarinis vicina Regionibus, & famâ, celeberrimâ nobilis. Unde non mediocris utiquè autoritatis, habebat Episcopum, qui posset non curare conspirantem multitudinem inimicorum, cum se videret & Romanæ Ecclesiæ, in qua semper Apostolicæ Sedis viguit Principatus, & cæteris terris, unde Evangelium ad ipsam Africam venit, per communicatorias, literas esse conjunctum, ubi paratus esset causam suam dicere, si Adversarii ejus ab eo illas Ecclesias alienare conarentur". Ubi esset paratus causam suam dicere? Certè non alibi, quam apud Romanam Ecclesiam, ubi Apostolicæ Sedis semper viguit Principatus. Sanctus Augustinus laudat istas Transmarinas Ecclesias, quæ Cecilianum aut quemlibet alium Africanum Episcopum poterant ob contumaciam aut quodvis aliud crimendamnare, & super damnati nomine ad omnes sub cælo Ecclesias mittere. Tractoriam. Hæc autem manifestè est sola Romana. Per Transmarinas Ecclesias, apud quas & Cecilianus & Donatistæ debuerunt suam causam primitus agere, Augustinus intelligit illam, apud quam postmodò causa ista fuit acta. Manifestè Romana.

Et istam solam Ecclesiam non dumtaxat sanctus Augustinus, sed etiam Africanæ Synodi passim intellexerunt per Transmarina, aut



Ecclesias Transmarinas. Africanus Codex tuo de quibusdam in suo honore recipiendis Donatistarum Episcopis aut Clericis Decreto adjungit : "Sed hanc rem placuit non confirmari prius, quam ex inde Transmarina Ecclesia consulatur". Alius Canon exponit :  
 Can. 108. "Literæ mittantur ad Fratres & Co-Episcopos nostros, & maxime ad Sedem Apostolicam, in qua præsidet Venerabilis Frater & Collega noster Anastasius". Item de firmando Divinorum librorum Catalogo Africanus Canon habet : "De confirmando illo Canone Transmarina Ecclesia consulatur". Alius Canon exponit : "Hoc etiam Fratri & Confacerdoti nostro Bonifacio, vel aliis earum partium Episcopis pro confirmando illo Canone innotescat, quia à Patribus ista accepimus in Ecclesia legenda". Et Milevitanus Canon sancit de Clericis : "Ad Transmarina qui putaverit appellandum, à nullo intra Africam in communionem suscipiatur". Certum ac manifestum est illic per Transmarina intelligi solam Romanam Ecclesiam. Plurima sunt istiusmodi testimonia. Proinde eadem vocis acceptione sanctus Augustinus utitur in præsentī epistola. Eximie se exponit in secunda concione super Psalmum trigessimum sextum, declamans ad Donatistarum Principem Primianum : "Dignare acceptare Cecilianum innocentem, qui noluit exire ad Maiores tuos, & sic servavit causam suam Orbi terrarum, quomodò tu servasti Concilio Numidarum. Si te innocentem reddidit Sedes Bagaitana, quantò porius illum Sedes Apostolica?"

Attamen sanctus Augustinus, dum de Ceciliani causa, aut communicatoris ad ipsum literis agit, passim adjungit omnes Apostolicas Ecclesias, omnes Collegas, aut totum Orbem terrarum. Nec sine rationibus. Primam edicit Aquileiensis Synodus in literis ad Imperatorem Gratianum, scriptis à sancto Ambrosio : "Totius Orbis Romani caput Romanam Ecclesiam, atque illam sacrosanctam Fidem Apostolorum ne turbari sineret, obsecranda fuit vestra Clementia. Inde enim in omnes venerandæ communionis jura dimanant". Romana Ecclesia est radix ac propago totius Orthodoxæ & Catholicæ communionis. Cuicumque ipsa, vel quicumque ipsi Formatarum commercio communicat, ipsi tota Ecclesia, & ipse toti communicat Ecclesiæ. Omnibus Apostolicis Ecclesiis, omnibus Collegis Et unicus Romanæ appellationis fructus est Romanæ Ecclesiæ communionem recipere, aut in ipsa stabiliri. Hinc qui ad Romanam appellat, aut à Romana repa-

ratur

ratatur Ecclesia, appellat ad omnes, & ab omnibus reparatur Ecclesiis, ab omnibus Collegis. Præsertim ab Apostolicis. Ob singularem ipsarum gradum in Catholica communione. Hinc de Juliano Eclanensi Episcopo scribit in Commonitorio super Celestii nomine Marius Mercator: "Celestius & Pelagius sunt damnati ab Innocentio, à quo & Julianus fuerat Ordinatus, quique post illorum damnationē usque ad prædicti Innocentii Episcopi excessum, è vita in ejus communione permanens, & perseverans in sincerâ sententiâ, & communicans Damnatori prædictorum, ipse quoque sine dubio Pelagium, Celestiumque damnavit". Causa laudatæ communionis. Ac præterea ob susceptam damnationis Tractatorem. Cap. 1.

Eadem est ratio factarum reparationum per Romanos Pontifices. Hinc enim sanctus Joannes Chrysostomus suum Romanæ appellationis instrumentum dirigit ad solum Pontificem Innocentium, & tamen concludit: "Igitur Domini maxime venerandi & pii, &c". Conclusionem dirigit ad omnes Latinos Episcopos. Aut certè ad omnes Italos. Eadem de causa ad Imperatorem Arcadium scripsit Collega Honorius: "Erat inter Episcopos causa, quæ collato tractatque consilio deberet absolvi. Missis ad Sacerdotes Urbis æternæ atque Italix utraq; ex parte Legatis, expectabatur ex omnium auctoritate sententia". Etiam Imperator Aurelianus, dum de exequenda in Paulum Samosatensem datâ sententiâ fuit motum dubium, "præcepit illis dari Ecclesiæ domum, quibus Christiani Italix & Urbis Romæ Episcopi, per literas tribuendam præscriberent". Ita habemus apud Eusebium. Et ad Imperatorem Theodosium scripsit Romana sancti Damasi Synodus: "Sanctæ memoriæ Athanasius, & dudum Petrus, Alexandrinæ Ecclesiæ Episcopi, & Orientalium plerique, ad Romanæ Ecclesiæ, Italix, & totius Occidentis confugerunt judicium". Et tamen certum est ipsos ad solum Romanum provocasse Pontificem, & ab ipso solo fuisse auditos ac reparatos. Hinc enim Philippo Politanus Eusebianæ Factionis conventus ob patratam sancti Athanasi & aliorum appellantium reparationem non cunctos Occidentis aut Italix Episcopos, sed solum degradavit Julium Pontificem. Adjunxit Hosium Cordubensem, & Maximinum Trevirensē, quod Julium ad istam reparationem instigassent. Epistola est scripta à sancto Ambrosio. Est quarta post appendicem Theodosiani Codicis. Eandem phrasim usitat magnus Basilus.

Quia

Quia nempe omnes Latini, immò omnes Orthodoxi sub cœlo Episcopi cum Romano Pontifice semper fuerunt quasi unica Ecclesia, unicaque familia: "Populus labii unius, ac sermonum eorundem". Italix Episcopi insuper erant propria Romani Pontificis Synodus, & in Retractatoriis appellationum Iudiciis Assessorum atque coniudices. Secunda Augustinianæ phrasios ratio est, quod Cecilianus esset paratus non solum coram Romana Cathedra, sed etiam coram plenaria totius Ecclesiæ Synodo, immò coram cunctis sub cœlo Ecclesiis suam causam tueri.

Anonymus evertit semetipsum. Etenim profitetur Afrorum Episcopis aliquid licuisse, quod Clericis non licebat: Nempe appellare ad Synodum totius Ecclesiæ. Certè hæc appellatio semper licuit aliarum gentium Clericis. Etenim ad Imperatorem Theodosium scripsit cum Italix Episcopis sanctus Ambrosius: „Ugus Constantinopolitanæ Ecclesiæ Presbyter, Paulus nomine, intra Achaïam Synodum Orientalium juxta atque Occidentalium postulavit". Epistola exstat post appendicem Theodosiani Codicis. Et adversus Chæremonem, Victorem, & Sophronam, suæ civitatis sterquiliniam, scribit ad suos Constantinopoli Clericos sanctus Cyrillus Patriarcha Alexandrinus: „Nunquam formidavimus peregrinationem suscipere, sed nec illorum accusationibus respondere, si tempus hoc exigat. Potest enim evenire, ut etiam fortè ob vilissimas causas, ad purgandam Ecclesiam, juberi Concilium convocari". Et nonne Euthyches Presbyter à Magni Leonis Iudicio provocavit ad generalem Synodum? Ista appellatio Majores nostros compulsi ad secundam Ephesinam, & ad Synodum Chalcedonensem. Ad Chalcedonensem Synodum appellarunt etiam alii Clerici & Laici, qui se oppressos affirmabant à suo Patriarcha Diolcoro: Et fuerunt auditi. Cur igitur isto Jure caruerunt Afrorum Clerici? Ob singulare gentis Statutum, quod sanctus Cyprianus affirmat æquum & justum. At Cyprianus non de Clericorum ad generalem Synodum, sed de ipsorum ad Romanam Ecclesiam appellatione loquitur. Agnoscant hoc novi Dogmatistæ, & desinant tempus perdere ad lucidæ veritati querendas tenebras.

Quid sibi volunt hæc Anonymi verba: "Sed hoc nihil precipiatim attinet ad Romanum Pontificem. Quippè cum præ-

ter

„ter Romanâ inultâ superessent Ecclesiæ Apostolicæ, ad quas hoc  
 „Judicium potuit referri. Omnes Orbis Episcopi erant Collegæ  
 „Cecilianî“. Affirmant omnes Ecclesias atque Episcopos esse pares,  
 & Romano nihil esse singulare, nisi primum locum. Si quippè ista  
 speciatim non pertineant ad Romanum Episcopum, necesse est alios  
 esse ipsi pares. Porro quis unquam Afer, quis Gallus, quis Hispanus  
 provocavit ad Thesalonicensem, Corinthiorum, Philip-  
 pensensem, aut aliam Apostolicam Ecclesiam? At verò plurimi ex om-  
 ni gente frequenter provocarunt ad Ecclesiam Romanam. Et cum  
 fructu, probato apud omnem Christianitatem. Prima istius fru-  
 ctus impugnatrix fuit Eusebiana Factio. Scire optârim, quas  
 partes sequatur hic Anonymus. Errorem confirmant ejus se-  
 quentia verba: "At verò instat Davidius enixè, & Responsum  
 „assumit ex eo, quod Augustinus ait nihil fuisse Ceciliano per-  
 „timescendum, quamdiu communionis literis cum Ecclesia Ro-  
 „mana conjungeretur, in qua semper Sedis Apostolicæ Prin-  
 „cipatus viguit. Nisi plura diceret Augustinus, & aliis Eccle-  
 „siis prætermisissis de sola communione cum Ecclesia Romana  
 „mentionem faceret, me victum faterer libentissimè, nihil-  
 „quæ Davidio responderem. Sed prorsus contrarium dicit. Om-  
 „nes Ecclesias, quibuscum Cecilianus communicaverat, Ro-  
 „manæ exæquat, adjuncto tantum discrimine Principatus Apo-  
 „stolicæ Sedis, qui semper Romæ viguit, unde Romanæ Ec-  
 „clesiæ gloria singularis exsurgit". Palàm docet omnes Eccle-  
 sias esse pares Romanæ, & hujus Principatum esse honorem so-  
 lius loci. Est error Marci Anthonii de Dominis. Theodorus  
 Balsamon affirmat eundem tradi à quibusdam Sectatoribus Pho-  
 tiani schismatis: Et ipsum damnat ut fontem plenæ confusionis.  
 Certè quisquis talia senserit, "bonum erat ei, si natus non fuisset  
 „homo ille".

Anonymus urget ad Romanam Ecclesiam ab Augustino adjun-  
 gi cæteras fidelium terras, earumque laudari communicatorias  
 ad Cecilianum literas, & addi: Ubi paratus esset causam suam  
 „dicere". Et commentatur: "Augustinus significat Cecilianum  
 „non minus auxilium sibi comparasse ex aliis Ecclesiis, quibus-  
 „cum communicabat, quàm à Romana". Respondeo hæc esse  
 ejusdem scætoris, & abundè refutata. Eterim si Augustinus  
 Romanæ Ecclesiæ dumtaxat par & commune cum aliis adscribit

G g g g

impen-

impensum Ceciliano auxilium, cur scribit ipsum à sola Romana Sede fuisse purgatum ac reparatum? Certè Romano isti iudicio non solus Pontifex adfuit, sed insuper Arelatenſis Episcopus, Colonienſis, & Auguſtodunenſis: Et tamen nec hæc, aut iſta Sedes, sed ſola Romana dicitur Cecilianum reparaſſe. Item Petrus de Marca proſitetur reparatoriam ſententiam fuiſſe conceptam in nomen ſolius Melchiadis. Et licet iſta Synodus non Romæ, sed Coloniae, aut Auguſtoduni fieret, Melchiades habuiſſet eadem Elogia. Et Donatiſtæ nunquàm Maternam, Rheticium, aut Marinum, sed ſolum ex ſuis Iudicibus Melchiadem accuſarunt Thurificationis & Lapius. Quæ ratio? Notiſſima eſt etiam infimo Chriſtiano. Nempe diverſitas auxilii, quod Melchiades Ceciliano impenderat.

Anonymus proſequitur: "Denique ſi Pontifex Romanus ſe  
 „Episcoporum ſupremum Iudicem habuiſſet, cur poſt ſenten-  
 „tiam à ſe ipſo prolatam, iteratam litis cognitionem in Con-  
 „cilio Arelatenſi ſuſtinuiſſet? Cur de hac cauſa ſolarius Ju-  
 „dex non ſedebat, ſed immò tot ſibi Iudices ab Imperatore  
 „adjungi patiebatur? Si ea fuiſſet mens Auguſtini, ut conten-  
 „dit Davidius, cur poſt Romanum Iudicium toties Donatiſtis  
 „Concilium Arelatenſe oppoſuit? Cur denique poſt ſupremam  
 „Romani Soli deciſionem poſſe adhuc hanc cauſam in Concilio  
 „generalium univerſæ Eccleſiæ agitari repotuiſſet? Et adducit Au-  
 „guſtini verba: "Ecce putemus illos Episcopos, qui Romæ judi-  
 „caverunt, non bonos Iudices fuiſſe, reſtabat adhuc plena-  
 „rium univerſæ Eccleſiæ Concilium, ubi etiam cum ipſis Ju-  
 „dicibus cauſa poſſet agitari". Reſpondeo Anonymum ab iſtis  
 ipſis Auguſtini verbis penitus everti. Etenim aiunt: "Cum  
 „ipſis Iudicibus". Proinde iſtiusmodi provocatio Romanum  
 Pontificem non demutat in Reum aut Accuſatorem, ſed per-  
 mittit Iudicem. Et non talem qualem, ſed ſupremum ac ple-  
 num futuri Concilii Præſidem. Nam & ſanctus Sylveſter fuit  
 invitatus ad præſidendum Arelatenſi Concilio. Proinde iſtius-  
 modi provocatio non eſt appellatio, ſed ſimplex reviſio. Et  
 quod hæc non evertat ſupremam iudicandi authoritatem, no-  
 verunt non ſoli Domini Senatores, ſed ipſi etiam Procuratores  
 & Apparitores Curie Pariſienſis. Porro Melchiades plures ſibi  
 aſſumpſit Aſſellores Episcopos ex ea ipſa cauſa, ex qua ſanctus  
 Petrus

## ROMANIS APPELLATIONIBUS. . 603

Petrus ad motas à Cerintho quæstiones dirimendas non fedit solus, sed Antiochiam advocavit omnes Apostolos, & plures Episcopos. Et falsum est, quod omnes istos Constantinus adjunxerit. Adjunxit solos tres: Reliquos Melchiades assumpsit. Ad confutandos Eutychianistas omnis Ecclesia non solum, licet sufficientissimum, sancti Leonis Tomum, sed semper adduxit etiam Chalcedonense Concilium: Ex eodem principio sanctus Augustinus ad confutandos Donatistas non solo est usus Melchiadis judicio, sed insuper Concilio Arelatenſi. Anonymus hic est omninò unus illorum, de quibus Tertullianus: "Firmos fatigant, infirmos capiunt, medios cum scrupulo dimittunt". Ab inepto Tenebrione nihil reportabis, nisi tui stomachi commotionem.

## C A P U T XXI.

*Romana Africanorum Episcoporum appellatio demonstratur ex sancti Augustini Epistola ad sanctum Celestinum Pontificem.*



Uod Africani Episcopi semper potuerint Romam provocare, sanctus Augustinus insigniter profitetur, ac exemplis demonstrat in literis ad sanctum Celestinum Pontificem. Anthonius, per sanctum Augustinum evectus in Fussalensem Cathedram, ac primus istius civitatis Episcopus, pessimè se gessit: Illius nuperrimè à Donato ad Christum Dominum conversi Populi egit scandalosissimum Tyrannum ac expilatores. Hinc sanctus Augustinus ipsum impetravit Synodaliter fruari. Non degradari quidem, sed tamen autoritate ac potestate insigniter circumscribi, ac mutilari. Hinc ille sententiam clamavit Canonibus advertam, & Romam provocavit ad sanctum Pontificem Bonifacium. Et Synodalia Gesta, omnisq; causæ instructio fuerunt eò transmissa. Hac igitur de re sanctus Augustinus scripsit ab Bonifacii Successorem Celestinum: "In illis multiplicibus Gestis, quibus de Epist. 262, Anthonio nostrum judicium continetur, magis deberem veteri,

„ne tibi minùs severe, quàm oporteret, judicasse videamur,  
 „nisi scirem vos tam propensos ad misericordiam, ut non solùm  
 „nobis, quia illi pepercimus, verùm etiam ipsi existmetis esse  
 „parcendum. Sed ille, quod à nobis aut benignè, aut remisè  
 „factum, in præscriptionem vertere atque usurpare conatur.  
 „Clamat: Aut in mea Cathedra sedere debui, aut Episcopus  
 „esse non debui. "Quasi nunc sedeat nisi in sua. Propter hoc  
 „enim loca illi eadem dimissa atque permilla sunt, in quibus  
 „& priùs Episcopus erat, ne in aliena Cathedra contra Statuta  
 „Patrum translatus illicitè diceretur. Aut verò quisquàm ita  
 „esse debet sive severitatis, sive lenitatis exactor, ut qui nonnisi  
 „fuerint Episcopatus honore privandi, nullo modo in eis aliquid  
 „vindictetur, aut in quibus aliquid visum fuerit vindicandum,  
 „Episcopatus honore priventur. Exstat exemplo, ipsà Sede Apo-  
 „stolicà Judicante, vel aliorum judicata firmante, quosdam pro  
 „culpis quibusdam nec Episcopali spoliatis honore, nec relictos  
 „omnimodis impunitos. Quæ ut à nostris temporibus remo-  
 „tissima non requiram, recentia memorabo. Clamet Priscus  
 „Provinciæ Cæsarænsis Episcopus": Aut ad Primatum locus,  
 „sicut cæteris, & mihi patere debuit, aut Episcopatus mihi ma-  
 „nere non debuit. "Clamet alius ejusdem Provinciæ Victor Epi-  
 „scopus, cui relicto in eadem pœna, in qua & Priscus fuit,  
 „nusquàm nisi in Diœcesi ejus ab alio communicatur Episcopo.  
 „Clamet, inquam": Aut ubique communicare debui, aut etiam  
 „in meis locis communicare non debui. "Clamet tertius ejusdem  
 „Provinciæ Laurentius Episcopus, & prorsus hujus vocibus cla-  
 „met": Aut in Cathedra, cui ordinatus sum, sedere debui, aut  
 „Episcopus esse non debui. "Sed quis ista vituperet, nisi qui  
 „parùm attendit nec inulta relinquenda, nec uno modo om-  
 „nia vindicanda"?

Sanctus Augustinus affirmat varia. Primò, quod apud Africanas  
 Ecclesias existent plurima Episcopaliū appellationum ad Sedem  
 Apostolicam exempla: Et vetusta & recentia. Secundò, quod  
 exempla antiqua rememorari nolit, & adducere. Ex recentioribus  
 adduxit tria ex sola Provincia Cæsarænsis Mauritanix. Tertiò  
 affirmat Synodalia Astorum Antistitum circa appellatas Collegarum  
 causas judicia fuisse per Apostolicam Sedem aliquandò reformata,  
 aliquando confirmata. Quartò asserit Synodale de Anthonio ju-  
 diciū.

dicium nequaquam fuisse infuetum aut heretoclytum, & esse iustissimum. Hinc supplicat per Celestinum stabiliri. Et ad permovendum Pontificem affirmat ista tria Cæsariænsis Provinciæ exempla fuisse istius formæ. Palam affirmat Romanas Episcoporum appellationes fuisse apud suam gentem frequentissimas atque liberissimas. Inter Romanam & Africanam Ecclesiam fumabat tunc contentio de Romanis appellationibus inferioris Cleri: Et hujus servitutem aliqui, quinto Nicæno Canone abusi, tentabant etiam ad Episcopos extendere. Verum irritò conatu. Omnes meliores & doctiores Episcopi perrexerunt sentire cum sancto Augustino.

Et hic prosequitur de Anthonio: "Quam versutâ suasionè Anthonius sanctum Senem Primatem nostrum, gravissimum virum, ut ei cuncta crederet, quem velut omni modo inculpatum venerando Papæ Bonifacio commendaret, induxerit, & cætera, quæ à me quid opus est recoli, cum memoratus venerabilis Senex ad tuam Sanctitatem omnia retulerit"? Iste Numidiæ Primas fuit Valentinus Vajanensis Episcopus. Videtur enim tunc fuisse adhuc superstes. Et hinc manifestissimè lucet, quod etiam ipse temerariis Aurelii Archi Episcopi adversum Romanas Episcoporum appellationes machinantis non fuerit cooperatus. Sanctus igitur Augustinus hic iterum primò affirmat Anthonium non sub Celestini, sed sub Bonifacii Pontificatu fuisse iudicatum ac damnatum. Secundò, quod ad eundem Pontificem appellaverit. Tertiò, quod ad ipsum sibi conciliandum fuerit usus non bonis artibus. Palmaris fuit, quod ipsum suæ Provinciæ Primatem, ac damnatricis Synodi Præsidem, seduxerit ad impugnandum sui ipsius Synodale iudicium, & Anthonio perhibendum innocentiae ac integritatis testimonium. Et ipso fretus Pontifex Anthonium absolvit, ac reparavit. Ex quibus lucet non solum Augustinum, nec solum Primatem Valentinum, sed omnes, aut sanè plurimos Numidiæ Episcopos de Episcopali ad Romanam Cathedram provocationum antiquitate ac auctoritate non cespitasse. Anthonii appellationem cuncti sunt venerati. Porro Anthonii absolutio à prævento per mortem Bonifacio non fuit sortita effectum, nec missa in executionem: Hinc ipsam urgere ille perrexit apud Celestinum. Verum Bonifacii sententia habebat hanc clausulam: "Si Anthonius ordinem rerum nobis fideliter indicavit".

Hinc adversus ipsam sanctus Augustinus potenter intercessit,



& scripsit ad Celestinum : "Accipe nunc quæ post ejus sanctæ  
 „memoriæ viri", Pontificis Bonifacii, "in Africa literas gesta sunt,  
 „& subveni hominibus, opem tuam in Christi misericordia multo  
 „avidius, quam ille poscentibus, à cujus inquietudine desiderant  
 „liberari. Judicia quippe illis, & publicas Potestates, & militares  
 „impetus, tamquam executores Apostolicæ Sedis sententiam, sive  
 „iple, sive rumores creberrimi comminantur, ut miseri homines  
 „Christiani Catholici graviora formident à Catholico Episcopo,  
 „quàm cum essent hæretici, à Catholicorum Imperatorum legibus  
 „formidabant. Non sinas ista fieri, obsecro te : Per Christi san-  
 „guinem, per Apostoli Petri memoriam, qui Christianorum Præ-  
 „positos Populorum monuit, ne violenter dominentur inter Fratres.  
 „Ego Fussalenses Catholicos, Filios in Christo meos, & Antho-  
 „nium Episcopum, Filium in Christo meum, benignitati Charitatis &  
 „Sanctitatis tuæ, quia utrosque diligo, utrosque commendo. Neq;  
 „Fussalensibus succenseo, quia justam de me querimoniam inge-  
 „runt auribus tuis, quod eis hominem, nondum mihi probatum,  
 „nondum saltem ætate firmatum, à quo sic assligerentur, infixi.  
 „Neque huic noceri volo, cui quantò magis sinceram habeo cha-  
 „ritatem, tantò magis pravæ ejus cupiditati obfisto. Utrique mi-  
 „sericordiam mereantur : Illi, ne mala patiantur, ille, ne faciat.  
 „Illi, ne oderint Catholicum, si à Catholicis Episcopis, maximèq;  
 „ab ipsa Sede Apostolica, contra Catholicum eis non subveniat  
 „Episcopum; iste autem, ne se tanto scelere obstringat, ut quos  
 „molitur invitos facere suos, à Christo faciat alienos".

Fussala ante fuerat Hipponensis Parochiæ Oppidum : Ex integro  
 pertinax in parte Donati Ipsam sanctus Augustinus per millos  
 eò Presbyteros, ac multam ipsorum prædicationem & passionem,  
 Imperialibus adversum Donatistas Legibus adjuvantibus, tandem  
 perduxit ad Christum Dominum Et ut in bono firmaret, ipsam  
 dismembravit à sua Cathedra, & ei dandum curavit novum Epi-  
 scopum. Verùm Electus, dum omnia ad consecrationem sunt  
 parata & præsentia, ex humilitate, & tanti oneris fuga clandestinè  
 se subtraxit, atque ita sanctus Augustinus, præsertim ad evitandas  
 senis Primatis defatigationes, fuit compulsus in ejus locum sufficere  
 alium. Et tunc ad manum non habuit nisi Anthonium, suæ  
 Ecclesiæ ac Episcopalis Monasterii Clericum, "hominem sibi nec-  
 „dum probatum", & "necdum ætate firmatum", & tamen ipsum  
 curavit

curavit consecrari. At ecce hic juvenis, & primus Neophytorum Episcopus memoriz suæ non infixit Canonem, quem ad juvenem etiam Timotheum scripsit sanctus Paulus: "Juvenilia desideria fu-  
ge". Cœpit suam Plæbem vexare, concutere, expoliare, & esse suspectus de aliis. Hinc ipsum Fussalenses detulerunt ad Pro-  
vinciæ Synodum, & impetrarunt, licet non degradari, tamen compesci, circumscribi, puniri. Eam novæ Dicc esis partem, quam maximè vexaverat, Synodus ipsi abstulit, & denuò adscripsit Ca-  
thedræ Hipponensi. Nempe "Castellanos, & illius Regionis ho-  
mines, qui de intolerabili ejus dominatione, de rapinis, & di-  
versis oppressionibus, & contritionibus" fuerant veraciter con-  
questi. Nova ista Cathedra videtur fuisse sponsa sine dote: Hanc Anthonius videtur violenter extorlisse. Quidquid sit, à Synodi  
sententia provocavit ad Bonifacium Pontificem, & propter Primæis  
testimonium meruit absolvi, purgari, ac reparari. Attamen cum  
saluari clausula: "Dummodò preces & testimonium veritate ni-  
tantur". Isto interim Decreto fulsus Anthonius impetrare studuit  
publicas Potestates & militares imperus, qui Apostolicam senten-  
tiam exequerentur. "Qui invitos facerent suos". Hoc est, qui  
suæ Cathedræ ablatos, & Hipponensi redditos Castellanos violenter  
cogerent ad ipsum redire. Talia aut ipse sparsit in suum Populum,  
aut spargi curavit, vel permisit. Hinc miseri ac Neophyti Fussal-  
enses jam Catholici graviora formidabant à Catholicis Episcopis tur-  
bulentia, quam antea Donatistæ formidabant à pœnalibus Catho-  
licorum Principum legibus. Hinc apud Celestinum Pontificem  
accusarunt non solum Anthonium, sed & ipsum sanctum Augu-  
stinum, tamquàm horum Malorum fontem, qui talem ipsis do-  
nasset Episcopum. Quæ res senem Augustinum adeò afflixit, ut  
suum Episcopatum voluerit deponere, & semetipsum damnare ad  
perpetuam pœnitentiam. Ex quibus omnibus discimus, quod non  
soli Africani Episcopi adversum suas Synodos, sed etiam Africani  
Populi adversum suos Episcopos consueverint Romanos Pontifices  
invocare. Et Apostolicæ Sedis judicia erant isthæc tanti ponderis,  
tantæque reverentiæ, ut ad ipsa exequenda publicæ etiam Potestates,  
ac militares imperus essent in promptu.

Hæc sancti Augustini epistola est lucidissimum, atque incon-  
cussum pro Romanis Africanorum Episcoporum appellationibus  
testimonium. Hinc audio in Gallia aut imprimi aut proximè  
impr-

imprimendam Dissertationem, quæ ipsam suadeat esse spuriam & supposititiam, idèdque stramineæ auctoritatis. Nescio quod hominum genus non minori hodie ergà Apostolicæ Sedis dignitatem odio æstuat, quam Martinus Lutherus, aut Joannes Calvinus erga plures Catholicas veritates. Hinc uti hi erga Divinas, quas in suos errores nullo possint fūco detorquere, literas imitantur Marcionem, aut Manichæum, & nobis auferunt Machabæorum libros, sanctorum Jacobi, & Judæ epistolas, & quædam alia, ità isti pari impudentia grassantur in certissima sanctorum Patrum Monumenta. Ista namque epistola adeò clarè refert sancti Augustini faciem, ut si hodie in nescio quo campo per sortem reperiretur, omnes sancti Augustini stylo vel leviter assueti unanimiter clamarent esse manij festum ejus sortum. Optàrim ut istorum Sapientum aliquis sub Augustini nomine nobis fingat talem epistolam: Erit toti Mundo summus vates. Norunt sua nugamenta nunquàm persuadenda Mundo, nihilominus censent piscandum, sperantes hinc inde aliquos aut capere, aut dimittere cum scrupulo.

Exhæredandæ epistolæ præcipuum fundamentum audio esse præsertim hæc verba: "Me sanè, quod consistendum est Beatitudini, vestræ, in isto utrorumque periculo tantus timor & mæror excruciant, ut ab officio cogitem gerendi Episcopatus abscedere, & me lamentis errori meo convenientibus dedere, si per eum, ejus Episcopatui per imprudentiam suffragatus sum, vastari Ecclesiam Dei, & quod ipse Deus avertat, etiam cum vastantis perditione perire conspexero". Apostolicæ dignitatis Osiores censent talia verba non cadere in virum constantem, præsertim in sanctum Augustinum. Respondeo sanctum Augustinum fuisse delicatæ conscientiæ, ideoque verba hæc ejus moribus omninò consonare. Nam similia scribit etiam ad suum Primate[m] Xantippum, agens de Presbytero illo, quem solus sine sex Collegarum assistentia damnaverat: "Ne si quid perniciosius eruperit, languens imputem mihi". Legantur duæ ad Alipium, & alia ejusdem Augustini ad sanctum Paulinum epistolæ, & videbis ipsum fuisse anxie timoratum. Et certè in creandis Episcopis ita mandat Apostolus: "Nemini citò manus imposueris, ne communies peccatis alienis". Quod omnia indigni Episcopi peccata devolvantur in Promotorem, demonstrat sanctus Ildorus Pelusiotæ. Porro in evchendo Anthonio sanctus Augustinus, licet ex causis, fuerat præ-

Epist. 236.

Epist. 224.

239. 250.

præcipitantior. Hinc ipsum, ubi tot illius facinora vidit, acerbissime momordit conscientia. Et quod morderet, nisi ad deponendum Episcopatum, atque ita agendam humilem pœnitentiam? Hanc enim legem sacri Canones imponunt Indignorum Promotoribus. Et quod S. Augustinus ad deponendum ex causis Episcopatum fuerit paratissimus, ejus qualibuscumque lectoribus est exploratissimum. Nec mirandum est, quod novi Dogmatistæ averterent hanc epistolam. Etenim ipsa demonstrat, & altissime clamat, quod S. Augustinus, Numidiæ Primas Valentinus, & fermè omnes istius Provinciæ Episcopi, à Carthagenensi Primare Aurelio, dum Romanas etiam Episcoporum appellationes arictare cœpit, retrocesserint, & famosæ illius ad Celestinum Pontificem epistolæ sese non miscuerint, immò constanter fuerint refragati. Quare præsens Augustini epistola pari voce clamat istam Aurelii epistolam esse prævaricatoriam, ac infelicem optimi Aurelii Lapsum.

Prætermitti non possit etiam Primosi, Thiganensis apud Cæsarænses Mauros Episcopi, Romana appellatio, de qua Africanus Codex: "Protestatos esse præterea Mauros Cæsarænses constat, „Primosum per Principales civitatis Thiganensis conventum literis eorum fuisse, ut secundum Principalia Scita plenario Concilio sui præsentiam faceret. Et, ut oportuit, requisitus Primosus, repertus non est, sicut Diaconi renunciaverunt. Sed quia „poposcerunt eidem Mauri de plenario Concilio oportere literas „destinari ad venerabilem Fratrem, Senem Innocentium, has placuit mitti, ut agnoscat Primosum requisitum à Concilio, & „minimè fuisse repertum". Primosus à suo Populo de nescio quibus accusatus apud suæ Provinciæ Synodum, ex quibus nescio causis detrectavit comparere, sed ab Imperatore Honorio supplicavit aliud Episcopale Judicium. Hoc enim tolerabat Africana disciplina: Quicumque ab Imperatore cognitionem Judiciorum publicorum petierit, honore proprio privetur. Si autem Episcopale Judicium ab Imperatore postularit, nihil ei oblit". Et Princeps Primosum transmissit ad plenariam totius Africæ Synodum. Rectè: secundum Canones. Verùm Primosus nec isthic comparuit. Creditus est Romam provocasse, & abiisse ad Papam Innocentium. Hinc Synodus duxit Pontificem de omnibus instruendum, appellationem tamen plenissime venerata. Facta hæc sunt ante Pontificatum

Zozimi, adeoque ante lites de Apiarii Presbyteri, & omnis inferioris Cleri appellationibus. Unde nullum, ad quod novi Dogmatistæ jam ridiculè recurrunt, tunc erat "Interim". Erat pura Africanæ Ecclesiæ consuetudo. Quare ejus vigore Primosus appellavit.

## CAPUT XXII.

*Discutiuntur Scriptoris Anonymi-Sensa circa laudatam  
S. Augustini Epistolam.*



Uic epistolæ, cujus tamen Natales infamare non præsumit, interpretandæ etiam se commiscet Scriptor Anonymus. Memorat Synodum illam, ex qua Aurelius Primas istam infelicissimam adversus Romanas Episcoporum etiam appellationes epistolam scripsit ad sanctum Celestinum, & pergit: "Davidius ingenuè fatetur veram mentem Episcoporum Africæ in hoc Concilio fuisse omninò condemnare & abrogare usum appellationum ad Sedem Apostolicam in Episcoporum ac Presbyterorum causis. Insuper sibi persuadet in hoc casu hos Episcopos nec bonâ fide, nec sinceritate caruisse, sed oratione continenti sic satur: Equidem credo huic abrogationi in ipsa Africa locum non fuisse. Enim verò animadvertimus tempore circiter hujus abrogationis, sub eodem Pontifice Romano, quo promulgata fuit, celeberrimum non solum Africæ, verum etiam universæ Ecclesiæ Episcopum, scilicet sanctum Augustinum, qui hujus controversiæ principio interfuerat, non obstitisse, immò verò annuisse appellationi Anthonii, Fussaliorum Episcopi, à Judicio Synodi Provincialis ad Apostolicam Sedem". Respondeo Davidium recta sentire. Etenim sanctus Augustinus, & cum ipso S. Alipius, S. Possidius, Numidicæ Primas Valentinus, plurimique alii sanctiores & doctiores Afrorum Episcopi, hujus controversiæ principio, quoniam de solis Clericorum appellationibus tractabat, non solummodo adjuverunt, sed insuper causam generosè ac intrepidè adjuverunt, scientes à se

se defendi avitam ac bonis anchoris nixam suæ gentis consuetudinem. Ast ubi viderunt Aurelium salire extra metas, & contra Apostolicos Canones, itemque contra perpetuam gentis consuetudinem prorumpere ad proscribendas Episcoporum appellationes, retraxerunt manus, & dilectissimum Primatem Aurelium, S. Petro Apostolo postponentes, deseruerunt. S. Augustinus istam Anthonii appellationem non solummodò permisit, sed & ipsam appellandi consuetudinem stabilivit exemplis & rationibus. Eandem adjuvit Primas Valentinus.

Attamen Anonymus, ne manifestos veritatis triumphos permittat Joanni David, tacere non sustinet: "Prima fronte respondere, possem, cum Anthonius appellaverit, antequàm Africani Celestino Papæ scripserint, aut literas acceperint ab Attico Constantinopolitano & Cyrillo Alexandrino de exemplaribus Græcis Concilii Nicæni, mirum non videri, si sanctus Augustinus & cæteri Africæ Episcopi huic appellationi non obstiterint. Quippe cum Bonifacio Papæ polliciti essent ex Decreto Concilii CARTHAGINENSIS, servaturos se paulisper hanc appellationum disciplinam, donec intellexerint ex inventis exemplaribus Nicæni Concilii, an vera esset citatio Canonum Nicænorum in Commonitorio Legatorum, Zozimi. At nemo dubitare potest hanc appellationem Anthonii, Fussalensis Episcopi antecessisse acceptioni literarum Attici & Cyrilli". Respondeo esse frivolum effugium. Etenim ista transactio; seu istud "Interim" nequaquàm fuit circà appellationes Episcoporum. Circa has nec erat, nec unquam fuerat ulla controversia. Transactio fuit circa duo. Primò circa servandam in Episcoporum appellationibus formam Sardicensis Canonis, quem Zozimus appellabat Nicænum. Deinde ista transactio fuit circa provocaciones Clericorum. Romana Sedes affirmabat ipsas probari ac juberi per Nicænos Canones, & Africana Ecclesia profitebatur se ab istis, utpotè Spiritu Dei conditis, & totius Mundi reverentiâ consecratis, nolle dissonare: Hinc igitur stipulatum est, ut usque ad repertam veritatem inferior etiam Clerus posset Romam provocare. Contra priorem consuetudinem. Propter reverentiam Apostolicæ Sedis & Nicæni Concilii. Hæc est certa veritas inferiùs demonstranda. Proinde nequaquàm in hujus transactionis, sed in solam avitæ consuetudinis vim Anthonius appellavit: Et Episcoporum nullus vel somniavit intercedere. Aurelii Primatis, & ipsi adhærentium Epi-

H h h h 2

Episco-

scoporum intercessio non cœpit, nisi postadductos ex Oriente Nicœnos Canones.

Pergit Scriptor Anonymus : "Quamvis hæc solutio adeò certa sit, ut nullum hac de re dubitandi locum relinquat, existimo tamen, accuratius perpensâ historiâ hujus Anthonii Fussalensis, ipsum nunquam Juridicali appellatione ad Papam provocasse, quamvis negare nolim ad ipsum confugisse, & opem ejus implorasse. Hanc autem agendi rationem irritam esse ætate sancti Cypriani, iis omnibus qui pro factis judicia timent, & suarum rerum odio mutari omnia student, ostendimus capite primo hujus operis. Igitur fatemur Anthonium Romam confugisse, non secus ac antea confugerat Basilides, de quo mentionem facit sanctus Cyprianus. Ad quem, hæc verba", Pergens Romam, "explicans Rigaltius, hanc Notam efformavit: Quo solebant contumaces, ut procul ab his, quibus erant noti, facilius fallerent". Respondeo istius solutionis certitudinem abundè patere ex Dictis. Porro Anthonius, si Romam confugerit, & Romanæ Sedis opem imploraverit, quomodò non appellavit? Etenim imploravit opem contra Africanæ Synodi de se judicium, ipsumque postulavit retractari & rescindi: Quod quid est aliud, quàm appellare. Deo laus, quod Anonymus propria & consuetâ duntaxat verba neget, rem verò atque substantiam profiteatur. Laudamus admirandam potentiam veritatis. An Judiciales appellationis apices Anthonius adhibuerit, parùm refert. Certè ipsos in suis Appellantibus nunquàm exquisivit Ecclesia. Et addo istos apices omninò fuisse observatos ab Anthonio. Lucet ex his sancti Augustini verbis: "In illis autem multiplicibus Gestis, quibus de illo nostrum judicium continetur, &c". Affirmat ista Gestâ fuisse transmissa Romam, ideòque Ecclesiasticos apices huic appellationi non defuisse. Eadem est ratio Basilidis. Quod Romam appellaverit, est ipsâ meridianâ luce clarius. Petrus de Marca cœpit primus lucidam diem commentis obnubilare. Porro Nicolaus Rigaltius scribit verum. Etenim omnes novimus Apostolicam Sedem vâstrorum hominum obreptionibus fuisse semper obnoxiam. Attamen idem Scriptor Romanas appellationes, aliasque Romanæ Cathedræ dignitates nequaquàm abnuvit. Lucet ex illis, quæ in suo Commentario scribit ad sexagesimam septimam sancti Cypria-

Cypriani epistolam, tractantem de causa Martiani Episcopi Arelatensis.

Anthonii Fussalensis causam Scriptor Anonymus largè exponit, & concludit: "Præter hanc Augustini epistolam nihil nobis hujusmodi litis narrationem amplificat, in illa nulla mentio fit judicialis appellationis, aut judicii à Romano Pontifice in hac causa pronunciati. Sed è contravaldè credibile est Papam hoc negotium, in eo reliquisse statu, in quo ab Afris judicatum fuerat, præcessque ac sollicitationes Anthonii, hominis perfidiosi, adspernatum fuisse". Respondeo ab Anonymo nobis subministrari fundamenta, ex quibus non temerariè suspicemur istam sancti Augustini epistolam ab ipso nunquam fuisse perlectam. Etenim ex adductis jam verbis manifestum est, quod Anthonius servaverit Judicalem formam Ecclesiasticæ appellationis. Item manifestum est, quod Bonifacius Pontifex appellationem admiserit, causam retractaverit, ac reformaverit Africanæ Synodi indicium. Sancti Augustini verba sunt lucida: "Anthonius judicia, & publicas, Potestates, & militares impetus comminatur, tanquam executores Apostolicæ Sedis sententiam". Et adjungit quædam sententiæ verba: "Si ordinem rerum nobis fideliter indicavit". Verùm adversus hujus sententiæ executionem Celestino Pontifici non solus Augustinus supplicavit, sed etiam Numidiæ Primas, & plures haud dubiè Episcopi. "Venerabilis Senex", inquit Augustinus, "ad tuam Sanctimoniam universa retulit". Et adjungit: "Et jube tibi quæ directæ sunt omnia recitari. Vide Episcopatum qualiter gesserit, quemadmodum judicio nostro usque ad eò consenserit, communionem privatus, nisi priùs Fussalensibus omnia redderetur". Et infra: "In illis multiplicibus Gestis, quibus nostrum de illo judicium continetur, magis deberem vereri, ne tibi minùs severè, quam oporteret, judicasse videamur, nisi scirem vos tam propensos ad misericordiam, ut non solum nobis, quia illi percimus, verùm etiam ipsi existimetis parcendum". Rationes sunt lucidæ, nec egent commentariis. Existimo Celestinum ipsis fuisse permotum, censuisse Bonifacii judicium fuisse Anthonii obreptionibus extortum, cessasse à promovenda executione. atque ita reliquisse negotium in eo statu, in quo fuerat positum ab Africano judicio. Et hæc forsitan est ratio, ex qua Anthonius se adjunxerit Aurelio, atque ita Episcopale Romanæ appellationis



jus, quod antea verbo & opere constanter defenderat, ac invocarat, coeperit contumaciter impugnare. Etenim omnino videtur adhæsisse Aurelio.

Scriptor Anonymus pergit: "Jam ergo sincere discutiamus argumenta, quibus appellatio hæc Anthonii ad Sedem Apostolicam comprobari possit. Dicunt sanctum Augustinum Pontifici proderet tria exempla Episcoporum Provinciæ Cæsariensis, scilicet Prisci, Victoris, & Laurentii, qui ab Apostolica Sede judicati fuerant, & adversus quos judicia in Synodis Provincialibus lata, ab eadem Sede fuerant confirmata, ne hunc Episcopum in suam Sedem restituat, & judicia ab Africanis in eum lata vim habeant, seu firma atque inconcussa stare possent". Adducit sancti Augustini verba, & prosequitur: "Respondeo ex his non consequi Anthonium Fussalensem Juridicalis appellationis libello provocasse ad Pontificem Romanum, sed solum auxilium ejus implorasse, ne judicium contra se latum exereretur. At si quis instet de his verbis", Ipsa Sede Apostolica judicante, vel aliorum judicata firmante, "dico tres Episcopos, Priscum, Victorem, & Laurentium, quorum exemplum sanctus Augustinus prodidit, ad Pontificem confugisse, & ad eum provocasse medio tempore, quod fluxit inter Concilium Carthaginense anni quadringentesimi decimi noni, & Pontificatum Celestini, sub quo Africani ex literis Attici Constantinopolitani, & Cyrilli Alexandrini, inventa esse exemplaria Græca Concilii Nicæni, Communitorio Legatorum minimè congrua, intellexerunt. Quo quidem exiguo tempore Africani se disciplinam appellationum ad mentem Concilii Sardicensis paulisper servaturos polliciti & pacti erant. At verò ita se rem habuisse, luce meridiana clarius est. Quippe cum nemini homini dubium subolere potest, quia sanctus Augustinus hæc, quæ profert, exempla à suis temporibus non remotissima, sed recentia existimat": Quæ ut à nostris temporibus remotissima non requiram, recentia memorabo. "At ex his Episcopis negotium Laurentii potissimè necesse est in hoc tempus rejicere. Quoniam constat eum subscripsisse Concilio Carthaginensi anni quadringentesimi decimi noni, & de appellationibus in eo exagitatis suffragium tulisse, ideoque tunc temporis appellasse, non prorsus incredibile videtur. At verò dubitandi locus non relinquitur, quin ante primum annum Pontifica-

„tificatus Celestini appellaverint, proindeque negotium in prima  
 „cognitionis sententia judicatum fuerit, quippe cum ejus exem-  
 „plum adducat sanctus Augustinus hanc epistolâ congratulatoriâ,  
 „quam primo Pontificatus anno ad Celestinum misit. Ergo ma-  
 „nifestè consequitur appellationem Laurentii medio tempore inter  
 „annum quadringentesimum decimum nonum, & annum quadrin-  
 „gentesimum vigesimum tertium, quo Africani hanc discipli-  
 „nam paulisper admiserunt, contigisse. Igitur ex hac Augustini  
 „epistola colligere debemus Anthonium Fussalensem, & tres alios  
 „Episcopos, Priscum, Victorem, & Laurentium, ad Romanum  
 „Pontificem nullatenus appellasse, sed ejus tantummodò auxilium  
 „vehementer implorasse. Vel si eos appellâsse tandem aliquandò  
 „fateri necesse sit, appellationem contigisse temporibus illis non  
 „suspectis, quibus paulisper hanc disciplinam Africani sustinere  
 „non noluerant. Quamobrem insulsum est concludere abroga-  
 „tionem appellationum, quam Africanos sincerè & bona fide  
 „promulgassè fatetur Davidius, vanam & supervacaneam fuisse in-  
 „spiciet Africana Ecclesia, seu executione caruisse.

Errores varii. Primus est, quod dicat Anthonium implorasse  
 solum Apostolicæ Sedis auxilium, ne judicium contra se latum  
 exequeretur, ideoque non appellasse. Etenim Anthonius implo-  
 ravit auxilium, quo Bonifacius datum de ipso ab Africana Synodo  
 judicium retractaret ac reformaret: Ut non quovis modo, sed  
 mediante dictâ retractione ac reformatione datum contra se judi-  
 cium vetaret mirti in executionem. Certè Romanus Pontifex  
 Provincialium Synodorum judicia alio modo non potest ab exe-  
 cutione prohibere aut suspendere: Nisi fortè per gratiam, quæ  
 tunc in usu non fuit, ex plenitudine potestatis. Etiam libellus,  
 aliiq; Judiciales apices non defuerunt. Et tale implorare auxilium,  
 quid est aliud, quam appellare? Etenim in literis ad sanctum Pa-  
 pam Innocentium scripsit sanctus Joannes Chrysostomus: "Ad  
 „Synodum appellavimus, & judicium inquisivimus". Et subjunxit:  
 "Ea quæ perperam fiunt, non solum deploranda, sed & corri-  
 „genda sunt. Et idè Charitatem vestram obsecro, ut provocetur  
 „ad condolendum, faciendaque omnia, quo mala hæc listantur".  
 Paraphrastice exponit, quid sit appellare. Ostendit non esse aliud,  
 quàm implorare Synodale Romani Pontificis auxilium. Patien-  
 ter feramus Anonymum, dammodò rem fateatur, ludere in vo-  
 cabulis

cabulis, & ita suam & sui dilecti Petri de Marca calamitatem consolari.

Secundus error est, quod denuò recurrat ad istud "Interim", ad istud temporale Pactum inter Romanam & Africanam Ecclesiam, atque ita molitur avitum Africanorum Episcoporum ius subvertere. Etenim istud Pactum solas inferioris Cleri appellationes attigit, nequaquam Episcoporum. Et abundè hoc patet vel ex solis hic per Anonymum adductis sancti Augustini verbis: "Quæ ut à nostris temporibus remotissima non requiram, recentia memorabo". Augustinus palam affirmat esse etiam antiquissima Episcopatum ad Romanam Sedem appellationum apud Africæ exempla, ideoque ipsas isthuc semper viguisse. Quod ipsum in superioribus est abundè demonstratum ex aliis Augustini testimoniis. Augustinus hic laudat antiquissima ac recentia exempla: Quis dubitet etiam fuisse medii temporis? Et vox, "Recentia", non importat res hæsternas, ideoque tres istæ appellationes videntur contigisse ante Pontificatum Bonifacii. Etenim Augustinus affirmat Africanum, quo Anthonius quâdam Episcopalis dignitatis portione mutilabatur, iudicium non esse novum aut insuetum, ideoque à Bonifacio fuisse non rectè circumductum. Insuetum non esse etiam apud Romanam Ecclesiam. Quoniam ipsa circa appellantes ad se Africanos iudicasset talia, aut certè talia Africanarum Synodorum iudicata confirmasset. Si inter talium sententiarum authores vel confirmatores Pontifices fuisset etiam ipse Bonifacius, quomodò istam formam circa Anthonium improbasset? Sanctus item Augustinus tria vicina appellationum exempla adducit ex eadem Provincia: Et supra audivimus quartum Primosi Thiganensis Episcopi. Quare dubitandum non est, quin per omnem Africam fuerint longè plura. Hæc etiam fortiter suadent memoratum à sancto Augustino Laurentium non fuisse Icositanum Episcopum, Legatum Cæsariensis Mauritaniæ. Etenim ille per Romanam & Africanam Ecclesiam erat privatus honore & facultate solemniter sedendi in suo Episcopali Throno, adeoque certum est istiusmodi virum non fuisse Synodalem Legatum suæ Provinciæ.

Tertius error est, quod Anonymus Episcopatum appellationum abrogationem adscribat omnibus Africanis Episcopis. Uti ejus dilectus Petrus de Marca sceleratas Philippo-Politani Conventiculi literas adscribit toti Ecclesiæ Orientali, ita ipse istas infelicissimas

felicissimas literas adscribit toti Africanæ Synodo. Pessimè. Etenim fuerunt à solo Aurelio, & quibusdam ipsi adhærentibus Episcopis. Sanctus Augustinus, & cuncti cum ipso meliores ac doctiores Episcopi sancto Apostolo Petro constantissimi adhæserunt. Porro an Aurelius sincerâ & bonâ fide istam abrogationem tentaverit, ignoro. Videtur ob Zozimi Pontificis in avitam suæ gentis consuetudinem tentamina fuisse lapsus in verbum Apostoli: "Ira viri, justitiam Dei non operatur". Videtur ex ira cecidisse in tenebras, atque ita in tenebrosa Decreta. Antales tenebræ non auferant bonam fidem, permitto aliis judicandum. Quidquid sit, abrogatio mansit sine effectu & executione. Etenim proximi Successores Aurelii improbarunt audaciam, & circumduxerunt. Hinc Fulgentius Ferrandus, Carthaginensis Ecclesiæ Archi-Diaconus, & Cresconius Africanus Episcopus, non remoti ab Aurelii tempore, in suis Collectionibus laudant Sardicenses Canones, & Romanas Episcoporum appellationes. Res suo loco exponetur.

### C A P U T XXIII.

*Examinatur quadam Gallicana circa hanc questionem  
Epistola.*



Um hæc scribo, nescio quis in Gallia vir doctus ad alium in Alma Urbe Eruditum scripsit hac de re epistolam. Et continet quædam non spernenda. Hinc ipsam censui discutiendam, & integram apponendam: "Qui epistolam ducentiesimam sexagesimam primam Augustini, ad Celestinum impugnant, & eidem contendunt non rectè attribui, hoc præcipuè nituntur argumentis: Quod si verè sit Augustini, ergo & ille cum suo Primatè appellationi consensit, quam ad Sedem Apostolicam Anthonius Fussalensis interposuerat. Immo & tres Provinciæ Cæsariensis Episcopos eandem Sedem appellasse fatendum erit. Nec etiam antiquiora defuisse ejusmodi provocationum exempla. Hoc Adversarii cum Africana disciplina omnino pugnare clamât,

„proindeque cum Augustino : Cum Africanæ Ecclesiæ Dux Au-  
 „relius fuerit, Augustinus ingenium. Novimus & nos, quan-  
 „tum ab his Transmarinis Judiciis Africani Patres abhorrerint  
 „jam inde à Cypriano. Id Augustini, Aureliique tempore po-  
 „tissimum enituit. Vix dum etiam huic Ecclesiæ pax ab Hilde-  
 „rico reddita fuerat, cum in Concilio generali Carthagine ha-  
 „bito legenda subscribendaque oblata sunt aliquot Decreta, Au-  
 „relino Præsidente olim sancita, inter quæ tria sunt, quæ Trans-  
 „marinas appellationes omnimodis vetant. Et hoc authore Bo-  
 „nifacio Carthaginensi”.

Respondeo Africanam Ecclesiam Romanis non Episcoporum,  
 sed solius inferioris Cleri appellationibus olim fuisse adversatam,  
 ideòque hæc omnia Commenta esse inania, & ad rem non fa-  
 cere. Quod ista Ecclesia etiam Episcoporum appellationes de-  
 tractaverit, primus sub Sole effutiit Joannes Calvinus, & post  
 ipsum Marcus Anthonius de Dominis. Uterque sine fundamento.  
 Et hæc à Romanæ Ecclesiæ Æmulis in vasa S. Augustini epistola  
 est adeò lucidè legitimum ejus verbum, ut sola sufficiat omnem  
 toti Mundo eximere scrupulum de istis appellationibus. Est irre-  
 fragabile pro ipsis testimonium. Hinc nemo miretur ipsam arie-  
 tari ab isto hominum genere. Ità Marcion sacras literas, quas  
 detorquere non poterat, clamavit spurias, & proscriptit. Et ab  
 avito Ecclesiæ suæ sensu ac more nequaquam recessit Primas Bo-  
 nifacius. Etenim resuscitati ab ipso ac innovati Aureliarum de  
 hac re Synodorum Canones sunt hi tres : “Qui in Africa non com-  
 „municat, si ausus fuerit in Transmarinis, damnetur. Ad Trans-  
 „marina qui putaverit appellandum, à nullo intra Africam in com-  
 „munionem suscipiatur. Ut nullus ad Transmarina audeat appel-  
 „lare”. Sunt Canonum compendia, ideòque & ipsorum, & Bo-  
 nifacii Primatis, ac ipsi assidentis Synodi sensus est ex integro  
 originalium Canonum contextu discendus: At verò illi omnes pa-  
 lam sanciunt adversum solas appellationes Clericorum ac Laicorum.

Primi Canonis contextus in Africano Codice est hic :  
 “Quicumque non communicans in Africa, si in Transmari-  
 „nis ad communionem obreperit, jacturam Clericatus acci-  
 „piat”. Non Episcopatus jacturam, sed Clericatus. Quia nemo  
 pe sancitur in solos Clericos. Est Carthaginensis, octavo de-  
 cimo istius sæculi anno ad Zozimi Pontificis gratissimam con-  
 tra

tra Pelagianos Tractatorem publicandam celebrati, Concilii Canon decimus nonus, & integer sic habet: "Placuit ut quicumque non communicat in propria Provincia, & in aliis Provinciis vel Transmarinis partibus ad communicandum obreperit, iacturam communionis vel Clericatus accipiat". Laicus communionis, Clericus iacturam Clericatus. Palam agit non de Episcopis, sed de solis Laicis & Clericis. Fervebat & bulliebat tunc appellantis Apiarii quæstio. Hinc Synodus, ne directè in Pontificem ac Romanam Ecclesiam videretur statuere, sic libravit Canonem, ut & Laicorum appellationes comprehenderet. Eadem de causa addidit: "In aliis Provinciis". Africani Codicis Compiler, quoniam revelatâ facie pugnabat pro Africanis moribus, expunxit istas moderationes, & Canonem contraxit ad solos Clericos. Propter Apiarium. Attamen non præsumpsit ad Episcopos extendere. Eadem omnia egit author alterius Collectionis, quæ vulgò inscribitur Africanum Concilium.

Tertius Canon in Africano Codice est hic: "Item placuit, ut Can. 28.  
Presbyteri, Diaconi, vel cæteri inferiores Clerici in causis, quas habuerint, si de iudicii Episcoporum suorum quæsti fuerint, vicini Episcopi eos cum consensu sui Episcopi audiant, & inter eos definiant adhibiti ab eis Episcopi. Quod si & ab eis provocandum putaverint, non provocent ad Transmarina Iudicia, sed ad Præfatos suarum Provinciarum: Sicut & de Episcopis sæpe constitutum est. Ad Transmarina autem qui putaverint appellandum, à nullo intra Africam ad communionem suscipiatur". Hæc verba, "Sicut & de Episcopis sæpe constitutum est", exponunt sola proximè priora: "Sed ad Præfatos Provinciarum suarum". Secundus Canon est idem ipse, hoc Can. 125.  
solummodò habens discriminis: "Quod si & ab eis provocandum putaverint, non provocent nisi ad Africana Concilia, & ad Præfatos Provinciarum suarum". Et prætermittit præfatam appendicem: "Sicut de Episcopis sæpe constitutum est". Proinde Bonifacius solos legitimos, non prævaricatorios Aurelii Canones reduxit ac innovavit. Quod Aurelii Successor Capreolus ab ejus prævaricatione statim recesserit, infra demonstrabitur. Ipsius vestigia secutus est Bonifacius.

Pergit Gallicana epistola: "Sed quidquid sit de appellationum quæstione, hoc certum, nihil inde contra epistolam, quam

„tuemur, posse confici. Horruere Africani Transmarina Judi-  
 „cia. Tamen ea se in Episcoporum caussis toleraturos, anno-  
 „quadringentesimo decimo nono professi sunt, dum ab Orien-  
 „talibus Ecclesiis Nicæni Canones haberentur”, in quibus, „in-  
 „quiunt”, si ea quæ Faustinus attulit reperta fuerint, à nobis  
 firmabuntur. „Nempe in perpetuum observanda”. Aut si non  
 inveniatur, collectâ Synodo de hoc in sequenti tractabimus.  
 „Hæc totius Concilii vox in extrema conclusione, & in epistola  
 „ad Bonifacium. Hæc nominatim Alipii, ipsiusque Augu-  
 „stini”.

Respondeo etiam hæc omnia præsertim agere de Clericorum  
 appellationibus. Respondent enim huic intercessioni Novati  
 Sitisensis Episcopi: „Nunc meminimus hæc Commonitorio etiam  
 „de Presbyteris vel Diaconis contineri, qualiter audiri ab Episco-  
 „pis suis vel à finitimis debeant, quod in Nicæno Concilio minimè  
 „legimus. Unde nobis hoc ipsum jubeat Sanctitas vestra recitari”.  
 Et Daniel Notarius recitavit Sardicensem Canonem. Et post recita-  
 tum S. Augustinus reposuit: „Et hoc nos servaturos profite-  
 „mur, salvâ diligentiori inquisitione Nicæni Concilii”. Et post varia Pri-  
 mas Aurelius de omnibus per Zozimi Legatos adductis Capitulis  
 conclusit: „Ea omnia aut ibidem”, in Nicænis Canonibus, „reper-  
 „ta à nobis firmabuntur, aut si non inveniuntur, collectâ Synodo de  
 „hoc in sequenti tractabimus”. Palmaris quæstio erat de appella-  
 tionibus inferioris Cleri. Ob motas turbas per Aparium. De  
 Episcoporum appellationibus, utpotè apud Afros semper usita-  
 tissimis, nulla erat hæsitatio, nisi de deinceps servanda forma  
 præscripta per Canones Sardicenses, quam usque tunc Africana  
 Ecclesia aut ignorarat, aut certè non usitaverat.

Prosequitur Gallicana epistola: „Nunc id videndum restat,  
 „an Africani consensum, quem appellationibus Episcoporum  
 „dederant, revocaverint, quovè id tempore. Nam si eo inter-  
 „medio, quo appellationes toleraverunt, epistola ducentesima  
 „sexagesima prima scribi potuit, nihil unquam ex toleratis vel  
 „ab Augustino, vel à Cæsarzensibus Mauris appellationibus con-  
 „fiscitur. Missi à Concilio Carthaginensi in Orientem Legati,  
 „eodem anno quadringentesimo decimo nono redierunt cum Ca-  
 „nonibus Nicænis, in quibus nihil de his quæ Faustinus attu-  
 „lerat. Hi quæ Canones continuo relati ad Bonifacium vigesi-  
 „mâ.

„mā sextā Novembris. Hāc jam Africanis quid de appellationi-  
 „bus agendum foret, collectā Synodo tractandum fuit. An sta-  
 „tim id fecerint, fortē est incertum. Hoc certum, nihil de  
 „hac re ab ullo veterum prodi. Nequē porrō ullius in Africa  
 „Conciliū ab anno quadringentesimo decimo nono memoria est  
 „usque ad illud, cujus ad Celestinum epistolam habemus. Hāc  
 „epistola Africani Patres, reverenter quidem, sed ita apertē, ut  
 „nullo fūco eorum sensus obscurari possit, nullo se modo ul-  
 „tramarinas provocaciones jam toleraturos esse denunciant. An  
 „id jam antea vel ipsi Celestino, vel ejus Decessori Bonifacio  
 „denunciaverint, omninō non dicunt. Nihil indē in Africanis  
 „monimentis reperias, ut vix ullus sit dubitandi locus, quin  
 „appellationes usquē ad epistolam Synodalem Celestino scriptam  
 „fuerint toleratæ. Qui contrarium voluerit asserere, divinare  
 „poterit, non probare. Et tamen non dubia, sed certa illi  
 „asserenda sunt, si epistolam ducentesimam sexagesimam primam  
 „non esse Augustini velit evincere".

Respondeo de Romanis Episcoporum appellationibus nihil  
 unquam apud Afros fuisse controversiæ. Præsens omnis quæstio  
 originem duxit ex attentata appellatione Apiarii, & circa ipsam  
 tota hæsit. Nihil intravit de Episcopis, nisi forma Sardicensis.  
 Hanc enim Apostolica Legatio voluit deinceps servari in Africa,  
 asserens istos Canones esse Nicænos. Et quia isti Canones, licet  
 non circa substantiam, sed circa solum modum volebant aliquid  
 novi, suarum consuetudinum tenaces Afri constanter noluerunt  
 admittere, nisi edocti quod isti Canones reverā essent Nicæni.  
 Hos enim uti Spiritu Dei conditos, & totius Mundi reverentiā  
 consecratos omnis semper est venerata Ecclesia. Et hæc quæ-  
 stio duravit usque ad memoratas Aurelii & quorundam Collega-  
 rum ad Celestinum literas. Plura intermediariorum Actorum in-  
 strumenta omninō latent aut perierunt: Dum apparuerint, haud  
 dubiē nos plura docebunt. Interim Aurelius, dum transmissos  
 à Zozimo Canones certō vidit non esse Nicænos, horum quintum  
 cœpit rimari diligentius & perscrutari. At conturbato per iram  
 mentis oculo. Hinc non solum Laicos & Clericos, sed ipsos  
 etiam Episcopos credidit commissos suis Metropolitanis ac ipso-  
 rum Synodis, ideoque & istos non posse Romam provocare.  
 Audienda sunt epistolæ verba: "Presbyterorum quoque & se-



„quentium Clericorum improba refugia repellat Sanctitas tua,  
 „quia & nulla Patrum definitione hoc Ecclesiae derogatum est  
 „Africanæ. Et Decreta Nicæna sive inferioris Gradus Clericos,  
 „sive ipsos Episcopos suis Metropolitanis apertissimè commise-  
 „runt". Affirmant varia. Primò, quod Romana Presbytero-  
 rum ac aliorum Clericorum appellatio adverteretur avitæ Afro-  
 rum consuetudini. Secundò, quod istam consuetudinem nulla  
 Patrum definitio proscripserit aut circumscripserit. Tertiò, quod  
 istæ proinde appellationes sint improba refugia, idèdque ab Apo-  
 stolica Sede penitus repellendæ. Quartò, quod quintus Nicænus  
 Canon etiam damnatos Episcopos committat suis Synodis, idèdque  
 & ipsos vetet Romam provocare. Et addunt: "Apertissimè".  
 Aurelius palam profitetur Canonem huc usque à se non fuisse  
 plenè intellectum, se jam pervenisse ad lumen, idèdque etiam  
 Episcoporum appellationes deinceps à se non tolerandas. Affir-  
 mat Canonem esse apertissimum. Palam profitetur esse ac semper  
 fuisse discrimen inter Clericos ac Episcopos: Hos semper, istos  
 nunquàm appellasse Romam, deinceps nullos esse appellaturos.  
 Clericos propter avitam, & à nulla Synodo abolitam consue-  
 tudinem, Episcopos propter noviter animadversum & apertissimum  
 Nicænum Canonem. Hic est lucidus epistolæ sensus. An uti  
 apertè, ità & reverenter sit scripta, permitto Lectori judicandum.  
 Ejus namque irreverentia est apertissima. Nec est totius Africanæ  
 Ecclesiæ aut Synodi, sed paucorum cum Primate Aurelio Episco-  
 porum, inter quos certum est nec sanctum Augustinum fuisse, nec  
 sanctum Alipium, nec sanctum Possidium, nec ullum Augustini  
 Discipulum aut Fidelem. Est imperita ac prævaricatoria. Quid  
 enim imperitius, quàm credere & scribere, quod quintus Nicænus  
 Canon sanciat pro damnatis & appellantibus Episcopis? Et sibi  
 ipsi non cohæret. Etenim damnatos à suæ Provinciæ Synodo  
 Episcopos profretur posse provocare ad Synodum Diocesanos. Quid-  
 ni igitur & ad Romanum Pontificem? Etenim Canon palam agit  
 de Provinciæ Synodo, ideoque vel utramque provocationem in-  
 terdicat, vel neutram. Quod Aurelii Successor Capreolus statim  
 ab hac prævaricatione recesserit, infra est demonstrandum.

Pergit Gallicana epistola: "Porro hæc epistola præcesserint;  
 „an secuta fuerit eam, quæ ex Synodo Africana ad Celestinum  
 „est scripta, non est ambigendi locus. Causa Fussalensis jam sub  
 Bonifacio

„Bonifacio incepta, immò finita fuerat, unumquè id restabat, ut  
 „Bonifacii sententia executioni mandaretur, ut hinc ad Celestinum  
 „initio statim sui Pontificatus scribendum fuerit: Et sanè id fecit  
 „Augustinus, quippè qui Celestino pacificum ingressum gratule-  
 „tur. Nihil simile in illa Concilii epistola, neque ullum verbum  
 „de promotione Celestini, ut illam scriptam appareat anno qua-  
 „dringentesimo vigesimo tertio, ante eas turbas, quæ post Honorii  
 „mortem Italiam ab Africa diviserunt; hanc anno ferè quadrin-  
 „gesimo vigesimo sexto, eisdem turbis jam sedatis”.

An S. Augustini contra Anthonium Fussalensem ad S. Papam  
 Celestinum epistola prævaricatoriam Epistolam præcesserit, an se-  
 cuta fuerit, esse omninò possit ambigendi locus. Adductam ta-  
 men, quæ præcessisse suadet, rationem fateor non esse frivolam.  
 Accedit & alia. Etenim prævaricatoria Epistola habet hanc in-  
 scriptionem: „Domino Dilectissimo & Honorabili Fratri Celestino  
 „Aurelius, Palatinus, Anthonius”, &c. Hic est omninò Fussalensis  
 Anthonius, qui huic Epistolæ, si Augustini epistolam præcessisset,  
 nunquàm fuerat subscripturus. Quàm enim fronte per Romanam  
 Sedem reparatus non solummodò Reparatricis auctoritatem, sed  
 & ipsam sui reparationem arietasset? At verò post scriptam Au-  
 gustini epistolam, & ab ipsa impetratam factæ per Bonifacium  
 Pontificem reparationis circumductionem, aut certè suspensionem,  
 ira occupavit hominem, atque ita fecit facilem ad se de Celestino  
 vindicandum. Igitur possit S. Augustini epistola esse prior.

Addo tamen non fuisse scriptam anno istius sæculi vigesimo  
 tertio, primo Celestini Pontificis. Lucet ex his epistolæ verbis:  
 „Cætera à me quid opus est recoli, cum memoratus Venerabilis  
 „Senex”, utique Valentinus Vajanensis Episcopus, Numidiz Pri-  
 „mas, “ad tuam Sanctitatem universa retulerit”? Et ex his: “Ne-  
 „que Fussalensibus succenseo, quia iustam de me querimoniam  
 „ingerunt auribus tuis”. Item ex his: “Sanctum Senem, qui tunc  
 „Primatum Numidiz gerebat”: Proindè Augustinus non statim ad  
 novum Papam Celestinum hæc scripsit, sed priùs retulit ipse Pri-  
 mas Valentinus, ac exindè Fussalæ Populus adiunxit suas contra  
 Augustinum querimonias. Nec ille tunc statim se movit, sed  
 interim Primas ad meliorem vitam transit, & tunc tandem sanctus  
 Augustinus scripsit, suum in Anthonio opus studens apud Papam  
 expurgare. Quæ omnia videntur non potuisse contingere intra  
 unum

unum ac eundem annum. Nec refert quod Augustinus Celestinus adgratuletur Pontificatum. Hoc enim fecit non propter hujus tunc decurrens initium, sed quod hæc esset ejus prima ad Pontificem Epistola. Notanda sunt ejus verba: "Judicia quippè illis, & publicas Potestates, & militares impetus, tanquam executuros Apostolicæ Sedis sententiam, sive ipse, sive rumores creberri mi comminantur". Fortissimè suadent Africam tunc non fuisse divisam ab Italia. Divisionis enim turbidum tempus non permisisset istiusmodi executionem. Epistola igitur videtur scripta post pacatam Rem-Publicam. An antè, an post prævacatricem epistolam, ignoro. Est res parvi ponderis. Adducta à me conjectura suaderet fuisse priorem.

Rursum Gallicana Epistola: "Quod de Anthonio Fussalensi certum est, id faciliè de Prisco, Victore, Laurentio potest æstimari, hos nempe post annum quadringentesimum decimum octavum Romam provocasse. Immo id de Laurentio certum est, si is est Icositanus ille, qd Concilio anni quadringentesimi noni Cæsariensis Provinciæ Legatus adfuit. Neque enim nisi integro atque inculpato Legatio committeretur". Respondeo hæc deviare.

Quod Anthonius Fussalensis post decimum octavum istius sæculi annum appellaverit, est verum. Appellavit namque ad Pontificem Bonifacium, qui istius anni mense Decembri fuit evedtus in Sedem S. Petri Apostoli. At quod per istud famosum Interim appellaverit, nullo possit fulciri fundamento. Nec facit ad rem. Etenim mota circa appellationes quæstio Episcopos non attingebat, sed solos Clericos. Longè minus ostendi istud possit de Prisco, Victore, aut Laurentio, Cæsariensis Mauritanæ Episcopis. Immo clarum est ipsorum appellationes fuisse Bonifacii Pontificatu anteriores. Etenim ipsos S. Augustinus adducit non in Romanæ appellationis, sed in exempla Synodalis Judicii, quod in Anthonium tulerat Numidiæ Synodus, & à quo, tanquam contra aut præter Canones incongruo ac exotico, Anthonius provocaverat. Memorata Synodus Anthonium non degradarat, sed ei dumtaxat Episcopalem "potestatem minuerat, ne scilicet eis præesset ulterius, cum quibus sic egerat". Hanc Judicii formam ille dixit adversari Canonibus. Haud dubiè ex fundamento postmodum resumpto per vigesimum nonum Chalcedonensem Canonem: "Episcopum in Presbyteri gradum deducere est sacrilegium".

Si

„Si qua autem iusta causa illos ab Episcopali actione remover,  
 „nec Presbyteri debent locum obtinere. Sin autem ab'que ullo  
 „crimine sint dignitate moti, ad Episcopalem Dignitatem redibunt".  
 Eadem ratione Anthonius clamabat se aut ex integro degradandum,  
 aut ex integro relinquendum Episcopum. Et ratio etiam moverat  
 Pontificem Bonifacium. Et S. Augustinus etiam Celestinum ti-  
 mujt movendum. Hinc ei scripsit istam Judicii formam non esse  
 novam, sed ipsius existere & recentia & antiqua exempla apud  
 Africanam Ecclesiam, immò & apud Romanam, quæ talia Afro-  
 rum Judicia non solummodò confirmaverat, sed ipsa etiam Judi-  
 carat. Et ex sola Cæsarænsis Mauritanix Provincia adducit tria  
 recentia exempla. Adducit ad purgandum & firmandum suæ  
 Provinciæ de Anthonio Judicium. Hinc adduxit alienæ Provin-  
 ciæ exempla. Quo scilicet demonstraret non in sola Numidiâ,  
 sed in omni Africana Diocesi istam formam semper viguisse. Proin-  
 de clarum est, quod ista exempla non solum Anthonii appellatio-  
 nem præcesserint, sed etiam datum de ipso Africanum Judicium.

Quæ omnia quàm maximè locum habent in isto nescio quo  
 Laurentio. Certum est ipsum non esse Icositanum Episcopum,  
 qui decimo nono istius sæculi anno fuit ad Carthaginensem Syno-  
 dum Legatus Cæsarænsis Mauritanix. Lucet ex ipsis, quam hic  
 discutimus. epistolæ verbis: "Nequè enim nisi integro atque in-  
 „culpato Legatio committeretur". At verò memoratus ab Au-  
 gustino Laurentius fuit percussus Synodali mutilatione ac vulnere,  
 ex quibus juxtà Anthonii regulam clamare poterat: "Aut in Ca-  
 „thedra, cui ordinatus sum, sedere debui, aut Episcopus esse non  
 „debui". Hæc poena illum fecit non esse integrum Episcopum.  
 Et fuit ipsi perpetua. Quapropter illi Legatio committi non po-  
 tuit, ideoque est omnino aliud à Laurentio Icositano. Hæc om-  
 nia igitur exempla sunt palam anteriora etiam Africano in Antho-  
 nium Judicio. Adducuntur ut demonstrent istud non fuisse he-  
 troclyton, sed omnino processisse juxta mores ac regulas non Afri-  
 canæ dumtaxat Ecclesiæ, sed etiam Romanæ.

Audiamus prosequentem epistolam: "Instabunt fortè Adversarii,  
 „ponere Augustinum, fuisse & alia remotissima provocacionum exem-  
 „pla. Quæ cum nulla sint, inquit, falsò hæc epistola Augu-  
 „stino tribuitur. Movit & aliquos ingeniosos hæc objectio. Quam-  
 „quàm cum Augustinus se remoti tradidit exempla non requirere,

K k k k

quis

„quis ex hac locutione cum tunc aliqua ejusmodi exempla vidisse  
 „rectè concludat ? Immo sibi requirenda fuisse testatur, si pro-  
 „ferre velit, ut faciliè videas nulla tunc ei occurrisse. Quis porro  
 „cum tunc de Africa tantum cogitasse probet, ac non etiam de  
 „Suburbicariis Provinciis, quæ Romanæ Sedi ut Metropoli sub-  
 „jacebant, aut de Illyricianis, quas jam inde à Damaso ad suam  
 „peculiarem curam trahere nitebantur. Verum nequè illud for-  
 „tasè satis certum, nullas olim in Africa ad Romanos Pontifices  
 „appellationes fuisse. Vetabat id Africana disciplina. Certè. Sed  
 „qui tam sancti Canones, quos non aliquandò malorum au-  
 „dacia perumpat ? Fecit hoc, nec semel, miserabilis Presbyter,  
 „cum id nunquam Presbyteris licere voluerint Africani, etiam cum  
 „Episcopis licuit. Cur non fuerint & Episcopi, etiam cum non  
 „licebat ? Nequè enim his appellationibus, si quæ fuerunt, Afri-  
 „canam Ecclesiam consensisse, ex ullis Augustini verbis cli-  
 „cias”.

Respondeo hic commiseri errores. Primus est, quod sanctus  
 Augustinus ista tria Cæsariensis Mauritanæ exempla adducat ad  
 firmandas Romanas Afrorum appellationes. Romanas Episcopopo-  
 rum appellationes in hac epistola omninò profitetur & firmat,  
 attamen in istum finem non adducit exempla. Adducit ad pur-  
 gandum & firmandum suæ Provinciæ de Anthonio judicium. Ad-  
 jungit Priscum, Victorem, ac Laurentium appellasse Romam :  
 Non tamen ut Romanæ Ecclesiæ autoritatem, sed ut stabiliat  
 judicium suæ Provinciæ. Affirmat simile Africanum de istis tri-  
 bus judicium fuisse Romæ discussum, probatum, & confirmatum.

Secundus error est, quod sanctus Augustinus nulla similium  
 judiciorum ac appellationum noverit antiqua exempla. Ejus quippè  
 verba lucidè & altè clamant ipsum omninò novisse : “Quæ ut  
 „à nostris temporibus remotissima non requiram, recentia memo-  
 „rabo”. Verbum, “Requiram”, non importat ignorantiam aut  
 memoriæ lapsum, sed præteritionem ac neglectum, hoc sensu :  
 “Nolim antiqua adducere”. Adducta exempla non sunt qualif-  
 icumquæ appellationis, sed sunt exempla appellationis à tali judicio,  
 quale fuerat latum in Fussalensem Anthonium. Et erant talia  
 plura : Vetusta ac recentia. Quare constat qualiumcumque appel-  
 lationum exempla fuisse plurima.

Tertius error est, quod sanctus Augustinus, antiqua & re-  
 centia

centia similium appellationum exempla laudans, non ad solam Africam respexerit, sed etiam ad Suburbicarias Provincias, quæ Romanæ Sedi subiacebant ut Metropoli. Nempè Scriptor iste censet Romanas appellationes olim licuisse solis Suburbicariis Provinciis. Prævaricatur manifestam veritatem, ac semetipsum evertit. Veritatem adco prævaricatur, ut Eusebianæ Factionis, scelerati Photii, ac turbulenti Michaelis Cerularii transcendat errorem. Hi enim non solis Suburbicariis, sed cunctis Occidentalis Imperii Provinciis permittebant Romanum Refugium. Porro Scriptor iste evertit semetipsum, quia non de Clericorum, sed hic agimus de solis Episcoporum appellationibus. quas iste in Provinciis illis & profiteur, & palàm evertit. Etenim Suburbicariarum Provinciarum Episcopi, quoniam tunc Romanæ Sedi subiacebant ut Metropoli, nullum Metropolitam, nullam habebant Provincialem Synodum, nisi in Urbe Romana. Proinde à nullo in prima instantia, nisi à Pontifice ac ejus Synodo, damnari poterant, idè quæ ad ipsum non poterant provocare. Soli Clerici poterant damnari à suis Episcopis, idè quæ & refugere ad Romanam Sedem.

Error quartus est, quod sanctus Augustinus forsitán cogitarit etiam de Illyricianis Provinciis, quas Romani Pontifices jam indè à Damaso ad suam peculiarem curam nitebantur trahere. Omnes Orthodoxi averfamur Imperatorem Leonem Isaurum, non solummodò ob sacrarum Imaginum blasphemam proscriptionem, sed etiam propter cunctas Illyricianæ Diocesis Provincias violenter ereptas Romano Patriarchatui, & transcriptas in Constantinopolitanum. Omnes clamamus ipsum fuisse everforem Apostolici Canonis. At ecce hic Scriptor ipsum expurgat. Affirmat istas Provincias non ex Apostolico Canone, sed ex Damasi Pontificis nisu ac tractu spectare ad Romanum Patriarchatum, idè quæ Apostolicos Canones per Leonem non fuisset velos, sed potiùs, saltem quoad istarum Provinciarum subtractionem, restitutos. Proinde sanctus Damasus istas Provincias nequaquam ad suam Sedem trahere, sed cœpit in ipsis instituere Apostolicum Vicarium. Istarum Provinciarum Episcopi cœperunt Constantinopolitanas frequentare Synodos, & ipsas potiùs, quàm Romam respicere. Quare Damasus non sine fundamento timuit ipsarum à sua Sede divortium. Hinc ad istud præcavendum illic posuit Apostolicum Vicarium. Has vices dedit Thessalonicensi Episcopo. Hic enim præsertim à

Græcis invitabatur ac pelliciebatur ad istas Synodos. Ipsum Damasus censuit hoc beneficio obligandum suæ Sedi.

Quintus error est, quod Africani Episcopi Romam appellaverint, sed prævaricatoriè contra disciplinam & consuetudinem suæ Gentis. Quod prævaricatoriè attentaverint, non minùs quàm Presbyter Apiarius. Romanæ Afrorum Antistitum appellationes sunt adèò notæ omnibus, ut ipse etiam hic Scriptor erubescat inficiari. Nihilominùs, ut in sui sensus pravitate persistat, adjungit fuisse prævaricatorias. Audi fundamentum: "Neque enim his appellationibus, si quæ fuerunt, Africanam Ecclesiam consensisse, ex illis Augustini verbis elicias". Respondeo consensum istum ex Augustini verbis non solummodò per conjecturas aut consequentias elici, sed ab ipsis lucidissimè asseri. Etiam à verbis sancti Cypriani, & aliorum testium irrefragabilium. Verba adduxi superiùs. Unica, quoniam insolita, Apiarii Presbyteri Romana appellatio fecit horribilissimos motus per totam Africam; at verò contra appellantes Episcopos, quos omninò fuisse merito fatetur hic Scriptor, nullus unquam fuit obex, nulla contradictio, nulla intercessio. Nempe Africani mores hæc refugia probabant & permittebant.

Redeamus ad Gallicanam epistolam: "Nihil ergò, quantum arbitror, ex appellationum disciplina concludent unquam contra epistolam, quam tuemur. Quidquid porrò aliundè proferunt, audeo dicere, leve est, nihil est, unum si excipias, quod prima fronte validum, mox diligentius intuentibus evanidum, & inutile suæ causæ, immò nostræ proficuum apparebit. Afferunt enim alteram Augustini ad Quod-vult-Deus epistolam, ubi Fussalensem Presbyterum commendans inquit: "Non possumus necessitates hominum ejusmodi deferere, quin charitate Christi ad curam pertinent nostram. Ergò inquit, si extraneis Augustini diebus, anno scè quadragesimo vigesimo nono, tunc enim hæc epistola scripta est, adhuc ad ejus curam Fussalenses pertinebant, nondùm proprium Episcopum habere cœperant: Ergò, ducentesima sexagesima prima epistola, quæ jam ante Celestini initia Fussalensem Episcopum ponit, falsa omninò est & expuenda".

"Huic difficultati nos aliam opponimus. Si anno quadragesimo vigesimo nono nondùm Fussala habuit Episcopum, habebat autem certè anno quadragesimo octogesimo quarto, quando, quæso te, habere cœpit? An inter Wandalorum bella  
& sævi-

„& sævitias, cum Catholicis vix antiquos Episcopatus obtinere  
 „liceret, hic novus institutus est? Vix erit cui id probes. Unde  
 „ergo hæ tenebræ lucem accipient? Ex ipsa nempe ducentesima  
 „sexagesima prima epistola. Ibi enim sic in Anthonium Fussalensem  
 „judicatum habemus”, ut potestate minutâ Fussalensibus non præses-  
 „deret, honorem tamen integrum, salvumque Episcopatum servaret,  
 „sederet etiam in sua Cathedra, locaque illa eidem dimissa. atque  
 „permissa sunt, in quibus & prius Episcopus erat, ne in aliena Ca-  
 „thedra contra Statuta Patrum translatus illicite diceretur. Hæc  
 „Augustini verba. ”Ex quibus id facile eruas Anthonium Fussalæ  
 „ut Episcopum remansisse, omni tamen jurisdictione ablata. Quis  
 „ergo hanc Ecclesiam gubernabat? Non enim potuit alius ibi  
 „Episcopus ordinari, ne duo in una Cathedra sederent. Neque id  
 „temporis disciplina patiebatur, ut sub Presbyterorum regimine,  
 „quot annis vixisset Anthonius, remaneret. Nihil ergo promptius,  
 „nihil plausibilis, quàm ut ad antiqui Episcopi curam rediret,  
 „præsertim cum is esset omnibus amatus Augustinus. Hoc ergo,  
 „quod fieri debuisset ex antiqua disciplina conjiciebamus, re ipsâ  
 „factum fuisse hic Augustini locus ad Quod-vult-Deus nos docuit.  
 „Neque id tantum, sed & quod ad epistolam ducentesimam sexage-  
 „simam primam maximè pertinet, non obtinuisse Anthonium, ut  
 „sux Sedi gubernandæ restitueretur. Potuit id efficere ratio tem-  
 „porum, quæ omnino ab anno quadringentesimo vigesimo tertio,  
 „si quadringentesimum vigesimum sextum excipias, bellis fuerunt  
 „internis externisque turbata, ut Celestinus huic negotio instare  
 „nequiverit. Potuit hoc Africanorum contra Transinarinos appel-  
 „lationes obstinata mens. Sed melius id Augustini rationibus præ-  
 „cibusque tribuitur, quibus evictus Pontifex ab Anthonio defen-  
 „dendo abstinuerit. Neque id mirum, cum tam sanctâ, tam piâ,  
 „tam humili, tam forti, tam Augustino dignâ epistolâ motum  
 „fuisse, maluisseque Augustinum servare Episcopatu, quàm An-  
 „thonium. Certè nullam offensionem in ejus animo contra Augu-  
 „stinum resedisse constat, cum eum tam magnificè in Semi-Pe-  
 „ligianorum causâ deprædicet”.

Respondeo de hoc Scriptore posse dici: ”Adhuc modicum lu-  
 „men in vobis est. Ambulate dum lucem habetis, ut non vos  
 „tenebræ comprehendant”. Licet Romanas appellationes oderit,  
 „propter ipsas tamen à nescio quibus turbidis ingeniis invasam sancti



Augustini epistolam videt esse per omnia legitimam & authenticam, ideoque erubescit proscribere. Etiam rectè ostendit Fussalensem Episcopatum fuisse erectum à S. Augustino. Porro locus in Augustiniana ad Quod vult Deus, Carthagenensis Ecclesiæ tunc Diaconum, epistola locus sic habet: "Cum mihi hæc scribendi, offerretur occasio per Fussalensem Presbyterum, quem commendando", &c. Et infra: "Commendo iterum Perlatorem, & negotium propter quod eò perrexit. Non enim possumus necessitates hominum ejusmodi deserere, qui nostri non Coloni, sed quod majus est fratres sunt, & in charitate Christi ad curam pertinent nostram". Quæstio est, Quomodo S. Augustinus Fussalensis Ecclesiæ, si proprium tunc habebat Episcopum, Presbyterum scribat ad suam curam spectare? Præsens Scriptor conglomerat varia S. Augustini de Anthonio, ac de dato in ipsum Judicio verba, & ex ipsis concludit: "Hæc Augustini verba. Ex quibus id facile eruas Anthonium Fussalæ ut Episcopum remansisse, omni tamen Jurisdictione ablatâ. Quis ergo hanc Ecclesiam gubernabat? Nihil promptius, quàm ut ad antiqui Episcopi curam rediret". Errat. In duobus. Primò in ipsis verbis. Ea alterat, addit, transmutat. Nescio quo privilegio. Sanctus Augustinus sic habet: "Sententias nostras sic temperavimus, ut salvo Episcopatu non tamen omnino impunita relinquerentur, quæ non deberent. Honorem itaque integrum servavimus Juveni corrigendo, sed corripiendo minuius potestatem: Ne scilicet eis præesset ulterius, cum quibus sic egerat". Et infra: "Propter hoc loca illa eidem dimissa atque permessa sunt, in quibus & prius Episcopus erat, ne in aliena Cathedra contra Statuta Patrum translatus illicite, diceretur". Anthonius igitur non fuit privatus omni Jurisdictione, sed aliquâ ejus portione dumtaxat truncatus. Permanxit verus Episcopus, non vanum ac inane simulacrum Episcopalis nominis. Nam postmodò subscripsit Synodalibus ad S. Celestinum Pontificem Actis & literis, & in istius Synodi confesso habuit suæ Ordinationis locum. Quæ omnia non potuisset omni Episcopali Jurisdictione exurus. Ei dumtaxat fuit diminuta. Nec quoad formam & substantiam, sed solummodò quoad materiam & loca. Omnino perseveravit præesse Fussalensibus. Quomodo aliàs fuisset Fussalensis Episcopus? Rem exponunt laudata Augustini verba: "Honorem integrum servavimus, sed minuius potestatem, ne scilicet

„cet eis præflet ulterius, cum quibus sic egerat“. Non omnis Diœcesis potestate ejus fuit subtracta, sed ista tantummodò loca, in quæ Tyrannum egerat. Loca reliqua sunt illi dimissa atque permilla, & isto modo mansit in sua Cathedra, & non fuit translatus. Priora loca possint rediisse ad curam S. Augustini, ac apud ipsum, & ejus Successorem Eradium, quoad Anthonius vixit, permansisse. Etenim Celestinus, licet Bonifacii pro Anthonio Judicium non circumdlexerit, tamen propter S. Augustini rationes & preces non misit in executionem, atque ita Synodalis Numidarum Antistitum in istum sententia perstitit in concussa in suo robore. Et memoratus Presbyter possit fuisse ex subtractis Anthonio locis.

Aliud fundamentum, ex quo iste Presbyter, cujuscumque loci fuerit, adhuc spectaret ad S. Augustini curam & potestatem, nobis suggerunt Eunomius Nicomediensis & Anastasius Nicenus Episcopus, in Chalcedonensi Synodo disceptantes de Metropolitica potestate per Bithyniæ Provinciam, ac præsertim de potestate super Ecclesiam Basilonopolitanam, extractam ex Nicæna Ecclesia, & per hujus Episcopum erecta in Cathedralem. Eunomio alleganti, quod Anastasius Basilonopolis Clericos excommunicasset, atque ita contra Canones invasisset alienam potestatem, hic constanter reposuit: „Ostendat quia Basilonopolis sub ipso est, & quia ego Clerici Action. 13  
„cos Ecclesiæ suæ excommunicatos effeci. Hæc duo probet. Ego  
„autem ostendam Basilonopolim sub Nicæa semper fuisse. Nam Regio ejus fuit. Id novit Curia. Et dicat Curia, sub quo fuit Basilonopolis, si non fuit Regio Nicææ. Sicut Tattaius & Doris Regionēs sunt sub Nicæa, sic fuit antehac Basilonopolis sub Nicæa. Cum prius fuisset Regio, postea Civitas effecta est. Ex illo perspicuum est ab Episcopo Nicæno ibidem Episcopum fuisse ordinatum: Et semel & secundo. Et sunt epistolæ beati Joannis Episcopi Constantinopolitani ad Nicænum Episcopum, ut iret & emendaret Ecclesiam, tamquam subimet competentem“. Affirmat Nicæno Episcopo super novam Basilonopolis Ecclesiam remansisse duplicem potestatem: Uti matri super filiam. Nam & Parentes etiam in emancipatos filios semper retinent aliquid auctoritatis. Affirmat remansisse Ordinationem Episcopi, & ipsius Ecclesiæ visitationem & correctionem. Ecclesiam mansisse adhuc illi competentem. Ex eodem principio Nundinarius Batchinensis.

nenſis Episcopuſ, in nescioquo ſuæ Diceceſis municipio novum Episcopatuſ inſtituens, primum ejus Episcopuſ Irenæuſ conſecravit, & ejus Succeſſores perrexerunt idem juſ prætere. Ita habes in Tarraconenſis Provinciæ relatione ad ſanctuſ Papam Hilaruſ. Quod etiam ſanctuſ Remigiuſ in Laudunenſem Eccleſiaſ, quam è ſua Rhemenſi diſmembrat, ſingulare juſ habuerit, & ad ſuoſ Succeſſoreſ tranſmiſerit, reſtatut & urget in famoſa adverſuſ Hincmaruſ Laudunenſem Antiſtiteſ epiſtola Hincmaruſ Metropolitæ Rhemenſis. Eadem de cauſſa Roſſenſis Episcopuſ ſemper fuit qualiſ Capellanuſ Archi Episcopuſ Cantuarienſis. Ex eadem forſitan Regula Eulebiuſ Ancyranuſ Episcopuſ, primæ Galathiæ Metropolitæ, in Chalcedonenſi Synodo aſſeruit atque monſtravit ad te ac ſuam Sedem ſemper ſpectaſſe conſecrationem Gangrenſis Episcopuſ, Metropolitæ per Paphlagoniaſ. Quod nempe Gangrenſis Eccleſiaſ, non quidem ex Anzyræ Parochiaſ, ſed tamen ex ejus Provincia duxiſſet originem. Eadem igitur de cauſſa ſanctuſ Auguſtinuſ aliquid poteſtatiſ retinuit ſupra Fuſſalenteſ Eccleſiaſ. Hinc dixit iſtuſ Preſbyteruſ ad ſuam curam pertinere. Ex hiſ ſpero eſſe maniſeſtuſ, quod omnia hæc contra laudatam ſancti Auguſtini epiſtolam, & in ipſa aſſertuſ Africanoruſ Antiſtituſ Romanuſ appellationeſ excogitata atque adducta argumenta ſint vana ac inania commenta.



## CAPUT XXIV.

*Discutiuntur novissima quorundam ad laudatam  
sancti Augustini Epistolam Scholia.*



Nil tristius aut acerbius est, quam pretiosum ac irrevocabile tempus in lucidas res expendere. Attamen cuncti immensas gratias debemus Divinæ Providentiæ, quæ dignatur etiam per tale opus exercere nostram patientiam. Novissimi Augustinianarum epistolarum vulgatores & Scholiastæ sua ad laudatam epistolam Scholia concludunt in hæc verba: "Notata hæc sint ad conciliandam fidem huic, epistolæ, quam Eruditis nonnullis in suspicionem venisse intelligimus". Respondeo duo in hisce verbis displicere. Primum est, quod de legitimis ac authenticis epistolæ natalibus quasi dubitent; quod intrepidè non asserant esse veraciter ac lucidè Augustinianam. Nempe verentur quosdam suæ gentis Eruditos: Hoc est, quædam Sacra hujus sæculi ingenia, quorum unicus scopus est sacrosanctam Christianæ Religionis Monarchiam circumscribere. Eximie Religionis ac Eruditionis viros oportebat imitari istam ipsam sancti Augustini epistolam. Sanctus enim Augustinus per ipsam recessit à devio sui dilectissimi Primatis judicio, malens manum aut oculum perdere, quàm lædere dignitatem Sancti Petri Apostoli. Secundum est, quod per ista sua notata sperent epistolæ, licet non firma fulcimenta, tamen aliquam fidem conciliare, atque ita suaviter sopire illorum, quos Eruditos vocant, suspicionem. Etiam notata sunt devia, & aptissima ad istis suspicionibus danda fomenta.

Ad hæc enim epistolæ verba, "Ut à nostris temporibus remotissima non requiram, recentia memorabo", dant hanc notam: "Adrem sufficere potuissent superiorum temporum exempla, etiam extra Africam quæsitâ. Sed præsentissima habebat ea quæ profert. Sinimirum, quod verisimile est, Episcopi illi, ut ipse quoque Anthonius, Apiarii & resbyteri Facto incitati confugerant pariter ad Romanum Antistitem, ut ejus autoritate in integrum restitue-

„rentur“. Errores varii. Primus est, quod sanctus Augustinus in istis verbis respexerit non ad sola suæ Africanæ Ecclesiæ, sed etiam ad aliarum Gentium superiora exempla. Etenim nequaquam de communi Romanæ appellationis jure, sed palam agit de certa dumtaxat judicandi ac puniendi forma, quæ criminolum Episcopum non degradabat, sed solummodo intra certas potestatis metas circumscribebat, præsertim quæ illi claudebat aditum ad ascendendum in Primatum Provinciæ. Quæ forma tunc in nulla Romani Imperii Gente viguit, nisi in sola Africa. Augustinus affirmat istiusmodi sententias fuisse in Africa semper usitatas, ac etiam per Romanam Ecclesiam, dum per appellationem deferbantur ad ipsam, fuisse frequenter confirmatas. Esse plurima Romanæ istiusmodi confirmationis exempla: Et remotissima, & recentia. Et ita affirmat etiam esse tot exempla Romanæ appellationis ex Africa. Et hoc isti Scholiastæ non dissentunt. Etenim ipsorum verba, „Etiam extra Africam“, palam profitentur similia exempla etiam intra Africam fuisse.

Secundus error est, quod ista tria, quæ sanctus Augustinus dicit recentia, Romanæ appellationis exempla fuerint præsentissima, ac Apiarii Presbyteri appellatione posteriora. Etenim in rerum ac Factorum eventibus aliud est recens, aliud præsens: Recens est omnino species præteriti. Proinde ista Romam appellata, & per Apostolicam Sedem confirmata judicia erant tunc peracta, & pacificè deducta in rem judicatam. Attamen sanctus Augustinus merito dicit fuisse tunc recentia. Etenim & Priscus, & Victor, & Laurentius videntur tunc adhuc vixisse. Hoc innuunt voces: „Clamet Priscus Provinciæ Cæsariensis Episcopus, Clamet Victor Episcopus, Clamet Laurentius, & prorsus hujusmodi vocibus clamet“. Etenim de mortuis commodius fuisset dictum: „Potuisset clamare“, &c. Et istud ipsum suadent hæc de Victore verba: „Nusquam, nisi in Diœcesi ejus ab alio communicatur Episcopo“. Est tamen res ambigua. Esse possit figurata locutio.

Tertius error est, quod isti tres Episcopi, ac item Fussalensis Anthonius Romam appellaverint ex imitatione Apiarii Presbyteri. Affirmat nullum Afrum ante Apiarium provocasse ad Apostolicam Sedem. Est miserandus error. Etenim quis unquam scripsit aut legit istam Apiarii imitationem? Quod illius testimonium, aut memoria? Quæ sine fundamento finguntur ex arbitrio, sunt indigna

digna refuratu. Et dum Privatus Lambesitanus Episcopus, dum Carthaginensium Pseudo-Episcopus Fortunatus, dum nescio cujus civitatis Episcopus Novatus, dum alii plures, quorum exempla sanctus Augustinus affirmat fuisse à suis temporibus remotissima, Romam provocaverunt, ubi tunc erat Apiarius? Nempè isti non Presbyteri aut Diaconi, sed erant, aut esse prætendebant, piscopi, quos semper suo jure potuisse Romam appellare audivimus supra ab ipso Augustino. Et suo illos jure Romana Ecclesia audiebat ac judicabat. Et rursùm repeto quæstionem, quam istic Augustinus agit, non fuisse de appellandi jure, sed de quadam Africanâ judicandi Episcopi formâ, quæ cadere non poterat in Presbyterum, aut alium Clericum: Atque ita vanum istic atque inutile fuit exemplum Apiarii. Quin immò Apiarius possit ex istorum trium, ad suam Gentem spectantium, Episcoporum imitatione attentasse. Possit cogitasse, quod Christus Dominus non pro solis Episcopis, sed etiam pro Clericis dixerit ad sanctum Petrum: "Confirma, Fratres tuos". Et sic tentasse apud Zozimum Pontificem, ac sperasse successum. Etenim omnia ista tria exempla Apiarius possit in propria Gente vidisse propriis oculis. Quidquid sit, indubitatum est, quod istorum trium Episcoporum appellatio fuerit Apiarii appellatione anterior, ideoque else non potuerit ipsius imitationem. Etenim hujus appellatio tunc adhuc pendebat sub gravissimis contentionibus, istorum autem appellatio erat tunc decisa, pacifica, res judicata.

Scholiastæ pergunt, & ad hæc sancti Augustini verba, "Tamquam executuros Apostolicæ Sedis sententiam", scribunt: "Hæc, idcirco spargebantur in vulgus, quod Africani Patres per id tempus, deliberationem habuissent non semel adversum appellationes, Episcoporum Africæ ad Romanam Sedem". Errores duo. Primus est, quod Africani Patres tunc non semel deliberassent adversum Romanas appellationes Episcoporum. Etenim nulla ipsorum de hac re reperitur deliberatio, nisi unica, relata ad Celestinum Pontificem. Secundæ nulla est memoria, nullum vestigium. Omnes aliæ deliberationes ac Synodi fuerunt de solis Clericorum appellationibus. Præfatæ Synodi etiam de Sardicensi circa appellantes Episcopos servandâ formâ disceptarunt, nulla tamen invasit aut tentavit substantiam istius refugii. Et an ista relatio hanc S. Augustini epistolam præcesserit, est valde dubium. Demus præcessisse.

fuisse. Exindè manifestum fit, quod S. Augustinus se ab Aurelii lapsu retraxerit, & nec avitam Africanæ Ecclesiæ disciplinam, nec Divina Sancti Petri privilegia voluerit tangere, longè minus vulnere.

Secundus error est, quod ista Apostolici iudicii apud Afros militaris executio originem duxerit ex lite circa Romanam appellationem Apiarum. Ejus exordium demonstrat in tertii sui libri exordio S. Optatus Milevitanus. Demonstrat Ecclesiam ad compescendas Donatistarum violentias fuisse compulsum, ut adjutorium postularet à Principe. Non sola Romana, sed & ipsa Africana Ecclesia. Nam & hæc istud adjutorium, quod sanctus Papa Damasus contra turbidissimam Ursicini Anti-Papæ Factionem obtinuit ab Imperatore Gratiano, impetravit ad se extendi. Extensionis diploma existat in appendice Theodosiani Codicis. Afrorum ingenium fuit ex naturâ turbidum & contumax. Hinc Romana Ecclesia non dumtaxat ad hæreticos, sed etiam ad Orthodoxos illic quandoque compescendos, aut cogendos ad officium debuit uti isto auxilio. Et hujus usum forsitan isto tempore ampliavit Aurelii contra Romanas appellationes recalcitratio. Celestinus, aut certè Antecessor Bonifacius videtur ipso voluisse uti ad suo gradui & loco reponendum Apiarum. Ex hoc metu processisse possit deprecatio, quam devix suæ ad Sanctum Celestinum epistolæ Aurelius subnexuit.

De executione, quam adversum Fussalenses etiam S. Augustinus fuit deprecatus, Scholiastæ pergunt: "Cæterum Celestinus nihil tale est molitus, quale vergebatur Augustinus. Siquidem Anthonio reddita nunquam apparet Ecclesiæ Fussalensis administratio, quam in se receptam Augustinus gerebat adhuc sub vitæ finem, uti intelligitur ex epistolâ ad Quodvult-Deum, in qua Fussalensem Presbyterum ipsi commendat, eumque ad suam curam pertinere significat. At vitâ functo Anthonio successum alium fuisse, par est credere. Certè in notitia Africa censetur inter Numidas Episcopos Melior Fussalensis". Plures iterum errores. Primus est, Quod Antonius fuerit degradatus, aut certè perpetuò suspensus ab omni administratione suæ Ecclesiæ. Etenim longè aliud scribit in hac ipsa epistolâ S. Augustinus: "Antonius, clamat, aut in mea Cathedra sedere debui, aut Episcopus esse, non debui. Quasi nunc sedeat, nisi in sua. Propter hoc enim loca

„loca illa eidem dimissa sunt atque permiffa, in quibus & prius „Epifcopus erat, ne in aliena Cathedra contra Statuta Patrum „translati illicitè diceretur“. Affirmat plura. Primò quod Anthonius omninò permanferit Epifcopus. Secundò, Quod quædam Fuffalenfis Diocefeos loca fuerint illi per Synodalem fententiam permiffa atque dimiffa, quædam fublata. Sublata fuerunt illa, in quibus præfertim patrarat fua facinora atque flagitia. Tertiò, quod iftic permanferit fedens in Cathedra, hoc eft, habens atque exercens omnem Epifcopalem functionem. Quartò, quod cuncta ejus pœna fuerit quorundam locorum fubtractio, adeoque fimilis fuerit illi, quæ non ita pridem fuerat inflicta Prifco, Victori, ac Laurentio, Epifcopis Cæfarænfis Mauritaniz. Et hinc inter Epifcopos, qui deviz Aurelii Synodo adfuerunt, & qui infelicibus ejus ad fandum Celeftinum litteris fubfcripferunt, fuit etiam ifte Anthonius. Proindè erat adminiftrans Epifcopus.

Ex his fequitur ac patet fecundus error, quod Fuffalenfis Ecclefiz cuncta adminiftratio redierit ad S. Auguftinum. Tertius eft, quod iftam adminiftrationem S. Auguftinus ufquè ad vizæ finem geffit. Quartus eft, quod hoc intelligatur ex ejus epiftola ad Quod-vult-Deus, tunc Diaconum, postmodò Epifcopum Carthagenenfis Ecclefiz. Etenim hæc funt epiftolæ verba: „Non poffumus neceffitate „hominum ejufmodi deferere, qui noftri Fratres funt, & in charitate „Chrifti ad curam pertinent noftram“. Notanda funt verba: „Et „in charitate Chrifti“. Edicunt Presbyterum illum, non ex Epifcopali officio, fed ex fola communi Chriftiana charitate, & Clericali communionem fpectaffe ad Auguftini curam. Et certè S. Auguftinus, fi ad ejus fpectafset curam, omninò fcripiffet: „Per Presbyterum noftrum“. Vox, Fuffalenfem, fortiter infinuat fuiſſe alienum. Etiam ad fandum Celeftinum Beatus Auguftinus fcripfit de Fuffalenfis Ecclefia: „Fuffala dicitur Territorio Hipponenfi vicinum Caſtellum. Antea ibi nunquam fuit Epifcopus, fed fimul cum contigua „ſibi Regione ad Paraciam Hipponenfis Ecclefiz pertinebat“. Diſſertè affirmat olim pertinuiſſe, tunc non pertinere. Addit plura de Presbyteris, quos iftic primò Missionarios dederat, deinde Titulares ſub Antonio fecerat, aut potius faciendos Anthonio tradiderat. Erant ex Hipponenſi Ecclefia. Horum forſitan unus ex cauſis ivit Carthaginem. Hinc illi Auguftinus dedit litteras, & ipſum Amico Diacono commendavit. Alias rationes adduxi ſuperius



Quod Sardicenses de Romanis appellationibus Canones Romano Pontifici tribuant plenissimam appellatæ causæ non dumtaxat delegandæ in partibus, sed etiam ad suum Tribunal evocandæ, ac ibidem retractandæ & definiendæ potestatem, est longè certissimum. Est in superioribus per authentica testimonia ac exempla abundè & variè demonstratum. Nuperrimè tamen quis Eruditus interrogavit, quare Præses Hosius, & omnis cum illo Synodus expresse sint solam delegandi, evocandi potestatem silentio presserint? Haud dubiè enim id factum est non sine rationibus. Respondeo rationem nos doceri à sancto Athanasio, de quo apud Tyriam Synodum agente scribit Socrates:

L. 1. C. 21. "Athanasius in calumniis diluendis usus est exceptionibus, quas leges præscribunt". Et in antiquis Conciliorum Actis frequenter legimus Ecclesiastica iudicia debere secundum leges & Canones procedere: Et ex alterutro defectu proclamari irrita. Et ad Joannem, primæ Justinianæ Episcopum, scripsit magnus Gregorius: "Sententia contra leges & Canones prolata ipso non potest jure subsistere". Quare hac de re non malè scribit D. Petrus de Marca: "Indè profectum est, ut de ordine judiciorum, nihil ferè constitutum legatur ab antiquis Conciliis, quia legitimum ordinem Episcopi in judicando sequebantur. Si quid verò Canonicæ discussioni accommodatum, & à legibus omis- sum decernerent, quod eam judiciorum partem attingeret, in cæteris articulis se leges sequi profitebantur".

Lib. 2. In-  
dic. 11.  
Epist. 6.

Lib. 4.  
Cap. 20.


Porro de antiqua judiciorum forma ad omnes, quos Prætorio Præfectis dederant, Vicarios olim scripserunt Imperatores Diocletianus ac Maximianus: "Placet nobis, Præsides de his causis, in quibus, quod ipsi non possent cognoscere, antehac Pedaneos Judices dabant, notionis suæ examen adhibere, ita tamen, ut si vel propter occupationes publicas, vel propter causarum multitudinem, omnia hujusmodi negotia non potuerint cognoscere, Judices dandi habeant potestatem. Quod nos ita accipi convenit, ut in his etiam causis, in quibus solebant ex officio suo cognoscere, dandi Judices eis licentia permessa credatur. Quod usque adeò in Præsidium cognitione retinendum est, ut eorum iudicia non diminuta videantur, dum tamen & de ingenuitate, super quâ poterant etiam ante cognoscere, & de libertinitate Præsides ipsi dijudicent". Exstat lex

lex in Imperatoris Justiniani Codice, sub titulo de Judicibus. L. 3. tit. 2.  
 Pedaneis. Sancit à Provinciæ Præsidi ordinarias non nisi ex gravi  
 causa, majores autem quæstiones nullatenus posse delegari, sed  
 ab ipso met esse cognoscendas ac decidendas. Præsertim quæstio-  
 nes de libertate ac libertinitate. Et Sanctio videtur obligasse  
 ipsos etiam Prætoriorum Præfectos: Præsertim quoad causas  
 appellatas. At verò in Theodosiano Codice ad titulum de officio  
 Rectoris Provinciæ exstat adversa lex, ab Imperatore Juliano  
 scripta ad Secundum, Præfectum Orientalis Prætorii: "Quædam  
 sunt negotia, in quibus superfluum est Moderatorem expectari  
 Provinciæ, ideòque Pedaneos Judices, hoc est; qui negotia  
 humiliora disceptent, substituendi damus Præsidibus potesta-  
 tem". Vulgata Codicis editio legem adscribit Constantino:  
 At esse Juliani, validè ac lucidè demonstrat in suis ad ipsam  
 Scholiis Jacobus Gothofredus.

Et adjungit insignem Commentarium. Exponit Pedanei Ju-  
 dicis naturam & qualitates, ac pergit: "Igitur sciendum, ante  
 eam legem tria causarum genera distingui solita. Unum cau-  
 sarum humiliorum, in quibus Rectores Provinciarum Judices  
 Pedaneos dare cogebantur: Quia inferiores ex causæ videbantur,  
 quam ut ad has sese Rectores dimitterent. Secundum genus  
 erat earum, in quibus Rectores ex officio suo cognoscere de-  
 bebant ipsi, neque Judices dare poterant. Tertium, in quibus  
 pro arbitrio suo vel cognoscere ipsi, vel Judices dare poterant.  
 At enim ubi ad Diocletianum, & Maximianum, Galerium,  
 & Constantium, Tetrarchas, ventum est, à quibus instituti  
 sunt Vicarii Præfectorum Prætorio, Rectorum contra dignitas  
 accisa fuit, atque adeò imposita iis cognoscendi super omnibus  
 causis necessitas. Judiciumque dandorum facultas penitus iis  
 adempta fuit. His tantum casibus exceptis, puta propter  
 occupationes publicas, in humilioribus causis, vel propter cau-  
 sarum multitudinem. Extra hos casus Rectores Provinciarum,  
 etiam in humilioribus causis, Judices dare vetiti fuere. Verum  
 hac lege Julianus Imperator in humilioribus causis promiscuè  
 Judicium dandorum facultatem iis tribuit. Et rationem assignat:  
 Quia talia sunt negotia ista, ut in his superfluum sit Rectorem  
 Provinciæ expectari. Id est, causas illas non tanti esse mo-  
 menti, ut judicium Rectoris deposcant: Frustrà denique Re-  
 ctoris

„toris in his expeti cognitionem. Tria igitur tempora, ac proinde & jura notentur circa humiliores causas. Unum ante Diocletianum, quo de his Rectores Provinciæ cognoscere non potuerant. Secundum, quo ipsi cognoscere tenebantur, neque Judices dare poterant. Tertium ex hac lege, quo pro arbitrio suo vel cognoscere ipsi, vel Judices dare potuerunt”.

Porro Sardicense Concilium fuit inter Diocletiani ac Juliani tempora celebratum, adeoque Romanum Imperium tunc regebatur ac vivebat ista in re secundum legem Diocletiani. Et Concilium sanxit præsertim de Episcoporum degradationibus, & adversum ipsas interjectis ad Romanam Ecclesiam appellationibus, quæ sunt longè sublimiores omni quæstione circa cujuscumque libertatem aut libertinitatem. Quare non modicum, & non modicè fundatum poterat moveri dubium, an Romanorum Episcopus posset istiusmodi causas delegare. Quin per semetipsum retractare posset, devocari non poterat in controversiam. Hoc enim exigit appellationis indoles. At verò Sardicensis Synodus volebat plenam etiam delegandi potestatem, non dare, sed ab Evangelico ac Apostolico Canone datam confirmare Romanæ Cathedralis. Hinc igitur non illam, utpotè omnibus exploratissimam, sed solam hanc, quæ à cavillatoribus vexari poterat, Sardicensis Canon expressit.



## CAPUT XXV.

*Harum appellationum consuetudo demonstratur ex  
Magno Papa Leone.*



Sanctus Leo hæc scripsit ad Episcopos Cæsaræ-  
ensis Mauritanæ: "Causam quoque Lupicini  
Episcopi illic iubemus audiri, cui multum & sæ-  
pius postulanti communionem hæc ratione red-  
didimus, quoniam ad nostrum Iudicium pro-  
vocasset, immeritò eum, pendente negotio, à  
communione videbamus esse suspensum. Adje-  
ctum etiam illud est, quod huic temerè superordinatus esse co-  
gnosceatur, qui non debuit ordinari, antequam Lupicinus in præ-  
senti positus, aut confutatus, aut certè confessus justæ posset  
subjacere sententiæ, ut vacantem locum, quemadmodum disci-  
plina Ecclesiastica exigit, is qui consecratur, exciperet". Affir-  
mat varia. Primò, quod Mauritanæ Synodus Lupicinum de-  
gradasset, & ejus in Cathedram mox intrusisset alium. Secundò,  
quod Lupicinus mox provocasset ad Sedem Apostolicam, & sup-  
plicasset se reponi in Episcopalem communionem. Afferuit se spo-  
liatum contra Canones, idèdque ante omnem Retractatorii Ju-  
dicii ingressum postulavit revestiri. Et Pontifex reposuit ac reve-  
stit: "Quoniam ad ejus iudicium provocasset". Leo provoca-  
tioni adscripsit effectum suspensivum, & causam iussit retractari.  
Non apud suam Apostolicam Sedem, nec per Legatos è suo Latere  
Presbyteros, nec per alterius Provinciæ Synodum, sed per plenam  
Synodum propriæ Provinciæ Cæsaræensis. Nempe soli duodecim  
Episcopi Lupicinum damnaverant. Etiam superordinatum Episco-  
pum Leo ejecit usque ad finem Retractatorii Iudicii. Quæ omnia  
palam sanxit ex Canonibus Sardicensibus.

Paschasius Quesuellus hæc omnia gravissimè improbat. Hæc de  
Lupicino Asserta censet esse adfuturum Leoni pannum, spurium  
figmentum. Audi rationes: "Quod de Lupicini causa ibidem le-  
gitur, quam perturbatis persecutionis Africanæ temporibus & disci-  
plinæ

M m m m

ciplinæ

„ciplinæ contrarium est ? Norunt enim omnes, quantoperè ab-  
 „horrebant Africani ab appellationibus Transmarinis, qui in Con-  
 „cilio Carthaginensi, quod sextum vocant, & in epistola poste-  
 „rioris etiam Concilii ad Celestinum Papam, ignotè sibi huic dis-  
 „ciplinæ subicere se recusarunt : Cujus negotii recens adhuc erat  
 „memoria, triginta vix ab illa annis elapsis. Quid quod tunc  
 „temporis ita omnes illas Provincias bellorum tumultus aut per-  
 „secutionis ælius vastabat, ut nullus vel instruendo Episcopali Ju-  
 „dicio, vel Synodo congregandæ locus esse posset : Cum tamen  
 „Lupicini causam isthic jubere audiri Auctor epistolæ. Addo  
 „hunc Leonem nostrum non esse vel ex eo persuasum me habere,  
 „quod vir sagacissimus vel ad se traxisset causam Episcopi Ro-  
 „manum Tribunal appellantis, vel saltem aliquem è suis delegasset,  
 „qui interesset judicio, & ex ejus autoritate totum negotium  
 „cum aliis discuteret. Nec contentus esset scribere, ut illic causa  
 „audiretur, nulla vel loci, vel Iudicis, vel Legati factâ mentione”.

Errores varii. Primus est, quod ista Lupicini appellatio fuerit  
 incompatibilis cum perturbatis Africanæ Ecclesiæ temporibus. Ete-  
 nim quod isto tempore Cæsariensis ac Sitifensis Mauritania, nec  
 non Numidiæ pars, licet Barbarorum latrocinii vexarentur, per-  
 manserint sub Romano Imperio, suprâ audivimus à Victore Episco-  
 po Viienti. At verò Lupicinus erat ex Cæsariensi Mauritania.  
 Secundus error est, quod ista appellatio fuerit contraria moribus  
 Africanis ac disciplinæ : Quod Africana Ecclesia semper abhoruerit  
 à cunctis generatim ad Romanum Tribunal appellationibus. Est  
 imperitissima fabula, rideri dignior, quam refutari. Tertius error  
 est, quod isto tempore apud Afros adhuc vigeret temeritas Primatis  
 Aurelii. Etenim ista appellatio videtur facta sub Primatu sancti  
 Quod vult Deus, quem exploratum est in omnibus adhâsisse sen-  
 sibus sancti Augustini, ideoque & penitus recessisse ab istis Actis  
 Aurelii. Ejusdem mentis non dubito fuisse ejus Antecessorem, &  
 proximum Aurelii Successorem Capreolum. Proinde tunc apud  
 Afros nulla supererant istius temeritatis vestigia. Præsertim in  
 Cæsariensi Mauritania, ubi audivimus tot exempla Romanæ Ap-  
 pellationis. Quartus error est, quod sagacissimus Pontifex ap-  
 pellantis Episcopi causam debuerit evocare ad suum Tribunal,  
 aut ad ipsam transmittere Legatum, & eam nequiverit credere ei-  
 dem Synodo. Etenim ipsum evertit Leoni dilectissima Sardien-  
 sis Synodus

Synodus: Si Romanus Pontifex ejusdem Provinciæ Synodum sufficere putaverit ad rei cognitionem & appellantis Episcopi sententiam, faciet quod prudentissimo ejus consilio recte habere videbitur. Firmæ rationes sagacissimo Pontifici persuaserunt istud expedire. Dionysius Exiguus laudata S. Leonis de Lupicino verba ac Decreta constanter affirmat esse authentica. Et certè ejus fides transcendit omnem exceptionem. Istud ipsum confirmant Manuscripta exemplaria Bibliothecæ Vaticanæ, ac nostræ item Augustinianæ in hac Alma Urbe.

Bonus vir sibi ipsi non constat, nunc omnem epistolam, nunc quasdam ejus solummodò partes studet ad Apocrypha proscribere. Audiamus quid scribat de sagacissimo, immò de sanctissimo ac justissimo Papa Leone: "Certè valdè Leonis nostri solertia & ingenio consentaneum mihi videtur, ut temporis opportunitatem captaverit ad confirmandam Sedis suæ auctoritatem in Africanas Ecclesias. Nemo est qui nesciat, quotiès quantisque conatibus id tentaverint Leonis Prædecessores, quantumque Leonis ipsius ætate Bonifacius & Celestinus in eam rem laboraverint, Africanis consuetudinem Ecclesiarum suarum invictè semper propugnantibus. Expectanda tum illis fuerat opportunior occasio, quæ ut sese Leoni obtulit, eam vir cordatissimus sibi elabi non est passus. Perierat cum Africana libertate pristinus ille disciplinæ vigor, quem tum sanctus Cyprianus, tum illarum Regionum Concilia nobis exhibent. Innumere jam Ecclesiæ suis orbatæ Pastoribus & Ministris sub Wandalica gemebant Tyrannide. Ipsa omnium Africanarum Ecclesiarum Mater, totius Regionis caput, Carthago miseranda strage jacebat prostrata, suo Senatu, suo Clero, suo Pastore destituta. Carthaginensem enim Episcopum, nomine Quod-vult Deus, cum maxima Clericorum turba navibus fractis impositum, maris fluctibus committi præcepit Geizericus, quos Deus miseratione bonitatis suæ, prosperâ navigatione, Neapolim Campaniæ perducere dignatus est. Et ut nihil deesset, quod Pontificis consilium juvare posset, ad Leonis nutum Valentinianus Imperator, cujus potestate adversus Gallicanarum Ecclesiarum Primatem quàm pro suis votis usus fuerat, testatur ejusdem Imperatoris Constitutio adversus S. Hilarium Arelatensem. His ita se habentibus, præsidioque Augusti ad Leo-

„nis vota semper parato, de Africanarum Ecclesiarum rebus ad  
 „Sedis suæ notitiam & iudicium pertrahendis seridè cogitavit.  
 „Non earum quidem Regionum, quæ sub Wandali Imperio  
 „jacebant oppressæ, sed earum quæ adhuc Valentiniano pare-  
 „bant, quas inter præcipua erat Cæsarænsis Mauritania”. Scri-  
 ptor iste plura in hunc suum conatum conglomerat.

Cordatissimam sancti Leonis sagacitatem affirmat utroque oculo & cunctis aliis animæ instrumentis fuisse in hoc atten- tam, ut novam in liberas, Africanam præsertim ac Gallicanam, Ecclesias potestatem dolosè ac violenter invaderet. Optimum Leonem acculat de isto ipso invasionis crimine, de quo sanctum Liberium Pontificem acculavit ab Eusebiana Arianorum Fæctio- ne circumscriptus Imperator Constantius. Tanti Pontificis San- ctimoniam à se adorari fingit, & alio ex latere per calumnias evertit. Deploranda sunt ista in Catholicis Doctoribus, non refutanda. Et sui ipsius miserabiliter obliviscitur. Hanc Pa- palem ad Cæsarænses epistolam adscribit primo sancti Leonis anno, & adjungit Carthaginensem Ecclesiam tunc gemuisse sine Pastore; & sanctum Quod-vult-Deus à Geizerico Rege fuisse ejectum ex Africa. Hæc sanguineis lachrymis descendâ Afrorum calamitate scribit sanctum Leonem fuisse abutum ad amplianda suæ Sedis philacteria. Verùm quis ignoret hanc calamitatem dudum postea contigisse? Et quid Gallis cum Afris? Quid Gallicanæ Ecclesiæ cum Africana? Ambæ spectarunt ad Roma- num Patriarchatum; attamen in sua varia disciplina nihil ha- buerunt commune. Quod Afri sint unquam usi Gallicanis Ca- nonibus, certè non memini. Et primus Gallicanus Episcopus, quem memini usum Canonibus Africanis, est sanctus Cæsarius Arelatenensis in epistola, quâ transmissos sibi à Joanne secundo Pontifice Canones vulgavit per Galliam. Agit adversus Contu- meliosum Rejsensem Episcopum: Non adversus Romanam ejus appellationem, sed adversus ejus fictam innocentiam.

Demonstrare nititur ipsum propter hanc fuisse meritò ac le- gitimè degradatum. Et in hujus demonstrationis subsidium in- vocat Africanos Canones. Hæc sunt prima exordia, per quæ isti Canones innotuerunt Gallicanis Ecclesiis. Eisdem postmodò. Hincmarus Rhemensium Metropolita, Romanarum appellatio- num ac evocationum pertinax, ideoque & ab octava Synodo notatus

notatus atque punitus, Adversarius eisdem usurpare cœpit adversum istas appellationes. Verum adversus solas appellationes inferioris Cleri. Ità docet in literis ad sanctum Nicolaum Pontificem, in literis adversus Hincmarum Nepotem, Episcopum Laudunensem, in literis ad Adventium Metensem Episcopum, ac præsertim in literis, ex Caroli Calvi Imperatoris nomine scriptis, ad Joannem octavum Pontificem de judiciis ac appellationibus Episcoporum ac Presbyterorum. Diserte isthic proficitur omnibus sub cœlo, etiam Afrorum, Episcopis esse plenam ac liberam Romanæ appellationis facultatem, atque adjungit de Presbyteris ac aliis inferioribus Clericis: "Sacrae leges ac Regulæ Presbyteros, & cæteros inferioris gradus Clericos, non alibi, quam apud suos Episcopos præcipiant accusari, à quibus, sicut Africæ Provinciæ Canones decernunt, eorum causa debet audiri, & sicut sanctus Gregorius constituit, cum Presbyteris vel Clericis suæ Parochiæ judicari. Qui fortè si de judiciis Episcoporum suorum questi fuerint, ad quos eis sit provocandum, de appellatione Presbyterorum ac Diaconorum ad vicinos ac finitimos Episcopos, Papa Zozimus in Commonitorio per Faustinum Episcopum, & Philippum ac Alellum Presbyteros directo Carthaginensi Concilio, in Concilio Sardicensi continetur hoc modo". Africanum morem studuit traducere in Galliam. Hinc ipsum affirmat fundatum in Sardicensi Canone, ac probatum à Zozimo Pontifice, itenque à magno Gregorio. Quæ omnia an vera sint, erit aliis in locis discutiendum.

Quæ omnia Hincmarus hausit ex Canonum Codice, quem Adrianus primus Pontifex dedit Angilramno Metensi Episcopo, vel potius quem Angilramnus isti Pontifici obtulit examinandum, & confirmandum postulavit: "Prudentissimè, justissimèque Nicæna, sive Africana Decreta definierunt quæcumquæ negotia in suis locis, ubi orta fuerint, finienda. Maximè quia unicuiquæ concessum est, si judicio offensus fuerit Cognitorum, ad Concilium suæ Provinciæ, vel etiam universale provocare". Utrique ad universale Concilium Africanæ Ecclesiæ. Canon mandat isthic sisti, nec procedi vel ad Sedem Apostolicam. Quia nempe agit de inferioribus Clericis. Quod enim hic Angilramni Codex quibuscumquæ Episcopis Romanam appellationem permittat, est nimis explorandum. An Adrianus Pontifex ipsum confirmaverit &



interiori Galliae Clero avitam Romanæ appellationis aylum eleaserit, aliqui controversant. At sine fundamento. Interim Angilramnus non caruit fundamento ad postulandam istam exclusiōnem. Etenim sanctus Apostolus noster Bonifacius Franciæ Ecclesiæ Clerum invenit per omnia turpissimum. Ex inferior Clerus, uti illicet mori non potuit, ita nec statim torus sanari, aut reponi in disciplinam. Inter hujus repositionis obices erant frivolæ ad Romanam Sedem provocaciones. Et quorundam Pontificum nimia clementia. Quare istas provocaciones abscindere studuerunt & Episcopi, & Rex Carolus magnus, & ipsorum vicini Successores. Africanos hac de re Canones studuerunt introducere in Galliam. Et ut evincerent, addiderunt ipsis consonare Canones Sardicenses. Angilramni Codex asserit convenire etiam Nicenos. Nihilominus non pervenit ille ad suum scopum. Adrianus Codicem nunquam confirmavit. Inferior Galliae Clerus perrexit liberis pedibus Romam provocare & ambulare. Quapropter hinc lucet istos hodiè Gallos, qui Africanis etiam Episcopis censent Romanas appellationes nunquam licuisse, plurimum exorbitare, non dumtaxat à veritate, sed etiam à vestigiis suorum Majorum.

Duo sunt præcipua contra legitimis præsentis epistolæ natales argumenta. Primum est, quod eadem de re respondeat bis, & quidem disparata. Etenim de sacris, Barbaricæ violentiæ oppressis, ideoque Virginali Florem non animo, sed solo corpore amittentibus, Virginibus sancit: "Neque in viduarum deiciantur gradus, neque in sacrarum & perseverantium Virginum numero, censeantur". Et postmodò de iisdem scribit, ac sancit aliud: "Laudabiliores sunt in humilitate ac verecundia, si se incontaminatis non audeant comparare Virginibus". Non est credibile, quod sanctus Leo hæc simul congesserit in eandem epistolam. Aliud argumentum producit Scriptor Anonymus: "De hac Lupicini causa, vehementer instare non est animus. Non est enim omni suspitione falsi libera. Quippè cum ejus nulla mentio fiat in antiquis editionibus hujus epistolæ sancti Leonis, ut patet ex editione Conciliorum, typis Gothicis expressa, cura Theologi Parisiensis Doctoris Merlini, anno millefimo quingentesimo trigesimo quinto. Quam confirmant antiqui codices manuscripti, quibus ad novam editionem operum sancti Leonis usus est Reverendus Pater Quenellus".

Respon-

Respondeo in Augustiniana Almaz Urbis Bibliotheca existare insignem manu-scriptum codicem, in quo magni Leonis ista epistola continet sequentes articulos: De illicitis Ordinationibus, de Virginibus passis Barbaricam violentiam, ac de appellatione Lupicini. Et subiungitur hæc conclusio: "Si quæ vel aliæ emerlerint, causæ, &c.. Datum tertio idus Augusti". Ex inde sequitur, sine titulo tamen, quasi alta epistola, continens hos articulos: De Donato Novatianensi, de Aggare ac Tiberiano, & de violentè oppressis Virginibus. Adjungitur conclusio: "Cum itaque de omnibus, quæ Fratri nostri Potentii relatio continebat", &c. Igitur existimo fuisse duas epistolas: Duo Rescripta ad duas relationes. Priori de sacris Virginibus Sancito quidam abusi ipsas non quidem deiecerunt ad viduas excluderunt tamen de statione Virginum. Hinc ipsarum novæ preces, novaque ad Papam relatio: Et Leo rescripsit istas fore audabiliores, quæ tantæ fuerint humilitatis ac verecundiæ ut proprio motu se nolint incontaminatis comparari. Eas reliquit proprio iudicio: Invitas excludi vetuit à classe Virginum. Suum prius Decretum ita fuit rectissime interpretatus. Has duas Leonis epistolas quidam Antiquarii concessit in unam Res non tamen apud antiquos.

Aliud argumentum est nullius ponderis. Etenim à centum quinquaginta annis, quot quorumcumque Patrum ac aliorum Scriptorum editionibus accesserunt libri, epistolæ, additamenta, fragmenta, aliæque id genus? Et ipsa veneramus ut plene authentica. Item olim multi ejusdem Patris, immo & ejusdem libri aut epistolæ non descripserunt omnia: Alter hæc, alter ista. Hinc evenit, ut omnes antiqui Codices non habeant eadem omnia. Porro præsens sancti Leonis de Lupicino Decretum frequenter laudatur, & sua Asserta ex ipso confirmat Hincmarus Rhemenfis, atque ita demonstrat nullum de ipso fuisse dubium in Gallicana Ecclesia. Istud ipsum evincit manifestus stylus Leonis. Hæc epistola est summi ponderis. Docet, quod Romanæ Episcoporum appellationes tunc liberrimo pede ambularint in Africa. Post tantas lites. Post horrendum Aurelii Carthaginensis Episcopi, & aliquot cum ipso Collegarum errorem & Eapsum, quo etiam Africanis Episcopis voluerint omnem Romani refugii portam occludere. Factum id fuit sub Celestino Pontifice antè everfam Africanam. Quare hæc epistola docet, quod Wandalicæ captivitatis tentatio Aurelii Successoribus aperuerit oculos, persuaserit valedici tantæ cæcitati & contumacia

maciæ, ac resumî & stabiliri avitam Africanæ Ecclesiæ disciplinam & consuetudinem circa Romanas Episcoporum Appellationes, & Sardicenses Canones comprobari, ac mitti in plenam observantiam. Hæc per Excelsi dexteram facta mutatio elucidabitur inferius.

Cap. 23. Porro quia Reverendo Patri Paschasio Quæsnello placet Dionysium Exiguum, fidelissimum ac eruditissimum sacrorum Canonum Collectorem, fide & auctoritate exuere, oportet audire fidissimum ac irrefragabile Aurelii Cassiodori de ipso testimonium, scribentis in libro de Divinis lectionibus: "Fuit nostris temporibus Dionysius Monachus, natione Schyta, sed moribus omninò Romanus. Mecum Dialecticam legit, & in exemplo gloriosi Magisterii plurimos annos vitam suam Domino præstante tranlegit. ruderet me de Consorte aliquid dicere, quod in me nequeo reperire. Interveniât pro nobis, qui nobiscum orare consueverat: Ut cujus hic fuimus oratione suffulti, ejus nunc possimus meritis adjuvâri. Qui petitus à Stephano Salonitano Episcopo, ex Græcis exemplaribus Canones Ecclesiasticos moribus suis, ut erat planus, atq; disertus, magnæ eloquentiæ luce composuit: Quos hodiè uti celeberrimo Romana Ecclesia complectitur. Cujus nomini aliqua pravi homines calumniosè nituntur ingerere, unde sua videantur Errata aliquatenus excusare". Adducit eximia ejus encomia. Et hinc quem nomen dicit exiguum, omnis Christianitas semper affirmavit fuisse virtutibus ac meritis maximum. Immo non fuit nomen, sed ex profunda humilitate assumptus titulus. Juxta piam consuetudinem istius temporis. Ita in Romana Bonifacii secundi Pontificis Synodo Stephanus Larissæ Episcopus, Thessaliæ Metropolitâ, se inscribit "Stephanum Exiguum". Etiam plures ibidem Episcopi. Quod ipsum passim cum aliis fecit Cardinalis Anastasius, Bibliothecarius Romanæ Ecclesiæ. Et quia noster Dionysius multis produxit, & non paucis ante Cassiodorum annis finivit hanc vitam, possit vidisse magnum Leonem: Vidisse Lupicini appellationem, ac de illa emanantem præsentem epistolam. Quidquid sit, ejus Codicem statim admisit Romana Ecclesia, ac fecit irrefragabilem. Proinde quisquis istam epistolam devocat in dubium, nititur exhumare jam pridem sepultam calumniam: "Cujus nomini aliqua pravi homines calumniosè nituntur ingerere, unde sua videantur Errata aliquatenus excusare". Nostrorum temporum Sæctarii, dum  
sacros

sacros Scriptores ac ipsorum libros erubescunt excutere, inficiantur hos esse illorum: Affirmant spurios, & eis indigne assutos pannos. Et ita apud imperitam plebem declinant invidiam. Nempe non carent omni furo. De istis namque libris apud quosdam olim Ecclesias fuit etiam aliqua cunctatio. At verò sacros libros, de quibus nemo unquam cespitavit, hodie in questionem advocare erubesceret ipse etiam Diabolus. Et qui Platonis aut Aristotelis libros, aut Virgilii vel Ovidii Versus effutiret esse spurios pannos, nonne à Populo lapidaretur? Certè magni Leonis, ac superius laudata sancti Augustini ad Celestinum Pontificem epistola, sunt æquè certa Ecclesiæ monumenta. Et quidem Reverendo Patri Paschasio Quesnello non sufficit illam excutere. Volupè illi est variis insuper elogiis tantum Pontificem incrustare.

## CAPUT XXVI.

*Exponitur famosa questio circa Romanam appellationem Apiarii Presbyteri Siccensis in Sitsensi Mauritania.*



Questionem hanc exponit in literis ad Adrianum secundum Pontificem Duziacensis Synodus: "Sed & quia & legum & Canonum Constituta non sibi servari viderunt sancti Patres nostri, ex Africano Concilio scribentes ad Bonifacium Papam pro causa Urbani Episcopi, & Apiarii provincie Africanæ Presbyteri excommunicati, secundum definitionem Carthaginensium Canonum, ut Presbyteri, Diaconi, vel cæteri inferiores Clerici in causis, quas habuerint, si de judiciis Episcoporum suorum questi fuerint, vicini Episcopi eos cum consensu sui Episcopi audiant, & inter eos definiant, adhibiti ab eis Episcopi. Quod si & ab eis provocandum putaverint, non provocent ad Transmarina Judicia, sed ad Præmiam suarum Provinciarum, sicut & de Episcopis sæpè constitutum est. Ad Transmarina autem qui putaverit appellandum, à nullo intra Africam in communionem suscipiatur. Contra quæ Papa

N n n n

Zozi-

„Zozimus, subreptione quâdam præventus, sicut in epistola ipsius  
 „Conciliis, Sapientiae vestrae notissima, plenius recensere potestis,  
 „per Faustinum Episcopum, ac Philippum & Atellum Presbyteros,  
 „Africano Concilio direxit Capitula Sardicenis Concilii de appel-  
 „latione Episcoporum ad Romanæ Ecclesiæ Sacerdotem, & ne ad  
 „Comitatum Episcopi importunè navigent, & de tractandis Pres-  
 „byterorum ac Diaconorum causis apud finitimos Episcopos, si  
 „à suis excommunicati perperam fuerint, & de Urbano Episcopo  
 „excommunicando, vel etiam Romam evocando, nisi ea, quæ  
 „videbantur corrigenda, corrigeret. Quod quartum Capitulum  
 „ex eo mandatum est, quia Apiarius Presbyter excommunicatus  
 „ab Urbano Episcopo, non ad Primatem suæ Provinciæ secundum  
 „Africanos Canones, sed ad Transmarinum Judicium provocavit.  
 „Quapropter idem Concilium ad Bonifacium, Successorem Zosi-  
 „mi, post explicationem Sardicenis Capituli de Presbyteris ac  
 „Diaconibus scripsit: Quia si ita, quemadmodum in ipso Capi-  
 „tulo continentur, scilicet finitimos interpellet Episcopos, & causa  
 „ejus audiat, & diligentius tractetur, & ille Episcopus, qui aut  
 „juste aut injuste eum deiecit, patienter accipiat, ut negotium  
 „discutiat, & ut aut probetur aut emendetur ejus sententia, eo  
 „ordine in Italia custodirentur, nullo modo ipsi in Africa talia,  
 „qualia jam commemorare nolebant, tolerare cogerentur”.

Relatio hæc commiscet vera falsis. Primò affirmat, quod omnis  
 hæc contentio originem duxerit ex Apiarii Siccensis Presbyteri,  
 à suo Episcopo damnati, appellatione ad Zozimum, ac ejus per  
 eundem Pontificem reparatione in sui gradus communionem. Et  
 hoc est verum. Secundò affirmat Zozimum ad hæc tentanda fuisse  
 subreptione præventum. Et hoc est falsum. Etenim Zozimus  
 egit ex certa scientia, ex Canonibus Nicænis ac Sardicensibus, ex  
 generali omnium Ecclesiarum consuetudine, apud quas inferior etiam  
 Clerus fuit semper permissus Romam provocare. Et ipsum Arenæ  
 animavit ac stimulavit tunc concurrens Romana Celestii Here-  
 siarchæ appellatio, adversus quam nullus Afrorum Episcopus in-  
 tercessit. Ille censuit esse pariformem utrobique rationem. Quæ  
 omnia attenderunt ejus item Successores Bonifacius & Celestinus,  
 idèque causam sunt animosè persecuti. Zozimus in Africam  
 misit quatuor Capitula, tria priora mandans deinceps observari.

Quar-

Quantum mandabat Urbanum Episcopum, nisi Romanam Apiarii reparationem admitteret ac exequeretur, privari communione, immo & Romam ad causam dicendam evocari. Mandati radicem Duziacensis Synodus obscure exprimit. Radix erat, quod Urbanus provocaret ad avitam Africanæ Ecclesiæ consuetudinem, ideoq; Papali Decreto refragaretur. Nolebat reparatum Romæ Apiarium in gradum reponere.

Urbani Siccensis Episcopi frequenter meminit sanctus Augustinus. In literis ad sanctum Comitem ac Martyrem Marcellinum: „Illæ Epiſt. 7.  
„literæ tuæ, quas Presbyter Urbanus attulit”. Utrique Presbyter Hipponensis Ecclesiæ, in sancti Augustini Monasterio. In literis ad sanctum Paulinum: „Con-Diaconus noster Peregrinus, ex quo  
„à me profectus est cum sancto Fratre nostro Urbano, quando  
„Episcopatus sarcinam subire petrexit, nondum remeavit Hippo-  
„nem”. Urbanus igitur ex Hipponensi Clericorum Monasterio est promotus ad Episcopatum. Successit Fortunatiano ad quem sanctus Augustinus scripsit centesimam undecimam epistolam. Ex quo lucet Augustinianarum epistolarum ordinem non esse digestum ad rationem temporis. Etenim Fortunatianus erat defunctus, antequam Augustinus scriberet quinquagesimam nonam epistolam. Eundem Urbanum sanctus Pater laudat in epistola ad Darium Comitem: „Urbanum apud Carthaginem in Hilarensi Oppido, & Epiſt. 265.  
„modò in Siccensi te nosse pervenit”. Etiam in primo suorum sermonum fragmento scribit sanctus Augustinus: „Alia duo”, „Dimitte nobis debita nostra, sicut & nos dimittimus debitoribus nostris, “&” Ne nos inducas in tentationem, “quando Pelagianis  
„objiciuntur, quid eos putatis respondere? Horrui, Fratres mei,  
„quando audiui. Ego quidem non audiui auribus meis, sed san-  
„ctus Frater & Co-Episcopus meus Urbanus, noster qui hic Pres-  
„byter fuit, & modò est Siccensis Episcopus, cum remeasset ab  
„Urbe Roma, & ibi cum quodam talia sentiente confingeret, vel  
„se confixisse referret, cum urgeretur pondere orationis Dominicæ,  
„urgebat enim eum, & dicebat, Si in nostra potestate est non pec-  
„care, & in nostra potestate est omnes peccatorum tentationes solis  
„voluntatis nostræ viribus superare, quare Deo dicimus”, Ne nos  
„inferas in tentationem? “Quid eum putatis respondisse? Rogamus, inquit, Deum”, Ne nos inferas in tentationem, “ne aliquid  
„mali patiamur, quod non habemus in potestate: Ne ruam de

Cap. 20.

„equo, & ne frangam pedem, & ne latro me interficiat, & quid „hujusmodi“. Eandem disputationem sanctus Augustinus laudat in libro de dono perseverantiæ: „In confessionum libris dixi Deo „nostro, & sæpè dixi“, Da quod jubes, & jube quod vis. „Quæ „mea verba Pelagius Romæ, cum à quodam Fratre Co-Episcopo „meo fuissent eo præsentè commemorata, ferre non potuit, & „contradicens aliquantò commotiùs, penè cum eo, qui illa com- „memoraverat, litigavit“. Joannes Garnerius hanc disputationem scribit contigisse anno quinto aut sexto quinti sæculi. Labitur. Etenim anno undecimo Fortunatianus Siccensis Episcopus in Carthagenensi Collatione fuit unus è Catholicæ Ecclesiæ Primatibus, arque ita Urbanus longè adhuc aberat ab isto Episcopatu. Facta videntur ista sub Pontificatu Zozimi, à quo Urbanus, de suis in Apiarium Actis redditurus rationes, fuit Romam evocatus. Quidquid sit, ejusdem Urbani est honorifica, & frequens mentio in Africanis Synodis. Passim enim fuit (sæ Provincie Legatus ad Synodos plenarias. Et isthic sæpè ac eruditè fuit interlocutus. Ipse igitur damnando suum Presbyterum Apiarium, & suæ gentis consuetudinem acriter defendendo adversus Zozimum Pontificem, fuit author hujus famosæ ac infelicitis controversiæ. Et ex hac sola novimus Apiarium. Sine ipsa erat latitaturus in altissima oblivione.

Ista Africanæ Ecclesiæ disciplina usquè tunc constabat solâ consuetudine, nullo Canone. Sanctus quidem Cyprianus laudat Africanum de ista disciplina Statutum, attamen nullum producit Canonem. Hinc illam propter has controversias munituri Episcopi in plena ducentorum & septemdecim Collegarum Carthagenensis Synodo ediderunt duos Canones: „Placuit ut quicumquè non „communicat in Provincia propria, & in aliis Provinciis vel Trans- „marinis partibus ad communicandum obreperit, jacturam com- „munionis vel Clericatus accipiat“. Canon omninò agit adversus appellationem Romanam. Ipsum namque respicit in secundo sermone de communi Clericorum vita sanctus Augustinus: „Quisquis „meorum Clericorum „inventus fuerit habens proprium, non illi „permitto, ut indè faciat testamentum, sed delebo eum de tabula „Clericorum. Interpellet contra me mille Concilia, naviget contra „me, quo voluerit, sit certè ubi potuerit, adjuvabit me Deus, „ut ubi ego Episcopus sum, illic Clericus esse non possit“. Agit in communis vitæ olores Clericos, adversus istud sanctissimum ejus institu-

Institutum provocantes ad Romanam Ecclesiam. Aut certè minitantes eò appellare. Nempè Apiarius istam portam aperuerat : Et Romana Ecclesia sustinebat apertam. Porro Carthaginensis Synodus istam appellationem non sine fundamento appellavit obreptionem. Quod nempè appellantes Clerici supprimerent avitam suæ gentis consuetudinem, suam audaciam palliarent autoritate Nicænorum Canonum, atquè ità circumscriberent Romanos Pontifices. Attamen Canon non expressit Romanam Ecclesiam. Ex reverentia. Dixit : "In aliis Provinciis, vel Transmarinis partibus". Per Transmarinas Partes omninò intellexit Ecclesiam Romanam. Etenim ad aliam ultra mare Ecclesiam non poterat ab Afris appellari. Cur Canon addiderit, "In aliis Provinciis", suo loco exponetur.

Alter Canon est hic : "Placuit ut Presbyteri, Diaconi, vel cæteri inferiores Clerici in suis causis, quas habuerint, si de judiciis Episcoporum suorum questi fuerint, vicini Episcopi eos audiunt, & inter eos, quidquid est, finiant, adhibiti ab eis ex consensu Episcoporum suorum. Quod si & ab eis provocandum putaverint, non provocent, nisi ad Africana Concilia, vel ad Prælatos Provinciarum suarum. Ad Transmarina autem qui putaverit appellandum, à nullo intra Africam in communionem suscipiatur". Africanæ Ecclesiæ Codex Canonem non modicè variat : "Placuit ut Presbyteri, Diaconi, vel cæteri inferiores Clerici in causis, quas habuerint, si de judiciis Episcoporum suorum questi fuerint, vicini Episcopi eos cum consensu sui Episcopi audiunt, & inter eos definiant adhibiti ab eis Episcopi. Quod si & ab eis provocandum putaverint, non provocent ad Transmarina Judicia, sed ad Prælatos suarum Provinciarum, aut ad universale Concilium, sicut & de Episcopis sæpè constitutum est. Ad Transmarina autem qui putaverit appellandum, à nullo intra Africam in communionem suscipiatur". Duo sunt capitalia discrimina. Primum est, quod alter textus ad solum Primatem aut ejus Synodum, alter damnatos etiam in secunda instantia Clericos appellare permittit ad plenarium quoquè Concilium totius Diocesis. Forsitan alternativè : vel ad Primatem aut ejus Synodum, vel ad Synodum universalem. Etenim si copulativè accipias, debetis eidem actioni permittere quatuor instantias. Secundum discrimen est, quod posterior lectio adjungat eodem modo, & quidem



frequenter fuisse constitutum de Episcopis. Nempè etiam ipsi Romanam appellationem fuisse interdictam. Utrouque modo Canonem apud Eruditum Lucam Dacherium in undecimo Spicilegii Tomo legit antiqua Collectio Canonum pœnitentialium. Neque mirum : Nam & ipse Africanus Codex habet utramque lectionem.

Præcipua difficultas est de hoc Canonis additamento : "Sicut & de Episcopis sæpè constitutum est". De ipso scribit in septimo libro Petrus de Marca : "Digladiantur hic Scriptores. Cardinales enim Baronius & Perronius contendunt eam clausulam, esse delendam, pluribus argumentis. Primum enim aiunt eam, non exstare in Canonibus Concilii Milevitani. Verum id quidem, Addita enim de industria fuit, quo primum tempore adornata est, hæc Collectio. Itaque spectari debet hic Canon tamquam vigesimus octavus istius Collectionis, non autem tamquam vigesimus, secundus Concilii Milevitani. Deindè aiunt eo in primis argumento evinci delendam esse hanc clausulam, quod prohibitio illa, nuspiam exstet in Conciliis Africanis, quod tamen ut rem certam, tradit Collector. Gravis sanè accusatio, si exstarent Canones, omnium Conciliorum Africæ, nec quidquam simile in eis reperiretur. Verum caremus multis Conciliis Africanis, quibus si, exstarent, major habenda fides esset, quàm iis qui eorum descriptioni contradicunt. Nam præterèa Concilium Africanum anni, quadringentesimi decimi octavi apèrtè pronunciavit non toleraturos se appellationes ad Sedem Apostolicam, si constiterit jus, illud Sedi Romanæ tributum non fuisse à Synodo Nicæna. Prohibitio autem illa antecedit tempora Collectionis Canonum Africanorum, quamvis Concilium Milevitanum, in quo addita est, hæc clausula, sit antiquius illà prohibitione. Constat ergo in ea, sententia Afros fuisse, ut existimarent ad Sedem Apostolicam appellari non posse à Iudicibus electis, nequè etiam à Concilio universali Africæ". Audienda sunt etiam superiora illius verba. "Quod si quis quærat, utrùm à sententia Iudicum electorum provocare liceret ad summum Pontificem, huic respondeo non solum causas Presbyterorum sed etiam Episcoporum ità in Provinciis, finiendas fuisse, ut appellari ad Transmarina Iudicia licitum non, esse existimarent Afri. Hinc factum, ut cum illi mentem suam, apertius explicare vellent, nondùm enim satis explicatam reban-

tur

„tur in epistola Concilii Africani ad Celestinum, tametsi non  
„admodum obscure scripserint, cum Canonum horum Col-  
„lectionem adornarent, clausulam addiderunt Canoni vigesimo  
„secundo Concilii Milevitani, quæ vetat ne ad Transmarina Judi-  
„cia appellent Episcopi, nequè etiam Presbyteri: Sicut & de  
„Episcopis sæpè constitutum est. "Ut inquit Canon vigesimus octa-  
„vus ejusdem Collectionis",

Errorem, quo affirmat Romanas appellationes Afrorum etiam  
Episcopis nunquam licuisse, nolo hîc rememorare. Est in supe-  
rioribus abundè eversus. eadem est ratio erroris, quo infelices  
ad Celestinum Pontificem literas, scriptas à paucis Episcopis, appli-  
cat toti Africanæ Ecclesiæ. An verò Africani Episcopi potuerint  
ab electis Judicibus ad Romanum appellare Pontificem, est alibi  
discutiendum. Oportet hic discutere errores alios. Primus est,  
quod isti ipsi Episcopi, eadem ista Synodus, quæ infelices istas  
litteras scripsit, etiam conscriberet Africanum Codicem. Dominus  
Archi-Episcopus rectè vidit, rectèque profitetur & Codicem &  
litteras esse ejusdem temporis ac ejusdem spiritus, ideòque & ejus-  
dem, id est, nullius authoritatis, Attamen errat Codicem esse  
Synodale opus. Est enim personale. Uti Fulgentius Ferrandus,  
Carthaginensis Ecclesiæ Archi Diaconus. & nescio cujus in Africa  
Sedis Antistes Cresconius fecerunt suas quorumcumquè Canonum  
Collectiones, ità nescio quis alius, aut qui alii conscribunt duas  
Collectiones solum Africanorum Canonum, quarum altera passim  
dicitur Africanus Codex, altera non habet singularem titulum.  
Quod posterioris Collectionis author sit privata persona, lucet ex  
ejus subnotatione ad Canonem sexagesimum: "Hujus Concilii  
„Gesta ideò non ex integro descripsi, quoniam magis ea, quæ in  
„tempore necessaria fuerunt, quam aliqua generalia Constituta sunt;  
„sed ad instructionem Studioforum ejusdem Concilii Brevem di-  
„gessi". Palam profitetur se non ad totius gentis Canonicam dis-  
ciplinam & obligatoriam directionem concessisse hoc opus, sed  
dumtaxat ad instructionem Studioforum: Quod manifestè spectat  
ad singularem Doctorem. Istud ipsum profitetur Codicis Com-  
pilator per similem subnotationem ad Canonem centesimum septi-  
mum: "Gesta hujus Concilii ideò non descripsi, quoniam Provin-  
„cialia, non universale celebratum est". Quis non videat istius-  
modi subnotam en non cadere in Synodum, sed in singularem ho-  
minem?

minem ? Fuit quis ex Aurelii sequacibus , devius impugnator Episcopatum etiam appellationum]. Hinc in digerendis Africanis Synodis & Canonibus non servavit ordinem temporum , sed in operis sui exordio litigiosa circa Apiarii appellationem Acta , quæ vulgò dicuntur sexta Carthaginensis Synodus , in fine autem posuit infelices literas ad Celestinum. Hanc lamentandam litem voluit sui operis esse Alpha & Omega. Est author palam impurus , & palam scripsit sub Celestino Pontifice. Hinc Conciliorum Compilatores opus istud non sub Siricio , sed ponere debebant sub Celestino. Authenticus Africanæ Ecclesiæ Codex suo loco ostendetur.

Secundus error est , quod adducti contra Romanam inferioris Cleri appellationem Canones sint Concilii Milevitani. Et enim sunt à magno illo Carthaginensi ducentorum septemdecim Episcoporum Concilio , quod post damnatos à Zozimo Pontifice Pelagium & Celestium , & transmissam gratissimam ac sanctissimam istius damnationis Tractoriam Aurelius celebravit ad ista omnia publicanda per omnem Africam , & confirmanda. Hinc ibidem curavit edi insignia ista fidei Decreta , quæ laudat Author Capitulum exstantium post sancti Celestini Pontificis Apologeticas literas pro doctrina sancti Augustini. Disertè affirmat emanasse à Carthaginensi Concilio. Nec defunt alia testimonia. Antiquus tamen error ista Decreta adscribit Concilio Milevitano. Et istum errorem secutus est Dominus Archiepiscopus. Pendebat tunc Apiarii causa , ideoque & lis de Jure Clericalium appellationum. Porro Zozimus per ista sua Acta non solam , in qua damnatus Celestius , Aurelii Carthaginensem Synodum , sed insuper aliam ejusdem contra Celestii & Pelagii Dogmata , & similem Numidiæ Milevitanam Synodum confirmaverat , ideoque lætificaverat totam Africam. Hinc suæ tunc Synodo videtur Aurelius proposuisse , an circa pendentem questionem esset cedendum Postulatis Romanæ Ecclesiæ , an avita gentis consuetudo constanter defendenda. Et omnis Synodus censuit hanc defendendam. Hinc edidit præsentis Canones. Attamen adjunxit Pontifici aliquid deferendum. Nempe ut inferior Clerus non dumtaxat ad suæ Provinciæ Primates aut Synodos , sed insuper provocare posset ad finitimos Episcopos. Eâ tamen lege , ut propriam Provinciam non excederent. Etenim Limitanei Clerici quandoque alienæ Prouinciæ Episcopos habent æquè

æquè vicinos, immò & viciniore. Hinc Canon addidit : "In aliis Provinciis". Hæc tunc sancita fuerunt sine adjecta conditione, sine appendice.

Tertius error est, quod Africana, quinti sæculi decimo octavo anno celebrata, Synodus apertè pronunciarit non toleraturos se appellationes ad Sedem Apostolicam, si constiterit jus illud Sedi Romanæ tributum non fuisse à Synodo Nicæna. Etenim hæc ab Afris scripta sunt ad Bonifacium Pontificem, qui non nisi extremo istius anni fine, nempe vigesima octava die decembris, est Pontificatum ingressus, ideoque isto anno non potuit ab Afris ad ipsum Synodaliter scribi. Scriptum videtur ex sexta Carthaginenſi Synodo, quæ facta fuit anno sequenti. Annus decimus octavus apud Carthaginem vidit duas plenarias Africæ Synodos. Alteram à sancti Prosperi contra Collatorem libro laudatam, ex qua ducenti quatuordecim Episcopi Zozimum instruxerunt de causâ & moribus appellantis Celestii, alteram celebratam post Celestii damnationem, in qua ducenti septemdecim Episcopi ediderunt laudata Decreta ac præfatos Canones. Et hi palam admiserunt, ut inferior Clerus etiam ad vicinos, intra suam tamen Provinciam, posset provocare Episcopos. At in sequentis anni Synodo videntur recantasse, aut certè adiecisse non modicam conditionem. Ità suadet memorata ipsorum ad Bonifacium epistola : "De primo & tertio", Legatis suis à Zozimo Papa dati Commonitorii articulo, "id est, ut Romanæ liceat Episcopis provocare, & ut Clericorum causæ apud suarum Provinciarum Episcopos finiantur, jam priore anno etiam literis nostris ad venerabilis memoriæ Zozimum Episcopum datis insinuare curavimus, ut ea servare sine ulla ejus injuria tantisper sineremus, usque ad inquisitionem Statutorum Concilii Nicæni". Tertium Capitulum erat Sardicenis Canon de Clericorum provocatione ad finitimos Episcopos. Affirmant se non nisi per "Interim" de iplo sanxisse.

Attamen Domino Archi-Episcopo favet epistolæ titulus : "Domino Beatissimo Bonifacio Aurelius, Valentinus, & cæteri qui præsentis adiuimus, numero ducenti septemdecim ex omni Concilio Africæ". At verò hæc plenaria Synodus manifestè est anni decimi octavi. Respondeo rem esse claram. Anni decimi octavi Synodus non potuit scribere ad Bonifacium, qui in isto

anno nonnisi ad tres dies fuit Pontifex. Etiam clarum est, quod sexta Carthaginensis Synodus non potuerit habere tot Episcopos. Etenim fuit celebrata per solos in consueto numero provinciarum Legatos. Proinde Africani Codicis Collector, quo Aurelii causam adjuvaret, præfata verba dolose addidit, ac epistolam vitavit. Eodem loco subjunxit hæc verba: "Subscripserunt, quoque Alipius, Augustinus, Possidius". Per ipsorum auctoritatem studuit munire Aurelium, Non nego ipsos subscripsisse: Dumtaxat assero istam subnotationem esse Compilatoris, & non carere artificio. Insuper grande est mihi dubium, an Numidiæ Primas Valentinus huic Synodo interfuerit. Etenim Provinciæ ad hujusmodi Synodos non solebant destinare, nisi tres Legatos. Quidquid sit, istam subnotationem non habet epistola ad Celestinum Pontificem. Quod nempe laudati tres Episcopi istis literis non subscripsissent.

Proinde veritatem continent hæc Domini Archi-Episcopi verba: "Clausula ista", Sicut & de Episcopis sæpe constitutum est, "addita de industria fuit, quo primum tempore adorna, nata est hæc Collectio. Itaque spectari debet hic Canon tantum, quam vigesimus octavus istius Collectionis, non autem tantum, quam vigesimus secundus Concilii Milevitani". At verò istius Collectionis author non fuit aliqua Synodus, sed nescio quis privatus, malè olidus. Et licet esset Synodus, fuisset ejusdem factoris. Quisquis fuerit, stabilire voluit temeritatem Aurelii, ideoque adjecit istam clausulam. Nullum adduxit aut laudavit Canonem, sed simpliciter adscripsit: "Sicut & de Episcopis sæpe constitutum est". Nempè ex illo tempore, quo post adductos ex Oriente Canones Aurelius cœpit limites transilire. Et hinc clausula docet non unicam, sed plures tunc sub Aurelio Synodos convenisse. Quapropter Domini Cardinales Baronius & Perronius rectissime judicarunt istam clausulam esse spurium ac devium additamentum, idedque radendum. Idem author possit alias temeritates Africanis ad Bonifacium & Celestinum circa has quæstiones literis intertexuisse.

Apiarii Presbyteri crimina Africani Episcopi exponunt in literis ad Bonifacium Pontificem: "Apiarius Presbyter, de cujus & ordinatione, & excommunicatione fuerat exortum non solum in Siccensi, verum etiam toti Africanæ Ecclesiæ non leve scandalum, de

„de omnibus erratis suis veniam petens, communioni est restitutus”.  
 Et in literis ad sanctum Celestinum: „Credidimus Apiarium cum  
 „Faustino Potentino Episcopo”, Sedis Apostolicæ Legato, „ideò  
 „missum” in Africam, „Quoniam sicut per ejus operam Presby-  
 „terio antea redditus fuerat, ita nunc posset de tantis criminibus,  
 „à Tabracenis objectis, eo laborante purgari, cujus tanta ac tam  
 „immania flagitia decursum nostri Concilii examen invenit, ut &  
 „memorati patrociniū potius quàm judicium, ac defensoris magis  
 „operam, quàm disceptatoris justitiam superarent”. Et infra: „Tri-  
 „duano laboriosissimo agitato Judicio, cum diversa Apiario objecta  
 „afflictissimi quæreremus, vel moras Co Episcopi nostri Faustini,  
 „vel tergiversationes ipsius Apiarii, quibus nefandas turpitudines  
 „occulere conabatur, Deus Judex justus, fortis & longanimis,  
 „magno compendio rescavit. Tettiori quippè ac putidiori ob-  
 „stinatione compressa. quā tantum libidinum cœnum impudentia  
 „negationis volebat obcuere, Deo nostro conscientiam ejus coarc-  
 „tante, & occulta, quæ in illius corde tamquàm in volutabro cri-  
 „minum jam damnabat, etiam hominibus publicante, repente in  
 „confessionem cunctorum objectorum flagitiorum dolosus negator  
 „erupit: Et tandem de omnibus incredibilibus opprobriis ultro-  
 „neus se ipse convicit, atque istam quoque nostram ipem, quia  
 „eum & credebamus & oprabamus de tam pudendis maculis posse  
 „purgari, convertit in gemitus, nisi quoniam istam nostram mœ-  
 „stitiam uno tantum solatio mitigavit, quod & nos labore diu-  
 „turnioris quæstionis absolvit, & suis vulneribus qualemcumque  
 „medelam, etsi invita ac suæ conscientiae reluctante, confessione  
 „providit”. Apiarius igitur erat graviter reus. Primò erat ille-  
 „gitimè ordinatus. Forasan irregularis ex occulto crimine. Deindè  
 in Tabracenam Ecclesiam varia patrarat. Tertiò, erat foedissimus  
 ex multis flagitiis. Quartum crimen erat dolosa & pertinax om-  
 „nium abnegatio. Propter ista igitur Urbanus Apiarium degra-  
 daverat.



## CAPUT XXVII.

*Exponuntur Acta Zozimi Pontificis circa  
Apiarium.*



Egradatus Apiarius provocavit ad Zozimum Pontificem, & Romam accessit. Quid Zozimus circa ipsum egerit, utcumque colligimus ex præfatis Astorum Episcoporum literis ad sanctum Bonifacium: "Quoniam Domino placuit, ut de his, quæ nobiscum egerunt sancti Fratres nostri, Co-Episcopus Faustinus, & Com-Presbyteri Philippus & Asellus, non beatæ memoriæ Episcopo Zozimo, à quo ad nos Mandata & literas attulerunt, sed tuæ Venerationi, qui in ejus locum es Divinitus constitutus, Humilitas nostra rescriberet, ea breviter insinuare debemus, quæ utrorumque concordia terminata sunt, non ea quæ prolixis Gestorum voluminibus continentur, quibus, salvâ quidem charitate, non tamen sine parvo altercationis labore demorati sumus, ea Gestis deliberantes, quæ nunc ad causam pertinent. Quamquam & ille, si adhuc esset in corpore, hoc acciperet gratius, quod videret pacatius terminatum, Apiarius Presbyter, de omnibus Erratis suis veniam petens, communioni est restitutus. Prior autem Co-Episcopus noster Siccensis Urbanus, quod in eo corrigendum visum est, sine ulla dubitatione correxit".

Zozimus itaque appellentem Apiarium audivit, & admisit ad retractatorium Judicium, & in ipso discussum reparavit. Et ad reparationem exequendam Legatos misit in Africam: Faustinum Episcopum Potentinæ Ecclesiæ; ac Philippum & Asellum, Presbyteros Ecclesiæ Romanæ. Addidit Mandata & literas. Utique quibus mandabat obediri suo judicio, & reparatum Apiarium reponi in sui gradus communionem. Apiarius non solummodo se purgaverat, sed insuper suum Episcopum Urbanum accusaverat de variis. Et accusationis articulos Zozimo persuaserat. Hinc & ipsum Pontifex jussit corrigere suas vias, alioquin à Legatis cor-  
rigen-

rigendum. Et Urbanus his obedivit. "Prior quod in eo corrigendum visum est, sine ulla dubitatione correxit". Legatio nondumtaxat fuit destinata Siceam, sed insuper Carthaginem ad Primatem Aurelium, ac omnem Africanam Ecclesiam. Et ad Pontificis Mandata maturè disquirenda Aurelius coëgit Synodum. Possit fuisse illa ipsa ducentorum septemdecim Episcoporum, convocata ad publicandam Celestianæ ac Pelagianæ damnationis Tractatoriam. Eadem Legatio possit Tractatoriam apportasse. Et hinc forsitan ista Synodus edidit Canones, partim spectantes ad Dogma de Divinis auxiliis, partim stabiliētes antiquam disciplinam circa appellationes inferioris Cleri. Quidquid sit, de facta tunc Synodo scribunt Episcopi ad Bonifacium: "Salvâ quidem charitate, non tamen sine parvo altercationis labore demorati sumus". Et infra: "Sanè priusquàm hæc causa isto termino clauderetur, diuturnis disceptationibus versabamur". De alia item circa has quæstiones Synodo Africani Episcopi scripserunt ad Bonifacii Successorem Celestinum: "Nam primùm, quantum obstitit Faustinus omni congregationi, diversas injurias irrogando, quasi Romanæ Ecclesiæ asserens privilegia, & volens Apiarium à nobis in communionem suscipi, quem tua Sanctitas credens appellasse, communioni reddiderat. Quod minimè tamen licuit, quod etiam Gestorum meliùs lectione cognosces. Triduo tamen laboriosissimo agitato iudicio", &c. Dolendum est "prolixa Gestorum volumina", perriisse aut latere. Ex ipsis enim disceremus plurima. Per istas ergo concertationes quædam "utrorumquè concordia sunt terminata". Et quidè "pacatiùs". Primò, Apiarius, quem cum Legatis Zozimus remiserat ad propria, "de omnibus erratis suis veniam petens, est communioni restitutus". Igitur Romana Apiarii reparatio fuit ea lege ab Afris admittenda, ut ille ab omni Synodo supplicaret veniam.

Reparatio admittenda fuit cum aliquo moderamine. Episcopi enim pergunt ad Bonifacium: "Quia verò paci & quieti Ecclesiæ non tantùm ad præsens, sed etiam imposterùm prospiciendum fuit, quoniam talia multa præcesserant, ut vel similia, vel etiam graviora deinceps præcaveri oporteret, placuit nobis, ut de Siccensi Ecclesiâ, licet retento honore gradus sui, Presbyter removeretur Apiarius, & accepto Epistolio, ubicumquè alibi posset & vellet, Presbyteri munere fungeretur. Quod eidem ipsi per proprias lites



„ras postulanti sine difficultate concessimus“. Synodus propter Romanæ Ecclesiæ reverentiam admisit reparationem Apiarii. Verum cum tribus temperamentis. Primum, citrà consequentiam. Propter pacem & quietem tam Romanæ quàm Africanæ Ecclesiæ. Et dat hujus temperamenti causam: „Quoniam talia multa præcesserant, ut vel similia, vel etiam graviora deinceps oporteret præcaveri“. Clericorum plures utroquè oculo vigilabant in hujus causæ successum, & ipsi similem appellationem tentaturi.

Secunda conditio jussit Apiarium de omnibus suis erratis supplicare veniam. Hæc enim ratione non solum per Romanam, sed etiam per Africanam Ecclesiam est visus restitui. Tertia conditio fuit, ut in solum Presbyteri gradum, non in Siccensem Ecclesiam restitueretur. Hodie diceremus: In solum Ordinem, non in Beneficium. Quæ conditio fuit omnino opus sancti Augustini. Nam & ipse in secundo sermone de communi vita Clericorum dixit & scripsit adversum Clericos proprietarios: „Quisquis inventus fuerit habere proprium, delebo eum de tabula Clericorum. Interpellet contra me mille Concilia, naviget contra me, quod voluerit, sit certe ubi potuerit, adjuvabit me Deus. ut ubi ego Episcopus sum, illic Clericus esse non possit“. Palam respicit navigationes ad aliam Urbem, & Romanas suorum Clericorum provocaciones. Constantè asseverat ipsos, licet Romæ reponantur in gradum, à se tamen unquam reponendos in tabulam ac ministerium Hipponensis Ecclesiæ.

Rectè igitur adversus Zachariæ Chalcædonensis Episcopi intercessionem dixit in octava Synodo Venerabilis Metrophanes, Orthodoxus Metropolitæ Smyrnenfis: „Similiter etiam Apiarium, cum esset Presbyter Ecclesiæ Siccensis Africanæ Provinciæ, propter aliquam causam segregavit proprius Episcopus Urbanus, postea verò deposuit omnimodis Synodus, quæ ibidem collecta est. Zozimus autem Papa Romanus recurrentem ad se, & ad Africanam Synodum mittens cum literis, ut iterum susciperetur egit, rationem reddente Synodo per Scripta Bonifacio post Zozimum Papæ Romano de depositione, quæ facta est in Apiarium, & de iterata justificatione“. Et quia nunc justificatum cum arbitramur, judicavimus autem non operari cum quæ sunt Presbyteri, in Ecclesia Siccensi, propter scandala, quæ subsecuta sunt. Porro accipientem literas commendaticias à nobis, in omnibus aliis Ecclesiis

Sacer-

Sacerdotio fungi. "Invenitur igitur Africana Synodus paruisse potius iudicio Zozimi Papæ Romani, ac per hoc propriam repro-  
 basse sententiam, & justificasse Apiarium, non restituisse voto Romanorum Pontificum". Adducta Africanæ ad sanctum Bonifacium epistolæ verba non sunt originalia: Sunt translata ex textu Græco, translato ex originali. Hinc non modicè ab originalibus differunt. Alia octavæ Synodi Acta sic habent: "Eadem ratione  
 „Apiarium, Siccensis Ecclesiæ, quæ in Africana Provinciâ est;  
 „Presbyterum, loci illius Episcopus quandam ob causam à certu  
 „fidelium exclusit. Eundem postea Synodus ibi coacta penitus de-  
 „posuit. Quem Zozimus Papa Romanus ad se confugientem, suam-  
 „que causam illi probantem absolvit, & cum literis remissum ad  
 „Synodum, recipiendum curavit. Rationem verò reddens per  
 „Apologeticum Scriptum Synodus Africana de Apiarii depositi,  
 „& rursus justificati causâ apud Bonifacium Papam Romanum,  
 „Zozimi Successorem, inquit": Apiarium etiam hodiè absolutum  
 judicamus. Censuimus tamen ei, propter scandala consecuta, in  
 Ecclesiâ Siccensi Presbyteri locum non esse obeundum, at in aliis  
 Ecclesiis rem ei Divinam facere licere. "Synodum ergò Africa-  
 „nam Zozimi Iudicio potius obtemperasse, compertum est".

Rationem, ex qua Africani Episcopi Romanam Apiarii repara-  
 tionem admiserint, docet eadem ad Bonifacium Papam Synodalis  
 epistola. Affirmat Commonitorio, quod suis ad Afros Legatis  
 dedit Zozimus, insuisse quatuor articulos. Primus de Romanis  
 Episcoporum, tertius erat de Presbyterorum ac reliquorum  
 Clericorum appellationibus. Pergit epistola: "Quorum om-  
 „nium de primo & tertio, id est, ut Romam liceat Episcopis pro-  
 „vocare, & ut Clericorum causæ apud suarum Provinciarum  
 „Episcopos finiantur, jam priore anno etiam literis nostris ad ve-  
 „verabilis memoriæ Zozimum Episcopum datis insinuare curavi-  
 „mus, ut ea servare sine ulla ejus injuria paulisper sineremus usque  
 „ad inquisitionem Statutorum Concilii Nicæni. Et nunc de tua  
 „poscimus Sanctitate, ut quemadmodum ea apud Nicænam à Pa-  
 „tribus acta & constituta sunt, sic ea à nobis facias custodiri, &  
 „ibi apud vos ista, quæ Commonitorio attulerunt, facias exerceri".  
 Nempè Canones Sardicenses. Ipsos adducit epistola, ac prosequi-  
 tur: "Hæc utique usque ad adventum verissimorum exemplario-  
 „rum Nicæni Concilii inserta Gestis sunt. Quæ si ibi, quemad-  
 modum

„modum ipso, quod apud nos Fratres ex Apostolica Sede directi  
 „Commonitorio allegaverunt, continentur, eoque ordine vel apud  
 „vos in Italia custodirentur, nullo modo nos talia, qualia com-  
 „memorare jam nolumus, vel tolerare cogeremur, vel intolerabilia  
 „pateremur. Sed credimus, adjuvante misericordiâ Domini Dei  
 „nostri, quod tua Sanctitate Romanæ Ecclesiæ præsidente, non  
 „sumus jam istum typhum passuri, & servabuntur ergâ nos ea,  
 „quæ nobis etiam non differentibus custodiri debeant cum fraterna  
 „charitate, quæ secundum sapientiam atque iustitiam, quam tibi  
 „donavit Altissimus, etiam ipse perspicis esse servanda, si fortè ali-  
 „ter se habent Canonès Nicæni Concilii. Quamvis enim plurimos  
 „Codices legerimus, sed nunquam in Nicæno Concilio in Latinis  
 „Codicibus legitus, quemadmodum in supradicto Commonitorio  
 „indè directâ sunt, tamen quia hic in nullo Codice Græco ea  
 „potuimus invenire, ex Orientalibus Ecclesiis, ubi perhibentur  
 „eadem Decreta posse etiam authentica reperiri, magis nobis de-  
 „sideramus adferri”.

Africani Antistites, dum Apiarii appellationem audiverunt  
 admissam à Zoziino, statim intercesserunt, reclamantes ad avi-  
 tam suæ gentis consuetudinem. Intercessit & Zozimus, recla-  
 mans ad Nicænos Canones. Hi, utpotè à Spiritu Sancto con-  
 diti, apud omnes Ecclesias fuerunt semper sacrosancti, ideoque  
 & Afros terruerunt. Cecilianus Carthaginensis Archi-Episco-  
 pus adfuerat Nicæno Concilio, & ejus Canones publicaverat  
 per omnem Africam: Hinc illi scrutati sunt apud omnia Ec-  
 clesiarum Archiva, apud omnes Bibliothecas. Nec solummodò  
 Latinos Codices, sed etiam Græcos. Et tales Canones non  
 invenerunt. Hinc ipsos sibi transmitti supplicarunt à Zozimo.  
 Hic in retractatorio Apiarii iudicio perrexerit, iptum reparavit,  
 & in Africam destinavit solemnem Legationem, quæ istam re-  
 parationem exequeretur, conferret Nicænos Canones, & Afri-  
 canis Episcopis demonstraret ius Sedis Apostolicæ. Legavit Fau-  
 stinum Potentinum Episcopum cum duobus Presbyteris suæ Ec-  
 clesiæ. Et cum ipsis reparatum, ac tuo loco reddendum Apia-  
 rium. Misit Sardicenses Canones, affirmans Nicænos. Admirati  
 sunt Afri: Istos enim Canones nec per auditum noverant. Hinc  
 Pontifici, ob Apostolicæ Sedis reverentiam, promiserunt servare  
 istas sanctiones, dummodò tamen non cogerentur ad patiendum  
 illum

illum typhum, qui dicebatur servari in Italia. Non obstante illâ Italarum patientiâ, nullatenus sustinuerunt se compelli ad talia. Ob eandem Apostolicæ Sedis reverentiam admiserunt Zozimi de Apiario Judicium. Sub jam dictis moderaminibus.

Verum quis est ille typhus, quem Afri protestantur se nullâ ratione passuros? Eundem memorant in Synodalibus literis ad Celestinum Pontificem: "Executores etiam Clericos vestros quibusque petentibus nolite mittere, nolite concedere, ne fumum typhum sæculi in Ecclesiam Christi, quæ lucem simplicitatis, & humilitatis diem, Deum videre cupientibus præfert, videamur inducere". Ad eundem Pontificem in causa Anthonii Fustalensis Episcopi scripsit S. Augustinus: "Accipe nunc, quæ post ejus sanctæ memoriæ viri", Bonifacii Pontificis in Africa literas gesta sunt, & subveni hominibus, opem tuam in Christi misericordia multo avidius, quam ille, poscentibus, à cujus inquietudine desiderant liberari. Judicia quippe illis, & publicas Potestates, & militares impetus, tanquam executores Apostolicæ Sedis sententiam, sive ipse Anthonius, sive rumores creberrimi comminantur, ut miseri homines Christiani Catholici graviora formident à Catholico Episcopo, quam cum essent hæretici, à Catholicorum Imperatorum legibus formidabant. Non finas ista fieri, obsecro te per Christi Sanguinem, per Apostoli Petri memoriam, qui Christianorum Prepositos Populorum monuit, ne violenter dominentur inter Fratres". Dum Romana appellatæ causæ decisio moras alicubi aut obices pateretur, victor à Pontifice postulabat executoriales literas, & Executores. Et Papa eò destinabat Clericos, qui à publicis Romani Imperii Potestatibus acciperent militares impetus, atque ita Romanum Judicium exequerentur. Hunc contra Catholicos morem Africa usque tunc possit non vidisse: Fieri possit, ut Zozimus Pontifex ipsum ibi studuerit simul cum Sardicensibus Canonibus plantare. Verum Episcopi potentissimè intercesserunt: Clamarunt esse typhum hujus sæculi, Romanâ Ecclesiâ indignum, ideòque à se nec per Interim admittendum. Et Italarum, aut aliarum gentium patientiam ad se non spectare.



PPP

CAPUT

## CAPUT XXVIII.

*Exponuntur Faustini Potentini Episcopi, ac Philippi  
& Aselli Presbyterorum, quos Zozimus  
Pontifex legaverat, apud Afros Acta.*



Cap. 4.

**D**um Legatio hæc venit in Africam, Zozimus non diu supervixit. Etenim primum Legationis officium erat celebrare, aut potius celebrandam curare plenariam Africæ Synodum: Et celebrata fuit illa, quam passim dicimus sextam Carthaginensem. Celebratam fuisse sub Bonifacii Pontificatu, est manifestum ex Actis, præsertim ex interlocutione sancti Alipii Episcopi Tagastensis. Celebrata fuit Honorii duodecimo, Theodosii secundi octavo Consulatu, octavo kalendas Junii. Hoc est, quinti sæculi anno decimo nono, die vigesima quinta Maii. Erat Dominica prima post Pentecosten. Isto enim anno Pascha intiderat in diem trigessimam Martii. Zozimus anno præcedenti obiit septimo kalendas Januarii: Vigesima sexta Decembris. Bonifacius fuit electus biduo post, in festo sanctorum Innocentium. Eulalii contra ipsum schisma duravit septem mensibus, diebus quindecim. Fuit ille antea compressus, attamen se movere non desijt, donec tandem, pacis causâ, fuit creatus Episcopus Nepesinus. Ad quæstionem dirimendam Imperator Honorius in Idus Junias indixit Spoletinam Synodum, & ad ipsam convocavit cum Gallicanis etiam Africanos Episcopos, præsertim Primatem Aurelium, sanctum Augustinum, aliosque similibus virtutum. Literæ datæ sunt tertio kalendas Aprilis, in vigilia Paschæ, Et Episcopi isti se parabant ad iter. Verùm Eulalius damnavit semetipsum, atque ita prævenit Synodum. Etenim quinto decimo kalendas Apriles contra Principis Mandatum intravit Urbem, ac turbas egit. Hinc tertio nonas Apriles ipsum omni prætendendi Papatus jure excidisse pronuntiavit Honorius, & Bonifacii electionem declaravit legitimam ac firmam.

mam. Septimo Idus Apriles ad Largum Africæ Proconsulem  
 scripsit Spoletinæ Synodi necessitatem evanuisse, ideoque nec sibi  
 necessarios esse Africanos Episcopos. Et hæc literas Largus mox  
 vulgavit. Tunc igitur Aurelius suspensam Synodum indixit in  
 diem vigesimam quintam Maij. Hinc intellige ejusdem Aurelij  
 præfationem ad istam Synodum: "Post diem præstitutum Con-  
 ciliij, ut recordamini Fratres Charissimi, multa flagitata sunt  
 per expectantes Fratres nostros, qui nunc ad præsentem Syno-  
 dum Legati advenerunt, quæ Gestis necesse est ut consocien-  
 tur. Qua de re Domino nostro de tantæ Congregationis cœtu  
 gratias referimus". Illi qui Provinciarum Legatos expectarunt,  
 erant Legati Apostolici. Etenim inter Provinciarum Legatos  
 erant sanctus Augustinus, sanctus Alipius, ac Novatus Sitifensis  
 Episcopus, evocati Spoletum. Apostolici itaque Legati ad pri-  
 mo præstitutam Synodi diem venerunt Carthaginem, Spoletinæ  
 Synodi eventum, ac Afrorum Episcoporum reditum isthic præ-  
 stolantes. Et interim ab Aurelio, ac aliis præsentibus Episcopis  
 postularunt varia, præparatoria ad Synodalem definitionem. Syn-  
 odi compendij habes ad ejus exordium: "In hoc Concilio  
 actum est, ut Nicænum Concilium ab Episcopis Orientalibus pe-  
 teretur, cui Synodo interfuit Legatio Romanæ Ecclesiæ, Fau-  
 stinus Episcopus, Philippus & Ascellus Presbyteri". Non sunt  
 verba Synodalia, sed Compilatoris. Quem etiam ex his verbis  
 constat fuisse hominem privatum.

De hac Synodo scribit in sexto suo libro Petrus de Marca: "Extra-  
 ordinarium in Politia Ecclesiastica erat mitti in Provincias Lega-  
 tum, qui Conciliis Provinciarum interesset, quemadmodum ad  
 Celestinum Papam scribis Concilium Africanum": Nam ut aliqui,  
 tamquam à Sanctitatis tuæ Latere, mirantur, nullâ invenimus  
 Patrum Synodo constitutum. "Unde concludunt non toleraturam  
 diutius Africam Faustini Episcopi, Sedis Apostolicæ Legati, præ-  
 sentiam. De illo enim intelligi debet hic locus, non autem de  
 Apiario, ut censuit Illustrissimus Cardinalis Perronius". Et ad-  
 ducit locum: "Nam de Fratre nostro Eustino, amoto jam pro  
 suis nefandis nequitijis Apiario, securi sumus, quod eum probi-  
 tate ac moderatione tuæ Sanctitatis, salvâ fraterna charitate,  
 ulterius Africa minimè patiatur". Rectè affirmat locum hunc  
 non de Apiario, sed agere de ulterius non ferendo Faustino. Errat

in alijs. Primò, quod tunc in Ecclesiastica Politia extraordinarium esset in Provincias mitti Apostolicum è Papali Latere Legatum, qui Provinciarum interesset Synodis. Etenim pluribus, ad Nicenam præparatoriis, totius Ægyptiæ Dioecesis Alexandrinis Synodis Hosius Cordubensis Episcopus, sancti Sylvestri Legatus, non dumtaxat interfuit, sed insuper præfedit. Quod ipsum in Antiochena post Nicenam Synodo fecerunt Eusebius Vercellenfis Episcopus, & Lucifer Calaritanus, Legatio sancti Liberii. Eos magnus Athanasius, ac ejus Synodus in Synodalibus ad istam Synodum literis scribunt ante omnes Episcopos, ideòque affirmant præfedissee.

Secundus error est, quod Africani Episcopi improbaverint omnem istiusmodi Legationem. Etenim improbarunt solam istam, quæ mitteretur ad retractandas causas Romanarum appellationum. Et in eo graviter deviarunt. Tertius error est, quod Faustinum, quæ Legatum postulerant revocari. Etenim non ob Legationis, sed ob variæ molestiæ & aliorum excessuum causas id postularunt. Verum quare Faustinus huic Synodo non præfedit? Quod non ad præsidendum, sed dumtaxat ad conferendum, ac demonstrandum esset Legatus à Zozimo. Locum cessit solis Aurelio Carthaginensi, & Valentino Numidiæ Primati: Quod alter toti Dicoecesi, adeoque & Synodo præsideret, alter singularem isthuc haberet Prærogativam.

Legationis & Synodi scopum exponit Synodalis ad sanctum Bonifacium epistola: "Sanè priusquam hæc" reparati Apiarii "caussa" isto termino clauderetur, inter alia, quæ diuturnis disceptationibus verlabamus, quia ratio ipsa poscebat, ut apud Acta Ecclesiastica à Fratribus nostris Faustino Episcopo, & Philippo ac Afello Compresbyteris quæreremus, ut promerent quidquid eis nobiscum agendum fuisset injunctum, nonnulla quidem sine ullo Scripto prosecuti sunt verbis. Sed cum id potius flagirarem, quod in literis ferrent, Commonitorium protulerunt, quod recitatum nobis etiam Gestis, quæ secum ad vos deferunt, est allegatum. In quocumque quatuor quædam nobiscum gerenda mandata sunt. Unum de appellationibus Episcoporum ad Romanæ Ecclesiæ Sacerdotem. Alterum, ne ad Comitatum Episcopi importunè navigent. Tertium de tractandis Presbyterorum & Diaconorum causis apud finitimos Episcopos, si à suis excommunicati perperam fuerint.

Quar-

„Quartum de Urbano Episcopo excommunicando, vel etiam Romanam vocando, nisi ea, quæ videbantur corrigenda, corrigeret". Apostolici ad generales, aut alias Synodos Legati consueverunt habere Mandata duplicia, duplices instructiones: Secretam & parentalem. Hinc etiam præsentēs Legati "nonnulla sine ullo Scripto, prosecuti sunt verbis". Nempè ex sua secreta instructione. Et quia ista videntur non placuisse, Synodus intercessit: Postulavit ut exhiberent paternalia Mandata suæ Legationis. Et illi exhibuerunt Commonitorium, comprehendens quatuor articulos. Quæ omnia ut plenè videantur, expedit Carthaginensem Synodum illustrare brevi Scholio.

## EXORDIUM.

**P**ost Consulatū gloriosissimorum Imperatorum, Honorii duodecimum, & Theodosii octavum, Augustorum, octavo kalendas Junii, scripta hæc sunt Carthagine in Secretario Basilicæ Fausti. Cum Aurelius Papa unà cum Valentino primæ Sedis Numidiæ, & Faustino Ecclesiæ Potentinæ, Provinciæ Italiæ Picenī, Legato Ecclesiæ Romanæ, sed & Legatis diversarum Provinciarum Africanarum, id est, Numidiarum duarum. Byzacenæ, Mauritanix Sitifensis, & Mauritanix Cæsarænsis, sed & Tripolis, & Vincentio Colusitano, Fortunatiano, & cæteris Episcopis Provinciæ Proconsularis, ducentis decem & septem, necnon Philippo & Asello Presbyteris Romanæ Ecclesiæ, consedissent, adstantibus Diaconibus, Aurelius Episcopus dixit.

P p p p 3

SCHO-




## S C H O L I O N.

**M**anifestum est hæc non esse verba Synodalia. Sunt verba nescio cujus Compilatoris: Imperiti, aut maligni. Quoniam clarum est huic Synodo non adfuisse ducentos septemdecim Episcopos. Aderant enim ex cunctis extra Proconsularem Provinciis solummodò tres Legati. Etiam Valentinus Numidiæ Primas videtur non adfuisse. Etenim nullibi interloquitur. Et non est apparens ipsum fuisse Legatum. Quæ omnia quidam considerantes censent hanc Synodum, ipsam consecutas literas ad Pontifices Bonifacium & Celestinum, omniaque circa Apiarium Acta esse nescio cujus spulia figmenta. Est audax grassatio in antiqua monumenta. Etenim ista ferè omnia exstant apud Dionysium Exiguum, cujus autoritas est irrefragabilis: Fuit enim optimus Iudex Apocryphorum. Quare vero similis est, quod quispiam Aurelii Primatis pertinax defensor legitimis Actis commissuerit quædam paleas.

Quidquid sit, Synodus dicitur celebrata in Basilica Fausti, cujus est frequens memoria apud Sanctum Augustinum. In sermone de verbis Apostoli: "Dies anniversarius Ordinationis Domini Senis „Aurelii crastinus illucescet. Rogat & admonet per Humilitatem meam, Charitatem vestram, ut ad Basilicam Fausti devotissimè venire dignemini.". Et duodecimus, ac vigesimus secundus post centesimum sermo de diversis habent hanc epigraphen: "Habitus in Basilica Fausti, Carthagino". Eiusdem Basilicæ est valdè frequens mentio in Africanis Conciliis. Eandem laudat in libris de Wandalica persecutione Venerabilis Victor Vitenfis Episcopus. Laudat sanctum Deo-gratias Carthaginensem Episcopum, quod fovendis infirmis, qui ex capta & spoliata per Geizericum Romanâ Urbe venerant in Africam, paraverit "duas Basilicas, nominatas & amplas, Fausti & Novarum". Et inter Divinas Wandalicæ captivitatis prænuntiationes refert: "Quidam Presbyter vidit ipsam Fausti Ecclesiam refertam turbis innumerabilibus Populorum, & post paululum evacuatam, & repletam porcorum multitudino, atque caprarum". Quod nempe Ariani Wandali, immundis porcis & capris similes, essent venerandam Ecclesiam invasuri

valſuri ac profanaturi. Et de quodam cœco ſcribit : "Pergit ad  
 „Fauſti Baſilicam". Ubi baptizabat ſanctus Eugenius. Et fuit  
 iſtic illuminatus. Etiam ſcribit de Elpidiphoro Apoſtata : "Fuerat  
 „apud nos in Eccleſia Fauſti baptizatus". Et poſt ejectionem Wan-  
 dalos Africani Episcopos ſcripſerunt ad Joannem ſecundum Pon-  
 tificem : "Ad univerſalem totius Africę Synodum ſideli devotione  
 „convenimus, in illa Juſtinianę Carthaginis Baſilica Congrega-  
 „tionis noſtrę primitias Domino conſecrantes, unde Patres noſtros  
 „Tyrannus Hunnericus expulerat. Hęc Baſilica Fauſti apud nos  
 „dicitur : Multis Martyrum corporibus inſignita, quorum Deus  
 „exaudivit orationes, ut daret hujus rei fiduciam Sacerdotibus".  
 Addunt aduiſſe ducentos ſeptemdecim Episcopos. Proinde erat  
 celeberrima Baſilica. Aliqui credunt fuiſſe Cathedralem. Etenim  
 apud ipſam erat Baptiſterium. Quod olim in quavis civitate uni-  
 cum videtur fuiſſe apud ſolam principalem Eccleſiam. Item Hun-  
 nericus Rex videtur Episcopos noſtros ejectione ex Cathedra Baſi-  
 lica, & ipſam tranſcripſiſſe in ſuos Arianos. At certum eſt non  
 fuiſſe. Cathedrales Eccleſie erat ſanctarum Felicitatis ac Perpetuę.  
 Quę poſtquã à Donatiſtis rediit ad Catholicos, dici cœpit "Re-  
 „ſtituta". Fauſtus ille, à quo Fauſti Baſilica, videtur fuiſſe non  
 ſanctus Eccleſię Patronus, ſed pius ejus extructor & fundator.  
 Ignoro veram originem.

## CAPITVLVM I.


 Oſt diem præſtitutam, ut recordamini  
 Fratres Chariffimi, multa flagitata ſunt  
 per expectantes Fratres noſtros, qui  
 nunc ad præſentem Synodum Legati ad-  
 venerunt. Quę Geſtis neceſſe eſt conſociantur.  
 Qua de re Domino noſtro de tantę Congregationis  
 cœtu gratias referimus. Super eſt ut tam exem-  
 plaria Nicęni Concilii, quę nunc habemus, &  
 à Pa-

à Patribus constituta sunt, quàm etiam hîc à Prædecessoribus nostris, eandem firmantes Synodum, vel quæ secundum eam formam per omnes Clericorum gradus, à summo usque in ultimum, salubriter ordinata sunt, in medium proferantur. Ab universo Concilio dictum est: Proferantur. Daniel Notarius recitavit: Nicæni Concilii fidei professio, vel Statuta sic se habent.

## S C H O L I O N.

**H**æc est præfatio & allocutio Aurelii Primatis. Quare Africani Codicis Compiler rectè adjunxit hæc verba: "Aurelius Episcopus dixit". Præsentis Synodi Compiler inconcinne separavit. Omnis quæstio erat de Nicænis Canonibus: An hi inferiori etiam Clero permitterent Romanas appellationes. Africani Antistites affirmabant ipsas prohiberi per perpetuam Ecclesiæ suæ consuetudinem, nihilominus se propter Nicænorum Canonum reverentiam recessuros à sua consuetudine, & Zozimi Papæ Mandatis per omnia parituros. Erat summa submissio: Etenim quod generales Capones singularibus ac rationabilibus, nisi ipsas speciatim expriment, consuetudinibus non derogent, est antiqua & fundata regula. Et Nicæni Canones Africanam consuetudinem non exprimebant. Eos igitur conquiri per omnem Africam jussit Aurelius: Et inventi non sunt, nisi famosi viginti, unaque fidei Decretum, seu Symbolum. Notanda sunt verba: "Exemplaria Nicæni Concilii, quæ nunc habemus, & à Patribus constituta sunt". Edicunt quod etiam tunc Africana Ecclesia ex Nicæno Concilio nihil habuerit præter Symbolum & Canones, adeoque quod Cecilianus ista sola secum Nicæa detulerit. Nulla secum derulit Synodalia Acta. Quod ipsum fecisse videntur & alii, qui pauci adfuerunt Synodo, Latini Episcopi. Quin & ipsi Apostolici Legati. Hinc plena Acta videtur nunquam vidisse Latina Ecclesia. Immo sanctus Hilarius Pictaviensis Episcopus, tantus

tantus Latinorum Doctor, in libro de Synodis profitetur ipsum Nicænum Symbolum à se etiam Episcopo non fuisse visum, nisi dum in exilio degeret apud Græcos. Hinc ergò ab Aurelio Primato iussus Daniel Notarius recitavit: "Nicæni Concilii fidei professio, vel Statuta sic se habent". Recitavit Symbolum & viginti Canones.

## CAPITVLVM II.



T cum legisset, Faustinus Episcopus Plebis Potentinæ, Provinciæ Italiæ Piceni, Legatus Romanæ Ecclesiæ, dixit: Injuncta nobis sunt à Sede Apostolica aliqua per scripturam, aliqua etiam in Mandatis cum vestra Beatitudine tractanda, sicut & Gestis superioribus meminimus. Hoc est, de Nicænis Canonibus, ut conseruentur, & constitutio eorum: Et consuetudo. Quia aliqua ordine & Canone tenentur, aliqua consuetudine firmata sunt. De his ergò primitus, si placet Beatitudini vestræ, tractemus: Et postea cætera, quæ acta vel inchoata sunt, inserta firmabuntur, ut ad Sedem Apostolicam Rescriptis vestris intimare possitis, atque nos vos admonuisse apud Venerabilem Papam evidenter pateat, licet & Capitula actionum jam inserta sint Gestis. De ipsis ergò, ut dictum est superius, quid vestræ Beatitudini placeat, agere debemus. Veniat ergò Commonitorium in medium,

Qqqq

dium,

DE AFRICANÆ ECCLESIAE  
dium, ut scire possit vestra Beatitudo, quid in eo  
contineatur, ut ad singula respondeatur.

### SCHOLION.

**L**ectos per Danielem Canones Faustinus Legatus sibi  
postulavit exhiberi discutiendos. Et in discussis non  
habuit quod reprehenderet. Notanda sunt verba ejus:  
"Sicut & Gestis superioribus meminimus". Et Aurelii  
in sequenti Capitulo verba; "Quod Fratres nostri in Actis nuper  
allegaverunt". Demonstrant hanc non fuisse primam Sessionem  
hujus Synodi. In priori Sessione Episcopi rogaverunt Faustinum,  
ut omittis secretis Mandatis exhiberet scriptum Commonitorium,  
ac ejus contenta tractaret. Hac in sessione patet, & præfatur  
palmarem Commonitorii scopum esse, ut deinceps in Africa ob-  
serventur Nicæni Canones. Ac item bonæ consuetudines. Quia  
quædam Ecclesiasticæ disciplinæ capita ex ordine & canone, quæ-  
dam ex legitima consuetudine habent originem & firmitatem. Afri-  
cana Ecclesia plures habuit singulares consuetudines, diffformes ge-  
neralibus Ecclesiæ Regulis. Eas non improbari, ideòque nec abo-  
lendas à Romana Ecclesia Faustinus promittit, dummodò tamen  
sint rationabiles, & non adversentur Nicæno Concilio. Hujus  
Canones affirmat esse Spiritu Dei conditos, & totius Mundi reve-  
rentiâ consecratos, ideòque nullam ab ipsis dissonantem consue-  
tudinem posse esse legitimam. Omniñò hos suos sermones dirigit  
in consuetudinem, quâ Africana Ecclesia Clericos prohibebat à Ro-  
manis appellationibus.

### CAPITVLVM III.



Aurelius Episcopus dixit: Proferatur  
Commonitorium, quod Fratres &  
Confacerdotes nostri nuper allegave-  
runt, & cætera quæ acta sunt, vel quæ  
agenda sunt, subsequantur. Daniel Notarius reci-  
tavit

tavit Commonitorium: Fratri Faustino, & filiis Philippo & Afello Presbyteris, Zozimus Episcopus. Vobis commissa negotia non latent. Vos ità ut nostra, immò quia nostra ibi in vobis præsentia est, cuncta peragite: Maximè cum & hoc nostrum possitis habere Mandatum, verba Canonum, quæ in pleniorē firmitatē huic Commonitorio inseruimus. Ità enim dixerunt dilectissimi Fratres in Concilio Nicæno, cum de Episcoporum appellatione decernerent: Placuit autem, ut si Episcopus accusatus fuerit, & judicaverint congregati Episcopi Regionis ipsius, & de gradu suo dejecerint eum, & appellasse Episcopus videatur, & confugerit ad Beatissimum Romanæ Ecclesiæ Episcopum, & voluerit audiri, & justum putaverit, ut renouetur examen, scribere his Episcopis dignetur, qui in finitima & propinqua Provincia sunt, ut ipsi diligenter omnia requirant, & juxta fidem veritatis definiant. Quod si is, qui rogat causam suam audiri, deprecatione sua mouerit Romanum Episcopum, ut è Latere suo Presbyterum mittat, erit in potestate Episcopi Romani, quid velit, & quid existimet. Et si decreverit mittendos esse, qui præsentēs cum Episcopis judicent, habentes auctoritatem ejus, à quo destinati sunt, erit in suo arbitrio. Si verò crediderit sufficere Episcopos, ut negotio terminū imponant, faciet quod sapientissimo suo consilio judicaverit.

Qqqq 2

SCHO-

## SCHOLION.

**I**N famosa sua ad sanctum Flavianum Constantinopolitanum Antistitem epistola sanctus Leo Pontifex Julium Puteolanum Episcopum, ac Renatum sancti Clementis Presbyterum, suos ad Ephesinam Synodum Legatos, appellat suos Fratres. Et Paschasius Quesnellus commemoratur: "Ità plerique Codices manuscripti, & omnes excusi cum Græca versione, congruit illius ævi moribus, cum Episcopi Presbyteros Fratres vocitabant". Fateor olim fuisse istum morem. Verum non fuit universalis. Palam lucet ex præsentī Commonitorio. Plura sunt istiusmodi exempla. Ex eodem Commonitorio discimus, quod Romanus Pontifex etiam tunc se scriberet simpliciter Episcopum sine contractione ad Romanam civitatem. Quod nempe sit universalis Episcopus. Primum Commonitorii caput erat de Romanis Episcoporum appellationibus. Nulla unquam de ipsis fuerat apud Afros quæstio. Attamen Zozimus demonstrare voluit ipsas non in sola fundari consuetudine, sed etiam in Nicænis Canonibus. Ità enim Afros promiserat. Deindè istas Afrorum appellationes deducere voluit ad formam, quam omnis observabat Ecclesia. Et ad hoc fines adduxit quintum Canonem Sardicensem. Et adjunxit esse editum in Nicæno Concilio.

## CAPITVLVM IV.

**T** cum recitaret, Alipius Episcopus Tagastensis, Legatus Provinciæ Numidiæ, dixit: De hoc jam superioribus etiam literis Concilii nostri rescripsimus, & id nos servaturos prefitemur, quod in Nicæno Concilio constitutum est. Adhuc tamen me movet, quoniam cum inspiceremus Græca exemplaria:

ria hujus Synodi Nicænæ, ista ibi, nescio quâ ratione, minimè invenimus. Unde petimus Venerationem tuam, sancte Papa Aureli, ut quia hoc authenticum Concilium Nicænum in Urbe dicitur esse Constantinopolitana, aliquos cum Scriptis Tux Sanctitatis mittere digneris. Et non solum ad ipsum sanctum Fratrem nostrum Constantinopolitanum Episcopum, sed etiam ad Alexandrinum & Antiochenum venerabiles Sacerdotes, qui hoc nobis Concilium cum sub stipulatione literarum suarum dirigant, ut omnis postmodum ambiguitas auferatur. Quia nos ita, ut Frater Faustinus attulit, minimè invenimus. Ista nos tamen tantisper servaturos, ut antea dixi, donec integra exemplaria veniant, profitemur. Petendus est autem literis nostris & venerabilis Ecclesiæ Romanæ Episcopus Bonifacius, ut ipse quoque dignetur ad memoratas Ecclesias aliquos mittere, qui eadem exemplaria prædicti Nicæni Concilii secundum ejus possint Scripta proferre. Nunc autem memorati Concilii Nicæni qualia exemplaria habeamus, his Gestis sociemus.





## S C H O L I O N.

**D**E admittendis & observandis quoad quasvis appellationes Nicænis Canonibus Africani Antistites jam fuerant stipulati cum Zozimo, & ab hac ejus Legatione expectabant istos Canones. Hinc ad præsentem Sardicensem fuerunt admirati. Etenim ipsum nec invenerant in suis scriniis, nec usquam audiverant. Interim Religioni duxerunt de Romani Pontificis fide vel dubitare. Crediderunt sua exemplaria esse inutilia aut mendosa. Authentica reperiri in Patriarchalibus Græcorum Bibliothecis. Præsertim in Constantinopolitana. Hinc sanctus Alipius Aurelium Primatem movit, ut non solummodo ab Africana, sed etiam à Romana Ecclesia sollemnis ad istas Ecclesias designaretur Legatio, postulatura & allatura veros Nicænos Canones. Et adjunxit: "Nos tamen ista tantisper servaturos proficemur". Utrique propter Apostolicæ Sedis reverentiam. Ex hoc loco novarum hodie rerum dilectores educunt Romanas appellationes etiam Afrorum Episcopis nunquam licuisse. Etenim Africani hic Episcopi nequaquam stipulantur de Clericorum, sed de solis Episcoporum appellationibus. Et istud ipsum confirmatur ex istorum Episcoporum literis ad Papam Bonifacium: "De „Primo“ Commonitorii articulo, "id est, ut Romam liceat Episcopis provocare, jam priore anno insinuare curavimus".

Respondeo hoc Interim, sive Pactum non de Episcopalis appellationis fuisse substantia, sed de sola, Afris ignota, forma Sardicensi. Quod enim de ista substantia nunquam dubitaverint, est abundè demonstratum. Quod de sola ista forma fuerit ambiguitas, ostendunt istorum Episcoporum tam ad Bonifacium, quam ad Celestinum Pontificem literæ, præsertim hæc verba: „Nam ut aliqui tanquam à Tuæ Sanctitatis Latere mittantur, nullâ „invenimus Patrum Synodo constitutum". Qui nempe per Pontificem delegatæ ad retractandam causam Synodo præsideant, & in Synodali opere habeant Prærogativam atque Primatum. Tales Apostolicæ Sedis Legatos Afri nunquam viderant: At ignorabant probari per Canones. Nihilominus stipulati sunt omnem Canonem per Interim observare. Uti hodiè novi Dogmatistæ censent

consent retractatorium appellationum Episcopaliū Judiciū non posse Romam evocari, aut exerceri per ipsum Pontificem, sed eum obligari ad istud delegandum in partibus itā tunc Africani Episcopi credebant istud Judiciū spectare ad personalia sancti Petri & Successorum privilegia, ideòque non posse delegari. Opinandi fundamenta adduxi Superiūs. Ad istam igitur, omnemque aliam Sardicensem formam in Africa plantandam Zozimus transmissit etiam Canonem de Episcoporum appellationibus.

Nec aliud Afri scripserunt ad Papam Bonifacium. Etenim adductis suis verbis mox adjungunt: "Et nunc de tua poscimus, Sanctitate, ut quemadmodum ea apud Nicænam à Patribus acta, vel constituta sunt, sic ea à nobis facias custodiri, & ibi apud vos ista, quæ in Commonitorio attulerunt, facias exerceri, id est, si Episcopus accusatus fuerit", &c. Adducunt totum Sardicensem Canonem. Et concludunt: "Hæc utique usquē ad adventum verissimorum exemplarium Nicæni Concilii inserta sunt Gestis. Quæ si ibi, quemadmodum ipso, quod apud nos Fratres, ex Apostolica Sede directi allegaverunt, Commonitorio continentur, eoque ordine vel apud vos in Italia custodiantur, nullo modo nos talia, qualia commemorata jam nolumus, vel tolerare cogemur, sed credimus adjuvante misericordia Domini Dei nostri, quod tua Sanctitate Romanæ Ecclesiæ præsidente, non simus jam typhum istum passuri". Zozimus ab Afri postulaverat duo. Primò, ut Episcoporum appellationes deinceps fierent juxta formam Sardicensem. Deinde ut retractati per Romanam Ecclesiam Judicii executio fieret eo modo in Africa, quo fiebat in Italia. Nempe dum prompta non sequebatur obedientia, fieret per violentam compulsionem, quam Afri dicebant esse "typhum sæculi". Et primum usquē ad Nicænorum Canonum adventum servare sponderunt, secundum articulum sunt omni modo aversati. Quæ omnia altè clamant hoc "Interim" fuisse non de Episcopalis appellationis substantia, sed dumtaxat de ordine & modo.



## CAPITVLVM V.

**A**uſtinus Epiſcopus, Legatus Eccleſiæ Romanæ, dixit: Nec veſtra Sanctitas præjudicat Eccleſiæ Romanæ, ſive de hoc Capitulo, ſive de aliis, quia dicere dignatus eſt Frater noſter & Co-Epiſcopus Alipius dubios eſſe Canones. Sed hæc ipſa ad Sanctum & Beatiffimum Papam noſtrum ſcribere dignemini, ut & ipſe integros Canones inquirens, cum veſtra Sanctitate de omnibus Conſtitutis tractare poſſit. Sufficit autem, ut ipſe Beatiffimus Epiſcopus Urbis Romæ, ſicut veſtra Sanctitas apud ſe tractat, ita ipſe inquireat, ne contentio inter Eccleſias naſci videatur, ſed magis charitate fraternâ deliberare poſſitis, ipſo reſcribente, quid melius obſervari debeat. Aurelius Epiſcopus dixit: Præter iſta, quæ promiſimus Actis, neceſſe eſt ut etiam noſtræ Parvitatſ literis, Sancto Fratri & Con-Sacerdoti noſtro Bonifacio ſingula, quæ tractamus, pleniffimè intuemus. Ergo ſi omnibus placet proſecutio noſtra, ore omnium condifcamus. Univerſum Concilium dixit: Placet.



SCHIO-

## S C H O L I O N.



Dversus sancti Alipii intercessionem Faustinus Legatus nihil duxit opponendum. Afrorum de adducto Canone hæitationem vidit esse fundatam, idèdque & dixit: "Vestra Sanctitas non præjudicat Romanæ Ecclesiæ. Attamen Legationem ad Orientales Ecclesias censuit non expedire, sed verorum Canonum inquisitionem esse faciendam apud solam Romanam & Africanam Ecclesias. Et adjunxit rationem: "Ne contentio inter Ecclesias nasci videatur, sed magis charitate fraternâ deliberare possitis, ipso" Pontifice Bonifacio "rescribente, quid melius observari debeat". Postulatam ab Alipio Legationem non penitus improbavit, sed suavit non à Romana simul & Africana Ecclesia faciendam, sed permittendam Pontificis arbitrio, & si facienda judicaretur, ab ipso solo faciendam. Duplex enim & divisa Legatio altè apud Græcos clamaret esse contentiones inter istas Ecclesias. Et Primas Aurelius probavit consilium. Et omnis Synodus acclamavit: "Placet". Tanta erat Afrorum reverentia in Romanam Cathedram.

## CAPITVLVM VI.



Ovatus Episcopus, Legatus Mauritanix Sitifensis, dixit: Nunc meminimus in hoc præfenti Commonitorio lecto etiam de Presbyteris sive Diaconibus contineri, qualiter ab Episcopis suis, vel à finitimis audiri debeant, quod in Nicæno Concilio minimè legimus. Unde hoc ipsum jubeat Sanctitas Vestra nobis recitari. Aurelius Episcopus dixit: recitetur ad locum etiam hoc quod deponitur. Daniel

R r r r

Nota-

notarius recitavit: De appellationibus autem Clericorum, id est, minoris loci, restat ipsius Synodi certa responsio. De qua re quid acturi sitis, credimus inferendum, quod taliter dictum est ex Concilio. Hosius Episcopus dixit: Quid me adhuc moveat, reticere non debeo. Si Episcopus fortè iracundus, quod esse non debet, citò aut asperè commoveatur adversus Presbyterum sive Diaconum suum, & exterminare eum de Ecclesia voluerit, providendum est, ne innocens damnetur, aut perdat communionem. Et ideò habeat potestatem ejectus, ut finitimos interpellet Episcopos, ut causam suam audiant, & diligenter tractent, quia non oportet negari audientiam roganti. Et ille Episcopus, qui aut justè aut injustè eum ejecit, patienter accipiat, ut negotium discutiatur, & aut probetur ejus, aut emendetur sententia, &c.

## S C H O L I O N.

**N**ovatus Sitifensis Episcopus, ac istius Mauritaniae Legatus, à primo Commonitorii articulo perrexit ad tertium & palmarem, qui erat de inferioris Cleri appellationibus. Etiam pro ipsis adductum à Zozimo Canonem dixit non esse Nicænum, aut certè non reperiri inter Decreta Nicæni Concilii. Quæstio est, quo fundamento, aut quo colore Zozimus ad Romanas appellationes inferiori Afrorum Clero impartendas adduxerit istum Sardicensem Canonem? Dominus Petrus de Marca respondet: "Hujus Canonis præjudicio, quem „Legatus Faustinus tamquam Canonem Nicænæ Synodi protulerat,  
Zozimus

„Zozimus firmare conatus est cognitionem à se habitam de causa  
 „tunc Apiarii Presbyteri Africani, à proprio Episcopo dejecti,  
 „existimans videlicet eum esse Canonis illius sensum, ut Presby-  
 „teri excommunicati arbitrio relinquat querelam deferendi ad quos  
 „voluerit Episcopos, modò Provinciæ vicini essent, cuiusmodi  
 „esse Roma videbatur, habitâ ratione Provinciarum Maritima-  
 „rum Africæ”.

Respondeo hæc esse paradoxa. Quomodò enim Romanus Anti-  
 stites Siccenti intra Sitifensem Mauritaniam Clerico possit dici fi-  
 nitiuus ? Interjacent Numidia atque Byzacium. Quis credat,  
 quod Zozimus Apostolicam Sedem computarit inter finitimos  
 ubicumquè damnatorum Clericorum Episcopos, & ex hoc solo  
 titulo adscripserit ipsi jus admittendæ appellationis ? Fundavit istud  
 jus in Primatu suæ Sedis. Proindè Zozimus, dum Afriscanone misit,  
 direxit suos oculos haud dubiè ad scopum Apiarii. Quin Apiarius  
 plurima de impotenti Afrorum Episcoporum in suum Clerum do-  
 minatu instillaverit auribus Zozimi, non est dubitandum. Nec  
 sine fundamentis. Istius enim dominatus insolentia Gratum Pri-  
 matem permovit ad datam ipsis per Apostolicos Canones pote-  
 statem circumscribendam, ac Synodaliter sanciendum, ut Episco-  
 pus non queat solus damnare, aut judicialiter frænare suum Pres-  
 byterum, aut Diaconum, nisi cum assistentia sex, aut trium Col-  
 legarum. Proindè Zozimus Africanum Clerum censuit liberan-  
 dum ab isto dominatu, & vidit Sardicensem Canonem esse isti  
 fini aptissimum, & propter ipsum emanasse. Hinc prudentissimè  
 transmisit in Africam. Per ipsum demonstravit Clerum non ad-  
 stringi ad Retractatorium suæ Provincialis Synodi iudicium : Esse  
 adeò liberum, ut ipsâ neglectâ possit confugere ad vicinos Epi-  
 scopos. Quocirca Dominus Petrus de Marca manifestè labitur,  
 quod Zozimus hunc Canonem adduxerit pro Romanis inferioris  
 Cleri appellationibus. Etenim lucidum est istum esse scopum aut  
 sensum Canonis. Sardicensis de Romanis appellationibus Canon,  
 licet solos Episcopos exprimat, omninò tamen sancit etiam de Cle-  
 ricis. Et quod omnis sub cælo Ecclesia ipsum sic semper intellexe-  
 rit, huc usque ostensum est per authenticâ, ac plura exempla, ac  
 testimonia. Proindè omnis Zozimi per Canonem scopus fuit digno-  
 scere, an Paterna Sardicensis Synodi in Clerum providentiâ, &  
 super quintum Nicænum Canonem adjecta clementia locum ha-

beret in Africa, atque ita Clerus non opprimeretur per Episcopos. Possit in hujus canonis transmissione Zozimus oculos direxisse etiam in Romanas inferioris Cleri appellationes, & à minori ad majus duxisse argumentum, hoc sensu: Nicæni Canones inferiorem Clerum aded non adstringunt appellare ad solam suæ Provinciæ Synodum, ut permittant appellare etiam ad finitimos Episcopos; quantò igitur magis ad Episcopum Romanorum? Ita aliqui existimant. Non malè.

## CAPITVLVM VII.



Cumque recitarentur, Augustinus Ecclesiæ Hipponis Regiensis, Legatus Provinciæ Numidiæ, dixit: Et hoc nos servaturos profitemur, salvâ diligentiori inquisitione Concilii Nicæni. Aurelius Episcopus dixit: Si hoc etiam omnium vestræ Charitati placet, responsione firmate. Universum Concilium dixit: Omnia quæ in Nicæno Concilio statuta sunt, nobis omnibus placent. Jocundus Episcopus Ecclesiæ Suffetulæ, Legatus Provinciæ Byzacenæ, dixit: Quod constitutum est in Nicæno Concilio, violari à quoquam nullatenus potest.

### SCHOLION.



Etiam hæc sancti Augustini interlocutio demonstrat summam Africanæ Ecclesiæ reverentiam & in sancti Petri Sedem, & in Nicænos Canones. Ex priori reverentia transmissos à Zozimo Sardicenses Canones omnis ista Ecclesia usque ad lucidam veritatis manifestationem venerari perrexit tanquam Nicænos; ex posteriori fuit parata valere suæ antiquæ consuetudini, & inferiori etiam Clero Romanas appella-

ROMANIS APPELLATIONIBUS. 685  
 appellationes permittere. Non soli duo Provinciarum Legati, sed  
 omnis Synodus unâ voce exclamavit: "Omnia quæ in Nicæno  
 Concilio statuta sunt, nobis omnibus placent". Omnibus placuit  
 Jocundi Suffetulensis Episcopi interlocutio: "Quod constitutum  
 est in Nicæno Concilio, violari à quoquam nullatenus potest".  
 Locuti sunt ex regula, ex qua & magnus Leo postea scripsit Ni-  
 cænos Canones esse "Spiritu Dei conditos, & totius Mundi reve-  
 rentiâ consecratos". Ex ista reverentia Aparii Presbyteri factam  
 à Zozimo reparationem admiserunt. Non usque ad repertam Ni-  
 cænorum Canonum veritatem, nequè ad quamvis aliam reinci-  
 dentiar conditionem, sed absolutè, ac in perpetuum. Attamen  
 sub præfatis moderationibus.

## CAPITVLVM VIII.



Austinus Episcopus, Legatus Ecclesiæ  
 Romanæ, dixit: Adhuc secundum  
 professionem Sanctitatis vestræ, tam  
 sancti Alipii, quàm & Fratris nostri Jo-  
 cundi, aliqua infirmari eredo, aliqua firmari de-  
 beant, cum jam in dubium ipsi Canones venerint.  
 Ergò, ut placet & nobis & Beatitudini vestræ, ad  
 sanctum & venerabilem Ecclesiæ Romanæ Boni-  
 facium Episcopum vestra scribere dignetur Sancti-  
 tas, ut & ipse, quod sanctus Augustinus statuere  
 dignatus est, deliberare possit, utrumnàm & hoc  
 concedendum sit, an reticendum, hoc est, de ap-  
 pellationibus inferioris gradus. Si ergò adhuc in  
 dubium venit, de hoc Capitulo justum est ut Bea-  
 tissimæ Romanæ Sedis Episcopus informari de-  
 beat. Si tamen in approbatis Canonibus hoc re-  
 periri possit.

Rrrr 3.

SCHO.



## SCHOLION.



Anon est manifestè mendosus. Forſan emendari poſſit hoc modo : "Aliqua infirmari credo, quæ firmari debeant". Infirmari eſt non penitus cohærere. Etenim ſanctus Alipius de Episcopaliſibus, ſanctus Auguſtinus de Clericaliſibus appellationibus dixerant : "Hoc nos ſervaturos proſitemur, ſalvâ diligentiori inquiſitione Concilii Nicæni". At verò Jocundus Episcopus dixerat : "Quod conſtitutum eſt in Nicæno Concilio, violari à quoquâ nullatenus poteſt". Hæc Fauſtinus Legatus cenſuit non ex integro cohærere. Non nihil reſeſſit à priori ſua interlocutione : "Veſtra Sanctitas non præjudicat Eccleſiæ Romanæ". Hæſitavit, an hæc de tranſmiſſorum à Zoſimo Canonum legitima authoritate diſſidentia non præjudicaret. Hinc omnia cenſuit referenda ad Pontificem Bonifacium. Præſertim ſancti Auguſtini interlocutionem. Etenim ex ipſa videbat, nutare reparationem Apiarii. Quoniâ reſerta Canonum veritas poterat ipſam exſufflare.

## CAPITVLVM IX.



Aurelius Episcopus dixit : Etiam, quæ dudum veſtræ Charitati intimavimus, nunc patimini exemplaria Statutorum Nicæni Concilii, ſed & quæ hic ſalubriter à noſtris Deceſſoribus ſecundum ejuldem Concilii normam formata ſunt, vel quæ nunc ordinata ſunt à nobis, recitari, & Geſtis inferi. Omne Concilium dixit : Exemplaria fidei & Statuta Nicænz Synodi, quæ ad noſtrum Concilium per beatæ recordationis olim Prædeceſſorem tuæ Sanctitatis

tatis, qui interfuit, Cecilianum Episcopum allata sunt, sed & quæ Patres, ea exemplaria sequentes, hîc constituerunt, vel nunc communi Tractatu statuimus, his Gestis Ecclesiasticis inserta manebunt, ita ut, quemadmodum superius dictum est, venerabilibus viris Antiochenæ & Alexandrinæ, sed & Constantinopolitanæ Ecclesiarum Episcopis scribere vestra Beatitudo dignetur, ut exemplaria verissima Concilii Nicæni sub adstipulatione literarum suarum dirigant: Quò, declaratâ veritate, ea Capitula, quæ in Commonitorio præsens Frater, & Co-Episcopus noster Faustinus, & Com-Presbyteri Philippus & Asellus secum attulerunt, aut ibidem reperta à nobis firmabuntur, aut si non inveniuntur, collecta Synodo de hoc in sequenti tractabimus. Daniel Notarius Nicæni Concilii professionem fidei, vel ejus Statuta recitavit in Concilio Africano.

### SCHOLIION.

**I**s omnibus auditis Primas Aurelius persistit in suo priori, & quorundam Collegarum judicio, censentium esse necessariam perquisitionem verorum Canonum. Et omnis Synodus fuit adstipulata. Dixit & allatos in Africam à Ceciliano Carthaginensi Primate, qui Synodo interfuerat, Nicænos Canones, & omnia ex ejus Codice transcripta exemplaria comprehendere solos viginti, & à Zozimo transmissos non esse in illis, ideòque necessariam esse Legationem ad Alexandrinam, Antiochenam, & Constantinopolitanam Ecclesiam, quæ ab illis authentica exemplaria adduce-

adduceret. Ad sanctum Cytillum Patriarcham Alexandrinum Innocentius Presbyter, ad Attieum Antistitem Constantinopolitanum missus est Marcellus Sub-Diaconus. Existimo pro Marcello legendum esse Marcellinum : Nempè illum Carthagenensis Ecclesiae Sub-Diaconum, qui Afrorum circa Celestii causam Rescripta deportavit ad Papam Zozimum. An Bonifacius Pontifex similem Legationem, aut certè literas miserit, non possum affirmare. Istius rei nulla est memoria. Quin tamen Africana Synodus legaverit etiam ad Ecclesiam Antiochenam, videtur non dubitandum. Istam Patriarchalem Cathedram videtur tunc insedis venerabilis Theodorus, & ante Legationis adventum obiisse : Successor Joannes videtur non respondisse. Aut sanè ejus Rescriptum latet, aut periit.

Et hæc omnia sua Acta Synodus retulit ad sanctum Papam Bonifacium. Apiarii reparationem, suum judicium de Zozimi Commonitorio, & contentis in ipso Canonibus, ac præsertim suam Legationem ad Orientales Ecclesias. Hæc est relatio : "Quamvis  
 „plures Codices legeremus, sed nusquam in Nicæno Concilio, in  
 „Latinis Codicibus legimus, quemadmodum in supradicto Com-  
 „monitorio inde directa sunt. Tamen quia hic in nullo Codice  
 „Græco ea potuimus invenire, ex Orientalibus Ecclesiis, ubi per-  
 „hibentur eadem Decreta posse etiam authentica reperiri, magis  
 „nobis desideramus adferri. Pro qua re tuam quoque Veneratio-  
 „nem obsecramus, ut scribere etiam ipse digneris ad illarum par-  
 „tium Sacerdotes, hoc est, Ecclesiae Antiochenæ, Alexandrinæ,  
 „& Constantinopolitanæ. Et si aliis etiam placuerit quæ Sancti-  
 „tati. Ut inde ad nos eideam Canones apud Nicænam civitatem  
 „à Patribus constituti veniant, te potissimum hoc beneficium  
 „cunctis Occidentalibus Ecclesiis in Domini adjutorio conferente.  
 „Quis enim dubitet exemplaria esse verissima Concilii Nicæni in  
 „Græcia congregati, quæ de diversis locis, & de nobilibus Græcis  
 „Ecclesiis allata, & comparata concordant? Quod donec fiat, hæc  
 „quæ in Commonitorio supradicto allegata sunt, de appellatio-  
 „nibus Episcoporum ad Romanæ Ecclesiae Sacerdotem, & de Cle-  
 „ricorum causis apud suarum Provinciarum Episcopos terminandis,  
 „nos usque ad prolationem servaturos esse profitemur, & Beati-  
 „tudinem tuam ad hoc nos adjuturam in Dei voluntate confidimus.  
 „Cætera verò, quæ in nostra Synodo gesta & confirmata sunt,  
 quoniam

„quoniam supradicti Fratres nostri, Faustinus Co-Episcopus, Philippus & Asellus Presbyteri secum ferunt, si dignatus fuerit, tuæ nota facient Sanctitati”.

Plurahinc discimus. Primò, quod Faustinus Legatus, ac ejus Collegæ post hanc Synodum redierint ad aliam Urbem. Secundò, quod Philippum & Asellum, Cardinales Presbyteros, quos Zozimus dixerat filios, hæc Synodus inscribat Fratres. Nempè aliter Romanus Pontifex, aliter inferiores Episcopi fuerunt semper consueti inscribere titulos. Etiam Innocentium Presbyterum, sibi alienum, Legatum hujus Synodi, sanctus Cyrillus inscripsit filium. Forsitan quia Patriarcha Alexandrinus fuit semper consuetus in cunctis imitari Romanum Pontificem. Tertiò discimus, quod hæc Synodus decretam à se Legationem retulerit Bonifacio, sed tamen ejus executionem non distulerit usque ad ejus Rescriptum. Quartò, quod Bonifacio supplicarit. ut & ipse similem Legationem decerneret. Quare omninò possit decrevisse. Quintò discimus, quod hæc de Nicænis Canonibus quæstio posterioribus sæculis forsitan præbuerit ansam litigandi de eorundem numero, & fingendi varias de ipsis epistolas, contentas in Codice Isidori Mercatoris. Africani Episcopi plurimum fiduciæ habebant apud sanctum Bonifacium. Quippè ab Imperatore Honorio fuerant in Italiam vocati ad discutiendam ejus causam contra Anti-Papam Eulaliū : Et se ad iter adcinxerant, ipsum adiuturi. Hinc ab ejus sapientia atque justitia supplicarunt & sperarunt se liberandos à supra exposito Romanæ executionis modo, quem appellabant "typhum sæculi". Idque "etiamsi fortè aliter se haberent Nicæni Canones". Censebant aduersari Christianæ modestiæ.



## CAPUT XXIX.

*Exponitur alia de his rebus Carthagenensis Synodus,  
habita sub Pontificatu sancti Celestini*



Uo tempore Innocentius Carthagenensis Ecclesiae Presbyter, & Marcellinus ejusdem Ecclesiae Sub-Diaconus, ex Oriente redierint, non constat. Etenim ad sanctos Alipium, & Augustinum scribit sanctus Hieronymus: "Sanctus Innocentius Presbyter, qui hujus sermonis est portitor, anno præterito, quasi nequaquam in Africam reversurus, mea ad Dignationem vestram Scripta non sumpsit". Hic Innocentius omnino videtur esse ille ipse Synodalis Legatus. Cum Synodalibus literis Carthagine Alexandriam ad sanctum Cyrillum, cum aliis sanctorum Alipii & Augustini literis Alexandria profectus est Hierosolymam ad sanctum Hieronymum. Etenim Alipius & Augustinus fuerant magna pars istius Synodi, ideoque ejus Legato addiderunt suas de Pelagiana hæresis literas ad suum in isto bello strenuissimum Commilitonem Hieronymum. Ansam scribendi præbuit Celestius, qui suam ad Zozimum Pontificem appellatione Africanam insigniter vexaverat, Romanam autem Ecclesiam sædissimè, ac nuperrimè deluserat. An Innocentius solus, an simul cum Marcellino iverit Hierosolymam, ignoro. Videtur ivisse solus. Nam principales ipsorum termini fuerunt nimium disparati. Quidquid sit, ambo retulerunt Nicænos Canones cum sancti Cyrilli & Attici literis, inscriptis ad Aurelium, ac ejus Synodum. Sancti Cyrilli epistola scripta est anno istius sæculi vigesimo tertio, quarto post istam Synodum. Etenim proximum post epistolam Paschaerat futurum decimo septimo kalendas Maias, id est, die decimâ quinta Aprilis: Quod factum est anno istius sæculi vigesimo tertio. Et Paschalis dies per Alexandriæ Patriarcham non solebat denunciari Ecclesiis, nisi ad Festum Dominicæ Epiphaniæ. Bonifacius Pontifex erat tunc adhuc superstes. Est enim isto anno defunctus octavo kalendas Novembres. In

In Africano Codice ad sancti Cyrilli & Attici epistolas habemus  
 hanc annotationem : "Sanctus Cyrillus Authentica Concilii Ni-  
 ,cæni, translata de Græco, per Innocentium Presbyterum trans-  
 ,mittit. Quæ, & etiam aliæ epistolæ, cum eodem Concilio  
 ,Nicæno per memoratum Presbyterum Innocentium, & Mar-  
 ,cellum Sub-Diaconum Ecclesiæ Cathaginenfis, sancto Bonifacio  
 ,Episcopo Romanæ Ecclesiæ sub die sexto kalendas Decembris  
 ,sunt directæ". Proinde circa Festum Epiphaniæ Innocentius  
 Alexandriâ rediit in Africam. Exinde Episcopi transmissos Ca-  
 nones discusserunt, ac de suis rebus deliberarunt : Haud dubiè Sy-  
 nodaliter. Sexto kalendas Decembris eisdem Legatos cum Nicænis  
 Canonibus, ac suo circa hæc omnia iudicio miserunt ad sanctum  
 Bonifacium, haud dubiè supplicantes suam sibi circa inferioris Cle-  
 ri appellationes consuetudinem confirmari, ac deinceps non in-  
 fringi aut impeti. Verum tunc ultra mensem defunctus erat Bo-  
 nifacius, ac Celestinus Successor ferè per mensem sederat. Africana  
 Ecclesia usquè tunc ista ignorabat. Ex his lucet labi Joannem  
 Garnerium, ubi in Pelagiana historia asserit Innocentium Presby-  
 terum ad conquirendos Nicænos Canones fuisse missum anno istius  
 sæculi decimo octavo, & nono decimo rediisse. Rectè tamen  
 dubitat, an hic Legatus sit idem cum laudato per sanctum Hier-  
 onymum Innocentio. Etenim de suo Innocentio scribit sanctus  
 Hieronymus : "Quasi nequaquam in Africam reversurus". At-  
 tamen hoc non evincit. Poterat enim tunc non velle, aut  
 ex Superiorum Mandato non posse reverti.

His cognitis Africani Episcopi denuò fecerunt aliam Synodum.  
 Ejus, uti & istius prioris, Acta perierunt, aut latent. Utcum-  
 què tamen disci possint ex hujus posterioris relatione ad sanctum  
 Celestinum. Ejus verba, licèt superiùs adducta, sunt repetenda:  
 "Optaremus, si quemadmodum Sanctitas tua de Apiarii adventu  
 ,lætatos vos fuisse, missis per Con-presbyterum nostrum Leonem  
 ,litteris intimavit, ita nos quoque de ejus purgatione hæc Scripta  
 ,cum lætitia mitteremus. Esset profectò & nostra, & vestra modò  
 ,alacritas cettior : Nec festinata, nec præpropere videretur, quæ  
 ,adhuc tam de audiendo, quàm de audito præcesserat. Adve-  
 ,niente sancè ad nos sancto Fratre & Co-Episcopo nostro Faustino,  
 ,Concilium congregavimus, & credidimus ideo cum illo missum,  
 ,quoniam sicut per ejus operam Presbyteriò ante redditus fuerat,

„ita nunc posset de tantis criminibus, à Tabracenis objectis, eo  
 „laborante purgari. Cujus tanta & tam immania flagitia decursum  
 „nostri Concilii examen invenit, ut memorati patrociniū potiùs  
 „quàm iudiciū, ac defensoris magis operam, quàm disceptatoris  
 „iustitiam superarent. Nam primum, quantum obstiterit omni  
 „Congregationi diversas injurias ingerendo, quasi Ecclesiæ Ro-  
 „manæ asserens privilegia, & volens eum à nobis in communionem  
 „suscipi, quem tua Sanctitas, credens appellasse, quod probare  
 „non potuit, communioni reddiderat, quod minimè tamen licuit.  
 „Quod etiam Gestorum ex lectione melius cognoscēs. Triduo  
 „tamen laboriosissimo agitato iudicio, cum diversa eidem objecta  
 „afflictissimi quæreremus, vel moras Co-Episcopi nostri Faustini,  
 „vel tergiversationes ipsius Apiarii, quibus nefandas turpitudines  
 „occulere conabatur, Deus Iudex fortis, iustus, & longanimis,  
 „magno compendio refecit. Tetriore quippè, ac putidiorè obli-  
 „tatione compressa, quā tantum libidinum cœnum impudentiā ne-  
 „gationis volebat obruere, Deo nostro ejus conscientiam coarctante,  
 „& occulta, quæ in illius corde, tanquàm in volutabro criminum  
 „jam damnavat, etiam hominibus publicante, repente in con-  
 „fessionem cunctorum objectorum flagitiorum dolosus negator  
 „erupit. Et tandem de omnibus incredibilibus opprobriis ultro-  
 „neus se ipse convicit, atque ipsam quoquē nostram spem, quā  
 „eum & credebamus, & optabamus de tam pudendis maculis posse  
 „purgari, convertit in gemitus: Nisi quoniam istam nostram mœ-  
 „stitiam uno tantum mitigavit, quod & nos labore diurnioris  
 „quæstionis absolvit, & suis vulneribus qualemcumquē medelam,  
 „cisi invita ac suæ conscientiæ reluctante confessione providit”.

Hæc epistola non est Afrorum Antistitum prima ad sanctum  
 Celestinum. Nec enim ipsi ex more gratulatur Pontificatum, nec  
 circa ipsum fausta precatur. Solummodò habet in sui medio:  
 „Præfatio debitæ salutationis officio”. Est scripta ex impetu,  
 idèque oblita consuetam præfationis reverentiam locare in exordio.  
 Ex ipsa interim colligimus plura. Primò, quod in adductis ex  
 Oriente Nicænis Canonibus missos à Zozimo Canones non videntes  
 Africani Episcopi censuerint se fundatos adversus Romanam Eccle-  
 siam, idèque reparati Apiarii causam judicaverint retractandam.  
 Et omninò retractarunt. Quin & reparationem exufflarunt. Ipsam  
 antea admiserant sub certis moderationibus, atque absolute,

fin

sine dependentia à quovis successu circa Nicænos Canones. Et ecce nunc omnia circumducunt. Attamen ex alio principio. Adduxerunt enim nova ejus crimina, novaſque probationes: Et de istis confictum, & confessum denuò dejecerunt. Immo non dejecerunt, sed à Celestino Pontifice deiciendum denuò transmiserunt ad almam Urbem. Ap-  
positis Apostolicæ Sedis manibus detulerunt antiquam reverentiam. Et Celestinus ipsum accepit cum gaudio, ejus reparationem innovavit & firmavit, & cum Faustino Episcopo reponendum remisit in Africam. Quæ omnia apud Atros sunt acta Synodaliter. Et ex his patet tam Faustinum, quam Apiarium frequenter iisse & rediisse.

Ad Faustini reditum Africani Episcopi denuò adunarunt Synodum. Et in ipsa Faustinus Apiarii Advocatum potius egit, quam Judicem. Et ante omnia potenter obstitit omni Congregationi, diversasque ei ingessit injurias, asserens Romanæ Ecclesiæ privilegia. Nempè Africanos Episcopos durè increpavit, quod Apiarii factam à Zozimo ac Bonifacio reparationem fuissent ausi retractare, atque ita patenter impingere in privilegia Romanæ Ecclesiæ. Asseveravit, quod insuper novissimæ ejus appellationi fuisset deferendum. Etenim hæc verba, "Credens appellasse, quod probare non potuit", manifestè laudant non primam ad Zozimum, sed longè posteriorem Apiarii appellationem ad Celestinum. Nempè dum Africani Episcopi ipsum voluerunt denuò degradare, ille novam interposuit appellationem. Et hæc videtur fuisse causa, cur eum ipse damnare non præsumpserint, sed damnandum transmiserint Pontifici. Et ipsam insuper negarunt, dicentes ab Apiario non posse probari. Quin & constanter adjecerunt: "Quod minimè tamen, licuit". Hoc est, quantumvis Apiarius appellasset, vestra tamen Sanctitas nequit appellationem admittere, longè minùs ipsum reddere communioni. Nempè ob antiquam Africanæ Ecclesiæ consuetudinem, quam adducti Nicæni Canones non infirmabant.

Pergit Synodalis ad Celestinum Pontificem epistola: "Præfato, itaque d. bitæ salutationis officio, impendio deprecamur, ut deinceps ad vestras aures hinè venientes non facilius admittas, nec à nobis excommunicatos in communionem ultra velitis excipere: Quia hoc etiam Nicæno Concilio definitum, facile adveniet Ven-  
rabilitas tua Nam etsi de inferioribus Clericis vel Laicis videtur, ubi præcaveri, quantò magis hoc de Episcopis voluit observari, ac in tua Provincia communionem suspensi, à tua Sanctitate vel  
festinato,



„festinatò, vel præproperè, vel indebitè videantur communioni  
 „restitui. Presbyterorum quoquè, & sequentium Clericorum im-  
 „proba refugia, sicut te dignum est, repellat Sanctitas tua : Quia  
 „& nullà Patrum definitione hoc Ecclesiæ derogatum est Africanæ,  
 „& Decreta Nicæna sive inferioris gradus Clericos, sive ipsos Epi-  
 „scopos suis Metropolitanis apertissimè commiserunt. Pruden-  
 „tissimè enim, iustissimèque prouiderunt quæcumquè negotia in  
 „suis locis, ubi orta sunt, finienda : Nec unicuiquè Provinciæ  
 „gratiam Spiritus Sancti defuturam, quæ æquitas à Christi Sacer-  
 „dotibus & prudenter videatur, & constantissimè teneatur. Maximè  
 „quia unicuiquè concessum est, si iudicio offensus fuerit Cogni-  
 „torum, ad Concilia suæ Provinciæ, vel etiam universale provo-  
 „care. Nisi fortè quisquàm est, qui credat unicuique posse Deum  
 „nostrum examinis inspirare Iustitiam, & innumerabilibus congre-  
 „gatis in Concilium Sacerdotibus denegare. Aut quomodò ipsum  
 „Transmarinum Iudicium ratum erit, ad quod testium necessariæ  
 „personæ, vel propter sexus, vel propter senectutis infirmitatem,  
 „multis aliis intercurrentibus impeditis, adduci non poterunt?  
 „Nam ut aliqui à tuæ Sanctitatis Latere mittantur, nullà inveni-  
 „mus Patrum Synodo constitutum. Quia illud, quod pridem per  
 „Co-Episcopum nostrum Faustinum, tanquàm ex parte Nicæni  
 „Concilii, transmisistis, in Conciliis verioribus, quæ accipiuntur  
 „Nicæni, à sancto Cyrillo Co-Episcopo nostro Alexandrinæ Ec-  
 „clesiæ, & à venerabili Attico Constantinopolitano Antistite,  
 „ex authentico missis, quæ etiam ante hoc per Innocentium  
 „Presbyterum, & Marcellum Sub-Diaconum, per quos ad nos  
 „ab eis directæ sunt, venerabilis memoriæ Bonifacio Episcopo,  
 „Prædecessori vestro, à nobis transmissa sunt, in quibus tale aliquid  
 „non potuimus reperire”.

Infelix, devia, ac prævaricatoria epistola. Ante omnia rogat,  
 ut Romanus Pontifex nullam deinceps ex Africa appellationem  
 admittat : Nequè Laici, nequè Clerici, nequè item Episcopi. Ut  
 nullum ab Africana Ecclesia excommunicatum reddat commu-  
 nioni. Idque quia ità sancitur à Nicænis Canonibus. Epistola affir-  
 mat Romanas appellationes adeò non firmari per istos Canones,  
 ut etiam Episcopis per istos interdiciantur. Putatur respicere quin-  
 tum Canonem. Verùm ille nimium manifestè sancit de solis  
 Clericis inferioribus : Nec video fucum, quo possit extendi ad  
 Episcopos

Episcopos. Quare existimo Afres respexisse etiam ad quartum, ac præsertim ad sextum Canonem, per quos Metropolitæ datur non modica potestas in creandis Episcopis. Afri videntur ipsam extendisse ad judicia. Quidquid sit, epistola singulariter rogat deinceps non admitti provocaciones Presbyterorum, ac aliorum Clericorum. Ipsas appellat "Improbæ refugia". Nempè verita per antiquam Africanæ Ecclesiæ consuetudinem. Et adjungit isti consuetudini per nullam Patrum definitionem esse vel in minimo derogatum. Ex quo discimus singulares Ecclesiarum consuetudines posse aboleri per generales Synodos: Istud tamen non censeretur factum, nisi diserte exprimeretur. Hæc regula est aded antiqua.

Et suæ consequentiæ, quâ Nicænum Decretum extendit à Clericis ad Episcopos, epistola dat varias rationes. Primò, quia quævis negotia in suis, ubi orta sunt, locis oportet audiri, & finiri. Deinde, quod Provinciarum Synodis speranda sit non deesse Spiritus Sancti gratia, quâ causarum Justitia videatur ac teneatur. Tertio, quod damnatis per duodecim Collegas Episcopis, immò & per pauciores damnatis Clericis non denegetur appellatio. Appellare & ipsi possint ad plenam Provinciæ Synodum, immò & ad universale Concilium totius Diocesis. Et hoc videtur esse novellum Clericorum privilegium, datum ex occasione appellantis Apiarii: Quo tolleretur omnis ansa invocandi Romanam Ecclesiam. Quarta ratio est, quod Dominus Deus non sit credendus unicuique potius inspirare examinis ac judicii Justitiam, quàm innumerabilibus Synodaliter congregatis Episcopis. Est contumeliosa ratio. Appellatas causas Romanus Pontifex etiam tunc judicabat cum solo suo Cardinalium Episcoporum ac Presbyterorum Consistorio. Et ejus solius judicium isthic prævalebat omnium suffragiis. At verò Afrorum Provincia, ac Synodi habebant numerosissimos Episcopos: Præsertim plena Diocesis Synodus. Hinc adducta ratio affirmat credendum, quod Dominus Deus tanto potius numero inspiret veritatem, quam uni Episcopo Romano. Quinta ratio est, quod Transmarinum, seu Romanum Judicium nequeat esse ratum ac firmum: Quoniam ad ipsum adduci non valent testes, alique personæ necessariæ. Reponi poterat appellatæ causæ retractionem posse per Pontificem delegari in partibus, & isti Synodali judicio posse præfici ac præsidere Romanum & Papali Latere Legatum, coram quo omnes necessariæ sistantur personæ, &

qui

qui ex ipsarum testimoniis, aut professionibus causam iudicet, aut certe instruat Pontifici referendam. Et istam potestatem in Pontifice agnovit, & confirmavit Sardicensis Synodus. Ad hoc igitur argumentum epistola occurrit, ac respondet: "Nam  
 „ut aliqui tanquam à tuæ Sanctitatis Latere mittantur, nullâ  
 „invenimus Patrum Synodo constitutum. quia illud, quod  
 „pridem tanquam ex parte Nicæni Concilii exinde transmisistis,  
 „in Conciliis verioribus non potuimus reperire.

Hæc sunt fundamenta, ex quibus ista Africana Synodus censuit non solis Clericis, sed etiam Episcopis Romanas appellationes interdici per Nicænos Canones, & pariter omnes committi suis Metropolitanis. Hoc est, inconcussis ac inappellabilibus Metropolitanarum Synodis. Per Metropolitanas intelligit non solos Provinciarum Præfectos, sed etiam Diocæsiarum Primates; Exarchos, ac Patriarchas. Fuit horrenda audacia. Africani namque Episcopi usque tunc Romam semper appellaverant, ac postea etiam perrexerunt appellare: Et ecce ista Synodus, dum de Apiarii facta per Zozimum reparatione se vindicare studet, tentat evertere ista omnia. Et Canones Nicænos intellexit pessimè. Quod enim hi Romanas appellationes non circumscribant, est nimis exploratum. Etiam semetipsam evertit ista Synodus. Africana namque Ecclesia est Romani Patriarchatus Diocæsis, ideoque Romanus Pontifex est ejus Patriarcha, ac supremus Metropolitanus. Proinde ad ipsum appellatio ex nullo colore potuit Episcopis interdici.

Præfata epistola affirmat Nicænos Canones fuisse in Africam transmissos à solo Cyrillo Alexandrino, soloque Attico Episcopo Constantinopolitano. Antiocheni nullam facit memoriam. Rationem adduxi superiùs. Aurelius Primas in sexta Carthaginensi Synodo, & ejusdem Synodi ad sanctum Bonifacium Pontificem relatio Antiochenam Ecclesiam præponunt Alexandrinæ. Possit evenisse casu. Possint etiam attendisse Antiochiam fuisse primam sancti Petri Apostoli, non per Vicarium discipulum, sed in propria persona Cathedram. Insuper Afrorum isto tempore Episcopi habuerunt modicam similium rerum notitiam. Infelix epistola addit, quod Innocentius Presbyter, ac Marcellus Subdiaconus Nicænos Canones, quos ex Oriente detulerant in Africam, etiam detulerint Romam ad Papam Bonifacium. Ex quo

quo colligitur, quod sanctus Bonifacius ipsos noluerit postulare  
 è Græcia. Porro Atticus Constantinopolitanus Episcopus obiit  
 quinti sæculi anno vigesimo quinto, sexto Idus Octobris. Erat  
 annus secundus Celestini Pontificis. Infelix ista epistola videtur  
 junior. Etenim illa, quæ circa Apiarium, & omnem hanc litem  
 Celestinus egit, videntur exegisse moras longioris temporis. Quod  
 ipsum firmant sequentia epistolæ verba: "Nam de Fratre nostro  
 „Faustino, amoto jam pro suis nefandis nequitiiis de Ecclesia  
 „Christi dolendo Apiario, securi sumus, quod eum, probitate  
 „ac moderatione tuæ Sanctitatis, salva fraterna charitate, ulterius  
 „Africa minimè sustinere patiatur". Affirmant Apiarii de-  
 gradationem fuisse tandem probatam, & confirmatam à sancto  
 Celestino, & Faustinum Legatum aut rediisse Romam, aut fuisse  
 revocatum. Et Afri supplicant deinceps non inquietari ejus dis-  
 putationibus de privilegiis Romanæ Ecclesiæ. Manifestum est  
 hæc omnia non potuisse peragi modico tempore.

Hæc epistola etiam memorat Legatos à Latere. Eosdem  
 laudat in literis ad Faustum, Martinum, & alios Regiæ civi-  
 tatis Archi-Mandritas magnus Leo Pontifex: "Propter causam Epist. 26.  
 „fidei, quam Eutyches perturbare tentavit, de Latere meo misi,  
 „qui defensionem veritatis adfisterent". Laudat Julium Puteola-  
 num Episcopum, Renatum sancti Clementis Cardinalem Pres-  
 byterum, ac Hilarum Cardinalem Diaconum, suos ad secundum  
 Ephesinum Concilium Legatos. Eos exprimit, & laudat in literis  
 ad Julianum Coënsem Episcopum, atque adjungit: "Quos è  
 „Latere meo vice mea misi". Tituli origo est à Concilio Sar- Epist. 31.  
 didicensi, sanciente varios modos, quibus Romanus Pontifex ap-  
 pellatas causas possit retractare: "A proprio Latere Presbyteros  
 „mittat". Est titulus mutuatus è Romano Imperio, & cum  
 multis aliis ejusdem formulis translatus in Ecclesiam. Hinc  
 de pœnarium in Donatistas legum executione scribit in sancti  
 Augustini vita Beatus Possidius: "Propter quod perficiendum Cap. 137  
 „Honorius è Latere suo Tribunal, & Notarium Marcellinum  
 „ad Africam Judicem miserat". Et in Francorum historia san-  
 ctus Gregorius Episcopus Turonensis: "Misit Rex Innacharium L. 4. C. 13  
 „& Scaptarium, primos de Latere suo". Et Marculfus Mona-  
 chus in formulis: "Præsente Misso nostro, Illustri viro illo, L. 1. C. 40.  
 „quem ex nostro Latere illuc pro hoc direximus". Plura istius-

Tttt

modi

modi testimonia adducit in suis Scholiis Hieronymus Bignonius. Phrasis ab Imperio, uti ad Ecclesiam, ita quoque devenit ad Regna. Ejus virtutem exponit in quadagesimi septimi Psalmi enarratione sanctus Augustinus: "Quicumque alicui cohærent, „Latera ipsius dicuntur. Nam & de aliquibus hominibus solemus ita loqui: Bonus homo est, sed mala Latera habet. Id „est, ipse quidem bonitate præstat, sed maligni sunt, qui ei „sunt conjuncti". Eundem in sensum secunda Matisconensis „Synodus reprehendit quosdam, qui Lateri Regis adhærent". Joannes Morinus de Papalibus è Latere Legatis scribit: "E La- „tere mitti est velut è familia Pontificis, ex Officialibus & Pro- „curatoribus Domesticis in opus aliquod eligi, & deputari". Non benè. Etenim Julius Puteolanus Episcopus nequijt fuisse è sancti Leonis familia, nec ejus Domesticus Procurator, aut Officialis. Palschafius Quesnellus scribit: "Mysterio, meâ quidem sententiâ, „vacant hæc verba, saltem quod ad præsentem locum attinet, „nec aliud significant, quam", Hinc. "Id est, ex hac urbe, ex „his partibus". Et probat ex Græca epistolarum translatione, verosimiliter facta per Julianum Coënsen Episcopum, qui istius phrasios Romanum mysterium non possit ignorasse. Pro istis vocibus ille dumtaxat posuit, "Hinc". Respondeo voces nec apud Romanum Imperium, nec item apud lacerata ex ipso Regna vacasse mysterio, ideoque nec apud Ecclesiam. Et istud mysterium sanctus Augustinus abundè exposuit. Quapropter esse inter Pontificis Romani Latera est esse inter ejus in Romanæ Provinciæ Synodo, aut Romanæ Ecclesiæ Consistorio Adseffores, Et hi erant ejus Comprovinciales Episcopi, & Cardinales Presbyteri. Item Romanæ Ecclesiæ Archi-Diaconus. Quam dignitatem Hilarus gessit sub sancto Leone. Hinc Dulcitius Notarius non mittebatur è Latere. Nec item Cardinales Diaconi. Quia Pontifici in sacro Tribunali, Consistorio, aut Synodo tunc non assidebant. Hodie assident: Et quidem ante Episcopos. Item hodiè Romanus Pontifex vix adunat Synodum suæ Provinciæ; Pieraque agit in Consistorio. Et isthic ei assident omnes, & soli Cardinales. Hinc hodiè illi omnes & soli possint esse Legati à Latere. Proindè Papale Latus hodiè est ejus adseffio in Consistorio. Eodem modo exponi debent Latera Laicorum Principum.

## CAPUT XXX.

*An hac omnia per & circa Apjarium Gesta  
sint authentica?*



Marcus Anthonius Capellus edidit insigniter eruditum de Romanis Afrorum appellationibus opusculum, in quo rectè docet, ac lucidè demonstrat Africanis Episcopis semper, Africanis autem Clericis numquàm licuisse provocare ad Sedem Apostolicam, ideòque sextam Carthaginensem Synodum, Synodales ad sanctum Bonifacium, & Celestinum literas, omniaque circa Apjarium Acta esse spuria figmenta. Fateor ipsum non loqui sine fundamentis. Ego tamen non ausim ista probare. Etenim istam Synodum, istas epistolas, ista Gesta, tanquàm legitima, & authentica, laudant Dionysius Exiguus, antiquus Africanæ Ecclesiæ Codex, alia antiqua Africanorum Canonum Collectio, plures Gallicanæ Synodi, Trullana Synodus, Synodus octava, Hincmarus Rhemensium Metropolita, aliique plures Collectores Canonum. Attamen eruditi istius viri argumenta non sunt frivola, ideòque audienda. Primum est : "Baronius de hac controversia scribens, dicere coactus est Acta sextæ Synodi non exstare, hoc argumento. Quod in Concilio inducuntur Legati cum Commonitorio Pontificis Zozimi, à Patribus petentes, ut decernerent, quod Presbyteri, & cæteri inferiores Clerici, damnati ab Ordinariis suis, provocare possent ad Episcopos vicinos, antequàm adirent Concilia Provincialia, Patresque id facere decreverint, nisi sub conditione ; tamen constat quod Milevi, ante aliquot annos, & Carthagine anno superiori omnino ita fieri ipsimet constituerant". Adducit istos Canones, & prosequitur : "Et nihilominus sextæ Synodi Acta inducunt Patres ita loquentes, ac si Canonem istum neque constituerent, neque constitui vellent, neque de eo ulla unquam mentio facta fuisset. Mihi certè hoc argumentum magni ponderis est, & plus probat,

bat, quàm putavit Baronius. Nequè enim scio componere „Acta ista cum Canone, sed ut fert mea opinio, vel Canon „Acta, vel Acta Canonem tollunt“. Respondeo hæc facile „conciliari. Etenim Canon non ante aliquot annos à Mi- „levitana, sed priori dumtaxat anno prodijt à Carthaginensi Synodo. Idquè ob reverentiam Apostolici Commonitorii. Prodiit ab illa Synodo, quæ celebrata est post adductam Zozimi Tractoriam contra errores ac personas Pelagii atque Celestii. Tum Pontifici placere satagentes Africani Episcopi, Tractoriam confirmârunt per plura Decreta de Divinæ gratiæ auxiliis: Ac item in Commonitorii gratiam ediderunt Canonem, permittentem Clero provocare ad vicinos Episcopos. Eundem confirmarunt anno sequenti in sexta Synodo. Verùm tunc addiderunt aliquod temperamentum, seu aliquod Interim. Res infra elucidabitur. Eruditus vir labitur in communem errorem, qui jam laudatos Carthaginensis Concilii Canones transcribit in nescio quod Milevitanum.

Secundum ejusdem Doctoris argumentum est hoc: „Dice- „bamus inter hæreticorum objectiones ex Actis & epistolis de „hac controversia isthæc haberi. Primò, Legatos à Zozimo „cum Canonibus Sardicensibus nomine Nicænorum missos in „Africam. Secundò, errore à Patribus detecto, illos scripsisse „ad Zozimum, placere quidem sibi, ut ex Africa Romana Sedes „appellaretur, quousquè authentica Canonum Nicænorum re- „perirentur. Ea tamen se perquirere velle, quia in exempla- „ribus Nicænis, quæ erant in Africa, Canones illi desideraban- „tur. Tertiò, anno sequenti, octavo kalendas Junii, caussa „repetita, ex Originali Cecilianii Episcopi Carthaginensis Com- „monitorium Zozimi fuisse falsi convictum, sed Legatis pro „eo pugnantibus, communi consensu decretam Legationem ad „Ecclesias Alexandriæ, Antiochiæ, & Constantinopolis, quæ- „situm vera exemplaria Nicæna. Quartò, ea directâ ad Boni- „facium Zozimi Successorem hoc anno, qui fuit post Consulatum „Honorii duodecimum, & Theodosii octavum, sexto kalendas „Decembris, cum literis Cyrilli Alexandrini, & Attici Episcopi „Constantinopolitani, quæ illic referuntur“.

Notandi hic sunt aliqui Lapsus. Primus est, quod Africani Patres post detectum errorem Zozimo scripserint sibi placere, us- „què ad reperta, ac sibi demonstrata Nicænorum Canonum exem- „plaria.

plaria Romanæ Astorum appellationes procederent. Etenim ista  
 scripserunt non post detectum errorem, sed post abortum circa Canones  
 dubium. Verba sextæ Synodi sunt clara: "Frater noster Alipius  
 „dicere dignatus est dubios esse Canones. Cum jam in dubium  
 „Canones venerint". Post detectum errorem Episcopi isti, vel  
 potius istorum Episcoporum aliqui Romanas etiam Episcoporum  
 appellationes penitus excusserunt. Secundus Lapsus est, quod  
 Zozimi Commonitorium fuerit ex originali Cecilianæ Codicis falsi  
 convictum. Fuit dumtaxat vocatum in dubium. Si fuisset  
 convictum, molestissima Legatio erat supervacanea. Tertius Lapsus  
 est, quod Legati pro Commonitorii veritate pugnaverint. Etenim  
 Faustinus Episcopus palam admisit ipsum esse dubium. Et omnino  
 noverat Canones istos esse Sardicenses, non Nicænos. Quartus  
 Lapsus est, quod ista Legatio fuerit decreta communi consensu.  
 Etenim Faustinus Legatus censebat rem referendam Sedi Aposto-  
 licæ, & sine ejus Beneplacito nihil esse tentandum. Quintus Lapsus  
 est, quod ista exemplaria fuerint ad sanctum Bonifacium transmissa  
 post duodecimum Honorii, & octavum Consulatatum Theodosii.  
 Etenim isto tempore Africani Antistites istos Canones nondum  
 viderant, ideòque nec miserant ad Pontificem. Sanctus Cyrillus  
 eos non misit in Africam, nisi anno vigesimo tertio quinti sæculi.

Audiamus nunc reliquum argumenti: "Verum totam hanc  
 „narrationem esse commentitiam & fabulosam, multa convincunt.  
 „Primum in Codice Africano, qui lectus fuit in hoc postremo  
 „Carthaginensi Concilio, relata fuerunt omnia Concilia plenaria, quæ  
 „sub Aurelio Episcopo ejus urbis habita fuerant à Consulatatu Theo-  
 „dosii tertio, & Abundantii, qui incidit in annum Christi treces-  
 „tesimum nonagesimum tertium, usque ad diem octavum kalendas  
 „Junii, anni quadringentesimi decimi noni. In eo tamen non  
 „istius Concilii sub Zozimo celebrati, non Legationis ab eo ad  
 „Africanos decretæ; non controversiæ de appellationibus agitæ,  
 „non literarum quæ inde ad Zozimum scriptæ fuerant, apparet  
 „vestigium ullum. Hæc tamen in primis & scribenda, & legenda  
 „erant, si facta fuissent, maxime cum minima quæque suo tempore,  
 „& loco ibi recensita videantur". Respondeo in isto Codice, licet  
 non habeatur sexta Carthaginensis Synodus, haberi tamen ejus Syn-  
 odales ad sanctum Bonifacium literas, in quibus est totius Synodi  
 compendium. Habetur & posterioris Synodi ad Celestinum epi-



Itola. Quis fuerit Codicis author, infra disquiretur. Quisquis fuerit, ad Canonem centesimum septimū habet hanc subnotationem: „Gesta hujus Concilii idēd non descripsi, quoniam Provinciale, „non universale celebratum est”. Eadem de causa prætēmisit inferere sextam Synodum. Etiam Acta Synodi, quæ ad Celestinum dedie devias literas. Has solas, unā cum aliis ad Bonifacium, censuit sufficere ad instructionem, immō ad destructionem Africanæ Ecclesiæ. Quare hic Codex nequaquam fuit lectus ad sextam Synodum. Est enim ipsa manifestē posterior. Res suo loco discutietur.

Marcus Anthonius pergit in isto argumento: „Deindē cum „Concilium plenarium contra Pelagianos habitum fuerit anno quadringentesimo decimo octavo, mense Majo, & in eo actum non „sit de hac controversia, si ejus gratiā Zozimus aliud plenarium „anno illo celebrari voluit, ante autumnum facere id non potuit. „Neque post: Enimverō Patres Africani de rebus à se Carthagine „decretis scribere ad eum non potuissent, quia anno illo exeunte „ē viris excessit. Scripsisse tamen ad eum adhuc viventem, testatur „epistola, quæ ad Bonifacium ejus Successorem data asseritur anno „sequenti. Tantūm verō abest, ut autumnū illo Zozimus Tra- „ctoriis suis Patres Africanos ad Concilium plenarium Carthagi- „nem convocarit, ut eo ipso tempore plerosque illorum aliō abire „compulerit, quemadmodū Augustinus fidem facit epistolā ad „Optatum”. Adducit hujus epistolæ, necnon & sancti Possidii testimonium, ex quibus constat sanctum Augustinum unā cum sancto Alipio, & laudato Possidio fuisse tunc à sancto Zozimo Legatum in Cæsarensē Mauritaniā. In ista Legatione sanctus Augustinus Cæsarensē disputavit cum Emerito Donatistarum Isthic Episcopo, & Acta affirmant isto anno id contigisse duodecimo kalendas Octobris. Hinc vir eruditus prosequitur: „Quomodō „ergo Concilium plenarium Carthaginem autumnū illo Zozimus „contraxit, si Episcopos Mauritanos, & Numidas mensibus illis „Cæsarensē ablegavit? Et inter ceteros Alipium, Augustinum, „& Possidium, quos in causa appellationum Legatos Provinciæ „Numidiæ Carthagine Acta illa constituunt”. Respondeo hæc fuisse acta in Synodo adunata contra Pelagianos. Isthic enim tractatum fuit de Romana appellatione Celestii, atque ex ea occasione de cunctis ad Apostolicam Sedem appellationibus. Et circa Clericorum appellationem prodierunt duo Canones, quos communis error adscribit

bit Synodo Milevitana. Porro eruditus ille vir labitur hic in duobus. Primo, quod dicat non solos Numidas, sed etiam Mauritanos Episcopos tunc à Zozimo fuisse Legatos Cæsarem. Legati enim fuerunt soli tres laudati Numidæ. Alter Lapsus est, quod supponat plenarias Afrorum Synodos tunc fuisse convocatas per Tractoriam Romani Pontificis. Nullum est istiusmodi exemplum. Convocatæ semper fuerunt per Tractoriam Carthaginensis Archi-Episcopi.

Audiamus & tertium argumentum: "Gravius est, quod tam Actorum, quàm epistolarum doctrina pugnet c<sup>um</sup> doctrina Africæ Catholica, quæ tum omnium Catholicorum ore contra Donatistas prædicabatur. Immò aufert Pontifici Romano eam potestatem, quam illo tempore Donatistæ ipsi ut legitimam, & Canonicam agnoscebant, sacrilegium arbitantes eam vel Facto, vel Dicto violatum ire. Epistolæ enim ad utrumque Pontificem scriptæ, & Acta illa sumere videntur eos aliam potestatem non habere, nisi quæ illis in Concilio Nicæno concessa fuisset, maximè in appellationibus Episcoporum. Quare Patres illi eas tantum se admissuros esse dicunt, quousquè authentica Nicæna reperiantur, ad quorum amussim totam potestatem Papæ collimari volunt. Catholici tamen non à Concilio Nicæno, sed ante Concilium Nicænum Africam subiectam fuisse Romanæ Sedi profitebantur, & appellationes Episcoporum ad Transmarinam longè antiquiores decantabant" Hunc fuisse & Catholicorum & Donatistarum perpetuum sensum demonstrat ex S. Augustino, & prosequitur: "Adeò temerarium & sacrilegium putavit Augustinus negare Apostolicæ Sedi jus cognoscendi de iudiciis Ecclesiæ Africanæ etiam ante Nicænum Concilium, ut ne Donatistas quidem id ausuros, compertum haberet. Et ipse tunc, datis huiusmodi literis, cum universa Africa hoc crimine se obstrinxerit? Donatistæ autem, veriti negare potestatem Romani Pontificis in Africana iudicia, ad calumnias conversi aliquid aliud caussari cœperunt, ut constat ex collatione tertiæ dici contra Donatistas". Tunc Donatistæ, "inquit Augustinus", ipsum Melchiam cœperunt crimine traditionis arguere, & dicere Majores suos propterea illius iudicium refugisse, quod Traditor fuisset. Si verò adeò planum fuisset, quod Africa tunc Jurisdictioni Papæ subiecta non esset, ut nunc dicunt heretici, quis sibi persuadeat Donatistas non potius hoc in pulvere gradum fixuros, quam in lubrico illo, unde è vestigio turpiter dejecti fuere? Respondeo his argumentis firmè

firmè concludi, ac demonstrari, quod Romanæ Episcoporum appellationes semper vigerint in Africa : Quod ipsas professi sint etiam Donatistæ. Ac proinde Scripta ad Celestinum epistola palam evertit perpetuam, & constantem Africanæ Ecclesiæ consuetudinem. Non tamen fidem Catholicam. Aurelius enim per iracundiam turbato mentis oculo putavit se videre in Nicænis Canonibus, quod minime videbat. Alia est ratio epistolæ ad Bonifacium. Hæc enim manifestè agit non de Episcopatum appellationum substantia, sed de sola forma Sardicensi. Agit de substantia solarum appellationum Clericalium.

Ad formandum quartum argumentum Marcus Anthonius Capellus adducit sancti Augustini verba ex laudata superius ad quosdam Donatistarum Antistites epistola, & concludit : "Augustinus, & ore Augustini Africa tota, vitio vertebat Secundo Episcopo, Tigistano, quod adhortatus non fuisset Episcopos Synodi suæ, ut Romam Cecilianum, & alios Catholicos accusatum irent. Quod, passus esset eos excommunicatos declarari, antequàm judicio Ecclesiæ Transmarinæ à corpore Ecclesiæ universalis absunderentur. Exprobrabat Donatistis, quod innocentia Catholicorum conficii, ausi non fuerint adire Romanum Tribunal, uti debebant". Et hæc omnia sunt longè verissima : Per Petrum de Marca, Paschasium Quesnellum, & Scriptorem Anonymum nunquam subvertenda. Eruditus vir pergit ad infelicem epistolam : "Et erit qui credat homines ista dicentes, ista scribentes, detrectasse tunc subire Romanæ Judicia ? Ad sola Decreta Nicæna omnem potestatem Romanæ Pontificis retulisse ? Illi vitio vertisse, quod excommunicatos in Africa Romæ ad communionem restituerit ? Quod causas finire non pateretur in Provinciis, in quibus ortæ essent ? Non erat Africa tunc, & si fuisset Africa, non erat Augustinus tam versatilis, & adeò vel prodigus verecundiæ, vel inops prudentiæ, ut eadem hinc arguere, hinc laudare, hinc asserere, inde evertere posset, & fidem Christi antiqua Pœnorum fide tractare". Adducit laudatas sancti Augustini ad sanctum Celestinum de Fussalensi Anthonio literas, urget scriptas isto ipso tempore, & ex ipsis concludit esse impossibile, ut Augustinus tunc scripserit aut subscripserit præsentibus infelicissimas literas ad eundem Pontificem. Respondeo hæc esse verissima, & ex isto argumento, ut ipse has, ita Petri de Marca Sectatores student istas literas proscribere ad spuria, ac strami-

straminea figmenta. At certum est ambas esse authenticas. Nempè Augustinus, Alipius, Possidius, ac alii meliores Aetorum Episcopi retraxerunt manus ex istius Iugii tabula, & infelicissimis literis noluerunt subscribere.

Eruditus interim vir nervosè demonstrat istam Aurelii epistolam esse infelicissimam, & scitere erroribus. Primus est in his verbis de quinto Nicæno Canone: "Nam et si de inferioribus Clericis, vel Laicis videtur præcaveri, quanto magis hoc de Episcopis, voluit observari?" Est argumentum ut non ad majus. Marcus Anthemus Capellus rectè respondet esse "vanissimum, quod ex diametro pugnet cum primis principis Patrum Africanorum". Et demonstrat ex laudata laeti Augustini epistola ad quosdam Donatistarum Episcopos: "Nunciamus de Presbyteris, aut Diaconis, aut inferioris ordinis Clericis, sed de Collegis agebatur, qui possent aliorum Collegarum, & præsertim Apostolicarum, Ecclesiarum iudicio causam suam ire, aut servare". Et commentatur: "Quare Patrum Africanorum sollicitudo de iudiciis Transmarinis licere Episcopis, quod non licet Presbyteris, prohiberi Presbyteris, quod non prohibebatur Episcopis. Author verò epistolarum hoc illis argumentum applicat: Si non licet Presbyteris, quanto minus Episcopis? Si prohibetur Presbyteris, quanto magis Episcopis?" Est reverà ineptissimum argumentum. Nempè ira viri, uti Dei Justitiam, ita & veritatem non operatur.

Secundus epistolæ error est in his verbis: "Quia & nulla Patrum definitione hoc Ecclesiæ derogatum est Africanæ, & Decreta Nicæna sive inferioris gradus Clericos, sive ipsos Episcopos suis Metropolitanis apertissime commiserunt". Marcus Anthonius Capellus rectè scribit: "Epistolatum Author paulò ante non apertissime, sed per consequentiam inferebat, quod Episcoporum iudicia ex Decretis Nicænis in suis quibusque Provinciis finire deberent, quia scilicet de Presbyterorum & Laicorum causis Nicæna ita Decretum erat. Nunc autem oblitus sui non amplius per consequentiam, sed apertissime id ibi decretum dicit. Ego aërem dico: Neque apertissime, neque per consequentiam". Adversus quintum Nicænum Canonem persequitur: "Hic est Canon de de iudiciis in eum, qui a Metropolitanis esse apertissime vidit potestatem Metropolitanarum in prohibendis Episcopis. At ego video, quidem in illo potestatem, quam habent Episcopi, excommuni-

„candi Clericos, & Laicos suæ curæ subiectos. Video Clericos &  
 „Laicos excommunicatos in una Provincia, in alia ad commu-  
 „nionem admitti non debere. Video Clericorum & Laicorum causas  
 „subsidiaria per appellationem actione subiectas esse Iudiciis Syno-  
 „dorum Provincialium. Video sic excommunicatos post confir-  
 „matam Episcopi sententiam à Synodo Provinciali, ut verè excom-  
 „municatos ab omnibus debuisse vitari, usquēquo restituerentur, vel  
 „ab Ordinario, vel à Synodo Provinciali. Et video demum Con-  
 „cilia Provincialia bis quotannis ob huiusmodi causas convocari  
 „debuisse. At quod Episcoporum causas, & eorum Iudicia Me-  
 „tropolitans deferantur, hic nullo modo video“. Longè minus  
 in isto canone ego video, quod Episcopi Metropolitanarum, aut  
 etiam Provincialium Synodorum iudiciis debeant acquiescere, neq;  
 valeant ulterius provocare. Quod tamen epistolæ author fuerit  
 sui oblitus, non ausim dicere. Circumflexit se in omne latus,  
 ut errori reperiret adiutoria, & fomenta.

Eruditus illq; vir etiam Zozimi Pontificis ad Afros Legationem,  
 & omnem Apiarii Presbyteri seriem censet esse fabulam. Audi  
 rationem: "Nihil esse solet tam absurdum & incredibile, quod  
 „non aliqua verisimilitudine possit suaderi. Hoc tamen quod fingitur  
 „de Canone Sardicensi à Zozimo in Africam misso est adeò absurdum,  
 „ut quidquid huic stabiliendo excogitari & confingi potest, id omne  
 „ad primum mentis obtutum quasi fumus diffuat & evanescat. Si  
 „enim, ut vidimus, Africa tota pacificè admittebat appellationes  
 „suas ad Romanam Sedem, ut semper admiserat, si ipsamet hanc  
 „potestatem Papæ, tanquàm rem omninò certam, & sanctam, Do-  
 „natistarum defectioni publicè tunc objectabat, certè non erat unde  
 „Zozimus moveretur ad mittendum Canonem in Africam, ut ibi Ro-  
 „manam Potestatem assertum iret". Respondeo nullum apud Afros  
 usque ad Aurelii Lapsus fuisse dubium de Romanis Episcoporum  
 appellationibus. Et usque ad Zozimum Pontificem nulla fuit  
 dubitatio de provocationibus Clericorum. Has lites excitavit au-  
 dacia Apiarii Presbyteri. Et hac occasione Zozimus etiam Epi-  
 scoporum appellationes voluit formare ad normam Sardicensem.  
 Porro hæc omnia ad fabulas proscribere est non tentanda audacia.  
 Superius adduxi rationes.

Quæstio est Quo fundamento sanctus Augustinus dicatur non  
 concurrissse ad istam infelicem epistolam? Etenim etiam ipsa con-  
 tinetur

tinetur in Africanæ Codice, ipsamque suo Codici item inseruit  
 Dionysius Exiguus : At verò Africanus Codex est Synodale opus,  
 ad quod sanctus Augustinus non possit non concurrisse. Respon-  
 deo non esse Synodale opus. Uti Dionysius Exiguus, Theodoretus,  
 Joannes Scholasticus, Ferrandus Diaconus, Cresconius Episcopus,  
 aliique plures privato studio compilarunt suos Codices, ita etiam  
 prodit Codex Africanus. Lucet ex superius adducta subnotatione  
 ad Canonem centesimum septimum : "Gesta hujus Concilii ideò  
 „non descripsi, quoniam Provinciale, non universale celebratum  
 „est". Quis non videat hujusmodi subnotationem non processisse à  
 Synodali dignitate ? Collector videtur fuisse quis Aurelii adver-  
 sum Romanas etiam Episcoporum appellationes Assecla. Hinc  
 Synodalia sub Zozimo Pontifice de his verbis Acta, quæ suo loco  
 & ordine poni expediebat, posuit in capite : Et in Codicis fine  
 infelicem epistolam ad Celestinum Pontificem. Quo infelix hæc  
 contentio esset Codicis alpha, & omega. An hic Compiler sit  
 idem cum Compilatore alterius istius Collectionis, ignoro. Inter-  
 rim ambo habuerunt eundem scopum, quem posterior exponit ad  
 sexagesimum Canonem : "Hujus Concilii Gesta ideò non ex in-  
 „tegro descripsi, quoniam magis ea, quæ in tempore necessaria  
 „fuerunt, quàm generalia constituta sunt. Sed ad instructionem  
 „Studioforum ejusdem Concilii Brevem digessi". Diserte profitetur  
 se compilasse ad solam utilitatem Studentium. Verus Africanæ Ec-  
 clesiæ Codex suo loco ostendetur.

Porro sanctum Augustinum isti infelici epistolæ non adfuisse,  
 est supra ostensum. Et hoc ipsum evincit epistolæ inscriptio : "Ce-  
 „lestino Aurelius, Palatinus, Anthonius, Tutus", &c. Palatinus  
 est omnino ille Bosetensis, vel cujusvis alterius Sedis Episcopus, qui  
 adfuit Carthaginensi Proconsularis Provinciæ Synodo adversum  
 Pelagianos. Nec legendum est, "Valentinus". Quod enim tantæ  
 grassationis fundamentum ? Hæc subscriptio demonstrat Valenti-  
 num Vajanensem Episcopum, Numidiæ Primatem, si fuerit adhuc  
 superstes, hiscè Aurelii ausibus non adfuisse. Quod ipsum patet  
 ex adductis sancti Augustini ad Celestinum Pontificem literis. Isthic  
 Valentinus Primas Romanam Anthonii Fussalensis Episcopi ap-  
 pellationem adjuvat apud Bonifacium Pontificem, ideoque certum  
 est ipsum sub Celestino Successore non recantasse. Et planè appa-  
 rens est omnem Numidiæ Synodum fuisse ejusdem mentis. Omnis

enim Anthonii appellationem fuit venerata. Et Augustinus erat illi mens, os, & lingua. Quare plerique Episcopi fuerint secuti ejus judicium. Proinde præsens Anthonius non est ille, qui adfuit laudatæ Carthaginensi Synodo. Est aut Fussalensis, aut ille nescio cujus Sedis alius, qui adfuit Milevitanæ Numidarum Synodo contra Pelagianos. Quicquid fuerit, Alipius, Augustinus, & Possidius erant seniores, & debebant utrumque præcedere, ideoque certum est ipsos non adfuisse. Uterque Anthonius erat ex Junioribus Africani Episcopis, atque inde discimus solos Juvenes Aurelio adhæsisse. Sanctus Papa Innocentius solebat Aurelio familiariter, ac frequenter scribere: At verò nec Zozimus id fecit, nec Bonifacius, nec Celestinus. Insuper Aurelius, licet laudatissimus quoad cetera Episcopus, non apparet in Romanis Sanctorum tabulis. Nempe ob hunc finalem Lapsum. Si ad ipsum Augustinus, Alipius, & Possidius fuissent cooperari, etiam ipsi essent exclusi. Nequaquam ad Gallicanos Episcopos scripsisset Celestinus Pontifex: "Augustinum, sanctæ recordationis virum, pro vita sua atque meritis in nostra communione semper habuimus, nec unquam hunc sinistrae suspicionis, saltem rumor adpersit, quem tantæ scientiæ olim fuisse meminimus, ut inter Magistros optimos etiam antea meis Decessoribus haberetur. Bene ergo de eo omnes in commune sentierunt: Utpotè qui cunctis & amoris fuerit, & honori". Non solummodò ob rectam de Divinis auxiliis doctrinam, sed etiam propter sanctam, & ab omni etiam suspicione immaculatam vitam, aliaque merita: Utique circa Romanas appellationes. Propter hæc cunctis Romanis Pontificibus fuit & amoris, & honori.



## CAPUT XXXI.

*An inferior Africana Ecclesia Clerus in nullo unquam  
casu potuerit Romanam appellare?*



Respondere potuisse. Etenim de hæresiarcha Celestio scribit in suo super ipsius nomen Commonitorio Marius Mercator: "Celestius quidam, Euanuchus matris utero editus, discipulus & auditor Pelagii, ante viginti plus minus annos egressus ex Urbe Romana, Carthaginem Africae totius Metropolitam venit, ibique de infra scriptis Capitulis apud Aurelium Episcopum memoratæ urbis per libellum à quodam Paulino, Diacono sanctæ memoriæ Ambrosii Mediolanensis Episcopi, est accusatus, sicut Gestorum confessio se habet, quibus idem libellus insertus est, tanquam ipse hoc non solum doceret, sed & per Provincias conspirantes sibi diversos, qui hæc per Populos disseminarent, misisset". Enumerat hæreticos Celestii articulos, & pergit: "De quibus omnibus Capitulis Patres, & Episcopi Regionis illius resistenter Celestio, & iusserunt ut eadem condemnaret, quia essent hæretici sensus. Sed Celestius nullo modo acquiescens, quin immò resistens Actis eisdem, Ecclesiastica communione privatus est. A qua sententia ad Romani Episcopi examen credidit appellandum. Qui mox idem, appellatione neglecta, Ephesum Asiæ urbem contendit, ibique ausus est per obreptionem locum Presbyterii petere.

Eiusdem appellationis meminit Zozimus Pontifex in literis ad Aurelium Primate, ac alios Asorum Episcopos: "Pariter vobiscum volumus habere Tractatum de illo, qui apud vos, sicut ipsi per literas dicitis, fuerat accusatus, & ad nostram, qui se afferret innocentem, non fugiens Iudicium ex appellatione pristina, venerit Sedem, accusatores suos ultro deposcens, & quæ in se crimina per rumorem falsò dicebat illata condemnans". Et Celestii accusator Paulinus in directo ad Zozimum Pontificem libello: "Apud Sedem Apostolicam nihil agere potui, quia is, qui ad eam



„provocaverat, defuit, quem oportuerat utique suæ appellationis  
 „merita prosequi, maximè cum nihil agente appellatore, secun-  
 „dum etiam humanas leges, superior sit semper ille, qui vicit”.  
 Et Facundus Hermianensis in Byzacena apud Afros Provincia Epi-  
 scopus: “Invenient Beatum Zozimum, Apostolicæ Sedis Amisti-  
 „tem, contra sancti Innocentii Decessoris sui sententiam, qui  
 „primus Pelagianam hæresim condemnavit, fidem ipsius Pelagii  
 „ejulque complicitis Celestii, quem in Ecclesia Carthagenensi con-  
 „victum, atque appellantem Apostolicam sedem, & ipse Gestis  
 „discusserat, tanquam veram & Catholicam laudantem, insuper  
 „etiam Africanos culpantem Episcopos, quod ab illis hæretici  
 „crederentur, cum necdum ipsi Africanis Episcopis dolos eorum  
 „multo manifestius detegentibus memoratos Pelagium & Celestium  
 putaret Orthodoxos”.

Laudata Carthagenensis Synodus fuit habita anno duodecimo  
 quinti sæculi. Marius Mercator affirmat adfuisse Patres & Epi-  
 scopos istius regionis. Videtur intelligere solam Proconslarem  
 Provinciam. Etenim S. Augustinus, ordinarius Numidiæ ad ge-  
 nerales Synodos Legatus, in libro de Gestis Pelagii disertè scribit  
 de hac Synodo: “Ubi quidem ipse non fuit”. Eodem in libello  
 scribit: “Celestius ad Judicium Carthagenensis Ecclesiæ perdu-  
 „ctus, Episcoporum sententiâ condemnatus est”. Appellat Car-  
 thagenensis Ecclesiæ Judicium, atque ita indicat fuisse solum Pres-  
 byterium istius Ecclesiæ, habens tamen adjunctos quosdam Episco-  
 pos. Nam & talem Convantum S. Augustinus pro electione sui  
 Successoris Eradii, & pro Pelagii causa celebravit Joannes Epi-  
 scopus Hierosolymæ. Attamen in Apologetico Paulus Orosius  
 scribit Celestium isthuc “plurimis judicantibus Episcopis” fuisse  
 proditum, auditum, convictum, atque confessum. Et ab Ec-  
 clesia detestatum aufugisse ex Africa. Si tamen opus istud sit verè  
 Pauli Orosii. Interim præfatum Hierosolymæ Convantum fuisse solum  
 Presbyterii, disertè scribit S. Augustinus in laudato libro de Gestis  
 Pelagii. Verum an liber iste sit Pauli Orosii, est alia quæstio.  
 Et plura, suo tempore adducenda, suadent atque persuadent non  
 esse. Attamen non abnuo, quin ista fuerit Provincialis Synodus.  
 Quidquid sit, Celestius non ad generalem istius gentis Synodum,  
 sed proximè appellavit ad Sedem Apostolicam. Et nequè Aurelius,  
 nequè quis alius Episcopus, licèt tunc Aprii appellatio acerrimè dis-  
 ceptaretur, intercessit.

De

De Venerabili Paulino Diacono scribit imperitus Iacobi Sirmondi Prædestinatus: "Dum Celestius apud Carthaginem doceret posse homines sine peccato esse, sibi naturam sufficientem solam humanam, restitit ei, quidam Paulinus Diaconus, Defensor & Procurator Ecclesiæ Mediolanensis". Eundem errorem fuisse apud Carthaginem à Celestio defensum scribit iste libellus Pauli Orosii. At verò Marius Mercator affirmat contrarium. Adducit omnes Celestii isthuc discussos articulos: Omnes sunt de solo originis peccato, nullus de natura, aut gratia. Quod ipsum in libro de originali peccato confirmat sanctus Augustinus. Et hoc est unum ex argumentis, quæ suadent istum libellum non esse Pauli Orosii. An Paulinus Diaconus aliquandò fuerit Mediolanensis Ecclesiæ Defensor & Procurator, est incertum. Possit fuisse. Etenim Marius Mercator affirmat fuisse Diaconum sancti Ambrosii. Ex quo discimus esse illum ipsum, qui ad sancti Augustini preces scripsit vitam laudati Patris. Præsentis Synodi tempore erat Diaconus, & forsitan Archidiaconus Carthaginensis Ecclesiæ: Propter Clericorum inopiam eò missus à sancto Simpliciano, aut sancto Venerio. Sanctus Isidorus Hispalensis Episcopus in Ecclesiasticorum Scriptorum catalogo scripsit fuisse Presbyterum. Nec est facile reprehendendus, aut emendandus. Potest enim ille postea in Presbyterum profecisse.

Laudata Zozimi verba affirmant desertam appellationem fuisse à Celestio resumptam, & ipsum ejusdem causam ad Urbem rediisse. Virtute "pristinæ appellationis". Pontifex addit in alia ad eosdem Africanos Antistites epistola: "Postquam nobis Celestius Presbyter auditus, est, & quid de fide sentiret, evidenter expressit, eademque, quæ in libello contulerat, repetitis crebro professionibus roboravit, de ejus nomine plenius ad Dilectionem vestram Scripta direximus". Titulus, "Presbyter", demonstrat Eunuchum ab Ephesina Ecclesia non solummodo postulasse Presbyteratum, sed etiam impetrasse. Marius Mercator omnia hæc exponit: "Inde", ex Ephesina civitate, "Celestius, sub sanctæ memoriæ Attici Episcopo urbem Constantinopolitam, nam petiit, ubi in similibus detectus, magno studio sancti illius viri, ex prædicta Alma urbe detrusus est, literis super ejus nomine & in Asiam, & Thesalonicam, & Carthaginem ad Episcopos missis". Atticus suam super Celestii nomine Tractoriam misit in Asiam, quod istius Dicecios à sancto Joanne Chrysostomo inchoatam invasionem ipse continuaret. Thesalonicam misit, quod isti invasioni adjuvaret.

rapa



„Basilica : Scilicet ut ad salutiferam castigationem tanti Sacerdotis autoritas præsentì cognitioni esset exemplo. Omnia igitur, quæ prius fuerant acta, discussimus. Intromisso Celestio, libellum ejus, quem dederat, fecimus recitari. Nec hoc contenti, utrùm hæc, quæ scripserat, corde loqueretur, an labiis, sæpe, numerò exploravimus. Pontifex affirmat varia. Primò, quod resumptam Celestii appellationem admiserit. Secundò, quod ejus accusatorem, aliosque Adversarios noluerit ex Africa evocare, nisi prius cognovisset esse verisimile viri corrigendi fundamentum. Tertiò, quod ad hoc investigandum indixisset Conventum in Ecclesia S. Clementis. Quartò, quod in hoc Conventu ante omnia discussisset Carthaginensia Acta adversus Celestium. Quintò, quod tunc intromiserit Celestium, & multifariè examinaverit. Sextò, quod ex maturo examine judicaverit ipsum esse Catholicum, & ex obreptione condemnatum. Celestium mirè adjuvit Praylius, qui isto ipso anno ante paucas hebdomadas Joanni successerat in Hierosolymæ Cathedram, epistola ad Pontificem, quâ causæ Pelagii enixius adstipulabatur. Haud dubiè fuerit Synodica Epistola, quâ Praylius suam consecrationem referebat, & supplicabat ejus firmitatem. Exinde enim Hierosolymitani Episcopi coeperant cristas erigere, & se ostentare Patriarchas. Nec minus adjuvit Pelagii ad Innocentium epistola, quâ Orthodoxam professus fidem, protestabatur se per omnia Orthodoxum. Epistola invenit defunctum Innocentium, ideòque tradita fuit Zozimo Successori. His omnibus ille circumscriptus & permotus aliquot pro Celestio & Pelagio ad Africanos Antistites scripsit epistolas, illos pronuncians Orthodoxos, & hos arguens de præcipitatis Judicii. Et adjunxit : „Unde in præsentì causâ, nihil præcox, immaturumque censuimus, sed volumus innotescere Sanctitati vestræ super absoluta Celestii fide nostrum examen, cui etiam prior libellus, ab eo intra Africam datus, testimonio apud vos esse debuisset, ne inexplicatis, famæque jactatis tam facile crederetur. Quare intra secundum mensem aut veniant qui redarguant aliter sentire, quàm libellis & confessione contexit, aut nihil post hæc tam aperta & manifesta, quæ protulit, dubii Sanctitas vestra resedisse cognoscat. Hæc sunt Zozimi circa Celestium Acta & Scripta, ex quibus Facundus Hermianensis Episcopus rectè scripsit ipsum fuisse deceptum.

X x x x

Nempe

Nempe circa personam, non circa dogma. Ex iisdem sanctus Possidius in sancti Augustini vita scribit Pelagianos fuisse dolosos, & vafros, omnibusque nervis incubuisse, ut Sedem Apostolicam circumscriberent in suos errores.

Certè Zozimus non temerè processit. Etenim Celestius ipsi exhibuit suæ fidei libellum, quem ex variis per S. Augustini opera sparsis partibus eruditè congescit, & nobis integrum exhibuit Joannes Garnarius. De originalili peccato pessimè loquitur. Attamen versipellis Eunuchus adjunxit se existimare, quod ista spectarent ad Ecclesiasticas quæstiones; Quod essent quæstiones recentè natæ, se non esse ipsarum auctorem, se nihil de ipsis definire, & paratum parère iudicio Sedis Apostolicæ. Hæc professio Zozimo placuit. Hinc Celestium, & omnem etiam Synodum obtestatus est, ut grassantibus tunc quæstionum tendiculis, & ineptis certaminibus abstinerent, quoniam in ipsis magni etiam viri fuerint periclitati & lapsi. Et hoc libello non contentus, in examinando Celestio adjunxit quæ in suo ad ipsum libello scripsit pro gratiarum actione Paulinus Diaconus: "Beatitudo tua Celestio, cum à Sede Apostolica audiretur, inter cætera præcepit his verbis"; Damnas ergò illa omnia, quæ in libello Paulini continentur, hoc est, de quæstionibus? Et in alio loco: Cognovisti, quales literas dederit Sedes Apostolica ad Fratres & Co-Episcopos Africanæ Provinciæ? Et adjectum: Damnas illa omnia, quæ damnavimus, & tenes quæ tenemus? "Et iterùm": Illa omnia damnas, quæ jactata sunt de nomine tuo? "Et iterùm": Vel ea quæ in libello suo exposuit Paulinus? "Et cum me diceret posse ex his, quæ illi objecta sunt, hæreticum approbari, sancto repletus Spiritu, Apostolica auctoritate, respuisti insanientis & calumniantis verba, hujusmodi proferendo sententiam, quâ ipse Catholicus approbarer, illum, si sanari vellet, curares. Quæ hujusmodi est": Nolo nos circuitu decas. Damnas ea omnia, quæ tibi objecta à Paulino, sive per famam jactata sunt? "Cui non sufficit ista sententia? Quis hanc tam salutarem, tam amplectibilem, tam piam respuerit alius, nisi qui à fide devius est? Et ille, qui superius professus fuerat se quæcumquæ illi objecta fuerant, si contra fidem vindicare, esse damnaturum, audit: Damna. Et non solum non damnat, sed ad injuriam tantæ Sedis contendit. Unde non ignorat jam Romana Ecclesia reum suum, qui tam audaci spiritu ausus est contradicere, & non damnare quæ Beatitudo tua damnari decrevit".

Notanda

Notanda sunt verba: "Damnas illa omnia, quæ in libello Paulini continentur, hoc est de quæstionibus". Clarè affirmant, quod Pontifex noluerit peccati originalis fidem inter Ecclesiasticas computari quæstiones, & Celestium jusserit ab isto errore recedere. Idque ex libello, & juxta libellum Paulini. Utique accusatorium Celestii libellum. In ipso Paulinus Celestii articulos non solummodò enumeraverat & accusarat, sed insuper ex firmis Catholicæ fidei fundamentis demonstraverat hæreticos. Præsertim demonstrarat peccati originalis fidem esse immobile Evangelii dogma, non agibilem quæstionem. Quod ipsum in libro de peccato originali demonstrat sanctus Augustinus. Dolendum est istum Paulini libellum perierisse. Celestius igitur est assensus istis omnibus, & quæcumque damnanda censeret Pontifex, promisit damnare. Ejus contumacia, quam Paulinus adjungit, contigit postmodò, dum ille fugit ex Urbe.

His ejus Promissis animatus Pontifex scripsit ad Africanos Episcopos: "Nihil præcox, immaturumque censuimus". Affirmat Celestii fidem in hoc examine apparuisse absolutam, & adjunxit: "Cum, etiam prior libellus, ab eo intra Africam datus, testimonio apud vos esse debuisset". Ex quo discimus similem fidei libellum fuisse à Celestio exhibitum etiam Carthaginensi Synodo, & ipsum ab illo, quem Romæ exhibuit, si non sententiâ, tamen verbis fuisse diversum. An ille, quem produxit Joannes Garnerius, sit purus Romanus, an ex utroque mixtus, est inquisitu dignum. Interim Romanum Celestii libellum Papamist ad Afros. Et post paucos menses, Praylii literis animatus, etiam Pelagii libellum misit, atque adjunxit: "Ecce Pelagius, Celestiusque in suis literis & confessionibus Apostolicæ Sedi præsto sunt". Pelagius per literas, Celestius per personalem præsentiam: Ambo per confessiones, seu libellos fidei. His omnibus Pontifex adjunxit citationem Paulini accusatoris. Et transmisit per Basiliscum, Romanæ Ecclesiæ Sub-Diaconum. Citatoriz epistolæ Data est in manuscriptis codicibus exela à tempore. Haud dubiè fuit data in exordio Pontificatus, quod contigit die decimâ nonâ Augusti. Nam sequens Epistola, quâ Zozimus Pelagii transmisit libellum, fuit data undecimo kalendas Octobris. Et Basiliscus citationem Paulino apud Carthaginem insinuavit secundâ Novembris. Notanda sunt hæc Paulini verba: "Basiliscus me convenit, ut adessem ad Apostolicam Sedem

dem, & tuæ Judicio Sanctitatis, ad quam, me fugisse, suggestum  
est; nec defuturum fore promitterem, si adversum me, vel pro me  
fuisset lata sententia". Celestius, ut Paulinum redderet suspectum,  
& suam causam fucaret, mentitus est & Romæ sparsit ipsum adeo  
metuere suam hanc Romanam appellationem, ut Carthagine aufu-  
gisset. Hinc Pontifex illum duxit istâ promissione adstringendum.

Marius Mercator prosequitur: "Episcopis verò ex Africa rescri-  
bentibus, omnemque causam, quæ apud eos facta fuerat, expo-  
nentibus. missis etiam Gestis ex inde, quæ fuerant tunc cum illo,  
vel de illo confecta, vocatus ad audientiam pleniorē, ut quæ  
promiserat, festinaret implere, id est, ut damnatis prædictis Ca-  
pitulis, sententiâ Afrorum Pontificum, quâ fuerat communione  
privatus, absolveretur, non solum non adfuit, sed etiam ex me-  
morata Urbe profugit, atque ob hoc à beatæ memoriæ prædicto  
Zozimo Episcopo Scriptis amplissimis, vel longissimis perdamnatus  
est. In quibus & ipsa Capitula, de quibus accusatus fuerat, con-  
tinentur, & omnis causa, tam de Celestio supradicto, quam de  
Pelagio Magistro ejus praviori, videtur esse narrata, quorum Scri-  
ptorum & nos hic habemus exemplaria, & ad Orientales Ecclesias,  
Ægypti Diocesim, & Constantinopolim, & Thessalonicam, &  
Hierosolymam, similia eademque Scripta ad Episcopos esse trans-  
missa suggerimus".

Hæc omnia largiùs exponit sanctus Augustinus in secundo libro  
ad Zozimi Successorem sanctum Bonifacium. Totum tertium ca-  
put est describendum. "Quin etiam Romanos Clericos arguunt,  
scribentes" eos jussionis terrore perculsos non erubuisse prævari-  
cationis crimen admittere, ut contra priorem sententiam suam,  
quâ Gestis catholico dogmati adfuerant, postea pronunciarerent  
malam hominum esse naturam. "Immo verò Pelagiani spe falsâ  
putaverant novum, & execrabile dogma Pelagianum, vel Celestia-  
num persuaderi quorundam Romanorum catholicis mentibus  
posse, quando illa ingenia, quamvis nefando errore perversa, non  
tamen contemptibilia cum studiosè corrigenda potius, quam fa-  
cile damnanda viderentur. aliquantò lenius, quàm severior postula-  
bat Ecclesiæ disciplina, tractata sunt. Tot enim & tantis inter Apo-  
stolicam Sedem & Afros Episcopos currentibus & recurrentibus  
Scriptis Ecclesiasticis, etiam Gestis de hac causâ apud illam Se-  
dem, Celestio præsentē, & respondente, confectis, quænam tan-  
dem,

„dem epistola venerandæ memoriæ Papæ Zozimi, quæ interlocutio  
 „reperitur, ubi præceperit credi oportere sine ullo vitio peccati origi-  
 „nalis hominem nasci? Nuiquam prorsus hoc dixit, nusquam om-  
 „nino conscripsit. Sed cum hoc Celestius in suo libello posuisset  
 „inter illa dumtaxat, de quibus se adhuc dubitare, & instrui velle  
 „confessus est, in homine acerrimi ingenii, qui profectò si corri-  
 „geretur, plurimis profuisset, voluntas emendationis, non falsitas dog-  
 „matis approbata est. Et propterea libellus ejus catholicus dictus est,  
 „quia & hoc Catholicæ mentis est, si qua fortè aliter sapit, quam  
 „veritas exigit, non ea certissimè definire, sed detecta ac demon-  
 „strata respuere. Non enim hæreticis, sed Catholicis Apostolus  
 „loquebatur, ubi ait: Quotquot ergo perfecti, hoc sapiamus,  
 „& si quid aliter sapitis, id quoque Deus vobis revelabit. "Hoc  
 „in illo factum esse putabatur, quando se literis B. memoriæ Papæ  
 „Innocentii, quibus de hac re dubitatio tota sublata est, consen-  
 „tire respondit. Et hoc ut plenius & manifestius in illo fieret,  
 „expectabatur venturis ex Africa literis, in qua Provincia ejus  
 „aliquando calliditas evidentius innotuerat. Quæ Romam literæ  
 „posteaquàm venerunt, id continentes non sufficere hominibus  
 „tardioribus & sollicitioribus, quod se generaliter Innocentii Epi-  
 „scopi literis consentire fatebatur, sed apertè eum debere anathe-  
 „matizare, quæ in suo libello prava posuerat, ne si id non fecisset,  
 „multi parùm intelligentes magis in libello ejus illa fidei venena  
 „à Sede Apostolica crederent approbata, propterea quod ab illa  
 „dictum erat eum libellum esse catholicum, quam emendata  
 „propter illud, quod se Papæ Innocentii literis consentire ipse re-  
 „sponderat. Tunc ergò cum ejus præsentia posceretur, ut certis  
 „ac dilucidis responsionibus vel astutia hominis vel correctio dilu-  
 „cesceret, & nulli ambigua remaneret, se subtraxit & negavit  
 „examine. Nec differendum jam fuerat, sicut factum fuit, quod  
 „aliis prodesset, si nimirum perversorum pertinaciæ dementiæque  
 „non posset. Sed si, quod absit, ita tunc fuisset de Celestio vel  
 „Pelagio in Romana Ecclesia judicatum, ut illa eorum dogmata,  
 „quæ in ipsis & cum ipsis Papa Innocentius damnaverat, appro-  
 „banda & tenenda pronunciarentur, ex hoc potius esset prævari-  
 „cationis nota Romanis Clericis inurenda. Nunc verò cum pri-  
 „mitus Beatissimi Papæ Innocentii literæ Episcoporum literis  
 „respondentes Astorum, pariter hunc errorem, quem conantur



„isti persuadere, damnaverint, Successor quoque ejus Papa Zo-  
 „zimus hoc tenendum esse, quod isti de Parvulis sentiunt, nun-  
 „quàm dixerit, nunquam scripserit, insuper etiam Celestium, se  
 „purgare molientem, ad consentiendum supradictis Sedis Apосто-  
 „licæ literis erebrâ interlocutione constrinxerit, profectò quidquid  
 „intercè leniùs actum est eum Celestio, servatà dumtaxat anti-  
 „quissimæ & robustissimæ fidei firmitate, correctionis fuit clementis-  
 „sima suasio, non approbatio exitiosissima pravitatis. Et quod ab  
 „eodem Sacerdote postcè Celestius & Pelagius repetita autoritate  
 „damnati sunt, paululùm intermissæ, jam necessario proferendæ ratio  
 „severitatis fuit, non prævaricatio prius cognitæ, vel nova cog-  
 „nitio veritatis”.

Sanctus Augustinus agit adversùs Julianum Eclanensem Epi-  
 scopum, calumniosè scribentem de Clericis Romanæ Ecclesiæ:  
 „Eos jussionis terrore percullos non erubuisse prævaricationis  
 „crimen admittere, ut contra priorem sententiam suam, quâ  
 „Gestis catholico dogmati adfuerant, postcè pronunciarent  
 „malam hominum esse naturam”. Post damnatum, qui ex  
 Urbe fugerat, Celestium Zozimus edidit istam celeberrimam  
 ad omnes sub cœlo Ecclesias Tractatoriam, quâ non solum Ce-  
 lestium denuò, ac ipsum item Pelagium, eorumque damnavit  
 dogmata, sed insuper singulos, quos isti impugnaverant, de  
 originali peccato, ac Divinæ gratiæ auxiliis articulos Apostolicè  
 confirmavit. Et omnes sub cœlo Episcopos jussit his literis sub-  
 scribere. Quisquis recusasset, futurus erat non dumtaxat sus-  
 pectus, sed professus Pelagianus. Et quo plenam obtineret  
 obedientiam, luum & Constitutum & Mandatum curavit mu-  
 niri Augustâ lege Imperatoris Honorii, scriptâ ad Palladium,  
 Præfectum Prætorio. Ea est prima contra Pelagianos Divalis  
 Constitutio, primùm vulgata per Magdeburgenses Centuriato-  
 res. Porro Zozimus & suis Decretis, & laudatæ legi primos  
 obedire jussit suos Clericos. Tunc Sixtus, Romanæ Ecclesiæ  
 Presbyter, postmodò summus Pontifex, qui Pelagio & Celestio  
 videbatur non nihil favisse, atquè ita multos contristaverat, fe-  
 cit quod ad ipsum cum pleno gratulationis gaudio scripsit tan-  
 ctus Augustinus: “Ut tristitia de nostris cordibus tergeretur,  
 „te priorem Anathema eis, Pelagio, & Celestio, “in Populo fre-  
 „quentissimo pronunciâsse, fama non tacuit”. Porro Eclanen-  
 sis

sis Julianus, qui usque ad Innocentii Pontificis mortem catholicus manserat, aut manere simulaverat, laudatis Zozimi Decretis subscribere jussus se aperuit: Detrectavit pertinacissimè. Cum aliquot aliis Episcopis edidit solemnem fidei libellum ad Romanam Ecclesiam, & à Zozimi Decretis appellavit ad generale Concilium. Et quo hæc omnia fucaret ac stabiliret, latravit Zozimum esse prævaricatorem: Utpotè qui Celestii de originali peccato dogma approbasset primum, deinde damnasset. Latravit Apostolicæ Sedis Judicium non esse irrefragabile. Eadem de re scripsit ad Thessalonicensem ac alias Ecclesias, plenius maledicentiæ buccis clamans Zozimum non dumtaxat semetipsum, sed præcipitasse suos etiam Clericos per terrores Regiæ jussionis. Ipsos insuper Clericos arguit, quod isto terrore perculsi non erubuerint prævaricationis crimen admittere: Contra priorem suam sententiam, quâ Gestis catholico dogmati adfuerant, pronunciare malam hominum esse naturam. Hoc est, originale peccatum, quod antea etiam per Gesta proscriperant, postea stabilire, ac propter Regios terrores solemnius profiteri. Ista enim calumniosâ phrasi Julianus exprimere consuevit originale peccatum. Adjunxit in istius prævaricationis pœnam, defuncto Zozimo successisse schisma Eulalianum.

Per adductum sui libri caput Sanctus Augustinus respondit hisce contumeliosis furibundi Turbinis clamoribus. Et docet varia, aliòquin ignoranda. Primò, quod Zozimus Pontifex, & omnis Romana Ecclesia naturales Celestii dotes fuerint commiserati, ideòque ipsum corrigere sperantes noluerint Africanæ damnationis statim confirmare sententiam, & mitius tractaverint, quam postulare severior Ecclesiæ disciplina. Secundò, quod super Celestii appellatione & causâ cucurrerint plura Scripta ac Rescripta inter Romanam & Africanam Ecclesiam: Et quod plura apud Apostolicam Sedem, præsentè ac respondente Celestio, confecta fuerint Gesta. Tertiò, quod inter tot Zozimi epistolas ac interlocutiones nec verbum reperiatur, quod inficietur originale peccatum. Quartò, quod Celestius in suo, quem Zozimo exhibuit, fidei libello posuerit verba originale peccatum evertentia. Nempè hæc: "In remissionem autem peccatorum baptizandos Infantes non idcirco dicimus, ut peccatum

peccatum ex traduce firmare videamur, quod longè à catholico sensu alienum est. Quia peccatum non cum homine nascitur, quod postmodò exercetur ab homine: Quia non naturæ delictum est, sed voluntatis esse demonstratur. Quintò, quod Celestius errorem hunc non penitus assertivè scripserit, sed uti rem dubiam, de qua vellet instrui. Etenim libello dederat hunc finem: "Si quæ verò præter fidem quæstiones natæ sunt, de quibus inter plerisque esset contentio, non ego quasi author alicujus dogmatis definità hoc autoritate statui, sed ea, quæ de Prophetarum & Apostolorum fonte suscepi, vestri Apostolatus offerimus probanda Judicio, ut si fortè ut hominibus quispiam ignorantia error obrepserit, vestra sententiâ corrigatur". Sextò, quod erronea ista libelli verba Zozimus, præclarum Celestii ingenium mileratus, noluerit statim ex abrupto damnare. Septimò, quod idcirco ipsa non probaverit. Etenim non falsitatem dogmatis, sed solam emendationis voluntatem probavit, ideòque ad tempus, hominem devium ad rectas studens reducere vias, dispensatoriâ pietate dissimulavit. Octavò, quod istum, licet fœdo errore scabiosum, libellum Zozimus rectè dixerit catholicum. Quia nempe non corrigi paratus error, sed sola pertinacia facit hæreticum. Nondò, quod Apostolicis Innocentii ad Carthaginensem ac Milevitanam Synodos Rescriptis Celestius se assentiri responderit in suo examine, ac promiserit ipsa solemniter profiteri. Decimò, quod ex hac responsione creditus fuerit esse plenè conversus. Ista namque Rescripta manifestissimè profitentur originale peccatum. Undecimò, quod Zozimus à Celestio circumscribi ac deludi timens, istam ejus solemnem fidei professionem noluerit præcipitare. Primò de ejus moribus instrui per Africanos Episcopos voluit, & adesse Paulinum Acculatorem. Duodecimò, quod Africani Episcopi vestrum hominis ingenium exposuerint Pontifici, ideòque ad ipsi credendum suggererint non suscecturam qualemcumque professionem, quâ profiteatur se consentire laudatis Rescriptis, sed quod insuper præfata sui libelli verba debeat disertè anathematizare, atque ita auferre omnem ansam suspicionis, aut scandalii. Decimo tertio, quod ista Afrorum postulatio fuerit fundata, ac justa. Etenim nisi istud fieret, erroneum Celestii libellum, quem Apostolica Sedes esse catholicum scripserat in Africam, simplex Populus

Populus crederet approbatum potius, quàm emendatum, aut reprobatum. Decimo quartò, quod Zozimus sanis Africanæ Ecclesiæ consiliis acquieverit, atque ità constituerit certum diem, in quo exactè examinatus Celestius cogeretur ad lucidas responsiones, ad diserte ejuranda sui erroris verba, ac rectam fidem lucidè profutendam. Debebat secundùm Africanæ Rescripta, ipsa omninò de Can. 4. „hac quæstione verba commemorare, & anathematizare quæ in libello suo posuit“. Decimo quintò, quod adveniente isto die „Celestius non comparuerit. Aufugerat enim ex alma urbe, nolens talia profiteri, aut anathematizare. Delusit Pontificem, atque ità ejus vafrities & hæresis omnibus manifestò apparuerunt. Decimo sextò, quod hæc videns Zozimus censuerit procedendum ad definitivam sententiam. Et rectè. Etenim abundè tunc patebat dolosa hominum perversitas ac pertinacia, idèd non amplius ipsorum infirmitati & correctioni; sed orthodoxæ veritati & fidelibus Christi Domini Populi erat prospiciendum. Tunc ergò Zozimus condidit, ac edidit solemnem istam, ac veraciter Apostolicam Tractatoriam, quâ Pelagii & Celestii damnavit errores, atque personas: Quam confirmari curavit Imperiali lege, quam subscribi solemniter jussit, primùm à suo Clero, deinde ab omnibus sub cœlo Episcopis. Grandi Christianæ eruditionis damno latet, aut periit ista epistola: Habemus tamen quædam illius hinc inde fragmenta. Decimo septimò Augustinus docet, quod in cunctis his circa Celestium Gestis & Scriptis Zozimus nec Antecessoris sui Constituta, nec proprias interlocutiones aut Acta, nec Apostolicam veritatem fuerit prævaricatus. Et insigniter ista demonstrat. Decimo octavò docet eandem esse rationem Romani Cleri: Utpotè qui se Episcopo per omnia conformaverit, idèdque sit plenè purus à prævaricatione. Ità adversùm Juliani calumnias demonstrat Apostolicam Sedem non fuisse lapsum in Zozimo, sed circa fidem esse infallibilem ac insuperabilem. Hinc adversùm Julianum concludit: „Adhuc insuper „flagitant audientiam, eum damnati debeant agere pœnitentiam“. L. 1. C. 24. Cum sarcasmo affirmat Juliani appellationem esse frivolum, & ab omnibus contemnendam. Etiam in aliis locis constantissimè ac lucidissimè docet istam Apostolicæ Sedis intallibilitatem. Hinc admirandum est, quod quidam se ejus profiteantur fideles discipulos, & non vereantur adversùm istam Romanæ Ecclesiæ dignitatem vana disputare.

Yyy

Marius

Marius Mercator non sine causa scribit, quod Zozimus suam Tractoriam, unaque Imperialem legem miserit etiam ad Orientales Ecclesias, hoc est, ad Orientalem Dioecesim, seu Patriarchatum Antiochenum, & nominatim ad Ecclesiam Hierosolymitanam. Nempe propter Praylium, qui sui Antecessoris Joannis vestigia sequens, totus favebat Pelagio. Favebant & plures alii. Porro Pontificis cura non caruit fructu. Ejus Tractoria & Praylio, & Theodoro Patriarchæ Antiocheno ostendit, ac persuasit, quod sanctus Hieronymus non sine rationibus scripsisset Synodum Diospolititanam fuisse miserabilem. Ambo fecerunt, quod in tertio sui Communitarii capite scribit Marius Mercator: „Pelagius postmodum, evidenter deprehensus, insistentibus accusatoribus, à posteriori Synodo, cui sanctæ memoriæ Theodotus Antiochiæ præsedet Episcopus, atque ceteris, à sanctis quoque & venerabilibus Hierosolymorum locis est deturbatus. Quod ejusdem sancti Theodoti, ad Reverendissimum Urbis Romæ Episcopum, & sanctæ recordationis Praylii Hierosolymorum Episcopi missa Scripta testantur, quorum exemplaria ad documentum habemus in manibus“. Dolendum est, quod Marius Mercator cuncta ista exemplaria non adjunxerit suis Communitariis. Sic illa magno damno non fuissent perditæ. Isto tempore Theodoretus Cyrensis Episcopus frequenter agebat, & concionabatur Antiochiæ. Hinc certum fit istos hæreticos etiam ab ipso fuisse damnatos. Hinc illi desperati perrexerunt Constantinopolim ad fidem sui Magistri Theodori Mopsuestiensis Episcopi discipulum, Patriarcham Nestorium. Et invenerunt suo patello aptissimum coopertorium.

Africani Episcopi Zozimo rescripserunt non pauca. Lucet ex Papali ad ipsos Rescripto: „Missæ per Marcellinum Sub-Diaconum, vestrum epistolæ omne volumen volvimus, quo aliquando perlecto“, &c. Marcellinum hunc fuisse Carthaginensis Ecclesiæ Sub-Diaconum, testatur in suo ad Pontificem libello Paulinus Diaconus. Addit se Papale Romanæ evocationis Mandatum accepisse quarto Nonas, id est, secunda die Novembris, & concludit: „Hunc autem libellum direxi Beatitudini tuæ per Marcellinum, Ecclesiæ Carthaginensis Sub-Diaconum. Datum sexto Idus Novembris“. Hoc est, die octava. Quare aut ista ipsa die, aut paulò post Marcellinus cum Basilisco navigavit. Notandum est, quod Paulinus in eodem libello exprimat & diem factæ sibi insinuationis.

nuationis, & diem sui Responsi. Eodem modo Papæ ad Africanos  
 Episcopos Rescriptum habet hanc subnotationem: "Darum duo-  
 „decimo kalendas Apriles, Honorio Augusto duodecies Consule.  
 „Acceptum tercio kalendas Majas". Hanc posteriorem partem  
 omnino adjecerunt Afrorum Episcopi, atque ita subnotatam epi-  
 stolam remiserunt Romam. Nempe agebatur de retractatorio  
 appellatæ causæ Judicio, & de Papali Afrorum ad ipsum evocatione.  
 De negotio tunc acerrimè controverso inter utramque Ecclesiam.  
 Hinc Zozimus istos Judiciales apices voluit per omnia observari.  
 Ità insuper os clausit Scriptori Anonymo.

Afrorum literæ perierunt, aut latent. Eorum aliquod Con-  
 tentum colligi possit ex Rescripto Pontificis: "Quamvis Patrum  
 „traditio Apostolicæ Sedi auctoritatem tantam tribuerit, ut de ejus  
 „judicio disceptare nullus auderet, idque per Canones semper regu-  
 „lasque servaverit, & currens adhuc suis legibus Ecclesiastica discipli-  
 „na Petri nomini, à quo ipsa quoque descendit, reverentiam exsolvat,  
 „tantam enim huic Apostolo Canonica antiquitas super senten-  
 „tias omnium voluit esse potentiam, & ipsa quoque Christi Dei  
 „nostri promissio, ut & ligata solveret, & soluta vinciret, par  
 „potestatis data conditio in eos, qui Sedis hæreditatem ipso an-  
 „nuente meruissent. Habet enim cum omnium Ecclesiarum,  
 „tum hujus maximè, ubi sedit, curam, nec paritur aliquid amit-  
 „tere privilegii, aut aliquà titubare aurâ sententiæ, cui vi ipsa sui  
 „nominis firma, & nullis hæcændis acta motibus constituit fun-  
 „damenta, & quæ sine suo periculo temerè nullus incesset. Cum  
 „ergo tantæ auctoritatis Petrus caput sit, & sequentia omnium  
 „Majorum studia servaverint, ut tam humanis, Divinisque legibus,  
 „& disciplinis omnibus firmetur Romana Ecclesia, cujus locum nos  
 „regere, & potestatem nominis obtinere, non latet vos, sed nostis  
 „Fratres charissimi, & quemadmodum Sacerdotes scire debetis,  
 „Tamen cum tantum nobis esset auctoritatis, ut nullus de nostra  
 „possit retractare sententia, nihil egimus quod non ad vestram  
 „notitiam nostris ultrò literis referremus, dantes hæc Fraternitati,  
 „ut in commune consulentes, non quia quid deberet fieri nesciremus,  
 „aut faceremus aliquid quod contra utilitatem Ecclesiæ veniens  
 „displiceret, sed pariter vobiscum volumus habere Tractatum de  
 „illo, qui apud nos, sicut ipsi per literas dicitis, fuerit accusatus, & ad  
 „nostram, qui se assereret innocentem, non refugiens Judicium

ex appellatione pristina, venerit Sedem, Accusatores suos ultra deposcens, & quæ in se crimina per rumorem falsò dicebat illata, condemnans". Affirmat sibi ex Africa transmissum fuisse integrum literarum volumen, & pergit; "Quo perlecto, ita totum literarum comprehendistis textum, quasi nos Celestio commodaverimus, in omnibus fidelem, verbisque ejus non discussis ad unum, ut ita dicam, syllabam præbuerimus assensum. Nunquam temerè, quæ sunt diù tractanda, finiuntur: Nec sine magna deliberatione, statuendum est, quod summo debet disceptari iudicio. Idcirco, noverit vestra Fraternitas nihil nos post illas, quas vel superius, vel nunc accepimus, literas vestras immutasse, sed in eodem cuncta reliquisse statu, in quo dudum fuerant, cum hoc nostris literis vestræ indicavimus Sanctitati, ut illa, quæ à vobis ad nos, missa erat, obtestatio remaneret". Docet plura, spectantia ad præsentem materiam. Primò, quod nullus Apostolicæ Sedis iudicium possit sine temerario ausu retractare, immò nec de ipso disceptare. Auctoritatem hanc affirmat stabiliri per Canones, per Patrum traditionem, per perpetuam consuetudinem, inchoatam à primo Romanorum Episcopo, sancto Petro Apostolo, qui ipsam à Christo Domino accepit. Addit hanc dignitatem sciri, aut certè sciri debere ab Africanis: Utpotè qui sunt Episcopi, ideoque non permittantur talia ignorare. Nempè Africani Episcopi post, & propter Zozimi circa Celestium Acta & Scripta coegerant Synodum, & licèt non retractassent, tamen disceptarant. Suspicati fuerant Pontificem, uti in Apiarii causa, ità in hoc longè majoris ponderis negotio limites excedere. Et istam fiduciam Zozimus in ipsis notat ac arguit. Secundò affirmat tantam sancto Petro, ideoque & ejus Successoribus esse non solummodò per Canonicam antiquitatem, sed insuper à Christo Domino super omnium gentium Synodales sententias potentiam, ut omnium ligata solvere, omnium soluta valeat vincire. Quorumcumque ad Apostolicam Sedem appellationes asseverat esse Divini Juris. Addit sanctum Petrum omnium suorum privilegiorum esse adeò strenuum Zelatorem, ut ipsorum nihil patiatur amitti, nihil titubare, nihil temerè incesse. Et ipsis esse firma, multisque hætenus impetita motibus, & tamen inconcussa semper, fundamenta. Porro adversus hanc Celestii appellationem, quod in Dogmatica esset materia, nemo Afrorum obstrepuit. Nullum exstat vel minimæ intercessionis vestigium.

Quia

Quin immò Paulinus Diaconus, qui tunc non ex Italicis, sed ex Africanis vivebat regulis, in suo ad Papam libello appellationem Celestii est omni modo veneratus. Proindè Pontifex studio hæc intextuit aduersus Afrorum contentionem de causa Apiarii Tertio affirmat nullam Afris fuisse causam disceptandi de suis Actis circa Celestium: Quoniam peritus sit sui Papalis Officii, idèdque nihil egerit contra utilitatem Ecclesie, aut quod possit alicui displicere. Nempè Afri talia scripserant, aut certè apud suos mussitabant. Quarto affirmat, quod Celestius potuerit dormientem appellationem resumere, & suos Accusatores ad retractatorium in alma urbe Iudicium postulare. Quintò, quod hac in re voluerit Afris deferre singularem reverentiam. Quod ipsos non ut Reos, aut Accusatores audire voluerit, sed simul cum ipsis causam retractare. Ipsos in retractatorio Iudicio admittere ad omnem Synodalem honorem. Sextò, quod ipsos dignatus sit & alia gratia, nempè quod post elapsos duos citationis menses non processerit in causam, sed usque huc omnia in priori statu reliquerit, gratiosè deferens ipsorum obtestationi. Insinuatio fuerat facta anno decimo septimo istius sæculi, die secundà Novembris; at verò hæc epistola anno sequenti fuit data die vigesima primà Martii, tradita die vigesima nonà Aprilis. Afri adesse debuerant secundà die Januarii.

Notanda est ista Afrorum obtestatio. Etenim Romanam Celestii appellationem omninò comprobavit, aliud non postulans, quàm ut Pontifex non nisi post plenam instructionem dignaretur ad definitionem procedere. Eandem appellationem confirmavit Paulinus Diaconus, Celestium deferens de novo crimine: Nempè quod ab Africana Synodo de hæresi damnatus ante purificationem ac reparationem prælumpisset consecrari in Presbyterum. A Romano tamèn accessu se excusavit: "Ubi tunc nihil agere potui, quia is, qui ad Sedem Apostolicam provocaverat, defuit, quem oportuerat utiquè merita suæ appellationis adstruere, maximè cum nihil agente appellatore, secundùm etiam humanas leges, superior est semper ille qui vicit". Affirmat se perfunctum omni accusatoris officio, idèdque causam deinceps ad se non spectare. Fuisse perfunctum, & solutum, dum Celestius appellationem deferuit. Interim Pontificem de peccati originalis fide, ac de dolosis Celestii artibus abundè instruxit. Quod ipsum Synodaliter fecerunt Africani Antistites, Coegerunt



tifex : "Quantum ad Religionem pertinet, non nisi Apostolicæ Sedi, juxta Canones, debetur totius Summa judicii". Hinc ista Synodus aliud non fecit, quam confirmare Decreta Zozimi. Eadem de causa Afri semper permiserunt inferiorem etiam Clerum in fidei materia Romam provocare.

CAPUT XXXII.

*Exponitur Africana controversia circa  
Sardicenses Canones.*



Rima quæstio est, Ex quo factum sit, quod Afrorum Antistites ignoraverint Canones Sardicenses? Quod ipsos harum quæstionum tempore penitus ignoraverint, ex supradictis est manifestum. Quod ipsum patet ex literis S. Augustini ad Eleusium & Glorium, Episcopos Donatistas: "Fortunius", Tubursicensis Donatistarum Episcopus, "protulit quoddam volumen, ubi volebat ostendere Epist. 163.  
„Sardicense Concilium ad Episcopos Afros, qui erant communionis „Donati, dedisse litteras. Quod cum legeretur, audivimus Donati „nomen inter cæteros Episcopos, quibus illi scripserant. Itaque „flagitare cœpimus, ut doceretur, utrum ipse esset Donatus, de „cujus parte illi cognominantur: Fieri enim potuisse, ut cui Do- „nato alterius hæresis Episcopo scripserint, cum maxime in illis no- „minibus nec Africa mentio facta fuerit. Quomodo ergo posset „probare Donatum patris Donati Episcopum nomine illo accipien- „dum esse, quando ne id quidem probare posset, utrum ad Afri- „canarum specialiter Ecclesiarum Episcopos illæ literæ missæ fuerint. „Quamquam enim Donati nomen Afrum esse soleat, non tamen re- „pugnaret à vero, ut vel partium illarum aliquis vocaretur nomine „Afro, vel aliquis Afer in illis partibus constitueretur Episcopus. „Nequè enim in eis vel diem, vel Consulem invenimus, ut saltem „consideratis temporibus certi aliquid eluceret. Sanè quoniam nesciq- „quando audieramus Arianos. cum à communione Catholica dis- „crepassent, Donatistas in Africa sibi sociare tentasse, ad aurem  
mihi

„mihi hoc ipsum Frater Alipius suggessit. Tunc accepto ipso volumine, ejusdem Concilii Statuta considerans, legi Athanasium Episcopum Alexandrinum Catholicum, cujus maximè adversum Arianos acerrimarum disputationum conflictus eminuit, & Julium Romanæ Ecclesiæ Episcopum, nihilominus Catholicum, illo Concilio Sardicensi fuisse improbatos. Unde apud nos constitit Ariatorum fuisse Concilium, quibus isti Episcopi Catholici vehementissimè resistebant. Itaque ad diligentem etiam temporum discussionem volumus ipsum volumen accipere, atque auferre nobiscum. Qui noluit dare, dicens ibi nos habere illud, quando aliquid in eo considerare vellemus. Rogavi etiam, ut manu mea notari permetteret, fateor, timens ne mihi fortè causâ exigente, cum petendum esset, pro illo aliud proferretur. Neque hoc voluit”.

Istud Sardicense Concilium erat manifestè Synodalis epistola Philippo-Politani Conventiculi. Et ex istis sancti Augustini, qui suam, & Collegæ Alipii cum præfato Fortunio disputationem describit, verbis discimus plura. Primò, quod iste Fortunii Codex fuerit mutilus. Etenim non habebat Episcoporum, ad quos epistola dirigebatur, adscriptas civitates. At verò nos hodie habemus: „Gregorio Alexandriæ Episcopo, Amphioni Nicomediæ Episcopo, Donato Carthaginis Episcopo”, &c. Secundò, quod ista epistola videatur nunquàm habuisse adscriptum diem, & Consulem. Etenim uti Fortunii Codex istis caruit, ita carent & omnes nostri. Tertio, quod „Donatus” esset nomen Afris familiare, & proprium. Existimo processisse ex sancto Donato, proximo Antecessore sancti Cypriani. Quarto, quod sanctus Augustinus nullam tunc haberet notitiam aut Sardicensis Concilii, aut etiam Philippo-Politani Conventiculi. His de rebus nihil noverat, nisi quod incerto rumore aliquandò audisset, quod Ariani, cum à Catholica communione se palàm segregassent, tentassent suæ Factioni adungere Donatistas. Et rectè audierat. Etenim usque ad istud Philippo-Politanum schisma Eusebiana Factio Episcopis Catholicis communicaverat, & ambo fuerant utcumque unum. Ista secessio ipsos diserevit in adversas communionones. Quintò discimus, quod sanctus item Alipius circa istas Synodos nihil tunc novisset, nisi istam eandem ex auditu memoriam. Porro istud Eusebianæ Factionis tentamen non caruit omni effectu. Etenim de ipso S. Augustinus scribit ad Comitem Bonifacium

cifacium: " Ut breviter insinuem Dilectioni Tuæ, inter Ariano- Epist. 10.  
rum & Donatistarum quid intersit errorem, Ariani Patris, &  
Fili, & Spiritus Sancti diversas substantias esse dicunt; Donatistæ  
autem hoc non dicunt, sed unam Trinitatis substantiam confitetur".  
Etsi "aliqui ipsorum minorem Filium esse dixerint, quam Pater est,  
eiusdem tamen substantiæ non negantur". Loquitur de antiquis  
temporibus. Nempè de tempore Philippo-Politani Conventiculi.  
Affirmat quosdam Donatistas cum Arianis quidem fuisse locutos,  
non tamen sensisse. Et nonnisi aliquos. Nempè sunt artes hæ-  
reticorum. Et Augustinus non amplius dubitanter, sed definite  
loquitur. Quia nempè hæc epistola est ista aliâ longè posterior,  
atque ita Augustinus erat tunc instructor.

Eadem de re sanctus Augustinus scribit in tertio libro contra  
Cresconium Donatistam: "Sed Orientales, quos modò nostros esse Cap. 34.  
concedis, non latuisse hoc facinus dicis. Atque ut hoc probes,  
inferis principium epistolæ Concilii Sardicensis, ubi Donati Car-  
thaginis Episcopi vestri nomen invenitur adscriptum. Quod idè  
factum putas, & affirmas, quod videlicet Orientalibus, qui de  
Concilio suo hæc Scripta miserunt, facinus displicuerit Traditorum,  
& ab eorum se communione retraxerint, & propterea Donato  
vestro communicabant. Disce ergò quod nescis: Sardicense  
Concilium Arianorum fuit, quod notum est jam diu, ut habemus  
in manibus, contractum maxime contra Athanasium, Episcopum  
Alexandrinum Catholicum, qui eorum errorem, ex ipsa civitate  
ortum, præ cæteris acriter arguebat & refellebat. Non igitur  
mirum, si illi hæretici Donatum sibi adsciscere tentaverint, quos  
per totum Orbem Catholica damnabat Ecclesia. Quamquam nos  
sine civitatum nominibus Episcopos, ad quos hæc literæ datæ sunt,  
habeamus. Aut ergò aliquis Donatus fuit non in Africa Episcopus,  
cujus nomini Carthago à vestris est addita, aut, ut dixi, Africa  
nam hæresim Orientalis hæresis sibi tentavit adjungere. Quod  
hinc maxime credibile est, quod ad Carthaginis Episcopum, Ro-  
mano prætermisso, nunquam Orientalis Catholica scriberet". Et Cap. 44.  
in quarto libro: "Inferis principium Sardicensis Concilii, unde pro-  
bare conaris, quod Orientales Episcopi, cognito crimine Tradi-  
torum, parti Donati communicaverint, hoc uno, magno scilicet,  
documento, quod inter Episcopos, quibus scribunt, Donati  
nomen inventum est. Nec tamen ibi legitur aliquid eos de Afris

„Traditoribus cognovisse. Quod quidem Concilium, ne te lateat,  
 „Arianorum est, quos jam tu inter alios hæreticos nominasti. Nec  
 „additis civitatum nominibus legi solet. Quia nec ipse mos est  
 „Ecclesiasticus, quando Episcopi Episcopis scribunt epistolam.  
 „Unde nescio quis ille Donatus, miror si non in vestris literis Car-  
 „thaginensis factus est. Omitto enim dicere, quod fortassè Orien-  
 „tales hæreticis aliquo modo se sociare tentaverint”.

Hinc iterum discimus varia. Primò, quod etiam Cresconius habuerit exemplar Philippo-Politani Conventiculi. Secundò, quod ejus exemplar à Fortunii exemplari fuerit non modicè diversum. Etenim ad Episcoporum nomina unum habebat, aliud non habebat adscripta nomina civitatum. Quæ diversitas refundi debet in varios Descriptores. Quidam civitatum nomina aut spernebant nosse, aut ipsorum adscriptionem censebant adversam consuetudini Ecclesiasticæ. Quia nempe talis consuetudo non vigeat in Africa. Passim omnes laboramus istâ philautiâ Patriarum consuetudinum. Hinc & S. Augustinus Fortunii Codicem censebat fideliorum, Et haud dubiè ipsum sibi curaverat describi. Ex eodem principio non ampliùs dubitanter, sed definitè asserit Sardicensem Synodum fuisse Arianorum. Tertio discimus, quod isto adhuc tempore S. Augustinus, adeoque & cæteri Afrorum Episcopi ignoraverint discrimen inter Sardicensem Synodum, & Conventum Philippo-Politanum. Discimus, quod sola istius Conventus Acta, immò sola Synodalis epistola esset in Africa apud Donatistas, veræ autem Sardicensis Synodi Acta aut perierant apud omnes Africanas Ecclesias, aut latebant in alta oblivione. Et ex istâ ignorantia S. Augustinus sibi persuadere non poterat, quod Philippo-Politanus Conventus scripsisset ad Donatum: Fuit magis propensus, ut crederet esse Donatum alium, à Donatistarum vafritie transmutatum in Carthaginensem. Quarto discimus, quod Donatistæ istius Conventiculi literas, solius Eusebianæ Factionis facinus, transcripserint in totam Orientalem Ecclesiam. Quod ipsum hoc nostro sæculo fecit Petrus de Marca. Isti, ut suam Factionem per totius istius Ecclesiæ communionem & auctoritatem firmarent; hic ut Romanæ Ecclesiæ dignitates per eandem auctoritatem mularet. Quintò discimus, quod Catholica Orientis Ecclesia olim ad Carthaginensem, aut alios Occidentis Episcopos nunquàm scriberet prætermisso Romano. Nempe Synodales literas. Est regula benè notanda. Ex eadem, dum

dum ad Papam scriberent, passim addebant ejus Synodum, omnes Italix Episcopos, aut etiam totius Occidentis. Quod nempe Papa esset isthic omnia. Quod Papæ Judicium non posset non esse omnium. Eadem de causa Orientales Episcopi, dum ad Papam appellabant, quandoquæ addebant eosdem Episcopos.

Secunda quæstio est, Quomodo in Africam pervenerit ista ignorantia Canonum, & Actorum Sardicensium? Est res admiranda. Etenim non solus Africanæ Ecclesiæ Archi-Episcopus Gratus, sed insuper plures istius gentis Episcopi adfuerant, & subscripserant Sardicensi Concilio. Nec est dubitandum, quin cuncta Synodalia Acta, nominatim Canones, secum deportarint. Quin immò idem Gratus ad suam, cui etiam Numidiæ ac Byzacii aderant Episcopi, Carthaginensem Synodum dixit: "Hæc observantia pacem custodit, Nam & memini à Sanctissimo Sardicensi Concilio similiter statutum", &c. Deinde Hosius Cordubensis Episcopus, Sardicensis Concilii Præses, fuit Afris insigniter familiaris, ideoque non est dubitandum, quin istam ipsis Synodum commendaverit. Respondeo hæc omnia esse verissima. Interim certum etiam est hanc Synodum postmodò fuisse isthic penitus ignotam. Immò nullum penitus exemplar fuit inventum in omni Africa. Etenim Episcopi, dum cum Zozimo Pontifice contendebant, lustrarunt omnes Bibliothecas, omniaque Ecclesiarum scrinia: Et nullos repererunt Sardicenses Canones, sed solos viginti Nicænos. Quare Gratus, & alii Episcopi videntur istos secum non detulisse. Hinc forsitan ille dixit: "Memini à Concilio Sardicensi statutum". Insinuat Codicem non fuisse ad manum, sed se loqui ex sola memoria. Accessit Donatistarum in Africanam Ecclesiam rabies. Etenim etiam tunc non destiterunt Episcopis, Presbyteris, ac Diaconis Catholicis violenter injicere manus pœnitentix, atque ita reddere irreparabiliter irregulares. Hinc isthic nata est summa Clericorum inopia ac ignorantia. Præsertim ignorantia sacrorum Canonum. Nam & sanctus Valerius, dum sanctum Augustinum promovit sibi in Collegam, ignorabat Nicænos Canones, vetantes eidem civitati esse duos simul Episcopos. Et ad vitium curandum postmodò prodiit hic Canon: "Ordinatis Episcopis, vel Clericis prius ab Ordinatoribus suis Placita Conciliorum, auribus eorum inculcentur, ne se aliquid contra Statuta Concilii, fecisse pœniteat". Canonis Author fuit S. Augustinus, qui in aliis fieri noluit, quod in se factum doluit.

Z z z z 2

Quæstio

Quæstio tertia est, Quâ ratione Zozimus Canones Sardicenses scripserit esse Nicænos? An studuerit Africanos Episcopos circumscribere? Hoc enim censent non hæretici soli, sed & quidam hodiè Catholici. Respondeo Zozimum rectissimè & simplicissimè scripsisse ex more suorum Antecessorum. Scripsit ex Codice Romanæ Ecclesiæ, in quo primum caput habet hunc titulum: "Canones Nicæni Concilii sub titulis quadraginta sex". Et continet Nicænos & Sardicenses Canones: Sub eadem consequentia. Et ipsos distribuit in quadraginta sex numeros. Proinde Codicis Author utriusque Synodi Canones appellavit Nicænos. Nec sine fundamento. Etenim Constantinopolitanum Symbolum Ecclesia semper dixit Nicænum. Etiam ejus auxitrix Constantinopolitana Synodus dedit ipsi hunc titulum in primo suo Canone: "Trecentorum decem & octo Patrum, qui Nicææ convenerunt, fidem, non abrogari, sed firmam ac stabilem manere oportere", &c. Ipsam confirmavit & auxit quibuldā vocibus, quibus grassantes tunc hæreses evertebantur. Hinc edixit suum ita adauctum Symbolum esse ac permanere Nicænum. Rectissimè. Eodem modo Sardicenses Canones non sunt aliud, quàm Nicænorum expositio & confirmatio adver, um schismaticas novitates Eusebianæ Factionis. Non sunt aliud, quàm quædam ad Nicænos additamenta. Hinc ipsos pro Nicænis semper habuit Romana Ecclesia. Et istud iudicium secutus est auctor Codicis, Auctor insigniter antiquus. Etenim Codex à modico incepit, & paulatim per assidua incrementa pervenit ad plenitudinem. Itaque Zozimus ex ipso scripsit, ideoque ab omni dolo aut arte est purissimus. Nemo hæc melius novit, quàm Reverendus Pater Paschalius Quesnellus, qui Codicem, magnum Ecclesiasticæ eruditionis thesaurum, è tenebris produxit in lucem.

Quæstio quarta est, An Zozimus Pontifex sit primus author istius tituli aut phrasios? Hoc enim ipsi passim imponitur à novis Dogmatistis. Respondeo non esse. Etenim in libello, quem adversus Hincmarum Laudunensem Duziacensi Synodo exhibuit, Hincmarus Remensis Episcopus laudat verba Innocentii primi Pontificis in literis ad Sanctum Victricium Episcopum Rothomagensem: "Si majores causæ in medio fuerint devolutæ, sicut Synodus statuit, post Episcopale Judicium referantur". Et subjungit: "De quibus Canonibus Innocentius hoc dicat, manifestissimè claret,

„claret, scilicet de Sardicenisibus“. Certum est, quod Innocentius laudet Nicænam Synodum, & tamen adducit Sardicensem Canonem: Quod nempe utraq; Synodus haberetur pro eadem, & indifferenter appellaretur Nicæna. Idem Hincmarus alio in loco scriptum istud Victorio Capitulum affirmat esse partim ex Nicænis, partim haustum ex Sardicenisibus Canonibus, & tamen ab ipso appellari Nicænum. Utrique ex eodem principio. Hæc manifesta veritas olim fuit professio constantissima totius Gallicanæ Ecclesiæ. Quod eandem in prima sui operis parte profiteatur Petrus de Marca, est ostensum in superioribus. Unde igitur nunc docet aliud, & se præbet Ducem inconditæ novitatis? Idem Innocentius in literis ad Ecclesiæ Constantinopolitanæ Clerum ac Populum gravissimè damnat Theophili Alexandrini Synodum, quod sancto Joanni Chrysostomo appellanti superordinasset alium Episcopum, & adjungit causam: „Nunquam sapè Patres nostros talia ausos fuisse, sed „potius vetuisse cognovimus, ne cui in locum viventis alium per „consecrationem substituendi sit potestas. Hæc contra Canonum „observationem sunt. Canonibus porro obsequendum scribimus, „qui Nicææ sunt decreti. Quos solos consecrari decet Ecclesiam „Catholicam. & juxta eos judicare“. At verò quis Canon appellanti Episcopo vetat superordinari alium? Certè nullus, nisi Sardicensis. Et ecce ipsum Innocentius disertè inscribit Nicænum. Et statim infra appellat etiam Sardicensem. Eiusdem Synodi Canones manifestè laudat in literis, quibus Theophilum, redditurum sui judicii rationes, mandat proficisci ad Synodum Thessalonicensem, & disertè affirmat esse Nicænos. Eadem phrasi utitur Paladius Helenopolitanus Episcopus in Dialogo, quem de sancti Joannis Chrysostomi persecutionibus habuit cum Theodoro Diacono Romanæ Ecclesiæ. Quin & plena Constantinopolitana Synodus scribit de suo secundo Canone: „De administrationibus „singularum Ecclesiarum tum vetus lex obtineat, tum sanctorum „Patrum in Concilio Nicæno decisio, ut videlicet singularum „Provinciarum Antistites unà cum finitimis, modò ipsis ita visum „fuerit, Episcopis ad Ecclesiarum commodum habeant Ordinationes“. Laudat quartum & textum Nicænum Canonem. Verum nec hic nec iste permittit aut mandat ullo in casu invitari Episcopos vicinæ Provinciæ. Facit id quintus Sardicensis. Proinde laudata Synodus suam ex utriusque Concilii Canonibus mixturam affirmat

Epist. 29.

esse constans Nicænum. Nempe in relatione ad Romanam Ecclesiam loquitur Romano more, atque ita constat istam loquendi speciem non esse inchoatam à Zozimo, sed apud omnes Ecclesias fuisse multò antiquiorem. Ex quibus lucet insigniter exorbitare

L. 7. C. 12. hæc verba Petri de Marca: "Nondum recepti erant Canones Sardicenses tempore Innocentii primi".

Longè pejus exorbitant hæc: "Primus omnium Zozimus, Papa Canones Sardicenses protulit, contenditque ut in Occidente vim legis obtinerent. Arbitror autem eum id consilium cepisse, quod Honorius & Arcadius Imperatores paulò ante abieciissent jus concedendi Rescripta pro retractando judicio Episcoporum depositorum, quemadmodum supra ostendi Capite secundo, adductis verbis legis. Existimavit itaque Zozimus gratum Episcopis futurum, si revisiones non omnino abolerentur, sed contra decernerentur auctoritate Sedis Apostolicæ. Tentatum id in Africanis ingeniis voluit Pontifex. Laudatæ legis, in secundo Capite adductæ, verba sunt hæc: "Quicumque residentibus Sacerdotibus fuerit Episcopali loco detrusus & nomine, si aliquid vel contra sententiam, vel contra quietem moliri fuerit deprehensus, rursusque Sacerdotium petere, à quo videtur exclusus, procul ab omni urbe, quam indignus infecit, secundum legem Divæ memoriæ Gratiani, centum millibus vitam agat". Et infra: "Sit hujusmodi personis tenore præsentis legis illicitum sacra nostra adire Secreta, & impetrare Rescripta. Omnia dejectis per culpam Sacerdotio personis, quæ impetrata sunt, infecta permaneant.

Error, quo Petrus de Marca affirmat Sardicenses Canones à Zozimo fuisse primum prolatos, est abundè revictus. In adductis verbis sunt & alii. Primus est, quod Romani Imperatores aliquandò habuerint jus dandi Rescripta ad retractanda judicia degradatorum Episcoporum. Etenim erat mera, per Donatistas intrusa in Mundum, Regia usurpatio, quam juxta Canones agentem tolerabat, ab ipsis autem deviantem constanter repudiabat Ecclesia. De hiscè ad Bonifacium Diaconum, suum Apocrisarium apud Imperatorem Phocam, scripsit magnus Gregorius: "Dilectio tua pietati Clementissimi Domini Imperatoris cuncta diligenter insinuet, atque constanter adstruat, hoc omnino illicitum, omnino prævum, omnino injustum,

&



„& sacris esse Canonibus valdè inimicum. Et ideo hujusmodi „peccatum temporibus suis introduci in Ecclesiæ præjudicium „non permittat“. Antiquum de cunctis istis sacris Rescriptis, Delegationibus, ac jussionibus Ecclesiæ sensum exponit idem Gregorius in literis ad Anatolium, Diaconum Constantinopolitanæ Ecclesiæ: "Quod Imperator fecerit, si Canonicum est, L. 2. ep 41 „sequimur", hoc est, patienter obedimus; "si verò Canonicum „non est, quantum sine peccato nostro valemus, portamus". Plurima sunt istiusmodi testimonia, & ejusdem Gregorii, & aliorum Patrum, Latinorum, & Græcorum. Proinde nullum fuit Principijus: Fuit mera conventia.

Secundus error est, quod Arcadius & Honorius istam consuetudinem abjecerint. Etenim contrarium lucet ex adductis S. Gregorii testimoniis. Consuetudo hæc sub istis Imperatoribus adeò invaluit, ut Africaua Ecclesia ipsorum tempore emisserit hunc Canonem: "Quicumquē ab Imperatore cognitionem „judiciorum publicorum petierit, honore proprio privetur; si „autem Episcopale Judicium ab Imperatore postulārit, non ei „obsit". Duravit usque ad finem, & lapsus Romani Imperiū. Quin immò Petrus Archi-Episcopus contendit istud sacrum Jus ab Imperio transisse ad Reges Christianissimos. Unde plurimum miror, quomodò hic sui oblitus scribat fuisse abjectum ab Arcadio & honorio? Quando igitur, & quomodò mos iste exoleverit, docet Anastasius, Romanæ Ecclesiæ Bibliothecarius, in præfatione ad octavum Concilium: "Græcorum Imperatores, „Occidentis amisso Imperio, Romanis Pontificibus, quibus „jubere nequeunt, suadere nituntur". Et Leo tertius Carolum Magnum, dum Occidentis donavit Imperio, compulit ad cunctis istiusmodi violentiis renunciandum. Porro Arcadius & Honorius per memoratam legem, quā similem Gratiani Imperatoris adversum solos Ursicini Antipapæ schismaticos Fautores, eorundemque Degradatorum turbulentias datam constitutionem extendunt ad omnes legitimè Degradatos, ac adversus istud judicium tumultuantes Episcopos, nequaquam abjiciunt istam consuetudinem, sed solummodò cogunt ad meliorem usum, ac sacris Canonibus viciniore terminos. Sanciunt ut ista sacrarum Delegationum Rescripta deinceps non dentur istiusmodi turbibus. Et omnia jam data circumducunt. Sanciunt turbines relegandos

legandos ad centum millia ab ista civitate, quam malè gesto Episcopatu fœdaverant.

Tertius error est, quod istas ab Arcadio & Honorio in compita projectas sordes Zozimus, uti dilectas gemmas, collectas levârit, & ipsis studuerit ornare Sedem Apostolicam. O miserabilem sancti Petri Cathedram, quæ indiguit fœdari istiusmodi pigmentis. Petrus Archi-Episcopus in superioribus docuit, quod ante Sardicensem Synodum Romana Sedes in Canonica Provincialium Synodorum Judicia nihil potuerit per appellationem, aut retractationem, coacta esse contenta solis relationibus. Docuit quod tunc iniquè damnati Episcopi nequiverint persuadere ad Romanos Antistites, sed ab Imperatore supplicare Judices Episcopos, qui causam retractarent. Docuit quod primus in Sardicensi Synodo Hosius studuerit honorare memoriam sancti Petri Apostoli, atque ita Imperialem delegandi retractaturos Judices auctoritatem communicaverit Romanis Pontificibus. Nempè pauper S. Petrus suprâ Provinciarum Synodos nihil potestatis acceperat à Christo Domino, atque ita per Hosii industriam debuit aliquid mendicare ab Imperatoribus. Hic verò Petrus Parisiensium Archi-Episcopus docet, quod Arcadius, & Honorius istud suam jus projecerint, atque ita rebus suis attentus Zozimus ipsum collegit, "existimans gratum Episcopis futurum, si revisiones non omninò abolerentur, sed contrâ decernerentur auctoritate Sedis Apostolicæ". Nempè nisi Zozimus istas fœces collegisset, miserandi Episcopi, dum iniquè à suis Synodis degradabantur, nec ad Principem, nec ad Papam potuissent confugere. Quare Zozimus credidit à se agi non suam rem, sed Episcoporum. An hæc Dogmata sapiant Evangelium, judicent alii Sapientiores. Certè Zozimus in superiùs adducta ad Africanam Ecclesiam epistola affirmat Romanam suscipiendarum appellationum auctoritatem, & supremam super quascumque Synodos potentiam esse à Canonica antiquitate, à traditione Patrum, à sancto Petro Apostolo, ac ab ipso Christo Domino, qui Petro dedit potestatem ligandi, ac solvendi omnia.

Quartus error est, quod primum hujus suæ novæ potestatis experimentum Zozimus tentare voluerit apud ingenia Afrorum. O imprudentem Pontificem, qui istud tentamen non inchoaverit apud Gallos. Certè ipsorum aures & mentes reperisset longè faciliores

ciliores ad credendas istiusmodi fabellas. Saniora sunt hæc ejusdem  
 Archi-Episcopi verba: "Quæri potest, quamnam ob causam Zo-  
 zimus protulerit Canones Sardicenses sub nomine Concilii Ni- Cap. 16.  
 cæni? Quæstio hæc acriter, & animosè tractatur à Novatoribus,  
 qui Zozimum arguunt falsitatis, & imposturæ. Contra nostri id  
 ex eo profectum aiunt, quod eâ tempestate Canones Nicæni &  
 Sardicenses in eodem volumine descripti essent, nullo discrimi-  
 ne adhibito, sub titulo Canonum Nicænorum. Probabilis qui-  
 dem conjectura, si vetusti Codicis autoritate niteretur, qui  
 nondum emerfit è tenebris". At verò jam emerfit. Ipsum cum  
 summo Ecclesiasticæ eruditionis fructu & gaudio produxit Reve-  
 rendus Pater Paschasius Quesnellus. Proindè jam cesseret omnis  
 ista contentio. Adhæreamus Romanæ Ecclesiæ, quæ istam no-  
 menclaturam etiam post Africanas lites constanter retinuit. Etenim  
 Magnus Leo, dum ab Imperatore Theodosio ad S. Flaviani Con-  
 stantinopolitani Episcopi, qui ab Ephesini Latrocinii Judicio ap-  
 pellârat, retractandam causam postulavit novam Synodum, suis  
 literis adjecit: "Quam autem post appellationem interpositam hoc Ep. 49. c. 3.  
 necessariè postuletur, Canonum Nicææ habitorem Decreta te-  
 stantur, quæ subter adnexa sunt". Et adnexuit Canonem Sar-  
 dicensensem. Quod etiam Gelasius, Gregorius, aliique Pontifices  
 istam phrasim usitaverint, variis in locis demonstrat Hincmarus  
 Remensis.



Aaaaa

CAPUT

## CAPUT XXXIII.

*An ha Africana quaestiones inter Romanam & Africanam  
Ecclesiam causaverint schisma durans usque ad  
Pontificatum Bonifacii secundi?*



Afirmat famosa Bonifacii II. Pontificis ad Eulalium Alexandriae Patriarcham Epistola: "Aurelius Carthaginensis Ecclesiae olim Episcopus, cum Collegis suis, instigante Diabolo, superbire temporibus Antecessorum nostrorum Bonifacii atque Celestini contra Romanam Ecclesiam coepit, sed videns se modò peccatis, Aurelii Eulalii à Romanæ Ecclesiae communione segregatum, humilians recognovit se peccasse, pacem & communionem Romanæ Ecclesiae petens, subscribendo cum Collegis suis damnavit Apostolicâ autoritate omnes scripturas, quæ adversus Romanæ Ecclesiae privilegia quoquo ingenio factæ fuerant". Et confirmare videtur liber Pontificalis in vita ejusdem Pontificis Bonifacii: "Eodem tempore venit relatio ab Episcopis Afris de Constitutione, & ut cum Consulto Sedis Apostolicæ omnia Carthaginensis Episcopus faceret".

Respondeo epistolam esse imperitam, ac manifestè spuriam. Etenim nec Alexandrina, nec Carthaginensis Ecclesia inter suos Episcopos unquam habuit aliquem Eulalium. Isto tempore apud Carthaginem sedebat Reparatus. Et quod ob memoratas Aurelii lites nulla unquam inter Romanam ac Africanam Ecclesiam fuerit communionis dissociatio, est exploratissimum. Etenim proximus Aurelii Successor fuit Capreolus, de quo Liberatus, Carthaginensis Ecclesiae Archidiaconus: "Capreolus Archi-Episcopus, propter impetus Wandalorum Africanas Regionem obsidentium, universale non valens congregare Concilium, Bessulam Diaconom suum misit Ephesum ad Concilium Legatum". Erat non solius Capreoli, sed etiam totius Africanæ Synodi Legatus: Attamen non per expressum, sed per implicitum, ac præsumptum Mandatum.

Nam

Nam & eo tempore, quo Tyrones tumultuabantur in Africa, atque ita impediabant Legatos ele&uram Numidiæ Synodum, taliter plenarium Carthaginis Concilium accefferant Alipius, Augustinus, ac Possidius. Et uti tunc ipsos Aurelius, ita Bessulam Ephesi admisit Præses Cyrillus. Ei Capreolus addiderat insignes literas, continentes suum, ac suæ Synodi suffragium. Et de ipsis ad Ephesinam Synodum dixit Petrus, Alexandrinæ Ecclesiæ Presbyter, ac Synodaliū Notariorum Primicerius: "Reverendissimus, ac piissimus Metropolitanus, & Episcopus Carthaginis Capreolus per Bessulam Diaconum ad sacram hanc Synodum epistolam scripsit. Si vestra Pietas jusserit, recitabo". Et post recitatam dixit Synodi Præses sanctus Cyrillus: "Hæc Reverendissimi, ac piissimi Carthaginis Episcopi Capreoli quæ lecta est epistola, cum dilucidam sententiam in se contineat, fidei Gestorum inseratur. Vult enim antiqua fidei Dogmata confirmari; nova verò, & absurdè excogitata, & impiè divulgata reprobari, ac proscribi". Et omnes Episcopi simul exclamârunt: "Hæ omnium voces, hæc omnes asserimus, hoc omnium est votum". Quæ omnia altissimè clamant Capreolum fuisse integerrimum Catholicæ communionis, & magnæ apud omnem Ecclesiam autoritatis Episcopum. Hinc ista omnia suo secundo Communitorio inseruit Vincentius Lerinensis. Et certè Capreolus ab Imperatore Theodosio, tanquàm magnus Orthodoxæ fidei Doctor, ac Defensor, fuerat ad Synodum invitatus.

De ejus Successore Quod-vult-Deus scribit in primo libro de Wandalica persecutione Victor Vitenfis Episcopus: "Geizericus Carthaginis Episcopum, Deo & hominibus manifestum, nomine Quod-vult-Deus, & maximam turbam Clericorum, navibus fractis, impositam, nudos atque expoliatos expelli præcepit. Quos Deus, miseratione bonitatis suæ, prosperâ navigatione Neapolim Campaniæ perducere dignatus est civitatem". Victor Vitenfis omninò fuit Orthodoxus Episcopus. Creditur enim esse ille Byzacenæ Provinciæ Primas, ad cujus Mandatum Ferrandus Diaconus scribit sanctum Fulgentium fuisse consecratum in Episcopum Ruspensem. Et ejus testimonium in suis San&torum tabulis confirmat Romana Ecclesia: "Quod-vult-Deus Episcopus Carthaginensis, unâ cum O&ob. 26, Clero à Geizerico Rege Ariano in navibus fractis, absque remigiis, & velis impositus, præter spem Neapolim appulit, ibique in exilio positus, Confessor occubuit". Et istorum Clericorum unus

creditur fuisse sanctus Gelasius, qui Romanæ Ecclesiæ Clero Incardinatus, per assidua virtutum incrementa profecit in summum Pontificem, & grande lumen totius Ecclesiæ. In eodem Sanctissimorum Confessorum consortio fuit sanctus Gaudiosus Abitunensis Episcopus, de quo ad Nicolaum secundum Pontificem scripsit

L. 1. Ep. 9. S. Petrus Damiani: "Gaudiosus Abitunensis Episcopus, Wandalis, Africam devastantibus, cum sancto Quod-vult-Deus, & cæteris, Præsulibus fugit, & in Parthenope civitate Monasterium condidit". Non fugit, sed fuit ejectus. Et ista sunt prima Augustiniani Ordinis extra Africam exordia. Quod-vult-Deus Episcopo sanctus Deo-gratias, huic S. Thomas, Thomæ S. Eugenius, Eugenio Bonifacius, Bonifacio successit Reparatus, quos omnes constat fuisse insigniter sanctos, & Romanæ Ecclesiæ cum plena obedientia communicasse.

Quod vult-Deus, ac Deo-gratias, dum Carthaginensis Ecclesiæ adhuc erant Diaconi, erant viri Doctissimi, & familiarissimè uniti cum S. Augustino. Lucet ex epistolis & libris, quos ipsorum rogatu scripsit, & ipsorum nomini S. Augustinus inscripsit. Eadem est ratio Capreoli. Duas ejus habemus adversus Nestorium epistolas: Alteram ad Ephesinum Concilium, alteram ad Vitalem, & Constantinum, Hispaniæ Monachos, scriptam post laudatam Synodum. Ambas sanctissimas, ac eruditissimas. Prior insuper S. Augustinum, superrimè tunc defunctum, eximie laudat, atquè ità demonstrat Capreolum fuisse insignem illius Veneratorem. Et omnes isti tres Episcopi optimè noverant avitas Africanæ Ecclesiæ consuetudines. Hinc defuncti Aurelii Lapsus, ac temeritatem improbârunt, Romanas Episcoporum appellationes permiserunt ambulare per antiquas vias, atquè ità non redierunt, sed semper sine interpolatione permanserunt in consueta gratia ac benevolentia Sedis Apostolicæ. Ista ex causa Lupicinus Episcopus è Cæsarænsi Mauritania appellavit ad S. Leonem: Et nemo intercessit. Et de sanctis Monachis Martiniano ac Saturiano, qui Gentilem ac Barbaram Provinciam converterant ad Christum Dominum, scribit laudatus Victor Vitenfis: "Tunc deinde cogitatur quid fieret, ut ager jam, cultus, & ingraminatus vomere prædicationis, Evangelicum susciperet semen, & imbre sacri Baptismatis rigaretur". Etenim ambo isti Prædicatores erant Laici, ideoque non poterant solemniter baptizare. "Mittunt Legatos per itinera distenta Deserti. Perve-

nitur

„nitur tandem ad civitatem Romanam. Rogatur Episcopus, ut  
 „Presbyterum ac Ministros credenti Populo destinaret. Explet cum  
 „gaudio quod petebatur Pontifex Dei. Construitur Ecclesia, bap-  
 „tizatur multitudo maxima Barbarorum, & de lupis grex fo-  
 „cundus multiplicatur agnorum". Tanta tunc erat Afrorum cum  
 Romana Sede communio, ut suis Neophytis maluerint ab ipsa,  
 quam à suis Episcopis postulare ministros. Tanta illic erat istius  
 Sedis auctoritas, ut etiam contra istud ipsius opus nemo præsump-  
 serit intercedere.

Eodem tempore in Africa floruit Fulgentius Ferrandus, Ar-  
 chi-Diaconus Carthaginensis Ecclesiæ. Ipse est qui sancto Ful-  
 gentio retulit quæstiones de Æthiopis Baptismo, & ad cujus  
 instructionem S. Fulgentius scripsit istum eruditissimum libellum.  
 Ipse item scripsit vitam S. Fulgentii. Creditur esse author Bre-  
 viarii Canonum, in quo habet sequentia: "Ut adjudicatus cap. 59. 60  
 „Episcopus ad Apostolicam Sedem, si voluerit, appellet. Ut  
 „si appellaverit, alius in Cathedra ipsius non ordinetur". Et  
 diserte adjungit hos esse Canones Sardicenses. Laudat & adducit  
 plures Canones istius Synodi. Et istud Breviarium haud dubiè  
 scripsit ad instructionem Africanæ Ecclesiæ. Forsitan ad abo-  
 lendum & proscribendum priorem istius Ecclesiæ Codicem, in  
 quo litigiola ac devia Acta erant alpha & omega. Quidquid  
 sit, ex Breviario lucet & Romanas Episcoporum appellationes,  
 ac item Sardicenses de ipsis Canones fuisse tunc in Africa no-  
 tissimos ac firmissimos. Eorum unus est ille ipse, quem suo-  
 rum Legatorum Commonitorio Zozimus Pontifex inseruerat.  
 Nempe venerabilis Capreolus ac ejus Successores non solam  
 Aurelii circa Romanas Episcoporum appellationes temeritatem  
 circumduxerant, sed insuper probaverant, ac in Africanæ Ec-  
 clesiæ ulum admiserant Canones Sardicenses. Attamen Ferran-  
 dus de Romanis Clericorum appellationibus non loquitur: Nec  
 pro ipsis, nec contra ipsas adducit ullum Canonem. Nempe  
 Capreolus, omnem istam litem cupiens evellam, supra addu-  
 ctos de ista re Carthaginenses Canones circumduxerat, & vigere  
 jusserat solam antiquam consuetudinem. Ita quidam opinantur.  
 Verùm ipsis obsistit Cresconius Episcopus, qui Carthaginensem  
 contra istas appellationes Canonem inseruit suo Codici. Quare  
 verius est, quod venerandus Capreolus non solam avitam con-

suetudinem, sed retentos voluerit istos etiam Canones. Interim idem Cresconius suo Codici præter alios plures Sardicenses Canones inseruit etiam illos, qui firmant Romanas appellationes Episcoporum. Quod nempe laudatum Capreoli Decretum, aut Mandatum esset solemne per omnem Africam. Et istum contra Romanas inferioris Cleri appellationes Canonem affirmat esse non Milevitanum, sed Carthaginensem. Nempe quinti sæculi anno decimo octavo editum in superius laudata Synodo.

Hæc omnia palam colliguntur etiam ex relatione ac Legatione, quam post ejectos ab Imperatore Justiniano Wandalos, atque ita avitæ libertati redditam Africanam Ecclesiam, ad Joannem secundum Pontificem misit Reparatus Archi-Episcopus Carthaginensis. Ad restaurandam Africanæ Ecclesiæ disciplinam coëgit ducentorum ac septemdecim Episcoporum Synodum, & Romam ex ipsa legavit Caium ac Petrum Episcopos, ac Liberatum Ecclesiæ suæ Archi-Diaconum. Retulit tria. Primo, An ad Ecclesiam redeuntes Arianorum Episcopi possent admitti in suo honore? Secundo, An apud ipsos in infantia baptizati possent evehi ad Clerum? Tertia relatio fuit hæc: "Petimus ut quicumque forsitan Episcopus, aut Presbyter, sive Diaconus, aut cujuslibet inferioris Ordinis Clericus, sine nostra epistola venerit, & non approbaverit se pro utilitate sanctarum Ecclesiarum fuisse directum, similis hæretico judicetur. Neque vestra communione dignus existat. Ut in omnibus & per omnia Beatitudinis vestræ disciplina laudetur". Est secundus præfati Commonitorii articulus. De primo & tertio, nempe de Romanis Episcoporum, aut Clericorum appellationibus Reparatus nec verbum fecit: Quod nempe isti articuli altissima in pace conquiescerent. At ecce dum Legatio procedit, & ob longiorem istius anni hyemem hæret in portu, expectans navigandi opportunitatem, Joannes Pontifex obiit, ac ejus in locum consecratur Agapetus. Hinc novas literas Reparatus adjecit, quibus novo Pontifici ex more gratulatus est, & supplicavit confirmari omnia suæ Sedis, & Gentis privilegia, lapsa aut læsa à barbaris temporibus, & calamitatibus. Et Agapetus ad tertium relationis articulum respondit: "Illud quod Catholicos, qui præsumunt aut militant Ecclesiæ, sine Sacerdotum suorum literis suscipi à nobis minime debere mandatis, & Canonibus est congruum, & disciplinæ prodesse judicamus". Nota



tanda sunt verba : "Est congruum Canonibus". Edicunt nihil, quod non sit congruum, à Romana Ecclesia permittendum. Possit Pontifex Romanas inferioris Cleri appellationes respicere. Etiam respondit ad Reparati preces : "Universa, quæ inimicorum, perversitas invalerat, Charitati Tuæ Metropolitana Jura reparantes hortamur, ut ea quæ tuo, vel aliorum nomine rescipimus, universis debeas innotescere". Innovat, & confirmat non quæcumque, sed illa sola Carthaginensis Ecclesiæ Privilegia, quæ Barbarorum perversitas mutilarat. Inter quæ non est inferioris Cleri prohibitio à Romanis appellationibus. Etiam Bonifacius Primas in suis Synodis innovavit solos Aurelii Canones contra appellationes Clericales : Episcopales permittit liberè ambulare.

CAPUT XXXIV.

*Demonstratur quod Magni Gregorii tempore non soli Afrorum Episcopi, sed etiam inferior Clerus Romam liberè appellaverit.*



Uod Afrorum Episcopi tunc Romam liberrimè appellaverint, demonstrant plura exempla. Primum sanctus Gregorius exponit in literis ad Columbum Numidiæ Episcopum : "Indicamus Sanctitati vestræ, venisse ad nos quemdàm hominem, Petrum nomine, qui se asserit fuisse Episcopum, atque causæ suæ à nobis remedium postulasse. Et prius quidem retulit quæ digna esse miseratione potuissent : Sed requirentes, postea multò aliter, quam indicavit, invenimus, & vehementer nos ejus actio contristavit. Sed quia causæ ipsius interna subtiliter nequaquam addiscere tam longo itineris intervallo disjuncti potuimus, eam, incerti quippè, definire nequivimus. Nunc verò quoniam remeant Rogatianus Diaconus secum eum relaxari poposcit, & ipse ad vos se petiit debere transmitti, scientes Sanctitatem vestram zelum, sicut decet, fidei, & amorem habere Justitiæ, nobis gratum fuit, & ea quæ petiverunt concessimus. Quia ergo præsentis causam subtilius potestis scire, hortamur ut eidem Petro ita servare quidquid justum, Canonicumque fuerit debeatis, quatenus & rectitudinis vigor

L. 5. ep. 16

„gor à vobis in omnibus impleatur, & causa ipsius secundum Dei  
 „timorem, & Ecclesiae videatur regulas iudicata. Si quis verò  
 „conscijs, vel particeps praefato Petro in his, quibus accusatur, di-  
 „citur existisse, subtiliter requirendum est, & veritate cognita  
 „similiter Canonice iudicandum“. Res est lucida, nec indiget com-  
 mentario.

Lib. 1. Ep. 62. 63. Secundum exemplum est Paulus Episcopus, quem Gregorius  
 evocavit, & per Gennadium Africae Patritium iussit transmitti. De

L. 6. Ep. 1. ipso scripsit ad praefatum Episcopum Columbum: „Epistolam  
 „Fraternitatis vestrae suscepimus, in qua nobis de persona Pauli  
 „Episcopi, quae apud vos acta sunt, indicastis. Quod tam serò  
 „factum est, ut persona ipsa hic jam valuisset minimè reperiri.  
 „Nam & vir excellentissimus filius noster Gennadius Patritius  
 „suum ad nos pro eadem causa Cancellarium destinavit. Sed dum  
 „fecissemus inquiri, utrum cum eo nobis coram positis vellet inire  
 „conflictum, respondit ad hæc se minimè fuisse transmissum, sed  
 „solummodò tres quosdam huc de ejus Ecclesia deduxisse, qui  
 „contra eum plurima dicere debuissent. Dum ergò nequè illum  
 „ad inferendas actiones paratum invenimus, nequè personarum  
 „illarum nos qualitas movit, quod in accusatione Episcopi valuis-  
 „set idonei reperiri, Paulo Episcopo ad urbem se Regiam relaxari  
 „debuisse precibus speranti, non potuimus contradictionis moras  
 „afferre, sed mox eum secundum petitionem suam cum alijs duobus  
 „secum deductis Episcopis ambulare permisimus. Si quæ ergò  
 „fuere, quæ contra eum dici rationabiliter poterant, mox eo huc  
 „veniente vestra debuit, quod nunc fecit, Fraternitas cuncta si-  
 „deliter indicare“.

L. 1. Ep. 63. Causæ fundum Gregorius aperit in literis ad Imperatorem Mau-  
 ricium: „Qualiter Pietatis vestrae Serenitas contra Donatistarum  
 „flagitiosissimam pravitatem consideratione iustitiæ, & sincerissimæ  
 „Religionis zelo commota sit, directarum lucidissimè tenor insinuat  
 „Iussionum. Sed venientes viri Reverendissimi ex Africana Pro-  
 „vincia Episcopi asserunt ita esse incautà dissimulatione postpositas,  
 „ut nec Dei illic iudicium haberetur in metu, nec Principales  
 „hactenus Iussiones sortirentur effectum. Hoc etiam subjungentes,  
 „quod in praefata Provincia, Donatistarum præmijs prævalentibus,  
 „fides Catholica publicè venundetur. At contra gloriosus vir  
 „Gennadius de uno eorum similia questus est, qui talia quere-  
 batur

„batur. Cui etiam duo alii certi in eadem re testimonium ferebant.  
 „Sed quia causa ipsa secularis Judicis intererat, eosdem Episcopos  
 „ad Pietatis vestrae existimavi esse vestigia dirigendos, ut per semet-  
 „ipsum Serenissimis auribus suggerant, quae latentur pro fide Ca-  
 „tholica pertulisse".

Paulus Episcopus, & duo cum ipso alii Collegae Gennadium  
 Patritium, ac ejus praesertim Cancellarium accusarunt, quod Do-  
 natistarum auro corrupti poenales Mauricii leges suspenderent,  
 omnem istis permitterent libertatem, atque ita venderent Catho-  
 licam fidem. Et e contrario Gennadius ejusdem criminis accusavit  
 Paulum Episcopum, & in testes adduxit duos nescio quos ex ejus  
 Ecclesia. Actio inchoata fuit in Numidia Synodo: At Gennadium  
 ista metuens non administravit justitiam. Immo videtur affixisse  
 Paulum, aut certe ejus afflictionem permisisse. Hinc ille provo-  
 cavit ad Romanam Ecclesiam. Sed ecce Gennadius obstitit, &  
 ipsum non permisit Africam excedere. Hinc Gregorius severe justit  
 Romanum petmitti accessum, & impetravit. Quare Gennadius  
 contra Paulum transmisit suum Cancellarium, & cum ipso tres  
 testes ex Pauli Parochia. Columbus Episcopus transmisit etiam  
 Synodalia Afrorum Acta, sed sero. Nihilominus Gregorius per-  
 rexit in causa. At ecce Cancellarius noluit Accusatorem agere,  
 & adducti in testes non habebant qualitates idoneas ad accusandum  
 Episcopum. Nempè Cancellarius premebatur à conscientia, ideoque  
 metuebat tribunal Gregorii. Hinc Paulus, & cum ipso praefati  
 duo Episcopi postularunt Principem accedere, isthuc acturi non  
 solummodò contra Cancellarium, sed etiam contra Patritium. Et  
 propter adductas rationes Gregorius permisit. Gregoriana ad Co-  
 lumbum epistola debebat praecedere epistolam ad Mauritium. Etiam  
 alia evincunt in aliis similiter epistolis non servari ordinem tem-  
 poris, ideoque opus esse revisione & correctione.

Eadem de re Gregorius scripsit in alia ad praefatum Columbum  
 epistola: "Frater & Co-Episcopus noster Paulus, praesentium por-  
 „titor, quantis illis fluctibus, quantisque adversitatibus quatiatur,  
 „Sanctitatem vestram memorat non latere. Qui quoniam querelas,  
 „quas de eo ad vos pervenisse signastis, non veras esse, sed in-  
 „stigatione adversantium contra se asserit excitari, & omnia se  
 „fidit, patrocinate veritate, vobis cognoscentibus, Authore posse  
 „Domino superare, hortamur, dilectissime Frater, ut ei, in quibus  
 B b b b fuerit

fuerit Justitiæ ratio manifesta, manum decenter præbere solatii, atque Sacerdotalium debeas compassione adjuvare. Nulla ergò vos res ab æquiritatis studio, nulla suspendat potentia ipersonarum, sed Præceptis Dominicis innitens, omnia, quæ sunt rectitudini adversa, contemne. In defendendis partibus Justitiæ constanter insiste. Odia pro veritate, si qua sint, sustinere non teneas: Ut tantò majorem in adventu Redemptoris nostri fructum mercedis invenias, quantò ejus Mandata non negligens, in favorem Justitiæ, & defensionem impenderis".

Hæc epistola deberet omnium circa hanc materiam esse prima. Est enim scripta statim post factam à Gennadio accusationem, ante Africanam Synodum. Et docet plura. Primò, quod Paulus fuerit quassatus multis adversitatum fluctibus. Utrique ob accusationem Gennadii Patritii. Activam & passivam. Secundò, quod Adversarii Paulum accusaverint apud Columbum, quem tunc quidam credunt fuisse Primatem Numidiæ. Verùm ipsos falli, infra docebimur. Videtur igitur à Gregorio habuisse aliquid vicis Apostolicæ. Hinc epistola docet tertio, quod Paulus, Columbo cognoscente, & veritate patrocinante, speraverit superare omnes calumnias. Hinc Pontifex Columbum hortatur ad constantem in judicio Justitiam: Ad nullus personæ metuendam potentiam. Quod nempe Pauli Accusator esset ipse Præfectus Prætorio Africæ. Hinc Papa scripsit etiam ad Adeo-Datum & Maurentium, Episcopos Numidiæ: „Paulum Fratrem, & Co Episcopum nostrum Fraternitati vestræ commendantes hortamur, ut idoneè charitatem vestram debeat experiri, quam prædicat". Nempe Paulus etiam istis Episcopis rogàrat per Pontificem commendari pro justitia constantiam. Verùm hæc virtus non fuit reperta apud omnem Synodum, ideoque Paulus ante judicii finem fuit compulsus Romam provocare.

Tertium exemplum est in literis ad Victorem & Columbum, Epist. 13. Numidiæ Episcopos: "Præsentium Portitoris Cresconii Fratris & Co-Episcopi nostri querelâ ad nos insinuante pervenit, quod nullâ exigente culpâ, vel Concilij definiente sententiâ, Ecclesiæ ejus Parochiæ antiquitus deputatæ à Valentione Fratre & Co-Episcopo nostro ante quindecim ferè annos sint irrationabiliter occupatæ, atque eum insuper res Decessoris ipsius ad suum, quod dici grave est, arbitrium abstulisse. Quod si ita veritas se habet, quam perversum, quamque execrandum sit, præsertim Religio-

„Religioso Præposito, dicere non valemus. Hac igitur in re quia  
 „nec lenitas, nec aliqua debet esse dilatio, Fraternitatem vestram  
 „præsentī epistolâ commonemus, ut sollicitius requiratis. Et si  
 „querela ejus manifesta esse constiterit, ablatarum rerum, & occu-  
 „patarum Parochiarum restitutione Dilectio vestra sine mora suc-  
 „curri provideat, & ita omnia, vobis solatiantibus, cessante excu-  
 „satione, Justitiâ favente recipiat, ut nec hunc labor observationis  
 „afficiat, nec de ejus damno aliquid lucri infaustus acquirat”. Val-  
 „entio quâdam Cresconii Parochias affirmabat ad suam spectare  
 „Dioecesim, ideòque vacante Sede ipsas invasit. Etiam res defuncti  
 „Episcopi. Quas nempe acquisierat, vel habuerat in istis Parochiis.  
 „Etenim defuncti Episcopi supellex per antiquos Canones spectat ad  
 „Successorem. Valentio ista violenter ex arbitrio, sine auctoritate  
 „Synodi fecerat, ideòque manifestè impegerat in centesimum vi-  
 „gesimum Canonem Africani Codicis. Hinc Cresconius confugit  
 „ad Gregorium, & obtinuit Justitiâ. Confugit in prima instantia.  
 „Proindè potiori jure poterat appellare. Notanda sunt verba: „Nullâ  
 „exigente culpâ”. Demonstrant Afris fuisse morem, ut Episcopi  
 „ob culpam suis Parochiis truncarentur. Nam & ita truncatus fuit  
 „Anthonius Fussalensis.

Quartum exemplum est Clementius Byzacenæ Provinciæ Pri-  
 mas, de quo Gregorius in literis ad Joannem Syracusæ Episcopum: Lib. 7. In-  
dict. 2.  
 „In quodam crimine Byzacenus Primas fuerat accusatus, & piissimus  
 „Imperator eum juxta Statuta Canonica per nos voluit judicari. Epist. 63.  
 „Sed acceptis decem auri libris tunc Theodorus Magister militum  
 „obstitit, ut minimè fieret. Tamen piissimus Imperator admonuit  
 „ut transmitteretur, & quidquid esset Canonicum faceremus. Sed  
 „videntes contrarietates hominum, eandem causam inire noluimus.  
 „Nunc autem idem Primas aliqua de Concilio suo loquitur, &  
 „valdè dubium est, utrum purè, an certè quia à Co-Episcopis  
 „suis impetitur, modò talia loquatur. Nam quod se dicat Sedi  
 „Apostolicæ subijci, si qua culpa in Episcopis invenitur, nescio  
 „quis ei Episcopus subjectus non sit. Cum verò culpa non exigit,  
 „omnes secundum humilitatis rationem æquales sunt”. Eadem de  
 „re Gregorius scripsit ad omnes Episcopos Byzacenæ Provinciæ: Lib. 10.  
Epist. 367.  
 „Ante multum temporis quædam ad nos de Fratre nostro Clemen-  
 „tio, Primatè vestro, perlata sunt, quæ cor nostrum non modico  
 „mœrore transfigerent. Sed prementibus diversis tribulationibus,

„& maximè circumſeventibus hoſtibus, ea nobis non fuit ſpatium  
 „requirendi. Et quoniàm ità ſunt gravia, ut tranſire indiſcuſſa nullo  
 „modo debeant, Fraternitatem veſtram hiſ hortamur affatibus, ut  
 „cum omni ſollicitudine ac vivacitate veritatis indagare ſubſtantiam  
 „debeat, ut aut, ſi ità ſint, ut audita ſunt, ultione Canonica  
 „reſeſcentur; aut ſi falſa, Fratriſ noſtri innocentia diu ſub nefandæ  
 „opinionis dilaceratione non jaceat”.

Clementius apud ſuæ Synodi Epiſcopos laboravit malâ famâ,  
 idèdque ab ipſis deſerri timuit ad Primatem Carthagenenſem. Hinc  
 juxtâ Africanos Canones ab Imperatore Mauricio ſupplicavit alios  
 Eccleſiaſticos Judices. Et Princeps ipſum juxtâ Canones univer-  
 ſales tranſmiſit ad Gregorium. Africani enim Primates erant veri  
 Metropolitæ, idèdque juxtâ Imperatoris Gratiani legem, & con-  
 firmatum ab ipſa Apoſtolicum Canonem, illorum prima instantia  
 ſpectabat ad Papam. Sed nec iſtud Tribunal Clementio placuit:  
 Quare ad ipſum evadendum ſeduxit, & auro corruptit Theodorum,  
 Magiſtrum Africanæ militiæ. Verùm Mauricio perſiſtit, & juſſit  
 Clementium tranſmitti ad urbem. Hinc ille quæſivit aliud effu-  
 gium. Proteſtatus eſt ſe ſubjectum Sedi Apoſtolicæ, at prætexuit  
 alias contrarietates. Opinoꝝ prætexuiſſe primam de Africanis Pri-  
 matibus instantiam ſpectare ad Carthagenenſem Archi-Epiſcopum,  
 idèdque non debere uſurpari à Papa. Longobardi tunc graſſabantur,  
 & ſæviebant circumcircuità urbem, & ipſam affligebant multis tri-  
 bulationibus, atquè ità Gregorium diſtraxerunt ad alia: Hinc ille  
 noluit inire cauſam. Verùm Clementius non ſe correxit: Et  
 ſiniſtra ejus fama non decrevit. Hinc Gregorius reſumpſit cauſam,  
 curavit ſe inſtrui à Byzacenſis Epiſcopis, & haud dubiè definivit.

Circà hoc exemplum ſcribit Petrus de Marca: “ Id unum  
 „ad conſervandam authoritatem ſuam contendit Gregorius, ut  
 „Clementius Primas Provinciæ Byzacenæ Romam veniret, reſ-  
 „ponſurus de quodam crimine ei objecto. Quoniàm verò ejus  
 „Imperium detrectabat Clementius, Gregorius Reſcriptum impe-  
 „travit à Principe. Sed quoniàm Theodorus Magiſter militum,  
 „id eſt, Gubernator Africæ, acceptis decem auri libris, executioni  
 „hujus Reſcripti ſuperſederi juſſerat, aliud dein impetravit Grego-  
 „rius. Poſtea Primas ille Pontifici ſignificat velle ſe ſubjici Sedi  
 „Apoſtolicæ, adeoque illum permuſit, ut tandem obtinuerit cauſam  
 „ſuam judicari à Concilio Provinciali, juxtâ Præceptum Pontificis”.

Horum

Horum plura non sunt firma. Primum est, quod Papalis evocationis Præceptum Clementius detroctarit, ideoque Pontifex impetraverit Rescriptum. Etenim in Papalibus literis nullus est apex, qui insinuet Clementium fuisse Romæ accusatum aut delatum. Et nullatenus apparet, quod primam instantiam, de qua palam agitur, Gregorius suo motu inchoasset. Quare mea assertio est longè veritumlior. Secundum est, quod Gregorius contra sordidam Theodori Magistri violentiam impetraverit secundum Rescriptum. Etenim ad se transmissi & præsentis Clementii contrarietatibus, seu intercessionibus permotus noluit inire causam, nequaquam ita acturus, si ipsam per duo Rescripta attulisset. Tertium est, quod Clementii blandimentis permulsus Pontifex noluerit causam inire. Ex ipsius Pontificis verbis jam audivimus longè aliud. Etenim & ista subjectionis professio non in primo est facta congressu, sed in secundo. Quartum est, quod permulsus Gregorius causam Synodo delegaverit. Etenim contrarium disertè aiunt ejus verba ad Episcopos Byzacii: Eis delegat solam veritatis inquisitionem, & causæ instructionem, nullatenus definitionem. Quidquid sit, Clementius Romæ comparuerat, secundum Statuta Canonica Et Gregorius poterat denuò evocare. Si non fecerit, fuit dispensatoria commiseratio.

Quod Romanæ etiam Clericorum appellationes tunc apud Afros liberè ambularint, similiter docent plura exempla. Primum est in literis ad Hilarium Monachum: "Felicissimus atque Vincentius, L. r. ep. 15  
 „Diacones Ecclesiæ Lamighensis, suggererunt ab Argentio ejusdem  
 „civitatis Episcopo gravem se injuriam pertulisse, & accepto præmio  
 „Donatistas in Ecclesiis fuisse præpositos, cumque inter alia non  
 „leve aliud facinus, quod dici nefas est, commississe commemorant.  
 „Propterea Experientiæ tuæ præsentis paginæ Præcepto duximus  
 „injungendum quatenus præfatum Episcopum idoneæ satisfactioni  
 „committere non omittas, tuæque instantiâ in illis locis fiat ex more  
 „Concilium, & omnia secundum oblatæ petitionis textum Canonice  
 „coram positis partibus subtili indagatione perquirantur. Et  
 „quæcumque eorum Judicio fuerint terminata, te exequente modis  
 „omnibus compleantur". Petrus de Marca vult ab Episcopi judicio  
 semper fuisse Clericis appellandum, non ad Pontificem. sed ad Synodum Provinciæ: At ecce hic aliud exemplum. Argentius Episcopus Donatistarum Clericos admiserat in suo honore, & pretio

corruptus dederat locum ante seniores, & semper Orthodoxos Clericos: Contra Apostolicum Canonem. Hinc illi detulerunt ad Gregorium. Quare videtur fuisse prima instantia. Etenim Argentius videtur sine sententiâ patrâsse istam injuriam. Etiam accusatio de nescio quo nefando crimine fuit prima actio. Et tamen Gregorius admisit, ac delegavit Synodo. Non qualicumquē, sed indicendæ, celebrandæ, ac exequendæ per Legatum Hilarium. Et nemo intercessit.

Secundum exemplum est in literis ad Columbū Episcopum:  
**Lib. 10. Ep. 33** "Porrecta petitione insinuerunt nobis præsentium latores, Con-  
 stantius & Mustellus Ecclesiæ Pudentianæ Diacones, in Numidia  
 Provincia constitutæ, Maximianum ejusdem Ecclesiæ Antistitem  
 in loco, quo degit, corruptum præmio Donatistarum Episcopum  
 nova licentia fieri permisisse, cum etsi hoc anterior usus permitteret,  
 manere atquē persistere fides Catholica prohiberet. Ob hoc ergo  
 Fraternitatem tuam Scriptis præsentibus necessariò duximus ad-  
 hortandam, ut veniente ad te Hilario Cathulario nostro, adjuncto  
 Episcoporum universali Concilio, habito præ oculis terrore venturi  
 Judicis, causa eadem subtili ac solerti debeat indagatione per-  
 quiri. Et si capitulum hoc à præsentium Latoribus prædicto  
 Episcopo fuerit documentis idoneis approbatum, à dignitate  
 officioque, quo fungitur, omnimodis degradetur". Plures Afro-  
 rum Ecclesiæ etiam tunc habebant duos Episcopos: Orthodoxum  
 & Donatistam. Et hocce apud Pudentianam Ecclesiam defuncto  
 Maximianus pecuniâ corruptus permiserat ordinari Successorem.  
 Hujus criminis primam sibi delatam cognitionem Gregorius dele-  
 gavit simili Concilio. Et rursus nemo intercessit.

**Lib. 10. Epist. 32.** Tertium exemplum est in literis ad eundem Columbū: "Quali-  
 ter Fratrem nostrum Paulinum, Regensis civitatis Episcopum,  
 Clerus suus, vel hi qui in sacro sunt Ordine constituti, in se  
 perhibeant corporaliter excessisse, audire non indiges. Quippè  
 quia priusquam hæc ad nos querela pertingeret, tibi jam factum  
 est, sicut eis asserentibus didicimus, manifestum. Et quoniam  
 Præpositos in subsectorum poenam fas esse non debet seviendi,  
 Victori Fratri & Co Episcopo nostro, qui Primatis inter vos  
 locum tenet, curavimus scribendum, ut unâ cum tua Fraternitate,  
 vel cum aliis Fratribus & Co-Episcopis nostris, quos adhibere  
 prospexeritis, inter memoratum Fratrem nostrum & Clerum ipsius  
 causa



„caussa subtili debeat investigatione cognosci. Et ideo Dilectio tua  
 „immineat, atque sollicitudinem gerat, ut ea quæ ad nos perlata  
 „sunt, inaudita non transeant, ne discordia in Ecclesia, unde mag-  
 „no perere pellenda, nutriatur, & si quidem contra eum Clericorum  
 „suorum querela est vera, culpam suam, quam emendare desepit,  
 „in Ecclesiastici vigoris definitione cognoscat, ut & de presenti  
 „sentiat, quàm sit grave quod fecit, & discat de futuro nihil se plus  
 „agere posse, quàm licet”. Eadem Gregorius scribit ad Victorem  
 „Primates, atque adjungit: ”Nec loci tui, sicut dicitur, à Paulino Epist. 33,  
 „postponi ordinem patiaris, ne illi despectus tuus ad periculum,  
 „& tibi fiat ad culpam. Nam ad personam in priori loco positam,  
 „respicit, quidquid à minori committitur, nisi sollicitè corrigatur”.  
 Ex his literis discimus non Columbum, sed Victorem tunc fuisse  
 Primatem Numidiæ. Quare mendosa est posterioris epistolæ epi-  
 graphic, Victorem appellans Episcopum Panormitanum. Et hæc  
 quidem tria sunt exempla primæ Clericalis instantiæ. Evincunt  
 etiam Clericales appellationes licuisse.

Et non caremus talis appellationis exemplo. Exstat in alia  
 ad eundem Columbum epistola: ”Quàm igravis & auditu ipso  
 „intolerabilis Dona-Dei Latoris præsentium, qui se asserit  
 „fuisse Diaconum, sit querela, ab eo data petitio, quæ te-  
 „netur in subditis, Fraternitati vestræ faciet manifestum. Sed  
 „quia pervenit ad nos, quod pro corporali peccato fuit  
 „depositus, Dilectio vestra subtili hoc inquisitione perquirat.  
 „Et si ita est, in poenitentia retrudatur, ut commissi flagitii  
 „vinculum lachrymis possit absolvere. Si verò insons ab hu-  
 „jusmodi perpetratione claruerit, unà cum Primate Concilii,  
 „vel aliis Fratribus Co-Episcopisque nostris omnia, quæ pe-  
 „titio ejus continet, diligenti à vobis examinatione querenda  
 „sunt. Et si querela ejus veritate fulcitur, & in Episcopo  
 „ejus Victore, qui contra Deum & Sacerdotale Propositum  
 „committere tantum nefas non metuit, Canonici vigoris ita  
 „districtio teneatur, ut ex definitione vestra, quàm sit iniquum  
 „quod fecit, intelligat, & hic suo Ordini reformetur: Quia sa-  
 „tis perversum, & contra Ecclesiasticam probatur esse censu-  
 „ram, ut frustra pro quorundam voluntatibus quis privetur,  
 „quem sua culpa vel facinus ab officii, quo fungitur, gradu  
 „non dejicit”. Dona-Dei ab Episcopali in se Judicio non ad  
 Provin-

Provinciæ Synodum, sed immediatè provocavit ad Papam. Et nemo intercessit. Et videtur non dubitandum, quin isto tempore fuerint insuper alia Clericalium appellationum exempla. Porro tantæ mutationis originem, tempus, causam ignoro. Forſitan cœperit ſub Bonifacio ſecundo, ad quem ex Africa venit relatio, ut deinceps Carthagenſis Miſcopus omnia ageret cum Beneplacito Sedis Apoſtolicæ. Quidquid ſit, Africanam Eccleſiam, dum per Divinam clementiam reparari contingerit, iſto jure oportebit vivere. Iſta olim gloriola, nunc miſeranda Eccleſia ſummos & plurimos protulit Doctores, Martyres, plurima omnis ſanctimonix exempla ac ornamenta: Omnes pro ejus reparatione altis animæ gemitibus clamemus ad Dominum. Ex his interim abundè liquet, quam infelicitè quorundam hodie imperitia aut malitia abutatur antiquis iſtius Eccleſiæ moribus.



DISSER:

# DISSERTATIO TERTIA De Romana Hæresiarchæ EUTYCHETIS

APPELLATIONE.

## CAPUT PRIMUM

*An Eutyches appellaverit ad sanctum Leonem  
Pontificem?*



Ei series est compendio exponenda. Sanctus Flavianus Constantinopolitanus Episcopus, sectatus vestigia sancti Joannis Chrysostomi, retinuit & exercuit Patriarchalem potestatem in Asiaticam, immò in tres olim Autocephalas Diœceses. Hinc ad judicandam causam inter Florentium Sardansem Episcopum, Lydiæ Metropolitam, & ejus Com-Propriales Suffraganeos indixit Synodum ex advenis Episcopis. Erant numero triginta duo, & plures Archi-Mandritæ. Quidam Episcopi magnarum virtutum. Aderant enim S. Seleucus, Amasenus Episcopus, Heleno-Ponti Metropolitæ, Basilii Seleucienfis Episcopus, Metropolitæ Isauriæ, & alii non dispares. Eodem tempore in Regia civitate erat venerabilis Eusebius, Dorylæi in salutarî Phrygia Episcopus, zelosissimus vindex Catholicæ fidei. Etenim ipse primus, dum omnes ob metum conticescerent, revelatâ facie accusavit Patriarcham Nestorium. Et ex ista forsitan occasione iniverat cum Eutychete amicitiam. Et quidem Eutyches erat

Ccccc

vir

vir ætate, & Religiosâ vitâ famosus, ac apud omnes in magna reverentia. Erat enim opulenti, ac numerosi Cœnobii Archi-Mandrita, & Chryslaphium Eunuchum, qui in Aula poterat & agebat omnia, ex sacro Fonte susceperat. Interim horum nihil timens Eusebius ipsum accusavit apud præfatam Synodum, exhibuit accusatorios libellos, inscripsit se ad talionem, demonstravit ab ipso resumi Apollinari, aut Valentini, vel nescio quam similem Hæresim, atque ita impetravit hanc Synodalem sententiam: "Lachrymantes, & gementes perfectam Eutychetis perditionem, decrevimus per Dominum nostrum JESUM-CHRISTUM, ab eo blasphematum, extraneum eum esse ab omni officio Sacerdotali, & à nostra communione, & à Primatu Monasterii". Et ab ista sententia Eutyches appellavit.

Attamen appellandi modus non fuit per omnia legitimus. Hinc circa ipsam in sublecuta Synodaliū Actorum revisione est inter Patres orta non modica contentio. Etenim Constantinus, Eutychetis Monachus, Diaconus, ac Legatus, constanter dixit ad plenam Synodum: "Eutyches, dum legeretur damnatio, appellavit sanctum Concilium sanctissimi Episcopi Romani, & Alexandrini, & Hierosolymitani, & Thessalonicensis". Et dum omnes ad hæc stupere, Magnificentissimus Patritius Florentius, qui ex Imperatoris Theodosii jussu interfuerat Synodo, respondit: "Turbâ factâ, & dissoluto Conventu, Eutyches dixit ad me, silenter, appellans Romanum, & Ægyptium, & Hierosolymitanum Concilium. Et ego arbitratus indecens esse, latere hoc Sanctissimum & Reverendissimum Archi-Episcopum Flavianum, abscedens dixi ei". Et S. Flavianus est ipsum confessus: "Non audi vi ego ab illo", Eutychete, "sed à viro Magnificentissimo & gloriosissimo Ex-Consule & Patritio, ascendente me, in superiora domus, post solutam Synodum". Hinc Magnificentissimus Florentius adjunxit: "Si cognoverint appellantem, virum Religiosum Monachum cæteri Sanctissimi Episcopi, dicant". Et Julianus Coensis Episcopus statim respondit: "Coram Deo dico, nihil tale ab Eutychete Monacho audi vi in confesso". Et S. Seleucus, Amasenus Episcopus, Heleno-Ponti Metropolitâ: "Dum esset Concilium, & inquisitio proveniret, nihil tale cognovimus dictum ab Archi-Mandrita Eutychete de appellatione". Et reliqui omnes Episcopi confirmârunt: "Et

„nos eadem confitemur“. Basilius Seleucienſis Episcopus, Iſauriæ Metropoliſta, addidit: „Jam in veritate dico, adhuc ipſo in „Conventu ſedente, & proponente hoc ſanctâ Synodo, ut diceret „iſte duas naturas inſeparabiles, & inconfuſas in uno Domino, & „poſt adunationem, ſcio quia dixit Religioſus Archi Mandrita „Eutyches“; Si præceperint mihi Patres, Romanus, & Alexan-  
drinus, dico ipſum. „Hoc autem non quaſi appellans dixit, ſed „dicens: Non ſum auſus dicere propter Patres“.

Hac contentione non obſtante, Eutyches eſt ſuam appellatio- nem generoſè proſecutus. Non Theſſaloniciæ apud Anaſtaſium, nec Hieroſolymis apud Juvenalem, nec Alexandriæ apud Dioſcorum Patriarcham, ſed Romæ apud S. Pontificem Leonem. Lucet ex Papalibus literis ad S. Flavianum: „Cum Chriſtianiſſi: Epist. 20.  
„mus, & Clementiſſimus Imperator, ſanctâ & laudabili fide pro „Eccleſiæ Catholica pace ſollicitus, ad nos Scriptatranſmiſerit „de hiſ, quæ apud vos perturbationis ſtrepitum commoverunt, „miramur Fraternitatem tuam, quid illud ſcandali fuit, nobis „ſilere potuiſſe, & non potiùs procurâſſe, ut primitùs nos inſi- „nuatio tuæ relationis inſtrueret, ne de rerum geſtarum fide „poſſemus ambigere. Accepimus enim libellum Eutychetiſ „Presbyteri, qui ſe queritur, accuſante Euſebio, immerito com- „munionem privatum: Maximè cum ſe vocatum adſuiſſe teſtetur, „nec ſuam præſentiam denegâſſe, aded ut in ipſo iudicio libellum „appellationis ſuæ ſe aſſerat obtuliſſe, nec tamen fuiſſe ſuſceptum. „Quâ ratione compulſus ſit, ut conſtatorios libellos in Con- „ſtantiнопolitana urbe proponeret. Quibus rebus intercedenti- „bus, necdum agnoſcimus, quâ Juſtitia fuerit à communionem „ſeparatus. Sed reſpicientes ad cauſſam, Facti tui noſſe volumus „rationem, & uſquè ad noſtram notiſſiam cuncta deſerri. Quo- „niàm nos, qui Sacerdotum Domini matura volumus eſſe Ju- „dicia, nihil poſſumus incognitiſ rebus, in cuiuſquàm Partis „præjudiciuſ definire, priuſquàm univerſa, quæ geſta ſunt, „veraciter audiamus. Et ideo Fraternitas tua per idoneam „maximè, aptamque perſonam pleniffima nobis relatione ſigni- „ficet, quid contra antiquam fidem novitatis emerſerit, quod „ſeveriori ſententiâ dignum fuerit vindicari. Nam & Eccleſia- „ſtica moderatio, & Religioſi Principis fides multam nobis ſol-  
licitudinem Chriſtianiæ pacis indicunt: Ut amputatiſ diſſen- ſioni-

„fionibus fides Catholica inviolata servetur, & his, qui prava  
 „defendunt, ab errore revocatis, nostra autoritate, quorum  
 „fides probata fuerit, muniantur. Nec aliqui potuit ex hac parte  
 „difficultas adferri, cum memoratus Presbyter libello proprio sit  
 „professus se paratum esse ad corrigendum, si quid in se inventum  
 „fuerit, quod reprehensione sit dignum. Decet enim in talibus  
 „caussis hoc maxime provideri, ut sine strepitu concertationum  
 „& charitas custodiatur, & veritas defendatur. Et ideo quia  
 „Dilectio tua de tanta causa nos videt necessario esse sollicitos,  
 „quam plenissime & lucide nobis universa, quod ante facere  
 „debuit, indicare festinet, ne inter assertiones Partium aliqua  
 „ambiguitate fallamur, & dissensio, quæ in suis initiis abolenda  
 „est, nutriatur: Cum in corde nostro ea observantia, Deo in-  
 „spirante, permaneat, ne Constitutiones venerabilium Patrum  
 „Divinitus roboratæ, & ad soliditatem fidei pertinentes, prava  
 „cujusquam interpretatione violentur”.

Eadem de re Pontifex rescripsit ad Imperatorem Theodosium:  
 Epist. 21. "Quantum præsidii Dominus Ecclesiæ suæ in fide Clementiæ vestræ  
 „præparavit, his etiam literis, quas ad me misistis, ostenditur,  
 „ut vobis non solum Regium, sed etiam Sacerdotalem animum  
 „inesse gaudeamus. Siquidem præter Imperiales & publicas curas,  
 „piissimam sollicitudinem Christianæ Religionis habetis, ne sci-  
 „licet in Populo Dei aut schismata, aut hæreses, aut ulla scanda-  
 „la convalescant. Quid autem in Constantinopolitana Ecclesia  
 „perturbationis acciderit, quod ita Fratrem & Co-Episcopum  
 „nostrum Flavianum potuerit commovere, ut Eutychen Presby-  
 „terum communionem privaret, nondum potuimus evidenter cog-  
 „noscere. Quamvis enim prædictus Presbyter ad Sedem Apo-  
 „stolicam per libellum doloris sui querimoniam miserit, breviter  
 „tamen aliqua prælibavit, asserens se Nicænæ Synodi Constituta  
 „servantem, frustra in fidei diversitate culpatum. Eusebii autem  
 „Episcopi, accusatoris ejus, libellus, cujus exemplaria ad nos præ-  
 „dictus Presbyter misit, de objectionum evidentia nihil habebat.  
 „Et cum Presbytero Hæresios crimen intenderet, quem tamen  
 „in eo sensum argueret, non evidenter expressit: Quamvis & ipse  
 „Episcopus Nicænæ fidei profiteatur se inhærere Decretis. Prop-  
 „ter quod non habuimus, unde aliquid diceremus. Et quia  
 „causæ meritum, fidei ratio, & laudabilis sollicitudo vestræ  
 Pictatis

„Pietatis exigit, necesse est jam locum subreptionibus non patere,  
 „sed prius de quibus eum æstimat arguendum, instrui nos oportet,  
 „ut possit de benè cognitis judicari. Ad prædictum autem Epi-  
 „scopum literas dedi, quibus mihi displicere cognosceret, quod  
 „ea, quæ in tanta causa gesta fuerant, etiam nunc silentio  
 „detineret, cum studere debuerit primitus nobis cuncta referare.  
 „Quem credimus vel post admonitionem omnia ad nostram noti-  
 „tiam relaturum, ut in lucem ductis his, quæ adhuc videntur oc-  
 „cultæ, id quod Evangelicæ & Apostolicæ doctrinæ convenit,  
 „judicetur”.

Ex his discimus varia. Primò, quod Eutyches Magno Leoni  
 in suis literis imposuerit duo splendida mendacia. Nempè scribens,  
 quod vocatus adfuisset sancti Flaviani Judicio, & suam non de-  
 negasset præsentiam: Et quod in ipso Judicio obrulisset libellum  
 appellationis. Secundò discimus, quod è Judicibus Episcopis  
 quidam videantur appellationem, quam ille Florentii Patricii auri-  
 bus statim post Judicium secretò infusurravit, licèt improbarent,  
 tamen fuisse reveriti, & censuisse ipsi deferendum. Etenim dum  
 ipsam urgeret Constantinus Monachus, & sanctus Seleucus, &  
 Basilius Seleuciensis, & ipse Magnificentissimus Florentius Euty-  
 chen coeperunt appellare "Religiosum Archi-Mandritam, Reli-  
 „giosum virum, Archi-Mandritam". Tractârunt ut Abbatem,  
 non ut degradatum. Tertiò discimus, quod istud ipsum præten-  
 derit Eutyches. Etenim permansit in Præfectura sui Monasterii.  
 Nempè clamans se appellâsse, ideòque per Sardicenses Canones in  
 suspensio manere omnia. Quartò discimus, quod S. Flavianus ista  
 omnia contempserit, volueritque ad executionem procedere. De  
 sui Judicii justitia fuit adeò securus, ut nec Romam statim retulerit.  
 Quintò discimus, quod à S. Flaviani constantia executionem  
 timens Eutyches proposuerit libellos contestatorios. Per propositos  
 publicè libellos solemniter ad omnem Regiam civitatem protestatus  
 est se & appellâsse, & adhuc appellare Romam, appellationi suæ  
 debeti suspensivum effectum, ideòque se adhuc esse Presbyterum  
 atque Archi-Mandritam, & Flavianum violenter in se agere contra  
 regulas. Sextò discimus, quod Eutyches inter hæc innovaverit  
 suam Romanam appellationem, & ejus libellum seu instrumentum  
 transmissit ad Pontificem. Unà transmissit accusatorium Eusebii  
 libellum, aliæque omnia necessaria ad retractatorij Judicium. Et

in suo appellationis libello adjunxit "se paratum ad corrigendum, si quid in se inventum fuerit, quod reprehensione sit dignum". Suas etiam literas adjunxit Imperator Theodosius, querens per hæc litigia turbatam esse omnem Regiam civitatem, & culpam manifestè referens in S. Flavianum. Eunuchus enim Chrysaphius plenè, & palàm studebat Eutycheti. E contrario S. Flavianus tacuit, & non retulit. Hinc anxius Pontifex hæsitavit, & egit sequentia. Primò, Flaviani negligentiam graviter arguit, & jussit quàm-primùm plenissimè ac lucidè referri. Secundo, usquè ad factam relationem jussit suspendi omnia, admisit appellationem, & cuncta disposuit ad retractatorium Judicium. Lucet ex his verbis: "Respicientes, ad causam, Facti tui nosse volumus rationem, & usquè ad nostram notitiam cuncta deferri. Quoniàm nos, qui Sacerdotum Domini matura volumus esse judicia, nihil possumus, incognitis rebus, in cujusquàm partis præjudicium definire, priusquàm universa, quæ gesta sunt, veraciter audiamus". Hinc terciò jussit sibi transmitti non Synodalia dumtaxat Acta, sed insuper idoneam, ac aptam personam, quæ in retractatorio Judicio sustineret Flaviani personam.

Proinde magnus Leo usquè tunc propendebat in Eutycheten. Erat enim vir senex, honorabilis, "humilitatis Proposito", idest, regulari vità laudabilis, utpotè Archi-Mandrita trecentorum Monachorum. Et anno elapso Pontificem monuerat, quod Nestoriana hæresis quorundam rursùm studiis, in Regia etiam civitate pullularer. Hæc Pontifex timuit. Nec sine fundamento. Etenim Antiochena Ecclesia, ex quo per Paulum Samosatensem fuerat infecta, istà pessimà scabie nunquàm caruit. A Paulo in Lucianum, à Luciano in Diodorum, à Diodoro in Theodorum, à Theodoro descendit in Nestorium. Nestorius Antiochià scabiem traduxerat Constantinopolim: Hinc ejus propaginem Leo timuit. Et quia non solus Nestorius S. Cyrillum, sed etiam Diodorus ac Theodorus veritatis Sæctatores de Apollinario accusaverant, Papa hæsitavit, an istud ipsum forsitan cecidisset in Flavianum. Imperatoris Theodosii literæ plurimùm auxerunt suspicionem. Hinc Leo scripsit ad Flavianum: "Decet in talibus causis hoc maximè provideri, ut sine strepitu concertationis, & charitas custodiatur, & veritas defendatur". Timebat ne fortè fuisset amara concertatio, ideoque, suavitè pacificè componi per charitatem.

At



At Flavianus Apostolicis literis statim respondit, ac retulit. Omnem Eutychem errorem, omniaque suæ Synodi Acta exposuit, atque adjunxit: "Eutyches passus justam & Canonicam damnationem, cum debuisset secundis salvere priora, & per poenitentiam placare Deum, non solum hoc non fecit, sed etiam per omnia conturbare sanctam, quæ apud nos est, Ecclesiam festinavit, propositiones injuriarum publicè ponens, & maledictionibus plenas. Super hæc & preces offerens piissimo, & Christi amantissimo nostro Imperatori. & eisdem arrogantia & petulantia plenas, per omnia Divinas regulas conculcare conatus. Sed his ita gestis, literæ nobis datæ sunt vestræ Sanctitatis per admirabilem Comitem Pan-sophium, per quas sumus edocti, quia idem Eutyches libellos direxit vobis plenos omni fallacia atque calliditate, dicens judicii tempore libellos se dedisse appellationis, & nobis & hic convenienti S. Concilio, & appellasse vestram Sanctitatem: Quod nequaquam ab eo factum est. Sed etiam in hac parte mentitus est, tanquam per fallaciam mendacii subrepere se sanctis vestris auribus putans. Commotus itaque, Sanctissime Pater, in his omnibus, quæ ab eo præsumpta sunt, & ob ea quæ in nos, & Sanctissimam Ecclesiam facta sunt, atque fiunt, pro consueta fiducia fiducialiter age, secundum quod Sacerdotio competit, propriamque faciens communem causam, & sanctam Ecclesiarum disciplinam, simul decernere damnationem adversus eum regulatiter factam, & per propria Scripta dignare, confortare autem & piissimi, & Christi amantissimi nostri Imperatoris fidem. Causa eget solummodò vestro solatio, atque defensione, quâ debeatis consensu proprio ad tranquillitatem & pacem cuncta perducere. Sic enim hæresis quæ surrexit, & turbæ quæ propter eam factæ sunt, facillimè destruentur, Deo cooperante, per vestras sacratissimas literas. Removebitur autem & Concilium, quod fieri divulgatur: Quatenus nequaquam Sanctissimæ ubique turbentur Ecclesiæ".

Etiam hæc epistola nos docet varia. Primò, quod Contestatorium Eutychem libellus fuerit plenus injuriis, ac maledictionibus. Utique in S. Flavianum. Hoc enim edicunt hæc verba: "Quæ in nos facta sunt, atque fiunt". Non est dubitandum, quin ipsum proclamaverit Nestorianum. Secundò docemur, quod Eutyches suum Contestatorium libellum, suamque Romanam appellationem adju-

verit

verit amico sibi brachio Principis : Nempè Divali iussione . quæ mandabat ejus appellationi deferri effectum suspensivum . Et hoc ipsum Theodosius haud dubiè scripsit ad Pontificem . Tertio discimus , quod Leo suas ad S. Flavianum literas non proximè ad ipsum , sed direxerit ad Imperatorem Theodosium , qui ipsas per Comitem Panophium curavit tradi in manus proprias . Haud dubiè ex præfata suspitione , quam & ipse Eutyches , ac præsertim Princeps Pontifici contra Flavianum impreslerant . Quarto discimus profundam S. Flaviani reverentiam in Apostolicam Sedem . Etenim S. Leonem non Fratrem appellat ex more istius temporis , sed Sanctissimum Patrem . Ab ejus nutu proficitur pendere hæc omnia : Etiam voluntatem Principis . Aureis literis merentur scribi hæc verba : "Causa eget solummodò vestro solatio atquè defensione , quæ debeatis consensu proprio ad tranquillitatem & pacem cuncta perducere . Sic enim hæresis quæ surrexit , & turbæ quæ propter eam factæ sunt , facillimè destruentur , Deo cooperante , per vestras sacratissimas literas" . Profitetur omnem hanc controversiam solius Apostolicæ Sedis Judicio posse ac debere finiri : Nempè per sacratissimas literas , quæ dignentur decernere factam ab ipso Synodallyter Eutychetis damnationem esse factam regulariter . Hoc est , quæ dignentur ejus Synodale Judicium confirmare . Hanc confirmationem humillimè supplicat . Et adjungit rem maximi ponderis : "Removebitur autem & Concilium , quod fieri divulgatur" . Nempè Chrysaphii Eunuchi favore , & ejusdem in sanctum Flavianum odio accensus & tumidus Eutyches palàm jactabat à se , si Flaviani judicium non circumduceretur à Romana Ecclesia , postulandam generalem Synodum , & à Principe omninò concedendam . Quin immò jam dicebatur concessa . Hinc in Synodaliū sub S. Flaviano Actorum revisione Meliphontus , Julio-Politanus in Arabia Episcopus , dixit : "Quia Imperator universalem præcepit fieri Synodum , necesse est majores causas in illud reservare Concilium" . Et Eusebius Dorylæensis Episcopus : "Conjuro vos per S. Trinitatem , futuro Concilio universali , secundum sanctionem Christi amicorum Principum , hoc negotium reservari" . An Regia Sanctio ex tunc emanasset , non possum affirmare . Quidquid sit , ista fama volitabat per omnem Constantinopolim , immò per omnem Orientem . Et Flavianus affirmat etiam ipsam per sacratissimas Apostolicæ confirmationis literas esse penitus suffocandam . Profitetur ad

Euthy-

Eutychiezæ hæresis plenam damnationem sufficere Apostolicam Sedem, nec esse opus Generali Concilio. Tanta tunc apud Orientales Ecclesias erat autoritas istius Sedis.

Sanctus Flavianus rectè scripsit ad Pontificem: "Quæ in nos facta sunt, atque fiunt". Etenim Eutyches optimum Episcopum apud Imperatoris Theodosii à callidissimo Eunuchò circumoblectam simplicitatem reddidit adeò suspectum de Nestoriana lue, ut sacrâ Iussione compulsus fuerit ad solemnem in Scriptis fidei professionem, & quasi ad Contestatorios etiam libellos. In isto fidei libello profitetur se esse verum Nicænz fidei, & omnium in Ephesina Synodo Decretorum Custodem ac Veneratorem, atque adjungit: "Et unam quidem Verbi Dei naturam, incarnatam tamen & inhumanam, dicere non negamus, eo quod ex ambabus unus sit atque idem Dominus noster JESUS-CHRISTUS. Eos verò, qui aut duos filios, aut duas hypostases, aut duas personas annunciant, & non unum & eundem Dominum JESUM-CHRISTUM Filium Dei vivi prædicant, anathematizamus, & alienos esse ab Ecclesia judicamus. Et ante omnes Nestorium". Nempè Eutyches sanctissimum Episcopum de his omnibus apud Principem reddiderat suspectissimum. Hinc ille fuerat iussus libellum propriâ manu subscribere. Et Sanctissimus Antistes subscripsit hoc modo: "Domine Christe adjuva nos Deus". Et infra: "Hæc scripsi meâ manu ad satisfactionem vestræ Pietatis, & ut confundantur calumniam facientes nostræ bonæ & simplici in Christo conversationi". Quæ omnia evincunt, quod Theodosius Romanæ Eutychetis appellationi iusserit adscribi suspensivum effectum. Hinc enim in Chalcedonenſi Concilio Orientales Episcopi clamaverunt: "Flavianus ut damnatus ingressus est". Hoc est, tanquàm Reus ad dandas rationes de suo in Eutychetem Judicio. Ità ingredi compulsus fuit in Ephesino Latrocinio. Nihilominus constans Flavianus, sciens Episcopalis Judicii suspensionem non ad Laicum Principem, sed ad solum spectare Pontificem, intrepidè stetit pro autoritate suæ Synodi. Etenim in laudatis suis ad Papam literis scripsit: "Ab Eutychete Monacho. Iste Eutyches. Idem Eutyches". Et in alia ad Papam epistola: "Eutyches quondam Presbyter & Archimandrita". Hæresiarcham constanter tractavit ut legitimè degradatum. Et ut suâ hæc quasi contumaciâ Principem non offenderet, suo fidei ad ipsum libello indidit laudem etiam Constanti-

D d d d

nopoli-

nopolitanæ Synodi, scribens non solam Nicænam, ac Ephesinam, sed insuper istam, id est, istius ad Nicænum Symbolum additamenta religiosè à se servari. Rationem in Chalcedonensi Synodo adduxit Diogenes, Cyzici Episcopus, Helles-Ponti Metropoli: "Eutyches, dolosè præposuit Synodum sanctorum Patrum, quæ in Nicæa facta est. Accepit enim additamenta à sanctis Patribus, propter, perversum intellectum Apollinaris, & Valentini, & Macedonii, & qui eis similes sunt. Hæc prætermisit Eutyches, sicut Apollinarista. Nam etiam Apollinaris suscepit sanctam Synodum, quæ in Nicæa facta est, secundum propriam perversitatem intelligens, verba". Hoc ipsum compendio allegavit in suo libello S. Flavianus. Allegavit non sufficere ad rectam fidem, quod Eutyches Nicænam & Ephesinam Synodos, & S. Cyrilli Capitula jactaret, sed insuper necessum esse, ut profiteatur etiam Constantinopolitana ad Nicænum Symbolum additamenta. Hoc enim semper refutavit Eutyches, ideoque se demonstravit scabiosum ex Apollinario.

Interim tota Hæresiarchæ spes erat in Romana Ecclesia: In sua ad ipsam provocatione. Ipsam speravit autoritate Principis inclinandam ad sua desideria. Devium hominem animabant etiam benignæ literæ, quas nuperrimè nescio quos, haud dubiè etiam S. Flavianum, de resuscitata Nestorii lepra accusans, à S. Leone acceperat: "Non ambigimus Authorem Catholicæ fidei Dominum tibi, in omnibus adfuturum. Nos autem cum plenius, quorum hoc improbitate fiat, potuerimus agnoscere, necesse est auxiliante Domino providere, quatenus nefandum virus, dudumque damnatum, radicitus possit extingui. Deus te custodiat incolorem, Dilectissime Fili". Non est dubitandum, quin hæc literas ubiquè buccinaverit, & forsan annexerit suis libellis Contestatoriis. Item dubitandum non est, quin Flavianum violentius accusaverit apud Pontificem, quàm apud Principem. Literæ omnes, si exstarent, nos plura docerent. Ravennatem Ecclesiam, immò omnem Christianitatem tunc illustrabat S. Petrus Chrysologus, apud Leonem Pontificem potens opere & sermone. Quare & hunc Eutyches est aggressus. Etiam isthic S. Flavianum diffamavit de Origene, de Nestorio, de neglecto iudicio, de pravè intellecto symbolo Nicæno. Haud dubiè rogavit suam causam per ipsum adjuvari apud Sedem Apostolicam. Verùm prudentissimus Antistes hominem remisit ad Pontificem, & adjunxit: "Hæc breviter respondi, Frater,

ter, literis tuis, plura rescripturus, si ad me Frater, & Co-Episcopus meus Flavianus aliqua de hac caussa Scripta misisset.

Sanctus Flavianus insuper aliam relationem fecit ad Pontificem, scribens inter cætera: "Sunt quidam veste suâ oves significantes, interius autem lupi rapaces, quos ex fructibus eorum debeamus agnoscere". Notat Monasticam Eutychetis professionem, cujus reverà primum fundamentum est simplicitas atque integritas orthodoxæ fidei. Et prosequitur: "Talis inter nos Eutyches, quondam Presbyter, & Archi-Mandrites, qui quasi nostræ Religionis Sectam sapiebat, & hanc præferebat, Nestorii autem impietatem confirmabat, & succingebatur pro Nestorio militare in pugna, quæ contra Nestorium parabatur. Trecentorum autem decem, & octo Patrum de fide Expositionem factam, & sanctæ memoriæ Cyrilli epistolam scriptam ad Nestorium, ejusdemque pariter ad Orientales, quibus omnes assenserunt, tentavit evellere, anti-quam impii Valentini & Apollinaris reparans Sectam". Enumerat omnia capita, de quibus ab Eutychete accusabatur. Primò, de Nestoriana hæresi. Secundò, de inflicta damnatione in Professorem Nicænæ fidei. Tertio, de refutatis duodecim Capitulis S. Cyrilli. Quarto, de abjecta item epistola, quâ S. Cyrillus pacem iniit cum Orientalibus Ecclesiis. Et certè accusatio non carebat fuco, & colore. Reverà enim S. Flavianus averfabatur S. Cyrilli Capitula. Hinc enim non de istis, sed de sola Cyrilli secunda ad Nestorum, & de pacificatoria ad Orientales epistola dicit: "Quibus omnes assenserunt". Et hæc solas, non verò duodecim Capitulorum epistolam fecerat legi ad suam Synodum. Contra istas igitur Eutychetis calumnias Flavianus Pontificem instruit, exponit ejus manifestas hæreses, repetit suæ Synodi de ipso sententiam, & supplicat confirmari, & publicari. Nempe post confirmatam istam sententiam, & damnatum etiam à Pontifice Eutychetem, est facta isthæc relatio.

Sola igitur prior relatio, & adjuncta ipsi alia documenta Pontificem instruxerunt, idèoque ab ipso meruerunt hoc Rescriptum: "Lectis Dilectionis tuæ literis, quas miramur fuisse tam seras, & Gestorum Episcopaliū ordine recensito, tandem quid apud vos scandali contra integritatem fidei exortum fuisset, agnovimus. Et quæ primò videbantur occulta, nunc nobis referata patuerunt. Quibus Eutyches, qui Presbyterii nomine honorabilis

„videbatur, multum imprudens, & nimis imperitus ostenditur,  
 „ut etiam de ipso dictum sit à Propheta: Nolu it intelligere, ut  
 benè ageret. Iniquitatem meditatus est in cubili suo. "Quid  
 „autem iniquius, quàm impia sapere, & sapientioribus doctio-  
 „ribusque non credere? Sed in hanc insipientiam cadunt, qui cum  
 „ad cognoscendam veritatem aliquo impediuntur obscuro, non  
 „ad Propheticas voces, non ad Apostolicas literas, nec ad Evan-  
 „gelicas auctoritates, sed ad semetipsos recurrunt: Et ideo Ma-  
 „gistri erroris existunt, quia veritatis discipuli non fuerè. Quam  
 „enim eruditionem de sacris novi & veteris Testamenti paginis  
 „acquisivit, qui ne ipsius quidem Symboli initia comprehendit?  
 „Et quod per totum Mundum omnium Regenerandorum ore de-  
 „promitur, istius adhuc senis corde non capitur". S. Leo affirmat  
 ab homine, licèt senè, & Doctorem ostentante, nec ipsum, quod  
 etiam pueri intelligunt, Apostolicum capi Symbolum, ideoque  
 longè minùs, quod semper buccinabat, Nicænum: Longè minùs  
 sacras literas. Esse senem imprudentem, imperitum, cerebrosum,  
 insipientem. Omnem S. Flaviani de ipsius errore ac persona senten-  
 tiam confirmavit.

Hac de re eleganter in Chronico scribit Victor Episcopus Ton-  
 nonensis: "Eutyches Presbyter & Archi-Mandrita cujusdam Mo-  
 „nasterii Constantinopolitani apparuit, qui sui nominis hæresim  
 „condidit. Hic enim Dominum nostrum JESUM CHRISTUM sic  
 „asserbat natum ex Maria semper Virgine Matre, ut nihil in eo  
 „confiteretur humanæ naturæ. Qui Synodali invitatus colloquio  
 „Constantinopoli congregato, cui S. præfuit Flavianus, ejusdem  
 „civitatis Episcopus, dum nollet Christum in duabus consiteri na-  
 „turis post nativitatem ex Virgine, & nobis secundum carnem  
 „esse consubstantialem, damnationem cum errore proprio suscepit,  
 „quam S. Leo Romanus Antistes Apostolica auctoritate firmavit".  
 Proinde Eutyches & appellavit & non appellavit ad solum S. Papam  
 Leonem. Non appellavit in ipso Synodali Judicio, nec item post  
 ipsum ad aures Magnificentissimi Patritii. Appellavit autem post-  
 modò per literas. Et quidem per formales libellos. De hiscè scribit  
 in Chronico Idatius Lemicensis Episcopus: "De Galliis epistolæ  
 „deferuntur Flaviani Episcopi ad Leonem Episcopum, missæ  
 „cum scriptis Cyrilli Episcopi Alexandrini ad Nestorium Constan-  
 „tinopolitanum, de Eutychete Ebionita hæretico, & Leonis Epi-  
 scopi

„scopi ad eundem Responsa. Quæ cum aliorum Episcoporum & „Gestis & Scriptis per Ecclesias diriguntur“. Quæ hæc Gestæ & Scripta ? Certè non alia, quàm de causâ & Romana appellatione, Romanaque damnatione Eutychetis. Tantæ tunc certitudinis & autoritatis erant hæc in omni Gallia, ut per Ecclesias dirigerentur. Existimo hæc facta ex magni Leonis Mandato post Ephesium Latrocinium : Ut nempe Gallicana Ecclesia in antiqua fide contra istius Latrocinii auctoritatem armaretur.

Compendio hæc omnia refert in Nestorianæ ac Eutychianæ hæresis Breviario Liberatus, Carthaginensis Ecclesiæ Archi-Diaconus. Exponit Constantinopolitanam S. Flaviani Synodum, ac pergit : „Quibus Gestis jungens epistolam suam venerabilis Flavianus Leoni „Papæ direxit, & quid in Concilio gestum fuerat, allegavit si- „deliter. Et Eutyches de sua damnatione Papæ Leoni scribens, „posuit Edicta apud Constantinopolim, & injustitiam se fuisse „passum, Populum contestatus est. Leo verò direxit Flaviano „Tomum, sanam Incarnationis Christi doctrinam continentem, „& mirificè perimentem Eutychetis assertiones. Eutyches verò „obtulit preces Imperatori, questus de falsitate Gestorum, quasi „aliqua à Notariis superaddita fuissent, aliqua verò dicta, nec Ge- „stis inserta. Et postulavit, ut sub præsentia Thalassii“, Cæsa- Cap. 12.  
rænsis in Cappadocia „Episcopi, & Florentii Patritii rursus in „Palatio, Flaviano occurrente, ipsum congregaretur Concilium, „& ex interrogatione personarum veritas panderetur“. Exponit hoc examen, & pergit : „Posteà expetivit Imperator à Flaviano fidei „ejus confessionem, manu ejus scriptam & subscriptam. Scripsit „ergò Flavianus fidem suam manu propriâ, & Imperatori in hoc „themate direxit“. Adducit Flaviani libellum, & adjungit : „Post- „quàm ergò nihil probatum est Notariis de falsitate Gestorum, „Eutyches petit Dioscorum Alexandrinum Episcopum, ut quære- „ret quæ de illo acta sunt, & causam examinaret. Agebat apud „Principem universalem fieri Synodum, ut probaretur judicium „Flaviani. Scripsit ergò Dioscorus Theodosio Imperatori, quia „aliâ fieri Synodum generalem oportet. Et ut fieret, persuasit „Eutyches. Annuit Imperator. Et dirigens Sacram Dioscoro in „Alexandriam, præcepit ut cum decem Metropolitanis Episcopis, „quos voluisset ipse eligere, veniret Ephesum, & congregato „universali Concilio, Eutychetis causam discuteret“.

Non servat rerum ordinem. Etenim post S. Flaviani Synodum Eutyches ipsam ante omnia falsare studuit, ideòque postulavit, ac impetravit memoratam revisionem. Et quoniam res non succedebat ad votum, se appellasse est protestatus, atque ita conatus est suspendere iudicium. At probare non potuit, ideòque nec invenit fidem. Hinc novam formavit appellationem, non ad omnes Patriarchas, sed ad solum Papam Leonem. Et mox transmisit appellationis libellum, accusatorium libellum Eusebii Dorylaensis Episcopi, & plura instrumenta. Et Imperator Theodosius ipsum potenter adjuvit suis ad Papam literis. Verùm nec huic appellationi Flavianus detulit, asserens sententiam transiisse in rem iudicatam, & plura alia. Hinc Eutyches proposuit libellos Contestatorios. Et denuò cum literis transmisit ad Pontificem. Et à Theodosio obtinuit suæ appellationi suspensionem effectum. His motus, & anxius Pontifex solatus est Eutychetem per ambigua & ad ipsum, & ad Principem Rescripta, & S. Flavianum arguit de neglecta relationis. Hinc Flavianus statim retulit. Et huius rei conscius Eutyches non quievit. Flavianum apud Principem traduxit de Nestorio, & adeò impressit, ut optimus Antistes sacra Jussione compulsus fuerit propriâ manu scribere libellum fidei, atque ita se de Nestorio purgare. Dubitandum non est, quin hæc omnia retulerit ad Sedem Apostolicam. Quæ coepit rem capere, & novum hæresiarcham aversari. Quod ipsum rescivit Eutyches. Hinc statuit etiam à Papa appellandum ad Generale Concilium. Et de hoc momentoso negotio consulturus abiit Alexandriam ad sibi fidelissimum Dioscorum. Quod ipsum apud Franciscum Combesis scribit antiqua narratio de rebus Armeniæ: "Eutyches à S. Flaviano damnatus, adit Dioscorum, rogans ut petat ab Imperatore Synodum celebrari Ephesi, quâ Flavianus condemnetur, ipse autem Eutyches Iudicio absolvatur. Dioscorus autem atque Eutyches immani odio occupantur, haud secus atque corvus in nemore, & nycticorax in petrinis ac ruderibus". Duæ hæ pesti-mæ viperae ibi conceperunt etiam Leonem Papam accusandum de Nestorio, ab ipso appellandum ad Generalem Synodum, sistendum ab ipso jam coeptum impetum, ejus agendis capistrum iniiciendum à Principe, ipsum excludendum à Præsidentia futuræ Synodi, & hanc devolvendam in Dioscorum. Et omnia per Chrysaphium Eunuchum à simplici Theodosio obtinuerunt.

De



De Romana Eutychetis appellatione dixit in Synodaliū sub S. Flaviano Aetorum revisione S. Seleucus, Amasenus Episcopus, Heleno Ponti Metropolitā: "Anticipans Reverendus Diaconus Eleusinius, dixit libellum obtulisse sancto Conventui Reverendissimum Archi-Mandritam, in quo dicebat Expositionem fidei contineri. Quoniam, verò ante paucos dies literæ sanctissimi Archi-Episcopi Romano-rum insinuatæ sunt nobis, continentem quia questus est Reverendissimus Archi-Mandrita Eutyches, & appellavit in tempore examinationis nostram audientiam per dationem libelli. Et ideò post damnationem eum Archi-Mandritam renominaverunt. Quomodo nunc instans, & dicens de fide esse libellum, apud sanctissimum Episcopum Romanorum recusationem in Synodo appellationem nominavit? Et hinc doceri debetis, quoniam non in eisdem permanet Reverendissimus Archi-Mandrita. Et postulo epistolam prolatam relegi".

Discimus hinc varia. Primò, quod ante inchoatam hanc revisionem Eutyches Romam appellavit; affirmans se in ipsa etiam Synodo appellasse. Et quidem per datos libellos. Se appellasse audientiam Romani Pontificis. Secundò, quod questus fuerit istum libellum fuisse rejectum à sancto Flaviano, ideòque ipsum graviter accusavit. Tertiò, quod sanctus Leo hac de re scripserit non ad solum Flavianum, sed etiam ad omnem ejus Synodum. Hæ literæ perierunt. Quartò, quod Pontifex videatur appellationem admisisse, & ipsi adscripsisse suspensivum effectum. Hoc innuunt ista verba: "Et ideò post damnationem eum Archi-Mandritam renominaverunt". Utique Romani. Quintò addiscimus, quod istum ipsum libellum, quem Eleusinius, Eutychetis Monachus & Legatus, jam dicebat fuisse fidei, continentem Nicænum ac Ephesinum de fide Decretum, ipse Eutyches in literis ad sanctum Leonem scripserit fuisse appellationis. Libelli hujus, quoniam à sancto Flaviano nec admissus nec lectus fuerat, nesciebantur contenta: Hinc Eutyches apud Pontificem potuerat securè mentiri. At ecce ejus Monachus in revisione per imprudentem loquacitatem prodidit mendacium. Quare sanctus Seleucus meritò dixit ad omnem hunc Conventum: "Hinc doceri debetis, quoniam non in eisdem permanet Reverendissimus Archi-Mandrita Eutyches". Et postulavit proferri epistolam, ac legi. An Eutychetis ad Leonem,

an Leonis epistolam ad Synodum, est ambiguum: Forsitan utramque. Utraque est perdita: Hinc plura ignoramus. Interim sextò discimus fundamentum, ex quo Eutyches Pontifici scripserit se ad ipsum in ipsa Synodo per libellum appellasse. Etenim sine fuco mentiri fuisset in tanto Archi-Mandrita nimis impudens. Septimò discimus, quod hæc Romana appellatio aliquem temporis tractum habuerit, & varias ultrò citroque transmiserit literas: Harum carentia facit, ut istius originem & decursum distinctè ac plenè non sciamus.

Certè oportet Eutychetem fuisse hominem insigniter impudentem. Etenim in sua, ad Ephesinum Latrocinium factæ, appellationis libello hæc posuit: "Ego timens prævaricari prolatam definitionem à sancta Synodo, quæ hic Dei voluntate priùs congregata est, & ea quæ definita erant de fide à sanctis Patribus, qui in Nicæa convenerunt, rogabam innotescere S. vestro Concilio, ut his quæ à vobis approbarentur, acquiescerem, paratus in his permanere. Et hoc dicenti, subito contra me, longè ante scripta, damnatio legebatur, nulum verbum faciente de appellatione mea ad vestram Sanctitatem Reverendissimo Episcopo Flaviano, nequè meos erubescere canos", &c. Eam ipsam appellationem, quam ad & contra sententiæ prolationem S. Leoni scripserat à se factam ad Sedem Apostolicam, hic dicit factam ad futurum generale Concilium. Utrobiquè impudenter mentitus. Audacia stupenda. At magis stupenda Episcoporum ignavia. Etenim libellum hunc legi audierunt omnes illi Episcopi, qui in nupera Synodalia sub S. Flaviano Actorum revisione fuerant uno ore contestati se istius appellationis nihil prorsus audivisse: Et in Ephesino Latrocinio nullus ad tanta mendacia vel verbulo intercessit. Eutyches in suo ad Latrocinium libello addidit adversùs S. Flavianum: "In diversis Oratoriis, memoriisque Sanctorum, post appellationem fecit in me prolatam legi sententiam. Et anathematizabat me, & eos qui conveniebant ad me, & colloquebantur mecum". Credo ita fuisse. Etenim S. Flavianus noverat appellationem esse mendacem, ac manifestè frivolam, ideòque spernebat. Præsertim post acceptam, quam à Victore Tonnensis Episcopo laudari audivimus, Apostolicæ Sedis confirmationem.

## CAPUT II.

*Expediuntur aliquot quæstiones circa Romanam  
Eutychetis appellationem.*



Rima quæstio est, An Eutyches ad Generalem Synodum appellaverit adversus & post confirmatorium d. Leonis Judicium, an ante illud? Respondeo provocasse ante ipsum. Etenim famosus, quem Leontius Scholasticus Byzantinus in libro de Sectis rectè affirmat esse istud confirmatorium Judicium, magni A. 47  
Leonis Tomus est datus quinti sæculi anno

quadragetimo nono, Idibus junii, id est, die decimâ tertiâ; at verò ejusdem Pontificis, eodem anno die vigesimâ quintâ Maij scripta ad Imperatorem Theodosium, epistola habet inter cætera: "Quod Epist. 23.  
à me, atque ab omnibus Catholicis Sacerdotibus evangelicæ  
fidei pietas defendatur, satis plenè ac lucidè literis meis, quas ad  
Clementiam vestram jam dudum per famulum vestrum epiphani-  
um Tribunalum, qui pro hac causa missus est, arbitror accepisse,  
releatum est. Nec ambigi potest, hoc nos purissimè credere,  
hoc constanter asserere, quod etiam venerandi Patres, quondam  
apud Nicæam congregati, secundum fidem symboli credendum  
& confitendum sacratissima autoritate sanxerunt. Nos enim,  
venerabilis Imperator, sicut Nestorii Dogma perversum meritò  
anathematizavimus, ita justè etiam horum impietatem, qui ve-  
ritatem carnis nostræ negant à domino JESU-CHRISTO susceptam  
esse, damnamus, Gloriosissime. Unde si Pietas vestra suggestioni  
& supplicationi nostræ dignetur annuere: ut intra Italiam haberi  
jubeatis Episcopale Concilium, citò auxiliante Domino poterunt  
omnia scandala, quæ in perturbationem totius Ecclesiæ sunt com-  
mota, resecari, ut per universum Regnum vestrum Catholicæ  
fidei integritate servata, & pacem Christi manere, & vestram  
apud Deum gloriam crescere gaudeamus". Facinorosus Eutyches  
statim à sua ad magnum Leonem interjecta appellatione jactavit  
E e e e e genera-

generalem Synodum : Eam , si Pontifex Flaviani iudicium non circumduceret , est comminatus. Nec ignorabat Flaviani ad Leonem verba : "Causa eget solummodo vestro solatio atque defensione , quâ debeatis consensu proprio ad tranquillitatem , & pacem cuncta , perducere. Removebitur & Concilium , quod fieri divulgatur". Noverat verba niti firmis anchoris. Hinc ubi auditit Leonis animum aversum à suo dogmate , etiam adversus ipsum interjecit appellationem , sperans isto obice sententiam sistere. Sperans illi istud ipsum suspensivi effectus capistrumper Principis auctoritatem iniicere , quod violenter iniecerat S. Flaviano. Quin immò speravit ipsum ab appellatæ Synodi Præsentia excludere , atque ita ipsam devolvere in Dioscorum. Et obrinuit. Etenim Apostolici Legati in Ephesino Latrocinio sunt passi istam injuriam , atque Dioscorus isthuc egit omnia. Illæ ipsæ artes , quæ adversus Flavianum , hæc obtinuerunt adversus Leonem. Facinorosus Turbo etiam Pontificem accusavit de Nestorio , & de nescio quo adversus fidem Nicænam. Notanda sunt Pontificis verba : "Venerandi Patres , secundum fidem symboli sanxerunt". Utique Apostolici Symboli. Ipsum adversus delirum hunc senem scribens Pontifex frequenter laudat. Orientalis Ecclesia post Nicænam Synodum desijt suis Competentibus Apostolicum , & coepit tradere Symbolum Nicænum. At verò Romana Ecclesia ex causis permansit firma in sua priori consuetudine. Hoc videtur notasse Eutyches : Simplicii Theodosio impressisse , quod Romana Ecclesia non veneraretur Nicænum Symbolum , ideoque ejus dogma averfaretur. Hinc magnus Leo ad eundem Principem scribit , quod Nicæna Synodus credendum sanxerit juxta Apostolicum Symbolum : Quod suum ex Apostolico formaret. Quidquid sit , & semetipsum , & Romanam Ecclesiam purgare debuit de Nestorio , & scribere : "Nos , venerabilis Imperator , Nestorii dogma perversum meritò anathematizavimus". Utique non ab heri , aut biduo , sed ab exordio semper. Et supplicat jam addictam Eutychemi Synodum fieri in Italia. Non supplicat non fieri , sed fieri intra Italiam. Quod nempe addictio esset firmissima. Supplicat in Italia fieri ex variis causis. Ipsarum una fuit , quod isthic à præsidendi auctoritate non posset excludi. Leo enim ex tunc noverat artes Dioscori , atque huius Veteratoris. Et nullatenus fuit exauditus. Hinc in data idibus Junii epistola , quâ S. Flaviani Synodum plenè confirmavit,

mavit, ad finem hæc ponit: "Ad omnem causam piè & fideliter Ep. 24. c. 6  
 „exequendam Fratres nostros, Julium Episcopum, & Renatum  
 „Presbyterum Tituli S. Clementis, sed & filium meum Hilarum  
 „Diaconum, vice nostra direximus". Ad Ephesinam Synodum.

Quæstio secunda est, Quomodo S. Leo post interjectam ab Eutyche, & generalis Synodi indictione stabilitam à Principe, appellationem potuerit, vel ausus fuerit procedere ad confirmandam S. Flaviani Synodum, & ad damnandum Eutychem? Ad damnandam non solummodo doctrinam, sed & personam? Respondeo Romani Pontificis auctoritatem per interjectas ad generale Concilium appellationes nullatenus suspendi. Causa dumtaxat devolvitur. Immo nec devolvitur, nisi ex Beneplacito Pontificis. Quare in ista Synodo ipsi permanent jus præsidendi, relatio, suffragii Prærogativa, aliæque omnia. Etenim Arelateni Synodo, quæ datum à Melchiade Pontifice in Donatistas judicium retractabat, pleno jure præsedit Legatio S. Sylvestri. Et Sardicensi Concilio, quod retractabat S. Athanasii, & aliorum Orientalium Episcoporum factas à Julio Pontifice restitutiones, præsedit Hosius Episcopus, Legatus ejusdem Julii. Etiam Ephesina Synodus fuit retractatoria datæ à Celestino Pontifice in Nestorium damnationis: Etenim & ipse ab isto judicio appellaverat. Et tamen præsedit per ejusdem Pontificis vices S. Cyrillus Patriarcha Alexandrinus. Et primus articulus, quem discussit & castigavit Chalcedonenfis Synodus, fuit Ephesina Dioscori audacia in Legatos S. Leonis. Et ipsi præfederunt magno huic Concilio, & illum ex invaso Judicis Throno dejecerunt ad reos. Porro magnus Leo, dum Eutychetis appellacionem & sacras Imperatoris Theodosii jussiones nihil moratus, constanter processit in ejus dogma ac personam, secutus est regulam, ex qua postmodò magnus Gregorius, de Maximi Archi-Episcopi Salonitani causa agens, scripsit ad Imperatricem Constantinam: "Priusquam hæc L. 4. ep. 34  
 „cognoscantur, Serenissimus Dominus discurrente jussione præce-  
 „pit, ut Maximum venientem cum honore suscipiam. Valdè  
 „grave est, ut vir, de quo tanta & talia nunciantur, eum ante  
 „requiri ac discuti debeat, honoretur. Et si Episcoporum causæ  
 „mihi commissorum apud piissimos Dominos aliorum patrociniis  
 „disponuntur, infelix ego, in Ecclesia ista quid facio? Sed ut Epi-  
 „scopi mei me despiciant, & contra me refugium ad sæculares  
 „Judices habeant; omnipotenti Deo gratias ago, peccatis meis

Ecccc 2

deputo.

„deputo. Hoc tamen breviter suggero, quia aliquantum expecto,  
 „& si ad me venire diu distulerit, in eo exercere districtiorem  
 „Canonicam nullo modo cessabo. In omnipotenti autem Domino  
 „confido, quia longam Piissimis Dominis vitam tribuet, & nobis  
 „sub manu vestra non secundum peccata nostra, sed secundum  
 „gratiam suam dona disponet“. Magnus Leo censuit non crastinandum,  
 „sed Canonicam districtiorem statim exercuit. Et ejus Factum Chal-  
 cedonenſis Synodus plenè comprobavit.

Quæstio tertia est, Quomodo S. Flavianus in secunda ad S. Leonem epistola scribat Eutychetem in sua contra Nestorium pugna militasse pro Nestorio, ac ejus impietatem confirmasse? Etenim Nestorius & Eutyches adversantur non minùs capitaliter, quàm Sabellius & Arius. Respondeo S. Flavianum scripsisse rectissima. Etenim palmare Eutychetis fundamentum fuit, quod natura & hypostasis essent unum & idem. Subjunxit Dominum nostrum JESUM CHRISTUM esse unicam hypostasim, ac inde conclusit esse similiter unicam naturam. Atverò istud ipsum fuit palmare fundamentum Nestorii. Etenim hic subjunxit Christum Dominum esse duas naturas, ac inde conclusit esse duas, solà authoritatis ac dignitatis communione conjunctas, hypostases seu personas. Quapropter Eutyches contra Nestorium malè pugnando fortissimè pro ipso militavit. Quod ipsum Nestorius malè contra Apollinarium pugnando fecit pro Apollinario, ideoque & pro Eutychete. Eodem in luto hæsit Paulus Samosatensis, etiam Sabellius, atquè Arius. Ex isto devio principio alter in Divina Majestate finxit tres naturas, alter abnegavit tres personas. Unde etiam ipsi & invicem hostilissimè invadunt, & invicem fortissimè stabiliunt. Proinde unicum devium principium nobis peperit quatuor pessimas hæreses, invicem pugnantes, & invicem adjuvantes. Videantur S. Anastasius Sinaita in erudito opere contra Nestorianos & Eutychianos, Rusticus Romanæ Ecclesiæ Diaconus, Leontius Scholasticus Byzantinus, & alii antiqui istarum hæresion Impugnatores.

Quæstio quarta est, Cur Eutyches in sua, quam ad Florentiæ Patritii aures fecit, appellatione, exprimens Theſſalonicenſem Episcopum, omiserit Patriarcham Antiochenum? Etenim Theſſalonicenſis Episcopus non erat Patriarcha. Immò nec Exarchus. Respondeo istius omissionis causas rectè exponi à R. Patre Paschasio Quæsnello. Palmarem rationem addicimus à Facundo Hermia-

nensi.

nenſi Epifcopo: "Venerabilis Domnus Antiochenus, ſui Decelloris L. 12. C. 5.  
 „Joannis, aliorumque præcedentium Collegarum ſententiam tenens,  
 „Eutychi Apollinaris Hæreſiarchæ impietatem renovare tentanti,  
 „& ob hoc Diodorum atque Theodorum anathematizare præſu-  
 „menti, primus reſtitit, ad Imperatorem Theodoſium ſcribens". L. 1. C. 5.  
 Domnus id fecit Synodaliter. Synodalem epiſtolam nobis custo-  
 divit idem Facundus: "Veſtram docere cogimur Pietatem, quo-  
 „niã Apollinaris Hæreſiarchæ impietatem Eutyches Presbyter re-  
 „novare pertentat, & Apoſtolicas labefactare doctrinas, Myſterii  
 „Incarnationis dogma corruptens, & Divinitatem Unigeniti ac  
 „humanitatem vocans unam naturam, commixtionemque & con-  
 „fuſionem aſſerens factam, & ſalutarem paſſionem ipſi incommu-  
 „tabili Deitati adnectens, & hos qui columnæ veritatis, & pro-  
 „pugnatores pietatis fuerunt, & adverſus omnem hæreſim clarè  
 „virtutem exercuerunt, Diodorum & Theodorum anathematizare  
 „præſumit, & in hoc Apollinaris ſimilis vanitati".

Diſcordia videtur exordium duxiſſe ex Theodoro Cyrenſi Epi-  
 ſcopo, qui Antiochiæ ſub Joanne Patriarcha, ac ejus nepote &  
 Succellore Domino egit omnia. Etiam S. Cyrillo poſt initam  
 Eccleſiarum pacem, immò & poſt ejus mortem eſt hoſtiliter adver-  
 ſatus. Præſertim poſtquam apparere cœperunt prima Eutychanæ  
 blaſphemix exordia. Apparuerunt ex perperam intellectis S. Cyrilli  
 Capitulis. Præſertim ex malè intellecta famoſa ejus propoſitione:  
 "Chriſtus Dominus eſt una natura Dei verbi incarnata". Porro  
 Orientales Epifcopi, dum cum S. Cyrillo ac-ejus Diœceſi pacem  
 inierunt, nullatenus probârunt ejus Capitula, quin immò ſunt  
 ſemper averſati. Præſertim Theodoretus perpetuum ac apertum  
 etiam tunc indixit illis bellum, & pertinaciter accuſavit de hæreſi.  
 Quidam exiſtimant, quod ſuos Dialogos adverſum illa ſcripſerit,  
 & quod per Eranieſten intelligat S. Cyrillum. Quidquid ſit, illa  
 damnavit, ac inſuper Dominum Patriarcham permovit ad eadem  
 Synodaliter damnanda. Eundem, uti & ejus avunculum ac Præ-  
 ceſſorem Joannem, induxit ad celebrandas aſſiduè Synodos; & in  
 ipſis comprobanda opera Diodori Tarſenſis in prima Cilicia Archi-  
 Epifcopi, ac Theodori in ſecunda Cilicia Epifcopi Mopſueſtienſis.  
 Quæ omnia acerbiffimè momorderunt non ſolùm Eutychetem, ſed  
 etiam Dioſcorum Alexandriæ Patriarcham, & omnes ipſorum aſſec-  
 las. Hi enim S. Cyrilli Capitula venerabantur ut Spiritus ſancti

Dictaminis; & Diodorum ac Theodorum averfabantur ut Nestorianæ hæresis fontes. Et certè Diodorus Theodorum, Theodosus docuerat Nestorium.

Hæ igitur discordiæ excitârunt tragœdiam, de qua Theodoretus scribit ad Eusebium Ancyrae Episcopum, Metropolitam primæ  
 Epist. 82. Galariz: "Sperabam me crebras hoc tempore Sanctitatis tuæ literas  
 „accepturum. Manifestissimam quippè calumniam cum passi  
 „essemus, Fraternali egebamus consolatione. Etenim qui Marcionis,  
 „& Valentini, & Manetis, aliorumque Docitarum hæresin hæc  
 „nostra tempestate renovant, ægrè ferentes hæresim à me suam  
 „apertè confutari, Imperatoris aures circumvenire conati sunt,  
 „hæreticos nos appellantes, & unicum Dominum nostrum Jesum  
 „CHRISTUM, Incarnatum Deum Verbum, in duos filios dividere  
 „calumniantes". Et infra: "Isti & Alexandriam contra nos con-  
 „citârunt, omnium auribus per dignos ipsis ministros ingerentes,  
 „nos pro uno duos filios prædicare". Palàm agit in Factionem  
 Eutychetis. Hæc omnes Orientales Episcopos, præsertim Theo-  
 doretum, oderat, ideoque & Constantinopoli apud Imperatorem  
 Theodosium, & Alexandriae apud Dioscorum Patriarcham clama-  
 bat illos Nestorianos. Et quidem apud Principem "verbis suis,  
 „ut sperabant, non" statim "persuaserunt". Nihilominus Theo-  
 doretum censuerunt quovis modo separandum à suo Patriarcha  
 Dômo. Hinc ipsum accusarunt turbulentiz: "Eum Synodos  
 „frequenter apud Antiochiam convocare, & ea re offendi nonnullos".  
 Eum impetrarunt circumscripto intra suam Cyrensem civitatem  
 exilio ligari. Ante damnationem Eutychetis. Hinc ille pergit:  
 "Omnium Moderator non obscurè ostendit, quantam oppressorum  
 „etiam in hac vita curam gerat. Nam cum quieti ageremus Patriæ  
 „finibus circumscripti, atque Orientales omnes mœrerent, & in  
 „acerbo luctu essent, sed silere ob injectum metum cogerentur,  
 „Dominus ipse de cælo prospexit, & calumniæ Authorum calum-  
 „niam redarguit, atque impiam illorum mentem patefecit". Per  
 calumniæ auctores omninò intelligit Eutychetem, & gratulatur  
 illum nuperrimè fuisse detectum ab Eusebio Episcopo, & à sancto  
 Flaviano damnatum. Proinde Eutyches per Dioscorum ac Chrysa-  
 phium Eunuchum fuit author istius in Theodoretum tragediæ.

Eutyches non fuit solus. Etenim Theodoretus scripsit etiam  
 Epist. 83. ad Patriarcham Dioscorum: "Hæc ut scriberem, coactus sum,  
 cum



„cum Sanctitatis Tuæ literas legissem ad Dei amantissimum,  
 „Sanctissimumq; Archi-Episcopum Dominum Domnum scriptas.  
 „Hoc in illis enim continebatur inter cætera, quosdam ad maxi-  
 „mam urbem, quæ à Sanctitate Tua regitur, cum venissent,  
 „accusasse nos quasi in duos filios divideremus unum Dominum  
 „Nostrum JESUM-CHRISTUM. Idquæ cum apud Antiochiam  
 „differeremus, ubi multæ myriades Auditorum ad concionem  
 „conveniunt. Dioscorus asseruit Theodoretum fecisse istud  
 „ipsum coram Domino, quod Dorotheus Martino-Politanus  
 „Episcopus Constantinopoli fecerat coram Nestorio. Et qui-  
 „dem in solempni adeo Populi Conventu, ut adessent multæ my-  
 „riades Auditorum. Quare rogavit compelli, alioquin passurum  
 „quod passus fuerat Dorotheus. Etenim Dorotheus fuerat ex-  
 „clusus à pace inita inter Patriarchas Cyrillum ac Joannem. Dios-  
 „corus minatus est etiam Theodoretum ab ipsa jam facta, uti  
 „ejus prævaricatorem, extrudendum. Hinc Theodoretus fuit  
 „compulsus facere, quod scribit ad sanctum Flavianum Episco-  
 „pum Constantinopolitanum: "Rati nos adiutorem & locum ad Epist. 16.  
 „ea, quæ contra fidem Apostolicam moventur, habituros Deo  
 „carissimum Alexandriæ Episcopum Dominum Dioscorum, mi-  
 „simus unum ex Religiosissimis Presbyteris, prudentiâ insig-  
 „nem, cum literis Synodicis, Pietati ejus suggerentes, nos in  
 „foedere, quod sub beatæ memoriæ Cyrillo initum est, per-  
 „manere, scriptamque ab eo epistolam amplecti". Notanda  
 „sunt verba: "Cum literis Synodicis". Demonstrant non solum  
 „Theodoretum, nec solum Patriarcham Domnum, sed omnem  
 „Orientalem Synodum legisse, & ista scripsisse ad Dioscorum.  
 „Theodoretus pergit ad Flavianum: "Verum abiens hinc quidam  
 „illorum, qui contraria sentiunt, & tumultus istos cient, cum  
 „aliquos ibi decepsisset, & sexcentas contra nos calumnias texuis-  
 „set, nefandas contra nos vociferationes sulcavit. Deo autem  
 „carissimus Episcopus Dioscorus epistolam ad nos scripsit, quam  
 „ab eo scriptam non decuit, qui ab univerforum Deo didicerat  
 „mendacii vocem non suscipere. Fidem enim ijs habens, quæ  
 „contra nos dicta fuerant, quasi accuratè singula examinasset,  
 „ac veritatem per tormenta expressisset, ita nos condemnavit.  
 „Sed nos calumniam forti animo pertulimus, ei que blandis literis  
 „rescripsimus, & Pietati ejus ostendimus falsa esse hæc omnia,  
 „nullum-

„nullumq; Deo carissimorum Orientis Episcoporum ab Apostolicis  
 „dogmatibus dissentire. Quod & Religiosissimis, quia ab eo vene-  
 „rant, Clericis ipsâ rerum experienciâ demonstratum est. At ille  
 „omnibus valere jussis, & calumniantibus aures tradens, rem ag-  
 „gressus est, quæ credi nullatenus queat, nisi testem haberet Eccle-  
 „siam. Tulit enim illos, qui nobis anathema dicebant, surgensque  
 „& acclamans eorum voces confirmavit“. Prima mali radix fuit  
 Diodori ac Theodori causa. Eam Dominus, sui Antecessoris judi-  
 cium secutus, cum Theodoretō ac omni sua Diocesi defendebat,  
 Diolcorus verō ac Eutyches, non dimittat Rabbū & Edesseni &  
 Melitenensis Acacii, sed etiam S. Cyrilli ac S. Procli tenentes vesti-  
 gia, atrociter anathematizabant. Cunctos eorum Patronos procla-  
 mabant Nestorianos. Diolcorus cūlque lux iræ laxavit habenas,  
 ut per nescio quos Orientis transfugas jussit in plena sua Synaxi  
 cunctis istius Diocesis Episcopis inclamari anathema, & ipse ac-  
 clamans confirmaverit. Eadem de re Theodoretus in suo Romanæ  
 Epist. 113. appellationis libello scripsit ad magnum Leonem: „Alexandrinus  
 „Antistes anno etiā superiore, cum eō profecti essent duo viri  
 „Apollinaris morbo infecti, & calumnias in nos texuissent,  
 „conspurgens in Ecclesia nos anathemate confixit“. Diolcorus  
 eos accusavit, quod violassent S. Cyrilli pacem, ac resuscitassent  
 Nestorium. Utique ex tunc habebat clandestina Pacta cum  
 Eutychete. Et conjuncti hi Turbines Dominum ac omnem ejus  
 Patriarchatum fecerunt adeò fœtere etiam apud Principem, ut  
 Epist. 95. ad Antiochum Præfectum scribat Theodoretus: „Magnos in  
 „Ecclesiis fluctus excitârunt, qui contra nos calumnias commenti  
 „sunt. Qua de causa & Deo carissimi Episcopi, & itinerum  
 „longitudine, & virium infirmitate, & senili ætate contempta,  
 „Gregibusque suis sine Pastore destitutis, longam istam peregrin-  
 „nationem susceperunt, conflatum in nos mendacium refellere  
 „properantes“. In literis ad Celerinam Diaconam addit, quod  
 Epist. 101. etiam „hyemis asperitatem contemplerint“. Nempe à Domino  
 Patriarcha Legati Constantinopolim. Verum dolosus Eutyches  
 omnes illis obstravit non solum portas Palatii, sed & rimas. Hæc  
 Diolcori in Dominum, Theodoretum, ac alios Orientis Episco-  
 pos inimicitia continet plura spectantia ad Ecclesiasticam eru-  
 ditionem, ideòque digna est suo tempore & loco enucleari. Hæc  
 pauca demonstrant causam, ex qua Eutyches noluit ad Dominum  
 ac ejus Concilium provocare.

In laudata ad S. Flavianum epistola Theodoretus adducit & aliam amaram radicem, quæ Dioscorum momordit, ac impulit adversus Dominum: "In Regia urbe congregati Beati Patres, cum  
 „eis qui apud Nicæam convenerant conspirantes, Diœceses di-  
 „stinxerunt, & sua unicuiquæ Diœcesi assignarunt, apertè inter-  
 „dicentes ex altera quemquàm Diœcesi alteram invadere, sed  
 „Alexandriæ Episcopum tantummodò res administrare Ægypti,  
 „& sua singulas Diœceses. Dioscorus verò legibus istis non vult  
 „acquiescere, sed fursùm ac deorsùm Beati Marci Sedem obten-  
 „dit. Idque cum manifestò intelligat Megalopolim Antiochiam  
 „Beati Petri Sedem habere, qui Beati Marci Magister erat, ac  
 „Apostolorum Chori Princeps & Coryphæus. Verùm nos Sedis  
 „sublimitatem novimus, nos verò ipsos agnoscimus & metimur.  
 „Humilitatem enim Apostolicam à principio didicimus. Tuam  
 „porrò Sanctitatem obsecramus, ut nequæ sanctos Canones pro-  
 „culcatos despiciat, & sanctæ fidei defensionem alacri animo  
 „suscipiat. In hac namque positam habemus spem salutis, &  
 „per eam nos veniam adepturos confidimus. Ut autem hoc quo-  
 „quæ Sanctitas tua non ignoret, scito Domine, hanc illum ad-  
 „versùm nos pusillanimitatem gerere, ex quo Synodicis vestris  
 „sub beatæ memoriæ Proclo factis, sanctorum Patrum regulis  
 „inhærentes, adhæsimus. Ac de hoc nos semel atque iterùm  
 „increpasse, quasi & Antiochenorum, ut ait, & Alexandrinorum  
 „jura prodiderimus. Horum memor, tempusque, ut ei visum  
 „est, nactus, inimicitias patefacit".

Constantinopolitana Synodus per suum secundum Canonem Episcopo Constantinopolitano dedit secundum in Ecclesia locum. Verùm nulla fuit facta executio: Nec sub Nestario, nec sub S. Joanne Chrysostomo, nec sub alijs usque ad S. Proclum Successoribus. Hic ergò executionem obtinuit ab Imperatore Theodosio, atque ita Synodicam suam misit & Alexandriam & Antiochiam, mandans admitti Canonem & observari. S. Flavianus fuerat sancti Procli Presbyter, ideòque omninò cooperatus. Et Dominus Antiochenus, sub quibusdam tamen conditionibus & Pactis, admisit. Ejusque Synodus comprobavit. Theodoretus jam dedit causam: "Sedis sublimitatem novimus, nos verò ipsos  
 „cognoscimus & metimur. Humilitatem enim Apostolicam à  
 „principio didicimus". At verò Dioscorus constantissimè noluit

F f f f f.

acqui-

acquiescere, sed "lursum ac deorsum Beati Marci Sedem obtendit". Clamans ipsam nec per Constantinopolitanam Synodum; nec per sacram Principis iussionem potuisse, aut posse humiliari. Et Dominum semel atque iterum increpuit, quod non solum Antiochenæ, sed etiam Alexandrinæ Cathedræ jura prodidisset. Hinc in ipsum, ac item in S. Flavianum concepit odium, dicens apud semetipsum: "Cum accepero tempus, ego iustitias judicabo". Hoc autem tempus advenit, dum Dominus cepit S. Cyrilli damnare Capitula, & Diodori ac Theodori dogmata & Scripta Synodaliter commendare. Omnino ante Eutychetis damnationem. Tunc ergo Dioscorus Dominum, ac omnes ejus Episcopos damnavit de Nestorio, ac solemniter anathematizavit.

Hinc intelliges Acta Chalcedonensis Concilii. Dioscorus in Ephesino Latrocinio primum invasit locum, secundum Julianum Coenſi Episcopo, S. Leonis Papæ Legato, tertium Juvenali Hierosolymæ Episcopo, quartum Domino Antiocheno, quintum detulit S. Flaviano. Dum ergo hæc Chalcedone legerentur, Orientales Episcopi intercesserunt, & clamarunt: "Flavianus in proprio loco quare non sedit? Constantinopolitanum Episcopum quare quintum posuerunt". Nempe Dioscorus & Constantinopolitanum Canonem, & Principis iussionem, & Proclium Domino Pacta sprevit: Obtinere voluit antiquam Ecclesiæ Hierarchiam. Et adversus istam ejus fiduciam Orientales Episcopi, quoniam Pacta ista probaverant, consurrexerunt. Et S. Paschasius, Lilybeti Episcopus, Chalcedonensis Synodi Apostolicus Præses, illis favit: "Ecce nos, Deo volente, Dominum Anatólium primum habemus, hi quintum posuerunt Beatum Flavianum". Est admiranda interlocutio. Quoniam certum est Paschasium à S. Leone habuisse alia Mandata. Etiam Theodoretus non scripsit ex fide. Etenim Constantinopolitani Canonis non secundam, quam solam abiecit Dioscorus, sed primam tantummodò adduxit partem, Dioscorum acculans, quasi se non contineret intra limites Egyptiæ Diocesios. Deinde scripsit Canonem, quem impugnabat Dioscorus, fuisse conformem Nicæno. Quæ omnia sunt manifestò devia. Unde & magnus Leo ista Domini ac Proclii Pacta, licet per Chalcedonensem Synodum confirmata, circumduxit potentissimè, ac penitus abolevit. Et ejus judicium Romana Ecclesia defendit, & custodivit per multa sæcula.

Porro

Porrò S. Flavianum Dioscorus & Eutyches oderant etiam ex alia causa, quam edidit in Ecclesiastica historia Cardinalis Anastasius, Romanæ Ecclesiæ Bibliothecarius: "Periò Alexandriam" promotus ad Episcopatum "Dioscorus confessum Cyrilli cognatos, in primordiis suis devastat, & horum patrimonia deprædatur, filium autem fratris ejus Athanasium Presbyterum sine culpa deposuit. Hæc autem faciebat rectè Cyrilli fidei adversatus, cum esset hæreticus, & ex mollibus ungulis ea quæ sunt Originis sentiret. Irascebatur autem & Flaviano, eo quod modicum quid opis beati conferret Cyrilli cognatis. Cum autem Chrysaphius, Theodosii Imperatoris Eunuchus, esset impius, videre non ferens Ecclesiarum concordiam, operam dabat ut conturbaret eas, & diversis modis agebat, ut Flavianum ab Episcopatu depelleret, volens Eutychem quemdam, sui sensus Archi-Mandritam, ad Episcopatum ejus provocare". Porrò Flavianum oderat, quod ei oblatum, cui apud Principem cooperatus fuerat, Episcopatum Xenii postulanti noluisse impartiri pecuniam. Hæ igitur hominum inimicitia speperunt Ecclesiæ scdissimam hæresim, devastatricem totius Orientalis Ecclesiæ. Propter ipsas Eutyches, Dioscorus, Domnus, & plures alii sese munò accusarunt de hæresi, & hæresis tandem erupit. Hæc igitur de causa Eutyches nunquàm voluit ad Dominum provocare.

Quæstio quinta est, Quare Eutyches in S. Flaviani Synodo; dum circa fidem discuteretur, dixerit: "Si præceperint mihi Patres, Romanus & Alexandrinus, dico hoc ipsum? Cur Dioscorum invocaverit pro suo dogmate, est manifestum ex jam dictis. Quæstio est, cur etiam invocaverit S. Leonem? Deinde cur in sua, quam Florentio Patritio ad aures dixit, appellatione adjunxerit Hierosolymitanum Episcopum, ac Thessalonicensem? Respondeo Romanum fuisse invocatum, quod Hæresiarcha sciret circa Christianam fidem nihil posse stabiliri sine Episcopo Romanorum. Hominem insuper animabant humanissimæ, ac nuperrimæ Pontificis ad ipsum literæ. Hierosolymitanum credo invocatum ex arte. Etenim Juvenalis, tunc Episcopus, in Ephesina Synodo, dum suam aliquot Provinciarum, Antiocheno Patriarchatui ablatarum, rapinam firmare studuit, graviter offenderat Antiochenam Ecclesiam: Et licet isthæc fuisset rejectus, permanebat in rapina. Hinc Eutyches ejus animum

esperavit averſum à Domino, idedque ſibi facile inclinandum. An Anaſtaſium Theſſalonicensem invocaverit, eſt incertum. Etiam in hoc articulo videtur per ſuum Monachum fuiſſe mentitus. Hoc fortiter ſuadent adducta ſuperius verba Magnificentiſſimi Florentii: „Turbà factà, & diſſoluto Conventu, Eutyches dixit ad me ſilenter, appellans Romanum, & Egyptium, & Hieroſolymitanum „Concilium“. Quare aut Eutyches non adjunxit Theſſalonicensem, aut Florentius iſta verba non audivit. Certè audita non tacuiſſet.

## CAPUT III.

*Discutiuntur Aſſerta Petri de Marca circa Romanam  
Eutychetiſ appellacionem.*

Cap. 6.



Etrus de Marca in ſeptimo libro, ſicet Romanas appellaciones circa diſciplinæ quaſtiones tentet auferre, volens talia Provincialium Synodorum Judicia eſſe ſuprema, attamen ipſas admittit circa dogmaticas fidei quaſtiones, & adjungit cauſam: „Quoniam conſervatio veræ „Religionis ſpectabat ad Sedem Apoſtolicam Romanæ, hincfactum, ut quotidè Orientales Epiſcopi literas Epiſcopi „Romani in Orientem deferrent, in quibus contineretur eos in „communione fuiſſe receptos, Sedibus ſuis reſtiterentur ab Epiſcopis Catholicis, cujus rei exſtant exempla valdè illuſtria. Non „loquor de Athanaſio, aliſque Orientis Epiſcopis, quorum ſupra „mentionem feci, quoniàm cauſa eorum examinata fuit tanquàm „ad diſciplinam pertineret, tamenſi fatendum eſt habitam quoque „fuiſſe ab Occidentalibus rationem oppreſſionis, quam Epiſcopi illi „patiebantur ob cauſam fidei. De Eutatio Sebaſtено Epiſcopo „loquor, Flaviano, & Theodoreto“. Hos proſitetur ad Apoſtolicam appellaiſſe Sedem, & ſecundùm Canones potuiſſe appellare. Certè Theodoretyſ affirmat etiam Julium Pontificem, dum ſancti Athanaſii & aliorum Orientalium Epiſcoporum appellacionem admittiſſe & executuſ eſt, egiſſe ſecundùm Canones.

Interim præſatus Archi-Epiſcopus pergit: „Locum inter appellaciones ad Epiſcopum Romanum non tribuo ei, quæ ſub nomine

„mine Eutychetis circumfertur post damnationem ejus à Flaviano  
 „et pifcopo Constantinopolitano peractam, tametsi ea vulgò obtru-  
 „datur, quoties controversiæ de caussa Religionis agitantur. No-  
 „him tamen negare, quòd Pontificem Romanum appellaverit, sed  
 „tamen contendendo non ad solum Romanum Pontificem provocasse.  
 „Exemplum hoc variis in locis Replicæ suæ laudat Illustrissimus  
 „Cardinalis Perronius, & appellationem illam Eutychetis probare  
 „se putat autoritate epistolæ S. Leonis ad Flavianum”, Adducit  
 „epistolæ verba, & prosequitur: “Verum quia appellatio illa non  
 „dicitur facta esse ad Apostolicam Sedem, ut probationem impleat  
 „Perronius, addit auctoritatem Flaviani, Leoni respondentis”.  
 „Adducit superius item laudata S. Flaviani verba, & pergit: “Sed  
 „ex verbis illis colligi non potest appellatas non fuisse reliquas  
 „Sedes. Sanè dissimulanda non est veritas. Appellavit enim E-  
 „utyches Synodos, Romanam, Alexandrinam, Hierosolymitanam,  
 „& Thessalonicensem, sed clanculùm, & in aures Patrii Florentii,  
 „post Judicium factum, & post solutam Synodum. Unde colli-  
 „guntur duæ egregiæ regulæ. Prima, causam fidei, cum communis  
 „sit & generalis, judicandam esse à Synodo Ecclesiæ universæ,  
 „præcipuè verò à Romana, quæ omnium prima est. Tum de-  
 „positionem hæretici, quæ sequitur ex decisione fidei, definitivo  
 „Decreto judicandam esse ab omnibus, si nova sit hæresis, nequè  
 „hactenus damnata fuerit ab Ecclesia. Secunda verò regula hæc  
 „est, appellationes factas ad Patriarchas censeret etiam factas ad  
 „eorum Synodos, ut constat ex formula appellationis Eutychetis.  
 „Non appellavit autem ad Synodos Orientis, quod Patriarcha An-  
 „tiochenus subscripsisset sententiæ Flaviani: Et quod plures Me-  
 „tropolitani Diececlion, Asianæ, Ponticæ, & Thracicæ, adessent in  
 „Concilio Constantinopolitano.

An Eutyches ad solum Leonem Pontificem appellaverit, aut non  
 appellaverit, nihil facit ad dignitatem Sedis Apostolicæ. Satis est  
 quod Petrus Archi-Episcopus confiteatur ipsum secundum Ca-  
 nones potuisse appellare. Attamen quædam intermiscet, quæ præ-  
 termittit non possint sine examine. Intermiscet errores. Primus est,  
 quod Illustrissimus Cardinalis Perronius Romanam Eutychetis ap-  
 pellationem non rectè probet ex magni Leonis epistola ad sanctum  
 Flavianum. Etenim Leonis verba sunt lucidissima: “Accepimus  
 libellum Eutychetis Presbyteri, qui se queritur immeritò commu-  
 nione

„nitione privatum“. Quem libellum, nisi appellatorium? Et per ipsum Eutyches omnino postulabat retractatorium Judicium, idèdque sibi restitui sui gradus communionem. Hinc Pontifici misit etiam libellum Eutubii accusatoris, aliaque documenta ad retractationem necessaria. Eadem de causa S. Flaviano mandavit Pontifex, ut Synodalia Acta referret, unaque transmitteret aptam & idoneam personam.

Secundus error est, quod laudatus Cardinalis istam appellationem non rectè etiam probet ex S. Flaviani relatione, & Rescripto ad Pontificem. Etenim S. Flavianus per ea ipsa verba, quibus Eutychetem appellasse negat, appellasse confirmat. Quæstio erat de duplici appellatione. Eutyches se, & quidem per libellum, affirmabat appellasse tempore Constantinopolitani Concilii, statim à data sententia, & jam denuò appellabat. Et denuò mittebat libellum, aliaque necessaria. Primus articulus erat splendidum mendacium: Secundus autem erat clara veritas, patens ad oculos. Proinde hanc posteriorem appellationem nequaquam negavit Flavianus, sed studuit evetere. Per tria principia. Primò per suæ sententiæ transitum in rem judicatam. Secundò per caducum ipsius appellationis subdamentum. Eutyches enim non quasi novam inchodabat appellationem, sed assererat se facere prosecutionem & introductionem illius, quam in ipsa Flaviani Synodo præsens per libellum fecerat, atque ita mendacio destruebat semetipsum. Tertiò per evidentem caducitatem causæ. Flavianus assererat dogma Eutychetis esse manifestam Apollinariæ aut Valentini, in ipso etiam Ephesino Concilio nuperime damnatam hæresim, idèdque ipsi poenitendum esse, non appellandum.

Ex quibus lucet, quod S. Flavianus, licet contra Factum meritò contenderit, omnino tamen agnovit Jus Romanæ appellationis. Nec enim scripsit istam refugii portam nemini patere, sed duxerat quod eam sibi ipsi clausisset Eutyches. Evangelicam istam portam est adeò veneratus, ut etiam ipse postmodò in Ephesino Latrocinio fuerit ingressus, à Dioscori, & omnis istius Factionis violentiâ appellans ad Romanam Ecclesiam. Porro Eutyches ad Florentii Patritii aures fecit istud ipsum adversus iustissimam sententiam, quod adversus Theophili Alexandrini violentias fecit S. Joannes Chrysostomus, „constans paratum se ad diluenda crimina, & ad innocentiam declarandam coram centum, vel mille Episcopis“.

Ita



Ita ipse scripsit ad S. Innocentium Pontificem. Omni homini familiare est, dum manifestam accipit injuriam, provocare ad totum Mundum, vel ad totam Ecclesiam. Ita igitur & Eutyches, sancti Flaviani, cui se æmulum noverat, ideòque & ipsum sibi talem suspicabatur, sententiâ percussus, per subitum impetum appellavit ad generalem totius Ecclesiæ Synodum, excludens tamen Patriarcham Dompum. Isthæc appellandi forma operabatur illum ipsum effectum, quem hodiè operatur appellatio ad quemvis competentem Judicem. Faciebat potestatem eligendi quodvis Tribunal competens. At verò mille Episcopos, aut quamvis generalem Synodum impetrare aut adunare fuit semper summi moliminis. Porro Romanæ Ecclesiæ portus omnibus semper patuit. Hinc S. Joannes Chrysostomus suam appellationem coràm ista sola Sede introduxit, & apud ipsam solam est prosecutus. Istud ipsum fecit Eutyches, atque ita manifestum est, quod Romam appellaverit. Et forsan ex imitatione S. Joannis. Nam omnem istam tragediam propriis oculis conspexerat.

Tertius Petri de Marca error est, quod causa fidei, dum nova est hæresis, judicanda ac definienda sit à Synodis universæ Ecclesiæ. Et quod ab eisdem decernenda sit depositio novi hæretici. Etenim Pauli Samosatensis, Montani, Novatiani, Apollinaris, Joviniani, Heluidii, Priscilliani, Pelagii, & plurium aliorum novos errores ac personas damnavit sola Romana Ecclesiâ. & omnis Christianitas usque hodiè omni cum veneratione acquievit. Quartus error est, quod Eutyphetis hæresis fuerit nova. Etenim S. Flavianus diserte scripsit ab ipso resuscitari Apollinaris hæresim, aut Valentini. Alii crediderunt innovari errorem Manichæi. Delirus enim senex nesciebat quid diceret. Pertinaciter negabat duas naturas; ideòque cogebatur labi in aliquam vetustam hæresim. Eius Sensus inquirere non est hujus loci. Quintus error est, quod ad Patriarcham facta appellatio censeatur facta ad ejusdem Synodum. Etenim cuncti Patriarchæ plurimas appellatas causas retractarunt ac definierunt in Synodo solius suæ Provinciæ. Sunt plurima exempla. Nam & ad retractandam Eutyphetis appellationem magnus Leo ne vel cogitavit convocare omnem Occidentis Ecclesiam. Quis unquam Pontifex ad talem causam evocavit Africanos Episcopos, aut Illyricianos? Quin & tales causas quandòque deciderunt in suo Presbyterio. Sextus error est, quod dum istæ regulæ rectè sta-

tuantur

tuantur ex Facto Eutyctetis. Etenim Eutyches fuit imperitus Monachus, obnoxius parcmiz: "Imperitia est mater audaciæ". Hinc ejus Facta fuerunt inepta ad statuendas regulas. Septimus error est, quod Eutyches non appellaverit ad Orientales Synodos, quoniam Patriarcha Antiochenus subscripsisset sententiz Flaviani. Etenim Dominus isti sententiæ nunquam subscripsit. Nescio quis codex possit circumscripsisse Parisiensem Archi-Episcopum. Octavus error est, quod Asiatica, Pontica, ac Thracica Diceses tunc spectarent, aut unquam spectaverint ad Synodos Orientis. Olim fuerunt Autocephalæ. Porro ad ipsas non provocavit Eutyches, quod eas tunc subjugasset Constantinopolitanus Episcopus, & compulisset ad suam Synodum.

## CAPUT IV.

*Discutiuntur quadam Asserta Reverendi Patris  
Paschasii Quesnelli.*



Paschasius Quesnellus in Dissertatione de causa Eutyctetis ad vigesimam & vigesimam primam sancti Leonis epistolam agit Apologum sui dilectissimi Petri de Marca adversus Joannem David, Profitetur Romanas Orientalium Episcoporum & Clericorum appellationes esse excellentem Apostolicæ Sedis Prærogativam, & adjungit: "Absit ut ego invideam, cujus potius Authoritatem, Eminentiamquæ, sacrosanctis firmatam Canonibus, toto animo tucri ac propugnare velim. Verum ut immota & inconcussa manent fundamenta vera, quibus Apostolici Primatus moles incumbit, sic per se ruere necesse est infirma illa; & fucata argumenta, quibus præpostero quorundam studio fulciri solet, quorum inanitatem quisquis retegere satagit, is profectò non minimam à Sede Apostolica gratiam inierit". Zelosus Apostolicæ Sedis Dilector per Galliam, per Hispaniam, per Africam, per omnem Orientem quærit Romanæ appellationis, adeoque & Romani Primatus exempla, ac fundamenta, & non invenit, nisi infirma

ma, & fucata: Præpostera quorundam studia, inania fulcimenta. Permittat uti verbis sancti Cyrilli ad Patriarcham Nestorium: "Ecce, quid nunc, obsecro, consilii capiam? Namque à tua Pietate con-  
siliium petere compellor". Certè opinabor, quod Reverendus Pater Palschafius Quesnellus istum Primatum non credat.

Hinc enim pergit: "Hoc igitur censeo nihil ex hac utraquè Leonis  
epistola haberi, quo validè comprobetur Romanum Pontificem  
seorsim, ac separatim ab alijs Patriarchis, Majorumquè Dioceseon  
Episcopis, ab Eutychete fuisse appellatum". Istud probat ex  
supra adductis Juliani Coensis, & aliorum Episcoporum testimonijs,  
atquè adjungit: "Etsi autem falsum sit Eutychetem appellasse,  
dum legeretur damnatio, veri tamen aliquid ex ejus mendacio  
eliciamus. Dum enim suggerit Constantino Monacho verba, quæ  
appellationis suæ formulam continerent, non alia suggestisse cre-  
dendus est vir sagacissimus, quàm quibus appellatio concipi solita  
erat". Confirmat Petrum de Marca, qui ex clandestina, ac præ-  
cipitata Eutychetis appellatione vult colligi duas egregias totius Ec-  
clesiæ directivas regulas. Insuper ut Romanam Ecclesiam spoliaret,  
Eutychetem transformat in virum sagacissimum. Verùm longè  
alijs coloribus hominem exhibet S. Leo. In dogmaticis ad S. Fla-  
vianum literis scribit esse "multum imprudentem, nimis imperi-  
tum", lapsum in insipientiam. In literis ad Anastasium Thessalo-  
nicensem Episcopum appellat "imperitissimum senem". In literis  
ad S. Palschasinum Lilybeti Episcopum scribit esse "dementem, &  
hominem stultissimum". Et ecce, ut Romanæ Ecclesiæ Prima-  
tum arietare adjuvet, fucatur in virum sagacissimum. Portò Eu-  
tychetis appellatio fuit duplex, aut certè iterata. Quidquid fuerit,  
imperitus senex omnem & hæresi & mendacio reddidit frivolum  
atquè inutilem.

De ipsa, post variè percutsum Joannem David, Palschafius  
Quesnellus pergit: "Jam verò quod ad S. Flaviani verba attinet,  
& quæ verbis Constantini opponuntur, & in quibus præter  
unum Leonem nullus alius nominatur, ad quem Eutyches ap-  
pellarit, non est operosum respondere. Id enim non aliam ob  
causam factum est, quàm quod solum Leonem tunc alloquere-  
tur, eundemquè solum nominaret Hæresiarcha, cum ad eum  
scriberet", tanquàm per falsitatem mendacii subreperit se sanctis  
Leonis auribus putans, "ut scribit ipse Flavianus ad S. Leonem,

Gggg

Et

„Et quia inter Patriarchas ac Metropolitanos, ad quorum Concilium appellatum esse prædicabat, eminebat sine controversia, idque jure multiplici, S. Leo: Ut qui & Primatum in Ecclesia tenebat, & totius, ad quam appellabatur, Synodi caput erat”.

Respondeo dandam esse rationem, ex qua Eutyches appellationem suam, quam ad tres Patriarchas interjecerat, introduxit coram solo Papa Leone. Nec enim tunc postulavit generalem Synodum, sed cum omnibus suæ appellationis Solemnibus processit ad solum Papam. Etiam S. Flavianus nec de generalis Synodi necessitate, nec de invocatis pluribus Patriarchis, sed intercessit, & excepit de Eutychetis, qui se in ipsa Synodo per libellum provocasse allegaret, dumtaxat mendacio, & manifesta hæresi. Ex his solis principiis prætendit suum Synodale Judicium esse firmum, & non posse concuti. Similiter ipse magnus Leo, post interjectam à suo etiam Tribunali appellationem, assidue ad Imperatorem Theodosium, ad Dominam Pulcheriam, & ad alios Imperij Primates clamavit huic quæstioni non esse necessariam Oecumenicam Synodum, ideòque suam Sedem sufficere. Et ante istam appellationem S. Flavianus ad ipsum scripserat: “Sanctissime Pater, pro consueta fiducia fiducialiter age, secundum quod Sacerdotio competit. Decernere damnationem adversus eum regulariter factam per propria Scripta, dignate. Et confortare nostri Imperatoris fidem. Causa eget, solummodo vestro solatio, atque defensione, quâ debeatis consensu, proprio ad tranquillitatem, & pacem cuncta perducere. Sic hæresis, & turbæ facillimè destruuntur per vestras sacratissimas literas. Res, movebitur & Concilium, quod fieri divulgatur”. Aded Flavianus credebatur Leoni ad istius causæ retractationem non esse opus. Oecumenica Synodo. Profitetur sufficere solum Leonis Sacerdotium. Ab illo supplicabat decerni suum judicium fuisse regulariter factum. Hoc est, confirmari. Certè talia ad ullum Patriarcham nec scripsit, nec scribere potuit. Proindè hæc omnia fundantur non in Eutychetis ad solum Leonem alloquio, sed in Leonis Sacerdotio: In ejus Romano Primatu.

Redeo ad Eutychetem. Cur ipse appellationem, quam ad tres Patriarchas interjecerat, coram solo Leone studuit introducere? Cur, dum Alexandriam accessit, non postulavit causam suam retractari à Dioscero, ac sibi per ipsum reddi communionem? Quare Dioscorus istud non attentavit? Quia noverat Acta sui Decessoris Cyrilli.

Cyrilli, qui grassante Nestorio, & per Dorotheum Martiano-Politanum Episcopum, coram se in plena Synaxi dicentem, "Si quis Mariam Deiparam dixerit, anathema sit", anathematizante omnem Ecclesiam, Constantinopolim scripserat ad nescio quem Amicum: "Quid vetabat & nos quoque vocibus illius contraria scribere, & dicere anathema, Si quis Mariam Deiparam esse negaverit? Verum id hactenus propter illum facere nolui, ne sint qui Episcopum Alexandrinum, Ægyptiamvè Synodum anathematis sententiam in Nestorium tulisse dicant". Quod nempe Alexandrinus Patriarcha nihil potestatis habeat in Thracicam Dioecesim. Exstat epistola in prima parte Ephesini Concilii. Dioseorus item noverat Acta sui Prædecessoris Theophili, qui ad S. Joannem Chrysostrum, suæ causæ cognoscendæ delegatum ab Imperatore Arcadio, scripsit: "Arbitror te non ignorare, quid præcipiant Nicæni Canonēs, sancientes Episcopum non judicare causam citrà terminos suos. Si autem ignoras, discite: Et libellos contra me suscipere desine". Et S. Joannes acquievit. Et eadem exceptione postmodò usus fuit adversùs Theophili Attemptata in Synodo ad Quercum. Ista epistola exstat in Dialogo Palladii Helenopolitani Episcopi cum Theodoro Diacono Romanæ Ecclesiæ. Similiter Eutyches noverat, & suis oculis viderat, quod laudatus Joannes suam ab mille Episcopos interjectam appellationem postmodò introduxerit coram solo Papa Innocentio. Etiam noverat, & viderat Patriarcham Nestorium fuisse damnatum à solo Papa Celestino. Et damnatos ab ipso Clericos ad hunc solum provocasse, & fuisse solemniter, ac plenè reparatos. Noverat Primum Romanæ Ecclesiæ. Noverat & avertissimum Leonis à Nestorio animum. Ad ejus enim, Archidiaconi tunc Romanæ Ecclesiæ, jussu Joannes Cassianus, Constantinopolitanæ olim Ecclesiæ sub S. Joanne Chrysostomo Presbyter, composuerat septem eruditissimos libros contra Nestorium: Et propter ipsos Leo illum, à Semi-Pelagianis avulsum, reddiderat plenæ gratiæ Romanorum Pontificum. Eutyches item non dubitabat de S. Leonis in se benevolentia. Propter nuperas ad se literas. Etiam noverat generalem Synodum esse rem magni moliminis: Faciliorem invocari, quàm impetrari. Hæ igitur sunt rationes, ob quas Eutyches debuit, ac maluit suam appellationem introducere ad Tribunal solius Leonis. Sperabat & se, & Flavianum ab ipso tractandos, quomodò & Nestorium, & damnatos ab ipso Clericos tractari

Cap. 19.

Ggggg 2

tractari viderat à S. Celestino. Porro Romanum Primatum profiteri oportet non verbo & lingua, sed opere & veritate. Quid sibi volunt hæc verba? "Leo eminebat sine controversia. Idque jure multiplici. Tenebat Primatum Ecclesiæ. Erat caput totius „Synodi". Etenim si à Synodis ad Papam appellari non possit, & ipse super eas non habeat potentiam, est Primas & Caput sine autoritate: Primas & Caput solo loco & honore. Et hoc est Dogma Eusebianæ Factionis, Phoriani schismatis, & Marci Anthonii de Dominis.

Paschasius Quesnellus prosequitur: "Licet idem Pontifex totam „ad se causam pertraxisse videatur, cum & de singulis instrui postularet, & de Flaviani silentio conqueritur, non ita tamen est re ipsa. Similiter enim aliorum Episcoporum quilibet, ad cujus sententiam per appellationis libellum provocaretur, & de negotio instrui postulare, & de silentio querelas moveret. Merito ergo „& potiori jure totius Facti rationem ac notitiam volebat sibi Leo deferri. Et quidem primitus: Utpotè Primati, cui de eo cum cæteris, ac præ cæteris decernendum erat, si appellationi locus „dabatur". Quoniam, "inquit ipse Pontifex ad Flavianum", nos qui Sacerdotum Domini matura volumus esse judicia, nihil possumus, incognitis rebus, in cuiusquàm partis præjudicium desinere, priusquàm universa, quæ gesta sunt, veraciter audiamus. "Hæc „verba sunt hominis non sibi uni jus ferendæ sententiæ arrogantis, sed prudentis, oculati, æquissimi que Judicis, qui suum, causâ „incognitâ, temerè nolit conferre suffragium. Sed quid solvendis „hujusmodi argumentis ex ipso Leone petitis tempus refutibus? Non „querimus in hac præsentî causâ, an Leo sibi Prærogativam illam vindicarit, sed utrum de Facto Eutyches appellarit? Et utrum „ad solum Romanum Pontificem? Quod quidem si egisset, ut „actum esse ab eo existimavit S. Leo ex ejus callido mendacique „libello, non esset quod miraremur Eutychetem Romanam Sedem „appellantem à Romano Pontifice ultrò esse susceptum: Præsertim „cum de Nicæna fide agi videretur, cui tam Eutyches ipse, quàm „ejus Accusator, se indivulsè profitebatur inhærere. Romani enim „Præsulis, tanquàm Capitis Episcopalis Coronæ, hæc sunt præcipuæ „partes, ut è prima Cathedra, tanquàm è specula, confirmationi „Canonum invigilet, fideique Catholicæ custodem agat".

Errores varii. Primus est, quod S. Leo totam causam ad se

non.

non pertraxerit. Etenim appellatorio Eutychetis, & accusatorio Eusebii libello, aliisque per Eutychetem adjunctis causæ documentis non contentus Flavianum arguit de non facta relatione, ipsamque jussit mox fieri, & simul transmitti idoneam personam. Utique Responsalem in retractatorio judicio. Secundus error est, quod etiam alii Episcopi potuerint ab Eutychete per appellationis libellum invocari. Etenim doceri velim exemplum, in quo damnatus à sua Synodo Episcopus provocarit non ad Papam, sed ad alium Metropolitam, aut Patriarcham. Exemplum, in quo quis Patriarcha alieni Diocæsani appellationem admiserit, retractarit, definiverit. Tertius error est, quod aliorum Episcoporum quilibet, dum per appellationem invocatur, possit postulare instructionem causæ, ac de relationis silentio movere querelas. Palam hoc demonstrat ipse Hæresiarcha Nestorius, quem Julianus Eclanensis, aliique istius facis per Romanam Ecclesiam degradati, ac extra Italiam proscripti Episcopi invocabant assiduis gemitibus ac fletibus, jurantes se temporibus Christianis pati persecutionem, atque injuriam. Erat Regiæ civitatis Episcopus, idèdque ex officio debebat omnem advenam Episcopum introducere ad Principem, & ante introductionem discutere personam & causam. Proindè habebat aliquid juris, ex quo postularer de Juliano, & affectis instrui. Et tamen literis, per quas à Celestino Pontifice doceri supplicabat, adjunxit: "Rebus ostendimus, quia Fraternali amore negotium, eorum nosse cupimus, non desiderio curiositatis importuna". Et in alia epistola: "Confidera quid pati necesse sit" Regiæ civitatis Episcopum, "si negotium prædictorum virorum nesciat, timeatque, nimis, ne additamentum hæreticorum per ignorantiam faciat. Unde rogo, ut undique studiosum sit sanctæ animæ tuæ donare, notitiam prædictorum virorum, maximè cum literarum sequester, Valerius Cubicularius possit Beatitudini tuæ per se exponere eorū molestias". Non jubet, non exposulat, sed humillimè supplicat, atque clamat nullam sibi posse de relationis silentio esse querelam. Insuper studiosè se purgat de curiositate. Quæ omnia longè fortiori jure cadunt in aliarum, etiam Patriarchalium, Ecclesiarum Episcopos. Etenim Apostolica traditio ad nullam Ecclesiam ab omnibus sub cælo aliis referri jussit, nisi ad solam Romanam. Aliam Hierarchiam in Christi Ecclesia usquè huc non vidimus. Isthec fabella, nisi mea peccata faciant me mente cæcum, omnes Episcopos pa-

iam facit æquales, & nos cogit ad Marcum Anthonium de Dominis.

Quartus error est, quod S. Leo non solus, sed cum cæteris Patriarchis, ac Episcopis debuerit hanc causam retractare, ac definire. Etenim hæsterna tunc, quæ omnis sub cælo comprobavit Ecclesia, S. Celestini Pontificis adversus Nestorium Achaemonitarum demonstrant, & clamant oppositum. Post acceptas Hæresiarchæ Exegesefes, ejusdemque ac item S. Cyrilli de ipso literas, laudatus Pontifex Cyrillo rescripsit: "Quamobrem nostræ Sedis auctoritate adscita, nostræque vice, & loco cum potestate usus, ejusmodi non absquæ requisita severitate sententiam exequeris, Nempè ut nisi decem dierum intervallo, ab hujus nostræ admonitionis die numerandorum, nefariam doctrinam suam conceptis verbis anathematizet, illicò Sanctitas tua illi Ecclesiæ prospiciat". Utiquè procedendo ad creationem novi Episcopi. Notanda sunt verba: "Nostræ Sedis auctoritate. Nostra vice, & loco cum potestate". Celestinus ista fecit ad has Synodales preces S. Cyrilli: "Non priùs Nestorii communionem palàm apertèque deseruimus, quàm hæc ipsa Pietati tuæ indicaremus. Digneris proinde quid hinc sentias perscribere. Quò liquidò nobis constet, an communicare nos cum illo oporteat, an verò ei denunciare, neminem cum eo communicare, qui ejusmodi erroneam doctrinam fovet, ac prædicat. Porro tuæ Integritatis mens, & super hac sententia piissimis, ac Deo devotissimis Macedoniæ Episcopis, necnon totius Orientis Antistitibus perspicuè per literas exponi debet. Ut omnes uno animo in una sententia persistant, rectæque fidei, quæ jam impugnatur, opem ferant". Non agit de judiciali damnatione, sed de sola desertione communionis: Et tam ipse, quàm ejus Synodus tantam Apostolicæ Sedi deferunt reverentiam, ut nec hanc inchoare præsumserint, aut præsumant, nisi ex ejus Judicio. Et spondent non solùm sese, sed insuper Macedoniæ Episcopos, ac omnem Orientis Patriarchatum isti Judicio promptè parituros. Hinc suis literis Papa subjunxit: "Eadem hæc ad sanctos quoque Fratres, & Co-Episcopos nostros, Joannem Antiochenum, Rufum Thessalonicensem, Juvenalem Hierosolymitanum, & Flavianum Philippensem, perscripsimus, quo nostra, iminò Domini nostri JESU-CHRISTI sententia



„sententia pluribus de eo sit manifesta“. Epistola insuper habet hanc subnotationem: „Hæc epistola in Synodo Ephesina lecta „est post depositiones contra epistolam Nestorii factas. Quæ „& relata est in Commentarios“. Utpotè probata per omnem Synodum. Ex quibus patentissimè lucet, quod omnis tunc sub cœlo Ecclesia firmissimè crediderit, ac docuerit Apostolicæ Sedi esse plenam auctoritatem, ex qua possit sola sine generali Synodo damnare novas hæreses, & ipsarum Authores, licet Patriarchas, degradare. Etiam in prima instantia. Quantò magis in retractatorio Judicio? Quare notanda sunt hæc Paschasii Quesnelli verba: „Si appellationi locus dabatur“. Videntur edicere, quod Magnus Leo ne quidem appellationis merita solus discutere, & ipsam admittere potuerit, longè minùs retractare, ac definire. Verùm longè aliud sensit magnus Leo. Discussit, ac definivit omnia per suum Dogmaticum Tomum, quem veneratur omnis sub cœlo Ecclesia. Et quis dicat laudata ejus ad Flavianum verba esse hominis sibi soli non adscribentis jus ferendæ sententiæ? Certè oporteret de istiusmodi nugamentis pudesceri. Porro libenter fateor parùm referre, an Eutyches Romam appellaverit. Paschasius Quesnellus candidè profiteatur istam Romanæ Ecclesiæ dignitatem, & libens tacuero de Eutychete.

Non libet inania verba describere. Adducam sola detegendis erroribus necessaria. Paschasius itaque Quesnellus de facta tandem per sanctum Flavianum ad Pontificem relatione, & transmissis Synodalibus circa Eutychetem Actis plurima loquitur, & querit: „Sed quo fine, quo consilio? An ut relationis necessariæ debitum persolveret? Hoc ex ejus verbis non elucet. Et „quidem etsi hoc in majoribus causis, qualis est causa Hæresiarchæ, novum errorem per Ecclesiam spargentis, præstari „solum esset ab Episcopis, necesse tamen non erat, cum de „aliquo, seu Laico, seu Clerico, non novæ hæresis Authore, „sed antiquæ, jamque proscriptæ Propagatore agebatur, qualis „tunc existimabatur Eutyches, & postmodum etiam à Leone „appellatus est“. Affirmat Flavianum non debuisse referre, ideoque immeritò fuisse à Pontifice reprehensum de negligentia. Eò quod Eutychetis hæresis esset, aut certè tunc crederetur esse antiqua, per Constantinopolitanam Synodum damnata in Apollinario.

Respon-

Respondeo Apostolicam, à Sardicensi Synodo stabilitam, Romanæ Relationis consuetudinem fuisse semper longè aliter intellectam ob omni Ecclesia. Etenim de S. Theodoto, Patriarcha Antiocheno, Pelagianam hæresim jam sæpius damnatam denuò damnante; scribit in Commonitorio super Celestii nomine Marius Mercator: "Pelagius postmodum evidenter deprehensus, insistentibus Accusatoribus, à posteriori Synodo, cui sanctæ memoriæ Theodotus Antiochiæ præsedet Episcopus, atquè detectus, à sanctis quoque & Venerabilibus Hierosolymorum locis est deturbatus. Quod ejusdem sancti Theodoti ad Reverendissimum Urbis Romæ Episcopum, & sanctæ recordationis Praylii Hierosolymitani Episcopi missa Scripta testantur, quorum exemplaria ad documentum habemus in manibus". De eodem Pelagio, ac ejus præsertim discipulo Celestio, ad Nestorium Patriarcham Constantinopolitanum, qui de ipsorum causa rogaverat instrui, rescripsit sanctus Papa Celestinus: "Cur ea, quæ in hos tunc sunt acta, quærentur, cum certum sit illinc ad nos à Catholico tunc Antistite Attico Gestâ directâ"? Pelagiana hæresis erat tunc omninò damnata. Exstat epistola in prima parte Ephesini Concilii. In literis ad Orientales Episcopos sanctus Papa Gelasius multis demonstrat omnes Episcoporum, etiam ob antiquam, ac damnatam hæresim damnationes debere, ac semper debuisse referri Romam, & adjungit: "Quos si à fide integra, communioneque Catholica putaretis errare, ad Apostolicam Sedem, secundum Scita Majorum, & sicut semper factum est, referre debuistis, sicut de Petro Alexandrino, vel de Antiocheno Petro, de Joanne, & Paulo, fecisse monstratur Acacius". Constantinopolitanus Episcopus, qui adhuc Orthodoxus Petri Mogi, & Petri Cnaphci, aliorumque ob jam pridem à Chalcedonensi Synodo damnatam hæresim Episcoporum damnationem retulerat ad Sedem Apostolicam. Secundum Scita Majorum. Et sicut semper fuerat factum. Et in literis ad Dardanix Episcopos laudat, quod idem Catholicus adhuc Acacius omnia Imperatoris Basilisci pro Eutychiana Hæresi tentamina Sedi Apostolicæ retulisset. Et affirmat sic oportuisse. In prioribus literis adjungit rationem: "Cum novæ causæ, & nova rerum facies apparerent". Prior post Theodosiani Codicis appendicem, posterior epistola existat in antiquo Canonum Codice Romanæ Ecclesiæ.

At verò quis nesciat, quod Eutyches Apollinarii erroribus derit novam faciem? Quin immò eructavit nova additamenta, quæ vicinam quidem, diversam tamen fecerunt hæresim ab erroribus Apollinarii. Homo imperitus nescivit quid garriret. Non ipse, sed ejus Sectatores quid simile fecerunt circà Apollinarium, quale quid fecit Nestorius circà Paulum Samosatenum. Eusebius Scholasticus, qui postmodò fuit Dorylæi Episcopus, adversus Nestorium, apertâ jam facie insanientem, Constantinopoli posuit Contestatorium libellum, in quo asseruit, ac demonstrare studuit ipsum per omnia errare cum præfato Paulo. Quod ipsum senserunt plures alii. At verò de Romana S. Celestini adversus Nestorium Synodo scribit ad Joannem Antiochiæ Patriarcham S. Cyrillus Patriarcha Alexandrinus: "Synodus palàm asseruit Nestorium, novam, eamque perversissimam, & à nullo veterum hæreticorum antea unquam excogitatam hæresim esse molitum". Epistola Cap. 21. existat in prima parte Ephesini Concilii. At verò longè major est distantia inter Apollinarium & Eutychetem, quàm sit inter Paulum & Nestorium.

Quidquid sit, non soli novarum hæresion Authores, sed etiam vetustarum, jam extinctarum, Resuscitatores sunt omnino, etiam secundum istam Paschalis Quesnelli caducam regulam, referendi ad Sedem Apostolicam. Porro de Apollinarii Secta scribit in Ecclesiastica Historia Theodoretus: "Antiochiæ Domino Alexandro", L. 5. C. 36. qui Eustatianum, id est, ex Ariana contrà sanctum Patriarcham Eustatium rebellionem natum schisma extinxerat, "vitâ defuncto, Theodorus, continentię velut margarita, Ecclesiæ Præsulatum, obtinuit. Vir mansuetudine insignis, & accuratâ vitæ institutione, egregiè exornatus. Qui Sectam Apollinarem, oratam ut se cum reliquo Christi grege jungeret, cæteris Ecclesiæ Ovibus aggregavit". Eutyches igitur, licet novam forsitan non excitavit, tamen antiquam, plenè sepultam, ac redactam in cineres, resuscitavit ac reformavit hæresim, ideòque ipsum omnis semper Ecclesia numeravit inter Hæresiarchas. Et vix ulla hæresis itâ turbavit & maculavit Ecclesias. S. Anastasius Sinaita rectè affirmat fuisse bestiam deicornem, cujus unumquodquè caput fuit venenosissima hydra.

Quid opus multis? Licet Imperator Theodosius fuerit scientiâ modicus, ejus tamen Secretarii, & publicarum rerum Gestores fuerunt peritissimi. Non solarum legum, sed etiam sacrorum

H h h h h

Capo-

Canonum. Et hi iudicârunt Eutychetis causam referendam Sedi Apostolicæ: Et Dominum suum permoverunt ad referendum. Et ipse S. Leo Flaviano non supplicavit, nec se excusavit de curiositate, uti de Pelagianorum Actis instructionem postulans fecit apud Celestinum Nestorius, sed ex sancti Petri Apostoli privilegio, ac sui Primatus autoritate scripsit: "Facti tui nosse volumus rationem, & usquē ad nostram noticiam eundā deferri". Et iterum: "Fraternitas tua per idoneam maximē, aptamque personam nobis Relatione significet, quid contrā antiquam fidem novitatis emergerit, quod severiori sententia dignum fuerit vindicari". Et rursus: "Quia Dilectio tua de tanta causa nos videt necessariū esse sollicitos, quam plenissimē, & lucidē universa nobis, quod antea facere debuit, indicare festinet". Et in literis ad Imperatorem Theodosium: "Ad Fratrem Flavianum Episcopum literas dedi, quibus mihi displicere cognosceret, quod ea quæ in tanta causa gesta fuerant, etiam nunc silentio reticeret, cum studiosē debuerit primitus nobis eundā referare". Primitus: Statim post Episcopale Judicium. Non dumtaxat ante Principem, sed etiam ante appellantem Eutychetem. Juxtā Canones Sardicenses. Quis non videat hæc esse verba Exarchi ad Subditum? Quis dubitare possit ab eis urgeri Relationis debitum, ac rigidissimam obligationem? Audi causam: "Quoniam nos, qui Sacerdotum Domini matura volumus esse judicia, nihil possumus, incognitis rebus, in eujusquā partis præjudicium definire, priusquā universa, quæ gesta sunt, audiamus". Paschasius Quesnellus commentatur: "Hæc verba sunt hominis non sibi-uni jus omne ferendæ sententiæ arrogantis, sed prudentis, oculati, æquissimique Judicis, qui suum, causā incognitā, temerē nolit conferre suffragium". Nugamenta. Pontifex palam dicit se solum velle audire, judicare, ac definire. Nec enim ad generalem Synodum, in qua Relationem cum suffragii Prærogativa Pontifex habet, sed ad solam Apostolicam Sedem Eutyches tunc appellabat, idēque Pontifex in solo suo Presbyterio, aut certē in sola suæ Provinciæ Synodo poterat causam audire, & definire.

P. Quesnellus pergit: "Fortē scripsit ad Leonem Flavianus eiq; Acta, adversus Eutychem transmissit, ut ab eo confirmationis robur acciperent? At de hoc ne apex quidem conspicitur". Et supra: "Censuitne Flavianus Concilii sui de Eutychē sententiam ad Leonem mittendam, necesse

„necessumvè esse, ut si ab eo comprobaretur, maneret; si repro-  
 „baretur, evanesceret? Nihil certè tale apparet in utraque ejus  
 „epistola. Nihil ab eodem actum legitur, quod huic opinioni  
 „vel minimùm suffragetur”. Et probat hæc ex S. Flaviani epistola:  
 „Gesta, quæ dudùm de Eutyche confecta sunt, misimus ad vestram  
 „Beatitudinem, in quibus cum de talibus convictum, & à Pres-  
 „byterio, & à Monasterii administratione, & à communione nostra  
 „abjecimus, ut Sanctitas vestra cognoscens quæ circa illum acta  
 „sunt, omnibus Episcopis sub Beatitudine vestra degentibus mani-  
 „festare dignetur illius impietatem. Ne nescientes aliqui quid ille  
 „senferit, & de quibus convictus, quasi cum consorte fidei, vel  
 „per literas, vel per aliquod aliud commercium agere videantur”.  
 Et concludit: „Res plana est, nec Interprete indigens. Decre-  
 „toriam quippè noverat Concilii Constantinopolitani, cui præfue-  
 „rat, sententiam, nec operosa inquisitione opus esse, cum decla-  
 „randum tantùm esset, homuncionem istum, impia Apollinaris  
 „& Valentini dogmata, & in Oecumenica jam dudùm Synodo  
 „damnata renovantem, à communione Ecclesiæ, & ministerio esse  
 „segregatum”.

Respondeo dolendum esse, quod Reverendus Pater Palschius  
 Quesnellus in tanti momenti articulo non agat ex fide, sed Lectoris  
 simplicitatem studeat circumscribere. Nisi tamen ipse sit circum-  
 scriptus. Etenim habemus duas S. Flaviani ad magnum Leonem  
 epistolas: Et utraq; est suo tempori assignanda. Posterior, cujus  
 hic verba laudantur, scripta est post retractatum, & confirmatum  
 sancti Flaviani à Pontifice judicium, idèdque confirmationem non  
 supplicat, sed executionem. Supplicat super Eutychetis nomine,  
 & super suo circa ipsum jam confirmato judicio fieri Tractoriam,  
 & dirigi ad omnes Ecclesias Romani Patriarchatus. Prior epi-  
 stola seu Relatio omninò supplicavit confirmationem. Verba sunt  
 plana, & non indigentia Interprete: „Commotus itaque, Sanctissi-  
 „me Pater, in his omnibus, quæ ab Eutyche præsumpta sunt,  
 „& ob ea quæ in nos, & sanctissimam Ecclesiam facta sunt atque  
 „sunt, pro consueta fiducia age fiducialiter, secundum quod Sa-  
 „cerdotio competit, propriamque faciens communem causam,  
 „& sanctarum Ecclesiarum disciplinam, simul decernere damna-  
 „tionem adversus eum regulariter factam & per propria Scripta  
 „dignare. Confortare autem & piissimi nostri Imperatoris fidem.

Hhhhh 2

Causa

„Causa enim indiget solummodò vestro solatio atquè defensione,  
 „quà debeatis consensu proprio ad tranquillitatem & pacem cuncta  
 „perducere. Sic enim hæresis quæ surrexit, & turbæ quæ propter  
 „eam factæ sunt, facillimè destruentur, Deo cooperante, per  
 „vestras sacratissimas literas. Removebitur autem & Concilium,  
 „quod fieri divulgatur”. Quid est communem causam facere  
 propriam, & per propria Scripta decernere Eutychetis damnationem  
 esse factam regulariter? Certè non est aliud, quàm Flaviani  
 Synodum confirmare. Hoc est ex consueta fiducia agere, secundum  
 quod competit Romano Sacerdotio. Hoc est Apostolicæ Sedis  
 solatium atquè defensio. Istas sacratissimas Apostolicæ confirmationis  
 literas Flavianus spondet fore tantæ autoritatis, ut  
 Imperatoris, Eutycheti palàm faventis, fidem confortent, & ab  
 Hæresiarcha divertant; ut Constantinopolitanæ Ecclesiæ reddant  
 priorem tranquillitatem & pacem; ut hæresim & ejus turbas destruant;  
 ut removeant Generale Concilium, quod Hæresiarchæ ferebatur à  
 Principe esse promissum. Et quod S. Leo postulatam confirmationem  
 dederit, demonstrant dogmaticus ejus Tomus, & authenticum  
 testimonium Victoris Episcopi Tonnonensis. Accedit authenticum  
 testimonium Leontii Scholastici Byzantini in libro de Sectis: “Eutyches  
 ab officio remoto, Flavianus ad Leonem Romanum Episcopum de  
 hujus depositione perscribit. Respondet Leo ritè depositionem illam  
 esse factam. Quæ quidem epistola Tomus Leonis appellari solet”.

A. 4.

Imperitus Eutyches per mendacem suam Romanam appellationem  
 speraverat S. Flavianum, & se ab ipso degradatum, tractandos à  
 S. Leone, quomodò Nestorium, ac damnatos ab ipso, ac civitate  
 ejectos Clericos, tractari viderat à S. Pontifice Celestino, adeoque  
 speraverat rescribi ad Flavianum, quod ad Nestorium Celestinus  
 rescripserat: “Audio vim maximam sustinere Clericos Catholicè  
 sentientes, quibus nos communicamus. Lætamur eos præmium  
 confessionis acquirere, sed dolemus quod Episcopo persequente”.  
 At ejus spes lapsa est in contrarium latus. Hinc & ipse vela  
 vertit. Nestorium imitatus provocavit ad Generale Concilium,  
 & suo Dioscoro impetrare studuit istud ipsum, de quo etiam  
 per Nestorium tentato scripsit ad suos in Regia civitate  
 versantes Clericos S. Cyrillus: “Nequè tamen miser ille, licet  
 complures & graves viri ejus operâ nos accusaturi essent, rerum  
 nostrarum

„strarum Judicem fore se speret, quamvis Jure Amphicty<sup>num</sup>  
 „hoc sibi demandari faciat. Nos enim istuc venientes ab ejus  
 „judicio provocabimus, & si Deo placuerit, ipse de suis blasphe-  
 „miis in judicio respondere cogetur“. Facinorosus Eutyches non  
 solummodò S. Flavianum, sed etiam Pontificem Leonem per  
 complures & graves viros apud Imperatoris Theodosii ignaviam  
 curavit accusari, atque ità per Amphictyonum artes extorsit an-  
 tum Pontificem excludi à futuræ Synodi Præsidentia, ac ipsam  
 devolvi in suum Dioscorum. Quæ omnia videns Leo, pro sua  
 consueta fiducia, secundùm quod competeat Romanæ Sedis Sa-  
 cerdotio, fiducialiter egit, & non obstante hæretici appellatione,  
 Flaviani judicium confirmavit. Et hæc fiducià animatus Flavianus  
 exposulavit aliam: Nempè ut Pontifex pro communi jam judicio  
 formaret Tractatoriam, & transmitteret per omnem suum Patriar-  
 charum. Verùm hæc consilia non placuere Pontifici. Haud dubiè  
 ob reverentiam Principis. Ne pravi ministri ipsum arietarent ad  
 sæviendum in Flavianum, sicut antea pro Nestorio circumscriptus  
 sævierat in S. Cyrillum. Leo itaque Flaviano rescriptit rem esse  
 lucidam, ipsum animavit ad aliquid patientiæ, & conclusit: „Si  
 „hi, qui in senectute carnis suæ sunt mente parvuli, deposità im-  
 „peritiæ suæ vanitate resipiscunt, omnique errore damnato fidem  
 „veram singularemque suscipiunt, misericordiæ eisdem benevolen-  
 „tia non negetur, mansuro judicio, quod præcessit, si impietas  
 „merito condemnata in sua pravitate persistit“. Postulatam à  
 Flaviano executionem censuit suspendendam usque ad eventum  
 Synodi. Notanda sunt verba: „Mansuro judicio quod præcessit.  
 „Impietas merito condemnata“. Palàm laudant Flaviani judicium,  
 & ipsum denuò confirmant. Hic est verus causæ decursus, vera  
 Senfa Leonis ac Flaviani.

Paschasii Quesnelli fabula sibi ipsi non cohæret. Lucet ex his ejus  
 verbis: „Jam verò monitus à Leone Flavianus quid extremâ episto-  
 „læ suæ parte responderit, operæ pretium est contemplari. Intellexit  
 „ex ejus verbis ipsum, Eutychetis appellatione cognitâ, novo se exa-  
 „mini, judicioque accingere. Quod omninò superfluum cum agnos-  
 „ceret, hoc ipsum & persuadere satagit Romano Pontifici“. Disertè  
 profitetur, quod magnus Leo ad retractatorium appellationis exa-  
 men ac Judicium se accinxerit. Aut igitur istud ex suæ Sedis pri-  
 vilegio potuit, aut non potuit. Si potuerit, S. Petrus obtinet

causam ; si non potuerit , necesse est ut Paschasius Quesnellus cum Marco Anthonio de Dominis denuò scribat tantum Pontificem fuisse alieni juris perversorem . Certè S. Flaviano nihil tale cecidit in cogitatum . Et ipse Eutyches , iterùm repeto , eà ipsà spe invocavit magnum Leonem , ex qua degradati per Nestorium Clerici nuperimè invocaverant S. Celestinum . Ex spe obtinendi à S. Petri privilegio solutionem injectorum vinculorum .

Paschasius Quesnellus prosequitur : "Flavianus ergò Leonem „monet primò , ne se hominis callidissimi technis , & fraudibus „circumveniri finat . Tum innuit non minùs ardenti zelo adlaborandum esse Romano Pontifici , ut sententia Orientalium Episcoporum plenum sortiatur effectum , quàm si eam ipse tulisset . Cum enim Ecclesiæ , quæ una est , Episcopatus quoque sit unus , qui uni quoque fidei ubiquè invigilet , omnium longè latèque positarum judicia Ecclesiarum sua facere quemque Episcopum debere , probè intelligebat , si nimirum nihil contrà regulam , receptosque Canones perpetratum est . Tertio postulat , ut damnationem Eutychetis omnibus notam faciat suarum partium Sacerdotibus . Quarto , cum ea regulariter & canonicè facta sit , retractationi seu iterato examini locum non esse , causamque egere non novà disceptatione , novoque judicio , sed Pontificis solummodò apud Imperatorem sollicitudine & cohortatione , ne Ecclesiarum pax turbaretur , aut aliquod crearetur ab eo contrà fidem præjudicium , si Eutychis patrocinium , Aulicorum quorundam impulsu , incautus susceperet" . Adducit superiùs à me laudatà è prioribus S. Flaviani literis verba , & commentatur : "Postulat ergò Flavianus Leonis non judicium , sed solatium ; non sententiam , sed literas ; defensionem , non confirmationem ; propria Scripta , non Synodalia Decreta . Quia intorto semel in Eutychem anathemate per Episcopale Judicium , finita causa erat , nisi universale Concilium hujus cognitionem ad se vellet pertrahere , vel ad Occidentale ultrò deferretur ; Quod removendum , in hac occasione rectissimè censebat Constantinopolitanus Antistes" .

Errores varii . Primus est , quod S. Flavianus affirmet Orientalium Episcoporum judiciis debere eundem effectum , qui debetur judiciis Romani Pontificis . Etenim supplicat , ut Leo hanc communem Ecclesiæ ac fidei causam faciat suam ; decernendo Eutychetis



chetis damnationem esse factam regulariter, hoc est, ipsam confirmando. Hac enim viâ Synodales aliorum sententias Romana Ecclesia facit suas. Secundus est, quod per omnem, quæ una est, Ecclesiam Episcopatus sit unus, ideòque quilibet Episcopus omnium Synodorum judicia debeat facere sua, si nimirum nihil contrà Ecclesiasticam Regulam, receptosque Canones sit perpetratum. Est dolosus articulus. Et possit esse verus. In sensu, quem magnus Gregorius tradit in litteris ad Joannem Syracusæ Episcopum : "Quod Clementius", Byzacenæ Provinciæ Primas, Lib. 7. "se dicit Sedi Apostolicæ subjeci, si qua culpa in Episcopis invenitur, nescio quis ei Episcopus subiectus non sit ; cum verò Indict. 2. „culpa non exigit, omnes secundum humilitatis rationem æquales Epist. 65. „sunt". Eadem est ratio Synodorum. Dum nihil contrà Ecclesiasticam regulam perpetrant, sunt inconcussæ ; dum autem de vero aut dubio accusantur excessu, opus est retractatorio examine, quod per Divinas ac humanas leges ipsa natura dictat non faciendum, nisi à superiori autoritate. Hanc Christus Dominus non in sola Generali Synodo posuit, sed præsertim in Ecclesia Romana, Apostoli posuerunt etiam in Patriarchis. Quoad proprias ipsorum Dioceses. Quare Paschasius Quæsnellus, dum Provinciarum Synodos vult esse supremas, non solam Papalem, sed invadit Patriarchalem etiam potestatem. Excedit Eusebium Nicomediensem, ac facinorosum Photium, & se transfert ad Marcum Anthonium de Dominis.

Ad ravim inclamat, ac inculcat S. Cyprianum, scribentem in libro de unitate Ecclesiæ : "Beatus Apostolus Paulus Sacramentum unitatis ostendit dicens" ; Unum corpus, & unus Spiritus, una spes vocationis nostræ, unus Dominus, una fides, unum Baptisma, unus Deus. "Quam unitatem firmiter tenere, & vindicare, debemus, maximè Episcopi, qui in Ecclesia præsidemus, ut Episcopatum quoque ipsum unum atque indivisum probemus. Nemo „Fraternitatem mendacio fallat, nemo fidei veritatem perfidâ „varicatione corrumpat. Episcopatus unus est, cujus à singulis in solidum pars tenetur". Audienda sunt verba : "Nemo Fraternitatem mendacio fallat", Utique mendacio prævaricationis. Etenim Cyprianus adjungit : "Loquitur Dominus ad Petrum", Ego tibi dico, quia tu es Petrus, & super hanc Petram ædificabo Ecclesiam meam, "Et iterum eidem post resurrectionem dicit" :

Pasce

Pasce oves meas. "Superillum unum ædificat Ecclesiam, & illi  
 „pascendas mandat oves suas. Et quamvis Apostolis omnibus post  
 „resurrectionem suam tribuat parem potestatem, & dicat", Sicut  
 „misit me Pater, & ego mitto vos, "tamen ut unitatem manife-  
 „staret, unicam Cathedram constituit, & unitatis ejusdem origi-  
 „nem ab uno incipientem sua autoritate disposuit. Hoc erant  
 „utiquè & cæteri Apostoli, quod fuit Petrus, pari consortio præ-  
 „diti & honoris & potestatis, sed exordium ab unitate proficisci-  
 „tur. Primatus Petro datur, ut una Christi Ecclesia, & Cathedra  
 „una monstretur. Et Pastores sunt omnes, sed grex unus osten-  
 „ditur, qui ab Apostolis omnibus unanimi consensione pascatur".  
 Et infra: "Episcopatus unus est, cujus à singulis in solidum pars  
 „tenetur. Ecclesia quoque una est, quæ in multitudinem latius  
 „incremento fecunditatis extenditur. Quomodo Solis multi radii,  
 „sed lumen unum. Et rami arboris multi, sed robur unum tenaci  
 „radice fundatum. Et cum de fonte uno rivi plurimi defluunt,  
 „numerositas licet diffusa videatur exundantis copię largitate, uni-  
 „tas ramen servatur in origine. Avellæ radium Solis à corpore,  
 „divisionem lucis unitas non capit. Ab arbore frange ramum,  
 „fractus germinare non poterit. A fonte præcide rivum, præcisus  
 „arefcit. Sic & Ecclesia Domini luce perfusa per Orbem totum  
 „radios suos porrigit, unum tamen lumen est, quod ubiquè dif-  
 „funditur, nec unitas corporis separatur. Ramos suos in univer-  
 „sam terram copia ubertatis extendit, profluentes largiter rivos  
 „expandit, unum tamen caput est, & origo una, & una mater,  
 „fecunditatis successibus copiosa". Omnes Episcopatus, omnes  
 Episcopales Cathedras, omnesque Ecclesias affirmat esse unum  
 unitate originis ac radicis: Ad modum radiorum, ramorum, ac  
 rivorum. Et istam originem atque radicem esse Episcopatum,  
 Cathedram, atque Ecclesiam S. Apostoli Petri. Ipsam profiteretur  
 in omnes Episcopatus, Cathedras, atque Ecclesias influere ad istum  
 modum, quo Sol in radios, radix in ramos, fons influit in rivos.  
 Tradit regulam, quam in funebri Fratris sui Satyri encomio  
 laudat S. Ambrosius: "Qui Romanæ Ecclesiæ non communicat,  
 „non est Catholicus". Eandem regulam S. Gregorius septimus  
 inseruit suo Dictatui. Hanc doctrinam sanctus Cyprianus tradit in  
 pluribus locis.

Tertius error est, quod S. Flavianus statim à S. Leone pos-  
 tulaverit,

fulaverit, ut damnationem Eutychetis notam faceret omnibus suarum partium Sacerdotibus. Etenim istud non postulavit, nisi post factam damnationis retractationem, & datam confirmationem. Omnia confundere non est levis error. Quartus est, quod S. Flavianus S. Leoni scripserit suum de Eutychē iudicium fuisse regulariter factum, ideoque locum non esse retractationi, novæ disceptationi, aut novo iudicio. Etenim Flavianus rogavit Pontificem, ut factam à se damnationem dignaretur per propria Scripta & sacratissimas literas decernere factam esse regulariter, quod Leo præstare non poterat sine retractatione, novæque disceptatione, ac novo iudicio. Quintus est, quod per Pontificem Princeps esset hortandus, ne Eutychetis Patrocinium incautus susciperet. Etenim Princeps jam istud susceperat, & scriptis ad Pontificem literis jam adjuverat mendacem Hæresiarchæ appellationem. Longè igitur aliud Flavianus scribit. Rogat confirmari suum Synodale iudicium, & spondet fore, ut ista confirmatio Principem ab Hæresiarcha divertat ac separet. Sextus est, quod laudata Flaviani verba pessimè interpretetur, scribens illum postulasse non iudicium, sed solatium; non sententiam, sed literas; defensionem, non confirmationem; propria Scripta; non Synodalia Decreta. Etenim Flavianus postulabat non suæ personæ, sed Ecclesiasticæ causæ solatium ac defensionem, quâ Pontifex omnia per suæ Sedis auctoritatem perduceret ad tranquillitatem ac pacem. Postulabat sacratissimas literas, quarum auctoritas & novam hæresim, & factas ob eam turbas destrueret. Postulabat Scripta, quibus Pontifex dignaretur decernere Eutychetis damnationem esse factam regulariter. Scripta, quorum pondere removeretur etiam iactatum Concilium. Et impetravit Dogmaticum Magni Leonis Tomum. Dixi satis. Quis non videat ista omnia esse factæ Synodi confirmationem?

Septimus error est, quod quodvis Episcopale iudicium finiat controversam fidei causam, nisi universale Concilium velit illius cognitionem ad se pertrahere. Etenim Carthaginensis sub S. Cypriano, Iconiensis sub S. Firmiliano, & plurium aliarum de hæreticorum Baptismo Synodorum cognitionem nulla ad se retraxit generalis Synodus, & tamen illæ non finierunt causam:

Propter intercessionem solius Sedis Apostolicæ. Eadem est ratio Ephesinæ Synodi, quam circa Paschalis festivitatis diem celebravit Asiaticæ Ecclesiæ Exarchus Polycrates. Quin immò Carthaginensem Primatis Agrippini Synodum nec Apostolica Sedes cognoscendam voluit, sed transiit sine quovis obice. Et tamen abest, ut causam finierit. Plurima sunt istiusmodi exempla. Et ad tales Synodorum excessus frænandos Apostolicus Canon sanxit omnia quorumvis Conciliorum Sancita referri ad Sedem Apostolicam. Quocirca hic error evertit fundamentalem Ecclesiæ disciplinam, quæ etiam Patriarchales Synodos vetat sine tali relatione circa fidem definire. Ex ipsa ad Eutychetem rescripsit S. Petrus Chrysologus, Metropoli Ravennæ: "In omnibus hortamur te, Frater honorabilis, ut his, quæ à Beatissimo Papa Romanæ civitatis scripta sunt, obedienter attendas, quoniam Beatus Petrus, qui in propria Sede & vivit & præsidet, præstat querentibus fidei veritatem. Nos enim pro studio fidei & pacis, extra consensum Romanæ civitatis Episcopi, causas fidei audire non possumus". Non Flavianum, aut ejus Synodum, sed solum mandat audiri Leonem. Nempè quod Flaviani, Romanâ Eutychetis appellatione excussum, judicium confirmasset S. Leo, & suum fecisset. Petrus Chrysologus fuerat S. Flaviano responsurus eadem, si in Paschali Quenelli vias declinasset.

Octavus error est in his verbis: "Vel ad Occidentale ultro deferretur". Affirmat Provincialia, ut quævis alia Orientium, Synodorum Judicia potuissent per ultroneam submissionem deferri ad Romanum Tribunal, sed per Canones non debuissent. Ne quidem ad judicium totius Occidentis. Est ipsissima Eusebianæ Factionis schismatica contumacia. Etenim apud Philippo-Politanum Conventiculum hæc fuit S. Julii Pontificis, & Occidentalium cum ipso Episcoporum prævaricatio: "Novam legem introducere putaverunt, ut Orientales Episcopi ab Occidentalibus judicarentur". At longè aliud sensit S. Cyrillus Patriarcha Alexandrinus. Etenim de S. Celestini Pontificis, qui Hæresiarcham Nestorium, nisi intra decem dies tolemnem in pleno Ecclesiæ Conventu cantaret erroris palinodiam, communionem & gradu privaverat, Synodali ex solis advenis Episcopis iudicio scriptæ ad Joannem Patriarcham Antiochenum: "Sancta Romana Synodus disertam in illum sententiam tulit. Qua de

re &

re & ad tuam quoque Pietatem perſcripſit. Horum proinde Decreto modis omnibus parendum eſt illis, qui à totius Occidentis communione excidere noluerint. Scripſerunt namque expoſitæ ſententiæ exempla, cum ad Ruſum piſſimum Theſſalonicæ Episcopum, tum ad alios quoque nonnullos Religiſſimos Macedoniæ Episcopos, qui ab illius, Romani Pontificis, ſententiâ nunquàm diſcedere ſolent. Scripſerunt nihilo ſecius & ad Juvenalem quoque piſſimum Hieroſolymorum Episcopum. Jam tuæ Pietatis fuerit, quid in rem futurum ſit, diligenter expendere. Nos enim ſequemur, quæ illi iudicaverunt. Veremur namque, ne à tantorum communione excidamus. Nestorius fuerat Joannis Presbyter ac dilectus filius, ex ejus Eccleſia evocatus ad Cathedram Conſtantinopolitanam. Hinc ſiniſtri aliquid Cyrillus ab ipſo metuebat. At ſine eventu. Etenim Joannes Romanæ ſententiæ promptiſſimus obedivit, & Nestorionum potenter urſit ad obediendum. Etiam Juvenalis Hieroſolymæ Episcopus, omniſque ejus Patriarchatus. Hæc eſt antiqua & Apoſtolica circà Romanæ Cathedræ Primatum fides, à nemine unquam excuſſa, niſi à damnatis Erroribus.

## CAPUT V.

*Diſcutiuntur alia Aſſerta Paſchaſii Queſnellii.*



Paschasius Queſnellus pertinaciter perſiſtit Eutychetem nunquàm ad S. Leonem, ſed provocâſſe ad plenam Generalem Synodum, & conatur evincere: "De congreganda tamen hujusmodi Synodo jam tunc cogitabatur. Unde certiffimè evincitur Orientales de Occidentali ore tunc temporis non pependiſſe. Vel enim ante monitum, conſultumque Leonem de Eutychidis damnatione iſtud conſilium fuit initum: Et ſic perſpicuum eſt ad ejus ſententiam revocatum non fuiſſe Flaviani Judicium, cum omiſſo illius Tribunali, aliud ſuperius pararetur. Vel poſt datas ad eum literas, receptumque ejus conſenſum, conſeptum eſt univerſalis Synodi conſilium: Quod evidentius adhuc

„adhuc ostendit etiam post Leonis consensum necessariam Syn-  
 „nodum existimatam esse, ut priorum Judiciorum sententia re-  
 „censeretur, ac, si opus esset, reformaretur. Vel denique de-  
 „cernendæ Synodo ex solius appellationis Eutychis libello, seu  
 „vero, seu mendaci, color quæsitus est: Quod evincit certum  
 „apud Orientales fuisse, Eutychis appellationem non ad unum  
 „Romæ Episcopum esse devolutam, sed ad cæteros quoquæ Pa-  
 „triarchas, eorumque Synodos in universale Concilium con-  
 „vocandas”.

Respondeo verum esse, quod Eutyches statim à sua Romana  
 appellatione cogitaverit de generali Synodo. Et forsitan ante  
 ipsam. Etenim ante inchoatam Synodaliū sub S. Flaviano Acto-  
 rum revisionem jam impetraverat talem à Principe Synodum.  
 Superbus ac delirus senex fuit imitatus Nestorium, de quo S.  
 Cyrillus ad præfatum Patriarcham Joannem: “Consulueram  
 „Nestorio per literas, ut pravis illis, perversisque quæstioni-  
 „bus dimissis, sanctorum Patrum fidem sectaretur. Verum  
 „ratus hæc me ex odio scripsisse, tantum abfuit, ut ullam  
 „omnino illius rationem habuerit, qui hæc ex charitate ad pic-  
 „tatem ejus perscripserat, ut ita sentiens, & ita dicens, in Ro-  
 „manorum quoque aures insinuare se posse, easque præoccu-  
 „pare speraret. Etenim prolixâ epistolâ quædam absurda dog-  
 „mata complexus, eaque ad Dominum meum Celestinum, püssi-  
 „mum Romanæ Ecclesiæ Episcopum missâ, inter cætera adver-  
 „sum illos, qui ab eo dissentiunt, hæc quoquæ adjecit”, &c.  
 Statim ac audiit Cyrillum in sua dogmata agere, suas Exege-  
 ses cum epistolis misit ad Sedem Apostolicam, quasi certus ea pla-  
 citura, & conquerens Cyrillum adversus ea ex odio agere. Rei  
 series habetur in exordio Ephesini Concilii. Eodem modo Eu-  
 tyches clamavit Flavianum moveri ex odio, & ad S. Leonem  
 appellando, & Sanctissimum suum Episcopum accusando, spe-  
 ravit Apostolicas aures præoccupare. Insuper tamen minatus est,  
 si Romanum tentamen non succederet, provocare ad Generalem  
 Synodum, & ipsam ab amico sibi Principe postulare. Immo  
 videtur utrumquæ simul egisse. Ità non obscure colligitur ex  
 præfata revisione Constantinopolitanæ contra ipsum Synodi.  
 Hinc statim post appellationem abiit Alexandriam, consultatu-  
 rus cum suo fidei Dioscoro. Hinc item S. Flavianus in prima  
 sua

ad S. Leonem relatione scripsit jam divulgatam esse famam de futuro Concilio.

Huic veritati Paschasius Quesnellus admiscet varios errores. Primus est, quod ex sparsa futuri Concilii fama certissime evincatur Orientales tunc non pependisse ab ore Occidentalium. Etenim contrarium certissime evincit totius Orientis plenissima reverentia erga sententiam, quam sanctus Celestinus Pontifex ex sola suæ Sedis autoritate pronuntiavit, & per omnes Orientis Ecclesias publicari iussit in Hæresiarcham Nestorium. Aliam sententiam insuper, quam pro damnatis à Nestorio, & civitate ejectis, ac suam Sedem appellantibus, Clericis & Episcopis tulerat, ipse Pontifex laudat in literis ad Clerum & Populum Constantinopolinam: "Ne tamen ad tempus Nestorii videatur valere, sententia, qui in se jam Divinam sententiam provocarat, aperte Sedis nostræ sanxit autoritas nullum, sive Episcopum, sive Clericum, sive professione aliquâ Christianum, qui à Nestorio vel ejus similibus, ex quo talia prædicare cœperunt, vel loco suo, vel communione dejecti sunt, vel dejectum, vel excommunicatum videri, sed hi omnes in nostra comunione & fuerunt, & licet usque perdurant. Quia neminem vel deicere, vel remove poterat, qui prædicans talia titubabat". Et supra: "Habetis vos, quicumque Ecclesiâ estis ejecti, penè nostrorum temporum Beatæ recordationis Athanasii, Alexandrinæ Ecclesiæ prudentissimi Sacerdotis, exemplum". Compendio enumerat S. Athanasii calamitates, & pergit: "Fugatus illinc & in nostris partibus roboratus est. Denique hic ei redintegratus est status, & in hac Sede quietem communionis invenit, à qua semper Catholicis subvenitur". Et hanc etiam Celestini sententiam totus Oriens est cum summa obedientia veneratus. Quare Paschasius Quesnellus certissime non solum errat, sed etiam Orientalem Ecclesiam horrendè calumniatur. Ejus Eusebianum schisma calumniosè affricat, sperans ipsum ita intrudere etiam in Gallicanam Ecclesiam. Non ista dumtaxat omnia, sed etiam validos Romanæ Ecclesiæ pro Thessalonicensi Oecumenica Synodo ad S. Joannem Chrysostomum reparandum conatus & motus, nec non ejus jam defuncti plenissimam à Sede Apostolica peractam reparationem Eutyches viderat propriis oculis, ideòque noverat S. Petri Apostoli dignitates, & privilegium Romanæ Ecclesiæ.

Viderat & noverat Orientales pendere ab ore Occidentalium. Hinc istud privilegium ante omnia censuit appellatione tenendum.

Tertius error est in his verbis: "Velenim ante monitum, consulitque Leonem", &c. Etenim bicornè enthymema non habet adæquata membra, & ex ipsorum neutro sequitur intentum. Eutychetis ad generalem Synodum provocatio nec ante monitum & consultum de illius damnatione Pontificem fuit acta, nec post datas ad eum literas, & receptum ejus consensum: Facta fuit statim post Romanam ejusdem Hæresiarchæ appellationem, dum impius senex audivit aut timuit nutare Pontificem, & propendere in stabilitam à Flaviani Synodo veritatem. Duxit non expectandam Romanam suæ damnationis confirmationem, sed ulteriori potius appellatione præveniendam. Et hoc nequaquam "ostendit, etiam post Leonis consensum fuisse existimatam necessariam Synodum". Etenim consensus Papæ semper quidem ostendit Synodum esse utilem, non tamen semper necessariam. Quin immò in Synodum, quam nequè necessariam, neque utilem judicat, possit Pontifex ex causis consentire. Non cogor extranea exempla querere: Magnus Leo in Ephesinam Synodum, quam Imperator Theodosius ad Eutychetis gratiam fieri jubebat, consensit invitus, proclamans nec necessariam esse, nec profuturam. Et eventus demonstravit protestationis veritatem. Attamen non nego generalium Synodorum necessitatem. Profiteor quibusdam casibus non solummodò expedire, sed insuper necessarias. Dumtaxat affirmo per ipsarum necessitatem non everti aut mutilari dignitatem Sedis Apostolicæ. Porro si ante S. Leonem monitum & invocatum Eutyches invocasset Generalem Synodum, perspicuum est quod causa ad ipsum non fuisset devoluta. Potuisset tamen Eutyches ab ista appellatione recedere, & converti ad solam Romanam Ecclesiam. Et quidem si ad Florentii Patritii aures Generalem Synodum invocârit, ità omninò fecit. Et à Pontifice rursus se convertit ad Synodum. Arista omni vento agitata.

Quartus error est in his verbis: "Vel deniquè decernendæ Synodo, ex solius appellationis Eutychis libello", &c. Etenim factam ad Florentii Patritii aures appellationem Eutyches non coràm Generali Synodo, sed coràm solo Papa Leone studuit introducere, ideòque hujus virtute non potuit Generalem Synodum prætereundum. Proinde Ephesini



Ephesini Latrocinii originem supra audivimus à Liberato Diacono. Exponit Romanam Eutychetis appellationem, ejusdem libellos Contestatorios, S. Flaviani à Principe compulsionem ad se purgandum de Nestorio, atque profecquitur: "Eutyches petit Dioscorum Alexandrinum Episcopum, ut quærat quæ de illo acta sunt, & causam examinaret. Agebat apud Principem universalem Synodum fieri, ut probaretur", id est, discuteretur, "judicium Flaviani. Scripsit Cap. 12. ergò Dioscorus Theodosio Imperatori, quia aliam fieri Synodum Generalem oportet. Et ut fieret, persuasit Eutyches". Confirmat Prosper Tyro: "Eutyches, fidens amicitia Regiæ, & Aulicorum favore, ab universali Synodo se poposcit audiri, annuente Imperatore Theodosio, qui ob hujus causæ retractationem omnes Episcopos jussit Ephesum convenire". Eadem scribunt Sanctus Theophanes, ac Anastasius Bibliothecarius. Leontius Scholasticus Byzantinus in libro de Sectis loquitur lucidiùs: "Eutyches ab officio Act. 4. remoto, Flavianus ad Leonem Romanum Episcopum de hominis depositione perscribit. Respondet Leo ritè depositionem illam esse factam. Quæquidem epistola Tomus Leonis appellari solet. Eutyches autem ab officio remotus Imperatorem adire crebrò, sibi que factam à Flaviano injuriam dicere. Quapropter Imperator Theodosius Generale Concilium Ephesi coire jubet, in quo cognosceretur, rectène Flavianus Eutychetem deposuisset, an non. Universam verò causæ cognitionem Dioscoro Episcopo Alexandrino mandat". Itaque Eutyches, videns Romanam appellationem non succedere, sed Leonem in adversa inclinari, ad Dioscorum abiit. & communi isthuc consilio conclusum est deferri appellationem istam, & urgeri aliam ad Generale Concilium.

Nec ibi stetit istorum, qui jam pridem cornua conjunxerant, taurorum iniquitas. Etiam magnum Leonem sanxerunt infamandum de Nestorianæ Hæresis Patrocinio, atque ita excludendum à postulandæ Synodi Præsentia, quæ tunc suo jure cadebat in Patriarcham Alexandriæ. Et ipsorum rationes cogebant ad istam temeritatem. Etenim adversum Romani Episcopi judicia, aut sanctiones interjecta appellatio devolvit solummodò, nec ipsum excludit à retractatorii examinis Præsentia: Hinc quò excluderetur, omninò erat accusandus de hæresi. Et consilium successit. Omnia Postulata fuerunt impetrata. Leontius videtur asserere, quod Eutyches non nisi post S. Flaviani confirmatam à S. Leone Synodum appella-

appellaverit ad Generale Concilium, Compendio loquitur, ideòque est benignè intelligendus. Etenim magnus Leo in ipso suo Dogmatico Tomo, quo istam confirmat Synodum, laudat suos ad Ephesinum Concilium Legatos, & affirmat jam directos. Proinde clarum est Entychem ante datam, & adversùs dandam confirmationem appellasse. At magni Leonis constantia sprevit ista terribulamenta. Hæc est radix & modus Eutychianæ provocationis ad Generale Concilium.

- Quintus error est in his verbis: "Quod evincit certum apud Orientales fuisse", &c. Continent duplicem errorem. Primus est, quod Orientales Episcopi Ephesinum Latrocinium crediderint provenisse ex clandestina Eutychetis appellatione ad aures Patritii Florentii. Etenim istud Hæresiarchæ tentamen omnes habuerunt pro suo nullius ponderis. Istorum Patrum de hoc articulo sensum suprâ exposui. Alter in adductis verbis error est, quod Orientales Episcopi ad finiendas Eutychetis lites crediderint necessariam Generalem Synodum. Etenim de hac Ephesina Synodo ad Ireneum Tyri Archi-Episcopum scripsit Theodoretus Episcopus Cyrensis:
- Epist. 16.** "Non est, ut apparet, quod boni quidquàm exspectemus. Non modò enim non sedatur Ecclesiæ procella, sed fastigiatur, ut ita dicam, & in cacumen attollitur. Venerunt autem & qui Synodum convocârunt, & evocatorias literas tum aliis quibusdam Metropolitanis, tum nostro reddiderunt. Literarum porrò exemplar ad te misi, ut cognoscas malum malo, quod ait Poëta, confirmatum esse, solâquè nobis opus esse Divinâ bonitate, ut sedet tempestatem. Facile namque hoc illi est, sed nos tranquillitate sumus indigni". Eadem de Synodo Theodoretus scripsit ad
- Epist. 112.** Domnum Antiochiæ Patriarcham: "Cessâsse tristitia speravimus, cum indicâssent nobis quidam extinctam esse victoris Imperatoris pusillanimitatem, factamque inter ipsum & Deo carissimum Episcopum reconciliationem, ac Synodi quidem convocationem deesse, Ecclesiarum verò pacem rediisse. Sed quæ modò à sanctitate Tua scripta sunt, graviter nos contristârunt. Nihil enim boni ex jactata Synodo exspectare licet, nisi misericors Dominus, solitâ utens providentiâ, turbulentorum Dæmonum machinas destruat". Per turbulentos Dæmones omninò intelligit Dioscorum & Eutychetem, qui sanctum Flavianum de variis, præsertim de Nestoriana hæresi, accusando, Imperatoris Theodosii animum ab ipso

ipso divulserant, atque ita impetraverant Ephesinam Synodum, quæ gravissima vulnera toti Ecclesiæ minabatur. Et non ex sui solius, sed etiam ex Domni sui Patriarchæ, ac omnium Orientalium Collegarum judicio Theodoretus ista scripsit. Ad damnandam, ac sepiendam Eutychetis impietatem cuncti censebant sufficere S. Flaviani Synodum, confirmatam à Romana Ecclesia. Sufficere Tomum S. Leonis. Hoc postmodò omnes non solius Orientis, sed totius Ecclesiæ Episcopi solemnissimè fuerunt professi in Chalcedonenſi Synodo, ad lectum Tomum una voce exclamantes: "Hæc Patrum fides, hæc Apostolorum fides. Omnes ita credimus, Orthodoxi ita credunt. Anathema ei, qui non ita credit. Petrus, per Leonem ita locutus est. Apostoli ita docuerunt. Piè & verè, Leo docuit. Cyrillus ita docuit. Leo & Cyrillus similiter docuerunt. Anathema ei, qui sic non credit. Hæc vera fides. Catholicici ita sapimus. Hæc Patrum fides. Hæc in Epheso cur, lecta non sunt? Hæc Dioscorus occultavit". Lucidè professi sunt ad damnandas Eutychetis blasphemias nec Ephesinum Latrocinium, nec Chalcedonenſe Concilium fuisse necessarium, sed solum Leonis Tomum per omnia suffecisse. Quod ipsum omnis Oriens nuperrimè adversus Nestorium senserat circa literas, & Decreta S. Pontificis Celestini.

Paschasius Queſnellus prosequitur: "Ex consensu autem Leonis, requisito ne quis cavillandi anſam arripiat, nemo est qui nesciat, à summo etiam Pontifice aliorum Episcoporum consensum requiri, solitum fuisse similibus in caussis. Sicut ab ipso Leone factum, est post Ephesinum Latrocinium, literis ob eam rationem in, universum penè Orbem directis". Est obscurus sermo. Videtur persistere in errore, qui Eutychianæ blasphemix quæstiones cenſet non à solo Pontifice potuisse, sed debuisse definiri à Generali Synodo. Videtur ipsum stabilire ex quorundam Romanorum Pontificum exemplo, qui ad similes definitiones postulârunt consensum, ac instructionem ab aliis Episcopis. Affirmat istud ipsum factum à magno Leone in Eutychetis caussa, idèque etiam ipsum fuisse confesſum suæ Sedi non esse istam auctoritatem.

Est manifestus error. Etenim Pontifices isti non definiendi consensum, aut facultatem petierunt, sed fecerunt quod à S. Bonifacio Pontifice circa Pelagianas controversias fuisse factum scribit in libro contra Collatorem S. Prosper: "Sanctæ memoriæ Papa Bonifacius, Cap. 41.

K k k k k

cum

„cum esset doctissimus, adversum libros tamen Pelagianorum  
 „Beati Augustini Episcopi Responsa poscebat”. Romanus Pon-  
 tificex, uti hodiè suos Theologos adhibet & Qualificatores, ità olim  
 dogmaticas quæstiones decidurus consulebat doctiores Synodos,  
 aut clariore Episcopos. Attamen Bonifacius non ad definiendum,  
 sed ad factas à suis Antecessoribus definitiones contra nova Pela-  
 gianorum machinamenta & argumenta defendendas, postulavit  
 Responsa S. Augustini. Hoc ipsum fecit magnus Leo. Dogmati-  
 cum suum Tomum, quo S. Flaviani Synodum, ac ejus de Euty-  
 chete judicium confirmavit, miserat Ephesum, ipsum ibi esse  
 volens Prærogativam sui suffragii. At ipsum nec audiri vel legi  
 sustinuit Dioclorus, & omnis Eutyariana Factio non desit ipsum  
 de Nestorio infamare. Leo interim firmus erat se in ipso non  
 recessisse à confessione sanctorum Patrum. Hinc ipsum denuò voluit  
 in Chalcedonensi Synodo esse suum suffragium. Porro suam Patriar-  
 chalem Synodum congregare non permittebat ratio temporum.  
 Quare consulendas duxit principales sui Patriarchatus Synodos:  
 Præsertim viciniore, Mediolanensem, & Gallicanam. Eis trans-  
 misit suum Tomum, & jussit examinari. Tunc etiam ab ipso  
 factum putatur, quod in Prato spirituali scribit S. Sophronius

Cap. 147. Patriarcha Hierosolymitanus: “Habetur scriptum in Ecclesia Ro-  
 „mana de Sanctissimo ac Beatissimo Leone Pontifice, quod cum  
 „scripsisset epistolam ad S. Flavianum Constantinopolitanum Epi-  
 „scopum contra impios Eutychem ac Nestorium, posuerit eam  
 „super tumulum Principis Apostolorum Petri, & orationibus, ac  
 „vigiliis, & jejniis vacans, oraverit ipsum summum Apostolum,  
 „dicens; Si quid ut homo vel minus cautè posui, vel etiam omisi,  
 „tu cui à Domino Deo Salvatore nostro Jesu Christo & Sedes hæc,  
 „& Ecclesia commissa est, emenda. Post quadraginta verò dies  
 „apparuit ei Apostolus oranti, & dixit ei: Legi, & emendavi.  
 „Sumensque epistolam de sepulchro Beati Petri apernit eam, &  
 „invenit Apostolica manu emendatam”. Aliam tamen malis factum,  
 antequàm ipsam Leo publicaret, & transmitteret sancto Flaviano.  
 Quidquid sit, magnus Leo per hæc nequaquam falsus est suæ Sedis  
 non esse definiendi potestatem, sed exercuit, & suos Successores  
 docuit avitum ac legitimum procedendi modum in formandis ac  
 emittendis fidei definitionibus.

Et hanc Apostolicæ Sedis dignitatem amplissimè tunc professæ  
 est



## 312 DE ROMANA APPELLATIONE

„Illi Spiritus Oracula referentur. Idcirco, si dignanter admittitis,  
 „deprecamur, ut opus & præsentibus & futuris temporibus pro-  
 „futurum, quod nos adservandi studio foliis mandare curavimus;  
 „Sanctitas vestra percurrere, & si quid Librarii errore defuerit,  
 „emendare dignetur; vel si salutarem lectionis omnibus paginam  
 „aliquo studii vestri accumulatis augmento, id ipsum addi libello  
 „huic sollicità pietate jubeatis: Ut non solum plures S. Episcopi  
 „Fratres nostri per Gallias, verum etiam multi ex Laicis Filii vestri,  
 „qui epistolam istam magnoperè pro veritatis manifestatione deside-  
 „rant, remissam ad nos, & sanctà manu vestrà emendatam tran-  
 „scribere, legere, & tenere mereantur”. Hæ haud dubiè sunt  
 epistolæ, quas unà cum S. Leonis & S. Flaviani Scriptis è Gallia in  
 Hispaniam fuisse missas, & omnibus in Ecclesiis celebratas, scribit  
 Idatius Episcopus Lemicensis.

Cap. 41.

Eandem veritatem disertissimè docet in laudato contra Collato-  
 rem libro vir Gallus, S. Prosper: „Venerabilis memoriæ Pontifex  
 „Celestinus, cui ad Ecclesiæ Catholicæ præsidium multa Dominus  
 „gratiæ suæ dona largitus est, (ciens damnatis non examen Judicii,  
 „sed solum poenitentiae remedium esse præstandum, Celestinum,  
 „quasi non discusso negotio audientiam postulantem, totius  
 „Italiæ finibus jussit extrudi. Adeo & Prædecessorum suorum  
 „Statuta & Decreta Synodalia inviolabiliter servanda censebat, ut  
 „quod semel meruerat abscindi, nequaquam admitteret retractari”.  
 Celestinus tantam reverentiam atque auctoritatem esse voluit Re-  
 scriptis, quibus Innocentius Synodalia Africanorum Antistitum con-  
 trà Pelagianos Decreta confirmaverat, & solemnissimæ Zozimi  
 contra eisdem Tractoriæ. Porro laudata verba habet in literis ad  
 Hæresiarcham Nestorium, qui Pelagianos suam appellationem ad  
 Generalem Synodum Constantinopoli prosequentes apud Impera-  
 torem Theodosium, commendaverat Pontifici, & omni fomento  
 adjuvabat: „Desceant infelices se spe hominum fuisse deceptos,  
 „quibus jam potuit propter communionem sola poenitentia subveni-  
 „re”. Ipsa mutuatus est à S. Augustino, scribente ad Pontificem  
 Bonifacium, quod isti ipsi Pelagiani præsumerent adhuc postulare  
 audientiam, cum damnati deberent agere poenitentiam. Nesto-  
 rius Celestino commendaverat solos Ex-Episcopos, Julianum,  
 Florum, Orontium, & Fabium: Adductum S. Prosperi testi-  
 monium

L. 1. C. 24.

monium demonstrat adfuisse etiam Celestium. Demonstrat Apostolicæ Sedis de dogmaticis quæstionibus iudicium tunc apud omnes fuisse infallibile ac definitivum, & adversus ipsum interjectas ad Generalem Synodum appellationes fuisse frivolas, spernendas ab omnibus, & cogendas ad poenitentiam. Et huic suæ Sedis auctoritati non detraxerunt ipse Celestinus, aut noster magnus Leo, dum ille in Nestorii, hic in talem Eutychetis audaciam condescendit. Fuit res dispensatoria: Ob Regiam violentiam circumscripti Theodosii, ista sunt antiqua & recta Sensus Gallicanæ Ecclesiæ. Oranda est Divina Clementia: ut corda Patrum reducat in filios.

Sancti Celestini memoria persuadet redire ad Nestorii causam, quæ penitus evertit fabellas Paschasii Quenelli. Igitur in suæ hæresis exordio Patriarcha Nestorius per Comitem Antiochum scripsit ad S. Celestinum: "Et nos non modicam corruptionem Orthodoxiæ apud quosdam hic reperientes, & irâ & lenitate circâ ægros quotidie angimur. Est enim ægritudo non parva, sed affinis putredini Apollinaris & Arii". Eadem scripsit per Valerium Cubicularium. Agit in suos Orthodoxos Clericos & Laicos, quos ob Dominicæ Incarnationis mysterium rectè creditum atque prædicatum, Diodorum ac Theodorum æmulatus, arguebat de Apollinario atque Ario, & quos eadem de causa degradatos civitate eiecerat. Degradationis causam distinctè exponit in suis ad Imperatorem Theodosium precibus Archi-Mandrita Dalmatius: "Hoc ipso tempore", quo Nestorius palàm in Ecclesiâ cœpit insanire, "quidam è Reverendissimorum Sacerdotum numero illum in publico confesso coram non infrequenter corripuerunt, & ab ejusdem communione desciverunt, & in hodiernum diem usque desciscunt. Nonnulli clanculùm ab illius consortio se subduxerunt. Alii ex Religiosissimis Presbyteris, quoniam in hac sancta Ecclesia Irenæ maritima contra repullulans pravum dogma invehebantur, dicendi facultate privati sunt". Suum ergo de ipsis Synodale Iudicium Nestorius retulit Sedi Apostolicæ. Hujus Relationis etiam in scripta ad ipsum duodecim Capitulorum epistola meminit S. Cyrillus. Nestorius, licet ab istis Presbyteris non novam procudi, sed solummodò vetustam, & jam damnatam hæresim judicaret resumi, suum tamen de ipsis iudicium censuit Apostolicæ Sedi omninò referendum. Quare Paschasius Quenellus.

nellus, dum S. Flaviani negligentiam affirmat non deviâsse ab Ecclesiastico Canone, palàm errat.

Sanctus Cyrillus in eadem epistola adjungit : " Itaque cum omni-  
bus, tum Clericis tum Laicis quoque, quos tu propter fidem  
excommunicasti, vel Ordine movisti, omnes communicavimus.  
Haud enim par erat eos, qui rectam fidem tenere maluerunt, ob-  
iniquam tuam sententiam pati aliquod detrimentum". Eis omnes  
communicaverunt, quod sanctus Celestinus per suæ Sedis autho-  
ritatem cassasset Synodale Nestorii Judicium, & istos communioni  
& gradui redidisset. Non erat opus Generali Synodo : Quod nempe  
sanctus Petrus plenissimam auctoritatem, quæ ejus Successores qua-  
liacumque Synodorum Judicia firmare vel infirmare possint, in sua  
Romana Cathedra reliquisset. Et istud sciens, qui hæc omnia pro-  
priis oculis viderat, Eutyches appellavit ad sanctum Leonem. San-  
ctus Cyrillus prosequitur : " Ad epistolas porro quod attinet, quas  
Alexandrina Ecclesia ad te misit, eas cum à sacra Romana Syno-  
do, tum à nobis omnibus quoque, ab omni errore & vitio immu-  
nes judicatas esse scias. Hisce autem literis nostris utraq; subjun-  
ximus : Et tu quæ te oportet sapere & docere, & ea rursum, à  
quibus te convenit abstinere. Hæc enim est Catholicæ ac Aposto-  
licæ Ecclesiæ fides, in qua universi Occidentis & Orientis Ortho-  
doxi Episcopi consentiunt". Propter auctoritatem Romanæ Ec-  
clesiæ, quæ istas epistolas confirmaverat. Proinde totus Oriens,  
totæque Occidens tunc credebant ad definitivè dirimendas Evangelici  
dogmatis controversias nequaquam esse opus generali Synodo, sed  
sufficere Judicium Romanæ Sedis.

Audiamus quid de ejusdem Sedis auctoritate in Synodalibus ad eun-  
dem Nestorium literis censuerit Joannes Patriarcha Antiochenus.  
S. Celestinus Nestorii Exegeses atque epistolas, & tradita in ipsis  
dogmata definitivè damnavit, & ipsum, nisi intra decem dies solem-  
niter recantaret, degradandum jussit, & degradationem novi  
Episcopi inthronizatione confirmandam. His Decretis ut pareat,  
ipsum acriter urget præfatus Joannes, & prosequitur : " Nam O-  
ccidens, & Egyptus, & ipsa forsitan Macedonia, ab ea omnino  
unionis se abrumperere decreverant, quæ singularis Dei benefi-  
centia per multos SS. Patrum, celebratæque Episcoporum, &  
 præcipuè per Sanctissimi, magnique Patris Acacii sudores atque  
molestinis communi Ecclesiæ utilitati impartivit". Respicit la-  
menta-



mentabilem communionis dissociationem, quæ Antiochenam Ecclesiam, ac omnem ejus Patriarchatum Romana Ecclesia afflixerat propter Schisma Eustatianum, præsertim post perjuram promotionem Patriarchæ Flaviani. Fuerat res reverè lamentabilis. Remedium dederant profectò magni magnorum Episcoporum labores, præsertim Acacii Berhæensis Episcopi, qui ætate & auctoritate gravis isto tempore per omnem Orientem erat quasi Pater omnium Episcoporum. Eandem calamitatem nuperelime propter iniquam S. Joannis Chrysostomi degradationem sustinuerant Alexandrina, atque Constantinopolitana Ecclesia. Et liberari non potuerant, nisi per præstitam Romanis Mandatis plenam obedientiam. Excommunicatio, quam sanctus Papa Victor Polycrati Ephesiorum Exarcho, & omni Asiaticæ Diocesi ob contumaciam circa Paschalem festivitatem inflixerat, non rectè cessit. Hinc ab isto supremo in totas Gentes, præsertim in totum Orientem, fulmine Romana Ecclesia meritò censuit deinceps abstinendum. Futuros Patriarcharum aut magnarum Ecclesiarum excessus censuit simplici communionis dissociatione frangendos. Et istam pœnam Celestinus Pontifex omnibus Orientalibus Ecclesiis, quæ sua contra Nestorii errorem & personam Decreta non veperarentur atque exequerentur, fuit comminatus. Suprà audivimus sanctum Cyrillum de sua Ægyptiaca Diocesi scribentem ad Joannem Antiochiæ Patriarcham: "Nos sequemur quæ illi judicaverunt. Veremur namquæ, ne à tantorum communione excidamus". Et adjunxit easians: "Qui non ob aliud, neque ob parvi momenti res commoti sunt, eamquæ sententiam turberunt, sed propter ipsam fidem, universusquæ Orbis terrarum, turbatas Ecclesias, & communem Populi ædificationem". Loquitur de Celestino Pontifice, & ejus Provinciali Synodo. Affirmat ipsius sententiam esse fundatissimam. Quare hæc omnia cum sua Synodo maturè perpendens Joannes Patriarcha, revelatâ facie Nestorium urgit ad promptè obediendum, edicens alioquin fore, ut ipsum deserat, & salvet suam Ecclesiam. Nolebat esse contumax Apostolicæ Sedi, & sua contumacia omnem suum Patriarchatum præcipitare in antiquas miseras, in antiqua pericula, immò in ruinam animarum. Quæ omnia lucidissimè demonstrant Orientalem Ecclesiam tunc promptissimam pependisse ab ore Occidentalis. Demonstrant novorum hodie Dogmatistarum fabulas eò tendere, ut Eusebianum schisma suscitetur ex Inferno, & plane  
ist.

Isto tempore nullus Orientalis Episcopus vel somniavit de Nestorio adversus Celestini Sancita adjuvando per appellationem ad Generale Concilium. Audaciam istam præsumpsit, à Juliano Eclanensi Episcopo, aliisque Pelagianis inductus ac seductus, unicus ipse Hæresiarcha. Per ejus artes circumscriptus Imperator Theodosius scripsit ad S. Cyrillum : "Oportet Sacerdotes certò secùm statuere, „uniuscujusque rei naturam, præsertim verò incorruptæ pietatis „doctrinam, disquisitione potius, quam pertinaci animorum contentione inveniri. Etenim jam inde à primis usque temporibus „non imperantis cujusquam, aut certè Imperium usurpantis interminationes aut proterviæ, sed sanctorum Patrum, & sacræ Synodi „Decreta eam nobis constituerunt. Nam Religionem intelligentiã „magis, quàm jussione firmari, nulli, opinor, dubium esse potest. „Nunc igitur tua Pietas exponat, quid ita nobis, quibus Religio- „nem tantoperè curæ esse non ignorabas, & Sacerdotibus, quotquot „circumquaque degunt, quos utique in unum locum congregatos „nata de Religione controversiam discutere, ac dirimere par erat ; „despectis, hæc turbas ac discordias inter Ecclesias, quantum in te „est, concitaris. Quasi-verò impetus temerarii pietatis doctrinam „magis, quàm sedula ac diligens veritatis inquisitio degere videantur : „Plus apud nos valeat audacia, quàm adhibita industria ; aut „perplexa nos magis hujusmodi rerum tractatio, quam simplicitas „oblectet".

Affirmat varia. Primò, quod Orthodoxa Christianæ fidei veritas non contentione, sed disquisitione inveniatur. Secundò, quod ista disquisitio non per unius imperantis, aut Imperium usurpantis interminationes aut proterviã, sed per Generalem Ecclesiæ Synodum sit facienda. Quod ista sit perpetua forma, & consuetudo Catholicæ Ecclesiæ. Celestinum Pontificem, qui hæc quæstiones solus definiverat, & Nestorium ad sibi obediendum per severas degradationis interminationes compulerat, de imperioso in Ecclesiam dominatu, ac invasã Generalis Synodi autoritate ; S. Cyrillum, qui ista Decreta generosè publicaverat, arguit de protervia. Tertiò, eundem Cyrillum, ac etiam Celestinum arguit de contemptu sui Imperii, de temerario impetu, de varia turbulentia. Hæc ipsa, quæ hodie Paschasius Quæsnellus suadet toti Ecclesiæ, turbida dogmata facinorosus Nestorius impressit simplici Theodosio. Verùm sine fructu. Et cum suo rubore. Etenim de ista Synodo statim scripsit

scripsit ad Pontificem : "Placuit piissimis Imperatoribus, Domino  
 „adjuvante, etiam Synodum inexcusabiliter totius Orbis terrarum  
 „indicare propter inquisitionem aliarum rerum Ecclesiasticarum.  
 „Nam dubitationem verborum non æstimo habituram inquisitio-  
 „nem difficilem, nec impedimento esse futuram ad Tractatum Di-  
 „vinitatis Domini Jesu". Erubescit de sua appellatione, & Syno-  
 dum mentitur indicatam ad alias causas. Eam tamen censuit in-  
 timandam Pontifici, quo ejus in se Sancita sisteret, & ob Principis  
 reverentiam obtineret suspendi.

Sed nihil penitus obtinuit. Etenim evenit quod ad ipsum nu-  
 perrimè scriptet Joannes Patriarcha Antiochenus : "Cogita, si  
 „priusquam ullæ omnino literæ missæ forent, multi contra nos  
 „existere infrænes, penèque intolerabiles, tantà ex allatis literis  
 „subministratâ fiduciâ, quales futuri sint, qualiquè in posterum  
 „adversus nos audaciâ sint usuri". Joannes est vera vaticinatus.  
 Etenim Papalibus literis animatus Populus non solummodo in ipsum  
 Nestorium, sed insuper in Imperatorem declamare cœpit : "Regem  
 „habemus, non habemus Episcopum". Hoc est, Habemus Regem,  
 sed qui non faciat esse nobis Episcopum. Populus solemniter  
 comminatus est Nestorium præcipitare in mare. Et vice versâ ipse  
 cœpit in Populum & Clerum tyrannicè, ac hostiliter sævire. Hæc  
 omnia in suis ad Principem precibus amplè exponit Archi-Mandrita  
 Dalmatius, & adjungit : "Vestra proindè Majestas efficiet, ut sacra  
 „& Oecumenica Synodus primo quoque tempore hic coëat, quò  
 „hac præsentè Christus Ecclesiam uniat, Populumque in unum  
 „reducatur, ac Sacerdotes sinceræ fidei Prædicatores, priusquam im-  
 „pia illa doctrina latius serpat, loco suo restituat. Illud etiam  
 „obnixè precamur ac petimus, quandoquidem Nestorius commi-  
 „nationibus, insectationibus, exiliis, callidis & pravis machina-  
 „tionibus perterrefacere molitur ; & quò suam insaniam, suamque  
 „impietatem confirmatiorem reddat, quæcumque excogitari pos-  
 „sunt, sine discrimine aggreditur ; non Deum timet, nullum  
 „hominem veretur, nullum Episcopum veneratur, nullum Sa-  
 „cerdotem aut Clericum, aut sanctum Monachum, aut Religio-  
 „sum Laicum honorat ; nullam poenam iniquis decretam formidat,  
 „nullam denique legem Ministrorum iræ Divinæ in ejus Provocato-  
 „res ; sed superbiâ, qua omnes parvi pendit, elatus, pecuniisque,  
 „& quorundam corruptorum hominum potentiâ fretus, & ut

„liberè quod res est dicamus, vestra quoquè Dominatione fretus  
 „hæc facit : Petimus, inquam, ne quidquam deinceps illi liceat,  
 „nisi primùm Orthodoxæ fidei veritas enucleetur, ne quod enixiùs  
 „studet, hac penitus dissipatà, ac eversà, suam paulatim intro-  
 „ducat”.

Hæc verba, “Vestrà Dominatione fretus” palàm evincunt hunc libellum, ac in ipso expressam Nestorii tyrannidem prodixisse post ejus appellationem. Ipsà, & ei per Theodosium violenter impartito suspensivo effectù fretus Nestorius nullum curavit Episcopum: Nequidem Romanum. Hinc errores revocare noluit, sed majori cum impetu perrexit prædicare. Degradatos à se Presbyteros, quos Pontifex repararat, loco suo noluit reponere. Hinc Dalmatius supplicat duo. Primò, ut ipsi promissa Synodus quàmprimùm fiat. Deindè, ut usquè ad ipsam non sola Romana in Nestorium Decreta, sed etiam ipsius in Clerum & Populum tyrannica Attentata sint suspensa : Et præsertim, ut à suæ hæresios prædicatione cogatur cessare. Et conclusit : “Nos de Oecumenica Synodo cogensda vos rogamus, quæ aptissimè possit constabilire & erigere titubantia, sive etiam contracta. Quamquàm per Dei gratiam, ejusdemque tutelam, quæ in vobis operatur, inferorum portas, quæ sunt hæreticorum ora, adversùs fidem nunquàm prævalebunt, aut evertere illam poterunt”. Expostulat jam addictam Synodum non solummodò pro Nestorio fieri, sed & contra ipsum. Non admitti Hæresiarchæ factum, quo sperabat & minabatur Synodo adversùs S. Cyrillum, idèdque & adversùs Celestinum Pontificem præsidere. Et istud Theodosius non potuit non admittere. Adductis per Dalmatium rationibus permotus Pontifex etiam consensit in Synodum. Etenim dum Hæresiarchæ furor sustinetur ac fovetur, idèdque nec Deum reveretur aut homines, Generalis Synodus est non solummodò utilis, sed & necessaria. Eisdem ob causas Synodi Postulator Nestorius ipsam adèd extimuit, ut de ipso post peractam Synodum Pontifex scripserit ad Constantinopolitanam Ecclesiam : “Quis Petitorem Synodi crederet Synodo absfuturum ? Campum ad certamen exposcit ; Sacerdotale postulat, cui non erat adfuturus, examen”. Et Synodus nihil egit, nisi Celestini in ipsum Sancita probare, stabilire, confirmare. Demonstravit se non ad definiendam fidem, sed dumtaxat ad superandas Hæresiarchæ violentias fuisse necessariam. Et hinc ejus Acta, tandem meliora edoctus, Imperator Theodosius

Theodosius amplissimè confirmavit. Et huc omninò alludit in datis ad ipsum, dum similem Hæresiarchæ Eutychetis appellationem denuò circumscriptus admittit, literis magnus Leo : "Nos, Epiſt. 23.  
 „venerabilis Imperator, sicut Nestorii dogma perverſum meritò  
 „anathematizavimus, ità juſtè horum impietatem, qui veritatem  
 „carnis noſtræ negant à Domino noſtro Jeſu Chriſto ſuſceptam  
 „eſſe, damnamus". Hoc eſt, ſicut nuper Celeſtinus rectè damnavit  
 Nestorium, ità & ego rectè nunc damno Eutychetem, idèdque  
 ſicut tunc non fuit, ità neque nunc Generalis Synodus eſt neceſſaria.  
 Sicut tunc non fuit Neſtorius, ità neque nunc Entyches eſt contra  
 Apoſtolicam Sedem defendendus. Hæc breviter dicta ſint, quò  
 Paſchaſius Queſnellus demonſtretur circà S. Petri privilegia pluri-  
 mùm deviare.

## CAPUT VI.

*Discutiuntur Reverendi Patris Paſchaſii Queſnelli  
 Aſſerta contra neſcio quem eximia  
 eruditionis Virum.*



Æc ſunt Paſchaſii Queſnelli verba : " Quod au-  
 „tem ab eximiæ eruditionis viro ſuggeritur, lectis  
 „ſcilicet Conſtantinopolitanæ Synodi Geſtis ad-  
 „verſus Eutychen, omnia ſic à ſancto Leone fuiſſe  
 „probata & confirmata, ut ab indicenda Synodo  
 „Generali abſtineri debere cenſuerit tam ſanctus  
 „Flavianus, quam ſanctus Leo, pace optimi viri  
 „dixerim, longiſſimè à vero abeſt. Removendum quidem exiſti-  
 „mavit Flavianus Concilium, quod fieri divulgabatur, ut ſcribit ad  
 „Leonem, ſed quam ob cauſſam ? An quia, ut jam laudato Virò  
 „videtur, acceptà Pontificis Romani confirmatione finita erat cauſ-  
 „ſa ? At tantùm abeſt, ut ſanctum Leonem approbantem aut con-  
 „firmantem tunc haberet Flavianus, ut potiùs penè iratum experire-  
 „tur, propterea quod Eutychen ſeveriori ſententia, ut putabat,  
 „perculerat, qui Statutis Nicænæ Synodi inhærere videbatur. Cum  
 „enim hæc ſcribebat de Concilio Conſtantinopolitanus Antifiteſ,  
 Lllll 2 Geſto.

„Gestorum contra Eutychen exemplaria nondum acceperat sanctus  
„Leo, aut saltem nondum esse à se accepta & approbata, vel re-  
„probata rescripserat, sed solæ Eutychis literæ ei fuerant redditæ.”

Hic eximie eruditionis vir rectè affirmat Eutychetis causam ac-  
ceptâ Romani Pontificis ad sancti Flaviani Synodum confirmatione  
fuisse finitam. Etenim loquitur cum S. Augustino, qui post Cartha-  
ginensem ac Milevitanam contra Pelagianam dogmata celebratas, &  
ab Innocentio I. Pontifice confirmatas Synodos in Sermone secundo  
de verbis Apostoli declamavit ad suum Populum: “Româ Rescripta  
„venerunt, causa finita est”. Propter eadem Rescripta, simulque  
propter famosam Zozimi Pontificis Tractatiam, in primo ad sanctum  
Papam Bonifacium libro scripsit eisdem Pelagianis non esse speran-  
dam aut postulandam Generalis Synodi audientiam, sed solam resta-  
re poenitentiam. Porro an eximius ille vir asserat, quod S. Flavia-  
nus, dum S. Leoni priorem relationem fecit, habuerit approban-  
tem aut confirmantem Pontificem, ignoro. Si asserat, est lapsus.  
Interim etiam Reverendi Patris Paschasti Quesnelli Asserta non carent  
erroribus. Primus est, quod S. Flavianus non censuerit per Papalem  
sue Synodi confirmationem posse aut debere abstineri à Generali  
Synodo. Etenim verba ejus sunt lucida: “Causa eget solummodò  
„vestro solatio, atque defensione. Sic removebitur & Concilium,  
„quod fieri divulgatur”. Sanctus Flavianus viderat omnem Nestorii  
tragediam. Et fortè fuerat unus Presbyterorum, quos ille ob  
rectam in maritima sanctæ Irenæ Ecclesia prædicationem degrada-  
tos civitate ejecerat. Sperabat Imperatorem Theodosium, qui  
tunc in admittenda adversus Romanam definitionem appellatione  
doluerat se deceptum, non permissurum, ut etiam à simili Euty-  
chetis audacia circumscriberetur. Hinc cum fiducia scripsit ad S.  
Leonem: “Sic removebitur & Concilium”. Secundus error est,  
quod etiam S. Leo istud ipsum censuerit. Etenim aliud demonstrant  
frequentes ejus ad Theodosium literæ, quibus assidue scripsit nul-  
lam esse necessitatem futuræ Synodi, immò nec utilitatem. Et  
quod nuperum in Nestorii causa Lapsus ipsi ad naves cum reverentia  
& constantia fricuerit, est supra ostensum. Tertius error est, quod  
magnus Leo Synodale S. Flaviani Judicium non confirmaverit.  
Etenim confirmatio est lucida. Et licet non pateret ad oculum,  
esset potius Leontio apud Byzantinos Scholastico, & Victori Ton-  
nonensi Episcopo credendum, quàm Reverendo Patri Paschasio  
Quesnello, Interim

Interim ille prosequitur : "De confirmatione igitur Gestorum  
 „à se habitorum adversus Eutychem ne per somnium quidem co-  
 „gitabat Flavianus, dum de removendo Concilio, quod parabatur,  
 „sermonem ad Leonem habebat. Hoc unum pro Sacerdotali sol-  
 „licitudine verebatur, ne evocatis ad Oecumenicam Synodum  
 „Episcopis", Sanctissimæ ubique turbarentur Ecclesiæ. "Ipsissima  
 „enim ejus verba sunt in prima epistolarum, quas ad Leonem  
 „scripsit. Et illam quidem minimè necessariam Synodum existi-  
 „mabat, quia quidquid impii dogmatis Eutyches evomuerat, in  
 „antiquis hæreticis, Apollinari, Valentino, & aliis jam pridem  
 „damnatum fuerat atque proscriptum præcedentium Conciliorum  
 „vel Episcoporum sententiis : Et ea etiam proferebat, quæ sancti  
 „& universalis Concilii Ephesini doctrinæ adversabantur. Ac proin-  
 „de ejusdem anathemati, sententiæque obnoxium se faciebat. Cui  
 „pœnæ declarandæ quid opus erat, ut universi Christiani Orbis Epi-  
 „scopi suis Sedibus moverentur in Synodum coituri". Probat hæc  
 „authoritate S. Papæ Felicis tertii : "Facta semel Synodus abjecti  
 „cujuslibet erroris cunctos sequaces consequenter involvit". Sub-  
 „sumit ex S. Gelasii epistola ad Faustum Magistrum : "Non solum  
 „Præsuli Apostolico hoc facere licet, sed cuicumque Pontifici,  
 „ut quoslibet, & quemlibet secundum Regulam ipsius hæresios  
 „ante damnatæ à Catholica communione discernant". Hinc con-  
 „cludit etiam contrà Eutychetem non fuisse necessariam Synodum.

Errores varii. Primus est, quod ad magnum Leonem scribens  
 Flavianus de Apostolica suorum Synodaliū Gestorum confirmatio-  
 ne nec per somnium cogitaverit. Etenim licet non cogitavit de con-  
 firmatione data, plurimum tamen cogitavit de danda. Ipsam ex-  
 postulavit omnibus suæ eloquentiæ viribus. Secundus est, quod  
 ad removendum Generale Concilium adduxerit hanc unam ratio-  
 nem : "Ne sanctissimæ ubique turbentur Ecclesiæ". Etenim ad-  
 duxit duas rationes. Unam, liceat cum Philosopho loqui, à  
 priori, alteram à posteriori. 'A posteriori est jam dicta. Etenim  
 omnium Ecclesiarum turbatio est sequela Generalis Concilii, ideòq;  
 istud sine gravissima totius Ecclesiæ necessitate non est postulandum  
 aut concedendum. Rationem à priori Flavianus expressit his sæpè  
 laudatis verbis : "Per propria Scripta dignare decernere damnatio-  
 „nem regulariter factam. Causa enim eget solummodò vestro  
 „solatio, atque defensione. Sic per vestras sacratissimas literas  
 hæresis

„hæresis, & turbæ destruentur. Removebitur & Concilium“. Tertius error est, quod S. Flavianus scripserit Synodum non esse necessariam, eò quod Eutyches jam damnatam Valentini aut Apollinaris hæresim resumeret, ac palàm impingeret in Sancita Ephelina. Etenim licet sint verissima non tamen ita fuerunt adducta à Flaviano. Flavianus ea adduxit, quò demonstraret suum Synodale Judicium fuisse regulariter factum, ideoque omninò esse Apostolica auctoritate confirmandum. Et ut Papam fortius impelleret, addidit ista ejus confirmatione etiam removendum Generale Concilium, quod fieri jactabatur.

Gaudeo, & gratulor Reverendum Patrem Paschasium Quesnelum firmare sua Asserta per sancti Gelasii Pontificis epistolam ad Faustum Magistrum. Hinc enim mihi spem facio, quod omnem veneretur epistolam, ac profiteatur. Confido ipsum non impingere in regulam, ex qua adversum Manichæos scripsit S. Augustinus: „Manichæi, qui in Evangelio quod vultis creditis, quod vultis „non creditis, non Evangelio,“ sed vobis creditis“. At verò S. Gelasius in laudata epistola scribit adversum Sectatores Acaciani schismatis: „Nobis opponunt Canones, dum nesciunt, quid lo- „quantur. Contra quos hoc ipso venire se produnt, quod primæ „Sedi, sana, rectæque suadenti, parere fugiunt. Ipsi enim sunt „Canones, qui appellationes totius Ecclesiæ ad hujus Sedis examen „voluerè defecti; ab ipsa verò numquàm appellari debere sanxerunt: „Ac per hoc illam de tota Ecclesia judicare, ipsam ad nullius com- „meare judicium, nec de ejus unquam præceperunt judicio judicari, „sententiamque illius constituerunt non oportere dissolvi, cujus po- „tius Decreta sequenda mandarunt“. Hæc Reverendus Pater Paschasius ex animo profiteatur, & nos ipsum ex animo verebimur.

Audiamus sequentia: „Hæc erat genuina ratio, quæ Flaviani „animum à cogenda Synodo deterrebat. Cui planè annuit S. Leo, „cum literis, Gestisquæ Flaviani acceptis, de qua re ageretur intel- „lexit“. Et infra: „Ità sensit Pontifex abstinendum à celebranda „Synodo, cum totius negotii seriem benè perspectam habuit. Su- „perfluum enim Synodum arguit, ut liquidò apparet, non ex ap- „probatione aut confirmatione Sedis Apostolicæ, sed ex inutilitate, „ex causæ quæ ventilanda erat, certitudine, ex quæstionis „ipsius evidentia, quam in dubium revocare nefas ducebat“. Res- pondeo fabulam sibi ipsi iterum non cohætere. Etenim hæc verba, ita



„Ità lenis Pontifex abstinendum à celebranda Synodo, cum totius „negotii seriem benè perspectam habuit”, profitentur Flaviani Synodale Judicium fuisse omninò à Pontifice examinandum ac retractandum, & ex perspecta ejus legitimitate procedendum ad recusandam Generalem Synodum. Profitentur Flaviani judicium fuisse à Pontifice examinatum, ac retractatum, & ex perspecta ejus legitimitate recusatam Generalem Synodum. At verò per examen & retractionem perspecta legitimitas, & propter ipsam facta Generali Synodi recusatio, quid est nisi confirmatio? Est istud ipsum, quod laudat quintus Nicænus Canon: „Inquiratur autem, ne si „multate, aut contentione, aut aliquà alià molestiâ Episcopi sint „excommunicati. Et si qui manifestè offenderint Episcopum, justè „excommunicati” ab omnibus esse videantur. Id est, hæc excommunicatio, quoniam justa, ab omnibus confirmetur. Hæc enim confirmatio est scopus & fructus examinis ac retractionis. Proinde R. Pater Paschasius Quesnellus, licèt Apostolicæ confirmationis rem abicere non possit, delectatur tamen consueta abicere vocabula, atquè ità suæ ergà S. Petrum pusillanimitati istud saltem solatium impartiri. Datam à se fuisse confirmationem Pontifex disertè affirmat etiam in literis ad Faustum, Martinum, & alios Constantinopolitanæ Ecclesiæ Archi-Mandritas: „Sensum Eutychis, qui „sicut Gestorum lectione cognovimus, meritò reprobatus est, etiam „nos detestandum esse decernimus, ità ut si Affector insipiens in sua „pravitate voluerit permanere, habeat cum his consortium, quorum „est secutus errorem”. S. Flavianus Pontifici supplicarat, ut dignaretur per proptia Scripta decernere Eutychis damnationem esse factam regulariter. Et Leo hic disertè scribit se decrevisse: Ex Gestorum Synodali lectione. Hoc est, ex retractione confirmasse.

Adducenda sunt & sequentia verba: „Sed antequam ea omnia „nota essent Pontifici, & postquàm etiam de rei totius serie à „Flaviano instructus esset, non modò è rei Catholicæ utilitate „Synodalem Conventum esse existimavit, sed & pro eo impetrandò supplices ad Imperatorem dedit literas”. Adducit vigesimam tertiam Magni Leonis epistolam, & concludit: „Ex quibus, & ex sequentium aliquot epistolarum verbis elucet Leonem persuasum tunc habuisse, maximam utilitatem allaturam esse „Synodum, idque multiplices ob causas”. Ut evincat Romanæ Ecclesiæ

Ecclesiæ non esse auctoritatem definiendi dogmaticas controversias, affirmat Generalem contra Eutychianos errores Synodum etiam per Magnum Leonem fuisse à Principe postulatam. Respondeo virum denuò circumscribi, aut velle circumscribere. Etenim omnes per ipsum hic laudatæ Leonis epistolæ, si vel leviter inspiciantur, demonstrant illius animum fuisse à Synodo penitus aversum. At quoniam per Dioscorum & Eutychetem seductus Princeps persistebat, institit ut Synodus saltem in Italia fieret. Ex momentosissimis rationibus. At neque istud obtinuit. Quare errorem continent etiam hæc verba: "Verùm dum hæc sanctus Leo  
 „in ancipiti positus meditatur, modò ad congregandam Synodum  
 „propensior, modò ad removendam, Theodosius Augustus eam  
 „apud Ephesum convocandam indixit, infcio Romano Pontifice". Etenim clarum est Leonem à Synodo semper, & constanter fuisse aversum. Ad damnandam hanc hæresim censebat suum Tomum sufficere.

Reverendus P. Paschasius Quesnellus post varia, quæ ad rem non faciunt, concludit: "Quatuor hujusmodi libelli in primis distinguendi sunt, ne cuiusquæ vis & energia alteri tribuatur, unde  
 „& totum hoc negotium consequenter obscuretur. Fuit igitur  
 „primus libellus appellatorius ad Concilium. Secundus Contestatorius ad Constantinopolitanum Populum. Tertius Querimonialis, seu querelæ ad sanctum Leonem. Quartus libellus  
 „supplex ad Imperatorem. Primus commentitius erat, nec reverà  
 „datus; alii tres verè oblati. Quorum omnium libellorum mentionem facit sanctus Flavianus in epistola prima ad S. Leonem". Querimentalem libellum exponit per verba Juris-Consulti: "De  
 „Paternis injuriis conquerentem filium audiri justum est, & usitatum; eum ipsum accusantem vix quisquàm ferat". Respondeo fabulam denuò non cohærere. Etenim Eutyches de Flaviano non dumtaxat conquestus est, sed insuper accusavit. Etiam de Nestoriana Hæresi. Nec apud solum Pontificem, sed etiam Principem. Accusavit adeò crudeliter, ut Theodosius Sanctissimum virum coëgerit ad solemnem, propriâ manu scriptam & subscriptam, fidei professionem. Nec his contentus Eutyches suis Contestatoriis libellis indidit gravissimas in optimum Antistitem contumelias. Quæ certè non sunt filialia. Et ad Leonem Papam transmisit libellum, quo Synodale Flaviani Judicium postulabat tractari

tractari & circumduci. Addidit eundem aut similem libellum à se exhibitum in ipsa Synodo: Et asseruit fuisse libellum appellationis. Proinde Paschasius Quesnellus denudò, quia rem abnegare non valet, ludit in voculis, atque ita devias suas cogitationes studet consolari.

Etiam mei dignatus est facere memoriam: "Nihil igitur contra antiquum Canonem & morem agebat Flavianus, qui eo nomine arguitur à CHRISTIANO LUPO, cum Synodi suæ Acta Romanam non retulit". Quod eum Magnus Leo arguerit, est manifestum. Et spero me non delinquere, si tanto potius Pontifici credam, quam hodiernis Commentis. Esse Commenta, est supra demonstratum, & in Scholiis ad Dictatum sancti Gregorii septimi. Fateor plures Provinciarum Synodos quandoque non retulisse. At non quid fecerint, sed quid ab ipsis fieri oportuerit, est attendendum. Quid Gallicana olim Ecclesia actitavit, demonstrat S. Innocentii primi Pontificis Rescriptum ad sanctum Victricium Metropolitam Rothomagensem. Et ad Viennensis Provinciae Episcopos scripsit Magnus noster Leo: "Nobiscum vestra Fraternitas recognoscat Apostolicam Sedem, pro sui reverentia, à vestra etiam Provinciae Sacerdotibus, innumeris relationibus esse consultam". Loquitur non de universa Gallia, sed de sola Narbonensi Provincia. Ex ipsa sola affirmat in Romanis scriptis reperiri exemplaria innumerarum relationum. De tanti Pontificis fide Gallicana olim Ecclesia non dubitavit.

Cap. 20



M m m m m

DISSER-

## DISSERTATIO QVARTA

D E

ROMANA APPELLATIONE

S. FLAVIANI

EPISCOPI

CONSTANTINOPOLITANI,

*Degradati per Ephesinum Latrocinium.*

## CAPUT PRIMUM.

*An S. Flavianus appellaverit ad aliud Generale Concilium,  
an verò ad solam Romanam Ecclesiam?*



E hac re scribit Reverendus Pater Paschasius Quesnellus: "Appellationum, quæ ad Sedem Apostolicam delatæ dicuntur primis Ecclesiæ sæculis, omnium celeberrima ea est, quæ data est à sancto Flaviano Constantinopolitano Episcopo post latam adversum se à Dioscoro sententiam. Non enim tunc, inquit, à Provinciali, vel Diocesana Synodo, sed ab ea, quæ Oecumenicæ Synodi nomine gaudebat, ex omnibus videlicet Episcopis collecta, & cui tres præcipui Ecclesiæ Primates & Patriarchæ, Occidentalis per Legatos, Orientales per se ipsi intererant". Non malè. Proinde hoc exemplo magnificè demonstratur etiam à Generali Synodo posse provocari ad solum Romanorum Episcopum, adeoque ipsum istà Synodo esse omnino superiorem. Quoniam ab ipso non solummodo supplicatur Synodalis

nodalis iudicii revisio, sed propriissimè ad ipsum appellatur. Etenim non solus Dioscorus Alexandrinus; sed etiam Juvenalis Hierosolymitanus, Thalassius Cæsarænsis in Cappadocia, Bassilius Seleuciensis, & cæteri Primates, immò omnes Latrociniali Iudicio cooperati Episcopi, in retractatoria apud Chalcedonem Synodo fuerunt demutati in reos, compulsi ad uorum operum rationes, & solemnem pœnitentiam. Excipe solos illos, qui per humilem pœnitentiam antea à Magno Leone supplicaverant veniam, ac impetraverant. Quorundam hodiernæ in Apostolicam Sedem contumeliæ interim nos cogunt in res lucidas tempus expendere. Quare nolim per easdem assidue lineas ferram ducere: Discutere volo sola necessaria aut utilia. Ræi series est compendio exponenda.

Dum Dioscorus Patriarcha Alexandrinus, ac Synodalis Præfidentia apud Ephelum inuasor, in S. Flavianum pronuntiavit Latrocinalem lententiam, optimus Episcopus reposuit: "Appello, à te". Et Hilarus Romanæ Ecclesiæ Archi-Diaconus, ac sancti Leonis Pontificis Legatus, adjunxit. "Contradicitor". Ita habent Acta Synodalia. Eadem de re scribit Eutychianæ hæresis Breviculus, seu Acta super nomine Acacii Episcopi Constantinopolitani: "Flavianus deijcitur, contradicentibus Vicariis Romanis". Reverà enim non solus Hilarus contradixit, sed etiam ejus in Legatione Collegæ, Renatus Romanæ Ecclesiæ ad S. Clementis titulum Cardinalis Presbyter. Lucet ex datis postmodò ad ipsum literis Theodoretæ Cyrensis Episcopi: "Cognovimus ardentem, justumque zelum Pietatis tuæ, & justissimam ac legitimam libertatem, quâ usus es, cum ea, quæ apud Ephelum temerè, ac licenter acta sunt, reprehenderes. Nec soli nos ista didicimus, sed in omnem terram rectæ mentis tuæ sonus exivit, & omnes justitiam, zelum, libertatem, & adversus iniquitatem injectas à te minas decantant. Et hæc quidem egit Pietas tua, cum unicam eadem conspexisset". Nempè eadem S. Flaviani, quem scelesatus, & Episcopi nomine indignus Dioscorus coram te genuflexum invalit calcibus in conspectu totius Synodi, & inflixit lethalia vulnera, ex quibus paucos post dies novus iste Abel migravit ad Dominum. Renatus igitur non dumtaxat Latrociniali Iudicio contradixit, sed insuper est minatus Dioscoro: Et quidem cum zelo, ac libertate. Haud dubiè

M m m m m 2

protesta-

## 818 DE ROMANA APPELLATIONE

protestatus est ista omnia, quoniam sine Apostolicæ Sedis auctoritate, immò contra ejus sacrosanctas Jussiones, & per invatum ejus privilegium acta, esse Latrocinialia Attentata: Et Dioscoro minatus est talionem. Quarè mendosa sunt hæc laudati Breviculi de Romanis Legatis Ephesum proficiscentibus verba: "Presbyter Renatus in Delo Insula morte præventus est". Julius Puteolanus Episcopus, Legatorum Primas, quoniam nec in Synodo, nec post ipsam reperitur ulla ejus memoria, videtur isthic obijisse. Quidquid sit, non unum, sed plures Romanæ Ecclesiæ Legatos isti judicio contradixisse, testatur Victor Episcopus Tonnonensis. Eiusdem contradictionis meminit in Chronico Prosper Tyro: "In Ephesino Concilio Dioscorus Alexandrinus, Episcopus, Primatum sibi vindicans, absoluto Eutychæ, in Flavianum Episcopum Constantinopolitanum damnationis sententiam tulit, reclamante Hilario, Diacono Ecclesiæ Romanæ, qui vice S. Leonis Papæ cum Julio Episcopo Puteolano à Sede Apostolica fuerat destinatus. Nam cum omnes Episcopi in Concilio constituti, vi & metu Comitum, vel militum, quos Dioscoro Alexandrinæ urbis Episcopo attribuerat Imperator, compellerentur huic hæresi accommodare consensum, memoratus Diaconus, inter tot vitæ pericula constitutus, voce contradictionis emissâ, cum in ejus propterea eperniciem sæviretur, relictis illic omnibus suis, latenter abscessit, ut præfato Papæ, vel cæteris Italiæ Sacerdotibus, qualiter ibi Catholica fides fuerat violata, sua delatione promeret". Omnes suos Legatos contradixisse scribit in literis ad Imperatorem Theodosium, ac ad ejus sororem Pulcheriam etiam Magnus Leo, singulariter tamen laudans Hilaram Diaconum. Porro appellans Flavianum non expressit invocatum à se Judicem. Hinc quæstio est, an ad solum Pontificem appellaverit, an verò ad aliam Generalem Synodum? Hoc enim placet Reverendo Patri Paschasio Quenello. Petrus de Marca hic deseritur à suis Symmystis.

Respondet S. Flavianum appellasse ad solum Pontificem Leonem. Lucet ex ejusdem Magni Leonis testimonio in literis ad Imperatorem Theodosium: "Quia Dominicæ Incarnationis Sacramento impiè nunc à paucis imprudentibus obviatur, omnes partium nostrarum Ecclesiæ, omnes Mansuetudini vestræ cum gemitibus & lachrymis supplicant Sacerdotes, ut quia & nostri

Ep. 40. 41.

Ep. 29. C. 3

noſtri fideliter reclamarunt, & eiſdem libellum appellationis  
 „Flavianus Episcopuſ dedit, Generalem Synodum jubeatis intra  
 „Italiam celebrari, quæ omnes offenſiones ita aut repellat aut  
 „mitiget, ne ultra aliquid ſit, vel in fide dubium, vel in clari-  
 „tate diſcuſum. Quam autem poſt appellationem interpoſitam  
 „hoc neceſſario poſtuletur; Canonum Nicææ habitorum De-  
 „creta teſtantur“. Eadem verba Leo repetit in alia ad eundem  
 „Principem epiſtola, & adjungit de Nicæniſ Canonibus: „Quæ  
 „ſubter adnexa ſunt“. Et ſubter adnexuit Sardicenſem Cano- Ep. 40. C. 3  
 „nem de Romanis appellationibus dâmnatorum Episcoporum.  
 Per quam adnexionem altè clamavit S. Flavianum appellâſſe ad  
 ſuam Sedem. Affirmavit enim ipſum appellâſſe iſta appellatione,  
 quam laudant & ſtabiliunt, & cujus protequendæ ac exequendæ  
 modum præſcribunt iſti Canones. At verò iſtorum fundamentalis  
 vox eſt: „Sancti Petri memoriam honoremus“. Palàm laudant  
 ac ſtabiliunt appellationes Romanas. Alia ipſorum palmaris vox eſt  
 de invocato per appellantem Romano Episcopo: „Faciet quod  
 „ſapientiſſimo conſilio judicaverit“. Leo permanſit conſtans in  
 ſuo, quod ante Ephelinum Latrocinium placuerat, conſilio.  
 Uti tunc cenſuerat retractatorium Eutychianæ appellationis Judi-  
 cium debere fieri in Generali intra Italiam Synodo, ita nunc iſtud  
 ipſum cenſet de appellata cauſſa S. Flaviani. Addit has ſuas preces  
 eſſe fundatas in Nicæniſ, ſeu Sardiceniſibus Canonibus, ideoque  
 ſibi non poſſe denegari. Quod nempe ad ſe eſſet facta appellatio,  
 ideoque in ſuo, quod iſti Canones ſapientiſſimum prædicant, Bene-  
 placito haberet omnia. Sanè non ad ejus Sedem, ſed ad Gene-  
 ralem Synodum interjecta appellatio ei non faciebat iſtam expo-  
 ſulandi fiduciam.

Aſſertio lucet etiam ex his verbis: „Eiſdem libellum appella-  
 „tionis Flavianus Episcopuſ dedit“. Proinde non ſola voce appel-  
 lavit Flavianuſ, ſed etiam per libellum. Utique poſt Latro-  
 ciniale Judicium, antequàm conijceretur in carcerem, vel certè  
 antequàm in exilium propelleretur. In ipſo iudicio appellavit voce,  
 poſtmodò appellationem redegit in libellum, & tradidit Legatiſ  
 Apoſtolicis. Nempe portandum & tradendum Pontifici, & ab  
 ipſo diſcutiendum in retractatorio iudicio. Quin Leo Pontifex,  
 & Apoſtolica S. Petri Sedes fuerint in ipſo expreſſa, non eſt du-  
 bitandum; Atamen quia ſacrum iſtud instrumentum eſt à nobis

### 830 DE ROMANA APPELLATIONE

Epist. 41.

perditum, per ipsum non possumus obstruere os loquentium iniqua. Ipsum obstruit magnus Leo in literis ad Imperatricem Pulcheriam: "descriptum de hac re", Actis Ephesini Latrocinii, & appellatione S. Flaviani, "ad gloriosissimum Principem, ut fidem, in qua natus per Dei gratiam regnat, nulla sinat novitate corrumpi, quoniam Flavianus Episcopus in nostra omnium communione persistit, atque hoc, quod factum est sine consideratione iustitiae, & contra omnem Canonum disciplinam, ratum haberi ratio nulla permittit. Et quia dissensionis scandalum non abstulisset Ephesina Synodus, sed auxisset, habendo intra Italiam Concilio & locus constitueretur & tempus, omnibus querelis & praedictis partis utriusque suspensus, quod diligentius universa, quae offensionem generaverunt, retractentur". Admittit S. Flaviani appellationem, ipsum revestit Episcopatu, firmat in Episcopali ad omnes Ecclesias communione, ejus appellationi dat effectum suspensivum, ad retractatorium sine Latrociniali violentia peragendum examen postulat concedi Synodum in Italia, ei praefigi tempus & locum, & haec omnia per Theodosium ratificari. Haec omnia postulat virtute Canonum Sardienensium. Omnia sunt vana & frivola, immo & violenta attentata, si Romana Sedes à Flaviano non fuit invocata.

Epist. 45.

Haec eadem lucent ex literis ad Clerum & Populum Constantinopolitanum. Affirmat Flavianum fuisse à Diocoro & ejus Latrocinio inique damnatum, & prosequitur: "Sed hos ausus confidimus Christianissimo Principi minimè placituros. Nunc quia Ecclesiam vestram hac ratione cognovimus dissipatam, consolandos & adhortandos vos esse credimus nostris epistolis, ut pro Catholicae fidei defensione perfidorum nequitiae resistatis. Nolumus enim Dilectionem vestram hoc mœrore percelli, cum major gloria vestram sit subsecutura constantiam, si à probabili Sacerdote vestro nullae vos minae, nulla formido divulserit. Quisquis enim incolumi atque superstiti Flaviano Episcopo vestro fuerit ausus, Sacerdotium invadere, nunquam in communione nostra habebitur, nec inter Episcopos poterit numerari. Nos enim sicut Nestorium in sua perversitate anathematizavimus, ita eos qui veritatem carnis nostrae in Domino JESU-CHRISTO denegant, pari execratione damnamus". Epistola videtur scripta ante confirmatum ab Imperatore Theodosio Latrocinium. Ante Ecclesiae Constantinopolitanae ordinatum Anatolium. Saltem scripta est, antiquam



quàm Leo ista sciret. Interim noverat machinas Dioscori, qui degradato Flaviano studebat statim superintrudere suum Archi-Diaconum Anatolium, in Regia civitate suum nuperrimè Apocrisarium. Tentabat agere adversùs Flavianum, quomodò ejus Prædecessor Theophilus egerat adversùs S. Joannem Chrysostomum: Qui Ejecto statim superordinaverat Arsacium. Contra has machinas magnus Leo potentissimè intercedit: Clerum & Populum ex pectore animat ad constantiam, quâ neminem vivo Flaviano permissit superordinari, addens ipsum, qui se intrudi permiserit, à se irreparabiliter degradandum, & habendum indispensabiliter irregularem. Et perstitit firmus in suo verbo. Etenim Anatolium, licet nonnisi post Flaviani mortem videatur ordinatus, agnoscere non voluit, nisi post multam pœnitentiam ad instantissimas preces optimi Imperatoris Martiani. Leo hæc omnia egit juxta Sardicenses Canones. Et omnia sunt vana, si Flavianus ad ipsum non provocaverit.

Eadem veritas liquet ex Pontificis Rescripto ad sanctum Flavianum: "Quæ & quanta Dilectio tua pro Catholicæ fidei defensione patiat, per Diaconum, qui ab Epheso furtim est elapsus, agnovimus. Et licet magnificemus Deum, qui te gratiæ suæ virtute confortat, necesse est tamen nos dolere eorum ruinas, per quos veritas impugnatur, & ipsa totius Ecclesiæ fundamenta quatiuntur. Quia verò Providentia Dei semper suis necessarium præstat auxilium, scire debet Fraternitas Tua nos à communi causa nihil eorum, quæ agenda sunt, prætereire: Ut primum ad ea, quæ universitati Fidelium prosint, pervenire mereamur. Superest ut fortiter interim Dilectio tua toleret, quæ sibi ad æternam gloriam non dubitet profutura. Perlator sane brevis hujus epistolæ fideli sermone poterit enarrare, quidquid illud est, ad quod, adjuvante Domino, studio fidei & charitatis intendimus". Brevis hæc epistola est omnino Papale Rescriptum ad appellationis Instrumentum, quod Flavianus destinaverat per Hilarum Romanæ Ecclesiæ Archi-Diaconum. Affirmat varia. Primum, quod Pontifex omnem tragediam abundè intellexerit ex laudato suo Diacono. Secundò, quod S. Flaviani calamitatibus ex animo compatiatur. Tertiò, quod Catholicæ fidei, quæ est causa totius Ecclesiæ, debeat ante omnia providere. Quartò, quod exinde statim intendet rebus singularibus Flaviani. Ei promittit seriam causæ retractationem, interim admittens ejus appellationem,

nem, ipsum reveſtens, & omnia ſuſpendens. Hæc ſunt quæ epiſtolæ Perlator ei debebat fideli enarrare ſermone. Etenim & brevis hæc epiſtola, & epiſtola ad Imperatorem Theodoſium, & epiſtola ad Imperatricem Pulcheriam, per quas Papa Flavianum reveſtit, & ad retractandam ejus cauſam poſtulat in Italia Synodum, datæ ſunt eodem die, tertio Idus Octobris. Hinc pluribus ad Principes, paucis ad Flavianum ſcripſit, plura illi exponi mandans per Tabellarium. Eadem die ſcripſit ad Julianum Coëniſem, & ad Anaſtaſium Theſſalonicensẽ Episcopum: Forſan & ad alios. Hinc breviter ad Flavianum. Interim hæc omnia ſimul juncta lucidè demonſtrant Sanctum Flavianum appellâſſe ad ſolum Pontificem,

Quid opus multis? Valentiniani III. Imperatoris ad Collegam Theodoſium epiſtola eſt lucidiſſima: "Cum adveniſſem in Urbem, Romam ad Divinitatem placandam, ſequenti die ad Baſilicam, Apoſtoli Petri proceſſi, & illic poſt venerabilem noctem dici Apoſtoli, & à Romano Episcopo, & ab aliis cum eo ex diverſis Provinciis congregatis, rogatus ſum ſcribere veſtræ Manſuetudini, de fide, quæ cum ſit conſervatrix omnium fidelium animarum, dicitur perturbata, quam nos à noſtris Majoribus traditam debemus cum omni competenti devotione defendere, & dignitatem propriæ venerationis Beato Apoſtolo Petro intemeratam & in noſtris temporibus conſervare: Quatenus Beatiffimus Romanæ civitatis Episcopus, cui Principatum Sacerdotii ſuper omnes Antiquitas contulit, locum habeat ac facultatem de fide & Sacerdotibus judicare, Domine ſanctiſſime Pater, & Venerabilis Imperator. Hujus enim rei gratiâ, ſecundum ſolemnitatem Conciliorum, & Conſtantinopolitanus Episcopus eum per libellos appellavit, propter contentionem, quæ orta eſt de fide. Huic itaque poſtulant & conjurant ſalutem noſtram communem, annuere non negavi, quatenus ad tuam Manſuetudinem meam petitionem ingererem, ut prædictus Sacerdos, congregatis ex omni Orbe etiam reliquis Sacerdotibus intra Italiam, omni præjudicio ſubmoto, à principio omnem cauſam, quæ vertitur, ſollicitâ probatione cognoscens, ſententiam ferat, quam fides & ratio veræ Divinitatis expoſcit.

Aſſirnat varia. Primum, quod Romanæ civitatis Episcopo Sacerdotii ſuper omnes Principatum Antiquitas contulerit. Secundò, quod

quod ex hujus Principatus causa ad ipsum spectet de fide & omnibus Episcopis judicare. Tertio, quod hæc non dumtaxat in antiquitate, seu antiqua consuetudine fundentur, sed etiam in solemnitate Canonum. Quarto, quod ex istis fundamentis Constantino-  
 politanus Antistes, utique S. Flavianus, ad ipsum per libellos appellaverit. Non sola voce in ipso Latrociniali Judicio, sed etiam post ipsum per libellos. Non ad totius Ecclesiæ, aut totius Occidentis Synodum, sed ad solum Episcopum Romanorum. Quinto, quod totius Mundi Episcopos in Generalem Synodum congregare spectet ad eundem Pontificem. Sexto, quod in ista Synodo etiam ad ipsum spectet omnem causam à principio retractare, & definitivam ferre sententiam. A prævis Ministris circumscriptus Theodosius in litteris, quibus palam favit Nestorio, & sanctum Cyrillum per duras minas coëgit ad Ephesinam Synodum, sanctum Celestinum Pontificem tacito nomine reprehendit, quod istas questiones definiisset solus, adjungens ista ex Majorum more spectare ad Oecumenicam Synodum. Haud dubie similia scripserat etiam pro Eutychete. Hunc ejus errorem notat Valentinianus, asseverans omne de fide ac Episcopis, etiam in Generali Synodo, judicium spectare ad Episcopum civitatis Romanæ.

Eadem omnia confirmat in literis ad eundem Theodosium Galla Placidia Augusta, Constantii Imperatoris vidua, Mater Valentiniani: 'Non enim modicum detrimentum est ex his quæ gesta sunt, ut fides, quæ tantis temporibus regulariter custodita est à sacratissimo Patre nostro Constantino, qui primus Imperio splenduit Christianus, perturbata sit ad arbitrium unius hominis, qui in Synodo Ephesinæ civitatis odium & contentiones potius exercuisse narratur, militum præsentia & metu impetens Constantino-  
 politanæ civitatis Episcopum Flavianum, eò quod libellum ad Apostolicam Sedem miserit, & ad omnes Episcopos harum partium, per eos qui directi fuerant ad Concilium à Reverendissimo Episcopo Romæ, qui secundum definitiones Nicæni Concilii sunt consueti interesse, Domine Sacratissime Fili, venerabilis Imperator. Hac itaque gratia tua Mansuetudo, tantis turbis resistens, veritatem fidei Catholicæ Religionis immaculatam servari præcipiat, ut secundum formam & definitionem Apostolicæ Sedis, quam & nos tanquam præcellentem similiter veneramus, in statu Sacerdotii illæso manente per omnia Flaviano, ad Concilium Apo-  
 N n n n stolicæ

## 834 DE ROMANA APPELLATIONE

„stolicæ Sedis Judicium transmittatur, in qua primus ille, qui co-  
 „lestes Claves fuit dignus accipere, Principatum Episcopatus ordi-  
 „navit, quando scilicet decet nos huic maximæ civitati, quæ Do-  
 „mina omnium est civitatum, in omnibus reverentiam conserva-  
 „re". Disertè affirmat Flavianum appellasse ad Leonem. Et ejus  
 appellationi rogat donari suspensivum effectum: Secundum Ca-  
 nones. Insuper postulat retractatorium Judicium transmitti ad  
 Concilium Sedis Apostolicæ. Non ad Occumenicam Synodum;  
 sed ad Synodum solius Romanæ Provinciæ. Hanc judicat sufficere.  
 Quod nempe ista Synodus essent Episcopi harum partium, ad quos  
 Flavianus appellaverat. Si tamen appellaverit. Etenim penitus  
 existimo, quod ipsis potius exposuerit suam causam, commen-  
 dandam S. Leoni. Interim res cadit in idem. Quidquid fuerit, Galla  
 Placidia istud ipsum postulavit à sancta Imperatrice Pulcheria: "Cle-  
 „mentia tua secundum Catholicam fidem conspirare dignetur, ut  
 „quidquid illo tumultuoso, miserrimoque Concilio constitutum  
 „est, omni virtute removeatur, ut omnibus integris permanenti-  
 „bus, ad Apostolicæ Sedis Judicium, in qua primus Apostolorum  
 „B. Petrus Sacerdotii Principatum tenuit, Episcoporum causa mit-  
 „tatur".

Eadem omnia in literis ad Pulcheriam Augustam insigniter ex-  
 ponit Hilarus Romanæ Ecclesiæ Archi-Diaconus. Exponit La-  
 trociple Dioscori de Flaviano Judicium, suam contra illud gene-  
 rosam protestationem, suamque per multa pericula reditum ad  
 Romanam civitatem, & prosequitur: "Vestra itaque veneranda  
 „Clementia cognoscat à S. Leone Papa cum omni Occidentali Con-  
 „cilio reprobari omnia, quæ in Epheso contra Canones per tumul-  
 „tus & odia sæcularia à Dioscoro Episcopo gesta sunt, & nullà  
 „ratione hæc in his partibus suscipi posse, quæ per potentiam præ-  
 „dicti, non sine læsione fidei, & præjudicio sanctissimi viri, in-  
 „noxique Flaviani commissa sunt. Quæ verò constanti ac forti  
 „auctoritate pro fide à me nunciata sunt, superfluum credo narrare.  
 „Nam hæc ex literis BB. Papæ poteritis agnoscere". Per reducem  
 Hilarum de appellatione instructus Leo mox cœgit suæ ac vicinarum  
 Provinciarum Synodum, & decrevit omnia superiora. Latrocina-  
 lem Synodum cassavit & circumduxit; admisit S. Flaviani appella-  
 tionem; ipsum reconstituit, & firmavit in plena Episcopali apud  
 omnes Ecclesias communione; ipsius appellationi adscripsit effe-  
 ctum

Ædum suspensivum; ipsi quemcumquei superordinari rigidissime vetuit; retractatorium Judicium voluit fieri in celebranda intra Italiam Synodo: Et hæc omnia per varias literas scripsit ad Theodosium, ad Pulcheriam, ad Julianum Coensem Episcopum, ad sanctum Flavianum, & ad alios. Omnis Occidens admisit promptissime. Etiam ante datum auxilium ab Imperatore Valentiniano. Etenim omnes istæ literæ sunt scriptæ tertio Idus Octobres, & Valentinianus Romam non venit, nisi ad sequens Festum Principis Apostolorum. At circumscriptus in Eutychetis patrocinium, ac in S. Flaviani odium Theodosius obedire non permittebat Orientalem Ecclesiam: Hinc ipsi per varios modos ac mediatores supplicavit Pontifex. Epi licet non exaudiretur, uti non desit Principatu sui Romani Sacerdotii.

Etenim Omnes Orientales Episcopos, qui Latrociniali in sanctum Flavianum judicio adfuerant & consenserant, suspendit à suæ Sedis ac totius Occidentalis Ecclesiæ communione. Romana Ecclesia Orientales Episcopos, dum ob Regiam præsentis Imperatoris violentiam aliter non poterat, sic olim fuit consueta punire & frænare. Lucent ista ex S. Leonis literis ad Anatolium, propter Regiarum Martiani & Pulcheriæ preces jam confirmatum in Episcopatu Constantinopolitano: "De Fratribus verò, quos & epistolis tuis, & Legatorum nostrorum relatione, communionis nostræ cupidos esse cognovimus, eòquod doleant se contra potentiam, contraque terrores non tenuisse constantiam, sed alieno sceleri præbuisse consensum, cum eos ita formido turbasset, ut in damnationem Catholici atque Innocentis Antistitis, & in receptionem detestabilis pravæitatis trepidè famularentur obsequio, illud quidem quod præsentibus & agentibus nostris constitutum est approbamus, ut suarum interim Ecclesiarum essent communione contenti, sed cum Legatis nostris, quos misimus, participata tecum sollicitudine volumus disponatur, quatenus hi, qui plenis satisfactionibus male gesta condemnant, & accusare se magis eligunt quàm tueri, pacis & communionis nostræ unitate lætentur, ita ut digno prius anathemate, quæ contra fidem Catholicam sunt receptæ, damnentur".

Affirmat & docet varia. Primò, quod omnes Latrociniali Judicio cooperatos Orientis Episcopos removerit à sua communione. Nempe in ista post Hilari Diaconi reditum Synodo, quæ Flaviani appellationem admisit, ac ipsum reconstituit. Processit ex antiqua Eccle-

sue regula, laudata ac stabilita per Africanum Canonem: "Placuit  
 „ut à quibuscumque Judicibus Ecclesiasticis ad alios Judices Ecce-  
 „siasticos, ubi est major autoritas, fuerit provocatum, non eis  
 „obstet, quorum fuerit soluta sententia, si convinci non potuerint  
 „vel inimico animo judicasse, vel aliqua cupiditate, vel gratià de-  
 „pravati". Isti Episcopi, licet non inimico animo, tamen cupidi-  
 „tate & gratià depravati judicaverant, idèdque magnus Leo ipsos  
 „merito castigavit. Secundò discimus, quod isti Episcopi, dum  
 „vixit Imperator Theodosius, in patientia ac poenitentia siluerint.  
 „Etenim ille confirmâret Ephesinum Latrocinium, & adversus ipsum  
 „nec preces nec instructiones dignabatur admittere. At: verò post  
 „ejus mortem Imperio admotus Martianus exaudivit magnum Leo-  
 „nem, omniaque ejus Decreta ac Postulata veneratus est, & con-  
 „firmavit. Tunc igitur istorum Episcoporum plurimi agnoverunt  
 „errorem, & primò ad Julianum Coënsen Episcopum, Leonis isthic  
 „Legatum, deinde recurrerunt ad ipsum Pontificem, & sue infir-  
 „mitati ac lapsui indulgentiam supplicârunt, recipere communionem  
 „cum Romana, adeoque & cum omni Orthodoxa Ecclesia. Et  
 „Leo per gradus processit. Primò ratam habuit factam eis à suis  
 „Legatis gratiam: Apostolicam communionem intra solam cujusquè  
 „Ecclesiam. Deindè ipsi, dummodò Eutychiânæ perfidiæ solem-  
 „niter dicerent anathema, restituit plenam communionem.

Pontifex pergit in sua epistola: "De nominibus autem Dioscori"  
 „Patriarchæ Alexandrini, "Juvenalis" Hierosolymitani, "& Eustatii"  
 „Berytensis in prima Phœnicia Episcopi, "ad Sacrum Altare non reci-  
 „tandis Dilectionem tuam hoc decet custodire, quod nostri ibi-  
 „dem constituti faciendum esse duxerint, quodque honorandæ  
 „S. Flavianæ memoriæ non repugnet, & à gratia tua Christianæ Plebis  
 „animos non avertat. Nam iniquum nimis est atquè incongruum,  
 „ecce qui innocentes & Catholicos suâ persecutione vexarunt, San-  
 „ctorum nominibus sine discretione misceri, cum damnata im-  
 „pietatem non deferentes, ipsi se suâ pravitate condemnent: Quos  
 „convenit aut percelli pro perfidia, aut laborare pro venia". Dios-  
 „corus palam ex inimico animo in sanctum Flavianum processerat,  
 „Juvenalis autem & Eustatius, qui ex officio debuerant compescere,  
 „singulariter adjuverant: Hinc ipsos Pontifex censuit singulariter ca-  
 „stigandos. Eos nec communione, nec gradu privavit. Etenim  
 „omnes tres Chalcedone comparuerunt ut Episcopi: Et in prima Ac-  
 „tione

tionem Dioscorus affedit ut Patriarcha. Discedere & exire compulsus fuit, non quia degradatus aut excommunicatus, sed quia ex Iudice demutatus in Reum. Per sancti Flaviani appellationem. Hanc igitur poenam Pontifex in istos tres valere voluit: Et insuper ipsorum nomina non recitari ad Sacrificium. Ipsos suspendit à celebratione Missarum, immò ab omni perceptione Sacrosanctæ Eucharistiz. Nam quorum nomina recitari, seu Domino Deo ad Altare offerri non poterant, communicabant sine Oblatione. Erant Conſiſtentes, exclusi à Perfectione.

Et ex his addiscimus plura. Primò, quod Orientalis Ecclesia tunc plenè dependeret ab Occidentali. Etiam à sola Romana. Secundò, quod S. Flaviani appellationem, & omnes ejus appendices solus Leo administraverit, citrà omnem dependentiam à Generali Concilio. Hinc enim lapsi apud Ephesum Episcopi suam reparationem non distulerunt usque ad futuram Synodum, sed ipsam à solo Leone supplicarunt ac impetrarunt. Et istam reparationem probavit omnis Ecclesia. Omnes enim isti Episcopi fuerunt tanquàm integri admissi ad Synodum Chalcedonenſem. Tertiò addiscimus, quod magnus Leo, S. Flaviani appellationem in alia Generali Synodo retractatam volens, non ex Canonum necessitate, sed ex spontaneo juxta Canones Beneplacito voluerit. Ob rationes. Potuerat solus retractare ac definire. Sardicenses enim Canones sapientissimo ejus Beneplacito permittunt & credunt omnia. Nempe super S. Petri Cathedram nihil ausi constituere, scientes illi omnia concessa à Domino. Quartò discimus, quod hæc omnia sciverit, & professa fuerit Galla Placidia, Theodosium rogans, ut omnem Flaviani causam transmitteret "ad Concilium Sedis Apostolicæ". Ejus Secretarii erant peritissimi legum & Canonum. Quintò, quod Pontifex possit sibi reservare varia, & Patriarcharum etiam manus constringere. Etenim lapsos apud Ephesum Episcopos à se solo voluit reparari. Sextò, quod istam reservationem ac reparationem possit ante ipsos Patriarcharum oculos per suos etiam Legatos exercere. Septimò, quod magnus Leo ista in re noluerit Patriarchas ex integro mutilare. Hinc addidit: "Participatà tecum sollicitudine". Octavò, quod Pontifex sit manifestè superior Generali Concilio. Etenim appellatio non fit, nisi ad Superiorem.

Quod S. Flavianus non ad Generalem Synodum, sed solam Apostolicam Sedem appellaverit, disertè etiam testatur in Nestorianæ

# 838. DE ROMANA APPELLATIONE

ac Eutychianæ hæresis Breviario Liberatus, Carthaginensis Ecclesiæ  
 Archi-Diaconus: "Hæc ergo" secundâ Ephesinâ "Synodo decernente,  
 „& restituyente Eutychi Presbyterii dignitatem ac Ministerii Præ-  
 „sulatum, Flavianus quidem & Eusebius", Dorylaensis Episcopus,  
 Csp. 12. "carceri mancipantur. Porro locum obtinentes Papæ Leonis om-  
 „nibus, quæ gesta" sunt, contradixerunt: Flavianus autem, contra  
 se "prolatâ sententiâ, per ejus Legatos Sedem Apostolicam appel-  
 „lavit libello". Apostolicam Sedem in suis Legatis veneratus est,  
 ideoque ipsis tradidit suæ appellationis libellum. Liberatus diserte  
 scribit non solum Hilarum, sed Apostolicos Legatos Latrociniali  
 Iudicio contradixisse. Eidem debemus gratias, quod nos doceat  
 Flavianum ac Eusebium fuisse apud Ephesum à Dioscoro carcera-  
 tos. Comes Marcellinus addit S. Flavianum fuisse relegatum Hy-  
 pepam Asiæ. Et Prosper Tyto: "S. Flavianus inter manus eorum,  
 „à quibus in exilium ducebatur, glorioso ad Christum sine tran-  
 „sivit". Etenim à Dioscoro fuerat impetitus calcibus, & graviter  
 læsus. "Cæsus Flavianus, & multis injuriis affectus, dolore pla-  
 „garum migravit ad Dominum". Sunt verba Liberati. Hæc est  
 causa, cur Magnus Leo Sanctissimum Episcopum non reposuerit  
 in suam Sedem. Prosper subjungit: "Martiani Augusti Edictis,  
 „Apostolicæ Sedis auctoritatem secutis, Synodus Ephesina damna-  
 „tur". Non per aliam Synodum, sed per solam auctoritatem mag-  
 ni Leonis.



CAPUT



## CAPUT II.

*Discutiuntur quædam Commenta Reverendi Patris  
Paschafii Quesnelli.*



Alchafius Quesnellus laudat Magni Leonis ad Imperatorem Theodosium literas, & commentatur: "Ex descriptis epistolæ verbis aliud nobis Epist. 40.  
„validissimum adeſt argumentum, quo à Flaviano Synodum appellatam esse constat, ac deinde Leonem, quasi Synodi Caput. Cum enim Leo ex „appellatione illius Episcopi congregandæ Synodi „Oecumenicæ necessitatem arceſſat, Sole clarius esse appellatam „esse Synodum, nec alterius authoritatem pulsatam esse appellationis libello, ut de Ephesini Latrocinii sententia iudicium fieret". Quam autem, „inquit", post appellationem interpositam hoc necessariò postuletur, Canonum Nicææ habitorum Decreta testantur. „Si enim ad unum ex Occidentalibus Episcopum cum Provinciali „vel Diocesana Synodo provocatum est, quidni solus cum suis „Com-Provincialibus iudicium adornat? Ut quid omnium Ecclesiarum Sacerdotes è suis Sedibus demoveantur, si unius iudicio „possit causa finiri? Cur" necessariò "postulata Synodus Oecumenica, quando non Oecumenica Synodus appellata est? Si Sedes Primaria libello adita est, Sedi suæ Pontifex litigantes sistat, rem discutiat, Co-Episcoporum sententiam postulet, iudicium „decernat: Et causa finita est. Sed ideo" necessariò "postulari „Generalem Synodum" post appellationem interpositam "censuit „Leo, quia illam à Flaviano postulatam esse ex ipsius libello, „atquæ ex consuetudine Ecclesiastica intellexit. Nec suæ providentiæ, iudicioque existimavit esse permissum, an Synodo cogendæ „superfederetur, an instaretur, sed ex necessitate & officii sui debito esse duxit pro eâ impetranda etiam" cum gemitibus ac lachrymis, "ut ipse ait", & genibus provolutum deprecari, "ut scribit „Liberatus".

Errores varii. Primus est, quod Flavianus non solam Apostolicam

licam Sedem, sed Generalem Synodum invocaverit. Etenim disertè contrarium jam audivimus ab Imperatore Valentiniano, ab ejus Augusta Matre Galla Placidia, & à Liberato, doctissimo Carthaginensium Archi-Diacono. Secundus est, quod S. Leo ex S. Flaviani appellatione arceffat necessitatem convocandæ Generalis Synodi. Etenim Pontifex ex ista appellatione arceffit necessitatem, non quâ ipse istam Synodum obligetur postulare & celebrare, sed quâ Theodosius ipsam à Pontifice postulatam obligetur concedere. Affirmat omnem hujus appellationis administrationem ad se ac suam Sedem spectare per Nicænos, aut Sardicenses Canones. Subsumit se judicare Oecumenicam Synodum huic plenè auferendo scandalo esse necessariam, aut sanè expedientissimam: Hinc concludit Theodosio esse necessitatem, seu obligationem illius concedendæ. Hunc esse Papalium verborum sensum est omni luce clarius. Tertius error est, quod solus cum suæ Provinciæ Synodo Pontifex non potuerit hoc judicium adornare. Etenim ipsum ad hoc faciendum adhortata fuit Galla Placidia, ac istud ipsum suadens Imperatori Theodosio disertissimis verbis supplicavit omne judicium transmitti ad solum "Concilium Sedis Apostolicæ". Istud ipsum professus est Imperator Valentinianus: "Prædictus Sacerdos", Magnus Leo; "congregatis, ex omni Orbe etiam reliquis Sacerdotibus intra Italiam, à principio omnem causam sollicità probatione cognoscens, sententiam ferat". Verba sunt altius consideranda. Magno Leoni non solum suffragii Prærogativam, sed ipsi soli adscribunt omne istud judicium. Ipsi soli decisivum suffragium. Non quod in omni Oecumenica Synodo sit Romano Episcopo ista potestas: Nullo modo. Sed quod ipsa illi sit in Oecumenicis Synodis, quas ejus arbitratu convocari contigerit ad retractandas Romanas appellationes. Hæc appellatio recusato aut improbato Judici ligat omnes manus, & causam pleno jure devolvit ad solum Pontificem. Canones Sardicenses ipsi tradunt, aut potius declarant ac stabiliunt traditam ipsi à Christo Domino facultatem, qua retractatorium judicium possit vel per semetipsum solus agitare ac definire, vel etiam delegare eidem Synodo, vicinæ Provinciæ, toti Diocesi, vel etiam toti Ecclesiæ in Oecumenico Concilio. Prout Sapientissimo suo arbitrio judicaverit expedire. Quicumquæ autem aut qualiscumquæ Delegatus judicat ex sola autoritate Delegantis, atque

quæ ita in ipso solo est, & ex ipso solo procedit omnis autoritas decidendi. Hic est sensus Imperatoris Valentiniani.

Quod sine Generali Synodo solus magnus Leo ad S. Flaviani appellationem retractandam ac definiendam suffecerit, evidenter censuit universa Chalcedonenſis Synodus. Etenim ad ipsam omnes quatuor Apostolicæ Sedis Legati uno ore dixerunt: "Synodus", Latrocinialis Ephesine, "proferri non potest, in qua illa nefaria delicta relecta sunt. Si ergo & à Beatissimo & Apostolico Ro-  
 ,,manæ urbis Episcopo omnia, quæ ibi gesta sunt, vana sunt  
 ,,habita, claret quia & Beatissimus Episcopus Antiochenæ civi-  
 ,,tatis extra hæc est, quem post hæc Beatissimus Episcopus in  
 ,,propria communione suscepit". Et Anatolius Constantinopoli-  
 tanus Episcopus confirmavit: "Definimus nihil horum valere,  
 ,,quæ in illa, quæ dicitur Synodus, sunt confecta, nisi illud  
 ,,circa Sanctissimum Maximum, magnæ Antiochenæ civitatis  
 ,,Episcopum. Quoniam & Sanctissimus Leo, Romanus Archi-  
 ,,episcopus, cum in communionem recipiens, præesse Antio-  
 ,,chenſium judicavit Ecclesiæ. Quam formam sequens & appro-  
 ,,bavi, & præſens sanctum Concilium". Et omnes Episcopi istud  
 ipsum unanimi suffragio comprobârunt. Stephanus Ephesiorum  
 Exarchus adjunxit: "Et ego judico, ut quæ contra Canones in  
 ,,Ephesine Metropoli facta sunt, infringantur. Exceptis his, quæ  
 ,,gesta sunt adversus Domnum Antiochenæ civitatis Episcopum,  
 ,,ob hoc quia Ordinatio Deiamantissimi Episcopi Maximi, facta  
 ,,pro eo Canonice in Antiochena Metropoli, à Sanctissimo Archi-  
 ,,episcopo Leone, & hoc præſente sancto & universali Concilio  
 ,,est suscepta".

Quod Dioscorus Patriarcha Alexandrinus Domnum Antiochiæ Patriarcham semper oderit, est demonstratum in superioribus. Interim in Ephesino Latrocinio simulavit cum ipso redire in gratiam, atque ita circumſcripſit & seduxit ad cooperandum & suffragandum in damnationem sancti Flaviani. Infelix Domnus, ut suam pellem à Dioscori furore redimeret, condemnavit non solummodò innocentissimum, sed insuper sibi amicissimum Antistitem. Manifestè contra conscientiam. Divina atque humana prævaricatus. Isto ob-  
 tento, Dioscorus larvam deposuit, resumpsit odia, & ipsum etiam Domnum, quod duodecim sancti Cyrilli Capitula nuperimè dam-  
 nasset, degradavit. Et ejus in Sedem intravit, aut intrudi curavit

O o o o o

Maxi-

Maximum, Diaconum & Archi-Mandritam, fidelem amicum sancti Cyrilli. Quare Dominus, utpotè ex vana causa, & contra omnem Canonum consequentiam degradatus, cum aliis eandem injuriam passis Episcopis invocavit Magnum Leonem. Verùm justus ille Pontifex Ephesina Acta cassavit omnia, omnes degradatos ac ipsum invocantes Episcopos revestit, excepto unico Domino: Ejus damnationem stabilivit, & tandem etiam Maximi creationem confirmavit. Domni damnationem nequaquam propter damnata Cyrilli Capitula, sed propter adjutam S. Flaviani damnationem stabilivit, atquè ita hominem quasi de novo damnavit. Solus hanc causam retractavit ac definivit. Et omnis Orientalis Ecclesia comprobavit. Eodem igitur suæ Sedis Privilegio solus poterat retractare ac definire causam S. Flaviani.

Ejusdem rei meminît quinta Synodus: "Chalcedonenfis sancta  
 Collat. 6. „Synodus Domnum Antiochiæ Episcopum, eò quod scripsit de-  
 „bere taceri duodecim Capitula sanctæ memoriæ Cyrilli, & post  
 „mortem condemnavit, cum confirmasset condemnationem ejus,  
 „& suscepisset Maximi Ordinationem". Miscet vera falsis. Etenim  
 falsum est, quod Chalcedonenfis Synodus Domni damnationem  
 confirmaverit propter damnata Capitula. Ipsam confirmavit propter  
 auctoritatem magni Leonis. Et certum est, quod magnus Leo  
 ad solam Flaviani damnationem, non ad damnata Capitula re-  
 flexerit oculos, atquè idè Domni damnationem confirmaverit.  
 Notanda sunt verba: "Et post mortem condemnavit". Firmant  
 Paschasilii Quæsnelli opinionem, quæ censet Domnum Chalcedo-  
 nenfis Synodi tempore fuisse derunctum, idèque habitam isthuc  
 de illo Actionem esse spurium additamentum. Græcus textus non  
 reperitur, idèque videtur esse additamentum Latini hominis. Ex  
 quibus iterum discimus Apostolicæ Sedis auctoritatem in Generales  
 Synodos. Tanta est, ut possit, quæ voluerit ex rationibus, &  
 infirmare & confirmare. Confirmare etiam perperam Gesta. Sup-  
 plendo causas & defectus. Quis enim dubitet Domni damna-  
 tionem, prout à Dioscuro acta est, fuisse iniquam atquè invalidam?  
 Videatur sancti Gelasii Pontificis Tomus de Anathematismo.

Laudata Apostolicæ Sedis circà Flaviani causam auctoritas  
 lucet etiam ex Magni Leonis epistola ad Clerum & Populum Con-  
 Ep. 46. c. 1 stantinopolitanum: "De vestræ devotionis pietate gaudemus, &  
 in

„in sanctæ Plebis acclamationibus, quarum ad nos exempla delata sunt, omnium vestrorum probamus affectum, quia vivit ac permanet apud bonos filios optimi Patris iusta dilectio". Magni Leonis Decretum, quo appellantem ad se Flavianum revestiverat, Constantinopoli lectum & publicatum, omnis Regia civitas fuit adeò venerata, ut uno ore Pontifici fausta acclamaverit. Acclamavit Flavianum semper à se ut Episcopum habendum & honorandum. Ex eadem reverentia Imperator Martianus fecit, quod Augusta Pulcheria scripsit ad Pontificem: "Sciat tua Sanctitas, quoniam Præcepto nostri Domini, & tranquillissimi Principis mei, Conjugis, in gloriosam civitatem Constantinopolim sanctæ memorie Episcopi Flaviani corpus allatum est, & in Basilica Apostolorum, in qua consueverunt Prædecessores Episcopi sepeliri, competenter est positum". Imperator Martianus revestitum à Magno Leone Flavianum habuit pro integro & Canonico Episcopo: Ejus interlocutionem habuit pro definitione. Flavianum honoravit ut plenè reparatum. Imitatus est Theodosium, qui Parentum peccata cognoscens, eodem modo honoravit & sanctum Joannem Chrysostomum, & sanctum Pontificem Innocentium. Ab hoc factam illius revestitionem habuit pro plena reparatione: S. Joannis cadaver, antequàm humaretur, Episcopali Throno imposuit, & uti integrum Episcopum jussit ab omnibus adorari.

Quartus error est in his Paschasii Quesnelli verbis: "Ut quid omnium Ecclesiarum Sacerdotes à suis Sedibus dimoventur, si unius judicio possit causa finiri? Cur necessariò postulata Oecumenica Synodus, quando non Oecumenica est appellata"? Censet Oecumenicæ Synodi necessitatem cum S. Flaviani ad solam Romanam Sedem appellatione, itemque cum istius Sedis sufficienti in istam appellationem autoritate non cohærere. Errat dupliciter. Primò, quod affirmet istam Synodi necessitatem à Magno Leone asseri. Etenim jam ostendi Pontificem velle longè aliud. Secundò errat, quod à Synodi necessitate censeat everti supremam ac sufficientem autoritatem Sedis Apostolicæ. Etenim Generalium Synodorum necessitas non ab istius autoritatis insufficientia oritur, sed ex difficultate executionis ob grandis erroris potentiam & contumaciam. Eadem de causa factas ad se appellationes Apostolica Sedes quandoquè censuit retractandas in Oecumenica Synodo. Nempe ob partis violentas vires ex patrocinio circumscripti Principis.

# 844 DE ROMANA APPELLATIONE

pis. Ità Innocentius I. S. Joannis Chrysostomi causam retractari voluit in Synodo Thessalonicensi. Juxta Sardicenses Canones, submittentes hæc omnia sapientissimo Beneplacito Episcopi Romani. Hic manifestè est sensus laudati Innocentii, de retractanda Joannis causa scribentis ad Clerum & Populum Regiæ civitatis: „Sed quoddam remedium hisce rebus in præfenti adferemus? Necessaria erit Synodalis cognitio. Ea quippè sola est, quæ hujusmodi procellarum impetus retundere potest“. Non ob Apostolicæ authoritatis, quæ defunctum Joannem sola reparavit, & cujus judicium omnis etiam Oriens est veneratus, insufficientiam, sed ob violentas refragationes circumscriptorum Principum. At verò post S. viri mortem cessavit invidia, & violenta contradictio. Innocentius addit se ab Imperatore postulasse Synodum, & diserte profiteretur se agere secundum Canones Sardicenses. Proinde istam epistolam vanè pro se adducit Paschasius Quesnellus.

Ep. 40. C. 3 Adducit etiam hæc S. Leonis verba ad Imperatorem Theodosium: „Omnes partium nostrarum Ecclesiæ, omnes supplicant „Sacerdotes, ut quia & nostri fideliter reclamârunt, & eisdem „libellum appellationis Flavianus Episcopus dedit, Generalem „Synodum jubéatis intra Italiam celebrari“. Et commentatur: „Ex quo consequi necessariò mihi videntur duo maximè momenti. „Alterum quidem, quod superiùs discussimus, non ad unum Pontificem aliquem, sed ad omnes Occidentis saltem Episcopos devolutam esse Flaviani appellationem. Alterum, Legatos Sedis „Apostolicæ non Romani solummodò Pontificis nomine Ephesinæ „Synodo secundæ interfuisse, nec aliàs interesse consuevisse Oecumenicis Conciliis in Oriente congregatis, sed & omnium totius „Occidentis Episcoporum vice, quorum procuracionem gerebant, „cum per se interesse eidem non poterant. Hoc enim solemne „erat Romano Episcopo, ut cum primùm Synodus universalis „indicta erat, omnes sui Patriarchatus Episcopos ea de re admoneret, cogeretque ipse Romæ Synodum, ad quam invitati Occidentales confluerent, ut in commune de negotio illic tractando „differrent, deligerentque Legatos absentium vicem impleturos. „Nimirum qui ex illa Romana Synodo Legati mittebantur, non „soli Pontificis Legati erant, nec ab ipso solo mitti dicebantur, „sed ab universa Synodo missi erant. Ejusdem agebant vicem, „tamen Legatorum Sedis Apostolicæ nomen semper retinerent: Quia

„Quia Occidentalium omnium) Coryphæus erat Pontifex. Hoc  
 „clarissimum evadit ex tertia Synodo Oecumenica Ephesina, ubi  
 „Cyrillus Legatorum Apostolicæ Sedis sententiam resumens, sic  
 „loquitur” : Deposuerunt supplentes locum Sedis Apostolicæ,  
 totiusque Synodi sanctissimorum, Deoque dilectissimorum Occi-  
 dentalium Episcoporum. ”Idem manifestum est ex Concilii sexti  
 „Actis, ubi Episcopi, Portuensis, Paternensis, & Regitanus, lo-  
 „cum) tenere dicuntur Concilii antiquæ Romæ”.

Plures denuò errores. Primus est, quod laudatæ omnium Oc-  
 cidentalium Episcoporum ad Theodosium preces affirmant aut  
 evincant S. Flaviani appellationem non ad solum Leonem fuisse  
 devolutam, sed ad omnes saltem Occidentis Episcopos. Etenim  
 Imperator Valentinianus, Galla Placidia Augusta, ac Liberatus  
 Diaconus disertè scribunt ipsum provocasse ad solum Leonem.  
 Certè non video, quomodò tantæ autoritatis testimonia per istas  
 plurium Episcoporum preces evitantur. Earum scopus fuit non  
 Flaviani appellationem huc aut istuc devolvere, sed Theodosii ani-  
 mum, à Flaviano durè aversum, ad justitiam per multiplicatos  
 Intercessores reducere. Et per verba, ”Omnes partium nostrarum  
 „Ecclesiæ”, Leo videtur non omnes Occidentales, sed solas Italiæ  
 Ecclesias intelligere. Cur Paschasius Quesnellus, qui tanto antea  
 impetu asseveravit Flavianum ad Oecumenicam appellasse Syno-  
 dum, jam ista vela contrahit ad solum Occidentem? Error non  
 stat in firmo fundo.

Secundus error est, quod Romani Legati Ephesino Latrocinio  
 adfuerint non solius Pontificis, sed insuper nomine & vice totius  
 Occidentalis Concilii. Etenim Magnus Leo disertè ac frequenter  
 testatur oppositum. In Dogmatico ad S. Flavianum scripto, &  
 ad ipsum Latrocinium directo Tomo : ”Julium Episcopum, & Re- Ep.24.c.6  
 „natum Presbyterum, & Hilarum Diaconum vice nostra direxi-  
 „mus”. In literis ad Imperatorem Theodosium : ”Julium Epi- Epist.26.  
 „scopum, Renatum Presbyterum, & Hilarum Diaconum misi,  
 „qui ad vicem præsentis meæ sufficerent”. Et in literis ad ipsam Ep.29.c.2  
 Ephesinam Synodum : ”Julium Episcopum, Renatum Presbyte-  
 „rum, & Hilarum Diaconum misi, qui vice mea intersint”. Con-  
 sonat Prosper Tyro : ”Hilarus Diaconus Romanæ Ecclesiæ, qui  
 „vice S. Leonis Papæ cum Julio Puteolano Episcopo à Sede Apo-  
 „stolica fuerat destinatus”. Eisdem Legatos laudat Liberatus

O o o o o }

Diao.

Diaconus, & adjungit: "Locum obtinentes Papæ Leonis". Etiam de Juliano Cœnſi Episcopo habent Acta Synodalia: "Julianus „Episcopus, tenens locum Leonis S. Episcopi Romanæ Ecclesiæ". Videtur fuisse ſuffectus in locum defuncti Julii. Et certe ante Ephesinum Concilium Magnus Leo nullam celebravit Synodum, niſi ſolius ſuæ Provinciæ, idedque certum & maniſeſtum eſt laudatos Legatos fuiſſe ipſius ſolius Vicarios. Ità evaneſcit omnis anſa, ex qua Paſchaſius Queſnellus ſuadet S. Flavianum non ad ſolum Leonem, ſed ad omnes Occidentales Episcopos provocâſſe.

Tertius error eſt, quod indicto Oecumenico Concilio Romanus Pontifex olim conſueverit ſuam Patriarchalem Synodum congregare, & illic Legatos ad iſtud deligere. Etenim talis Synodus, talisque electio nec ad Nicænam, nec ad Ephesiſinam, primam aut ſecundam, nec ad ſeptimam fuit facta, nec ad octavam, nec ad quintam, nec ad Chalcedonenſem. Celeſtinus Pontifex iſta fecit durante Ephesiſinâ Synodo, ob natum iſthic ſcandalum horrendi ſchiſmatis. Et videtur convocâſſe Episcopos ſolius Italiæ. Etenim Africani propter Barbaros non poterant Romam accedere, & Ephesi habebant ſuum ſingularem Legatum. Etiam Hiſpani, & Gallorum plures tenebantur à Barbaris. Ante Chalcedonenſem Synodum Leo facere iſta voluit, ſed per cauſas fuit impeditus. Facta non ſunt, niſi à ſancto Agathone ante ſextum Concilium. Quare gravis error eſt ſcribere iſtum fuiſſe ſolemneſſimam morem Romanæ Eccleſiæ.

Quartus error eſt, quod Sedis Apoſtolicæ Legati Oecumenicis in Oriente Conciliis intereſſe conſueverint non ſolius Romani Pontificis nomine, ſed Episcoporum totius Occidentis. Etenim nulli Concilio adfuit talis Legatio, ne quidem Ephesiſino. Adfuit ſexto Concilio, ſed diviſa in alias & alias perſonas. Et dum in perſonis uniretur, nihilominus diſcerneretur autoritate aique officio. Primus locus, Relatio, & ſuffragii Prærogativa communibus Legatis non competere, niſi ex Privilegio ac Delegatione ſolius Pontificis. Libenter tamen admiſerim hæc Paſchaſii Queſnelli verba: "Ejuiſdem" totius Occidentalis Synodi, "agebant vicem, tametſi Legatorum „Sedis Apoſtolicæ nomen ſemper retinerent. Quia Occidentalium „omnium Coryphæus erat Pontifex". Reverà Coryphæus. Etenim ad ſuam Romanam Synodum dixit Felix tertius: "Quoties intra „Italiam propter Eccleſiaſticas cauſas, præcipuè fidei, colliguntur „Domini Sacerdotes, conſuetudo retinetur, ut Succellor Præſu- lum



lum Sedis Apostolicæ ex persona cunctorum totius Italiæ Sacerdotum, juxta sollicitudinem sibi Ecclesiarum omnium competentem, cuncta constituat, qui Caput est omnium". Papa isthic solus decidit. Alii non possunt, nisi solo consilio suffragari. Eandem auctoritatem habet non in sola Primatiali Italiæ, sed etiam in Patriarchali Synodo totius Occidentis. Hoc sensu admitti possit Romanos ad Generalia intra Orientem Concilia Legatos esse Vicarios totius Occidentalis Ecclesiæ. Reliqua per Palchasium Quesnellum adducta sunt aut refutata, aut ad rem non faciunt, ideòque non expedit in ipsa tempus expendere.

## CAPUT III.

*Avita Romanarum appellationum auctoritas demonstratur ex Orientalium Episcoporum ad Nixtum tertium Pontificem appellatione adversus sacrosanctum Ephesinum Concilium.*



Ante Flaviani appellationem confessus & professus sum esse sublime ac eximium Romanæ appellationis exemplum. Etenim non adversus alicujus Orientalis Provinciæ, immò nec adversus cujuspiam Patriarchalis Diocesis Judicium, sed adversus generalem totius Ecclesiæ Synodum fuit interjecta, atque ita S. Flavianus professus est etiam Oecumenicas Synodos esse sub Romano Pontifice, & posse per ipsum retractari, judicari, circumduci. Quod ipsum professus est omnis Chalcedonensis Synodus, probans & firmans omnia Magni Leonis Acta & Judicata, & pro S. Flaviano, & adversus istud Latrocinium. Ista, inquam, appellatio fuit interjecta adversus Synodum, quæ juxta Convocantium intentionem debebat esse Oecumenica, & quam Dioscori Patriarchæ Alexandrini rabida violentia transmutavit in particulare Latrocinium. Petrus de Marca istam metamorphosim vult per prævaricationem ac apostaticam Eusebianæ Factionis fugam evenisse etiam Sardicensi Concilio, atque ita ipsum, necnon ab ipso firmatam Roma-

Romanarum appellationum auctoritatem esse modici ponderis. Malè. Sine fundamento. Istam tamen eclypsim passa est secunda Ephesina Synodus. Isthic enim violenta ac lucida Dioscori turbulentia pro arbitrio non solum exclusit, vel ad iniqua coëgit Episcopos, sed etiam fecit istud usque tunc sub cœlo inauditum facinus, de quo ad Chalcedonensem Synodum dixit venerabilis Lucentius, Esculanus in Apulia Episcopus, Legatus ac Vicarius Magni Leonis: "Dioscorus, cum iudicandi personam non haberet, præsumpsit, & Synodum ausus est facere sine auctoritate Sedis Apostolicæ, quod nunquam licuit, nunquam factum est". A Synodi Præsentia violenter extrusit Apostolicæ Sedis Legatos, & ipsam in se transulit. Istiusmodi facinora inducunt eclypsim, & Synodica ex Oecumenica transvertunt in particulare, immò & in Latrocinale Conventiculum. Nihilominus hocce Conventiculum fuit grande & numerosum: Quin & per Imperatorem Theodosium fuit donatum auctoritate Synodj. Et licet Theodosii Decretum fuerit ab Imperatore Martino, magno Leone, ac Chalcedonensi Synodo circumductum, nihilominus in Constantinopolitana cum Severianis Episcopis Collatione Hypatius, Orthodoxus Ephesiorum Metropolitā, istum qualemcumque Conventum appellavit universale Concilium. Hinc S. Flaviani appellatio demonstrat magnam & sublimem auctoritatem Romanæ Ecclesiæ.

Christus Dominus noster est fidelissimus Adimpletor & Executor sui Promissi: "Ecce ego vobiscum sum omnibus diebus usque ad consummationem sæculi". Romana hodie Ecclesia violentos patitur insultus. Romanas appellationes, palmarem Sedis Apostolicæ Dignitatem, quidam machinantur evertere. Clamant antiquæ Ecclesiæ Episcopos non ad Romanum Antistitem provocasse, sed ad generales, dumtaxat Synodos. Nec sunt hæretici aut homunculi, sed sublimia nomina: "Pastores & Doctores". Deo laus, Catholicæ Matris Archiva habent authentica documenta, quibus redarguantur, & ex quibus dicamus: "Tace, & obmutescit". Et talia huc usque studui adducere. Christus Dominus, sui Promissi memor, subministravit & alia. Eminentissimus ac Reverendissimus Dominus Hieronymus Casanate, S. R. Ecclesiæ Cardinalis, Ecclesiasticæ Antiquitatis ac totius Christiani Dogmatis peritissimus, mihi benignissime communicavit

cavit antiquum Cassinenſis Monafterii Codicem, in quo reperi ultra ducentas Orientalium Episcoporum literas, plurimum illustrantes Acta Ephesini Concilii, & Chalcedonenſis. Præſertim contentiones & pacem, quæ poſt Ephesinum Concilium interceſſerunt inter Eccleſias ac Episcopos Aegypti ac Orientis. Iſtas cum ſuis Scholiis epistolâ ſuo tempore publica lux videbit. Hic interim do Helladii Tharſenſis Episcopi, per primam Ciliciam Metropolitæ, & Eutherii Thyanenſis Episcopi, Metropolitæ per ſecundam Cappadociam, literas ad Xixtum tertium Pontificem, Magni Leonis proximum Anteceſſorem, quibus illi ſuo & multorum Collegarum nomine ad hunc appellant adverſus omnia Acta Ephesini Concilii, tunc ab ipſis improbatæ adhuc, & impugnati. Hæc epistola, licet circa materiam devia, eſt pro Divino Romanæ Sedis privilegio ſermo longè firmior omni appellatione S. Flaviani. Clarâ & altâ voce clamat non ad generale Concilium, ſed adverſus ipſum ad ſolum Papam Xixtum, atque ita demonſtrat nobis duo: Orientales olim Episcopos provocâſſe ad ſolum Romanum Pontificem, & provocâſſe etiam adverſum Acta generalium Conciliorum. Caſſinenſis itaque Codex habet ſequentia.

---

*Epistola Deo Amiciſſimi Eutherii Thyanenſis Episcopi,  
& Helladii Tharſenſis, ſcripta ad magni nominis  
Romæ Episcopum Xixtum.*

**M**ultam providentiam per ſingula tempora faciens Dominus Chriſtus, alio tempore alia Luminaria præparavit ad eorum Ducatum, qui bonæ ſunt voluntatis, conviſionemq; contrariorum. Et mendacii quidem deſtructionem, veritatis autem confirmationem. Sicut etiam ſub illo majori Pharaone Beatum Moysen contra Jamnes & Mambre, & ſicut ſuper Simo-

Pppp

nem

856 DE ROMANA APPELLATIONE  
nem Magum Petrum bene vincentem, sic & contra eos, qui nunc insurrexerunt, inimicos tuam protulit Sanctitatem, per quam bonæ spei sumus & nos, quod Orbis terrarum ab Ægyptio liberetur errore, qui Moyſes novus existens omnem quidem Ægyptium Hæreticum percuties, salvabis verò omnem Israelitam Orthodoxum. Igitur contra veritatem multis millibus gestis, & mundissimâ Orthodoxiæ Margaritâ multas excipiente inimicitias, & quantas nulla unquàm tradit historia, ab his qui harum vocum novitatem contra Paternam fidem Apostolicam pepererunt, nostrum quidem est, qui triplices multiplicelque parimur tempestatibus, & penè in Pyratas incidimus, ad eum clamare, qui à Deo productus est Gubernator, cumque pro amore veritatis quanta possibile est edocere; tuæ autem Gratiæ, Sapientiæque est non despicere, nequè otiosè transcurrere huiusmodi quæstionem, tantamque causam. Sed & perscrutari cum dilectione boni laboris, & imponere emendationem cum tota constantia, & Deo dilecta fiducia.

Et olim siquidem sapius jam ex Alexandria huiusmodi hereticis Zizaniis insurgentibus, suffecit vestra Apostolica Sedes per universum tempus illud ad mendacium convincendum, impietatemque reprimendam, & corrigenda quæ necessarium fuit, muniendumq; Orbem terrarum ad gloriam Christi,

sti, tam sub illo ter Beato, & inter sanctos habendo Episcopo Damaso, quàm sub pluribus aliis, gloriosis atquè admirabilibus. Cujus rei gratia, & nos præsumimus has supplicationes offerre ut adjuvetis Orbem terrarum: Et in illa parte quæ errat, & in illa quæ Tyrannidem sustinet. Quæquè ad hoc impugnatur, ut ad ea, quæ non conveniunt, assensum præbeat: Eò quod nec velit, nec expedire judicet, ut Ægyptiorum Capitulorum varias vocum novitates excipiat.

Scribens enim Cyrillus Alexandrinus blasphemam vocum novitatem per bis-sena Capitula, universæ Divinitus inspiratæ Scripturæ contrariam, & anathematizantem legitimas & antiquas sanctorum Patrum Trâditiones, & maximè illorum, qui excelsa quidem Christi Divinitati adscribunt, humilia verò humanitati ejusdem, nusquàm unitio-  
ne ejus intercidenda, proposuit ei qui tunc sanctam Sedem regebat magni nominis urbis, qui fuit à principio probatus, & notus circa fidem, circa vitam, circa doctrinam verbi, & circa universa, Nestorio, ut aut consentiret Capitulis ejus, atquè subscriberet ea, & permaneret Episcopus, aut certè periclitaretur in gradu, & à sancta Ecclesia pelleretur. Ille autem propositioni nequam Dei timore prælato, elegit potius multis millibus periculis sibi injustè inferendis tradere semetipsum,  
Ppppp 2 quàm

352 DE ROMANA APPELLATIONE  
quàm dolis hæreticis præbere consensum, & confirmare totius Orbis errorem. Ad hæc Synodus convenit in Epheso: Et in nullo correptus, neque rationem reddere expetitus, antequàm cōvenirent, qui sustinebantur universi, exactus est ultionem, dum illorum Capitulorum blasphemix obviaverit, & omni crudelitate ei quæ dicitur damnationi, & aliis aliquibus subjectus est. Dum certè Cyrillus auctoritatem Judicis non haberet, sed ejus qui judicandus est ordinem, eò quod contra invicem moverint quæstiones. Et erat præsidens reus: Et sententiat Princeps, qui sustinebatur multis sententiis supponendus.

His gestis, aliis quidem cuncta, quæ acta sunt, lachrymis digna, aliis verò ridicula videbantur, ità ut & ille, qui Antiochenam tenebat Ecclesiam Dei, post hæc veniens Cyrillum quidem & Memnonem damnationi subijceret, communi Decreto Deo Amicissimorum, Sanctissimorumque Episcoporum usque ad viginti duorum Metropolitanorum, cæterorumque qui pariter aderant, qui illos hæresios ac seditionis Principes judicârunt, & Ecclesiasticarum Æmulos sanctionum. Cæteros verò, qui eis ad omnia incongrua complices exstiterant, alienos à communione fecerunt. Sed illi egregii contra veritatem simul & regulas sibi metipsis indulgentiam relaxantes, terribilium Mysterio-

sterioru communionē irreverenter sibi cōtinuò pręsumpserūt. Alios verò communicare sibi periculosē fecerunt. Ita ut omnes Divinę Regulę Decreto subjaceant, quę eos qui ita regunt, omninò perdamnat. Hęc addiscens Deo Amicissimus & bonus Victor Princeps cōtinuò definivit vacare, quę sic inordinatē, inconsequenterque sunt gesta contra eum, qui in nullo convictus est, abruptē verò & furiosē addictus : Denuò autem de Dogmatē cum veritatis amore fieri quęstionem, per interrogationem & responsionem, & demonstrationem, quę omnibus suaderet, non quę authoritatē Tyrannica imparet.

Illi verò ad solutionem Canonum id quoquē adjecerunt, ut nec his piis literis obēdirent. Et nihil de fide dicere vel audire acquiescentes ulterius, se ad solā universi pertinaciam contulerunt. Ad consensum cœperunt trahere iniqui judicii, alios quidē fraude, alios violentia, alios pręmiis. Constudētes super his nos per multum tempus rogabamus, obtestabamur cum omni fiducia, provocabamus, ut nihil irrationabiliter fieret aut teneretur, sed de quęstione quidē Dogmatum, & de Cyrilli Capitulis communis proponeretur Tractatus atquē Concilium: Et quod omnibus placuisset, unā sententiā firmaretur. De eo verò, qui Tyrannidem sic apertē pertulerat, judicium verax fieret atquē legitimum, ut convi-

P p p p p 3

ctus

ctus quidem de corruptione veritatis adjudicationem consonè sustinetet ab omnibus ; si verò ex toto innoxius probaretur , in Scripto abdicaret illa nobiscum , quæcumquæ incongrua quidam , vel ex ejus persona , vel ex aliorum nomine , ex suspitione aut acculatione jactaverant.

Sed ista quidem displicebant his , qui ex sola autoritate devincere , non autem vel suadere , vel suaderi volebant. Præcipiebant verò universis , ut abruptè anathematizarent , & damnationi subscriberent. Quicumquæ autem se integriori deliberationi servasset , damnabatur , ordinabatur ab eis , subijciebatur calumniis , malæ doctrinæ vocabatur. Ordinabantur pro talibus alteri , quia consentire nolebant : Laudare quidem damnatione digna Capitula , damnare verò eum , qui , quantum nos conscii sumus , nihil aliud dixit , nisi ea , quæ à sanctis Prophetis , & Evangelistis , & Apostolis per Spiritum Sanctum manifestè sunt tradita. Volebant enim & Apostolos criminari , dum supervacue adjudicant illum , quia ea quæ ipsorum sunt , prædicabat. Talem namque & eorum , quæ dicuntur , Gestorum fecerunt actionem , ut inconsona & incerta adversus illum virum proferrent , & plerumquæ irreprehensibilia reprehenderent. Cur , inquit , *Nestorius dixit , quod passio non Deitatem , sed humanitatem Christi attigerit ?* Interdum verò falsa



falsa scriberent, ponendo quod ab ipso dicta fuissent verba, quæ nec quicumquæ infidelium, immò nec agrestium Dæmonum dicere præsumpsisset. Id est, quod Christus esset Christi Dominus, sicut Saul, sicut David, sicut infidelis Cyrus. In quibus facilè est convincere volenti calumniam.

Ea verò, quæ de Antiocheno Joanne sunt, si esset possibile, tacere velimus. Sic irrationabilis apud nos ejus mutabilitas facta est, & manifesta transgressio, & proditio veritatis, quæ ex improvviso completa est, sive peracta. Ille enim, quia antequàm veniremus ad Ephesum, hæreticam Capitulorum reperit fraudem, plurimis per literas indicavit. Per primam Cappadociam, secundamquæ, & per diversos locos, ut ab eis se observarent, admonuit, quasi Eunomio, & Ario, & Apollinario consonarent. Et qui acutè ac fervidè in Cyrilli damnationem prosilivit, & ad hoc omnes hortatus est: Quippe adiit & ipsam Regiam civitatem, ut huic impietati resisteret. Et idem nobis scripsit adhuc Ephesi constitutis, priùs quidem dicens, Quia illum, id est, Nestorium dimissum cognoscentes ab Epheso, valdè doluerunt animæ nostræ: Eò quod illa, quæ sine judicio & iniquè sunt gesta, videantur interim roborari. Deinde, Quia etsi illa blasphema Capitula Cyrillus abjecerit, eum ne tunc quidem suscipere per sacramenta promissimus:

mus: Eò quod Princeps ipse sit factus iniquæ hæresis. Unde alterum cor accipiens ignoramus, omnibus moribus suis est adversatus, & Cyrilli communicator effectus, non repellentis quæ malè conscripserat, qui eum nunquàm suscepturum, vel si ea refutasset in Scripto, juraverat. Et solus vinculum solvit, quod cum tantis Cyrillo & Memnoni noxijs consequenter intulerat. Et nullam securitatem his, qui pro pietate fuerant offensi, procurans, ipse quidem reconciliatus est ei, quem quidem sic amare notaverat. Permisit verò Ecclesias perturbari, & Præsules quosdam quidem manere depulsos, alios autem adhuc multipliciter exturbari. Sed etiam literas mirabiles fecit, in quibus ait damnatum se habere Nestorium, & anathematizare quidquid impiè dixit aut sapuit. Sic & accusatione ac demonstratione defecit, ut nec diceret: *Illam vel illam, sive illam anathematizo sententiam.* Sed ait: *Quidquid ab eo impiè dictum est.* Dum certè apertè dicere debuisset, ut ab eo sensu quisque cautior redderetur: Sicut clarè abominamur nos Cyrilli Capitula, & quæsumus universos, ut se ab insita illius malignitate custodiant, præconvincentes eas, quæ in ipsis sunt, blasphemias, & eas clarè omnibus publicantes.

Hæc pauca de plurimis cum multa abbreviatione conscripsimus, scientes quod horum malorum  
nimietas

nimietas non solum Hieremiæ lamentationibus digna sit, sed & universam Tragædiam superaverit. Rogamus verò, & sanctis tuæ Religiositatis provolvimus pedibus, ut manum porrigas salutarem, & auferas Mundi naufragium, omniumque horum inquisitionem jubeas fieri, & his illicitis cœlestem superduci correctionem : Ut revocentur quidem S. Pastores, qui injustè sunt à suis Ovibus effugati, & reddatur Gregibus pristinus ordo, & antiqua concordia. Et ut non ultra lamentatus & mugitus pro votis offerantur & Psalmis : Dum multi dispersi sunt. Et ne quiquàm periclitentur circa ea, quæ præcipua sunt, dum vitant ab hæreticis vel Lavacrum Regenerationis, vel Mysticam Communionem accipere, quæ ab Orthodoxis sumere ad salutem minimè permittuntur.

Quæ ex parte quidem videntes, ex parte verò audientes olim cucurrissemus ad Sanctitatem tuam nos, qui è diversis Regionibus sumus. Id est, ex Euphratesia, ex utraque Cilicia, secunda Cappadocia, Bithynia, Thessalia, & Mœsia. Ut & fontes effunderemus lachrymarum, & publicè defleremus peregrina & insueta hujus vitæ mala, nisi detineret nos Luporum terror, insidiantium Gregibus ad rapinam, & ad errorem, omnemque adversitatem. Unde coacti sumus nostra vice dirigere Religiosissimos Clericos & Monachos, qui

Qqqqq

im-

858 DE ROMANA APPELLATIONE  
impleant locum nostrum. Quæsumus igitur, ut  
absque dilatione exsurgatis, & fervido zelo mag-  
num victoriæ Trophæum contra Æmulorum cu-  
neos erigatis, ante oculos habentes boni Pastoris  
diligentiam, simul & studium circa Ovem, quæ  
erraverat. Et non absque periculo deputetis, si  
quid fastidiosè circa tot Pastores & Oves agatur :  
Dum illæ quidem errent, illi verò Tyrannicam su-  
stineant violentiam.

Imitamini potiùs & magnum pietatis Præconem Paulum, oculum Mundi, quèm nos ut pignus familiaritatis nostræ habere erga vestram credimus Sanctitatem. Civis enim noster existens, errore totius Orbis extincto, illius Apostolicæ Sedis factus est ornamentum, & à Beato Petro dexteram societatis accepit, ut appareret ab utrisquæ æquam subtilitatem dogmatum custodiri. Etiam quæsumus, ne despiciamur à vobis nos, quos tot mala circumdant. Non enim de pecuniis, vel gloria, aut quolibet alio temporalium decertamus, sed pro pietatis possessione communi, pro Paterno fidei thesauro, pro spe communi fidelium, pro bona confessione Apostolorum, pro immortali certamine Martyrum, & maximè pro adventu, clementiaquæ Dominica, cujus virtutem invincibilem invocantes sine cessatione clamamus : *Parce Domine Populo tuo, & ne dederis hereditatem tuam in opprobrium.* Euthe

Euthérius Episcopus Metropolis Thyaneſium ſubſcripſi. Et quæſo ut me ores incolumem, Deo Amiciſſime & Sanctiſſime Pater.

Helladius Episcopus Metropolis Tharſi ſubſcripſi. Et rogo, ut me ores incolumem, Deo Amiciſſime & SS. Pater.

Iſta eſt authentica ad Xixtum tertium Pontificem epiſtola. Duciſt exordium à Patriarcha ac Propheta Moyſe, & ipſi Xixtum Pontificem comparat, quod agatur adverſus S. Cyrillum, Ægyptiacæ Diœceſis Patriarcham. Hunc Euthérius & Helladius, ipſiſque conſentiens Orientalium Episcoporum Factio, cenſebant non ſolummodò hæreticum, ſed & Hæſiarcham, idèdque ſecundum ac minorem Pharaonem. Codex manuſcriptus habet: "Sub illo „Amore Pharaone". Correxì, & poſui: "Sub illo majore Pharaone". Quod nempe Factio Cyrillum blateraret eſſe Pharaonem Juniorem ac minorem. Forſitan oporteat legi: "Sub illo Achori „Pharaone". Ita enim juxta quorſdam appellabatur Pharaon perſecutor Hebraici Populi. Quidquid ſit, Factio Cyrillum comparat cum Jamnes & Mambre, & cum Simone Mago, Sixtum autem cum Moyſi & Petro Apoſtolo. Non per novam Synodum, ſed per hunc ſolum proficetur ac aſſeverat omnia poſſe ac debere diſcuti, judicari, puniri, reparari, componi. Joannes Patriarcha Antiochenus cum S. Cyrillo ac ejus Episcopis pacem compoſuerat, atque ita ſtuduerat pacificare Eccleſiam. Quàm atrox diſcordia fuerit, vel ſola docet famoſa epiſtola Ibæ, Edeſſeni Metropolitæ ad Marim Episcopum Perſidis. Longè plura te docebunt hæ Caſſinenſis Codicis literæ, dum prodierint in publicum. Pax habuit tres præſertim conditiones: Admittere Epheliſinæ fidei Decretum, & anathematizare dogma Neſtorii; probare ac firmare ejus ab eadem Synodo factam degradationem; & admittere factam ab ejuſdem Synodi Episcopis Ordinationem Suſceſſoris Maximiani. Has omnes conditiones S. Cyrillus petiit ac impetravit. Vice verſa Joannes inter cætera poſtulavit, ut Cyrillus damnaret ſua duodecim Capitula, aut certè ipſis valediceret. At non obtinuit. Capitula permanſerunt Capi-

tula. Nec Joannes ipsa probare, nec Cyrillus voluit abolere; immò nec circumscribere. Etiam omnes, qui Joanni adhæserant, Episcopi fuerunt soluti ab Ephesini Concilii sententiis, & admissi ad pacem. Ad plenam sui Episcopalis gradus communionem. Exceptis quatuor: Dorotheo Martianopolitano, Himerio Nicomediensi, Eutherio Thyanensi, ac Helladio Metropolitâ Tharsensi. Ita habes in literis S. Cyrilli ad Donatum Nicopolitanum Episcopum, Metropolitam veteris t. pyri.

Hæc omnia isti quatuor summa cum indignatione fuerunt admirati. Præsertim digerere nequierunt versatile sui Patriarchæ Joannis ingenium, qui omnia sua adversus Cyrilli Capitula, & adversus Ephesinam Synodum, & pro Nestorio pertinacissima Acta & Scripta recantaverat. Clamarunt Prævaricatorem, & se separarunt ab ejus communione, Et provocarunt ad Xixtum Pontificem: Non solummodò adversus pacem, sed etiam adversus Acta Ephesini Concilii. Omnia rogarunt exufflari, omnes apud Ephesum degradatos ac proscriptos Episcopos revestiri, & omnem causam Romæ apud solum Sedis Apostolicæ Tribunal retractari. Repetenda est ipsorum conclusio: "Rogamus verò, & sanctis tuæ Religioſitatis provolvimur pedibus, ut manum porrigas salutarem, & auferas Mundi naufragium, omniumque horum inquisitionem, jubeas fieri, & his illicitis cœlestem superduci correctionem. Ut revocentur quidem sancti Pastores, qui injustè sunt à suis Oribus effugati, & reddatur Gregibus pristinus ordo, & antiqua concordia".

Repetendum quoque epistolæ exordium: "Nostrium quidem est, qui triplices multiplicesque patimur tempestates, & penè in Pyratas incidimus, ad eum clamare, qui à Deo productus est Gubernator, eumque pro amore veritatis quanta possibile est edocere", &c. Notanda sunt & verba: "Adjuvetis Orbem terrarum". Omnis epistola est emphatica: Et lucida. Et se fundat in exemplo sancti Damasi Pontificis, qui etiam exsurgens ex Ægypto Zizania correxerat atque evulsit. Laudat Romanam S. Petri Alexandrini Episcopi appellationem, quem ab Arianis ejectum reparavit Damasus. Laudare possit & Maximi Cynici, etiam ex Ægypto enati turbinis, Romanam appellationem, quem primò quidem audivit & adjuvit, postmodò tamen compescuit idem Damasus. Et epistola adjungit: "Sub pluribus aliis, gloriosis atque admirabilibus". Respicit sanctum

Papam

Papam Julium, qui ab Eusebiana Factione ejectus, & ad se appellantes plures Orientalium Episcopos revertisit, & per Sardicensem Synodum jussit plenè reparari. Notanda item sunt hæc verba: "Sufficit vestra Apostolica Sedes". Disertè profitentur ad hæc omnia retractanda & finienda, ad adjuvandum totum Orbem non requiri generalem Synodum, sed sufficere ac sufficisse Apostolicam Sedem. Hanc esse perpetuam consuetudinem ac fiduciam Ecclesiarum. Scio epistolam decertare pro mala causa: Ipsa tamen nos docet, quid circa Apostolicæ Sedis auctoritatem, & circa Romanæ appellationis morem olim senserit ac egerit Orientalis Ecclesia. Et omninò juxta ipsum ad proximum Sixti tertii Successorem, magnum Papam Leonem, appellavit etiam sanctus Flavianus.

Porro ista appellatio non fuit solius Helladii ac Eutherii. Ei se adjunxerunt Alexander Hierapolitanus Episcopus, Euphratesis Provinciæ Metropolita, Theodoretus ibidem Cyrensis Episcopus, & omnes ipsorum Com-Provinciales. Plures item aliæ Provinciæ. Et quia ob gravia impedimenta non poterant Romam accedere, legaverunt Clericos & Monachos, ad retractatorium judicium instructos suis vicibus. Juxta Sardicenses Canones. Ex quo lucet ipsos tunc fuisse in plena obliervantia Orientalis Ecclesiæ. Item lucet appellationem, quam adversus suam ab Ephesino Latrocinio factam degradationem idem Theodoretus fecit ad magnum Papam Leonem, non fuisse ejus primam: Interim etiam hanc fecit juxta Sardicensem disciplinam. Porro præsens appellatio non fuit sine fructu. Etenim Xistus III. licet nec Ephesinam Synodum, nec factam Ecclesiarum pacem circumducere voluerit, hanc tamen non modicè circumscriptis. Ejus Rescriptum latet aut periit, interim illius substantiam compendio habemus in Papalibus literis ad S. Cyrillum: "Non est, sicut Fratri & Co-Episcopo nostro Maximiano sæpè jam scripsimus, etiam ipse", utiquè Joannes Patriarcha Anriochenus, "redeuntibus difficilis aperire januam, ut verè nisi perditionis filius sit perditus, sitque ei major causa lugendi, quod meruit, solus excludi".

Maximianus Constantinopolitanus Episcopus præfatos quatuor Metropolitanos, Orientalis Factionis Coryphæos, in sua Synodo singulariter damnaverat, Ephesinæ ipsorum damnationi addiderat novum robur, & eandem validè studuerat in executionem mittere. Et ipsam S. Cyrillus confirmaverat, eosdem quatuor constanter exclu-

dens ab omni pacis beneficio. Hinc Romanam illorum appellat-  
tionem audiens Maximianus Xixto Pontifici frequenter supplicavit  
non solvi aut circumduci suum ac S. Cyrilli iudicium. At non fuit  
exauditus. Pontifex ipsum solvit, & à pace nullum poenitentem  
excludi voluit, nisi solum perditionis filium, hoc est, Hæresiarcham  
Nestorium. Et adjunxit: "Sit ei major causa lugendi, quod  
„solus meruit excludi". Eos ad pacem admitti, & in suo Episco-  
pali gradu ac Throno stabiliri aut reparari voluit per solam rectæ  
fidei ac pacis professionem, citra omne vulnus boni nominis. Et  
fuit planè obeditum. Etenim Helladius valedixit schismati, admisit  
pacem, rediit in Joannis Patriarchæ communionem & gratiam, &  
permanfit Episcopus. Quæ omnia amplissimè patebunt ex Cassi-  
nensis Codicis epistolis, quæ brevi apparebunt in publico.

Simile exordium Joannes VI. Patriarcha Constantinopolitanus  
dedit suis ad Constantinum Pontificem in simili negotio literis.  
Imperator Philippicus, antiquus Monothelita, utpote Pseudo-Mo-  
nachi Stephani, q̄bi Macarium Antiochiæ Patriarcham seduxerat,  
perinax discipulus, ejecto Patriarcha Cyro intrusit istum Joannem,  
compulit ad damnandam sextam Synodum, ac denuò turbendam  
omnem Orientalem Ecclesiam. Joannes ex violentia contra con-  
scientiam egerat, ideoque ejecto per Orthodoxum Imperatorem  
Anastasium Philippico rediit ad mentem, egit poenitentiam per  
litteras apud Constantinum Papam, supplicavit per dispensatoriam  
gratiam permanere Episcopus. In harum igitur litterarum exor-  
dio demonstravit caput in homine esse Principem ac Rectorem to-  
tius corporis, atque adjunxit: "His Apostolicam vestram Præsi-  
„dentiam ac Pontificium comparare habemus, vosque Sacerdotiū  
„Christi canonicè Caput reputantes, per vos quærimus ut sola-  
„tium aliquod à tristitia ac animi languore, qui nostro huic Ec-  
„clesiæ corpori ex pestifera ac animabus exitiosa tyrannica pote-  
„state accidit, reportemus. Planè siquidem vos quoque ea Ca-  
„pitis proprietate inconsultò ac nihil volentes, laborantes nos haud  
„quaquam despexeritis, aut à vestra mansuetudine repuleritis".  
Supplicat sibi fieri istam gratiam, quam lapsis in Ephesino La-  
trocinio Episcopis fecit per Chalcedonensem Synodum Magnus Leo:  
Et alia istiusmodi. Profitetur Romanum Episcopum esse supre-  
mum ac universalem Medicum totius Ecclesiæ, & omnia, quæ  
Orientalis etiam Ecclesia in Synodalibus iudiciis, vel aliis acribus  
pecca-



peccaverit, per Romanum esse Pontificem circumducenda, circum-  
scribenda, restauranda. Profitetur hæc non per generalem debere Syn-  
nodum, sed omnino posse fieri per solum Pontificem. Additi Ge-  
neralem Synodum hæc non nisi per Pontificis auctoritatem agere,  
& tandem concludit: "Vos itaque, ô sacrum Caput, perspi-  
caci illa in vobis virtute Spiritus, blandæ in nos inclinationis ex-  
tendentes manum, levi contactu reciproce per literas gratiæ, juxta  
Ecclesiæ legem, id est, missis vicissim Synodicis, dilectionis re-  
medium adhibentes, quod in nobis dolorem facit, ac subtus  
pulsat, festinate curare. Nulla siquidem animæ remissio est, nec  
somnia oculis, aut requies temporibus, vel palpebris dormitatio  
aliqua infederit, donec iterum universam Dei Ecclesiam videre  
liceat servantem unitatem Spiritus in vinculo pacis". Donandam  
per auctoritatem ac Mandata Apostolicæ Sedis. Plurima sunt si-  
milis Græcorum Patrum testimonia. Et ecce quidam hodie Latini  
declamant ista omnia olim non fuisse facta, nec fieri posse, nisi per  
generalem Synodum. Res lamentanda.

Quod duplices Romanæ Ecclesiæ Legatos, alios solius Celestini  
Pontificis ac Apostolicæ Sedis, alios totius Occidentalis Concilii  
Vicarios, Ephesina Synodus habuerit, uno verbo sum supra infi-  
ciatus: Et rectè. Oppositum est penitus à vero devium. Uti S.  
Cyrillus, ita etiam Arcadius ac Projectus Episcopi, necnon &  
Philippus ad SS. Apostolos Cardinalis Presbyter fuerunt Vicarii ac  
Legati solius Papalis Personæ & Cathedræ. Acta Synodalia hoc  
demonstrant lucidè & variè. Secundæ Actionis exordium habet:  
"Ingressis & confidentibus, qui ex Occidente venerant, Arcadio  
& Projecto, piissimis Episcopis & Legatis, necnon Dei aman-  
tissimo Philippo, Apostolicæ Sedis Presbytero & Legato". Et statim  
post: "Philippus Apostolicæ Sedis Presbyter & Legatus. Arcadius  
& Episcopus, Projectus Episcopus, & Romanæ Ecclesiæ Legatus". Et  
in literis, quas uti Apostolicam sui suffragii Prærogativam transmisit  
per ipsos Celestinus ad Synodum: "Probatissimos viros, Arcadium  
& Projectum Episcopos, & Philippum Presbyterum nostrum, qui  
eis, quæ aguntur, intersint, & quæ à nobis antea statuta sunt, exle-  
quantur". Non quæ ab omni Occidentis Synodo, sed quæ à  
solis inobis, seu à sola Apostolica Sede sunt statuta. Actio III.  
habet: "Philippus Presbyter & Legatus Apostolicæ Sedis, Arca-  
dius Episcopus, & Legatus Apostolicæ Sedis". Et Memnon Ephe-  
siorum

siorum Episcopus adjunxit. "Nihil prohibet, quò minùs ex Postulatis „Sanctissimorù Episcoporum Arcadii & Projecti, & Deo amabilissimi „Presbyteri Philippi, Legatorum Apostolicæ Sedis magnæ Romæ, „iterùm legantur Acta in depositione Nestorii". Et rursùm Acta: „Arcadius Episcopus, & Apostolicæ Sedis Legatus dixit". Et iterùm: "Philippus Presbyter, & Apostolicæ Sedis Legatus. Arcadius Episcopus, & Apostolicæ Sedis Legatus. Projectus Episcopus, & Apostolicæ Sedis Legatus". Et istius Actionis ad Principes Relatio: "Celestinus misit literas per Arcadium & Projectum Episcopos, & Philippum Presbyterum magnæ Romæ, „qui Celestini sanctissimi Episcopi præsentiam suppleant". Et ad quintam Actionem dixit S. Cyrillus: "Præsentibus Legatis à magna Roma missis, videlicet sanctissimi Episcopi Celestini locum „tenentibus". Et ejusdem Actionis ad eundem Pontificem Relatio: "Fuerunt in Confessu nostro & illi quoque, qui à Sanctitate tua „missi sunt, piissimi Episcopi Arcadius & Projectus, & cum ipsis Reverendissimus Presbyter Philippus, qui sua præsentia tuam nobis „exibuerunt, Apostolicæque Sedis locum suppleverunt". Et Mandatum, quod plena Synodus suis apud Constantinopolim adversus Joannis Patriarchæ Antiocheni Factionem Legatis dedit, habet hanc Epigraphen: "Philippo Presbytero Celestini Episcopi Apostolicæ „Sedis maximæ Romæ locum tenenti". Quod ipsum Synodus repetit in missis per istos Legatos literis ad Augustum Theodosium.

Attamen quædam ejusdem Synodi Acta videntur affirmare aliud. Etenim ad tertiam Actionem dixit S. Cyrillus: "Arcadius & Projectus Episcopi, necnon Philippus Romanæ Ecclesiæ Presbyter, „supplentes locum Sedis Apostolicæ, totiusque Synodi Sanctissimorum Occidentalium Episcoporum". Et quintæ Actionis ad Principes Relatio affirmat Synodo adfuisse ducentos ac decem Episcopos, & adjungit: "Quibus & universa Occidentalium Episcoporum multitudo, & per ipsos reliquis terrarum Orbis consentit". Certè ista multitudo non adfuit, nisi per hos suos Legatos. Et plena Synodus in laudatis, quas per suos contra Joannis Antiocheni Factionem Legatos misit, literis scripsit ad Principem Theodosium: "Sanctæ Synodi Confessui adest & Celestinus sanctissimus „magnæ vestræ Romæ Archi Episcopus, & universa Occidentalis „Synodus per Sanctissimos Episcopos, quos ad nos misit, totaque Africa

„Africa ac Illyricum“. Respondeo hæc non concludere. Et insigniter exponi à tertiz Actionis Relatione ad Principes : „Vestrum ergà pietatem studium Deus gratum habens, etiam sanctorum Occidentalium Episcoporum animos zelo excitavit. Nam licet maximi itineris spatium universam illam Sanctissimorum Episcoporum multitudinem ad nos pervenire prohibuerit, attamen illic simul congregati, Celestino Sanctissimo Episcopo etiam præsente, & nunc nostram de fide sententiam magno consensu prædicarunt, eosque qui diversa sentiunt, ab omni prorsus Sacerdotii sorte alienos esse definièrunt. Et hæc quidem etiam antequàm Sanctissima hæc Synodus conveniret, Celestinus Episcopus per litteras suas judicaverat, & Cyrillo Episcopo, ut suas vices subiret, commiserat. Sed & nunc denuò aliis etiam litteris sanctæ Synodò hæc significavit. Misit autem has litteras per Arcadium & Projectum Episcopos, & Philippum Presbyterum, qui Celestini Episcopi præsentiam suppleant“. Relatio affirmat duo. Primò, quod data in Nestorium sententia non sit solum Synodò præsentium Orientalium Episcoporum, sed etiam omnium Occidentalium. Licet enim horum multitudo ad Synodum non venerit, attamen ejus judicium omninò prædicavit ac præformavit. Et quidem Synodaliter. Et nequaquàm in Ephesinæ Synodi gratiam : Quia ipsam. Nempe in ista Romana Synodo, in qua Celestinus Nestorium, nisi intra decem dies suas Exegeset & alia recantaret, damnavit ac degradavit, & istius judicii executionem delegavit S. Cyrillo. Asta hæc sunt antequàm quis vel cogitaret de Ephesina, aut alia generali Synodo, idèdque nulla isthic facta est Synodali Legatorum deputatio. Hinc Relatio secundò dicit, quod Celestinus istud suum Synodale Judicium, uti antea S. Cyrillo, ita nunc Ephesinæ Synodò significaverit, ac demandaverit exequendum, idque per Arcadium & Projectum Episcopos, ac Philippum Presbyterum, qui ejus præsentiam supplebant Ephesi. Non istius Romanæ Synodi, sed solius Celestini præsentiam. Synodus enim, quoniam futuri Ephesini Conventus ignara, nullos Legatos creaverat. Proinde hi Legati istius quidem Synodi deferrebant judicium, & ipsius firmandi ac exequendi habebant Apostolicum Mandatum, attamen solius Celestini gerebant vices, ac supplebant præsentiam. Hinc quinta Actio rectè dixit, quod universa Occidentalium Episcoporum multitudo consentiret Synodò. Unica S. Cyrilli inter-

locutio videtur in speciem favere Paschasio Quesnello. Est aliis testimoniis, à quibus certum est non discedere, conquadrandam. Est res parum conferens præsentì quæstioni. Censui tamen elucidandam. Ad plenè exussanda superiora Commenta ejusdem Paschasii.

## CAPUT IV.

*Sancti Damasi circa Romanas appellations  
Acta elucidantur.*

L. 6. c. 25.



Storum pteraque Damasus peregit in collecta ex vicinis & advenis Episcopis Synodo, de qua Herimias Sozomenus: "Apollinarii hæresim ad multos serpere Damasus Episcopus Romanus, & Petrus Alexandrinus Episcopus certioris facti, primi omnium Concilio Romæ convocato eam alienam ab Ecclesia Catholica pronuntiarunt". Famosa & efficax fuit ista Synodus. De ipsa etiam ipse Joannes Patriarcha Antiochenus cum præfato Himerio, Theodoro Cyrenensi, & reliquis suæ Factionis Episcopis scripsit ad Rufum Archiepiscopum Thessalonicensem: "Beatissimus Damasus Apollinarius, Vitalem, ac Timotheum Hæreticos gradu movit". Epistola existat in tertia parte Ephesini Concilii. Vitalis Antiochenus, Apollinarius Laodicensis, Timotheus in ista Factione erat Berytensis Episcopus. Hoc in quarto contra Nestorianos ac Eutychianos libro scribit Leontius Scholasticus Byzantinus. In tertio libro addit rem memorabilem. Adducit Apollinarij, de sua familiari cum magno Athanasio literariâ communionem gloriantis, literas ad nescio quos apud Dio-Cæsaream congregatos Episcopos, affirmat quosdam ejus Discipulos adeò blasphemasse, ut Domini carnem crederent Deo Verbo consubstantialem. & concludit: "Videtur quidem Timotheus esse, cui magis quàm aliis, & fidentiùs Arcana illius impietatis & fraudulentæ committerentur. Hac enim de causa potuit à Beato Athanasio literas accipere commendatitias, ad Occidentales, tanquàm contra Arii impietatem pugnans, & ab illis rursum literas tanquàm ad Episcopum missas adferre. Sed non perpetuò latuit hæc illius insidiosa simulatio. Iterum enim post

post Athanasii obitum missus Romam depositus est ipse, & qui cum miserat Apollinarius. Leontius nos docet plura. Primò, quod Apollinarius, quoniam Arianos impugnabat, S. Athanasio placuerit, fueritque ei familiaris etiam per literarum commercium. Secundò, quod insuper ab illo commendatitias literas acceperit ad Occidentis Episcopos, præsertim ad Romanos Pontifices, nempe Julium ac Liberium. Tertiò, quod cum hisce Commendatitiis fidelem suum Discipulum Timotheum legaverit Romam, furatus communionem Sedis Apostolicæ. Quartò, quod fraus successerit, ac Timotheus communicatorias Apostolicæ Sedis literas ad Magistrum retulerit, uti ad Orthodoxum Episcopum. Quintò, quod fraus radices non egerit. Etenim post Athanasii mortem rediens Romam Timotheus fuit detectus, & unà cum Apollinario damnatus atque depositus. Nempe per sanctum Damasum in laudata Synodo.

Apollinaristarum, quorum author in exordio non fuit Episcopus, Episcoporum originem ac traducem exponit in literis ad Illustrem virum Olympium S. Gregorius Nazianzenus: "Præter Epist. 77. alia omnia eò etiam audaciæ proruperunt mali homines, ut Episcopos etiam quosdam, quibus dignitas ab Universali Orientalium, & Occidentalium Concilio abrogata fuerat, accersentes, aut transeuntibus abutentes, cuidam impio sui gregis Episcopi nomen imposuerint". De damnante ipsos Damaso idem Gregorius scribit in secunda epistola ad Cledonium, Presbyterum Leonientis Ecclesiæ: "Ne autem nos hoc nomine accusent, quod Vitalii, viri nobis charissimi, fidem, quam ita postulante Damaso, Romæ Episcopo, literis consignatam edidit, prius quidem probaverimus, nunc verò repudiemus, de hac quoque re pauca disseram". Demonstrat Apollinaristas fuisse versutos in ovina lana lupos, qui ambidextris us vocibus aliud apud suos, aliud apud nostros intelligerent, & prosequitur: "Quoniam igitur eadem voces, si rectè intelligantur, cum pietate conjunctæ sunt, si perperam exponantur, impietate non carent, quid mirum si Vitalii quoque verba nos quidem, ita suadente voluntate, in ipsum sensum accepimus, alii autem ad eorum quæ scripta sunt mentem exasperantur & inflammantur? Quod etiam in causa fuisse reor, cur ipse quoque Damasus, cum postea rectius fuisset edoctus, simulque in pristinis eos expositionibus perstare audisset,

„eos ab Ecclesiæ Cœtu abdicârit, fideique libellum cum anathematisimo deleverit : Tùm etiam quod fraudem, in quam per simplicitatem inciderat, permolestè ferret”. Eadem de re scribit ipse Damasus ad Paulinum Antiochiæ Patriarcham, communicantem Romanæ Ecclesiæ : “Per filium meum Vitalem ad te. Rescripta direxeram, tuæ voluntati & tuo iudicio omnia derelinquens, & per Petronium Presbyterum breviter indicaveram me in articulo jam professionis ejus aliqua ex parte commotum. Unde nè aut tibi scrupulus resideret, & volentes forsitan Ecclesiæ copulari sua cautio probanda differret, fidem nostram misimus, non tam tibi, qui nobis fidei communione sociaris, quàm his, qui in ea subscribentes tibi, id est, nobis per te voluerint sociari”.

Vitalis, licèt à nulla damnatus Synodo, tamen à multis defamatus & accusatus de hæresi, accessit Damasus, & suos Adversarios provocavit ad Tribunal Apostolicæ Sedis. Obtulit fidei libellum, ipsum Romæ est solemniter professus, & supplicavit ab infamia solvi, ac in Episcopatu & Romanâ Communionem stabiliri. Supplicavit non quidem absolvi ab aliquo Synodali Iudicio, sed adversum illa, quæ metuebat, Romanâ autoritate muniri. Eum Gregorius Nazianzenus appellat Virum sibi olim charissimum, quem fide crediderit Orthodoxum, ideoque dedisse possit Romæ invocandæ consilium. Forsitan & commendaticias ac testimoniales literas. Uti Apollinarius Athanasium, ita Vitalis decepit Gregorium, & circumscriptis in ista sibi adjutoria. Hinc Damasus admisit causam; & iudicavit tria. Primò, Vitalem Antiocheno Episcopatu exuit, aut sanè induxit ad deponendum. Etenim erat Paulino & Meletio superordinatus tertius, ideoque Episcopi fucus, non verus Episcopus. Hinc ipsum Pontifex appellat Filium, non Fratrem. Secundò, ejus libellum iudicavit Catholicum, ideoque ipsum absolvit ab omni infamia. Tertiò, ipsum tamen Catholicæ Communioni noluit reddere, sed delegavit Patriarchæ Paulino, ejus voluntati ac iudicio permittens omnia. Ob duas præsertim causas. Primò, quod Paulinus isthuc præsens omnia Vitalis nosset penitiùs, ideoque esset à circumscriptione securior. Secundò, quod cum suis Sequacibus Vitalem noller in Meletii, sed in solius Paulini communionem adungi, ideoque per hunc voluit admitti & reconciliari. Et hæc omnia peregit solus Damasus. Et contra istud iudicium

judicium nemo unquam Græcus excepit ob defectum auctoritatis.

Interim Damasus fuit circumscriptus. Nequè mirum. Etenim per Vitalem oblatus fidei libellus in proprio verborum sensu erat plenè Orthodoxus. Adèd Orthodoxus, ut ipsum, sicèr tunc plenè detectum, S. Cyrillus in libro ad Reginas adduxerit inter authentica sanctorum Patrum testimonia, destruèntia Nestorianas blasphemias. Ei dedit hunc titulum : "Vitalis Episcopi, ex sermone, de fide". Cyrillo debemus gratias, quod libellum nobis custodiverit. Ex ipso Nestorius sumpsit materiam & ansam calumniæ. Etenim mox post degradationem suam, adhuc existens Ephesi, ad Regii Cubiculi Præfectum Eunuchum scripsit polixam querimoniam, Cyrillum accusans quod ad confirmanda sua dogmata adduxerit Basilii Ancyran, Ariani hominis testimonia, tanquàm verba magni Basilii, & Vitalis Hæretici Scripta pro verbis Catholici Vitalis : Abusus æquivocæ similitudine nominum. Exstat epistola in Cassinensi Codice. Porro Damasus non fuit circumscriptus ex integro. Etenim sub ipsum Vitalis ex urbe Regressum concepit scrupulos : Et propter ipsos, voluit ab ejus in Ecclesiam redituris Sequaciibus exigì non solum ab ipso oblato libelli professionem, sed aliorum insuper articulorum, quos habes in laudatis ad Paulinum literis. Fraus paulatim se plenè aperuit.

Et tunc Damasus explevit quod jam audivimus à Nazianzeno Gregorio, & quod ipse Pontifex scribit ad Orientales Episcopos : "Sciatis velim nos Timotheum illum prophanum Apollinarii Discipulum cum impio suo dogmate jam pridem abdicasse". Et exinde contentus non fuit dolofo Vitalis libello, nec factis ad ipsum additamentis, sed singularem, in qua omnes & singuli ipsorum errores damnarentur, professionem ipse composuit, & Paulino transmissit, mandans sine ipsa nullum deinceps admitti in Ecclesiam. Similem ex ejus Imperio libellum confecit etiam S. Hieronymus. An sit ille ipse, est quæstio alterius loci. Quidquid sit, de hac re scribit antiquus Synodorum Catalogus : "Petrus" Alexandriæ "Patriarcha", ejectus ab Arianis, "Romam contendit. Eoque recepto Damasus Romæ Divinam & S. Synodum convocavit, quæ ammentem illum Apollinarium, Stephanumque ejus Discipulum, & Latronem Lucium", Alexandrinæ Sedis Arianum invasorem, "anathemate notavit". Est tertia Romana Damasi Synodus, celebra-

ta anno sexagesimo nono quarti sæculi. Et non solum Vitalem ac Timotheum, ipsumque etiam Apollinarium, sed & Lucium damnavit, contra cujus violentias Petrus provocaverat. Non damnatus ab aliqua Synodo, sed per Arianos violenter ejectus. Ex quo vides ipsos etiam tunc Patriarchas non solummodò adversum Synodalia iudicia, sed insuper adversum quasvis violentias atque calumnias sanctum Petrum invocasse. Hinc Dorotheus Thessalonicensium Archiepiscopus ad Hormisdam Pontificem scripsit Romanam Cathedram esse "firmum omnium ad ipsam festinantium Portum". Sanctus Gelasius dixit "Portum omnium fluctuantium". Est phrasis desumpta ex sancto Hieronymo.

Quòd ipsum cum omni sua Pontica Diocesi, immò cum omni Orientali Ecclesia disertè professus fuit magnus Basilius. Etenim de Eustatio Sebasteno Episcopo, primæ intra suam Diocesim Armeniæ Metroposita, viro heretico & vertumno, ac damnato per plures Synodos, ideoque provocante ad Papam Liberium, ac per ipsum reposito, scripsit ad Occidentales Episcopos: "Eustatius Episcopatu ejectus, propterea quod in Melitenensi Synodo depositus esset, viam sibi ipse, per quam restitueretur, extogavit, eam videlicet, ut ad vos proficisceretur. Quæ verò sint illi à Beatissimo Episcopo Liberio proposita, & ad quæ consenserit, nobis clam est, nisi quod epistolam attulit, per quam restitueretur. Eam ubi Thyansenſi Synodo exhibuit, in suum locum restitutus est. Iste itaque jam fidem eam, in quam receptus est, depopulatur, cumque illis facit, qui" Homousion "anathemate percellunt. Deinde & heresi patrocinatur eorum, qui Spiritum S. Divinitate spoliant. Quoniam igitur isthinc vires accipit lædendi Ecclesias, ac publicandæ impietatis suæ fiducia, quam vos vidistis, ad subversionem multorum usus est, necesse est ut isthinc quoque veniat, malorum istorum correctio, scribaturque Ecclesiis, quibus quidem conditionibus sit ad communionem susceptus. Simul verò adijciatur, quomodo jam mutatâ sententiâ gratiam à Patribus, qui tunc erant, acceptam reddat irritam".

Affirmat varia. Primò, quod à Melitenensi Synodo damnatus Eustatius non ad Cæsarzenſem suæ Diocesis Exarchum, sed proximè Romam ad Liberium Papam appellaverit atque accesserit. Secundò, quod non per generalem totius Ecclesiæ, aut etiam totius Occidentis Synodum, sed per solum Pontificem fuerit restitutus.

Tertiò



Tertio, quod non temerè sit assecutus hanc sententiam, sed ad professionem Orthodoxæ fidei, variarumque insuper conditionum. Quarto, quod Liberius Eustatio dederit restitutionis literas, & ipsum cum eis securum remisit ad propria. Quinto, quod Eustatius hæc literas exhibuerit Thyansenſi intra Cappadociam Synodo, & per ipsas postularit agnosci in integrum Episcopum, ac reponi in suum Thronum. Sexto, quod Synodus, Apostolicas literas reverita, ipsum reposuerit. Certè fuit non modica reverentia. Etenim Basilius Liberium arguit, quod Eustatio solas restitutionis literas tradiderit, non adjungens fidei libellum, aliasque ab ipso professas condiciones. Et non sine fundamento. Cæsarensis namque Exarchus, cujus erat Eustatium Throno ac Populo rendere, poterat ista omnia expostulare, cogniturus an versatilis Vertumnus per obreptiones & circumscriptiones non esset furatus gratiosam sententiam. Basilius exhibuit plenam fidem Papalibus de sola restitutione literis, supposuit omnia ritè exacta, & sine causæ cognitione est executus Apostolicum Judicium. Ast dignitati redditus homo rediit ad ingenium ac vomitum, & fidelium multos subvertit. Et ecce hic majorem Basilii reverentiam in Apostolicam Sedem. Non præsumpsit ejus, licet jam patenter emortuum, Judicium, immo nec relapsum hæreticum attingere, sed omnia retulit atque remisit ad suum principium. Propter appositam Apostolicam manum: Aded Antiquum est istud vinculum.

Avitum Gallicanæ Ecclesiæ de hac Apostolici Throni autoritate testimoniū nobis tradit S. Alcimius Avitus Viennensis Archi-Episcopus in literis, per quas ab Hormilda Pontifice rogavit nosse successum primæ Legationis, pro extinguendo Acaciano schismate transmissæ ad Imperatorem Anastasium ac omnem Orientalem Ecclesiam: "Eutychem & Nestorium jam dudum per Beatissimos Prædecessores vestræ Sedis damnavit autoritas". Et Nestorius & Eutyches à Romanæ Sedis Judicio ad generalem Synodum appellaverant, & hunc Chalcedonensis, istum damnaverat Ephesina Synodus: Et tamen S. Avitus constanter affirmat utrumque fuisse damnatum per autoritatem Sedis Apostolicæ. Damnatum ab illa ipsa Sede, & ab isto illius Sedis Pontifice, adversus quem uterque provocaverat. Eutychem per Leonem, à Celestino Nestorium. Nempè Chalcedonensis non tam ad Eutychetis adversus Leonem, quam ad S. Flaviani ad ipsius factam appellationem retractandam fuit indicta: Etiam Ephe-

sina Synodus non ad solam Nestorii, sed præsertim ad degradatorum ab ipso Clericorum provocationem discutiendam convenit. Porro Sardicenses Canones istarum retractationum formam ac modum credunt sapientissimo Judicio Romani Episcopi: Et laudati Pontifices eas delegarunt præfatis Synodis. Hinc hæ egerunt ex illorum auctoritate, atque ita ipsorum auctoritas prostravit utrumquæ Hæresiarum. Potuerant & ipsi velin suo Presbyterio, vel retractare in suæ Provinciæ Synodo, atque ita generales istæ Synodi ad ista retractandi munia fuerunt ex sapientissimo eorum Beneplacito assumptæ, non necessariæ. Hæc est antiqua fides Gallicanæ Ecclesiæ.

## CAPUT V.

*Eadem Romana Ecclesia Authoritas demonstratur ex  
Romana appellatione Ioannis Patriarchæ  
Alexandrini.*

L. 7. C. 10.



Ac de re scribit Petrus de Marca: "Magni etiam  
„momenti" est appellatio Ioannis Patriarchæ  
„Alexandrini, quem Petrus Mogus Hæreticus,  
„iubente Imperatore Zenone, & consentiente  
„Acacio Constantinopolitano, Episcopatu de-  
„turbavit. Imploravit deiectionem ille Calendio-  
„nis Patriarchæ Antiqcheni auxilium, ex cuius &  
„Synodi Orientis sententia Papam Simplicium  
„appellavit, ut scribit Liberatus Archi-Diaconus Ecclesiæ Car-  
„thaginensis in capite decimo octavo Breviarium: Joannes  
ingressus est ad Calendionem Patriarcham, & sumptis ab eo  
intercessionis Synodicis literis Romanum Pontificem appellavit,  
sicut fecit & Beatus Athanasius, Et suavit scribere pro se Aca-  
cio Constantinopolitano. "Non solum autem summi Pontifi-  
ces cognoscebant de appellationibus Episcoporum & Patriarcha-  
rum Orientis, quando agebatur de fide, sed etiam primam  
causæ cognitionem ad se trahebant, si fortè in hæresim incidissent.  
Nam quia materia fidei est causa communis & generalis, quæ ad  
universam Ecclesiam pertinet, necesse est ut hæresis ab omnibus  
episcopis

„Episcopis damnetur, præcipuè verò à Romano, qui caput est unitatis, & qui cum primam Sedem obtineat, ferre debet primam sententiam": Cujus debet esse prima sententia, "ut loqui ut Facundus Hermianensis. At si jam hæresis in Synodo damnata fuisset, quemadmodum Eutychiana in Concilio Chalcedonensi, tum Patriarchæ, si communionem hæreticorum amplectebantur, deponi poterant à summo Pontifice, & Synodo Romana, nequè necessaria erat Synodus Oecumenica. Eo enim casu Papa se tantum præstat executorem sententiæ latæ adversus authores hæresios, & eorum Complices. Ei fundamento innixus Gelasius Papa Acacii Patriarchæ Constantinopolitani, qui à Felice Papa dejectus fuerat in Synodo Romana, depositionem tuetur adversus exceptionem Euphemii Patriarchæ Constantinopolitani, qui aiebat Decessorem suum non potuisse damari ab uno, id est, à summo Pontifice, abque congregatione Synodali".

Affirmat varia. Primò, Orientales Episcopos, ipsosque Patriarchas in causa fidei potuisse vocari ad Tribunal Apostolicæ Sedis, non dumtaxat in retractatorio judicio, sed etiam in prima instantia. Proinde censet primam istiusmodi instantiam extra fidei materiam non licuisse. Et quidem quoad Episcopos, etiam Metropolitans, habet aliquid fundamenti; quoad Patriarchas autem manifestè labitur. Quod eorum circa quamcumquè materiam prima accusatio semper spectaverit ad Romanam Sedem, est supra demonstratum. Secundò affirmat eosdem Episcopos & Patriarchas etiam in fidei materia non potuisse à solo Romano Pontifice damari, nisi dum ipsorum scabies fuisset ante damnata per aliquam generalem Synodum. Tunc enim necessaria est sola executio: Et hanc solam permittit Sedi Apostolicæ. Proinde ipsi nihil permittit, nisi quod quadret omnibus generatim Episcopis. Etenim ipsis omnibus istam denunciandi, & exequendi auctoritatem competere, disertè asseverat laudatus à Petro de Marca Gelasius. Sux Sedi adscribit, ac demonstrat longè sublimiora. Plenam auctoritatem, quâ Pontifex possit, etiam sine Synodo solus, damnare ac deijcere Patriarchas.

Hæc omnia sunt alterius loci. Et ipsa omnia non faciunt ad rem Joannis Alexandrini. Etenim ut facerent, Joannes debebat fuisse accusatus de Hæresi, ac de lapsu in articulum jam damnatum ab aliqua generali Synodo. Aut certè debebat Petrum Mogum, per Chalcedonensem Synodum damnatæ Eutychianæ

S i s s i

perfidie

perfidia: Seditorem appellasse ad Sedem Apostolicam. At horum nihil substitit. Joannes ne quidem de Ecclesiastico, sed de solo civili crimine accusatus fuit, & non adversus aliquam Synodum, sed adversus solam Augusti Zenonis violentiam provocavit: Et quidem ad solam Sedem Apostolicam. Et ibidem Acacium Constantinopolitanum Episcopum nequaquam de præfata damnata hæresis communione accusavit, sed solummodo de incensa & adjuta Augusti Principis violentia. Quare hoc exemplum, uti & Liberati Archidiaconi testimonium, penitus evertit cogitationes Petri de Marca. Utrumque demonstrat Orientales olim Episcopos etiam ob causas Canonicas provocasse ad Sedem Apostolicam. Etenim Liberatus disertè affirmat Joannem appellasse Romam, "Sicut fecit & Beatus Athanasius". At verò exploratum est Athanasium & à Tyria, & ab Antiochena Synodo fuisse damnatum ob solas causas Canonicas. Affirmat Joannem appellasse ad solum Romanum Pontificem, ideòque & ad ipsum solum provocasse Beatum Athanasium. Affirmat Joannem provocasse ex consilio Calendionis Antiocheni Patriarchæ, ac ejus Patriarchalis synodi: "Sumptis ab eo intercessionis Synodiciis literis". Affirmat hujusmodi Romanas appellationes tunc fuisse constantem sensum totius Orientalis Ecclesiæ.

Cap. 17.

Quod Joannes ob causam Canonicam appellaverit, est demonstrandum. Veram & ejectionis & appellationis causam exponit Liberatus Diaconus: "Joannes Thalaia de Ordinatione sua, negligit suas Synodicas literas Acacio Constantinopolitano Episcopo destinare. Habens enim amicam Ellum Magistrum, ei quidem de sua Ordinatione scripsit: Scribens etiam Principi, quatenus per Ellum Magistrum omnis ejus causa disponderetur, putans eum Constantinopoli manere. Mandavit ergo Magistro literas Synodicas, delegans ei omnia cum illius facere voluntate. Contigit autem tunc Ellum Magistrum ab Imperatore Zenone mitti Antiochiam, ut teneret Leontium, qui illic ab Exercitu cum voto Verinæ Augustæ fuerat ordinatus. Cumque Magistrianus, qui fuerat à Joanne missus, non invenisset Ellum Magistrum, neque Acacio, neque Imperatori literas obtulit, sed perrexit Antiochiam. Post hæc Acacius audiens de Ordinatione Joannis, & contristatus quia Synodicas epistolas non direxisset, & unà faciens cum Gennadio", majoris

oris Hermopolis Episcopo, "Parente Beati Timothei" Salophacioli, ac Joannis Adversario, "volentes ei nocere, detrahebant", apud Zenonem, & accusabant eum, habentes adjuutores Patronos, Petri Mogi, quasi opportunus Episcopatus non esset Joannes". Hæc invidiæ scintilla impulit Acacium ad ejiciendum Joannem, ad intrudendum Petrum Mogum, ad suscitandam flammam, quæ horrendo schismate dudum afflixit Ecclesiam.

Verum ratio ista erat foeda, ideòque allegari non poterat apud Sedem Apostolicam. Hinc allegatæ sunt præsertim duæ aliæ. Primam adducit in Commonitorio, quod Fausto Officiorum Magistro dedit, S. Papa Gelasius: "An qui homini mentitus Epist. 4.  
dicitur Imperatori, & qui Imperatorem læsisse perhibetur, depelli debuerunt, & in Deum, qui summus & verus est Imperator, Acacium delinquentem, sinceramquæ communionem Divini Sacramenti studentem miscere cum perfidis, secundum Synodum, quæ hæc est damnata perfidial, non oportebat excludi"? Mendacium Joannem, læsa Principis Majestas Calendionem Antiochenum, damnatum à priori Chalcedonenſi Synodo crimen tangit Acacium, ideòque Gelasius palàm affirmat Joannem fuisse immunem à tali crimine. Acacianam Factionem, quæ damnatum ex tali crimine Acacium clamitabat non debuisse damnari sine Synodo, & Joannem ob novum crimen, immò ob novi criminis calumniam sola ejecerat, affirmat sibi ipsi non cohærere. Unicum præfati mendacii crimen fuisse Joanni impositum, idem Pontifex scribit in literis ad Dardaniæ Episcopos, & in literis ad Episcopos Orientales. Criminis seriem exponit Evagrius Epiphaniensis: "Joannes Presbyter quorundam impulsus Epist. 13.  
consilio Constantinopolim venit, Imperatorem precaturus, ut, si fortè Episcopus Alexandriæ migraret è vita, sibi liceret Antistitem, quem vellet, civibus illius civitatis nominare. Qui quidem, ut Zacharias memorat, Episcopatum pro se ambire, ab Imperatore deprehensus est. Et cum se jurejurando obstrinxisset se nunquam Sedem Episcopalem Alexandrinam petiturum, domum revertitur. Quapropter Zeno cum post mortem Timothei decrevit creandum Episcopum, quem Clerus & Laicorum multitudo deligerent. Non longo tempore post, mortuo Timotheo, Joannes datâ pecuniæ Summâ, quemadmodum, ab eodem Zacharia traditum est, & jurejurando, quod Impe-

„ratori dederat , neglecto Alexandrinorum deligitur Episcopuſ.  
 „Quare cognita Imperator illum Alexandria exigendum mandat”.  
 Eum acculat de ambitu , perjurio , ac Simonia . Sunt profani  
 Zachariæ mendacia , quæ Evagrius nimia temeritate ſequitur .  
 Quod enim Joannes non quorundam impulſus conſilio , ſed à  
 Timotheo ſuo Epifcopo juſſus Conſtantinopolim acceſſerit ; quod  
 non à ſe nominandi , ſed Canonice eligendi Catholici Epifcopi  
 facultatem poſtulerit ; & quod tale juramentum non præſtiterit ,  
 exploratum eſt , & poſſit facile demonſtrari . Nam & ipſa accu-  
 ſatrix Factio de ambitu & Simonia plenè tacuit apud Sedem Apo-  
 ſtolicam , & declamavit ſolum mendacium .

Aliud Joanni imputatum crimen adducit Liberatus : “Quod vi-  
 „vente Timotheo Catholico Joannes tractaſſet exire de Eccleſia ,  
 „& ab ipſo ſuaſus fuiſſet idem Timotheus ſuſcipere Dioſcorum  
 „in Dyptichis” . Et reverà Timotheus Salophaciolus fuerat ‘ni-  
 „mùm indulgens ac flaccidus’ : Et ex Eutylichianorum metu raſum  
 damnati Dioſcori nomen reſcripſerat in ſacras tabulas . Liberatus  
 pergit : “Imperator putans quod Joannes Epifcopus non rectè  
 „ſaperet de Chalcedonenſi Concilio , ſed omnia ſimulatè ageret ,  
 „conſilio Acacii ſcripſit literas Pergamio Duci , & Apollonio  
 „Auguſtali , ut pellerent quidem Joannem Thalaſiam , Petrum au-  
 „tem Mogum inthronizarent” . Hoc crimen tangit fidem : Spectat  
 ad Eutylichianam perfidiam , damnatam à Chalcedonenſi Synodo .  
 Etiam de ipſo Acaciana Factio ſtudit Joannem infamare . At  
 erat manifeſta calumnia , ideòque per ſemetipſam deſecit & eva-  
 nuit . Nec in Papalibus literis , nec in Acacianorum Actis aut  
 Scriptis reperitur ulla ejus memoria . Etiam Zacharias erubuit  
 ipſam producere . Accuſatio perſtitit ad ſolum mendacium ac  
 perjurium . Proinde Romana Joannis appellatio non proceſſit ob  
 Catholicam fidem aut hæreſim , ſed ob ſolam cauſam Canonicam ,  
 immò civilem .

Omnem rei ſeriem accuratiſſimè exponit antiquus Eutylichianæ  
 hiftoriæ Breviculus . Exponit contumax ac triennale Acacii con-  
 tra Simplisii Pontificis Apoſtolica Mandata ſilentium , & proſe-  
 quitur : “Poſt omnia Joannem Presbyterum , Oeconomum ſuum ,  
 „Timotheus” Salophaciolus , Orthodoxus Alexandrinæ Eccleſiæ  
 Patriarcha , “ad Principem miſit , rogans ut ſi quid humanitùs  
 „ſibi fortè contingeret , juberet Pietas ejus Catholicum à Catho-  
 licis

licis ordinari. Ad cuius Petita responsum est, & tam ipsi quam Clericis scriptum. Atque in eisdem Sacris Joannes Oeconomus multis laudibus prædicatur, ut jam penè omnibus Alexandrinis Episcopalis putaretur Officii Candidatus. Defuncto isto Theodoro Episcopo, Joannes Oeconomus Catholicus à Catholicis ordinatur Episcopus. Qui cum de consuetudine Majorum ad Apostolicam Sedem Synodica per Isidorum Presbyterum & Petrum Diaconum Scripta misisset, superveniente Uranio Sub-Adjuva, & contra Joannem jam Episcopum Sacra Principis deferente, ab Episcopatus illius confirmatione Papa suspensus est. Et quia in eisdem Sacris de restituendo Petro Mogo, quem ipse damnavit, fecerat mentionem, hæc pars omnino est abnegata. Unde videtur Clementissimus Imperator offensus. Cum ergò S. memoriæ Papæ Simplicii nihil toties ad Acacium directa propter Alexandrinæ Ecclesiæ quietem & Catholicæ fidei integritatem Scripta proficerent, supervenit idem S. Joannes Episcopus, qui sicut decebat, ab Apostolica Sede susceptus est. Nam & Priores ejus similiter Romanæ Ecclesiæ sustugium tempore persecutionis poposcerant. Breviculus exponit Acacii facinora, & prosequitur: "Postquam ergò non solum nihil profecisse literas Decessoris sui S. Felix Papa cognovit, & ludibria quædam in eversionem totius Ecclesiasticæ Disciplinæ ab Acacio fieri, electis Vitale Episcopo Troentinate ex Picena Regione, & Mileno Cumanæ Ecclesiæ Episcopo ex Regione Campaniæ, sub hac instructione direxit, ut Petrus de Alexandrina pelleretur Ecclesia, & ut libello S. Joannis Episcopi Alexandrini responderet Acacius, utque ipsi denunciaretur Acacio, ut anathema diceret Petro. Qui quamvis, hostili more detrusi in custodiam, chartas amiserint, tamen perfidis hæreticis atque damnatis accommodare non debuerunt, quæ sola negari potuit, voluntatem. Non solum ergò non egerunt quæ iussa sunt, aut quæ expedire poterant, sed etiam hæreticis communicaverunt, confirmationemque Petri Episcopatus, ad quem pellendum missi fuerant, deferentes, atque contumelias in Episcopum Joannem Acacio dirigente portantes. Quibus rebus, habita Synodo, commotus Beatissimus Paps, Vitalem & Milenum ab officio & communione suspendit, Acaciumque damnavit".

Discimus omnem causæ seriem, ac insuper varia spectantia ad

dignitatem Sedis Apostolicæ. Primò, quod Imperator Zeno Joannem Thalaia, adhuc Presbyterum, & ad se Legatum, dum cum suis sacris ad Timotheum Episcopum, & Alexandriæ Clerum Responsis remisit, in istis ipsis literis adeò prædicaverit, ut redux, post eas lectas, ab omnibus haberetur Episcopalis Dignitatis jam Candidatus. Proinde suprà memoratum perjurium est manifesta calumnia. Secundò discimus, quod Alexandrini Patriarchæ suam consecrationem debuerint statim referre Romano Pontifici, ejus confirmationem postulare, ac obtinere. Et hoc ex more Majorum. Nempe ex Apostolico Canone, confirmato per sextum Nicænum. Hinc Imperator Zeno Joannis exullari, Petri autem Mogi consecrationem supplicavit à Simplicio Papa confirmari. At hujus constantia neutrum concessit. Petrum, utpotè sceleratum Monachum, qui in ipso etiam Ephesino Latrocinio turbas cum Eutychete egerat, penitus abiecit, Joannis verò confirmationem suspendit in plenius examen, vel ingratiam Principis. Et his offensus Zeno Pergamio Duci & Apollonio Augustali scripsit, ut Joannem eijcerent, & Petrum inthronizarent. Et ita ejectus Joannes abiit Antiochiam, & ex Calendionis consilio inde Romam appellavit ac venit. Et de ejus, dum in urbem pervenit, restitutione Liberatus tacet. Quia nempe Joannes ob pendentem confirmationem necdum ex integro vestitus fuerat, ideòque nec ex integro spoliari potuerat, nec poterat revestiri. Nec per Synodalem, aut Episcopalem, sed per solam Laicam violentiam erat exutus, ideòque nec per Apostolicam auctoritatem videbatur revestendus.

Simplicius circa ipsum videtur nihil egisse judicialiter. Studuit eum sine strepitu reponere in Principis & Acacii gratiam. Hinc Felix Pontifex in literis, quibus per Vitalem & Misenum evocavit Acacium ad suum Tribunal, habet inter cætera: "Supervenienti Frater, & Co-Episcopus noster Joannes, fugatus ab hæreticis Pervaloribus Sedis Alexandrinæ, libellum nobis, quem S. memoriæ Prædecessori meo paraverat porrigendum, ingessit. Quem morem Majoris sui B. memoriæ Athanasii exemplo & Priorum nostrorum non potuimus refutare". Primus igitur Felix judicii postulatorium libellum suscepit à Joanne, atque ita est exortus judicium. An ipsum cum Acacio certaturum solemniter revestiverit juxta Sardicenses Canones, ignoro. Certè non fuit necessarium. Judicii Processus fuit longus & multifarius. Ejus finis fuit, quod Felix Vitalem & Misenum Episcopali



scopali gradu, Acacium autem insuper communionem exuerit; ac ipse etiam Christiano nomine. Quid circa Joannem egerit, exponit Liberatus: "Joannes Thalaia habens Episcopi dignitatem remansit Romæ, cui Papa Nolanam dedit Ecclesiam, quæ est in Regione Campaniæ, in qua plurimos residens annos in pace defunctus est". Liber Pontificalis in S. Gelasii vita adjungit: "Eodem tempore fugiens Joannes, Alexandrinus Episcopus Catholicus venit Romam ad Sedem Apostolicam. Quem B. Gelasius suscepit cum gloria. Cui etiam & secundam Sedem præbuit". Possit errare in persona: Et Felicis opus transcribere in Gelasium. Proinde Felix Joannem plenè reddidit Alexandrino Episcopatu, & uti verum Alexandriæ Patriarcham gloriose tractavit in omnibus: Ei in sua Romana Synodo dedit secundam Sedem. At quoniam schismatica Principis violentia ipsum non permittebat reponi in Thronum, ei Felix dedit Nolensem Ecclesiam. Videtur dumtaxat commendasse. Quidquid sit, Joannes semper retinuit Patriarchæ dignitatem & titulum, & honorem secundæ Sedis. Etiam Felix addidit hæc omnia à Joanne ad S. Athanasii, à se agi ad exempla suorum Antecessorum. Et ejus opus constanter approbavit omnis semper Orthodoxus Oriens. Et ipsa etiam Acaciana Factio tandem acquievit, Acacium legitimè damnatum profitens, & ejus nomen radens è sacris tabulis. Etiam nomen Zenonis Imperatoris.

Hanc appellationem strenuè laudat, & ejus occasione antiquas Ecclesiæ Regulas ac mores exponit S. Gelasius in Communitorio ad Faustum, sub Theodorico Italiæ Rege Magistrum Officiorum, ac ejusdem Principis Legatum ad Imperatorem Anastasium: "Græci nobis opponunt Canones, dum nesciunt quid loquantur. Contra quos hoc ipso venire se produnt, quod primæ Sedi, sana rectaque suadenti, parère fugiunt. Ipsi sunt Canones, qui appellationes totius Ecclesiæ ad hujus Sedis examen voluere deferri. Ab ipsa verò nusquam appellari debere sanxerunt, ac per hoc illam de tota Ecclesia judicare, ipsam ad nullius committere judicium, nec de ejus unquam præceperunt judicio judicari, sententiamque illius constituerunt non oportere dissolvi, cujus potius Decreta sequenda mandarunt". Et infra: "Nobis ausi sunt facere Canonum mentionem, contra quos semper ambitionibus illicitis fecisse monstrantur. Quà ipsi Synodo, vel secundum cujus Synodi formam Alexandrinum Joannem de Ecclesia, cui ordinatus fuerat, expulerunt? Qui nullis evidentibus nec ante convinci, nec postea provocans etiam in judicio

Athanasium, sanctum Joannem Chrysostomum, ac S. Flavianum non ad Romanum Pontificem aut ejus Sedem, sed provocasse ad totius Ecclesiæ, aut certe ad Synodum totius Occidentis: et ita oportuisse. Per Canones non licuisse aliud. At verò S. Gelasius constanter hoc loco scribit ipsos appellasse ad Sedem Apostolicam. Et non de uno, sed de omnibus tribus disertè adjungit: "Sola Sedes Apostolica". Videtur in istos Novatores præscripsisse. Cui credendum? Certè Gallicana olim Ecclesia credidit S. Gelasio. Et S. Athanasii, itemque S. Joannis Chrysostomi appellatio hærebat in solis causis Canonicis. Scio Dioscorum, ac in ejus perfidia aut Factione permanentes Episcopos fuisse damnatos à Chalcedonenſi Synodo: Item S. Flavianum, & plures cum ipſo ab Ephesiſino Latrocinio damnatos Antistites fuisse reparatos à laudata Synodo. Cur igitur Gelasius scribit: "Sola Sedes Apostolica absolvit, sola sua autoritate Prostravit"? Ob duas rationes. Primam edicit ipſe Pontifex: "Quam Congregatio secuta, est". Hoc est, quia omnis Synodus aliud non fecit, quàm sequi & firmare prærogativam Apostolici suffragii. Altera ratio est in his verbis ejusdem Pontificis: "Ut Chalcedonenſis Synodus fieret, sola, decrevit". Hoc est, ad diffinitivè retractandum Ephesiſini Latrocinii Judicium sola Apostolica Sedes suo sapientissimo arbitrio juxta Sardicenses Canones fieri jussit Chalcedonenſem Synodum, ideòque quidquid isthuc circa præfatas appellationes actum est, processit ex autoritate ac delegatione laudatæ Sedis. Et hunc loquendi modum usitavit etiam S. Avitus Archi-Episcopus Viennensis. Ex sensu Gallicanæ Ecclesiæ. Nec mirum. Etenim Gelasius rectè affirmat omnia hæc fuisse acta, & à se scribi juxta Canones, & juxta perpetuam consuetudinem Majorum.

Hoc ipsum lucidè testatur in litteris ad Rufum Theſſalonicenſem Episcopum, & cunctos ejus in Illyrico Collegas S. Bonifacius primus Pontifex. Alexandrinæ, Antiochenæ, aliisque per Orientem Primatibus Cathedris proficetur ac firmat suas dignitates, & adjungit: "Sed quia res postulat, approbandum documentis est, maximas, Orientalium Ecclesias in magnis negotiis, in quibus opus esset disceptatione majori, Sedem semper consuluisse Romanam, & quoties usus exegit, ejus auxilium postulasse. S. memoriæ Athanasius, & Petrus Alexandrinæ Sacerdotes Ecclesiæ, hujus Sedis auxilium, postularunt. Cum Antiochena Ecclesia per multum temporis laboraret, ita ut fierent illinc propter hoc ipsum sæpe discursus, primò

T t t t

sub

„sub Meletio, postea sub Flaviano, Apostolicam Sedem manifestum  
 „est esse consultam: Ad cujus auctoritatem post multa, quæ ab Ec-  
 „clesia nostra gesta sunt, nemini dubium est Flavianum communionis  
 „gratiam recepisse, qua in perpetuum caruerat, nisi hinc super hoc  
 „Scripta manassent. Clementissimæ recordationis Princeps Theodo-  
 „sius Nestarii Ordinationem, propterea quia in nostra notione non  
 „esset, habere non existimans firmitatem, missis è Latere suo Au-  
 „dlicis cum Episcopis, Formatam huic à Sede Romana dirigi regulari-  
 „ter depoposcit, quæ ejus Sacerdotium roboraret. Ante breve tem-  
 „pus, id est, sub Prædecessore meo B. recordationis Innocentio,  
 „Orientalium Ecclesiarum Pontifices, dolentes se à B. Petri commu-  
 „nitione sejunctos, per Legatos pacem poposcerunt. Quo tempore  
 „Apostolica Sedes non difficulter omnia indulgit. Affirmat S. Atha-  
 „nasium ac ejus Successorem Petrum, Alexandrinos Patriarchas, S.  
 „Melerium ac ejus Competitorem Flavianum, Patriarchas Antioche-  
 „nos, Nestarium ac ejus Successorem S. Joannem Chrysostomum,  
 „Episcopos Constantinopolitanos, non ad Generalem Synodum, sed  
 „provocasse ad solam Apostolicam Sedem, & ab ipsa sola fuisse per  
 „causæ definitionem adjutos. Nestarii causa omnino spectabat ad Ro-  
 „manam appellationem Maximi Cynici. Epistola exstat in Romana  
 „Synodo Bonifacii secundi Pontificis.

Epist. 10.

Consonat in litteris ad Clerum ac Populum Constantinopolitanum  
 S. Celestinus Pontifex, agens de Clericis per Patriarcham Nestorium  
 degradatis ac relegatis: „Habetis vos, quicumquæ Ecclesia estis eje-  
 „cti, penè nostrorum temporum B. recordationis Athanasii, Alex-  
 „andrinæ Ecclesiæ prudentissimi Sacerdotis, exemplum. Fugatus  
 „illinc, & in nostris partibus roboratus est. Denique hic ei redinte-  
 „gratus est status, & in hac Sede quietem communionis invenit, à  
 „qua semper Catholicis subvenitur. Epistola exstat in prima parte  
 „Ephesini Concilii. Hoc ipsum in suo Constituto constantissime affir-  
 „mat Vigilius Pontifex: „Hanc regulam & in sanctorum, Joannis  
 „Constantinopolitani Episcopi, quem Chrysostomum vocant, atq;  
 „Flaviani, ejusdem civitatis Episcopi, veneranda memoria constat  
 „esse servatum, qui licet violenter exclusi essent, non tamen pro dam-  
 „natis sunt habiti, eò quod semper inviolatam eorum communionem  
 „Romani Pontifices servaverunt. Nec abscondi ab Ecclesia dici po-  
 „tuerunt vel poterunt, quos sibi inconvulsè unitos Apostolica judi-  
 „cavit auctoritas. Constitutum istud est, scriptum ad Imperatorem

Cap. 9.

Justinia.

Justinianum, & ad omnes Orientales Episcopos: Et ipsorum nullus unquam vel somniavit huic articulo contradicere. Quin immò præfatus Imperator in suo adversum tria Capitula Edicto illum lucidè confirmat: "Quantum ad insipientiam dicentium, non oportere „anathematizari post mortem eos, qui in sua impietate mortui sunt, „oportebat nec eos, qui injustè condemnati sunt, Patres post mortem revocari, quale contigit in Joanne S. recordationis Episcopo „Constantinopolitanæ civitatis, ab universali Ecclesia post mortem „revocato, ac in Flaviano S. memoriæ, & ipso Episcopo Constantinopolitanæ civitatis, injustè quidem in vita condemnato, justè „autem post mortem revocato, tam à S. memoriæ Papa Leone, „quam à S. Chalcedonenſi Concilio". Nempè S. Leo revestiti à se Flaviani retractatorium judicium juxta Sardicenses Canones delegarat Chalcedonenſi Synodo, atque ita etiam hæc Flavianum revocavit. Consonat & Liberatus Diaconus: "Flavianus, contra se prolata „sententia, per Legatos ejus Sedem Apostolicam appellavit libello". Nulla Novatorum turba hanc lucidissimam veritatem, tot ac tantis stipatam testibus, possit obnubilare.

## CAPUT VI.

*Adducitur Instrumentum Appellationis, quod Hæresiarcha Eutyches misit ad S. Papam Leonem.*



Uod Eutyches ad S. Leonem ac ejus Apostolicam Sedem Appellaverit, & appellationis libellos transmiserit, est supra ex laudati Pontificis epistolis, aliisque authenticis documentis abundè demonstratum. Epistolæ libellos disertè memorant. Huc usquè credidimus perditos, & non potuimus producere. Deo laus, eos nobis custodivit præfatus Codex Cassinensis. Appellationis libellus habet hunc titulum:

„Epistola Eutychetis Hæretici, ubi scribens ad Papam urbis Romæ Leonem negat in Christo duas esse naturas, id est, Divinitatis & humanitatis.

Est Titulus appositus à Compilatore aut Descriptore. Hic est Contextus:



**D**E mea in Dominum & Deum omnium Christum spe confidens ante omnia quidem, Testis Deus Verbum est, in sensibus huiusmodi dignoscens veritatis probationem, indoco autem vestram Sanctitatem in testimonio cordis mei, & rationes sensuum meorum atq; verborum. Sed pessimus Diabolus fascinauit tale studium nostrum & Propositum, à quibus vires ejus destrui oportuit. His stimulans omnem Domesticam sibi vim, contra me movens Eusebium Episcopum Oppidi Doryleënsis, libellum dantem S. Episcopo Constantinopolitanae Ecclesiae Flaviano, & quibusdam aliis inventis in eadem urbe, qui propter diversas causas suae venerant, quomodo haeticum compellavit, non veritate accusationem mihi, sed perniciem mihi machinans, & perturbatione Ecclesiae Dei. Vocabat ad responsionem accusationis ab ipsorum Sanctitate, sed gravi aegritudine super ipsam senectutem retentus: Occurri ad purgationem, non ignorans compositam factionem contra salutem meam. Et quidem libellis statim, subscriptione mea his addita, obtuli Scripta, ostendens de S Fide professionem meam. S. autem Flaviano Archi-Episcopo neq; libellum suscipiente, neq; ut legeretur jubente, audiente tamen, & respondente me ipsis verbis eam fidem, quae Nicæa exposita est à Sancta Synodo, confirmata verò apud Ephesum, expetebar duas naturas fateri, & anathematizare eos, qui hoc negant. Ego autem metuens definitionem à Synodo, nec adimere nec addere verbum contra expositam fidem à S. Synodo  
Nicana

Nicana, sciens verò Sanctos & Beatos Patres nostros, Iulium, Felicem, Athanasium, Gregorium, SS. Episcopos, refutantes duarum naturarum vocabulum, & non audens tractare de natura Dei Verbi, qui in Carnem venit ultimis diebus in Vterum S. Virginis MARIE immutabiliter, quomodo voluit & scit, in veritate, non in phantasmate hominē factum, aut anathematizare supradictos Patres nostros, rogabam ut innotescerent ista Sanctitati vestræ, & quod vobis videretur iudicaretis, omnibus modis me secuturum quæ probassetis: Sed nullo eorum quæ à me dicebantur audito, abruptâ Synodo publicaverunt dejectionis sententiam, quam adversus me calumnia factione instruebant, ut & salutis meæ discrimen incumberet, nisi citò operâ Dei, orationibus Sanctitatis tuæ, militaris manus me ab incurfione rapuisset. Tunc Duces aliorum Monasteriorum cogere cæperunt in dejectionem meam subscribere, quod nunquam nec in eos qui se hæreticos professi sunt, vel adversus ipsum Nestorium factū est. In tantum cum ad satisfaciendum plebi proponerem fidei meæ confessiones, non solum & arcerent eas audiri, verum & arriperent hi, qui contra me supradictam Factionem meditabantur, ut exinde tanquam hæreticus apud omnes haberer. Ad vos igitur Religionis Defensores, & huiusmodi Factiones execrantes confugio, nihil & nunc novum inducens contra fidem jam indè nobis ab initio traditam, sed anathematizans Apollinarium, Valentinum, Manem, & Nestorium, & eos qui dicunt Carnem Domini N. JESU CHRISTI Salvatoris è cælo descendisse, & non Spiritu è Sancto & Sancta Virgine

*Virgine MARIA : Et omnes hareses usq̃ ad Magum Simonẽ. Et nihilominus tanquã Hæreticus de vita periclitor. Et obsecro, nullo mihi præjudicio factõ ex his, quæ per insidias contra me gesta sunt, quæ visa vobis fuerit super fidem proferre sententiam, & nullam deinceps permittere à Factiosis contra me calumniam procedere, & non excuti & eximi de numero Orthodoxorum eum, qui in continentia & omni castitate septuaginta annos vitam peregit, ita ut in ipso exitu vitæ naufragium patiatur. Subjunxi autem his literis meis utrumq̃ libellum: Et eum qui ab Accusatore meo oblatus est Synodo, & qui à me gestus quidem est, non tamen susceptus. Et editionem fidei meæ. Necnon & ea, quæ de duabus naturis à sanctis Patribus nostris decreta sunt.*

Notanda sunt verba: "Invoco uestram Sanctitatem. Rogabam, ut innotescerent ista Sanctitati vestræ, & quod vobis videretur judicaretis, omnibus modis me secuturum quæ probassetis. Ad vos igitur Religionis Defensores, & hujusmodi Factiones execrantes confugio. Et obsecro, nullo mihi præjudicio factõ ex his, quæ per insidias contra me gesta sunt, quæ visa vobis fuerit super fidem proferre sententiam, & nullam deinceps permittere à Factiosis contra me calumniam procedere, & non excuti & eximi de numero Orthodoxorum eum, qui in continentia & omni castitate septuaginta annos vitam peregit". Sunt manifesta appellantis verba. Insuper diu fertè affirmant Eutychetem in ipso S. Flaviani Judicio ad Papam provocasse. Possint tamen esse mendacia. Rationes suo loco exposui. Præfata verba etiam conqueruntur appellationi non datum effectum suspensivum, ideòque violatos fuisse Sardicenses Canones. Omnis libellus nihil penitus habet, quod per omnia non consonet Synodalibus Actis S. Flaviani. Proinde hic est omninò libellus, de quo magnus Leo scripsit ad laudatum Flavianum: "Accepimus libellum Eutychis Presbyteri, qui se queritur, accusante Eusebio Episcopo, immeritò communionem privatum. Maxime cum vocatum se adfuisse testetur, nec suam præsentiam denegasse, adeò ut in ipso Judicio

„dicio libellum appellationis. Iuxta se asserat obtulisse, nec tamen fuisse  
 „susceptum. Quia ratione compulsus sit, ut contestatorios libellos in  
 „Constantinopolitana urbe proponeret“. Et infra: „Nec aliqua po-  
 „terit ex hac parte difficultas asferri, cum memoratus Presbyter li-  
 „bello proprio sit professus paratum se esse ad corrigendum, si quid  
 „in se inventum fuerit, quod reprehensione sit dignum“. Et in lite-  
 „ris ad Imperatorem Theodosium: „Quid in Constantinopolitana Ec-  
 „clesia perturbationis acciderit, quod ita Fratrem & Co-Episcopum  
 „nostrum Flavianum potuerit commovere, ut Eutychen Presbyte-  
 „rum communione privaret, nondum potuimus evidenter cognos-  
 „cere. Quamvis enim prædictus Presbyter ad Sedem Apostolicam  
 „per libellum doloris sui querimoniam miserit, breviter tamen aliqua  
 „prælibavit, asserens se Nicænæ Synodi Constituta servantem frustra  
 „in fidei diversitate culpatum. Eusebii autem Episcopi Accusatoris  
 „ejus libellus, cujus exemplaria ad nos prædictus Presbyter misit,  
 „de objectionum evidentia nihil habebat“. Hæc Leo rescriptit Prin-  
 „cipi, qui Eutychetis libellum laudaverat, & fuerat comitatus suis  
 „sacris literis.

Cap. 2.

Epist. 21.

Cap. 1. &amp; 2.

Cassinensis Codex nobis custodivit & aliud Eutychetis instrumen-  
 tum, quod existimo esse Contestatorium illius libellum, transmis-  
 sum etiam Leoni Pontifici. Codex dat ei hunc titulum: „Item verba  
 „Eutychetis“. Contextus ejus est hic:



*Estor vos coram Deo, qui cuncta vivificat, & Chri-  
 sto Iesu, qui sub Pontio Pilato testificatus est optimā  
 illam Confessionē, ne quid ad gratiam faciatis. Ego  
 enim jam à Majoribus meis ita sensi, & à pueritia mea ita illu-  
 minatus sum, quemadmodum sancta & ex universo Orbe terra-  
 rum apud Nicæam habita Synodus trecentorum decem & octo  
 Beatissimorum Episcoporum fidem constituit, & quam con-  
 servavit ac definivit denuò obtinere solam S. Synodus Ephe-  
 si collecta. Et nunquam aliter sensi, quam quemadmodum præ-  
 cepit recta & sola vera fides Orthodoxa. Et cunctis, quæ-  
 cumque sunt circa eandem fidem à S. eadem Synodo constituta  
 Ephefi,*



*Epbesi, adsentior. Cujus Synodi Dux & Princeps fuit B. ac S. recordationis Episcopus Cyrillus Alexandrinorum, & prædicationis ac fidei SS. & Electorum Dei, Gregorii maioris, & item Gregorii, Basilii, Athanasii. Attici, Procli socius & particeps. Eum & omnes eos Orthodoxos & fideles habui, & honoravi tanquam sanctos, & Magistros meos existimaui. Anathema autem dico Nestorio, & Apollinari, & omnibus Hæreticis usque ad Simonem, & qui dicunt carnem Domini nostri Iesu-Christi de cælo descendisse. Ipse enim, qui est Verbum Dei, descendit de cælo sine Carne, & factus est Caro in Vtero S. Virginis, ex ipsa Carne Virginis, incommutabiliter & inconvertibiliter, sicut ipse novit & voluit. Et factus est, qui est semper Deus perfectus ante sæcula, idem & homo perfectus in extremo dierum propter nos & nostram salutem. Hanc igitur meam plenam professionem Sanctitas vestra, &c. Eutyches Presbyter & Archimandrites huic libello subscripsi manu mea.*

Briam hic libellus per omnia consonat Actis laudatæ Synodi.

Præfatus Codex adjungit & fragmentum ex nescio quibus S. Pontificis Julii literis, & ipsis præfigit hunc titulum: "Exemplar Julii, Episcopi urbis Romæ, ut asserunt Eutychis Scripta, ad Dionysium, Episcopum, cujus sensu ductus ipse Eutyches decedit in errorem". Hæc Eutychis Scripta omnino sunt adductus appellationis libellus, in quo habetur. "Sciens verò sanctos & Beatos Patres nostros, Julianum, Felicem, Athanasium, Gregorium, SS. Episcopos, refutantes duarum naturarum vocabulum", &c. Hoc igitur fragmentum Eutyches unâ cum suæ appellationis libello transmissit Leoni Pontifici, quo se demonstraret non recedere à fide & doctrina Romanæ Ecclesiæ. Fragmenti contextus est:



*M*iror audiens quosdam confitentes quidem in Carne Dominum nostrum, incurrentes verò divisionē male à Paulianistis introductam. Illi enim Paulum Samosatenum sequentes, alium quidem intelligunt eum, qui ex cælo descendit, Deum confitētes; alium verò terrenum hominem esse dicunt. Et illum quidem infabricabilem. Hunc Dominum, alium servum. Impium, seu venerentur eum, quem servum appellant & fabricatum, seu non colant eum, qui nos Sanguine suo redemit. Hi verò, qui Deum descendisse de cælo confitentur, & Carnem factum ex Virgine, & unum esse cum Carne, frustra conturbantur, excedentes in verba impietatis illorum. Dicunt enim & ipsi, sicut audio, duas naturas. Ad quod S. Ioannes evidenter probat unum Dominum nostrum, cum dicat: Verbum Caro factum est. Et Paulus Apostolus, cum dicat: Unus Dominus JESUS-CHRISTUS, per quem omnia. Si enim natus ex Virgine JESUS nominatur, & ipse est per quem universa facta sunt, una scilicet natura facta est, quoniam & una Persona, non in duo divisa, cum nec propria natura corporis est, & propria natura Deitas sit secundum Carnem. Sed sicut homo una natura est, ita & is, qui ad similitudinem hominis est factus Christus. Quod si non agnoscunt id, quod per adunationem unum est, possunt & unum in plura partire, & plurimas dicere naturas: Quoniam multiplex corpus, quod ex ossibus, nervis, & venis, carne & cute, sanguine & spiritu consistet, quæ omnia diversa quidem inter se sunt, una tamen est eorum natura. Vnde & Deitatis naturæ cum corpore unum est Et hæc in duas naturas dividitur?

V V V V V

Nec

Nec enim poterat totum filius hominis appellari, qui descendisset de cœlis, & rursùm Filius Dei, qui natus ex femina est, si duarum naturarum caperet divisionem, sed id quidem quod descendisset de cœlis vocaretur Filius hominis, non Filius Dei. Et hoc Pauliana divisionis est. Nos autem Divina Scripturæ docent tanquàm de uno Domino nostro sentire, & cum descendisset de cœlis, & cum in terra natus est. Qui igitur sic sentiunt, non excedunt ab in consona contraria sentientibus, ut cum mente Divinis Præceptis consentiant, sermonibus discrepent. Necesse est enim eos, cum duas naturas intelligant, alteram colere, alteram non adorare: Et in Divinam quidem baptizari, in humanam verò non baptizari. Si autem in mortem baptizamur Domini, unam profiteamur naturam, & impassibilis Deitatis, & passionabilis Carnis, ut per hoc sit Baptisma nostrum & in Deum, & in mortem Domini perceptum. Nec enim veremur Calumniatores, qui dividunt in duas Personas Dominum. Nec cum nos unitatem Evangelicam atq; Apostolicam prædicemus, lacerent nos tanquàm dicentes Carnem esse cœlestem: Cum nos è contra Divinas Scripturas legamus dicentes Filium esse non ex cœlo. Nec enim cum dicimus Filium Dei creatum ex muliere, possumus reprehendi tanquàm Verbum ex terra dicentes, & non ex cœlo. Dicimus enim utrumquè: Et ex cœlo totum propter Deitatem, & ex muliere totum propter Carnem, ignorantes divisionem unius Personæ.

An hæc sit integra epistola, ignoro. Interim grande hoc fragmentum huc usquè latuit. Apud Leontium Byzantinum habuimus dumtaxat pauca ipsius verba:

Palmare

Palmare Eutyctis Dogma volebat Christum Dominum esse non unicam solummodò Personam, sed & unicam compositam naturam. Et ipsam in adducta Julii epistola censebat esse fundatissimam. Et in hoc sui auctoris sensu Eutyctiani omnes dudum pertinacissimè naufragarunt. Porro de hac epistola Gennadius, Massiliensis Ecclesiæ Presbyter, ab isto errore plenè immunis, in Illustrium virorum Catalogo scripsit: "Julius ubi Romæ Episcopus scripsit ad Dionysium Cap. 2. „quemdam de Incarnatione Domini epistolam unam, quæ illo quidem tempore utilis visa est adversum eos, qui ita duas per incarnationem asserbant in Christo personas, sicut & naturas; nunc autem perniciosam probatur. Fomentum enim est Eutyctianæ ac Ti-motheanæ impietatis". Affirmat epistolam esse reverà Julii Pontificis. Quod ejus Judicium à quibusdam gravissimè reprehenditur. Aliis tamen videtur scripsisse ex sensu plurium tunc in Gallicana Ecclesia. Quidquid sit, certum est labi ac deviare.

Etenim in primo ad Imperatorem Justinianum libro Facundus Hermianensis Episcopus duas in Christo Domino fuisse naturas, & ipsas in unam non coisse, nec coire potuisse, sed duas semper permansisse, vario SS. Patrum testimonio demonstrat, & rectè profequitur: "Quid autem Eutyctianos contra hæc evidentissima Patrum Cap. 4. „testimonia juvare poterit, quod in vanissimi sui assertionem erroris „dicunt Julium Romanum Episcopum nescio ubi rescripsisse, quod „una sit Christi natura? Cum in S. Ephesina Synodo hoc solum ipsius „B. Julii contra Nestorium recitatum fuerit ex epistola ad Prosdocium". Adducit laudatum ab Ephesina Synodo testimonium, & pergit: "Non aliud præter hanc ad Prosdocium epistolam ex Dictis Julii „in illa Synodo prolatum est. si qua forsitan alia scripsit, neque ex „hac epistola aliquid ampliùs. Cur igitur non illud potiùs, quod de „una Christi natura isti circumferunt tanquàm ab ipso B. Julio scriptum, vel quæquè similia, quæ scripsisse autumant alios venerabiles Patres, in Synodo recitata sunt contra Nestorium? Nam ipsa magis ejus dogmati contraria videntur. Quid enim jam controversiæ remansisset, quod una esset illius Dei-Hominis subsistentia sive Persona, si probarentur Patres, quod etiam unam prædicaverint ejus „esse naturam? Igitur ut omnis auferatur quæstio, si non postea epistola illa confecta est, aut B. Julii eam non esse, sicut magis credendum est, Synodus judicavit, aut etiam si ejus esse credidit, „quod ego non dico, ut alia magis, quàm ipsam ejusdem S. Julii

„contra Nestorium proferret, non ex eo quod incautè dictum est,  
„contrarium errorem judicavit esse vincendum”.

Eutycheti ac omnibus Eutychianistis familiarissimum & constantissimum fuit proclamare ad Nicænum Symbolum, & Acta Ephesini Concilii. Porro hoc Concilium inter alia Patrum testimonia, ex quibus Nestorianam revocit perfidiam, adduxit Julii Romani Pontificis epistolam ad Docimum, sive Prodocium: Ex inde Errones isti concluderunt omnia ejusdem Pontificis Scripta esse probata per istam Synodum, idedque & ejus epistolam ad nescio quem Dionysium. Et ipsam plenis buccis & buccinis ubique prædicarunt. Magnus Leo ad sibi transmissum ipsius ab Eutychete fragmentum videtur tacuisse. In ejus epistolis nulla est ipsius memoria. Et hinc apud Errones increvit epistolæ fides atque autoritas. Quare eorum clamoribus fatigati Doctores Orthodoxi cœperunt rem disquirere. Et Facundus dicit varia. Primò dubitat, an epistola non sit conficta post Ephesinum Concilium. Censet ipsam, utpotè validissimè peremptoriam Nestoriani dogmatis, si antea existisset, & reverà fuisset Julii, à Synodo non fuisse prætermittendam. Secundò asserit ipsam, licet forsitan sit Julii, non sine rationibus fuisse prætermittam à Synodo, & productam solam epistolam ad Docimum. Quia nempe non expedit per verbum à Julio incautè prolatum impugnari ac everti Nestorianam blasphemiam. Pelagianis quædam S. Joannis Chrysostomi verba adversus originale peccatum objectantibus S. Augustinus reposuit: „Vobis necdum litigantibus Patres securius loquebantur”. Hoc ipsum Facundus affirmat de Julio Pontifice, scribente ante lites Eutychianas. Rectè adiungit incautum Pontificis verbum non fuisse congruum fundamentum, cui Oecumenica Synodus suam definitionem superstrueret. Tertiò asserit magis credendum, quod epistola non sit Julii, sed nescio cujus sub ejus nomine figmentum. Etiam se ignorare fatetur, quid Ephesina Synodus de ipsa censuerit. Ad hæc verba, „Si ejus esse credidit”, adiungit: „Quod ego non dico”. Igitur Facundus epistolam credidit esse fictam, aut sanè incautam.

Ejusdem ferè sententiæ in suis apud Photii Bibliothecam libris fuit Lib. 230. S. Eulogius Patriarcha Alexandrinus: „Sed enim testimonium, quod „Eutychiana hæresis adfert ex epistola Julii Romani ad Dionysium, „hæud dubiè non est genuinum. Etenim S. Cyrillus in Synodo Ephesina „epistolā ad Docimum adducēs, ejus usum non dignatus est in memoriam hujus venire”. Infra tamen suam assertionem modificat: „Si verò quis

„quis contendat Juliū in Christo unicā naturam dicere, primū quidē  
 „nunquā clarum, si genuinus hic sermo. Secundō par est cognoscere,  
 „ut posterius Iulio apud Romanos nomen naturæ & Hypostasios stu-  
 „diosē indicavit, & frustra hæretica zizania semen ibidem student suffo-  
 „care. Injudicatis enim vocibus manentibus, non obviam ivit impietas,  
 „potius valdē consequens pro hypostasios voce naturæ uti. Sed illud  
 „de Iulio licet dicere”. Est obscura translatio. Eulogius affirmat duo.  
 Primō, quod epistola sit ambiguum natalium, proindeque ex ip-  
 sa nihil possit definiri. Secundō, si legitima sit, quod Iulio eveniret  
 istud ipsum, quod postmodō evenit aliis Latinis circa quæstionem  
 de vocibus "Ulia" & "Hypostasis". Et Latini & Græci concordabant  
 in sensu, verū Latini propter suæ linguæ inopiam cespitabant circa  
 syllabas. Rei seriem exponit in funebri Elogio magni Athanasii S.  
 Gregorius Nazianzenus, & in variis literis S. Hieronymus. Istud  
 emplastrum Græci apposerunt multis vulneribus. Nam Acacius Ber-  
 rheensis Episcopus ipso studuit purgare & sanare etiam Nestorium.  
 Ita habes in ejus ad S. Cyrillum literis, exstantibus in prima parte E-  
 phesini Concilii. Ipsum ergō Eulogius apponere conatur etiam præ-  
 tensæ epistolæ S. Iulii. Censet ipsam, si verē sit Iulii, recta sensisse,  
 sed non fuisse usam aptis vocabulis. Eiusdem mentis in sua ad Eu-  
 tychianos Orientis Monachos oratione fuit S. Ephremius Patriarcha  
 Antiochenus. Affirmat Iulium, dum unam naturam scripsit, scrip-  
 sisse contra Paulum Samosatensem, ex aliis ejus Scriptis demonstrat Lib. 219.  
 recta sensisse, & concludit: "Quibus perspicuē patet, quomodō S.  
 „Iulius duas naturas fateatur. Nam naturam prædictis verbis pro hy-  
 „postasi accepit". Orationis compendium exstat in præfata Biblio-  
 theca Photii. Verū infra ex Leontio Byzantino audiemus origi-  
 nalem epistolæ textum non esse Latinum, sed Græcum, ideoq; nequa-  
 quam à Iulio. Etenim Romani olim Pontifices ad Græcos nunquā  
 scripserunt Græcè, sed semper Latine. Immo suas Latinas literas nec  
 Romæ permiserunt transferri in Græcum: Constante voluerūt id fieri  
 ab ipsis Græcis. Hinc S. Ephremius, affirmans Iulium vocem "Natura"  
 accepisse pro hypostasi, caret fundamento. Hoc enim fecerunt qui-  
 dam Græcorum Patres, nemo unquā Latinus.

Hinc plura in Constantinopolitana Orthodoxorum & Eutychia-  
 norum Episcoporum coram Imperatore Iustiniano habita collatione  
 dixit Hypatius Ephesiorum Episcopus, de quo omnes isthic Catho-  
 lici Collegæ: "Reverendissimus Archi-Episcopus Hypatius os nostrū

„factus est”. Eutychanis igitur inter unius naturæ Assertores etiam Iulium Pontificem in præfata epistola adducentibus Hypatius respondit: „Intantum falsæ sunt epistolæ sive testificationes illæ quas dicitis, „ut neque unam ex illis B. Cyrillus voluerit recordari”. Affirmat quod S. Cyrillus ad probandos & firmandos hos suos articulos, „Sacra Virgo „est Dei-Paræ, Deus est carne passus”, Iulii ad Decimum literas adduxerit in Ephesina Synodo, & adjungit: „Si ergo Cyrillus sciebat de una „natura quemquàm ex his dixisse, illic maxime proferre habuit, ubi „tantum erat & tale univèrsale Concilium. Si autem illic non sunt „prolatæ, quemadmodum nunc à vobis proferantur, satis admittor”. Affirmat unicæ Iulii ad Decimum datas, & apud Ephesum lectas ac probatas literas esse veras, quasvis alias esse spurias: Confictas aut falsatas ab Apollinaristis.

Leontius Scholasticus Byzantinus scripsit singularem librum „in „eos, qui proferunt nobis quædam Apollinarii, falso inscripta nomine SS. Patrum”, & ipsi dat hoc exordium: „Quidam ex Hæresibus „Apollinarii, vel Eutychis, vel Dioscori, cum vellent suam hæresim confirmare, quasdam Apollinarii orationes Gregorio Thaumaturgo, aut Athanasio, aut Julio inscripserunt, ut simpliciores fallerent, quod quidem perfecerunt. Autoritate enim hujusmodi „Personarum fide digna multos Ecclesiæ Catholicæ capere potuerunt. „Et apud multos ex rectè credentibus reperire poteris librum Apollinarii, cui titulus”, Fides particularis, „inscriptum Gregorio, „& quasdam ejus epistolas inscriptas Julio, & alias ejus de Incarnatione orationes vel expositiones Athanasio inscriptas”. Adducit varia similia, in quibus sunt & hæc: „Domini Apollinarii ex epistola „ad Dionysium, cujus principium est”, Mihi argumentum amicitiae, &c. „Ex alia epistola ad eundem, cujus principium”: Admittor, &c. Et rursus ex eadem epistola”. Hæc posterior est ista, cujus fragmentum Eutyches transmisit Magno Leoni. Et post plura Leontius pergit: „Sufficiunt hæc eis, qui non sunt nimium rudes & „tardi, ad ostendendum Apollinarii esse epistolas, quæ nomine „Iulii feruntur, præter eas epistolas Apollinarii, de quibus Athanasius. Discipuli enim Apollinarii antiquiores sunt omnibus, qui his „usi sunt, quas, ut verisimile est, qui à Iulio per schisma discesserunt, inscripsere. Nequè solum hoc, sed sunt ex Orthodoxis, qui „inscriptione decepti rectas eas esse intelligere & dicere perseverabant, „propter Personæ autoritatem fide dignam. Alioquin magis omnium  
Orthodo-

„Orthodoxorum est agnoscere illos sermones esse proprii Doctoris.  
 „Ne autem ex solo testimonio Discipulorum sermones ipsius Apol-  
 „linarii agnoscamus, quamvis aliqui eos Julio, quamvis Gregorio,  
 „quamvis falsò inscribant Athanasio, sed etiam ex eodem genere  
 „sermonis & stylo, age præter autoritates, quas Discipuli ejus pro-  
 „tulerunt, integros & totos ejus sermones in medium producamus,  
 „ut qui studio veritatis cognoscendæ legerint, certissimum habeant  
 „hæc & illa falsò inscripta esse eadem”. Assertionem suam firmat  
 tribus argumentis. Primum est, quod licet ex Apollinarii Discipulis  
 aliqui epistolas istas adscribant Julio, alii tamen profiteantur esse Apol-  
 linarii. Et adducit horum Discipulorum testimonia. Secundum ar-  
 gumentum est idem istarum epistolarum stylus cum reliquis Scriptis  
 Apollinarii. Tertium est Codex continens omnia Apollinarii Scrip-  
 ta, in quo & istæ epistolæ. Et tandem concludit: Arbitror eum,  
 „qui non fuerit nimis contentiosus, non posse his cum ratione ad-  
 „versari & contradicere, quin potius futurum esse, ut continuo,  
 „& ut ita dicam, non violenter veritati assentiat, & omnibus  
 „suffragiis fateatur Apollinarii esse epistolas vel sermones de Incarna-  
 „tione, quæ Julii, & Gregorii, & Athanasii falsò esse feruntur”.

Eadem Leontius, & quidem cum aliquo augmento, tradit in  
 libro de Scetis: “Eutychiani asserunt aliud quoque dictum, velut à  
 „B. Julio profectum, quod existat in epistola scripta ad Dionysium  
 „Corinthei Episcopum, cujus initium est”; Miror de quibuldam au-  
 diens. “Est quid dictum hujusmodi”: Necessè est eos, cum duas  
 naturas dicunt, unam, adorare, alteram non adorare. Ac in Divi-  
 nam quidem baptizari, at in humanam non baptizari. “Aliaque plu-  
 „ra isthæc epistola continet. Sed nos argumentis pluribus convinçi-  
 „mus non illam epistolam esse B. illius Julii, sed Apollinaris. Pri-  
 „mum ex eo quod si quis eam subtiliter consideret, nihil Juliano  
 „dignum nomine habeat. Quin & septem illæ epistolæ, quas ejus esse  
 „dicunt, Apollinaris sunt”. Probat hæc pluribus argumentis, &  
 prosequitur: “Præterea de hoc quoque epistola non B. Julii, sed  
 „Apollinaris esse redarguitur, quod Nyssenus ille Gregorius in ope-  
 „re contrà Apollinarim apertè multa recitet, quæ hæc epistolâ con-  
 „tinentur, eaque tanquàm prava refutet”. Quod argumentum est  
 penitus irrefragabile ac peremptorium. Leontius concludit: “Potest  
 „& aliundè convinci quod epistola B. Julii non sit”. Est longè ve-  
 rissimum.



## DISSERTATIO QVINTA

D E

ROMANA APPELLATIONE

THEODORETI

C T R E N S I S

E P I S C O P I.

## CAPUT PRIMUM.

*An Theodoretus ad solum Papam Leonem, an ad aliam  
Generalem Synodum appellaverit?*



Nter degradatos ab Ephesino Latrocinio Episcopos fuit etiam Theodoretus. Degradatus est absens, ac inauditus. Ab Imperatore Theodosio erat ligatus circumscripto intrâ suam civitatem exilio, ac vetitus Ephesum accedere. Hinc & ipse statim provocavit ab ista Latrocinali sententia. Et certum ac exploratum est appellâsse ad solum Leonem. Exstat ipsum appellationis instrumentum, lucidum ac manifestum. Laudat Romanæ Sedis Primum super omnes Ecclesias, prædicat Dogmaticum S. Leonis Tomum, demonstrat se esse ac semper fuisse Orthodoxum, lamentatur se ab Ephesino Latrocinio absentem ac inauditum esse degradatum, & prosequitur ad Pontificem. "Nolite obsecro supplices meas preces respuere, nec miseram meam canitiem, post multos labores contumeliosè tractatam, despiciere. Ante omnia  
ut

„ut à vobis docear oro, an me oporteat in hac injusta depositione  
 „acquiescere, an non? Vestram enim sententiam exspecto. Quod  
 „si in judicatis manere me jusseritis, manebo: Nequè ulli homi-  
 „num deinceps molestus ero, sed rectum Dei & Salvatoris nostri  
 „judicium exspectabo. Me quidem, testis est Dominus Deus,  
 „honoris & gloriæ cura non tangit, sed scandalum, quod injectum  
 „est. Quia multi è simplicioribus, atquè ii maximè, qui ex di-  
 „versis hæresibus emerferunt, Sedem illorum, qui condem-  
 „nârunt, attendentes, hæreticos nos esse fortasse existimabunt,  
 „cum dogmatis perfectionem perspicere non possint. Hæc per Re-  
 „verendissimos ac Deo Carissimos Presbyteros, Hypatium, Abra-  
 „hamium, ac Alipium, Sanctitati vestræ suggesti, quandoqui-  
 „dem ne ad vos contenderem, Regiarum literarum vincula reti-  
 „nuerunt”. Utiquè vincula, quibus cum Theodosius circumscrip-  
 „serat intra Cyrensem civitatem. Hinc Romam accedere non pote-  
 „rat, propositurus suam appellationem, ac prosecuturus.

Eadem de re scribit ad Renatum Romanæ Ecclesiæ in S. Cle-  
 mentis titulo Presbyterum Cardinalem, ac Magni Leonis in Ephe-  
 sino Latrocinio Legatum: "Oro Sanctitatem tuam, Sanctissimo ac  
 „Beatissimo Archi-Episcopo persuadeat, ut Apostolica autori-  
 „tate utatur, & ad Concilium vestrum advolare præcipiat". Non  
 „obstante violento Mandato Imperatoris Theodosii. Ad quod Con-  
 „cilium? Non ad Generale totius Ecclesiæ, nequè ad totius Occi-  
 „dents Patriarchale, sed ad Synodum solius Romanæ Provinciæ.  
 „Hinc Theodoretus prosequitur: "Habet enim Sanctissima illa Se-  
 „des Ecclesiarum, quæ in toto Orbe sunt, Principatum multis  
 „nominibus, atquè hoc ante omnia, quod ab hæretica tabe im-  
 „munis mansit, nec ullus contraria sentiens in illa sedit, sed Apo-  
 „stolicam gratiam integram conservavit. Quæ à vobis fuerint ju-  
 „dicata, in his, qualiacumquè ea erunt, judicii vestri æquitati  
 „confidentes, acquiescemus. Et rogamus, ut judicium ex Scriptis  
 „constituatur. Suscipite, quæso, preces meas, & injuriâ oppres-  
 „sum ne despiciate". Verba sunt lucida: Lucidiora omni Com-  
 mentario.

Eadem omnia Theodoretus allegat in literis ad Anatolium Pa-  
 tritium, & adjungit: "Magnitudinem tuam obtestor, hanc à Vi-  
 „ctore Augusto gratiam petat, ut in Occidentem veniam, ibiquè  
 „à Deo Carissimis ac Sanctissimis Episcopis judicer. Et si vel mini-

XXXX

mum

„mum à fidei regula deflectere videar, deijciar in medium profun-  
 „dum maris. Quod si his precibus vestris non cedat, habitare me  
 „saltem jubeat in Monasterio nostro, quod quidem à Cyrensi  
 „civitate abest millibus centum & viginti". Supplicat unum è  
 „duobus: Aut solvi circumscriptum exilium, licet non plenè, sal-  
 „tem quoad Romanum accessum, & Romanæ appellationis prose-  
 „cutionem; aut certè juxtà Imperatoris Gratiani, ab ipso Theodosio  
 „confirmatam, de degradatis Episcopis legem, relegari à Cyro ad  
 „centum millia: Habitare ac latitare in suæ professionis Monasterio.  
 „Supplicat hanc saltem sibi fieri gratiam.

Et non aliqua Synodus, sed solus suæ Sedis authoritate Magnus  
 Leo appellante Theodoretum exaudivit, ac revestivit. Lucet  
 ex Actis Chalcedonensis Synodi. Etenim in prima statim ejus A-  
 ctione gloriosissimi Judices edixerunt: "Ingrediatur & Reverendis-  
 „simus Episcopus Theodoretus, ut sit particeps Synodi, quia &  
 „restituit ei Episcopatum SS. Archi-Episcopus Leo". Ad quod  
 „Edictum, & præsertim ad ejus vigore subsecutum Theodoretum in-  
 „gressum facta est inter Episcopos dura contentio. Etenim Aegyptii,  
 „Illyriciani, ac Palestini clamaverunt: "Miseremini, fides perit.  
 „Istum Canones eijciunt. Hunc foras mittite. Magistrum Nestorii  
 „foras mittite". At verò Orientales, Pontici, Asiatici, & Thra-  
 „ces clamârunt in contrarium: "Nos in pura charta subscripsimus.  
 „Cæsi sumus, & ita subscripsimus. Manichæos foras mittite, ini-  
 „micos Flaviani foras mittite. Adversarios fidei foras mittite".  
 „Clamârunt se in Theodoretum, ac aliorum Episcoporum damnatio-  
 „nem non consensisse, sed fustibus ad pura in charta subscribendum  
 „fuisse compulso, idèdque damnationem fuisse nullius ponderis.  
 „Postulârunt non Theodoretum, sed eijci Eutychianos, utpotè  
 „novos Manichæos. Contentionis radicem aperit in Breviario Libe-  
 „ratus: "Solutio Ephesino Concilio, & ad suas Sedes reversis Epi-  
 „scopis, scissio facta est inter eos, qualis antea nunquam conti-  
 „gerat. Aegyptii, Thracæ, & Palestini Episcopi Dioscorum se-  
 „quebantur; Orientales, Pontici, & Asiani, S. memoræ Fla-  
 „vianum". Post multam igitur contentionem gloriosi Judices per-  
 „sisterunt in suo Edicto: "Theodoretus Reverendissimus Episcopus,  
 „proprium recipiens locum à SS. Episcopo inelytæ urbis Romæ, in  
 „locum nunc Accusatoris ingressus est. Unde patiamini ea, quæ  
 „inchoata sunt, finiri, ne aliqua confusio Auditorio fiat. Præju-  
 „dicium

„dicium enim ex persona Reverendissimi Episcopi Theodoretum nullo generabitur: Reservata videlicet post hæc omni accusatione, & vobis & illi, & quæ invicem exercere volueritis. Quia rectam tenet fidem”. Affirmant illum non ex plenâ causâ retractatione fuisse à Magno Leone integrè reparatum, sed summarîâ cognitione dumtaxat repositum: Retractatorium examen ac definitivum iudicium esse à Pontifice remissum ad Synodum, & suo loco ac tempore explenda. Omnes audiendos. Interim verò parendum esse Decretis Romani Episcopi. Et fuit obeditum. Theodoretus fuit admissus ad Confessum. Et Orientales ejus Collegæ ex cordis abundantia iterum exclamarunt: “Dignus, Dignus”. Quæ voces excitârunt invidiam, novasque contentiones, vel exclamationes in invicem. Quare gloriosissimi Iudices iterum edixerunt: “Acclamationes istæ Populares nequæ Episcopos decent, nequæ Partes juvant. Patiamini ergo fieri lectionem”. Et rursum: “Magis acquiescite, secundum Deum audientiam fieri, & permittite omnia secundum ordinem recenserî”. Et tunc tandem Romano Iudicio omnes plenè acquieverunt.

Hoc repositorium iudicium an Leo in suo Presbyterio fecerit, an in aliqua suæ Provinciæ Synodo, non possum demonstrare. Certè fecit in alterutro. Forſitan in Synodo, quâ circumduxit Larcinii Acta, & quâ repositivit S. Flavianum. Quidquid sit, iudicium Rescripto transmisit ad Theodoretum. Et licet Rescriptum perierit, sui tamen iudicii Pontifex meminit in aliis ad Theodoretum literis, jam plenè reparatum per Synodum Chalcedonensem: “Benedictus Deus noster, Epist. 93.  
Cap. 5. „cujus invincibilis veritas ab omni hæresios macula mundum te, secundum Sedis Apostolicæ iudicium, demonstravit. Cui dignam retribues pro tot laboribus gratiam, si talem te, qualem probavimus & probamus, pro universalis Ecclesiæ defensione servaveris. Nam quod Deus omnium calumniatorum fallacias solvit, maximam Beatissimi Petri curam pro cunctis nobis agnoscimus, qui postquam suæ Sedis iudicium in fidei definitione firmavit, nec circa cuiusquam vestrum, qui nobiscum pro Catholica fide laborastis, personam, quidquam reprobum videri permisit. Quia nec poterat, Spiritu S. iudicante, quisquam ex eis non Victor exire, quorum jam vicerat fides”. Docet plura. Primò, quod Apostolica Sedes Theodoretum probavit ac iudicavit mundum ab omni macula hæresios. Nempè per interlocutoriam sententiam, quâ spoliatum restituit, ac de Episcopatu

patu revesivit. Secundò, quod Apostolica Sedes ipsum omninò revesivit. Et quidè per magnos labores. Nempè ob contradicentium potentiam & contumaciam. Tertiò, quod istud fecerit per iudicium. Nempè per interlocutoriam sententiam admittendo ejus appellationem, illi dando suspensivum effectum, ac appellantem, quo armatus in retractatorio iudicio congregi posset, in Episcopalis dignitatis locum restituendo. Quartò, quod Chalcedonenſis Synodus appellatam Theodoretì cauſſam plenè retractaverit, ac interlocutorium Apostolicæ Sedis iudicium confirmaverit, ac traduxerit in definitivum. Quintò, quod laudata Synodus istud fecerit non circa solum Theodoretum, sed etiam circa alios.

Diffinitivam Chalcedonenſis Synodiſententiam conceperunt Paſchaſius Lilybetanus, Lucentius Eſculanus, ac Julianus Coënsis Episcopus, nec non Bonifacius Romanæ Ecclesiæ Presbyter, Legati Magni Leonis, & pronuntiârunt hoc tenore: Sanctissimum ac venerabilem Episcopum "Theodoretum Sanctissimus ac Beatissimus universæ Ecclesiæ Episcopus urbis Romæ Leo dudum in communione susceptus ita, sicut literæ ab eo ad nostram Humilitatem directæ, testantur. Si igitur fidem Catholicam, sicut promittit, & secundum prædictum B. Episcopum subscriptionem in proprio libello direxit, & nostræ insuper Humilitati alio dato libello monstravit, quoniam & Nestorium & Eutychen non solum Scripto, sed & sub præsentia totius Confessus ore proprio anathematizavit, hoc iudicio Sanctissima ac Venerandissima Synodus, insuper verò & nostra Humilitas reddi ei Ecclesiam propriam definivit". Maximus Antiochiæ Patriarcha suo suffragio addidit: "Dudum & à principio Reverendissimum Episcopum Theodoretum novi Catholicum, audiens doctrinam ejus in SS. Ecclesia". Antiochena. Illic enim Theodoretus sub tribus successivè Patriarchis, Theodoro, Joanne, ac Domino, frequentissimè fuerat concionatus, & à Maximo, tunc Abbate aut Monacho, auditus. Et Maximi testimonium erat summi ponderis: Semper enim ille fuerat acerrimus Adversarius Nestorianorum. Theodoretus nunquam dixerat duos filios. Erant consuetæ in ipsum calumniæ per Factionem Dioscori ac Eutychetis. Hinc istud Apostolicorum Legatorum iudicium singulari suffragio confirmârunt omnes Synodi Primates, & omnes tandem Episcopi exclamârunt: "Hoc justum iudicium, hæc justa sententia, hoc Christi iudicium. His & nos consentimus. Hæc omnes dicimus". Et gloriosissimi

Judices

Judices miserunt in executionem: "Theodoretus SS. Episcopus Ecclesiam civitatis Cyri recipiat". Compendio hæc illustrat in Breviario Liberatus Diaconus: "Celebrata est Actio, in qua Theodoretus Episcopus Cyri, quem Dioscorus expulerat, Orthodoxus judicatus est, & dignus Sede sua".

Apostolicæ Legationis suffragium docet nos varia. Primò, quod S. Leo Theodoretum dudum ante Chalcedonensem Synodum recepisset in sui gradus communionem, seu de Episcopatu revestisset. Forfitan in prima sua post Legatorum ex Ephesino Latrocinio reditum celebrata Synodo. Secundò, quod Leo Chalcedonem ad suos Legatos transmiserit Mandatum ac instructionem, juxta quæ volebat fieri retractatorium Theodoreti judicium. Tertiò, quod Chalcedonensis Synodus hanc causam non retractaverit, nisi ex Delegatione & Mandato Leonis. Tota enim causæ administratio privativè spectabat ad ipsum. Et ipse eam suo sapientissimo Beneplacito duxit delegandam Chalcedonensi, quod tunc instabat, Concilio. Juxta Canones Sardicenses. Quartò, quod Theodoretus per omnia obediens processerit secundum prædictum B. Episcopum. Secundum Beneplacita & Mandata Magni Leonis. Quintò, quod S. Leo, adeoque & omnis Pontifex sit non solius Romæ Episcopus, sed universæ insuper Ecclesiæ. In antiquis Synodorum Actis Pontifex passim inscribitur "Episcopus Catholicæ Ecclesiæ urbis Romæ". Quidam censent intelligi solam urbis Ecclesiam. Et suo intellectu abutuntur. Quidquid sit, Leo hic inscribitur & Romanæ urbis Episcopus, & universæ Ecclesiæ. Eadem in Synodo appellatur "Episcopus universalis". Verùm quod recusaverit invidiæ obnoxium vocabulum, testatur Magnus Gregorius.

Porro inter alios ab Ephesino Latrocinio degradatos Episcopos, quos ad se appellasse, à se revestitos, ac à Chalcedonensi Synodo fuisse ex integro reparatos scripsit ad Theodoretum Magnus Leo, fuit Eutychetis Accusator Eusebius Dorylæensis. De ipso idem Pontifex scripsit ad S. Imperatricem Pulcheriam: "Quia novimus, quantum piæ sollicitudinis Catholicis Sacerdotibus Mansuetudo vestra dignetur impendere indicandum esse curavimus Fratrem & Co-Episcopum meum Eusebium nobiscum degere, & nostræ communionis esse consortem, cujus commendamus Ecclesiam, quam dicitur vastare, qui illi injustè asseritur subrogatus". De eodem scripsit ad Anatholium Constantinopolitanum Episcopum: "Illud quoque Dilectione Ep. 69. c. 4

„nem tuam nosse volumus, Fratrem & Co-Episcopum nostrum  
 „Eusebium, qui causa fidei multa discrimina, laboresque toleravit,  
 „nobiscum interim demorari, & in nostra nunc communione  
 „persistere, ejus Ecclesiam tuâ sollicitudine volumus esse defensam,  
 „ut nihil eo ablente deperat, nullus ei in aliquo præjudicare præ-  
 „sumat, donec cum literarum nostrarum ad vos prosecutione per-  
 „veniat". Affirmat primò, quod Eusebius Romanam Ecclesiam non  
 solummodò appellaverit, sed etiam personaliter accesserit. Et  
 quidem per multa pericula ac labores. Utpotè elapsus ex carcere.  
 Secundò, quod Leo ipsum revestierit, & revestitum apud se deti-  
 nuerit. Tertiò, quod ipsius causam voluerit per semetipsum retra-  
 ctare, atque ita gloriosum cum suis reparatoriis literis remittere in  
 Orientem. Et Leo istud omninò fecit. Etenim Eusebius Chalce-  
 donensi Synodo adfuit ut plenè Canonicus Episcopus, & de retra-  
 ctanda ejus causa nullus factus est sermo, nulla memoria. Quod  
 nempe Pontifex ipsam plenè retractasset, ac definisset. Quare hoc  
 ipsum ille potuerat facere circa Theodoretum & Flavianum. Ratio-  
 nes sapientissimo ejus arbitrio aliud persuaserunt. Notanda sunt verba:  
 "Qui illi injustè asseritur subrogatus". Etenim de degradatis ab Ephe-  
 sino Latrocinio Episcopis scribit Liberatus Diaconus: "Ordinatus  
 „est pro Flaviano Anatolius Diaconus, pro Domino Maximus, pro  
 „Iba" Edeffeno "Nonnus, pro Sabiniano" Parrheni "Athanasius, pro  
 „Theodoreto autem & Eusebio nullus ordinatus est". Eusebius istud  
 nesciens videtur aliud Leoni ex metu suggestisse. Hinc Leo scripsit:  
 "Asseritur".

Cap. 12.



CAPUT

## CAPUT II.

*Discutiuntur Commenta Reverendi Patris  
Paschasis Quesnelli.*



Aschafius Quesnelli adducit superius laudata S. Leonis ad Theodoretum à Chalcedonensi Synodo plenè restitutum verba, & commentatur: "Quale fuerit illud" Apostolicæ Sedis iudicium, "à multis id quæsitum hætenus, inque", "varias itum est sententias. Nonnulli aliquod", "vel in Synodo, vel extrà Synodum à sancto", "Leone de restitutione Theodoreti Decretum", "conditum fuisse autumant, postquam ad eum causam suam per li", "bellum appellationis detulisset. Verùm cum de huiusmodi Decreto", "ne apex quidem ullus appareat, sive in Actis Chalcedonensibus,", "sive in aliis rerum tunc gestarum monumentis, tam facile refellitur,", "quàm profertur. Alii eadem Synodali ac judiciali sententia Theo", "doretum restitutum aiunt, quâ Pseudo-Synodus Ephesina in irri", "tum missa fuerat: In illo videlicet Episcoporum Conventu, quo", "rum cinctus agmine Romanus Pontifex apud S. Petrum venisse in", "occursum Valentiniani Augusti, Augustarumque legitur in epi", "stolis ea de re re scriptis ad Theodosium Imperatorem de Actorum", "huius Conciliabuli rescissione. Apud me verò certum est de Theo", "doreti causa nullam intercessisse sententiam, sive quæ à solo Leo", "ne, sive quæ à Synodo sit missa, sed illud solummodò iudicium à Leo", "ne commemorari, quod communionis literis continebatur. Dum", "enim querelas Theodoreti ultrò suscepit Pontifex, eidemque suam", "communione impartivit, consequens fuit, ut eundem ab omni", "hæresios macula mundum iudicaret, deputaveritque inter Ad", "versariorum calumnias, quidquid obtruserant, ut eum velut sus", "pectum de fide à Synodo arcerent, vel etiam quasi de hæresi convi", "ctum deponerent in Synodo".

Errores iterùm varii. Primus est, quod de isto revestitorio Theodoreti Decreto nulla sit mentio in Actis Chalcedonensibus. Etenim gloriosissimorum Iudicum ad plenam istam Synodum verba sunt



sunt lucida: "Ingredietur Reverendissimus Episcopus Theodoretus, ut sit particeps Synodi, quia ei restituit Episcopatum SS. Archiepiscopus Leo". Et iterum: "Theodoretus Reverendissimus Episcopus proprium recepit locum à SS. Episcopo urbis Romæ". Reverendus Pater Paschasius Quesnellus omnino legit Acta Chalcedonensia: Quare oportet ipsum, dum superiora scripsit, esse lapsum memoriâ. Egyptii, Illyriciani, ac Palestini Episcopi, qui Dioscoro apud Ephesum faverant, Chalcedone adversus Theodoretum urserunt istud ipsum, quod Sardicæ adversus S. Athanasium, aliosque Orientales per Julium Pontificem revestitos Episcopos prætendit Eusebiana Factio: Noluerunt ipsum ante expletam totius causæ retractionem ac definitionem esse Synodi participem. Verum uti isthic Hosius Cordubensis Episcopus, & Apostolicus Synodi Præses, ita hic gloriosissimi Judices, haud dubiè moti per Legatos Apostolicos, voluerunt deferri plenam reverentiam atque obedientiam revestitoriis Decretis Romani Pontificis. Et utrobique obtinuerunt. Et istud Apostolicum Romanæ appellationis & Romani Pontificis Jus Sardicenses Canones stabilierunt. Porro an S. Leo Theodoretum in sua, quâ Ephesini Latrocinii Acta circumduxit, Romana Synodo, an per singulare Decretum revestiverit, est digna inquisitione quæstio. Ejus resolutio rei præsentis non est necessaria. Quidquid sit, certum ac manifestum est ipsum fuisse revestitum, ideòque Chalcedone admissum ad Synodi participium. Quare secundus & insignis error est in his verbis: "Apud me certum est de Theodoreti causa nullam intercessisse sententiam, sive quæ à solo Leone, sive quæ à Synodo sit, emissâ".

Tertius error est in his verbis: "Sed illud solummodò judicium à Leone commemorari, quod communionis literis continebatur". Iterum rem profitetur Reverendus ille Pater, & voces negat. Etenim communionis literæ non sunt aliud, quàm literæ Revestitionis, quæ fieri non potest sine examine & Judicio. Lucet ex Apostolicorum Legatorum suffragio, quo Theodoreti causam Chalcedone definierunt, ac ipsum plenè reparârunt: "SS. Episcopum Theodoretum Beatissimus Episcopus Leo in communionem suscepit". Dicunt istud ipsum, quod in prima Actione dixerant gloriosi Judices: "Ei restituit Episcopatum. Etenim magnus Leo non Laicam aut Clericalem, sed Episcopalem ei communionem restituit, quæ est Episcopatus. Loquor rem exploratam apud omnes vel leviter imbutos Ecclesia-

Ecclesiasticæ Antiquitatis peritiâ. Videri possint antiquæ observat-  
tiones Gabrielis Alba-Spinæ, Episcopi Aurelianensis: Nbtanda sunt  
& hæc Romanorum Legatorum verba: "Sicut literæ ab eo ad no-  
stram Humilitatem directæ testantur". Laudant literas, quas de  
Theodoreti refectione ac reparatione Magnus Leo ad suos Legatos  
scripserat, idedque hæc literæ non sunt ex illis, de quibus possit dici:  
"Tâm facile refellitur, quàm profertur". Et fabula iterùm sibi ipsi  
non cohæret. Lucet ex his verbis: Consequens fuit, "ut eundem ab  
omni hæresios maculâ mundum judicaverit". Certè Pontifex ju-  
dicare non potuit, nisi per iudicium.

Paschasius Quesnellus compendîo exponit Theodoreti adversi-  
tates, ejusque ab Ephesino Latrocinio degradationem, & prosequitur:  
"Hoc ubi reseivit Theodoretus, doluit ipse vicem suam, quidque  
caperet consilii in tanta rerum perturbatione apud se cogitans, cir-  
cumspiciensque omnes Orientalis Ecclesiæ Episcopos, aut etiam  
seculi Potestates, neminem invenit quem adire, vel cui suas que-  
relas deferre posset. Chrysaphius enim, cujus consilio agebatur  
Imperator, Eutychis Patrocinium palam & publicè susceperat,  
Augustus ipse hæreticorum arte delusus Pseudo-Synodi sententiam  
authoritate sua tuebatur. Dioscorus totius illius tempestatis erat  
author, & artifex præcipuus. Domnus similem cum Theodoro  
depositionis sententiam exceperat. Constantinopolitanus Episco-  
pus per Eutychianorum scelus & immanitatem supremum diem  
objerat. Quid restabat Theodoro agendum, Orientalibus penè  
omnibus vel furentibus, vel oppressis, vel ne hiscere quidem  
audentibus, nisi ut ad Occidentales sese converteret, eorumque  
fidem ac Religionem sollicitaret? Dedit igitur literas ad Leo-  
nem, tanquam Occidentalium Patriarcham, omnium Episco-  
porum Caput, ac communem totius Ecclesiæ Patrem. Ejus,  
omniumque pariter Occidentis Episcoporum opem implorans.  
Et adjungit verba Liberati Diaconi: "Theodoretus Episcopus Papæ  
suggessit, quanta mala pertulerit ex insidiis Dioskori, rogans ut  
celerius tali causæ subveniretur per alium Conventum Episco-  
pum". Ex ipsis, quoniam Romanæ appellationis non meminerunt,  
concludit Theodoretum non ad solum Pontificem, sed ad Genera-  
lem Synodum provocasse.

Respondeo Theodoretum ab insiſta degradationis injuria nec per  
Dioscorum, nec per Domnum, nec per Flavianum, nec per ul-

Yyyy

lum

lum Orientalem Episcopum, nec item per imperii Potestates, sed juvari potuisse per solam Romanam Ecclesiam. Quis unquam Patriarcha damnatum à Generali Synodo Episcopum revesitit, aut reparavit? Adducatur authenticum exemplum. Et ista omnia Theodoretus optimè noverat. Etenim de S. Pontifice Julio, S. Athanasii appellationem admittente, ac ipsum revesitente, scripsit in Ecclesiastica Historia: "Julius Ecclesiasticam sequens regulam, & ipsos Romanam venire jussit, & Divino Athanasio ad judicium diem dixit". Ex eadem Regula Theodoretus, dum solo circumscripto per Principem exilio ligabatur, perfugium fecit ad omnes Imperii Ministròs, & notos & ignotos; at verò ubi accepit Synodale degradationis vinculum, ad solam confugit Romanam Ecclesiam. Quidquid ad alios scripsit, scripsit eo fine, ut Romam permitteretur accedere. Nempe claves, quibus Synodalia possint solvi vincula, Christus Dominus posuit in ista sola Cathedra. Porro Liberatus Diaconus adductis per Paschasium Quenellum verbis adjungit: "Ne hæretica Eutychetis dogmata permanerent à Dioscoro confirmata". Horum nihil Theodoretus habet in illa, quæ nobis superest, ad Leonem epistola. Proinde plures scripsit ad Pontificem literas. Per alias suam appellationem ab ipso solo, per alias supplicavit fidei causam retractari ab alia Synodo. Dedit prudentissimum consilium. Hinc Liberatus prosequitur: "Fortissimus Leo, audiens Legatorum suorum suggestionem, & Theodoreti querelas suscipiens, literis suis Theodosium Imperatorem & Pulcheriam Augustam petit, ut fieret intra Italiam Generale Concilium, & aboleretur error fidei per violentiam Dioscori factus. Valentinianum autem Imperatorem, & Eudoxiam uxorem deprecatus est, ut Imperatorem Theodosium hortarentur aliam fieri Synodum ad retractanda illa, quæ à Dioscoro malè acta & perpetrata fuerant in damnatione Flaviani Episcopi, & Orthodoxorum depositione". Rogavit fieri Synodum non ad Flavianum ac alios degradatos Episcopos revesitendos, sed ad ipsorum causam retractandam, & præsertim ad abolendum errorem fidei. Rogavit motus à Legatorum suggestionem, & Theodoreti querimonias. At verò Legatorum suggestionem audivit in sua Romana Synodo: Proinde isthuc audivisse videtur etiam Theodoreti querimonias, ac ipsum revesitisse.

Paschasius Quenellus pergit: "Sed ipsum Theodoretum audimus, ita Leonem nostrum pro se alloquentem". Ego autem, inquit

"inquit", Apostolicæ vestræ Sedis expecto sententiam, & supplico & obsecro vestram Sanctitatem, ut mihi invocanti justum vestrum & rectum judicium opem ferat, & jubeat ad vos venire, & ostendere meam doctrinam vestigia Apostolica sequentem. "Quibus verbis, duo mihi postulare videtur Theodoretus. Primum quidem ex S. Leonis sententia & consilio, tanquam Prudentissimi, Piissimi quæ Præsulis, doceri cupit, an judicio Dioscori ipsum stare satius sit, pro Ecclesiæ pace, quàm aliarum Synodorum Tribunal pulsare, quod quidem novarum fortè turbarum occasio esse poterat. Et hic quidem est primorum verborum sensus": Apostolicæ vestræ Sedis expecto sententiam. "Quam interpretationem non ex nostro, sed ex ipsius Theodoreti natam ingenio verba sequentia comprobant". Nempè hæc verba: "Ante omnia autem rogo, ut sciam à vobis, an in injusta hac depositione me oporteat acquiescere, an non. Vestram enim expecto sententiam. Et si judicatis me stare jusseritis, stabo; nec ulli deinceps homini molestiam exhibebo, sed quod fieri non potest, Dei & Salvatoris nostri judicium expectabo". Respondeo hæc verba, "Apostolicæ vestræ Sedis expecto sententiam", exponi ab immediate sequentibus: "Supplico & obsecro vestram Sanctitatem, ut mihi invocanti justum vestrum & rectum Judicium opem ferat". Palàm expostulat non consiliarem, sed Judicalem sententiam. Hinc adjungit: "Et jubeat ad vos venire, & ostendere meam doctrinam vestigia Apostolica sequentem". Ostendere in retractatorio Judicio. Proinde Theodoretus toto contextu supplicat è duobus unum: Aut causam suam judicialiter retractari, aut certè se, si aliud videatur, Paternè doceri, quò possit se recipere ad suæ Professionis Monasterium, atquè illic in silentio expectare sententiam supremi Judicis. Hiscè etiam Paternis Monachis spondet acquiescere, & deinceps non cogitare de humano auxilio. Quod ad suæ Professionis Cœnobium redire cogitavit, demonstrant ejus literæ ad Anatolium Patritium. Hic est verus literarum sensus.

Paschasius Quesnellus pergit in suo istius epistolæ Commentario: "Alterum quod sciscitatur Theodoretus, hoc est, ut si judicaret S. Leo standum non esse Dioscori sententiæ; aliud Concilium in Occidente Apostolici autoritate haberetur, ad quod ipse convolare posset, ab injusta sententia absolvendus. Is est superius descriptorum verborum sensus". Nempè horum verborum: "Obsecro vestram Sanctitatem, ut mihi invocanti justum vestrum & rectum Judicium

„opem ferat, & jubeat ad vos accurrere“. Hunc sensum affirmat perspicue elici ex literis ad Renatum Presbyterum Romanæ Ecclesiæ: „Tuam oro Sanctitatem, ut persuadeas SS. Archi-Episcopo, ut „Apostolica utatur autoritate, & præcipiat ad vestrum convolare „Concilium“. Et ex epistola ad Anatolium Patriarcham: „Hanc gratiam ab Imperatore obtineas, ut ad Occidentem accedam, & ab „illis SS. Episcopis judicem“. Respondeo in datis ad Pontificem literis „nullam penitus fieri memoriam Synodi. Theodoretus invocat justum & rectum Judicium solius Leonis. Utrique suæ appellationis retractatorium. Et ad ipsum subeundum supplicat evocari ad urbem. Supplicat solvi à Regio circumscripti exilii vinculo. Et ut ad istam solutionem Pontifex utatur Apostolica autoritate. Ex quo palam discimus Papalem autoritatem etiam tunc omnibus istiusmodi Regiis in Episcoporum personas & causas violētis prævaluisse. Attamen fateor has Theodoretum literas cum aliis ad Renatum Presbyterum & Anatolium Patriarcham datis nullatenus pugnare. Etenim non qualecumquē, sed Romano Presbytero scribens laudat „Vestrum Concilium“. Et in literis ad Anatolium rogat ab illius Episcopis judicari. Palam laudat Concilium Romanæ Provinciæ, in quo Pontifex consuevit istiusmodi causas retractare. Pontifex isthic est omnia. Hinc ad Chalcedonensem Synodum & gloriosissimi Judices, & Apostolici Legati dixerunt Theodoro esse à solo Leone redditum Episcopatum, ac Episcopalem communionem.

Paschasius Quesnellus pergit in suo Commentatio: „Sive autem „Concilium istud, quod adire optat Theodoretus, ex solis Italici „Tractus Episcopis componi velit, sive ex omnibus Occidentalium „partium Præsulibus, perinde est mihi. Etsi enim illorum solummodo „Episcoporum Concilium postulatum esse concesserim, quibus ex „proximis Provinciis ad Romanum Pontificem concurrere solemne „erat, non esset sententiæ nostræ adversum. Quoniam manifestum „est tale Concilium à Theodoro non ex juris necessitate esse postu- „latum, sed ex ipsius litigantis arbitrio, cui liberum fuit juxta Ec- „clesiæ Africanæ morem, & Carthaginensis Concilii Decretum, „judicium sibi deligere apud Occidentalium Episcoporum Synodum, „ea lege ut quæcumquē à delectis sponte propria Judicibus emitto- „retur sententia, ei sese irretractabiliter submitteret. Ex spontaneo „igitur delectu, non ex necessitate Romani Pontificis Synodum „convenisse dicendus erit Theodoretus, si ad eam solam provocavis.

Si

„Si enim ad hoc Jure teneretur, ut quid verebatur, ne preces suæ à Pontifice non admitterentur, nec suum effectum recursus fortiretur? Cur Renati Presbyteri gratiam caprat, ut ipso agente, ac suadente ad Concilium Occidentis convolare ipsi permitteretur? Cur hortatur Romanæ Ecclesiæ Archi-Diaconum, ut S. Leonis zelum accendat? Quam denique ob causam se ipsius judicio, qualecumque esset, assensurum atque adhæsurum spondet? Talem enim sponsonem nemo est, qui non rideat, si de Judice agatur, quem adire, & cui obtemperare necessitas fuerit. Tunc enim, velit nolit is, qui appellat, nec licet ei judicium declinare, nec sententiæ obedientiam detrectare. Non incongruè autem talis sponsio permittitur, cum judicium à delectis ipsius litigantis arbitrio Judicibus postulatur, ne isti judicandi onus à se removerent. Quamquam hæc dicimus, de Romana Synodo, probabilius tamen existimamus de universaliori Occidentis Concilio cogitasse Theodoretum, cum absolute ad Occidentem accedere, & ab Occidentis Episcopis judicari exoptet.

Reverendus ille Pater renovat & confirmat suam doctrinam, quæ suprà dixit Orientalem Ecclesiam isto tempore non pependisse ab ore Occidentalis, idèdque illius judicia ad hujus retractatorium Tribunal non potuisse devocari, nisi dum "ultrò deferrentur". Cum Eusebiana Factione & ejus Philippo-Politano Conventiculo palàm lacerat unitatem Catholicæ Ecclesiæ. Etenim membra ab invicem independentia non possint unum corpus componere. Requiritur unum caput, quod communi influxu omnia membra uniat. Et ut errori fucum addat, fingit Orientalem Ecclesiam vixisse juxta Canones Africanos. Quin & ipsis abusus evertit sua nugamenta. Etenim Africani Episcopi nequibant suarum causarum Judices deligere extra Diocesim, & forsitan nec extra Provinciam, Præterea electio debebat ex mutuo consensu fieri. At verò Theodoretus nec intra Orientalem Diocesim, immò nec intra omnem Orientalem Ecclesiam, nec item de Ephesini, eum quo contendebat, Latrocinii consensu elegit, idèdque nulla hic est species electi judicii. Eligendi Leonis fundamentum non est querendum per conjecturas. Ipsum lucidissimis verbis Theodoretus edicit in suis ad Leonem literis, quæ videntur esse ipsum appellationis instrumentum: „Si Paulus Præco veritatis, tuba Spiritus sancti, ad Magnum Petrum se contulit, ut iis, qui Antiochiæ de legali conversatione ambigebant, explicationem, ab illo referret, multo magis nos humiles & pusilli ad Apostolicam

Y y y y 3

Sedem

„Sedem vestram accurrimus, ut Ecclesiarum remedia à vobis acci-  
piamus. Vobis enim Primas in omnibus tenere convenit. Multis  
„liquidem Prærogativis ornatur Sedes vestra. Etenim alias urbes  
„ornat vel magnitudo, vel pulchritudo, vel habitatorum frequen-  
tia. Nonnullas etiam quæ his carent, spiritualia quædam dona il-  
„lustrant. Vestræ verò bonorum affluentiam omnium largitor dedit”.  
Loquitur cum S. Bonifacio Pontifice, scribente Nicænam Synodum  
nihil fuisse ausam constituere supra S. Petri Cathedram, quoniã  
sciebat ipsi à Domino concessa esse omnia. An Theodoretus episto-  
lam viderit, ignoro; Interim eodem modo loquitur. Hunc Pri-  
matum variis encomiis illustrat, & disertis verbis exprimit in epistola  
ad Renatum Presbyterum: “Habet SS. illa Sedes Ecclesiarum, quæ  
„in toto Orbe sunt, Principatum multis nominibus. Atque hoc  
„ante omnia, quod ab hæretica tæbe immunis mansit, nec ullus  
„contraria sentiens in illa sedit, sed Apostolicam gratiam integram  
„conservavit”. Affirmat nobiliorem Romani Primatus portionem  
esse plenam ac perpetuam in dirimendis fidei controversiis infallibili-  
tatem. Proinde appellandi Leonis fundamentum non fuit libera  
Theodoreti electio, sed suprema Romanæ Ecclesiæ autoritas, in  
qua semper viguit Apostolicæ Sedis Principatus. Sensa sua abundè  
exposuit in Ecclesiastica Historia, enarrans Romanam appellatio-  
nem S. Athanasii, & aliorum Orientalium Episcoporum.

Quæ Paschasius Quésnellus adducit pro suis commentis, sunt  
nugamenta. Primum est in his verbis: “Si ad hoc Jure teneretur,  
„ut quid verebatur, ne preces suæ à Pontifice non admitterentur?  
„&c”. Respondeo Theodoretum Jure non fuisse obligatum ad  
appellandum: Poterat enim juri suo cedere, & dare locum La-  
trocinialibus furoribus Dioscori. Attamen dum appellare voluit,  
non potuit nisi ad Apostolicam Sedem, aut ad Generalem Syno-  
dum. Verùm hæc erat remotissima. Etenim Latrocinialia Acta  
Imperator Theodosius pleno impetu sustinebat, & forstatis tunc  
confirmaverat. Nullis precibus aut rationibus se permittebat ab  
ista iniquitate dimoveri. Lucet ex ejus Rescriptis ad Imperato-  
rem Valentinianum, ad Gallam Placidiam, & ad alios. Hinc  
prudentissimè Theodoretus se convertit ad Sedem Apostolicam.  
Et quò ejus appellatio admitteretur, rectissimè adjunxit preces  
apud Pontificem, & varios Intercessores. Quod nempe ejus causa  
esset suspecta atque difficilis. Erat non solummodò degradatus ab  
Ephesi-

Ephesino Latrocinio, sed insuper per severs, & Latrocinio anteriora Imperatoris Decreta ligatus intra propriam civitatem: Suspectus & de Nestoriana hæresi, & de multa turbulentia. Et suspicio non erat temeraria. Ei Theodoretus fundamenta ac fomenta dederat per variam petulantiam in S. Cyrilli non sola Capitula, sed insuper personam. Etiam post initam Ecclesiarum pacem, & post S. Cyrilli mortem. Accedebant ejus impetus pro libris Diodori ac Theodori, quos constabat Nestorio fuisse fontes perfidix. Quare merito timebat sibi evenire, quod evenit ejus Patriarchæ Domno. Ne Magnus Leo degradationem duceret ratam, atque ita ejus appellationem abijceret. Hinc non sine rationibus preces admovit ac Intercessores. Notanda sunt precum verba: "Apostolicæ vestræ Sedis exspecto sententiam. Justum vestrum judicium invocanti opem ferat. Jubeat ad vos venire, ne ad vos contenderem, Regiarum literarum vincula retinuerunt. Apostolica Potestate utatur. Ad Concilium vestrum advolare præcipiat". Ista omnia nullatenus cadunt in electum Judicem. Hic quippe non ex suæ Sedis autoritate, sed operatur ex solo consensu partium. Et quomodo hic consensus, qui tamen hic non adfuit, poterat Leoni dare potestatem solvendi viticuli, quo Princeps Theodoretum ligaverat? Privativè id spectat ad S. Petri privilegium.

Alterum nugamentum est in his verbis: "Quam denique ob causam se ipsius judicio, qualecumque esset, assensurum atque adhæsurum spondet", &c. Respondeo id spondidisse ob præfatam suspensionem de inquietudine ac turbulentia. Etenim in prima apud Ephesum Synodo Theodoretus in famosa Joannis Patriarchæ Antiocheni adversus S. Cyrillum & Synodalia Acta rebellionem fuerat omnia. Joannes erat tunc novellus Episcopus, ideoque eminentem scientia Theodoretum audiebat & sequebatur in omnibus. Theodoretus igitur apud Ephesum nullius judicio acquiescere voluerat: Nec Synodi, nec Principis, nec Pontificis. Et factam postmodò Ecclesiarum pacem quomodo observaverit, docet ipsi inflicta à Principe exilium. Idem demonstrant ejus Scripta ac Declamata in defunctum S. Cyrillum. Quare apud Romanam Ecclesiam poterat meritò esse suspectus, ne sum Nestorium imitatus sperneret ejus judicium, & ab ipso provocaret ad Generalem Synodum. Hinc in literis ad Renatum Romanæ Ecclesiæ Presbyterum seriò spondet, se qualicumque Leonis sententiam acquie-



acquieturum, ac deinceps non cogitaturum de aliis humanis Judiciis. Hæc Paschasii Quenestii nugamenta Romanum Pontificem palam redigunt in ordinem. Ejus Primatum contrahunt ad solum honorem nominis & loci. Etiam intra proprium Patriarchatum. Sunt non dumtaxat adversus Papale, sed etiam adversus Patriarchale Privilegium Attentata manifestò schismatica, ideòque per Romanam Ecclesiam non solis Apostolicis, sed etiam Regiis Edictis damnanda ac opprimenda.

Redeamus ad præfatum Reverendum Patrem: "Acceptis porro Theodoretis & aliorum literis, auditæque Hilari Relatione, quid Theodoro rescripserit S. Leo, ignoramus; quid egerit, inquirimus. Intellexit statim Pontifex post Ephesinum Latrocinium opus esse Concilio, eoque Generali, ut ex ejus literis ea de re ad Augustum scriptis clarum est. Verum pro restituendo Theodoro neque Provinciale, neque Generalem Synodum necessariam esse duxit: Quoniam pro deposito habendus ille non erat, in quem non Concilium, sed Latrocinium, non Episcopus, sed Prædo improbus depositionis sententiam ferre conatus fuerat. Quod ita apud omnes certum erat, ut quidquid in illo miserando Ephesi Conventu factum erat, pro infecto ab omnibus passim Catholicis haberetur. Unde Leo monet Constantinopolitanos, ne à Sacerdote suo, qui similem cum Theodoro exceperat depositionis sententiam, ulla eos formido divellat. Hoc ipsum quod ab Imperatore Theodosio poscebat Leo noster, cum rogabat eum, ut omnia in eo statu esse juberet, in quo fuerant ante omne Judicium, donec major ex toto Orbe Sacerdotum numerus congregaretur. Cui postulationi annuit pro Theodosio Martinianus, cum in ejus mortui locum susceptus est: Qui & majorem reverà ex toto Orbe Episcoporum Synodum congregavit, & eidem jussit interesse Theodoretum".

Errores varii. Primus est, quod Magnus Leo pro restituendo Theodoro neque Provinciale, neque Generalem Synodum duxerit esse necessariam. Quod nullam duxerit necessariam, & ego profiteor: Verum ex alia radice. Ego enim profiteor Romani Episcopi potestatem, quâ appellantes ad le Episcopos possit etiam in suo Presbyterio revocare, ac ex integro reparare; at verò Paschasius Quenestius censet Theodoretum tali revestimento non indiguissse, ideòque nec ejus appellationem in ulla Leonis Synodo fuisse auditam aut admissam

admissam. Est manifestus error. Etenim Hilarus Romanorum Archidiaconus disertè scripsit ad S. Imperatricem Pulcheriam: "Vestra, veneranda Clementia cognoscat à Reverendissimo Papa Leone cum omni Occidentali Concilio reprobari omnia, quæ in Epheso contra Canones per tumultus & odia sæcularia à Dioscoro Episcopo gesta sunt, & nullà ratione hæc in his partibus posse suscipi." Disertè affirmat Latrocinium Actorum Apostolicam reprobationem esse decretam in Occidentis Concilio. Uti Domni damnationem Leo Synodaliter confirmavit, ita aliorum Episcoporum damnationem exussavit, aut potius suspendit. Juxta Sardicenses Canones. Et hujus sui Synodalis Judicii executionem postulavit ab Imperatore Theodosio; sed impetrare non potuit.

Hinc secundus error est, quod Theodoretus & alii ab Ephesino Latrocinio damnati Episcopi essent citrà omne Romanæ Ecclesiæ judicium habendi pro nondamnatis. Etenim longè aliud in prima apud Ephesum Synodo censuit S. Cyrillus. Eum facinorosa Joannis Antiocheni Patriarchæ Factio degradaverat. Et cum ipso Memnonem Exarchum Ephesiorum. Erat manifestè attentata sententia. Etenim Cyrillus erat non solummodò secundæ Sedis Episcopus, in quem tertia Sedes nihil omnino poterat, sed insuper erat primæ Sedis Legatus, ac Præses Synodi. Et hinc Acacius Melitenensis Episcopus, secundæ Armeniæ doctissimus Metropolitæ, censuit sententiam illam esse non Episcopale Judicium, sed hostile convitium, idèdque spernendum ab omnibus, ac exussandum. Ejusdem opinionis fuit tota Synodus. Etenim omnes ejus Episcopi in fideam sibi ab eadem Factione excommunicationem constanter spreverunt; Perrexerunt & sibi mutuò, & S. Cyrillo in omnibus Divinis atque humanis communicare. Ità lucet ex præfati Joannis literis ad istos Episcopos. At verò S. Cyrillus nec ad Synodi Præsidentiam, nec ad Episcopi Ministerium resumenda induci potuit, nisi causâ retractatâ ac judicatâ per novos Legatos Pontificis Celestini. Ista omnia Theodoretus viderat: Utpotè Patriarchæ Joannis non solummodò adjutor ad istas turbas, sed & incentor, & forsitan primus author. Hinc postmodò in eandem, in quam S. Cyrillum iniquissimè conjecerat, injuriæ & calamitatis foveam à Dioscoro conjectus agnovit nullum esse emergendi auxilium, nisi ab Ecclesia Romana. Noverat vetustam totius Ecclesiæ Regulam, quæ sancit iniqua etiam anathemata esse metuenda ac veneranda. Et ipse singulares causas habuit

Z z z z z

istius

istius timoris. Etenim propter multam in S. Cyrilli Capitula petulantiam hærebat in eodem luto cum suo Patriarcha Domno. Immo in sceleriori. Quoniam Author fuerat omnis istius petulantia. Hinc non vanè metuebat, ne & sua damnatio à Magno Leone confirmaretur. Sanè solum Domni exemplum abundè evincit Latrocinale Dioscori Judicium non potuisse sperni sine Romana autoritate.

Tertius error est, quod istud Latrocinale Judicium ab omnibus passim Catholicis haberetur pro infecto. Etenim Imperator Theodosius ipsum pro infecto adeò non habuit, ut suis legibus confirmaverit, & jusserit sanctissimè observandum. Antiochenam, Edessenam, Parthensem, ac Dorylæensem Ecclesias quis dubitet fuisse Catholicas? Et tamen pro suis apud Ephesum degradatis Episcopis alios ordinârunt. Antiochena pro Domno Maximum, Edessena per Iba Nonnum, Parthenensis pro Sabiniano Athanasium. Fama volabat, quod etiam Dorylæensis superordinâset. Et quidem Nonnus ac Athanasius usquè ad Chalcedonensem Synodum pacificè sederunt. Quod nempe Ibas & Sabinianus non invocassent Sedem Apostolicam. Et Nonnus à Chalcedonensi Synodo non fuit tractatus uti intrusus. Etenim Edessena Ecclesia, ac in ipsam restitutus Ibas fuerunt obligati ad ei præstandas pensiones. Quod nempe, Ibâ non appellante, ejus consecratio non impigisset in Sardicenses Canones. Et in Chalcedonensi Concilio plures Episcopi Romanam Theodoretî reversionem censuerunt obreptitiam, idèq; adversùs ipsam potestissimè intercesserunt. Proindè ejus degradationem non habuerunt pro infecta. Hinc Hilarus Romanorum Archidiaconus scripsit ad S. Imperatricem Pulcheriam: "Nulli ratione hæc", utiquè Ephesina Acta, "in his partibus suscipi possunt". Quod nempe illa apud Orientem susciperentur. Occidens suscipere non voluit propter Magni Leonis Synodum, quæ omnia cassaverat. Omnia ad ipsam delata. Quare non cassavit damnationem præfatorum Ibas ac Sabiniani. Quod nempe non invocassent Sedem Apostolicam. Quin immò Domni degradatio fuit isthic confirmata.

Quartus error est, quod Imperator Martianus Theodoretum suâ autoritate citrà prævium Magni Leonis Judicium jusserit adesse Chalcedonensi Concilio. Etenim Gloriossimi Judices diserte ad plenissimam Synodum dixerunt contrarium: "Ingrediatur & Reverendissimus Episcopus Theodoretus, ut sit particeps Synodi, quia & restituit ei Episcopatum SS. Leo, & sacratissimus Imperator sanxit eum adesse S. Synodo". Sanxit exequens judicium Magni Leonis.

Non

Non definitivum, sed revestitorium. Et hinc discimus rationem ex qua nec Ibas, nec Sabinianus, nec alii apud Ephesium degradati Episcopi fuerint participes Chalcedonenſis Synodi. Quin immò Nonnus & Athanasius habuerunt illic conſeſſum & ſuſfragium. Nempè quod iſti non invocàſſent Sedem Apoſtolicam, ideòque per Magnum Leonem non fuiſſent revestiſti. Eàdem ratione idem Pontifex Conſtantinopolitanæ civitatis Clerum ac Populum obteſtatus eſt, ne Flaviani communionem deſererent, aut ipſi vivo permitterent ſuperordinari: Quod nempè appellantem Flavianum reſtiſſet. Et omnes ante Theodoſii oculos obedièrunt. Plus abſenti Pontifici detulerunt, quàm præſenti Imperatori. Quid opus multis? Glorioſiſſimi Iudices poſt plenè retractatam Theodoretì cauſſam denuò dixerunt ad Synodum: "Omnis jam dubitatio de Theodoretò, Reverendiſſimo Episcopo, eſt ſoluta. Quippe & Neſtorium coram nobis anathematizavit, & à SS. Archi Episcopo ſenioris Romæ Leone ſuſceptus eſt, & definitionem fidei à Religioſitate veſtra prolata ſuſcepit, & in ſuper Epistolæ memorati Sanctiſſimi Archi-Episcopi Leonis ſubſcripſit. Deſt igitur, ut ſententia proferatur à Reverentia veſtra, ut Ecceſiam ſuam recipiat, ſicut & Sanctiſſimus Leo Archi-Episcopus iudicavit". Omnia in revestitorio Leonis Decreto fundant, nihil in Edicto Martiani.

Paschaſius Queſnellus verba multiplicat, & proſequitur: Ex dictis maniſeſtum eſt Leonem noſtrum nullum habuiſſe iudicium ad cauſſam Theodoretì ventilandam, ſed eidem communionem non interruptà fuiſſe conjunctum, ejuſque literis reſcripſiſſe nec ſtandum eſſe iudicatis, nec exſpectandum ei eſſe aliud iudicium, ut Ecceſiam ſuam ſolito more gubernaret. Quoniàm quæ geſta erant à pheſi per unius hominis impudentiam, nulla Catholicæ fidei ratio rata eſſe permittebat. "Eo libentiùs autem ſententiam adverſùs Theodoretum latam pro nulla habuit, quod de ejuſdem fidei integritate novum ex Oriente teſtimonium ad ipſum fuit delatum. Ex literis enim Anatolii Conſtantinopolitani Episcopi reſcribat Theodoretum Encyclicæ ad Flavianum epistolæ ultro ſubſcripſiſſe, nec Neſtoriana, Eutychnianaque ſolùm dogmata damnàſſe, ſed ipſis etiam Neſtorio & Eutychi anathema dixiſſe. Iſtud enim præſtitum eſſe ab omnibus Episcopis, qui Antiocheno ſuberant, quorum unus erat Theodoretus, diſcimus ex epistola Leonis noſtri ad Paſchaſinum Lilybetanum, quam nunc primum in lucem emittimus. Ex huiusmodi ſubſcrip-

Z z z z z 2

tione

„tione, vel etiam ex epistola, quam ad Leonem scripserat Theodoretus, intellexit Romanus Pontifex, iudicavitque ipsum ab omni hæresis macula immunem, nihilque hac ex parte ob stare, quominus suam ei communionem more solito impartiret, & ille suam Ecclesiam cum pace Ecclesiastica retineret. Tale est” Sedis Apostolicæ iudicium, ”ut ego quidem reor, de quo in hac epistola, quam commetamur, mentio facta est, quod quidem non demonstrat restitutam esse Judiciali Pontificis sententia suam Theodoro Sedem, sed amotam solum nonnullam erroris suspensionem, quæ ei fortè vel ex antiquis cum Cyrillo concertationibus inhæserat”.

Iterum errores varii. Primus est, quod Magnus Leo nullo habito iudicio Theodoretum reparaverit, ac iusserit solito more gubernare Ecclesiam. Eruditissimum ac Sanctissimum Pontificem infamat de horrenda prævaricatione. Etenim de Ebbonis Remensis Episcopi causa ad tertiam Sueffionensem Synodum rectè scripsit Nicolaus I. Pontifex: ”Porro si quispiam Sedem Apostolicam, per Ser-  
„gium S. memoriæ Papam, Ebbonem quondam Archi-Episcopum  
„indignum Clericali communionem sanxisse perhibet, noverit quoniam  
„talem Sedes Apostolica debuit Ebbonem, donec Synodali ejus  
„examine causa discuteretur, habere, qualem ab aliis habitum non  
„ignorabat. Statutum quippè in magna & veneranda Nicæna Synodo  
„legerat”: Ut de his qui communionem privantur, seu ex Clero, seu  
ex Laico ordine, Episcoporum per unamquamque Provinciam sententia Regularis obtineat, ut hi qui abjiciuntur, ab aliis non recipiantur. Requiritur autem, ne pusillanimitate, aut contentione, aut alio quolibet Episcopi vitio videatur à Congregatione seclusus. ”Donec igitur autoritate sua de huiusmodi pusillanimitate, aut  
„contentione, aut alio quolibet vitio examinatio vel dijudicatio  
„proveniret, Sedes Apostolica nihil agere debuit, nisi quod egit.  
„Videlicet ut ab aliis abjectum ipsa nequaquam indiscussè susciperet.  
„Præcipue cum prædictus Ebbo non quasi pro depositione queritans,  
„& restitui legitime volens examine præcedente, Sedem Apostolicam  
„appellaverit, sed à contumacibus suusus, & his junctus, repenit  
„& reconciliari ab ea, & Pallio decorari querens, & quasi Episco-  
„pus inter Episcopos, nulla suæ causæ discussione præveniente,  
„poscens, ad eandem summam Sedem accesserit, à qua reprobatus  
„ab aliis merito debuit reprobari, donec supplex ab ea Sede posceret  
„Canonicè adjuvari”. Hunc turbidum ac facinorosum procedendi  
modum

modum Palchasius Quenellus impingit Magno Leoni. Sane si tali viâ Theodoretus fuisset in Episcopalem communionem ac reveſtitio- nem intrusus, in Chalcedonenſi Synodo Aegyptii ac alii Episcopi, qui ipsum pessimè averſabantur, istud vitium in ſuis iteratis interceſ- ſionibus nequaquam tacuiſſent. Proſectò Theodoretus non violenter, quomodò Ebbo, reveſtiri voluit, ſed invocavit juſtum & rectum Leonis Tribunal, exſpectavit Sedis Apoſtolicæ ſententiam, rogavit judicium ex ſcriptis ab ipſo libris conſtitui: Et Magnus Leo taliter omnino fecit. Lucet ex Glorioſiſſimorum judicum ad Chalcedonen- ſem Synodum interlocutione, qua poſtularunt definitivam pro Theo- doreto ſententiam: "Sententia proferatur, ut eccleſiam ſuam reci- piat, ſicut & Sanctiſſimus Leo Archi-epiſcopus judicavit". Niſi forſan Palchasius Quenellus cenſeat judicium iſtud fuiſſe non Synodale aut Episcopale, ſed Doctorele: Quale hodie faciunt Magiſtri noſtri, dum de alicujus excommunicationis valore conſulti reſpondent. Et hunc eſſe ipſius ſenſum, qui Apoſtolicæ Sedis dignitatem manifeſtè evertit, multa ſuadent.

Secundus error eſt, quod Magnus Leo ex Anatolii Conſtantino- politani literis, Maximi Patriarchæ Antiocheni Traſſoriam laudan- tibus, fuerit permotus ad Theodoretum reveſtiendum. Etenim Anatolius non fuit à Magno Leone in Regiæ civitatis Episcopum confirmatus, idedque nec ipſi per literas communicavit, niſi poſt Theodoſii mortem, & Imperio admotum Martianum. At verò Theodoretus palàm appellavit, ac reveſtitus fuit vivente Theodoſio. Lucet ex ejus verbis: "Quandoquidem ne ad vos contenderem, „Regiarum literarum vincula retinuerunt, quemadmodum & alios". Iſtud vinculum Martianus nec ad unam horam continuavit. Lucet ex S. Imperatricis Pulcheriæ ad Magnum Leonem literis, ſcriptis ſtatim poſt ſuum cum Martino Virginali Conjugium: "Super hæc „autem ſciat tua Sanctitas, quoniàm Præcepto noſtri Domini, & „ſtrangiſſimi Principis mei Conjugis, in glorioſam civitatem Con- „ſtantinopolim S. memoriæ Episcopi Flaviani corpus allatum eſt, „& in Baſilica Apoſtolorum, in qua conſueverunt Prædeceſſores „Episcopi ſepeliri, competenter eſt poſitum. Et hos ſimiliter „Episcopos, qui propter eandem cauſſam, quoniàm cum Sanctiſſi- „mo Flaviano ad concordiam Catholicæ fidei concurrerant, exilio „deputati ſunt, reverti debere, robore Pragmatici ſui præcepit, „quatenus per approbationem Synodi, atque ſententiam omnium

„Episcoporum convenientium, Episcopatum & Ecclesias proprias  
 „recipere mereantur". Hoc Martiani Pragmaticum laudârunt in  
 Chalcedonenſi Synodo Glorioſiſſimi Judices: "Ingrediatur & Reve-  
 „rendiſſimus Episcopus Theodoretus, ut ſit particeps Synodi, quia  
 „& reſtituit ei Episcopatum SS. Archi-Episcopus Leo, & Sacra-  
 „tiſſimus Imperator ſanxit eum ad eſſe S. Synodo". Et infra: "Præju-  
 „diciū ex perſona Reverendiſſimi Theodreti Episcopi non gene-  
 „rabitur, reſervatâ videlicet poſt hæc omni accusatione, & vobis  
 „& illi, & quæ invicem exercere volueritis". Nempe Magnus Leo  
 Theodoretum non plene reparaverat, ſed dumtaxat reſtitverat,  
 retractatorium definiendæ cauſæ judiciū reſervans ac transmittens  
 ad futuram Synodum. Et hoc ejus judiciū Martianus plene  
 confirmaverat per Pragmaticum. Hinc Glorioſi Judices utuntur  
 verbo, "Sanxit": Eſt correfpondens Pragmatico. Etiam Maximus  
 Antiochenus non emiſit laudatam Tractatoriam, niſi jam per Leonem  
 in Episcopatu confirmatus. Proinde iſta omnia ſunt Theodreti  
 reſtitutione poſteriora, idedque Magnum noſtrum Pontificem non  
 potuerunt permovere ad illum reſtituendum. Inſuper Maximi  
 Tractoria dirigi non potuit ad S. Flavianum. Etenim Maximus  
 fuit conſecratus ab Anatolio, quem Paſchaſius Queſnellus rectè  
 ſcribit non fuiſſe ordinatum, niſi poſt mortem S. Flaviani. Et  
 hic eſt tertius, ad rem tamen præſentem non pertinens, iſtius viri  
 error.

Interim pergit nos fatigare multis verbis: "Enim verò ſi eam ob  
 „rem reſtitutum à Sede Apoſtolica Theodoretum contendas, quia  
 „eum communionis ſuæ ſinu complexus eſt, quidni à cæteris quoque  
 „Episcopis reſtitutum eum pronuncies, cum & Maximus Antioche-  
 „nus, ejus Primas, & Anatolius Conſtantinopolitanus, & alii  
 „plurimi Antifites Orientalium partium, communionis cum eo  
 „nexum vel abruperint nunquam, vel mox religaverint. Quamquam  
 „Romani Pontificis votum, ejuſque communionis ſuffragium præ  
 „cæteris habitum eſſe quis vellet diſſiteri, utpotè Primariæ omnium  
 „Sedis Episcopi, viri inſuper Sanctiſſimi, Doctiſſimique, & in hac  
 „præſertim cauſa Catholice fidei ſtrenui Defenſoris? Rem tamen  
 „totam ex Leonis Facto finitam eſſe, aſſerere non poſſumus, cum  
 „eam rursus ad incudem vocatam à Patribus Chalcedonenſibus, no-  
 „tum ſit cuilibet hujus Synodi Acta recenſenti. Idque factum eſt ex  
 „ipſius ſancti Leonis mente. Cum enim poſt Ephefinam Pſeudo-  
 Synodum

„Synodum poposcisset S. Leo, ut omnibus à Dioscuro Decretis  
 „superfederetur”, & omnia in eodem statu essent, in quo fuerant  
 ante omne iudicium, donec major ex toto Orbe Sacerdotum n<sup>o</sup> me-  
 rus congregaretur, „hoc procul dubio Pontificis erat consilium, ut  
 „majoris huiusmodi Episcoporum numeri iudicio & examini omnia  
 „de novo quasi in iudicium subijcerentur, ubi primum congregatus  
 „esset. Nec est quod quis Theodoretum causam ab ista lege eximen-  
 „dam existimet, cum potius hæc præ cæteris una Synodi examen  
 „postularet. Alii enim plerique Episcopi, quos Pseudo-Synodus  
 „Ephesina Sedibus suis deiecerat, ante Latrocinium in suspicionem  
 „erroris non venerant, ac propterea rescissis Pseudo-Synodi Actis,  
 „res illis sua integra erat: Theodoretus autem longè ante Ephesium  
 „Conventum suspectæ fidei notatus fuerat à Catholicæ sententiæ  
 „propugnatoribus, Nestorio visus erat patrocinari, & ex erroris suspi-  
 „cione ansam arripuerat Imperator cum à Synodo removendi. Quare  
 „etsi & à Leone in communionem receptus, & ad Chalcedonensem  
 „Concilium accersitus esset Imperatoris Edicto, non hoc tamen uno  
 „diluebantur antiquæ suspensiones, sed futuro iudicio via parabatur;  
 „cui & ejus fides discutienda, & Adversariorum accusationes exa-  
 „minandæ servabantur. Inde est, quod Iudicibus Laicis introduci  
 „eundem in Synodum postulantes juxta Imperatoris Edictum;  
 „non pauci aliqui Episcopi, ut videtur nonnullis, sed longè pluri-  
 „mi, Ægyptii videlicet, Palestini, & Illyriciani clamaverunt. Hos  
 „inter Episcopos Illyriciani Ducem habebant Thessalonicensem Epi-  
 „scopum, qui cum vices Romani Episcopi gereret in Illyrico, ab  
 „ejus nutu pendebat, nec ramen Apostolicæ Sedis iudicium, quo  
 „Theodoretus ab omni hæresis macula mundus pronunciatus fuerat,  
 „obstare credidit, quominus ille à Synodo tanquam de fide ex-  
 „aniquo suspectus removeretur. Rursum verò instantibus Iudicibus  
 „eum recipi, vix tandem acquieverunt Iudicæ Episcopi, quasi ex in-  
 „dulgencia ac dispensatione; Non prius tamen quam Maximi An-  
 „tiocheni Primatis sui testimonio nullâ hæretici sensus peste esse in-  
 „fectus Theodoretus probaretur, & insuper pollicerentur Iudices  
 „nullum ex præsentia illius præiudicium creandum esse, causamque  
 „integram futuro examini esse reservandam. His impositis condi-  
 „tionibus tandem admissus est Theodoretus”.

Commenta varia. Primum est, quod Theodoretum dicamus  
 à Sede Apostolica restitutum, quia ipsum Leo suæ communionis  
 sinu



finu fuit amplexus. Etenim aliquem suâ communione amplecti est ambiguum: Cadit & in integrum Episcopum, & in degradatum. Proinde Theodoretum dicimus à Sede Apostolica restitutum, quia Magnus Leo suæ Sedis autoritate ei reddidit Episcopatum, Episcopalem locum, seu Episcopalem communionem. Secundum est in his verbis: "Quidni à cæteris quoquè Episcopis restitutum, cum pronuncies"? Videntur asserere, quod pari Jure Theodoretus potuerit ab ipsis restitui. Pessimè. Etenim quo Jure Orientalis Dioecesis Episcopus potuerit restitui à Constantinopolitano? Sed nequè ab Antiocheno potuit. Quod nequè iste aliquid virium haberet in Sancita Generalis Concilii.

Tertium est, quod Anatolius, Maximus, aliiquè plurimi Orientalium Episcopi communionis cum Theodoro nexum vel nunquam abruerint, vel mox religaverint. Etenim Anatolius & Maximus, licet in Ephesino Lacrocinio consecrati non fuerint, videntur tamen in ipso fuisse electi. Quidquid sit, Anatolius Diocori Diaconus & Apocrisarius, Maximus erat fidelis amicus: Uterquè per Latrocinii autoritatem fuit & electus & consecratus. Hinc certum est, quod suam à Theodoro communionem abruerint. Istud ipsum fecerunt & plurimi alii Orientalium Episcopi. Etenim ipsum degradaverant, & non statim egerunt poenitentiam sui facinoris. Dissociatio permansit, donec Anatolius & Maximus sui vitiosi Episcopatus sanationem & firmitatem; reliqui verò Episcopi à Magno Leone obtinuerunt sui Lapsus veniam, & communionem Romanæ Ecclesiæ. Hanc Theodoretus ante omnes istos obtinuerat, atquè ità isti sanati statim cœperunt Theodoro communicare. Omnia per autoritatem Romanæ Cathedræ.

Quartum Commentum est in his verbis: "Quamquàm Romani, Pontificis votum", &c. Quod votum, quod suffragium? Nec enim hæc in Chalcedonensi Synodo, sed ante ipsam facta sunt per solam "Primariæ Sedis" autoritatem. Gloriosissimorum Judicum ad laudatam Synodum verba sunt lucida: "Leo ei restituit, Episcopatum". Verùm Reverendus Pater Palschiasus Quæsnellus Romanam Sedem non plenâ super omnes autoritate, sed solius loci dignitate vult esse primariam, idèdque Leonem sine aliis Patriarchis atquè Episcopis nihil aut parùm circa Theodoretum valuisse. Et hic Primatus est apud ipsum parvi ponderis. Etenim Leonis suffragium censet fuisse præ cæteris æstimandum, quod  
esset

effet vir Sanctissimus, Doctissimus, & strenuus Defensor Catholicæ fidei. Potius propter personæ merita, quàm propter privilegia Sedis.

Quintum commentum est in his verbis: "Rem tamen totam, ex Leonis Facto finitam esse", &c. Theodoretum reversionem appellat Leonis non Judicium, sed Factum. Quod nempe istam Judicalem potestatem non agnoscat in Romana Cathedra. Interim & nos Orthodoxi profiteamur ex isto Leonis Judicio causam non fuisse finitam. Erat enim dumtaxat reversionem, non retractatæ ex integro causæ diffinitivum. Etiam S. Julius reversionem à se Athanasii causam in Sardicensi, S. Damasus reversionem à se Maximi Cynici Actionem in futura plenaria, S. Innocentius reversionem à se Joannis Chrysostomi appellationem retractari ac definiri voluit in Synodo Thessalonicensi. Et postmodò Adrianus II. S. Patriarchæ Ignatii quæstiones examini ab exordio, & definiri permisit in octavo Concilio. Eadem igitur ratione Magnus Leo Theodoretum causam non definivit, sed ipsum solummodò reversionem in Episcopum, totius causæ retractationem ac definitionem delegans Chalcedonensi Synodo. Hinc enim ad Synodi Patres dixerunt Gloriosissimi Judices: "Præjudicium ex persona Reverendissimi Theodoretum Episcopi nulli generabitur, reservatâ, videlicet post hæc omni accusatione, & vobis & illi, & quæ invicem exercere volueritis". Et hæc omnia sunt omnino facta ex mente sancti Leonis. Hinc enim post retractatam Theodoretum causam Apostolici Legati dixerunt ad Synodum: "Theodoretum, Leo in communionem suscepit ita", &c. Hoc est, eâ lege ut se purgaret de variis. Et hujus purgationis examen ac definitionem Pontifex delegavit Synodo.

Sextum Commentum est, quod Illyriciani Episcopi suæ contra Theodoretum reversionis Ducem habuerint suum Apostolicæ Sedis Vicarium, Anastasium Episcopum Thessalonicensem. Etenim Anastasius non adfuit Synodo, sed ejus vices egit Quintillus Heracleensis in Macedonia Episcopus. Etiam Ephesino Latrocinio non adfuit, eaque de absentia gratulatus est ei Pontifex, rogans ut reversionem à se Flaviani communionem non deferret. Certum est; quod omnia Leonis contra Latrocinium Decreta, adeoque & Theodoretum reversionem fuerit plenissimè veneratus. Etenim ad Joannem Antiochiæ Patriarcham de sancti

A a a a a

Cele

Celestini in Nestorium Decretis scripsit S. Cyrillus : "Macedonius Episcopi à Romani Pontificis sententia nunquam decedere solent". Exstat epistola in prima parte Ephesini Concilii. At cur igitur quidam Illyriciani Antistites Chalcedone noluerunt Theodoretum admittere? Quod ipsum crederent non dumtaxat revestitum, sed integrè reparatum. Credebant ipsum Pontifici per circumscriptiones obrepisse. Hinc ipsum voluerunt discuti, & causam retractari. Lucet ex laudata Gloriosissimorum Judicum interlocutione : "Reservatà post hæc omni accusatione". Dixerunt ipsum solummodò revestitum à Pontifice, plenam retractationem esse transmissam ad Synodum. Et tunc Episcopi isti acquieverunt.

Septimum commentum est in his verbis : "Inde est quod Judicibus Laicis introduci eundem", &c. Nullam faciunt Apostolicæ revestitionis memoriam. Quod nempe ipsam censeant parvi aut nullius ponderis. Lucet ex verbis inferioribus, quæ affirmant Theodoretum "quasi ex indulgentia ac Dispensatione" fuisse admissum. Et fabula iterum sibi non cohæret. Etenim adjungit hæc verba : "Nec tamen Apostolicæ Sedis Judicium, quo Theodoretus ab omni hæresis macula mundus pronuntiatus fuerat", &c. Omnipotens veritas etiam ab invitis extorquet suæ professionem. R. P. Paschasius Quesnellus quædam adjungit de suprema Synodorum autoritate, de Episcoporum in ipsis decisivo suffragio, ac de Papali omnium Chalcedonensium Actorum confirmatione. Non spectant ad præsentem materiam, ideoque sunt alibi discutienda. Eruditus vir dignetur his acquiescere. Etenim existimo me in ipsis à SS. Patrum confessione, ac perpetuo Ecclesiæ sensu non recessisse.

Quod Magnus Leo retractatorium revestiti à se Theodoreti judicium Chalcedonensi Synodo delegaverit, etiam Vigilius Pontifex disertè testatur in suo Constituto de tribus Capitulis : "Ne quis forsitan arbitretur ambiguum, quod Legatis atque Vicariis Sedis Apostolicæ à Beatissimo Papa Leone tantum fidei causa, & non etiam de depositorum incompetenter Episcoporum fuerit revocatione mandatum, noverit Beatissimum Papam Leonem suæ Chalcedonensi Synodo hæc inter cætera scripsisse dicendo ; Quia verò non ignoramus per pravas amulationes Statum multarum Ecclesiarum fuisse turbatum, plurimosque Episcopos,

„scopos, qui hæresim non reciperent, Sedibus suis pullos, & „in exilia deportatos, atque in locum superstitum alios substitutos, his primitivis vulneribus adhibenda est medicina justitiæ, ne quisquam careat propriis, vel alter utatur alienis“. Quæ omnia & per Pontificem, & per Synodum sunt manifestò facta juxta disciplinam Sardicensem. Iterum repeto hanc Romanam Appellationem non fuisse Theodoro primam. Etenim non dumtaxat adversus sancti Cyrilli Alexandrini & sui Antiocheni Patriarchæ Joannis pacificatoria Acta, sed etiam adversus omnia Sacro-sancti Ephesini Concilii Gesta appellaverat ad Sixtum tertium. Nec solus, sed unâ cum suo Metropolitâ Alexandro, cum Helladio Tharsensi, cum Eutherio Thyansenfi, cum pluribus aliis Episcoporum Provinciis. Nec ad totius Ecclesiæ, aut totius Occidentis Synodum, sed ad solum Pontificem, ad solam Apostolicam Sedem. Nec sine fructu. Eâdem igitur ratione nunc adversus Ephesinum Latrocinium invocavit solum Papam Leonem. Insuper Chalcedonenfis Synodus cuncta sua de Theodoro Acta ad Leonem retulit, & Leo confirmavit. Ita testatur idem Vigilus. Nempe Synodus ex Vicaria dumtaxat delegatione ista egerat, ideoque firmari non poterant, nisi per delegantis Pontificis auctoritatem. Generales Synodi, quas juxta Sardicenses Canones Papa convocat, omninò tantam ab ipso habent dependentiam. Quarumcumque Generalium Synodorum non est eadem natura, species, auctoritas.

Quod periculosa novissimorum dierum tempora immineant, plura vix sinunt nos dubitare. Eorum characterem nobis jam pridem prædixit Apostolus: „Erunť homines se ipsos amantes, „cupidi, elati, superbi, Parentibus non obedientes“. Illi præfertim Parenti, quem omnis sub cœlo Ecclesia semper appellavit Patrem Patrum. De Diabolo verissimè scripsit in libris de Civitate Dei Sanctus Augustinus: „Videns Diabolus templa Dæ-  
L. 1. 1. c. 1  
„monum deseri, & in nomen liberantis Mediatoris currere genus humanum, Hæreticos movit, qui sub vocabulo Christiano doctrinæ resisterent Christianæ, quasi possent indifferenter sinè ulla correptione haberi in Civitate Dei, sicut civitas confusionis indifferenter habuit Philosophos, inter se diversa „& adversa sentientes“. Etenim Divinæ Majestatis essentiam per sceleratissimos Gnosticos, Divinarum personarum proprietates per

B b b b b b

Prax.

Praxeam ac Sabellium, Divinæ Naturæ unitatem per Arium ac Macedonium, Sacro sanctam Dominicæ Incarnationis integritatem per Apollinarium ac Eutychetem, ejus Hypostaticam unitatem per Paulum Samosatensem ac Nestorium, sacras IESU CHRISTI Imagines per Leonem Isaurum, ejus benedicta Sacramenta per Joannem Wicleffum, humanæ Justificationis Arcanum per Martinum Lutherum ac Joannem Calvinum, alia nostræ salutis dogmata variis temporibus arietavit per alios. Ubique victus, ac vincendus. Hinc postremus ejus insultus erit in illam Romanæ Cathedræ Petram, supra quam Christus Dominus fundavit Ecclesiam. Tentabit Anarchiam inducere, ideoque Arcis, in qua sola salvamur, fundamentum suffodere. Apparere nunc videntur prima hujus moliminis exordia. Absit ut circa eminentes in Ecclesia viros indulgeam istiusmodi judiciis aut suspicionibus. Absit à me tanta temeritas. Attamen anxia Evangelici Depositi custodia cunctos jubet formidare ac vigilare. Nequaquam per meas, utpote nullas, sed per tuas, Gloriosissime Apostolorum Princeps Petre, vires ego nitor occurrere. Per validissimas vires, quas tibi dederunt sublimia Dei-Hominis verba: *Confirma Fratres tuos.*

F I N I S.



INDEX

# I N D E X RERUM ET VERBORUM.

A



*Absenti*, qui dicantur? **43.**  
*absentio* Cypriano frequen-  
tissime significat depositionem. *ibid.*  
quandoq. sumitur pro excommunicatione. *ib.*  
*Absentio* ab Episcopa

li, aut Clericali communione erat vera degradatio. **44**

**Acacius** Patriarcha Constantinopolitanus, quomodo se gesserit in damnatione, & absolutione Petri Moggi Alexandrini Patriarchæ? **46. 286. 287.** in reprobum sensum datus instauravit Eusebianam audaciam, tandemque à Romana Ecclesia damnatus genti suæ reliquit damnable schisma Acacianum. **287**

**Adrianus I.** statuit Metropolitam Bituricensis Cathedræ à sola Sede Apostolica judicari. **67.** Innovat, & confirmat Rhemensis Ecclesiæ privilegia, inter quæ est, quod ejus Archiepiscopus per solum Romanum Pontificem possit judicari. **81.** Codicem Romanum sibi ab Angilramno Metensi Episcopo oblatum nunquam confirmavit. **646**

**Adrianus II.** Hincmarum Laudunensem, itemque ejus Adversarios vult ad se transmitti & causam eorum coram se retractari. **140.** Sardicenses Canones longè aliter intellexit, quàm Hincmarus Rhemensis *ibid.* cur S. Patriarchæ Ignatii retractandam causam delegaverit octavæ Synodo. **150.** in 8. Synodo Pontificalem in Galliis auctoritatem firmat. **218**

**Africa** dicitur quandoque Lybia. **371.** Lybia propriè spectat ad orientale imperium, ac

**Ægyptiacam** Diocesim, Africa autem semper spectavit ad Occidentis imperium, fuitque singularis Diocesis ex Magni Constantini decreto subiecta Prætorio Italiæ. *Ibid.*

**Africa** in Ecclesiasticis rebus Primatem habuit Carthaginensem Episcopum, & spectavit ad Romanum Patriarchatum. **372**

**Africæ** Primates, an, & quomodo poterint à suis Synodis judicari? **69. 79**

**Africæ** Provinciæ, quot fuerint? **372.** & seq. post Constantini M. tempora fuerunt

dumtaxat sex. **374.** nimirum, Provincia consularis, Numidia, Byzacium, Tipolis, Cæsariensis Mauritania, & Mauritania Sitifensis. *Ibid.* Quænam fuerint earum Metropoles, **376** & seq. fuerunt Provinciæ quoad Episcopales Cathedras numerosissimæ, **380.** Qualibet Africæ Provinciæ, licet Metropolitancam potestatem habuerit, non tamen habuit Ecclesiam Metropolitancam in cujus Episcopis ista potestas per successorem resideret. **382**

**Africa** Jurisdictioni Papæ subiecta probatur, ex eo quod ad judicium Melchiadis refugendum accusaverint ipsum traditionis, **703. 704**

**Africana** consuetudo solos Presbyteros, nequaquam autem Episcopos vetat ad Apostolicam Sedem, aut etiam generalem Ecclesiæ Synodum provocare, **391. 397. 620.** cur Episcopis hoc licuerit, non Presbyteris. **600**

**Africana** Ecclesia ab alijs diversam Hierarchiam semper habuit, **369.** Nullus in omni Romano Patriarchatu fuit pluribus Provinciis præfectus Primas, nisi solus Carthaginensis, *Ibid.* Africana Ecclesia semper spectavit ad Romanum Patriarchatum. **370. 394.** constat ex Innocentio **I. &**

Cccccc Tet

- Tertulliano,** 370  
**Africana Ecclesia à Romana Sede postulat**  
 Baptismi ministros. 741. semper subfuit  
 Romano Patriarchatui, 422  
**Africane Diocesis Justinianus Imperator inducit**  
 varias novitates. 377. & seqq. Quæ  
 tamen non plenè obtinuerunt in Ecclesiasticis negotiis, *Ibid.*  
**Africane Diocesis divisio, servitus, &c.** 379  
**Africane Ecclesie fundatio est S. Petri,** 392.  
 Primi ejus Episcopi per Apostolicam Sedem  
 fuerunt consecrati, & transmissi in Africam,  
*ibid.*  
**Africane Ecclesie Romanas appellationes**  
 non prohibuit Bonifacius Carthaginensis,  
 618. Exponuntur ejus resuscitati Canones,  
*Ibid.* Africani Episcopi semper potuerunt  
 appellare Romam. 110. 628. Africani  
 Episcopi transversi Romanas etiam suorum  
 Collegarum appellationes censuerunt  
 non vetari à S. Nicæno Canone. 112. Africani  
 Episcopi poterant in suarum Provincialium  
 Synodorum Judiciis Proximè Romam provocare,  
 395. Africano Clero inferiori Romana  
 appellatio, an licitæ fuit? 682. Quid ea de re  
 senserit Zozimus, & an pro ea Sardicensem  
 Canonem attulerit? 682. 683, Afrorum Clerus,  
 etiam inferior, semper potuit Romam provocare  
 in materia fidei. 727. Afrorum Episcopi  
 liberrimè Romam appellarunt tempore  
 Gregorii M. 743. Inter Africanam &  
 Romanam Ecclesiam sola quæstio erat  
 de Romana appellatione Cleri inferioris.  
 111.  
**Africane Ecclesie perpetua consuetudo**  
 Romanæ damnatorum à se Episcoporum  
 appellationis semper detulit etiam suspensivi  
 effectus reverentiam, 593  
**Africane Ecclesie Romam appellantis ex S.**  
 Augustino exempla 604. An nullo casu  
 Clerus inferior potuerit Romam appellare.  
 709  
**Africane Ecclesie plurimæ non nisi unicum**  
 habent Presbyterum. 529. Raritati Cle-
- ricorum subvenit Augustinus per sua apud  
 omnem Africam multiplicata monasteria.  
 528  
**Africana Ecclesia degradatis Episcopis nun-**  
 quam statim superordinavit. 30. Synodi  
 non festinabant superordinare, ut prius  
 referrent Judicium suum ad Romanam  
 Sedem. *Ibid.*  
**Africane Ecclesie in variis articulis alterata**  
 ac sauciata Hierarchia sub Wandalica  
 civitate. 304  
**Africane Ecclesie Synodus de appellationibus**  
 Romanis, &c. 555  
**Africane Ecclesie Synodus de appellationibus**  
 Romanis, quo anno celebrata fuerit?  
 657. 658. An illa verba: *Sicut & de Episcopia*  
*sape constitutum est*, sint addita collectioni.  
 658  
**Africana Ecclesia semper habuit ab antiquo**  
 singularem Canonum Codicem, 430. Primum  
 in illo locum occuparunt Nicæni  
 Canones, *Ibid.* Proximè sequebantur  
 Canones à Synodo, aut Synodis Grati, qui  
 interfuerat Synodo Sardicensi. 431  
**Africana Ecclesia semper debuit quasquæque**  
 graviores causas referre ad Sedem  
 Apostolicam. 431. Cyprianus ob non relatam  
 Fortunati intrusionem reprehensus à  
 Sancto Cornelio, *Ibid.*  
**Africane Ecclesie judicia exponuntur.** 544  
**Africane Ecclesie privilegia, an gaudeat**  
 Gallicana Ecclesia? 205. & seqq.  
**Africana Ecclesia habuit plures, quàm**  
 quingentas Episcopales Cathedras. 380  
**Africane Provincie omnes, exceptâ Tripoli,**  
 habebant serè centum Episcopos. 552  
**Africanarum Synodorum varæ species, forma,**  
 arque auctoritas. 527. & seqq.  
**Africani Concilii literæ ad Cælestinum**  
 miserandæ. 111. 139. Africani non  
 admittebant nisi viginti Canones Nicænos. 111.  
 112. Quænam inde concluderent. *Ibid.*  
 Eadem literæ ab Hincmaro Rheimensi  
 citatæ. 139  
**Africanus Codex fueritne vitiat?** 654.  
 655.

fueritne opus Synodale, an personale? 655. 656. Author est palam impurus, & scripsit sub Celestino Pontifice. *Ibid.* Canonessilli non sunt Concilii Milevitani, *Ibid.*  
**A**fricani Episcopi, quomodo fuerint stipulati cum Romanis Legatis de appellationibus. 678. *Interim*, de quo actum fuit, non erat de Episcopalis appellationis substantia, sed dumtaxat de ordine & modo 679  
**A**fricani Episcopi potuerunt Romam appellare, juxta Augustinum. 705. Nequibant suarum causarum Judices deligere extra Diocesim, & forsitan nec extra Provinciam. 909  
**A**gapetus Pontifex deponit Anthimum, cumque jubet ex Constantinopolitano Patriarcha denuo esse Trapezuntinum Episcopum. *Ibid.*  
**A**lexandriini Patriarchatus translatio in Sedem Carthaginensem est fictio. 405  
**A**lexandrino Patriarchæ, cur totius Ægyptiæ Diocesis administratio commutatur? 109  
**A**lexandrinus Patriarchatus privativè spectat ad primam cognitionem Romani Pontificis, ideoque sine prævia ad illum relatione, & sine accepto ad ipsum Rescripto non potest ab illa Synodo damnari. 286  
**A**lexandriini Patriarchæ quomodo sepelirentur? 500. 501. Non acceperunt olim Romæ pallium. *Ibid.*  
**S.** Ambrosii ad Imperatorem Theodosium pro Maximo Cynico Romam appellante epistola. 51  
**S.** Ambrosii Catechumeni in Episcopum ordinatio, approbata ab Ecclesia Romana. 303  
**S.** Ambrosius quomodo explicet Canonem. 3. & 7. Sardienfis Concilii. 148. Scripsit epistolam Patriarchalis Synodi Aquileiensis, cui interfuerunt septem Gallicani Episcopi. 298. Approbat Romanam appellationem Maximi Cynici. 162. Vocatur in Gallias. 99. Refugit interesse Synodo Taurinensi. *Ibid.*

**A**ngelus Rocca Tagastensis Episcopus, quid de Gregorii Mag. Pallio scripserit? 520.  
 521  
**A**ngilramnus circa appellationes Gallicanæ Ecclesiæ erravit veniali errore. 201  
**A**nonymorum scriptis non est necessariò respondentum. 558  
**A**nonymus de antiquis & majoribus Episcoporum causis contra Joannem David Apologus. 550. Cur Authoris nomen suppressum. 558  
**A**nonymus scriptor vitæ S. Hilarii Arelatensis, an fuerit S. Honoratus Massiliensis Episcopus? 225. Affirmat Quænellus, sed male ex Muzo, Chiffletio, &c. 25. 26  
**A**ntiochena Sedes ab Apostolica Sede Magnæ Romæ judicatur. 64  
**A**nthimus semetipsum in Constantinopolitanæ civitatis Cathedrali intrusit, hæreticæ Theodoræ Imperatricis favore nixus. 78. Occultè foverit Eurychianam hæresim *Ibid.* 80. Ipsum deponit Agapetus Pontifex, & ex Constantinopolitano Patriarcha jubet denuo esse Trapezuntinum Episcopum. *Ibid.*  
**A**nthimi hæretici hominis sine excommunicationis dacia in dando Imperatoribus pallio. 460  
 461  
**A**ntiochenæ Synodi epistola ad Julium Pontificem, est Eusebianæ Factionis. 269. Ostenditur ex Rescripto Julii. *Ibid.* Julius censet eas literas fuisse supprimendas. *Ibid.* Epistola petiti, aut later. *Ibid.*  
**A**ntiochenæ Synodi Canones continent Eusebianæ Factionis oculos fueros. 115. Eos non sola Romana, sed & omnis Orthodoxa Orientis Ecclesia fuit averfata. *Ibid.* Cessante Eusebianâ vassitute, placere ceperunt etiam Romanæ Ecclesiæ. *Ibid.* debent intelligi cum clausula Innocentii primi: *Sine præjudicio Romana Ecclesia, cui in omnibus causis debet reverentia custodiri.* *Ibid.* 184. 221. Petrus à Marca utitur his Canonibus in sensu Eusebiano. *Ibid.*  
**A**ntiochena Synodus damnavit proprium Patriarcham.



triarcham Paulum Samosotenum ob crimen Hæresis. 68. Nicænum Canonem quintum malè intelligit. 116  
 Antiocheni Canones damnati per Synodum Sardicensem. 124. 134. 2. l. 237. Evertunt Canones Nicenos juxta Iulium Pontificem in epistola ad Synodum Antiochenam. 223  
 Antiocheni Patriarchatus translatio in Sedem Hierosolimitanam est figmentum. 405  
 Antiochenus Canon 15. pertinet ad dolosas Eusebianæ Factionis contra S. Athanasium sutelas, & privilegium Romanæ appellationis. 114. 115  
 Antonius Capellus edidit insigniter eruditum de Romanis Afrorum appellationibus opusculum. 699  
 Antonii Fussalensis Episcopi Romana appellatio. 603. 607. & seq. Non fuerat ei potestas ablata, sed diminuta. 610. Quomodo à Bonifacio fuerit absolutus? 605. Item quomodo à S. Augustino Episcopus creatus? 606. 607. Ejus appellatio non fuit mera translatio, vel *interim*. 610. 611. 616. Quando Romam appellaverit? 624.  
 Antonii Fussalensis Episcopus subscripsit epistolæ Aurelii ad Celestinum. 637. Quomodo erga illum se gesserit Augustinus. 636. 637  
 Apiarii attentata appellatio fuit origo omnis controversiæ in Africa de Romanis appellationibus. 621. Fecit horridos motus per totam Africam. 628. Ejus crimina. 658. 659. Restitutus fuit in gradum Presbyterii, non tamen in Siccentem Ecclesiam. 662. 663. Cur Africani Episcopi Romanam ejus reparationem admiserint. Ibid.  
 Apiarii causam retractant Africani Episcopi 652. Causa ejus quomodo tractata à Faustino Legato Romanæ Ecclesiæ? 693  
 Apiarii Presbyterii appellatio Romana. 555. Contra gentis suæ consuetudinem. Ibid. Per Zozimum reparatio facta fuit quidem valida, sed illegitima. 579. 649

Apiarius erat Siccentis Ecclesiæ in Cæsariensi Mauritania Presbyter, idèdque à Romana civitate remotissimus. 190. Labitur proinde à Marca affirmans, quod Zozimus vicinitatis jure ejus appellationem admisit. Ibid.  
 Apiarius, utrum primus provocaverit ad Apostolicam Sedem? 634  
 Apocalypsis prima verba decimi tertii Capitis migrarunt in finem Capitis duodecimi. 412  
 Appollinarij damnata per Damasum Pontificem hæresis 866. 867. Fraus & receptio. Ibid.  
 Apostolicæ Ecclesiæ duplices, aliæ per Apostolicam fundationem, aliæ per solam doctrinæ Apostolicæ consanguinitatem. 372  
 Apostolica Ecclesia est triplex, Romana, Alexandrina, ac Antiochena. 285. Sola S. Petri Episcopalis insessio facit Apostolicam Sedem. Ibid.  
 Apostolicæ Ecclesiæ multæ erant dumtaxat suffraganeæ. 289. Talis erat Ecclesia Colossensis. Ibid.  
 Apostolicæ manus appositio antiqua. 98  
 Apostolicæ Sedis auctoritas 20. 21. vide Romanus Pontifex.  
 Apostolici Vicarii in Gallia, Arelatensis, & Rhemenfis Ecclesiæ Antistites. 214  
 Appellandi & provocandi vocibus Synodus Sardicensis usa est in propria significatione. 245. 248  
 Appellare ad Patriarcham in suæ Provinciæ Synodo potest Clerus inferior in Oriente. 184  
 Appellare Cleri Afri poterant tribus modis: ad Provinciæ Synodum: ad Provinciæ Primatem: & ad Vicinos Episcopos. 553. Ad transmarina ex antiqua consuetudine non poterant. Ibid.  
 Appellari non posse à Provincialibus Synodis nemo unquam somniavit, nisi novissimis diebus Petrus de Marca, & Stephanus Baluzius 9. Hæc sordes resorbet Quæsnellus. 10. Canones, qui Provincialium Synodorum

# R E R V M E T V E R B O R V M.

nodorum judicia sanciant non esse Romanis appellationibus obnoxia, ignorantur.

241. & seq.

Appellari potest à Concilio generali, ad solium Romanum Episcopum, adeoque hic est generali Synodo superior.

826

Appellatio ad Patriarcham non censetur facta ad Patriarchalem Synodum.

783

Appellatio ad Romanæ Ecclesiæ Clerum vacante Sede Romana. 176. In causa Marcionis, & S. Cypriani.

Ibid.

Appellatio ad Romanam Sedem non requirit, ut iudices à quibus appellatur simul consideant, & judicent.

152. & seq.

Appellatio Episcoporum Orientalium à suarum Provinciarum Synodis damnatorum ad Patriarchas, aut Exarchos.

263. & seq.

Appellatione ad generale Concilium Romani Pontificis autoritas non suspenditur.

771.

Causa dumtaxat devolvitur, idque ex beneplacito Pontificis.

Ibid. & seq.

Appellationes fundantur in hac generali regula: *Ab inferioribus prior discussi non possunt.*

64.

Multis exemplis id probatur.

Ibid.

Appellationes Gallicanæ Ecclesiæ ad Sedem Romanam Parocdi.

90. 91. 96.

Sunt antiqua Ecclesiæ Gallicanæ consuetudo.

8. & seq.

Eas nunquam in Gallia, vel Africa fuisse admittas docet Ioannes Calvinus.

10.

Non soli Episcopi, sed & infimus Gallix Clerus semper Romam appellavit.

12.

Romani appellarunt Laici Galli, etiam à pœnitentiis publicis.

14.

Eandem sententiam tenuit Imperator Ludovicus pius, & cuncti tunc per Galliam & Germaniam Episcopi.

Ibid.

Item Carolus Magnus.

15.

Ejusmodi appellationes non sunt recentr in Galliam invecit.

33.

Multis exemplis probantur.

33. 36. 38. 193.

& seq.

Appellationes immediatæ ad Romanam Sedem moderandæ sunt Apostolica Regula:

*Omnia mihi licent, sed non omnia expediunt.*

209. Constat ex S. Bernardo.

Ibid. Romani

Pontificis hac in re quandoque nimium benigniteste Triburienſi Synodo.

Ibid.

Appellationes in Africa directæ secundum Sardinensem Canonem.

552. 553

Appellationes Romanas ex Afrorum appellatione primus impugnât Photius.

556.

Item Balsamon & Meletius schismaticus, Zonaras, & in Florentino Marcus Ephesinus.

Ibid.

Item Ioannes Calvinus, ac Marcus Antonius de Dominis, & facinorosus in Gallia tenebrio.

558.

Et cum moderatione de Marca, Baluzius & Quenellus.

559

Appellationes Romanæ confirmantur per Theodosium II. ac Valentinianum III.

13.

Item per S. Avitum.

14

Appellationes Romanæ non fundantur principaliter in Canonibus Sardienſibus.

120.

Fundantur in traditione Evangelica à Iulio I. allegata.

Ibid.

Appellationes Romanæ per Illyricum liberis semper pedibus ambulaverunt.

308.

Appellationes Romanæ non solis suburbicariis Provinciis olim licuerunt.

627

Appellationes Romanæ sunt suprema Romanæ Ecclesiæ dignitas, & de ipsa Dominus singulariter dixit ad Apostolici Collegii Principem.

Confirmo fratres tuos.

15. 310. 327.

380. Fieri possunt immediatæ ad Pontificem sine Concilio generali juxta S. Ambrosium, Theodoretum, Cyrensem, Eusebium Dorylensem.

148. 149.

Non sunt desumptum ex regia violentia imitamentum.

244. & seq.

Appellationibus Romanis nulla Synodus, nullus Pontifex potest derogare.

580

Appellationes Romanæ variz. Ioannis Presbyteri contra Ioannem Constantinopolitanum.

32. S. Athanasii.

115. 120. 329.

Marcionis. 173. Maximi Cynici. 147. Marcelli Ancyran.

Ibid.

Basiliidis & Martialis.

581.

Herleſtridi Presbyteri.

207. 208.

Bubalii ac Taurini.

307. Ianuarii Malacitani & Stephani.

358. 359.

Petri Alexandrini

330.

C c c c c c 3

330.

330. 860. Flaviani. *Ibid.* Nectarii. 329.  
330. 340. Meletii. 330. & seq. Achillis,  
332. Adriani in Thessalia. 364. Antonii  
 Fussalensis. 607. Ioannis Alexandrini, 872  
 Eutherii & Helladii, 861. Primosi. 609  
 Appellationibus Romanis nihil contrarium  
 continet lex Gratiani postea innovata, &  
 extensa ab Imperatoribus Arcadio, ac  
 Honorio. 224. & seqq. Hincmarus Rhe-  
 menfis primus prætendit per Gratiani le-  
 gem eventi damnatorum Episcoporum  
 Romanas appellationes. 227  
 Appellationi Romanæ Cælestii Hæresiarcho  
 nullus Afrorum Episcoporum contradixit.  
650  
 Appellationi Romanæ Eutychetis Theodo-  
 sius Imperator iussit adscribi effectum sus-  
 pensivum. 761. Instrumentum appellationi-  
 nis. 883  
 Appellationis ac Relationis eadem est pote-  
 stas. 208  
 Appellationis exemplum nullum est in quo  
 damnatus à sua Synodo provocavit, non  
 ad Papam, sed ad alium Metropolitam,  
 aut Patriarcham. 789  
 Appellationis Romanæ retractatorium iudi-  
 cium non est renovandum in eadem, aut  
 vicina Provincia. 184. 201  
 Appellatio non fit à contumelia citra potesta-  
 tem ullam attentata juxta avitam à Pelagio  
 primo laudatam regulam. 57. 58  
 Appellationum Gallicanæ Ecclesiæ abusus.  
200  
 Appellationum Romanarum à Gallia for-  
 mam cœpit immutare inserta per barbaros  
 Reges calamitas. 83. Antiquam for-  
 mam reduxit Carolus Magnus. *Ibid.*  
 Appellationum Romanarum potestatem dele-  
 gare nunquam consuevit Sedes Aposto-  
 lica. 327  
 Appellationum Romanarum Regula juxta  
 S. Gelasium: *Ad Beati Petri Apostoli Se-  
 dem de qualibet mundi parte Canones appel-  
 lari voluerunt: Ab illo autem nemo est ap-  
 pellare permixtus.* Item alia regula: *Cuncta*

*per Mundum novis Ecclesiis, quoniam quo-  
 rumlibet sententiis ligata Pontificum, Sede  
 B. Petri Apostoli juxta habeat resolvendi.* 95  
 Appellatio orientalis Illyrici ad Romanam  
 Sedem semper fuit in usu 326. 327  
 Appellatio Romana Clericorum Constanti-  
 nopolitanorum ad S. Celestinum contra  
 Nestorium. 796  
 Appellatio Romana licita Africanis Episco-  
 pis, non inferiori Clero. 576. & seq.  
597  
 Appellatio Romana Athanasii, ex Orienta-  
 lium firmata testimonio S. Gelsii. 879.  
 880. Bonifacii primi. 881. Celestini. 882  
 Appellatio Romana fuit semper permixta  
 Orientalis Ecclesiæ Clericis etiam inferiori-  
 bus. 185. & seq.  
 Appellatio Romana Felicissimi, atque Vin-  
 centii Diaconorum Ecclesiæ Lamingensis.  
749. Item in causa Constantii & Mustelli  
750. Etiam in prima instantia. *Ibid.* Item  
 in causa Regensis civitatis Episcopi. 750  
 Appellatio Romana solita fieri non solum  
 adversus latam, sed etiam adversus fe-  
 rendam à Synodis sententiam. 345  
 Appellatio S. Flaviani adversus generalem  
 totius Ecclesiæ Synodum, est sublime ac  
 extremum Romanæ appellationis exem-  
 plum. 782. 847  
 Aquilensis Synodi epistola per S. Ambro-  
 sium scripta, 298. Fuit Patriarchalis Syno-  
 dus, à qua Ecclesia Gallicana non fuit  
 exempta, *Ibid.* Adversus septem Gallicani  
 Episcopi. *Ibid.*  
 Archidiaconi, & Archipresbyteri, an  
 fuerint in Hipponensi Ecclesia. 543. Item  
 Emeritensi in Hispania. *Ibid.* Certum est  
 fuisse in quibusdam Africæ Ecclesiis. *Ibid.*  
 Archiepiscopi titulus olim an daretur solis  
 Patriarchis, vel Autocephalis? 387  
 Arelatensis Provinciæ divisio. 23. 24  
 Arelatensis Synodus in causa Chelidonii, quo  
 Anno, & loco celebrata? 27  
 Augustini epistola ad Celestinum non est  
 spuria. 608. Clarè refert S. Augustini sty-  
 S. Augu-

# RERVM ET VERBORVM,

- S. Augustinus ad Innocentium immediate  
desert Pelagium, quia erat vagabundus.* 102
- S. Augustinus à Megalio Calamensi Episcopo  
infamatus de propinatis mulieri amaro-  
riis proculis. 429. Augustinum purgavit  
numerosa Synodus, & Megalium compulit,  
ut Augustinum propriis manibus consecra-  
ret.* Ibid.
- S. Augustinus antiquam formam, secundum  
quam Africanæ Synodi Primates suos  
evocabant, insigniter describit.* 71
- S. Augustinus Apostolicæ Sedis auctoritatem  
constantissimè ac lucidissimè docet.* 721
- S. Augustinus auctor, cur S. Chrysostomus  
gradui suo restitutus fuerit,* 240
- S. Augustinus civiles Laicorum causas audie-  
bat diligenter, ac piè, 544. Aliquando  
ad Horam refectonis, aliquando totâ die,  
semper tamen jejuniâs, 544. Clericos non  
puniebat solummodò, sed etiam degrada-  
bat.* Ibid.
- S. Augustinus curavit sibi in successorem eligi  
Presbyterum Etradium,* 527
- S. Augustinus docet, quod debemus permane-  
re in Occidentalis Ecclesiæ sensibus, quæ  
nos genuit, docuit, & baptizavit.* 285
- Augustinus epistolâ 165. Donatistas designat,  
non Cupizitarum nomine, ut mendosè  
legitur, sed Ruptitarum,* 413
- S. Augustinus fuit delicatæ conscientiæ, &  
cogitat de Episcopatu deponendo, &  
agenda humili pœnitentiâ, si conspexerit  
per eum, cujus Episcopatu per impruden-  
tiam suffragatus fuerat, vastari Ecclesiam  
Dei, &c. 608. 609. Similia scribit Xan-  
tippo Primati, 608. Ad deponendum Epi-  
scopatum fuit paratissimus,* 609
- Augustinus graviter redarguit Secundum Epi-  
scopum Numidiæ Primatem, quod dam-  
nato Ceciliano superordinasset Majorinum  
antequam ista damnatio confirmaretur per  
Romanam Ecclesiam,* 52
- S. Augustinus in Hipponensi magna Synodo  
adhuç Presbyter exposuit Apostolicum*

- Symbolum,* 434
- S. Augustinus insigniter laudatus à Capreolo  
Carthaginensi,* 740
- S. Augustinus, quam potestatem retinuerit in  
Presbyterum Fussaleni Episcopatus à se  
erecti,* 631
- S. Augustinus quando agit de Cecilianî cau-  
sa, cur Ecclesiæ Romanæ adjungat omnes  
Apostolicas Ecclesias?* 598. *See seq.*
- S. Augustinus quid sentiat de Synodalibus  
Philippo Politani conventiculi literis.* 420
- S. Augustinus Romanis appellationibus se non  
opposuit, alias non ita commendaretur à  
Pontificibus Romanis,* 708
- S. Augustinus senex ob insolentiam plebis  
Fussalanæ Episcopatum vult deferere, &  
semetipsum damnare ad perpetuam pœni-  
tentiam, 607. Similia scribit Xantippo Pri-  
mati,* 608
- S. Augustinus S. Petro mansit fidelissimus,  
116. patet ex epistola, quam de causa An-  
tonii Fussalensis scripsit ad Celestinum  
Pontificem, Ibid. Non fuit Author infelicitis  
epistolæ Aurelii & quorundam Afrorum  
Episcoporum ad Celestinum, 159. Ro-  
manas Afrorum Antistitem appellationes  
constantissimè defendit,* Ibid.
- S. Augustinus Synodi Numidiæ mens, os, &  
lingua.* 707. 708
- Augustinus solus damnat Rusticanum in Hip-  
ponensi Diœcesi Parochiæ Rectorem, qui  
solemne in Dominici Natalis Vigilia jeju-  
nium violare, aliaque præsumperat.* 545
- Factum id contra Carthaginensis primæ  
Synodi Canonem undecimum, quo Augu-  
stinus asserit se nolle eligari 545. 546. Vide-  
tur Canonem non omnis Africa, etiam post  
Genethlii confirmationem, admisisse Ibid.  
& huic parti adhæsit S. Augustinus, Ibid.*
- S. Augustinus tamquam Legatus Numidiæ,  
cujus sententiæ fuerit in Concilio Cartha-  
ginensi?* 684
- S. Avitus Romanas in Gallia appellationes  
profiteretur.* 14. 151
- Aurelianensis Synodus 3. deviat dum jubet  
Metrog*

- Metropolitanos à Metropolitanis consecrari, [407](#)
- Aureliani Imperatoris Iudicio non est collatus Primatus Pontifici Romano, [256](#)
- Aurelii Carthaginensis Episcopi Synodus extrinseca, [116](#). Ex quo coepit Romanas appellationes invadere delevit ab Augustino, Alipio, & Possidio. *Ibid.* Prævaricatur [5](#). Nicænum Canonem, *Ibid.*
- Aurelii Carthaginensis epistolæ ad Cælestinum se non immiscuerunt S. Augustinus, Valentinus Numidiæ Primas, & ferme omnes istius Provinciæ Episcopi, imò constanter fuerunt refragari. [609](#)
- Aurelii Carthaginensis epistolam de Romanis appellationibus, quidam censent esse spuriam & fictam, [112](#). Non est hausta ex S. Cypriano, neque ex S. Augustino. *Ibid.* Non agit de Provinciæ, sed totius diocesis Synodo. [252](#). Epistolæ non adhesit Augustinus. [707](#). Aurelio scilicet juvenes adhaerent. [708](#)
- Aurelius Carthaginensis, ejusque Episcopi, cur ignoraverint Canones Sardicenses? [431](#). Synodi sub Aurelio fuerunt omnino viginti. *Ibid.* Cur appellationes Romanas abrogare tentaverit. [617](#). Non apparet in Romanis Sanctorum tabulis ob finalem lapsum. [708](#)
- Aurelius Carthaginensis censuit Episcopos Afros non posse Romam provocare. [621](#)
- Authoritas Tertulliano idem est, quod origo, [370](#). Fuit Afri familiaris hujus vocis acceptio. *Ibid.*
- Autocephali etiam Sardicenses Canonibus subiecti. [53](#). [34](#)
- Autocephali Exarchi tres, Heraclensis, Ephesinus, & Cæsarensis. [186](#). Quamdiu manserint autocephali? *Ibid.*
- Autocephalorum Episcoporum Exarchorum confirmatio, & consecratio privativè, ac sine medio spectat ad Romanum Pontificem, [74](#). [77](#). [78](#)

- B Agadii de Bostrensi Episcopatu contentis de cæstio fieri non potuit nisi per plenam totius Provinciæ Synodum. [106](#)
- Bagaensis Synodus, [408](#). [409](#)
- Balduini Flandrensis Forestarii ad Sedem Romanam appellatio. [195](#)
- Baluzii lapsus de appellatione à Provincialibus Synodis, [9](#)
- Baptisterium olim in quavis civitate unicum fuisse videtur, [671](#)
- Baptizantibus Competentibus Orientalis Ecclesiæ post Nicænam Synodum desit dare Symbolum Apostolicum, & coepit tradere Nicænum, [770](#)
- Basilicæ Fausti frequens apud S. Augustinum mentio, [670](#)
- Basilides Asturiensis Episcopus Romam appellat. [49](#). [51](#). [52](#). Ob Idololatricæ libellos ac alia crimina à Synodo sua degradatur, [50](#). Reparatur & restituitur per S. Stephanum Pontificem. *Ibid.* Asturicenses in Basilidis locum eligunt, & consecrant Sabinum. *Ibid.* Basilides & Martialis S. Stephanum per obreptiones circumveniunt. [52](#), [53](#). Non sunt reparati per potentiam aut dispensatoriam gratiam, [53](#). Hæc enim ignorabat istorum temporum immobilis disciplina, [53](#). [56](#)
- Bassianus invitus consecratur Evazorum Episcopus, [74](#). Renuit thronum illum accedere, [75](#). Cum multa necessitate, & vi inthronizatur in civitate Ephesi & confirmatur ab Imperatore. *Ibid.* Proclus hanc inthronizationem pessimè capit. *Ibid.* Per quatuor annos Bassianus in plena pace sedet Episcopus. [77](#). Degradatur à S. Leone eò quod præter regulas promotus erat. [77](#). S. Leonis Judicium probavit Chalcedonensis Synodus, [28](#)
- Bassianus quomodo violenter degradatus, & Episcopali pallio privatus, [525](#)
- Benedictus III, quæ privilegia Hincmaro con-

- concesserit, 489. & seq. An concesserit quotidianum solum Pallii. *Ibid.*
- Bernardus primus Patriarcha latinus Antiocheporum, quâ ratione & conditione Româ Pallium acceperit? 508. & seq.
- Birrhum quid Græcis dicatur? 445. Erat vestis ampla, talaris & longa. *Ibid.* Episcopalem Birrhum Græci jam pridem appellant Mandyam undulatam. *Ibid.*
- Bonifacii I. epistola ad Luppum Thessalonicensem Archi-Episcopum in Romana Bonifacii II. Synodo vulgata per Lucam Holstenium, 328. Manifestè docet Orientalium Ecclesias in magnis negotiis in quibus opus esset disceptatione majori Sedem semper consuluisse Romanam, 581
- Bonifacii II. nomine epistola ad Eulalium est ficta ac supposititia. 112. 738. Quænellus eas devias ac miserandas literas malè probat, & exipsis quintum Nicænum Canonem exponit, 113
- Bonifacii II. per D. Lucam Holstenium vulgata Synodus, 328
- Bonifacii Pontificis Gallorum in Romanam Sedem observantiæ præclarum testimonium, 196. Teste Prospero contra Collatorem non solum *Apostolicum*, sed etiam *Regiæ utebatur editis*, 167
- Bonifacii Pontificis tempore, quàm rudes fuerint Episcopi Gallorum. 82. 84. Quàm miseri Diaconi ex quibus Presbyteri ac Episcopi creabantur, *Ibid.*
- Bonifacius Pontifex quandonam fuerit electus, 666
- Bonifacius Pontifex suo tribunali affixam Maximi Valentini Episcopi causam delegat Narbonensi Synodo. 99. Delegatio facta est sub Consularu Monaxii. *Ibid.*
- S. Briceus Turonensis Episcopus egestus per rebellem populum Romam appellat. 33. Per Romanum Apostolicæ Sedis iudicium recipit suum thronum atque Ecclesiam. *Ibid.*
- S. Briceus Turonensis Episcopus injustè accusatur à Lazaro. 91. 96. Degradatus Romam appellat. *Ibid.*

Bubali & Tauriani appellatio à Synodo Macedoniæ ad Romanam Sedem. 307. 308. 326. Quales literas Bubalius finxerit. 308. Non videntur fuisse reparatrices. *Ibid.*

C

- Cæsarius Arelatenfis Episcopus videtur primus in Gallia usus Canonibus Africanis. 644
- Canonum collectio, quæ in quinquaginta titulos distributa Theodoretii Cyrensis nomine extat in manuscripto Codice Bibliothecæ Regiæ, an reverà sit Theodoretii Cyrensis? 309. Cur Theodoretus Cyrensis Sardicenses Canones in suam collectionem conjecerit? *Ibid.*
- Calchedonenfis Synodi latina translatio facta videtur à Juliano Coensi Episcopo, uno ex Patribus Calchedonenfis Concilii, 526
- Calchedonenfis Synodus, non tam ad Eutychetis adversus Leonem, quàm ad S. Flaviani ad ipsum factam appellationem retractandam, fuit indicta. 871
- Calvinus malè docet Romanas appellationes nunquàm in Gallia, & Africa fuisse admittas. 11. In quo statuat Romanæ Ecclesiæ Primatum. *Ibid.*
- Caroli Calvi nomine ad Joannem VIII epistola ab Hincmaro Rhemensis. 198. Non est palàm prævaricatoria, cum supplicet Pontifici, & potius contra Clericalium appellationum abusum supplicat, quàm contra substantiam. 200. Peccat tamen quod ex abusu prætextu molitur suffocare substantiam. *Ibid.*
- Caroli Calvi professio fidei. 197. Unicus ferè ab Hincmaro Rhemensis circumscriptus egisse videtur contra Romanas appellationes, quas tamen postea admittit. *Ibid.*
- Capreolus Carthagenensis Episcopus proximus Aurelii successor Bedulam Diaconum suum misit legatum ad Ephesinam Synodum. 738. Fuit integerrimus Catholicus.
- D d d d d com.

# I N D E X

communione, & magnæ apud omnem Ecclesiam autoritatis. 739. Duas adversus Nestorem scripsit epistolas sanctissimas ac eruditissimas. 740

Carolus Calvus electus in Imperatorem anno septuagesimo primo sæculi noni. 199

Carolus M. quâ ratione cognovit de causis diffisionibus Clericorum. 142. In nullo voluit lædere appellationes Romanas. 196.

Canonum de Appellationibus Romanis vigorem læsum per Galliarum invasores Reges barbaros reduxit in Galliam. 67

Cardinales Presbyteri Romæ tempore Optati Milevitani quadraginta, & Cardinales Diaconi, quatuordecim. 416

Carthaginensis Archi-Episcopi dignitas, quod solus in Africana Ecclesia habuerit pallium, ipsumque acceperit à Sede Apostolica 442

Carthaginensis Ecclesia non est Autocephala, adeoque ejus Sedes non fuit inter maximas. 41. Remotissima fuit à Patriarchali dignitate. 387. Hinc ejus Episcopus in plenaria suæ Diocesis Synodo non habuit singularem thronum, sed sedit Collega inter Collegas. Ibid.

Carthaginensis Ecclesiæ dignitatem graviter læserunt Donatistæ 296

Carthaginensis Ecclesiæ prærogativæ decem. 430. & seq. Prima, consecratio omnium per Africam Episcoporum. Ibid. Secunda. Consecratos Episcopos referre Romam. 432. Tertia, decedentium ac succedentium piscoporum Matriculam accipere. 433.

Quarta judicium, ac definitio questionum circa successionem Primatum, & ipsorum, licet nulla esset controversia, confirmatio. 433. Quinta. Custodia disciplinæ & observationis Canonum. 434. 435. Septima. Jus ac obligatio visitandi omnes Africanas Ecclesias. Ibid. Septima. Per omnem Africam invitis Episcopis novos Episcopatus erigere. Ibid. 437. Octava. Clericum alienum eripere, & Ecclesiæ indigenti dare. 439. Nona. Ge-

nerales suæ Gentis Synodos indicere, tempus & locum determinare eisdem, habere jus Relationis ac prærogativam suffragii. 440. Decima. Quod Carthaginensis Episcopus quibuscumque Synodalibus literis ac mandatis solus subscriberet. 341. Undecima. Omnibus per Africam Ecclesiis diem Paschalem quotannis denuntiare. Ibid. Duodecima. Quorumvis Monasteriorum Monachos posse transferre, ac evehere in Clerum. Ibid. Decima tertia. Quod à quovis Monasterio potuerit eligi in Superiorem. Ibid.

Carthaginensis Episcopus post Romanum Pontificem primus Archi-Episcopus, & totius Africæ maximus Metropolitanus. 396. Dicitur primus Archi-Episcopus intra Romanum Patriarchatum. 397. Possit ne dici Episcopus Episcoporum? 393. Non fuit Autocephalus, sed Patriarchico jure subiectus Romanæ Ecclesiæ. 393. Innocentius I. Carthaginensem Ecclesiam primum ponit in eadem classe cum Ecclesiis Hispanis, Gallis, Italis, ac Siculis. Ibid.

Carthaginensis Primas ad Romanam Ecclesiam semper regulit qualvis graviores ac difficiliore causas, & quovis de novo consecratos Episcopos. 394. Constat ex variis S. Cypriani, epistolis. Ibid. Item ex facto Monachorum Martiniani ac Saturniani, & ex epistola Leonis IX. 395

Carthaginensis Primas, an olim acceperit pallium à Romana Ecclesiâ? 499. Ubique judicatus poterat provocare ad Sedem Apostolicam. 393. Locum id etiam habet in cunctis Afrorum Episcopis. Ibid.

Carthaginensis Primas poterat Presbyterum alienum, etiam unicum, indigenti Ecclesiæ Episcopum dare. 439. Potestatis illius usus plures lites causavit in Africa, quas S. Augustinus, per introducta Monasteria, ac miscuè statim multiplicata, extinxit. 440

Carthaginensis Primatis, quæ fuerit potestas sacrarum ordinationum? 421. poterat alienos

alienos Clericos, non dumtaxat in suam transferre Ecclesiam, sed insuper in quamvis aliam. 423. Poterat omnibus per Africam plebibus, quæ id petierant, ordinare Presbyteros. *Ibid.* Episcopos ordinabat Carthagine per quamlibet pœnè Anni Dominicam. 425. 426. 428. Primates alii passim ordinabant in viduatæ plebis civitate. *Ibid.*

Carthagenensis Synodus nbn est celebrata duodecim post Sardicensem annis, ut vult Leo Acridensis. 261. distantia fuit septuaginta Annorum, 262

Carthagenensis Synodus sexta quando celebrata? 666. ejus acta illustrantur. 669. & seq. Exordium videtur spurium. 670

Carthagenensis Synodus sub Pontificatu S. Celestini. 690. Fuit diversa à Synodo sexta. *Ibid.*

Carthagenensium Episcoporum Successio. 555

Circa illam labitur D. Lucas Holstenius. *Ibid.*

Carthago proconsularis Provinciæ Metropolis. 376. Carthaginis encomia. *Ibid.* Omnium Africæ Provinciarum Princeps & caput. 377. Ab Augustino quandoque vocatur absolute Provincia. *Ibid.* Potestatem habuit in omnes Dioceses Provincias. 393

Carthago, quo sensu à Nilo Doxopatrio dicitur esse in Provincia Byzaci? 379

*Casanate* Cardinalis, vide *Hieronymus*.

Casula omnis apud Græcos est ex lana. 458.

Objectum Latinis, quod gestarent casulas ex serico. 458

Casula non fuit olim pretiosa vestis. 519. Fuit lanea ad instar pallii, quandoque alba, quandoque socinea. *Ibid.*

Cecilianus in Carthagenensem Episcopum electus, & consecratio, quibus de causis impugnata fuerit à Donatistis? 406 383.

Donatistæ Ceciliano superordinarunt Majorinum. 407

Cecilianus vocatus ad Synodum adesse noluit, allegans superiorem citari, aut evocari non posse à subditis 69. Male damnatur in

contumaciam, *Ibid.* Debeuerat deferri ad tribunal Romanæ Ecclesiæ, *Ibid.* 70. An appellaverit ad Melchiam? 587

Melchades non proprio motu, juxta S. Augustinum, sed à Principe rogatus causam Cecilianian ad suum tribunal evocavit, juxta Canones & per suæ Sedis auctoritatem. 590.

Melchadis sententia in ejus favorem. 580.

Cecilianus, utpote Exarchus totius Africæ exemptus à Provincialibus Synodis. 596.

Appellare poterat, non tantum ad Synodum univversalem, sed etiam ad tribunal Romanum. 597

Cedreni adversus Sardicenses Canones objecta. 315

Celestius ad Zozimum Pontificem appellatio. 690. 709. Huic, quod in dogmatica esset materia, nemo Afrorum obstrepuit. 724.

Appellationem desertam resumit, 711. 712

Celestius dolosa fidei professio. 715. & seqq.

Ejus discussi articuli sunt de solo originali peccato, non de natura aut gratia. 711

S. Celestinus impium Nestorium condemnat suâ auctoritate 80. Quod ipsum constanter professus est Ephesina Synodus. *Ibid.*

Proculum Massiliensem Episcopum Vienneis, ac Narbonensis Provinciæ Episcopis audiendum delegat. 88. Approbante S. Cyrillo Nestorium communionem & gradu privatur, nisi intra decem dies canret erroris palinodiam. 802. 805. S. Cyrillo committit Ephesinæ Synodi præsidem. 516. 517. Delegans epistola perit, aut lætet. *Ibid.*

Celestinus Papa Daniele citat Romam. 102

Proculi Massiliensis Episcopi causam non merè dimittit Synodo, sed delegat. 90. 102. Cur Synodo delegaverit causam Maximi Valentini potius, quàm Danielis. 102. 103

Chelidonius adversus Hilarium Arelatensem Romam appellat, ubi absolvitur & Ecclesiæ suæ post plenum causæ examen restituitur. 2. 4. 6. Item 138. & seq. perimam



fit Episcopus, 23  
 Chiffletius existimans Vigilium Tapfensem non loqui de Sardicensi Synodo, sed conventu Philippo-Politano fallitur., 318  
 6. Chrysostomi ad Romam Sedem appellatio. 239. 341  
 6. Chrysostomus, quo sensu contestatus fuerit paratum se ad diluenda crimina coram centum vel mille Episcopis, 782. Appellationem suam coram sola Sede Romana introduxit, & apud ipsam solam est prosecutus, 783  
 6. Chrysostomus Patriarchicam Constantinopolitani Episcopatus Diocesim ac potestatem primus Architectaricæcepit, 260  
 3. Chrysostomus S. Flaviano familiarissimus & sub illo dixit Homelias ad Antiochenum populum, 339  
 Clementius Byzacenzæ Provinciæ Primas Romam appellat, 747. & seq.  
 Clericus alienus sine proprii Episcopi jussu, ac literis ab alio Episcopo nequit incardinari in suam Ecclesiam, 175  
 Clericus in hæresim lapsus, licet, pœnitens, perpetuo est irregularis, 96  
 Clericus omnis, licet non eandem domum aut mensam, olim tamen aliquid communis vitæ habuit, ideoque omnia sua ponebat ad pedes sui Episcopi singulis juxta Monasterii merita distribuendi divisiones mensurnas & sportulas, 171. Inferendi forma postmodum transiit ad Monasteria, *Ibid.*  
 Codex Africanus sitne opus Synodale. 655, 707  
 Cæsarea Palestinæ Metropolis, 41  
 Communio Episcopalis, Clericalis, Laica, 43  
 Concilia intra Gallias non agitantur ex sententia & consensu Regis & omnium Ordinum, 218. Neque, si quid Romæ mitteretur est deliberationi obnoxium, *Ibid.*  
 Concilia non definiunt, neque tractant nisi de motis apud se controversiis, 189  
 Concilii generalis nomine in causa S. Athana-

si non intelligitur totius Ecclesiæ, sed commune partibus contradicentium, 148  
 Concilium generale Constantinopolitanum ex totius Orbis Episcopis indictum à S. Damaso. 148. In Synodis generalibus Orientales Episcopi non sunt conjudices, aut habituri Synodale suffragium, sed Synodalem Romani Episcopi tractatum, aique judicium subituri, *Ibid.*  
 Concilium generale solas sibi à Pontifice delegatas causas potest juxta S. Leonem agitare ac definire, 189. vide *Synodus*,  
 Consistorii Papalis prima mentio, 351. Cardinales Diaconi olim Consistorio, aut Synodo non assistebant, 698. Hodie assident. *Ibid.* Consistorium Papale Siricius vocat *Presbyterium*, 527  
 Constantinæ donationis instrumentum falsi arguitur, 45. Non bene dicitur ab Ecclesia Romana approbatum ab octingentis annis 455. Plures eruditi censent non esse opus adeo antiquum, *Ibid.* Ecclesia Romana illud non probavit, dum suscepit Gratiani Decretum: imò graves Auctores restantur Gratianum ipsum agnovisse istud instrumentum esse spurium. *Ibid.*  
 Constantinopolitana Ecclesia Pallium non accepit à Romana Ecclesia, 502  
 Constantinopolitana Synodus à Damaso confirmata, 303. Nicenam fidem de Sacro. sancta Trinitate ac divina incarnatione insigniter defendit ac stabilivit, *Ibid.*  
 Constantinopolitana Synodus adversus Petri Alexandrini Patriarchæ præsumptionem, 109. Cur totius Ægyptiæ Diocesanos administrationem committat soli Alexandrino Patriarchæ, nec meminerit Romanæ Ecclesiæ? *Ibid.* Canonem 5. Nicæni, si tangit, valde modicè tangit, 111  
 Constantinopolitana Synodus, an postulaverit confirmari à Romano Pontifice? 303.  
 Conflata erat ex pessimis hominibus. *Ibid.*  
 Constantinopolitana Synodus Canone 2: non interpretatur Canonem 5. Nicænum, sed præsertim sextum., 108. 111  
*Com-*

Constantinopolitani Episcopi omnes post S. Joannem Chrysostomum tentaverunt Ephesinos Exarchos suā autocephaliā exuere, ac Regi Civitatis throno subicere, atque ita sese evhere in Patriarchas. 73

Constantinopolitanus Episcopus nondam cōperit habere secundum in Ecclesia locum. 499. 777. 778. S. Leo circa hoc pacta Domini ac Procli, licet per Chalcedonensem Synodum confirmata, potentissimè ac penitus abolevit. 778. Ejus judicium Romana Ecclesia defendit & custodivit per multa secula. Ibid.

Constantinus Donatistas ad se provocantes remisit ad Papam Melchiadem. 181. 583. Non Gallicanos, quos ipsi petebant, dedit Judices, sed Pontificem Romanum. 223. Quò tamen Donatists aliquid impertiret, adjunxit quosdam Gallicanos Episcopos, 583. Donatistarum precestranstulit in formam Appellationis, 588

Constantinus, an idem senserit cum Eusebianis? 280. Verius est, quod non sed Synodo Sardicensi adhæserit. Ibid. Athanasium cum honorificis literis remisit in Sedem. Ibid.

Constantinus Imperator ab Eusebianis dictus Episcopus Episcoporum, 222, 280. In decernendo faciens se Principem Episcoporum dicitur *abominatio desolationis, quæ à Daniele prædicta est.* 234. Suadentibus Eusebianis plusquam trecentorum Episcoporum conventum ex Ecclesia transfert ad palatium, ac ipse præsidet & Episcopos cogit ad sua desideria, 247. In Ecclesiæ Synodis agebat omnia, 280. Quæ Mandata miserit ad Ariminensem Synodum? 281. nolebat Athanasium absolvi ab Ariminensibus, Ibid.

Consuetudines singulares Ecclesiarum possunt aboleri per generales Synodos, 695

Contumeliosi Reiensis in secunda Narbonensi Provincia Episcopi ad Romanam Sedem appellatio, 127. Lapsus fuerat in adulterium & involutus aliis criminibus,

127. 128. Controversia circa ejus penitentiam. Ibid. Provocat ad Agapetum. 129

227. Ejus appellatio non fuit à S. Casario reprobata, sed ficta ejus innocentia. 644

Cornelio Pontifici desertur causa Fortunati Presbyteri, &c. contra sancti Cypriani ex Neophyto Episcopalem creationem. 146

Cornelius decrevit Episcopos lapsos ad Penitentiam quidem agendam posse admitti, ab ordinatione autem Cleri, atque Sacerdotali honore prohiberi, 10. 51

Cosmas Epiphaniensis, ac Severianus Aretihusæ Episcopus damnant Severum Antiochenum, 68

Cresconius Episcopus appellat ad Sedem Romanam, 246

Crescogius suo Codici canonum, etiam inseruit Sardicenses Canones, qui firmant Romanas appellationes Episcoporum. 742

S. Cypriani epistola ad S. Stephanum malè à Joanne Launoy proferbitur, ut spuria. 190

S. Cyprianum de Baptismo errantem Jubaenus ac Pampejus non invaserunt, sed detulerunt apud S. Stephanum Papam, quod ejus error haberet aliquid fundamenti. 68. Ob eam causam S. Stephanus ad damnationem fuit lentior, 71

S. Cyprianus novam in Lapsos clementiam non præsumpsit attentare, nisi factâ relatione ad Romanum vacantis Ecclesiæ Clerum, 194

S. Cyprianus Romanarum in Gallia appellationum assertor, 37. commendat S. Stephano, ut in Provinciam, & ad Plebem Arelatæ consistentem literas, mittat quibus absente Mariano alius in ejus locum substitueretur, 38. Quo sensu dixerit, quod Episcopatus per totam Ecclesiam sit unus? 299

S. Cyprianus sollicitudinem gessit omnis Ecclesiæ, non quidem paternæ justitiæ, sed Fraternelæ charitatis, præsertim circa materiam Novatianensis crudelitatis 42. non scripsit proprio motu in Gallias de causa

# I N D E X

Martiani, 45. tamquam author novæ in lapsos clementiæ singulariter in Martiani damnationem debuit influere. 48. Non contrariatur authoritati appellationis Romanæ, sed soli effectui appellationis frivolæ & per obreptionem, à S. Stephano obtentæ, 53. Favet Romanis Africæ appellationibus. 564. Damnat solas appellationes Africani Cleri inferioris, 571. Fortunatum credidit ob Hæresim non fuisse validè ordinatum, 577. Primus apud Afros è Neophyto ordinatus Episcopus, 564.

8. Cyrilli epistola, quâ transmisit Nicænos Canones, quando scripta, 691
8. Cyrilli Hierosolymitani appellatio discutitur, 234. & seq. Appellat non ad numerosiores Synodum, sed ad suum Patriarcham Antiochenum, 235. Malè à Socrate dicitur primus omnium appellationem usurpasse ad eum morem, qui in foro obtinet, 237
3. Cyrillus Alexandrinus Patriarcha non fuit ausus Nestorium damnare sine præceptione Romani Pontificis, 47. Cur non appellaverit à damnatione facta per Joannis Antiocheni factionem, 57. Ephesinæ Synodo præsedit uice & nomine Celestini Pontificis, 516, 517. Quibus conditionibus convenerit cum Joanne Antiocheno, 839

## D

- S. Damasi circa Romanas appellationes Acta elucidantur, 866. Quid egerit in causa Apollinarii, 867. Item in causa Vitalis, *Ibid.*
5. Damasus non solus, sed etiam ejus successores constanter usi sunt potestate degradandi in cunctos Romani Patriarchatus Metropolitans, 81
5. Damasus Priscillianistas Romam appellantes in conspectum suum, cur non admiserit? 59

Daniel Presbyter Orientalis Ecclesiæ de variis, etiam stupro sancti-Monialium, accusatur, 101. Fugit in Galliam, & tamquam vagabundus apud Patrem communem Romanum Episcopum accusatur, 102

Degradato Episcopo auferebatur etiam sui Patrimonii regimen & ex ipsius proventibus alebatur, 130

Desiderius Archi-Episcopus Viennensis pallio Episcopali ornatus, 474

*Diaecesis.* Vox inducta per Constantinum M. 372

Dionysii Exigui authoritas ex Cassiodoro stabilitur, 648

Dionysium Alexandrinum Episcopi Pentapolitanæ Provinciæ non præsumperunt damnare, sed accusarunt apud Dionysium Pontificem, 69

Dioscorus Patriarcha Alexandrinus præsumit Synodum facere sine auctoritate Sedis Apostolicæ, quod nunquam licuit, nunquam factum est, 158. In Calchedonenâ Synodo debuit è Cathedra descendere, & ut Reusin medio stare, 154. Quanta potuerit in Ephesino latrocinio? 770. Cur oderat Domnum Antiochiæ Patriarcham? *Ibid.*

Domni Antiocheni damnatio, prout à Dioscoro facta est, fuit iniqua, & invalida, 842

Domnus Antiochenus Patriarcha, cur damnatus? 842. Defunctus tempore Chalcedonenâ Synodi, *Ibid.*

Domnus ordinatur in locum Pauli Samosatenensis, 273

Donatistæ recurrunt ad potestatem secularem, 180, 181. Cecilianum apud Imperatorem accusant, 181. Primi retractatorium judicium postularunt à Laico Principe, 234. gravissimè impegerunt in Canones, 585

Donatistæ transcripserunt in totam Ecclesiam Orientalem literas conventuali Philippo Politani solius Eusebianæ factionis facinus, 730. Quid differunt ab Arianis? 729. Cur à Romanis vocati sint Monienenses? 416

Donat-

# RERVM ET VERBORVM.

**Donatistarum schisma** inchoatum à Numidizæ Episcopis, ob Cecilianî Carthaginensis Archidiaconi ad istius Ecclesiæ Episcopatum promotionem. 406. Contendebant Primatem debuisse consecrari à Primatè, & quidem Numidizæ. *Ibid.*  
**Donatistarum varia in Carthaginensis Ecclesiæ dignitatem injuria,** 406  
**Donatus appellari voluit Princeps Carthaginæ.** 84. Eumdein titulum usurparunt Donatistæ, displicuit quæ Synodo Carthaginensi. *Ibid.* Donatus nomen est Afris proprium & familiare. 728  
**Donatus quis fuerit Donatianæ Hæresis Princeps?** 582  
**Dorotheus Martiano-politanus Episcopus pro concione negat Mariam esse Deiparam.** 46  
**Duziacensis Synodus, quid scripserit in causa Hincmari Laudunensis?** 140

## E

**E** Bbonis reparatio quomoddò peracta? 916. Appellans ad Sedem Romanam non fuit sine prævio examine admissus ut Canonicus Episcopus, & pallio donatus. 165  
**Ecclesiæ regimen Monarchicum, mixtum tamen Aristocratizæ.** 109  
**Ecclesiæ sunt ab Apostolis distributz in sex Autocephalias, uni tamen Papali Capiti subjectas Dioceses, tres Patriarchales, & tres Exarchicas.** *Ibid.*  
**Embolus Sophista Constantinopolitanus verumtus ad Imperatorum ingenia, ac naturam se conformans,** 551  
**Electio quandoquæ accipitur pro consecratione.** 489  
**Ennodii Ticinensis Episcopi Apologeticus, quid scribat de Synodo Sardicensi?** 312.  
 313  
**Ephesina Ecclesia à S. Paulo fundata, & à S. Ioanne Evangelista dudum directæ, ægrè**

fert se spoliari suâ Autocephaliâ. 77  
**Ephesina Synodus Metropolitæ potestatem statuit, quod deinceps suæ Provinciæ subfuturus sit. 65. Fuit in duas partes divisa. Ibid.**  
**Ephesina Synodus convenit, non ad solam Nestorii, sed præsertim ad degradatorum ab ipso Clericorum provocationem discutendam.** 872  
**Ephesina Synodus, utrum Oecumenica?** 324. 325  
**Ephesinum latrocinium, cur subinde vocetur universale Concilium?** 848. Cujus auctoritatis sit. *Ibid.* Non habebatur ab omnibus Catholicis passim pro latrocinio. *Ibid.* Causa Synodi. 808  
**S. Epiphanius, quid senserit de Marcione?** 169  
**S. Epiphanius Apocryphis quandoque credit.** 171  
**Episcopales accusationes solus Provinciæ Primas potuit admittere, ac Reos citare.** 549  
**Potuit duodecim Episcopos eligere & iis præsidere, aut alicui decimo tertio vices suas delegare.** *Ibid.*  
**Episcopale iudicium non finit controversiam fidei.** 708  
**Episcopi Italiz, quinam dicantur?** 301. Item, quinam finitimi ad aliam urbem? *Ibid.*  
**Episcopi in Africa quomoddò appellare potuerint?** 553. 554  
**Episcopi Provinciales in Synodis Provinciales Episcopos damnare poterant, concessâ tamen damnatis facultate appellandi.** 104.  
**appellatio, si excluderetur, non tantum in Papalem, sed in Patriarchalem potestatem foret injuriosa.** *Ibid.*  
**Episcoporum translatio summoperè quondam vetita.** 383. Eam Afri æquiparabant rebaptismo. *Ibid.*  
**Episcopus, cuius Sedes Reum reparat, non potest Synodo non præsidere.** 408  
**Episcopus debet esse sine crimine, & præsertim sine flagitio; & quidem patrato post: nonnisi à duodecim Episcopis damnari potuit.** 543. & seq. Suppleri tamen potuit

mit per septuaginta duos idoneos testes.

**141.** Attamen non nisi per Provincie Synodum. *Ibid.*

**Episcopus novus in locum damnati creati in Africa non poterat nisi damnationem Romanæ Ecclesiæ confirmare.** *70*

**Episcopus per injuriam rejectus à sua ad quæ consecratus fuerat civitate, & nunquam admissus, potest in aliam Ecclesiam incarnari ex perpetua omnium Gentium consuetudine & Apostolica disciplina.** **143.** Ista incarnationio nullatenus est translatio. *Ibid.*

**Episcopus solus nequit Collegam deponere, aut criminaliter deponere, nec Metropolita, imò nec Patriarcha id potest in suum suffraganeum.** *106*

**Evagrius à Paulino solo adhuc vivo successor ordinatur.** *137*

**Eulalii contra Bonifacium schisma quomodo compositum** **668.** Nec Alexandrina, nec Carthaginensis Ecclesia inter suos Episcopos unquam habuit Eulaliū. *738*

**Euphrasæ Colonienſis Episcopi Romana appellatio.** **54.** & seq. Item **240. 241.** Fuit, Non fuit damnatus ob Arianam Hæresim, sed Pauli Samosatenſis, aut Marcelli. **54.** Damnatus fuit à propria Synodo: Non tamen processit ad definitivam sententiam, nisi ad esset Maximinus treverensis, & Valentinus Arelatenſis. *68*

**Eusebiana factio à Provincialibus Synodis non exclusit Clericorum ad Patriarcharum provocaciones, longè minùs ad Pontificem.** *196*

**Eusebianæ factionis epistola sceleratissima** **233.** à Marca malè ex illa invadit Romanas appellaciones. *Ibid.* Est epistola Philippo-Politani conventus. **269** Quot subscripserunt? *Ibid.*

**Eusebiana factio.** **61.** Degradat Gandentium Nazitanum, **107.** Despetans non Roman, sed processit Antiochiam & evomit Canonum fucos. **115.** Ecclesiæ Monarchiam impugnant, & Aristocratiam inducere

tentant. *Ibid.* Sardicenis Synodi contrà Eusebianam factionem testimonium. **129** Conjurarunt S. Athanasii, & aliorum restitutionem nunquam admittere. **123.** Cum Hosio & aliis disputantes nihil profecerunt: Omnes de nocte fugerunt Philippo-Polum, & apud Orientale imperium insanserunt tres Patriarchatus esse jure didino Autocephalos. **123.** Iulium Pontificem gradu & communione privarunt. *Ibid.*

**Eusebiana factio malè dicitur noluisse sua iudicia retractari, etiam per œcumenicam Synodum.** *268*

**Eusebiana factio nunquam negavit Provinciales Synodos ad Patriarcham, aut Autocephalum Primatem posse appellare.** **18** Solas Patriarchales ac alias Autocephalas Synodos voluit esse in appellabiles. *Ibid.* & **182. 184.** Appellantes & Romam accedentes Presbyteros comprehendebant per viam ac tradebant in custodias. *183*

**Eusebiana factio Romanas appellaciones antea approbaverat.** **145.** Noctu & insulato Pontifice ob repulsam fugiunt Romam. **146** *146. 162*

**Eusebiani tertio Romam à Iulio evocati.** **271** **Eusebianorum tergiversatio contra Iulium Pontificem.** **143.** In causa Pisci molimina apud Iulium Pontificem. *145*

**Eusebius Doryleensis Episcopus in Calchedonenſis Synodo queritur de occisione Flaviani.** **154.** Primus Eutychetem accusat. **155.** Item Patriarcham Nestorium. **753.** A Synodo Calchedonenſi fuit ex integro reparatus. **901.** Romanam Ecclesiam non solummodo appellavit, sed etiam personaliter accessit. **902.** Calchedonenſi Synodo adfuit ut plenè Canonicus Episcopus. *Ibid.*

**Eusebius Nicomediensis unde Eusebiana factio.** *145*

**Eustatius Sebastenus Episcopus appellat ad Liberium.** **870** Ab eodem sine generali Synodo restituitur. *Ibid.* Dignitati restitutus

Ritus redit ad ingenium & vomitum, 871  
 Eutycherii Thyanensis Metropolitæ epistola  
 ac Xixtum Pontificem noviter reperta. 849  
 & seq.

Eutyches appellat Romam. 753. & seq. 781.  
 782. Romam appellat ante inchoa-  
 tam revisionem. 767. Pontifex videtur  
 appellationem admisisse, eique adscrip-  
 sisse suspensivum effectum. *Ibid.* Cur in  
 sua, quam ad Florentii Latricii aures se-  
 cit appellatione, exprimens Thessaloni-  
 censem Episcopum, omiserit Patriarcham  
 Antiochenum 772. Quare ad Domnum  
 & ejus Concilium provocare noluerit.  
 776. 779. In S. Flaviani Synodo Roma-  
 num Episcopum invocavit, quod sciret  
 circa Christianam fidem nihil posse stabili-  
 sine Episcopo Romano. 779. Hierosoly-  
 mitanum ex arte invocavit. *Ibid.* Ad gene-  
 ralem Synodum appellavit ante S. Leonis  
 judicium. 768. Mendaciter affirmabat se  
 appellasse tempore Constantinopolitani  
 Concilii. 782. Ad generalem totius Eccle-  
 siæ Synodum per subitum impetum appel-  
 lavit, 783. Statim à sua Romana appella-  
 tione cogitavit de generali Synodo, 804.  
 806. 808

Eutyches appellationem suam ad tres Patriar-  
 chas introduxit coram solo Papa Leone.  
 786. 787

Eutyches fuit Archimandrita trecentorum  
 Monachorum. 758

Eutychetis error. 772. 891. Hæresis non fuit  
 nova. 783. Synodalis contra eum senten-  
 tia. 754. Appollinari erroribus dedit no-  
 vam faciem. 793. S. Leonem infamat de  
 Nestorianæ Hæresis patrocinio, 807

Eutychetis imperitia, mendacia. 768. 785.  
 A Quiesello perperam vocatus vir sça-  
 gissimus, *Ibid.* Injuriis prosequitur S. Fla-  
 vianum, 759. & S. Leonem, 766. 807.  
 Author commotæ in Theodoreto Cy-  
 rensem tragœdiæ, 774. 775

Eutychiæ ad S. Leonem appellationis ex

Cassinensi Codice instrumentum, 883  
 Excommunicatio Romana in totum Orien-  
 tem, cur commutata in simplicem com-  
 munionis dissociationem, 815

F

F Austini Potentini Episcopi, ac Philippi  
 & Aselli Presbyterorum apud Asiros  
 acta, 660

Faustinus cur Africanæ Synodo non præse-  
 derit, 668. Eum quâ legatum revocari non  
 postularunt Africanæ Episcopi, *Ibid.*

Fauticus Lugdenensium Metropoli-  
 tano scribit de causa Martiniani Arela-  
 tensis, 41. Non præsumpsit de Martinia-  
 no judicare, 104

Felix Episcopus, imaginarius urbis Romæ  
 Episcopum se dicit, 412. à Donatistis detruditur  
 in tertium locum post Januarianum ac  
 Primianum, 412

Felix in nova Epyro Episcopus ad Romanam  
 Sedem appellat. 346. videtur non à lata  
 sententia, sed provocasse adversus feren-  
 dam, *Ibid.*

Ferrandus Archidiaconus Carthaginensis Ec-  
 clesiæ S. Fulgentio retulit quæstiones de  
 Aethiops baptismo, 741. Idem scripsit vi-  
 tam S. Fulgentii, & creditur author Bre-  
 viarii Canonum, *Ibid.* 398

S. Flaviani ad S. Leonem epistolæ duæ, 795.  
 In priori epistola seu relatione postulavit  
 confirmationem lætæ de Eutychete senten-  
 tiæ, 795. 796. Postulavit non suæ personæ,  
 sed Ecclesiasticæ causæ solatium ac defen-  
 sionem, seu factæ Synodi confirma-  
 tionem, 801

S. Flaviani appellationem solus S. Leo sine  
 generali Synodo poterat retractare ac de-  
 finire. 841. Constat ex universa Calche-  
 donensi Synodo *Ibid.* Item ex S. Leonis  
 epistola ad Cletum & Populum Constanti-  
 nopolitanum, 842. 845

S. Flaviani cadaver in Basilica Sanctorum

Eccccc

Apo-

# I N D E X

- Apostolorum convenienter est sepulchrum, 843
- s. Flaviani de Eutychetis errore ac persona sententiam S. Leo confirmat, 764
- s. Flaviani in Romanam Ecclesiam profunda reverentia, 760
- s. Flaviani Romana appellatio à Dioscoto, & omnisistius factionis violentia, 782
- s. Flaviani Romana appellatio discutitur, 826
- s. Flavianum, quæ genuina ratio deterruerit à cogenda Synodo, 822
- s. Flavianum sceleratus Dioscorus coram se genus sexum invasit calcibus, in conspectu totius Synodi, ex quibus paucos post dies novus iste Abel migravit ad Dominum, 827
- s. Flavianus à Romana Ecclesia pro perjuro, exlege, & contumaci habitus, 302. Romanæ Ecclesiæ communionem non accipit, nisi sub finem vitæ per mediationem Acacii Berthærensis Episcopi, & S. Isidori Pelusiotæ Presbyteri Alexandrini, 302
- s. Flavianus ab Eutychete compulsus ad solemnem in scriptis fidei professionem, 761
- s. Flavianus accusatus ab Eutychete de Nestoriana hæresi, 763. Item de reſtratis duodecim capitulis S. Cyrilli, *Ibid.*
- s. Flavianus ad solam Apostolicam Sedem appellavit, non ad generalem Synodum, 837. Constat ex Liberato Carthaginensis Ecclesiæ Archi-Diacono, 838. 840
- s. Flavianus, an appellaverit ad solum Pontificem, an verò ad aliam generalem Synodum? 828. Ex testimonio S. Leonis lucet appellasse ad solum Pontificem, 828. & seq. Idem constat ex Valentiniani III. Imperatoris ad Collegam Theodosium epistola, 832. 833. Item ex literis, quas ad Theodosium scripsit Gallia Placida Augusta Constantii Imperatoris vidua, Valentiniani mater, 833. Item ex literis Hilari Romanæ Ecclesiæ Archi-Diaconi ad Pulcheriam Augustam, 834
- s. Flavianus, an censuerit per Papam suæ Synodi confirmationem posse, aut debere abstinere à generali Synodo, 820. Quid de hac re etiam senserit S. Leo, 820
- s. Flavianus Apostolicis S. Leonis literis statim respondit, omnemque Eutychetis errorem, omniaque suæ Synodi acta exposuit, 759
- s. Flavianus censet ad enarrationem causæ Eutychetis non esse opus œcumenicæ Synodo, sed proficitur sufficere solum Leonis Sacerdotium, 786
- s. Flavianus Constantinopolitanus Episcopus, sectatus vestigia S. Joannis Chrysostomi reinuit & exercuit Patriarchalem potestatem in Asiaticam, immò in tres olim Autocephalas Diocèses, 753
- s. Flavianus cum Eusebio apud Ephesum à Dioscoto carceratus & relegatus Hyperpam Asiæ, inter manus eorum, à quibus in exilium ducebatur glorioso ad Christum sine transivit, 838
- s. Flavianus in causa Eutychetis agnovit jus Romanæ appellationis, 782. Contra factum Eutychetis meritò contendit, *Ibid.*
- s. Flavianus sacræ jussione compulsus fuit, propriâ manu scribere libellum fidei, atque ita se de Nestorio purgare, 766
- s. Flavianus suorum Synodaliū gestorum Apostolicam confirmationem à S. Leone postulavit omnibus eloquentiæ suæ viribus, 821. Quas rationes ad removendum generale Concilium attulerit, 822
- s. Flavianus superordinatus Meletio, 337. Flavianum, utpotè manifestè perjurum, atque intrusum semper ac meritò averſa fuit Romana Ecclesia, 337. Flavianus tenuit venire ad Synodum Capuanam, 337. Ab Apostolica Sede provocavit ad Synodum, 338. Flaviani appellationi non detulit Siricius, 339
- Flavitas Presbyter mortuo Acacio ordinatur Patriarcha Constantinopolitanus non tamē consensus in hronizari sine Romano Episcopo, 273
- Fortunati ac Felicissimi appellatio Romana, quo sensu à S. Cypriano improbata, 572. For-

# RERVM ET VERBORVM.

Fortunatus non fuit Episcopus. 374  
 Fortunati legatos quomodo Cornelius Pontifex tractaverit. 579  
 Fortunatus ex mente Cypriani non erat verus Episcopus, quia consecratus ab Hæreticis, à quibus datos ordines, sicut & baptisma Cyprianus censebat esse irritos & nullos. 577. *Ibid.* *Ibid.*  
 Fortunatus non à viginti quinque, sed à solisquinque, eisque lordinis & damnatis Episcopis intrusus & consecratus. 571. Quæ postulaverit à S. Cornelio. *Ibid.*  
 Franco-fordensis Synodus, quid decernat de appellationibus? 192. Ejus Cānones sintne confirmati per Romanam Ecclesiam? 193  
 Fulcherius Tyrensis Archi-Episcopus pallium accipit ab Innocentio II. 508  
 Fussala quandonam cœperit habere Episcopum? 628 629  
 Fussala quondam Hipponensis Parochiæ oppidum dismembratur. 606. Fuerat pertinax in parte Donati. *Ibid.* Denuò adscripta Cathedræ Hipponensi. *Ibid.*  
 Fussalanus Episcopatus erectus à S. Augustino. 630

## G

Gallia nihil pertinet ad Carthaginensem Episcopum, 41. 45  
 Galliarum Primates sunt Africanis longè juniores. 397. Omnium senior est per Carolum M. *Ibid.*  
 Gallicana Ecclesia, an in appellando gaudeat Africanæ Ecclesiæ Privilegiis? 205. & seq.  
 Gallicana Ecclesia non solet festinanter superordinare. 30  
 Gallicana Ecclesia semper fuit obsequentissima Sedi Apostolicæ, 28. Longè aliter Romano Episcopo, quàm Carthaginensi subiecta. 46  
 Gallicana olim Ecclesia credidit S. Gelasio

affirmanti S. Athanasium, S. Joannem Chrysostomum, ac S. Flavianum provocasse ad solam Sedem Apostolicam. 881  
 Gallicana Provincialia Concilia non pollent supremâ facultate, ut ab iis Romam non appelletur ab inferiore Clero, 190  
 Gallicanæ Ecclesiæ Clerici damnati à suis Episcopis nolebant suarum Provinciarum Synodos accedere. 200. 203. Fraudulenter accedebant Sedem Romanam. 203  
 Gallicanæ Ecclesiæ Clerus inferior semper appellavit ad Sedem Romanam. 187. & seq.  
 Gallicanæ Ecclesiæ Præbyteri, an possint prætermisâ Synodo immediatè Romam provocare? 204  
 Gallicani Episcopi à suis Synodis damnati, olim appellaverunt ad Sedem Apostolicam, 10  
 Gallicani Episcopi, an fuerint aliquandò exempti à Patriarchali intra aliam Urbem celebrandam Romani Pontificis Synodo. 210  
 Gallicani Episcopi excusant se à Synodo indicta per Nicolaum I. non quod talis evocationis potestatem negarent, sed quod existimabant nullam esse evocationis necessitatem. 215. cur Episcopi rationes suas per se non exposuerint, sed per Reges. 215. 216. & seq.  
 Gallicani Episcopi Synodales suorum Collegarum damnationes in executionem non mittebant, quondam ad Sedem Romanam erat provocatum. 311. Causa Contumeliosi, cujus damnatio transierat in rem judicatam, perperam allegatur. 311. & seq.  
 Gallicanos Episcopos ad Patriarchales Romani Pontificis Synodos evocandi vetusta consuetudo. 215  
 Galli novatores Eusebianâ factione pejores. 9  
 Galli semper appellaverunt ad Sedem Apostolicam. 21. Solus Hilarius tramitem illum dereliquit. *Ibid.* 29  
 Galli spectant ad Patriarchalem Synodum Romanæ Ecclesiæ. 212

Escees>

Ga.



Samalius Bagaiensis Episcopus & Primas Numidix præfider Synodo, &c. 408

Gamalius Primas cogit Synodum trecentorum & decem Episcoporum. 409

Gaudentius Naxitanus degradatur ab Eusebianæ factionis conventu, 107

Gaudentius Naxitanus Metropolita Dacorum 327. Ad ejus inrecessionem emanarunt Canones Sardicenses de Romana appellatione. *Ibid.* 354

Gaudentius Naxitanus in Illyricis Episcopus appellationes Romanas non tantum agnoscit, sed etiam ampliatur. 309. Hinc degradatur à Philippo Politana factione 308

1. Gaudentius Abitunensis Episcopus, Wandalis Africam devastantibus, cum sancto Quodvult-Deus, & cæteris Præfibus fugit, & in Parthenope civitate monasterium condidit. 740. Iecir prima Augustiniani Ordinis extra Africam exordia. *Ibid.*

Gerbais Joannes Doctor Parisiensis errat circa tempus & locum Concilii Arelaensis. 27. Fatetur Chelidonium jussu Romam ad postulandum Hilarini judicii reformationem, juxta placita Sardicenses Concilii. 27. restitit de appellationibus Romanis. *Ibid.* Recedit à professione veritatis, quam fecerat de Sardicensibus Canonibus. 29. Labitur. *Ibid.*

Gerbais recedit à prima sua sententia. 33. Malè docet S. Leonem errasse, quod Gallicanorum Episcoporum causas Romæ cognoverit. *Ibid.* Ejusdem sensu & errores circa Imperatoris Gratiani legem. 72

1. Gelasii epistola ad Faustum Magistrum à Quæstello agnita citat Canones, qui appellationes totius Ecclesiæ ad Romanam Sedem examini voluerit deferri, ab ipsa vero nunquam appellari debere souterunt. 746

Gerontius sceleratus S. Ambrosii ex-Diaco-nus circumscribit Helladium Cæsariensem in Cappadocia Episcopum, & consecratur. 102

Grariani decretum, an Ecclesiæ quoad omnia probaverit? 455

Gratiani & Valentiniani de Romanis appellationibus leges, an sint contrariæ Canonibus? 63-64. 84

Gratiani Imperatoris lex de judicandis Episcopis à Romano Pontifice. 72. 73. Non hæsit in persona solius Damasi. 81. 85

Gratiani lex aduersus Parmensem ac Putolanum Episcopum, nihil sancit Romanis appellationibus contrarium. 224. & seq.

Gratiani lex apud Orientales, quoad illam partem, quæ apud ipsos servari poterat, semper fuit in summa reverentia, ac plena obedientia 84. Ad Ecclesiæ Africanæ preces innovata quoad posteriorem partem per Imperatorem Arcadium & Honorium. *Ibid.*

Gratiani lex non hæsit in sola persona Damasi, sed fuit perpetua interpretis ac executrix Canonis Apostolici. 84. Viguit in Gallia tempore Bonifacii Pontificis. 100

Græcorum ritus de pallio sunt omnino Apostolicum institutum. 510

1. Gregorii M. epistola ad Columbum debet præcedere epistolam ad Mauritium. 745. Gregorii M. epistolæ egent revisione & correctione. Epistola 16. Ad Columbum debet esse omnium, circa materiam de qua agitur, prima. 746

1. Gregorii M. tempore non soli Astorum Episcopi, sed etiam inferior Clerus Romanam appellavit. 743

1. Gregorii M. textus viriatus. 506. Pro Nicomedia, legendum Nicopolis. *Ibid.*

1. Gregorius M. etiam in prima instantia agit aduersus Metropolitans. 83

1. Gregorius M. gestavit non latinum, sed græcum Pallium. 520. Gregorius Magnus quandoque latino, quandoque græco utebatur pallio. 521

1. Gregorius M. quale pallium gestaverit? 503. Non fuit latinum, sed Græcum. *Ibid.* Acæmerensis Monachus an sententiam Felicii tetit affixerit Episcopali pallio Acacii. 451

Gregorius M. quomodo circa appellationes Romanas. 451

# RERVM ET VERBORVM.

Romanas egerit in Gallia ? 356. Quo-  
modo in Hispania ? 357  
Gregorius Nazianzenus propugnaculum  
fidei Catholicæ adversus Arianos. 293.  
Quod Ariani haberent omnes Ecclesias,  
est concionatus sub Dio, ideoque ab Aria-  
nis passus solennes lapides, *Ibid.*  
Gregorius Turonensis pro appellationibus  
Romanis è Gallia dat testimonium. 36  
Gummitanus Episcopus, cur apud S Leonem  
nonum prætenderit Carthaginensem Epi-  
scopum à Primatu excludere ? 380  
Gummitanus Episcopus, quid attenterit cir-  
ca Carthaginensis Ecclesiæ dignitatem ?  
396

## H

**H**elladi Tharsensis Metropolitæ epistola  
ad Xixtum Pontificem noviter reper-  
ta. 849 & seq. Valedixit schismati, &  
permanfit Episcopus, 862  
Henricus Leodiensis, quid senserit de Pontifi-  
cia potestate solvendi, aut ligandi sine  
consensu aut ratificatione proprii Sacer-  
dotis, 126  
Hæresis crimen sufficiens, ut Metropoli-  
ta judicetur à propria Synodo. 67. 68. Debet  
tamen esse manifesta, 68. Si sit dubia vel  
palliabilis opus est præviâ relatione ad Se-  
dem Apostolicam. *Ibid.*  
Hæreticus arma Dogmatica transmittere est  
facinus longè enormius, quàm arma cor-  
poralia deportare ad hostes. 265  
Hæreticus è Clero manifestus seipsum damnat  
ac degradat, 69  
Hermes Metropolitans Narbonensis ab  
Hilario Papa confirmatur in sua Cathedra,  
sed sub poenali moderamine. 82  
Heros ac Lazarus accusant Pelagium Hære-  
sarcham & perducunt ad Synodum Diof-  
polititanam, 94  
Herotis Archi-Episcopi Arelatenfis causa  
discutitur, 91. & seq.

Hierarchia Africanæ Ecclesiæ exponitur. 380  
& seq. Apud Afros Metropolitica auctori-  
tas non erat adstricta certæ Sedi, sed  
semper transibat ad seniore confectio-  
ne Episcopum totius Africae. 389  
Hierarchia Ecclesiastica non est Aristocratica  
sed Monarchica. 315  
Hierarchiam Romanæ Ecclesiæ Wandalo-  
rum Episcopi Africam ingressi in se tran-  
stulerunt, 386  
Hieronymus Casanate Emin. ac Reverendissi-  
mus S. R. E. Cardinalis subministravit ex  
Cassinesi Monasterio codicem continen-  
tem ultra ducentas literas plurimum illu-  
strantes acta Ephesini Concilii, & Calche-  
donensis, 849  
Hierosolymitana Ecclesia S. Jacobi Omo-  
phorion traduxit de Patriarcha in Patriar-  
cham. 501. Non accepit illud Româ. *Ibid.*  
Quamdiu duraverit translatio Omophorii  
de Patriarcha in Patriarcham ? *Ibid.*  
Hierosolymitanus Patriarcha Antiocheno  
postponitur, 500  
Hierosolymitanus Patriarchatus quomodo  
emerferit ? 405  
Hilarii Arelatenfis cum S. Leone mota que-  
stio 2. Originem duxit ex Chelidonii Epi-  
scopi per S. Leonem repatatione. *Ibid.*  
Hilarius scopus, error, & audacia circa Roma-  
nas appellationes 17. Non impugnavit  
Papalem Primatum, *Ibid.*  
Hilarius Arelatenfis unicus in Gallia præten-  
dit Antiocephaliam, seu exemptionem à  
Patriarchico Jugo Romani Antistitis, 214  
Hilarius censuit ex Gallicanis Præfecti Sedes  
suo throno accessisse novam dignitatis  
speciem. 30. Contra morem Galliarum festi-  
nanter superordinavit, non soli Projecto,  
sed & Chelidonio, *Ibid.* In Propria causa  
cespitavit, *Ibid.*  
Hilarius in retractatorio Chelidonii judicio  
habuit Synodalem confesum, aique suffra-  
gium. 159. Non ex Sacrorum Cano-  
num debito, sed ex gratioso S. Leonis  
beneficio. *Ibid.* Eandem gratiam Hosius

- in Sardicensi Synodo obtulit Eusebianis Episcopis. *Ibid.*
- Hilarius non evasit victor adversus Pontificem Leonem, ut vult Quesnellus. 22. An fuerit à S. Leone degradatus? 23. An à S. Leone ad iudicium revocatus? 24. Sux Cathedralis privilegio ob pertinaciam privatus. 24. 25. Tandem conversus ac illuminatus ad seriam pœnitentiã. 25. A non nullis creditur sponte ex Episcopali throno descendisse, & ad silentium Lerinensis Monasterii rediisse. *Ibid.*
- Hilarius non vult demutari in accusatorem, sed simpliciter protestari. 19. Hilarius errat cum Mariniano Ravennate Episcopo. 18. Nullatenus præterdit appellationes Romanas auferre, aut circumducere. 19. prætendebat, ne appellationi tribueretur effectus suspensivus. 19. Ignorare non potuit Sardicenses Canones. *Ibid.* Hilarium circumduxit nova Autocephala. 20
- Hilarius præsentat se S. Leoni, & de facta Chelidonii reparatione queritur. 3. Dicit se simpliciter protestari. *Ibid.* Clementer excipitur à S. Leone. 4. In Concilio Sacerdotum non habuit, quod rationabiliter responderet. *Ibid.* Papale pro Chelidonio iudicium admittere contumaciter recusat. 5. Hinc insalutato Pontifice Romam ausu git. *Ibid.* Ejusdem excessus varii. 5. 6
- Hilarius Pictaviensium Episcopus laudat Sardicenses Canones. 28. Scribit Constantio se exulare non crimine, sed factione. 53. Cur non appellaverit? *Ibid.*
- Hilarius Pontifex jurisdictionem exerceat in Hermetem Narboneus Ecclesiæ Metropolitam. 81. Ea de re scribit ad Leontium Arelatensem Archiepiscopum, suum in Gallia Vicarium. *Ibid.* Hermetem confirmat in Narbonensi Cathedra, sed sub pœnali moderamine. 82. Mamertum Viennensem Metropolitam iudicavit, compescuit, atque correxuit. *Ibid.*
- Hincmari Rhemenfis error circa Gratiani legem. 227
- Hincmaro Rhemenfi quid Benedictus III. concesserit? 487. Canone 27. octavæ Synodi frænatur ejus excessus circa usum Pallii: Et Canone 17. Damnatur ejus contumacia contra Romanas evocationes. 492
- Hincmarus Rhemenfis artium & temperamentorum fuit callentissimus. 486. Non tantum ad ipsa exploranda, sed etiam ad practicanda. *Ibid.* Numquam tamen eò devenit audaciæ, ut diceret sibi per antiquos Canones licere quotidianum usum pallii. *Ibid.*
- Hincmarus Rhemenfis Metropoli Canones Africanos primus usurpare cepit adversus appellationes Romanas. 645. Soli tamen inferioris Cleri. *Ibid.*
- Hincmarus Rhemenfis Metropoli quæ privilegia acceperit à Benedicto III. Pontifice. 485. An impetraverit quotidianum usum Pallii. *Ibid.* 486. Damnatus in 8. Synodo. *Ibid.*
- Hincmarus Rhemenfis pertinaciter docuit à Romana Ecclesia sanciri non posse novos Canones, sed nova dumtaxat decreta hausta ex generalibus Ecclesiæ Canonibus. 497 498. Est dogma Eusebianum ac Photianum. *Ibid.*
- Hincmarus Rhemenfis primus non cepit antiquum Canonem de appellatione Metropolitæ ad solam Sedem Apostolicam introducere in Gallias. 67
- Hincmarus Rhemenfis primus non cepit provocare ad Africanos Canones & mores. 201. Nequidem ad prævaricatoriam Aurelii Carthaginensis epistolam. *Ibid.*
- Hincmarus Rhemenfis Romam appellantes Clericos consuevit tractare ad eum modum quo Rex Pharaon tractabat Hebræos. 183. 195
- Hincmarus Rhemenfis Romanas appellationes inferiori Clero non licuisse docuit, & istam disciplinam tentavit transducere etiam in Gallias, nequaquam tamen id ausus asserere de Episcopis, quod Novatores. 369
- Hinc-

# RERVM ET VERBORVM

Hincmarus Rhemenſis Sedis Apoſtolicæ evocationem ad ſuum tribunal cenſet adverſari Canonibus Sardicenſibus, 139

Hincmarus Rhemenſis utitur Africanâ epistoſa ad Celſtinum adverſus Romanas appellationes, 136. Item epistoſa Gregorii M. ad Columbum Numidiæ Episcopum. *Ibid.*

Hipponenſis magna Synodus, in qua S. Auguſtinus Diſputavit ac expoſuit Apoſtolicum Symbolum. 434. Quo anno contigerit. *Ibid.*

Hiſpania ante Gothorum inſaſionem in Romanum imperium, nullum Primatem, nullum Apoſtolicum Vicarium, adeoque nec Diœceſanam habuit Synodum. 362. A ſtudiciis Provinciarum Hiſpaniæ provocari non poterat niſi ad Episcopum Romanum juxta ſextum Nicænum Canonem. 362

Hiſpanis quando datum Episcopale pallium? 473.

Hybernæ Episcopis non fuit conſeſſum pallium uſque ad Eugenium III. Pontificem. 476

Honorius Pontifex quomodo proceſſerit adverſus Calaritanum Episcopum Sardinæ Metropolitam? 137

Hofius Cardubæ celebrat Synodum, in quâ recipitur Sardicenſis Synodus. 127

Hofius Cordubenſis Episcopus cur in Synodo Sardicenſi quaſi ſupplicans dixerit: *Si placet vobis, S. Petri Apoſtoli memoriam honoramus.* 248. Atrox eſt contumelia huic confeſſori timiditatem in Sardicenſi Synodo adſcribere, 259. 260. in Mediolanenſi Synodo quam generoſè locutus ſit Liberio Pontifici. *Ibid.* Confeſſionis munus explevit in perſecutione Maximiniani. *Ibid.*

Hofius in Sardicenſi Synodo retractationis in Provincia decernendæ juſ proponens, non propoſuit rem novam, niſi ſolum illud juſ intellexerit, 122. Non potuit referre aliquid Nicenæ Synodo, cui præſeſſet, non conſorium, *Ibid.* Generoſè, conſtantè, & ex Apoſtolicò pectore clamavit

ad Sardicenſem Synodum t. *S. Petri Apoſtoli memoriam honoramus.* *Ibid.*

Hofius, quid de imperialibus Episcopatum cauſarum delegationibus ſenſerit Sardicenſis Synodus, ad Imperatorem Conſtantium exponit eleganter. 254

Hofius Sardicenſis Concilii præſes Afriſ fuit inſigniter familiaris. 738

## I

I Anuarianus Primas Numidiæ. 411  
Idacius atque Itachius Orthodoxi Hiſpaniarum Episcopi adeunt ſæculares Judices. 39 parum ſanis conſiliis. *Ibid.*

Idduas Smyrnenſis Episcopus appellat ad Romanam Sedem, 347. Aſſuit Epheso Concilio inter cæteros Patres. *Ibid.*

Idololatria manifeſta eſt crimen ſufficiens, ut Metropoliſa judicetur à ſua Synodo, 71

Illyberitana Synodus diu poſt decretum Cornelii Pontificis negavit quibuſdam Mœchiſ & lapſis æternum Sacramentalis reconciliationis viaticum, 71. Cenſuit antiquam diſciplinam eſſe ſuis populis convenientiorem. *Ibid.*

Illyriciana Eccleſia Romam appellare ſemper conſuevit. 342. Potestas illa non venit à Sardicenſi, aut alia Synodo, ſed à Chriſto Domino, qui eam S. Petro dedit tranſfundendam in ſucceſſores, *Ibid.* appellationis exempla, 343

Illyricianæ Eccleſiæ tempore Gregorii ad Sedem Romanam appellatio. 364. Item civium Florentiæ Epidaurienſis Episcopi, 365. Item Honorati ſalonitani, *Ibid.* Item Maximi ſalonitani Episcopi, 367. 368

Illyricianæ Provinciæ Diœceſis violenter erepta Romano Patriarchatu. 627

Illyrici Clerus, etiam inferior, Romam appellavit, 367

Illyrici utriuſque Eccleſiæ Romanarum appellationum conſuetudinem ſemper habuit, ac ipſas frequentavit, 327, Sardicenſes Cano-

res non potuit ignorasse. *Ibid.*  
 Illytico toti præfuit Theſſalonicenſis Episcop-  
 pus, non per ordinarium Primatum, ſed  
 per vices delegatas Sedis Apoſtolicæ. 397  
 Iſta Vicaria Præfectura à S. Damaso pri-  
 mam duxit originem, *Ibid.*  
 Illyricum Orientale per Theodoſium Apo-  
 ſtolice Sedi ablatum, & transcriptum in  
 Patriarchicam poteſtatem Conſtantino-  
 politanæ Cathedralis. 344  
 Imperatores Græcorum, & Reges Latinorum  
 Patriarchas, aut Metropolitanoſ non in-  
 veſtiverunt per pallium. 466. Ejuſmodi  
 inveſtituræ nullum proferri poteſt exem-  
 plum, niſi forſan pꝑhiani Conſtantini  
 Patriarchæ, quem facinoroſus Imperator  
 Conſtantius Caballinus coram omni po-  
 pulo veſtivit in Patriarcham, *Ibid.*  
 Imperatores Romani non habuerunt juſ  
 dandi Reſcripta ad retractanda judicia de  
 gradatorum Episcoporum. 734. Dederunt  
 ex mera conniventia. 735. Quando ceſſa-  
 vetit illud prætenſum juſ Imperatorum,  
*Ibid.*  
 Imperator non poteſt per ſemetipſum retra-  
 ctare Synodorum ſententias, ſed, ut ſum-  
 mum, delegare aliis Episcopis, 246  
 Imperatorum circa Synodos authoritas. 222.  
 223  
 Imperatorum divalia Reſcripta, & Sacre  
 delegationes debebant obſervare & exe-  
 qui ſacros Canones, alioquin erant violenta  
 in Eccleſiæ dignitatem injuria. 223  
 & ſeq.  
 Imperatorum juſſiones ſacris Canonibus con-  
 trariæ negligendæ ſunt ac excutiendæ, non  
 ſolum ob Eccleſiæ diſciplinam, ſed etiam  
 ob Rempublicam, ac animas ipſorum  
 Principum. 368  
 Incarnatio requirit duas in Chriſto natutas,  
 293. Quo ſenſu quidam Patres docere vi-  
 deantur unam in Chriſto naturam. *Ibid.*  
 Quidam Græcorum Patres, nemo un-  
 quam Latinus, vocem *naſtra*, accepit pro  
*Myſtoſiſi*. *Ibid.*

Innocentii I. capitulum tertium ad Victri-  
 cium, an explicet Canonem, quintum Ni-  
 cæni ? 113. Evertit Queſnelli commenta,  
 114  
 Innocentii I. de appellationibus Romanis  
 teſtimonium expenditur. 12. 13. 27. 28.  
 Laudat Sardicenſes Canones de liberis ad  
 Apoſtolicam Sedem appellationibus. 28.  
 Ejus ad Victricium epistoſa ſummæ ſem-  
 per in Gallia authoritatis. 28  
 Innocentius Carthaginenſis Eccleſiæ Presby-  
 ter retulit ex oriente Nicænos Canones.  
 690  
 Innoctentis I. agnovitne Canonis Sardi-  
 cenſes ? 305. In literis ad Victricium æge-  
 ritne de ſolis in materia fidei Relationibus,  
 an etiam diſciplinæ ? *Ibid.*  
 Innocentius I. ante omnem audientiam S.  
 Joannem Chryſoſtomum communicavit  
 in Episcopali communione, & Theophi-  
 lum evocavit cum ipſo Romam ad cauſæ  
 retractationem, 163. Innocentii judicium  
 probavit atque firmavit omnis etiam Ori-  
 entalis Eccleſia. *Ibid.* Secundum Sardi-  
 cenſes Canones exequitur S. Joannis Chry-  
 ſoſtomi appellationem, 125  
 Innocentius I. in cauſa Appellationis Bubalii  
 & Tauriani proceſſit juxta Canones Sar-  
 cenſes. 308  
 Innocentius I. S. Joannis Chryſoſtomi ju-  
 dicium retractatorium, cū delegaverit  
 Synodo Theſſalonicenſi, 150 Factum id,  
 non ob Apoſtolicæ authoritatis inſufficien-  
 tiam, ſed ob violentas refragationes cir-  
 cumſcriptorum Principum. 844  
 Innocentius III. Quid de Pallio Romæ pe-  
 tendo ſtatuere ? 310. fuit peritiſſimus Sa-  
 croſum Canonum. *Ibid.* Sanxit pro ſolis  
 Latinis. *Ibid.*  
 Inſtantia I. juxta Canones ſpectat ad Provin-  
 ciæ Synodum. 99. 113  
 Inſtantius, Salvianus, & Prifcillianus Ro-  
 mam proficiſcuntur, ut apud Damalum  
 objecta purgent. 59. Ne in conſpectum  
 quidem ejus admiſſi ſunt. *Ibid.* S. Ambro-  
 ſum

- hum æque sibi adversantem repetiunt. *Ibid.*  
In Synodo Burdigalensi, ad Imperato-  
rem appellant, 60
- Joannes Alexandrinus, licet de solo crimine  
civili accusatus foret, ad solam Sedem  
Apostolicam provocat. 873. Falsè accusa-  
tur de ambitu, perjurio, ac Simonia. 876
- Joannes Antiochenus, quibus conditionibus  
convenerit cum S. Cyrillo? 859
- Joannes David frustra impugnatur ab Ano-  
nymo Apologo pro Pretro de Marca. 550  
rectè sentit de Sardicensibus Canonibus.  
551
- Joannes Launoy Epistolam S. Cypriani ad  
S. Stephanum malè proscribit ad spuria. 39
- Ischyas imaginarius Episcopus Maræoidis  
subscripsit epistolæ Synodali Eusebianæ  
factionis, 267
- Isidori Mercatoris Codex Canonum, quantæ  
sit autoritatis? 192. 193. 361. Colle-  
ctionis author est homo Hispanus. 361.  
549
- Judicia Ecclesiastica olim fuerunt passim Sy-  
nodalia. 644. Fuerunt tamen & perso-  
nalia à solo Episcopo. *Ibid.* Solæ adversus  
Episcopum causæ erant olim Synodales:  
adversus Laicos & Clericos intentatas  
actiones judicabat solus Episcopus, *Ibid.*  
Diaconi, Presbyteri, & Episcopi, à quot  
Episcopis judicandi. 545. 546. & seq. Ci-  
viles Clericorum causas Episcopus poterat  
solus dirimere. *Ibid.*
- Italix Metropolitæ quatuor, Romanus, Me-  
diolanensis, Aquileensis, Calaritanus. 73
- Italia solida dividitur in 3. partes: In Pro-  
vincias suburbicarias, urbicarias, & Italianam  
specialiter dictam. 302
- Iuliani Eclanensis appellatio ad generalem,  
Synodum 531. 719. Erat frivola, 721. Per-  
tinacissimè detrectat subscribere decretis  
Zozimi Pontificis contra Pelagium & Ce-  
lestium. 719
- S. Iulii Pontificis adversus Eusebianam fa-  
ctionem, Hincmarum, Quesselum, alios-  
que de Romanis Appellationibus testimo-  
nium, 141. 142

- S. Iulii Pontificis epistola de Eutychetis do-  
ctrina, fuerint verè à Iulio Pontifice com-  
scripta? 891. Longè verissimum est eam  
epistolam non esse Iulii Pontificis. 895
- S. Iulii Pontificis epistola, quam scripsit ad  
Antiochenam Synodum malè dicitur ha-  
tenuis à nemine intellecta 279. Non  
continet merum genus obsequii, *Ibid.* Au-  
reis literis omnium cordibus inscribenda,  
276
- S. Iulii Pontificis judicium in causa S. Atha-  
nasil, 161. 274. 277. 278. 281. 282. Cui  
retractatorum judicium delegaverit Syno-  
do Sardicensi. 150
- Iulii Rescriptum ad Antiochenam Synodum  
nobis in secunda sua Apologia custodivit  
S. Athanasius, 283
- Iustinianus Episcopus S. Braccio superordi-  
natus jubetur à Populo Romam accedere.  
35. Iusto Dei judicio percussus obiit pere-  
grinus. *Ibid.*
- Iustinianus Imperator condidit leges in speci-  
em justas, in quarum visceribus larebat  
pessimus anguis. 115. Malè sanxit Præfe-  
ctorum, Patriarcharum, ideoque Anto-  
cephalorum Primatum sententias esse in  
appellabiles, 32

## L

- L Aureatorum receptio erat olim mani-  
festa professio obedientiæ, 464
- Laurentius, de quo S. Augustinus ad Celesti-  
num, non fuit Iconsitanus Episcopus. 625
- Lazari Aquienensis causa discutitur, 91. Cum  
Herote Archi-Episcopo Arelatensi, Hæ-  
resiarum Pelagium simul accusarunt.  
*Ibid.*
- Legati à latere olim Romæ missi. 697. Tituli  
origo est à Concilio Sardicensi. *Ibid.* est  
titulus mutuatus è Romano imperio. *Ibid.*  
Eorum officium non bene explicatur à  
Joanne Morino. 698. Sed nec à Quesselno.  
*Ibid.* Erant inter Pontificis Romani  
F f f f f latera

- latere**, id est inter ejus in Romanæ Provincie Synodo, aut Romanæ Ecclesiæ consistorio adfessores. *Ibid.* Hoc officio nonungebantur olim Cardinales Diaconi, nunc funguntur. *Ibid.* Hodie omnes, & soli Cardinales possunt esse Legati à latere; *Ibid.*
- Legatus Apostolicus** à latere in Provincias olim mitti solitus. 668. Omnem ejusmodi legationem Africani Episcopi non improbaverunt. *Ibid.*
- Leo Actridensis Episcopus** Exarchus Bulgarorum Michaelis Cerularii satellites & cooperarius. 255. Negat Primatum à Christo Domino esse datum meritis S. Petri. *Ibid.* Verba Christi tu es Petrus, &c. Docet directa non in Petri personam, sed in ejus de Dei Filio confessionem. *Ibid.* Aliæ ejusdem fabulose blasphemix. 257. & seq.
- Quid de Sardicensi Synodo sentiat?** 260 261
- 3. Leo** an excesserit in causa Chelidonii? 13. 34. 138. 160. 165. 166. 169. Item in causa Theodreti, Eusebii Doryleensis, aliorumque per latrocinium Ephesium degradatorum? 163. 164
- 3. Leo** cur ab Excommunicatione contumeliosa Dioscorigi non appellat, 58. Cur Eutyrianos legatos Antiochenæ Ecclesiæ nec ad societatem usque salutationis admiserit? 61. Item cur retractatorium judicium non Romæ, sed in plena Synodo Chalcedone censuerit faciendum? 150
- 3. Leo** cur in literis ad Theodosium pro S. Flaviani appellatione adducat solos Canones Sardicenses, & adversus Hilarium non produxerit Sardicenses Canones? 132
- 3. Leo** deponit Bassianum inthronizatum Ephesium Episcopum, quia præter regulas factus fuerat. 77. S. Leonis judicium probat Chalcedonensis Synodus, 78
- 8. Leo** Domni Antiocheni Patriarchæ damnationem solus stabilivit, atque ita hominem quasi de novo damnavit. 842
- 3. Leo** Ephesium totum latrocinium evocavit Romam ad audiendum retractatorium judicium S. Flaviani, & ejus Collegarum. Tandem adesse jussit apud Chalcedonem & Dioscorum stare inter Reos, palam professus id à se agi juxta Sardicenses Canones 360
- S. Leo** Episcopos omnes Orientales, qui latrociniali in S. Flavianum judicio adfuerant, & consenserant, suspendit à suæ Sedis ac totius Ecclesiæ Occidentalis communione. 835
- 3. Leo** habuit penes se quædam rerum in Galliis gestarum monumenta, quæ usque ad nos non pervenerunt. 12
- 8. Leo** in Chalcedonensi Synodo vocatur Episcopus universalis. 901. Testatur S. Gregorius, quod S. Leo titulum illum tamquam invidiæ obnoxium recusaverit. *Ibid.*
- S. Leonis** epistola ad Cæsarensis Mauritaniz Antistites, sitne interpolata? 360. & seq.
- Cur Lupicini** causam non traxerit Romam, neque Legatum miserit ad Afros, sed retractatorium judicium delegaverit Provincie Synodo? 361. Potuisset S. Leo fatente Quenello Lupicinum Romam accersere. *Ibid.*
- S. Leonis** epistola quatenus agit de Lupicini Episcopi appellatione immerito tamquam spurium figmentum rejicitur à Quenello. 641. & seq.
- S. Leonis** epistolæ duæ in unam coeclæ, *Ibid.*
- S. Leo** mittendo Ephesium dogmatum totum nequaquam falsus est suæ Sedi non esse potestatem definiendi quæstiones fidei. 870. Hanc fidem tunc professus est omnis Gallicana Ecclesia, 821. & seq.
- S. Leo** quomodo se gesserit in causa Eutychetis ad Sedem Romanam appellantis. 764. Sine generali Synodo solus ad sancti Flaviani appellationem retractandam, ac definiendam suffecit. 841. Voluit de causa Eutycheris ex S. Petri Apostoli privilegio & sui Primatus auctoritate à S. Flaviano informari. 794

# RERVM ET VERBORVM

- Liberius Pontifex nihil passus est addi, nihil  
minui Episcopatus urbis Romæ. 2  
Libri multi, an scribendi? 1  
Linus Pontifex, an fuerit primus Author  
Pallii? 513  
Ludovicus Pius Fortunatum Gradensem Ar-  
chiepiscopum, licet læsæ Majestatis Re-  
um, Romam mittit à Papa judicandum. 83  
Ludovicus Pius Romanas Appellationes in  
Gallia differtè affirmat. 244  
Lurprandus Cremonensis, quid Imperatori  
Nicephoro Rhocæ scripserit de Pallio, S.  
Petri permisso per Constantinopolitanum  
Patriarcham accepto? 503 504. Cujus  
Authoritatis sit ea epistola? *Ibid.* Græco-  
rum mores non satis calluit, 505. Per usum  
Palli intellexit Papalem confirmationem.  
*Ibid.*  
Lupicini Episcopi appellatio ad sanctum Leo-  
nem. 641  
Lybia quandoque accipitur pro Africa. 371.  
Proprie tamen ab ea distinguitur. *Ibid.*

## M

- M**acedoniæ Synodus in causa Bubalii, &  
Tautiani. 307  
Macrobius, alique Romani Donatistarum  
Episcopi, nunquam sederunt in S. Petri Ca-  
thedra, nec ipsam unquam permitti fue-  
runt videre: nec Sanctorum Principum  
Apostolorum memoriis communicare,  
nec ad ipsas offerre, immò, nec ingredi.  
415  
Magdeburgenses primi evulgarunt divalem  
constitutionem Honorii contra Celestium  
& Pelagium. 718  
Majorinus à Donatistis contra Cecilianum  
sceleratè ordinatus. 585  
Mamertus Viennensis Metropolitæ ab Hilario  
Papa judicatus. 802  
Marca docet rectè sua dogmata non obti-  
nere in Christianæ fidei judiciis, 190. In-

- ignum est, quod velit Canonem 8. Sy-  
nodi sancire, quod Provincialis Synodi  
de Clerico judicium sit inconcussum, atq;  
inappellabile. 195  
Marca errores circa factum Canonis Synodi  
Africanæ additamentum, 654  
Marca fallitur docens Romanos Imperatores  
aliquando habuisse jus dandi Rescripta ad  
retractanda judicia degradatorum Episco-  
porum 734. Item asserens, quod Arca-  
dius & Honorius istam consuetudinem ab-  
jecerint. 735. Sibi non constat cum dicat  
istud sacrum jus ab Imperio transisse ad  
Reges Christianissimos. *Ibid.*  
Marca Gregorium M. immeritò accusat,  
quod sanxerit contraria Canonibus, 236.  
Innocentium I. malè accusat de audacia.  
306. In omni materia seminat novitates  
atque errores. 443  
Marca lapsus de Pallio. 469. Cur talis de  
Pallio Ecclesiastico scripserit? *Ibid.*  
Marca malè & non satis consequenter docet,  
quod Zozimus Pontifex jus dandi ad re-  
tractanda judicia degradatorum Episco-  
porum mendicaverit à Romanis Imperatori-  
bus. 736  
Marca multorum in suis libris articulorum  
scriptam Palidodiam coram omnibus Cœ-  
lis Ecclesiæ solemniter cantat. 550  
Marca perperam docet, quod tempore In-  
docentii I. nondum recepti erant Canones  
Sardicenses. 734  
Marca Philippo-Politani conventiculi literas  
solius Eusebianæ factionis facinus tran-  
scripsit in totam Orientalem Ecclesiam.  
730. Idipsum antea fecerant Donatistæ.  
*Ibid.*  
Marca primas omnium docuit Provincialium  
Synodorum inappellabilem authorita-  
tem adstrui à Canone 5. Niezno 251. &  
seq.  
Marca, quid senserit de Romanis Appellatio-  
nibus? 780. Admittit illas circa dogmaticas  
fidei questiones. *Ibid.*  
Marca variis errores circa Appellationem  
Eury-

F f f f f f a

Eury;



# I N D E X

- Eutychetis** 783. malè sentit Eutychetis hæresim fuisse novam. *Ibid.*
- Marca** utitur Antiochenis Canonibus in sensu Eusebiano. 221. Disertè fatetur dogma sum de intellectu Sardicensis Synodi esse novum. 245. A deo quod univèrsa hæc Ecclèsia fuerit in errore. 246
- Marcelli Ancyra Episcopi Appellatio Romana.** 177
- Marcion** ab Episcopi sententia appellavit Romanam, & accessit. 169. 172. Vacante Sede. *Ibid.* Defunctus est in poenitentia. 170. Romæ non tantum baptizatus est, sed insuper evehus in Clerum. 171. Ejus peccatum erat Mœchia, & quidem cum lata cum sacrilegio. 172. A Patre petitam poenitentiam nullis precibus obtinuit. *Ibid.* Quo sensu Romani dixerunt se non posse contra eum quidquam agere injussu Patris. 174. Idem petivit incardinari Presbyter in Romanam Ecclesiam. *Ibid.* Permanfit Romæ, 175. Marcionis Pater Episcopus. *Ibid.* Veneratur Romanas Appellationes. *Ibid.* Quomodò ausus fuerit Canonibus contraria à Sede Romana postulare? 176
- Marcus Ephesus** in Florentino opponit se Romanis Appellationibus. 556. Insignitet errat dicens Nicænos Canones in Afrorum contentione fuisse postulatòs à S. Proclo Episcopo Constantinopolitano. 557
- Martiniani error** circa Appellationes Romanas. 18. Personas pro negotio sua Romanam transmittit. *Ibid.*
- Martilia** quando evaserit in Metropolim? 86
- Martialis Emeritenfis Episcopus** ob Idololatricæ crimen degradatus. 49. 69. Non constat fuisse Metropolitam. 69. Romam appellat, & à S. Stephano reparatur ac restituit. 51. 52. 69
- Martiani causa.** 104. 38. 43. & seq. Stephanus Pontifex primam de Martiano cognitionem instituit, & primus ipsum damnavit. 104. Martianum Narbonensis Synodus non est ausa damnare, quia crimen Martiani non erat plene exploratum, 71
- Martianus Imperator** piissimus cum Valentiniano III. permisit Pontifici liberum Papalis auctoritatis exercitium. 150
- Martini Braccarenfis Canones** Romanis Appellationibus nequaquam nocent. 358
- Matisconensis Synodi Canon** de Pallio Archiepiscopi exponitur. 480
- Maurentius novæ Germaniciæ in Numidia Episcopus**, quos Judices postulaverit. 549
- Mauritanæ Provinciæ** semper fuerunt duæ. 389. Et civiles & Ecclesiasticæ. *Ibid.*
- Mauritius Imperator** quomodò se gesserit circa Clementium Byzacii Primatem. 549
- Maximi Cynici ad Romanam Sedem Appellatio.** 5. 291. 294. 340. 341. Eiusdem consecratio in Episcopum Constantinopolitanæ Ecclesiæ, 293. Facta ei contradictio, *Ibid.* & 294. Falsum est, quod Romana Synodus absentibus Orientalibus de Maximo nihil voluit decernere, 295. Eum admisit ad communionem, & revesitum ad retractatorium judicium, 295
- Maximi dolosa Hypocritis, & ante Episcopum ocella facinoræ,** 303. Ejus ordinatio an fuerit causa dissociationis inter Orientalem & Occidentalem Ecclesiam? 396 299
- S. Maximinus Athanasium**, dum à Constantio quæreretur ad poenam, honorificè suscepit. 58. Sardicensi Synodo adfuit, vel certè subscripsit, 19. Auctor fuit Pontifici Julio, ut erga S. Athanasium, alioquin ad se appellantes Episcopos faceret, quæcumque fecit. 19. 123. ex more Gallicanæ Ecclesiæ, 33. 35. Accusatur ab Eusebianis. 20
- Maximus**, teste S. Ambrosio, Romam appellat. 148. 299. 300. Ad eam Appellationem acceptandam S. Damasus non indiguit Provinciali Concilii auctoritate. *Ibid.* 290. 300. Ante inchoatum retractatorium judicium continuatur in Episcopatus possessione, 162
- Maximus Valentinus Episcopus** accusatur. 97 & seq.
- Melchisedes à Donatistis frustra accusatus** de lapsu

# RERVM ET VERBORVM.

lapſu, traditione, ac Thuriſicatione. 417  
 Calumnia fidem invenit, etiam apud  
 aliquos Catholicos, & hinc Synodus Si-  
 nueſana, *Ibid.*  
 Melchiaeſ Donatiſtarum adverſus Cecili-  
 anum provocationem retractat Romæ. 146  
 Cur in ea cauſa plures ſibi aſſumpſerit  
 Aſſeſſores, 602. Cecilianum non judicavit  
 ex autoritate imperialis delegationis, 389  
 Melchiaeſ ultima de cauſa Cecilian ſententia  
 concepta in ipſius ſolius nomen, 386, 389  
 602. Cur poſt ſententiam à ſe prolatam,  
 ſuſtinerit in Arelatenſi Concilio iteratam  
 litis cognitionem? 602  
 Meletii ordinatio & appellatio Romana, 299  
 330. 331. & ſeq. Stipulatio cum Paulino.  
 336  
 Metropoliſ à Provinciæ ſuæ Synodo nun-  
 quam potuit damnari, aut judicari. 64. 65.  
 provocat ad Patriarcham. *Ibid.* Lex Graia-  
 ni de Metropoliſ non condit novum jus  
 ſed innovat, ac ſtabilit Apoſtolicam tradi-  
 tionem. 66. Canones de hac re, cur quan-  
 doque non vigerunt in Gallia, *Ibid.* Ca-  
 rolus M. Canonum vigorem reduxit. 67  
 Metropoliſ à ſolo Patriarcha juxta Apoſto-  
 licam regulam poteſt deſici, vel judicari.  
 40 67. Excipe ramen eam Hæreſis.  
 manifeſtæ: item Idololatriæ, 67  
 Metropoliſ Galliarum, geſtaverintne Pal-  
 lium ante S. Bonifacii Apoſtolatum? 481  
 Metropoliſ in Aegyptiaca Diœceſi non  
 poſſunt celebrare Synodos. 347  
 Metropoliſ in Hiſpania non videntur fuiſſe  
 uſque ad tempora Conſtantini. 69  
 Metropoliſ Italiæ quatuor, Romanus, Me-  
 diolanenſis, Aquileenſis, Calaritanus, 73  
 Metropoliſ non nulli per Principes ſeculares  
 impediunt Patriarchales Synodos. 216.  
 217  
 Metropolitani titulus, non ſoli Carthaginiſ  
 Epifcopo, ſed etiam aliarum Provinciarum  
 Primatibus attributus. 383  
 Metropolitica poteſtas apud Afros non erat  
 adſtricta certæ Sedi, ſed ſemper tranſibat

ad ſeniores conſecratione Epifcopum to-  
 tius Provinciæ. 383. Utrum hoc obtine-  
 rit in omnibus ſex Africæ Provinciis? 383.  
 Conſtat viguiſſe in Cæſaræenſi Provincia.  
*Ibid.* Apud Afros Metropoliſ diſtus *Senex*  
 382. Item Donatiſti Princeps. 384. Item  
*Primus*, 385  
 Milevitanæ Synodo vulgata Conciliorum  
 editio nule adſcribit Canones de Ori-  
 ginali peccato, & adjutorio divinæ gratiæ.  
 726. Certum eſt ipſos eſſe à Carthagenenſi  
 & eſſe approbatoſ & confirmatoſ per Se-  
 dem Apoſtolicam. *Ibid.*  
 Miræus negat viram S. Hilarii Arelatenſis  
 S. Honorato Maſſilienſi adſcribendam. 26  
 Miſſa Vox eſt inſigniter antiqua. 526  
 Mitræ ornatus, ac aliorum indumentorum  
 Pontificalium uſus quibuſdam olim Epi-  
 ſcopis non fuit conceſſus. 476. Ipſiſ du-  
 dum caruit Ultrajectenſis Epifcopus. *Ibid.*  
 Mitram Græcorum Patriarchæ, ac Epifcopi  
 non geſtabant. 515  
 Morinus non rectè explicat originem tituli  
 Legatorum Apoſtolicorum à latere. 698

## N

Narbonæ Provincia, quomodo antiquiſ-  
 tus diviſa? 86  
 Neſtarii adhuc Catechumeni in Epifcopum  
 Conſtantinopolitanum conſecrationi, cur  
 contradicium fuerit? 294. 295. Secun-  
 dum Sardicenſes Canones, tamquam pen-  
 dente Appellatione promoſus, ejici de-  
 buerat à Synodo Romana. 296. Diſſimu-  
 latum fuit ob cauſas, *Ibid.*  
 Neſtarii audacia, qui non ſolum ſe intru-  
 diſſet in Sedem Conſtantinopolitana-  
 nam, ſed inſuper fuerat author Flavianum  
 contra jurata pacta intrudendi in Sedem  
 Antiochenam. 299  
 Neſtarii Catechumeni Ordinationem in Epi-  
 ſcopum, approbat Romana Eccleſia.  
 F f f f f 3 Dum

# I N D E X

- dum scribebat Ambrosius, 103
- Nestarii Constantinopolitani ad Sedem Romanam appellatio. 140. Ei temporalem confirmationem, & communionem tandem dedit S. Damasus. Ibid.
- Nestarius ad Theodosii preces, nec non ad Ecclesie pacem confirmatur in suo Episcopatu. 103. Confirmatus est per primam Constantinopolitanam Synodum, 122
- Nestorii causa discutitur, 812. 813. Proprium de suis Clericis iudicium retulit Sedi Apostolicæ, Ibid. A iudicio S. Cyrilli provocat ad Synodum, 116
- Nestorii iudicium per S. Cyrillum cassatum, 814 Non erat opus generali Synodo. Ibid.
- Nestorius à Celestino communionem & gradu privatur, nisi intra decem dies cantaret erroris palinodiam, 802. 814
- Nestorius appellationem ad generale Concilium non præsumpsit à Juliano eclanensi Episcopo, aliisque Pelagianis. 116. Ejus artibus seductus Theodosius, Ibid. Propter arditam ab ipso Synodum populus sollemniter comminatus est Nestorium præcipitare in mare. 817
- Nestorius, cur noluerit causam Juliani Eclanensis degradatum cognoscere? 789
- Nestorius malè contrà Apollinarium pugnando, fecit pro Apollinario. 772
- Nestorius Synodum, quam postulaverat ad eò extimuit, ut refugient in secessu, 818. Ejus damnatio, 819
- Nicene Synodi Acta plena nunquam videtur vidisse Romana Ecclesia. 682. Hilarius Pictaviensis Episcopus proficitur ipsum Nicenum Sybolum, à se etiam Episcopo, non fuisse visum, nisi dum in exilio degenerasset apud Græcos. 673
- Niceni Canones, fuerint plures quam viginti? 557. Postulati ab Africanis Episcopis, 675. 687. Et cur eos non postulaverint ab Orientalibus? 681
- Niceni Concilii capitulum unum, & duo Sardicenses Concilii Innocentius I. ad Vindicium congesti in unum. 211
- Nicænorum Canonum in Africa auctoritas, 574. Juxta S. Leonem sunt spiritu Dei conditi. 682. Juxta Innocentium I. sunt Apostolici, 135
- Nicænorum Canonum nomine Innocentius primus complectitur etiam Sardicenses, 127. Theodosius Imperator inter Nicænos Canones refert Canonem Sardicensem, 125. S. Leo adducit solos Sardicenses Canones, eosque vocat Nicænos. 132. Sardicenses Canones tunc viguere per totum Orientem, Ibid.
- Nicænos Canones Africana Ecclesia tantum viginti agnovit. 111. Zozimus plures adstruebat, Ibid.
- Nicænum Canonem Provincialium Synodorum iudiciis adscribere supremam ac appellabilem auctoritatem, nemo unquam effutivit, nemo Catholicus, nemo schismaticus, nemo Hæreticus. 251
- Nicænum 5. Canonem vetare Romanas Appellationes, non primus docuit Petrus de Marea. 264. Idipsum docuit Guillelmus Beveregius Anglicani Schismatis Doctor, 263
- Nicænus Canon 5. nihil sanxit de depositionibus Episcoporum, 179. Cur non exprimat Romanæ Ecclesie privilegium? Ibid.
- Nicænus Canon 5. tractat de solis criminalibus in Clericos, aut Laicos iudiciis. 106
- Nicolaus Eufanus, quid senserit de Pontificia potestate solvendi & ligandi sine consensu, aut ratificatione proprii Sacerdotis. 126
- Nicolaus I. Clericorum Gallie ad Romanam Sedem Appellationes asserit. 193. 194. 214
- Cur Ebbonem absque prævio examine non admisit tamquam canonicum Episcopum, neque donaverit Fallio? 164. 165. Quomodo se gesserit cum Rothaldo Episcopo Successionensi? 165
- Nicolaus I. Regia in Episcopos jura malè dicitur tandem agnovisse. 218. Catoli violentias prudenter dissimulavit. Ibid.
- Nicopolis caput veteris Epyri spectat ad Patriarcha

etriarchatum Romanum, 506  
 Novati ad Romanam Sedem appellatio. 517  
 Novatianensis crudelitas erga lapsos ad reconciliationem non admittendos. 43  
 Novatus, an Novatianum consecraverit Episcopum? 568. Lapsos admittebat ad communionem sine satisfactione & poenitentia. 570. S. Cypriani Episcopatum occasione persecutionis invadit. 570  
 Numidia fuit duplex, antiqua & nova, 575

O

Occidentales Reges dudum retinuerunt & agnoverunt aliquid obedientiae erga Romanum Imperium. 464. Praestitum regnum Burgundiae, *Ibid.* & seq.  
 Octavae Synodi Constantinopolitanae Canon 27. de usu Pallii exponitur, 492  
 Omophorion antiquum Graecorum non fuit idem cum Phænolio, 444  
 Omophorion Graecis Episcopis non fuit olim vestis vulgata. 492. Graecorum Episcopi non deponunt illud post recitatum Evangelium. 493  
 Omophorion, quid apud Isidorum Pelusiotam? 442. 443. Non fuit palliolum, seu Mozetta, quo Graecorum Antistites utebantur extra sacrificii tempora, *Ibid.*  
 Omophorion sacrum non est ornamentum Patriarchis permissum ab Imperatoribus. 445. Non est imperiale beneficium, sed institutum Apostolicum, 446. Eo usus S. Jacobus Frater Domini, Marcus Evangelista, & ipse S. Petrus Apostolus, *Ibid.*  
 Omophorion S. Jacobi Theodosius Patriarcha Hierosolymitanus donavit S. Ignatio Patriarchae Constantinopolitano. 501. 502 vide *Pallium*,  
*Ordinare*, vox sumitur pro consecratione, vel inthronizatione. 400  
 Ordinatio Catechumeni in Episcopum approbata à Romana Ecclesia in S. Ambrosio, & etiam Nestario. 303

Ordinatio Evagrii à S. Paulino vivo sole, 117  
 Ordinatio in locum damnati Episcopi fieri nequit, antequàm damnatio confirmetur per Romanam Ecclesiam, 52. 58  
 Ordinationes Africanæ Ecclesiae exponuntur, 421. & seq.  
 Ordinationes Episcoporum apud Aethiopes celebrare sollemnissimè, 426. Cathaginenfis Primas consecrari consueverat à duodecim, *Ibid.* Quot requisiti fuerint ad aliorum Episcoporum consecrationem. 427  
 Orientales Ecclesiae, etiam Patriarchales, semper fuerunt subiectae Sedi Romanae. 323. In magnis Negotiis, in quibus opus erat disceputatione majori, semper consueverunt Sedem Romanam, 881  
 Orientales Episcopi olim provocarent ad solum Romanum Pontificem adversus Aethiopes Conciliorum, 149  
 Orientalis Ecclesia Catholica olim ad Cathaginensem, aut alios Occidentis Episcopos nunquam scribebat Synodales literas prætermisso Romano, 730  
 Orientalis Ecclesiae Clerus inferior semper appellavit ad Sedem Romanam. 185. 186 & seq.  
 Orientalis Ecclesia olim pendit ab ore Occidentis. 909. Falsum est, quod Orientalis Ecclesiae judicia non potuerint ad occidentalis Ecclesiae judicia devocari, nisi dum ultro deferrentur. 909  
 Orientalis Ecclesia perperam fingitur vixisse juxta Canones Africanos, *Ibid.*  
 Orientalium epistola Synodica ad Damascum Papam non satisfecit Occidentalibus. 302  
 Romana Ecclesia Flaviano non est largita communionem nisi sub finem vitae. *Ibid.*  
 Orientalium, non tantum de dogmaticis, sed etiam de Canonicis questionibus judicia, fuerunt semper per Appellationem devoluta ad Apostolicam Sedem, & per ipsam solum retractata, ac definita. 341  
 Origenes purgat se ab accusatione de nimia Librescriptione, 1

Originale

Originale peccatum non pertinet ad Ecclesiasticas, & agitabiles quæstiones. [715](#). Est immobile Evangelii dogma assertum à S. Paulino & S. Augustino contra Celestium, *Ibid.*

## P

**P**alestina non est Alexandrino Episcopo subdita, [41](#)

Pallia antiqua non fuerunt hodiernis cappis, seu Pluvialibus similia. [478](#). [512](#)

Pallii ablacione Patriarcha, ac Metropolitae degradatur, [471](#)

Pallii acceptioni rectè apponitur professio Romanæ subjectionis, & obedientiæ. [424](#). [427](#)

Pallii antiquitas longè certior in Ecclesia Orientali, quàm Occidentali. [513](#)

Pallii Archi-Episcopalis antiquitas. [442](#). De nullo Metropolitano in quibuslibet Mundi partibus auditum est extra Missarum tempus usum pallii sibi vindicasse. [447](#)

Pallii Græcorum author est S. Petrus. [335](#). Non est idem cum sacco Græcorum. [460](#)

Pallii sacrosancta significatio. [449](#). [450](#)

Pallii usum permitti Anastasio, cur à Mauritio Imperatore postulerit Gregorius M. [467](#). [468](#). Non adigit Metropolitae ad insolitam quandam Apostolicæ Sedis reverentiam. [485](#)

Pallio uti non licuit uti extra Missarum tempus, neque in Litiis, seu extra Ecclesiam processionibus. [478](#). [479](#). [520](#). Cur insigniatur crucibus. *Ibid.*

Pallium ab Anthymo hæretico Imperatoribus audacter, & sine exemplo redditum, [460](#). [461](#)

Pallium à Gregorio M. non solum Metropolitae, sed etiam Provincialibus quibusdam Episcopis transmissum. [473](#) & seq.

Pallium Alexandrina Ecclesia non accepit à Romano Pontifice. 500. Nec Hierosolymitana [501](#). Nec etiam Constantinopolitana, [502](#). [503](#)

Pallium, an Patriarchæ Autocephali, & nominatim Carthaginensis Primas olim acceperint à Romana Ecclesia? [499](#)

Pallium Armeniis misit Gregorius IX. eo quod prius esset nimia vetustate consumptum, [502](#). [505](#). [506](#)

Pallium, cur furati tres S. Ioannis Chrysostomi Diaconi. [503](#). Cur Gregorius Magnus Leandro transderit inconulto Mauritio? [466](#)

Pallium de quo Synodus Matiscœnensis sanxit, non fuit diversum à Romano. [479](#). Arelatensis Episcopus, non solus inter Gallicæ Metropoles insignitur Pallio. [483](#)

Pallium Episcopale, an in Constantinianæ donationis instrumento significetur per lorum & Chlamydem? [455](#)

Pallium Episcopale confirmationis Romæ petendæ Symbolum. [470](#). Est laneæ fasciæ, Nestorio degradando detracta. [523](#). Est Pastorica vestis. [524](#). Fuit apud Græcos ovina pellis. *Ibid.* [452](#)

Pallium Græcorum Patriarchæ suis Metropolitae non transmissum olim ad Episcopalis & Metropolitæ dignitatis firmitatem, [489](#). [490](#)

Pallium Græcum & latinum in quibus conveniant, & in quibus differant. [450](#). [459](#)

Pallium in Africa solus Carthaginensis Archiepiscopus gestare consuevit. [511](#). An semper acceperit ab Apostolica Sede. *Ibid.*

Pallium Metropolitae, ac aliis Episcopis olim à Romanis Pontificibus transmissum. [472](#) & seq. Ex prisca consuetudine. *Ibid.*

Pallium non fuit vestis, quam calcavit Anastasius Syncellus, vel quam affixit Acemetenensis Monachus, [472](#)

Pallium olim acceptum de altari, non à consecrante, sed ab ipso consecrato. [503](#)

Pallium olim non erat indumentum integrum. [448](#). Erat ovina pellis. *Ibid.* Gregorius M. in suis literis non loquitur de Pallio tamquam de veste integra & talari. *Ibid.*

Pallium ovis errantis typus. [503](#). Quia ex lana. *Ibid.*

Pallium

Pallium quibusdam per Galliam Metropolitibus olim non concedum. 476. In tota Hybernia non fuit usque ad Eugenium III. *Ibid.* Pallium quoniam est Ecclesiasticum indumentum, tribui non potest Imperatoribus.

463. 469

Pallium Romanæ Ecclesiæ, quo tempore nulli dedit abfenti.

507

Pallium Romanum & Gallicum non fuit diversum.

477. 484

Pallium Sacrosanctum Archi-Episcoporum sine imperiale donum, ac beneficium.

485. 501. Pallio S. Marci utebantur Alexandrini Patriarchæ.

*Ibid.*

Pallium sunt humerales fasciæ gestatæ semper suprà sacras Casulas.

478

*Pallium vide Omophorion.*

Paludamentum non erat splendidum sed ex lana.

456

Pamelius docet liquisse jam olim Pontificibus Romanis Episcopos Galliarum iustis de causis evocare, imò delituere & novos in eorum locum substituere,

39. 48

Papa titulus olim communis omnibus Episcopis, etiam Africanis. 405. Hi tamen ipsum nulli detulerunt nisi suo Primati Cathaginensi.

*Ibid.*

*Papa vide Romanus Pontifex.*

Parisiensis Synodus nihil sanxit contra S. Petrum.

493

Parmentianus Donatista fuit Hispanus.

420

*Paschasius vide Quæstus.*

Patriarcha Alexandrino deuncto quomodo novus eligeretur.

500. 501

Patriarcha Alexandrinus suam consecrationem debuit statim referre Romano Pontifici & ejus confirmationem postulare ac obtinere ex Apostolico Canone confirmato per Nicænum.

878

Patriarcha Constantinopolitanus novus debebat semper ad Pontificem transmittere Synodicam & suæ dignitatis confirmationem petere,

505

Patriarcha damnari potest per Provinciale Romanum Pontificis Synodum, nec requiritur Concilium totius Ecclesiæ.

288

Patriarchæ Constantinopolitani promotio, ac de excessibus cognitio privativè spectat ad solum Pontificem. 82. Pontifex dum illum degradat potest suo jure consecrare successorem.

*Ibid.*

Patriarchæ etiam Sardicenis Canonibus subiecti. 31. 32. Item Sedi Romanæ.

329

Patriarchæ Græcorum ac Episcopi olim non gestabant Mithras.

513

Patriarchæ Græcorum Occidentalium Metropolitum mora ante acceptum Papalem confirmationem non poterant Sedere in throno, nec fungi præcipuis dignitatibus suis muneribus.

273

Patriarchæ Græcorum suis Metropolitibus non transmissit Episcopale pallium.

489. & seq.

Patriarchæ Latini, imò & quidam Metropolitæ post duodecimi sæculi exordium, acceperunt Romæ pallium.

506

Patriarchæ nomen Jocondus & Cyrillus Episcopi Wandalorum assumpserunt.

386

Patriarchæ omnes semper debuerunt à Romano Pontifice consecrationis & dignitatis suæ confirmationem supplicare & ante ipsam non potuerunt legitime sedere. 508. Non tamen potuerunt Pallium simul postulare, aut accipere.

*Ibid.*

Patriarchæ Orientales, quibus ornamentis uti prohibiti fuerint diebus jejuniorum & in defunctorum officiis.

492

Patriarchæ soli non verò Metropolitæ habent in Ecclesiæ locum, quem Prætoriorum Præfecti habent in Republica. 222. Soli possunt Synodos celebrare in Agiptho.

347

Patriarchæ Synodum convocant.

218

Patroclus Arelatenfis appellat ad Zozimum Papam. 87. 90. 91. 96. à Tribuno quodam Barnabo multis vulneribus laniatus occiditur. 88. ejus cum Proculo causa,

88. 89. 90

Pauli Episcopi appellatio ad Sedem Romanam,

744 & seq.

Pauli Orosii Apologeticus, sine opus legitimum?

710. 713

Paulinus Celestium cogit ad profitendam fidem

Gggggg

fidem de peccato originali. 4. 215

**Paulinus** Trevirensis Episcopus ab Arelatenſi Synodo injuſtè depoſitus, cur Romam non appellaverit. 86. 87. 88. A Conſtancio in Phrygiam relegatus. 97. Deſunctum Trevirensis Eccleſia è Phrygia deporravit in Galliam, & uti Canonicum Episcopum, imò ut triumphantem Mariyrem glorioſè ſepelivit. 99. Cur in Poſtrema appellatio- ne ad Imperatorem Maximum, non ad Romanum Episcopum provocavit? *Ibid.*

**Paulus** Archi Episcopus Cretæ, quomodo ſe geſſerit in Ioannis Episcopi Lappenſis ap- pellatione ad Vitalianum Papam? 163

**Paulus** docuit totum Illyrium, ac omnem Aſiam à Hieruſalem Romam uſque. 286

**Paulus** Samofatenus ad poteſtatem ſecularem ab Antiochena Synodo videtur recurſiſſe. 180. Damnari non debuerat ſine prævia relatione ad Romanum Pontificem. 273

288. Damnatur à propria Synodo. 68. Non tamen per definitivam ſententiã, niſi ad eſſet Dionyſius Alexandrinus, & Firmilianus Cæſarzenſis. 61

**Paulus** Samofatenus degradatus, contumax permanſit in Episcopali palatio, & tandem per Aurelianum Imperatorem jubetur excedere. 273

**Pax.** Apud antiquos Patres & Canones eſt culpæ aut poenæ reconciliatoria ſolutio, 279

**Pelagii** cum Catholicis de gratiæ neceſſitate diſputatio quando contingit? 652

**Pelagii** fraudulentus Libellus *fidei*, 715. Accuſatur ab Herote ac Lazaro & perducitur ad Synodum Dioſpolitanam. 94. à Sancto Auguſtino, ac aliis Aſtorum Episcopis immediatè deſertur ad S. Sedem, quia erat Gyrovagus ac vagabundus. 102. Non fuit damnatus ab Africana Synodo, neque Romanideò provocavit. 558

**Perigenis** Corinthii Episcopi ad Sedem Romanam appellatio, 343 & ſeq

**Perreuius** Theſſalæ Provinciæ Episcopus ap- pellat ad Sedem Romanam, 145. Adſuit Ephesine Concilio, *Ibid.*

**Perronius** Cardinalis fruſtra arguitur quod malè intellexerit Epistolam Iulii Pontifi- cis, 289

**Petilianus** Donatiſta ab Auguſtino quandoque Cyrrhenſis quandoque appellatur Episcopus Conſtantenſis. 376 Malè hinc quidam cenſent duotunc fuiſſe Petilianos. *Ibid.*

**Petrus** Alexandrinus Patriarcha primus om- nium Gregorium Naztanzenum Conſtan- tinopoli inthronizavit per literas. 295

**Petrus** Alexandrinus Romam provocat con- tra violentias Latronis Lucii. 370

**Petrus** de Marca, ſummum jus Romanæ Sedis in ſententia de rebus ad ſe relatis ſeren- da ex Cypriano præclare probat, 48. Malè ſentit de lege Gratiani & Valentiniani la- ta in favorem Appellationis Romanæ. 73

*Petrus de Marca, vide Marca.*

**Petrus** ſullo Patriarcha Antiochenus damna- tus ab Episcopis. 61

**Petrus** Mogus Alexandrinus Patriarcha damnatur, & abſolvitur, 286. 287. Quid molitus fuerit contra Ioannem Alexan- drinum? 377. 378

**S. Petrus** ſedit Romæ Episcopus. 415. Episco- palis thronus à S. Petro inſtitutus, *Ibid.*

*Vide Romanus Pontifex.*

**Phænolion** apud Græcos duplex, parvum & magnum, initiale & finale. Hoc ſubdi- viditur in preſbyterale, & Episcopale. Iſtud eſt ſimplex ex lana, hoc eſt polyſtaurion, ſeu pluribus cruceibus inſignitum. 444. Eſt idem, quod noſtra Caſula, ſeu Plancta. 458. Omnis Græcorum caſula eſt ex lana, *Ibid.* 459. Objectum Latinis, quod habe- rent Caſulas ex ſerico, 459

**Phænolion** non eſt ornamentum ſolis Patriar- chis proprium. 493. Theodorus Baſamion id affirmat de ſolo Phænolio polyſtaurio, *Ibid.*

**Philippo** politani conventiculi Episto- la Auguſtino pro Synodo Sardicenſi. 728

Codex ille fuit mutilus, *Ibid.*

**Philippo** politani conventiculi literæ Augu- ſtino ſuſpectæ, quod ad Carthaginienſem

*Episcopum*

# RERVM ET VERBORVM

*Episcopum Romano prætermisso, nunquam Orientalis Ecclesiæ scriberet.* 420. Eventum Evangelicum Romanæ Ecclesiæ Primatum: Evangelicam Christianitatis Monarchiam transmutare student in parem trium Patriarcharum Aristocratiæ, *Ibid.* 115

Philippo-politani conventiculi literæ continebant S. Athanasii & Iulii Romanæ Ecclesiæ Episcopi damnationem, 728.

Augustinus probat fuisse Arianorum Concilium, 729. 730

Photius Hæresiarcha quàm abs re citetur à Petro de Marca pro adstruenda authoritate Principis sæcularis ad retractanda judicia Synodorum Provincialium, 233

Photius primus ex Afrorum appellationibus Romanas Appellationes impugnat. 355

*Phrygium* S. Cyrillo à S. Celestino datum non fuit Pallium. 515

Pisti Arii congregantis factum & appellatio. 144. 145. 279

Pœnitentia etiã de gravibus criminibus privarimiterari permissa tempore Marcionis. 171. Usque ad Zephyrini Papatum omnis sub Cælo Ecclesiæ tria crimina reservabat Christo Domino: Idololatriam, homicidium, & Mœchiam. 172. Quædam olim delicta Episcopum, aut Clerum degradabant, quædam proscribent à solo ascensu ad altiore gradum. 388. 389

*Polyssar'o*, quid Græcis? 458. 459

Pontifex vide Romanus Pontifex.

Pontificalis liber est modicæ authoritatis. 568

*Prædestinatus* Iacobi Sirmondi imperitus. 711

Primas apud Afros, potuerint fieri sine prævio examine & confirmatione Archiepiscopi Carthagenensis? 400. 434

Primas in Africa vocabatur *Senex*, 382. Item Donatistis *Princeps* 383. item *prima Sedis Episcopus*, & hinc *Primas*. 384. Item *Metropolitæ*, non à civitate, sed ab authoritate, 886

Primatem Africanum Gregorius M. voluit deinceps per Synodos eligi digniorem totius Provincie. 392. Sanctio erat San-

ctissima, ad precestatem Afrorum moderata, *Ibid.*

Primatem proprium habuerintne sex Provincie Africanæ? 389

Primates Africani omnium suorum Episcoporum mortem, eorumque novos successores debebant referre ad Carthagenensem Episcopum: & hic ad Episcopum Romanum. 431

Primates Cantuariensis ac Toletanus spectant ad media sæcula, 397

Primates Galliarum sunt Africanis longè iuniores. 397. Omnium senior est per Carolum Magnum. *Ibid.*

Primates Provincialium, an soli citra Carthagenensis Cathedralis conscientiam potuerint in Africa dividere Episcopatum, ac novos erigere? 436

Primates Provincialium, quibus dignitatibus in Africa fulgerent? 402. Ordo sedendi inter Primates 403. Primati Numidie & Mauritanie semper datus primus locus post Primatem Carthagenensem. *Ibid.*

Primates singulorum Provincialium in Africa potuerunt consecrare suos Comprovinciales, ipsorumque consecrationem delegare aliis, 424. & seq.

Primatum successio secundum ætatem per Gregorium M. concessa semper permansit, & dum Africam contigerit reduci ad Christum Dominum debet permanere, 392

Primatus Carthagenensis Ecclesiæ exponitur. 393. & seq.

Primatum Donatistarum Primatem Synodus propria non ausa est invitum ad Synodum cogere, 71

Primosi Thiganensis apud Cæsarzenenses Mauro Episcopi Romana Appellatio. 609

Priscillianistæ non facillè ad reconciliationis gratiam, quod secreta prodere recusarent, 96

Priscillianus Hæresiarcha adhuc Laicus Instantium, & Salvianum Hispaniarum Episcopos seducit. 59. Damnatur in Synodo apud



apud Cæsar-Augustam congregata. *Ibid.*  
 Non ausus fuerat ejus judicio se submitte-  
 re, *Ibid.* Romam cum suis frustra appellat.  
*Ibid.* S. Ambrosium æquè repugnantem  
 reperit. *Ibid.* Ab Imperatore cupita ex-  
 torquet. 60. In Synodo Burdigalensi ad  
 Principem provocat. *Ibid.* Cur non ad  
 Romanum Pontificem, 61  
 Privatus Lambestanus Episcopus appellat  
 Romam, 564. 571  
 S. Proclus S. Joannis Chrysostomi Diaconus  
 opponit se consecrationi Bassiani. 74. Per  
 Imperatorem reconciliatur. 74. 75  
 Proculus degradatur à Zozimo Pontifice. 87  
 Proeli causa discutitur. 88. 89. 90. Quam-  
 obrem conquestus fuerit de Zozymi judi-  
 cio. 89. A Bonifacio consecutus est ple-  
 nam gratiam, *Ibid.*  
 Professio obedientiæ, quam provinciales  
 Episcopi in sua consecratione faciunt suo  
 Metropolitæ est antiqua, 494. 495  
 S. Prosper in prima etiam instantia desert ad  
 S. Sedem blasphemias adversus S. Augu-  
 stinum, 133  
 S. Prosper malè à Quesnello dicitur sancti  
 Leonis seductor 133. Ejus Acta evincunt,  
 quod Romanas in Gallia appellationes,  
 probaverit, atque defenderit. 133  
 S. Prosper utrum fuerit S. Leonis Secretarius  
 res est valdè incerta, 133. Non videtur  
 fuisse Episcopus, sed Monachus & Laicus,  
*Ibid.* 134  
 Proterius crudelissimè ipsâ quintâ sanctâ feriâ  
 in ipso Baptisterio cruciatur ab Alexandri-  
 no populo & Clero, 79  
 Progenes Sardicenis civitatis Episcopus,  
 fuit Hosti Præsidis in Sardicensi Synodo  
 adjutor, 358. Damnatur ab Eusebiana  
 Factione. 354. 355  
 Provinciali Synodo damnatis provocare ad  
 Synodum Patriarchalem permittit Con-  
 stantinopolitana Synodus, 338  
 Provinciali Synodo non competit in appel-  
 labilis potestas deponendorum Episco-  
 porum, 219

Provincia pro Diocesi accipitur à S. Cypria:  
 no. 191

Q

Quesnelli circa S. Flaviani Appellatio-  
 nem lapsus. 841. 842. Item circa ap-  
 pellationem Theodoroti Cyrensis, 903.  
 904. & seq. Item circa Marianum, 40.  
 Item contra nescio quem eximix eruditio-  
 nis virum asserta, 819  
 Quesnelli sensa circa Appellationes Romanas  
 2. revelatâ Fronte affirmat S. Leonem  
 graviter, & multipliciter excessisse. 5. 10.  
 136. 139. Ipsiusmet Hilarii excessus  
 demonstrantur. *Ibid.* Perperam asserit quod  
 tota quæstio de qua agitur, sit in examine  
 facti, non in discussione juris 9. dicit  
 S. Leonem non esse idoneum talem in  
 propria causa, 10. Imitatur Marcum An-  
 tonium de Dominis & Joannem Calvi-  
 num. 11  
 Quesnello gratulandum, quod sancti Gelasi  
 Pontificis epistolam ad Faustum Magi-  
 strum admirat. 822  
 Quesnellus accusat malè Synodum Romanam  
 & Imperatores Gratianum & valentinia-  
 num. 60. Item Zozymum Pontificem,  
 850. Erat dum scribit: Quod Orienta-  
 lis Ecclesia Sardicensem definitionem non  
 statim admisit. 124  
 Quesnellus calumniatur S. Leonem, Cypria-  
 num, ac S. Augustinum. 159  
 Quesnellus Codicem Nicænorum Canonum  
 cum Sardicensibus magnum Ecclesiasticæ  
 eruditionis Thesaurum primus produxit in  
 lucem. 732. 737  
 Quesnellus, ejusque Symmiste Eusebianorum  
 in Antiochena Synodo potant turbidas  
 aquas. 143. 169. 176  
 Quesnellus imponit S. Leoni, quod in retra-  
 ctatorio Chelidonii judicio, non dederit  
 Hilario Synodalem confesum, arque  
 suffragium. 159. S. Prosperum malè stu-  
 det facere S. Leonis seductorem. 133  
 Quesnellus

Quenellus in Hilarium injurijs. 22. Malè affirmat Hilarium adversus Pontificem evasisse victorem ac permanisse. *Ibid.*  
 Quenellus malè corrigit textum S. Leonis, 187. Inaniter clamat Africanam Ecclesiam nunquam appellasse ad Apostolicam Sedem. 369. Idipsum sentit Joannes Calvinus, M. Antonius de Dominis. *Ibid.*  
 Quenellus malè rejicit epistolam S. Leonis, quatenus agit de Lupicini appellatione. 341. & seq. Item non rectè explicat tituli *Legatorum à latere originem.* 698  
 Quenellus Leonis ad Cæsarænsis Mauritaniæ Antistites epistolam, malè affirmat esse interpolatam, 360. 361. Leoni imponit, 562  
 Quenellus quid senserit de Romana Eutychetis appellatione. 784. Ejusdem errores *Ibid.* & seq. Malè vocat Eutychetem *Virum sagacissimum.* 785. rectè exponit causas cur Eutychetis in sua, (quam ad Florentiæ Patrini aures fecit appellatione, exprimens Thessalonicensem Episcopum) miserit Patriarcham Antiochenum. 772  
 Quenellus sine causa affirmat, quod Metropolitanæ ad subditum Episcopum damnatum auctoritas sit jus naturale. 560  
 Quod vult Deus ac Deo gratias fuerunt familiarissimè uniti cum S. Augustino, 740  
 Quod vult Deus successores Capreoli in Sede Carthaginensi, 739. Unà cum Clero, à Geizerico Rege Ariano in navibus fractis absque remigio & velis impositus, præter spem Neapolim appulsi, ubique in Ecclesia positus Confessor occubuit *Ibid.* Creditur fuisse S. Gelasius Pontifex, 740

R

**R** Econciliations extremæ viaticum, an & quando Mœchis & lapsis negatur? 71  
 Regibus non competit facultas examinandi conditos in Patriarchali Synodo Canones

priusquam executioni mandentur 218  
 Relatio Alexandri Patriarchæ Alexandrini ad S. Pontificem Sylvestrum, 244  
 Relatio, aut provocatio non fit nisi ad Superiorem, 328. Orientales Ecclesiæ ad Romanam semper retulerunt, aut provocant, *Ibid.*  
 Relatio juxta Synodum Sardicensem in majoribus causis debet fieri ad Sedem Apostolicam, 114. Est antiquissima juxta à Marca, 179. Examinatur ad Romanam Sedem Relatio cujusdam Presbyteri, de ejus Irregularitate difficilis erat questio, 206  
 Relationes Episcopales juxta Ecclesiasticam regulam debent fieri, vel ad Metropolitanam, vel ad summum Pontificem, 207. Episcopis comperit jus eligendi alterutrum. *Ibid.*  
 Apostolica Sedes, quoniam distrahitur in plurima semper maluit primam Relationem fieri ad Metropolitanam, 207  
 Reliquæ consecrandis altaribus semper fuerunt necessariae, 415  
 Reparatus Archiepiscopus Carthaginensis, quænam reitulerit ad Joannem Secundum Pontificem, 742. Eidem per Agapetum Pontificem Metropolitana juxta reparatur, 398  
 Rigakius docet jam olim Romanis Pontificibus licuisse Episcopos Galliæ justis de causis excommunicare, imò destituere, & in eorum locum novos substituere, 39. 48  
 Rochero Græci non utuntur, 445  
 Romæ ante nunciam Synodum Acta fuerunt omnia causarum retractatoria judicia, 146  
 Basilidis, & Martialis Hispanorum Antistitum, &c. *Ibid.*  
 Roma extra Sozomenum *Apostolorum Schola,* & pietatis Metropolis, 270  
 Romana Cathedra gratiose permittit omnes Afrorum Episcopos, consecrari per manus, aut literas Primatis Carthaginensis, 398. & seq.  
 Romana Cathedra juxta Dorotheum Thessal-

Gggggg j lomg

# I N D E X

• *Ionicensem Archiepiscopum*, est *primus omnium ad ipsum festinantium portus*: & *juxta Gelasium portus omnium fluctuantium* **370. 785**. Hæc phrasis desumpta est ex S. Hieronymo, *Ibid.*

*Romana Ecclesia*, an possit condere novos Canones, an verò tantum decreta de prompta ex generalibus Ecclesiæ Canonibus? **497. 498**

*Romana Ecclesia*, cur interdum abstinuerit ab excommunicatione in totum Orientem, **815**

*Romana Ecclesia* est juxta Ambrosium, totius orbis Romani caput, unde omnia veneranda communionis jura dimanant. **528**

*Romana Ecclesia* omnes afflictos ipsam invocantes potest ac debet suscipere: priores Judices potest Romam evocare ad reddendas sui judicii rationes, &c. **280**

*Romana Ecclesia* semper fuit gavisæ & usæ jure evocandi Gallicanos Episcopos ad suam Patriarchalem Synodum, 212. & seq.

*Romana Ecclesiæ judicium* in prima instantia causæ Maximi Valentini per Bonifacium, **98**. Item in causâ Patroeli, & Hilarii Metropolitaram per Zozymum, 100. Vide ex Arabicis Canonibus, **117**

*Romana Ecclesiæ Legati* in Ephesino non fuerunt duplices, quorum alii solius Celestini, alii totius Ecclesiæ occidentalis forent Vicarii, **863. 864**. Quo sensu universa Occidentalium Episcoporum multitudo consentiret Synodo, **865**

*Romana Ecclesiæ populus* nunquam juxta primitivorum Hierosolymitanæ ac Alexandrinæ Christianitatis morem in communi vixit, **171**

*Romana Ecclesiæ Principatus* consistit in quatuor, **11**

*Romana Provincie olim amplitudo*, **204**

*Romana Sedes à portis Inferi nunquam pro Domini permissione vincitur*, 310. Orientalis Ecclesia non contradixit, imò scripsit ad Gelasii successorem Symmachum, ut non pro Orientalium tantum, sed trium prope plagarum habitabilis mundi Sedes Romana

adjuvet, **310**

*Romana Sedes* immediate & privative judicat Metropolltas, 102. Item Clericos Gyrovagos, *Ibid.* Ita factum in Pelagio, *Ibid.*

*Romana Sedes* judicat in prima instantia in causa Mariani, **104**

*Romana Sedes* respectu aliarum Patriarchalium non immerito visui comparatur, qui profecto cunctis sensibus præminet, acutior illis existens, & communionem, sicut nullus eorum, cum omnibus habens, **319. 320**

*Romana Sedes* ridiculè dicitur aliis Provinciis Index extranea, **306**. Præsertim, si sermo sit de Provinciis ad ejus Patriarchatum spectantibus, *Ibid.*

*Romana Synodus* sub Damaso appellationes Romanas ab Imperatoribus Gratiano, & Valentiniano postulavit confirmari, **63**

Nihil postulavit contra Canones, *Ibid.*

Synodo interfuit S. Ambrosius, **64**

*Romana Urbs* Operati Milevitani tempore habebat ultra quadraginta basilicas, adeoque & totidem Cardinales Presbyteros: Item quatuordecim Diaconias, adeoque & tot Cardinales Diaconos, **416**

*Romani Clerici* in Marcionem causa discutiunt, **169. & seq.**

*Romani & papalis Cōsistorii* prima metio, 352

*Romani Imperatores* Hispaniam à Gothis constanter repeterunt, **464**

*Romani Imperatoris potestatem* omnes Occidentales Reges dudum agnoverunt, **463. 464**

*Romani Legati* adfuerunt Ephesino latrocinio nomine solius Pontificis Leonis, non verò nomine, & vice totius Occidentalis Concilii, **848**. S. Leo antea nullam celebraverat Synodum, nisi solius suæ Provincie, adeoque Legati fuerunt ipsius solius Vicarii, **846**

*Romani Legati* non interfuerunt Occumenicis Orientis Conciliis, tamquam Episcopi totius Occidentis, sed solius Romani Pontificis nomine, **846**

*Romani Patriarchatus Episcopi* omnes, qui in

in alma Urbe reperiebantur in eligendo Pontifice habebant suffragium. 568

Romani Pontifices Metropolitae ac aliis Episcopis olim transmiserunt pallia ex prisca consuetudine asserta à Gregorio Magno. 462

Romani Pontifices nunquam ad Græcos scripserunt græcè, sed semper latinè. 893. Imò suas latinas, nec Romæ permiserunt verti in Græcum, sed constanter voluerunt id fieri à Græcis. *Ibid.*

Romani Pontifices, uti in Illyrico, ita & in Gallia Apostolicos Vicarios habuerunt. 214

Romani Pontificis authoritati nihil nocet simplex revisio facta in causa Ceciliani. 602

Romani Pontificis consensus requisitus, ut Episcoporum ubique extra Italiam consecrationes fierent. 470

Romani Pontificis pedum oscula, 3

Romano Pontifici, an nihil speciale competit nisi primus locus? 601. Ad eum appellatur ex omni gente, nequaquam tamen ad alias Apostolicas Ecclesias. *Ibid.* 157. Adversus Romani Pontificis judicia nullus est appellationi locus, sed gratiosæ revisioni, 164

Romano Pontifici dari Visitatorem Canones prohibent. 418

Romano Pontifici in sua Patriarchali Synodo Apostolicus Canon permittit omnia, 389 Ipsum fuisse à Nicæna confirmatum ac stabilitum affirmat in sua Synodo Felix III. *Ibid.*

Romanum Pontificem subsuisse generali Concilio ex gestis in Synodo Capuana malè probat Joannes Launojus. 338

Romanus Patriarcha constituit Vicarios Apostolicos cum potestate congregandi Diocesanam Synodum. 214

Romanus Pontifex, an possit appellantes, & appellatos evocare ad suum tribunal, non delegando in partibus retractatorium judicium. 139. & seq. Possint à retractatorio appellatæ causæ judicio priores indices excludere? 152. 247. Non obligatur ad

certum retractationis modum. 250. 854 Solus eximitur ab Appellati Judicis in Reç demutatione. 159. Ab ea Lege nec ipsi Patriarchæ eximuntur, *Ibid.*

Romanus Pontifex, an potestatem concedendi revisionis acceperit à Christo Domino, an verò à Laica Regum violentia? 248

Romanus Pontifex caput, supremus ac universalis Medicus totius Ecclesiæ, 862. 863 per se sine generali Synodo sufficit, ut adjuvet orbem terrarum. 860. 861

Romanus Pontifex deponit Bassianum ab Ephesino Clero, & populo, & Episcopis inthronizatum Ephesium Episcopum, 75

Romanus Pontifex est Christi Vicarius, 118. Laboretur, qui hunc titulum putant olim fuisse communem omnibus Episcopis. *Ibid.*

Romanus Pontifex in generali Synodo habet duplex privilegium, jus relationis, seu propositionis, & prærogativam Suffragii. 300. Item judicii conclusionem. 336

Romanus Pontifex in Synodo intra Italiam collecta solus decedit. 47. Alii non possunt nisi solo consilio suffragari. *Ibid.* Eandem authoritatem habet in Patriarchali Synodo totius Occidentis. *Ibid.*

Romanus Pontifex potest quorumvis Episcoporum ac Synodorum judicia, etiam iusta, per rationabilem gratiam solvere. 167

Romanus Pontifex potest solus sine Synodo damnare, ac deicere Patriarchas, 81. 790. 873. Suo jure potest in locum degradati consecrare successorem. 81. Prima de aliis, tam Provincialibus, quàm Metropolitae Orientalium Episcopis cognitio, licet fieri possit per Patriarcham, aut Metropolitam, devolvi potest etiam ad Pontificem, 81

Romanus Pontifex quandoque consuluit digniores Synodos, aut clariiores Episcopos, sicut hoc tempore Romanus Pontifex subinde consulit Theologos suos, aut qualificatores, 810. Subjectos suæ Metropoli Episcopos potest solus degradare, cum consilio

- consilio tamen non Concilio quinque aut septem Episcoporum. **72. 73**
- Romanus Pontifex totius occidentis Patriarchale caput. **21. 1.** Ad ejus Synodum, & consecrationem spectant subditi Episcopi. *Ibid.* Iure illo, quod non soli Constantinopolitani per Chalcedonense Concilium, sed & Nicæni Canones confirmant omnibus Patriarchis, Neno Patriarcham Romanum exiit, adeoque illud manifestè retinet. *Ibid.*
- Romanus Pontifex tempore Zoymi simpliciter se scribit *Episcopum* sine contractione ad Romanam civitatem, eò quod sit universalis Episcopus; **676.** propterea in antiquis Synodorum Actis inscriptus: *Episcopus Catholica Ecclesia Urbis Romæ*, **901**
- Romanus Pontifex teste Tertulliano passim inscribatur *Pontifex Maximus*, ac *Episcoporum Episcopus*. **393.** S. Papa Stephanus ita videtur inscripsisse seipsum. *Ibid.*
- Romanus Pontifex visus nunquam est indui ornamentis Imperialibus, nisi unicus Bonifacius octavus, **463**

## S.

- S**abinus quomodo in Basilidis locum sit superordinatus? **52**
- Saccus apud Græcos erat vestimentum oblongum & strictum simile saeco. **456, 456.** Omophorion ipsi super imponebatur, adeoque saccus non erat Omophorion. *Ibid.*
- apud Græcos semper fuit albus. **460.** Usui non fuit nisi in tribus Domini festivitatibus, nimirum Magno Paschate Domini, Pentecoste, & Natali Christi. *Ibid.*
- Sacerdos, vox apud antiquos comprehendit & Episcopum & Presbyterum, **576**
- Sardica est Illyrici civitas, & non extrema Metropolis Diocæseos Illyricæ, **309; 327**
- Sardicensem Synodum Constantinus Imperator voluit fieri iura suum imperium, ut omnia permitteret Episcopis & sacris Canonibus. **231.** Eam Romana Ecclesia semper

- est plurimum venerata, **260. 261**
- Sardicenses Canones, cur inscripti non fuerint in Africanum Codicem? **31.** Africa, etiam ipsi Augustino ignoti, **52. 131. 664**
- Quam ob causam? **772. 733**
- Sardicenses Canones in Gallia semper floruerunt. **28. 126. 127 & seq. 311. 312. & seq.**
- Ibidem diu admissi ante Codicem Dionysii Exigui. **126.** Illis subscripserunt S. Maximinus Trevirensis, Eujhras Colonienfis, Servatius Tongrensis, alique plures Gallicæ Episcopi. **12. 28. 127.** Non fuerunt in Gallia ignoti usque ad secundam Regni Dynastiam. **344**
- Sardicenses Canones in Illyrico conditi, **354.** à Gaudenio Illyriciano postulant. **327 354**
- Sardicenses Canones plene viguerunt in Illyrico. **327. & seq.** Item in Ecclesia Græca, ac Latina, sicut & Africana Ecclesia **158**
- Valentinianus Imperator iudicat secundum Canones Sardicenses, adeoque viguerunt per totum Imperium, **310**
- Sardicenses Canones tantum innovant ac stabiliunt antiquissimam Appellationis formam. **178. Canonis 3. & 7.** explicatio per D. Ambrosium & omnes Episcopos, qui eum ipso assederunt S. Damaso Pontifici in Romana Synodo. **147.** Sub appellationibus Episcoporum comprehendunt etiam Clericorum appellationes, **367**
- Sardicenses Canones tribuunt Pontifici plenissimam appellatæ causæ ad suum tribunal evocandi potestatem. **63. 8.** Cur Concilii Præses Hosius expressit solam delegandi potestatem. *Ibid.*
- Sardicenses Canones usurpati pro Nicænis. **125. 189. 310. 621. 664. 737.** Quam ob causam? **734. 727** Sunt expositio & adiumenta ad Nicænos, sicut Symbolum Constantinopolitanum Nicæno additum, retinuit nomen. **73. 2.** Innocentius I. utitur eadem phasi & modo loquendi. *Ibid.*
- Canones Sardicenses eodem volumine descripti cum Nicænis. **727.** Codicem nobis produxit Quæfnellus. *Ibid.*

Sardi-

Sardicenfis Synodo, an & qui fubfcripferint? 316. 317. 319. Subfcripferunt non tantum quoad S. Athanafii reftitutionem, fed omnibus Actis, 324

Sardicenfis Synodus an fuerit vetaciter Oecumenica & generalis? 213. 182. 316. & feq. Baronii & Petonii hac de re decidenda controverfia. *Ibid.* Non defuit eſſe oecumenica ob Eufebianæ factionis fugam. 315. 321

Sardicenfis Synodus, cur dicatur fuiſſe Occidentaliſ. 321. 323. Eufebianam Sycophantiam damnat, & Julii Pontificis Acta confirmat 146. Fuit indicta propter ſchiſmaticas quæſtiones Eufebianæ factionis contrâ Romanæ Eccleſiæ Primatum & Hierarchiam Monarchicam, 315

Sardicenfis Synodus non dedit temperamentum Appellationum pro ſolo Occidente. 182. Theodorus Ballamon malè docuit valere pro ſola Occidentali Eccleſia. 315. Item, ſchiſmaticus Scriptor, quem refutat Chelolicus contra Græcos tractatus olim rephertus in Conſtantinopolitano conventu Fratrum Prædicatorum. *Ibid.*

Sardicenfis Synodus non deſtitit fuiſſe Oecumenica, quod Orientales aliqui non comparuerunt. 324. Abſentes per dolum, vel culpam nihil detrahunt Oecumenicæ Concilii dignitati. 324. 325

Sardicenfis Synodus non ex delegatione Principum, ſed ex auctoritate Julii Pontificis peracta. 230. 231. & ſeq.

Sardicenfis Synodus non introduxit Romanas appellationes. 121. Plurimi antea Romanam appellaverunt. 120. 121. Non prima cæpit honorare S. Petri memoriam. 327. Sardicenfis Synodi nomine S. Auguſtinus inſiſſeſcit epistolam conventiculi Philippo politani. 729. 730

Sardicenfis Synodus non ſolam retractationis poteſtatem fecit Romanis Pontificibus, ſed etiam decrevit de Appellationibus. 121. Dat non ſolum devolutivum, ſed & ſuſpenſivum effectum. *Ibid.* Imò, hanc à

Chriſto donatam, per Apoſtolos ordinatam, & confirmatam à Nicæna Synodo, ſolummodò innovat. *Ibid.* Non læſit jura

Conſtantinopolitanæ Eccleſiæ? 260

Sardicenfis Synodus ſtatim admiſſa ab Orientali Eccleſia. 124. Opponiſſe Eufebiana factio. *Ibid.* Photius primus Sardicenfes Canones arierat. 126. Univcrſæ, utique Orientalis, Eccleſiæ Codex non continet Sardicenfes Canones. *Ibid.* Sardicenfes Canones tempore S. Leonis vigerunt per totum Orientem. 132

Sardicenfis Synodus, utrum fuerit prior Arabicis Canonibus? 108. Zozimus ex vetuſto Romanæ Eccleſiæ more Sardicenfes Canones ſimul cum Nicænis in unum corpus accumulavit. 111

Sardiceniſium Canonum, cur non meminerit Synodus Romana, cui interfuit S. Ambroſius? 295

Sardiceniſium Canonum, ſatente Petro de Marca uſus antiquus apud Orientales. 310. Orientalium Antiſtim Romanæ appellationes nobis perpererunt iſtos Canones. *Ibi.* S. Athanaſius, non per ſolam Egyptum, ſed etiam apud Hieroſolymam Synodaliter eos publicavit, & eoſdem ſubſcribi fecit à melioribus Orientis Episcopis. *Ibid.* & ſeq.

Sardinia proprium ſemper habuit Metropolitam. 302

Saturnini Arelatenſis excommunicatio, an ad Romanam Sedem relata. 242

Secundus T. giſtitanus Episcopus Cecilianum ad Synodum evocar, quem nolentem comparere pro confefſo habuit, & damnavit in contumaciam. 69

Sedes Apoſtolica, quid ſit? 288

Seleucienſis Synodi tempore fuit appellatio à Provinciæ Synodo ad Patriarchalem. 236

Sicilia olim ſpectabar ad Metropolitica ſubjectionem Romani Pontificis. 73. Uſque ad Leonis Iſauri imperium nullos habuit Metropoliſ. 474

Simplicius Pontifex Jurisdictionem exercet in Timotheum ſalophaciolum Patriarcham

H h h h h h Alex.

- Alexandrinum.** 79  
**Sirici Pontificis epistola in Africam missa dis-**  
*cutitur.* 398. & seq.  
**Sitienfis Provincia olim nec Primatem ha-**  
*bebat, nec Synodum.* 389. *Quandonam*  
*obtinuerit.* *Ibid.* 474  
**Socratis Historiæ fides parvi pendenda.** 239  
**Smyrniensis Synodi autoritas.** 233. 234  
**Stephanus Larissæ Episcopus Metropolitæ**  
*Thessalæ appellat ad Bonifacium II. Pon-*  
*tificem.* 349. 350  
**Stephanus Pontifex ante Nicænam Synodum**  
*Basilidis ac Martialis Hispanorum Antisti-*  
*tum damnationem Romæ retractavit.* 49.  
*51. 52. 146. Permittit sibi per negligentiam*  
*obrepi.* 52. *Primam de Martino cogni-*  
*tionem instituit, & primus ipsum dam-*  
*navit.* 104  
**Sticharion Græcis quid sit?** 457. 458. Est  
*idem quod nobis Alba.* *Ibid.* Græcis ali-  
*quando est tunica purpurea.* *Ibid.* Non est  
*ornamentum solis Patriarchis proprium.*  
*491. Balsamon id affirmat de solo undula-*  
*to stichario.* *Ibid.*  
**Stola.** tempore Victoris Carthagenensis Epis-  
*copi significabat pallium.* 518. *Olim ho-*  
*nestissima, manicata, talaris, fluens usque*  
*ad terram.* 447. *Eâ utuntur etiam hodie*  
*Græcorum Episcopi.* *Ibid.* *Vestis est mu-*  
*lieribus propria, quandoq; tamen virilem*  
*vestem significat.* *Ibid.* *suburbicariæ Pto-*  
*vincæ Romanis, quæ dicantur?* 302  
**Styagrio Episcopo Augusto-dunensi pallium**  
*cur à Gregorio M. concessum?* 475  
**Symonem Cyrenensem Crucis Dominicæ**  
*portatorem, Donatistæ dicebant fuisse*  
*Afrum, quod sanctus Augustinus meritiò*  
*negavit, cum certum sit manifestè Lybem*  
*fuisse.* 371  
**Symmachus Pontifex Æonium Arelatensem**  
*& Hefychium Viennensem Metropolitæ,*  
*aut certè ipsorum Vicarios ad primam in-*  
*stantiam evocat Romam.* 82  
**Synodi Agrippinensis Acta quibusdam viden-**  
*tur spurcia 55. 56. Non sine fundamento.*  
*Ibid.*  
**Synodi apud Afros, ut minimum semel in**  
*Anno celebratz.* 541. *Quo tempore ce-*  
*lebrarentur?* *Ibid.* *Quis fuerit locus ple-*  
*nariz per Legatos Synodi?* 542  
**Synodi Carthagenensis ad sanctum Bonifa-**  
*cium & Celestinum Synodales literæ, &*  
*omnia circa Apiarium acta, sintne legi-*  
*tima?* 699  
**Synodi generalis luminare majus est Roma-**  
*nus Pontifex recte Metrophane.* 320  
**Synodi generalis necessitas non oritur ab in-**  
*sufficiencia Pontificiæ authoritatis, sed ex*  
*difficultate executionis.* 843. *Synodo ge-*  
*nerali non est opus ad judicandum Epis-*  
*copos* 286  
**Synodo generali non est opus ad judican-**  
*dum Apostolicarum Ecclesiarum Episco-*  
*pos.* 286  
**Synodorum celebratio debet esse frequens.**  
*539 S. Bonifacius scribit apud nos Chri-*  
*stianitatem fuisse destructam, quod per*  
*octoginta Annos cessasset celebratio*  
*Synodorum.* *Ibid.*  
**Synodorum Provincialium judicia non sunt**  
*inappellabilia.* 222. 224. 326. *referuntur*  
*ad Romanum tribunal.* 802  
**Synodos celebrare in Ægyptiaca Diocesi**  
*soli Patriarchæ permillum, non Metropo-*  
*litis.* 347  
**Synodum facere sine autoritate Sedis Apostolicæ,**  
*nunquam licuit, nunquam factum est.* 848  
**Synodum generalem Carthagenensis Primas**  
*poterat indicare ante consecrationem.* 440  
**Synodum generalem esse supra Pontificem**  
*Launoyus malè colligit ex delegatione*  
*facta in Capuana Synodo.* 338  
**Synodus Constantinopolitana I. est Oecu-**  
*menica & una istarum quatuor, quas Gre-*  
*gorius M. uti quatuor sancta Dei Evangelia*  
*veneratus est.* 422  
**Synodus Diopolitana juxta Hieronymum**  
*miserabilis.* 722  
**Synodus Donatistarum apud cavernas suis**  
*extat apud S. Augustinum in secunda con-*  
*cione ad Palsimum trigessimum sextum.* 375  

**Celebrata**

# R E R V M E T V E R B O R V M.

- Celebrata quarti sæculi anno nonagesimo quarto. 410  
 Synodus Ephesina, an Oecumenica? 324  
 Synodus generalis convocari non debet per Principem, 316. Fallum tamen est, quod Synodus Sardicensis non fuerit convocata per Romanum Principem. *Ibid.*  
 Synodus generalis est commotio, non solius Ecclesiæ, sed etiam totius Reipublicæ, adeoque sine Principum permisso fieri nunquam potuit. 230. 253. Quandoque non solum modò est utilis, sed etiam necessaria. 806. 818. Non evectit supremam ac sufficientem autoritatem Sedis Apostolicæ. 843  
 Synodus generalis ut dicatur, quomodò requiratur quinque Patriarcharum præsentia? 319. 320. 321. Approbari debet à Pontifice Romano, 304  
 Synodus plena Provinciæ requiritur, vel certè prædeterminatus Episcoporum simul cum Metropolitano numerus ad Episcopum deponendum, vel criminaliter judicandum, 106  
 Synodus plenaria cujuscumque Provinciæ in Africa quomodò fieret. 328. 329  
 Synodus Romana tertia S. Damasi contra Appollinarium, &c. 869. 870  
 Synodus Thelensis Quæsnello videtur spuria ac supposititia; at sine sufficienti fundamento. 398  
*Sixtus vide Xystus.*

## T

- T**aurinensis Synodus, quid decreverit in causa Proculi Massiliensis. 86. Cassatur à Zozimo Pontifice. 87  
 Tertullianus I. apud Latinos Author Rebaptismi. 371  
 Theodoretus causam S. Leo non definivit, sed ipsum solummodò revestivit in Episcopum, totius causæ retractionem ac definitionem delegans Calchedonensi Synodo. 921

- Simile judicium in causa S. Athanasii, Maximi Cynici, S. Joannis Chrysostomi & S. Patriarchæ Ignatii, 921  
 Theodoretus Cyrensis ad S. Leonem appellatio, & in dignitatem Episcopalem per Synodum Calchedonensem restitutio. 609 898. 899. Non Laicam, aut Clericalem, sed Episcopalem communionem à Synodo Calchedonensi accipit. 904. Diffinitiva Synodi Calchedonensis sententia. 900  
 Theodoretus Cyrensis Canonum Sardicensium Catholica expositio. 149. Provocat immediatè, non ad generale Concilium, sed ad Pontificem, *Ibid.* 227. Ejus appellationi S. Leo defert effectum suspensivum. 150  
 Theodoro in Concilio non se opposuit Anastasius Episcopus Thessalonicensis nomine Illyricianorum Episcoporum. 921  
 Ejus vices egit Quintellus in Macedonia Heracleensis Episcopus. *Ibid.*  
 Theodoretum S. Leo non reparavit nullo habito judicio. 916. Sed neque restituit per mortui literis Anatolii Constantinopolitani, 917  
 Theodoretus ad S. Leonem scribit: *si Paulus praco veritatis, tuba Spiritus Sancti, ad Magnum Petrum se contulit, ut iis, qui Antiochia de legali conversatione ambigebant, explicationem ab illo referret, multo magis nos humiles, & pusilli ad Apostolicam Sedem vestram accurrimus &c.* 909. Videntur hæc literæ ipsum Appellationis instrumentum. 910. Fundamentum istius Appellationis non fuit libera electio, sed suprema Romanæ Ecclesiæ autoritas, 910. Quàm magnificè sentiat de Romanæ Ecclesiæ autoritate? *Ibid.*  
 Theodoretus, cur apud Romanam Sedem timuerit esse suspectus. 911  
 Theodoretus Cyrensis in Ecclesiastica Historia de S. Pontifice Julio S. Athanasii appellationem admittente ac ipsum revestiente, ita scribit: *Julius Ecclesiasticam sequens Regulam, & ipsos Romanos veniens*  
 H h h h h 2 *jussis*



*iussit & Divo Albano ad iudicium  
diem dixit.* 926

Theodoretus Cyrensis Romam appellans pe-  
tit, vel Romæ audiri, vel habitare, ac  
latitare in suæ professionis Monasterio.

897. 898

Theodoretus juxta Quænellum ab omni  
Hæresis macula mundus pronuntiatus fue-  
rat. 922. Non tantum adversus D. Cyrilli  
Alexandrini & Antiocheni Patriarchæ  
Joannis pacificatoria Acta, sed etiam  
adversus omnia sacro-sancti Ephesini  
Conciliigesta, appellavit ad Xyxtum III.

923

Theodoretus non idcirco asseritur à Sede  
Apostolica restitutus, quia D. Leo ipsum  
suæ communionis sinu fuit amplexus:  
sed quia D. Leo ei reddidit Episcopatum.  
929. Restitui non potuit à Constantino-  
politano, neque ab Antiocheno. Ibid.

Theodoretus D. Cyrillo etiam post mortem  
est hostiliter *adversatus*, 773. Multi existi-  
mant, quod Theodoretus in suis Dialogis  
per Eranisten intelligat D. Cyrillum. Ibid.  
Accusatur turbulentie, 774

Theodosius Imperator licet scientiâ modicus  
habuit tamen secretarios sacrorum Ca-  
nonum peritissimos. 793. 794. Hi judica-  
runt causam Eutychetis referendam esse  
Sedi Apostolicæ, 794

Theodosius Imperator, quid de Romanis  
Appellationibus senserit, 816. Synodum  
quomodo indixerit? 817. Quis fuerit  
successus? 817. Confirmat Ephesium  
latrocinium, 836

Theodorus Balsamon pertinax Michaelis  
Cæularii Sæctator contendit Sardicenses  
Canones pro Romanis Appellationibus  
valere pro sola Occidentali Ecclesia, 313

Theonis Villana Synodus Ebbontem Archi-  
episcopum Rhemensem ad cedendum  
Episcopatu induxit, eò quod non nisi per  
Papam, vel ejus Vicarios judicari posset,

83

1. Thomas Cantuariensis provocat ad Alex-

andum III. adversus suffraganeos & Regni  
Proceres, 83

Timotheus Apollinarii discipulus circumscri-  
bit s. Damasum, 867. Detectâ fraude ab  
eodem damnatur, 867. & seq.

s. Timotheus Pallium acceperat à s. Paulo, 326

Timotheus Salophaciolus Patriarcha Alexan-  
drinus permisit sibi extorqueri, ut dam-  
nati Dioscori nomen inter altaria recita-  
retur, 78. 79. Ex timore Eutychianorum  
& pacis causâ id fecit, erat tamen gravissi-  
mum delictum, 79. Errorem agnovit, &  
rasis Dioscori nomen, pollicitusque me-  
liora humiliter postulavit veniam, Ibid.  
Traitoria damnationis epistola solebat ab  
Ecclesia Romana mitti ad omnes sub Cælo  
Ecclesias, 70

*Traitoria*, seu literæ traitorie quid sint? 329

Quidam Codices malè legunt *traitoria*,  
330. Vocis *traitoria* variaz significationes,

330 & seq.

Transmarina Ecclesia idem est Afris, quod  
Romana, & transmarinum iudicium idem  
est quod Romanum tribunal, 385. 397.  
sic intellexit D. Augustinus, & Africanæ  
Synodi, 398. Cur D. Augustinus, cum de  
Cæciliani causa agit, passum adjungat om-  
nes Apostolicas Ecclesias, Ibid.

Tridentinum fuit veraciter ac plenè Oecu-  
menicum, quamvis Patriarchæ Orientis  
cum suis Episcopis abfuerint per Hæresim,  
ac rebellionem, 321

Trophinius Episcopus lapsus putatur plenè  
reparatus, 51

Tuentius ordinatus prætermisso Metropolitano  
Arelatensi, 95. Fuit Priscillianista, &  
Synodaliter damnatus refugit ad Sedem  
Apostolicam, poenitens supplicat & accipit  
gratiam Ibid.

*Tunica*, quid apud Theophanem designet? 445. Nos Latini hodie appellamus *Rocha-  
tum*, Ibid. Græcorum Episcopi non utun-  
tur. Ibid.

Typhus Romanorum quis fuerit, quæm Afri  
protestabatur se nulla ratione passuros, 665  
Valentinianæ

V

**V** Alentiniani Imperatoris de Appellationibus constitutio, non impingit in Canones. 135. Commendatur ab Hilario Pontifice, Ludovico Pio & ab ipso Petro de Marca, 137. Item ab Honorio Pontifice, Ibid.

Valentinianus Imperator affirmat Romanæ Sedis de appellationibus Privilegia esse longè antiquissima, 22. Ab eo S. Leo non postulavit legis adiutorium. 34. Valentinianus plene confirmat Pontificis iudicium, Ibid.

Valentinianus Imperator suæ potestatis limites non excessit in causa Hilarii Arelatensis, Ibid.

Valentinianus III. varia de Romani Pontificis autoritate scribit adversus Theodosium Imperatorem, 832, 833. Censet, quod totius Mundi Episcopos congregare, & in ista Synodo sententiam definitivam ferre spectet ad Romanum Pontificem, 833

Valentinus Numidæ Primas, cur in Carthagenensi Synodo sederit ante Faustinum Potentinæ Ecclesiæ Episcopum Legatum Romanæ Ecclesiæ? 403

*Vel.* Particula hæc sumitur pro copulativa, etiam apud Canones, 401

Venethalenis quænam Synodus intelligatur apud Leonem Accridensem non constat. 262

Victor Pontifex primæ instantiæ iudicium exercuit in Ephesinum Polycratem, 78

Victor Vitenfis fuit Orthodoxus Episcopus, 739

Vigilii Tapfensis Episcopi de Numero Episcoporum Sardicæ congregatorum sententia, 317

Visitatorem dari Romano Pontifici Canones prohibent, 418

*Visitator*, id est Rector Vicarius datus Ecclesiæ viduatæ, 418. Appellabatur etiam *Inter-ventor*, Ibid. Hoc munere passim functus

vicinus Episcopus, Ibid. Afris datus, ibid. Clericus, Ibid.

Vitalis licet à nulla Synodo damnatus, tamen à multis diffamatus & accusatus accedit Damasum. 868. solus eum absolvit, & contra istud iudicium nemo umquam Græcus excepit ob defectum authoritatis, 869

Vitalis licet detectus, à S. Cyrillo in Libro ad Reginas adducitur inter authentica SS. PP. testimonia, 869

Urbani Siccensis Episcopi Romana Appellatio, 650. 651. Ex Hipponensi Clericorum Monasterio promotus est ad Episcopatum. 651. Ejus frequenter meminit S. Augustinus, Ibid. Successit Fortunatiano. Ibid. Fuit author famosæ, ac infelicis cum Apinario controversiæ, 652. jubetur ab Urbano corrigere vias suas, 660

*Urbicaria Provincia*, quid Romanis fuerint? 302. Urbicariæ Provinciæ decem recensentur, Ibid. Omnes exceptâ Sardinia immèdiato Metropolitico jure suberant Romano Pontifici, 308

Ursi & Tuentii ordinatio discussa, 95

Ursicini Antipapæ, licet Coloniam relegati factio, graviter vexavit Ecclesias, 74

X

**X** Antippus apud Augustinum mendosè scribitur *Tagasensis Episcopus*: legendum videtur *Xantippus Tigifensis*, 533

*Xystus Pontifex* in causa Iddux Smyrnenfis Episcopi non est usus Apostolico pectore, 348. Anathema dicit Pelagio & Celestio, 718

Xystus III. comparatus Patriarchæ, ac Prophetæ Moyfi. 849. 859

Xystus III. quid præstitit in negotio appellationis ad se factæ per Eutherium Thianensem, & Helladium Tharsensem Metropolitam. 861

# INDEX RERUM VERBORUM.

Z

**Z**ephyrinus primus author clementie erga Mochos. 172

**Zozymi** epistola ad Simplicium Viennensem per Joannem à Bosco Parisiensem adducta est legitima. 103

**Zozymi** Pontificis Acta circa Apiarium Presbyterum, 660. Admisit Apiarium appellan-tem ad judicium retractatorium, *Ibid.* In causa Apiarii non fuit subreptione prae-ventus, 650. Misit in Africam quatuor Capitula, mandans tria priora deinceps observari, 650. Reparatio Apiarii fuit va- lida, at illegitima, 579

**Zozimus** à Celestio deceptus, 713. Circa personam, non circa dogma *Ibid.* 714. Non tamen temerè proccellit, *Ibid.* Edidit celeberrimam ad omnes sub Cælo Ecce-lesias Tractoriam, quâ Celestii, & Pelagii dogmata damnantur, & omnes sub Cælo Episcopos jussit subscribere. 718. Latet, aut perit ista epistola, 721. Julianus Ecla- nensis pertinacissimè detrectat illi subscri- bere, & appellat ad generale Concilium, 719

**Zozymus** appellan-tem Celestium non admi-

sit, nec absolvit. 559. Ob Celestii aut Pelagii causam non misit Legatos in Afri- cam, *Ibid.* Nolu- ex Africa evocare Accu- satores, & Adversarios Celestii, nisi prius cognovisset esse verisimile viri corrigendi fundamentum. 713. Resumptam Celestii appellationem admittit, *Ibid.* In cunctis circa Celestium gestis, & scriptis Aposto- licam veritatem non est pravaricatus, teste Augustino insigniter id demonstrante. 721

**Zozymus** cum Clero Romano à Iuliano Eclanensi calumniosè accusatur. 719

**Zozymus** Heroten, & Lazarum ab omni communionem submovit, 35. 92. 93. Cau- sam Urbi ac Tuentii Gallorum discutit, 36. Ad se trahit primam instantiam Proculi Massiliensis Episcopi, 69

**Zozymus** Sardicenses Canones, an primus agnovit? 305. Sardicenses Canones, cur scripserit esse Nicænos? 732. Hujus locutionis non fuit primus Author, 733

**Zozymus** quando obicit? 666

**Zozymus** suam Tractoriam, unâque Imperialem legem misit ad Orientales Ecclesias, 722. Etiam Hierosolymam, propter Pray- lium Ioannis Hierosolymitani successio- rem. 722

## ERRATA SIC CORRIGE.

**F**ol. 16. Impatiens lege impatienter. 19. axaltate l. exaltate. 23. Religiosi l. Religiosi. 24. deliquisse l. deliquisse. 25. à silentium l. ad silentium. 34. eterem l. Verem, item: perdidit l. perdidit. 65. Apo- stolam l. Apostolicam. 39. flagellat. pagella. 50. jupicium l. iudicium. 51. argiri l. laugiri. 59. fuisse l. fuisse. 67. Imperator l. Imperator. item: omium l. omnium. 71. consuevit l. consuevit. 76. cotam Deo l. coram Deo. 83. cerum est l. certum est. 101. segagatum l. segregatum. 102. rugit l. fugit. 104. Evince- rimus l. Evincimus. 112. Pulahum l. Eulalium. item: affirmaus l. affirmamus. 114. rovincia l. Provincia. 122. etui l. Petri. 218. sexennio l. lexennio. 224. argumenta l. argumenta. 229. Padem l. Eadem. 232. cornem l. enocnem. 241. inappellabilem l. inappellabilem. 249. projiciuntur, & conculcantur, l. projiciuntur & concul- cantur, item: renovenus l. renovemus. 265. unquam. l. unquam. 271. urist l. urist. 280. fensit l. fensit. 282. nullum l. nullum. 298. hæstavarat l. hæstaverat. 345. recogoncas l. recogoncas. 355. translationem l. transla- tionem. 365. miiretet. l. mitteret. 384. nescio l. nescio. 390. viderit l. videtur. 402. rimatu l. Primatu. 413. shismatis l. schismatis. 443. deniare. l. deviare. 444. excolatut l. excolutur. 450. humeres l. humeros. 456. pradiissimum l. euditissimum. 493. Palli l. Pallii. 497. dederat l. dederat. 498. Amoecephali l. autocephali. 516. consilustrione l. constructione. 551. Serdicensium l. Sardicensium. 555. Catholicem l. Catholicam. 597. Mateum l. Marcum. 613. iudicium l. iudicium. 624. pravaricacem l. pravaricacem. 635. relutatu l. relutatu. 636. Africana l. Africana. item: S. Augustinus l. S. Augustinus. 655. Provincæ l. Provincæ. 763. Nestorum l. Nestorum. 765. iudicium l. iudicium. 771. divolvitur l. devolvitur. 808. Entychem. l. Eutychem. 813. ceu- venit l. conveit. 825. propterea l. propterea. 830. nenatus l. renatus. 843. graullant l. graffant. 866. com- gregatos l. congregatos. 901. restatur l. restatur. item: assentur l. assentur.

Cetera Candidus Lector per se faciliè expurgabit.















